


5131

BOERHAAVE
CHEMIA

TOM II


5131







Harris



1771

JOHANNES BAPTISTA ROGER

JOHANNES BOERHAAVE

OPERATIONES CHIMICAE

1771

1771

1771

1771

1771

1771

E L E M E N T A C H E M I Æ.

Q U Æ

ANNIVERSARIO LABORE DOCUIT,
IN PUBLICIS, PRIVATISQUE,
S C H O L I S,
HERMANNUS BOERHAAVE.
T O M U S S E C U N D U S,
QUI CONTINET
OPERATIONES CHEMICAS.

EDITIO ALTERA, LEYDENSÌ MULTO CORRECTIOR
ET ACCURATIOR,

Cui etiam accessere ejusdem AUCTORIS OPUSCULA omnia quæ
hactenùs in lucem prodierunt : EA priùs quidem sparsim edita,
nunc verò in unum collecta atque digesta.



P A R I S I I S,

Apud GUILLELMUM CAVELIER, Viâ Jacobeâ,
sub Signo Liliæ Aureæ.

M. DCC. XXXIII.

Cum Approbatione, & Privilegio Regis.



CONSPECTUS

SERIEI

CHEMICARUM OPERATIONUM

AD LEGES DISCIPLINÆ.

PARS I. IN VEGETANTIA.

P ROLEGOMENA.	pag. 1	ris, ut à Pharmacopolis parari solet. 31
PROCESSUS I. <i>Aqua stillatitia</i> , vaporis specie exhalans, de planta, calore æstivo, Rosmarino.	9	PROCESSUS XII. <i>Sal Vegetantium acer</i> , alcalinus fixus, igneus, ejusque liquor, quod Oleum per deliquium appellant. 32
II. <i>Infusum</i> , & <i>Decoctum</i> , ex residuo Processus primi.	13	XIII. <i>Sal acerrimus</i> , Alcalinus, igneus, cum Calce viva. 38
III. <i>Sapa</i> , <i>Defrutum</i> , <i>Extractum</i> , <i>Rob</i> , <i>Gelatina</i> , ex producto Processus secundi.	16	XIV. <i>Alcali acre</i> , fixum, vegetabile, dat Salem amarum, crystallinum, durum, fixum, non alcalinum, subvitrescentem. 42
IV. <i>Herbæ</i> post Processum secundum superstitis, insipide, inodore, insulse, nativam tamen figuram retinentis, combustio in cineres insulsos, pristina formæ,	18	XV. <i>Aqua stillatitia vulgaris</i> , per vesicam, herbæ recentis, Rosmarini. 43
V. <i>Parata Processu tertio exusta</i> dant cineres salsos.	20	XVI. <i>Aqua stillatitia vulgaris</i> per vesicam, repetita cum nova herbâ recenti (cohobata) Rosmarino. 47
VI. <i>Planta recens</i> , vel residua à Processu primo, exusta dat cineres salsos.	22	XVII. <i>Aqua stillatitia vulgaris</i> per vesicam, herbæ recentis, Rosmarini fermentata, more Ludoviciano. 51
VII. <i>Sal nativus plantarum paratus de succo illarum recens presso</i> . Hic <i>Acetosa</i> .	23	XVIII. <i>Aqua stillatitia vulgaris</i> , per descensum, de herbâ recenti, Rosmarino. 54
VIII. <i>Sal nativus plantarum de succo illarum fermentato</i> . Qui lapis Vini vel Tartarus.	25	XIX. <i>Ex residuis Processuum</i> 15, 16, 17, 18, crematis Cineres salsi, ut ex Processu 5, 6, 9, 10, 11 55
IX. <i>Sal ex herbâ viridi</i> , Rosmarino, cremata igne, more Tacheniano.	26	XX. <i>Oleum Plantarum nativum pressu electum de Plantis</i> . De Amygdalis. 57
X. <i>Sal de herbâ sicca cremata Tachenianus</i> . Ex Carduo Benedicto.	30	XXI. <i>Olea nativa cum propriis corporibus trita cum aqua præbent Chylum, Lac, Emulctum</i> . Exemplo sint Amyg-
XI. <i>Sal de planta recenti cremata vulga-</i>		* ij

C O N S P E C T U S S E R I E I

dale.	61	PROCESSUS XL. Balsama odorata ante facta, de Oleis stillatitiis (23-29) Cera, & Pomato.	101
PROCESSUS XXII. Olea nativa Plantarum, sola coctione cum aqua parata.	63	XLI. Farina quævis, etiam frumenti corrupti, quam Maltam vocant, cum aqua dat Aquam stillatitiam inertem.	102
XXIII. Olea stillatitia per vesicam, Essentialia vulgo dicta. De foliis, vel fronde viridi, Sabinæ.	64	XLII. Mel aqua dilutum in Mulsam, dein destillationi simili adhibitur, dat aquam solo odore Mellis perfusam.	103
XXIV. Olea stillatitia de Foliis siccis, per vesicam parata. Menthæ.	68	XLIII. Farina & Maltum, subacta idonea aquæ copia, fermentant.	119
XXV. Olea stillatitia de Floribus, Lavandula.	68	XLIV. Mel aqua dilutum fermentat.	120
XXVI. Olea stillatitia de Seminibus. Fœniculi.	69	XLV. Maltum & Farina fermentata (43.) destillant in Spiritus ardentis, & Acetum.	121
XXVII. Olea stillatitia de Hypocarpiis, Clavis dictis, Caryophyllorum aromaticorum, Moluccanorum.	72	XLVI. Hydromel, fermentatione productum (44.) destillatum dat Spiritus ardentis, & Acetum.	121
XXVIII. Olea stillatitia de ligno Sassafras.	73	XLVII. Depuratio Spirituosorum Liquorum, qui fermentatione producti sunt.	122
XXIX. Olea stillatitia de Corticibus Cinamomi.	74	XLVIII. Alcohol de Spiritibus Fermentatis (45. 46. 47.) sine addito.	123
XXX. Olea stillatitia per descensum. Caryophyllorum.	76	XLIX. Alcoholis productio per Alcalia.	127
XXXI. Rob productum de Residuo Processuum 23. ad 29.	82	L. Aceti origo.	129
XXXII. Olea stillatitia, Acetum, Spiritus, Oleum duplex, Carbo, & Cinis, de Ligno Guajaci, destillatione ex retorta, sine ulla re addita.	83	LI. Aceti destillatio in Aquam acidam, Spiritum acidum, extractum, Sappam, Tartarum, Oleum.	134
XXXIII. Aqua, Spiritus, Sal volatile alcalinum oleosum, Oleum, Carbo, de semine Sinapis, ex retorta destillato.	87	LII. Aceti stillatitii Rectificatio per se.	136
XXXIV. Oleorum separatio à cæteris in destillatione una conjunctis, quæ horum depuratio, conservatio, mutatio in Balsamum, & Resinam.	89	LIII. Aceti stillatitii Rectificatio ope Æruginis.	137
XXXV. Acetum, Spiritus, Oleum duplex, Resina, Colophonia, destillatione per retortam facta, de Terebinthina.	91	LIV. Tartari generatio ex Vino.	139
XXXVI. Aqua, Acetum, Spiritus fætidus, Butyrum, destillatione ex retorta, educta de Balsamo per apes collecto, quæ Cera appellatur.	96	LV. Tartari resolutio destillando in Aquam, Acidulum, Spiritum, Oleum, Salem alcalinum fixum.	140
XXXVII. Butyri Cera iterata destillatione ex retorta in Oleum liquidum conversio.	98	LVI. Tinctura gummi Lacce, per 12. 55. 47. 48. 49.	142
XXXVIII. Eleosacchara medicata.	99	LVII. Tinctura Myrrhæ, per 12. 55. 47. 48. 49.	144
XXXIX. Potus Medicati ex (9. 10. 15-18. 23-31.)	100	LVIII. Tinctura Succini, per 12. 55. 47. 48. 49.	144
		LIX. Tinctura Benzoini, ope 47. 48. 49.	146
		LX. Tinctura Guajaci, ope 47. 48. 49.	146

CHEMICARUM OPERATIONUM.

PROCESSUS LXI. <i>Tinctura Scammonei</i> , per 47. 48. 49. 147	PROCESSUS LXXV. <i>Tartari Tartari-</i> <i>sati confectio.</i> 165
LXII. <i>Potus purgans ex (61), Sudori-</i> <i>fer ex (60).</i> 148	LXXVI. <i>Tartarus regeneratus.</i> 166
LXIII. <i>Lac Virginis ex (59).</i> 149	LXXVII. <i>Tinctura Tartari Tartarisati.</i> 169
LXIV. <i>Resine ex (60. 61).</i> 150	LXXVIII. <i>Tartari regenerati dissolutio</i> <i>in Alcohole.</i> 169
LXV. <i>Extracta quæ vocantur Essentialia</i> , <i>de Croco per 48.</i> 152	LXXIX. <i>Tinctura Salis Tartari Har-</i> <i>veyana.</i> 170
LXVI. <i>Extracta Essentialia dicta de</i> <i>Camphora, per 48. 49.</i> 154	LXXX. <i>Tinctura Salis Tartari Hel-</i> <i>montiana.</i> 171
LXVII. <i>Quinta Essentia Chemicorum</i> <i>dicta ex 23-30. & 48. 49.</i> 155	LXXXI. <i>Elixir Proprietatis ope Aceti</i> <i>stillatitii.</i> 174
LXVIII. <i>Quinta Essentia sicca parata</i> <i>de 65. 67. cum Saccharo.</i> 156	LXXXII. <i>Elixir Proprietatis ope Aqua</i> <i>stillatitia.</i> 175
LXIX. <i>Spiritus aromaticus simplex, de</i> <i>Floribus Lavandulæ.</i> 157	LXXXIII. <i>Elixir Proprietatis ope Al-</i> <i>cali fixi. (12.)</i> 175
LXX. <i>Spiritus aromaticus, simplex, de</i> <i>foliis siccis Menthæ.</i> 158	LXXXIV. <i>Elixir Proprietatis ope Tar-</i> <i>tari tartarisati.</i> 176
LXXI. <i>Spiritus aromaticus, simplex,</i> <i>de foliis viridibus Rosmarini.</i> 159	LXXXV. <i>Elixir Proprietatis ope Tar-</i> <i>tari regenerati.</i> 177
LXXII. <i>Spiritus aromaticus compositus.</i> 159	LXXXVI. <i>Analysis Fuliginis.</i> 178
LXXIII. <i>Sapo de Oleis pressis, & Al-</i> <i>cali fixo, (13.)</i> 161	LXXXVII. <i>Analysis Succini.</i> 180
LXXIV. <i>Sapo de Oleo stillatitio, &</i> <i>Alcali fixo (12.)</i> 163	LXXXVIII. <i>Putrefactio Vegetantium.</i> 181

P A R S I I. I N A N I M A L I A.

P ROLEGOMENA. 185	<i>est alcali, sed salsa, foetida, nec ta-</i> <i>men vere saponacea.</i> 194
PROCESSUS LXXXIX. <i>Lac Bubulum</i> <i>recens non acet, non habet alcali,</i> <i>vix salsum, nec spiritus habet (45-</i> <i>49.)</i> 188	XCV. <i>Urina eadem inspissata ad qua-</i> <i>dragesimam, dein destillans mista cum</i> <i>arena, dat Spiritum alcalinum, Sa-</i> <i>lem alcalinum volatilem, Oleum fœ-</i> <i>tidissimum, Fœcem salinam.</i> 195
XC. <i>Lac Bubulum recens cum acidis coa-</i> <i>gulatur, & in calore ebullitionis.</i> 189	XCVI. <i>Urina recens inspissata destillat</i> <i>cum Alcali fixo.</i> 197
XCI. <i>Lac Bubulum recens ebulliens ad</i> <i>ignem cum alcali fixo coagulatur, fla-</i> <i>vet, rubet.</i> 190	XCVII. <i>Urinæ recenti sanorum, inpri-</i> <i>mis inspissata, admista calx viva con-</i> <i>ciliat Spiritum igneum, non alcali-</i> <i>num.</i> 198
XCII. <i>Lotium non acet, non alcali est,</i> <i>sed foetidum.</i> 191	XCVIII. <i>Sal natus Urinæ.</i> 199
XCIII. <i>Urina recens destillans vasis clau-</i> <i>sis, dat aquam foetidam, nauseosam,</i> <i>non alcalinam, nec acidam, nec sali-</i> <i>nam, nec spirituosam, ut vina.</i> 193	XCIX. <i>Lac digestum ejicit Cremorem,</i> <i>ascitque.</i> 200
XCIV. <i>Urina recens, residua post Pro-</i> <i>cessum precedentem, non acet, non</i>	C. <i>Lotium digestum alcalescit, colorem,</i> <i>odorem, saporem, vires mutat.</i> 202
	CI. <i>Lotium digestum, destillans dat Spi-</i>

C O N S P E C T U S S E R I E I

<i>ritus alcalinos , Oleum foetidissimum ,</i>	PROCESSUS CXV. <i>Serum sanguinis, digestum , putrescit.</i>	221
<i>Salem volatilem alcalinum oleosum ,</i>	CXVI. <i>Serum sanguinis in aqua bulliente coit.</i>	222
<i>Phosphorum , Salem marinum.</i>	204	
PROCESSUS CII. <i>Salis Ammoniaci ortus.</i>	206	
CIII. <i>Sal Ammoniacus nec acidus est , nec alcalinus.</i>	207	
CIV. <i>Sal Ammoniacus sublimari potest in Flores.</i>	208	
CV. <i>Sal Ammoniacus cum Calce viva dat Spiritum igneum , similem Processui (97.)</i>	209	
CVI. <i>Sal Ammoniacus cum Alkali fixo destillans , dat Spiritus alcalinos , & Salem volatilem alcalinum.</i>	210	
CVII. <i>Examen Salis fixi , residui à Processu precedenti.</i>	212	
CVIII. <i>Sal alcalinus , volatilis , optimus , aut Spiritus alcalinus sincerus , & Spiritus Aceti optimus , dant Spiritum salsum.</i>	213	
CIX. <i>Albumen Ovi recentis , non acet , non alcali est , nec spiritus continet fermentatos.</i>	213	
CX. <i>Albumen tale calore ebullientis aquae in massam solidam coit.</i>	215	
CXI. <i>Albuminis ovi cum Alchhole exploratio.</i>	216	
CXII. <i>Albumen ovi recens destillando resolvitur.</i>	216	
CXIII. <i>Albumen ovi recens putrescit.</i>	218	
CXIV. <i>Serum sanguinis humani recens non acet , nec alcali est.</i>	219	
	PROCESSUS CXV. <i>Serum sanguinis, digestum , putrescit.</i>	221
	CXVI. <i>Serum sanguinis in aqua bulliente coit.</i>	222
	CXVII. <i>Serum sanguinis igne sicco coit.</i>	222
	CXVIII. <i>Serum sanguinis coit cum Alchhole.</i>	223
	CXIX. <i>Sanguinis analysis destillatione peracta.</i>	224
	CXX. <i>Ungulae equinae analysis destillatione peracta.</i>	226
	CXXI. <i>Depuratio , & separatio eorum quae destillando producta sunt ex Vegetabili alcaliente (33.) , vel exusto (86.) in Fuliginem , aut putrefacto (88.) ; aut ex Animalibus (95. 101. 112. 119. 120) ; depuratorum Vis.</i>	229
	CXXII. <i>Sapo ex Sale Alcalino puro , volatili , & Alchhole.</i>	234
	CXXIII. <i>Sal volatilis , aromaticus , simplex , Angelica.</i>	235
	CXXIV. <i>Sal Volatilis , aromatici , compositi productio.</i>	236
	CXXV. <i>Salis volatilis , aromatici , oleosae , singularis preparatio.</i>	236
	CXXVI. <i>Sal volatilis , oleosus , extemporaneus.</i>	237
	CXXVII. <i>Sanguinis phenomena , Serique ejusdem , cum aëre , aqua , igne , salibus , acidis , alcalicis , salsis , spiritibus , oleis , saponibus.</i>	238

P A R S I I I. I N F O S S I L I A.

I. In Sales.	PROCESSUS CXXXIII. <i>Sal Polychrestus.</i>	247
PROCESSUS CXXVIII. E <i>Xploratio Nitri.</i>	241	
CXXIX. <i>Nitri depuratio , crystallisatio.</i>	242	
CXXX. <i>Nitrum cum Tartaro fit Alcali per ignem.</i>	244	
CXXXI. <i>Nitri Alkali cum Prunis lignorum.</i>	245	
CXXXII. <i>Sal Prunella ex Nitro.</i>	246	
	PROCESSUS CXXXIII. <i>Sal Polychrestus.</i>	247
	CXXXIV. <i>Nitri spiritus Glauberi.</i>	248
	CXXXV. <i>Spiritus Nitri dulcis Glauberianus.</i>	250
	CXXXVI. <i>Redintegratio Nitri ex (130. 131. & 134.)</i>	251
	CXXXVII. <i>Nitrum regeneratum non fixum.</i>	252
	CXXXVIII. <i>Alcahest Glauberi.</i>	253
	CXXXIX. <i>Nitrum Nitratum.</i>	254

CHEMICARUM OPERATIONUM.

PROCESSUS CXL. *Nitrum Vegetans.*

	254
CXLI. <i>Spiritus Nitri cum Bolo.</i>	255
CXLII. <i>Salis Marini depuratio, cry-</i>	
<i>stallisatio.</i>	258
CXLIII. <i>Spiritus Salis Glauberi.</i>	259
CXLIV. <i>Spiritus Salis Marini cum Bo-</i>	
<i>lo.</i>	260
CXLV. <i>Sal mirabilis Glauberi.</i>	262
CXLVI. <i>Salis Marini regeneratio.</i>	263
CXLVII. <i>Salis Ammoniaci regeneratio.</i>	263
CXLVIII. <i>Tartarus Vitriolatus.</i>	264

II. In Sulphura.

CXLIX. <i>Sulphuris exploratio.</i>	266
CL. <i>Flos Sulphuris,</i>	267
CLI. <i>Sulphuris acidus Spiritus.</i>	268
CLII. <i>Sulphuris solutio in Alkali fixo.</i>	270
CLIII. <i>Sulphuris solutio in Alkali Vola-</i>	
<i>tili.</i>	271
CLIV. <i>Sulphuris dissolutio in Alcohole</i>	
<i>Vini.</i>	271
CLV. <i>Syrupus Sulphuris.</i>	272
CLVI. <i>Solutio Sulphuris in Oleo vege-</i>	
<i>tabili presso.</i>	273
CLVII. <i>Solutio Sulphuris in Oleo stil-</i>	
<i>latitio, vegetabili.</i>	274
CLVIII. <i>Sulphuris Balsami Sapo.</i>	275
CLIX. <i>Sulphuris Balsamus, aut Sapo,</i>	
<i>unitus Alkoholi.</i>	276
CLX. <i>Sulphuris ex Oleo & Acido con-</i>	
<i>fectio.</i>	276
CLXI. <i>Sulphuris ex Alcohole, & Aci-</i>	
<i>do confectio.</i>	277

III. In Metalla.

CLXII. <i>Ferri Vitriolum.</i>	279
CLXIII. <i>Vitriolum Martis cum Tarta-</i>	
<i>ro Ludovici.</i>	280
CLXIV. <i>Vitrioli Martis Calx, alba,</i>	
<i>cinerea, rubra.</i>	281
CLXV. <i>Martis liquor per deliquium.</i>	282
CLXVI. <i>Vitrioli Martis Tinctura au-</i>	
<i>rea.</i>	283
CLXVII. <i>Ferrum solutum in Vino Rhe-</i>	
<i>nano.</i>	283


PROCESSUS CLXVIII. *Ferrum solu-*
tum in Aceto.

	284
CLXIX. <i>Ferri sublimatio cum Sale Am-</i>	
<i>moniaci.</i>	285
CLXX. <i>Martis cum Sulphure lusus.</i>	286
CLXXI. <i>Plumbi Calx vapore Aceti.</i>	287
CLXXII. <i>Acetum Plumbi.</i>	289
CLXXIII. <i>Sal Plumbi cum Aceto.</i>	290
CLXXIV. <i>Sal Plumbi cum Spiritu Ni-</i>	
<i>tri.</i>	291
CLXXV. <i>Sal Plumbi per Alcalia tra-</i>	
<i>ctatus.</i>	292
CLXXVI. <i>Calx de Vitriolo Plumbi.</i>	292
CLXXVII. <i>Plumbi Balsamus cum Oleis</i>	
<i>pressis vegetabilibus.</i>	293
CLXXVIII. <i>Plumbi Balsamus cum oleo</i>	
<i>stillatitio vegetabili.</i>	294
CLXXIX. <i>Vitrum Plumbi.</i>	294
CLXXX. <i>Argentii puri solutio in Spiri-</i>	
<i>tu Nitri, vel in Aqua forti.</i>	295
CLXXXI. <i>Vitriolum Argentii.</i>	296
CLXXXII. <i>Caustica Luna. Seu Lapis</i>	
<i>Infernalis.</i>	297
CLXXXIII. <i>Hydragogum Argentum</i>	
<i>Boylei, vel Angeli Sala.</i>	298
CLXXXIV. <i>Argentum ardens.</i>	299
CLXXXV. <i>Argentii ex Spiritu Nitri</i>	
<i>solvente reductio.</i>	300
CLXXXVI. <i>Luna Cornea.</i>	301
CLXXXVII. <i>Stannum solutum Aqua</i>	
<i>Regia.</i>	303
CLXXXVIII. <i>Aëris solutio in Aceto</i>	
<i>stillatitio.</i>	303
CLXXXIX. <i>Solutio Aëris in Sale Am-</i>	
<i>moniaci.</i>	304
CXC. <i>Solutio Aëris in Aqua Forti.</i>	305
CXCI. <i>Solutio Aëris in Aqua Regia.</i>	305
CXCII. <i>Solutio Aëris in Alkali vola-</i>	
<i>tili.</i>	305
CXCIII. <i>Mercurii depuratio.</i>	306
CXCIV. <i>Argentii Vivi solutio in Aqua</i>	
<i>Forti.</i>	307
CXCV. <i>Argentii Vivi Vitriolum.</i>	308
CXCVI. <i>Mercurius præcipitatus albus.</i>	308
CXCVII. <i>Mercurius præcipitatus ruber.</i>	310

C O N S P E C T U S S E R I E I, &c.

PROCESSUS CXCVIII. <i>Mercurius sublimatus.</i>	311	PROCESSUS CCXVI. <i>Antimonii emeticum mitius.</i>	331
CXCIX. <i>Turbith Mercurii.</i>	313	CCXVII. <i>Stibium Diaphoreticum Nitratum.</i>	331
CC. <i>Oleum Mercurii igneum.</i>	315	CCXVIII. <i>Antimonium Diaphoreticum vulgare, Dulce dictum.</i>	332
CCI. <i>Mercurii Æthiops.</i>	315	CCXIX. <i>Nitrum Stibiatum.</i>	332
CCII. <i>Cinnabaris factitia.</i>	316	CCXX. <i>Sulphur fixatum Stibii.</i>	333
CCIII. <i>Mercurii Amalgama cum Plumbo, aliisque Metallis.</i>	317	CCXXI. <i>Destillatio Stibii in Butyrum glaciale, & Cinnabarim.</i>	333
CCIV. <i>Metallorum per Mercurium ablutio.</i>	318	CCXXII. <i>Butyri Stibii destillatio in Oleum liquidum.</i>	335
CCV. <i>Auri solutio.</i>	319	CCXXIII. <i>Stibii Mercurius vitæ, ejusque Regulus.</i>	336
IV. In Semimetalla Salina.		CCXXIV. <i>Spiritus Vitrioli Philosophicus.</i>	336
CCVI. <i>Analysis Vitrioli in Spiritum, Oleum, & Colcothar.</i>	320	CCXXV. <i>Flos Stibii Helmontianus.</i>	337
CCVII. <i>Ens Veneris.</i>	322	CCXXVI. <i>Flos Stibii Helmontianus fixatus, Diaphoreticus.</i>	338
V. In Semimetalla Sulphurea.		CCXXVII. <i>Purgans Diaceltateffon Helmontii de Stibii flore fixato.</i>	339
CCVIII. <i>Stibii solutio in Aqua Regia.</i>	323	<i>Solutio Chemica.</i>	340
CCIX. <i>Verum Sulphur Stibii.</i>	324	<i>Coagulatio Chemica.</i>	340
CCX. <i>Stibii Vitrum.</i>	324	<i>Præcipitatio Chemica.</i>	341
CCXI. <i>Antimonii Regulus cum Salibus.</i>	325	<i>Effervescentia Chemica.</i>	342
CCXII. <i>Antimonii Regulus cum Ferro & Nitro.</i>	327	<i>Alcali & Acidi brevis recapitulatio.</i>	343
CCXIII. <i>Regulus Stibii Alchemisticus.</i>	328	<i>Odorum, Saporumque, Excitatio, Destructio, Mutatio.</i>	344
CCXIV. <i>Antimonii Sulphur auratum.</i>	330	<i>Colorum Productio, Destructio, Mutatio.</i>	ibid.
CCXV. <i>Crocus Antimonii.</i>	330		







INSTITUTIONUM CHEMICARUM

TOMUS ALTER, COMPLECTENS PARTEM III.

QUÆ IPSAS ARTIS OPERATIONES
EXHIBET.



PROLEGOMENA.



NIHIL plus offendit sapientes, quoties Chemicorum scripta evolvere contendebant, quam numerosa, nulloque digesta ordine, Experimenta, quæ in iis observabant descripta, titulo Processuum. Tot enim illa inveniebant, sed & adeo varia, ut iis instituendis vix ætas hominis sufficeret, vix par laboribus tantis patientia humana reperiretur. Sed, quod omnium maxime obstabat, fuit ignoratio propositi, cujus gratia ipsos illos labores subierant Artifices. Si enim ipsi super his consulebantur rebus, vix ullam, quæ placeret Philosopho, rationem dabant. Postquam vero in Academiis doceri cepit Chemicarum Institutiones Operationum Chemicarum contentæ videbantur ostensione quorundam exemplorum promiscue, ut forte placebat Doctori, propositorum. Simulac igitur Discipulorum affectus ante triginta annos abhinc & me docendæ Chemicæ adhibuit, cogitavi serio, possemne operum Chemicorum in igne perficiendorum exempla concinno ordine ita absolvere coram, ut, lege Hippocratica, nihil temere, neglectum nihil, fieret.

Oportebit ergo primo sollicite cavere, ne frustra quid fieret in hisce:

Tom. II.

A

quid enim supervacaneum magis, quam repetere decies per alia exempla novi operis, quæ una operatione satis demonstrantur? Postquam semel ostendero, qua arte de Melissa fragans elicitur aqua, opus non erit, idem novo exemplo in Majorana, Rosmarino, Ruta, ad fastidium repetere. Cur Spiritus aromaticos de cortice Citri cum Vino parare edoctus, idem in aliis quamplurimis fieri per labores, docebitur?

Sed & omnino necessarium tamen habebitur in hisce, ut Auditoribus exhibeatur præmonstratio coram uniuscujusque operationis, quæ aliquid habet singularis in se, quod utile omnino ad institutum Artis, neque interim alibi evidenti Experimento ostendetur: oportet quippe, intelligat Chemiæ Studiosus præcipua saltem artificia, quorum beneficio ea obtinentur, quæ ex usu erunt. Peccatum foret in hac disciplina, ubi quis ignoraret modos agendi artificii utiles. Quid juvaret quærentem Salium in Vegetantibus indolem vidisse methodum, qua de combustorum cineribus eliciuntur, nisi & experimenta simul addidit, quomodo & destillatio de quibusdā hos exprimat, & producat putrefactio?

Tertio cogitavi ordinem spectandum in his demonstrandis Mathematicorum; ut primo fiat loco id experimentum semper, quod requiritur cognitum, priusquam aliud sequuturum artificiose perfici queat, aut bene intelligi; quin etiam associatio fiat illorum inter se, quorum sequens ex antecedenti quam proxime, & directim, proficiscitur: ita scilicet paucio tempore, labore parco, impensis minimis, addisci poterit fere præcipuus artis universæ usus, qui inprimis habetur præclarus, quo mens humana intelligere discat vires naturæ, instrumentaque humanæ sanitatis.

Denique in hisce concinnandis semper respicere ad Medicinam nolui, imo neque debui, unice; licet cæterum aliis hanc artibus præferam: fatalius aliud haud accidit vel Chemiæ, vel Medicinæ, quam stulta opinio, quasi cuncta, quæ Chemico nascuntur opere, semper idonea forent in Arte Medica instrumenta. Sed & universæ Physicæ, haudquaquam Medicinæ soli, Chemiam famulari palam est. Vid. Part. I. a pag. 44. ad 46. Pharmaceutice gaudeat Chemiæ operibus, neutiquam hancce sibi soli vindicet.

Quum igitur Operationes artis nostræ versentur circa Vegetantia, Animalia, & Fossilia, etiam illas distribuemus juxta hæc tria rerum genera. De Vegetantibus quidem primo experiri cogimur: quia sponte adeo, ubique, præsto sunt; quoniam Animalium pleraque assumtis in alimenta Vegetantibus constant, iisque ibidem mutatis suum corpus debent totum; si autem quædam solis aliis animalibus comestis vitam sustinent, attamen tandem ad Vegetantium nutrimenta, basin animalium, perveniri solet; sed etiam facilius Vegetantia, ob majorem partium simplicitatem, harum minus laboriosam separationem, resolvi Chemice, hinc adeoque cognosci queunt; Fossilia quidem simpliciora, sed artes secretiores, & instrumenta longe magis arcana, tum operationes minus obvias, requirunt, ut queant tractari. Ergo ratio disciplinæ ordinis in hisce initium a Vegetabilium pertractatione præcipit.

Quam ut rite aggrediar, jam assumam pro notis illa omnia, quæ in Parte prima, a pag. 31. ad 35, jam pridie memoravi: illa enim jam

experimentis rerum confirmabuntur; quod nostri instituti est.

Appellatur Operatio Chemica mutatio corporis, per instrumenta artis, in finem lege hujus artis definitum. Operatio prima instituenda in demonstrationibus Chemicis requirit quatuor hasce conditiones: Primo scilicet debet hæc facillima esse; ut labores magnos Physicos, per quos ingens vis corporea infertur rei mutandæ, haud exigat. Secundo debet simplicissima haberi, quæ non ex variis concurrentibus operationibus componatur, neque etiam plurimorum instrumentorum varietate indigeat. Tertio inprimis mutatio per primam operationem inducta non debet nimium mutare objecta sua in indolem valde alienam a prima sua natura. Quarto studendum, ut operationis hujus effectus consistat potius in separatione partium, quæ tales præëxisterant in corpore tractato, quales hac operatione educuntur de composito, quam ut ipsæ illæ partes jam demum tales sint natæ per hanc operationem institutam: quum enim corpora per artem nostram resolvantur vel in partes nativas inde productas, vel in partes ipsa operatione natas, liquidum est, in primo opere priores tantum educendas esse; quo partes easdem iterum componendo certi simus, idem corpus denuo oriturum fore, quale jam prius exstiterat ante hanc separationem.

Si quatuor illæ conditiones recte observatæ fuerint in hacce prima Operatione, tum & quadruplex quoque obtinebitur fructus exinde, qui magni momenti in hoc negotio. Primo nimirum cognoscet artifex bona fide, & certa evidentia, quales sint illæ partes, quæ in corpore examinato præëxisterunt, & jam separatæ sunt, ut inde tuto queat judicare de natura compositi explorati, & de ingenio earum partium, quæ concurrebant ad compositionem totius. Qua quidem in re alias peccatur quam maxime; dum falso putatur, tales præëxistisse in toto prius partes, quales post resolutionem productæ apparent. Secundo rursus certus poterit esse artifex, quænam sit natura illius residui, quod in re pertractata supermanet, postquam hanc primam operationem jam absolutam exercuit: si enim facili tantum nativorum separatione fuerit usus, jam quod superest, minime mutatum restabit. Tertio etiam nascetur hinc facultas, qua remanens illud nova iterum operatione Chemica examinari pulchre queat: ut ita sensim omni artificio Chemico rectissime unumquodque corpus examinari possit. Dum aliter operatio nova, in corpus valide mutatum exercita, parum veri adferat, scientiam magis perturbet, quam illustret. Quarto tandem hinc habebitur cognitio accurata & actionis adhibitæ in hoc experimento, & instrumentorum quoque, quæ excitandæ actioni illi adhibita fuerunt, sine ulla confusione. Quanti autem sit in Chemia hæc obtinere, res ipsa clamat. Utinam daretur mihi Autorem reperire, qui ordine hoc observato nata sua Experimenta curiositati meæ obtulisset!

In ipso autem corpore, quod primæ huic operationi exponetur, iterum & suæ requiruntur singulares conditiones ex lege Chemica. Quarum quidem prima, ut id, quod separabitur hac ratione, adeoque circa quod occupatur hæc operatio ordine prior, sit simplicissimum, quod aliis operationibus produci poterit. Ut ita sit sibi in omnibus fere simile; qualis

aqua haberi solet. Secunda, ut illud tale sit, unde reliqua fiunt; non ut ipsum adeo natum sit ex aliis. Tertia, ut sit illud facile satis separabile in illas partes, quas intendimus inde educere. Fieri enim aliter potest, ut simplex, facileque tractabile, corpus, difficillimum tamen sit separatu in partes suas diversas, quibus consistit. Ut in auro, mercurio, argento, satis notum est. Utilitas autem harum conditionum in hoc corpore primo producendo inprimis hæc erit, quod ea lege observetur ordo naturalis in re producenda, & simul corpus illud, unde jam prius illud separatum fuit, erit dein aptissimum, ut deinceps cætera, quæ inde arte separari poterunt, distincta, sine confusione priorum, novas per operationes educi queant.

Instrumentum iterum, quo ars utetur ad primam hanc operationem ita instituendam, suas etiam agnoscit condiciones, ut bene se habeat. Enim vero hoc ipsum quoque debet primo simplicissimum esse: ut ita causa mutans ope hujus excitata sit facilis intellectu, & applicatu. Simulque ipsa ex simplicitate non multum inquinet rem mutandam immistu suarum partium, sæpe differentium. Secundo oportet, ut instrumenti hujus nunc applicata actio etiam obtineat in reliquis deinde subsecuturis operationibus. Ut igitur, hoc respectu universale quodammodo appellari queat, utpote concurrens actione sua etiam cum omnibus aliis operationibus. Ita tandem instrumenta alia dum agunt, etiam adjumento hujus fruentur. Tertio requiritur, ut instrumentum hoc, quam minime mutet ipsam molem mutandam: nisi quatenus tantum requiritur ad solam hanc primam operationem præstandam; neque rursus aliter distincti quid effici poterit. Quarto tandem necesse est, ne vis instrumenti hujus multum mutet inter se, neque perturbet, illas diversas forte partes, quæ in re, quæ præ manibus est, constituenda concurrunt. Si enim singulæ harum multum commutarentur, aut confusa admodum commistione in aliam indolem concreta fierent, tunc obesset magis scientiæ naturali, quam prodesset talis operatio illius instrumenti.

Quando autem instrumentum, quatuor illis conditionibus definitum, ad subjectum suum etiam prius jam determinatum, actionem suam singularem applicat, tunc artifex accurate noscet vim illius actionis primæ; sciet pariter, quid in operatione mox sequutura futurum sit, quatenus in illa quoque actionis primæ efficacia aderit; erunt ergo effectus illi omnes clari, distincti, primo cognoscendi, aliis inservientes. Inprimis quidem hinc dignoscere dabitur quam evidentissime partes singulas, quæ naturaliter concurrebant ad constituendam naturam examinati corporis.

Ex quibus jam omnibus conficitur, quod ergo actio ignis tam levis, qualis in universo semper sponte adest, applicata ad partes liquidas, mobilesque quam maxime, rei vegetabilis, minime mutans, leniter separans primam hanc operationem absolvit.

Sed Vegetabile omne conflatur firmis, aut fluidis, partibus.

Solidæ Vegetantium partes sunt vel vasa, vel consistentes partes crassiores, ex vasorum concretorum adunatione coalescentes.

Vasa plantarum absorbentia, osculis apertis bibunt humores liquidiores, applicatos. Ora hæc in universa superficie totius plantæ, omniumque partium illius, ubique patula hærent. Maxime in radice terræ immissa. In

aëre humido, & calido, inque terra irrigua & tepente, dilatantur, in frigore & siccitate, arctantur. Hinc & tecta intra terram largius hiant, quam in aëre. Hinc vero & æstate plus, quam autumnno & hyeme, accipiunt. Atqui & ipsum aërem hauriunt laryngis specie quædam oscula, eumque intra penitiora fabricatæ plantæ deducunt, ut in caule fiorigero Taraxaci adeo liquido patet.

Vasa in plantis alia sunt moventia; quæ cava, humores continent osculis absorbentibus haustos; atque etiam movent per omnes plantæ partes, ab osculis ad extrema loca per corpus plantæ. Propulsus ille quam maxime tribuendus videtur calori dilatanti, contrahenti frigori, adeoque semper vicissitudine assidua reciprocatis, vix unquam diu quiescentibus, hinc elasticæ vasorum fibræ nituntur in vectionem perpetuam. An & valvulæ hic? nondum constat sensibus. Sed inversum depactæ stirpis felix incrementum contrarium evincere videtur: quum valvulæ impedivissent.

Tertia in iisdem plantis Vasa deprehenduntur mutantia acceptos humores in mire alienas species, novasque formas, quum in initio canalium accepti humores alii sint prorsus, quam iidem transvecti per plantarum vasa, sensimque eo magis singularem cuicunque plantæ naturam induunt, quo diutius plurium vasorum vires experti prius fuerunt; quod iterum omni experimentorum genere undique confirmari videmus. Videturque quædam esse vasorum ex aliis, aliisque prognatorum series, in quibus alia perpetuo species humoris in qualibet planta perficitur.

Quarto rursus inter illa Vasa quædam deprehenduntur, quæ a mutantibus illis majoribus lateraliter exorta, singularem inde succum recipiunt in se, huncque rursus acceptum mutant in proprium ingenium magis, magisque: ut in Aloë ductus singulares aloëtici reperiuntur, qui liquorem vehunt quam distinctissimum ab omni alio humore in aliis vasis contento, genitoque, in eadem Aloë. Talia prorsus singularia vascula in Chelidonio majore reperimus, in quibus succum aureum fieri secernendo, ultraque mutando, demonstrare oculis possum, ut in Tithymali canalibus peculiaribus lacteum.

Quinto quoque liceat recensere in plantis receptacula singularia, in quibus accipiuntur, diuque quiescunt, humores illi singulares secreti quarto vasorum genere, qui & ipsi in illis ulterius perfici videntur, & mutari. Ut sane pinguitudinem manifesto videmus intra ampullas quasdam aggregari, detineri, consummari, perque distinctas & multiplices sæpe, species transire. Quod in oleis nativis, balsamis, resinis, tam liquido cernere est.

Sexto tandem sunt etiam canales excernentes, qui humores tenuiores extra fabricatum plantæ corpus effundunt: aut ruptis per copiam distendentem vasis extrorsum emittunt. Quis nescit, habitu invisibili diffundi humores de plantis? cancellis effractis gummi, & resinas, exire, quis ignorat?

In unoquoque genere horum vasorum sua sunt peculiarissima penitus liquida; quæ omni quidem dote prorsus se distinguunt ab aliis omnibus; non modo tenuitate, spissitudine, liquiditate, tenacitate, acrimonia, blanditie, sed & colore, odore, sapore, viribus medicatis, nutrientibus,

venenatis. Denique in variis quoque partibus plantarum similis diversitas obtinet, usque ad ultima. In cotylis petalorum floris Aloës mellitum invenio liquorem, dum amarescunt succi in aliis partibus; in radice, flore, fructu, semine, foliis, cortice, ligno, aliud, aliudque invenitur humorum genus. Imo vero ipsi hi plantarum humores nativi iterum componuntur ex diversis prorsus generibus elementorum, quæ definito concursu certarum partium, illos humores constituunt: unde & a varia proportionem, qua hæc elementa constituendis his liquidis occurrunt varii denuo illi apparent. Inde ergo aquosa, spirituosa, salina, saponacea, gummosa, oleosa, balsamica, resinosa, gummi-resinosa denique lachrymæ specie exsudentia, aut ex inciso cortice, vulneratisve virgultis tenerioribus, aquæ limpidæ acidulæ more destillantia. Ut Vitis, Betula, Juglans, aliæ plurimæ arbores tam manifeste docent. Hæc omnino monere debui priusquam primum opus aggrediar: ut possitis capere, quid boni, quid digesti, quid distincti, ars parare queat in hisce, utque simul sciatis, quantum confusionis det minus recte ordinata Operatio. Patiamini itaque dictantem ex jam recensitis Corollaria quædam; quorum primum esto, quod magna diversitas sit in his succis ratione Chemiæ; dum in his quædam partes adsunt facile mobiles, quæ levi opera, sæpe sponte, a cæteris separari se, atque expediri patiuntur ita, ut molli igne incitata, fere sinceræ auferantur a reliquis, sicque puri quid exhibeant; dum interim aliæ partes difficulter a concreto eximi possint, majore igne indigeant, hincque magis confusæ inter alias, obtineantur. Quod recte considerasse plurimum juvabit.

Alterum sit, quod, dum tam varii reperiuntur succi in diversis ejusdem stirpis partibus, hinc itaque ingentem quoque fore differentiam in Operatione Chemica, secundum differentiam partis exploratæ. Nonne extracta de fistulis Cassiæ pulpa, explorata Chemice, longe aliud quid dabit, quam ejusdem cortex. Arundinis Sacchariferæ medulla mellitissimi quid, reliqua plantæ pars acidula, præbet. Ne quis igitur incondite scribat, se hoc, illudve, arte Chemica extricasse de planta quadam, nisi ille prius caute monuerit, quamnam plantæ partem opere exploraverit. Aliter frustra erit.

Tertium iterum ponamus Corollarium. Dum in vegetantium plurimis, imo in distinctis horum partibus, color adeo mire varius dominatur, ut in pomis, pyris, cerasis, fragis, moris, aliisque fructibus, tum in foliis, floribusque amœna varietate, observatur. Rursus in modo eliciendi alius ille, dum Esula puncta, vulneratumque Papaver, candidissimum lac plorant, ubi contusis his una humor obtinetur e fusco viridis. Betæ radix contra, si contunditur, ruberrimum, si vulneratur leviter, alium colorem sui liquidi exhibet. Igitur hæc etiam notanda diversitas erit.

Quartum doceat de Odoribus inprimis; heu quæ differentia! in Jasmini partibus inodora omnia, solo in flore fragrantia pretium: in Malo medico, pomi cortex, succus, folium, flos, lignum, singula aliud spirant. Videturque nasci odor singularis in variis liquoribus ejusdem plantæ, prout variis in locis, vasisque, magis fuerit remotus a poris superfi-

ciei bibaculæ. Idque tanto accuratius notandum erit, quo odores plantarum has magis distinguunt inter se, atque primis maxime experimentis Operationum Chemicarum seorsum parantur.

Quintum Sapores recenseat varios, qui inter varias plantas inveniuntur. Ubi tanta quidem dominatur differentia, ut in tot millenis plantis, forma diversis, vix unquam duas inveniamus, in quibus idem sapor obtinet. Contra vero singulis harum suus inest, propriusque, sapor. Neque hoc modo ita fieri videmus in aliis plantis; sed in una eademque prorsus, quoties in diversis illius partibus exploras, statim alium rursus deteges, aliumque. Idem de colore, odore, eodem sensu, verissimum est.

Sextum igitur nos doceat, succos plantæ ejusdem, vario tempore, valde diversos haberi adeo, ut quidem vix iidem appareant, sive colorem lubet spectare, sive odorem, aut saporem; ne vires recenseam singulares, quæ etiam in crudis, maturisque adeo differunt, ut nullo modo comparari queant. Cernamus enim veris initio, & dein totius æstatis decursu usque in serum autumnum, vegetabilia, nonne quolibet tempore omnia alia deprehenduntur? ut nequaquam pro iisdem habere liceat. Certe vere, æstate, autumnio, hyeme, diversa prorsus invenis. Florida tempestas languidis alio tempore stirpibus fragrantissimos excitat odores. Eo etiam liceat referre varietatem, quæ diversitate terræ nutritis accidit. Ita nimirum montanis orta locis, aut uvido palustri solo prognata, miris modis differunt.

Septimum autem monebit, stirpes fere omnes, quo inprimis tempore vegent, vigent, crescunt, abundare succis aquosis, liquidis, salinis; tumque plurimum salis habere in se. Contra vero eadem, postquam æstatis expertæ fervores sunt, diffusa aqua; spiritu, & sale, pingui præcipue oleo, scatent. Quare eadem operatio iisdem quoque de plantis, diversa prorsus, aliis tempestatibus elicit.

Octavum tandem addamus, & hic ultimum, quod igitur Chemia, etiam sollicitissima, vix queat retinere dotes simplicium herbarum illibatas; semper quippe misceat prius separata in plantis; semper a prisca, levissime mutabili, indole immutet, novisque non modo formis, sed & dotibus, imbuat. Longe igitur abest, ut Chemicæ operationibus suis separare queant semper præstantes vires, quas natura proprias alicui plantæ impertiit: quum easdem suis artificiis sæpenumero, imo plerumque, valde immutent, quin & in contrarias prorsus convertant. Id autem princeps in Arte Helmontius palam agnovit, pag. 141. §. 45. pag. 458. 459. ubi diserta voce inculcat, felicem, qui crudis simplicibus, morbos tuto, & promte, tollere novit; quum antiquior sit hæc, & in sacris laudata, medendi methodus. Siquidem ens specificum igne alteratur. Ideoque non infrequenter extracta, & magisteria, enervari; Sic igitur spagiriam multa quoque clam suffurari. Hoc aureum monitum suspicite ô Optimi! Interea tamen certissime constat, Chemiam exquisito labore, quandoque nova suscitare, quæ prius in rerum natura non erant, & quidem iis instructa virtutibus, quæ natura prius ignorabat: unde tum per eadem efficit ars, quæ negaverat rerum conditio. Quod jure merito idem ingeniosus Autor ibidem asserit.

En, Nobilissimi Auditores, tot ego Vos, tantaque, ratione officii, præmonere debui, priusquam ausus fuerim, coram Vobis perficere Operationes in Vegetabilibus. Si fastidiosus sum productæ orationis copia, ob prudentiam placebo. Una enim vero res Physica, rite peracta, sine ullo errore, mille novis inde sequentibus fœcunda erit: in uno opere Physico qui errat, mille falsa creat, eoque magis officit, quo plura tractat. Ego rem ita nunc aggrediar, ut primo semper prius sensibus oblaturus vestris sim illud corpus, quod opere Chemico explorabo; antea, quam illud ipsum mutaturus sum: quo illud cognoscatis, quale sit in se, ante mutationem arte productam. Ideo in patinis, cum inscripto titulo, proponam. Secundo, dein ipsam operationem accurate, per minima quæque, describam, qua corpus illud, primo recte examinatum, tractabo, atque postea coram Vobis exercebo: ut videatis ipsas causas, quæ præscriptum opus efficiunt. Tertio, proponam effectus illos, quos operatio definita produxit in illo corpore prius examinato. Quarto, dein corpus residuum post hanc operationem iterum oculis subjiciam: ut illud jam præsens intento contemplerini oculo, atque comparetis cum illo corpore, quod ante operationem notastis, sicque iterum, inde intelligatis mutationem observabilem in hoc residuo. Quinto, instrumenta conabor ad singula quæque describere quibus in unaquaque operatione utimur. Sexto, Corollaria subnectam Physica, quæ ex præstita operatione sponte sequuntur. Septimo, tandem vires medicatas productorum superadditurus sum. Eoque in negotio ita me gerere sedulo studebo, ut sola enarrem, quæ Experimentorum fide confirmari queunt, cavendo nimiam circa hæc jactantiam, neque adscribendo plus, quam in ipsa re est. Inertiam plurimorum indicabo. Dicam de perniciosa indole eorum, quæ falso sæpe laudantur. Qua una certe re prodero: quum & annosa rerum observatio haud prorsus ineptum me fecerit, qui Chemica & Medica ultra tertiam seculi partem tractavi sedulo, neque causas habeo fallendi ulla.

Incipiam a Vegetabili, recenti, nativo, nondum a propria indole mutato; inde educam primo illud, quod in calore æstivo, sponte, de planta exhalaret, maxime volatile, simplex satis. Experimenta autem omnia, quæ potero, successive instituam super uno, eodemque Vegetabili: ut ita addiscamus accurate, quid operationes diversæ, lege artis digestæ, sicque successive applicatæ, efficiant in illa ipsa herba, in qua sic exercentur hæ Operationes. Postquam enim prius demonstravero omnes modos Chemicos, quibus aqua fragrans elicitur ex Rosmarino recenti; deinde etiam de eadem herba sales, olea, & cætera, quomodo eliciantur, ordine dicendum est, quousque id fieri ullo modo poterit; ita enim habebitur accuratissimus intellectus actionum Chemicarum & distinctissimus. Ubi contra ex una herba aqua, ex altera sal, de tertia oleum, ex quarta spiritus fermentatus, ex quinta sal volatilis putrefactione productus, demonstratur, tunc nec herbæ analysis per operationes, neque operationum vera actio in herbam, rite intelligitur, sed omnia inter se confusa percipiuntur.


Hæc omnino debui præfari, hæc Vos perfecte intellexisse oportuit prius, quam Operationes ipsas coram peragerem. Id jam, faustis auspiciis, incipio.

PRIMA PARS



PRIMA PARS.

OPERATIONUM
CHEMICARUM
IN VEGETANTIA.



PROCESSUS I.

Aqua stillatitia, vaporis specie exhalans, de planta, calore æstivo, Rosmarino.

APPARATUS.

1.



UMATUR planta, adulta, recens, matutino tempore, rore adhuc respersa, integra, non contusa, non permistas vi partes suas distinctas gerens, sed illas sic habens varias in vasis diversis, ut natura in ipsa planta distribuerat, sine ullo alieno admisto, præter rorem adhærescentem.

2. Ponatur supra laminam orbicularem, latam, puram, intra cylindricum fornaculum, Tab. XVII. Fig. 2. depictum, accommodatam ad altitudinem duorum, triumve pollicum, molliter, non compressa; dein fornaculus alembico conico, magno, ex stanni materie conflato, tegatur. Rostro apponatur excipulum vitreum.

3. In foculo furni pruna, corusca, sine ullo fumo, excitetur calor æquabilis, non major octuaginta & quinque graduum Thermometri Fahrenheitiani, conservandus tamdiu, quamdiu liquor destillat ex Alembico in excipulum. Tum, amota hac herba, nova in idem propositum sic iterum tractari poterit, successive, donec satis hujus aquæ fuerit paratum.

4. Liquor paratus in vitro puro, exacte clauso, per aliquot dies, loco frigido, immotus quiescat, tum limpidus, odorem, saporemque plantæ habebit.

NATURA, ET USUS, HUIUS AQUÆ.

IN hoc liquore continetur 1. liquor roris, qui constat suis propriis partibus, vid. Part. I. pag. 251. quæ difficulter a planta separari queunt, sed & in exsiccatione cohærent. Tum etiam in hoc rore, qui extrinsecus se applicuit, continentur partes liquidæ plantarum, quæ præcedentis diei calore excoctæ, noctu exhalantes, in hoc rore detentæ, cum illo concrevere in unum extrinsecum liquidum, sæpe satis tenax. Cera, manna, mel, id inprimis doceant.

2. In hoc liquore continetur latex, exhalans ex vasculis plantæ examinatæ. Qui iterum constat maximam partem aqua simplici: ut patet, quando diu sterit in vase aperto, ubi odore, & sapore, evanescentibus, aqua insipida superest. Altera pars hujus aquæ est id subtilis, volatilis, corporei, quod odorem, & saporem, singularem, plantæ ipsi dabat: nam id in hac aqua sensus deprehendunt; id in residua Rosmarino, post hanc operationem, maximam partem perit. 3. In eodem videntur adesse semina, aut alia corpuscula, unde certo tempore nasci solet in hoc liquore species tenuis, subalbicans, in medio hujus laticis suspensæ, quotidie increcendo magis se extendentis, algæ cujusdam, aut mucilaginis, quæ primo non apparebat. Aquas has, distinctis vasis, immotas servavi beneque clausas; post annum enasci incipiens, dein quotannis augebatur semper magis, magisque, donec ultimo tandem totus liquor mucilagine hac lentescens, turbaretur, opacareturque. Ergo in hac aqua comprehenditur de planta quidem elementum aquæ, & Spiritus Rector, mole exiguus, virtute dives, odorem plantæ, & distinctum inde saporem, exhibens. Unde & aqua hæc exhalans vehiculum est illius spiritus, qui singularem plantæ virtutem minimo corpore, eoque subtilissimo, & maxime volatili, hinc facile separabili, tumque hoc respectu effæram relinquente molem, exprimit. Hinc igitur virtus harum aquarum in Medicina est, quæ pendet præcipue ab hoc Spiritu Rectore. Ille vero, acri mobilitate vicens in plurimis, nervos afficit, spiritus excitat, inde inertie horum succurrit. Inest tamen præter hoc commune agendi principium, aliud proprium, singulare, mire efficax. Id Paracelsus suo idiotismo Ens appropriatum appellabat. Halitus odoratus Lavandulæ, & Melissæ, utrique conveniunt in eo, quod torporem languescenti excutiant nervo; attamen odor Lavandulæ præterea vim adhuc penitus singularem, possidet, habet aliam Melissa. Hac virtute oriuntur effectus in corpore mirabiles, qui ex sola fide historiarum plantarum peti queunt, ubi herbarum vires, usu compertæ, enarratæ habentur. Hæc sæpe propria vis, priori communi contraria sæpe præstat. Hyacinthi Indici tuberosi fragrantissimus habetur Spiritus, sed Hypochondriacis viris, fœminisque Hystericis, spasmos excitat mirabiles. Ruta odoratissimos spiritus late diffundit quoque, sed hi, corpore humano excepti, in iisdem corporibus natos priore odore spasmos solvunt. Quin etiam scire refert, hominum industriam deprehendisse, tenui huic stirpium vaporibus deberi stupendos effectus, quos in corpore hominis excitant concreta vegetantia tam evacuando, quam mutando: quoniam eo solo de medicamentis, venenisque, penitus se-

parato, reliqua moles, sine ulla fere ponderis jactura, caret omni illa efficacia. Hinc esto prudens, tardusque, Chemicus, quoties harum aquarum virtutes deprædicat, discatque diu, priusquam certa doceat. Hisce observatis, dicere liceat, sæpius deliquium spirituum animalium tollere, & amœnitate odorum delicias præbere ad suffumigia: nihil quippe directius cerebrum, mentemque, permulcet, vivificatque, quam Melissæ talis aqua spiritu suo turgida; peculiaris sic Rutæ aqua odorata. Modo vasis rite clausis, frigidior loco, aquæ hæ coërcitæ servantur, longo tempore has vires retinent, vel ad annum usque. Aliter fugacissimus hic spiritus, vel rimam nactus, clam se subducit, vappidam relinquens aquam. Demonstratur quoque hoc experimento, quidnam sit illud, quod plantis in aëre æstivo exsiccatis sponte pereat? Scilicet Aqua hæc, & Spiritus descriptus. Inde etiam novimus naturam liquidi, quod primo omnium adscendit a plantis, inter destillandum. Imo & cognoscimus, quænam proprie in plantis materies sit illa, quæ peculiarem illis odoris speciem donat: nimirum Spiritus hic Rector solus. Denique ex eodem quoque hoc primo experimento scimus aliquo modo, quænam sint Effluvia, quæ æstivo maxime tempore, in aëre aprico, de Vegetantibus exhalant in auras: valde enim credibile est, hæcæ perpetuas, inprimis interdiu, exhalationes stirpium admodum convenire in indole sua propria, cum his liquoribus, quos ars destillatoria hujus primi Processus producit; licet in eo differant, quod exhalatio fiat partibus assiduo renovatis, de matrice nutriente plantarum, dum in nostro opere illæ modo expulsæ partes colliguntur, quæ in plantis jam de terra avulsis præsto erant, neque novo supplemento, eoque perpetuo, reficiuntur. Hinc igitur industrius, atque ingeniosus, Vir, in staticis Vegetantium observat, pertinere huc exstillationem succi, qui excipitur lagenis vitreis artificiose applicatis ad incisos recenter plantarum ramos, æstiva tempestate. Vid. Hales, Tractatu laudato, pag. 50. Hinc intelligere est, latas valde mirificasque sæpe, vires plantarum proprias, diffundi ex his per aëra vicinum, imo ventis deferri per vasta spatia. Neque adeo fabulosis statim adscribendum, quæ de stupendis effectibus effluviarum tradi solent in Historia Plantarum. Juglandis gravis, alvumque sistens umbra. Somnum vicini dat Papaveris halitus. Taxi lethalis memoratur subtus dormienti vapor. Fabarum florentium diu attractus odor mentem movet. Certe Solis valida actio in plantas excitat atmosphæras miræ efficacis, per diffusos spiritus; ventorum vero motus in longinqua devehit. Nemorum densorum opacæ umbræ vaporibus collectis morbos varios, sæpe & mortem, inferunt Sylvæcolis: ut in America, venenatarum feracissima arborum, tristibus experimentis constitit. Est enim spiritus hic plantarum res prorsus singularis in unoquoque stirpium genere, est inimitabilis omnino, neque arte producendus ulla, vires habens igitur sibi soli proprias, mire tamen amicas nostris hominum spiritibus. Quia vero aliæ plantæ spiritus hosce gerunt sensibus nostris manifestos admodum, aliæ autem eosdem habent organa nostra olfactus & gustus vix afficientes actione nobis observabili, hinc Chemicis huic primo operi destinavere quam maxime illas herbas, quæ odore inprimis celebres, gratæque. Quarum

Abrotani species.	Levisticum.
Agerati species.	Lilium album.
Alliorum species.	Lilium Convallium.
Anethum.	Limon.
Angelica.	Macis.
Anifum.	Majorana.
Astrantia.	Marum.
Aurantium.	Mastichina.
Calaminthæ species.	Matricaria.
Calamus aromaticus.	Melilotus.
Cardamomum.	Meliffa.
Carvi.	Mentha.
Cataria.	Meum.
Caryophylli hortensis species.	Nasturtium.
Cassia aromatica.	Nux Juglans.
Celeri.	Nux Myristica.
Ceparum species.	Ocymum.
Chærophyllum.	Origanum.
Chamæmelum.	Philadelphus.
Cinnamomum.	Polium.
Citreum.	Porrum.
Cochlearia.	Rofa.
Coriandrum.	Salvia.
Cröcus.	Satureia.
Cuminum.	Serpillum.
Dictamnus.	Sefeli.
Fœniculum.	Siler.
Galanga.	Tanacetum.
Horminum.	Tuberosa.
Hyffopus.	Valeriana.
Jafminum.	Victorialis.
Lavandula.	Viola.
Laurus.	

A R B O R E S.

Abies.	Laurus.
Aurantia.	Lentiscus.
Benzoin.	Limonia.
Buxus.	Myrtus.
Cedrus.	Perfica.
Citria.	Pinus.
Guayacum.	Rofa.
Juglans.	Sabina.
Juniperus.	Sambucus.

Saffaffras.
Styrax.

Thuya.
Tilia.

Harum arborum variæ in diversis partibus continent materiem aromaticam, volatilem, quæ prima hac Operatione prolici potest. Quandoque enim in Radicibus harum singularis hæc virtus, ut in radice Cinnamomi Camphoratus balsamus. Aut in Lignis, ut in ligno Rhodio. In Corticibus, ut Cinnamomo. In Iulis ut in Juglande. In floribus, foliis, seminibus, creberrime. In aquis stillantibus inde, ut in Juglande, in Balsamis, Gummi, Lachrymis, Resinis, ut in Balsamicis. En, Auditores, talia, torque, discimus, ex unico hoc, primo, Processu. Plura ad illum possent differi, sed jam forte tædet.

P R O C E S S U S I I.

Infusum, & Decoctum, ex residuo Processus primi.

Operatio secunda debet ita institui, sic ordinari, ut perfecte sequatur omnes illas leges, quas in primo Processu evulgavi: tum enim habebit iterum eosdem fructus, qui ibidem recensiti fuerunt. Quum ergo calor siccus graduum octuaginta in priori exhibuit suum effectum, constat, quid ignis, & aer, hoc gradu agant in plantam. In secundo hoc examinabimus, quid ignis, & aqua, calore ab 85 gradibus sensim in 212, sive ad ebullitionem usque, præstet: nam aqua ad 85 gradus calefacta dissipat de planta aquam Processus primi.

A P P A R A T U S.

1. **S**umatur Rosmarinus residua a Processu primo: hæc viriditatem amittit; est fusca. Perdidit habitum plenum, succulentum, est contracta, minor, rugosior, levior. Odore fere caret nativo. Acquisivit saporem aliquantum alienum a proprio Rosmarini. Evasit tritu facile inter digitos dividenda, fragilisque, quum prius lenta esset, & tenax, viscosa. Quæ omnia cernitis; quum utriusque speciem simul in patinis examini objecerim. Aut sumatur sponte in aëre libero quidem, sed umbroso, exsiccata modice, non nimis diu. Vel & recens carpta. Neque enim adeo ingens inde differentia: quoniam semper coctione peribit in auras aqua Processus primi.

2. Affundatur huic in vase puro aqua, pura, pluvia, calida a gradu octuagesimo quinto usque ad gradum ebullitioni proximum, v. g. ducentessimum undecimum. Sit autem omnis herba immersa aquæ affusæ. Stent simul in calore hoc continuato, in vase clauso, per spatium dimidiatæ horæ, vel ultra. Tunc effundatur liquor. Est ille fuscus, parum odoratus, saporis Rosmarini aqua primi Processus spoliata. Vocatur Infusum Rosmarini. Habet vires ejusdem minime mutatas. Si aqua primi Processus illi miscetur, liquor mistus exhibebit virtutem plantæ singularem quam optime ad usus medicatos. Estque forte hic modus optimus, ut medicinalis herbarum facultas ingeratur ægro, ni succos inde pressos præferas.

3. Aut herba cum aqua coquat ebulliendo spatio aliquot minutorum horæ. Effusus inde liquor, Decoctum, Decocta, vel Apozema, appellatur. Si fit vase aperto, perdidit omnem aquam primi Processus, & præterea plurimum aliud, ut postea Processu 15, 23--30, patebit. Si hæc decoctio vase altissimo Chemico, alembico imposito, & applicato excipulo fit, dein liquori decocto aqua exhalans redditur, decocta hæc habebit medicatum præcipuum illius herbæ. Quando in olla Papiniana peragitur, tum vires unitas possidet absque jactura spirituum, aut aquæ primi Processus. Attamen mutata reperitur vis plantæ propria, quatenus odore, vel sapore, cognoscitur, quin & effectum aliquantulum differt. Certe odorem, saporem, colorem, integros servare in his omnibus est quam difficillimum.

4. Residuo a decoctione prima affundo ebullientem novam aquam, facio ebullire perpetuo, Decoctum effundo, omnem spumam ebulliendo supernatantem sollicitè aufero cochleari puro, seorsum collectam in vas purum sepono: hæc oleosa; exsiccata leniter ardet. Ita perpetuo novam affundo, decoctam effundo, spumam natam colligo, sedulo cavens, ne quid alieni se immisceat, ut fuligo, fumus, aut similia, donec aqua ultimo affusa, post ebullitionem diuturnam, tam pura inde redeat, sine odore, sapore, colore, quam affusa fuit. Quod tædiosa tandem vice, vigesima, obtinetur. Tum, mirum visu, folia Rosmarini integra supersunt, aqua turgent, formam, magnitudinemque, pristinam habent, colorem amiservunt viridem fusco induto, fundum aquæ petunt prius innatantia.

5. Quo planta densior, plurimaque resina tenacior, eo plus oleosi spumantis ejicitur sursum, eo minus virtus illius, resinosa, vel oleosa, innata aquæ communicatur: quia non in ea dissolvitur; ideoque pro tali decocto parando opus diuturna maceratione prægressa, aut adjectu salis alcalini fixi, dein longiore decoctione. Quod in Ligni Guayacini decoctione dudum animadversum est.

6. Tamen & talia, resinæ ditissima, Vegetabilia, si recentia, viridia, succo plena, decoquuntur, tum saponacea vis nativa resinorum adhuc solubile detinet, quod post exsiccationem coëuns in unum minus evadit solubile. Id animadverterunt, qui Scobem Guayaci viridis in America aquæ incoquunt, brevi nanciscentes penetrabilem valde liquorem, quo luem curant. Dum annosum lignum hoc aquæ virtuti parum obediens, minus præstet.

Quum igitur ebullitione avolet de plantis quidquid gradibus 212 caloribus, specie fumi, exit, hinc huic operi ineptæ stirpes, quarum quæsitæ vis volatilæ talis ignis actione; illæ vero, quæ virtutem suam habent in re, quæ fixa magis, quam ut hoc fervore separetur, sunt aptæ decoctioni. Acida, adstringentia, aromatica viscosa, demulcentia, emollientia, frigefaciencia, nutrientia, saponacea, viscosa nec tamen resinosa nimis, talia habentur.

Abfinthium.
Acacia.
Acetosa.

| Acetofella.
| Becabunga.
| Berberis.

Burfa pastoris.	Plantago.
Cichorium.	Polygonum.
Cotonea malus.	Portulaca.
Ebulus.	Prunella.
Endivia.	Pentaphyllum.
Filix.	Rheum.
Fumaria.	Rhus.
Gentiana.	Ribes.
Geranium.	Rosa.
Gramen.	Scordium.
Hedera terrestris.	Symphytum.
Helleborus.	Tamarindi.
Hypocistis.	Taraxacon.
Hypericum.	Tormentilla.
Myrtus.	Veronica.
Nymphæa.	Vinca pervinca.
Papaver.	Urtica.

Tum etiam quorumcunque fructuum horæorum succi recens pressi, nec fermentationem passi hætenus.

Interim tamen sedulo notandum, me non censere, neque docere, vim peculiarem plantæ, quæ fere semper in Spiritu Rectore hæret, ideo se manifestare insigni quodam vel nidore, vel fragrantia, aut semper se prodere valde calefaciente sapore. Nequaquam: fieri potest, ut sit spiritus actuosus quam maxime, interimque sensus vix afficiens; ut in radice Hellebori nigri, Cicuta aquatica Gesneri, Solano maniaco, aliisque apparet. Quare omnia illa semper cautissime consideranda, priusquam regula scribatur generalis.

*NATURA, VIRES, USUS, HORUM INFUSORUM,
ET DECOCTORUM.*

1. **H**ÆC ita parata possunt per vasa intestinorum tenuium, lactea dicta, & per venosa mesenterica, immisceri sanguini venoso venæ cavæ, & venæ portarum, sicque motu vitali confundi cum humoribus corporis, transmitti in omnia vasorum majorum genera, attingere viscera, & cæteras universi corporis partes: quia saponacea, penetrabilia, cui-cunque humori miscibilia.

2. Ibidem tum possunt agere illa sua vi propria, quæ in succo Infusi, vel Decocti, manet superstes; quæ tum agendi facultas mire augetur impetu motus vitalis, promptosque effectus præstat.

3. Carent tamen illa efficacia, quæ in aqua primi Processus ita, ut in Infuso plus supersit de ea, in Decocto minus. Tamen in Decocto jactura hæc sarcitur efficaciori reddito hoc succo vi coctrice ignis, qua penitus solvuntur, & immiscentur intimius aquæ diu cum herbis ebullienti. Hinc si Decoctio fit in vesica, sub appposito alembico, atque exhalans aqua remanenti Decocto redditur, tum Decocta vi plantæ prægnantissima bibun-

tur : ut patebit Processu 15. Nam in tali liquido deprehensa fuit omnis fere potestas plantæ.

4. Maxime considerandum actionem medicatam Infusi , Decoctique , æque pendere a vi aquæ fervidæ sorptæ & copia , quam a virtute admixta plantæ. Id Medicis notissimum. Nunquid errat, qui abusum Theæ dam-nans , solis foliis imputat mala , ubi tam magna pars fuit aqua fervida ? rursumque qui liquidi cerebri agilitatem Theæ epotæ inscribit , cur aquæ calidæ virtutem diluentem præterit ?

5. Hinc intelligitur Pharmaceutica Infusorum , & Apozematum , parandorum lex , modus , instrumentum , materia , effectus. Tum vis aquæ calidissimæ in solidas , fabricantes plantam , partes. Quis crederet , ni vidisset prius , ebullitionem biduo productam non posse destruere omni sua vi tenerrimum Rosmarini folium ? Sed majus dicam ; flosculus pusillus , tenellusque , coquatur in aqua ebulliente , quam diu lubet. Dein exem-tum prudenter lustra oculis , imo microscopiis contuere , invenies pror-sus immutatum. Feci laboriosissima opera , diutissime protracta , quid re-peri ? Sane pili , apices , verruculæ , lineamenta erant prorsus eadem , abs-que ullo omnino discrimine. Hoc audite , Medici , intelligetis cur nostra vascula minima haud solvantur propriis , tam calidis , humoribus. Cre-detis , mechanico illa tritu , quem pulforum impetus canalibus apprimat , potius rumpi , quam calidi virtute , aut humidi. Imo vel jam sponte fate-mini , ultima elementa nostrorum solidorum haud adeo salina , saponacea , vel oleosa , esse , quam quidem mere terrestria , certo inter se juncta glutine : cuncta quippe prolata de ebullientis aquæ in Vegetantia virtute , ita & in partibus Animalium coctis pariter vera deprehendi , demonstravi coram.

6. Si folia hæc , ab hoc opere residua , siccantur , fiunt contracta , mi-nima. Si denuo calida foveantur aqua , pristinam magnitudinem , figuram-que , recipiunt quam accuratissime.

7. Ipsa vero hac coctione quædam plantarum vires propriæ immutan-tur. Arum bulliendo mitescit , Afari vis infusi valide vomitum movet , ut & succus ejusdem crudus ; ebullitione vero protractiore vertitur in diure-ticam , aperientem.

P R O C E S S U S I I I.

*Sapa , Defrutum , Extractum , Rob , Gelatina , ex producto
Processus secundi.*

Postquam Infusa , & Decocta , Processus secundi , rite examinata ; ordo jubet experiri , quid restet , si aqua in his adhibita iterum inde avocatur : ita enim sensim apparebit illud plantæ , quod ei dabat vires , poteritque etiam dein Chemice cognosci , cujus naturæ sit omnis illa plan-tæ pars , quæ aqua fervida solvi , indeque educi ita potest.

A P P A R A T U S.

APPARATUS.

1. **I**Nfusa, vel Decocta, Processus secundi, quiete aliquot horarum, loco frigido, tranquillo, in vase puro, superne recto, quiescant: ut ponant terram sabulosam, aliaque crassa, ponderosa, fæculenta, ad herbam ipsam haud pertinentia, corpora. Possunt & trajici per colum, donec limpida transeant: sed tum gummosa, subresinosa, lenta; ad plantam tamen pertinentia, separantur; sicque quidem pro medicatis habentur puriora; sed pro Chemico examine aliquid amittere. Pharmaceutici, quærentes purissima, alium modum adhibent. Albumen recens ovorum Decoctis diuturna conquassatione miscent quam intime, dein simul ebullire cogunt; quo albumen igne constrictum se in Decocto adunat, simul crassiora sibi inviscando jungit, unde percolatum liquidum multum fæculenti crassioris amittit, fatisque depuratum. Hi tres modi depurandi Decocta, quiete, colo, coctu cum albumine. Quorum prior Chemico examini convenit.

2. Depurata sic liquida, vase puro excepta cylindrico, aut repando, aperto, dein supra ignem non fumantem, ebullitioni proximum, exhalent in spissitudinem mellis crassioris, cavendo nimis fortem ebullitionem, ne dissipentur retinenda. Cavendo in fine ambustionem, ne corrumpantur vires.

Verum, ut ex Infusis, & Decoctis, ita quoque de succis recens pressis herbarum, fructuum horæorum inprimis, imo & radicum succulentarum, E. G. Glycyrrhizæ, parari idem potest. Tum enim maturis, recentissimis, ætate optimis, depuratis, contusis, succus exprimitur, aqua diluitur, quiete, & percolatione defæcatur, tum priori modo exhalat ad nativam spissitudinem, qua pressus apparebat. Liceat, succum hunc recens pressum, aut dilutione, colatione, reductione ad nativam crassitiem præparatum, Mustum appellare. Mustum ad dimidias decoctum, saporem naturalem referens, diutius servari illibatum potens, Sapa vocabatur ideo. Si vero decoqueretur ad tertiæ residuum, Defrutum a defervendo vocabant. Quod, antiquæ indolis tenax, diutius adhuc servari poterat. Quando autem decoquitur leniter, depuratissimum prius, eo usque, ut guttula in frigidam laminam demissa constet instar glaciei fere, & quidem cum perspicuitate inprimis, tum dato inde vocabulo Gelatina vocatur. Si mel dilutius tum Syrupus, si spissius idem refert, Rob, aut Rohob, dicitur. Extracta autem vocantur omnia hæc parata; quæ ideo liquidiora, spissiora, quandoque & dura consistentia nominantur.

NATURA, VIRES, USUS HORUM OMNIUM.

1. **O**Mnia illa parata in aqua calida resolvi possunt, tumque referunt Decocta secundi Processus. Sed coctione perdidere ulterius quid suarum virium.

2. Diu servari queunt illibata, vel in annos.

3. Saporem plantæ multum servant: licet in præparatione volatile amiserint.

4. Vires plantæ , impedimento partium firmarum liberatas, integras conservant diutissime , quæ post hanc præparationem superstites erant in hisce. Tantum enim incorruptum diu porrigunt.

5. Constat hinc , patetque , quid antiqua carie exesis plantarum ruinis pereat ? his enim aqua fervida nihil quidquam educitur. Quin & mortuis plantis , humore aëris , rore , pluvia , jam penetratis , jam æstu solis reciproce solutis , agitatæ , siccatis , sensim abluitur omnis ille succus , unde hinc sponte evadunt effœta , & exsucca , plantarum cadavera. Sed & terebines ita succos plantarum absumunt , ut nihil fere peresis , præter merum solidum remaneat, quod insolubile, terrestre , iners.

6. Summa hinc mare in longissimas expeditiones colentibus commoda. His a falsis , siccis , fumatis , morbi ; a succis horæis salus. Si Gelatinas Aurantii , Berberis , Cerasi , Cotonei mali , Baccarum Juniperi , Limonis , Poti Sinensis , Ribesii , Sambuci , Uvarum , compendio factas , in aqua diluunt , præsto habent , quod morbis , mortique, maricolas eripiat. Quæ iterum reparant facile , ubi consumtis his ad frugiferas appellunt insulas , paucisque horis idoneam copiam faciunt in necessitatem ulterioris itineris. Qua forte re non alia Britannis , Batavisque , magis salutaris.

7. Interim notandum , succos abundanti sale fœtos , ita inspissatos , difficulter fervari posse , ne in aëre facile liquecant : Sal sicci impatiens , aquæ magnes. Hinc pulcherrimo de succo Limoniorum Gelatinam durabilem qui conficies ? decurrit in liquorem ob aëra. Spissus succus accurate clausis fervetur vitris. Ineptæ huic operi , quarum medicata vis volatilis.

PROCESSUS IV.

Herbæ post Processum secundum superstitis , insipida , inodore , insulse , nativam tamen figuram retinentis , combustio in cineres insulsos , pristinae formæ.

Postquam intelleximus quid aëre calido , & fervente aqua , plantis contingat ? quid per hos de stirpibus educi queat ? inquirendum , quid ignis aperta vis agat in id residuum plantæ , quod superfuit.

1. Quod manebat post actionem Processus Secundi Vegetabile, instructum conditionibus (Proc. 2. Cap. de natur. N. 5. 6.) jam explicatis, imponitur vasi, mundo , ferreo , aperto , cochleari ergo ferreo. Dein imponitur hoc cochlear igni aperto, puro, sine ullo fumo , ne operatio turbetur , quæ curam exigit : facile quippe salini quid illaberetur. Retineri autem debet in hoc igne tam valido, & tamdiu, donec , per varios gradus, tandem candescant omnia ab igne. Videtis, primo fumat, per varios gradus, perpetuo fortius , tandem aterrimè , quasi piceus foret vapor. Secundo toto hoc tempore copiosos fundit nidores ambusti , eo plus crescentes , quo auctus plus vapor. Tertio , dum fumus piceus , & vapor fœtidissimus , uno ictu flamma fit lucida , fumus definit , & fœtor quoque plurimum minuitur. Quarto herba priusquam flamma exoritur tota nigrescit , nec ante ardet. Simulac vero prorsus nigrescit , tum præsto est , ut paulo post flammam concipiat. Quinto postquam flamma quievit , tum folia hæc fere

amiserunt nigritudinem, evaserunt alba; sed ubicunque in iis nigri quid superest, ibi scintillat igne corusco, non flamma, folium, duratque omnino, ut cernitis, viva hæc scintillatio, quamdiu vel minimum nigri superest. Verum ubi flamma prior, & subsequens scintillatio, omne hoc nigrum consumfere, tum superest cinis albus, qui nulla vi ignis amplius scintillat. Sexto videtis, quo nihil notabilius, quod, post toleratam tantam ignis, flammæque violentiam, in his jam candidis cineribus prisca Rosmarini forma ita maneat, ut, si immotum tale folium microscopio examinetur, exhibeat non modo speciem antiquam Rosmarini, imo vero lanugo, pili, tubercula, verruculae, lineamenta, lacunæ, adeo manifesta apparent, ac si herba fuisset integra; si vero vel flatu oris, vel leni attactu, moventur, statim collabuntur in pulverem, amittere omnem cohærendi tenacitatem.

2. Cineres hos, ita paratos sollicitè, deprehendo prorsus inodoros, insipidos. Eos aquæ pluviae immitto purissimæ, in vitro puro, coquo simul, coctum quiete depuro, dein colo; liquor limpidus, inodorus, insulsus prorsus, aliquid saporis calcis coctæ utcunque refert; si liquidum hoc vase puro exhalat, nihil relinquit falsi fixi, paulum tamen quasi calcis exustæ; cineres vero residui sunt albi, insulsi, fixi in omni igne, terrestres meri sine aqua, spiritu, oleo, sale; cum aqua subacti, in pastam redacti, in patellas formati, arefacti, dant vasa docimastica optima, omnem ignem ferentia. Atque omnia hæc verissima, quæcunque tandem herba huic operi adhibita, ita ut demonstratio sit universalis.

USUS HUIUS PROCESSUS.

1. **S** Cimus hinc aquam cum tanto igne, quantum capere potest, ebullientem, omne salinum auferre posse de planta, tam volatile, quam fixum.

2. Sed oleum illud inde auferre non posse quacunque vi coctionis, quacunque copia aquæ; nam in his foliis oleum illud superstes se manifestabat primo, fumo crasso, odore, amaro, nigro, mox in flammam convertendo; Secundo colore nigro incipientis amburi vi ignis plantæ, qui color niger carbonem faciebat, oleo per ignem ustulato, nigrescente, rarefacto, supra terram plantæ magis extenso, & disponebat herbam, ut facillime inflammaretur, aut igniretur; Tertio flamma aperta, de nigro hoc pingui nata, sustentata, consumente penitus hoc oleum nigrum; Quarto micatione scintillantis ignis, qui in hoc carbone, post sedationem flammæ, dominabatur tamdiu, quamdiu ulla opima, nigra, pinguitudo adesset, nulla arte excitanda, ubi hæc absumpta fuit.

3. Oleum illud postremum auferri non posse de planta, nisi igne, & quidem aperto, in aëre libero: si enim cochleare hoc repletum herba residua a Processu secundo, tego lamella ferrea, dein ita summo igni expono, quam diutissime, manebit herba nigra, fragilis, amari saporis, nunquam evadet alba, fiet, manebitque carbo. Simulac tollitur lamina, in vivam erumpit flammam, in cineres albos collabitur.

4. Oleum hoc iterumnectere elementa plantæ terrestria in sua sta-

mina cohærentia, eo ablato non cohæfura ultra: nam licet aqua ebulliens abstuliffet tantum falis, & olei, in Processu secundo, tamen cohærebant residua æque, quam antea, sed dum hoc ultimum oleum ablatum, jam ne minima cohæfio superest, sed sponte dilabuntur terrestria. Unde oleum, aqua educendum de plantis, non est id gluten, cui debent cohæfionem suam, sed id est hoc superstes, ultimum, oleum. An ergo hæc postrema olei glutinantis species in omni planta eadem, dum id oleum, quod in Decocto solvitur, cuique peculiare est: unde sic jam triplex nobis plantarum pingue cognosceretur. 1. Spuma oleosa. 2. Pingue in decocto. 3. Hoc conglutinans solo igne separandum aperto.

5. Alteram partem, quæ in Vegetantibus, Decocti operam passis, superest, esse meram, veram, terram, virginem, subtilem, non cohærentem, in igne immutabilem, in omni planta eandem, simillimam omnidote cineri albo animalium combustorum, sine ullo signo differentia; quæ immutabilem basin dat cuique plantæ, animalique: nam Docimastæ ex his plantæ, aut animalis, terris Testas probatrices faciunt.

6. Si cineri hinc dissoluto aqua additur, renascitur tenacitas aliqua: Docimastarum experimento. Si autem cum idonea olei copia subigitur, tenacius hæret. Ut terra & oleum solida dent plantæ stamina.

7. Vires medicatas, nutrientes, venenatas, stirpium omnes absolute habitare in illa parte plantæ, quæ decoctione cum aqua inde elici potest: oleum necans cum terra conglutinata nihil singularis habet omnino, neque terra sola.

8. Quo plantæ ergo diutius, magisque, exsiccata, eo plus de his viribus perditur. Ita quidem, ut de omni planta diu aëri communi aprico exposita nihil tandem præter terram inertem supersit.

9. Inde fit, ut plantæ in aëre humido, rore, pluvia, actione solis, persistent; modo novo nutrimento de terra sustineantur: florem tenuissimumque ebullientissima non destruit, quia ultimum oleum conglutinans non valet separare a terra. Basis itaque Terra est sola.

10. Sal ergo non est in ultimo stamine solido plantæ; frustra igitur in illo quæritur. Atque omnia quidem hæc etiam de ultimis solidis Animalium vera.

11. Aëris libera admissio ignem reddit aptum separando oleo ultimo a terra; neque ignis solus sine aëre id potest vel in tenuissimis.

P R O C E S S U S V.

Parata Processu tertio exusta dant cineres salsos.

Postquam vidimus, quid ignis apertus agat in residuam a secundo Processu plantam; oportet jam videre, quid idem effecturus sit in Infusa, Decocta, Extracta, parata Processu tertio: ut ita iterum, comparatione instituta inter effecta quarti & hujus quinti Processus, cognoscamus vim, & effecta ignis in plantas. Agite, intentissimo adsitis animo.

A P P A R A T U S.

1. **E**Xtracta Processu tertio parata, leni igne, paulatim, in cochleari puro, ferreo, ad ignem sine fumo siccantur penitus. Tum nigra, splendentia, tenacia, erunt. Postquam eo reducta, tum majori acta igne fumant sensim magis, donec ultimo, incipiente jam candescere cochleari, fœteant nidorem ambusti, vaporem aterrimum dent, amarum, spissum, tum flammam concipiunt vividam, mox scintillat, qua parte adhuc nigrescit, materies, deinde in cineres delabitur subflavescentis pallidi coloris, quum antea foret nigerrima.

2. Cineres hi, diu in igne derenti in hoc vase, parumper albescunt, manent fixi; sunt inodori salini, acris, lixiviosi, suburinosi, saporis, sicque gustati relinquunt in lingua pauculum terræ. Si solvuntur aqua pura, percolantur, inspissantur, exsiccantur, dant salem ex lutescente album, acrem, igneum, lixiviosum, saporis suburinosi. Gradus autem acrimonix, & copia, hujus salis, differunt partim pro natura plantæ, partim pro violentia ignis adhibiti.

U S U S.

1. **E**Rgo aqua ebulliens solvit plantarum oleum, & salem, inque his binis intimius hærentem terram.

2. Sed hoc oleum, sali plantæ mistum, in formam saponis, aquæ perfecte misceri potest in planta: unde nativus harum succus saponaceus existere intelligitur.

3. Aqua separata de hoc sapone, oleum illius, inflammabile ad ignem, igne magis actum nigrescit, rarefcit, supra superficiem salis extenditur, in flammam veram accenditur, consumitur, salem relinquit oleo hoc nudatum: igitur hic carbo natus vegetabilis verus de aqua, sale, oleo.

4. Hoc oleum dabat colorem extracto huic, vaporem densum, nigrum, fœtidum, coloremque nigrum, ad ignem, omnemque odorem, qui forte supererat; hoc solum cremabile erat.

5. Si Aqua processus primi, Infusum Processus secundi, & Sal hic paratus Processu quinto, miscentur, vis medicata habetur satis insignis.

6. Quando huic operi adhibentur herbæ acerrimæ, ignea, valde volatili, oculos in lacrymas ciente, virtute præditæ, omnia eadem contingunt, sed sal vix restat de cineribus, utpote volatilis. Cephæ, Cochlearia, Raphanus rusticanus, Sinapi, id doceant, doceant alia.



PROCESSUS VI.

Planta recens, vel residua a Processu primo, exusta dat cineres saljos.

APPARATUS.

1. **P**Onatur in cochleari puro, ferreo, ad ignem purum, sine fumo, sed per minutos gradus lente auctum, exhibit primo fumus odoratus Rosmarini, aquosus, excolor, aut suppellucidus, qui durabit tamdiu, donec incipiat fere nigrescere herba. Secundo atra jam facta exit vapor crassior, nigrior, nidorosior, ambustum spirans, tumque omnia carbonis instar nigra. Statim tum flammam concipit, ardet, fumare desinit, lucet dein, scintillat, relinquit sub pristina forma exuvias herbæ albas, ut in Processu quarto, neque hactenus inde ullam per notam distinguendas. Hinc oleum plantæ, igne actum, nigrescit semper; sive, in sublime raptum, ignemque fugiens, in aëre agitatum, fumum piccum faciat; sive ad salem, terram, aut ambos simul, extensum scintillet; sive fumus hic oleosus, aterque, vi ignis incensus, aut rapidissime circumvolutus, flammam constituat, unde evadens atram adhuc fuliginem facit, testaturque flammam lucidam esse oleum nigrum redditum in igne rotatum. Simulac autem de planta materies hæc, in igne primo nigrescens, penitus consumpta est, tum nec flamma amplius, neque scintillæ inde elici ulla arte poterunt; tumque semper omnis omnino planta albescit.

2. Cineres hi, sic parati, ex tenui parte plantæ, figuram suam nativam expressissime retinent, post omnem hanc toleratam ignis violentiam. Quando autem crassa valde pars vegetabilis comburitur, tum tota penitus nigrescit, fitque carbo, cujus pars aëri contigua, sola primo igne lucido consumpta cineres dat albos, fragilesque; tum stratum nigrum, cineribus subjacens, iterum igne lucido consumitur. Sicque successive; unde tum figura urendo destruitur; quia vis interioris combustilis exteriora jam in cineres versa a centro extrorsum rejicit, quod in tenuibus non fit. Quando autem cineres hi gustantur, acrem, igneum, lixiviosum, urinosum, saporem linguæ imprimunt. Si aqua pura diluuntur, colatus liquor exsiccat. Salem dat ut in Processu quinto, sed longe minori copia, pars in colo detenta mera erit, & copiosa, terra, qualis Processu quarto enascebatur.

USUS.

1. **A**quam vi ignis solum plantæ succum solvere, patet, relicto, intactoque, solido.

2. Ignem ipsum vix plus valere, minusque inde, educere solum: quia salem relinquit.

3. Aquam multum cremabilis etiam educere, quod non eductum plus materiæ combustilis præbet.

4. Salinum quarundam plantarum igne hoc non reddi volatile, sed oleum, quod ei adhæret.

5. Oleum & Salem naturaliter mista in plantis aqua simul solvi, unita manere, igne separari.

6. Sapo igitur natus humoribus plantarum & animalium, si sanescunt: verum si oleum seorsum, vel sal, morbus utrisque fit. Quod Hippocrates observavit: mista salubria, separata noxia.

7. Ergo diversitas elementalium plantarum, in solo succo earum: terra & oleum conglutinans communia.

P R O C E S S U S V I I.

*Sal natus Plantarum paratus de succo illarum recens presso.
Hic Acetosæ.*

P Ræcedentia quidem nos docuere, quid aër, aqua, ignis, agant in plantarum partes solidas, fluidasque, & quænam sint, quæ inde, ope illorum producuntur, in quæ dividuntur per hæc, & speciem salis fixi ex stirpibus eductam. Sed jam accuratius explorandum, quam propria forma Sal plantarum succis naturalibus harum insit, ex quibus ibidem principiis diversis coalescat, quas dotes exhibeat? ut distinguamus inter sales Vegetabiles a natura genitos in Regno Vegetabili, & inter eos, quos Chemicus ignis generat: id scire nostra refert. Modum autem coram oculis vestris in hac officina exhibere nequeo: quia aliquot mensium decursum requirit, priusquam absolvitur. Ideo initium, & finem, hic dabo, cætera verbis supplebo: ut ipsi experiri velitis, & discere, quam immensi differentia distent Sales genuini, & igne parati. Nihil errores peperit turpiores, quam opinio nata inter Chemicos, quod Sales in plantis energetici tales præexistissent, quales illi violento inde igne produserant. Non licebat cautis colligere, fuit in planta hic sal: quia ope ignis talem inde eduxi. Sed Artis prudentia dictabat, talem Salem hoc definito igne eduxi de tali planta, ergo in illa planta erat materies nativa, quæ hoc modo tractata hunc Salem dedit, non ultra. Tumque cremabile pingue, salino sincero accurate unitum, Salem nativum dabit.

A P P A R A T U S.

1. **A** Cetosæ hortensis, latifoliæ, adultæ, jamjam flores parituræ, copiam ingentem, summo mane, de terra evulsam, in fluente rite abiutam a fabulo adhærente, conscissam, contusam, inter lintea pura, cannabina, prælo quam potest fieri fortissime exprimo omnem succum; qui acidus valde, viridis, & instar multi spissus est.

2. Hunc succum sextuplo aquæ pluriæ, purissimæ, diluo: ut commodius colum transeat.

3. Dilutum hunc liquorem per saccum conicum lintheum transfundo, egressum iterum infundo, idque reperio toties, donec limpidus, purus, tenuis, liquor habetur percolatus. Qui tum grate acidus.

4. Liquorem ita defœcatum, ex latis, vitreis, vasis apertis, leni admodum ebullitione inspisso, in loco non pulverulento, ad ignem non fumosum, donec exiverit residuus liquor in spissitudinem fere cremoris lactis recentissimi: est acidissimus.

5. Inspissatum hoc liquidum infundo urinali mundissimo, ut usque intra collum plenum sit, superaffundô leniter desuper paulum olei puri Olivarum ad lineæ altitudinem, sic repono in cellæ pavimento quietum octo mensium spatio. Ita sub hoc oleo, fermentationem, putrefactionem, mucilaginis generationem, prohibente, generatur Sal, speciem quandam Tartari referens, qui quam proximus est naturali sali plantæ, effuso supernatante fluido.

6. Sal hic, subita frigida affusione paulum ablutus quam ocyssime ab adhærescente mucilaginea fœce, leniterque exsiccatus, Salem exhibet plantæ nativum; quem nunquam alcalinum deprehendi, quacunque demum herba natus esset, erat in succo, expedit se inde, inque glebas salinas concrevit: si confertur a Vobis hic Sal, cum illo, quem Processu quinto, & sexto, vi ignis comburentis produxeramus, immanem reperietis differentiam, in colore, sapore, figura, omnique effectû tam Physico, quam Medicato. Hic succum plantæ exprimit, ille filius ignis, ante talis in humore plantæ non præexistens, sed nova, ut Helmontius satis proprie exprimit, creatura est.

7. Exemplum dedi in Acetosa. Potestis in alia quacunque succulenta facere idem. Sed alium semper habebitis salem pro varia plantæ adhibitæ indole. Si manifesta acedine pura, aut austeritate acida, præditi sunt succi, sal inde genitus Tartari de vino acido, vel acerbo, nati indolem exprimet. Si succulentas prorsus adhibes, sed haud acidas, neque pingues, quales plures medicatæ aliæ, sal natus alterius tum ingenii, proprii, singularis, forte nitro magis similis. Becabunga, Cichorium, Ebulus, Endivia, Fumaria, Gramen, Nasturtium aquaticum, Nymphæa, Plantago, Polygonum, Prunella, Taraxacum, talem Salem produnt. Unde & harum plantarum eximie medicati succi, subnitrosi, hujus salis abundantia præstant, veteres obstructions solvunt, piceum lentorem atræ bilis fundunt, chronicos morbos efficacissime sanant. Quando autem huic operi adhibet quis succos Vegetabiles multum viscosos, & qui prorsus lentescunt, ut de Portulaca, Psyllio semine, Symphytove majore, nunquam Salem nanciscetur, nisi prius præmissa fermentatio dissolverit lentorem. Ita pariter omnes illi succi, in quibus copia pinguis olei dominatur, inepti sunt huic operi; habent quidem salinam in se materiem, hanc vero ita inviscatam tenaci oleo, ut impediatur sui similia sibi adunare, inque crysalli glebas coïre. Scilicet cujusque salis in crysallor coactionem oleum semper impedit. Quin etiam olei copia salis penuriam, & vicissim, tam in Animalibus, quam Vegetantibus, infert; quare de aromaticis opimo pingui, & balsamo, ditissimis non facile impetrabis hosce sales.

U S U S.

Hinc scitur natura salis sic parati, in plantis nativi. Est aqua solubilis. Ex oleo & salino compositus. Acidus sæpe. Alcalinus nunquam; si enim talis fuerit, ille avolat coctione, inspissatione. Modice fixus. Facile mutabilis. Humoribus humanis miscibilis. Penetrabilis in vasa corporis satis parva. Hinc ibi vires suas exercere potens. Siccus pro parte in igne ardet, ut inspissata Processu quinto. Dein abit in salem, qualis parabatur in eodem Processu quinto, & sexto.

P R O C E S S U S V I I I.

Sal natus Plantarum de succo illarum fermentato. Qui Lapis Vini, vel Tartarus.

A P P A R A T U S.

Succus maturorum fructuum horarum pressus, perfecte fermentatus, hinc Vinum dictum, sola quiete faeces ponit, Matrem Vini dictam, evadit limpidum. Si tum depromitur in cadum purum, longa quiete corpuscula gignit in medio liquore mota, scintillantia, splendentia, acuta, subtilia. Hæc a centro gravitatis vini, in omne punctum superficiei ejusdem dispersa, attingentia cava dolii se affigunt, sicque vas incrustant in omni puncto, quod vino attingitur. Tum paulatim vinum sic deponit similem materiem, facillime priori accrescentem, & vi quasi attractam, donec totum vini corpus nihil amplius in se contineat. Si vinum sic deposuit id omne, quod continebat, post fermentationem, talis materiæ, sicque mitius factum, in aliud vas depromitur; tum incrustato priori, jam evacuato, dolio simile recens defæcatum vinum committitur, rursus illa materia, citius genita jam, priori crustæ accrescit, virtute illius celerius eo tracta. Hæc est vera generatio miri illius corporis, quod est vera crystallus vini salina, sed non nata tantum in fundo liquoris, ut aliæ crystalli salinæ, sed in omni ambitu vasis continentis æquabiliter. Hæc a fæce vini quam distinctissima sane plurimis dotibus, licet naturæ illius proxime accedat. Subtilior, purior, minus terrestris, minus amurcosa, minus pinguis, difficilius in aqua solubilis, gustus acidioris. Germani aptissimo vocabulo vocant *Weynstein*, Lapidem Vini. Tartarum dixere Chemicis minime appposito nomine. Diversitas ingens est hujus, pro ratione naturæ vini. Acida, austera, plus materiæ dant, dulcia, oleosa, minus. Suffocata in fermentatione nondum prorsus absoluta minus exhibent, perfecte absoluta fermentatione quæ subtilissima evasere, plus deponunt, ut Rhenana. Rubra rubrum, Candida album, creant.

U S U S.

Hic alter modus obtinendi Salem naturalem plantæ. Qui semper acidus oleosus. Facillime in alcali mutabilis. In aqua, vino, aceto, non solvitur, absque calore, sed instar lapidis stat, imo proprium vinum, unde nascebatur, crusta sua coërcet instar vasis fortissimi. Requirit calorem ebullientis aquæ prius quam solvatur in aqua penitus. Tum vero, simulac aqua, quæ ebulliens solverat, paulum refrigerescit, statim iterum solidescit in aqua titulo cremoris, aut crystallorum, Tartari. Ut solvatur prorsus in aqua ebulliente exigit vigecuplum aquæ, aut manet in fundo. Dum crematur igne, plus aëris generat elastici, quam ullum corpus notum, vaporem omnino incoërcibilem creans. In corpore humano, laborante bilioso acri, putrido, summum est corrigens: inde acutis proba medela. Purgat primas vias, vix turbans interiora. Cum acri putrido, amissa acedine, in materiem facile solubilem abit, tumque pulcherrimum exhibet remedium aperiens. Cætera patebunt, quando Processu 54, & 55, de illo agemus. Nobis jam hinc constat, qualis sal ille sit, qui in succis naturalibus, aut fermentatis, plantarum inest. Sed coram demonstrabitur Processu 55, sales hos ita genitos facile arte resolvi in aërem elasticotaton, aquam acidulam, spiritum acidulum olidum, oleum volatile omnium notorum penetrabilissimum, volatilissimum, oleum crassius fixiusque, carbonem nigrum alcalinum, alcali optimum, terramque. Quare sales non existunt simplices in plantis, sed aliis semper admistis temperati. Vos ita jam incipitis intelligere analysin Vegetantium Chemicam.

P R O C E S S U S I X.

Sal ex herba viridi, Rosmarino, cremata igne, more Tacheniano.

A P P A R A T U S.

Amplæ, satisque altæ, sartagini ferreæ impono purissimam, recentem, siccam, viridem Rosmarini frondem, caulesque. Impono desuper laminam ferream, quæ ita Rosmarino incumbat, ut hanc prorsum comprimant, atque superne perfecte tegat. Pono ita parata in igne modico, sensim augens, donec tandem vas ab ignis vi candescat. Fumat, olet, in carbonem nigrum vertitur. Superadditur recens Rosmarinus priori ustulatæ, tegitur, comprimitur, pergitur ut prius, donec & hæc in carbonem versa. Sic proceditur, donec satis, pro proposito habueris. In toto hoc opere cavenda sollicitè inflammatio; id fit, si, bene tegendo, accessum aëris perfecte impediveris: nam simulac & ille accedere potest, statim erumpit flamma hic noxia. Hæc dicitur ustulatio suffocatæ herbæ, quæ, quo lentius, & diutius peragitur, eo rectior fiet operatio. Tum erit herba aterrima, fragillissima, amara, cum aqua ebulliens amarum liquidum dans, vix hactenus salem exhibens, sed liquorem ambustum, ama-

rum, sudoriferum : unde tali ustulatione in carbonem nondum sal in planta, vel vix, apparet, neque in lixivio, neque sapore ad linguam.

2. Auferatur, priori rite peracto, lamina ferrea tegens, maneatque sartago cum hac ustulata herba supra eundem ignem; tum ilico, ac aër liber admittitur, nigra herba incipiet igniri, facillimeque flammam capere; hinc hæc sollicitè prohibenda ad hoc opus. Sed ignitio igne rite temperato sustinenda erit. Videtis, simulac superior pars, aëri contigua, aliquamdiu micans scintillavit, ignitio ejus exstinguitur, tumque cœcus albescit. Sed partes, sepultæ sub his albis manent nigrae, ignitæque : hinc prudenter tota herba movenda virga ferrea : ut successive omnes illæ partes aëri expositæ contiguo albescant; donec ita undique ignitæ, perpetuoque motu, idoneo tempore, aëri, & igni, simul expositæ, mutatae sint in unam, homogineam, albam, massam; quæ tum parva, ponderosa, æquabiliter alba, apparet; tum vero, ne in magno quidem igne ulla amplius scintillatio continget; Sed, si vel unum adhuc foliolum nigrum inest, illud statim ac aëra attingit promptissime scintillat, ut prius. Si autem ad albitudinem hanc omnis adhibita herba deducta est, tum saporem acrem, utcunque urinosum salinum habet : qui purus non apparet unquam in hac herba, quamdiu id nigrum adhuc adhærebat, quod purum, in igne consumendum, oleum est : hoc autem omni absumto per ignem, sal, intactum igni, nudum apparere incipit. Unde rursus apparet, olei consumptionem requiri prius, quam sal parari queat.

3. Cinis ille ita paratus, adhuc hora una, alterave, supra ignem relinquatur ita, ut perpetuo candescat, sed interea assiduo agitetur virga ferrea : tum tribus hisce ita actis calcinatio absoluta est herbarum pro sale Tacheniano. Inque ea ignis suffocata actio, expulsa aqua, intime adunat olei, & salis principia in concretum sulphureo-salinum, ut amant loqui Artifices; id naturæ est saponacæ utcunque, cum multa quidem simul, sed subtili admodum, terra admista.

4. Cinis hic immixtus puro vasi ferreo, cum sextuplo puræ pluviae, ebulliat ad ignem, cochleari ferreo sæpe agitetur, liquor supernatans, acer, lixiviosus, salinus, elicit salinum ex cineribus, terram reliquit in fundo; fervidus ille percoletur donec limpidissimus transivit; servetur, vocatur lixivium salis Tacheniani. Si terra in fundo vasis, & in collo, relicta, cum nova aqua ebullit, dat lixivium adhuc, sed magis acrimoniam calcis referens, minus salis habens. Id percolari potest, & priori misceri. Residua dein terra cum nova semper aqua ebulliat, liquor inde dimittatur ut prius, donec absolute æque insipida aqua inde redeat, quam affusa fuit. Postrema lixivium depurari servarique possunt, aut & abjici, ut inutilia. Terra remanens pura, conquassetur cum pluvia, turbida effundatur, hocque continuetur, donec sola arena, in fundo manens, rite separata sit penitus, a cinere vero aquæ misto. Subsident terra, sicceretur, est Terra vegetabilium pura, elementalis, fere virgo, aptissima cupellis docimasticis conficiendis.

5. Lixivium hoc purissimum in vase puro ferreo exhalet ad ignem, donec prorsus siccum, in fine perpetuo movendo; ne adhærescat nimium vasi. Erit Sal, acer, alcalinus utcunque, subfuscus, in aëre sensim lique-

cens, non tamen tam promte quam alcali perfectum. Quo color hujus ex se magis fuscus, eo sal rectius paratus erit: plus enim olei habet.

6. Sal hic commissus crucibulo puro, impositus igni undique cingenti, donec crucibulum bene candescat, satis facile fluit instar aquæ, longe citius sane quam Sal verus alcalinus, fixus, tumque effundi debet supra mundam laminam æneam in formam tabellæ. Hic est tum sal fixus, purus, vegetabilis, Tachenianus. Hunc, si quis desiderat puriorem reddere, poterit Artifex aëris humido expositum, vel pluvia limpida, dissolvere, inspissare depuratum per colum, & quietem, liquidum, donec pellicula in superficie appareat, tum in quieto loco reponere, nascentur glebulæ salinæ, crySTALLINÆ omnium purissimæ, sed bene pretiosæ. In his non quidem alcali acre; sed oleum plantæ alcalino immistum id genus salium temperatius reddit: attamen non est, ut cogitetis, singularem plantæ vim inesse huic parato sali: ignis expulit illam hærentem in Spiritu Rectore nimis mobili. Ideoque vilissima quæque herba, modo salini dives, sic tractata, æque bonum hunc salem dat, quam quæ pluris emittitur. Effectus certe in Medicina idem erit. Color autem hujus salis facillime mutatur, dum funditur, si carbonis quid incidit, unde statim plumbeus color enascitur, isque pro varia ejus copia diversus.

U S U S.

1. Sales hi non sunt acres, igneive, sed falsi compositi, ex oleo per ignem arcte misto cum illo alcali acri, tantoque magis distant ab acri alcalino igneo, quo diutius, magisque prohibito aëris accessu, sunt ustulatæ herbæ, eoque meliores medicinæ. 2. Non sunt igitur adeo contrarii acido, ut illius tam magnam copiam destruant, quam quidem alcalia sincera. Imo vero rite parati possunt utcunque marini salis aut fossilis penuriam supplere in usus humanos: ut Varro narrat de quibusdam Rheni accolis, qui sale de carbonibus ex lignis quibusdam combustis, pro maritimo, & fossili, utuntur. (De Re Rustica. L. I. C. 7.) 3. Sales hi, si diu aëri externo committuntur in vasis apertis, attractu aquæ liquefcunt, quamvis longe difficilior, tardiorque, quam alcalici puri; in aqua vero diluuntur ocysissime. 4. Id quoque habent, quod omni humori corporis humani promte immisceri queant; quin ipsi quoque pingui oleo, bilique spissatæ, per calorem nempe vitalem, & actionem circumductorum humorum. 5. Hinc in vasa sanguifera, serifera, galactophora, lymphatica, urophora, sudorifera, bilifera, intra nervosa autem admitti nequeunt. 6. Valent admistu, calore, dilutu, motu vitali, dissolvere coagula plurima, & præcipua, quæ in humoribus corporis nostri deprehenduntur; maxime exercitatione, fricatione, vactione, adjuvante. Calculum tamen facile non solvant vi menstrui, imminuunt motu, trituque, mechanico, quem in corpore, & ad vias urinæ imprimis augent. Mala in humoribus nervorum ibidem attingere nequeunt; hinc podagram exquisitam directe non curant. Aliter, ubi calida diluuntur, corporisque motu agitantur, satis penetrabilia sunt, usque in profunda corporis. 7. Dum recepta sunt hæc salina, & mista, humoribus nostris, tum ibidem acria exhibent non destruentia qui-

dem, attamen naturali blanditie acutiora; unde igitur sentientes nervorum partes acuunt, stimulant in vibrationes suas majori solitis impetu exercendas: quare tardæ pigritiei mire succurrunt in languore, hypochondriacis lentis, hystericis, morbisque ab inertia simplici oriundis. 8. Igitur effectus præstant egregios in aperiendis vasis corporis obstructis: dum syntaxin nervosam agitant, simulque crassa solvunt, & pondere suo nativis nostris salibus majore fortius solito omnia urgent. 9. Virtutem suam exercent hinc promovendo omnes secretiones, excretionesque. Dum enim facile fluentia reddunt fluida, & cava vasorum expediunt, ut facile transmittant, simul stimuli acumine humores & vasa exercent; causas ergo veras motus humorum per vasa incitant æquabiliter; unde omnis secretio pendet, & excretio, in omni officina partium. 10. Hinc apparet, cur sint sudoriferi? quum certo constet, sudorem in se continere naturaliter sales nativos corporis, eosque in externam epidermidis superficiem deponere, per arteriolas patulas in cuticula: sane erit & salibus his aperta hucusque via, pertinget eo excernendi facultas. Quod ab experimentis pulchre firmatur. Urinam inprimis hi sales ducunt: enimvero Autor naturæ renes constituit eo præcipue effectum, ut excessus salium evacuetur corpore; urinæ semper falsissimæ omnium humorum id evidenter docent. Inde igitur nusquam apparet horum salium manifestior operatio, quam in Diuresi procuranda, simulque repurgandis humoribus ab inquinamentis noxiis, quibus gravantur. Quin & alvum expurgant fœcibus durioribus; dum concretæ resolvunt, aperiunt vias, expellunt tarda. Experiemini Melancholicos, alvi segnitie oppletos, haud feliciori methodo levarî, quam rite instituto, bene directo, satisque diu continuato, horum usu. Quæ quidem in re id eximii habetur, quod solutus horum virtute venter suo deîmunere fungi pergat, nec obleretur postea, quod purgantibus aliis negatur. Systematis autem biliosi officina, hepar, splen, fellis vesica, bilis viæ, portarum vena, quonam remedio tutius, quonam efficacius, expediuntur, purganturve? certe sapone hoc lixivioso tenacia primarum viarum impedimenta soluta faciunt, ut pura hic deterfio fiat, absque periculo, sine violentia, denique vel ita obtinetur Hippocratica expurgandorum coctio. 11. Efficacia hinc notanda salubris horum salium in omni morbo Chronico, ubi merus spirituum torpor, laxitas fibrarum iners, humorum hebes crassities sine acri putrido, acedo a debilitate vitalium virium, coagulum ab austero, acidove. Vos, ô Medici, cogitate, quæso Vos, quantus morborum numerus hisce causis pendeat! crederis medelam plurimorum chronicorum in salibus his præparatis obtineri, qui acidum tollunt, id in salem neutrum invertunt, tum nova hac virtute stimulant, & lentescencia solvunt. Ne tamen incaute credatis semper igitur salubrem, noxium nunquam, horum usum! Certe in putridis, biliosis, alcalescensibus, nimis agitatibus, hinc ferventibus, oleum igni affundunt; nocentque his, quorum compages adeo debilis, ut effectum horum salium ferre nequeant: dum motu inde excitato destruuntur penitus. Quin & abundantia salium in corpore copiæ additi nocent.

METHODUS UTENDI HISCE SALIBUS IN MEDICINA.

Primo. Assumendi vacuo, & digestionis munere perfuncto, ventriculo; adeoque decem ab ultima refectione horis. Tumque pro diversitate usuri exhibere licet a Granis quatuor ad Drachmas binas, aut plures, prout Medici præscribentis sapientia judicat.

Secundo. Debent larga aquæ copia dilui: ne primo occurſu lædant fauces, stomachum, ventriculum, si nimis meraca potantur. Itaque Drachma Salis solvatur in Unciis novem aquæ communis, puræ; ita enim agent instar aquarum medicatarum de fontibus salubribus, quæ paucò sale fossili, magna aquæ vi agunt.

Tertio. Si Medici consilium alvum ciere ægro; tum vesperi, antequam lectum adeat, deglutiat catapotia terna, facta ex Aloës Socotorinæ, lotæ, granis novem. Vel sumat semidrachmam pilularum Rufi. Sequenti mane surgat mature, deambulet parum in aëre subfrigidiusculo, caveat sudorem, bibat inter ambulandum dosin requisitam potus divisam in quinque, vel sex, doses. Effectus est quam optimus; purgat, levat, non solvit vires. Sapientum ventribus vera medela, & radicos alte morbos extirpans, omni alii purgationi rebelles.

Quarto. Si renes expurgandi potius videntur, & sanguifera vasa. Fiant omnia ut prius. Omittatur vesperi Aloë. Lumbi, & hypogastria, regantur magis, quam reliquæ partes corporis. Superbibatur subinde haustulus Theæ, vel Coffeæ.

Quinto. Quando sudor exprimendus videtur de corpore. Bibantur decumbenti in lecto mane, sub iisdem legibus, sorbeatur post singulos haustus leve sudoriferum, quale Decoctum Radicum Bardanæ, aut quinque Radicum aperientium, Ligni Santali, vel Sassafras, aut & Theæ, vel Coffeæ. Satisque tecto corpore sudor proliciatur pro ratione morbi.

Sexto. Si febres autumnales, intermittentes, tertianas, quartanasve, hoc remedio sanare satagis, tum duobus, tribusve, diebus successivis purga, juxta observationem tertiam. Dein quatuor horis ante exacerbationem venturam excitetur levis sudor secundum observationem quintam ita, ut æger inprimis sudet fortiter satis circa illud tempus paroxysmi. Ita felicissime pertinaces febres propelluntur. Hocque singulari usu Acidulas ipsas, & Spadanos fontes, lixivium horum salium exsuperant.

PROCESSUS X.

Sal de herba sicca cremata Tachenianus. Ex Carduo Benedicto.

APPARATUS.

SI herba hæc, simili apparatu, ut in Processu nono, igne suffocata, comburitur in carbones nigerrimos æquabiliter; horumque ustulato- rum ingens collecta prius copia, dein igne aperto in magna fartagine

ferrea, sine ulla omnino flamma accurate vertitur in cineres ubique albos; hi postea parum adhuc calcinantur; tum lixivium horum, depuratum, in salem vertitur; illeque tandem funditur: habebitur sal præcedenti ex herba viridi idem.

U S U S.

QUum in salibus his oleum, & sal, pluribus herbis communia, sine retenta dote nativa herbæ, combinentur: facili patet, parum referre, quam herba parentur; quia res semper eodem redit. Igitur oportet huic sali parando herbas applicare viles, & rejectiles. Stipites ideo Fabarum recentes, simul ac fructus ablati, leviter modo siccatos, in acervum magnum congestos, injectu lamellarum ferrearum compressos, lento igne ustulatos dum hac arte tractamus, salem colligimus, idoneum, minori longe pretio, virtutis ejusdem. Quem hoc inprimis commendo nomine. Cæterum peculiare nihil medicati habet. Quamvis Paracelsus eum contra calculos singulari laude, præ aliis, laudet. Tantum observare decet, ne nimis veteres, diuque resiccata, herbæ fumantur: parum salis dabunt, nec operæ solvent prærium. Aliter siccatum citior, facilior, præparatio, pretium vilius.

P R O C E S S U S X I.

Sal de planta recenti cremata vulgaris, ut a Pharmacopolis parari solet.

A P P A R A T U S.

SUmantur herbæ quæcunque recentes; plenæ materie salina, ut Absinthium, Carduus Benedictus, Filices, Kali, stipites Fabarum, aut similes; siccantur in aëre calido, sicco; concussu liberentur ab arena adhærente, & terra, quantum fieri poterit; colligantur in magnos fascēs, vel ramalia; inde fiat pyra; quæ supra pavimentum factum de lateribus planis accendatur in aëre aperto, in luculentas erumpet & crepitantes flammæ; injiciantur cineribus ignitis similia ramalia successive, donec ita omnis destinata materies flammis vivis in cineres versa æquabiliter albos, quod cito fit, si virga ferrea perpetuo agitantur. Hi cineres cribrati sunt, qui venales adferuntur ab iis, qui herbas medicatas alunt in usus Pharmaceuticos. In illa autem combustionē observare oportet inprimis accurate omnia, licet vulgatissima, phænomena. Primo enim, igni impositæ, herbæ fumant. Fumus vero ille sensim per gradus densior evadit nigriorque; quando crassissimus, simulque aterrimus, maximeque motus, tum subito emicat flamma instar fulminis. In ipsa flamma lucidissimus modo furit ignis, fumosi ibidem, nigrive, apparet prorsus nihil. Sed Secundo superficies flammæ, tam apex, quam latera, emittunt fumum nigrum, eoque cinguntur: ut patet, si charta candida, vel linteum purum, detinentur supra flammam. Tertio notabile, quod aterrimus, densissimus, in vorticem pernecitate ingenti raptus, fumus sit adeo flammæ jam jam fulgura-

turæ propinquus, ut vix differant; quin & statim, dum flamma cessat quacunque de causa, carbonibus nigris adhuc in combustili præsentibus, fumus crassus flammæ subit, hæcque ita reciprocatis sæpe vicibus fieri possunt. Quarto quamdiu multum nigri superest in planta usta, flamma fieri potest, inprimis venti agitantis impetu, attamen semper tanto minus flammæ, fumique, quanto minus nigri, nec valida unquam flamma ante apparitionem nigri in materie combustili. Quinto ubi nigrum multum consumi incipit, flamma amplius excitari quidem nequit; sed scintillæ micantes ignitæ obtinent in omni particula, vel minima adhuc nigra: sed abest visibilis fumus. An ergo fumus, flamma, scintilla, oleum combustilis materiæ, nigrum carbonaceum, in materie valde parum differunt? Sane simulac omne nigrum consumtum, nec fumus, nec flamma, nec scintillans micatio, supersunt. Sola forte ignis copia major, indeque rapidior olei rotatio, differentiam parit. Sal de cineribus his arte superiori productus longe est acrior, alcalinus magis, & igneus; hinc magis rodens, plus resistens acido, putrefactionem incitans.

U S U S.

Inprimis docet differentiam Salium igne productorum secundum varietatem modi, quo ignis applicatur. Simul instrumenta nova Medicinæ, & Chemiæ, parit, magis quidem alcalia, neque tamen vere alcalina sincera. Sed etiam manifestum habetur de omnibus jam expositis, ergo Sales hac ultima productos methodo adhuc longe minus differre inter se; adeoque parari hos posse ex quibuscunque, huic operæ idoneis, herbis ficcis, permistis inter se: quum Sales hi commisti, a simplici cujusque herbæ distingui nequeant; vilissima ergo, par pretiosissimæ ad hanc rem.

PROCESSUS XII.

Sal Vegetantium acer, alcalinus, fixus, igneus, ejusque Liquor, quod Oleum per deliquium appellant.

APPARATUS.

1. **H**erba, plantave, adulta, recens, succulenta, viridis, verno inprimis tempore carpta, uratur, ut fiat Sal Tachenianus, in cineres: hi Cineres ex eadem copia dabunt plurimum alcali postea. Secundum Processum nonum & decimum,

2. Vel, quia major illa copia haud compensat laborem, impensasve, combustio tantum fiat juxta Processum undecimum.

3. Cineres illi magno vase figulino excepti, igni forti committantur, ut candescant penitus, cavendo ne fluant liquefacti in igne: tum enim irent in vitrum fusi, nihilque salis darent. Cæterum, quo diutius ita exuruntur, eo semper alcali postea enascetur fortius, Sed eo quoque magis disponuntur, ut interim natum hoc alcali acre fundat suam terram fociam, hanc arripiat, in Vitrum fundat, sicque statim alcali omne perdat. Ignis quippe

quippe fixum vegetabilis liquefactum in gemmam fixam, pellucidam, prorsus insulsam convertit, confunditque, postea diu immutabilem, simplicissimam apparentem. Unde antiquissimi in Sacra Biblia Commentatores dixerunt, supremo fato ignis vi solutam orbis compagem in vitrum abituram. Atque in fundo vasis sæpe reperitur, si diu nimis, nimisque acriter, ignem concitaveris, aliquid veri vitri.

4. Cineres hi, in olla ferrea, cum quadruplo pluviae ebulliant; quiescant per semihoram, quo lixivium limpidum supernatet fœcibus subsidentibus; lixivium percoletur per linteum densum toties, donec quam limpidissimum transit. Fœces recenti cum aqua ebulliant denuo, sæpe virga ferrea agitata, lixivium paratum ut prius, misceatur priori. Fœcibus rejectis, pura lixivium, in olla ferrea, munda, intus polita, ebulliant, donec incipiant inspissari fere in mellis spissamen. Tum assiduo debent cochleari ferreo agitari fortissime: ne ollæ accrescant interea dum siccantur; neque enim semel affixa dein auferri inde possunt. Quando autem jam fere incipiunt arefcere, aucto igne, aqua maximam partem expulsa, per incrementum ingens æstus, qui augetur absentia jam separatae aquae, subito intumescit massa rarefcens; ut, ni prudens obstiteris cavendo, & agitando, supra ollam evagetur æstuans materies, maximo cum damno, & pretii & operæ. Hæc autem agitatio continuanda, donec sal in olla siccissimus omnino, qui albus, alcalinus, satis purus, habebitur. Ultima siccitas ejus difficile paratur, retinetur difficilior.

5. Sal ita paratus, siccissimus, fervidissimus adhuc, statim inditus crucibulo forti, valido igne fundatur, sicque detineatur fusus, una, alterave, hora. Tum sit mortarium, siccissimum, metallicum, nitidum, valde calefactum, ad manum præsto, in quod prudentissime effundatur fusus Sal de catino forcipe firmiter detento. Interim quoque lagena vitrea, de viridi vitro germanico, siccissima, calidissima, simul adsit, collo largo satis, & ore magno, instructa. Simulac Sal mortario infusus, moveatur diligentissime pistillo, priusquam indurescat, tum redigetur aridissimus in pulverem. Quod aliter fieri nequit ulla arte, quin humescat ab aëre. Statim, dum pulvis ille solidescet, ilico immittatur quam ferventissimus adhuc intra illam aridam, calidam, lagenam. Hanc autem quam ocyssime obtura subere siccissimo, novo, fortiter adacto. Ac fastigium lagenæ cum subere pici liquefactæ immerge. Salem habes Alcalinum purum.

6. Quo Sal iste diutius, fortiusque, in igne fluxit, eo magis acer, igneusque, evadet. Sed & eo etiam semper alium induet, aliumque, colorem. In initio namque subcinereus, dein albus, sensim subcærulefcit, cærulefcit, subviridefcit, fuscus fit, tandemque subrubellus quasi marmoreus. Horumque colorum, a sola vi ignis natorum, successio, semper gradum exprimit acrimoniæ violentioris, magisque Alcalicæ indolis. Videturque semper eo minus olei plantæ remanere unitum huic Sali, quo longiori, & violentiori, igni fuerit tortus. Hinc etiam distinctissime omnes hæc Salium differentias notare cupidus, poterit hunc Processum dividere in tot alios, quot diversi gradus coloris, & acrimoniæ, modo recensiti fuere. Semper vero in hisce cavendum, ne decipiatur Artifex colore nato ex

illapso carbonum, sed solum colorem illum hic intelligat, qui ab igne unice oritur.

7. Eodem modo Succum plantarum, harum Extracta, Sales nativi, Sales Tartarei ex fermentatis liquidis nati, Sales Tacheniani, dabunt Salem alcalinum descriptum, si eodem igne tractantur.

8. Interim in productione horum Salium diversitas notabilis observatur: nam quædam herbæ promptius copiosum, statimque accerrimum, alcalinum, Salem dant. Sarmenta vitis putatæ mensis Martii initio, aperto igne combusta, dant abundanter acerrimum alcali. Quod Basilius Valentinus videtur elegisse ad præparandum suum Antipodagricum, & Lithontripticum, præ omni alio alcali. Sic & Kali Ægyptium pariter sali tali dives. Ex nulla tamen re citiusque, meliusque, quam de Tartaro Vini. Sane hunc alcalium principem posuere Paracelsus & Helmontius. Vitri conflatore observant, vitra de alcali Filicino viridi opacitate squallescere; ex Kali limpidissima fieri: unde id solum Murani laudatur ad pulcherrima vitra. Vid. Nerium, & Merettum. Quin & in aula Hetrusca, sollicite examinando, varietatem quandam in Crystallis inde natis notabant; variosque colores ortos ex mistura diversorum talium Alcalium cum soluto in aqua Mercurio sublimato, & Vitriolo Martis. Vid. Tach. Hipp. Ch. C. VII. & XVI. Borrich. contra Conring. a pag. 350. ad 361. Ita quidem, ut diversitas quædam maneat ex origine genitili hujus Salis; illa vero parva satis. Sed ex diversitate modi præparandi longe major.

9. In Sale ita parato notantur hæ virtutes. 1. Sapor, si loqui ita fas est, igneus. Si enim particula linguæ humidæ, sanæ, imponitur, sensim imprimit, qui a prunula ignita oritur, inflammatio subitanea, atque eschara, nascitur, quæ dein ulcusculum relinquit. Quando autem dilutu in aqua debilitatus hic Sal ore continetur, ut non noceat, tum sapor quidem, qualis a lotio putrefacto, gustatur; qui facit, ut sales hi urinosi fuerint appellati. Attamen idem oritur, quia, acido absorpto salivæ, altera ejus pars alcalina volatilis facta, hunc saporem generat. 2. Odorem Sal hic non effundit ullum, qui naribus sentiri queat, si solus, absque ullo admisto sentitur. Si vero alicui additur corpori salino, de natura salis sani Animalium, aut salis Ammoniaci, tum statim acida horum pars trahitur in hoc Alcali, altera liberata tum suo acido figente, semper volatilis urinosa, fœtida, quasi putrefacta, apparet. Unde rursus Salem hunc urinosum dixerunt Artifices decepti a prompta hacce mutatione, quam tribuerunt Alcali huic fixo: quia in neutro odor ille, ante commissionem, apparebat, & quia humores nostri, statim ab applicatu salis hujus, odorem illum novum, saporemque, nanciscebantur. 3. Color varius; albus frequentissimus, aut cærulescens. (Vid. N. 6.) 4. Pingues Sales hi apparent tractati digitis, si liquecunt in aëre, unctuosum liquorem exhibent: inde & Chymici olei nomine sponte liquefactos appellavere. 5. Si cuti humectæ, sanæ, Sal hic applicatur ita, ut uno maneat affixus loco, atque extrinsecus tegitur, ne decidat. Tum brevi solutus a naturali humore corporis semper transsudante, atque agitatus calore illo, qui sano homini inest, facit pruritum, calorem, rubedinem, dolorem ut ab igne, tensionem resplendentem, inflammationem veram, gangrænosam, du-

ram, nigram, escharam, in ima corporis usque ita, ut vere agat in partes solidas humani corporis instar ignis: atque hic ossa in alba vertit, sic & eadem arte cocta in lixivio tali alcalino albescunt sicca. Utque rursum ignis cito putrefacit partes animalium, ita quoque alcalinus sal adpersus, mistusque, illis subito foetidam putredinem excitat. Hinc, hoc respectu, sincerus hic Sal, veneni instar, destruit animalium compagem, & quidem insanabiliter; sicque, inter sales periculosus admodum homini, imprudenter a recentioribus Medicis pro medicamento deprædicatur adeo tuto. 6. Si Sal hic acido in aqua soluto miscetur, statim fere ebullitionem, sibilum, motum intestinum, generat, simulque aërem elasticum magna copia gignit, diffunditque, atque dein certa mensura acido composita quiescit, neque ab ejus adjectu ultra ebullit. Hocque ita semper cito, vel tardius contingit. Sal enim acerrimum tartari, affuso levi aceto, statim non ebullit, sed tamen brevi postea. 7. Alkali tale mistum, & agitatum, humoribus nostris, calore nostro vitali agitis, cum omnibus satis intime unitur, eosque solvit, resolvit, acido illorum sibi adunato, reddit salinam partem alcalinam ex Ammoniaca neutra, acrem ex blanda, volatilissimam ex semifixa, minus oleosam ex saponacea, foetidam putridam ex inodora. Si tamen coquitur cum lacte, illud inde coagulatur, dum alia corporis humani liquida inde potius solvuntur. Postquam ergo motu circuitus vitalis una cum humoribus nostris in vascula exigua abripitur, tum illa acrimonia sua rodit, inprimis pulmonem: qui venis receptum primo excipit in angustias suas. Gummosa, resinosa, gummi-resinosa, oleosa, tenacia, Vegetantium, Animaliumque, pariter dissolvit satis bene, quin & Fossilium olea, sulphura, indeque nata lentescencia idem aperit, attenuat, solvit. 8. Cum oleis quibuscunque, coctione, aut digestionem diuturna, ope aëris, aut aquæ, in calore, intime unitur, atque lege artis abit in saponem verum, aquæ miscibilem, detergentem, utque cum infringitur propria illius acrimonia, ita quoque tollit tenacitatem olei, eoque ipso illud reddit aquæ commiscibile. 9. Sal hic igne fusus diu cum arenis, vel polline lapidum silicinarum, certa proportionem, hæc ipsa corpora etiam fundit, sibi conjungit intime, facit Vitrum; in quo dein nulla prorsus nota salis ultra obtinet; mira sane metamorphosi; quæque, nisi ita quotidie observaretur, nunquam pro possibili haberetur. Attamen, Vitrum hoc, cum triplo fortissimi alcali fustum, in eo dissolutum, aqua potest dilui, tumque instillatu acidi fortis, pulvis silicinus iterum ad fundum cadit, alcali absorpto, ex Helmontiana observatione. Hoc autem fieri, quia in silice acidum occultatum latet, nimis forte subtiliter Tachenio excogitatum fuit. Adunationem hanc inter alcali & calcem horum lapidum contingere scimus, ab acido autem silicis, & alcali vegetabili solum hanc dependere, precario creditur assumi, nondum probari. 10. Est verus aquæ magnes, qui, impatiens sicci, aquam ex aëre trahit, spongiosus, tumidus, mollis, redditur, sibi unit, cum ea dissolvitur, & decurrit in liquorem pinguem spissum, tenacem utcunque, quem Oleum alcalinum per deliquium vocant. Quod charta percolatum linteo sustentata, purissimum evadit, ponderosissimum post oleum vitrioli, inter salina. Ab hoc aqua igne expulsa pura redit. Sed & acida, in aëre

vaga, simul trahuntur cum illa aqua in hoc alcali, id mutant, pro indole sua, ut ita sal hic sæpe ita humectatus evadat penitus alienus a pristina sua natura, accedatque ad ingenium salis a quo illud acidum fuerat natum. Si acidum Sulphuris accensi in illo aëre prædominatur, ibit in naturam Tartari Vitriolati. Si spiritus Nitri abundat in illo aëre, verget in Nitri indolem. Si acidus marini salis vapor ibidem, falsum marinum generabit. Si aceti halitus, Tartarus regeneratus. Si olea valde attenuata locum replent, tum orietur saponis æmulus sal. Quamdiu vero alcalinus purus manet, tamdiu aquam fortissime retinet, difficillime hanc a se patitur separari: unde vix exsiccare potest. 11. Fixus diu ad ignem, quamvis illius vi fusus, si modo teneretur vase non perfluente. Verumtamen solus longo tempore fusus tandem diffatur; inprimis si cum calcis ossium, vel terræ non vitrificabilis, triplo mistus, diu exponitur violento igni; tum quippe, nec fundi facile potens prohibente hac terra, neque cum hac vitrescens, volatilis redditur, ut Illustris Boyleus jam olim vidit. 12. Postquam acido saturatus est puro ita, ut nihil de eo ultra queat attrahere, & bene cautum fuit, ne vel minimum acidi plus superet, nec alcali, tum diluendo, colando, inspissando, crystallizando, dat verum salem compositum ejus speciei, unde acidum illud ortum fuerat: ut sic Sales hi ita orti quoque credantur; indeque alcali pro matre suscipiente seminale acidum, pro vacuo, pro sterili, pro matrice universali salium, pro Chaos habuerint. Alii hinc fœminam dixere, acidum vocant marem. 13. Acidum in se trahendo, hoc ab aliis separat: unde infinita contingunt singularia in natura effecta. Hinc acetum nativum vegetabile, idem arte paratum, spiritus aluminis, nitri, salis, sulphuris, vitrioli, vertuntur in aquam subducto omni acido. Sal sic factus fixus est, nisi tantum, quod ille, qui de aceto sic nascitur, volatilis sit, ipso alcali inde facto volatico. 14. Idoneo fusus igne evadit penetrabilis per poros vasorum figulinorum, imo & metallicorum; dum per fictilia transsudat, corrodit metallica de ære, vel ferro, facta. Quin expertus fui, ferrum sic exedi; quando texeram crucibulum, in quo fusus detinebatur, operculo facto ex ferro. Fiebat enim friabile. Æs citius consumit. 15. Metalla acidis soluta præcipitat. Mercurium acido salis marini rosum, Sublimatum vocant, in aqua solutum, instillatio hujus alcali in fundum separat, tumque dejectus pulvis colorem acquirit eo vividius rubrum, quo alcali fortius, & sincerius: unde modus quoque habetur explorandi puritatem alcali fixi satis certus. 16. Cum succo Heliotropii tricocci, rosarum, violarum, & similium, viridescit, qui cum acidis rubebat. 17. Hic sal talis nusquam apparet, nec in animali, neque vegetabili, nec fossili materie. Sed nascitur ex solo vegetabili per ignem violentum tantum. Est ergo ignis proles nata de vegetantibus combustis in cineres. Tum vero nascitur semper. Quin cum cineribus in terram redit. Nec tamen ibi apparet postea. Mutatur igitur ibi in aliam indolem. Hæc revolutione in priscum alcali formari rursus potest. 18. Sal hic, in oleum per deliquium versus, iterum exsiccat, fusus igne, rursus aëris humido deliquescent, repetito hoc opere tandem in fœces terrestres, & volatile, resolvitur. Cognovistis jam per experimenta quam fidissima ingenium Alcali fixi, quale illud supra descripseram Theoretice, ubi de

Menstruis agebam, Tom. I. pag. 406--426. quæ si componitis cum dictis modo, judicare poteritis de Alkali adeo famoso a binis jam seculis apud Chemicos, Medicosque, miraturi eritis, quam parum veri de eo cognoverint, qui plurimum de eo scripsere in binis hisce disciplinis. Vultis, singulatim pauca, sed vera, dicam de virtute alcalium in corpora humana, consulite jam scripta: vel & ecce compendio referam. 1. Acidum omne ibi, brevi destruunt: quia paucum ibi, satis mite vegetabile, nec nisi in primis viis. 2. Si occurrunt acido in corpore humano, effervescent, bullas, flatus, ructus, excitant, mobilitate stimulant, in salem neutrum abeunt, qui dein innoxius, penetrabilis, aperiens, diaphoreticus, diureticus, antisepticus, novos effectus præstat, huic quidem nato sali debitos, minus recte adscriptos alcalicis, quamvis post horum adhibitionem sequutos. 3. Motu hujus effervescentiæ nervos stimulant, spiritus movent, priores motus nervorum, & spirituum, mutant: hinc spasmos Hypochondriacorum, atque Hystericarum, sæpe curant, sanantque sæpe hinc pendentes morbos, ut in celebri antemetico Riveriano discitur; dum alcali cum succo limonis in actu effervescentiæ potum Choleras tollit, vomitusque pertinacissimos, omni alia methodo insanabiles. 4. Attenuat, quæ acido coiverant: quare in coagulo lactis prudenter datum pulchra præstat; alia quoque tenacia solvit satis feliciter. 5. Glutinosa, oleosa, pingua, facit attenuari, & aquæ commodius misceri, unde deterfio. Indeque emaculatio a pingui viscoso lixivio horum salium propria, ut fullores, lotores, tinctorum, observant; moderato igitur usu officinam Chylopoieticam sorde glutinosa liberant. 6. Bilis quoque, Lymphæ, sanguinis, feri, coagula resolvunt, vi vitæ introrsum admissa, atque ibidem agitata. 7. Acri stimulo suo simul inertia movent, hincque urinam, sudorem, salivam, movent: unde diaphoretici, diuretici, sudoriferi, censentur; quin & alvum cient. 8. Igitur in morbis, quibus inest iners, lenta, mucosa, pituita; acedo hinc alimenti vegetabilis in primis viis; austeri acrescentis materia vel effectus coagulis manifesti; abundans feri aquosi colluvies; concretum pingue tenax; morbi hinc sæpe orti, Hydrops, Icterus, Leucophlegmatia, Podagra, Rheumatismus, Scorbutus; usum habent eximium; si prudenter, bene diluti, dosi exigua, tempore idoneo, porriguntur. Utique illa podagræ species, quæ acido nimio ortum debet, forte vix curatur feliciter, quam parco hujus salis, sed diu protracto, usu. Non tamen vel ideo universale antipodagricum statim laudari debet: quia nocet podagricis acriter biliosis, quorumque humores jam sponte in alcali putridum vergunt. 9. Chirurgis auxilia ad artem efficacissima præbent: caustica vi dum exurunt escharas pro fonticulis faciendis; ulcera putrida, fordida, lixivio horum temperato pulcherrime mundantur; corrupta per gangrænam loca, si scarificantur prope ad vivum, dein vero foveantur hoc lixivio, contrahuntur in crustam, separationem a vivo admittunt, sistitur proserpentis mali reptatus, unde sæpe mali felix cura; verrucas extirpat, parvosque valde erodit tuto cancos, atque dilutum satis lixivium, maculas quam nitidissime deterget. 10. Tandem scire est, perniciosum esse usum horum salium in omni morbo, in quo sales nativi degenerascere incipiunt in naturam acrem, alcalescentem,

putridam, volatilem; ubique olea naturalia corporis nostri etiam se disponunt ad acrem, fœtidam, putridam, rancidam, volatilem, indolem, nidore exhalante, & urinæ colore rubro, manifestam; inprimis autem exitiales sunt, quoties fel evasit tale; tum & quando humores in ægris nimis dissoluti, fluidi, septici, unde in Peste præsens fere venenum, malo & in saponibus manifesto manente. Hinc ergo in inflammatione, suppuratione, gangræna, sphacelo, febribus continuis, putridis, morbis a nimia velocitate pendentibus, omnino vitandus horum usus internus. II. Cautus esto usus; Drachmam vigecuplo aquæ diluat, hujusque ultra Drachmam simul vix assumat, repetat sollicita cum cautela, observetque, num inter utendum jam cessaverit utendi ultra necessitas. Sic, sine noxa, proderit. Oportet denique dirigere in vias singulares, effectusque proprios, ut de usu Salis Tacheniani dixi.

PROCESSUS XIII.

Sal acerrimus, Alcalinus, igneus, cum Calce viva.

A P P A R A T U S.

S Umitur Calx de faxis exustis parata, recentissima, siccissima, solida, nullo attacta humido, neque hætenus fissæ; cujus una pars ollæ ferreæ, purissimæ, committitur. Huic superponuntur Cinerum Clavellatorum purissimorum partes duæ ita, ut Calx hoc alcali undique bene recta sit. Hæc ita simul relinquuntur hoc in vase, quod linteo tantum tegitur, tamdiu, donec calx incipit fissæ dehiscere. Tum aquæ puræ additur quadruplum, simulque ebulliant spatio horæ unius, vel alterius. Dein lixivium limpidum supernatans transcolatur per linteum densum, in manicam Hippocratis formatum, donec transeat liquidæ instar aquæ limpidum. Hoc lixivium in magno cochleari ferreo supra ignem inspissato, cavendo ne ebulliendo transcendat, donec penitus siccum sit. Tum adhibe ignem tam fortem, ut cochleare candescat; simulac non fumat amplius, fundetur. Statim dum funditur, effundatur ex hocce cochleari supra laminam æneam calefactam prius, dumque in ea hæret mollissima adhuc materies, formetur in planum, scindaturque in fragmenta usui Chirurgico apta. Hæc ocysime indantur vasi vitreo, calidissimo, forti, siccissimo, ad calorem foci. Lagenæ extemplo obturetur subere optimo, siccissimo, dein pici immersum orificium cautissime occludatur: ne ulla insinuare se queat humiditas; quæ incredibili vi ab hoc alcali sic parato attrahitur, etiam per subera, & vesicas. Hoc autem artificio per annos servari potest sincerum. Quando autem pars ad usum eximi debet de lagenâ hac, id debet fieri in calore magno, prope focum, in aëre sicco, & lagenâ illicet obturari ut prius.

U S U S.

1. **S** Al hic ex calcis virtute ignea vere attracta, in alcali fixum, igneum, acquisivit virtutem rodendi acutissimam, promptissimamque; quæ neque fuerat in alcali solo, neque in calce viva sincera. Hæc acrimonia omnia salina nota superat: si enim parva ejus pars cuti apponitur intra foraminulum orbiculare emplastro tenaci cuti prius applicato incisum, & dein supra simili emplastro tegitur, urit paucò admodum tempore cutim, & adipem; Chirurgis hinc pro caustico potentiali dicto expetitur præ omnibus aliis.

2. Lixivium vero recens, dum igne ebullit, injecta fere quæcunque animalium mox consumit in liquidum, quin & pleraque vegetantium, fossilium tandem sulphura quoque. Homo infortunato illapsus in ahenum undans flamma, hoc lixivio plenum, consumtis vestibus, & omnibus partibus mollibus corporis sui, sola ossa dedit reliqua. Prudens inde talis lixivii applicatio incomparabili remedium dat profunde gangrænosæ, & fere sphacelatis, partibus ad salutarem separationem disponendis; sed cautam requirit bene experti Chirurgi artem.

3. Sal hic funditur igne satis leni, tumque ceræ instar fluit. Hinc aptus est facili hac liquefactione, sine valida vi ignis, multa solvere, alias difficulter dissolvenda, ut Myrrham, Sandaracam gummi, & alia. Chemicæ antiqui multa scripsere de arte reddendi alcalia instar ceræ liquefactia ad ignem. Opus autem hoc vocabant incerare. An forte hoc modo descriptum artificium intellexere? Certe Sal hic hanc naturam habet.

4. Si Calx prius in aëre, vel aqua, extincta fuerit, ut fere omnis vetusta, aut jam in pollinem tenuem abiverit, tum cum alcali fixo non dabit hoc acre salis genus: quin etiam sal ille fusus semel in aëre hanc virtutem singularem exuit, ut & quando neglectum diu servatur. Tumque magnam copiam fœcis faxeæ, inertis, in fundum deponit, prius non apparentem. Hinc discimus, ab igne conciliari inertis saxo, aut animalium testis, hanc acrimoniam, aliunde non facile comparandam. An ergo ipse quoque Sal vegetabilis, dum in alcali abit fixum ex neutro, blando, saponaceo, etiam ab igne acquirit acrimoniam?

5. Sal hic, hac præparatione, acquirit hanc singularem proprietatem, ut evadat aptissimus uniri cum oleis tam pressis, quam stillatitiis, Animalium, Vegetabiliumque, in saponem: quippe videtur adeo reddi penetrabilis, ut olea hæc intime dividat, sibi que adunet, quod absque acri hac calce vix commode fieret. Ut etiam, sine calcis ope non fluere tam facile ad ignem alcali, sed funditur quam difficillime.

Atque hic quidem Artis Chemicæ potestas in salia alcalia fixa definit: neque scio, ultra jam demonstrata, aliud quid efficere circa hæc. Liceat modo Corollaria quædam hisce demonstrationibus subnectere.

COROLLARIA.

1. **S**al fixus Vegetabilis solo igne nascitur comburente plantas huic operi idoneas. Quædam uisæ hunc salem vix dant. Illæ autem quæ salem hunc per combustionem dare aptæ sunt, si diu aëri exponuntur, siccantur, humectantur, reciprocatis sæpe vicibus, amittunt tandem omnem materiem illam, unde combustu Sal hic nasceretur, nihilque ejus in igne dabunt. Perpetua scilicet aëris liquidi mobilitas, humectando, & calefaciendo, egit in materiem Processus secundi, hancque de planta in auras abstulit, eoque ipso docuit illam sponte sua volatilem fuisse, quam ignis comburendo fixavit.

2. Sal fixus, Vegetabilis, Alcalinus solo igne nascitur comburente plantas huic operi idoneas. Nam in materie Processus secundi nunquam ille sal reperitur; imo neque in Processu septimo usquam ille apparet. Sed igne tantum comburente. Fitque, pro vario illius gradu, varioque applicationis tempore, fortior, fixior, magis alcalicus, juxta Processum duodecimum. Fateor, in Sinapi semine alcalici quid sponte apparere, effervescentia cum acidis manifestum; id vero fixum non habetur, sed volatile, combustionem evanescens. Ut autem duo hæc Corollaria, scitu necessaria, rite demonstrantur, opus prius fuit, omnes priores Processus ordine huc usque demonstrare; tumque demum patuit, Alkali hoc fixum ignis filium esse.

3. Non est ergo Alcalinus Sal natus plantæ fixus. Nativum voco, qui ex ingenio singulari ipsius plantæ gignitur de succo communi, nutriente, terræ; hinc adeoque semper inest, quamdiu illa planta sibi, suæ adeo naturæ, committitur. Hæc autem destruitur igne, inque alienam permutatur indolem. Nonne Acetosa hortensis major abundat sale acido nativo? id Processus septimus exhibuit. Si vero apertis uritur flammis, dabit alkali fixum, ubi prius adeo manifestum acidum exstiterat. Alkali ergo hoc, non nativum, igne ex non alkali in alkali mutatur.

4. Intelligitur hinc herba alcalescens. Talis enim appellatur primo, quæ succum gerit acri, alkali fere, sed semper volatili, halitu scatentem. Allia, Cepæque, hunc habent, aliæque his similes. Secundo, quæ acri stimulo augent motum humorum per vasa nostra, hacque ratione efficiunt, ut vergant sales nostri versus alcalinam degenerationem: unde acerrima aromatica, quamvis in se alcalina non sint, tamen in corpore nostro solent sales eo disponere. Tertio & illæ plantæ, de quibus ignis abundantem salis alcalini copiam producit.

5. Ideo etiam inter Salem nativum plantæ Processus septimi, & inter salem acerrimum, alcalinum, fixum Processus duodecimi, intercurrent species diversæ salium fixorum quam plurimæ, quæ omnes differunt inter se actione Physica, adeoque natura sua interna; sunt igitur distinguendæ. Pro exemplo sumatur Tartarus Rhenanus optimus, is vini natus sal acidus prorsus, acerque quodammodo; hinc in alcalescentibus, biliosis, putridis, infiniti usus. Ille leni igne ex vitrea retorta destillat liquorem aquosum, acidulum, levein, paucum, qui sitim levat. Hoc expulso

pulso remanens in retorta corpus jam alcalescere incipit, calefacit hominem, situm excitat. Hoc residuum paulo fortiore si urgetur igne, oleum exhalat fragrans, penetrabile, aurei coloris, amarum, calefaciens. Quo ablato, massa manet in retorta nigra, alcalica fortior, calefaciens, sitim magis excitans, quæ cum spiritu vini cocta nobile dat aperiens, detergens, diureticum, anthydropicum. Posterior hæc moles acriori urgeatur igne, oleum prodit crassius, lentum, amarum, fætidum, carbo nigerrimus restat in fundo, sed longe acrius alcalinus. Ille vero exemptus, crucibulo immisus, summo igne diu actus, dat tandem salem alcalinum, fixum, pro vi, & duratione, applicati ignis alium, aliumque, omni dote, sed semper acriorem. Hic natura nativa acida fuit, postrema maxime alcalica.

6. Causa vero differentiam hanc alcalicis his concilians triplex imprimis observatur. Prima scilicet a copia olei cremabilis adhærente adhuc ad salinam materiem, quæ quidem quo major, eo minus acre alcalicum, quo minor, eo magis acre alcalicum, dabit. Sebit. Secunda ab adunatione artificiosa hujus oleosi ad alcali; si enim lenta, suffocata, ignis ustulatione peragitur juxta Processum nonum, eo minus alcalicum acrem, copia abundantior, dabit Salem; si autem statim violentissimi ignis aperta flamma adhibetur, tanto minus sed acrius alcalicum fit. Tertia autem ipsa videtur ignis propria actio, quæ ignei quid superaddere alcalico videtur; sive id fiat ipsius ignis affixione, sive actione ejusdem mutante. Ut in Processu hoc ipso jam explicui. Utique certissime calx viva, quo acriore usta & diuturniore igne, eo plus caloris, id est veri ignis, in aqua frigida excitat. Sed & alcalia fixa etiam, quo longius fortiusque ignem experta, eo pariter plus generant caloris aquæ injecta. Quarta forte huc referenda ipsa est originalis, & seminalis, plantæ proprietates, non ita cito destruenda. Plus dat una salis fixi, alia nihil. Non quia hæc minus salis naturaliter habebat, sed quia non patiebatur figi illud, an a sale hoc, an ab oleo, an a terra, an potius ab omnibus simul?

7. Ex omnibus his cognoscimus originem Salium alcalinorum in Animalibus, quatenus spectamus materiem alimenti, potulenti, aëris. Animalia enim pura aqua, solisque tantum vegetantibus pasta, corpori suo ingerunt simul materiem, unde Sales descriptos eduximus. Quamvis in fatuo, herbido, insulso, molli, uvido gramine, nemo suspicaretur contineri quid, quod solo ustu tale acre, alcali, igneum, daret. Quis in Cerevisia, & Vino, cerneret eandem materiem? Experimenta tamen exhibent illam. Actio vero animalium materiem hanc latentem protrahit, manifestatque. Solo blando, dulci, insulso lacte nutritus infans urinam acrem, salisam quotidie reddit, non salem gignendo, sed occultum expediendo. Herbis bos nutritus salissimum lotium emittit eadem de causa. Quonam autem pacto volatilis hic in Animalibus Sal evadat, postea patebit, ubi de Sale Animalium agetur.



PROCESSUS XIV.

Alcali acre, fixum, vegetabile, dat Salem, amarum, crystallinum, durum, fixum, non alcalinum subvitrescentem.

A P P A R A T U S.

Accipio Cinerum clavellatorum optimorum libras sex. Hos vasi puro vitreo immisos diluo affusa aqua pluvia ad viginti libras, sed frigida. Motos dein baculo ligneo relinquo cum hac aqua in quiete. Ubi diu satis subsederunt non soluta lixivium supernatans leniter effundo. Manebit in fundo, una cum quibusdam fœcibus multitudo granulorum, cineritii coloris, saporis amari, duritiei & fragilitatis fere vitreæ, in quibus nihil alcalici deprehenditur. Atque hoc modo hic Sal paratur. Tamen eundem nitidius ita statim coram Vobis efficio. Sumo Cineres clavellatos optimos ad libras sex, hos in vase æneo cum quadruplo aquæ ebulliendo dissolvo, lixivium totum adhuc fervidissimum per saccum lineum percolo accurate, ut bene purum sit dum adhuc valde calet. Hoc ita purum, calidumque adhuc, repono in vase bene calido, & humido, puro, vitreo; relinquo sic. Incipit fundo, & lateribus vitri, undique accrescere statim crusta subopaca, cineritii subfusci coloris, omni momento aucta, crassiorque reddita. Ubi stetit sic aliquamdiu lixivium hoc, neque magis deponit plus hujus salis, tum effundo leniter supernatans purum lixivium quam accuratissime. Manebit Sal similis priori sic facto, sed purior, & magna valde copia, ut videtis. Si vero id lixivium, jam liberatum hoc sale, dein paulum inspisso, & repono quiescens, aliquid adhuc talis Salis forte dabit, sed dein nullum amplius exhibet, ita, ut certa modo sit copia illius in hoc Sale alcali, non ultra.

Si Sal hic ita separatus concutitur cum affusa frigida, pluvia, non dissolvitur ea, sed tum alcali adhærescens abluitur accurate, ut habeatur prorsum purus, abluto alcali; sique tum leniter exsiccatur, simplex habetur, & sic servari potest, eo donatus, quem voles, titulo.

NATURA ET USUS HUIUS SALIS.

Rerum Chemicarum periti dudum dixerant, veros alcalinos, fixos, Sales, vix in glebas crystallinas reduci posse. Idque satis verum est. Sed ex alcalino hunc separatum dum posteriores ostendebant pro alcalino crystallifato, non satis distinxere, ut oportuerat: alcali enim, purum hoc sale, difficulter in crystallos redigi potest, licet tamen inde & hæ produci queant.

Sal hic in aëre sponte nunquam deliquescit. In aqua frigida haud ita facile dissolvitur. In aqua ebulliente, sed copiosiore, tandem funditur, in hac frige facta statim iterum concrescit in glebularum. Durus est hic Sal, friabilis in pollinem tenuem, quasi farinosum, siccum manentem. Gustum habet amarissimum, diu ori inhærescentem. In igne crepitat satis

violenter diffiliens. Non est acidus, non alcalinus, nec ulli hætenus cognito comparandus, sed novus. Proxime accedere videtur ad indolem falis illius, qui nascitur in productione vitri sursum rejectus, ejus superficiei innatans, indeque collectus titulo Fellis Vitri. An ignis, alcali faciendo, hunc Salem produxit una cum alcali ex vegetantibus? an, sili-cum calcem & alcali combinando, ignis hunc iterum in confectione vitri separat, & ejicit? Certe videtur simile quid subesse, hincque intelligi utcunque, cur non gignatur hic Sal in Alcali Tartari? Tartarus de subtili, fermentato, liquore per minima nascitur. Cæterum ulterior hujus falis applicatio ad corpora varia ope ignis, docebit illius necdum exploratas fatis virtutes.

Alcali fixum penitus liberatum hoc Sale omnino differt ab eodem huic fali misto: quare solitus fui semper separare prius, quam experimenta cum alcali sincero instituenda curo; aliter sæpe turbat virtutem purorum alcalium, aut impedit.

P R O C E S S U S X V.

Aqua stillatitia vulgaris, per vesicam, herbæ recentis, Rosmarini.

A P P A R A T U S.

1. **P**ostquam per primos quinque Processus constitit, quænam restet in plantis materies, dum tanta iis vis ignis applicatur, quæ per aquam illis potest applicari a gradu caloris naturali; Disciplina exigit, ut & illa pars cognoscatur, quæ æstu bullientis aquæ separata in auras avolvit: ita enim ordo obtinebit. Commodissima huic proposito operatio est, quæ alembico arcte ad aheni os applicato vaporem exhalantem ebullitione sine dispendio colligit, densat, in excipulum dimittit.

2. Postea enim Processu 32, 33, 34, 35, 36, 55, 86, patebit, quid volatile separari queat de Vegetantibus igne majore quam ebullientis aquæ, usque in gradum summum, quem vasa ferre valent. Sed jam, ut distincte agamus, colligemus id, quod a gradu caloris æstivi, naturalis usque ad gradus 214. avolat de recenti planta. Quam hic eandem Rosmarinum accipere debemus: ut rite queat conferri cum iis, quæ per præcedentia inde producta fuerunt.

3. Cæterum, loco Rosmarini, substitui queunt quælibet plantæ, quæ recensitæ sunt aptæ Processui primo, ibidem ad indicem revocatæ, quæ odore, & sapore, præcipue eminent. In quibus ergo per Processus antecedentes oleosum inflammabile, & salinum fixandum, aderant. Saponaceumque ex hisce binis confectum oleosum.

4. Herbæ, huic operi destinatæ, carpendæ sunt illo in vigore suæ ætatis, quo folia illarum jam adulta, cæteræque partes se quam proxime accingunt producendis brevi floribus, & gignendis inde fructibus, sed prius, quam flores perfecerint, & semina; quia effœta redditur crebro virtus plantarum, quam in his aquis quærimus, postquam fructus absol-

verunt; species quippe marcescentis languoris dein observatur. Tempus vero auroræ inprimis legendis faver: quoniam volatilia tum collecta frigore nocturno, & roris lentore coërcita, nondum calore Solis dissipata sunt. Atque hæc quidem ita intelligimus, quoties quæsitæ hoc opere virtus aquæ stillatitiæ præcipue hæret in foliis, ut in *Mentha*, *Majorana*, *Pulegio*, *Ruta*, & quamplurimis obtinet.

5. Aliter se res habet, quando in floribus, aut feminibus, aromatica vis, neque in aliis plantæ partibus, deprehenditur. Rosæ, Lilia, Lilia convallium, multa alia, exemplum præbent: tunc enim eligimus partes florales quando odorem suum diffundunt fragrantissimum. Carpere igitur oportet flosculos fere jam apertos, necdum marcescentes, matutino rore perfusos. Ita quoque aliis in herbis semina præferenda cæteris, ut in *Cumino*, *Aniso*, *Caro*, aliis plurimis obtinet, quibus herba, flosque, iners, tota vero virtus solo in semine unice hæret, nobili se fragrantia, & sapore acri, ibi tantum manifestans. Qua in re experimur, semina hanc virtutem inprimis ostendere, postquam jam ad ætatem perfectam maturitate plena pervenerunt. Neque fas est præterire quandoque amabiles has dotes, sola radice quarundam plantarum nasci. *Caryophyllata* doceat, doceat *Telephium* radice Rosam spirante. Tum vero necesse est, radices hunc in finem legere eo tempore, quo ditiores his virtutibus. Id plerumque fit, si radix effoditur matutino tempore, ea anni tempestate, qua mox folia de illa radice pullulabunt. In corticibus, lignisve, si locatur, separanda hac arte dos, tum & illam præ aliis eligere docet.

6. Tali vegetabili, contuso, si opus, aut conscisso, impletur ahenum destillatorium ad duas tertias capacis alvi, ut suprema tertia vacet, herbæ autem non intra vas compingendæ; affunditur ea copia pluviae recentis, quæ sufficit, ut repleat vesicam hanc ad eandem altitudinem, scilicet ad duas tertias, una cum herbis. Capitellum accurate collo suo margini orificii accommodetur ita, ut nihil vaporis inter commissuras transire queat, quod Fabri ærarii pulchre efficiunt. Extremo naso alembici intra os patulum canalis spiralis immisso, fiat ibidem conglutinatio glutine confecto ex farina lini subacta cum aqua in pastam densissimam. Habeatur cura, ut cavitas serpentis stannei nitida semper sit trajectu aquæ puræ ebullientis: ne aquam transituram inquinet. Applicetur extremo serpentis infimo receptaculum; quo ita nullus vapor destillando exhalet, sed frigefactus in dolio frigido pleno liquor integer colligi queat. Quod inprimis efficitur, si aqua in dolio refrigeratorio adjectu novæ semper frigida retinetur.

7. Leni tum calore graduum 150, viginti quatuor horis, fiat digestio, post hunc apparatus. Tum instruatur focus furni sub vesica, donec ebulliat leniter modo aqua cum herbis in vesica. Id cognoscitur audita certa sibili specie a ruptis bullis ebullientis materiæ nata; aut etiam scitur hic calor gradus, simulac finis rostri alembici, aut principium serpentis, adeo calet, ut lædat attingentis digitos; aut dum aqua in refrigeratorio, calefacta æstu serpentis impositi fumare incipit; si quoque gutta cadens de serpente guttam ilico sequitur ira, ut fere rivulus sit quasi continuatus; de omnibus his notis cognoscitur calor requi-

fitus adesse; qui si minor, quam leniter ebulliens, tum non elevabitur vis hic quaesita. Quando autem nimium ignis incenditur, tum tumultuans materies undis tumidis transgreditur in alembicum, rostrumque ejus, sicque inquinat liquorem destillantem; quin etiam tunc herbis simul elatis, inque serpentis cava delapsis, obstruitur, corrumpiturque canalis: quare soleo extremo rostro alembici raræ telæ frustulum apponere artificiose; ut, si forte id infortunii contigerit, herbæ arceantur ab infarctu in tubum destillatorium. Sed etiam vel tum aliud majus sæpe accidit; scilicet herbæ in rostro alembici per nimiam ebullitionem aggestæ iter aquæ, & vapor, in canalem destillatorium intercludunt; unde summo cum impetu disploditur alembicus, fervidusque se effundens halitus, oculis, vultu, pulmonibus, subito receptus, pessima damna, quin & mortem, incautis dare poterit: quare caute agat, quicumque prima vice Tiro hæc aggredditur. Cæterum, quo oleosa magis, valde tenax, gummosa, resinosa, hinc spumescens in ebulliendo herba, eo plus hujus periculi imminet.

8. Gradus igitur ille caloris, follicite ita observatus, sustineri æqualiter debet, quamdiu aqua in excipulum destillans alba, crassa, odora, sapida, spumosa, turbida, apparet. Hæc enim accurate debet retineri separata ab alia aqua, quæ post hanc sequetur. Hinc excipulum sæpe mutari debet: ut certus sit artifex, solam primam aquam adhuc prodite. Post hanc enim expressam altera subsequitur pellucida, tenuis, odore proprio plantæ carens, sed acidulum spirans ut plurimum, sapore nativo plantæ destituta, sed acidula fere, vix spumosa, sed limpidior, nisi quod filamentis albis, flocculentisque quodammodo sordescat ejus limpiditas; quin etiam, si cava alembici ænei haud accurate obducta stanno, acedo postremæ aquæ ære roso inficitur, unde viridescit, nauseosa, emetica, venenata evadit utentibus, debilibus inprimis, infantibusque, sursum, deorsum, acri cum tormine, alvum perturbans. Quæ mala, si infortunato acciderint, largo Lactis melliti usu levantur, aut liberaliori Decoctorum emollientium potu.

9. Prima Aqua, statim definita, inprimis continet oleum plantæ, Spiritumque Rectorem, semperque aliquid salini simul, in plerisque acidulum, in antiscorbuticorum acerrimis alcalinum volatile: Ignis enim coquando herbas, olea harum attenuat, fundit, in minima solvit, sic operæ aquæ rapit sursum, una cum illis plantæ partibus, quæ hoc motu volatiles evadunt. Si vero vasa rite clausa fuerint, omnia hæc, simul adunata, redduntur vasi appenso, sine jactura dissipati, neque mutata multum. Si qua fides sensibus; quoniam odor, sapor, vires singulares volatilium in planta, in aquis hisce quam ditissima deprehenduntur. Hinc, si Botanicus ex vero dederit cognitæ cujusque plantæ vires, quatenus illæ in hac parte, per coctionem volatili, continentur, tum Chemicus arte valet hæc virtutes exhibere, a cæteris separatas. Id conabatur Tournefortius in Libro de Plantis circa Lutetias Parisiorum sponte nascentibus. Rajus de Stirpibus apud Britannos indigenis. Dodonæus de omnibus audacter forte nimis, quandoque temere, præcipue in editione postrema, anno 1644. Antverpiæ. De industria monui, in aqua hæc stillatitia plantarum primas solas haberi vires, quæ in parte per hunc calorem volatili subsistunt.

quia in toto succo plantæ permisto vis propria habetur, quæ ergo pendet ab hac aqua prima, & a liquore post ablationem hujus aquæ residuo, simul permistis. Sane Menthæ recenti expressus prorsus recens succus, præter aquam stillatitiam hujus herbæ, alia multa, & distinctissima, simul habet: quare vis illius Aquæ, & nativi succi, eadem non erit, sed longe aliena. Id Medici notent.

10. Posterior Aqua caret volatili, jam descripta, parte. Interim, fixam magis partem plantæ vix elevat. Nisi quod aciduli quid, & vappidi, habet. Si, haceducta Aqua, recens pluvia residuæ affusa herbæ cum ea ebullit iterum, & destillat, satis fortiter, acidior Aqua sublimatur, sed in qua nihil fere singularis virtutis de ea planta reperitur: quum de omnibus fere eadem acedo vaporare tandem soleat. Hæc quidem ita expertus ausim dicere, vim anthelminticam, quam Medicorum celeberrimi jure tribuebant aquis quibusdam stillatitiis, pendere inde, quod aciditas aquæ ultimæ æs solverit, sicque facultatem hanc, non suam, acquisiverit. Docet interim Operatio hæc, esse in plantis acidum salem, adeo volatilem, qui gradu caloris 215 elevari, & a corpore suæ stirpis separari, queat. Experientia autem monstrat vim frigefaciendi aquæ huic inesse fere solam; quod patet, si capitellum vitreum, loco ænei, adhibetur: tum enim æris contagium abest.

11. En, hic modus est, quo Officinarum Pharmaceuticarum Aquæ stillatitiæ parantur, optimus; si modo cavetur, ne misceantur binæ aquæ: aliter utraque corrumpitur miscela. Corrumpitur & ætate, raro annum durabilis virtute integra: vitia capit memorata.

U S U S.

Discimus hoc opere primo, quidnam æstu ebullientis aquæ discedat de planta? nempe 1. Aqua primi Processus. 2. Oleum volatile plantæ, cum suo inhærente spiritu. 3. Dein acidum salinum. Sed & secundo cognoscimus, quid in fundo aheni maneat de planta, post separata illa tria? Scilicet Extractum tertii Processus, una cum illis, quæ inde parabantur Processu 4, 5, 6, 7, 9, 10, 11, 12. Iterum tertio scimus, qua in re hæreat odor, saporque, plantæ? in aqua nimirum primi Processus, in oleo volatili, quod in hac aqua, inque Spiritu, qui in hoc oleo. Quarto facile inde scitur, quid in culina, & pharmacia, coquendo exhalet? quid maneat? Balsamita major, Chærophyllyum, Melissa, Paludapium, si juri carniū incoquunt, proprium odorem, saporem, pendentes inde vires, penitus perdunt, relinquunt communia, nec grata; si vero secta minutatim, juri carniū jam parato, fervido adhuc, neque tamen ebullienti, vase bene clauso, immissa macerantur, tum jura hæc virtute propria imprægnant. Lætissimum utique Cinnamomum gratissimam dat aquam, quæ mire calefacit, excitatque. Hac omni expulsa, iners acida subsequitur. Dein decoctum restat refrigerans acidum, austerum, diceres Quercini esse decoctum ligni. Quinto clare constat inde, quandonam, eadem vi ignis, virtutes plane contrariæ de planta adscendant? nam de aromaticis quamdiu aqua adscendit lactea, tamdiu attenuans, calefaciens, facultas

prodit. Dum pellucida, tenuisque, avolat, acida, frigefaciens. Sexto denique vero ex fundamento capitur hinc directio destillationis. Si absistis statim, ac aqua alba desinit, bonam habebis, pretiosam, lympham. Si avarus conaris plus elicere, sicque acidam postremam priori bonæ confundis, perdidisti omnia. Interim moneam iterum, aquas stillatitias plantarum inodorarum, & acri aromatico carentium, tamen efficaces valde facultates possidere posse; licet fere aliter credatur. Sed hac de re videte, si placet, jam dicta supra Tom. II. pag. 11. Imo & coctione immutari a pristina indole vires negare nolim. Herba autem hæc Rosmarinus, residua, viridis, pristinam formam omnino servat, refertque, cæterum odore, & sapore, nativo orba.

PROCESSUS XVI.

Aqua stillatitia vulgaris per vesicam, repetita cum nova herba recenti (cohobata) Rosmarino.

APPARATUS.

1. **P**rocessus proximus docuit, quid aqua & ignis, vasis clausis, separant de planta, quid in eadem relinquunt? Jam vero hoc in opere docemur modum aperiendi magis plantas, & ita tractandi, ut aquas præbeant stillatitias, longe ditiores illis stirpium dotibus, quas in priore artificio laudavimus.

2. Quo quidem proposito herbas, a præcedenti destillatione superstites in ahenò, & liquorem, qui in eodem supererat, post eductam aquam stillatitiam, per pannum premimus, quam fortissime, ut omne illud decoctum, sine jactura, habeatur. Huic postea admiscetur omnis aqua stillatitia, quæ præcedenti Processu fuerat producta. Mistum hoc ahenò infunditur, & ei additur tantum de eadem herba recenti, ut in præcedenti erat inditum. Additurque, si opus est, tantum aquæ, quantum requiritur, ut liquoris ad herbam proportio sit, quæ ibi descripta fuit.

3. Tum vasis arctissime clausis totum hoc compositum fovetur, triumphethemerorum spatio, calore 150 graduum: ut ita in proprio liquore macerata herba tanto tempore aperiri, solvi, ad facilem virium propriarum dimissionem disponi queat, dum in humore suo ita resolvitur. Vocatur hæc Digestio. Quæ tanto tempore continuata, multum prodest; si nimis longo tempore continuatur, mutationem inducit, quæ in putrefactionem tendit.

4. Peragitur tum destillatio eadem lege, ut in præcedenti Processu; ita tamen, ut cautius, pauloque lenius procedas in initio: quia liquor ille herbaceus jam spissior, adeoque longe flatulentior, tumidiorque, ad ignis impetum; unde facilius quoque ebulliendo sua vasa transilit. Sed postquam forte dimidiata pars aquæ inde eliciendæ ablata fuit, tum citato magis igne prudenter uti licebit.

5. Si, rite observata lege prius data, pergitur ita in destillatione, quamdiu aqua prodit prima descripta in opere proximo; tumque sta-

tim absistitur ab ulteriori destillatione ; tunc aqua hæc alba, crassa, odorata, sapida, spumosa, turbida, magis erit, quam aqua prima, in præcedenti Processu. Quin etiam longe diutius vires suas, magis quam in præcedenti divites, conservare poterit. Unde propria virtus cuique plantæ, quatenus in hoc volatili odorato continebatur, fortior habetur longe, quam præcedenti modo. Sed etiam liquor a destillatione hac secunda superstes multo meracior est decocto primo. Quoniam vero opus hoc repeti potest, quotiescunque lubet, obtinebitur semper generosior liquor vice ultima, habebitur quoque validius extractum residuum. Quare progrediendo tandem conficitur pulcherrima medicina. Etenim hoc anno 1730 ita Melissam quarta & decima vice sic tractavi : ut vere discerem, quid nanciscerer? aqua siceducta balsami odoratam Melissæ fragrantiam, & gratum saporem, exhibebat, ut sane odorantem reficeret & gustantem ; nec mirum, virtus quippe de multis corbibus Melissa plenis una arctabatur lagena volatilis, altera in fundo aheni remanens inspissataque, saporis austeri, grati, roborantissima vi prædita, aliam lagenam modo replebat. Si ergo bini liquores misti forent, jam ingentis copię haberetur, quoad vires singulares plantæ compendium. Operatio hæc ipsa Cohobatio appellatur ab Artificibus, forte a coaptando dicta. Unde, non modo optimæ Aquæ stillatiæ sic parantur pro medicina, sed & Extracta optima, & ex horum apta miscela virium integrarum compendium, vix alia ratione imitabile. Nam non multum mutatur plantæ nativa potestas in hoc opere ; minus certe, quam quidem aliis modis. Licet bene noverim aliquid mutari tam diuturna applicatione coctionis ; attamen nativam in his aquis indolem vel sic præcipue manere, una cum virtute propria, odor, sapor, effectusque docent.

6. Atque hinc quidem certi sumus, herbas vere Aromaticas, quarum medicata potestas imprimis quæritur, habeturque in hac earum parte, quæ calore ebullientis aquæ volatilis est, tunc arti possibile esse, has virtutes ita cogere auctas, collectasque, ut, longe efficaciores evadant hoc artificio, quam a natura obtineri possunt. Neque dari limitem in his, sed semper repetendo opus intendi posse usque adeo has facultates, ac Artifici placet. Quæ sane eximia est Chemiæ potentia. Dixerat Paracelsus, sibi experimentis scitum, in Melissa hospitari virtutem prorsus propriam, specificatam dicebat, quæ insinuans se humoribus corporis humani, instauraret iis jam senilibus novum juventæ vigorem, hacque ratione Podagram extirpare radicitus. Paria bonus Ifacus Hollandus promiserat. Si vera sunt Virorum dicta, crediderim, me hac arte exhibiturum compendio unitas vires fortissimas hujus herbæ in hac aqua, cujus in me ipso pulcherrimos effectus deprehendi jejuno ventriculo potæ. Sane in Melancholicis, Hypochondriacis, Hystericis, Chlorosi laborantibus, palpitationi cordis obnoxiiis, quoties mala hæc a spirituum perturbatione magis, quam a materiæ morbificæ mole aggesta, pendent, vix par remedium reperies, quamvis pretiosum sit satis. Menthæ crispæ herbam, ter, quater, cohobando, redegisti in liquorem balsamicum, penetrabilem, qui in roborando debili ventriculo, in frigida, lenta, mucosa, pituita stomachi, in vomitu hinc orto, in Lienteria remedium dabat incomparabile, promptissime

promptissime succurens laborantibus , ut nihil supra. Quid memorem de aqua , quam ita paravi ex Limonii corticibus , quæ sane fragrantia , saporis aromaticotati penetrabilissima suavitate , flatus , syncopas , languores , cordis abnormes motus , ocyssime depellebat , vel parva copia. Sed & Absinthii recentissimi crebra cohobatione parata , quam feliciter bilis defectum supplebat , languenti opitulabatur officinæ Chylopoieticæ , vermes necabat , pellebat. Sabinæ frondes , quas coram Vobis sic tractabam , aquam dedere cohobando paratam , quæ omnes nervos simul impetu vix credibili commovebat. Hinc inter Ecbolica , Emmenagoga , Hæmorrhoidas moventia , calefacientia , remedium pulcherrimum , si modo adhibetur , ubi convenit. Nunquam deprædicabo Rutæ aquam crebra repetitione paratam pro dignitate satis. In Epilepticis , Hystericis , curandis , in veneno pellendo , in sudoribus & diaphoresi pellendis , quid præstantius ? Taceo aquas , quas ita confeci , de Juniperi baccis , de Thuyæ frondibus , quibus tantum boni in Hydroke curando , de floribus Chamæmeli in expugnanda Tertianâ. Neque enim modus foret , Vosque harum aquarum plurimas , explorationi vestræ expositas , examinavistis , probastis. Ego igitur puto , satis superque hinc jam constare veram , adeoque & optimam , methodum Aquas Chemicas stillatitias conficiendi. Nisi quod regulæ quædam requirantur , quæ dicent singularia quædam observata , quorum admonitu Artifex aptus evadit exempla hæc bina data generaliter applicare ad quascunque herbas , quæ peculiare quid requirunt. Has ergo Vobis propono.

1. Herbæ aromaticæ , balsamicæ , oleosæ , resinosæ , resinosæ-gummosæ , graveolentes , atque diu admodum propriæ fragrantia inprimis tenaces ; quales pro exemplo sunt Arbor vitæ , Aurantium , Hyssopus , Juniperus , Laurus , Majorana , Melissa , Mentha , Origanum , Pinus , Pulegium , Rosmarinus , Salvia ; hæc , inquam , & similes in umbra leniter siccata parum , dein sufficienti , supra definita , copia aquæ per septuaginta horas , vase clauso , calore 150 graduum , digestæ , deinde autem lege artis destillatæ , dant aquas optimas.

2. Quando autem aquæ desiderantur ex Corticibus , Lignis , Radicibus , Seminibus , valde densis , ponderosis , resinosis , rigidissimis , tenacissimis , tum debent hæc prius per tres , quatuor , pluresve , septimanas , calore 96 graduum , vasis perfecte clausis , cum idonea aquæ copia falsæ , foveri , macerari : ut aperiantur ad feliciorē destillationem. Sal vero marinus additur tam copiosus : partim ut tanto magis aperiantur , sed inprimis , quo cohibeantur a putrefactione , quæ aliter tam longo temporis spatio , huc requisito , in hoc necessario calore , certo contingeret , odorem , saporem , vires quæsitæ , prorsus perderet. Sic , v. g. ex Ligno Agallochi , Asphalathi , Buxi , Cedri , Guayaci , Juniperi , Rhodii , similibus , aquæ tales elici debent.

3. Herbæ , quæ late , statim , odorem spargunt , brevique illum perdunt , debent ilico , postquam apta tempestate lectæ sunt , destillationi committi , neque ulla digestionē juvantur. Borrage , Buglossum , Jasmina , Lilia alba , Lilia convallium , Philadelphus , Rosa , Tiliæ flos , non

ferunt calorem, digestionem, moram. Sed & ligna talia dantur: fane scobs rasi Sassafras, si aquæ incoquit, brevi vires, odorem, saporem perdit; Guayacum diu ebulliendo decoctum reddit melius.

4. Vires plantarum adstringentes, alentes, antacalinæ, antisepticæ, consolidantes, demulcentes, emollientes, farinosæ, gelatinosæ, refrigerantes, stipticæ, nunquam hac arte aquis his communicari queunt; sed quærendæ in tota plantæ compage, vel in parte ejusdem fixiore. Ergo Pharmacia levanda tot frustraneis laboribus præparandi tales aquas. Contra Medici monendi sedulo, ut in infusis, decoctis, defrutis, sapis, tales vires quærant. Nonne ridiculus, qui in aqua stillatitia Hordei inertis, vappidaque, nutrimentum vel leve quærit? Qui in aqua de carne concisa Caponis nauseosa alimentum obtinendum putat? Quis pulcherrimas Acetosæ ipsius virtutes in calidis, laxis, putridis, scatenti bile oppressis, ægris, quæret in aqua destillante de hac herba? Inimitabiles Plantaginis vires frustra aquæ ejusdem imputas: proscribendæ ex arte sincera aniles hujusmodi, & pueriles, ineptiæ. Seria serio!

5. Aliter longe se res habet in illis herbis, quarum vere cognita virtus unice hæret in illa parte plantæ, quæ calore non excedente 214 gradus sursum separari a planta potest: Ibi enim in aquis his, rite paratis, omnis illa desiderata facultas sedet; quæ decoctis, extractisque, perit. Sane virtutes adeo laudatæ in floribus Lavandulæ, Liliorum convallium, Rutæ herba, contra eas Epilepsiæ species, quæ ab impetu turbato liquidi nervosi oriuntur, in aqua stillatitia hæret, decocto, extractoque perit prorsus. Antepileptica Pæoniæ vis in decocto manet, in aqua deficit.

6. Reperiuntur plantæ medicatæ, quarum vires medicinales hærent in parte volatili, dicto caloris gradu, ita tamen, ut, his ablatis per destillationem, adhuc in residua herba, ejusdemque decocto, remaneant aliæ virtutes, etiam facultate medicinali divites: quare neutiquam abjiciendum est hoc postremum, decoctum; verum illud moderato calore, lato vase, inspissandum, ut incorruptum servari queat. Hocque postea miscendum erit cum illa aqua; unde tum ambæ virtutes adunatæ potestatem plantæ exhibent. Absinthium, Artemisia, Carduus benedictus, Centaurium minus, Chamædryas, Chamæmelum, Chamæpytis, Rosmarinus, Salvia, Scordium, & multæ aliæ herbæ huc referuntur. Hoc autem herbarum genus fermentatione exaltatur, ut pulchriores aquas largiatur stillatitias; sed tum inspissatis postea illarum succis, vel parcior inest, aut a nativa indole magis degenerascens, succus.

7. Sapor acidus, amarus, austerus, dulcis, fatuus, rarius de plantis adscendere destillando solent, sed fere manent in extractis. In Absinthio, Chamæmelo, paucisque aliis adscendit. Color plantarum ferme nunquam elevatur destillando. In Chamæmelo tamen cæruleus, in Absinthio viridis color, sed in oleis potius, quam in aqua. Saponacea vero ex oleo & sale concretis facultas, nunquam sursum it; in extracto manet.

8. Atque inde iterum plantæ, illa proprietate præditæ, non adhibentur destillatione huic. Vid. Catalogum plantarum ad Processum secundum, & dicta ad Processum præcedentem 15. Acetosa. Alchimilla. Berberis. Beta. Brassica. Cerasa. Cichorea. Endivia. Fraga. Lactuca. Pomorum Auran-

riorum, Citreorum, Limoniorum, succi aciduli. Portulaca. Ribesia. Sambuci uvæ. Scorzonera. Uvæ maturæ. Nil fere boni dant in aquis suis. Tandem & maxime contrarias distinguamus facultates in una herba: Aqua stillatitia Cinnamomi prima aperit, calefacit, excitat, movet, stimulat, vomitum sistit. Aqua stillatitia Cinnamomi secunda adstringit, frigefacit, nauseosa est. Decoctum ultimum, in aheno superstes, colore fusco rubro, opacum, spissum, odore nullo, sapore austero, adstringit, coagulat, roborat, alvum sistit.

P R O C E S S U S XVII.

Aqua stillatitia vulgaris per vesicam, herbæ recentis, Rosmarini fermentata, more Ludoviciano.

A P P A R A T U S.

1. **D**estillationis, Digestionis, Cohobationis, effectus docuerunt accurate satis actionem definiti ignis per gradum ebullientis aquæ, in destillatione, & cohobatione, & lenioris ignis & aquæ per digestionem: jam soleo, Medentium gratia, simul hoc ordine monstrare non inelegantem, utilem certe, modum, quo vires plantarum medicatæ, parum admodum mutatæ a nativo ingenio, tamen penetrabiliores redduntur, magis volatiles. Quo proposito sumatur iterum Rosmarinus recens, ut Processu 1, 15, 16; hujus conditiones requisitæ expositæ sunt: conscindatur, contundatur, si opus visum fuerit, hac impleatur dolium quernum tam capax, ut scopo sufficiat, ita ut a superiori margine maneat spatium vacuum ad quatuor digitos. Sume tum tantum aquæ, quantum sufficit, ut vas repleat ad altitudinem, qua Rosmarinus assurgit in vase. Huic aquæ admisce octavam circiter partem mellis, si tempestas frigida hyberna est, duodecimam fere partem æstiva tempestate. Si loco mellis tantundem sacchari naturalis, fusci, pinguis, addideris, res eadem erit. Quin etiam aquæ huic ad singulas libras admista semiuncia fermenti cerevisiæ bonum dabit liquidum. Ego mulsam descriptam cæteris præfero. Ergo idonea illa copia mulsæ calefactæ affundatur herbæ in dolio contentæ. Os patulum erecti dolii tegatur operculo ligneo leviter. Ponatur dolium cum hoc suo apparatu in cista lignea, calefacta impositu prunæ in testa sub levissima cineris crusta sopitæ, ut in liquore & herba calor oriatur graduum octuaginta fere. Qui semel natus dein superjectis stragulis ita conservetur perpetuus idem, moderatione ignis. Hinc hyberno, frigido, tempore plus ignis, cautela magis sollicita, ne refrigescat, exigitur: æstuante cælo, ardente Syrio, calor sponte satis aut magnus, aut parvo tantum incitamento egens, erit. Incipiet oriri secundo die sibilans strepitus in liquore, cum bullis, spuma, hâlitu grato Rosmarini, & elevatione herbæ rursus in superficiem liquoris ferventis. Hic motus Fermentatio appellatur.

2. Simulac fermentatio hæc duravit tamdiu, ut sursum elata prius herba incipiat subsidere, & deorsum labi ad fundum vasis, tum satis ad

hoc opus provecta est fermentatio. Hinc tum vas hoc frigefaciendum ; arctiusque obturandum. Si nempe jam diutius in tepore continetur vase aperto , tum spiritus , & olea , jam facta volatilia magis , avolant , viresque quæsitæ dissipant ; quare etiam quantocyus destillationi committenda sic parata herba.

3. Accipiatur tantum de hac herba , & liquore ejusdem fermentato , quantum sufficit ad ahenum destillatorium replendum ad duas tertias. Fiat deinde cauta in initio destillatio : nam liquor hic , multum adhuc spirituum fermentantium continens , ab igne facile rarefcit , spumescit , tumet , hincque ebulliens promptissime transcendit orificium aheni. Quæ omnia , quum ocyus in hac destillatione contingant , quam in præcedentibus , hinc facilius hic festinatione peccatur , maxime in principio. Hac lege prodibit primo liquor limpidus , pinguis , penetrabilis , odoratus , sapidus , qui , quamdiu talis prodit , seorsum fervetur. Succedit dein liquor lacteus , opacus , turbidus , aliquid saporis , odorisque adhuc retinens. Tandem liquor , tenuis , acidus , non fragrans , vix aliquid Rosmarini peculiare gerens. In fundo extractum supererit , respectu Rosmarini , satis iners , & multum de corpore mellis retinens. Atque omnia hæc ita se habebunt , si modo fermentatio eousque fuerit provecta , ut herbæ sponte in fundum ceciderint , quod in præfinito calore quinto fere , aut die sexto , accidit. Aqua autem hæc prima , aut spiritus potius , per annos plures fervari poterit vasis clausis nunquam mutata , mucilaginem ne quidem contrahens. Odorem , saporemque suæ herbæ quam pulcherrime exprimit , quamvis parum mutatos. Verum , si vel minus mellis admiscueris , vel minus adhibueris caloris , aut tantum ad duos , tresve , dies ita fermentationem hanc produxeris , tum in destillatione prima prodibit aqua alba , crassa , opaca , pinguis , spumosa , odorem , saporemque plantæ prorsus retinens , minus mutatos quam in priore casu , sed non erit adeo penetrabilis , acrisque hæc aqua. Post hanc iterum eductam , exhibit porro aqua iterum acidula , limpida , inodora. In fundo manebit residuum , longe plus de singulari charactere Rosmarini retinens , quam præcedens. Quin etiam hoc casu fere semper aliquid olei in prima illa aqua advertitur , quod in spiritu illo primo non aderat. Rursum , si tantum die uno , aut sesqui altero , illam fermentationem peregerit quis , tunc aqua in prima destillatione prodibit cum pluri oleo , supernatante. Cætera fere eadem , semper enim in hisce , quo diutius fermentatio protrahitur , eo erit oleum in destillatione minus conspicuum , eo semper prima aqua limpidior fortiorque ; sed quando miscetur aquæ puræ , tum semper hæc ocyssime lactescit. Hinc quam maxime differunt inter se hæc aquæ , prout , secundum dictas conditiones , vario modo paratæ fuerint.

4. In prima quidem perfectiori fermentatione , educta prima limpida , & secunda lactea , tertiam acidam , limpidam , tenuem , valida ebullitione urseris nimis diu , acida valde , instar aceti , aqua elicietur.

5. Extractum vero semper erit tanto minus imprægnatum virtute herbæ adhibitæ , quanto fuerit diuturnior , & perfectior , fermentatio prægressa ; tanto plus nativi retinet , quo imperfectior.

6. Oleum etiam plantæ , quod in Processu 15 , & 16 , sua facie super-

natabat, in fermentatis perfecte prius plantis destillatis, ita attenuatum erit, ut prorsus dispereat, atque in liquore stillatitio subtiliter divisum lateat. Hinc etiam potius spiritus hi appellandi, quam aquæ. Quod vero hæc ita se habeant, inde constat, quia spiritus hi pluri aquæ affusi, statim albidine nata, testentur olei absconditi præsentiam ita, ut sæpenumero olei guttulæ ita renatæ in superficie aquæ supernatent.

7. Hinc ergo cognoscitur, quod fermentatio hæc prorsus perfecta tempore ad illam requisito, una cum magna copia fermenti, si dein omnia fermentata simul dolio ligneo aliquamdiu arcte clausa retinentur, reddat has aquas limpidissimas, calidissimas, aromaticas quam maxime, odoratissimas, sapidissimas, maxime penetrabiles, absque ullo omnino signo præsentis olei in illis. Sed pro ratione, qua proprietates hæ magis apparent in illis aquis, etiam characteres proprii illarum plantarum magis mutantur, ut tandem amplius cognosci vix queant; sed, completa fermentatione, sublato proprio, in eandem similitudinem fere reducuntur. Unde etiam hoc elucescit, quod per fermentationem non ita exaltentur, atque perficiantur, virtutes singulares vegetabilium, quemadmodum quidem id fiebat cohobatione sæpe repetita in præcedenti, rursusque illa repetitione non reddebantur aquæ hæ adeo spirituosæ, ut unica fermentatione. Id autem contingere videtur, quoniam in diu protracta, semperque actiuosa, mobilitate fermentationis, Spiritus Rector volatilis de apertis plantarum partibus, maxime de attenuato jam oleo, liber redditus exhalat: olei enim tenacitas erat vinculum præcipuum, quod spiritum innectebat corpori. Interim lenis, moderataque, fermentatio, spiritum non dissipans, sed viscosa impedimenta solvens, aquas egregie acuit, durabiles reddit, præservat ab corruptione, mucilagine, inspissamento mucoso. Quæ sane Vir Chemiæ peritissimus, candidusque scriptor, Daniel Ludovici pulchre observavit in sua Pharmacia nostro seculo accommodanda. Aqua utique Cardui benedicti ita parata mire laudatur, ubi sudor, & diaphoresis expetuntur.

Odor igitur saporque plantarum, qui aquis stillatitiis imprimuntur, pendent a Spiritu Rectore, plantæ proprio, inprimis. Quum autem spiritus ille vinculis tenacibus sulphuris arctetur: hinc & oleum illud, aquæ mistum, reddit aquas eo odoratiores, magisque sapidas, quo pluri oleo imprægnatas. Oleum quidem illud, destillatione, digestionem, cohobatione, vasis rite clausis peracta, sensim dilutius, minus tenax, magis spirituosum, plus miscibile aquæ redditur; sed & eo spiritus volatilior, liberiorque, facilius avolaret, nisi quam arctissime undique clausis vasis coërceantur inter destillandum; quod quum fieri possit, hinc hæc ratione aquas quam efficacissimas posse fieri. Fermentatio vero, quum longum requirat tempus, aëris admissionem, & aperta vasa, suo motu olea attenuat, ut in aqua diluantur, eaque forma flammam alere queant; sed hoc facere nequit, quin dissipet spiritus. Reddit olea facilius miscenda humoribus nostris, reddit facilius insinuanda meatibus minimis; sed abstulit illud singulare semper. Interim virtutes nervorum stimulatrices, haud ita ingratas, nervis applicat narium, oris, faucium, œsophagi, ventriculi, intestinorum, inprimis.

PROCESSUS XVIII.

Aqua stillatitia vulgaris , per descensum , de Herba recenti , Rosmarino.

APPARATUS.

1. **D**estillatio a Chemicis olim appellabatur motus corporum ope ignis de uno vase , quo materies mutanda continebatur , cuique applicabatur ignis mutans , in aliud vas ad prius applicatum. Sive liquores ita tractarentur ; sive consistentia corpora ; sive & liquida a liquidis , aut a solidis , separarentur. Statuebant vero has operationes absolvi triplici differentia. 1. Enim ignis materiem elevabat sursum , ex vase perpendiculi. 2. Pellebat hanc parum elevatam statim ad latera , ut in destillatione per retortam. 3. Materiem igne motam superne applicato , aut circum posito , cogebat deorsum ire , quam ultimam destillationis speciem vocabant Destillationem per descensum ; qua jam apud seculum prius utebantur ad separandum Argentum vivum a glebis suis fossilibus. Hanc Paracelsus dein præcipue & ad Vegetantia transtulit. Nobis in exemplum sic pateat operatio. Vas esto cylindricum , latum pro arbitrio , at profundum satis , de materie factum , quæ neque perspiret , aut liquores bibat , sed & non inquinet. Hujus supremo margini incisura orbicularis fiat , ut crepido introrsum panda queat sustinere accurate congruentem laminam orbicularem , plurimis pertusam foraminibus , quæ ita descendat intra patulam vasis aperturam , ut laminæ superficies summa biunciali distet a margine intervallo. Imponatur tum herba recens , viridis , succulenta , confissa parum , aut & contusa , ut impleat vas a lamina ad marginem usque. Superponatur dein operculum , aptissime congruens ori vasis , planum. Atque rima inter operculum & vasis marginem patula , accurate obturetur argilla undique sic , ut ne vapor quidem per interapedinem exhalare queat. Andreas Libavius consuli poterit. De bractea autem ferri materia peti poterit tota horum instrumentorum confectio , si multum talis aquæ conficiendum est. Aliter , pro unica demonstratione , de terra figulina facta sufficiunt.

2. Operculo leni adpersu cinis imponatur non crassius , huic dein aliquantulum ignis , ut calore solvantur in vaporem humida plantæ ; atque succi ejusdem fusi liquecant , inque capacem alvum vasis suppositi descendant , ubi frigore illius densentur , quiescant , guttatim destillent. Ita prudenter , per gradus , aucto igne , humida plantæ deorsum aguntur , colliguntur. Scilicet spiritus , aqua , cera , gummi , oleum , resina , salina saponacea materies , quæ in aliis destillationibus præmissis , non ita facile poterat separari.

3. Cavendum est interim in hac operatione , nimius ignis ne amburat penitus partes ; quamvis fateri debeam parvum parum movere. Si enim cito violentum ignem admoves , omnia confunduntur simul , & quidquid oleosum inest comburitur , odorem , saporemque mutat in empyreumaticum , fu-

liginosum , amarum , detestabilem , vix aptum , qui ingeratur homini. Id inprimis contingit in pinguibus , siccis.

4. Quando autem succulenta penitus , v. g. Flores Rosarum , ita cum prudentia , sine ambustione , tractantur , tum aquæ sic paratæ succos nativos proxime referunt : quia & saponaceam illorum indolem exhibent , vires proprias præbent quidem , sed tamen semper aliquantulum mutatas per ignem ; unde succi pressi , ut gratiores semper , ita quoque & vi medicata meliores. Paracelsus vero , Guayacum ita tractans , inque liquorem acidum , olea acria , fœtida , convertens , hæc tamen ad usus externos , internosque , laudabat : unde etiam per Germanias aliquamdiu exulta hæc operatio jam fere in desuetudinem abiit : quum minus ingrata super sint. Suffecerit Vobis intellexisse , vidisse.

P R O C E S S U S XIX.

Ex residuis Processuum 15 , 16 , 17 , 18 , crematis Cineres falsi , ut ex Processu 5 , 6 , 9 , 10 , 11 .

A P P A R A T U S.

1. **S**I residuum a Processu 15 , vasi ferreo commissum , tam scilicet herba , quam liquor a destillatione superstes , exsiccatur , & dein sartagini ferreæ immittitur , igni imponitur aperto , comburiturque , ut in Processu sexto factum est , in Cineres albos , tum de illis Cineribus magna copia salis potest elici , illa scilicet , quæ ex herba cruda combusta , ante destillationem , potuerat produci. Eritque cinis , & inde productus sal , perfecte idem. Ut in vase , vobis examinandum propono. Si vero decoctum illud , in ahenò residuum , seorsim ceperis , illique admiscueris omnem succum , quem ex herba decocta exprimere poteris , tumque hunc salem paraveris , ut in Processu quinto , iterum habebis Cineres , ut in illo quinto Processu , falsos , salemque eundem , eadem fere copia. Unde igitur destillatio hæc materiem salis non minuit.

2. Si residuum a Processu 16 , tractaveris eodem modo , ut præcedens residuum , sive solum succum ceperis , sive succum cum herba , acquies Cineres duplo falsiores , quam præcedentes , & salem accipies eundem quidem , sed duplo copiosorem. Quando autem , ut in Melissæ cohobatione posui , decies & sexies repetivisti hoc opus , tunc erit in hoc succo ultimo decies & sexies plus salis , si comburitur. Quare apparet , residuum a cohobatione ita crescere in sua virtute salina , saponacea , quemadmodum aqua cohobata in sua volatili , spiritibus & oleo plena , parte. Unde etiam hinc probatur modus virtutes proprias herbarum tantum intendendi , quantum Artifici lubet ; sicque artem , si usquam alias , certe hic naturam superare , & emendare. Quin iisdem efficitur , nec cohobationem minuere salis materiem in parte fixiore , quamvis toties repetatur : modo rite caveamus , ne ulla putrefactio nascatur in herbis.

3. Quoties vero herbæ , sine saccharo , & sine melle , fermentatæ , atque dein destillatæ , juxta Processum 17 , residuum eodem modo comburis

in Cineres, ut hic factum cernitis, tum iterum eandem ferme copiam ejusdem salis habebis: ut & ita lique scat, ipsam fermentationem sic pe-
ractam ne quidem reddidisse volatilem materiem vegetantium, quæ igne
exusta salem hunc fixum exhibet. Id apparet mirabile, nisi jam consti-
tisset, Tartarum, fermentati perfecte subtilissimi vini, ustum salem fixum
tanta præbere copia. Quando autem cum melle prius fermentavisti Ros-
marinum, atque residuum inde superstes, inspissatum in Cineres combu-
ris, Cineres obtinebis, quos hic propono, vix acres, neque talem inde Sa-
lem facile produces. Mellis enim carbo haud temere igne in salinum ver-
titur, sed fungosus fere, nec acris manet.

4. Residuum tandem Processus 18 crematum tanto minus Salis gene-
rat, quanto plus saponacei salini in aqua descenderat. Si autem valde
parum talis aquæ exivit, tum idem fere Sal prolicietur.

5. Postquam omnia hæc cum cura intelleximus, effectus veros Destil-
lationum jam propositarum cognoscemus. Enimvero adscendit per has a
planta 1. Aqua elementalis, simplex, plantæ. 2. Spiritus in hac aqua,
descriptus in Processu primo. 3. Oleum volatile, sulphur dixerunt,
plantæ; quod primo aquæ permistum, hanc albam reddit; quod seor-
sum existens aquæ misceri negat, quodque iterum ex ea sensim se ex-
pedit; in quo Spiritus prior imprimis hæret, in quo retinetur, cui
odorem, saporem, sæpe vires singulares, imprimit. Hoc oleum est
illud, quod soleo vocare Oleum primi generis in Plantis, facile &
primo separabile ab iis, immistum humoribus earundem, non affixum
iis fortiter, neque adhærescens multum solidis harum partibus, neque
iis intricatum valde, in multis sæpe vasculis singularibus locatum. At-
que hisce quidem tribus ablatis de planta, postea vix aliquid de pristino
illius odore, aut sapore, in residuo superest. 4. Etiam adscendit hac ra-
tione acidus quidam, tenuis, volatilis, liquor, qui subtiliter salinus,
non figitur igne cremante, sed avolat; unde haud ineptè vocari posset
Acetum naturale Plantæ, quod & in Caryophyllis tandem adscendit cum
ultima aqua, & in Cinnamomo; quod post tria priora integre ablata,
de omni, & calidissima, tandem elevatur destillando. Sed in parte plantæ
per hanc destillationem non volatili, verum remanente in fundo, co-
gnovimus. 1. Oleum fixius, humori fixiori residuo magis implicitum, nec
destillatione hac elevandum; sali plantæ proprio tenacissime nexum in
saponem; cujusque pars satis magna vi ignis sali confusum intime fixatur
cum eo in alcali, quod tamen oleum, sali suo adhærens aqua a planta eli-
ci potest per decocta. (Vid. Processum 3. & 5.) 2. Oleum, quod terræ ele-
mentali, nectendæ in fabricam plantæ solidam, intime infigitur, quod-
que nulla decoctione inde secerni potest. (Vid. Processum 4.) 3. Maxima
pars salis nativi, & proprii plantæ. 4. Materies illa plantæ, quæ dein ignis
aperti, & violenti, actione figitur, mutaturque in sal alcali fixum. 5. De-
nique elementa terrestria pro maxima parte, tam quæ in humoribus,
quam quæ fabricam solidam constituunt. Aïo pro parte maxima: quia de
ipsis oleis volatilibus ingens terrestrium copia educitur.

PROCESSUS XX.

*Oleum Plantarum nativum pressu electum de Plantis.
De Amygdalis.*

APPARATUS.

1. **I**N Plantis habetur pars quædam, sponte sua liquida, aut facile parvo igne liquefscens, quæ appellatur Oleum earundem. Id quidem quiete diuturna spissum potest fieri, ut in oleo Terebinthinæ liquidissimo prius, sensim spissescente manifesto apparet. Potest etiam frigore incrassescere, globulos formans, instar ovorum piscis. Imo & in corpus solidum abire, ut in cera patet. Quacunque autem ratione sic induruit prius, igne tamen applicato iterum defluit. Igitur Oleum hoc semper, cum liquefactum habetur, simul pingue est: quia molle admodum, valde lubricum & lubricans, si tractatur, atque interea tenacitate quadam partium suarum lentescens, quod in aquis, spiritibusque, non obtinet. Porro Olea hæc ubique sunt inflammabilia, ignem, flammamque nutrire, imo & in flammam abire apta; quod aëre, aqua, terra fieri nequit. Tandem Oleum aquæ minutatim misceri negat, sed confusum illi aquam repellit, oleum colligit, sicque separantur in distincta liquida, qua re differt a Spiritibus. Est igitur Plantarum Oleum liquor pinguis, inflammabilis, aquæ non miscibilis.

2. Oleum hoc in plantis varium reperitur, & multiplex. Volatile enim illud, quod jam in destillatione aquarum de vegetabili pingui producebatur, in se continebat Spiritum Rectorem, qui odorem illius plantæ & saporem continebat; hinc in illo Oleo etiam singularis plantæ proprietas sensibus manifesta habitabat, illoque oleo educto, omne residuum plantæ nihil amplius de proprio plantæ conservabat. Ut, si quis de Cinnamomo, foliis Maceris, Caryophyllis, Nuce Myristica, accurate omne illud oleum subduxerit, in corpore superstito antiquam figuram videbit, indeque quam optime cognoscet, sed cæterum de dote propria nihil quidquam. Omni enim penitus ablato hoc oleo, odore, & sapore, deinceps distingui nequeunt inter se. Attramen ipsum olei corpus odorem hunc, saporemque, ex se non habet, sed tantum ab illo spiritu, qui distinguit hæc olea, quamdiu præsens inest; sed si abest, tum olea iterum vix distingui inter se possunt, sed fere unam, eandemque, naturam habent.

3. Aliquando, in quibusdam plantis, harumque partibus quibusdam singularibus, Oleum sincerum colligitur in ampullulis quibusdam, vel folliculis, adiposis jure vocandis. Alias succis plantarum mixtæ, divisæ hinc, & vix olei specie tum apparentes, sed saponis instar latentes, particulæ oleosæ adsunt. Quoties tum iterum hæ absconditæ oleosæ partes associantur, aliis separatis, tum statim oleum apparet. Utriusque exemplum facile datur: Succus aqua eductus ex planta, inspissatus, saponaceus, exsiccatus, ardendo pingue oleum præsens testatur. Vid. Process. 3. & 5. In Abiete, Pino, Larice, cæsis purum oleum vulnere exstillat. Imperatoriæ radix, hyberno tempore recens effossa, bene pura, acuto cultro transversim scissa,

microscopio spectata, dabit guttulas aurei olei spectandas, quæ emergunt in hac superficie de propriis ductibus, singulari ibidem apparatu positis. Nucem myristicam cultro calefacto, acuto, rite findatis, superficiem deinde microscopio conspiciatis, cernetis Olei meraci stillas. Amygdalam pariter sic fissam lustrantes idem observabunt, maxime, si calefacta prius, scissa dein, paululum premitur; Oleum quippe exsudans se conspiciendum offert. Nusquam tamen luculentius invenitur & uberius, quam in Cotyledonibus feminalibus plantarum, ubi arcet a tenero embryone aquam intempestivam, male acturam, nimiumque frigus, ne facilis oriretur congelatio, forte exitialis tenellis staminibus. Oleum illud pariter, instante hyeme, a prægressa æstate versus corticem pulsum, ibique aquoso humore orbatum magis, inprimis colligitur ingenti abundantia, præcipue in semper virentibus.

4. Igitur Olea Vegetantium quam maxime abundant in partibus plantarum magis duraturis, in defensionem aliarum partium stirpibus naturalium, iisque præ cæteris necessariarum; igitur in illis partibus, quæ distant inprimis quam remotissime a vasis radicum absorbentibus, & a succo nutriente de altrice terra ibidem hausto per fibrillarum meatus patulos. Sane in semine maturo Lini, licet plus olei invenire, quam in toto forte reliquo integræ plantæ corpore.

5. Quin quandoque colligitur tanta copia, ut vera Olei specie sponte appareat, claustra sua frangat, defluatque. Unde cortex inprimis, & fructus, illud præbent. Coni Abietis, Cedri, Laricis, Pini, bacca Juniperi, id docent. Maxime, ut jam monui, in sempervirentibus. Ubi exteriora corticis sæpe perfusa hoc oleo. Boreales inprimis arbores, glaciali expositæ frigori, in altis montanisque locis inprimis, aut editioribus siccisque, id præcipue deprehenditur. Unde fere licet credere, Oleum hoc multum requiri ad defensionem vitæ contra frigus glaciale hybernium.

6. Porro observamus, pingua hæc olea nasci, & colligi, quam maxime in plantis jam adultioribus, jamque brevi dormituris, aut jam senescentibus. Enimvero tam herbæ minimæ, quam arbores, quando fatæ primo emergunt, parum pinguis offerunt, sed tantum aquoso, diluto, tenui, succo turgent; adultæ vero uberrimo pingui scatent. Linum spectate, tota planta, graminis instar, mera aqua videtur vivere, sed quando matura facta est, viriditate amissa, flavescent, jam uberrime fundit oleum, præcipue in feminibus. Idem quoque in juniore, & adulta jam Pino patet. Notum dein, plantas arboreas, & viviradices, adventante autumno, sensim se contrahere, succos suos sistere, vix perspirare, nec trahere multum de terra, neque diffundere per aëra. Quæ apparente bruma perpetuo magis, magisque, ita pergunt, donec tandem penitus fere planta hæc quiescat. Quum contra, adspirante vere, omnia iterum incipiant moveri, ingredi, exhalare. Si stationem illam autumnalem, & hybernā, licet appellare somni tempus, æstivam vero & vernalem, vigiliarum tempestatem, in plantis, tum semper fere apparebit, Olea in plantis augeri somni tempore, aquam vero vigiliarum decursu. Cernite Imperatoriæ radicem hyeme, omni fronde penitus evanescente, terra absconditam, inertemque; nonne dormit? Erue, scinde, inspice, totam oleo opimo pi-

quem reperies. Eandem Maio mense effode, jam aquosam, salinam, haudquaquam ita oleosam invenies. Idem in arboribus quoque videre est. Tandem etiam senescentes stirpes oleo obrui, indeque suffocari abundantia pinguium, cernimus, in Abiete, Pino, similibusque, tandem intra adipem suum suffocatis. Gummi specie in his, resinæ, olei, balsami, facie in aliis. Unde toties mori cortice obstructo dolent horticola. Scilicet, ut obesa tandem animalia, nimio pingui immersa, sæpe inde suffocata, moriuntur.

7. Chemicus ideo, Olea stirpium quærens arte sua, prius e scientia rei herbariæ discat, tempora esse in plantis, in quibus aqua & sal abundant in illis, tumque oleosa ibidem magis deficere. Contra, & esse aliud iis tempus, quo oleo abundant præcipue, sed tum rursus aquam minui, sallemque. Dum scilicet nova folia, flores, fructus, naturæ vi in planta formantur, tum motus humorum aquosorum sale prægnantium promovetur, & olea tarda absunt: postquam vero foliis exarescentibus, deciduisque, floribus jam emarcidis, fructus ipse maturus, perfectusque, fere sponte dilabitur, tum oleosa, subtilioribus dissipatis per æstatem, sensim aggregantur, apparent, prædominantur; unde Architecti quoque suam ad artem ligna legunt hyeme media cæsarum arborum, ut durabilia habeant, & aquæ resistantia diu, nec ita temere cariota futura. Nimirum oleo, eoque ponderoso, scatere deprehenduntur durissima quæque, & ponderosissima, ligna, quæ ætatem vix sentiunt. Cedrinum, Guayacinum, speculemur; quanta in illis olei, sed gravis, sed compactissimi, copia! Quare Chemicista alio longe tempore quæret plantam, ut saltem inde conficiat; alio iterum eandem stirpem quæret anni tempore, ut oleum inde obtineat.

Oleum, maxime nativum, in plerisque, habent prorsus matura, sponte brevi lapsura, hinc a naturali jam maturitate sicca utcunque, folique inuncta suo pingui, Semina. Hæc igitur Artifices porro, paulo magis exsiccata prudenter, conterunt una cum propriis furfuribus in speciem farinæ. Si autem semina illa sint ex se adeo pingua, ut in farinam redigi nequeant, tum contunduntur modo, in mortario lapideo, solaque sæpe hac actione profluens oleum produnt, ut in Amygdalis, nucleis Pini, pistachiis Terebinthinaceis, tam manifesto patet. Dein, præparata sic, farina vaporis aquæ calidæ exposita aliquantum, & dein iterum leniter siccata, aperiuntur magis, magisque, ut facile pressa dimittant olea sua. Farina dein, vel pasta, intra fortia lintea cannabina capitur, bene clausa undique. Tum sarcinulæ ponuntur intra laminas ferreas, calefactas in aqua ebulliente, tandem prælo quam fortissime comprimuntur illæ laminæ. Oleum tum calore hoc, non nocente, fustum, per plagulas panni pressum exsudat stillatim in suppositum excipulum, liquefactum quidem, empyreumaticum nunquam, sed fere nativum sic, ut in planta existiterat prius. Potest vero hoc artificio elici oleum de seminibus plantarum macilentissimarum; ut de Cannabe, Lactuca, Lino, aliis infinitis, in quibus nemo mortalium unquam crederet, tale pingue abscondi posse. Ita de Caryophyllis Indicis, Macere, Nuce myristica, oleum huiusmodi copiosum exprimi potest. In quo tamen nequaquam acerrima illa aromatica vis dominatur. Nam e Macere, & Nuce myristica, satis blandum, valdeque

crassum, balsamum potius exhibere videtur, quam acre aromaticum urens, quale destillando inde producitur. Sane mirabar olim, bono successu præscribi Oleum pressum seminum Sinapi contra acerrimos a calculo dolores. Mirari desii, quando oleum illud exploratum adeo dulce & mite se daret, quod in destillatione eorundem seminum tam acre apparet, & igneum vere. Et sane ne jam quidem mirari hanc rem satis possum, utcunque toties consideraverim. Cur enim hoc in oleo presso non adest acer odor, acutus sapor, qui ita excellit in oleis stillatitiis? cur acrimonia Spiritus Rectoris, qui hospitatur in oleo, hic se non manifestat? sive aquam spectes, sive salem, ipsumve spiritum, & ejus oleum, forte non tam apposite, ut Tibi promiseras ipse, respondebis.

9. Utique parum valde salis in hoc oleo reperitur. Et tamen de plantæ singulari ingenio habet multum, ut sensus docent. Recens interim quamdiu habetur miscela sui acre involvit, mitificat, obtundit in humoribus; fibras, membranas, vasa, viscera, affricu sui laxat, flexilia reddit, emollit, duritiem, fragilitatem, tollit. Escharas mortuas, aridas, humectat, lenit, reddit separabiles a vivis per actiones vitales. Defendit in vulneribus nudatas partes, ne aer siccus illis noceat arefaciendo. Prohibet quoque tenues humores, ne per oscula aperta discissorum in vulnere vasculorum nimis exhalent, sicque extrema vascula corrumpant. Hinc est optimum ad recentia, vivaque, vulnera auxilium, quo consolidentur brevi. Quin etiam Anodynum habetur summum, acria demulcendo, laxando stricta.

10. Sed quam notabilis est in oleis hisce proprietas! qua tam cito, calore tantum septuaginta graduum, tantum a pristino degenerascunt ingenio, absque ulla omnino alieni admistione. Enimvero de crasso tenuius fit. De blando acre. De dulci amarescens. De insipido fere rancidum. De albo flavescens. De anodyno erodens. De laxante inflammans. Omnes quidem hæ mutationes satis cito ita contingunt: paucis nempe diebus æstivo calore. At quantæ mutationes! Oleum Amygdalinum recens linctu asperas Angina fauces pulcherrime mulcet. Oleum idem post paucos dies linctum ab homine sano integras ejusdem fauces subito inflammat. Quoque dulcius fuerat recens, eo acrius rancescens, & veterascens. Hinc Amygdalæ, Nuces Juglandes, Pistachia, quam tetra, postquam rancida, quam prompte anginam provocantia ad guttur, quam facile febres excitantia, per incensas fauces, œsophagum, ventriculum, intestina! Discite hæc Medici! in acutis dum suadetis usum salubrem Amygdalini olei, curate, pressum sit de amygdalis non rancidis, ut recens pressum urente Syrio non sit nuchthemero antiquius. Idem observatum in Butyro, animalium crudo pingui, in lardo, in medulla, perfectis magis horum oleis. Quam hæc blanda recentissima! Quam horrenda, quando æstuoso cælo, absque sale committuntur aëri! Flavescunt, cærulescunt, virescunt, acrimonia, & facile in peste lethali, fracedine venenata sane evadunt. Nonne in caseo pingui, butyroso, acerrima, si veterascit, acrimonia exoritur? Vidi sane labia, gingivas, linguam, palatum, fauces inde violente inflammari. Quid interioribus igitur visceribus accidat, facile perspicitur. Vos cogitate porro, Auditores, obvium experimentum, quo brevissime

igne ebulliens hoc oleum tam cito flavescat, rubeat, nigrescat, amarescat, acre fiat, sicque brevi evadat insalubre. Tum intelligetis, Olea hac horarum sex spatio in ventriculo amarissima fieri, atque, in fauces & os regurgitantia, falso pro bile haberi: quum igni injecta ardeant, flammamque concipiant. Ex quibus observationibus circa ingenium hujus Olei quam plurima intelliguntur in Historia Naturali, Medica, Pharmaceutica, Culinaria.

P R O C E S S U S XXI.

Olea nativa cum propriis corporibus trita cum aqua præbent Chylum, Lac, Emulctum. Exemplo sint Amygdala.

A P P A R A T U S.

1. **S**I corpora oleo plena, jam descripta præcedenti Processu, præparata fuerint eousque, ut requiritur ad olei inde expressionem; tum vero, loco pressiois, conteruntur in mortario lapideo, pistillo ligneo, cum pauca aqua lente, inter terendum, successive affusa, ut ita abeant in pulvem bene subactam, mutabuntur in speciem albæ massæ; quæ, quo diutius ita conteritur, eo pariter magis homogenea erit, aptiorque huic processui: nam quo magis minutatim sic attenuatur, & commiscetur intime materies, eo melius sequentia fieri ex arte poterunt.

2. Tum affundatur plus aquæ puræ, calidæ, ita, ut jam utcunque superfluat; fiat attritus assiduus, ut prius; incipiet nasci liquor, supernatans corpori, lacteus, pinguis. Dein quiescat vas paululum, & leni vasis inclinatu effundatur humor ille superior per linteum rarioris texturæ, ut defluat, ita transcolatus, in vas purum.

3. Residuo crasso, quod in fundo vasis, inque linteo, remansit, iterum affundatur nova aqua, fiat contritus, ut prius. Liquor albus, crassus, pinguis, iterum natus, effundatur ut supra per telam raram, ut addatur priori. Crassiora autem residua denuo cum aqua terantur, liquor natus eodem modo separetur, idemque opus repetatur patienter ad finem usque. Liquor sensim incipiet nasci minus albus, magis dilutus, non pinguis, tandem penitus aquosus, neque tritu vel diuturno magis saturandus optimo pingui. Tumque pauculum admodum restat in mortario materiæ prioris, id autem furfuraceum, macilentum, exsuccum, in aqua solvi per contritum diuturnum prorsus renuens, mere terrestre ferme apparens, omnique sale carens penitus, neque olei superstitis signa ulla exhibens. Quare hac ratione partes Vegetantium, oleo saturæ, dividuntur in duas distinctas partium species, quarum prior aqua dilui patiens, altera in aqua dissolvi nequit ulterius. Estque quam maxime notandum, idem fieri posse cum illa massa residua, unde, in præcedenti Processu, oleum fuerat expressum; nisi quod tanto minus liquoris albi, crassi, pinguis, parandum sit, quanto plus olei fuerit priori opera expressum. Cæterum, post expressionem omnem olei, semper aliquid materiæ adhuc emulgendæ supermanet, idque notabili quidem copia.

4. Liquor ille, qui sic paratur, refert plurimis notis Chylum animalium, qui de vegetantibus paratur in ipsorum corpore, manducatione, ruminatione, actione ventriculi, prius, quam in duodeno bili miscetur. Color albus, odor blandus, sapor dulcis, pinguitudo spissa, acescentia facilis, id docent in utrisque. Si etiam liquor sic factus in alto vase cylindrico quiescit aliquamdiu, sponte statim separatur in liquorem candidissimum, crassum valde, fere oleosum penitus, supernatantem, & in liquorem tenuiorem, pellucidiorum, subcærulescentem, inferius hærentem. Hacque nota Lac perfecte refert; separatione scilicet cremoris a deflorato lacte inferiore. Rursum in aëre calidiore servatus aliquamdiu hicce liquor acedinem suscipit, brevi acrem satis futuram, non vero ranciditatem oleosam, priori Processu oleo pressu propriam descriptam, acquirit: qua iterum nota Lacti prorsus convenit etiam sic acescenti sponte in tali aëre; sed ab olei puri, solitarii caractere recedit. Id vero, hac in re notabile satis, Medicos docet, tutius in acutis Morbis Emulctum hoc, quam oleum pressum, propinari. Nunquam tamen potui ulla arte caseum coagulando premere de hoc liquore, ut de lacte fit. Unde novum discrimen Lac inter Animalium, & hoc Vegetantium. Ratio autem differentiae inter Oleum pressum præcedentis Processus, & Emulctum hujus Processus, mihi inprimis habetur hæc, quod farinosa pars, inter terendum, assidue, & minutatim, interposita inter oleum purum, partes olei sic frangat, divellatque a se mutuo, ut tenacitate olei mutata, aquæ misceri se patiantur, hincque Lactis, in aqua soluto pingui constantis, specie appareant. Quando autem pressu oleum sincerum habetur, tum partes hujus se invicem contingentes aquam non admittunt, nec misceri se illi patiuntur. Rursum copia larga farinæ, quæ oleo interposita in emulgendo, facit, ut acescat, non rancescat, Emulctum. Apparet etiam hinc causa albitudinis in hoc liquore: quotiescunque enim olea minutim divisa, hinc latentia, miscentur aquæ, toties albus color exoritur. Capite aquam in vitro, superfundite oleum, stabunt seorsum hi liquores, ambo pellucidi. Concutiantur rapide simul in hoc vase, miscebuntur aliquamdiu, apparebitque mistum tamdiu prorsus album. Stent quiescentia, oleum se colliget, aqua deorsum ibit, statimque natus ante color albus evanescet. Idem in Lacte animalium, in aquis stillatitiis oleosis, in his Emulctis obtinet. Quin & certum est, tanto plus albi, quo olei plus; tumque vergere in rancedinem. Quo olei minus, eo etiam parcius albescere, citiusque deinde acere. Æstivo tempore vix ultra horas decem durabiles emulsæ, hyemali diutius servantur. Verbo ut concludam: hæc emulgendi ars nos docet actionem manducationis humanæ. Nam cerealia, oleo latente plena; scribea, lata, molarium superficie attrita, salivæ admistu humectata, quo diutius in ore has patiuntur mutationes, eo magis accedunt ad Emulsa hæc, semperque tandem albescunt, simul ac saliva, sal, oleum, bene subacta fuere. Idem dein opus ore inchoatum, ventriculo promotum, in intestinis magis perfectum, eandem adhuc naturam retinet, nisi quod novi perpetuo humores hominis immiscentur, suamque naturam affundant, quod in opere Pharmaceutico hoc solo aquæ affusio præstat. Inde etiam Chyli primi, & Lactis animalium distinctio artificiosa intelligitur.

PROCESSUS XXII.

Olea nativa Plantarum, sola coctione cum aqua parata.

A P P A R A T U S.

1. **P**lantæ, harumve partes, oleo maxime saturæ, juxta Processum vigesimum orbentur pressu omni oleo hac ratione separabili. Superstes ab hoc opere materies sacco linteo insuta aquæ ebullienti satis diu immittatur; residuum olei calore fustum enatabit sursum. Id cochleari tenui sollicitè auferatur, colligaturque seorsum. Continuetur hoc opus, quamdiu aliquid olei sursum ejicitur, aut spumæ pinguis simul enatæ. Tum apparebit Oleum adhuc relictum post pressionem, quod & emulsio docuerat in præcedenti Processu. Quin etiam aqua hæc, tamdiu ita decocta, coloris lactei, & pinguescentis spissaminis, ratione demonstrabit multum superstitis Olei.

2. Si vero sumuntur præparata ad exprimendum oleum, juxta Processum 20, priusquam oleum inde pressum, atque eodem modo, ut statim dictum, cum aqua ebulliunt, oleumque assiduo aufertur, tum incredibilis copia Olei hoc modo separatur. Ita si enim optimi Cacao libra trita, cum octo libris aquæ cocta ad crassitiem pultis, ablata pinguitudo collecta, & frigefacta sebi instar, dedit uncias septem talis olei. Vid. Hombergii hoc Experimentum, apud Hamel. Hist. Ac. R. Sc. pag. 371. Edit. 1701. Sed & tum tamen id quod a coctione superest, exsiccatum, contritum, pressum, adhuc aliquid olei dare solet. Unde mira ejusdem copia in Seminibus præsens intelligitur.

3. Interim alia quædam semina habentur, quæ, macilenta magis, pressu, vel coctu cum aqua vix oleum præbent, quo fabas, lentes, pisa, referimus. Hæc tamen sicca, ustulata lenissime, vel tosta, olei quid, utroque modo dant: olea autem, coctu sic parata, multum retinent de propria suæ plantæ natura, quam satis illibatam afferunt.

U S U S.

EXperimenta hæc tria, rite instituta, atque comparata inter se, hincque curate considerata, docent primo nativum illud oleum, quod in plantis sponte, a natura plantis præsens inest. Tum etiam hinc noscitur origo pinguis, quod habetur in animalibus, quæ vegetantibus utuntur pro suis alimentis: quum in iisdem semper oleum insit, atque manducatione, ruminatione, chylopoiesi, inde paretur, extrahatur. Secundo, intelligitur liquido satis natura illius olei, atque usus ejusdem in Plantis. Tertio, capimus modum, quo ex oleo & aqua, certa lege mixtis, subactisque, generari queat liquor chylo, lactique, valde similis, perspiciturque hinc modus, quo natura quoque humana agit, ut producat chylum, & lac. Quarto, ordo hinc facile nos ducet ad contemplationem oleorum, quæ vocantur Essentialia, brevi describenda. Quinto

to, Medici, horum gnari, haud mirabuntur, undenam tam abundans adipis copia homini sano, & otioso nascatur? quamvis sæpe meris tantum vegetantibus utatur, quæ meram macilentiam exhibent: quum de iis emulsio, & pressio, tam facile ingentem pinguium copiam educant. Enimvero hæc manducata diu, humoribusque immista, in Emulsa mutantur pingua, unde chylus, a quo Lac, unde in folliculos adiposos, arteriis appensos, oleum colligitur. Sexto, igitur simul Chyli scitur Lactisque ortus. Septimo, natura illorum elementorum, quæ chylum, & lac constituunt: Scilicet humores nostri, ex saliva, halitu liquoris tenuissimi arteriosi, muci, ex ore, faucibus, œsophago, ventriculo, intestinis, tum de illis aquosis, saponaceis, oleosis, spirituosis, quæ in liquoribus modo recensitis motu manducationis, deglutitionis, actionis gastricæ, motus peristaltici, in Emulsi formam redigi queunt, atque crassiusculis exprimi. Octavo, quis est, quin ex iisdem cognoscat Physicam rationem, cur lac animalium, ex solo vegetabili, & quidem acescente, pabulo genitum, extra corpus derivatum, tam pronum sit in acedinem. Gramen sane recens, viride, diu manducatum, aut ruminatum, cum saliva copiosa jam in ore incipit lactis speciem induere, & pinguitudinis productionem expedire. Hinc pane & aqua pinguescere homo, & aqua & gramine pecora solent. Nono, tandem caveamus post hæc explorata, amplius credere iis, qui promittunt arte plus Olei educere de planta, quam natura in illa infudit; non utique artificio generamus Oleum, sed modo præexistens separare purum artis est. Denuo cocta, multa, pressa olea hæc non habenda pro puris, simplicibus, sinceris: quia, si artibus sequentibus analysi destillationis explorantur, resolvantur in plurimum aquæ, fuliginis, olei veri essentialis, terræque. Ut Chemicorum accuratissimus Slarius dudum notavit. Vid. Transact. Comp. T. III. p. 361. Hinc etiam pendere videtur, quod Olea hæc ita pressu, coctu, tritu, parata, tam facile mutantur in aëre: quia constant miscela tam multorum, & variorum. Oleo coctu parato sal inest; sed magis aquæ decocta.

PROCESSUS XXIII.

Olea stillatitia per vesicam, Essentialia vulgo dicta. De foliis, vel fronde viridi, Sabina.

A P P A R A T U S.

1. **H**Uic quidem operi aptæ plantæ quæcunque magis scilicet, minusve. Omnium autem maxime illæ, in quibus aromatica virtus prædominatur, jam descripta Processu 1, 15, 16, 17. nullæ iterum ex his huic operæ eliguntur potius, quam ipsæ, quarum odor fragrantissimus, sapor autem acris, calidus, gratus. In hoc autem primo Processu circa hæc Olea, agimus præcipue de foliis huic negotio aptis. Folia autem sunt vel semper frondentium stirpium recentia, vel caduca plantarum folia abjicientium,

2. Folia plantarum sempervirentium, aromatica, ut Abietis, Arboris vitæ, Aurantiæ, Buxi, Cedri, Citreæ, Hederae, Juniperi, Lauri, Limoniæ, Mari Syriaci, Myrti, Pini, Rosmarini, Sabinæ, Salviæ, Serpilli, Thymi, sunt fere semper oleo plena, sed maxime autumnò, hyememque versus. Quare horum omnium eadem fere regula habetur, & operandi modus.

3. Folia vero annua, aromatica, sponte pereuntia, quæ tamen viridia valde odorata, aroma divès spirant, debent, pro hoc opere, carpi eo tempore, quo perfecte adoleverunt, & jamjam inciperent declinare ab apice sui vigoris: tum enim aquosus humor, acidulus sal, jam dissipati reliquerunt tardius oleosum, & balsamicum ibidem. Plantæ autem illæ recensitæ sunt in Catalogo ad Processum primum præcipuæ.

4. Experimentorum eventu constitit, folia hæc, notato tempore carpta, dedisse plus olei, si ante destillationem fuissent prius aliquamdiu siccata in umbra, inque aëre ventis modice ventilato, quam si statim, una adhuc cum suo succo aquoso destillationi adhiberentur: an quia, aqua diffusa, olea arctius adunata specie propria prodirent, quæ aquæ interpositu divisa, aquam quidem virtute sua ditarent, sed non apparent olei forma? Cavendum interim sollicite, ne, inter exsiccandum, calor nimius adhibeatur: ne & oleum avolet. Reperiuntur tamen folia, quibus larga adeo copia balsamici olei inest, ut recentia destillata plurimum præbeant olei; nonne Rosmarinus, & Mentha, hoc docent? Quin etiam alia reperiuntur, quæ difficulter patiuntur exsiccari, quin jacturam faciant nobilissimi spiritus, qui oleum vere nobilitat. Ageratum, Calamintha, ita se habent: quare semper singularia quædam a canone generali declinant.

5. Tum Folia viridia sponte, sine tritu, statim, prodiga suæ fragrantia, demittuntur in ahenum ad duas tertias replendum, superaffunditur aqua stillatitia ejusdem plantæ, tumque potest ilico institui destillatio. Abrotanum, Ageratum, Anethum, Calamintha, Cochlearia, Dictamnus, Fœniculum, Levisticum, Majorana, Marum Syrorum, Mentha, Melissa, Origanum, Sabina, Salvia, Satureia, Serpillum, Tanacetum, Thymus, Thuya, olea sua ocyssime præbent. Sed alia requirunt diuturnam prius vase curatissime clauso digestionem, & macerationem, una cum sale marino, vel inprimis cum spiritibus Vitrioli, unde disponuntur ad longe ditiores copias olei profundendas. Ita enim, si Olea abundantia, & pulcherrima, desideratis de foliis, Abietis, Aurantiæ, Bucci, Calami Aromatici, Cedri, Chamæmeli, Citreæ, Hyssopi, Juniperi, Lauri, Limoniæ, Myrti, Pini, tum his lenissime siccatis reple vesicam destillatoriam ad duas tertias, affunde ad eandem altitudinem aquam illorum stillatitiam, & ad singulas libras aquæ semiunciam Salis marini, aut drachmam olei Vitrioli, relinque vasis arctissime clausis per tres septimanas in calore 90 graduum, priusquam applies destillationi. Quo autem pertinacius sua olea retinent quædam foliorum, eo plus acidi, & protractior maceratio, exiguntur: acida quippe olea hæc expedire, forte & quodammodo augere, Boyleus, Hoffmannus, Hombergius, Le Mortius, alii dudum jam descripserunt.

6. Deinde ergo fiat destillatio ut in aqua Processus 15. satis, superque, monui; ea tamen lege, ut quam promptissime statim ebulliat materies, sicque satis fortiter destillet. Sic enim statim adscendet cum aqua prima Oleum quæsitum. Ubi e contrario, si lente nimis instituitur destillatio, oleum magno quidem æstu agitaturneque interim tamen elevari potens, concutitur inter aquam & folia, attenuatur, aquam egregie acuit, olei interim copia imminuta. Erit vero destillatio hoc ignis gradu protrahenda, quamdiu aqua illa stillatitia oleum sursum secum vehit: sæpe ideo mutatur excipulum; ut semper constet, an quidem olei plus adscendat: Deinde enim prodeuns aqua tamdiu destillare debet, quamdiu vires bonas possidet, juxta Processus 15 & 16; servit enim novo oleo parando.

7. In hac igitur operatione, maceratione emollitæ folliculorum olea continentium pelliculæ, jam vi ebullitionis, olea fundentis, moventis, & rarefacientis, rumpuntur; unde liquefactum oleum eructatur; in superficiem aquæ rejicitur, inprimis in Europæis; cumque partibus aquæ sursum pulsis ramenta oleosa rapiuntur sursum, pelluntur in canalem spiralem, ubi frigore densata in oleum redeunt, sicque demittuntur in excipulum, pura, satis naturalia, nullo empyreumate inquinata, sed odorem, saporem, vires proprias, suæ matris, quam optime parvo in compendio exprimentia quam ditissime. Relinquunt etiam residuum plantæ suæ, perfecte orbatum omni hoc oleo per talem destillationem, sine ulla fere nota propria suæ privata indolis. Enimvero Absinthii, Buxi, Calaminthæ, oleum sapore suo & suffitu, distinguitur perfectissime ut ipsæ plantæ, unde eductum. Plantæ vero ipsæ, ablato omni hoc oleo, postea non queunt amplius recte dignosci. Conservantur etiam olea hæc diu, neque rancescunt. Omnium igitur harum dotium respectu, Chemicis proprio vocabulo Olea hæc Essentialia appellaverunt.

U S U S.

1. **I**N Oleis hisce adest vis quædam acris satis, calefaciens, sæpe inflammans, fibras nervosas stimulans, lentorem attenuans, grata interim linguæ & naribus, spiritus excitans. Acrimoniam ostendunt, dum nudatis, per vulnera membranis, & nervis, applicata dolorem acutum satis manifestant. Calefacientem illorum vim discimus inde, quod assumpta intus excitent majorem fere fervorem, quam ulla alia corpora simplicia; ita quidem largior horum usus Febres ardentes creat, continuatque, tandemque has aucto, & continuato, usu in quemcunque gradum æstus, & violentiæ exaltat ad extremum usque. Quando autem cuti sani hominis extrinsecus applicantur sic, ut inde extrorsum repelli nequeant, tum calorem, ardorem, dolorem, rubedinem, splendorem, pulsationem, vesicularum in epidermide elevationem, faciunt, quin etiam nimia tandem actione ipsam Gangrænam. Hinc apertum Medicis, quantam certe vim afferant hac inflammante potestate, quoties imprudenter visceribus ingesta, ibi quoque applicata membranis, similes phlogoses topicas producant. Hinc etiam actiuosa reddita in corpore, per vim vitæ, stimulantia evadunt nervorum efficacissima. Unde etiam illos lentores, qui a

mera inertia nati, majori motu excitato dissolvi postulant, egregie attenuant, intimeque dividunt. Cæterum fragrantia suaveolentium, saporisque amœnitate, gratissima se præbent naturæ humanæ languenti sustentacula. Omnia vero hæc operantur, non adeo sua oleosa tenacitate, sed ope spirituum subtilium, qui, in hoc Oleo revincti, proprium odorem, saporemque, plantæ continent. Quorum toties jam facta mentio, data demonstratio, Processu 1, 15, 16, 17. Quare olea hæc, prudenti usu medicato, nobilissima dant medicamina, adversus illos morbos omnes, in quibus spiritus animales, naturales, vitales, aut defunt, aut quiescunt. In frigidis igitur aquosis, simplici leucophlegmatia laborantibus; aut in mucosa pituita, quæ puræ inertiae debetur, absque phlogistico inspissamento. In febribus hinc perfecte intermittentibus, hybernis, frigidis, tempore apurexiæ, atque inprimis ante accessus frigidi tempora. Senilia quoque corpora ex se bene habent a temperato horum usu. Quin & illi Hypochondriacorum, qui male habent ex lentiore sanguine vix apto amplius spiritus progignere; quique ideo pigri, obliviosi, hebetes, lethargici, instarque pueri flentes, emolumenta capiunt ex hisce. Fœminæ quoque Hystricæ, quibus similibus de causis affectus incommodi incumbunt, talibus juvantur: illæ vero, quæ morbo hoc laborant, ex abundanti, retento, & suffocante, sanguine in plethora, pessime se habent ab usu horum oleorum, alio in casu adeo salubrium. Idem intellectum esto de Apoplecticis, quibus ex Lethargo senili, ex inopia spirituum, torpentibus bona hæc, quoties autem ex effuso intra cranium cruore, aut ab infarctu inflammatorio, aut distendente plethora, id mali exoritur, lethalia fere fiunt. Unde damnosius toties his Balsami antapoplectici ex oleo hoc confecti, licet adeo, ubique, sine distinctione laudati. Nullo tamen in malo majore laude efferuntur, quam in flatulento ventriculo, torminibus iliatis, colico dolore. Sed & hic prudentia requiritur: hæc enim mala ab inflammatione, spasmo plethorico, similibusque, oriri queunt, iisque casibus obsunt Olea hæc; quæ interim usu pulcherrima, quando ex mero frigore, retardato sanguinis circuitu, infarciendo mucolento, frigido, intestinorum nascuntur.

2. Pro Chemicis autem evidenter hinc constat. 1. In plantis aromaticis oleum esse volatile calore aquæ ebullientis, simplicis. 2. In eo autem oleo spiritum proprium præcipue habitare, cum eo elevari sursum, post destillationem in eo remanere per annos quamplurimos, modo vasa accurate clausa id conservent. 3. Oleum hoc tantum definita copia in eo reperiri, quaeducta nihil amplius de illo superesse. 4. Si autem aqua ebulliens in hac destillatione plurimo sale, quem solvere potest, saturata est, tum ebulliens calidior erit, quam aqua pura fuisset, ut prima parte demonstratum fuit. Hinc ope largissimi salis plus fundetur de illo oleo vegetabili per aquam ebullientem cum illo sale, quæ non fuisset fusa abfuisset illa salis admistio. Sed tamen falleris, si putas, Te nacturum hac arte plus de illo spiritu, qui oleo pretium addit: Ille enim valet separari æstu simplicis aquæ; ut vana sint ista promissa. 5. Scimus etiam, olea hæc volatiliora haberi in plantis, quam est materies illa salina, quæ validiori igne in salem volatilem, oleosum, acidum, vel alcalinum ascendit, vel

illa, quæ exustione in alcali fixum vertitur. 6. Vires, cuique singulari plantæ proprias, magis inveniri in his oleis, quam in ulla alia parte simplici plantarum: semper tamen respectu inclusi spiritus. Aqua, Oleum fixius, sapo plantæ, sal ipse, singulare illud, illud vere proprium non possidet, non exhibet. Ex iis seorsim exploratis nemo agnosceret, nemo distinguet, plantam matrem. Solum autem hoc oleum odore, & sapore, indicabit stirpem, unde depromptum fuit, absque errore. Aut si in binis conveniunt hæc olea diversis, tum fere idem nomen dari solet: ut in oleo Rosarum, & in oleo Ligni Rhodii, vel Rosei, apparet. Ut & oleum de Cassia lignea, & cortice Cinnamomi, valde simile effecit, ut & vera Cinnamomi arbor Cassia lignea, & altera Cassia fistula diceretur. 7. Quantum, quamque bonum, coquendo pereat.

PROCESSUS XXIV.

Olea stillatitia de Foliis siccis, per vesicam parata. Mentha.

A P P A R A T U S.

1. **I**dem jam experimentum instituere debemus in herbis siccatis: quare Menthæ herbam, idoneo lectam tempore, siccata in umbra, sex ita menses servatam, cum aqua sua propria stillatitia, digero, destillo, ut in præcedenti; observando tantum, ne ahenum siccis foliis ultra dimidium repleam: quia herba hæc sicca impacta, dein affusa aqua valde intumescit, sicque facile amburitur, aut sursum ascendit. Obtinebitur in destillatione ab initio ad finem usque oleum, copia lauta, sapore, odore, virtute, insigni, aquæ stillatitiæ supernatans.

2. Si tum residuæ herbæ expressus omnis succus, affunditur novæ Menthæ; illique pariter additur omnis prior aqua stillatitia, ablato inde, & seorsim servato prius, oleo; tandem & tantum alterius aquæ stillatitiæ, quantum requiritur ad commodam destillationem; atque dein digestio, destillatioque, peragitur, ut in priore; tum hac secunda destillatione acquiritur longe plus olei; si denique hæc repetitio fiat aliquoties, tum semper erit eo plus olei, quo sæpius fuit repetitum opus: aqua enim multoties cohobata, tandem ipsa oleosa eructat oleum ditissime. Patet facile, aquas has postea parare sibi vires proprias herbæ, ut satis supra exposui ad Processum 16. Quin etiam de usu satis jam dictum in præcedenti Processu 23. Cui & dicta hic de Oleo cohobatione parando applicari possunt.

PROCESSUS XXV.

Olea stillatitia de Floribus. Lavandula.

A P P A R A T U S.

1. **P**urissimus plantarum odor, ob gratiam maxime quæsitus, in floribus unice habitat, in aliis vero ibidem præcipuus reperitur. Ut vero suavissimus in iis, ita & parum stabilis, cito caducus, ibidem habetur: ob

fluxilem caducamque florum teneritudinem; licet tamen haud ignorem, aliis stabilem diu suam fragrantiam illibatam constare, ut in Lavandulis patet. Cæterum omnium fere, quoad oleorum productionem, eadem est ratio. Carpendi eo tempore, quo odoratissimi; id fere contingit, quando petala sua expandere parant. Integri tum leguntur, rore respersi, manet. Statim committuntur vasi destillatorio ad duas tertias replendo. Affunditur aqua de iisdem floribus jam prius parata ad requisitam copiam. Additur olei Vitrioli tantum, quantum sufficit ad acedinem gratam. Tum instituitur statim destillatio jam in priore satis definita. Comparabitur hoc modo aliquid olei supernatantis aquæ, quod separatim servatur seorsim. Deinde vero floribus novis affunditur succus pressus de prioris destillationis residuo; additur & eorundem stillatitia aqua; & iterum aliquid olei Vitrioli; repetitur destillatio. Prodebit hac secunda multo plus olei. Geminatur sic eadem opera tertia vice, & ultra, quousque vacat, lubetque. Semper ita largior olei ubertas elicitur, quo magis geminatur labor: quo enim succus residuus pressus spissior, aqua cohobata fortior, eo semper oleum simul abundantius; modo semper sollicitè omne illud auferatur ab aqua in unaquaque vice destillationis. Quin etiam aquæ illæ, quæ hac ratione toties sunt adhibitæ, tandem oleorum instar fragrantissimæ, virtuteque medicata prægnantissimæ conficiuntur.

2. Oleum hoc, ut præstantissimum odore, hincque pretiosissimum, ita & copia quam parcissima tantum elici potest: quare omni molimine quæfiverunt Artifices modum augendi illud oleum, servata præstantia. Tandemque observaverunt, flores quindecim, aut ultra, dierum spatio, vasis clausis digestos, addita tanta olei Vitrioli copia, ut putrescere interim non possent, dedisse tertiam partem plus olei optimi, ut exemplo olei rarissimi Rosarum Academia Regia Parisina docet. Tom. II. pag. 208. Flores Agerati, Aurantiæ, Caryophylli hortensis, Chamæmeli, Citreæ, Jasmini, Lavandulæ, Liliorum alborum, Liliorum convallium, Limoniæ, Philadelphi Athenæi, Rosarum, Tanaceti, Tuberosi Hyacinthi, præcipui sunt, qui huic operi adhibentur, ut optimi.

U S U S.

Hæc olea, ob suavissimam fragrantiam, Principibus in deliciis, summoque pretio: ideoque operæ pretium iis operam impendere.

P R O C E S S U S X X V I.

Olea stillatitia de Seminibus. Fæniculi.

A P P A R A T U S.

1. **D** Udum constitit, oleum plantarum ditissime hospitari in cotyledonibus seminum: unde & ex his aromaticis inprimis, illud quæfiverunt; & quidem patuit, quo acriora, calidiora, odoratiora, hæc fuerant, eo etiam præbere oleum hoc abundantius, præstantiusque. Attamen


non observat natura hic unam semper legem. Aliquando enim semina sola continent aromaticum plantæ balsamum, ut in Aniso, Cumino, aliisque patet; quandoque in aliis plantæ partibus oleum hoc pulchrum locavit, quod abstulit feminibus. Rosa flore solo olei pulchritudinem gerit, in semine nihil habet ejus, nec in toto fructu. In Aurantia flos, pomi cortex, folia, quam suaveolens illud dant balsamici, cujus in semine ne vestigium apparet. Est quidem oleum in his feminibus, sed neutiquam illud eximium, quod in aliis partibus. Semina odoratissimi Cinnamomi Ceylanensis nihil pulchri reddunt, quod tam divite vena in cortice fluit, & in ligno, foliisque celebratur. Hinc nihil hic certi ex regula generali, sed recurrendum iterum est ad singularia experimentorum, ut vera dicamus. Optima ergo huic negotio censemus semina Allii, Amaraci, Ammi, Amomi, Anethi, Angelicæ, Anisi, Apii, Cepæ, Cardamomi utriusque, Cari, Cochleariæ, Coriandri, Cubebæ, Cumini, Erucae, Erysimi, Fœniculi, Imperatoriæ, Juniperi, Lauri, Levistici, Mei, Myrrhidis aromaticæ, Oreoselini, Origani, Piperis, Rutæ, Sinapi, Tanaceti, Zedoariæ.

2. Semina hæc legenda absolute matura; dein loco perflato tres septimanas ficcanda; tum spatio triduo cum aqua calida, salsa, vasis bene clausis digerenda. Dein fiat destillatio eadem lege, ut in aquis, nisi quod requiratur paulo fortior ebullitio; quia aliter oleum haud ita bene, vel promte, adscendit. Hincque rursum, myria loco aquæ ad destillandum affusa, calidiore hocce vehiculo rectius adscendit, puriusque evadit inter destillandum.

3. Interim nonnulla horum seminum ea copia olei abundant, ut hoc coactum simul, dum defluit per serpentem, dolio refrigeranti immissum, atque pervenit descendendo in locum penitus frigidum, ibidem coaguletur & concreascit in massam solidescientem, quæ totam cavitatem obturat: inde tum ulterius quum nihil queat deorsum ire; hinc tum vapor bullientis aquæ, & olei sistitur: unde tum violento impetu, nec absque minaci periculo alembicus abjicitur de ahenis, fervidusque vapor immani turbine disploditur. Necessarium igitur omnino est, curare, ne nimis angustus adhibeatur hisce destillandis serpens; neque ut nimis refrigerescat, quod fit, quoties non nimis longus serpens sumitur. Quando autem inter destillandum animadvertitis, subsistere aquam, & oleum, tum decet statim, cum prudentia, alembicum tollere, atque ebullientem aquam in serpentem infundere: ut æstu illius oleum solutum exeat; quo facto, dein iterum poterit destillatio peragi. Semina quæ obnoxia sunt huic congelationi inprimis habentur Anisi, Cardamomi, Cari, Fœniculi, Lauri, Zedoariæ. Olea hæc fere accedunt ad naturam Camphoræ, quæ calore destillationis liquefcit, in frigore solidescit statim: purum interim oleum est, quod inter destillandum vasa semper fere obturat. In fervidissimis Regionibus, aromata sæpe eousque excoquantur, ut olea illorum ita in Camphoram mutantur.

U S U S.

Hinc iterum scimus, in feminum lobis poni Oleum largum, spiritibus dives propriis plantæ: ut intra hos ita instructos tuto condetur, inque longam diem tutus custodiretur tenellus plantæ embryo, idoneo deinceps tempore proditurus in lucem. Atque inde rursus intelligimus, conditum tali balsamo vitale principium incorruptum diu asservari posse, imo & debere, ne hyberno frigore enecaretur, ne intempestivo tepore, & humectatione, præcox nimis se ostendens, facile moriretur. Unde etiam in radice, & semine, omnium maxime se ostendit. Quum vero multa semina inveniuntur, quorum oleum hoc stillatitium, notabili odore, & sapore, destituitur, in ipso quidem semine; hinc certi quoque reddimur, multorum Vegetantium spiritus aciem sensuum nostrorum fugere, tamen suas inter se plantarum proprietates quam accuratissime distinguere. Hinc sagacitati nostri sensus multum equidem, neque tamen nimium tribui, posse. Forte, quo volatile magis spirituum in oleo seminum principium, acrique sapore manifestius, eo talia semina minus durabilia in fœturam; quo contra minus illud actuosum sponte, eo diutius propagandæ speciei apta manent. Sane aromatica fragrantia, atque acutissimo sapore, præstabilia inprimis semina, cito effœta, sterilia evadunt. Id umbelliferæ balsamicæ docent, atque Indiarum odoratissima semina, semper fere sterilia, quoties ad nos delata. Cardamomum, Cubebæ, Zedoaria, Zingiber, doceant. Quum contra Acaciæ, Æschynomenes, Cassiæ, Sennæ, Tamarindorum, tamdiu salva maneant. Idem in Cerealium classeprehenditur, quæ sopitos diu embryones suos tandem excitari in genituram ferunt. Notabile interim quam maxime hoc in negotio, quod hoc oleum seminum, in his siccis, valde diu illibatum, forma, & effectui olei perstet, indeque artificio Chemico tale educi queat: attamen, simul ac semina hæc aqua repente tumida germinare inceperunt, tunc statim incipient amittere olei copiam, magis disponi ad spirituum productionem: unde forte haud ita improbabile, oleum jam demonstratum seminale humiditate fœcundæ terræ, actione foventis cœli, atque virtute saponacea, oleum immutante, succi telluris, feminisque, solvi, tenuari, aquæ miscendum reddi, embryonis vasculis per canales primæ radiculae cotyledonibus irradiatæ impelli, hinc spiritibus hisce beare tenerimum pusionem, atque humores illius nutrientes singulari jam genio imbuere, patrisque formare speciem: quando semina, ita semel eousque irrigua, vitalis motus signa ediderunt, bona dein propagini servari ultra nequeunt.



PROCESSUS XXVII.

Olea stillatitia de Hypocarpiis, Clavis dictis, Caryophyllorum aromaticorum, Moluccanorum.

APPARATUS.

1. **M** Irum hoc aromatis Indorum genus, majus, & fere in fastigio feminiferum; minus, femine carens, adeo est oleo acerrimo, balsamico, dives, ut, genuinum si fuerit, calidum, digito modo pressum, aut pertusum acu, oleum sponte fudet. Quo aliud acrius, odoratius, urentius, vix noscitur. Quin incredibile prorsus, quanta præsto sit abundantia, si Caryophylli, recens de India advecti, ex medio sarcinarum lecti, statim explorantur: vix enim aliud, hisce par respectu aromatici olei, reperire datur. Hi ergo, tales electi, integri, committantur aquæ duodecuplo, fiatque statim, fortis satis, per serpentem destillatio. Adscendit lactea aqua, crassa, turbida, simulque oleum uberrimum coloris aurei, quod fundum aquæ petit, ibidemque colligitur. Postquam ita duas tertias aquæ affusæ elicuisti; muta recipiens; residuo affunde tantum aquæ recentis, quantum destillando exivit; destilla iterum, ut prius. Habebis aquam aromatica Caryophylli virtute respersam. Perge ita, destillando cum aqua recenti, non creditur quam diu aqua vim illam retineat. Tandem tamen, tædiosa repetitione operis, aqua acida, frigida, vix odora, adscendit. Aquas omnes odoratas serva: convenient novæ destillationi olei de Caryophyllis, loco aquæ simplicis. In fundo supererit fuscum, spissum, liquidum, inodorum, saporis acido-austeriusculi, in quo nemo aliquid invenit, quod priorem Caryophyllorum proprietatem refert. Ipsa vero corpora a destillatione hac residua pristinam formam, coloremque ita referunt, ut incautus quisque semisiccatos pro integris, verisque, haberet Caryophyllis. Quin etiam, si sinceris, oleoque suo adhuc integro prægnantibus permiscentur; imbuuntur iterum odore, sapore, ipsoque oleo inde attracto, ut quidem a genuinis postea discerni nequeant. Qua ratione etiam adulterari solent ab Aromatopolis nonnullis, qui turpe inde lucrum petunt.

2. Si autem Oleum hoc, quod præcedenti artificio productum semper aliquo modo mucilaginofum apparet, purius, & nitidius, prima vice, desideras; tum oportet loco aquæ in prima destillatione adhibere fortem Salis marini myriam, deinde autem duabus, tribusve, septimanis digere prius, postea vero destillare. Sed tum explorari residuum nequit.

U S U S.

O Leum hoc calefacientissimum, imo causticum revera. Hinc frigidissimis corporibus prudenti usu utilissimum, atque adversus morborum frigidissimos remedium incomparabile. Inertix quoque spirituum suscitanda

citandæ iterum nobile medicamen, tam interno usu, quam applicatu externo. Mirabile interim oleum hoc generosissimum spiritibus, si orbi vitreo lato, in aëre aperto, paulo calidiore, exponitur, tam brevi dimittere diffusos spiritus, totumque suo halitu vaporare locum, deinde autem in lentum, spissum, iners, pingue abire: quum tamen in regionis fervidissimæ æstuante æstate spiritus illos arcte retineant tanto temporis spatio. Oleum etiam hoc aqua ponderosius ipsa, in fundum ejus semper descendit, atque sub illa tectum vires suas servat. Id in Europæis vix invenitur ita se habere, sed in Asiaticis, Africanis, Americanis, calidissimis locis, in aromatibus arboreis inprimis obtinet, ut in Caryophyllo, Cinnamomo, Guayaco, Sassafras, præcipue observavimus. Tamen hoc tam grave oleum ope aquæ ebullientis sursum rapitur, cumque vapore exeuntis aquæ destillando adscendit. Tandem etiam satis est notabile, plantas gravidas hoc oleo tam fervido, in remanente suo residuo non exhibere salinum alcalinum, sed acidum, austerum, frigidum, satis fixum, tanquam vinculum nimis volatilis futuri ex se hujus olei.

P R O C E S S U S XXVIII.

Olea stillatitia de ligno Sassafras.

A P P A R A T U S.

1. **L**igna levia, odorata, oleosa, hyberno tempore cæsa, rasa in scobem, recentia, sana, cum aquæ vigecuplo, ebullientia satis fortiter, aquam stillant lacteam, & oleum, quod de Americano Sassafras pellucidum fere, in aquæ fundum cadit, quamvis de ligno molli satis, levi, & fungoso fere, extillet. Pergi debet in destillatione, quamdiu oleum transit, aut aqua adhuc valde lactea prodit. Tum in fundo manet decoctum acido-austerum.

2. Si dein nova scobs ejusdem ligni destillat, cum priori decocto, & aqua prima vice egressa, plus ejusdem olei vice secunda producet. Si-que tertio cum aqua cohobata, & decocto geminato fit, semper plus olei prodibit.

3. Hac ratione de omnibus, facile suum oleum præbentibus, olea educimus. Talia sunt, Abietinum, Pini, Sassafras, præcipue. Ex prioribus tamen oleaeducta levia sunt, & innatant aquæ, quum ex Sassafras grave sit.

4. Sed ligna dura valde, & ponderosa, subtilius radi, diu digeri cum aqua falsa, dein cum myria Salis marini destillari debent: ita enim tandem oleum suum largiuntur. Arbor vitæ, Aurantia, Benzoin, Buxus, Cedrus, Citrea, Colubrina arbor, Guayacum, Juniperus in omni sua specie, Limonia, Rhodinum lignum, Sabina, Styrax & aliæ Balsamiferæ arbores, de quibus Balsamus Copayba, Peru, Tolu, Elemni. Quo enim diutius in vasis clausis digeruntur cum myria, eo deinde facilius olea sua pretiosa promunt destillando.

5. Cognoscuntur ligna huic operi aptissima, quæ pingua, resinifera,

balsamifera, gummosa, picem fundentia, sunt; inprimis ponderosa simul & solida. Illa vero, quæ levia, rara, spongiosa, atque ad aquas, vel in iis crescentia, ut Alni, Populi, Salices, Sambuci, Tiliæ, similiumque, minus valent ad hoc opus; vix quid talis olei dant.

6. Ligna cæsa tempore, quo succi eorum maxime movebantur, minus olei, idque minus bonum, dabunt. Eadem vero medio brumæ glacialis collecta plus dant olei, & melioris. Ligna juniorum, valideque adhuc incrementum, arborum, minus dabunt quam annosa, jamque adulta dudum. Arbores sempervirentes plus, acriusque, dant oleum, quam quæ folia sua ponunt. Quibus ex observatis constat, quare pro Architectura civili talia ligna quærantur, & de ponderoso Robore.

7. Etiam ex iisdem intelligemus, oleo deberi inprimis ponderoso, compactoque, cætera principia arctissime liganti, lignorum pondus; non quidem tantummodo huic illorum stillatio, sed & inprimis illi fixiori, remanenti, quod a destillatione restat. Cedrinum, Guayacinum, Juniperinum, id docere videntur. Quin & constans durabilitas eadem de causa pendet: quum semper hæc observemus, ligna durabilissima esse simul oleosa. Buxus, Cedrus, Olea, Quercus, exemplo sunt. Durities summa pariter inde procedit: quia fungosa, mollia, pulposa, ligna carent oleo. Buxus, Colubrinum, Guayacum, Olea, Sideroxylon, eo abundant. Oleum, Balsamus, Terebinthina, Resina, Pix, hinc intelliguntur, utpote diuturniori, majori, breviori, minori, Solis calori urgenti, & inspissanti debita. Tandem & caries a teredine & vermibus facta in lignis, dum subtile oleosum depascuntur ex parvis folliculis, ductibusque adiposis lignorum; unde postea in cinerum speciem collabuntur. Aut etiam aëre jam calido, jam humido, jam frigido, jam sicco, tandem oleum consumitur; terra friabilis supermanet.

PROCESSUS XXIX.

Olea stillatitia de Corticibus Cinnamomi.

APPARATUS.

1. **C**onsideravimus antea, in corticibus arborum annosarum præcipue, & semper frondentium, colligi abundans oleum, quod varia ibidem facie Olei, Balsami, Camphoræ, Colophonix, Gummi, Lachrymarum, Picis, Resinæ, Resinæ-gummi, apparet, semper pinguitudinem nativam stirpis exhibens. Hinc Chemici incepere Cortices hos destillare eodem modo, ac ligna, indeque eduxerunt quam plurimum pulcherrimi olei. Sumitur Cinnamomum lectissimum, acutissimi saporis, recentissimumque, in frusta frangitur tam magna, quam ahenum commodè admittere potest. Fit destillatio ut præcedenti Processu. Prodit primo aqua candida instar lactis optimi, odorem, saporemque, Cinnamomi quam pulcherrime exprimens, virtutemque ejusdem gratissimam continens; simul cum aqua hac adscendit oleum coloris aurei, quod fundum petit illius. Quamdiu lacteus hic liquor una cum oleo suo prodit, continuanda.

destillatio. Sed simulac succedit eodem ignis gradu aqua magis pellucida, statim mutandum est excipulum, atque protrahenda destillatio, nihil tunc amplius olei evehitur, aqua tandem prorsus pellucida exit, observetur attente, an odor porro saporque ullus Cinnamomi insit. Quando omnino deest, fervetur omnis hæc secunda aqua seorsum, quæ adhuc vires aliquas Cinnamomi profert. Soleo dein residuo affundere novam aquam, atque statim forti satis destillatione agitare, adscendit aqua levis, pellucida, tenuis, inodora, saporem acidum, frigidum, gerens, quæ solet inter destillandum rodere alembici æs, hinc viridescere, nauseosa, emetica, chalcanthina, hinc & anthelmintica, evadere. Cæterum nullam amplius notam Cinnamomi præ se fert: abjicitur ergo, postquam servivit huic demonstrationi. In aheni manet decoctum crassiusculum, turbidum, rubrofusculum, acido-austum, adstringens satis valide. Ipse vero superstes Cinnamomi cortex adeo perfecte Cinnamomum refert, ut, qui gustu non exploravit vel olfactu, omnino ad adspæctum crederet, se genuinum, optimumque, Cinnamomi corpus tractare; maxime, postquam idem lente iterum exsiccavit. Quin etiam, si tum inter fasciculos optimi Cinnamomi aliquamdiu reconditur denuo, inde vires rapit in se, spolians eadem mensura dives Cinnamomi corpus.

2. Si vero aquas duas priores, ab oleo suo seorsum fervendo sollicite separatas, atque decoctum superstes Cinnamomi, adhibes, loco aquæ communis ad destillationem novi Cinnamomi, habebis longe plus olei, & aquam primam olei ipsius instar gratissimam, candidissimam, pinguis- simam. Sicque idem repetendo, semperque oleum seorsum colligendo, tandem pro lubitu idem copiosum, & optimum conficies. Semper tamen tantum præfinitam, eandemque, tam olei, quam aquæ medicatæ, quantitatem, produces; nulla arte hanc ullo modo augere poteris.

3. Quia vero illud oleum adeo pretiosum, ut auro fere comparetur, & tamen in hacce destillatione illi semper etiam aliquid flocculenti, mucilaginosi, adhærescit, quod & inquinat, & nitidam separationem prohibet; hinc Artifices modum quæsierunt illud præcavendi: invenere autem, quod, si cum myria Salis digestum prius destillent, aut cum aqua olei Vitrioli dissolutione acida valde, ut in Caryophyllis jam dixi, tum oleum illud purius acquiratur, atque accuratius separandum. Unde etiam tum cohobando, cum hac myria salina, vel acida, & cum aquis prioribus stillatitiis Cinnamomi, pulcherrimum hoc oleum habetur, atque aqua oleo viribus par.

4. Cæterum Cinnamomi corpus, ab operatione primo numero hujus Processus superstes, igne aperto exustum in cineres, vix salis quidquam exhibet, dixerim, fere nihil. Decocta vero descripta numero secundo hujus Processus, inspissata dant extractum austerissimum, quod ustum, juxta Processum 5, parum salis exhibet, in quo de viribus Cinnamomo propriis nihil prorsus superest: ita ut inane sit, hunc salem tam minutum, tanto labore, sollicite colligere, oleoque suo jungere, pro comparando Sale, essentiali dicto, pretiosissimo Cinnamomi.

U S U S.

Cortex Abietis, Guayaci, Juniperi, Pini, Sabinæ, Sassafras, propriis huic operi adhibentur. Ex Cassia, diu prius digesta, simile quid elicitur. Discimus ex labore hoc, ita accurate exantlato, vana promissa Chemastrorum, qui jactant, se artificio singulari posse educere de Cinnamomo caro pretiosoque, duplum, triplumve, talis olei genuini: Est enim tantum certa mensura illud a natura elaboratum; omne id, vulgari hoc modo facile, promteque, educitur; neque vel minimum ultra habet. In hoc oleo spiritum igneum penitus, brevique consumentem partes corporis humani viventis, instar veri ignis, neque in aliis, invenimus, acrius quid; ut experimentis sæpe constitit: sive externe applicatur, sive hauritur interne, statim calefacit, excitat, inflamat, imo promptissime in escharam gangrænosam exurit. Interim in universa materie Medica invenitur nusquam aliquid, quod huic comparari queat ratione virtutis instaurantis. Sique ullum habetur fœminis solamen ad frigidi, mucosi, uteri pituitam, id vero hoc ipsum est stillatitium oleum lege artis adhibitum. Mirum satis in hoc oleo plurimis observatis constitit: si enim genuinum, stillatitium, in Ceylona paratum, magna copia, vitris quam accuratissime clausis, per annos plurimos, loco quieto, conservatur, magna ejus pars in verum salem, aqua solubilem, virtute propria Cinnamomi prægnantem, mutata dicitur; ut a variis, fide dignis, accepi. Insignis Slarius ait, dimidium illius olei, viginti annorum spatio asservati vitris bene clausis, in salem purum abivisse. Transact. Comp. T. III. 362. Id non fit, si negligenter in aëre asservatum spiritus perdiderit, massa inertis relicta: unde videtur, in hoc spiritu hæere vim quandam salis generatricem ex proprio suo sulphure, quæ res observari meretur.

P R O C E S S U S XXX.

Olea stillatitia per descensum. Caryophyllorum.

A P P A R A T U S.

Industria humana didicerat prius, plantas oleorum ditissimas igne commotas, pingua sua exsudare, colligenda præbere. Inde ars reperta fuerat de tædis Picem conficiendi ustulatione. Vid. Actium de Coniferis. Postea pinguiissima semina tusa, ut Amygdalarum leni igne fusa, simile oleum defluere patiebantur. Tandem eadem quoque ars aromatics maxime plantas oleum suum exsudare coëgit. Id autem, sic paratum, penitus differt ab oleo inde pressò juxta Processum 5, in odore, sapore, viribus. Ut Vobis exemplum præbeam, fumo Caryophyllos optimos, contusos in pulpam pinguem. Hanc extendo ad crassitiem quartæ partis pollicis supra linteum arctissimæ texturæ, quod linteum est extensum atque circumligatum vasis vitrei cylindrici largo, repando, margini, ut delabi nequeat intra cavum ejusdem vitri. Quo autem profundius illud vitrum, eo ap-

tius operi ; quia tum spatiosius cavum quam optimum est refrigerando , & coagulando vaporis oleoso. Sumo dein hanc patinam de bractea ferri sic cavam , cum margine orbiculari plano , ut margo hæc examullum undique incumbere queat margini orbiculari , planæ , repandæ vitri cylindrici , dum cavum ejusdem patinæ accurate immitti potest cavo ori ejusdem vitri ; sufficit autem altitudo media cavitatis patinæ , si erit quatuor linearum. Imprimitur supra Caryophyllos extensos parum , ut convexitas patinæ Caryophyllos tuos premat paulum cum suo linteo , intra cavum os vitri. Postquam ita caute hæc accommodata simul , cinis purus impleat scutellæ impositæ cavum , quibus imponantur prunulæ vividæ. Calor harum , cineres penetrans , liquefacit , movetque ; Oleum Caryophyllorum , & aqua horum nativa , solvuntur ambo in vapores , qui , vagi per suppositum cavum , ad latera vitri frige facti densantur , stillatim descendunt , inque fundum præcipites , aquam acerrimam , oleumque , coacervant. Continuato sic prudenter igne successive omne fere oleum exprimitur , finisque habetur operis , ubi eodem igne ultra nihil egreditur. Cavendum vero in labore , ne nimius superponatur ignis : etenim empyreumatum accedens inquinaret gratiam. Si contra nimis lenis applicatur calor , tum vix aliquid expellit. Medium facile obtinetur a levi gradu sensim adscendendo. Repetendo opus gignitur quantum placet Olei.

U S U S.

Hoc experimento præsentia , naturalis indoles , Olei proprii aromatici patet. Vis autem sic facti saporem , odorem , virtutes exhibet Olei stillatitii essentialis omni charactere ita , ut inde ulla fere nota distinguere nequeat. Parcius elicitur quidem quam destillando cum aqua ; sed residuum adhiberi potest postea destillationi , aliisque usibus : multum enim facultatis præcæ retinet. Quin etiam modus hic tunc tamen instituitur , quando tali oleo quam citissime opus erit ; aut quoties demonstratione indigemus hujus experimenti. Aliter potius utimur destillatione. Hoc autem modo ex corticibus Aurantium , Citreorum , Limoniorum , Maceris foliolis , Nuce Myristica , cito talia parari queunt alia ; ut & ex aliis pinguisimis sic præparatis. Cognoscimus & inde , quid hic ignis gradus efficiat in Olea , prout naturalia adsunt vegetantibus , fundendo , separando , ut quasi sponte exsudent. Quando autem nimis sicca corpora habentur , de quibus hæc olea quarimus , tunc tusa , linteo excepta , vaporis fervidæ aquæ prius exponuntur aliquamdiu , donec rite penetrata sint , dein apponuntur operi : sic enim plus aquæ & olei , idque minus corruptum , faciliusque oriundum , dabunt. Mirum tamen est , quam differant hæc Olea ab iis , quæ pressu eliciantur : quum hæc per descensum parata multo magis aromatica sint.

S C H O L I U M.

Historia Experimentalis hæc de Oleis arte Chemica parandis ex aromaticis , imprimis per destillationem Processibus a 20. ad 30. hunc accensum , plurima habet admirabilia in se , utilia multa. In usus vestros

breviter recensebo, qua potero cura, præcipua, pro Chemia, Physica, Medicina.

1. Univerſa virtus plantarum, quæ celebratur aromatica, continetur in ſolo eſſentiali Oleo: quo inde educto perfectiſſime, ſuperſtes poſtea corpus nihil prorſus illius ullo ſigno retinet.

2. In hoc autem Oleo eſſentiali rurfus ſubtiliſſimus, volatilis, paucus, acerrimus, vix ponderandus, Spiritus iterum complectitur illud omne, quod huic toti oleo dabat hanc vim: eoque ablato nihil in oleo. Quare in oleis iis ſemper ſulphur a ſpiritu, ſeu reſinoſum ab acri igneo rite diſtinguendum erit. Spiritus facile exhalat, ſulphureum tunc iners ſuperſtes, in aëre cito, in vaſe clauſo lentius, varios per gradus inſpiſſatur, taliter tranſcurrit ex oleo liquido in ſpiſſius, ex hoc in baſamum, de illo in tenax ſpiſſius, tandem per ætatem in reſinam friabilem. Quæ ſic nata rurfus nova deſtillatione mutatur in oleum tenue, liquidum: unde præclari Autores putabant, Olea ſtillatitia eſſe reſinas liquefactas, Reſinas reciproce olea condenſata. Vid. Bohn. Diff. Chem. pag. 29. 319. 326. Sane Sol ita mutat in plantis olea: nam puncta Abies, Cedrus, Larix, Pinus, plorat mox limpidum, liquidum, tenue, oleum. Id vero, ſpiritibus turgidum, divesque, quam aromaticum eſt! ſæpe cum admiratione exploravi. Idem ad corticem progreſſum æſtu perdere incipit ſpiritus ſenſim, ſimul inſpiſſari, fitque craſſa Terebinthina, priori oleo denſius, at minus dives ſpiritibus. Ipſa Terebinthina jam facta, ulteriore Solis actione magis excocta, reſinoſa evadit, ſed pariter ſpiritus ſuos amittit magis magisque ita, ut tandem fere ſine odore & ſapore evadat. Hinc ubi dicitur, Reſinam deſtillatione ex aqua reſolvi rurfum in oleum, intelligi debet de ſulphurea, non de ſulphurea parte & reſinoſa ſimul: ſpiritus quippe non ita redit, neque renaſcitur, ſed tantum olei fluiditas. Lachrymæ quoque aromaticæ, odoratæ, Benzoini, Laccæ, Maſtices, Olibanii, Sarcocollæ gummi, perdidere ſpiritus multos, qui in oleis primo fluidis aderant: unde ſemper, quo liquidiores, recentioresque, eo pulchriores in Medicina: contra per ætatem effætæ evadunt prorſus. Quin tandem, omni jam ſpiritu elapſo, oleoſum iners reſiduum vix unum ab alio ultra differt: unde fere auſim credere, oleorum eſſentialium corpora valde affinia manere, ſpiritus autem horum omnem inter hæc diſtinctionem facere. An & ipſum pondus ſingulare ſpiritus ſequitur? inquiretis ipſi, ſi placet, Attamen notandum ſerio, acrem ſaporem, vimque, a ſale plantæ pendere poſſe: ſed tum tamen inde illud characteriſticum privatum non pendere, ſed ab olei ſpiritu; ut in hiſtoria ſalium alcalium, & nativorum ex plantis paratorum jam ſupra patuit. His perit ſingulare, pereunte oleo.

3. Quo acriori odore præſtant magis corpora, eo fere ſemper magis ignea erit ſpiritus olei inhabitatoris vis; ut & quo acrior erit illorum in ore manſorum, magisque urens ſapor, eo etiam, olei ſtillatitii acrior ſpiritus. Quando etiam maxime matura, leniter ſiccata, dabunt olea craſſiora, fortiora, profundius colorata; quando autem humida, recentia, applicantur huic deſtillationi, tum olea hæc parciora, dilutiora, magis pellicida, minus urentia, gratius ſuaveolentia. An igitur Spiritus ipſe ſen-

sim in sua planta pervenit ad vigorem summum? Utique in plurimis odor, saporque, spirituum proles, non in initio, sed tantum in apice maturitatis viget. Præterea tamen hic oportet notare, quod in quibusdam plantis videatur abundantior spiritus in pariori oleo hæere, quandoque rursus minus spirituum in largiori oleo. Nucis Myristicæ libra dum dat unciam olei, & Calami aromatici libellæ viginti quinque tantum unciam quoque unam; satis docent non obtineri hic proportionem inter olei & spirituum quantitatem. Acrimonia quoque singularis quædam dominatur in spiritibus olea distinguuntibus: nam in oleo Cinnamomi urit instar ignis, quem attingit, locum corporis, vixque inde longo tempore elui potest. Ex Satureiæ, & Thymi oleo spiritus exit acerrimus forte omnium. Mirum igitur hinc agnoscitur ingenium horum spirituum; qui ubi de oleo exhalaverunt, illud pondere vix minuunt, viribus privant, relinquunt ingrata, spissa, Terebinthinacea, resinosa tandem, evadunt. Inquisivi in pondus spirituum: invenire non potui.

4. Olea stillatitia, essentialia, varii coloris reperiuntur pro diversitate plantarum, unde educuntur. Menthæ fuscum. Lavandulæ flavescens. Cinnamomi aureum. Absinthii nigro-viride. Chamæmeli, & Millefolii, cæruleum. Anisi album fere. Camphoræ candidum. An hæc differentia a varietate spirituum, an ab oleo, an a tertio quodam principio, in quibusdam simul adscendente in destillatione? Sane in hanc rem, hætenus necdum liquidum, inquirendum.

5. Olea hæc quandoque liquidissima habentur, spirituosæ fere, vix tenacia, ut in oleo Aurantium Ulyssiponensium de cortice destillante, essentiali, quo vix aliud liquidius. Tale & Lavandulæ, imo & ponderosissimum ligni Sassafras. Contra in aliis illud crassum, ut Fœniculi, Rosarum. Crassius, ut Anisi. Crassissimum, ut de Camphora. Attamen crassa deliquescent lenissimo calore, crassiora leniori, crassissima leni. Unde rursus illud?

6. Pondere imprimis mirabiliter differunt ita, ut hinc graviora evadant aqua, & quidem magna satis differentia ponderis. Cinnamomi, Caryophyllorum, Ligni Sassafras, Nucis Myristicæ, crediderim & aliorum aromatum, intra Tropicos nascentium, ubi ardentis Solis æstus omnia exureret. Hæc enim olea, inter destillandum & majore igne egent, & humiliore vase, quodque tantum una quarta parte maneat vacuum. Alia autem olea essentialia valde levia, ut Lavandulæ. Attamen excessus ille ponderis ideo non reddit olea crassiora. Nam ligni Sassafras, ut modo monui, habetur ponderosissimum, & tenuissimum simul. Camphora crassissima simulque tamen levissima habetur. Ut & hoc aliunde pendeat. Anisi oleum sæpe in aqua hæret; oleum baccarum Juniperi stillatitium, quandoque subsidet.

7. In Oleis his essentialibus, aromaticis, virtus inest vix imitabilis, quæ unice pendet semper ab illo Spiritu jam toties deprædicato, quæ est acris, inflammans, grata, reficiens, calefaciens, spiritus animales excitans, lentorem attenuans, fibras nervosas stimulans. Hac facultate juvant frigidos, senes, pituitosos, aquosos, febre intermittente frigida laborantes, hypochondriacos humidos, frigidos, hystericas frigidas, aquo-

fas, pituitosas, flatulentias frigidas, aquosas, mucosas, cum talibus doloribus acidis, frigidis, tam iliatis, quam colicis. Atque prudenti Medico, in his definitis malis, caute usurpata, sunt generosa valde & potentia, imo secunda quoque, remedia. Quoties vero adhibentur ad morbos, in quibus calor, motus, inflammatio, nimis incrementum, venena evadunt usu malo. Chymici sapienter notarunt olea spiritibus agere, spiritus oleis retentos applicari partibus: ut quant ibidem actiones proprias exercere, quas liberi sua volatilitate nimia facile perderent. Ubi unita agunt operantur mitius quidem, sed constantius. Ut vero hæc penitus capiantur, in Spiritibus his, adeoque in Oleo hos tenente, acrimonia percipitur manifesta satis a sensu ignis, quem imprimunt linguæ gustanti, qui brevi in dolorem abit, a sensu doloris satis fortis, quem nudatis nervis applicata producit. Si vero apponuntur epidermidi cuti supratentæ, brevi omnem inflammationis progressum percurrunt, brevi in gangranosas escharas exeunt. Quando autem labiis, nasi interioribus, velo pendulo palatino, applicantur, ubi producta epidermis cute destituta vas, nervumve, solum tegit, ibi sane facit omnia violentiora, hincque diras ibi inflammationes promte creat; & facile perspicitur, quis incaute accepta in fauces, stomachum, ventriculum, intestinave, eventus sequatur? Hinc Olea hæc inflammantia jure voco. At interim, ut jam notavi, non datur aliud, quod directius languentes reficit grato, suavi, suo beneficio, non explicabili adeo per communia quædam principia, quam experimenti vi. Certe in his vera spirituum lenitio, & consolatio fere! Hinc vim reficiendi vere possident. Sed & calefaciendi quoque: si enim apponuntur externe, si interne ingeruntur, statim viventis corporis partes incipiunt calefacere, atque inchoatum semel calorem quam citissime augent. Attamen, quo frigidius tarditate vitæ corpus, eo semper minus calefaciunt, & contra: unde cadaveri affricta nihil caloris conciliant. Quanto igitur discrimine in ardente febre exhibentur! Excitant pariter nervos irritando, propellendo spiritus, forte & amica dulcedine utroque fovendo. Quæ quidem omnia dum perficiunt, lentiores igitur attenuant, dissolvunt, quatenus id aucto vitali motu, absolvi poterit. Sed enarratæ virtutes jam & Processu 23. communes fere omnibus hisce oleis, tantum variæ quoad diversos gradus acrimoniæ. Atqui aliæ sunt vires, haud minus notabiles, quæ spiritibus his singularibus prorsus singulares sunt, de quibus jam in Aquis stillatitiis, inprimis cohobatis, satis dixi. Oleum Arboris vitæ, Sabinæque, emmenagogum fortissimum, ubi languor solus retentionem creat. Rutæ oleum Epilepsiam a laxo, frigidoque, dum curat, simul anthystericum eximium, quoties id mali frigida de causa. Scorbuto frigido, indeque oriundis torporibus, tandemque doloribus, Juniperi de baccis paratum oleum insigni auxilio, atque ab hac inertia ortos renum infarctus quam pulchre curat! Menthæ oleum languorem ventriculi fere paralytici superat. Paralytin, Vertiginem, Lethargum, alia cerebri mala, ab impotentia frigida orta, Lavandulæ oleum quam pulchre sanat! Dum Rosarum oleum læta fragrantia, sine caloris noxia, blandissime cor exhilarat amœna hilaritatis diffusionem. At oleo Cinnamomi suppar videre necdum contigit, quotiescunque collapsæ gravidarum,

rum, parturientium, puerperarum, vires, absque inflammatione, absque ruptis, hætenusque hiulcis vasis. Absinthii, Cardui benedicti, Centaurii minoris, Chamæmeli, Tanaceti, olea, mica panis in catapotia si redegeris, sicque jejuno diu prius ingesseris bihorio ante cibum, quam certum habetur ad lumbricos remedium! Sic pretiosissimum Melissæ, & nobile corticum Limoniorum, ad palpitationes cordis ab aquoso frigido, & inertī mucoso, ortas felicissime adhibemus. Majoranæ, Rosmarini, Salviæ, mucō tenaci uteri, frigidæque ejusdem destillationi, singulare, pulchrumque, est.

8. Si Olea hæc cum Salis marini, purissimi, siccissimi, triplo, diu & fortiter conteruntur, ut bene divisa sint, tumque destillant denuo ex aqua, per vesicam, evadunt defœcata, pura, limpida, aquæ mucilagine quasi gummosa sua liberata, hinc aptiora diutius incorrupta servari, si tum vasis vitreis non nimium alcalicis, arcto collo instructis, operculo, vel epistomio vitreo accurate adaptato obturatis, in loco frigido, siccoque, servanda reponuntur. Interim tamen in hac depuratione minuitur copia: quia multum spissi remanet in vesica, quod ob tenacitatem nequit adscendere. Sed & imminuuntur vires, quæ a spiritibus pendent: quoniam hi in aqua, cum qua destillatio instituitur, manent, & in aqua, quæ simul adscendit, etiam dissipantur. Quod caro ostendit, at claro, labore Hombergius, dum oleum tale vigesies & sexies destillans, cum nova semper aqua, tandem acquisivit tantum quartam prioris. Dodrans transivit in insipidum tenax. Aqua vero vigesies & quater cohobata semper cum illo oleo, acerrima aromatica salina, vel spirituosā evasit. Hamel. Hist. Ac. R. 143.

9. Quando autem pura hæc Olea, absque ullo addito, ex retorta vitrea, prudenter directo, sensimque per gradus aucto, igne destillant, semper aquæ aliquid exhalant, dein limpidiora, liquidiora, penetrabiliora, leviora, evadunt; relinquunt vero in fundo retortæ, post destillationem, ingenti vi ignis peractam, materiem fixam, nigram, raram, terrestrem. Idem opus, eodem modo, patienter repetitum, tandem maximam partem olei convertit in hoc Caput Mortuum appellatum Magistris. Ita quidem, ut maximus Boyleus tandem libram Olei stillatitii essentialis totam fere in terram redegerit. Vid. Observat. post tractatum de Noctiluca aëria.

10. Qui olea hæc destillabant a creta purissima, vasis puris, repperunt, quod uncias quinque olei octies destillatas cohobando supra cretæ uncias quindecim, retinuerint tantum uncias binas & drachmam olei; salis drachmas duas, grana quadraginta quinque; aquæ fortissime salinæ sesquiunciam, in qua sal volatilis olei. Teste Bourdelino apud Hamel. Hist. Ac. R. p. 413.

11. Olea iterum destillata a calce viva, quæ extincta in aëre, postea vero aridissima reddita fuit, sic mutantur, ut ex libra una olei sexies destillata cohobando extrema vi ignis supra recentem calcem,eductæ fuerint aquæ uncia quindecim cum semisse, uncia una olei; Hombergio observante Ibid. pag. 372. unde olea hæc cognoscuntur certo constare aqua elementalī maximam partem, tum terra, paucō oleo, & spiritu,

uti & sale. Confer. Ac. R. Sc. 1703. p. 37. adeoque coïvisse tot diversis principiis adunatis actione ignis in unum. Non esse igitur simplex hoc elementale, sed coalescens ex variis associatis ad compositum faciendum quod oleum dicitur. Id an ita se habeat? an doceat experimentorum eventus, transmutabilia potius hæc esse? nolim jam definire.

12. Hoc certius asserere ausim, oleorum horum pulcherrima, in Alcohole vini soluta, digesta, leni igne centum graduum destillata, emittere cum Alcohole Spiritum suum Rectorem, relicto in fundo oleoso, tenaci. Hoc si denuo tractatur similiter cum Alcohole novo, iterum emittit spiritus. Sicque manebit ultimo iners, inodorum, insipidum, spissum, tenax, olei corpus, in fundo, spoliatum prorsus omni spiritu. Quin etiam aqua pura diu cum tali oleo conquassata rapit in se hunc spiritum, unde imprægnatur opulente, privat autem oleum. Quod ubi pariter repetitur sæpius, tandem simile residuum olei supererit. Hinc parantur pulcherrima; sciturque, dividi olea hæc in spiritus & olea; salem paucum, & aquam, terram quam plurimam; aut utique hæc inde produci destillatione. Nihil autem mirabilius, magisque paradoxum, quam & his quoque oleis aquam adeo hæere mistam, ut ne vigesima destillatione inde separari queat.

13. Iterum ergo firmatur tota hac Historia. 1. Odorem, saporemque, Plantarum singularem, in solo hoc Spiritu hære. 2. Odorem, saporemque, Aquarum stillatitiarum aromaticarum, in solo hoc Spiritu contineri, quatenus cuique plantæ proprius est. 3. In Oleis essentialibus quoque solos spiritus proprietatem exprimere. 4. Oleum volatile Plantæ maxime fervire spiritibus vinciendis; oleum fixius autem conglutinandis partibus solidis inter se; hinc etiam quam maxime differre. 5. Olea pressa, & stillatitia, jam explicata, satis naturalia esse ipsis plantis. 6. Oleorum autem discrimen imprimis esse a spiritibus. Vid. omnino super his Hombergiana locis supra citatis. Hoffmanniana in Dissert. Phys. Chemic. a pag. 1. ad 63.

P R O C E S S U S X X X I.

Rob productum de Residuo Processuum 23. ad 29.

A P P A R A T U S.

Postquam olea penitus educta sunt de herbis ope aquæ, sine ulla alia re addita, restat tum in aheno decoctum idem, ac si tanto temporis spatio, in vase fuissent decoctæ cum aqua. Hinc igitur illæ vires plantarum, quæ illis plantis inerant, præter hoc oleum & spiritus; superstites erunt in decoctis his, nisi quatenus forte diuturna coctione in vasis clausis, immutatae fuerunt. Quando autem primæ destillationis Residua decocta iterato cum aquis adhibita sunt cum recentibus plantis, pro eodem oleo inde eliciendo; tum residuum hoc secundum fortius erit primo. Atque ita deinceps. Unde tali ergo repetitione operis tandem illa decocta evadunt quam prægnantissima virium illarum, ut jam supra descripsi, in Historia Aquarum stillatitiarum cohobando paratarum, ubi

& definire conatus sum, quales imprimis illæ virtutes sint. Ex Absinthio, Betonica, Chamædry, Chamepity, Fœniculo, Juniperi baccis, Tanacetum, & multis aliis, decocta manent satis adhuc bona in Medicina: quia saponaceam sæpe virtutem, acremque salinam retinent; quibus multum adhuc boni præstari queat. Helmontius vere docuit Decoctum baccarum Juniperi ab educto superstes oleo vires habere purgandi pulcherrimas, si idonea modo copia bibitur. Si autem decocta hæc meraca aqua diluuntur plurima, diluta autem & fervida fere colantur per colum laneum; dein lato vase, igne sine fumo, ebullitioni proximo, inspissantur in Rob, exhibebuntur hæ vires, per annos incorruptæ, parva dosi, effectum notabilem præstaturæ. Si autem spissata hæc, & exsiccata, uruntur more Tacheniano, Salem præbebunt copiosum Tachenianum. Si vero purissime colo pura, dein ad aptam revocata spissitatem, tumque in vase reponuntur, affusoque desuper oleo teguntur, tum dabunt salem nativum illius plantæ, ablato oleo facilius nasciturum.

U S U S.

I Ta Chemia in usus medicatos, Olea, Aquas, Extracta, Sales nativos, Sales calcinatos, una fere opera parat; quæ postea iterum componenda simul in pulcherrima medicamina convertit: si enim oleum Juniperi cum proprio sale nativo apte contritum, postea cum Rob suo accurate permiscetur, tandemque aqua sua stillatitia diluitur, compendio dabit omne fere actuosum Juniperi, orbatum modo parte terrestri, virtutem impediante. Sed & ex omnibus hisce intelleximus varia, quæ arte Chemica ex materie vegetabili educuntur, quantumque unum alteri producendo profit, aut obstat.

P R O C E S S U S XXXII.

Olea stillatitia, Acetum, Spiritus, Oleum duplex, Carbo, & Cinis, de Ligno Guayaci, destillatione ex retorta, sine ulla re addita.

A P P A R A T U S.

1. **P** Lantæ, quas examine Chemico exploravi hætenus, videntur refferri posse ad duas distinctas Classes: quarum prior eas complectitur, quæ destillatione sicca dant salem volatilem, acidum oleosum, præter alias partes adscendentes; Altera vero illas, quæ simili modo tractatæ, ultra cæteras partes volatiles, largiuntur salem volatilem alcalinum oleosum. Ea tamen lege, ut utraque harum classium, per varios admodum gradus, plus, minusve, alterutrius exhibeant, pro diversitate plantarum variarum, quæ in alterutra classe continentur. Utriusque daturus exemplum coram, ab acidis incipiam, & pro exemplo peto Guayacum.

2. Optimi hujus, viridis scilicet, compacti, ponderosi, satis recentis,

scobe tenui cornutam vitream, puram, ad collum fere usque impleo, bene cavens tamen, ne per colli cava in excipulum incidere quidquam ejus possit. Huic retortæ, in furno arenæ positæ, appono capax valde excipulum, commissuras glutine ex farina lini accurate obturo. Instituitur primo destillatio gradu ignis, non majore, quam ebullientis aquæ, qui sic prudenter protrahitur, quamdiu eo gradu humidi quid de ramentis ligni hujus prodit. Aqua exhibit liquida, acidula, acriter odorata; quæ seorsum effusa servatur. Dein recipiente iterum agglutinato, augetur per gradus sensim ignis: exhibit iterum liquor limpidus adhuc satis, acidior, pinguisque, subrubellus; qui sollicitè urgetur eodem gradu, quamdiu adscendit. Atque rursus solus servari potest satis fortis, odoratusque, nidorem halecum fumo duratorum fere perfecte referens. Dein iterum auctus, sustentatusque, ignis expellit liquorem rubrum, pinguem, valde acidum, una cum oleo rubro, innatante liquori acido, quod satis copiosum erit. Tandem intendatur ignis validissime, ut olla ferrea furni jam incipiat candescere; assurget fumus, simulque oleum spissum, nigrum, tenax, fundum liquoris prioris petens. Si tum ignis hic continuatur tam magnus, quam vitrum sine liquefactione ferre potest; tamen semper fumus vagabitur, utcumque diu quis urserit. Tum denique prunæ vivæ imponantur arenæ, supra retortam, qui vocatur ignis suppressionis, isque ita sustineatur aliquamdiu, donec nihil amplius exstillat olei, manente tamen fumo in excipulo. Sponte refrigescant omnia; habebitur ultima hac tortura ignis parum adhuc olei crassissimi, nigerrimi, ponderosi, picem æmulantis.

3. Fiat parvum colum ex charta emporetica, accommodetur intra infundibulum vitreum, huic infundatur aqua primo producta, sine ullo oleo, ex Guayaco: ut colum bene madescens puram hanc aquam Guayaci transmittat seorsum servandam: erit aqua hæc acidula, limpida, penetrans, odorem, saporemve, Guayaci vix exhibens, nidorem subambusti dans, atque Harengi fumati parum æmulans: mittatur dein aqua secunda per idem colum, transibit, rubella, limpida, acidior, nidorosa magis, haleces fumatos fortius exprimens, aliquid empyreumatici exhalans, acrior longe; si autem aliquid olei forte in hac secunda aqua hæserit, illud manebit in colo aqua priore madido, quod sic oleum transire non permittet. Igitur tum in idem infundatur acetum, & spiritus tertius una cum oleo levi, statim transibit acetum illud rubrum, limpidum, acre, acidum, ambusti, empyreumatis fœtorem exprimens, oleum autem liquori in colo supernatabit: hinc oportet, ut colum semper retineatur plenum affusu perpetuo liquoris oleosi: ne oleum inferiora coli unquam attingat; tum enim nihil omnino olei una cum acido liquore transmeabit. Quando vero omnis jam liquor fere trajectus est, tum colum una cum infundibulo cito ponatur in aliud vas, prius quam ipsum oleum incipiat per chartam permeare, quod fieret, quando charta inciperet exsiccari. Poterit igitur tunc oleum hoc leve, & tenue, ex colo effundi seorsum in vasculum.

4. Ultimum denique oleum, una cum suo latice acidissimo, fœtido, pingui, infundatur in idem colum priori liquore adhuc madidum, transibit

liquor ruber, acidus, limpidus, manebitque crassum, nigrum, piceum, ponderosum, oleum in charta, quod iterum effundi, & seorsum servari poterit.

5. Si acidi, aquosi, hi liquores, servantur in vasis vitreis, puris, deponunt ad latera, fundumque, vasis crustulam oleosam, sensim augendam, fitque tum sensim acidus liquor minus pinguis: unde constat, acetum illud stillatitium, fuisse compositum ex aqua, acido, & oleo; hinc liquorem illum jure optimo appellari debere salem, volatilem, acidum, oleosum, saponaceum. Si liquor ille acidus, limpidissimus, nihil olei visibilis offerens, cretæ puræ affunditur, effervescit, acidum in cretam ponit, fit aqua, simulque statim oleum, prius latens, facit visibile, ejicit sursum. Quando autem idem liquor ille ex vase puro, vitreo, igne leniore destillationi applicatur novæ, tunc statim occultum oleum manifestat, atque separat ex suis latibulis; habeturque liquor acidus, limpidus, purus.

6. Qui Olea hæc ulterius perficere studet, debet illa copiose collecta destillare ex aqua ebulliente: puriora tum elevantur, crassissima pars manet in fundo: sic sensim magis, magisque, repetito hoc labore, accedunt ad bonitatem oleorum priorum, essentialium; parte inerte, terrestrique præcipue separata; ipsa vero evadunt liquida, limpidi, pulchre rubra, penetrantissima, purissima, tenuia, non fœtida.

7. Postquam hisce modis tandem omne volatile, summa, & diuturna, vi ignis expulsum fuit, tum remanebit in retorta semper scobs nigerriima, levis, insipida, fere inodora, valde friabilis. Est verus ille carbo Helmontianus, qui nulla vi constantissimi ignis, vase clauso, unquam in albos cineres calcinari potest, sed manet niger, & ob solam hanc nigritudinem tantum est adhuc semper inflammabilis: quia atrum hoc est oleum fixissimum, tenacissime adhærens terræ, superque illius extremam faciem extensum quam subtilissime, & tenuissime, hinc igni suscipiendo, alendoque, quamdiu nondum consumtum est, aptissimum. Quod ut coram probem: en, in larga hac patina fictili scobem atram expando, ut ex retorta superstes habetur. Pono in medio hujus scobis parvulum prunulæ frustulum. Videris statim incendi scobem in ignem lucentem, qui sponte quaquavorsum se expandat, omne nigrum convertat in purum ignem, atque hinc ilico in cineres albos ita, ut lente sic universa scobis moles propagatione minimæ scintillæ impositæ penitus in cineres verratur. Quæ facilis, promptaque, accensio ab exiguo igniculo vix potest excitari in ligno, nisi forte hac ipsa præparatione ligni in carbones prius, tumque hujus comminutione in pollinem. Cineres quidem penitus albi, ita parati, insipidi, inodori, ex Guayaco; atque fere penitus insulsi: sed ex recenti ligno sic tractati alcalino sale satis divites sunt.

U S U S.

Multa equidem hoc de experimento discimus satis notabilia in historia Chemica, Medica, & Physica. Ut

1. Naturam vaporis primi fumosi, qui de ligno viridi ad focum ap-

positi exhalat, antequam lignum incipiat nigrescere, & flammam capere, aut igniri. Tum scilicet aqua exhalat acida, acris fatis, oculos lædens, animalium suspensas in camino partes penetrans, condiens, a putredine præservans. Huic liquor similibus colligitur, quoties viridescens adhuc, longumque, lignum medio foco impositum utroque extremo emittens extra ignem sibilat, aquamque ibidem acidulam large exstillat. Huic quippe liquor primo eductus destillatione, atque combustionem, similis.

2. Naturam vaporis primi fumosi, qui de ligno sicco, ad focum appposito, exhalat; aut qui de ligno viridi diffunditur, postquam prior exivit jam liquor vi ignis; & quidem prius, quam incipiat candescere, vel ardere: ille enim fumus, priori densior, acrior, acidior, ponderosior, plus acidis salis in se gerit, aliquantulum nigrescere incipit. Hinc oculos longe magis offendit. Carnes, pisces, suspensos in camino magis adhuc penetrat, condit, præservat, utcumque tingit colore rubro penetrabili. Hinc & aliquid de primo oleo a lignis sursum secum vehit.

3. Indolem Fumi atrii, spissi, acerrimi, qui de ligno prunis imposito assurgit, priusquam flamma inde jamjam emicabit. In hoc enim fumo Sal acidus acerrimus, fixissimus, copiosus, una cum oleo primo, secundo, & tertio piceo, omnia confusa simul, & mista, dant vaporem oculis intolerabilem. Qui fumus etiam exposita illi corpora penetrat, condit sale suo acido oleoso, magisque mutat, alio odore, alio sapore, excitato. Nascitur hinc & Fuligo.

4. Inde etiam scimus, vegetantia hæc dare aquam, inque illa acidum, oleosum, salem volatilem. Qui sic purus vires habet valde penetrabiles, apèrientes, attenuantes, antisepticas, detergentes, saponaceas, hinc antiscorbuticas, diureticas, diaphoreticas, sudoriferas. Inprimis, quando rite depuratus, atque rectificatus, habetur. Valet & ad externa.

5. Quis credidisset, Aquam elementalem, simplicem, tot annos, specie durissima, & siccissima, manere posse fixam, & affixam ligno, aliisve ejusdem elementis? Scobem ligni Guayaci per annos asservatam, in aëre aperto, hinc arenæ instar aridæ siccæ, destillavi aliquando in retorta. Liquor acidus aquosus solus collectus, purus fatis, in cretam, vel alcali fixum, cedebat facile omnem acedinem, exceptoque olido quodam adhærescente, fiebat aqua pura fatis, & copiosa. Quæ aqua in America ligno accreverat, cum eo tot annos unita manserat, durissimum, aridissimum, ponderosum, lignum composuerat, jam tandem pristinam indolem aquæ recuperabat. Videmus certe hinc, Aquam mire unitam diu latere posse in corporibus, ubi quam minime putaretur inesse, atque præcipuam quidem in iis causam duritiei facere. Simulac enim aqua hæc vi ignis separata a cæteris ligni partibus, statim evadunt friabiles, molles, non cohærentes, quæ paulo ante, aqua adhuc præsentem in iis, duritiem ferri fere possidebant.

6. Cernimus, certam miscelam diversorum elementorum efficere proportionem suam corpora valde dissimilia elementis.

7. Aquam, salem acidum, spiritum, olea, terram, intime, latenter, tenaciter, inter se ita permisceri a natura in producendis plantis, ut non

modo per secula, ut in ligno Cedrino, Guayacino, Juniperino, &c. videmus, constant; sed & destillando simul adscendant. Imo aquam in ipso oleo, oleumque in aqua, contineri, sine ulla tamen nota suæ præsentia: ut clare vidimus.

8. Oleum in vegetantibus fixissimum, omni volatili prorsus expulso, manere junctum terræ, & illi materiæ, quæ in alcali fixum, aperta calcinatione, abibit. Hoc nulla vi ignis expelli posse, vel separari, in vase clauso. Tum vero nigerrimo semper colore apparere. Nullam autem speciem pinguitudinis præ se ferre, sed macilentissimum videri. Esse hoc quam tenuissime extensum supra terram, salemque fixum. Hinc tam facile accendendum, ut a minima scintilla ignitionem suscipiat, susceptam propaget, admissæ aëre. Oleum hoc ignem dare non valde fumantem, tamen odoratum, aromaticum, balsamicum. Hoc paucum oleum, quamdiu adhuc inest, impedire, ne sal ex carbone atro educi queat; qui sal, oleo hoc in aëre per ignem consumto, statim se manifestat in cineribus albis restitantes. Atque omnia quidem hæc expensa nos docent, quid Carbo sit? Cur in operationibus Chemicis pulvis niger carbonis admixtus corporibus mutandis tam mirabilia, & inexpectata, efficiat, maxime in sulphureis? Alcali fixum carbonum tarde gigni, neque nisi ultimo igne, in aëre aperto, inflammabili omni prius consumto. Oleum ultimum adeo arcte retineri a fixa materia plantæ, ut solo igne separari non possit, sed tantum aëre ignem juvante. Inde in destillatione, vasis clausis peragenda, de tali vegetabili, educi volatilia hæc; aquam, spiritum, salem acidum, oleum duplex, inque his omnibus multum terræ; sed fixa manere oleum carbonis fixum, materiem in aëre aperto per ignem convertendam in alcali fixum, & terram denique ipsam. Hinc intelligitur & vis aëris ignisque simul in stirpes.

9. Experimentum hoc universale est in omni cognita planta arborea, fruticosa, plurimisque herbis, quæ sic tractatæ omnia hæc volatilia, & fixa, dant: in omnibus enim sal acidus volatilis est, sed materies, Alcali Salinum datura, fixa. Sarmenta Vitis recentia, putata Martii initio, in tali destillatione dant acidum copiosum, carbo ustus copiam magnam alcali fixi.

PROCESSUS XXXIII.

Aqua, Spiritus, Sal volatile alcalinum oleosum, Oleum, Carbo, de semine Sinapis, ex retorta destillato.

APPARATUS.

1. **N**Otum est, herbas dari, harumque partes, quæ contritæ parum, vel rasæ, exhalant vaporem tam acrem, ut naribus captus sternutationem excitet, oculos attingens lachrymas excutiat, odorem simul spargat acerrimum. Bulbi Alliorum, Ceparum, Hyacinthorum, Narcissorum, Porrorum, Scillarum, id imprimis habent. Radices etiam quædam simile obtinent, ut Raphanus hortensis, maxime crassius, orbicula-

ris, albus & niger; Raphanus aquaticus unus, & alter. Semina porro Armoraciæ, Cochleariæ, Erucae, Erysimi, Raphani, Sinapis, Thlaspios. Plurimæ etiam herbæ integræ. Alliaria, Allium, Arum, Asphodelus, Brassica, Bryonia, Ceba, Chamælæa, Chelidonium, Cneoron, Cochlearia, Cucumis Asininus, Cyclamini, Datyra, Eruca, Erysimum, Euphorbium, Gratia Dei Germanorum, Horminum, Hyacinthus, Hyoscyamus, Iris, Lepidium, Liliū, Lupulus, Lycopersicum, Melongena, Nasturtia, Orchides, Papaver, Ranunculi, Rapistrā, Scordium, Sinapi, Sempervivum acre, Tabacum, Thapsia, Thlaspi, Tithymalus, videntur præcipuæ tales. In his quidem idem fere experimenti successus habetur, ut & de plerisque virulentis, causticis, plantis.

2. Ex his jam fumo semina Sinapis communis matura, quibus retortam impleo fere ad colli inferiora usque, applico excipulum purum, vitreum, satis amplum; atque accurate connexis commissuris, instituo ex arena destillationem per gradus. Primo erit liquor pinguis, subflavus, qui seorsum collectus limpidus est, & acer. Augetur ignis, prodit tum adhuc spiritus priori similis, flavus magis, simulque oleum, leve, valde pingue. Quæ iterum seorsum servata valde acria sunt. Applicato tunc rursus recipiente vacuo, ignis augetur inferne, & superne etiam prunis arenæ impositis; exit tum de restantibus seminibus copiosum Oleum nigrum, leve, simulque undique ad latera excipuli sal volatilis, oleosus, alcalinus, in maculas collectus, ut solet fieri in destillatione Cornu Cervi. Si tum ignis ille diu admodum in magno vigore sustinetur, semper aliquid fumi pergit prodire subalbi. Tandem in retortæ fundo nigerrima manet massa, quasi ex liquefactis fere seminibus coacta, levissima, amara, non falsa.

3. Spiritus primus, & secundus, si leni igne, ex vase recenti, denuo destillant, dant limpidum, acrem, spiritui Cornu Cervi satis similem spiritum; qui etiam eosdem fere usus habet. Relinquitur in fundo aqua foetens, oleosa.

4. Si de ultimo liquore, & a sale, effunditur oleum seorsum, atque dein sal, qui lateribus vitri adhærescit, abluitur cum spiritu illo rectificato statim descripto, liquor assurgit alcalino sale volatili, satur. Qui cum acidis fortiter effervescebat. Si leni igne, alto de vase, destillat, salem volatilem purum rectificando dabit sal Cornu Cervi similem.

5. Olea autem omnia, sic educta, foetidam fracedinem oleorum destillatorum referunt, atque rectificando evadunt puriora, minus ingrata, in terram quam plurimam, & oleum semper purius, resoluta.

6. Residuum a destillatione in retorta, videtur verus Carbo. Quando tamen conteritur in pollinem siccum, semper manet quasi subpingue; neque ad scintillæ adpersum ignem capit, ut carbo Guayaci, a quo hac proprietate differt. Quando autem comburitur aperto igne, parum relinquit terræ, inque ea nihil ferme salis fixi supererit: quantum experiundo didici. Intellexi vero a fide dignissimis Viris, quod Carbo ille Sinapis, magna collectus copia, in pollinem contritus, ex retorta figulina, luto obducta, summo igne, diutissime, actus, tandem verum Phosphorum exhibeat, ut urina.

7. Omnia hæc, profecto valde singularia, si conferentur cum illis, quæ

quæ postea demonstabo in Historia Analytica Animalium, docebunt quam clarissime, quod hoc plantæ genus, & supra memoratæ stirpes, convenient ita cum Animalibus, in hac analysi Chemica, ut, si quid, certe parum, discriminis sit inter hæc, quoad illa utrimque producta: nisi quod de partibus Animalium forte paulo plus aquæ eliciatur oleo carentis; sed & hoc viridi de Sinapi credibile est futurum esse. Utique certi sumus Semen Sinapis satum, succo de terra hausto, producere plantam, quæ materiem vegetantis ita disponit, ut vi ignis mutetur in salem alcalinum volatilem. Adeoque salem hunc non esse proprium adeo animalibus, quin & in plantis quibusdam talis obtineat. Imo alcalinus hic sal magis in Sinapi apparet, etiam sine igne, quam in urina, quæ tamen liquor est omnium maxime alcalescens: nam lotium nunquam accipere potui de homine, quod cum admixtis acidis efferveret. Sed semen optimum Sinapis, solum contritum, affuso acerrimo aceto effervesce memini. Hinc igitur de plantis sal volatilis alcalinus, oleosus, verus, potest produci, sine ulla etiam putrefactione præmissa, sed ex crudis, naturalibus, recentibus, tam iis, quæ in fimetis crescunt, ut Eruca, Erysima, Sinapi, Sisymbria, quam quæ in aquis, ut Cochlearia, Sisymbria aquatica, Raphani rusticani. Quis crederet de aqua nasci sal volatile alcalinum?

8. Medicis hinc certo licet scire, ubinam salubris sit homini harum herbarum usus? Scilicet in iis morbis, ubi aqua iners, insulsa; pituita frigida, insipida, insulsa; acedo humorum in viis primis; inertia bilis; putredo alcalina, oleosa, fœtida nulla; hinc frigus, torpor, tumor, toto corpore; ibi, prudenti usu, optima præstant. Nocent, ubi calor, bilis acris; febris; putredo humorum; inflammatio; atrophia; scorbutus putridus; dominantur. Plurimum autem proderit, coram tueri, Plantas fere omnes in binas has Classes distribui: quæ acidum dant, aut alcalinum, salem.

PROCESSUS XXXIV.

Oleorum separatio a cæteris in destillatione una conjunctis, quæ horum depuratio, conservatio, mutatio in Balsamum, & Resinam.

APPARATUS.

Opus est puris, atque omni alieno separatis, Oleis: ut explorari hæc rite queant, atque conservari, deinde quoque examinari, quid iisdem contingat. Hæc ergo separatio ita solet fieri. i. Filtro. Fit de charta bibula, convoluta, facculus conicus, qui accurate accommodatur infundibulo vitreo puro, quod dein iterum immittitur collo vasis vitrei. Tum madescit affusu aquæ puræ, tepidæ, chartaceus conus, ut bene penetratus sit aqua. Infunditur dein mistum, in quo aqua, spiritus, olea, simul mista in hunc cucullum. Transibit mox aqua, spiritus, & in his dissolutus sal; oleum solum remanebit in charta. Affusio continuatur misti, donec omne filtratum sit: sed cavendum est, ne Oleum solum restet in charta, sed semper infundenda nova materies misti, antequam omnis

aqua, primo infusa, filtrum transiverit. Ita tandem Oleum solum in colo aggregabitur, aqua elapsa, tumque illud, statim effusum ex chartaceo colo in ampullam, servatur seorsum. Quum tamen vel sic multum olei in hac charta adhærescens perdatur, hinc in oleis pretiosis alium separandi modum invenerunt. 2. Vitrum paratur, instructum collo longo, cylindrico, æquabili, cujus ora suprema repanda. Huic calefacto infunditur aqua cum supernatanti oleo pretioso, donec impletum sit hoc vitrum ad marginem supremum usque. Quiescant, omne oleum adscendet in collum, aqua hærebit inferius. Leni tum inclinatu vasis effunditur Oleum in aliud vas purum ex collo prioris, si fieri potest, omne. Sin minus, tum tantum aquæ calidæ infunditur in hoc collum, quantum olei fuerat effusum. Descendens sub oleo aqua elevabit omne oleum sursum in os colli vitri, unde collectum iterum purum effundi potest; idque sic repeti, donec tandem omne oleum collectum, separatum, sit. Quod calore, vasis concussu, vasis plenitudine, fieri facile potest, exceptis paucis guttis. 3. Idem perficitur vitro, oleorum separatorio dicto vulgari, quod rite factum, nempe inferius longa, angusta, cylindrica, cava, patula, cauda instructum, aquam & olea supernatantia detinet, donec omne oleum supernatet. Quo facto, aperitur osculum inferius, exit primo aqua; ubi oleum incipit, elapsa aqua, venire in angustias caudæ, clauditur os inferius, per superius autem infunditur nova aqua cum oleo. Quiescunt, oleum colligitur, aqua dimittitur, ut prius; sicque pergitur, donec tandem, omni aqua separata, Oleum solum in separatorio, quod dein seorsum colligitur. 4. Si autem oleum ponderosum, sub aqua decurrit, tum infusa olea cum aqua immittuntur in separatorium, oleum ima caudæ occupat, aqua supernatante. Postquam quiete secesserunt in partes, emittitur inferius oleum, donec aqua inciperet descendere in angustias, sicque Oleum seorsum tenetur, rite separatum ab aqua. 5. Quoties tandem oleis his ponderosis, pretiosisque, aliquid aquæ supernatat, tum illud inde auferri debet; aliter mucilaginem parit: id fit, si de charta emporetica convoluta turunda formatur tenui instructa apice; hæc dein aquæ immergitur ut penitus madescat: dein exprimitur, tum apiculus hic appositus aquæ natanti in superficie, hanc trahit in se, purumque relinquit Oleum.

U S U S.

1. **O**lea, sic separata, vasis vitreis, puris, parvis, capi debent; dein epistomio vitreo arte claudi debent vasa; dein reponi in locum frigidum, siccum; & tam parum aperiri, quam possibile est; ne spiritus, pretium oleo dantes & virtutem, exhalent. Quando autem, plerisque horum, parum alcoholis perfectissimi permiscetur, evadunt dilutiora, usui aptiora, feliciusque asservanda; atque prohibentur sic, ne tam facile inspissentur postea, hincque guttatim effundi ampullis suis renuant; mucaginem, oleique nascituram forte rancedinem impediunt. Quin etiam corrumpi incepta affuso alcohole sanescunt.

2. Attamen longa ætate spissescunt in crassamentum balsami; tandemque vel in resinæ speciem indurescunt. Quod imprimis maturatur, si Spi-

ritus ille Rector exhalat, vel nimis sæpe aperto vase, vel neglectim clauso, maxime in loco calido, & sicco; citissime vase aperto. Tum enim in Refinam abeunt. Unde aliquando dubitavi, num forte spiritus hi facerent, ut olea manerent fluida: sane memini, me oleum stillatitium purissimum, liquidissimum, vitro includere, ubi vero post annum, eo opus habens, illud inspiciebam, mirabar spissitudinem, alioque usus, vas cum oleo seposui, abivit intra tres, quatuorve, annos in hanc crassitiem spissæ Terebinthinæ, quam Vobis ostendo. Hinc etiam corpora oleo stillatitio Terebinthinæ intincta, dein suspensa in aëre minime pulverulento, crusta obducuntur pellucida, resinosa, intra quam pulchre conservantur immutata, ut per longissima temporum spatia intacta perdurent.

3. Hoc igitur modo spiritus Vegetantium proprii, liberati mole corporea sui concreti, atque tenacitate sulphuris vegetabilis detenti, diutissime servari possunt in usus necessarios, compendio deferri in regiones quaslibet, illibatis viribus ita, ut, loco centenarum librarum Cinnamomi, parva ampulla oleum ejus tenens, omnes illius virtutes, sine sarcina destinere queamus, & servare. Videturque hic modus artificiosus, maxime naturalis, minime mutans, vix disperdens, præcipue constans in longa tempora, ad vires singulares medicatas aggregandas. Ut vel solo hocce artificio, ejusdemque usibus, satis se, superque, Ars Chemica commendet Medicis.

4. Quum vero oleorum essentialium pleraque pretiosa admodum, non abfuit lucripetarum adulteratio. Primo itaque inter destillandum Amygdalas miscuere contusas, tumque, aquæ ebullitione simul assurgens, oleum harum immiscendo se oleo essentiali, auxit copiam; quam fallaciam alii feminibus Papaverinis contusis additis simili ope instituerunt. Alii rursum, gnari, pretiosissima horum alcohole vini perfecte dissolvi, atque olea inde fortiora fieri, miscaerunt vilius alcohol cum oleis carioribus, non infringentes adeo vim, imo exaltantes; sed furati mercedis valorem. Facile detegitur prius fucus, admistu aquæ calidæ, qua levius oleum a ponderoso aromatico secernitur; dum unum subsidet, elato altero; aut & admistu alcoholis sincerissimi, quod essentiali oleo nubit, aliud illud insipidum magis repudiat. Posterior fallacia detegitur, si affunditur aqua, tum enim mistura albescens oleum, & alcohol separat, ostenditque, quanta fere fuerit copia adulterantis admista pretiosis.

P R O C E S S U S X X X V.

Acetum, Spiritus, Oleum duplex, Resina, Colophonia, destillatione per retortam facta, de Terebinthina.

A P P A R A T U S.

1. **O**lea plantarum nativa nec simplicia esse, neque constantis admodum naturæ, jam antea patuit; quin & experimentis quibusdam detecta jam supra fuere varia illa elementa, tum etiam mutatu nova producta. Unde jam requiri videtur examinatio Olei, sponte naturæ, de

corpore stirpium, extrorsum collecti, titulo Balsami, vel Terebinthinæ. Sumo hanc puram, novam, retortam, vitream, collo satis largo instructam; collum vero illud ita abscidi, ut orificium ejus satis patulum, capaxque sit: id enim ad operationem hanc omnino requiritur. Tum in fictili, quod sub margine tubum effusorium habet, calefacio Terebinthinam nativam purissimam, ponendo hoc fictile in aqua valde calida, ferme fervida, donec lique scat instar aquæ in hoc fictili. Effundo tunc hanc fuscā, hinc & calidā, Terebinthinam per os amplum colli retortæ, in retortam valde calefactam prius: ne diffiliat ab calore infusæ Terebinthinæ. Impleo ita ad duas tertias ventrem retortæ, ut una tertia vacua maneat; retineo tum retortam sic impletam, calidamque tamdiu, collo sursum elato, quamdiu Terebinthina ex collo retortæ defluerit in ventrem ejus, si forte inter infundendum collo adhæserit: aliter inter destillandum efflueret crassa hæc Terebinthina in excipulum, sicque inquinaret liquidum primo egressurum. Dein retortam furno arenæ committo, agglutino purum excipulum.

2. Applico ignem, ut cale scat arena ad gradus centum, paulo plus, minusve, huncque gradum prudenter sustineo, quamdiu per illum aliquid liquidi pergit exstillare. Tum prodibit liquor limpidus, tenuis, aquam simulans, in fundum vasis delabens, eique innatat subtilis, tenuis, limpidus, alter liquor, oleosus. Quando nihil amplius hoc gradu ignis prodit, muto recipiens. Atque invenio liquidum inferius acidum gratum, salinum, aquosum, aquæ miscibile, stomachum reficiens, spirituosum, pulcherrimum diureticum, cum creta effervescens, acidum in cretam deponens, tumque inde in aquam puram destillans. Unde acidus sal, & aqua, primo prodeunt in hac destillatione. Alter liquor, supernatans, oleum est inflammabile, leve, purum, tenue, fere spirituosum, hinc æthereum dictum, Terebinthinæ. Quod tam penetrabile, ut, corpori affric tum, evanescat, in sanguinem se penetret, loriumque inde reddendum odore violaceo mox imbuat, evidenti nota suæ penetrabilitatis, qua per omnes meatus transmeat.

3. Tum, applicato recipiente idoneo, excitetur ignis aquæ ebullientis, quod fit, si aqua affunditur arenæ, eaque adeo igne supposito cale scat ad 212. gradus, sicque sustinetur, quod facile fit, si semper tantum ebullientis aquæ affunditur, quantum exhalat. Tum materies superstes in retorta, a prima operatione, jam spissa adeo, ut in frigore jam consistat, lique scet iterum, atque crepitans subinde, stridensque, iterum dat aquam illam acidam, priori similem, in fundo hærentem, atque oleum supernatans, priori quoque oleo quam simillimum, crassius tamen paulo, & quasi subflavescens. In utrisque iterum eadem fere potestas, quæ laudata in prioribus: certe non adeo multum diversa.

4. Mutato iterum recipiente, igneque sensim aucto usque in gradum ignis arenæ satis fortem, cum prudentia tamen adscendendo, exhibet aqua, acida, ponderosior, rubra, in fundo excipuli seorsum decurrens, & oleum supernatans, crassius, rubrum, penetrans adhuc satis, attamen paululum lentescens. Notabile autem, quod semper illa aqua acida pergat exstillare, quamdiu oleum illud exstillat: non autem aqua sola prius,

& postea oleum. Id quod tum in fundo superest, post hanc ultimam destillationem, frige factum, ruberrimum, durissimum, friabile omnino est.

5. Ursi hoc ultimum, sensim, prudenter, calefactum, tandem igne summo arenæ adhibito, & prudentissime igne suppressionis applicato. Transivit oleum rubrum, tam crassum, lentumque, ut ipsam Terebinthinam, sed rubram, exprimeret, & tamen cum hoc aliquid adhuc aquæ acidæ rubræ, ponderosæ. In fundo retortæ vix aliquid supererat.

6. Notabitis, summa cautela opus in hac destillatione; ne vas dissiliat, rimamve contrahat; per hanc enim statim fumus oleosus dense exhalat, qui quum facillime flammam concipit, exstingui vix potest, raptoque in retortam igne cum impetu flammivomo cuncta dissilire cogit, periculo sano eventum.

7. Vulgo aliter Terebinthinam destillare solent in aquam acidam, oleum æthereum, vel spiritum Terebinthinæ dictum, vulgarem, hoc modo. In vas destillatorium furni descripti pag. 473. T. I. aqua immittitur pura pluvia, ut tertia pars vasis hujus a fundo repleatur, huic aquæ immittitur dimidium tantum Terebinthinæ optimæ, applicatur tunc altera pars aheni destillatorii, alembicusque per serpentem spirans in dolio refrigeratorio positum, fitque destillatio prudenter, subministrato igne lenis ebullitionis, exit aqua acida, & oleum leve purum, destillatio protrahitur, quamdiu oleum prodit. In aheni destillatorio in aqua remanet Colophonix species. Quando autem inter destillandum flores odorati Lavandulæ, Rosarum, aliarum herbarum, admiscuntur, oleum tum fragrans exsurgit. Hac itaque operatione in aquam, spiritum salinum acidum, oleum volatile, colophoniam fixiorem, dividitur Terebinthina.

8. Maxime in his notabile, quod semper residuum tanto spissius, rubicundius, durius, friabilius, remaneat, quo plus aquæ, acidi, olei volatilis, exivit. Summa tamen ignis vi tandem & hoc ultimum, fixum, liquefcere, volatile fieri. Aqua autem acida ab omni oleo bene separata, rectificata, forte dat optimum acidum vegetabile cognitum.

U S U S.

1. **D**iscimus hinc, qua specie se habeant olea nativa in stirpibus: primo enim succus nutritivus, de terra haustus, liquor videtur acidulus fere, aquosusque; qui receptus planta, sensim, certis plantæ locis pingue magis suum deponit; quod dein similis adunatione, calefactione, maturatione, virtutisque totius plantæ applicatione, apparet ibi forma Oleosi pinguis; id autem, in exteriora pulsum, magisque passum eadem, tandem Balsama dicta constituens, aquam, spiritum acidum, subpinguem, salinum, oleum multiplex, continet permista satis quidem, attamen separabilia; postque separationem cujusque partis singularis, semper prior balsamus in aliud transit. Unde etiam patet ingens diversitas Balsami nativi, in usu Chirurgico, & alio Medicato, dum agit toto suo corpore, adeoque omnibus suis elementis simul, aut tantum separatis quibusdam partibus singulatim. Sane integra, vitelloque ovi admisto aliquanto solubilius, est externum remedium Chirurgicum summum. Interne medi-

camen pulcherrimum ad plurima Medicis satis descripta mala. Testaturque sic virtutem suam eximiam penetrabilitate sua odore violaceo in urinis manifesta. Balsama talia, hodie fere habemus, virtute non adeo differentia, quam caritate pretii, locoque natali; hæc inprimis. Asiaticum, Ægyptiacum, Jeruchuntanum, Judaicum, Memphiticum, Opopobalsamum; hæc enim nomina omnia hodie significant rem eandem, coloris albi, forma liquida Terebinthinæ, odore Citri. Americanum multiplex, deque variis arboribus. Copaïi, Copayba, Moran, dictum, viribus incomparabile. Liquidambarum. Peruvianum. Tolutanum. Mechalinum. Terebinthina vera Terebinthi ex Chio, Abietis, Laricis, Pini. Quæ quidem omnia calore, destillatione, & tempore, solent fere in eadem principia resolvi, in eadem mutari, similia præstare.

2. Scimus etiam, in omnibus his nobis notis aquam, spiritumve, acidum, volatilem, antisepticum, esurinum, penetrabilem inesse, qui plurimum bonæ virtutis medicatæ, fragrantiamque, continet, exhalat facile, tumque relinquit balsamum, privatum hac parte, hinc eo respectu ignobilem magis: unde annosa non meliora.

3. Olea primo egredientia, levia, limpida, tota inflammabilia, volatilia, valde penetrantia, amara, usum habent ingentem in Chirurgicis: nam membranis, nervis, tendinibus, laceratis, punctis, sectis, semisectis, calide infusa incomparabilia anodyna, antispastica, consolidantia, sunt. Arteriis, venisque, in magnam hæmorrhagiam laxis, promptissimum, securissimum, stypticum, præstant, eo inprimis laudandum, quod simul nervis prospiciat, sistat putredinem, consolidetque. Oportet tum valde calidum applicare, splenis appressis ad locum detinere. Videatur Autor Anglicus, qui de hac re scripsit tractatum integrum, Jacobus Yonge, titulo Currus triumphalis e Terebintho, Londini 1679. in octavo. Antiseptica mirabilis virtus ejusdem est: nam animalium quorumcunque corpora, vel partes, immersa huic liquido aliquamdiu, dein exempta, parum in aëre suspensa, iterum, iterumque, inuncta hoc oleo, tandem crustam induunt, sub qua conservari queunt quam diutissime, atque ab omni putrefactione præservari. Quæ autem in oleo hoc immersa detinentur in lagenis incorrupta constant penitus. Id unum incommodi habet, quod sensim opacum evadat, spissumque. Tumores frigidos, lentos, mucosos, calidum hoc oleum affricatum sæpe discutit; partes defendit adversus frigus; laxat easdem, emollitque. Interno usu quoque aperit, calefacit, sudores, urinam, movet, hanc odore violaceo penetrabili inficit: unde in febrium intermittentium paroxysmo frigido solamen affert, ut & spina dorsi, eo inuncta, ante accessum frigoris, tantum boni præstat, ut in ipsis Quartanis, hoc modo usurpatum, remedio sit. Cavendum tamen: nam nimia potum copia, caput petit, æstus ibi, & dolorem, excitat; tum lotium vi immani urgens, Diabeten, fluxum liquoris prostaticum, & feminis, inducit; moderato hinc usu solet stimulare in Venerem. Hinc evenit, ut & nomen acceperit in curanda Gonorrhœa virulenta, usu sæpe funesto: quum soleat largiore usu genitalia incendere, adeoque exacerbare id malum.

4. Olea, quæ spissiora prodeant in hac destillatione, sunt magis balsamica, consolidantia, dolorem nervorum sopientia, minus penetrantia,

plus emollientia ; hinc in hominibus calidioribus , in inflammationes pronis , loco prioris balsami tenuis in usus stypticos adhibentur ; cæteris paria priori oleo. Ultimum vero crassum , tenaxque , pulcherrimum est consolidans , fere sine suppuratione agens sanando , viribus anodynis præstantissimum. Hoc oleum interim cum spiritu Nitri Glauberiano bono sæpe effervesceat eoque , ut vivam flammam concipere visum sit.

5. Terebinthinæ purissimæ residuum , quod superest a destillatione per aquam facta , aut post educationem primi olei & spiritus , ex eadem , in frigore durum , friabile , pellucidum rubrum. Huic lenissime liquefacto , si immittitur insectum aliquod , atque iterum educitur prudenter , circumquaque crustulam circumapponit pellucidam, Succini instar, per quam inclusum conspici queat asservatum diu , & intactum , pulchro satis spectaculo ; modo nitor polituræ non deturpetur : quod nimis facile fit, propter summam teneritudinem hujus resinosa crustæ. Quando autem Colophonia fumitur , post secundam destillationem residua , hæc durior erit , & rubicundior , quæ in tenuem pollinem quam facillime contineri se patitur , in quo odor , saporve multus non obtinet. Hic ille nobilis pulvis est , qui ossibus denudatis , periosteo , tendinibus , musculis , læsis , per ambustiones , corrosiones , contusionem , puncturam , lacerationem , semiscissionem , adeo utilis est. Qui fluxui seroso articulari pulcherrimum dat remedium. Quin & cicatrici obducendæ optimum habetur. Compescit etiam fungosas ulcerum excrescentias simili modo applicatum. Unde apparet , quam sit polychresta Chirurgis Terebinthina. Nihil autem in omnibus his mirabile magis , quam successiva , spontanea , inspissatio olei primi tenuissimi in spissitudinem renatam Terebinthinæ. Hujus in Balsamum crassius. Ejus iterum in Resinæ speciem ; ita tamen , ut minor copia acidi adsit in hisce regeneratis , quam prius in nativis fuerat.

6. An ergo Sal ille acidus nativus , volatilis , qui in hoc oleoso , pingui , atque in hac aqua , hæret , est spiritus idem , qui in aliis oleis essentialibus erat spiritus aromaticus ? Certe in nativo pingui hæret ita , ut cum aqua illa ibi sub forma unius corporis misti lateat. Inde & balsami naturales mutantur in oleum verum , expulsa aqua illa & resina. Rursum balsamus in resinam mutatur , expulsa aqua , acido & oleo ; hinc tandem in aëre calido , externo , illud & sponte fit : dum actio solis acidum , aquam , oleum tenue , dissipando , per gradus varios tandem in resinam definit. Unde & vere Olea hyeme Resinæ sunt , autumno arboribus investmenta præbent idonea : quibus defenduntur contra frigus , ariditatem , congelationem.

7. Ex hoc experimento clare patet. 1. Calorem summum Solis , continuatum diu , posse cogere , & mutare , olea liquida sensim , per gradus varios incrementis spissitudinis , tandem in resinæ , vel colophonix duræ , speciem. 2. Calorem ebullientis aquæ cito id efficere coctu olei , relinquentis colophoniam in fundo aheni , intra quatuor , vel quinque , horas. Tumque fumum egredientem esse aquam acidam , spiritum , & intermistum ingenti copia oleum. Colophoniam manere duram. 3. Hanc colophoniam , actam calore ducentorum & octuaginta graduum , iterum verti in aquam acidam , & oleum rubrum , tenax , ponderosum , atque

remanere dein colophoniam valde duram, pellucidam, atro-rubentem; constantissimam per secula. Atqui tandem hanc ipsam iterum igne suppressionis aucto ultimum in gradum, unde fere liqueceret vitrum, totam quantam verti sola vi ignis in materiem oleosam liquidam, tenacem quidem, attamen liquidam iterum, sine colophonia dura relictâ. 4. Unde & novimus versatile olei plantarum ingenium, atque varietatem mirificam ignis agentis in olea: dum certo gradu caloris tenuia olea inspissat in duram, constantem, massam, redigit semper talem mansuram; rursumque hanc ipsam auctiori igne in oleum liquidum, reducit, semper, aut diu, tale mansurum, quodque dein repetita tali destillatione igne forti penitus liquidum, satisque tenue fieri potest: unde igitur certissimum, multa corpora debere suam duritiem igni, eidem vero liquidam fluxilitatem debere alia.

PROCESSUS XXXVI.

Aqua, Acetum, Spiritus fœtidus, Butyrum, destillatione ex retorta,educta de Balsamo per apes collecto, quæ Cera appellatur.

APPARATUS.

1. **B**alsama quædam, calore Solis acta, & inspissata dein, apparent copia minutissima in superficie foliorum quibusdam in plantis, ut in Rosmarino manifeste videtur apparere; aliter & sunt plerumque globuli exilissimi, qui salient de apiculis feminalibus plantarum apertis, in parte floris masculina. Hæc vix ulla arte colligi queunt ab hominibus. Attamen deprehendi, quod aliquando cupiens folia Rosmarini sæpe cohobare cum alcohole, præter expectationem invenerim saporem ingratum & odorem Cerae deturpasse spiritus hos primo bonos. Inde folia hæc lustrans microscopiis tubercula ceracea in superficie deprehendere videbar, manibusque tractans multum, Ceram digitis sensim accrescere experiebar satis evidenter. Videtur igitur Cera Terebinthinæ quædam species, quam succi pingues plantarum Sole calefactarum exsudant in superficiem, aut intra capsulas apiculorum floralium generant, quæ ab apibus colligitur, in globulos cogitur, posterioribus pedibus applicatur, in alvearibus deponitur, ibi in cellulas favorum fingitur, unde dein, melle separato, fœcibusque repurgatis, comparatur in usus humanos. Hæc, flava plerumque, odorem non valde ingratum habet, nec sapore suo offendit, in summo frigore duritiem fere friabilem acquirit, lentescit calore & funditur.

2. Scindatur optima Cera talis in fragmenta tam parva, ut iis per patulum os retortæ immixtis repleri queat ad dimidium. Tum infunditur retortæ arena purissima in repletionem retortæ usque. Caleseat tum lente retorta, donec Cera liquefcens arenam sibi permiscuerit, & imbiberit sapis. Tum impone arenæ in furno, applica recipiens.

3. Fia

3. Fiat destillatio per gradus. Exire solet primo aqua acidula, ingratis-
simo nidore fœtens, pauca, una cum spiritu.

4. Ubi leniore ignis gradu 214, nihil amplius exit, mutetur recipiens.
Augeatur ignis, adscendet sensim oleum tenue, dum destillat, in excipu-
lo concrescens instar Butyri, colore fere albescente. Ubi ultra prodire
negat, applicetur ignis fortissimus suppressionis: tum adscendet satis su-
bito tota massa Cera in excipulum; ubi forma solida consistit instar Bu-
tyri. Sed amisit naturam Cerae duram, friabilem: liquefcit enim pinguis
hæc massa. Arena autem tanta copia admisceri debet: ut compescat ebul-
lientis Cerae flatulentam expansionem aliter futuram.

U S U S.

HInc planum est, totam Ceram certo ignis gradu volatilem esse, ut
& de Terebinthina jam constitit, in eo igitur Camphoræ convenire
hæc corpora; quamvis hæc quidem longe volatilior, quam binæ præce-
dentes. Ideo & videmus, Ceram, totam sane inflammabilem, existere
sub forma dura friabili fere. Quando autem in aqua fervida liquescit,
dein per linteum premitur, postea in lamellas effusa tenuiores, aëre aper-
to, calore Solis, aquæ puræ adpersu crebro, dealbatur, candida hæc
tota in flammam consumi potens, tamen fere vitri fragilitate prædita,
nihil minus, quam oleum referre videtur. Quot ergo modis olea inflam-
mabilia plantarum existunt, Olei, Balsami, Resinæ, Picis, Lachryma-
rum siccarum, Cerae, Butyri. Et inde tamen cernimus quoque, ignem
tandem ex non apparentibus oleis vera liquida olea facere. Id præce-
dens destillatio Colophonix, & hæc Cerae quam certissime evincunt.
Est autem conversio hæc Cerae in butyrum constans: nam inde tem-
pore diuturno non nascitur iterum Cera dura; sed manet semper hoc
butyrum molle vel in summo frigore. Id expertus loquor: qui butyrum
factum destillatione ex Cera viginti ultra annos servavi vase cylindrico,
vitreo, cujus amplum orificium charta tantum rectum erat; nec rediit
tamen tam longo tempore ex oleo in ceram. Quum interim liquidissi-
mum Terebinthinæ oleum tam cito in spissitudinem Terebinthinæ liqui-
dæ redeat. Nonne admiramini diversitatem virtutis ignis in solam oleo-
sam stirpium partem? Ut & hic certa regula de potentia ignis in olea dari
nequeat. Certe Camphora, atqui hæc oleum purum putum inflammabi-
le, elevata iterum camphora, non oleum liquidum evadit.

Butyrum Cerae, ita paratum, præbet unguentum mollissimum, ano-
dynam, neuroticum, emollientissimum, laxans, illitu suo contracta
membra juvans, cutim contra rigiditatem aridam, fissilem, frigidam,
hybernæ, felicissime defendens. Hæmorrhoidum asperos dolores pul-
cherrime lenit.



PROCESSUS XXXVII.

Butyri Cera iterata destillatione ex retorta in Oleum liquidum conversio.

A P P A R A T U S.

Liqueſcat Butyrum Cerae leni igne, donec ſuavi calore in oleum liquidum fundatur penitus. Tum infunde hoc butyrum liquidum per infundibulum, bene calefactum prius, in retortam vitream quam optime prius calefactam, ut dimidiam partem ſit retorta repleta. Caveatur autem, quantum fieri poteſt, ne in collo retortae adhæreſcat butyrum: quoniam eo caſu craſſum deſtillaret in excipulum, quod hic cavere conamur. Retorta hæc imponatur furno arenae, agglutinato recipiente puro. Tum fiat deſtillatio, ſumma cum prudentia ignem ita gubernando, ut guttatim deſtillet, labentibus guttis ad intervalla ſex minutorum ſecundorum circiter. Quando eodem ignis gradu continuato, non cadunt amplius guttae, incitandus ignis; ut iterum fiat deſtillatio eadem lege. Sicque pergendum erit tamdiu, aucto ſemper ſecundum hanc conditionem igne, quamdiu aliquid de Butyro in retorta ſuperest. Adſcendet hac ratione omne Butyrum, fere ſine ulla fœce. Hærebitque in excipulo oleum, ſpiſſius tamen, loco butyri, non multum imminuta copia. Si hoc oleum cerae, iterata hac deſtillatione ita paratum, rurfus nova deſtillatione, eodem modo, deſtillat, evadet ſemper liquidius, mollius, pellucidius, tenuius, ſic ut tandem limpidum, ſubtile, oleum referat. Quoque ſæpius ſic repetitur deſtillatio, eo ſemper lenius, mitius, & tamen penetrabilius, erit.

U S U S.

Hinc patet, ignem quadam oleoſa, plantarum corpora actione ſua magis, magisque attenuare; neque tamen acrimoniam illis eo ipſo imprimere, ſed contra ſemper reddere mitiora, dum interim ſimul penetrabiliora evadunt ſemper. Oleum autem Cerae, hoc ultimum, remedium eſt incomparabile prorſus, ad mala papillarum nervoſarum, quæ in cute extrema occurrunt. Nam in curandis fiſſuris labiorum hybernis, in fiſſuris papillarum in lactantibus, in digitorum, manuumque rhagadibus, vix aliud habet ſimile, ſi ſubinde levi illitu applicatur. Ad tumores frigidos hybernos faciem, digitosve, infeſtantes, diſcutiendos pariter locum habet. Ad tendines contractos, hinc obrigeſcentes articulos, cum balneis, fomentis, motu, hoc oleum valet mirifice, flexilitatem reſtituendo. Abdominis crebra inunctio facta de hoc oleo adſtrictæ alvo lubricitatem conciliat, hinc in Infantium morbis percurandis nobile.

PROCESSUS XXXVIII.

Elæosacchara medicata.

A P P A R A T U S.

1. **P**ostquam Chemicis docuere Medicos vere, spiritum oleis stillati-
tiis, essentialibus, inhærentem, continere compendio omnem vir-
tutem singularem plantæ; satis considerarunt Medici se nactos instrumen-
tum optimum in arte, sed tenacitatem pinguem olei tamen obstare tuto
usui; quia olea hæc, acerrima, glutine suo uni parti applicata manentia,
hanc inflammabant. Cæperunt igitur cogitare de modo, qui olea hæc redde-
ret diluenda in aqua, sicque æquabili miscela deducere posset, viribus inte-
gris, ad loca destinata. Id invenerunt fieri posse ope Sacchari. Igitur in mor-
tario purissimo, vitreo, pistillo vitreo, conterunt saccharum album, poro-
sum, siccissimum, quod in conis habetur, in pollinem prorsus impalpabi-
lem, cujus deinde uncia uni instillant sensim inter terendum drachmam
olei essentialis cujusdam, vel dimidiatam, si forte tenacissimum illud oleum
est: interim semper pergitur conterendo tamdiu, donec tandem omne
hoc oleum prorsus subactum erit. Ita oleum evanescit absorptum sac-
charo eique unitum. Simul solet inter hanc operationem oleum fragran-
tiam late diffundere: quare fiat cito, & mortario per linteum, circa pistil-
lum, tecto.

2. Si vero inter terendum pauxillulum vitelli ovi recentissimi, purissimi,
intermiscetur tam saccharo, quam oleo, tum reductio olei in aptiorem
miscendo formam facilius abit. Sed tum mistum non potest tamdiu ser-
vari sine ranciditate.

3. Ita Saccharum, quod est sapo purissimus, vel sal vere essentialis oleo-
sus, dividit tenacitatem glutinosam olei, se interponit ejusdem elemen-
tis, illaque sibi quam arctissime adunat, facitque saponem extempora-
neum, qui se patitur aqua dilui sic satis bene in usus medicatos. Licet enim
non sit hæc miscela adeo perfecta, ut solet haberi in sapone vero, aut
in sale dicto Chemicis perfecte essentiali, tamen ad usus sufficit vel ita.
Neque est, ut nimis solliciti metuant vitium aliquod sacchari in hac præ-
paratione: nam sine culpa male audit saccharum, quasi noceret hominum
saluti; quum nunquam id probatum fuerit. Contra vero est sal mirus, in
aqua perfecte diluendus, imo cum aqua facile fermentandus in vinum.
Interim, quod mirum, fusus ad ignem pinguitudinem exhibet in igne
prorsus inflammabilem, ut ita oleo, & sale, constare cognoscatur.

4. Elæosacchara rite parata, bene sicca, si ilico vitris puris recondun-
tur, atque iis pistillo vitreo bene obturatis reponuntur, diu admodum
illibata servari queunt. Ita etiam transvehi tuto, & sine incommodo ma-
gni oneris, de loco in locum, compendium magnarum virium, poterit.
Quando autem usus erit, tum ex tempore parari potest vel in itinere im-
pedito potus medicatus efficax, si modo parum Elæosacchari vino accu-
rate multum potatur. Poteri quidem id fieri, terendo salem a'calinum fi-

xum cum oleo essentiali : quia & sic Saponis quædam species conficitur ; sed tamen alcalia gratiam oleis essentialibus tollunt , odorem , saporem proprium , gratumque invertunt. Quin etiam etiam statim in aëre deliquescentia mutantur facile. Hinc Medici nanciscuntur medicamen pulcherrimum viribusque ditissimum. Si enim Elæosaccharum Menthæ , dilutum in aqua stillatitia Menthæ , acuitur affuso Menthæ spiritu stillatitio , deinde vero miscela hæc appositu Syrupi Menthæ perficitur , jam opinor virtus Menthæ habebitur.

U S U S.

PAtet inde virtus saponacea sacchari oleis frangendis apta , dum illa sic dividit , ac si fere fermentata forent cum illo saccharo. Interim tamen virtutem singularem horum Oleorum non enervat , quin exaltat potius. Unde Antiqui , ignari sacchari , melli olea immiscuerunt similem in usum. Inde & scitur virtus sacchari in corpore humano , ubi latice naturali dilutum , lixivium præbet saponaceum , quod oleosa , viscosa , vi vitæ adjuvante , dissolvit ; hinc pituitam nunquam generat , sed dissolvit. Nec bilem auget , aut in illam convertitur , sed aperit , attenuat , dividit. Interim tamen olea nimis solvendo macilentiam inducere potest. Ut & attenuatione nimia debilitatem producit & laxitatem nimiam. Quare & Rachiticis , Scorbuticisque , sæpe nocuisse visum. Est autem hoc naturæ productum & artis singulare satis mirum , ut jam statim notavi : nam aqua solvitur perfectissime. Igne funditur. Concrescit in crystallos perfectissimas instar salis perfectissimi. Manifesto est pingue. Si clausis destillat vasis , dat spiritum acidum , penetrantem. Aperto igne totum iterum inflammabile. Fermentationem patitur , inde in vinum acerrimum , temulentiam excitans , in alcohol separandum , mutatur. Iterum in acetum acerrimum converti potest. An est Sal ? quæ ergo inflammatur igne ? An Oleum ? quomodo igitur crystallisatur ? An Sal essentialis ? unde igitur fermentatur ? Eatis per totam naturam , quærite ! haud crediderim , ullum corpus repertum iri , in quo hæc simul concurrunt.

PROCESSUS XXXIX.

Potus Medicati ex (9. 10. 15--18. 23--31.)

A P P A R A T U S.

1. **P**Ro Medicis imprimis hic , ut præcedens , Processus servit , qui notas plantarum vires corpori humano applicant. Igiturumat quis Elæosacchari cujusdam drachmam. Salis Tacheniani rite parati drachmas binas : neque adeo multum differet , ex qua stirpe sal ille natus fuerit ; quum adeo sit exiguum inter hos discrimen. Hæc duo in mortario vitreo diu , fortiter , teruntur ; donec accurate simul permista fuerint. Tum admiscuntur uncia sex Aquæ stillatitiæ illius plantæ cohobatæ , unde Elæosaccharum depromptum fuerat. Quando autem de tali planta in officinis Syrupus paratus prostat , tum & de illo aliquid admisceri poterit. Habetur ita

in usum medicum exiguo compendio collecta virtus illius plantæ, actura in corpore hominis juxta suam indolem. Neque enim est, ut metuat quis, ne Sal ille alieni quid afferat: quum in historia Salis Tacheniani constiterit, singularem genium cujusque stirpis, intuitu salis, non in Sale hoc, sed in Oleo essentiali hæere; Salem vero in materie potius communi. Qui igitur, ad conficiendum potum talem de Cinnamomo, vellet usti Cinnamomi salem immiscere, perderet plus Cinnamomi, aut laboris, quam compensaretur virtute potus.

2. Vires concentratæ sic habentur propriæ cujusque plantæ: quia aqua elementalis, quæ in his occurrit, est eadem in quacunque planta; hinc in effectu non variat. Sal vero urendo perdidit proprium, commune solum fere retinuit, hincque vires habet easdem ex quacunque planta. In Spiritu autem Rectore, qui olei incola, hic expedito omne habetur proprium. Ita ut commodissima, efficacissima, utilissima, hæc præparatio sit, si modo prius recte sit cognita facultas plantæ respectu hominis. Habetur enim hic species quædam, licet minus perfecta, Salis saponacei oleosi, essentialis, illius plantæ, in quo eximius Helmontius posuerat omnem ferme efficaciam medicaminum. Si Olea hæc occulta, & secreta, circulatione intime nubunt Salibus suis in formam compositam, tum prodit arcanum alcahestici liquoris succedaneum; sed iterum illius Helmontiani succedaneum habetur in his misturis.

U S U S.

Dosis talium medicamentorum definitur ex potentia inprimis olei admisti. Oportunitas exhibendi inprimis vacuo ventriculo, & ex ratione morbi expugnandi per medicamentum. Pro exemplo sit Febris tertiana, simplex, frigida valde in principio, curanda hac methodo. Duabus horis ante prævisum paroxysmum jubebo, agrum balneo, calido, pedum, & crurum, uti, ut modice caleseat. Tum omni quadrante horæ semiunciam ingero de Potu medicato ex Absinthii Aqua, Oleo, & Sale. Dein pedes & crura bene perfricanda. Hæc omnia continuanda, donec accessus expectati bihorium elapsum. Sic omnes fere semper tuto & commode sanantur, etiam in senili corpore. Nisi forte scirrhusi quid, aut suppurati adfuerit. Contra Lumbricos ex Tanaceto factum simile, jejuno aliquamdiu ingestum valet: sed hic loco salis Tanaceti rarioris, sal Absinthii substituitur. Eodem modo & cæteris prospicitur.

P R O C E S S U S X L.

Balsama odorata arte facta, de Oleis stillatitiis (23--29) Cera, & Pomato.

A P P A R A T U S.

1. **S**umo unguenti Pomati sincerissimi unciam, cui in vasculo porcellano ad lenem, sine fumo, ignem liquefacto sensim admisceo Cerae albæ, subtilissime rasæ drachmam; postquam accuratissime simul

permista fuere, relinquo simul, donec jamjam inciperent consistere, tum stillatim infundo Olei essentialis drachmam, semper agitando, ut prorsus permisceantur. Satim ac mista sunt, impono vas cum Balsamo in aquam frigidam, ut ilico frigescens contineat Oleum & Spiritum. Ubi refrixerunt omnia, tum statim pyxidibus fabrefactis de stanno, vel plumbo, accuratissime obturandis reconditur hoc Balsamum, per annos illibatum servandum. Si, loco Pomati, & Ceræ, sumserit quis oleum pressum Nucis Myristicæ, tamdiu aqua ablutum, donec albescens, sine ullo odore, vel sapore, purum habetur, poterit idem fieri: Sic enim vulgo hæc parant.

2. Si gratiam his Balsamis a colore conciliare quis velit, poterit facile: oportet enim, ut pigmenti quid admisceatur. Nimirum si ad Balsami unciam pulveris minutissimi Cochenillæ tritæ scrupulum immiscueris, erit grate purpurei coloris. Si tantillum succi inspissati Rhamni cathartici, viride Balsamum erit. Cinnabaris nativæ pollen tenuissimum coccineo colore tinget. At lectissimæ Curcumæ parum flavum dabit. Ubi Smalti pauxillum cæruleum exhibebit. Adeoque, pro lubitu, his dabitur uti: modo pigmenta eligantur omni ingrato carentia nidore, quæque pingua hæc non corrumpant.

U S U S.

Quum parentur hæc ad gratiam suffumigiorum, quæ magno in pretio; atque in excitationem soporis a torpidis spiritibus, oportet conficere hæc ex Oleis rarioribus, quæque sunt datura operæ pretium, solitaria, vel artificiosa miscela adaptata inter se. Quorum quidem præcipua laudantur, de corticibus Aurantium, Chinenſium pomorum, Cinnamomi, Citrei, Caryophyllorum Indorum, Cedri, Jasmini, Lavandulæ, Ligni Rhodii, Santali citrinei, Liliorum alborum, Majoranæ, Melissæ, Maceris, Nucis Myristicæ, Origani, Rosarum, Syringæ, Balsami Peruviani, & Opobalsami, quæ bina posteriora sine destillatione, sponte fragrantia. Cætera olea, facile parabilia extempore, Balsamis conficiendis apta sunt.

P R O C E S S U S X L I.

Farina quævis, etiam frumenti corrupti, quam Maltam vocant, cum aqua dat Aquam stillatitiam inertem.

A P P A R A T U S.

Sume Farinam quamcunque de Cerealibus, hanc cum aqua pura subige in pulticulam tenuem, dein leni igne destilla ex vitris puris, cavendo empyreuma; prodibit Aqua iners, in qua nihil omnino spirituum ardentium. Tum accipe Farinam frumenti corrupti, ut Tacitus dixit, sive Maltæ statim describendæ, hanc pariter subactam cum aqua destilla, re-

cipies & hinc fatuam prorsus aquam, in qua, ut in præcedenti, nihil acidi, alcalini, oleosi, aut spirituosi, apparet. Si autem miscueris Farinam crudam, & Maltam simul, cum aqua, & dein destillas, erit iterum idem plane eventus.

U S U S.

INde constat, spiritus in igne ardentes Vegetantium, ante fermentationem, non esse in farinosis, volatiles. Neque in ipsa quidem materia jam præparata per speciem quandam fermentationis sicæ, qua Frumentum in Maltam mutatur. Sed & non erit materies nutritia ullo modo adscendens cum aqua in destillatione ex materie farinosa recenti alimenti. Si enim aquæ hujus vapor in alembico spectatur, instar roris diffusas format guttas, non in strias decurrit ligatas. Ubi flammæ injicitur, hanc exstinguit, non auget. Si potatur, longe abest a calefaciendi, aut temulentiam excitandi, facultate. Tandem neque reficiendi, neque alendi facultatem habet. Denique demonstratio hæc in omni farinoso obtinet Cereali, leguminosove.

PROCESSUS XLII.

Mel aqua dilutum in Mulsam, dein destillationi simili adhibitum, dat aquam solo odore Mellis perfusam.

A P P A R A T U S.

ACcipio Mellis quam optimi, purissimique, nativi, partem unam, aquæ puræ pluvialis partes sex, misceo accurate, dein destillo ex vitris igne moderato. Vapor assurgit in guttas aquosas, sparsas, ad alembicum se applicans, non striatim decurrens, quamvis ita abstrahantur duæ tertiæ de aqua affusa. Neque odorem fundit hæc aqua Vinosum, sed tantum Mellis proprium, in quo sæpe fragrantia superstes florum, unde apes collegerant. Aqua hæc omnis injecta flammæ, hanc exstinguit, non alit, incenditve: pota hæc aqua apparet fatua valde, nec calefacit, neque ebrietatem ciet.

U S U S.

IGitur in liquore plantarum elaboratissimo, qui intra florum latibula natus, perfectusque, ab Apibus colligitur, nihil omnino talis spiritus ostenditur, qui fermentatione postea inde produci solet. Unde sic liquido constat actionem Solis in humores plantarum, quamdiu in stirpibus hærent, manentque, nunquam posse conficere effectum requisitum ad veram fermentationem. Abesse igitur a Melle puro vim calefaciendi, exsiccandi, constringendi, inesse attenuandi, detergendi, laxandi, stimulandi, saponaceam virtutem. Unde ad Chirurgica, & interna, admirabilem prorsus vim obtinet; quare antiquissimis Mulsæ nihil fere celebratius ubique reperitur: quum sit attenuans, aperiens, purgans, stimulans,

sine calore. Aqua autem illa Mellis balneo ebullientis aquæ parata, virtutem quandam a spiritibus florum Melli inhærentibus accepit: unde miræ utilitatis habetur in collyriis, & fomentis, oculo inflammato, aut obstructionibus laboranti, applicandis; est enim aqua florum utcunque, unde Mel eductum fuit. Demonstratio vero hæc de Mellis aqua locum habet in quibuscunque succis recens pressis, spissisque, plantarum: ut Manna, pulpa Cassiæ, Saccharum, Tamarindi, qui aqua misti, atque sic tractati, nullos quoque spiritus vinosos dabunt. Tandem & alii liquidiores succi pariter, Baccarum, Fructuum Horæorum, lignorum Betulæ, Vitis, similiumque, pariter sic destillati, nihil prorsus spirituum illorum dant, ita, ut demonstratio sit universalis.

FERMENTATIONIS HISTORIA.

Fermentatione nihil fere antiquius, in Historia naturali habemus, nihil in Vita civili crebrius, in Chemia frequentius nihil: unde factum, ut cum claro Bellino dicere liceat, omnia Fermentis plena a Chemicis imprimis. Imo vero si audimus Helmontium, Fermentorum solorum virtus unica erit causa omnis veræ transmutationis; sed qui generalia nimis dant, confusionem pariunt. Si enim omnis mutatio a Fermentatione, jam non erit limitatio vox Fermentationis, quam mutationis: unde vera rerum vocabula amittuntur. Hinc conquesti merito summi Viri de hac confusione, dudum desideraverunt distinctam super hisce dissertationem, quam conabor Vobis dare.

1. Fermentationis nomine intelligam Motum Intestinum, excitatum in Vegetabilibus, quo hæc ita mutantur, ut liquor, in destillatione inde primo vi ignis assurgens, sit acer, aquæ miscibilis, calidi aromatici saporis, in igne olei instar inflammabilis, tenuis, volatilis; vel acer, acidus, ignem exstinguens, & flammam, minus volatilis, tenuis.

Hæc definitio vocem Fermentationis sic limitat, ut vere sub se comprehendat omnia, quæ in vera Fermentatione occurrunt, neque tamen patiatur hanc male applicari ulli rei, cui minus vere tribui solet. Est quidem Motus Intestinalis in tota massa simul, inque singulis ejusdem partibus, in omni Fermentatione, quamdiu hæc fit. Intestinum vero illum appello, quia maxime excitatur a principiis internis, quæ in Vegetabili hærent. Fateor, calor aliquis hic requiritur, ille tamen in corpore non excitaret veram Fermentationem, nisi in materie ipsa antea adfuisset aptitudo Fermentationis excitandæ. Si enim Aquam puram, Spiritus, Olea, Sales, foveret quis eodem calore, nunquam valeret Fermentationem producere. Dico autem illum Motum Intestinum in solis Vegetantibus excitari posse: quia hæcenus nullo exemplo demonstrata fuit Fermentatio ulla in Animalibus, nisi ubi hæc Vegetabilia in se recipissent, eaque necdum in suam indolem transmutavissent. In Fossilibus autem nunquam memini, motus observari fermentatitios: licet præclarissimi Autorum libere sic scribant. Rationis est recte distinguere: ideo ab effectu definire debui, quod vel in spiritum, vel in acidum, modo definitos, semper terminetur vera, & perfecta, Fermentatio. Rogo ergo Chemicos

Chemicos cordatos, ut tandem exitus sit ex hac confusione, an non sit illa actio Vegetantium, quam sic descripsi, Fermentatio vocanda? Ita uno ore aiunt omnes. Insto; an ergo distinctionis, & ordinis, disciplina suadeat, ut omnes illas actiones, quæ non producant hos effectus, alio nomine debeamus deinceps nominare? puto sane, ita fiat, rationem velle. Putrefactionem igitur, licet & in Vegetabilibus Motus Intestinalis sit, quia tamen pro effectu ultimo dat Olea putrida, foetidosque alcalinos volatiles Sales, distinguam quam maxime ab Fermentatione. Putrefactio humorum Animalium vere est Intestinalis quoque Motus, attamen nunquam acida, vel inflammabilia spirituosam, sed quidem Phosphoricam, produxit. Atque ideo etiam omnino diversa ab omni Fermentatione. Si enim non produxit Spiritum vel ardentem, vel acidum, nunquam patiar Fermentationem vocari, præmetuens confusionis. Nulla tandem veri specie Effervescentiæ variæ, postea explicandæ, pro Fermentatione agnosci debent; licet & hæc ad Motus Intestinales pertineant; licet in ipsis puris Vegetabilibus obtineant sæpe, ut in Aceto acerrimo, & alcalino fixo Sale.

2. Liquor vegetabilis fermentatus, si in destillatione primo dat Spiritus ardentem in igne, aquæ miscibiles, Vinum vocabitur, quacunque demum de materie vegetabili factum fuerit. Id vox patitur; quia Tacitus latinissime dixit, Germanos de corrupto frumento Vinum parare. Hinc Vinum vocabo fermentatos tales liquores de quocunque Vegetabili, sine ullo discrimine. Rursumque omnem liquorem vegetabilem ita fermentatum, ut in prima destillatione acidum det liquorem, qui ignem exstinguat, appellabo Acetum: neque referet rursum undenam deductum fuerit. Adeoque omnis effectus perfectæ Fermentationis erit, vel Vinum, vel Acetum.

3. Corpus fermentabile dicam, quod actione descripta (N. 1.) ita mutari queat, ut hinc possit Vinum, vel Acetum, descripta (N. 2.) producere. Quia vero non observatum fuit unquam id contigisse, nisi in solo regno Vegetantium, hinc sola Vegetantia fermentabilia esse, cogor agnoscere: tamen omnia Vegetantia non esse fermentabilia patebit.

4. Fermentum autem vocabo corpus, quod intime Vegetabili fermentabili (N. 3.) admixtum, Fermentationem (N. 1.) descriptam excitat, auget, promovet. Unde & statim patet, Fermentum omne tale esse de classe Vegetantium.

5. Fermentabilia Vegetantia (N. 3.) varia admodum sunt; quæ ideo distribuenda veniunt in tot classes, quot diversos requirunt modos fermentandi; neque pluribus hic, neque paucioribus, uti oportet. Ut enim alio modo Secale tractare debemus, ut inde conficiamus Vinum, alio rursum succum Uvarum recens pressum, ita & oportet omnino distinguere in duas distinctas Classes fermentabilia hæc. Contra vero, quoniam Triticum, Hordeum, Avena, tractandum eodem modo ut Secale ad hoc propositum, hinc oportet hoc respectu, non distinguere hæc inter se, sed ad unam classem omnia hæc reducere. Interim & maxime notandum, omnia Vegetabilia non esse apta Fermentationi, sed quædam tantum. Illa enim quæ jam supra memorata sunt Processu trigesimo tertio, scatere nativa copia Salis alcalini, aut facile in illud mutari, inepta sunt Fermentationi, prona in Putrefactionem. Id olim expertus in Cepis, &

Rapis, unde in tirociniis spiritum fermentatu paratum quærens, in solatium Lithiasios, frustra fui: namque Sal potius alcalinus, fœtidus, volatilis, simili cum spiritu, producebatur, quam verus spiritus. Hinc omnia fermentabilia possunt Putrefactionem pati, sed omnia putrefacienda nequeunt ideo, & e contrario fermentari. Unde in ipsis vegetabilibus, hoc respectu ingens discrimen, id vide Processu 32 & 33 supra. . .

6. Quibus cum cura prius observatis, revocabimus ad primam Classẽ Fermentabilium primo omnia Semina Plantarum, quæ matura, atque sicca, in pollinem tenuem se patiuntur conteri, non verò in pastam pinguem. Pulvis ille, qui sic de contritis nasci solet, Far, vel Farina, appellatur. Sed & huc referam illa Semina, quæ quidem oleo scatent pingui, attamen arte ita queunt mutari, ut postea in farinam non ita oleosam converti possint. Hæc igitur farinosa fermentabilia in tres iterum Ordines subdividere cogor.

1. Sunt Semina, matura, plantarum culmiferarum, graminifoliarum, spicatarum, Cerealium dictarum, Avenæ, frumenti Turcici, Graminis, Hordei, lachrymæ Jobi, Milii, Oryzæ, Phalaridis, Secales, Tritici, omnium specierum. Tum & Fagopyri, & Lini proxima affinitate prioribus socianda. Quin etiam ea, quæ proxime accedunt semina Cucumeracei generis omnia, Anguriæ, Cucumerum, Cucurbitarum, Granadillæ, Melonum, Momordicæ, Peponum, similiumque. Huc & Lactucæ semina revocare licet, & si quæ alia adhuc similia habentur.

2. Semina plantarum fere omnium, quæ leguminosæ, siliquosæ, papilionaceæ, vel alio flore præditæ; Siliquastræ, Genistæ, Spartii, Genista spartii, Crotalaria, Genistellæ, Nissoliæ, Cytisi, Anagyridis, Phaseoli, Meliloti, Trifolii, Fœni Græci, Anonidis, Medicæ, Medicaginis, Loti, Pseudoacaciæ, Coluteæ, Coronillæ, Barbæ Jovis, Pisi, Lathyri, Clymeni, Ochri, Viciæ, Lentis, Aphacæ, Fabæ, Galegæ, Ervi, Orobi, Glycyrrhizæ, Onobrychidos, Cicerum, Vulnerariæ, Lupini, Emeri, Ornithopodii, Hedyfari, Securidacæ, Ferri equini, Scorpioidis, Astragali, Acaciæ, Cassiæ, Sennæ.

3. Nuces non nimis oleosæ, Amygdalæ omnium generum, Avellanæ, Castaneæ, Hippocastana, Juglandes, Nux Cocos, Pistachiæ; quæ, ubi abundant oleo nimio, prius eo orbandæ sunt quodammodo, quod sane germinatione, & ustulatione, fit.

7. Altera fermentabilium Classis sub se complectitur omnes fructus pulposos dictos, in quibus succus maturus, acido-dulcis, abundat. Talia habentur Baccæ Cerasorum omnium, Grossulariæ utriusque, Mororum, Ruborum, Sambucorum omnium, Uvarum omnium, Pomorum acidulorum quorumcunque, Pyrorum omnium, Mala aurantia, Chinensia, Citrea, Limonia, Armeniaca, Persica, Pruna, Mespila, & similia, modo non vergant in putredinem alcalinam, fœtidam.

8. Tertia verò Classis inprimis habet Herbas succulentas, omnesque harum partes, Flores, Folia, Radices, Stipites; modo in acedinem vergant magis, quam putredinem: unde hinc eximi debent memoratæ rursus Processu 33.

9. Quarta iterum recipit Succos quoscunque recentes, nativos, pressos

de plantis, harumque præcipue fructibus (N. 7. & 8.) recensitis. Etiam referre huc debemus latices, qui de arboribus quibusdam vulneratis, verno inprimis tempore, stillant. Ut de Betula, Juglande, Vite. Omnes enim hi succi sponte fere solent Fermentationem suscipere, tumque penitus suum mutare ingenium, ex acidulo, refrigerante, stimulante, in calefaciens, temulentum, vinosum. Helmontius Pater aquam incisa Betula profluentem Martio mense commendaverat pro arcano ad Lithiasin, sed recentem, aut sine corruptione asservatam: Boyleus suo, aliorumque, experimento virtutes adscriptas fortius illi asseruit; sed & deprehendit recentem valere, fermentatam longe alienam indolem induere.

10. Classis quinta iterum complectitur illos Succos Vegetantium, qui a natura facti, densatique, in saponaceam quandam naturam mutati sunt in forma salini pinguisque simul coaguli. Manna, Mel, pulpa Cassiæ, Saccharum, omnesque aliæ species horum, quæ non balsamicæ, gummosæ, resinosæ, vel unctuosæ sunt.

11. An ad sextam Classem liceat referre Aquam ipsam fluviam? ambigo. Videtur equidem, has esse lixivias communia imprægnata omni genere Vegetantium aquis his illapsum, in iis resolutorum, sicque tandem intime permistorum. Sed & simul in urbium populosarum fossis miscentur effusæ aquæ Vegetantium recentes, fermentativæ. Si tum reconduuntur cadis ligneis, quibus olim Cerevisia, Vina, Aceta, conducebantur, multum spirituum possunt abscondere in longam diem. Unde etiam deinde, sub Æquatore, & in Zonis torridis, suscepta ingenti caloris æstuatione, eveni poterunt in speciem Fermentationis. Videantur autem super hac re, quæ satis enarravi, ut opinor, Tomo I. pag. 324. 325. Utique putaverim, ad has sex Classes posse referri omnia, quæ Fermentationem pati queunt, si diversis singula, pro sua necessitate, modis tractantur.

12. In rebus, quæ Classibus quinque prioribus continentur, requiruntur conditiones quædam Physicæ, quibus redduntur aptæ magis Fermentationi. Eas inter 1. est maturitas illa in qualibet, quæ suo in genere est jam elaboratissima per naturam. Omnia enim semina, fructusque, quæ tam perfecta sunt, ut fata in terra fertili, idonea tempestate, locoque apto, queant producere suæ speciei plantam, apta huic operi. Ubi vero eadem cruda, acerba, aquosa, tum sane ineptiora inveniuntur. Immaturæ, austæræ, Uvæ succus, Omphacium, vel Agresta, obnoxia non est multum Fermentationi, sed maturarum liquor pressus sponte fervet. Idemque in aliis fere obtinet. 2. Temperatio quædam respectu pinguitudinis: quum pinguiora rancescant potius quam fermentescant; omni tamen oleo carentia inepta quoque Fermentationi. Unde Amygdalæ optimæ tursæ minus facile ita fervent, si autem multa cum aqua accurate conteruntur in lac, disponi eo solent. Quando autem in aqua maceratæ, dein ad germinationem deductæ fuerunt, tum pinguitudo multum imminuta easdem huic operi aptat. 3. Ne nimis austera sint, & adstringentia: hæc enim difficulter suscitantur in hanc actionem: succi Bistortæ, Tormentillæ, similesque, vix eo deducuntur. 4. Inprimis desideratur in re fermentabili ea ejusdem proprietas, ut in aqua queat solvi, quatenus Fer-

mentationem patietur. Cortices, Ligna, Radices, quamdiu in hac forma existunt, repudiant hunc motum. Atqui illorum pressus succus, jam potens aquæ misceri, facillime Fermentationem deinde suscipit.

13. Fermenta autem præcipua habentur 1. Omnes res, quæ sponte sua pronæ admodum sunt in Fermentationem: hinc etiam ipsæ, sine alio fermento, statim fermentant. Quales inprimis succi fructuum Horæorum maturi, qui sane adeo tunc proni in Fermentationem hanc, ut vix ab ea impediri queant, nisi ope Antizymoticorum. Ita etiam pasta de farina subacta cum aqua, & in tepore abscondita, quæ cohiberi tum nequit, ne fermentescat. Hinc opus non est, ut solliciti simus de Fermento primo: quoniam ipsa hoc natura profert, & suppeditat ubique. 2. Flores recentes, sursum ejecti, Cerevisiæ, Vinive, ipso actu fermentantium: materies enim hæc rara, & spumosa, quæ ita sursum rejecta inter fermentandum, innatat, si aliis fermentandis immiscetur, mirifice promovet Fermentationem aliter lentiores: modo flores recentes sint, necdum collapsi. 3. Eadem materies, jam gravior, inque fundum delapsa, si tamen nondum antiqua nimis fuerit, eandem quoque virtutem retinet, licet minus præcedenti actuosam: etenim fœx jam dicta, commotu mista proprio vino novam sæpe Fermentationem provocat, aliisque suscitare solet. 4. Cassia, Manna, Mel, Saccharum, succique similes inspissati. 5. Pasta acida, farinosa, fermentata, pistorum. Enimvero Farina, exempli causa, recens, dulcis, Tritici servabitur loco sicco, & defensa ab insectis, per annos incorrupta. Si vero aqua fuerit depresso unita in pastam mollem quidem, dulcem, satis tamen densam, atque tecta leviter reponitur in loco tepido, intra horam incipit rarefcere, tumescere, vesicis interpositis ubique inflari, odorem, saporem, tenacitatem mutare, postea acidum sapere, acidum spirare, tumque ζύμη, Fermentum, propria appellatione dictum, toti huic operi primam appellationem dedit: quoniam sic paratum, admistu sui aliam similem pastam, nondum fermentatam, jam longe multo citius, valentiusque fermentare facit. Unde etiam apparet, sine fermento prius nato Fermentum parari cito posse. 6. Cadis lignosis in hærentia, priorum fermentatorum residua: Dolia quippe undique penetrata subtilitate Vinorum, in iis reconditorum prius, evadunt quam aptissima, ut agant in citiorem, violentioremque, Fermentationem commissos sibi liquores recentes. 7. Refertur huc quoque conquassatum albumen Ovi; quamvis minus quidem proprie: attamen certo casu recte satis. Quando nimirum liquores quidam fermentabiles, adeo sunt diluti, tenuesque, ut aërem, spiritusque, Fermentationis autores, atque sustentatores, nimis facile eructent, dimittantque de se, adeoque non diu satis retineant, donec mutaverint fermentabilis naturam in indolem fermentati; tum tenacitas albuminis admisti reddit liquidum satis spissum, ut queat motores spiritus tam diu inviscare. Non ergo agit instar Fermenti proprie: etenim putresceret modo. Sed adjuvat Fermentationis causas, prohibendo, ne prompte nimium exhalent. Unde aliis idem viscosus posset facile præstari. Hinc etiam 8. Huc retulere aliquando Sales, tam acidos, austrosque, quam alcalinos. Sed iterum tantum certo casu. Quoties nimirum contigerat, fermentabilia, nimis acida, obstare suæ Fermentationi, vi-

sum tum fuit, admistu pauci alcalini prudenti facilius induci hanc operationem. Rursumque, si forte subputridi quid oriretur in fermentabili materie, tum parca, solertique, immistione acidi restituebatur amissa fermentandi aptitudo. Unde ergo apparet, hæc ipsa tamen, ex se Fermentandi aptitudo, non esse, imo ne quidem fermentabilia, sed singulari modo conditione, impedimenti ablatione, talia adjumenta evadere. Tartarus tamen, si bonus, Fermentum quodam modo appellari poterit. 9. Tandem observatum quoque fuit austerissima aliquando corpora, addita minus fermentabilibus, procurasse Fermentabilitatem, quam in aliis impedire deprehenfa fuerant. Hinc poma Cydonia, Mespili immaturi, acerba Cerasa, alia similia relata ad Fermentorum classem. Atque vere tantum tunc, quando fermentabilis liquor ex se nimium dilutus, solutus, tenuisque, efflagitabat austeri quid, quo magis retineret iterum spiritus volatiles.

14. Considerandæ jam sunt Præparationes, quibus aptantur fermentabilia, ad felicius hanc admittendam. Itaque illa, quæ sub Prima Classe recensentur supra, requirunt singularem plane operationem prius. Enimvero matura, optima, jamque sicca, integra, illa Semina farinosa, primo immittuntur Aquæ pluviae, imprimis vernæ, in magnis vasis, calido tempore, ibique relinquuntur tamdiu, donec imbiberint, quantum potuerunt aquæ, hincque intrinuerunt. Hæc vocatur Maceratio. Secundo, exenta tum ex aqua, congeruntur macerata hæc Frumenta in magnos acervos, in loco aperto, ventisque parum perflato. Oritur tum brevi in acervis istis prægnans calor sponte; cujus ope vitalia seminum excitantur, redduntur actiosa, atque incipiunt germinare emittendo foliola seminalia, & radicum rudimenta. Simulac hoc factum, cautela opus, ne nimis æstuans materies putrescere incipiat; ne etiam diu nimis germinando in folia excrescens & radicem substantiam farinosam consumat. Semper enim Fermentatio tanto procedit felicius, quo hæc germinatio accuratius peracta fuerit, satis enim debet esse, neque tamen nimis.

Tertio igitur simulac satis per totum acervum germinatio peracta fuerit, oportet ocysime Frumentum illud in latum dispergere, ne in magna altitudine maneat æstuans, sed ventilandum, sicque frigefaciendum, exsiccandumque in loco ventis bene perflato, maxime omnium spirante Boreæ. Ita tum ulterior germinatio statim prohibetur, attenuata quidem per hanc actionem, non consumta, farinosa parte. Tum vero demissum lente per calefactum valde canalem Frumentum hoc ita præparatum, subito valde exsiccatur adeo, ut fere, lenissime tamen, quasi subtorreatur. Tumque vocatur Tacito Frumentum Corruptum. Vocabulo autem homodierno Maltum. Mutatio vero, quæ accessit Frumento in hac operatione, est præcipua, quod viscositas inde prorsus attenuata sit ita quidem, ut quum Frumentum nativum in aqua æstuante non dissolveretur, sed persisteret vix deliquescens, jam contra adeo resolutum habeatur, ut in aqua æstuante, jam maximam partem dissolvatur, patiaturque medullam suam aqua deliquescere. Quum enim Triticum crudum ore manducas, gluten facies vix ulla mansionis protractæ patientia attenuandum. Postquam vero Triticum in Maltum redactum in ore conteris, sane molliter in saliva

liquefcit, penitusque folvitur. Præterea fapor blandus, dulcifque admodum, conciliatus eft Malto; qui prius in Tritico non erat. Quando autem Maltum hoc fuis jam adhibendum ufibus brevi erit, tum molari tritum lapide farinam dat, quæ Maltum commolitum appellatur. Quod autem de Tritico memoravi in exemplum, idem de omni femine in Claffe prima fermentabilium verum deprehendetur. Si enim Fabæ maceratu turgidæ, in acervi æftu germinantes, dein magno calore citiffime ficcatae, in farinam tritæ fuerint, dabunt omnia eadem. Vid. Aët. Phil. N. 142. p. 1069. & le Fèvre, Cap. de Ferm.

15. Claffis Secundæ præparatio fit in mollibus, pulpoſisque, calcando, premendo, tundendo, ut ſuccus fervens, ſpumanſque, exeat. Si autem magis carnoſi, durioresque, tum coqui in aqua, dein mollem in pulpam redigi queunt, ut in Pomis, Pyriſque sæpe fit. Si ſicciores tum & Tirocneſti raduntur in ſcobem, tunduntur cum aqua, rediguntur in pulvem. Ut in tuberibus Coronæ Solis, Radice tuberoſa, inque Solani tuberoſi Rapis, & ſimilibus, in quibus non dominatur putreſcens facile indoles. Si enim hæc in illis adest, tum Fermentationis loco oritur Putrefactio.

16. Quæ autem ad Claffem pertinent Tertiam, recentia, ſucculenta, in pulvem contunduntur, addita modo tanta aquæ copia, ut in pulvem tenuiorem redigantur, ſicque dilui aliquantum queant; ſic ſatis præparata ſunt.

17. At Claffis Quartæ, Quintæve, ſi forte nimis craſſa ſunt ex ſe, tum poſtulant dilui ea quantitate aquæ, ut liquor ſic natus ſuſtinere queat Ovum recens in ſua ſuperficie. Hinc ſi nimis diluti, tenueſve hi ſucci nativi, atque inde poſtulat bene fermentatus liquor, tum humor ille recentiffimus, nullamque hætenus Fermentationem paſſus, coquendo leni igne, in valde lato, humilique, vaſe, inſpiſſatur, donec induit craſſitiem requiſitam. Aliter vix fermentaretur, nec ſpiritus multos gigneret. At, ſi ex ſua natura nimium eſt craſſus, tum aqua ad menſuram dictam exigitur. Nimis enim craſſa vix in ſpiritus, in acidum bene, degenerant. Saccharum ſiccum manet immutatum in cælo calido, ſi in liquiditatem Cremoris recentis de lacte redigitur, violente fervet, tranſitque in liquorem ſpiritibus pleniffimum. Idem in Melle, &c.

18. Conſiderandum ſe offert Fermentum, dum inveſtigatur, quam illud copia admiscendum requiratur ad fermentabilia, poſtquam jam præparata ſunt: ut fiat felicior Fermentatio. Ubi obſervare quidem oportet, illa præparata Primæ Claffis, jam in Maltum redacta, tempeſtate æſtiva, vix egere Fermenti adjumento; ſed ſatis facile tum ſua ſponte, imo sæpe nimium, prona ruere. Hyberno autem in frigore poſtulant admiffionem Fermenti, auxilium applicati caloris, ſine quibus tum quieſcerent. Hinc rurfus, ſi calore magno fovebis in loco tepido, vel hyeme, minus Fermenti poſcunt. Flores autem Cereviſiæ parva copia admiſſi ſufficiunt. V. G. Uncia una ad Libras viginti. Aut Mel, vel Saccharum, eadem proportione. Aut & Fermentum piſtorium de Pane, copia duplata.

Secundæ autem Claffis materies vix unquam requirit Fermentorum juvamen, niſi tantum ob frigidam nimis tempeſtatem; a qua ſi ſegnior

procedit Fermentatio , tum suffecerit pauxillum florum Cerevisiæ admiscuisse.

Tertiæ quoque Classis corpora , æstivo tempore , eoque calido , promere satis fervent. At hyemali , si torpet Fermentatio , Mel aut Saccharum admistu suo juvat : ut jam supra Processu 17. satis docui.

Quarta Classis rarissime postulat Fermenta : imo , favente cœlo , sæpe furor fervendi in his compesci , aut temperari , vix potest. Inprimis quoties calor ingens urget , atque felici tempestate anni fructus maturat.

Quinta etiam Classis repudiat fere Fermenta : quoniam ipsa Fermentorum vicem gerit potius. Opus modo est arte calorem excitare , eundemque perpetuo æquabiliter sustinere. Unde igitur jam scitur , rarius requiri necessitatem , quam quidem putatur vulgo.

19. Postquam igitur Fermentabilia , quæcunque fuerint , ita præparata , atque idonea copia aquæ recte diluta sunt , ut jam explicatum , tunc infundantur cado querneò , in quo jam prius liquor similis Fermentationem absolvit , quique eodem adhuc bene penetratus est ; ponatur cadus loco , ubi calor inter sexaginta , & septuaginta gradus ; maneat spiramentum dolii apertum , ut aër libere ingredi , iterumque egredi , queat ; aut tegatur modo panno laneo ; ne insecta incidant.

20. Sumsi coram cucurbitas vitreas , omnium maximas , has posui in cista lignea erectas sic , ut in calore æquabili possem detinere pauco in cistæ parte inferiori igne posito. Implevi dein ad tres quartas materie cruda , fermentabili , bene præparata ad Fermentationem , orificium superius negligenter operiens panno , calore inter sexaginta & septuaginta gradus sustentato , etiam hyberno tempore ; jucundum erat apparitiones spectare , quæ Historiam Fermentationis describunt , semper ita obtinent , atque jam sensibus objectæ , observari possunt.

1. Massa , quiescens primo , certumque in vase spatium obtinens , incipit sensim tumere , rarescere , assurgere , motum intestinum per integram massam suscipere , qui sursum , deorsum , ad latera , miris gyris fit , nec desinit , quamvis variato impetu omni momento alius sit , aliusque , bullæ in omni parte massæ formantur , quæ omni conatu assiduo tendunt sursum. Atque ibidem crepant cum sibilo , sæpe & in medio itinere dissiliunt ; spumescit inde tota moles , inprimis in superficie , exploditur tunc cum sono ebullitionis totum per corpus spiritus quidam acer , acredine nares feriens , subacidulus , mire elasticus , incoercibilis , vasa fere quæcunque immensa sua vi displodens , neque his doribus , quantum novi , ulli alii comparandus. Unde etiam illum singulari quodam nomine donandum putavit magnus Helmontius , Gas Sylvestre appellans.

2. Hæc dum ita fieri incipiunt , perguntque , omne quod fermentabile in hac massa est , & crassitiem habet , incipit sursum elevari , a cæteris liquidioribus , subtus remanentibus , separari , sursum colligi , ibi in unam , spissam , spongiosam , crustam coacervari , liquidum superpositum accurate tegere , ejus actuosas partes coercere , atque retundere deorsum , ne nimis facile exhalando , ante præstandos suos effectus disperderentur. Tum vero pulchrum est videre , quanta agitatio , ubique , per

minima, assiduo, fiat in materie illa liquidiore, quæ infra illam descriptam, tenacem, incumbentem, crustam contingit. Sane vix major attritio excogitari potest ea, quæ hic inter omnia corpuscula agitata rapidissime exercetur. Inde ergo per interpolatas successive explosiones fissa, sursumque levata, crusta, notabili cum sono, exsiliunt halitus, crusta collapsa statim iterum se claudente, coërcente denuo actiosa principia, ne temere exhalent. Atque hujus quidem crustæ formatio, duratio, summum est auxilium perficiendæ Fermentationi bonæ.

3. Quæ dum ita observantur, apparet simul, quod, quum primo tota massa misti Fermentabilem crassa, ita sursum aggregabatur, incipiant interim de infima parte crustæ illius quædam partes, minus jam raræ, neque bullis istis raris, levitatem conciliantibus, amplius sustentatæ, descendere per liquidum illud, sursum, deorsumque, agitari, bullulas circum se formare, earum ope elevari, bullas formatas vicissim displodere, tumque rursus deorsum delabi. Atque, hæc ubi sæpe, reciproce, fecerunt, tandem in fundo manent hæc partes quietæ deinceps. Tum novæ massulæ tales eadem patiuntur. Quæ ubi ita duraverunt aliquamdiu, tum sæpius fit, ut tota crusta superior, jam gravior facta, minusque rara ob explosos spiritus, uno lapsu, subito deorsum ruat, sed mox iterum tota fere revolet sursum, mirabili prorsus impetu, nec credibili adeo, nisi coram spectaretur. Postquam tandem tota superior crusta, penitus jam consumpta, inque fundum delapsa, quiescit operatio Fermentationis, quamvis idem caloris gradus porro subministratur. Liquor tum pellucidus, tenuis, levis, supernatat, fœx in fundum subsidet.

4. Hinc in omni, vera, Fermentatione semper massa fermentabilis primo æquabiliter est permixta; dein separatur in duas partes, liquidiorē suppositam, crassioremque crustam. Crusta hæc sublimis, quamdiu ibidem hæret, Flos vocari solet materiæ fermentabilis, atque est omnium Fermentorum aptissimum, promptissimumque. Secundo separatur in tres partes, in secundo Fermentationis stadio, florem scilicet, & medium liquidum, atque in partem fundum versus incipientem labi, ibidemque colligi, quæ Fœx vocatur, estque pars crassior, gravior, jam exhausta omni principio Fermentationem hanc faciente. Tertio denique, in ultimo Fermentationis stadio, iterum separatur materies Vegetabilis in duas partes, quarum superior sincera, pellucida, tenuis, Vinum jam dictum, altera crassa in fundo hærens, Fœx, vel Mater Vini, dicta ubique.

5. Nihil magis mirabile, nihil majori cum cura notandum, in hac Fermentatione, quam horrendus ille Spiritus sylvestris, qui inter vigorem Fermentationis maximo cum motu profilit: neque enim hæcenus ullum venenum adeo celere, adeo lethale, adeo subtile, repertum memini. Si enim capacissimum dolium, plenum optimo fermentabili Musto, in summo vigore ebullitionis, spiramento parvo in superiore parte emisit hunc densatum viæ angustia Spiritum, atque robustissimus hominum, uno haustu per nares halitum hunc attraxerit, ipso quidem illo momento, sine ullo morbo, cadit mortuus. Si vero parum ejusdem ita ceperit, Apoplecticus labitur. Si minus iterum hauserit, tum fatuus

tota

tota vita, sensu communi ablato, vivit & vitæ nescius ipse suæ, aut Paralyticus fit. Hinc & eadem eveniunt iis, qui imprudentes versantur in cellis Vinariis, ubi fermentant Vina vindemiarum tempore, si clausæ sunt. Quare, apertis fenestris, igne accenso, ventique admissu loca illa lustrare coguntur. Quæ quidem nimis nota ubique sunt: Ex Saccharo aqua soluto, ejusque spuma, fermentatis prius, spiritus prolatus memoratur, qui parva valde copia in pulmonem ductus, uno temporis momento omnem respirationem penitus intercipiebat, Asthmate intolerabili nato. Vid. Act. Ph. Comp. T. II. 635. Hinc Medici cogitent, de vi potus in corpore humano, qui bibitur in actu fermentationis; vel de spiritu, qui æstivo tempore, calido corpori nascitur; ab usu nimio fructuum, horæorum, maturissimorum, si convulso, constrictoque, ventriculo prohibentur exire; interim elasticitatem summam, hancque acrimoniam, in loco calido, nacti, exercentesque. Hinc in Alcohole multum manet adhuc hujus veneni: dum vapor ejusdem diu, magna copia, naribus haustus, temulentiam summam, quæ levior Apoplexia, producit. Si autem nimia copia assumitur intus, cerebrum præcipue, nervos, horumque functiones, lædit. Hæc autem obiter. Interim manemus in Chemia dubii, undenam hic Spiritus? Sane solius Fermentationis actuosæ, & præsentis, proles est. Nec scimus talem ulla alia causa produci. Intelligere non possumus, quæ mortem producat, sine ullo morbo, vel morbos Cerebri, Cerebelli, Nervorum, absque ulla materie, absque ulla humorum, solidorumve, sensibus apparente mutatione. Simulac autem Fermentatio quievit, optimum est, ut dein, vase clauso, liquor fermentatus, una cum sua fœce simul restent aliquamdiu: ita enim liquor ille de sua matre multum adhuc consumit, sibi assimilatur, fortior fit, spiritibusque ditior, quam prius, inprimis pro destillatione.

21. Tempus requisitum ad Fermentationem perfectam absolvendam definiri vix potest accurate: quia pro varietate loci, tempestatis anni, caloris, venti, materiæque ipsius, aliud, aliudque, necessarium est. In Africa certe, Palmæ viniferæ depromptus liquor intra paucas horas finit suam hanc actionem. In Asia quoque ocysime finit. Procedunt in Borealibus lente. Æstivante tempore æstatis cito, hyeme tarde, procedunt. Auster eas promovet, retardat Boreas. Succus Uvarum & Saccharum vehementia subitanea fervent, lentius alia. Sed facile est cognoscere Fermentationis jam perfectæ finem: quando totus ordo phænomenôn, secundum seriem jam descriptam successive obtinuit, tandemque sponte sua desinit. Tum nimirum statim vas claudendum, & fermentatus liquor, una cum sua matre, asservandus erit. Aliter enim, paucis tempore, sponte, exhalaret de hoc liquore jam fermentato spiritus fermentando productus; atque, loco boni liquoris, obtineretur vappa nulli usui bona. Si vero rite clauso asservatur cado quietus liquor, tum fit sensim subtilior, defœcator, spiritibus turgidior. Ita Uvarum pressus recens succus, integra virtute sua, patitur, quando inspissationem, sed fermentatus idem, vel in aëre frigido expositus, statim, sponte, omnes suos spiritus amittit.

22. Liquor Fermentatione absoluta paratus Vinum ab omni ævo, apud quaslibet Gentes, omni lingua, eodem vocabulo, appellatur, quacunque

demum materie natus fuerit. Natura vero Vino unicuique communis cognoscitur præcipue hisce notis. 1. Facultate excitandi temulentiam in spirituum, actionumque, animalium functione. Dum excitat, reficit, animat, exhilarat, jocis, lusibus, facundiæ, carminibus, saltibus aptat; postea proprios cuique latentes affectus incendit, promit, abscondita revelat; deinde sensus externos, internosque, ut & voluntarios motus turbat, debilitat, tollit, ut nec pes, neque manus, neque lingua, nec mens, officium faciat. Tum Soporem, Paralyfin, Apoplexiam, Mortem denique facit. Hæc autem Vini propria virtus habetur. Nec similis in ulla alia re mihi hætenus cognita proprietas est. Nam Hyoscyami, Nicotianæ, Opii, Stramonii, longe alia est ratio, dum cerebrum turbant. Estque in omni Vino fere eadem: quia Cerevisia, Hydromel, Pomatum, Pyratum, Vinum Grossulariæ, Uvarum, aliarum Baccarum, rite confectum, semper idem efficit: ut ita mirabilis hæc potestas soli sit Fermentationis virtuti propria. 2. Præterea Fermentatio hæc convertit succos Vegetabiles, ex facultate sua laxante, resolvente, saponacea, refrigerante, & purgante plerumque per alvum, in potentiam corroborantem, coquentem humores, exsiccantem, calefacientem. Farinacea quæcunque subacta cum aqua in pultriculam crudam, infusum recens inspissatum Malti priusquam in Cerevisiam fermentet, Mulsam, Syrupos, saccharitas Mannæ, Cassiæve, pulpas aqua dilutas, succos recens pressos fructuum Horæorum maturatissimos, herbas fermentabiles recentes, maturas, considerate: nonne omnia hæc, abundantius hausta, potantem flatu, frigore, alvi fluxu, debilitant? Postquam autem rite fuerunt fermentata, inque Cerevisiam, Hydromel, Vinum redacta, quam contrarias præstant virtutes! Certe antiqui nihil habent, sed nova omnia. Maturissimarum Uvarum meracius succus forte est dissolvens humorum summum, immodico usu Dysenteria lethali sæpe necans. Coctione spissum Malti apozema largius potum idem efficit. Fiat vero ex priori forte, antiquum, Vinum, ex posteriori Cerevisia generosa, vetus; aut de utrisque Spiritus stillatitius, & inprimis Alcohol, dabit priorum antidoton. 3. Singularis penitus proprietas Fermentationis hujus est, quod producat de fermentato liquorem, qui Spiritus appellatur Fermentatus, atque hoc particularis possidet, quod sit in flammam lucidam convertibilis, & tamen aquæ penitus permisceri potens, tamen alterius prorsus naturæ, quam Spiritus Sylvestris supra descriptus, qui in actu fermentationis nasci videtur demum, atque & tum disperdi. Liquor autem hic vix alibi similem habet: nam Spiritus volatilis, inflammabilis, quem in destillatione Phosphori olim periculossime eructatum vidi de retorta, aqua dilui, & extinguere negabat. Ille autem, qui de fœcibus humanis, diu, magna copia, aggestis, loco clauso, atque summopere putrefactis, sursum volat, atque, admotæ candelæ flamma, in violentam, periculossimamque flammam abit, videtur ejusdem naturæ, sed fœtore intolerabili horridus. Quando oleosa summa vi ignis ultimo destillantia fumos dant albos cærulescentes, hi etiam admotu ellychnii incensi, incenduntur, sed in Olea redeunt, vel Phosphorum aquæ misceri renitentem. Ita quidem, ut, omnibus sollicitè expensis, nondum novissim liquorem aquæ absolute, & quasi sponte, miscibilem, tamenque simul

in puram flammam inflammabilem, nisi fermentatu descripto productum.

4. Lapidis Vini confectio, qui Tartarus dicitur, jam supra expositus, Processu octavo. Fateor enim, non ex Vino quocunque produci: neque enim de Cerevisia vel optima, neque de Hydromelle, multisque Vini speciebus, nasci solet. Attamen ex quibus vegetantibus bonus ille, purusque conficitur, ex iis modo talis nascitur, postquam Vinum inde perfecte absoluta produxit Fermentatio, & postquam illud prius pulchre defæcatum fuit. Hinc utique mihi semper Tartarus quoque Fermentationis proles habetur, atque Sal essentialis oleosus Vini dicendus erit, a fœce, vel matre, Vini maxime distinguendus. 5. Odorum, saporum, virtutis nativæ, quin & medicatæ, mirabilis in novam indolem conversio. Id supra, Processibus decimo sexto, & decimo septimo, collatis inter se tam liquido patuit. Aqua nimirum cohobata Rosmarini mirifice differabat ab eadem fermentata prius cum Melle, omni sane dote. Mustum recentissime pressum de baccis Uvarum maturissimis, Germanicis, Rhenanis, ad montes Soli expositis, est saporis mellitissimi: postquam vero rite, pleneque, fermentando deferbuit, atque in doliis postea quievit, grate, acriterque, acet. Alia vina, non plene fermentata, sed suffocata ante Fermentationem plenissime perfectam, dulcia quidem manent, at facillime iterum recidunt in novam Fermentationem, eaque absoluta, acescunt. Aloë, & Colocynthis, fermentationem passæ, amarorem amisisse Wedelio observantur. Act. Lips. 1686. pag. 366. Ipse Vobis proposui spiritus purissimos, de Cerevisia, Hydromelle, Pomato, Tritico, Uvis: neque, credo, inventam inter hos differentiam. 6. Odor, sapor, virtus, nova, proprio nomine Vinosa dicenda. Habet fere aciduli, calidi, pinguis aliquid ex ipsa Farina, Melle, Saccharo. 7. Generatio Spirituum horum vel de materia prius omnino aliena, vel de oleo, plantæ. Posterius valde quidem probabile. Sed, quæso, ex quali oleo? asseritur quidem ab omnibus fere Chemicis, ex oleo essentiali. Sed neque vel hoc satis capio, quonam experimento definiant: quia Spiritus Rector, olei essentialis faber, fermentando perditur. Et sane in materie fermentata, dein per destillationem orbata suo spiritu, plurimum olei manet: sed residuum hoc ego non potui resuscitare in novam fermentationem, neque ulla arte novos tales spiritus inde educere. Ita, ut in quolibet fermentabili certa tantum sit, & definita, portio, quæ apta nata est Spiritus, certa iterum quantitate, fermentando facere, & fundere. Impossibile porro est ulterius has divitias extendere. Sed rursus aliud quid mecum consideretis, rogo. Purissimum, absolutissimeque fermentatum Vinum Tartarum generat candidum. Ille oleo est inflammabili penitus, & penetrantissimo plenus. Sed nullo artificio Chemico inde elicies spiritus ardentes, quales ex Vino affatim produces. Videtis ex his, ô Optimi, quod materies, in Spiritus hos fermentatu mutabilis, sit prorsus singularis: attamen, Fermentatione horum spirituum generatrice jam per omnem orbem terrarum ubique exculta, immensa horum copia assiduo gignitur, ab animalibus consumitur, vel in auras exhalat. Sed saliva, sanguis, urina, animalium his spiritibus quotidie utentium, in destillatione vix ullos reddunt spiritus. Neque tamen usquam in rerum natura

materies nova his gignendis deest, modo accesserit Fermentatio. Cogitate super his! habebitis novam, elegantiae Vestrae dignam, meditationi materiem. Sed & salini quid Fermentatio producit; quum acidum hic generetur, idque volatile satis, quamvis minus volatilis sit illo spiritu. In aceto enim sal volatilis acidus, subpinguis sursum it, qui de non fermentata illa materie prius non prodibat. Interim tamen fermentatu spiritus ipsi aliquid hujus acidi volatilis ferunt. Hinc Olea, & Sales acidi, fermentabilium attenuari, volatilia reddi, uniri, videntur Fermentatione, atque certa portione consumi. Nam si Rosmarini herbam non fermentatam cum aqua destillare cogo, oleum odore, sapore, vero Rosmarini cum aqua alba iisdem imprægnata dotibus, accipio. Si fermentatam cum Melle, ante absolutam plene Fermentationem, destillo, accipio Aquam stillatitiam albam, crassam, opacam, pinguem, virtute Rosmarini ditissimam, sed adhuc aliquid olei, quamvis minus quam prius, innatat illi aquæ. Tandem vero, si plene Fermentatio prius fuerit absoluta, & tum destillationem institui, accipio pellucidum, aquæ miscibilem, viribus medicatis præstantem Rosmarini Spiritum; sed oleum non apparebat amplius, illud prius nimirum Essentiale dictum. 8. Per Fermentationem ille natus spiritus, oleosi particeps, evasit jam volatilior ipsa aqua, quum Oleum essenziale, ante fermentationem non esset tam volatile, quam Aqua, sed plantæ leni calore actæ omni aqua privari poterant, nullo adhuc oleo simul adscendente.

23. Adjumenta, Fermentationi feliciter exercendæ bona, præcipua hæc invenimus. 1. Requiritur quies massæ fermentantis; ut pellis, superius formata, maneat integra, non rupta: qui enim, commovendo hanc, assidue materiem miscuerit, effectum carebit Fermentationis. 2. Aër communis, libere admissus, emissusque, quin & intime permixtus, calcando, deprensando, premendo. Qui, si inde cohibetur, Fermentationem suffocat. 3. Tepor, ante definitus, inter sexaginta forte, & octuaginta ad summum gradus. 4. Tempus anni vernum imprimis, & autumnale, aiunt illud favere, quo plantæ iterum florent, unde Vinum ortum fuerit: inde Vina pendula fieri, iterumque fervere dicuntur facile, tempestate illa, qua Vitis iterum floret.

24. Impedimenta quidem Fermentationis, quibus ideo & suscepta sistitur, iterum, aut aboletur, hæc præcipua. 1. Acidus halitus accensi sulphuris, diu, satisque magna copia, quandoque repetita, inclusus aëri illi, qui in cado fermentantis supra hæret. Si enim totum dolium prius vapore inflammatis sulphuris penetratum, impletumque, recipit liquidum fermentans; & dein vacua dolii in supremo pars eodem repletur penitus, tumque clauditur, cum cautela tamen, sistitur Fermentatio; quæ tamen, quiescens aliquamdiu, suis denuo de causis resuscitata, iisdem fumis compestitur. Idem solet obtineri, si acidum forte, magna copia, permiscetur fermentanti corpori. Aluminis, Nitri, Salis, Sulphuris, Vitrioli, acida id præstant; sed corrumpunt simul hæc liquida. 2. Sales Alcalini quoque, si copia magna immisceantur fermentantibus, statim quidem majorem excitant effervescentiæ tumultum, sed qui mox defervens, totam ulterius agitationem sistit; corrupta etiam fermentantis natura. Unde postea in his Fermentatio vix iterum, sed Putrefactio quidem in-

stitui poterit. Apparetque inde, Alcalia magis, quam Acida, obstare Fermentationi, suffocato, aut inverso omni acido. Hinc 3. omnia illa, quæ acidum penitus absorbendo destruunt, idonea si copia permiscantur fermentantibus, post brevem luctam effervescentiæ, etiam actionem hanc comprimunt. Creta, lapis Cancrorum, Corallia, Margaritæ, Ostracodermata, Ferrum, Plumbum, Stannum, hæc efficiunt. 4. Obturatio vasis, in quo liquor, adeo accurata, ut nihil prorsus exspirare inde, aut introire, queat. Modo vas adeo sit forte, ut vi coërciti liquoris non displodatur. Id manifestissimum in Cerevisia recenti, cantharis conclusa fortissimis, quæ aëris postea admissum nacta, prohibitam diu, & suffocatam, Fermentationem in violentissimam effervescentiam convertit, vimque ostendit accumulata maximam. Idem & in doliis experiuntur ubique: namque reluctantur inter se, & fermentantia, & compescentium vasorum renixus. 5. Frigus quoque nimium omnem omnino Fermentationem abolet: namque infra triginta ~~sex~~ gradus caloris ultra vix progreditur. 6. Calor nimius, qui si nonaginta gradus excedit, dissipat potius actiosa principia fermentabilium, quam ut eadem incitet, & promoveat. Unde ipsa fortis exhalatio, majori caloris gradu peracta, inspissat fluida in densitatem Fermentationi prorsus ineptam. Coctio autem idem longe celerius efficit ita, ut succus Uvarum optimus a fermentatione vix, imo vix, prohiberi potens, celeri coctione amittat omnem prorsus ad fermentandum aptitudinem, maneatque deinceps massa per annos quietissima, nec mutata. 7. Separatio aëris elastici subducti per Boyleanam Machinam, qua persistente, nihil motus hujus oritur. 8. Tandem & compressio summa ejusdem aëris cum re Fermentabili prohibet penitus Fermentationis ortum, progressumve.

25. Fermentati perfecte liquores, vasis arctissime clausis, & bene plenis, una cum floribus, fœcibusque, aliquamdiu frigido loco, & quieto, conservati, ubi dein plures sic nacti spiritus, destillationi committendi erunt, debent, priusquam destillationi applicantur, commovendo misceri una cum suis fœcibus: quia sic longe plus spirituum progignitur. Sed & tum caveri debet, inter destillandum, ne fœx fundum aheni attingens, densata, ambusta, empyreumate afficiat totum liquorem: quare movetur baculo donec fere ebullit: quo fœx, liquori æquabiliter mista, calore magno hoc in motu retenta, crassa dilutis intime permisceat. Ita enim omnes rite prodibunt spiritus tam de liquore, quam de fœce, & cavebitur ambusti fœditas quam optime. Si autem liquores hi, ante destillationem, aliquamdiu prius quieverint, metus minor erit, ne adscendant flatulenti extra ahenum destillatorium. Sed ubi adhibentur destillationi statim post Fermentationem, tum impetus Fermentationis recens, superstesque, violente ebullientem liquorem sæpe sursum evehit, sicque totam operationem turbat. Quare prudenter in principio agendum erit.

26. Cavendæ ambustioni servit 1. fundi & laterum aheni inunctio pingui oleoso, antequam infunditur liquor destillandus. 2. Agitatio assidua materiæ immixtæ, donec a calore porro permisceri perget, & impediri per hunc motum, ne crassamentum in fundo colligi queat, ibique affigi. 3. Nihil magis hanc ambustionem præcavet, quam si in aheni destillatorio

prius aliquid aquæ fortiter ebullit, & tum, dum hoc fit, liquor destillandus subito immittitur: quippe fervens ille vapor cava vasis replens, impedit, ne fermentatum immissum parietibus accrescat.

27. Si autem, ut jam monitum, tota fermentata materies, Flos, Liquor medius, Mater, simul accuratissime mista, committuntur destillationi, prius asservata, tumque distincta, dabuntur boni spiritus.

28. Simulac calor destillanda eousque calefecit, ut jamjam ebullitura sint, cavendus primus imperus. Id fit si aheni pars superior tertia manet vacua; os vero colli aheni linteo tenui tegitur, ut hoc superextensum maneat applicato alembico; tumque ignis ita gubernatur, ut destillantis liquidi gutta cadens statim sequatur præcedentem: ita enim erit tuta destillatio, quæ ubi dein hoc modo aliquamdiu sustentata fuit, postea aliquanto plus intendi caute poterit, expulsura sic commodius, quoscunque reperit, spiritus. Liquores autem limpidiores, tenuioresque, ut Hydromel, & Vina, tum & antiquæ Cerevisiæ, cautelis non egent adeo sollicitis. Sed, quæ de Farinaceis statim, post Fermentationem absolutam instituitur, omni cura indigebit. Ideoque priora destillare licet sic statim, ut destillantes spiritus decurrant per serpentem pleno fere rivulo.

29. Dum Fermentatorum descripta destillatio modis definitis fit: liquor primo exeuns, ore exceptus acer est, calefaciens, mordax, saporis singularis, spirituosus dicti, & valde penetrabilis. Est pariter mobilis imprimis, maximeque volatilis, ut pauca sint cognita his magis volitantia liquoribus: ut Spiritus alcalinus, purus, spiritus fumans de Stanno, atque Nitri, Salisque marini, vapor Glauberianus, Salque alcalinus sincerus, volatilis: cæteris fere omnibus volatilior. Liquor hic, calefactus valde per ignem, admota flamma, incenditur promptissime, totusque fere consumitur. Temulentiam excitans, Stuporem, Apoplexiam. Parca dosi spiritus excitans mirabiliter. Nervos punctos, semilaceros, dolentes, calore suo ocysime fanans. A putredine conservans immissa cuncta corpora Vegetantium, Animantumque, solo colore aliquantum immutato. Si in illo, haud penitus libero omni aqua, Sacchari purissimi quid solvitur, pellucidus hic liquor, tenerrima conservat. Si aqua diluitur, tumque fomenti instar tepidi applicatur, cum pauco Sale Ammoniaco, & Aceto, forte præbet liquidum, quo vix aliud felicius coagula resolvit, inspissata discutit, gangrænosa sistit, a proserptu cohibet, separat putrida, liquida nimium destillantia exsiccat. Hic Spiritus vocatur Vini, ejusque omnium prima exstillans pars Præcursor vulgo vocatur.

30. Si omni hoc Spiritu expulso penitus, residuum urgetur eodem igne per eadem vasa, liquor tum prodit minus volatilis, acetosus, acidus, adstringens, frigefaciens, nauseosus, putidus. Remanet dein in fundo fœx spissa, quæ deinde omni arte fermentandi tractata nunquam iterum fermentescere potest, neque novum deinde spiritum producere: licet ex spissitudine ejusdem quis id exspectaret quam maxime. Si tamen igne agitur magno massa relicta, oleum fœtidum, empyreumaticum producitur.

31. Quod si exsiccata fœx omnis fermentati destillati aperto postea exuritur igne, cineres dabit falsos, indeque parandum Salem fixum subalcalinum, vel alcalinum, plane ut Processu 5, 6, 9, 10, 12, 19. produce-

batur. Unde certo constitit, Fermentationem perfectissimam non posse volatilem reddere materiem Vegetantium illam, quæ combustionem ignis fixatur, quæ in Salem essentialem converti poterat Processu 7, 8.

32. En, Auditores dignissimi, hæc est brevis quidem, tamen vera, Historia Fermentationis, Chemice enarrata: hujus Subjecta, Auxilia, Impedimenta, Causas, Modos, Actionem, Effecta, sic exposui, ut forte non sit ulla alia actio Physica, adeo clare, & distincte definita, atque ab omni altera tam accurate separata, quam hæc habetur. Hinc deinceps sollicitè cavebitis, ne unquam confundatis actionem hanc Naturæ, cum ulla alia, quæ hinc diversa: ne turbentur vocabula, hincque disciplina. Liberabitur sic Medicina tot, adeoque ineptis, de Fermentorum fictorum invocatione commentis, quibus & turbata & oppressa habetur a semi-Chemicis. Repurgabitur Physica, Animalium, Fossiliumque Historia, tot frustra inductis opinionibus de Fermentatione, quæ equidem nunquam ibidem perficitur: in sola officina Chylopoiesios prima animalium, fermentabili cibo, potuque, sustentantium vitam suam, hæc inchoari quidem, mox vero abrumpi penitus, videbitur, in paucis tantum morbis forte ulterius paulum producta, usque per intestinorum fistulam. In Alchemia quoque licentia abusi summi fuere Magistri, nimiumque late vagari ex una, alterave similitudinis specie, dum Metalla fermentari dixerunt. Oportet in artibus strictissime limitare operationem quamque per individuas proprietates, quæ constituunt singularem indolem illius actionis: ita enim, audita modo voce talis efficacix, statim mens intenta capit, quidnam ibidem contingere certa sit. Sollicita utamur cautione, ne confundatur unquam cum Effervescentiis, ne cum Ebullitione, per ignem oriunda, misceatur, ne usurpetur pro Putrefactione Vegetantium, Animaliumque. De quibus postea.

P R O C E S S U S X L I I I.

Farina & Maltum, subacta idonea aque copia, fermentant.

A P P A R A T U S.

1. P Ræmissa doctrina generali Fermentationis, juvabit, exempla coram dare, quibus Artis, Naturæque, modum ipsi cernatis. Igitur scietis, duplicem hic obtinere modum agendi. Quorum primus Cerevisiam parat, sive Vinum frumenti, atque inde Vini Spiritus, alter statim spiritus e frumento conficit fermentato, quales de Cerevisia produci solent. Ad primum modum; Malto affunditur trito aqua fervens fere, miscetur accurate, infunduntur tribus, quatuorve, horis calida. Tum Maltum, sola infusione, imprægnavit aquam flore frumentaceo; quod frumenti nativi farina haud ita fecisset. Depromptum infusum desuper a residuo Malto, coquitur donec redactum ad spissitatem desideratam. Hoc decoctum solum, emollit, laxat, purgat per inferiora, refrigerat, resistit inflammationi. Si dein refrigerato huic liquori, in loco tepido, admiscetur aliquid Floris Cerevisiæ potentis, aut fæcis, sicque spiramento aperto retinetur, oritur Fermentatio violenta; qua absoluta, ocysime

panno trajectus liquor frigidus in doliis accuratissime clausis reponitur; fitque Cerevisia optima. Quæ, quo diutius duret, amarissimis herbis additis certa mensura incoctis primo, ab acedine servatur. Si Decoctum hoc satis coctum inspissatum, amaris moderate conditum, perfecte fermentatum, accuratissime obturatis cadis conditum, in apothecam cadorum diu repositum, deinde destillat ex vesica, per serpentem, vasis purissimis, dabit prima vice Spiritum Vini tam pulchrum, quam ullo de Vino unquam arte producetis, eumque fragrantissimum, nullo omnino nidore ingrato præditum. Ita expertus ipse didici vix differre talem Cerevisiam a Vino generosissimo, & miratus sum, ab omni ævo, nobis cognito, id notissimum fuisse, atque usurpatum. Quod paucis libemus. Diodorus Siculus L. 1. Osiris Rex, si quæ tellus plantam Vitis non aleret, docuit ex Hordeo potum Vini fragrantia, & jucunditate, non multo inferiorem. Herodotus in Euterpe, ζύθη οἶνον ἀπὸ κριθῆς γινόμενον. Tacitus de Mor. Germ. Potus, ex Hordeo, aut Frumento in quandam similitudinem Vini corruptus. βύνη Aëtio, Hordeum madefactum, donec germen emisit, deintostum cum enatis ligulis.

2. Alio, coque vulgatori, modo idem perficitur, ut jam coram præparo. Sumo Malti farinæ lb̄ xiv. Secales farinæ lb̄ vij. has curo desendas cum aqua pluvia calida, accurate, diuque miscendo, donec sit liquor modice tenuis, quem deinde in dolium hoc querneum infundo, atque repono in hanc cistam ligneam dolium, ut in eo queat servari in tepore æstivo. Fermentat satis fortiter. Relinquo sic tamdiu, donec pellis superior formata inter fermentandum ad fundum subsederit. Claudio tum vas. Sicque relinquo aliquamdiu. Erit liquor in dolio supernatans limpidus, acidulus, in fundo massa ingens farinosa, non glutinosa, destillationi apta.

PROCESSUS XLIV.

Mel aqua dilutum fermentat.

A P P A R A T U S.

Accipio, ut cernitis, Mel, id diluo in aqua pluvia, ea proportionem, ut ovum recens ei immissum hæreat in ejus supremo, non demergatur ad fundum. Vocatur Mulsa. Hac impleo dolium erectum stans, sive fundo clauso insistens, ita ut foramen, per quod depromimus, relinquam apertum. Pono dolium sic plenum in cista lignea tepida, ut perpetuo caleat per septuaginta gradus. Incipit Mulsa breviter fermentare cum omnibus symptomatibus fermentationis. Relinquitur ita, donec penitus deferbuit. Erit tum liquor saporis spirituosus, dulcis. Qui clauso vase servatur. Est Hydromel.

PROCESSUS XLV.

*Maltum & Farina fermentata (33.) destillant in Spiritus
ardentes , & Acetum.*

APPARATUS.

1. **A**heno destillatorio infundo libram aquæ puræ bullientis , suppono ignem , ut maneat bene ebulliens , tum infundo huic aheni Maltum & Farinam , fermentata prius juxta Processum (43.) , concussu prius quam optime permista inter se , ut tertia pars maneat vacua ; succendo dein ignem , interim baculo sæpe agitando , ne crassamentum accrescat fundo aheni , utque tota massa rite permista maneat. Postquam vero tantum incaluit , ut jam fere inciperet ebullire , alembicum appono , ignemque dirigo prudenter , sic ut alembicus percalescat , spiritusque per serpentem distillet satis fortiter , prodibit liquor limpidus , tenuis , spirituosus. Ille observandus , quamdiu prodit , & colligendus seorsum , titulo Spiritus Frumenti.

2. Ubi desinit prodire ultra hic Spiritus , tum prodit liquor acidulus , ingratus , nauseosus , albus , in quo nihil saporis calidi , spirituosi , inest ; sed qui , si ultra urgetur , fœtere incipit.

USUS.

Hic , liquor primus , ille est , qui antea in Historia Fermentationis descriptus fuit pro titulo Spiritus fermentatione nati.

PROCESSUS XLVI.

*Hydromel , fermentatione productum (44.) , destillatum dat
Spiritus ardentes , & Acetum.*

APPARATUS.

1. **H**ydromel , rite paratum , & , clauso vase , diu asservatum , (44.) destillo ex aheni destillatorio : quumque minus flatulentum sit , minorem requirit , quam præcedens materia , cautelam. Prodibit primo optimus Spiritus Vini , nulla inde nota distinguendus , qui , quamdiu prodit , observatur , seorsumque colligendus erit.

2. Postquam omnis ille eductus erit , mutato recipiente alius excipitur liquor acidulus , aquosus , albus , ingratus.

U S U S.

UTerque hic Processus præbet exempla Spirituum destillatione ex fermentatis eliciendorum, una cum cautelis debitis. Crassa materies Farinosi fermentati, aut Hydromellis, superstes in fundo aheni, post spirituum eductionem, habet adhuc aliquid nutritii in se, ut & illud, quod a facta Cerevisia superest. Sed, si secundum artem fermentationis tractatur, non poterit iterum suscitari in fermentationem; sed acefcit quidem, & vappescit, neutiquam Vinum reddit, unde iterum spiritus generari, atque elici, queant, sensim autem corrumpitur magis, magisque.

P R O C E S S U S XLVII.

Depuratio Spirituosorum Liqueorum, qui fermentatione producti sunt.

A P P A R A T U S.

1. **A**Ccipe quoscunque Spiritus fermentatos, destillatos semel, hos d. **A**ex aheni destillatorio, ad duas tertias pleno, destilla igne moderato, ut leni rivulo defluat, vel ut leniter ebulliat liquor. Prodiabit limpidissimus, tenuissimus, fragrans, Spiritus sapiens Liquor. Recipiens sapius removeatur, ut gustetur, num idem Spiritus pergat prodire, & continuetur tamdiu. Spiritus ita producti, sollicitè seorsum collecti, vasis optime clausis asservati, vocantur a Chemicis Spiritus Vini Rectificati. Qua in re certum est, primo prodeuntes semper optimos esse.

2. Quando igitur in hac destillatione incipiunt exire Liqueores aciduli, albi, aquosi magis; hi seorsum debent colligi, ne prioribus permisceantur, titulo Phlegmatici humoris, solentque magna satis copia exire, paucò tamen Spiritu præditi.

3. In fundo vasis dein alius manet humor, crassiusculus, opacus, pinguis, acidus, ingratum olens, cæterum penitus aquosus respectu spirituum. Si ex puro Vino adusto destillato remansit hic liquor, semper ruber erit, & saporem habebit austeriusculum, qui color, saporque, imprimis oriuntur a ligno quærneo, in quo solent vina illa adusta dicta servari: nam resinofum, oleosumque, ligni extrahere solent: primo enim destillata colorem, odorem, saporemque, hunc non habent, sed prorsus pellucida habentur; tandem vero mora in ligno dotes has acquirunt, rectificatione exuunt.

U S U S.

1. **H**Inc bene intelligimus modum, quo Spiritus hi ita depurantur, ut fere puri, solique existant. Quo autem descripta depuratio sapius repetitur, eo semper habebuntur magis sinceri, in qualibet de-

stillationis geminatione semper iterum aquosum, acidulum, phlegma deponentes : unde semper quidem simpliciores acquiruntur, attamen aliquid aquæ retinentes.

2. Cognoscimus etiam Spiritum Vini dictum, vulgo venalem titulo Vini igne eliquari, vel adusti, constare semper quadruplici, eoque distinctissimo genere partium. Continet enim Spiritus sinceros, fermentatos, sequenti Processu solos exhibendos; dein aqua pura, quæ etiam inde separari poterit sola in sequentibus duobus Processibus; tertio, acido quodam acetoso, fermentato, quod etiam adscendit sursum destillatione prima Spiritus Vini, satisque fortiter innexum manet, quod inde separatur accurate Processu sequuturo, quadragesimo nono; tandem, oleo quodam fœtidulo, pauco, semper se manifestante, quoties Spiritus Vini, & rectificatus, alcali fixo sicco admiscetur, aut quoties Spiritus ille inde destillatione abstrahitur. Hinc factum fuit, ut Chemicis, quandoque minus hæc observantes, sæpe adhibendo Spiritum Vini vulgarem, invenerint phænomena, quæ non exspectaverant. Hæc tum sæpe minus recte adscribuntur Spiritui Vini: quin potius aliis illis rebus huic mistis imputanda. Interim alia illa fieri possunt aliis de causis, Spiritus vero hic uni fermentationi tantum adscribitur.

3. Fuerunt boni Autores inter Chemicos, qui, videntes acidum fere semper concomitari hos Spiritus, scripserunt, igitur Spiritus illos acidos esse, atque de acido generari, inde constare. Sed sane recta ratione reputanti res forte aliter apparebit. Enimvero Spiritus purissimi hi, a Sale alcalino fixo destillantes, omni omnino acido, nobis noto, carent; attamen optimi, & genuini sunt. Fateor ergo, Spiritus hos non produci nisi de Vegetantibus, & quidem per fermentationem prius acescentibus; ita tamen, ut acidi non sint hi Spiritus, sed de materie acescente geniti. Hinc vere de his dici nefas, acidos esse, vel alcalinos, sed suæ indolis.

4. Spiritus tandem hic ad ultimam perfectionem hoc modo rectificatus, adhuc semper compositus erit.

P R O C E S S U S XLVIII.

Alcohol de Spiritibus Fermentatis (45. 46. 47.) sine addito.

A P P A R A T U S.

1. **S**piritus Fermentatus quicumque, inprimis rectificatus, ex alta, angustaque, cucurbita vitrea, igne leni, in furnulo descripto T. I. pag. 471. ad dimidias: oportet autem calorem haud esse centum superiores gradibus. Partem dimidiatam hanc primo egressam, ex vasis purissimis iterum sic age. Idemque opus repete tamdiu, donec dimidium in cucurbita residuum appareat tam generosum, quam id, quod abstulimus. Erit egressus hic Spiritus ille, qui Alcohol Vini vulgo dici solet, habeturque pro sincerissimo Spiritu, cui nihil quidquam alieni, ne phlegmatis quidem aquosi, adest. Hac methodo, aliis sed in furnis, antiqui Artifices utebantur. Vide, apud Collectorem Menstruorum Chemicorum,

præscripta de parando Spiritu Vini Philosophico. Sed severitas posteriorum reperit, semper adhuc aliquid aquæ abscondi intra hos spiritus: unde infelix successus experimentorum, ubi Alcohol, sine aqua, requirebatur. Sed etiam tædiosus labor carissima perdit tempora; quare industria non requiescens compendium laboris, puritatem Alcoholis, sic quæsit.

2. Constructum fuit furni genus, ubi balneo aquæ, non potentis calefcere ultra 214. gradus, ahenum destillatorium satis capax, aquæ imponitur; in hoc demittitur Spirit. Vini vulgaris, ut ahenum duas tertias plenum sit. Clauditur dein alembico in longam, erectam, angustam, fistulam protracto, cujus recurvatæ extremitas ori serpentis immittitur. Infiruitur dein destillatio ita, ut aqua, in balneo ebulliens, faciat fortius ebullire Spiritum Vini, unde tum solus spiritus potens ab igne fugere tam alte, & per alembicum adeo angustum, destillabit, quamdiu in liquore adest. Sed simulac Spiritus exhaustus, tum phlegma aquosum non adscendit, sed quiescit tum statim destillatio; sicque habetur prima vice, intra duas, tresve, horas, quantum præcedenti methodo vix spatio mensis posset prolici: quare tali instrumento carere nemo potest, qui ad opera Chemica copioso Alcohole indiget. Vid. Furni hujus constructionem T. I. pag. 473. 474. & Icona in Tabulis. Attamen invenio, re rite explorata, vel sic tamen, parum quidem, attamen aliquid adhuc aquæ, huic Alcoholi adhærescere, quod inter destillandum spirituum ope sursum simul rapitur. Hinc destillationem hanc repetivi, sumendo primum Alcohol solum, idque per hunc ipsum furnum destillando. Habui Alcohol, quod omni ferè nota apparebat sincerum. Attamen & hoc aliquid adhuc aquæ retinebat in se. Unde crediderim, hac methodo nunquam posse perfecte separari Spiritum ab Aqua; quamvis fateri debeam, esse quam minimum, quod aquæ relinquitur in hoc opere.

3. Hinc ergo institui postea hanc destillationem ita. Sumo Alcohol, paratum hoc instrumento prima destillatione, eo impleo ahenum ad dimidias, tum adjicio Salis marini purissimi, decrepitati, calidissimi, siccissimi, semilibram, imposito alembico, & clausis quam sollicitissime vasis, relinquo sic mista horis duodecim simul, in calore tam parvo, ut Alcohol ebullire neutiquam possit; dein destillare cogo Alcohol, primas binas uncias seorsum servo: quoniam forte aquosi vaporis aliquid in fistula alembici, aut in serpente, posset latitare; id autem primo hoc Alcohole facile deterfum erit. Dein duas tertias Alcoholis sequentes vase purissimo, siccissimo, vitreo, excipio, & servo vasis quam sollicitissime clausis. Post destillare facio residuum, ut prius. Tum & ultimos hosce Spiritus seorsum servo. Manebit in aheno Sal madidus, qui in se attraxit aquam ex Alcohole, hanc retinuit secum, neque calore ebullientis aquæ dimisit, ut cum Alcohole posset adscendere. Cæterum sal, sic præparatus, nunquam mutat hoc Alcohol per admisionem sui corporis: quia decrepitatus, fervidusque, immisus erat. Hac ego methodo potui hoc in furno parare quam citissime Alcohol sincerissimum ad omnia Chemica.

U S U S.

1. **A**lcohol sic perfectum liquor est, post aëra levissimus; pellucidissimus; tenuissimus; simplicissimus; totus inflammabilis, sine ullo fumo, absque ulla relictæ fœce, procul omni fœtore inter comburendum; maxime volatilis sine ulla fœce relictæ; destillando immutabilis sibi constans; maxime dilatabilis a calore; facillime ebulliens ad ignem; odore gratissimo; sapore singulari grato; coagulat uno momento humores corporis humani omnes notos, excepta pura aqua, & urina; firmas corporis ejusdem partes cogit in duritiem; ambas a putrefactione, aut spontanea deliquescentia, præservat; immissa huic corpora insectorum, piscium, avium, & aliorum animalium, illibata conservat, & per seculum durabilia tenet, si cum iis in lagenis clauduntur; aquæ, aceto, acidis liquoribus quibuscunque, oleis, salibus alcalinis, volatilibus, puris, miscetur, æquabili fere miscela; gummosa, resinosa, solvit: unde nullum cognoscimus liquidum, arte Chemica productum, aut a natura factum, quod pluribus fert se permisceri corporibus; inprimis autem Spiritui Rectori Vegetantium præbet aptissimum vehiculum, cui nexus hic spiritus suo de corpore extrahi, servari, usibus dein tam medicatis, quam aliis, adhiberi, queat satis commode. Chemicorum Principes, qui Adeptis accensentur, in artificiosa præparatione hujus perfecti Alcoholis descripta, putantur adumbrasse arcani lapidis Philosophorum confectionem. Sane Alcohol hoc soli fermentationi ortum debet; non paratur aliter.

2. In corpore humano vivente, odore, sapore, halitu suo, spiritus animales, naturales, vitales, nervos, cerebrum, mirifice excitat, grate afficit, movet; unde animos, sensus, agilitatem, auget, alitque; inde varios per gradus tandem temulentiam excitat, quam ocysime, sed & quam celerrime evanescentem. Sanguinem, serum ejus, alios latices coagulat uno momento: unde imprudentius epotum uno momento occidisse bibentem dicitur. Extrinsecus applicatum exsiccat, vasa roborat, humores coagulat in vasis, ad quæ, insinuando se, pervenire poterit. Nervorum extrema, quæ valet attingere, uno momento arefacit, contrahit, omni motu, sensuque, privat. Unde liquet, quam imprudenter, sæpeque & infeliciter Alcohol vel purum, vel cum spiritibus aromaticis imprægnatum, idque calefactum, pro fomentis adhibeatur, vel & vi frictionis adigatur, extrinsecus, ad proposita Chirurgica, addita & Camphora, similibusque, in hoc Alcohole dissolutis. Vos ab his cavebitis: nam loco speciosi tituli vivificationis, calefactionis, mobilitatis restituendæ, resolutionis, dissipationis, obtinebitis modo, quæ statim vere adscripsi his Spiritibus. In vulneribus pariter, ulceribus, aliisque apertis malis, applicatio puri Alcoholis eadem præstat coagulando, exsiccando, nervos urendo. Nervos quidem orbat doloris molesto sensu, at eosdem simul omni usu privat. Idemque facit, quoties semilaceros hos, punctuque irritatos, sedat. Sistit uno momento sanguinem, vas contrahendo, coagulando cruorem attractum, sed simul efficit, quæ statim monui. Habet inde celerrimum, sæpeque optimum, ad hæcce usum, semper tamen multum malis.

3. Ex quibus etiam cognoscitur, quid purum Alcohol faciat animalium, plantarumque, ipsi immixtis partibus. Si enim in his oleosum quid, id Alcohol purum in se dissolutum ex illo corpore immixto extrahit. Unde illud postea attenuatum, contractum, sæpe & rugosum evadit. Inde animalium præparatæ partes sæpe sic mutatæ apparuerunt. Aromatici flores, folia, fructus, similia inde patiuntur. Aviculæ vero plumis ornatæ, atque animalcula squamis duriusculis instructa, in Alcohole calido merfa pulcherrime conservantur: quia non tam facile conspiciuntur, quamvis iis acciderit, hæc attenuatio. Quando autem aliquo tempore in Alcohole sincerissimo macerata, eo bene penetrata sunt, dein in clibano calido, non fervido, exsiccata, mox in lagenis vitreis suspensa sic, ut accurate commercium omne cum aëre externo prohibeatur, tum per secula queunt fervari, incredibili quidem bono Historiæ Naturalis, & Medicamentariæ: quia certa inde manet dignotio.

4. Quum vero infinitis in casibus, iisque sæpe pulcherrimis, Chemicis, aliisque Artifices opus habeant vero, purissimoque, Alcohole ita, ut, si quam minimum modo aquæ residuum in eo fuerit, statim experimentum amplius non succedat. Hinc notis quibusdam debemus certissimi esse, an Alcohol purum possideamus. Illæ autem notæ Vobis hæc imprimis sunt.

1. Si Alcohol putatum oleum quoddam dissolutum in se abscondat, statim ac aqua miscetur illi composito albescet mistum, oleum separabit se ab Alcohole.
2. Si acidi quid in Alcohole latet, tum si parum ejus Spiritui Salis Ammoniaci alcalino confunditur, effervescencia nata docebit acidi præsentiam: aliter simplex fit coagulum. Si alcalini quid in eo absconditur, tum acidi affusio id docebit nata effervescencia. Alii Sales raro in illo hærent.
3. Difficilius detegitur an aliquid aquæ latentis adhærescat: quare Chemicis invenere quædam certa artificia, quibus id explorant. Quorum primum fuit ipse labor repetitæ tædiosæ destillationis, unde putabant solos se possidere spiritus, absque ullo aquosi Phlegmatis admixtu. Verum jam supra dixi, nunquam me potuisse hac ratione obtinere Alcohol sincerum, semper autem Phlegma ipsi vel sic adhærescere. Secundo igitur in cochleari purissimo, siccissimo, putatum Alcohol, calefactum, incenderunt in loco, ubi nullus omnino ventus, sique tum, post integram deflagrationem, nihil humidi remaneret in cochleari, certissime verum hoc Alcohol pronunciabant. Sed tamen cautiores postea per alia, mox recensenda, experimenta viderunt, actione flammæ simul aquam latentem in Alcohole dissipari posse in aëra; ideoque absentiam humidi aquosi post consumtum per flammam Alcohol, non demonstrare absolute, nihil omnino aquæ in Alcohole hoc hæsisse ante combustionem ejus. Tertio igitur sumfere optimum Pulverem Pyrium, hunc exsiccaverunt quam optime, dein parum illius posuerunt in fundo cochlearis puri, siccissimi, superfuderunt Alcohol, id dein calefactum incenderunt tantum in suprema superficie adhibendo flammam. Tum in loco quietissimo sinebant deflagrare; si in fine exsiccatus Pulvis Pyrius siccus ab ultima flamma incendebatur, putabant, equidem sincerissimum haberi Alcohol hac nota. Sed & hæc eidem obnoxia dubio fuit. Ideoque bini posteriores modi veredocent, Alcohol illud, valde purum ab aqua, non docent, nihil conti-

nere aquæ. Quare quarto tandem exploratur Alcohol quam certissime, an omni omnino aqua careat, una hac via. Sit phiala Chemica, capiens ampulla sua quatuor, aut sex, Alcoholis uncias, instructa collo angusto, longo, impleatur ad duas tertias Alcohole explorando; tum immittatur Salis Tartari purissimi, siccissimi, fervidi adhuc ab igne, drachma. Misceantur conquassando simul, dein teneantur supra ignem, ut calecant simul paulo minus, quam ut Alcohol ebulliat, si sic calefacta, & conquassata, Salem Tartari relinquunt perfecte siccum, sine ullo humectationis signo, certi sumus, nihil omnino aquæ hæere in hoc Alcohole, aut, si quid ejus inesse adhuc contendere quis velit, utique nullo hactenus cognito experimento propriam firmabit opinionem, nisi ab aqua collecta ex flammis combusti integre Alcoholis. De quo experimento satis egi. Tom. I. pag. 173. 174. Cæterum, quando Alcoholi, habito pro optimo, admiscui Salem hunc alcalinum, prehendi ilico aquam, si inesset. Cepi enim Alcohol, quod penitus deflagrabat, quod pulverem pyrium incenderat, admistus talis sal Tartari humectatione sua statim ostendebat aquæ præsentiam. Rursum Alcoholi, in quo sal alcali fixum, jam diu siccum remanserat, & adhuc erat, admiscui quam lenissime unam, alteramve guttulam aquæ; statim postea sal, qui tamdiu manserat siccissimus, admistu aquæ tam paucæ humectabatur, videbatur pinguescere, juxta vas decurrere. Hinc ergo singularis natura Alcoholis, per proprietates suas individuas, satis, superque, definita est; maxime, si additur, tale Alcohol, vi ignis destillans per alembicum, non apparere: nam neque instar aquæ facit guttas roridas, neque instar Spiritus Vini generosi striatim decurrit, sed manet invisibile, quod quidem antiquis Chemicis notum fuisse patet ex eorum scriptis. Hæcque Fermentationis ultima linea habetur: quia ulterius perficere, imo & mutare hoc Alcohol, vix datur.

P R O C E S S U S X L I X.

Alcoholis productio per Alcalia.

A P P A R A T U S.

I. **Q**Uoniam sæpe indigemus subito copia magna sinceri Alcoholis, ubi tamen destituimur apparatu, & supellectile Chemica, neque simul nocet proposito, si forte alcalini quid fixi inesset liquori, invenit Chemicorum labor huncce modum, quem sic propono. In hacce cucurbita vitrea pura contineo Spiritum Vini vulgarem. Illi vero admisceo subtripulum ponderis Cinerum clavellatorum, purissimorum, siccorum, qui descendunt statim in fundum. Concurtio vas; cernitis ilico madescere salem, & in fundo incipere dissolvi, supernatare vero liquorem, tenuem, rubrum. Quo magis conquasso simul, eo semper magis inferiora liquefunt, superiora separantur. Nec tamen unquam possibile est hæc duo miscere, sed quiescentia ocyssime se colligunt in duo distinctissima strata. Quo Spiritus Vini generosior fuerit, eo erit plus supernatantis liquidi. Et contra.

2. Quiescant jam aliquamdiu hi liquores : ut rite se distinguant. Dein lenissima cucurbitæ inclinatione effundatur supernatans in aliam cucurbitam puram, siccamque; bene cavendo, ne quidquam incidat de inferiori liquido. Sit tum sal alcalinus fixus ad ignem exsiccatus, illeque calidus adhuc immittatur in cucurbitam, quæ priorem spiritum, semel jam aqua sua privatum, continebat. Conquassentur diu simul in cucurbita hac clausa; videtis, quod adhuc madescat aliquantum Sal, siccus, immixtus. Quare pergo sic diu commiscere simul, donec videam tandem, non magis dissolvi salem, sed limpidum rubrum liquorem supernatare, qui tanto sincerior habebitur, quo siccior, calidiorque, fuerit sal alcalinus admixtus, quoque idem diutius fuerit conquassatus cum liquore. Tum vero, hoc prius peracto, fundo liquorem hunc in phialam altam, chemicam, puram, siccam, eique superfundo parum salis alcalini aridissimi, purissimi, quam fervidissimi; repono simul in loco calido ad centum gradus, sæpe concutiendo; si sal immixtus non madescit ullo modo, Alcohol paratum erit purum, colore tamen rubrum, sapore non sincerum, odore utcumque ingratum, atque notas occulti in se alcali effervescendo cum acidis, & sapore lixivioso, referens. Semper autem in hac operatione apparet aliquod pingue oleum, quod se separat a Spiritu Vini, aut a Cineribus clavellatis, vel forte ab utrisque, quodque ingrato nidore præditum est. Quin etiam alcali fixum, adhibitum huic operi, naturam suam mutat, epoto acido, quod fuerat in Spiritu Vini, sibi que juncto, unde tandem sal compositus fit, satisque volatilis. Hinc etiam inveni, salem hunc, aliquoties huic operi adhibitum, semperque, post singulas quasque operationes, iterum exsiccatum, tandem in naturam terræ foliatæ Tartari quasi abire, certe ulteriori usui alcali fixi ineptum reddi. Unde confirmantur, quæ dixi de natura, partibusque, Spiritus Vini vulgaris.

3. Si, sic paratum, Alcohol hoc leni igne semel ex cucurbita destillat, satis purum habetur, neque ineptum ad operationes omnes, in quibus Alcohol purum exigitur. Verum quidem est, aliquid subalcalescentis adhærere; id vero tollitur, si pauca guttulæ Olei Vitrioli ante destillationem admiscantur quam prudentissime, donec amplius non fiat effervescencia, neque ultra: tum enim destillatum inde Alcohol simplex habetur.

4. Unde & discitis, separationem Alcoholis puri adeo non esse, ut jactatur, facilem: quia destillando acidulum, & aquosum, liquidum intime adhærescit, alcalinum adhibendo & hoc arte se illi innectit. Quare neque miramur, experimenta elegantissima, simplex requirentia Alcohol, adeo raro succedere. Quin & liquet salem alcalinum Alcohol sæpe aptare quibusdam experimentis; vel quia aquam separat, acidumque, & oleum; vel quatenus de sua quoque natura alcalina aliquid admiscet, sicque solvendi vim acuit. Cum cura igitur respiciendum ad hæc omnia, priusquam decidere liceat de effectu succedente, aut negato.

5. Chemia ergo, producto hoc Alchhole, finem artis reperit: quoniam ulterius perficere nequit hoc Alcohol, neque in alia simpliciora resolvere, imo vero neque mutare. Patuit mihi indaganti sedulo, Spiritum Vini limpidissimum, depuratum destillatione communi, rectificatum adeo dictum,

dictum, Sali Tartari purissimo affusum, divisum fuisse in duas partes, quandoque æquales fere, quarum una simplex erat aqua, altera vero Alcohol purissimum, idque notum satis. Sed nunquam licuit, tentanti plurima, videre, quod vere simplex Alcohol, unitum Alkali fixo puro, jungeret partem dimidiatam suam oleosam materiæ alcalinæ salinæ, in saponis balsamici indolem, Samech Paracelsi dictum; alteram autem dimidiatam partem suam separatam daret meram Aquam Elementalem. Id magnus Helmontius quidem asserit pag. 58. 86. succedit sicut dixi statim. Non sic, ut Helmontiani aiunt, quod se hic Sulphur Vini associaverit sali alcalino: nam in meis, aquam salem petit, quamdiu aqua in Alcohole, & Alcohol rejicitur. Illi autem aiunt, oleum Alcoholis unire se sali, aquam expelli. Sed de hac re pluribus ad sequuturum Processum octuagesimum, ubi operosa circa hoc negotium instituta experimenta enarrandi nata erit oportunitas: nec pluribus hic opus est.

PROCESSUS L.

Aceti origo.

APPARATUS.

1. **I**ntellecto effectu Fermentationis primæ, Alcohole; superest consideratio alterius ejusdem producti, scilicet Aceti, quod nunquam habetur verum, nisi prægressa Fermentatione, & quidem geminata: oportet enim, Vinum prius factum esse, quam Acetum parari queat. Rursumque Vinum quodcumque aptum est arte mutari in Acetum. Si nimirum vina, aggregatæ propriæ fœci copiosæ, propriis inter fermentandum enatis floribus, proprio tartaro in pollinem redactæ, & abundanti, stipitibus, caulibus, pelliculis vinaceis, foliis acido-austeris Salinum Tartareum habentibus, miscentur, moventur, loco tepido, vasis ligneis fervantur, inprimis in dolio penetrato prius vapore Aceti, & in aëre quoque, ubi vapor acetosus abundat, novam fermentationem concipiunt, cum enato simul calore satis notabili. Hacque nota differre videtur fermentatio acetosa a priore fermentatione vinosa. Si enim postrema hæc diutius longe quam par est protrahitur, tum vinum quidem acescens vapescit, nunquam vero in bonum acetum transmutatur; id autem ut fiat, singularem operationem, accurate definitam, exigit.

2. Remota igitur materia fermentationis acetosæ est omne Vegetans, quod fermentationi vinosæ aptum habetur, si modo prius in vinum rite conversum fuerit ope prioris fermentationis vinosæ. Proxima autem materies Aceto parando apta omne Vinum est, qualecunque fuerit, una observata hac regula, quod meracissima quidem vina acerrima solent Aceta progenerare, debilia autem in Acetum verti queant, sed debile & iners.

3. Fermenta autem, quibus promovetur pulcherrime fermentatio acetosa, inprimis hæc sunt. 1. Aciduli vini acida fœx, vel mater dicta. 2. Aceti collecta in antiquis doliis fœx; maxime acerrimo ipsa aceto saturata. 3. Tartarus in pollinem redactus de acido vino. 4. Acetum ipsum rite

prius perfectum, adque summum acedinis gradum evectum. 5. Cadi lignei annosi, qui diu aceto acri jacuerunt repleti, hincque acerrimo illius acido penitus penetrati fuerunt. 6. Permissio sæpe repetita fœcum cum proprio suo vino. 7. Pedunculi, cauliculi, pelliculæ, Cerasorum, Ribesiorum, Uvarum, harumve capreoli, similesque partes stirpium acidosteræ. 8. Fermenta acida, secalina, pistorum. 9. Composita ex omnibus præcedentibus inter se permistis, inprimis quoties aliquid de acerrimis aromatis simul commistum est illis acidis: tum enim Aceta cum his producta fortissima evadunt.

4. Totam rei historiam olim accurate descripsit Glauberus contra Bärnerum, atque postea etiam hæc edita in Actis Philosophicis Regiæ in Anglia Societatis. Res compendio huc redit. Fiunt duo vasa quercina, ingentia, figuræ cadorum vulgarium. In singulis horum construitur craticula lignea, a fundo infimo erecti vasis distans ad pedis altitudinem. Craticulæ huic dein imponitur stratum modice densum virgultorum recentium, viridum, Vitis; & huic acervus de pedunculis inprimis botryum unde acini ablati, ad altitudinem, ut totum hoc vas, superius patulum, his plenum sit usque ad altitudinem pedis a supremo vasis margine. Binis ita primo paratis vasis; infunditur vinum, unde Acetum conficiendum, in utrumque vas; ita tamen, ut eorum unum ad summum usque repletum sit, alterum tantum ad dimidiatam partem. Quotidie cadum semiplenum ex pleno implent alternatim, nec relinquunt vas plenum ultra viginti & quatuor horas. Oritur tum in vase semipleno, secundo vel tertio die, agitatio fermentationis cum calore sensibili, qui per gradus dein successivos quotidie increscit magis, magisque; & in vase pleno illo die motus, calorque suffocatur, ut fere eo die cesset. Hinc alterne fermentatio, & calor, jam in uno, jam in altero vase, desinunt, resurguntque. Continuatur autem hocce opus, donec tandem calor in vase etiam semipleno exstinguitur, neque motus amplius fit. Tum signum habetur fermentationis hujus perfectæ acetosæ. Quare etiam Acetum paratum cadis reconditum obturatis servatur. Quo fervidiore calore æstuat officina hæc, ubi vasa acetifica reponuntur, eo citius absoluta est Aceti confectio; quæ in Galliis æstivo tempore quindecim diebus perfecta. Hyberna autem tempestate, & frigido loco, lentius longe protrahitur. Quin etiam æstuante cœli fervore, aut officina valde calefacta, opus sæpe erit, singulis duodecimis horis de pleno semiplenum replere: quoniam aliter in semipleno tantus calor, & fermentatio exoriretur, ut Spiritus Vini volatiles, necdum satis fixati, tanto fervore dissiparentur de Vino, priusquam in acidum Aceti spiritum vincti essent, atque fixi. Tum enim vapora quidem maneret postea acida, sed quæ nullo modo Acetum generosum exhiberet. Propterea quoque vas semiplenum, in quo æstuans agitatio obtinet, operculo semper accurate accommodato sic clausum tegitur, ut agitati liquoris spumans ebullitio coërceatur, retundaturque, quo repulsi spiritus eo diutius, fortiusque, agant in austum corpus, ejusque reactione vinciantur. Opercula hæc etiam de eodem conficiuntur ligno. Vas autem repletum non tegitur operimento, sed relinquitur semper aperturn: quo aëri præbeatur ad liquorem mutandum liberrima accessio. En,

Auditores, hæc est Fermentatio illa altera in Aceti confectionem tendens, ibique terminata. Falso hæc habetur pro liquore nato post jacturam spirituum inflammabilium primæ Fermentationis. Non : Vappa hæc erit, nequaquam Acetum. Sed quo generosius, spirituque opimo turgentius, vinum admovetur huic operi, eo melius Acetum parabitur; quo etiam debilius vinum, aut spiritibus evanidis magis privatum, eo inertius Acetum obtinebitur. Hinc generosissima Cerevisia, eodem tractata modo, meracissimum præbebit Acetum. Quod & de opimo vino Hispanico verum est. Est interim notandum quam maxime in hoc opere, quod non sine notabili calore nato in ipsa hac fermentatione hæc conversio Vini in Acetum fiat; quum spumans mustum vindemiæ tempore vix caleat. Cerevisia saliens ingenti suo motu ne tepescat quidem. An igitur ad acidi generationem calor semper requiritur? Cerealìa, frumentacea, lac, ut aceant, postulant calorem anni, foci, aut vitæ. Ignis violentia Nitrum non acidum, Salem non acescentem, Sulphur non acidum, convertit in acidissima. Vos ruminare hæc, & cuique fere rei suum deberi calorem addiscite. Sed & aliud est, quod sui in contemplationem nos vocat. Dum modo statim descripto Vinum Aceti naturam induit, limpidus interim hic, & tenuis, liquor deponit incredibilem copiam crassi, pinguis, oleosi, quasi smegmatici, & unctuarii, humidi. Id sensim parietibus doliorum, pedunculis acinorum, vitisque virgultis, undique accrescit. Undenam hoc? in vino sane nulla hujus indicia, in virgultis austeris, & acerbis pedunculis, nihil minus quam pingue oleum quæreremus. Tamen ita de vino gignitur: quia ablutum hoc regeneratur a vino. Debet etiam semel in anno auferri crassamentum hoc unguinosum: quia aliter vinum cadis infusum non in acre, macrum, Acetum mutaretur, sed in corruptum, crassum, pinguem, liquorem, nulli aptum usui transformaretur. Ideo tum subita actione omnes illi pedunculi Aceti acerrimi fermento turgidi, ut & virgulta, subitissimo per aquam trajectu ab obsidente unctuario raptim liberantur, ne diuturna in aquis ablumentibus mora vis acida stipitulis educeretur; tum craticula, parietes, fundus, vasorum acetificorum etiam eadem cautione depurantur; statimque, pinguitudine modo ablata, instruuntur cum craticula, virgultis, pedunculis, ut prius, quo eidem porro operationi iterum serviant. Donec longa Vini rursus in Acetum conversione eadem crusta obesa enata doceat vinum vere ejicere oleum, dum in Acetum transit. Fermentumque acetificum dolio, craticulæ, pedunculis immorari: unde potestas eadem antiquis hisce cadis amplissima, qui cum cæteris memoratis tandem quasi spongiosæ aceto featurigines habentur. Tandem memineritis, ut supra dixi, Alcohol paratum de meraca, annosa Cerevisia, distingui haud potuisse de Alcohole parato ex Vino lautissimo; sic idem & hic repetere fas est de Aceto. Enimvero Cerevisia fortissima, annosa, arte exposita mutabitur in Acetum æque bonum, purum, utile ad usum quemlibet, quam id, quod unquam confici poterit de Vino laudatissimo, neque facile reperietur discrimen, nisi quatenus cerevisiæ conservandæ amara quædam, colorem, & saporem, alienum conciliantia, naturam simplicis cerealis mutant: cæterum enim nihil hic apparet discriminis. Hinc iterum de actione hac satis constat.

5. Igitur effectus hujus secundæ Fermentationis absolute peractæ est boni Aceti productio. Ut igitur accurate hæc iterum intelligatur, consideremus, quid ipsum Acetum sit? Acetum hoc est liquor vegetabilis, acidus, penetrans, subpinguis, volatilis, productus ex Vino per actionem descriptam; cujus pars destillando primum exeuns est acida vere, neutiquam inflammabilis, sed ignem, flammamque instar aquæ extinguens. Quæ quidem, miræ satis, dotes accurate distinguunt Vinum ab Aceto. Vinum paratur prima Fermentatione directe ex Vegetantibus; Acetum paratur secunda Fermentatione ex Vino jam prius factò. Vini pars prima volatilis, destillando prodeuns, inflammabilis in luculentam flammam; Aceti pars prima volatilis, destillando prodeuns, flammam extinguit, ut aqua. Est igitur hic facta singularis unius productio ex alio. Peritissimi quidam inter Chemicos dixere, Acetum esse Tartarum Vini volatilem: quia Tartarus Vini pars acidissima, sed non volatilis; Acetum Vini conversio in acidum, sed volatile; tum etiam quia Vinum Tartarum ponit plerumque, Acetum vero, diu licet repositum, nunquam: quum tamen oleo magnam partem privatum in sua confectione, & acidius hinc redditum, crederetur, tanto plus Tartari debere gignere. Verum quidem est, id, quod a destillatione Aceti in fundo supermanet, videri accedere ad naturam Tartari, sed tamen, re rite explorata, longe aliud quid apparebit, sequenti quinquagesimo primo Processu. Cæterum ad Chemiam, Medicinam, totamque Physicam, multum proderit, cognoscere Aceti hujus naturam, de qua igitur pauca hæc proferre juvat. 1. Est liquor jam statim suas per notas descriptus, quibus modo addere liceat nunc, quod sit Sal volatilis, oleosus, acidus: oleum enim ejus, mirifice sub macilento reconditum acido tenui, manifestissimum reddetur postea experimentis evidentibus, plurimisque, inprimis secuturo Processu 76. & 173. Hæc vero compositio admodum utilis est: quoniam putredini, humoribus animalium adeo communi, adeo periculosa, adversa, interim oleosi adunati mitificatione minus acris habetur. Simul adeo penetrabilis liquor hic est, ut, sine partium secessu diversarum, per densissima sola transeat quam expeditissime, viribus intactis, imo & totum fere per corpus humanum, paucissima forte vascula exceperis, libere meabilis est, indeque in plurima vasa poterit distribui, ibidemque exercere vires, quas possidet proprias, inprimis excitatas vitali motu, & calore naturali. Quin & permisceri se patitur facile cum omni genere humorum corporis nostri noto, ne olea quidem exceperis; hac igitur tenuitate, & permiscibilitate sua, in corpore nostro plurima perficit. Refrigerandi vim habet eximiam, quoties Febris oritur stimulo acrioris bilis, alcaliscentis salis, aut putridi nati in corpore humano, & a morfu venenato ferarum, sitim & hinc oriundam simul sedans. Unde Dioscorides, & Hippocrates, Posca, vel Oxycrato, inprimis mellis admistu mitificato, ad hæc mala nihil reliquerunt commendatius. Chirurghi autem ad externa mala, Erysipelatum, Phlegmones, putridorum ulcerum, nihil quidquam cognoverunt pulchrius. Morfuique curando virulentorum aliud non est Posca efficacius, eximio in Rabie Canina exemplo. Ebrietati adeo quidem adversa, ut quum Spiritus Vini fermentatitius

unicum fere sit, temulentiam quod concitat, Aceti Spiritus eandem jam citam domet. Imo vero somno vinoque sepultus ex abusu spirituum, ingesto excitatur Aceto. Hinc Nervis ipsis erigendis, movendisque Spiritibus, vix aliud aptius. Debilibus, languentibus, lethargicis, soporosis, syncoticis, vomituriis, incassum sæpe succurrere conatus per artificiosissima Chemiæ producta, summum tandem ab Aceto naribus, orique, adhibito, vel in ventriculum ingesto, auxilium impetravi. Quin etiam, quod soli credent experti, Convulsis, Hypochondriacis, Hystericis, prodesse sæpius memini. Jure ideo Hippocrates & Galenus & Splenicis laudabant. Ad putredinem veram humorum, corruptionem mortiferam, gangrænosos reptatus, adeo prodest, ut nihil habeat simile: quod expertus palam eloquor. Quid autem verbis opus? nonne, æstuantissimo fervore Autumni incandescente, & putredinis intentante saniem, caro, cruorve, copioso perfusa Aceto sincera servantur? Sed & attenuandi virtutem quoque, pace aliter sentientium, Aceti virtutibus accenseo: Si enim tepesfactum cruori immiscetur, ejusdemve fero, diluit illa, non cogit, nec generat hac admistione polypos, sed suaviter resolvit coagulata. In Acutis ideo Febribus, in ardentium Februm immanitate, in Peste, Variolis, Morbillis, similibusque malis, ubi fida Anatome toties coagulata repperit, Acetum remedium summum, ubi alcalini, volatiles sales, tam infausto eventu adhibentur: quia acri stimulo velocitatem, & natam inde densitatem adaugent. Videte Salis volatilis oleosi si non autorem, laudatorem utique supremum, Clarissimum Franciscum de le Boe Sylvium. Quoniam prophylactico fretus, peste agros securus invisit? Aceto ad unciam unam, alteramve, prius epoto tutus. Testatus etiam omissi semel culpam dolore statim nato capitis fuisse. Sudoriferum certius, efficaciusque, ignoramus: quum Acetum dilatum, aut merum, si potatur, quam maxime sudores propellat, etiam in Peste, maximeque malignis in morbis, ubi alia vix respondent. 2. Generatio hujus Aceti videtur pendere a combinatione illius ardentis spiritus, qui prima Fermentatione fuerat paratus una cum acido quodam paulo fixiore, quod in illo Vino latebat. Hos enim inflammabiles spiritus non hic perire, vel perdi, jam supra constitit. An jam forte in hac secunda Fermentatione illi spiritus uniantur Sali essentiali Vini, sive Tartaro ejusdem? maturæ vestræ indagini relinquo: hoc addam, videri hic converti Spiritus Vini in mutatam omnino indolem Aceti. Id si verum, forte hic unus modus erit, publice cognitus, quo ipsa Alcoholis materies in aliud mutari vere constat. 3. Forte Sal essentialis Vini pulcherrimus est Tartarus Vini hac re natus; qui tamen consumitur totus in confectioe Aceti. In qua tamen lentum illud oleum tantum de eo separatur. Si enim Vinum Rhenanum, defœcatissimum, recens tamen, deponitur in cadum mundissimum, plurimum generabit optimi Tartari. Quum tamen idem illud Vinum, arte dicta conversum in Acetum, posteaque asservatum quam diutissime, Tartarum non exhibeat. Et tamen, ut jam monui, in illa secunda Fermentatione acetosa nihil nati; aut depositi, apparuit, quod ullo modo referret Tartarum, sed tantum illud oleosum tenax, longe diversum a Tartaro. 4. In Vini destillatione ante aquam paratus ferment-

tatione Spiritus educitur ; sed in Aceto , altera fermentatione parato , & dein , destillato , veteri , aquosa pars , præcedit , & dein , hac primo ablata , succedit Spiritus acidus , eo semper fortior acetosus , quo magis ad extremum processit destillatio : unde ergo cernimus , primam Fermentationem suum productum proprium volatile reddere , geminatam hanc suum fixare potius effectum. Est utique actio mira Fermentatio ; ex dulci Musto Vinum parat acidulum. Ex re , in qua fuerat prius nihil Alcoholis , parat Alcohol ; iterumque de dulci generat acidum , & de Alcoholis materie educit rem ab Alchhole diversissimam.

6. Adjumenta hujus acetosæ Fermentationis deprehenduntur. 1. Tempus satis notabilis. 2. Liber penitus aëris non admissio tantum ; verum & admistio. 3. Motus , conquassatio , & confusio repetita , per ipsum aërem liberum. 4. Aromatum acerrimorum inter fermentandum admistio.

7. Impedimenta hujus Fermentationis sunt omnia illa , quæ in Historia Fermentationis primæ recensui hoc titulo ; nisi quod motus concutiens hic juvet , ibi noxius.

Atque ita quidem tota Fermentationis Historia exposita habetur , tam Vinosa , quam Acetosa.

P R O C E S S U S L I.

Aceti destillatio in Aquam acidam , Spiritum acidum , Extractum , Sapam , Tartarum , Oleum.

A P P A R A T U S.

1. **E**X alta , angustaque , vitrea cucurbita , tres quartas plena , fiat leni igne destillatio Aceti vetusti de vino optimo , donec quarta pars adscenderit : erit hæc levis , limpida , per alembicum vitreum guttulis roridis , sparsis , decurrens , instar aquæ ; non cum spiris , ut spiritus. Sapor hujus acidulus est , sed leviter. Si flammæ injicitur , hanc exstinguit ut aqua. Si iterum hæc pars egressa pura de cucurbita ad dimidias destillat ; pars prima egressa fere aquosa est ; usumque habet optimum , quoties requiritur acidum lenissimum. Hæc ita omnes Chemici scripserunt. Unus nihilominus Vigani ausus fuit scribere , quod omnium primo prodeuns Aceti pars in destillatione sit inflammabilis , in igne ardens. Litem ut componam , dixero quid invenerim. Aceti recens in Galliis facti , statimque huc delati , quod saporem nondum habebat acidissimum , ad viginti libras usque maximæ retortæ vitreæ statim immisi ; summaque cum patientia repente modo calore destillavi. Halitus in excipulum mundissimum refrigeratus pinxit oleosas spiras , ut in destillatione Vini solet contingere. Pergebam mirabundus eodemque pede , donec prægressas strias excipere incipiebant vapores roridi , dispersi ut in aquæ , & aceti , destillatione fieri notum est. Statim seorsus cepi , quod exstillaverat primo. Erat saporis spiritus vini vulgaris diluti cum debili aceto ; sique lucidæ injiciebatur flammæ ardebat , ut vini spiritus. Quando autem idem illud Acetum annum & ultra jam vetustum erat , accurate semper

clauso vase asservatum, idemque cum illo experimentum instituerem, aliter res evenit: nam non apparebat Spiritus inflammabilis, sed aquosus tantum Aceti vapor. Unde didici, inflammabiles spiritus tempore uniri in Aceti acidum. Saporem hinc Aceti recentis vinosum adhuc. Idem autem sensim evadere acidius, & acrius. Tumque omnes primos esse mutatos spiritus, solos sapere acidos. Vere ergo inflammabile in Acetum verti, non inflammabile deinceps. Chemicos adeo vera dicere, sed neque Vigani sententiam falsam, modo de recenti Aceto dixerit.

2. Destillare porro curavi id Aceti, quod supererat a subducta prima quarta, augendo parum ignem, eumque continuando, donec de hoc residuo iterum duæ tertiæ ablatae essent. Adeoque de quatuor libris adhibiti Aceti antiqui una jam modo libra supererat. Liquor roridis apparuerat guttis; saporis erat longe acidioris, odoris etiam non ingrati quidem, attamen subempyreumatici quodammodo; ponderosior etiam videbatur, si affunderetur priori parti ima petens. Hoc Acetum stillatitium vocare jure licet.

3. Igne dein auctiore iterum residua quarta destillet ex retorta vitrea in excipulum non nimis frigidum, exhibit liquor limpidissimus, acidus valde, penetrans ita, ut per lutum appositum transsudet, atque ægre ascendens, nisi majore igne urgeatur, unde & tum excipulum valde calefacit, facileque dissilire cogit. Nullas tamen & hic strias parit. Quin & igni injectus hunc exstinguit. Pergatur donec de priori Aceto adhibito vigesima modo pars a destillatione supersit, vel & minus. Ultimus liquor empyreuma olet.

4. Hærebit in fundo retortæ liquor ater, crassus, acidus, oleosus, empyreuma valide redolens. Si urgetur ad extremum usque valido igne, dat acidissimum, ponderosum, empyreumaticum, fœtidum, liquorem; tandemque oleum miri nidoris; nigra vero tandem fœx remanebit acida. Quæ igne exusta aperto dat fœces fuscas post luculentam flammam, quam concipit, alitque. Dein alcalescens Sal in fœce manet satis copiosus, & acer.

Ex quibus omnibus patet, ne vestigium quidem Alcoholis remanere in tanta Aceti copia. Tartari naturam ne quidem hic superesse, sed volatilia potius omnia, pauca modo parte excepta. Acetum differre tota natura ab acidis quibuscunque notis.

Hæc ego ita coram Vobis peregi: ut naturam Aceti nosceretis ex ejusdem compositione, & resolutione. Sed foret tædiosa nimis, & pretiosa, hæc operatio pro Aceti stillatitii productione in usus vulgares Chemicos. Quando igitur illo opus erit, solemus tum vesicam æneam, destillatoriam, Stanno intus rite incrustatam, replere ad tres quartas Aceto destillando; dein capitellum vitreum, huic negotio aptum, apponere, sicque per serpentem destillare igne, quo ebullit Acetum, primoque seorsum colligere primam quartam partem exstillantem; deinde iterum duas quartas, hæcque rursus asservare solas pro Aceto stillatitio ad opera Chemica. Quarta pars residua in aheno fervari poterit, donec copia ejus magna collecta destillationi singulari queat inservire, pro parando Aceto stillatitio fortissimo, ad quædam singularia opera. Semper autem ære eroso corruptum deprehendi, unde ad internos usus in corpore humano non valet.

U S U S.

ACetum hoc stillatitium est acidum oleosum salinum, in se vires possidens Processu præcedenti de Aceto explicatas, magis penetrabiles tamen, & terrestri inertia liberatas, adeoque agiliores, volatilioresque. Sapa autem Aceti, ex eo in vitro destillante remanens, post septem octavas destillando abductas, remedium est nobilissimum antisepticum externum, internumque. Sed ob horridum saporem pluri saccharo, aut melli mistum prius, mitificatumque, adhibetur. Ut Angelus Sala in Oxyfaccharo observat: Sapa enim illa verus est sapo detergens acidus, eo semper efficacior, quo magis evasit inspissatus: tanto enim oleosæ magis indolis. Experimento hic etiam discimus, quam mire queant abscondita latere distincta elementa rerum inter se: quis enim credidisset, tantum oleosæ materiæ hære in Vino defæcato, quantum in confectione Aceti inde demittitur? Quis in Aceto adeo macilento expectasset Sepam nigram, oleosam, spissam, inflammabilem? Denique in Aceto limpidissimo, stillatio, aquam æmulante, nunquam pingue oleum, & copiosum latere suspicaretur nemo. Interim observavere Artifices in his primi, quod acidum Aceti stillatitii adunatum pulveri Plumbi, ut inde enatum fuerit ita appellatum Saccharum Saturni, ibi cum eo coalescat in pingue, lentum, sacchari dulcis genus. Id vero leniter siccatum, deinde ex retortis vitreis destillatum, præbet liquorem pinguem, qui instar spirituum Vini ardet. Ut ita abstrusum illud sulphureum in aquoso latuerit Aceto, hacque operatione iterum manifestetur, quasi renatum. Ni forte quis potius cogitaret, e metallico Plumbi corpore molli Aceti acido oleum combustile separari, adeoque omne illud combustile liquidum metallicæ tantum esse originis. Quod mihi quidem verosimile non videtur: quin acido spiritus Nitri rosam Plumbum Vitriolum quidem austerum, subdulce, generat; sed tamen in destillatione deinde facta non reddit talia inflammabilia liquida, quod sciam, ut de Aceto fit. Quin & Aceto stillatio purissimo ad Salem Tartari calcinatissimum affuso, liquidum inflammabile renasci, alio, eoque luculento, experimento, patebit, Processu septuagesimo sexto. Nihil magis mirum, quam fæcem Aceti acidissimam dare Alkali.

P R O C E S S U S L I I.

Aceti stillatitii Rectificatio per se.

A P P A R A T U S.

Sumatur Aceti stillatitii, præcedenti Processu, numero secundo, quantum placet, ex cucurbita altâ destillet leni igne ad dimidias. Id, quod egressum erit, seorsum fervetur, ferveturque dimidium, quod in vase remanserit, separatum. Id, quod adscenderat, erit leve, limpidum, aquosum, minus acidum. Altera vero pars, quæ restitit in fundo post destillationem, dabit Acetum stillatitium acerrimum, acidissimum, magis ponderosum.

U S U S.

U S U S.

Rectificatio igitur Vini & Aceti prorsum contraria. Ibi pars optima prima volatilis, hic ultima residua bona. Acetum coquendo fortius redditur acriusque, Vinum ebulliendo iners, crassa, turbida, ingrata, vap-
 pa fit. Inde etiam carnes, cartilaginee, ossa, pelles, diu cocta in Aceto, deliquescent tandem, inque spissum rediguntur liquidum, vi moti, & inter coquendum roborati, acidi ex Aceto. Acetum autem illud stilla-
 titium, forte, inprimis requiritur ad solutiones metallicas omnes, quæ, ut fiant, acidum requirunt acrius.

PROCESSUS LIII.

Aceti stillatitii Rectificatio ope Æruginis.

A P P A R A T U S.

1. **S**I laminæ aris rubri, optimi, superficies roditur spiritu, qui exha-
 lat de calcatis uvis, educto prius musto, calescentibus, spiritum-
 que exhalantibus, flos enascitur cærulescens viridis. Qui derafus serva-
 tur. Laminæ denuo sic tractatæ iterum similem florem dant. Omnes hi
 collecti in massam dant Æruginem, quæ est æs rosam hoc spiritu, ei-
 que combinatum. Id non potest parari feliciter, nisi tantum iis locis,
 ubi fœx multi vires possidet adeo acutæ, & penetrabiles. Spiritus igitur
 hic non Aceti est, sed ille potius medius inter acidum crudum, & vino-
 sum fermentatum. Tali ærugini, quæ æquabili per totam massam colore
 amœno tincta est, contritæ in cucurbita pura, vitrea, affunditur. Aceti
 stillatitii rectificati ea copia, ut decem pollices superemineat, ponuntur
 simul in calore satis magno centum & quinquaginta graduum, baculo
 ligneo sæpe commovendo. Tum brevi Aceti Spiritus tingetur colore pro-
 fundo, viridi, elegantissimo. Effunditur liquor purus quiete, sine admistu
 ullo fœcis, in aliud purum vas. Affunditur fœci residuæ novum Acetum
 stillatitium, instituitur digestio, agitatio, quies, effusio, ut prius. Hoc-
 que sedulo repetitur, quamdiu Acetum colorem viridem ulterius extrahit.
 Omnes liquores colorati, simul servati, vocantur Æris Tinctura. Incredi-
 bilis autem copia non soluti manet.

2. Tincti liquores, per chartam filtrati, ex cucurbita purissima destil-
 lent igne ducentorum graduum, tamdiu, donec tandem in vase relictus
 humor viridissimus colligat in superficie pelliculam. Liquor exstillans,
 aquæ instar limpidus, aquosus, parum acidus, erit. Alter autem liquor,
 qui inspissatus remansit, reponitur quiescens in cella subterranea. Con-
 crescit brevi ibidem in crystallos nitidissimas, virides, pellucidas, undi-
 que vitro inprimis accrescentes, instar crustulæ. Effunditur liquor non
 concretus quam accuratissime, ut crusta crystallina sicca remaneat, quæ
 in aëre calido, lentissime siccata, de vitro prudenter separata, ita serva-
 ri debet, ne a nimio calore opaca reddatur. Liquor autem superstes

denuo ad pelliculæ apparitionem inspissatur, rursus in crystallos similes cogitur separandas pari cautela. Sicque pergitur, donec omne æris veri, quod in ærugine inerat, conversum sit in æruginis crystallos puras. Quæ in officinis *Ærugo* destillata pervolgato jam vocabulo appellari solet. Si teritur in pollinem, pigmentum dat coloris pulcherrimi viridis. Ille autem ulceri adpersus fordido *Escharam* mox gignit, non sine dolore, totaque tum apertura ulcerosa exsiccat. Subtus enata inflammatio crustam separat, sicque teterrima quandoque pulchre sanantur: est enim ut de Mercurio, & Argento, nata rodentia.

3. Idonea dein copia talium crystallosum ex retorta vitrea per gradus ignis varios, sensim auctos, urgetur, parum aquosi liquoris primo exstillans seorsum servatur, vel abjicitur. Dein liquor ubi prodit acidus, pinguis, striatim decurrens, ille separatus colligendus, servandusque, erit. Habetur satis ponderosus, atque acido saturatissimus omnium, quæ ex aceto parari poterunt ulla arte nota. *Basilus Valentinus* ideo laudavit ad margaritas solvendas. In manu ductione Medicinæ. Et *Zvvelferus* Acetum *Esurinum*, & ut liquor *Alcahest* se habens, nimia laude jactat, vapulans inde *Tachenio*. Operatione peracta *Cupri rosi* pulvis manet iterum Aceto stillatitio solvendus, in glebularum crystallinas, virides, cogendus, ut prius.

U S U S.

Acidum hoc fermentatum est acidissimum, quod parari potest de Vegetabilibus: quare ditissime possidet virtutes Chemicas, & Medicatas, quæ inde sperari queant. Quum ergo appetitum putredine bilis, aliorumve humorum, prostratum opposita vi excitet; hinc *Esurinum* vocant. Quoties tamen acido stomachus oppressus appetitu caret, oberit hujus acidi virtus. Id autem crebro fieri, norunt Clinici. Cæterum hoc acidum amittit vires suas acidas cum absorbentibus, alcalicisque, æque ac alia acida: quare non audiendus, qui hoc negat, *Zvvelferus*. Acetum stillatitium aqua fit & acido. Acidum hoc ex Aceto trahitur in venerem, respuitur aqua, & sola relinquitur. Acidum hoc, vix mutatum, adhærescit *Cupro*, cumque eo subsistit specie corporis solidi. Sed iterum inde expellitur hoc acidum ab ære per vim ignis vix mutatum, & relinquit as tantum reductum in pulverem, cæterum non mutatum. Id nullo alio corpore, quam solo *Cupro*, fieri potest, quantum ejus scio: quia cætera metalla id non recipiunt, ut *Aurum*, *Argentum*, *Mercurius*, *Stannum*: *Ferrum* autem, & *Plumbum*, illud quidem in se admittunt, sed ita mutant, ut deinde acidum inde recipi nequeat purum acetosum, sed longe aliud quid. Apparet inde, quam ingens differentia sit in solvendo: Aceti acidum in æs trahitur, destillatione inde purum recipitur, neque multum mutatum, tantum aquosa sua parte liberatum; *Plumbum* acidum idem Aceti trahit in se, aquam rejicit, sed, quando destillatione ab eo repetitur, mutatus habetur liquor oleosus, pinguis, naturæ ab indole Aceti prorsus alienus. Si autem *Ferrum* dissolvit Aceti acidus liquor, non nisi aqua, sed mire mutata, inde redit. Idem acidum absorbentibus aliis, aut alcalicis fixis volatilibusve, unitum, nunquam inde, ut acidum purum

recipitur. Ut forte solum *Æs*, ejusve *ærugo*, præbeat corpus aceti acido
sincero acuendo idoneum.

P R O C E S S U S L I V.

Tartari generatio ex Vino.

A P P A R A T U S.

1. **V**ina, parata de uvis inprimis, & præcipue quidem illa, in quibus
sapor acidus eminet, vel austerus, solent dare Tartari quam plu-
rimum. Illum vero generant bonum tantummodo, postquam prius per-
fectissime deferbuerunt, fermentatione absolutissime peracta. Purissimus
autem gignitur, si, deinde, in vas sincerum infunditur. Copiosus habe-
tur ex Vino, quando hoc aliquamdiu quietum stetit supra propriam
fœcem, hancque leniter consumsit quodammodo. Ex albo, limpido,
Vino albus nascitur, qui ide deo Rhenano optimus, candidus, crassif-
simus, in fragmentis colligitur in usus medicatos, eo melior quo candi-
dior, ponderosior, splendens magis, & spissior quoad molis crassitiem.
Vid. supra Processum octavum. Ex rubro Vino ruber, impurior, mi-
nus compactus, in fragmentis minus solidis consuevit nasci, & pinguior :
de omnibus his vide jam allegatum Processum octavum.

2. Sal hic lapideus Vini, impatiens solvi in Aqua, vel Vino puro, sed
fere instar lapidis perstans, si pluri aquæ ebullienti incoquit, solvitur
quodammodo, facitque turbidum liquorem, in quo splendentia corpus-
cula natant, & oberrant. Sicque, jam inter ebulliendum pelliculam eji-
cit assiduo in superficiem; quæ, si cochleari perforato parvis foramini-
bus aufertur, inque vas siccum, calidum, latum, purum, extenditur,
aggregatur, exsiccatur; tum pollen hic albus, tenuis, vocatur Cremor
Tartari. Si, semper nova ebulliendo refecta, sic pergitur, tum tota
Tartari hujus moles, hac ratione, convertitur in pulverem hunc album,
acidum. Nisi, quod pauculæ fœces in fundo & quisquiliæ remaneant,
aliter omnis Tartarus in Cremorem abit.

3. Si vero in vase purissimo, cum vigecuplo, aut ultra, aquæ, pu-
rum, album, Tartarum ita decoquant, donec ille penitus in aqua fue-
rit dissolutus coquendo, tumque ebulliens adhuc liquor subito transfun-
ditur in vas purum ligneum, absque ullis fœcibus admistis: tum incipit
ilico formari crusta ad omnes internas partes vasis, quas liquor hic attingit,
quæ omni momento augetur magis, magisque; atque ita brevi fere
omnis Tartarus, prius in aqua dissolutus, jam concrevit in glebularum scin-
tillantes, figuratas, quæ vocantur Crytalli Tartari, seorsum legendæ,
siccandæ leniter, servandæ. Aqua superstes, frigida, parum Tartari re-
tinuit.

4. Hi modi docent naturam Salis illius, qui fermentatione vinosa pro-
ductus fuit, diversam penitus ab omni alio sale in rerum natura cognito,
in hisce proprietatibus. Poteritque Cremoris, & Crytallorum, nova in
aqua ebulliente solutio, conversio in Cremorem, & Crytallos, fieri;

semperque candidior pulvis sic obtinebitur. Sed vis Cremoris, aut Cryſtallorum, vix ulla dote melior apparet in uſus Chemicos, vel Medicos, quam Tartari.

U S U S.

FAcit intellectus Proceſſus octavus, & hicce, multum ad cognoscendam Fermentationis naturam, & producti illius, hujus nempe Tartari. Nanciſcimus ita Salem hunc mirificum, tot uſibus præſtantiſſimum. Tinctores, argenti Fabri, Chemicus, Medici, eo indigent ad plurima. Chemicus multa inde, & præcipua quædam, parant. In Medicina valet maxime ad primas vias depurandas, vel leniter, exigua doſi; vel & quam fortiffime, ſi quantitate majore adhibetur. De hiſce autem Chemicus Candidiffimus, Angelus Sala ſcripſit optime.

P R O C E S S U S L V.

Tartari reſolutio deſtillando in Aquam, Acidulum, Spiritum, Oleum, Salem alcalinum fixum.

A P P A R A T U S.

1. **R**etorta pura, vitrea, repleatur lectiffimis, puriffimisque, Tartari albi, optimi, fruſtulis ita, ut una tertia vaſis maneat ſuperius vacua; imponatur arenæ furno. Applicetur dein recipiens vitreum ingens, & ſi non piget inquinare ſordibus vix poſtea eluendis, capaciffimum. Commiſſuræ agglutinentur luto de lino communi. Supponatur aliquamdiu ignis lenis, centum gradus vix ſuperans, diu ſic continuandus. Prodiſcit aqua limpida, tenuis, acidula, ſubſpirituosa, ſubamareſcens, odorata aliquantulum, non copioſa, valde penetrans, utpote quæ per glutinis applicati meatus quam facillime perſpirat. Hæc capiatur ſeorſum ſola primo.

2. Igne tum aucto ad gradum ebullientis aquæ, aſcendit vapor ſubalbus, atque in eo Spiritus penetrantiſſimus, mire flatulentus, qui ſolet eſſe incoercibilis ita, ut per omnia luta fere penetret ſe; ſi autem luto fortiffimo, ſapientia dicto, tentamus coercere, tunc elatiſſimitate ſua vas diſplodit. Solet autem cum impetu quodam, & remiſſione, quaſi flando perſpirare per lutum. Statim vero, una cum hoc flatulento, ſylveſtri, ſpiritu, Oleum ſubtiliffimum, tenue; tranſit, coloris flavi, odoris non ingrati, ſubaromatici, amareſcens, calefaciens. In hoc mirabili Oleo deprehendi adeo incredibilem penetrabilitatem, ut, quum collum retortæ ad quinque pollices ingrederetur in os excipuli, atque rimæ commiſſurarum luto quam arctiffime forent occluſæ, ſemper tamen Oleum hoc volatile, retrogradum, ſe penetraverit per ipſum corpus luti agglutinantis ita, ut in patinam ſuppoſitam partim deſtillaret, partim vero juxta extremam excipuli ſuperficiem decurreret. Neque unquam hoc ulla arte potui hætenus impedire: ſi enim lutum impenetrabile apponitur, vas diſſilit. Non mirabar igitur, Paracellſum, & Helmontium, tantas deprædicaffe laudes hujus.

Olei, ad morbos ligamentorum, membranarum, & tendinum, quos, in contracturam usque protractos, eo curari posse, experti asserunt.

3. Seorsum collectis prioribus iterum; residuum urgeatur igne arenæ per gradus in summum promotum; exhibit porro Spiritus adhuc, & Oleum, ut in præcedentibus, sed simul oleum crassum, nigrum, fœtidum, ponderosum, tenax valde, amarum. Tartarus tum superstes, niger, acer, alcalinus est verus omni dote.

4. Si massa hæc superstes violentissimo suppressionis igne torquetur, exhibit adhuc aliquid olei crassissimi, nigri, picei, una cum fumo quodam. Nec cessabunt hæc, utcumque igne summo, & tempore longissimo, operationem produxeris. Remanebit autem in fundo massa nigerrima, acerrima, alcalinissima, siccissima, quæ aëri nudo exposita, fracto vase, ad contactum aëris externi incalescit, deliquescitque promte in humorem, neque potest conservari sicca, nisi summa cum cautela; quum Tartarus, unde producit, vix aqua solvi pateretur.

5. Quando autem nigra hæc massa, sicca, nudo igni, in aëre aperto, exponitur, flammam capit, exustaque relinquit salem album, alcalinum, fortissimum, igneum, purissimum, quantitate maxima, qua unquam paratur. Vix multum terræ dat. Deliquescit sponte, quam facillime. Si detinetur magno in igne diu, cærulescit, coloris marmorei fit, quandoque & fusci, semper tanto acrior; ut jam in historia Alkali fixi, Processu duodecimo, dictum fuit.

U S U S.

SI alias, hic certe plurima, discimus. Quam enim mirabilis Fermentatio! Secernit omne crassum, relinquit limpidissimum, subtilissimum, liquidum Vinum. Ex eo generat corpus fere lapideum, non dissolvendum in aqua, cujus elementa adeo abscondita latebant in hoc adeo tenui liquore. De hac lapidea massa, iterum aqua, spiritus, oleum, tam multiplex, tam crassum, tam copiosum. Ubinam in Vino hoc Oleum erat? ubi latebat? Alcohol ibi aderat, non tale oleum. Sed quid mirabilius eo? tota massa Tartari nativa externe, interne, erat ubique mere acida, effervescebat cum alcalicis, ut Processu septuagesimo quinto tam clare videbitis; & tamen, sola actione ignis non magni, vase clauso, sine ulla notabili separatione acidi, maxima totius molis pars convertitur ex acida in alcalinam veram sinceram. Hocque forte unum est exemplum, ubi vase clauso, igne mediocri, sine aëris liberi accessu, alcalinus, fixus, Sal gignitur: quum alias carbo niger, insulsus, modo nascatur. Quis credidisset apertum acidum, hac ratione, in alcali abiturum esse? Si autem Aqua acida, Spiritus, & Olea, refunduntur in illam massam alcalinam, superstitem, unde destillatione prius erant expressa, atque postea denuo, ut prius, destillant, tum nihil fere acidi exstillat, parum olei, totaque fere massa Tartari vertitur in Alkali. Cernitur certe inde, facilem sic esse conversionem corporis satis magni & valde acidi in corpus alcalinum: quum alcalini fortis permutationem in acidum necdum ita noverim manifestam in Chemia mihi cognita. Unde satis mirari nequeo ingenium singulare hujus Tartari, cui aliud simile ignoro. Oleum stillatitium primum Tartari, mire pe-

netrabile, commendatur ad discutiendos tumores frigidos; ad mobilitatem restituendam exarefactis partibus tendinosi in contractis membris; si balnea, fomenta, frictiones simul ferviunt idoneo modo. Si illa olea rectificantur, subtiliora adhuc, & penetrabiliora, reddita, laudantur a Chemicis ad ipsa tubera, nodosque, podagrica. Oleo hoc pretiosa suffimigia exaltari posse, multi aiunt; sed & inerrem Moschi & Zibethæ nidorem fœtore latrinæ excitari in vigorem, dicunt. Cæterum Sal Tartari hac ratione paratur longe majore copia ex eadem quantitate Tartari, quam ullo alio modo cognito, eoque quidem abundantius, quo lentior fuerit instituta destillatio. Quin & omnium alcalium fixorum hic est præstantissimus, acerrimus, penetrantissimus, purissimus; neque noscitur in rerum natura corpus aliquod, quod plus talis salinæ materiæ alcalinæ profert, quam Tartarus. Illud tamen ex vinosis alcali nigrum, post destillationem summam remanens, cum retorta hac negligenter obturata papyro reponitur, solvitur totum in liquorem, qui filtratus per manicam Hippocratis, dat egregium oleum Tartari per deliquium, infinitis usibus Chemicis aptissimum, & singularibus operationibus optime serviens. Si autem idem sal, prius aperto igne fortissime calcinatus, deliquescit pariter in aëre aperto, oleum quoque Tartari per deliquium habetur, sed acrioris, magisque alcalinæ, naturæ, quam illud prius, quod multo lenius est.

PROCESSUS LVI.

Tinctura gummi Lacæ, per 12. 55. 47. 48. 49.

A P P A R A T U S.

1. **C**hemistæ viderant, Vegetantia quædam difficulter solvi in Alcoholi, quæ soluta in eo tamen vires medicatas insignes aliquando dederant. Talia erant Sanguis Draconis, Gummi Juniperi, Gummi Lacæ, Myrrha, & alia. In quibus invenitur mire tenax durities, qua non admittunt partium suarum facilem dissolutionem. Hanc igitur variis modis incidere conabantur prius. Commodissima via hæc est. Gummi Lacæ dictum, ex Asia ad nos delatum, genus est resinæ, de arboribus abrasum a formicis, quæ, inde nidos suos construendo, magna illud copia aggerunt, inprimis in insula Ceylon, unde optimum habetur. Hoc lectissimum, purissimumque, tunditur in pollinem tenuem, irroratur pollen hic oleo alcalino (Proc. 12. aut 55.), ut sit mollior pulvicula, in urinali dicto vitro fundi globosi. Hæc pulvicula in hoc vitro ponitur in furnulo nostro descripto. T. I. p. 471. eo in calore, ut sensim exsiccet pulvicula. Dein urinale eximitur, relinquitur in aëre aperto, sine igne, deliquescit tum rursus oleum alcalinum ab aëre, iterum postea exsiccat in furnulo. Tali alternæ liquefactioni, & exsiccationi, repetitæ, tandem resolvitur vitrea illa tenacitas, inque coloratum liquidum elegantissimi coloris purpurei deliquescit hoc gummi. Tum iterum exsiccat lente, & prudenter de vitro exemptum, paratum habetur, ut

cum Alcohole inde paretur liquor, sive Tinctura.

2. Postquam ita fuit præparatum, immittatur in phialam altam Chemicam, eique superaffundatur Alcohol sincerum, ut supernatet massæ altitudine trium, quatuorve, digitorum, os colli phialæ leniter chartaceo epistomio claude utcunque, repone phialam sic oneratam in eodem furnulo, ut quam lenissime fere ebulliat aliquo tempore, duæ tresve horæ sufficiunt. Nec metuas: altitudo colli phialæ & angustia ejusdem impediunt, ne Alcohol exspiret. Frigescat liquor, & prudenti vasis declinatu effundatur liquor purus, tinctus, a subsidente corpore, in novum purum vitrum, accurate claudendum. Residuo, simili ope, cum novo Alcohole eadem operatio adhiberi poterit, & liquor natus priori affundi, tamdiu, donec materies ebulliens secum Alcohol tingere amplius neget, quæ, tum effæta, abjici tantum meretur.

3. Tincturæ omnes simul coactæ, quietis mora a subsidente fœculento depuratæ, leni admodum igne, ex cucurbita vitrea, ad dimidias separato Alcohole, inspissatæ, optimæ usibus dein suis servantur.

U S U S.

Hinc videtis alcali, aëra, digestionis ignem, aperire densum corpus, ut patiat deinde, per Alcohol vim suam educi. Reciprocationem vero exsiccationis per ignem, humectationis per aëris aquam, penetrare tandem ad intima. Esse etiam semper in his corporei quid, quod, & tantæ virtutis vicissitudini resistens, tamen solvi neget, fœcum. Tincturas itaque has actuosam talium virtutem elicere separatam ab inertia reliquorum fœculentorum. Hinc methodum hanc efficacem, expeditam, commodam, fere universalem, nitidissima præparare. Vires generales talium pendent a Spiritu Rectore, qui occultus in his rebus hospitatur, & sæpe mire proprias virtutes complectitur; tum quoque a balsamico opimo pingui, quod in iisdem adest; denique & roborante plerumque resinoso, quod in iisdem latet; tandem ab Alcohole dissolvente, jam prius explorato. Hinc itaque in genere pronunciari potest de omnibus his universalis hæc potestas, calefaciens, excitans, nervos, spiritusque agitans, exsiccans, putredini resistens, vires singulares adaugens, vasa constringens. Tinctura vero singularis hæc ex nobili Lacca amabilis est virtutis in curandis vitiis gingivarum, oris, & dentium in Scorbuto, externa affriktione adhibita solerter. Interne sumta eandem ostendit in curatione mali ejusdem secura, absque nimia exæstuatione inducta; in Arthritide, Rheumatismo lentiore, Scorbuto interiori, Leucophlegmatia, Hydrope, similibusque malis usus pulcherri mi. Sumitur repurgato prius, & vacuo ventriculo, ter interdium, ex vino Hispanico, vel Canarino. Est in hac odor gratus, amaror cum adstringentis indicio satis placens, roborandi virtutem indicans. Unde in abundantia mucosi humoris, maxime infesti uterinis vasis, titulo Fluxus albi, curanda quam optima laudatur.

PROCESSUS LVII.

Tinctura Myrrhae, per 12. 55. 47. 48. 49.

A P P A R A T U S.

Fiant omnia, ut in priori Processu. Habebitur sane nobilissima, utilissima ad quam plurima, Tinctura, quam quæsierunt diu Artifices, dolentes tamen semper, nobile hoc Gummi nec solutum semper manere. Hinc variis valde modis tentaverunt idem solvere per diversa menstrua. Hic succedit optime.

U S U S.

Exemplum hinc habetur solutionis Chemicæ in usus imprimis medicatos. Helmontius certe scripserat, Myrrham, si aditum parare sibi posset ad intima vitalium adyta, quam plurimum valere ad vitam longam, quatenus hæc sperari potest ab incorruptibilitate vitalis balsami. Si ulcera oris, narium, gingivarum, aliarum in corpore partium, fœda, hac tinctura insuccantur, fricantur, vi sua detergendi, & antiseptica, pulchre sanant. Animalium mortuorum corpora penetrata calefactæ hujus Tincturæ liquore, dein exsiccata, incorrupta perstant. Interne est optimum languentibus omnibus inertia simplici laborantibus solamen. Maxime amabili Sexui, contra illos morbos, qui ab aquosa, & mucosa, humorum inertia, & partium firmarum debili nimis laxitate, oriuntur in corpore facti a natura facile dilatabili, & in parte omnium maxime dilatabili, qui est uterus: igitur in Catarrho mucoso, uterino, Fluore albo dicto; ubi mira præstat. Quum vero inde multi exoriantur morbi, ad omnes illos certe valet.

PROCESSUS LVIII.

Tinctura Succini, per 12. 55. 47. 48. 49.

A P P A R A T U S.

Succini flavi, pellucidi, purissimi, frustula electa contendantur in pollinem farinosum, subtilissimum; ut nanciscatur superficiem quam multiplicatissimam. Pulvis hic teratur in mortario vitreo, cum oleo alcalino per deliquium (12. 55.), quo diutius, eo melius; ut sit pulticula bene subacta. Hæc in urinali puro, in furnulo, calescendo siccet, in aëre liquecat, aliquoties, ut in binis præcedentibus Processibus: nam difficillime penetratur. Tandem exsiccata bene materies demittatur in phialam chemicam, altam, arcto, sed longissimo, collo instructam. Superfunde Alcohol perfectum ad excessum trium digitorum. Concute. Dein in furnulo dicto ebulliant leniter per aliquot horas; quod hic com-
mode

mode fieri poterit. Tinctura evadet rubra. Hanc frigefactam, quiete puram, prudenter a fœce defusam, vase purissimo, curatissime obturando, serva. In cæteris perge, ut prius, donec Succinum fere consumtum in hujusmodi Tincturam. Hæc & sine Alkali, cum Alcohole solo parari potest, eodem modo; sed cum Alkali est melior.

U S U S.

PAtet vis alcali ingressum parantis Alcoholi in corpus vitri instar fragile; cujus miram, resinofam, singularem, naturam nemo satis clare explicuit hactenus. In quo componendo acidum fossile, & oleum petraë, aut his utique similia videntur concurrere. Quod sane solutioni suæ ægre auscultat. Tinctura tamen hæc nec acida, nec alcalina, nec oleosa, totam Succini compagem dissolutam gerit sapore aromatico, amarescente, mire reficiente cum sensu quasi adstrictionis, & fragrantia prorsus instaurante. Si bene facta, hyberno frigore turbata, farinosam & quasi resinofam materiem in fundum ponit, docetque, quam sit prægnans soluto Succino. Redeunte calore pellucet iterum, & depositum prius resolvit. Si de tinctura hac dimidium Alcoholis dissolventis abstrahitur, crassamentum reliquum farinam quasi Succini deponit, quæ, collecta seorsum, odoris est saporisque aromaticotati. Mirum valde est, corpus hoc ita æquabiliter totum fere solvi in Alcohole, absque notabili elementorum separatione, & tamen simul acquirere vires medicatas adeo nobiles, quæ in Succino integro non reperiebantur antea: præcipue quum destillando dividatur in partes adeo varias, & singulas diversæ virtutis & indolis, ut Processu octuagesimo sexto patebit. Sane & inde iterum exemplo cernimus manifesto, incredibiliter differre producta Chemica, prout uno, vel alio, menstruo, aut modo, perficiuntur, & præparantur. Etiam liquet, quam maxime abscondita latere posse in composito quodam elementa quam diversissima, sine ullo signo suæ præsentia & naturæ, & quidem quamvis subtilissime dividantur aut tritu, aut & menstruo quodam. Hinc etiam liquet quantum sola divisio, menstruo quodam facta, etiam absque elementorum extricatione, vires novas producat. Est autem Tinctura hæc incredibilis virtutis medicatæ adversus omnes illos morbos, qui a nimia mobilitate instrumenti proximi affectuum humanorum, spirituum, & systematis nervosi, originem ducunt; eo laxa syntaxis debilitas inprimis spectat. Inde Hypochondriacis, Hystericis, languentibus, frigidis, aquosis, mucosis, leucophlegmaticis, catarrhosis, ex his causis sæpe convulsis, mire prodest. Ut Boyleus, & Helmontius, ideo inter summa Antispasmodica, imo & Antepileptica, hac de causa nato malo, retulerint. Porro tria hæc exempla sufficiunt, ut intelligatur vera methodus ducendi Tincturas, hac ratione, ex difficillimis. Dosis, modus utendi, ut supra Proc. 56.

PROCESSUS LIX.

Tinctura Benzoini, ope 47. 48. 49.

APPARATUS.

Nobile hoc Resinosum corpus, ditissima ubertate sua de arbore sponte destillans, teritur in pollinem, dein cum Spiritu Vini semel rectificato sebuliat in phiala vitrea, sine ulla præparatione, statim solvitur in liquorem rubrum, suaveolentem; si tum solutum purum effunditur, residuoque denuo similis spiritus affunditur, simulque ebulliunt, totum fere Benzoini corpus solvitur, paucis quisquiliis relictis. Si vero Alcohol perfectum cum Benzoino similiter ebullit, fit meracior adhuc Tinctura. Utraque odorata, gustus calefacientis, amarescentis, balsamici.

USUS.

Hinc patet in Alcohole solvi perfecte absolute resinosum, pingue, simulque abire in liquorem satis homogeneous, tenuem. Si parum talis liquoris parati pluri aquæ affunditur; statim albescit, opacatur, lactescit mistura, hinc Lac Virginis dicta: quia lota eo facies mollescit, & tenuissima pellicula obducta, nitescet, si sponte exsiccat. Unde innoxia inter cosmetica censerit solet, & lixivio barbitonorum immista odore grato se commendat. Resina hæc Benzoini, & Camphora, sunt mire volatiles, leni ignis gradu, in Alcohole, sponte, sine alcali, solubiles.

PROCESSUS LX.

Tinctura Guayaci, ope 47. 48. 49.

APPARATUS.

1. **L**igni Guayaci recentis, optimi, viridis, ponderosissimi, scobi tenuissimæ, aut corticis ejusdem pulveri præcipue, in phiala alta chemica affunde Spiritum Vini rectificatum ad eminentiam quatuor digitorum, sine ullo addito; ebulliant simul, methodo jam indicata, per quatuor horas, sæpe concutiendo; supernatabit liquor ruber, quem quiete purum per linteum follicite a fœce separatim serva seorsum. Affuso cum novo spiritu iterum quoque residuum. Omnes Tincturas rite puras serva. Liquorem habes acutissimi, aromatici, fervidi, odoris, saporisque. Si autem Alcohol purum adhibueris in hoc opere, tanto erit semper Tinctura melior.

2. Tinctura hæc ope Alcoholis sinceri parata, ex cucurbita alta, igne leni, destillet ad residuum unius quartæ partis: manebit liquor meracissimus, viribus Guayaci satur. Si autem phlegma aquosum esset in spiritu adhibito, tum resina inciperet cadere, si eousque inspissaretur

liquor tinctus. Quando autem Alcohol purissimum, tum inspissationem fert facile, neque tamen turbatur, viribus interim crescens.

U S U S.

Demonstratio hinc habetur operationis, qua vis oleosa, resinosa, balsamica, de lignis odoratis elici queat, servari, & usibus medicatis adhiberi; tum servit liquor sic productus generandis postea resinis, inde producendis. Vires talium tincturarum pendent a virtute propria lignorum, quatenus in aromatica, balsamica, oleosa, resinosa, eorundem parte hæret. Hinc ex ligno Agallocho, Calambacino, Colubrino, Rhodio, Santalo, & similibus, hoc artificio, & solvente, Tincturæ hæ parantur ad usus quam præstantissimos. Hæc quidem de Guayaco, externo applicatu, fungosum, mucosum, virulentum, in ulceribus malignis, venereis, mirifice sanat, sive in cutis & adipis hæserint territorio, sive in ore, palato, faucibus, gutture.

P R O C E S S U S L X I.

Tinctura Scammonei, per 47. 48. 49.

A P P A R A T U S.

Succi lactei, pingues, spissi, qui de vulneraris plantis copiose, sponte, destillant, inspissati calore æris, vel Solis, solent resinosi quid præ se ferre. Talia sunt præcipue quæ ex Lactucis, Chondrillis, Sonchis, Hieraciis, Taraxacis, Scorzoneris, Tragopogonis, Cichoreis, Tithymalis, Euphorbiis, Convolvulis, Papavere, aliisque similibus parantur. Hi sane succi, sic constituti, forma sicca, in pulverem trita, cum Spiritu Vini simpliciter rectificato semel, aut bis, eadem methodo in phiala ebulliant, solventur partem maximam, pauca fæce terrestri relictæ. Sic ergo & ex Scammoneo Syriaco, Convolvuli succo, solet fieri.

U S U S.

Tinctura Scammonei ita parata, exigua dosi, pondere binarum drachmarum purgat, si triplo, vel quadruplo Syrupi Rosarum pallidarum mistæ potantur. Sed & inde Resinæ quoque fieri solent Scammonei. Tria autem ultima hæc Processuum exempla docent imprimis, actionem Spirituum Vini purorum in Vegetabilia composita; juxta veterum Chemicarum regulam, Spiritus solvit in se sibi simile. Nempe Alcohol absolute sincerum, de bene siccis etiam Vegetabilibus compositis, educit fere sola inflammabilia, scilicet Spiritus, Balsama, Olea, Colophonias, Resinas, Gummi-resinas, tum Saponacea accurata. Relinquit salem purum siccum, & terram. Si ergo Artifex noverit in his partibus hære virtutem singularem totam, quam ex iis quærit, tum instituenda operatio cum Alchole purissimo solo, ut præscriptum in Guayaco. Quando

autem virtus quæsitæ hæret in oleoso, resinoso, salino, & saponaceo simul, tum rectius adhibetur spiritus Vini vulgaris rectificatus, quam Alcohol: quia ille spiritus agit parte sua aquosa in salinum saponaceum, & spiritibus suis in Balsamicum, Oleosum, Resinosum; adeoque in tali Tinctura vires adunatæ habentur. Id in Radice Hellebori, Hermodactyli, Jalappæ, Mechoacannæ, Turbith Gummosi, evidens est: quia inde educatæ Tincturæ cum Spiritibus Vini modo semel rectificatis, longe pulchrius purgant, quam quæ mero Alcohole producuntur. Si enim de Jalappa Alcohole educis resinofam tincturam, purgat minus. Et ex residuo in aqua cocto potestatem purgantem adhuc elicis. Si cum Spiritu Vini vulgari idem facis, tincturam acquiris valide purgantem, & ex residuo vix quidquam boni ultra educitur. Hinc colligimus, ad tincturas multas falem Alcalinum fixum non requiri: quia vires singulares perderet, aut mutaret; & non semper illas efficiendas cum Alcohole, sed prius perpendendum, qualis spiritus adhibendus sit. Omnes autem Tincturæ, per Alcohol purissimum factæ, solent integre deflagrare fere ut puram Alcohol; unde evidenter satis constat, quod solam partem inflammabilem de composito trahant, cæteris relictis. Si ergo in salino saponaceo vegetabili omnis virtus plantæ unice hæret, decoctio in Aqua melior, quam in Alcohol. Opium Aqua pura solutum optimum, dein in Vino, postea in Spiritu Vini, sed semper minus bene, quo melior Spiritus.

PROCESSUS LXII.

Potus purgans ex (61), Sudorifer ex (60).

APPARATUS.

SI, ut jam dictum, sumuntur duæ drachmæ Tincturæ Scammonei bene paratæ, cum Spiritu Vini rectificato, atque miscentur triplo Syrupi cujusdam purgantis cholagogi, scilicet de Rheo simplici, de Rheo cum Cichoreo, de Rosis solutivi simplicis, vel cum Senna, hæcque ita hauritur dosis mista, vacuo ventriculo, in morbo purgationem talem requirente, satis forti, integra ætate, solet egregie quidem desideratam absolvere operationem purgandæ bilis. Si vero de radice Jalappæ lectissima tinctura fuerit parata similis cum Spiritu Vini vulgari leviter tantum rectificato, hujusque dein drachmæ quatuor miscentur cum syrupo de Spina Cervina semiuncia, potus erit paratus, qui, sine magna molestia, aquam de corpore educit tenuem, ingenti copia. Unde in illis malis, ubi tale quid exigitur pulcherrimum habetur Hydragogum. Solet ideo Tinctura hæc, præsto servata, ex tempore mista, in usus pharmaceuticos præscribi. Quando autem Tinctura de Guayaco parata cum Alcohole puro, & dein ad dimidias inspissata ad drachmas quatuor, miscetur quadruplo Syrupi quinque Radicum aperientium, vel de Artemisia Fernelii, similive, tumque vacuo stomacho, mane, decumbenti in lecto propinatur, solet se cito distribuere totum per corpus, id calefacere, movere, in sudoris emissionem agere satis profusi. Unde in Lue Venerea per subcuta-

nea vagante laudatur. Parata ejusmodi cum Colubrino ligno, simili modo pota ante accessum febrilem frigidum Februm Intermittentium, pulcherrimos facit effectus, movendo sudorem, calefaciendo corpus, dissipando causam, priusquam accessum formaverit. Idem facile de aliis.

U S U S.

Solent multæ Vegetantium vires in Resina hære. Hæ autem sunt ut plurimum lentæ, & tenacitate sua uni loco corporis adhærescere aptæ. Interim ob eundem lentorem, dotes suas tarde vel impeditè exserunt. Sed, ubi in menstruo spirituofo vegetabili explicatæ hærent, citius operari, & transire, solent, quin & longe minori ideo dosi agere. Sed Resinæ solutæ in spiritibus sunt adeo acres, ut solæ potari nequeant; si autem aqua diluuntur, ut queant ferri, tum statim præcipitantur in tenacem massulam. Hinc nihil aptius, nisi ut crasso Syrupo excipiantur, in quo non præcipitantur, cujus tamen spissa dulcedine obtunduntur, cujus mirifica simplicitate vires non mutantur, sed, singulari virtute relictæ, mitescunt.

P R O C E S S U S LXIII.


Lac Virginis ex (59).

A P P A R A T U S.

SI Tinctura Benzoini ruberrima, rite parata, juxta Processum quinquagesimum nonum, conspicitur, vel microscopiis, æqualiter habetur pellucens. Verum si aquæ immittitur una gutta ejusdem, statim albet, opacatur, & flocculos gignit, oculo nudo conspicuos, sed inprimis per microscopia; si dein tota tinctura decuplo aquæ permiscetur, lactescit penitus, turbatur, flocculenta redditur, & omnem fere tenuissimam farinosam apparentem Benzoini soluti materiem ejicit, inque fundum vasis proturbat ita, ut parum modo de odore, & sapore, supersit.

U S U S.

Servit hoc experimentum demonstrandæ naturæ Resinarum, respectu Alcoholis & Aquæ: tum & præcipitationis albæ oleosi in aqua. Vid. Proc. 15. 16. 17. 21. 26. 27. 28. 29; productionis resinosi extractione per Spiritus facta; manifestationis ejusdem ex spiritibus per aquam. Cæterum, resinofum hoc, in aqua deciduum, exhibet pelliculas subtilissimas, politas, quæ cuticulæ si associantur, eam æquabilem reddunt, & mollem; simulque resplendentem utcunque; inde pustulis, ulcusculis, ephelidibus, similibusque curandis adhibetur.



PROCESSUS LXIV.

*Resina ex (60. 61).**A P P A R A T U S.*

1. **T**incturæ ex pinguibus, resinosis, vegetantibus paratæ, ope Alcoholis vini, juxta Processus (60. 61.), quiete primo accurate depurgantur, dein purissimæ ex cucurbita, leni igne, inspissantur, donec una modo quarta supersit in fundo vasis. Alcohol ablatum iisdem rursus usibus serviet, si asservatum fuerit. Inspissata dein tinctura infunditur in vas purum, humile, lati orificii, ut manus intromitti queat, in quo vase aquæ purissimæ duodecuplum inest; ipso momento turbatur mistum, albescit, & lutea mox fragmenta manifestat, quæ in fundo collecta dant materiem crassam, lentam, pinguem, subpellucidam. Tum impone hanc cucurbitam igni arenæ lenissimo, destilla inde per alembicum Alcohol superstes, quamdiu striæ in alembico docent, superesse spiritus inflammabiles. Egressum spiritum conjunge cum priore educto. In fundo remanebit aqua cum materie modo dicta in fundo decurrente, quæ calida in aqua liquefcit. Dein durefcit.

2. Abjecta tum aqua, in qua aliquid quidem odoræ, sapidæque, sed parum virtutis supererit. In fundo eat in unam collecta massam materia resinosa, quam adunabis facile, erit flexilis primo, mollis, & lentescente tenacitate; digitis incommode adhærescens. Postquam autem aqua frigida aliquamdiu, & renovata aliquoties, abluta est, tum incipit frige facta rigescere, siccataque exhibet corpus durum, fragile, pellucidum, ad calorem liquefcens, & diffuens, in aqua non solvendum, in oleo, & in alcohole diluendum, in igne ardens instar olei. Hæc autem Resina vocatur in arte; loco frigido, sicco, vase puro, sicco, clauso, servanda. Hæc, hac lege, parari potest, ex omni fere parte vegetabili, oleosa, ponderosa, sicca, resinosa, qualicunque. Natura simillima sæpe producit, ex vegetantibus, nullum autem perfectius quam de arbore Camphorifera, quæ puram putam Resinam, albam, pellucidam, odoratissimam, volatilem, sed tritu difficilem, prodit. Dein vero Benzoïnum etiam puram resinam fundit satis copiosam, puram, volatilem quoque. Quando autem Alcohol purissimum agit in plantas, resinosas quidem, sed succulentas adhuc, viridesque, tum aqua, in his succis humidis adhuc abundans, se miscet Alcoholi, ut hinc evadat Alcohol dilutum, actioque ejus est in partem plantæ instar Spiritus Vini vulgaris, aut rectificati, pro ratione pluris, pauciorisve, aquæ, quæ de planta fuit suppeditata. Hinc alia actio fit.

U S U S.

1. **E**xperimentum hoc, satis generale, docet naturam Resinæ. Quæ olim in planta videtur fuisse purum, tenue, oleum, juxta Processus 34. 35. & quæ ibi notata fuerunt in ortu incrassatorum oleorum. Inde

Chemici discunt iterum varium modum physicum, sub cuius specie oleum subsistere potest, respectu caloris, & frigoris: in frigoris certo gradu dura, fragilisque, resina, in calore resolvitur mox, ut sit purum, fluidum, oleum. Artifices quidem dixerant, Resinas nasci, quoties acidum forte limpido admiscetur oleo: quia observaverant spiritum fortissimum, igneumque, tam Nitri, quam Vitrioli, abire simul in massam piceam, lentam, tenacem, quæ igne ulterius perficeretur in veram Resinam; hinc & ipsum Sulphur, ita natum, veram esse terræ Resinam. Attamen est ratio dubitandi, an quidem coagulo olei per acidum id contingat: quia in conversione naturali Balsamorum in Resinas, acidum semper eo magis a balsamo separatur, quo ille, prius liquidus, magis durescit, spissaturque; ultimoque in resina minus acidi reperitur, quam in liquidiore massa fuerat. Quin etiam Resinæ, quæ ita nasci perhibentur de mistis acido, & pingui, tamen semper differunt ab his, a natura, vel ope alcoholis, paratis resinis. Hæ quidem alcohole mox liquefcunt, sulphur nunquam ab eo attingitur.

2. In Resinis sic paratis, & integra inflammabilitate sui corporis oleosam penitus naturam suam testantibus, conditus videtur manere antiquus hospes, Spiritus Rector: nam semper odor, sapor, virtus singularis, in hoc resinoso deprehenditur; semper vero hæc ita capienda, quatenus in oleosa plantæ parte hærent. Inde etiam diu in viscoso resinæ detenta hæc conservantur per annos, quæ aliter in ipsa planta citius dissiparentur. Hinc etiam sæpe fit, ut Resinæ, in corpus humanum assumptæ, tenacitate sua per illud transeunt unitæ, nec spiritus suos extricent ad peragendas operationes proprias; quia non occurrunt bili, aut alteri saponaceo liquido, quo dissolvantur, viresque suas explicent: Quod Medici crebro dolent, dum catapotiorum forma deglutiuntur, & integra alvo exeunt absque expectata operatione. Est quoque acris, caustica, inflammans, violentia in his Resinis manifesta plerumque; unde si linguæ adhærescant, vel faucibus, loca illa molestissima acrimonia torquent, in ventriculo, intestinisque idem sæpe præstant, hincque topice inflammando, irritandoque damnum pariunt. Sique de Colocynthide, Esula, Euphorbio, Helleboro, Jalappa, Mechoacanna, Scammoneo, Turbith, paratæ, periculosas, nec facile sistendas, hypercatharses excitant. Utrumque hoc damnum quo vitetur, ars reperit conducere, ut usui adhibendæ, prius in mortario vitreo, frigido, terantur diu cum sacchari sicci æqua copia, ut pulvis ita pareretur minutissimus, qui dein ex syrupo quodam haustus, nunquam transit non dissolutus, nunquam adhærescit viarum plicis, sed promte, & pulchre, effectus proprios producens, optimum remedii genus exhibet. Si ita cum pauco vitelli ovi teritur, & tum, dissoluta tenacitate sua resinosa, efficaciam accelerat, augetque. Quin, his factis, Resinæ etiam illæ purgare alvum solent, quæ productæ de simplicibus prius non purgantibus, ut fane Resina Guayaci docet.

3. Dudum monuere summi in arte Magistri, olea propria, stillatitia, aromatica, spiritibus suis abundantissima, resinescere, quoties spiritibus suis privantur: quod ita certe observatur in quibusdam. Si enim oleum purissimum Cinnamomi solutum in Alcohole fuerit, & dein Alcohol,

igne leni, inde iterum omne abducitur destillando, hoc quidem spiritus secum vehet, relinquit vero oleum in fundo spiritibus privatum, & simul resinescens.

4. Quia vero vires purgantes quarundam plantarum hærent partim in illo resinoso, quod Alcohole educitur, partim in alia actuosa ejusdem plantæ parte, quæ in aqua solvi poterit; ut in Jalappa apparet: hinc talis plantæ residuum, postquam Alcohol purum eduxit inde omne resinofum, in aqua coctum, dabit illud aliud. Decocta hæc percolata, igne leni infissata, si deinde Resinæ cum vitello ovi subactæ secundum artem, accurate miscetur id Extractum aqua paratum, habebitur coagulum optimum, in qua tota fere virtus medicata compendio inest.

PROCESSUS LXV.

Extracta, quæ vocantur Essentialia, de Croco, per 48.

APPARATUS.

1. **N**atura paravit in quibusdam singularibus quorundam Vegetantium partibus heteroclitum aliquod corporum genus, adeo seclusæ a cæteris omnibus naturæ, ut prorsus referri vix queat ad aliquod notum rerum genus, simulque inseruit illi pulcherrimas, nec imitabiles aliunde, virtutes. Tale est id, quod in solis apiculis staminum floralium Croci aureis observatur. Tanti id fecere Chemicorum Principes, ut Aroma Philosophorum appellarint, perque primas literas vocabulorum Aroph. Incredibile, quam sit hoc colore, odore, sapore, virtute dives; incredibile quam sit mole exiguum, quod tam divites facultates possidet, quam tenerum sit, & facile corruptile. Meretur ideo peculiarem etiam operandi modum.

2. Accipe igitur Croci lectissimi, recentissimi, Britannici, sicci, minutim scissi, aut & si velis integri, Uncias, ut hic cepi, binas. Immitte in nitidissimam phialam vitream, longo instructam & angusto collo. Superfunde his Alcoholis omnium purissimi, in quo certus sis nihil alieni contineri, ut emineat ad quatuor, vel sex, digitos, in ampulla phialæ. Tum orificium colli obtura cono papyraceo, molliter impressio. Pone phialam sic oneratam in furnulo nostro ligneo, cum pruna sub cineribus cribratis sepulta, ut modo calor sit centum graduum. Sicque relinque in digestionem triduana, sæpe concutiendo. Quiescant viginti quatuor horis in frigido, & quieto, loco. Tum sollicite, per linteum rarum infundibulo impositum, transfunde omnem liquorem tinctum in vitrum purissimum, & arcte obturato vase serva. Erit coloris fulgentissimi. Crocum in fundo phialæ reperies pallidiore, quam prius, colore; cui tantundem novi Alcoholis affunde, tracta eodem modo. Liquorem hunc confunde simili ratione cum priore, & serva. Manebit Crocum pallidum magis. Si jam patientia mea vobis imitanda placet, superfuso novo Alcohole sic agito vice tertia, obtinebis tincturam minus divitem. Quam seorsus serva a prioribus. Crocum erit pallidum, eadem facie, & magnitudine, ut prius.

Huic

Hæc superfudi aquam, digessi, effudi, erat coloris luteoli. Affudi novam. Sic perrexi, donec nihil ulterius tincturæ elicereur. Tum stamina erant candidissimi coloris, & leniter siccata, pristinam figuram retinebant, graciliora tamen longe, inodora, insipida, penitus, nec distinguenda fere a filis lini puri. Ut mirum esset ubinam sedes fuerit pro locanda hac mirabili materie, quæ adeo laute diffusa observatur per magnam adeo Alcoholis copiam.

3. Alcohol tinctum, quod primis duabus vicibus collectum erat, ex alta cucurbita vitrea, igne centum graduum, vasis bene clausis, destillet quam lenissime, donec circiter uncia in fundo cucurbitæ superfit. Frigida hæc effundatur in vas vitreum quam curatissime obturandum. Erit coloris ruberrimi, odoris fragrantissimi, saporis amari, aromatici, penetrantissimi, spissitudinis olei liquidi. Titulo præscripto servetur. Spiritus, qui destillando inde prodierunt, erunt limpidissimi, excolores, aroma Croci suavissime spirantes, saporemque ejusdem etiam referentes. Hunc servare soleo in eisdem usus postea. Sic semper pulchrior quotidie evadit.

U S U S.

1. **D**Ocet hoc experimentum mirum novam speciem materiæ, quam vix Oleum, Spiritum, Gummi, Resinam, Gummi-resinam, appellare possumus, sed nec Cera quoque est, nec Balsamus. Quid ergo? prorsus singulare quid, ad oleosum spirituosum pertinens. Porro paratum hoc Extractum patitur se misceri aquæ, spiritui, oleo. Viresque habet lætificas adeo, ut in risum fere perpetuum, & indecorum, nimius usus adigat. Moderato usu verum exhibet exhilarans. Lotium tingit colore rubro satis. Vim petrificam lotii in renibus dicitur imprimis destruere, hinc summum remedium esse contra Calculum. Verum Paracelsi Aroph. Nec opus, crocum prius cum pane corrumpere in calore fimi equini, dein tincturam hinc elicere, potius enim pejor ita redditur, quam ut melior evadat. In hac enim præparatione nostra habentur omnia simul, absque ulla jactura, sine debilitatione ulla virium propriarum, denique sine immutatione ulla sensibili. Suntque hæc præparata, utpote cuicunque miscibilia, & subtilitate penetrabili imprimis prædita per minima quæque vasculorum, insigni simul sua mobilitate accedente, virium per universum corpus diffusissimarum, maxime actuosarum in spiritus animales, ad hos in motum incitandos; ultimo his inest virtus illa admirabilis, quam seminavit in his naturæ Conditor, quæque nullo ex principio unquam explicari potest, tantum vero se solo cognosci.

2. Ambarum griseum vocatum, Moschus, Zibetha, Castoreum, Balsamus Jeruchuntanus, Mechanus, Liquidambar, Styrax liquida, Caryophylli hortenses, Caryophylli Indi, Macis, Nux Myristica, Angelica, Galanga, Imperatoria, Iris Florentina odorata, Cortices, Flores, subtilissimiæ fragrantæ, similia prorsus exhibere possunt eadem hacce methodo. Ut omnino pateat, spiritus illos corporum singularium Alcohole elici, extrahi, colligi. Hincque videtur nasci promptissima illa actio horum: quia Alcohol spirituosissimum, unitum spiritibus hisce actuosissimis, con-

stituit medicamen, quod virtutem celerrime diffundit quaquaversum, & defert, per corpus.

3. Quando autem ex pluribus talibus commistis simul paratur simile medium, facile apparet, tum produci posse, pro lubitu Artificis, compositum pulcherrimum, unitis viribus fortius: ut efficacius nihil excogitari, hac in re, queat. Sumuntur autem hæc extracta omnium optime ex Vino Canarino, Hispanico, aut simili, oleoso, pingui.

PROCESSUS LXVI.

Extracta Essentialia dicta de Camphora, per 48. 49.

APPARATUS.

EXigit iterum mirabile hoc rei genus, jam ante aliquoties consideratum, ut denuo illud hoc experimento examinemus. Camphora, de arbore propria, regionibus fervidissimis, intra lignum, maxime ad corticem habetur in propria sua naturali gleba crystallina. In Borneo, & Ceylon, omnium præstantissima, & pretiosissima. Alia destillando lignum, corticem, radicem, arboris Camphoriferæ, aut arboris Cinnamomeæ Ceylanensis odore Camphoræ, quæ aquæ infusa, digesta, destillata, dant oleum limpidum, penetrantissimum, odore & sapore Camphoræ ditissimum, tum quædam pars hujus olei, in frigore concreescens, dat Camphoram. Hæc leni igne, vase puro, sublimata, depuratur. Instar crystalli pellucida, tritu molesta, odoratissima, sponte volatilis, & exhalans tota. In Alcohole perfectissime solvitur, pellucidissima specie, & odoratissima. Destillans tunc tota fere, una cum Alcohole, vel paulo post, volatilis est, in liquorem homogeneous adscendens. Simulac guttula limpidissimi hujus liquoris aquæ immittitur, uno momento albescent tota Camphora iterum apparet in aqua, integrum suum corpus redens. Cernitis ita hoc heteroclitum rei genus Resinam referre, sed volatilem. Hac ergo iterum dote differt ab aliis resinis. Atqui in Spiritu Nitri, Spiritu Vitrioli, Aqua Forti, solvitur, ut in Alcohole. Sed affusu aquæ immutata revertitur camphorata materies. Ubinam hoc in aliis Resinis? Ita sane, ut appareat, in ipsis Resinis dictis veris vegetantium, differentiam iterum esse, quæ magnum discrimen ostendit inter has. Potest & hic liquor lenissima destillatione inspissari ad lubitum: spissatum olei habet speciem.

U S U S.

DEmonstrat hæc operatio ingenium Camphoræ jam explicatum. Spiritus, inde destillando paratus, est penetrantissimus, volatilissimus, antigangrænosus, antisepticus, exsiccans, perspirationem excitans, simul sanguinis, ferique, respectu stypticus. Crediderim tamen, nudatis nervis minus convenire, arefacit nimis.

PROCESSUS LXVII.

Quinta Essentia Chemicorum dicta, ex 23--30. & 48. 49.

APPARATUS.

1. **O**lea, optima, stillatitia, aromatica, Essentialia dicta, dimitte in vitrum purissimum, siccissimumque; illis dein affunde duodecuplum tantum Alcoholis omnium purissimi, ideoque inprimis alcalisati, dein destillati, omnino aquæ ut contineat nihil; conqassâ simul, disparebit oleum, miscebiturque ita intime Alcoholi, ut appareat unum simplicissimum, liquidum, limpidum, pellucidum. Oportet nil aquæ in oleo sit: aut non sit.

2. Alcohol igitur, & oleum essentielle, ejus naturæ sunt inter se, ut intime misceri, unisque prorsus queant. Si modo quam sollicitissime omnis aqua abest: nam vel mador vitri, vel halitus oris, si accedunt, impediunt. Quin etiam, si solutis his, accuratissime mistis, aqua affunditur, albescit, opacatur, aqua rapit Alcohol, oleum se separat.

3. Si Alcohol, oleo soluto saturum, vasis curatissime clausis, igne leni, destillat, atque cohobatur aliquoties, tum sensim oleum redditur volatile adeo, ut magnam partem ascendant una cum Alcohole: unde olea tum mobilia, subtiliora, evadunt, atque evehuntur in summam penetrabilitatem, spiritus similem, retenta dote nativa.

4. Iterum vero, si igne nonaginta modo graduum, mistum Alcohol cum his oleis destillas, assurget Alcohol vini solum, secum rapiens Spiritum Rectorem ex illo oleo; parte oleosa in fundo relicta. Sique subtiliter, & magno cum ingenio, ita tenue a spisso separas, aliquoties levissime cohobando, tandem accipies liquorem Alcoholis ita imprægnatum his spiritibus, ut fere puri puti spiritus appareant. Olei spissamine effæto.

USUS.

1. **A**ntiqui Chemicî agnoscebant, ignem, ærem, aquam, & terram, concurrere ad corpora constituenda; sed tum nato huic corpori quintum apponi, quod factum ex communibus quatuor elementis dotaret propria, individua, singulari penitus, virtute, unde color, odor, sapor, vis, inprimis penderent, in illo solo corpore. Hanc ideo superadditam quatuor essentiis Quintam Essentiam dixerunt in qualibet re singulari. Hæc in rebus incredibili parvitate, at simul potestate efficacissima, dicebatur prædita, & separata hinc, affusu suo animare spiritus illius corporis, cui infunderetur. De qua re Isaacus Hollandus, & Paracelsus, merentur legi. Vix autem modus est cognitus aptior statim memorato Quintæ Essentiæ parandæ. Sane de oleo Cinnamomi ita parata, unica guttula vino Hispanico diluta bibenti inspirat gratam spirituum labescantium excitationem momentaneam. Hinc in deliquio, segnitie, suffocatione, defectu, spirituum, summum inter omnia remedium; neque enim

novimus, in vegetabilibus produci posse artis effectū Chemicæ ulterius vires medicatas.

2. Si gutta talis miscelæ ex Alcohole, & Oleo, aquæ infunditur, mox lactescit: unde adulteratio oleorum per Alcohol admistum intelligitur, sed & simul modus fucum factum detegendi facile ex his patet.

3. Hinc etiam intelleximus potestatem Alcoholis, quod agit inprimis in spiritus, & olea, plantarum, ea solvendo, soluta vero intime sibi miscendo, hinc compositum faciendo, quod dein æquabili virtute videtur agere. Quum vero olea hæc sub variis admodum speciebus in vegetantibus existant, nihil refert, aqua modo absit, Alcohol iis uniri poterit. Deprehendimus vero semper spiritus adhærescere illi oleoso, quacunque demum sub forma.

4. In omnibus his, ita paratis, affinitas magna obtinet cum igne: nam assumptæ hæc Quintæ Essentiæ, intra corpus viventis, illud calefaciunt, majori copia imprudenter ingestæ exurunt corpus. Externe si applicantur omnia effecta inflammationis satis acutæ producunt, usque ad Gangrænam. Sed hic meta esto.

PROCESSUS LXVIII.

Quintæ Essentiæ sicca parata de 65. 67. cum Saccharo.

A P P A R A T U S.

1. **S**umito Alcohol cum oleo aromatico solutum, id affundē decuplato saccharo conico, siccissimo, in pollinem subtilissimum contrito, contere simul in mortario vitreo, quam accuratissime, & diu, ut uniantur. Miscela ponatur in vase porcellano, intra cucurbitam puram vitream, quæ undique modice caleseat; ut sic superstes spiritus, humectans, lenissime exhalet, atque imposito alembico colligi queat in Quintam Essentiam liquidam. Manebit in vasculo porcellano saccharum siccum imprægnatum Quintæ Essentiæ quæsitæ liquida. Hoc statim vasculis vitreis, artissime claudendis, servari poterit titulo præscripto. Si capitur floris subtilissimi farinæ Tririci drachma, Sacchari conici drachmæ adduntur quinque, teruntur siccissimæ in mortario vitreo, affunditur, quintæ essentiæ liquidæ drachma una, paratur, ut prius; obtinebitur Quintæ Essentiæ talis elegantissima.

2. Si sumitur Quintæ Essentiæ liquidæ (67.) drachma, Extracti essentialis (65.) semidrachma, Sacchari & Floris farinæ, utriusque tres drachmæ, parantur ut prius; habebitur remedium idem fere, sed compositum.

3. Quia vero Olea quæcunque talia Alcohole queunt solvi, sicque in liquorem homogeneum, ex variis constantem, redigi, hincque iisdem usibus adhiberi, facile patet, posse fieri nobilia hæc composita, pro Artificis lubitu, quacunque compositione. Hinc infiniti erunt modi componendi tales formulas, quarum singulæ cum aliis de præstantia certare poterunt.

U S U S.

Videmus, quo Chemia ducat subtilitatem artis in concinnandis medicamentorum formulis, cum virtutis summo compendio. Si enim Scrupulus talis parati vini Hispani Unciæ permiscetur, haustum dabit, in quo summa virtus, ab aromaticis quærenda, dominatur. Si ergo Medici prudentia rite agnovit necessitatem talis remedii, tum illud hinc peti a Chemia poterit, ut quæsito fiat satis. Habent id boni, ut servari queant illibata feros in usus. Maxime autem, ut tuto, absque onere sarcinæ, ferri queant per castra, per maria, & in itineribus; ubi ad apothecas medicamentaria materie plenas recurri nequit, neque præparationibus præsto est oportunitas. In quibus iterum perfectionis Chemicæ habetur meta ultima.

PROCESSUS LXIX.

Spiritus aromaticus simplex, de Floribus Lavandulæ.

APPARATUS.

1. **A**ccipe Florum Lavandulæ recentissimorum, maturorum, tempore calido, sereno, post meridiem carptorum uncias vj. Sp. Vini communis libras duodecim, destilla lege artis per serpentem tamdiu, donec incipiat prodire liquor aquosus albus. Prodibit primo limpidus, pellucidus, spiritus, odore, & sapore, proprio Lavandulæ, prægnans, hunc seorsus serva. Dein incipiet exstillare liquor turbatus, albescens, cujus dein libram unam destillando collige, & serva seorsum. Manebit in fundo liquor ex fusco nigrescens, cum floribus, sed non restabit multum de propria, & sensibus apparente, virtute florum. Prior liquor Lavandulæ spiritus, posterior aqua.

2. Accipe Florum Lavandulæ similium uncias tres, his affunde spiritum præcedentem, & aquam, quæ exiverunt, destilla, ut prius, spiritum pellucidum, purum, hunc seorsum serva, titulo Spiritus Lavandulæ duplicati, de aqua alba succedente, destilla nihil: metu empyreumatis. Posteris tamen novam aquam eis affundere ad duas libras, & dein unam libram inde destillare; quæ servire poterit aliis, similibus, destillationibus iterandis.

3. Eadem ratione Florum recentium uncias binas adhuc destillare poteris cum præcedenti spiritu duplicato, & aqua illa, quæ tum producta fuit, eritque spiritus tanto ditior proprio Lavandulæ spiritu. Aqua additur: ne flores, post destillationem residui, sicci amburantur, dum spiritus ultimus elicitur. Aqua superstes id cavet. Atque hac quidem repetitione destillationis cum novis semper floribus, ultimo spiritus hi quam optimi fiunt. Idem, lentius tamen, ex cucurbita vitrea, vel & ex retorta vitrea, potest fieri, absque labore fere, sine sordibus. Ut sic sæpe tales spiritus deduxi in summam perfectionem. Atque operatio hæc universalis habetur pro omnibus spiritibus de floribus aromaticis, odoratis, pa-

randis. Præcipui sunt Caryophylli hortenses, Croci, Jasmini, Lavandulæ, Liliorum alborum, Liliorum convallium, Mari Syriaci, pomorum Aurantiorum, Citreorum, Limoniorum, Rosarum, Rosmarini, Stæchados, Tiliæ. Omnium eadem præparatio habetur. Eminent inter hos spiritus Anthos dictus, celeberrimus titulo aquæ Reginæ Hungariæ, nimii hodie usus ubique.

U S U S.

1. **F**acile intelligitur, oleum, essenziale dictum, florum, hac destillatione sursum expelli, ut in Processu vigesimo quinto. Dum simul cum hoc oleo primo adscendit spiritus maxime purus vini, instar Alcoholis, juxta Processum 48. Sed tum Alcoholi similis hic spiritus dissolvit spiritus Lavandulæ, & hoc oleum simul adscendens, per Processum 67. Sed, simulac Alcohole separato, aqua succedit adscendendo, tum oleum adscendens simul facit aquam albam. Proc. 23--29. unde facilis est intellectus modi, quo ars hos spiritus parat, exaltatque pro Artificis lubitu.

2. Inde etiam capitur virtus horum spirituum: quippe qui referunt fere integre Quintas Essentias liquidas Processus 67. ut non opus sit aliquid ulterius addere. Patet id evidentissime: quia spiritus hi bene parati, aqua misti, lactescunt.

P R O C E S S U S L X X.

Spiritus aromaticus, simplex, de foliis siccis Menthæ.

A P P A R A T U S.

Foliis Menthæ crispæ recentissimis, in umbra parum siccatis, dein intra manus contritis aliquantum, affunde in ahenò destillatorio vigecuplum Spiritus Vini vulgaris. Destilla per serpentem ad dimidias. Spiritum serva titulo Spiritus Menthæ. De residuo, quod remansit in ahenò, exprime omnem succum per linteum. Sume dimidium prioris copiarum novorum foliorum Menthæ. Affunde Spiritum primum, & omnem succum priorem expressum. Destilla iterum ad dimidias, idque ita repete in vicem tertiam. Serva titulo Spiritus triplati.

U S U S.

Sic omni simili de herba, produci queunt hi spiritus eadem operatione. Quæ iterum & de furnulo ligneo lente parari potest. Est hic Menthæ incomparabilis in vomitu sine inflammatione, in flatulento ventriculi, & intestinorum, tormine, acido, mucoso, frigido, aquoso: his enim in casibus uncia dimidium præsens dat solamen.

PROCESSUS LXXI.

Spiritus aromaticus, simplex, de foliis viridibus Rosmarini.

APPARATUS.

SED & aromatum opulentissimorum, minus succulenta, quamvis re-
 scentia, & illibatis viribus potentia, folia, sic tractata, spiritus dant
 quam optimos. Cujus quidem rei, en, præsens dabo exemplum. Ac-
 cipio foliorum tenerorum, de fastigio rami carptorum, eam copiam,
 qua ventrem hujus retortæ vitreæ ad dimidium repleam. Affundo Spiri-
 tum Vini, ut retortæ ampulla duas fere tertias plena sit. Tum destillo
 ex furnulo nostro ligneo in excipulum satis amplum, quamdiu spiritus
 suis striis apparent. Qui, ubi desinunt, docent, absistendum esse a destil-
 latione. Aqua cum Rosmarino in fundo residua, servatur. Dein retortæ
 mundatæ nova folia, affuso priore spiritu, & aqua expressa, iterum de-
 stillo, idque in tertiam repeto vicem: habetur, ut exploratis, spiritus op-
 timus. Olim his instrumentis actionem hanc repetebam multoties, sem-
 per spiritus egressus, de nova Rosmarino cohobando, ea spe, ut Spiri-
 tus Rosmarini pararem quam purissimos. Sed spe excidi: nam per tot
 destillationes repetitas tandem odor quidam, ingratus valde, ceræ re-
 cens collectæ similis, se immiscuit, & inquinavit spiritus.

U S U S.

PAtet hinc, quibusdam herbis, in flore, & foliis, quin & ramulis te-
 nellis, hære eundem spiritum, inde educi posse: nam spiritus hic
 distingui nequit ab eo, qui de floribus paratur Rosmarini Processu 69.
 habetque virtutes easdem. Folia Lavandulæ, Stæchados, Thymi, Ser-
 pilli, Salviæ, Rutæ, Origani, Calaminthæ, omnesque acres aromati-
 cæ, his aptæ. Quin etiam liquet, de corticibus, lignis, radicibus, semi-
 nibus, tam siccis, quam viridibus, eodem hoc modo, parari posse spiri-
 tus aromaticos, præcellentissimos. Ut spiritus ille nobilis de Santalo Ci-
 trino, sic eductus, docet.

PROCESSUS LXXII.

Spiritus aromaticus compositus.

APPARATUS.

I. SAtis jam conficit per præcedentia, quod Spiritus Rector sit parti-
 scula, cui vis singularis inhæret incredibilis sæpe efficaciam; quin
 etiam, hunc oleis Essentialibus dictis derineri; tandem, & posse hæc
 olea, una cum suis spiritibus misceri inter se in unum homogeneum li-
 quidum, in quo spiritus illi omnes simul adunati tenentur; denique,

posse & hanc miscelam Alcohole vini dissolvi in unam dictam potionem medicatis virtutibus prægnantissimam, spiritum aromaticum, oleosum, compositum scilicet. Atque in eo igitur adunati, inque unum conspirantes opus, continebuntur spiritus. Facile quidem constat, non esse in conficiendis certum, vel limitatum, modum, modo odore, sapore convenientia sumantur simplicia, & quorum combinata virtus mereatur compositionis laborem. Exemplo igitur potius quam regulæ hoc serviat, quo sæpe olim, inprimis pro sale volatili oleoso, utebar. Accipe recentiss. purissime balsamicor. Corticum Aurantii, Cinnamomi, Citrei, Sinensium dictorum pomorum, Limonii, ana unc. iv. Flor. Aurantior. Citreor. Limonior. Lavandulæ, Rosar. Rubr. Rosmarini, ana unc. ij. Rad. Angelic. Irid. Florent. ana unc. j. Caryophyllor. Aromat. Maceris, Nucis Myristicæ, ana dr. ij. Sp. Vin. rectific. lb xv. F. S. A. destillatio per vesicam, donec limpidus spiritus exit, quem seorsum serva. Perge dein adhuc separando libras duas, vel tres, aquæ albæ. Quam serva titulo Aquæ aromaticæ, spirituosæ, compositæ.

2. Quando repetere libet opus, tum accipe omnia simplicia memorata, & Spiritum Vini, ut prius, sed admisce præterea omnem illam aquam, statim paratam: ita nancisceris spiritum adhuc pulchriorem. Sicque semper aquam illam iterum parans, servansque, eaque dein utens oportune, semper acquirebam nobiliores spiritus; ut facile intelligitur: erant enim tandem instar olei puri.

3. Quando spiritus ita paratus denuo destillatione educitur a paucis, novis, iisdem, simplicibus, ex cucurbita vitrea, tumque Ambari Grisei subtiliter triti pauculum, linteolo innodatum, libere in alembico suspenditur, spiritus adscendens subtiliter fragrantiam ejusdem solvit, vehit secum, spiritui permiscet.

4. Si quis, apparatu minore, furnulo ligneo nostro, idem parare cupit, oportet modo minori utatur copia simul, suis nempe vasis proportionali. Tumque solebam semper retorta potius uti, & leni patientia.

U S U S.

Qui consideravit ea, quæ Processibus 69, 70, 71, & statim, explicata fuerunt, facile intelligit, cuinam bono vere nati hi Spiritus inserviant, quousque eorumdem facultas tuto queat extendi. Nunquam enim possunt converti in spiritus nostros ulla arte nota, sed semper manent naturæ prorsus inde peregrinæ, quidquid Chemici nobis dictent. Hinc defectum verum spirituum nostrorum nunquam supplere queunt: unde falsum est, in deficiente per senectutem veteri corporis potestate spirituum genitrice, posse infusos hos spiritus vicarium id munus sustinere. Interim tamen agilitate mirifica, grata odorati fragrantia, saporis jucunditate, & inexplicabili quadam cum spiritibus nostris amicitia, subitanæ horum, nec durabili, excitationi, mire favent. Nimia actione virtutem nostrorum opprimunt, delentque. Quin etiam impetu defuncti suo in corpore nostro prius his inflato, solent illud longe magis prostratum relinquere, & similis semper stimuli necessitatis magis egens. Puto igitur, me satis explicuisse ex vera Chemia & Medicina veros horum usus.

PROCESSUS

PROCESSUS LXXIII.

Sapo de Oleis pressis, & Alkali fixo, (13.)

APPARATUS.

1. **E**N, hac in lagena, oleum teneo pressum de Olivis, oleum vero Tartari eodem pondere in hoc vitro. Fundo oleum blande supra lixivium. Cernitis, oleum Olivarum supernatat, & utrumque liquidum prorsus est perspicuum. Concurio vas, utraque continens, statim alba, opaca, spissa, tenax utcumque, evadit miscela; & reposita, satis diu sic æquabiliter permista constat; tandem vero, sola quiete, sponte, separantur iterum a se mutuo, & lixivium oleum deserit. Tamen inde constat, olea pressa, semper inhærescente acido plena, habere naturam miscelæ cum alcali patientem, licet aqua simul, alcali diluens, adsit; sed non ita hanc adunationem se habere, quin facile satis in antiqua sua constituentia resolvatur. Est credibile, acidum vinculi vicem gerere in hac combinatione: quia Olea, acido orba, difficiliter alcali combinari solent.

2. Si miscela hæc, ita nata, leni igne, lente coquitur, donec aqua sensim exhalat, cogitur in unam massam, consistentem; albam; odoris nauseosi, oleosi; saporis acris, alcalini, ingrati, pinguis; in aëre facile deliquescentem. Si vero, inter coquendum, justa portio alcali soluti, aut olei, affunditur, & miscetur, ita, ut natum inde compositum in aqua perfecte dilui queat, absque ullo apparente oleo; & tamen gustatum nihil alcalici exhibeat; inque aëre sine deliquio spontaneo consistat. Tum Sapo perfectus dicitur.

3. Visum deinde fuit per successivam experimentorum repetitionem, quo acrius alcali, eo felicior, quo inertius illud, eo minus prosperam, contingere olei & alcali in Saponem verum combinationem. Quum igitur Processu decimo tertio constiterat, calce viva mire acui alcali penetrabilitatem, & vim igneam, incepit usurpari, vice alcali simplicis, alcali igneum calcis ope paratum. Et quia simul adverterant, diuturna coctione adunationem perfici, hanc autem aquæ requirere majorem copiam; hanc ideo abundantius quoque admiscuerunt. Tandem per varios usus quoque didicere, certam requiri ad hæc olei, & alcali, proportionem. Hinc igitur tandem inventa fuit fere definita & certa hæc via.

4. Primo accipiunt salem alcalinum, fixum, igneum, cum calce viva paratum, accurate secundum dicta Processu decimo tertio, pag. 38. Illum diluunt aquæ puræ, calidæ, ea copia, ut lixivium ita paratum possit sustinere ovum recens. Hoc lixivium Magistra Artificibus appellatur. Dein hujus Magistræ portionem pluri aqua diluunt ita, ut in hoc secundo lixivio ovum recens ad fundum submergatur. Lixivium hoc debilius vel subsequens vocatur. Postea oleum pressum recens, Olivarum, miscetur cum lixiviali debilis portione æquali, quantum fieri poterit, quam accuratissime: ut albissimum sit; hæc ita simul coquant leni igne, bene movendo;

donec , diffolata inprimis aqua , inceperint quam optime coire inter se. Tum vero affunditur Magistræ , respectu olei , triplum , miscentur , coquantur tamdiu , donec massa cogatur adeo spissa , ut pauculum ejus frigidus lapidi impositum , forma solidi debita consistat. Si tamen aliquid hujus frigefactæ massulæ aqua solvitur , absque ulla apparente olei specie , apparet oleum satis unitum haberi ipsi alcalino sali. Si vero aliqua nota olei adhuc apparet , tunc requiritur , ut Magistræ adhuc pauculum admisceatur , porro simul coquantur , donec æquabiliter aqua dissolvatur confectus Sapo. Gustatur tum Sapo , sique acrem , alcalinum , saporem exhibet , signum erit , nimis alcali abundare , unde tum olei adhuc parum admiscetur , coctio iterum protrahitur ; donec ita obtinetur massa in frigore scissili duritie constans , in aqua perfecte solubilis , ad linguam non alkaline acris , in aëre non sponte decurrens in liquidum. Qui tum verus Sapo appellari meretur.

§. Loco olei Olivarum alia pingua pariter assumi queunt ; etiam animalium , pisciumque : ut inprimis cocto Balænarum lardo conficitur pro Sapone nigro. Quo tamen alcali purius , quoque oleum magis sincerum , nec odore , nec sapore , ingratum , eo semper producet Sapo melior , inque usus inprimis medicatos pulchrior.

U S U S.

Hinc cernimus combinationem olei nativi cum alcali fixo , intimam , & productam ope aquæ , & ignis , in massam unam homogeneam , quæ in aqua pura perfecte est miscibilis ; unde apparet , oleum hic amississe pristinam pinguem naturam , & induisse novam aquæ amicam : idque factum ope alcali acris , fixi. Quare , ubi oleo abundant humores corporis humani , sales solent deficere plerumque ; hinc prudenti usu subministrati sales alcalini fixi satis laudabiles eo casu. Patet etiam hinc modus , quo acrimonia alcalium penitus obtunditur , ut emollescat , exuta vi depradante , & rodente , scilicet per olea. Unde iterum quo casu dominaretur deprehensum tale salinum , acre , olea recens pressa , largius epota mitificabunt illud. In acutissimis id morbis , & perniciofa Scorbuti specie , sæpe felici successu constitit. Ut & quoties in loco nascitur sponte hæc acrimonia ; veluti si in rene , aut vesica , calculus absorptum lotium in suis poris in acre hujusmodi convertit. Cæterum in corpore hoc ita nato commaculans tenacitatis vitium olei deletum quidem , sed antiqua lixiviosi salis vis , qua deterget , superest , sine prioris rosionis metu. Etenim compositum hoc aqua mistum in lixivium satis forte saponaceum , calore , motu , & contritu dissolvit gummosa , oleosa , resinosa , pingua inspissata , reddit eadem quoque saponacea , sive solubilia in aqua , hinc abluit , deterget , eluit , aperit , mundat , resolvit. Unde ergo coagulatis quæsitam restituit meabilitatem. Ea re inveteratas quoque obstructions referat , perditumque iis partium usum restituit. In concreta amurcosa ex terra coalescentia & oleo , pulchra quoque præstat. Obstat quin etiam acidis , ne cogant chylum , vel lac ; imo & his acido densatis iterum resolutionem offert. Ex quibus igitur apparet , quod fere sit aperiens , attenuans , resolvens , dissolvens , universale in corpore humano , quoties memora-

ris de causis laborat. Si vacuis visceribus, bene dilutum, motuque corporis adjutum, copia satis magna, sed divisa temporibus, potatur. Externe pariter in ulceribus, sinuosis, fistulis, pulchra efficit. Tingi colore potest grato: ut nauseosa facies saponis sub hoc fuce lateat. Quod Croci, Curcumæ, Cochinellæ, pigmenta immista faciunt. Si tamen & sic fastidioso nidore olei cocti molestum tenerioribus, pauco balsamo Peruviano perfusa massa emendatur. In morbis, ubi vitæ timetur a putredine dissolvente, & tabefaciente, humores, pessimus ejusdem usus. Ut in Peste, variisque putridis, tam crebro constitit; ut bonus Diemerbroekius fideliter adnotat. Cætera, bene multa, quæ de nobili hoc producto dici possent, ex dictis facile elici poterunt in usus tam Chemicos, quam Medicos. Facit Sapo, quod aqua nequit; quod oleo negatur id præstat. Efficit tuto quod alcalia cum periculo. Potest exsequi quod reliquis salibus nefas.

P R O C E S S U S L X X I V.

Sapo de Oleo stillatitio, & Alkali fixo, (12.)

A P P A R A T U S.

1. Chemici, per experimenta gnari virtutis, quæ in Oleis stillatitiis habitat, dolebant, hæc, ob olei naturam aquæ haud nubentem facile, non posse humoribus nostris immisceri, & agere: quum igitur olea pressa bono eventu alcalino fixo conjungi viderant, idem in stillatitiis facere aggressi, querebantur, ebulliendo enervari olea, & ne sic conjungi Sali alcalino. Hinc solliciti varia tentaverunt, ut conjugio stabili jungerent discordia hæc corpora; sæpe incassum. Helmontianis tandem monitis, & promissis, incitati, videntur quidam lenocinium reperisse, quo copulam averfis conciliarent. Quam multa, quam tædiosa, olim institui. Tandem res successit, ut candidus coram instituo. Arcanum in eo est, ut alcali acre, sincerissimum, & siccissimum attingat oleum omni aqua prorsus orbem. Reliqua atmosphæra peragit satis feliciter. Si autem divortia quærens aqua furtim se insinuavit, copia licet minima, frustra dein labor fit.

2. Sal alcalinum, fixum, purissimum, acerrimum, paratum Processu duodecimo, paragrapho quinto ibidem; in mortario ferreo mundoque per pistillum ferreum purumque tritum in pulverem, quo tenuiorem, eo meliorem, dum adhuc est fervidum penitus ab igne, & tantum non amplius candescens, immittitur in purissimum, siccissimum, tenue, prius calidissimum factum, vitrum, uroscoporum, urinale vulgo dictum, in loco valde calido, & sicco, die sereno, & sicco. Ipso momento, quo sal fervidus in urinalis fundo collectus hæret, instillatur oleum stillatitium de Terebinthina vere æthereum, & omnino purissimum, guttatim ita, ut guttæ cadant ocysime una post alteram in mediam partem salis ferventis, ipsum vero oleum debet prius valde calidum factum esse. Tum ingenti cum fumo, & sibilo strepente, trahetur allapsum oleum ilico in sale sirculosissimum, ad intima usque, & diffundet se per totam massam

salinam. Instillatio continuatur ocysime, donec cito tantum olei in salem attractum est, ut illud purum supernatet, sicque omnem omnino attractum aëris, semper aqua humidi, a superficie salis arceat, impediaturque. Reponitur urinale in loco subterraneo charta tectum. Brevi oleum disparebit, unitum alcalino sali. Affunditur tum iterum aliquid olei calidi ejusdem, baculo ligneo miscetur priori massæ. Reponitur, ut prius. Sicque pergitur, donec triplum fere olei sali sic adunatum erit. Eritque massa æquabilis, saponacea, mire penetrabilis. Quæ quo magis conteritur, & movetur, eo felicius, citiusque, perficitur. Unde lagenæ indita simul forti, tumque curru veredario quotidie vecta, concussa, quam citissime obtinetur. Ut nobilis Grevvius, & Bohnius, dudum observaverunt. Mihi quidem, conditiones omnes, modo enarratas, observanti semper pulchre successit: minima vero neglecta nunquam conrigit. Cognoscitur bene absolutum opus, quando parum hujus Saponis aquæ miscetur sine olei nota.

3. Si Sapo ille, sic confectus, urinali detinetur diu, solet sensim asurgere, juxta latera vitri, Sal quidam albus, crystallinus, odoris haud ingrati, saporis penetrantis salini, blandi, non alcalini, qui mire mirabilis, facile solubilis, Saponem præbet medicatum summi usus. Hunc quidem, paucum copia, credo ortum dedisse nimis forte liberæ assertioni, quod Sal Tartari fixus ope adjuncti olei hic fuisset redditus volatilis, atque absolveret succedaneum ipsius Alcahest. Quum igne urgerem bene confectum hunc Saponem, non deprehendi salem illum volatilem promissum.

U S U S.

HUjus experimenti indicio addiscimus iterum Salis alcalini, fixi, purissimi, siticulosam prorsus aviditatem, qua olea hæc in se rapit, trahit, unit. Ejusdemque rursus mitificationem ex alcalino, acri, igneo, in blandum salem oleosum. De vi ejus acido, austero, coagulo, viscoso, opposita; satis dixi in Processu præcedenti, inde repetenda. Notabo modo, omnes ibi recitatas vires saponaceas hic generosiores reperiri, magis actuosas, & semper quodammodo simul calefacientes satis. Intelligimus indolem olei stillatitii ratione alcalini fixi, hujus respectu illius, & tandem illius novi, quod de his rite combinatis gignitur. Salem ita genitum volatilem dixere Georgius Starkeyus, ejusque sequaces, mihi id liquido videre haud contigit, ut jam dixi. Hic ille sapo, quem Magister Matthæus, Londinensis empiricus, confecit titulo Correctoris Matthæi. Cui radices Hellebori, Glycyrrhizæ, & Opium admiscuit, simul digessit, in pilulas formavit polychrestas, diaphoreticas, non emeticas magis, nec purgatrices, sed anodynas, tamen sequenti die sæpe vomitum ciētes. Emendatam pilularum præparationem editæ suæ Pyrotechniæ subnexuit Georgius Starkeyus. Chemicorum more jactantia vires amplificans; nec nimis recte asserens Hellebori vires integras hic manere, licet emetica virtute ablata. Atque hæc de Saponis confectioe sufficiant. Animadvertit eximius Hombergius, hujus lixivium forte, acri acido perfusum, mire turbari, mutarique: dum, alcali in acidum attracto, oleum excussum.

iterum apparet. Monum. Ac. Reg. Sc. 1709. Saponem hic digesti cum Alcoholo sincerissimo, bene sicci solvuntur quodammodo in Elixir parvum Sapientum, ubi sal, sulphur, & spiritus, unita.

P R O C E S S U S L X X V.

Tartari Tartarificati confectio.

A P P A R A T U S.

1. **T**artari albi, magnis frustis concreti, purissimi, in pollinem tenuissimum reducti, quantitatem satis magnam coque in decuplo aquæ purissimæ, in vase amplo, æneo, stanno obducto, donec quam fortissime ebulliat, sicque Tartarus satis sit ebulliendo solutus. Vas autem maneat impositum igni aperto, ut ebullitio aquæ cum Tartaro constans persistet. Liquor tum gustatus valde est acidus, & fere pellucidus, satifque purus. Tum instilla guttatim, ex alto, oleum Tartari per deliquium, in ebullientis Tartari lixivium, ita alendo ignem, ut maneat ebulliens etiam inter instillandum. Ad singulos illapsus liquidi alcalici, orietur ingens ebullitio in liquore, quæ a concursu acidii illius, & alcali, oritur: ut patet, quia statim cessat sponte ebullitio, ilico resuscitanda, dum nova instillatio fit alcalini. Quia autem hæc magno in fervore ebullitionis perficiuntur, excitantur hinc in superficie ebullientis liquoris magnæ bullæ sphericæ, crepantes assiduo, assiduo renatæ. In his bullis oculus Chemicorum renatam uvarum figuram, auxilio imaginationis, invenit, aut invenisse putavit. Pergitur sic cum patientia, sensim, guttatim, instillando, donec tandem a gutta illapsa alcali, inter ebulliendum, nulla amplius effervescencia excitatur. Tum erit acedo Tartari saturata illa copia alcali proprii, ex Tartaro combusto nati, ut jam nec acidum appareat in misto hoc, nec alcali, sed tertius quidam, novusque sal; oportet autem sollicitè hoc punctum observare: quia aliter sal erit acidus, si nimis parva alcalina portio addita, alcalinusve, si paulo modo plus ejusdem adjunctum fuit; cura ergo summa esto in fine.

2. Liquor hic fervidus per colum de lana subito trajiciatur, donec limpidus liquor evaserit, semper fervidum tenendo. Erit liquor niger, fuscus, sapore singulari, subamarefcente, salino, saponaceo, subpingui, sine odore. Si inspissatur per calorem, donec cuticula in superficie appareat, tumque in frigido loco diu satis quiescit, deponet in fundo, & ad latera micæ salinas, quæ collectæ exhibent Tartarum in aqua facile solubilem, etiam in frigore, quum antea adeo difficulter, vixque sine calore ebullientis aquæ, posset solvi. Quare & solubilem Tartarum conamode satis vocare possumus.



U S U S.

Natura Tartari ita duritie ad lapidem accedit, ut indissolubilis a proprio vino, illud figulina quasi immeabilitate coërceat, hincque Germanis appositissime Lapis Vini appellatur. Habet acidum manifestum in se, cujus prædominante vi agere pulchre solet in primas corporis nostri officinas. Hæc acedo tanta, ut cum suo alcali, inde facillime producto (Proc. 55.), tam fortiter effervescat. Postquam autem quæsito alcali pondere æquilibrata aciditas, jam facilis, & obsequiosa, nata solubilitas est in Tartaro; devicto acido, suppresso alcali, nato novo Salis genere. In quo virtus elucet laudabilis in corpore humano, ubi potatus jejuno hic sal, aqua dilutus, efficacissima solutione, deterfu, & leniter purgante virtute, præsidio naturæ est ad multos morbos, eosque duros fatis. Extrinsecus ulceribus sordescentibus mundandis prodest, atque ad feliciorum perducit sanationem. An vero hinc sit jactatum Paracelso remedium, cujus Ille ope narrat, omnia vulnera recentia, absque ulla suppuratione, paucis coire horis, non dixerim; Samech ille vocaverat, quod a Germanico conglutinare fictum videtur. Id verius dixero, liquorem purum hujus salis, in aqua soluti, censendum inter pulcherrima, quæ in Chemia cognoscuntur, menstrua. Id discat, qui velit, decoquendo in hoc medicamine Gummi Laccæ, Myrrham, & similia. Satis videbit laudari vix posse. Sed & inde liquet tenacia primarum officinarum liquefcere virtute epoti hujus remedii. Imo Tartaream calculi humani materiem in systemate bilis, & urinæ, largo, quotidiano, sensim aucto usu, profligare posse creditur. Lithiasticis, Ictericis, Splenicis, Hypochondriacis, utile. Tandem docet examinatio hujus Processus, quam sit bonus usus Cremoris Tartari, Crystallorum ejusdem, vel & pulveris illius, in omni morbo, ubi bilis inprimis, vel & alii humores, in abdomine, a calida febre, aliisve causis, putrescunt, alcaliscentem degenerationem induunt, quæ tum domatur acedine nativa Tartari, eoque ipso statim convertitur in corpore in salem blandum, meabilem, solubilem, qui porro aperit, nec stimulat acriter, sed obstruentia porro expedit.

P R O C E S S U S LXXVI.

Tartarus regeneratus.

A P P A R A T U S.

Sali acerrimo, alcalino, fixo, purissimo, sicco, in vase amplo, puro, vitreo, angustioris colli, deposito, affundo limpidum, purum, Acetum stillatitium, satis forte, donec aceto fere opertus sit sal. Vix ulla sensibus effervescencia inde oriunda apparet. Quod mirum, nam alcali fortissimum cum acido effervere debere, exspectabatur. Videtur tamen contra, ac si debile hoc acidum cum alcali hoc nimis forti haud ebulliret. Concutio jam diu, & valide simul; incipit sensim quædam exoriri ebul-

litio, at parva, at statim sedanda. Affundo igitur plus de eodem aceto destillatione parato; oritur ebullitio paulo major, & conquassato vase jam satis manifesta. Postquam tertia vice idem perago, clare cernitis violentum furere fervorem, ingenti cum spuma, & sibilo, eo quidem rapidiorem, quo vas magis concutio. Hocque sic durat diu admodum, ut ultimum affusum acidum aceti eo fortius effervescat, quo propius accessum est ad saturationem alcali, quæ obtineri fere solet, postquam decies & quater fere pondus affusi aceti fortis, stillatitii, superavit alcali forte. Tum circa finem mistum, bene calefactum, diu, & valide, debet agitari; ut certi simus, non plus acidi affundi quam ad justæ saturationis punctum requiritur. Quod tædiose, pauculum simul affundendo, bene movendo, tandem obtinetur: donec tandem parum aceti affusum, permistumque, in calore, haud ultra effervesceat. Reponitur tum in calore nycthemeri spatio, dein agitatus humor, si non fervet magis, instillatur adhuc pauculum aceti, miscetur, agitur vas, non oritur effervescencia, jam scias obtineri justum saturationis modum. Interim in hoc experimento violenta effervescencia elasticotaton vaporem diffundit: ut vidistis, dum in vase hoc adeo capacis alvi, concussus Sal cum aceto, erumpentem cum ingenti sibilo halitum parat; dum enim appressu pollicis ad colli os vas claudio inter concutiendum, & dein subito relaxo spiramentum, auditis quanto cum sono exsiliat coërcita aura. Imo si obstinate, fortiterque, clausuris inter effervescendum, dissiliet displosum vas. Et jam liquor est ex aceti acido, & alcali fixo, natus, pellucidus, odoris singularis, non acidi, saporis nec acidi, nec alcalini, sed tertii falsi, novi; acrimonia vero vix deprehenditur in hoc liquore. Sed ille, sic modo paratus, possidet virtutem blandam quidem, & innoxiam, sed tamen efficacissimam attenuandi, resolvendi; per alvum, renes, cutim, evacuandi: unde in Chronicis, cum crassa materie, medicamentum summum in conveniente sumtum dosi, idoneo datum tempore.

2. Quando limpidus hic liquor, a fœce nata purus, ex cucurbita, per alembicum, destillat, dat aquam puram, simplicem. Liquor in vase superstes evadit leviter fuscus, atro-niger, tandem successive mutatus, niger prorsus, pinguis, spissus, saporis penetrantissimi, & quasi fundentis, in quo sane saponacea, penetrans, solvens, facultas, ipso sapore detegitur. Sumitur tum pauculum hujus liquoris, immiscetur illi pauculum aceti, si effervesceat quodammodo, tum constat, alcali adhuc dominari: ideoque prudenti admistu aceti stillatitii iterum saturandum erit compositum. Id autem sæpe ita solet fieri. Quare sollicita æquilibrium id cura quærendum.

3. Si tandem feliciter hoc obtentum fuit, liquor quiete a fœce separatur, leni tum igne omnis aqua educitur, donec in fundo supersit massa salina, nigro-rubra, penetrantissimi, sed prorsus singularis, saporis saponacei. Quæ ex aceto omni adhibito in se adduxit, & retinuit, omne acidum, quod in aceto erat, expulit omnem aquam, quæ in aceto diluebat ejus acidum. Sollicito Hombergiano labore patuit, pondus alcali auctum ab aceti acido, sic attracto, esse novem vigesimas respectu alcali. Et acidum hoc, respectu aceti, in aceto fuisse unam trigesimam septimam circiter partem

totius. Reliquas triginta sex partes puram fuisse aquam. Monum. Ac. R. Sc. T. 1. Ita jam natus sal, quem Tartarum regeneratum appellarunt Artifices.

4. Laboriosus hic, & pretiosus, sal, si urgetur igne majore, volatilis abit in auras, Artificem eludens. Quando leni valde igne, prudenter exsiccat, massam refert, quæ in frigore concrevit in miram molem, quasi appositu tenuissimarum lamellarum factam, instar lapidis specularis, vel talci. In calore autem mox diffluit in oleum pingue; in frigore iterum scissili lamellatim forma apparet. Hinc vocavere iterum hunc salem Terram foliatam. Et Otho Tachenius, pro Talco soluto jactasse, accusatur a Zvvelfero, in discursu apologetico contra Tachenium.

U S U S.

Non est aliud experimentum plura docens in Chemia. Hic cernimus alcali & acidi in creanda effervescencia novam, nec expectatam unquam, singularem, apparitionem. Videmus colores natos ex limpидitate aquæ sensim, per diversissimos horum gradus, usque in nigritudinem. Experimur oleum pingue, inflammabile, renasci ex alcali per ignem validissimum calcinato, & aceti macerrimo, tenui, spiritu: nam sal hic ficcus in igne flammam capit; summo igne destillatus oleum verum dat. Discimus inde, natos ex acido, & alcali, permixtis sales, non modo ex alcali & acido, iterum separabilibus, conflari, sed novi quid generare, cujus prius, nullum apparebat vestigium. Docemur, quæ portio acidi, in dato liquore acido, quæ aquæ in eodem præsto sit? Intelligimus, quænam proportionalis pars acidi requiratur ratione alcali, ut saturatio justa obtineat? Scimus modum verum convertendi salem acerrime alcalinum, fixissimum, igneum, in blandum, compositum, oleosum, saponaceum, volatilem. Sal hic, ita rite productus, est menstruum pulcherrimum omnium, convertens admistu suo, & digestu, objecta in æquabilem, solutam, massam, per corpus facile meabilem, viribus propriis instructissimam. In corpore humano summum hætenus cognitum resolvens, eoque pulcherrimum, quod calidis non obsit, profit frigidis, omni fere ægro accommodatum. Dubitavi sæpe, omnibus his consideratis sedulo, an non hic esset Sal Tartari volatilis redditus Helmontianus, quem tantis ille laudibus extulit, ut Alcahest ipsi substituerit vicarium: maxime, quum & ceræ instar fluat ad ignem. Veterum certe Chemicorum Acetum radicatum videtur habendum, quum hic in propriam matricem, Tartari calcinati, revertatur acetum, & associetur. Quotiescunque vero nimia cura salem hunc solvere, depurare, colare, inspissare, calcinare, sic in album convertere, quis conatur, toties deprehendet, abire in auras, perdiq: unde quidem volatilitatem sic natam discit, cæterum oleum perdit & operam. Quod ea præcipue gratia moneo: quia Autor hujus parandi, egregius Daniel Sennertus, nimiam diligentiam commendat, qua labor in damno egestatem crescere facit.

P R O C E S S U S

P R O C E S S U S L X X V I I.

Tinctura Tartari Tartarificati.

A P P A R A T U S.

Tartaro Tartarificato, rite parato, secundum Process. 75, & sicco, dein in pollinem trito tenuem, affunde, in phiala alta chemica, Alcohol vini purissimum ad pollicem quatuor superfluxum. Dein in phiala sola charta obturata, ebulliant simul, quam lenissime, in furnulo nostro ligneo, spatio nuſthemeri. Erit Alcohol coloris aurei supernatans, odore aromatico, sapore penetranti, calido. Si hoc repetitur cum novo Alchhole eodem modo, relinquetur tandem sal albus in fundo. Tincturæ inspissantur leni igne, ut decima pars superſit coacta in fundo.

U S U S.

Servit demonstrandæ parti in illo Sale, quæ Alchhole solvitur. Ipsa Tinctura sic parata aromatica, calefaciens, ulcera depurans, consolidans vulnera. Sal superſtes purior, simpliciorque quam prius, docet, sales ipsos dealbari poſſe, educta ope Alchholis tinctura.

P R O C E S S U S L X X V I I I.

Tartari regenerati diſſolutio in Alchhole.

A P P A R A T U S.

Tartaro regenerato, quam nitidiſſime præparato prius, &, quantum fieri poterit tuto, ſicciffimo, in phiala alta, chemica, vitrea, affunde ſextuplum Alchholis puriffimi, coque leni igne in furnulo nostro ligneo, quam prudentiſſime. Combinabuntur inter ſe, fietque de hiſce unum quoddam æquabiliter compositum, depositis ad fundum fœcibus. Poſtquam deinde per quietem accurate ſubfederunt, prudenti vaſis inclinatu deſtuat ſupernatans, puruſque, liquor. Si aliquid ſalini necdum diſſoluti ſupereſt, recentis Alchholis applicatu ſolvi poterit eadem cautela, & a fœculento ſeparari. Dein vero liquores parati, igne leniſſimo, deſtillando cogantur ad dimidias, habebitur Tinctura Salis hujus.

U S U S.

Cernitis hoc in experimento adunata in unum, alcali, acidum oleoſum, oleoſum ſpirituum, vegetabilium. Hinc actuoſiſſima plantarum principia, inertæ terra liberata; ſimul tamen tuta fatiſ, neque acrimonia ultra periculofa. Hæc quidem, ſic adunata, videntur conſtituere etiam Elixir parvum Sapientum, quod antiqui Artis Magiſtri commen-

dabant salutis servandæ, instaurandæ. Sane omnia fere obstacula fundit; per vasa se penetrat, amabili stimulo vitam incitat: ut diaphoresi fanet. In Chemicis quoque solvens præbet efficacissimum, quo reducuntur in minima, actiosa, virtute seminali illibata, ut ita queant admitti in adyta corporis, ad rebellia quæque compescenda, domanda. Neque minus laudatur a pulchritudine effectuum, quos ad externa corporis mala, vulnera, ulcera, tumores, præstat. Neque tamen ambitiosa adeo pauperibus medela hæc neganda, adeo salubris: potest enim extemplo parari, Cineres clavellatos cum quindecuplo acerrimi Aceti miscendo, colando, inspissando: ita sine laboris, & pretii, dispendio usu idoneum parari facile potest, & usurpari. Antiquis Romæ notum. Plin. xxiii. in Proœmio. Cinis farmentorum aceto conspersus ad vitia splenis bibitur.

PROCESSUS LXXIX.

Tinctura Salis Tartari Harveyana.

APPARATUS.

Accipio Salem alcalinum, nigerrimum, qui superfuit in retorta vitrea, postquam summo igne arenæ omne volatile expulsum fuit destillatione ex Tartaro, juxta (Proc. 55.). Huic, in mortario ferreo fervido per pistillum fervidum cito contuso in pulverem, & indito in phialam altam vitream, affundo spiritus Vini optimos, communes, ut supernatent ad quatuor digitos. Coquo leni igne in phiala alta hac, in nostro ligneo furnulo, per viginti horas. Habebitur liquor niger, tenuis, sapore amaro, aromatico, lixivioso. Qui effundatur purus. Ita debitos in usus diu vase clauso incolumis servari poterit suo titulo.

USUS.

Spiritus Vini vulgaris, aqua, acido, & alcohole, unitis constans, ebulliens cum alcali Tartari, sed adhuc oleoso, facit lixivium lenius, tutiusque: ob temperatum acido, oleo, & alcohole, alcali; unde species nascitur medicamenti, & menstrui, haud ignobilis. Id in Chemia coctum, digestumve, cum vegetabilibus, pulchre dissolvendo simplicia, bona præstat. In Chirurgia nobilissimum dat remedium ad depuranda, detergenda, exsiccanda, consolidanda, humida, purulenta, putrida, faniosa, virulenta, ulcera, cacoëthe, tam fistulosa, quam sinuosa, & cuniculatum depascentia; tum ad consumenda, quæ luxurie excrescunt nimia; inprimis si cum pauxillo olei ex arte commiscetur. Quæ etiam interne præstat pulchre ad omnes morbos, in quibus acidum, austerum, aquosum, mucosum, pituitosum, terrestre, abundat, ut & coagulatum; absit modo dissolutio putrida humorum nimia. Hinc ad veteres obstructions viscerum, colluviem aquosam, Leucophlegmatiam, Chlorosin, Icterus, Arthritidem frigidam, commendatur. Agit fortiter satis per diuresin, diaphoresin, & alvum quandoque. Potestque tutius exhiberi largiori dosi.

Si drachmæ binæ, vel tres, Syrupi quinque Radicum aperientium uncia mitificatæ, & aqua stillatitia Fœniculi dilutæ, potantur jejuno, mane, ter, quaterve, repetitis vicibus, præstantissima efficiunt, aliis remediis vix ita præstanda. Hinc celebris Gedeon Harveyus in libello suo merito commendat, laudesque deprædicat hujus remedii. Sed & veteres Medici ignari haud fuere talium ad illos usus: quod ut evincam ablego vos ad Dioscor. I. 186.

PROCESSUS LXXX.

Tinctura Salis Tartari Helmontiana.

APPARATUS.

1. **A**ccipe Salem Tartari, nigerrimum, qui superfuit a destillatione Tartari. Hunc in crucibulo magno, valido igne, diu exurito, & calcinato, bene cavendo, ne prunæ quid, aut aliud, incidat, donec albus ille evaserit; omni ejus oleo rite consumto. Aut aliter, si festinas, Tartarum fume optimum, hunc papyro emporico, madefacto, illiga, dein pone sarcinam hanc in foco ita, ut undique cingatur, & obruatur, igne luculento; qui dein sponte exstinguatur. Remotis cineribus collapsis, sed adhuc calidis, reperietur in fundo massa alcalina, salina, in unam coacta. Vocatur Sal Tartari vulgaris. Alteruter horum solvatur aqua, percoleatur, inspissetur, exsiccet in olla, pura, ferrea. Plane ut descriptum §. 4. Processu duodecimo. Sal hic dein calcinetur eadem omnino ratione, ut ibidem §. 5. descriptum, omnino eodem modo, ut sit in pollinem reductus tenuem, qui quo erit subtilior, eo semper aptior huic operi. Erit Sal Tartari optimus.

2. Sit tum præfens phiala, alta, chemica, siccissima, purissima, cujus os superius satis latum esto; in hoc sit tertia pars plena alcohole, omnium purissimo, calido. Sit & totum collum phialæ bene calidum, undequa-que: ne crepet a calore mox infundendi Salis Tartari, qui aliter frigidum collum transeundo illud faceret dissilire.

3. Ex charta fiat species infundibuli, ita circa fastigium colli circum apposita, ut os colli intra applicatam, & expansam, chartam medium pateat. Tum vero fervidissimus adhuc ab igne, & proinde siccissimus, pulvis Salis Tartari calcinatissimi, immittatur per chartaceum infundidulum in phialam calidam, in alcohol. Si recte curata sunt omnia, introibit magno cum sibilo, & strepitu, Sal in alcohol, idque ipsum ebulliet statim a fervido sale. Postquam satis salis immissum fuit, phiala obturatur leviter subere. Ubi frigefacta omnia, affunditur plus alcoholis, donec ampulla tres quartas plena sit. Concutiantur simul ita, ut nihil salis remaneat ad latera colli phialæ, sed ut omnis ille accurate decidat sub alcohole. Aliter miculæ ille salis adhærescentes solverentur ab humido aëris, miscerent se alcoholi, & frustrarentur totam operationem tam laboriosam.

4. Tota hæc phiala, ita instructa, reponitur in calore centum graduum,

sæpius concussa interim, leviter modo obturata; ne humiditas aëris, adeo hic inimica, ingredi queat. Fit brevi liquor saturatissime ruber, colore pulcher. Qui vere manifestam alcalini salis virtutem in se habet, testaturque odore, sapore, vix autem ulla effervescencia, & imprimis, si supernatans liquor, quam prudentissime inspissatus destillando, exploratur, manifeste saponaceus, & utcunque salinus.

5. Quando quam minimum aquæ miscetur hisce, nihil omnino fiet tincturæ; sed alcohol excolor stabit, & pellucidum, super alcali, quocunque demum temporis spatium; quin & apparebit nota, vel levissima, humiditatis aliqua. Quare non miror, clarissimos Autorum in hisce scripsisse, Tincturam hanc impossibilem: nam neglectus vel levissimus unius ex requisitis tot, hic necessarius, semper efficit, ne contingat. Quod vero alii Artis nostræ Professores scripserint, colorem, nostro modo, impressum alcoholi spontaneæ per tempus mutationi alcoholi deberi, refellitur re ipsa, ut & recensitis statim notis. Facilis error, ubi tantus exigitur labor. Tincturam ipsam alcalinam non inveni, sed potius saponaceam compositam.

U S U S.

1. **L** Aboriosissimum experimentum demonstrat rursus alcalini fixi, puri, impatientiam solitudinis, & appetitum attrahendi in se omnia fere liquida, quotiescunque solus omnino existit: aquam, acida, olea, avidissime rapiebat ad se; id patuit per Processus supra exercitatos. Jam ipsum quoque alcohol: licet non tam fortiter hoc quam priora, non tam arcte. Novum & hinc modum addiscere est saponis ex alcali & alcohole, sed tenuissimi: nam Tinctura hæc vere saponacea se exhibet, vel tritu intra digitos detergendi summa facultate apparente, ubi merum alcohol sola exsiccatione se probabat. Sapore suo acre satis salinum igneum docet. Non quidem aperte effervescit cum acidis. Neque adeo promte præcipitat soluta in acidis. Si destillando pura tinctura inspissatur, coagulum salinum, saponaceum, vix alcalinum, satis acre, relinquit, colore saturate rubrum, fere nigrum. Hoc menstruo olea stillatitia egregie, cito, penitus dissolvuntur. Etiam Tincturæ eximiæ de Lacca, Myrrha, Succino, per illud elaborantur. Laudatur internis usibus a Chemicorum ordine, contra morbos oriundos ex obstinatissima, tartarea, materie. Sed, quia vera fateri ubique honesti est, libere dixero, exhiberi non posse in corpore humano, nisi diluatur aqua, vino, similive liquore blandiore: aut vere exurit uno momento, quas attingit, partes. Quando autem debilitatur, ut oportet, quoniam valet tum illa operosissima alcoholis depuratio, & longe tædiosior ejus cum alcali combinatio? Credo, præcedentem Processum compendio laborum dedisse efficacius medicamen. Nec ideo inutilis operatio, quæ tam multa docet: quin imo & præclaros habet usus modo memoratos, & jam porro enarrandos.

2. Diu animo volvi Magno Helmontio elapsus dictum p. 58. 86. scilicet, Spiritum Vini destillatum a Sale Tartari optime calcinato converti dimidiam partem in aquam. Id ego intellexeram de Spiritu Vini forte semel rectificato, ut aiunt: præcipue, quia p. 151. dixerat idem cum aceto

feri. Ut jam dixi Processu 49. pag. 129. Quia vero Helmontianorum principes aiunt, id longe aliter capiendum, & hic debere intelligi, quod Alcohol sincerum Sali Tartari neceretur unam partem sui, dum alteram in aquam conversam repelleret a se, & a parte priori in Sale Tartari attracta, hincque verum alcohol conflare ex his binis, a se mutuo separabilibus partibus, quin & sale Tartari conversum ita in nobilissimum balsamum Samech Paracelsi, quod ad miraculum sanat vulnera absque ullo incommodo; operæ pretium duxi Vobis candide aperire, quid, non parvus laborum, ipse hic invenerim. Feci Tincturam Salis Tartari, ut statim descripsi, optimam, fortissimam, ruberrimam, odore fragrantissimam, sapore acerrimo, igneo, diceres quasi alcalino. Digessi per plures menses cum suo alcali. Dein reposui quatuor annorum spatio sic simul. Sal erat in fundo siccissimus, erat tinctura supernatans quam ruberrima. Dein phialam invertens, omnem hunc sale, cum sua tinctura, effudi simul in cucurbitam vitream, purissimam, siccissimam, erant fragrantissima. Destillavi leni igne, vasis curatissime clausis, omne alcohol per alembicum. Alcohol erat limpidissimum, subtile, fragrans. Sal in fundo erat coloris coccinei; qui olim candidus. Reaffudi alcohol eductum ad suum sale, destillavi, ut prius. Alcohol paulo difficiliter adscendebat. Restabat massa salina rubro-nigra. Alcohol autem saporis ignei. Cohobavi sic ad vigesimam primam vicem. Restabat in fundo massa salina, nigra, exivit alcohol acerrimum. Tum denique massam hanc acrem, alcalinam, graveolentissimam, nigram, urfi magno igne, summi gradus arenæ. Exhibat tum aqua, non alcohol. Unde, licet summa cura omnem aquæ congressum prohibueram, vidi aquam tamen de hoc sale & alcohole sic educi, sed neutrquam parte dimidia sui alcoholis. Quin & hætenus dubito, num aqua hæc ab aëre accesserit; dum toties affundendo, & abstrahendo, alcohol, forte aliquid humidi aërii clanculum se immiscuerit alcoholi, & alcalino sali. Hoc certo scio, alcohol, ita primo unitum Sali Tartari; dein cum eo digestum per tot menses; postea quadriennio simul relictum; tum ad viginti duas vices abstractum ab eodem; nondum reddidisse hunc sale volatilem, sed fixum reliquisse nigrum prorsus. Fracto tum vasi exemi omnem hunc sale. Exposui orbi cavo, vitreo, in loco subterraneo. Deliquescebat in liquorem fuscum, saporis acris, alcalini, quem servavi seorsum. Hæc faciebam eo animo; ut tandem certi quid statui posset de Tinctura Salis Tartari; de Alcohole ope hujus in aquam vertendo; de natura Alcoholis destillando a Sale Tartari uniti ad hunc; de volatili reddendo Sale Tartari ope Alcoholis Vini. Quam multis licet esse divitibus per promissa! Acta probat exitus. Alcohol hoc, toties cohobatum modo descripto, erat limpidissimum, fragrans, sapore igneo, defragrans sine fœce, non fervens cum affuso acido ullo modo. En laborum præmia.



PROCESSUS LXXI.

Elixir Proprietatis ope Aceti stillatitii.

A P P A R A T U S.

A Ccipe electissimæ Aloës, Croci, Myrrhæ, ana unc. β. scissa, & tusa, immitte altæ chemicæ phialæ, affunde desuper Aceti stillatitii vini acerrimi vigecuplum, respectu simplicium. Ebulliant simul leniter in furnulo nostro ligneo per duodecim horas. Frigescant, quiescant, donec fœx subsedit. Effunde purum supernatans per telam raram prudenter, lente: ne crassum effluat. Residuo affunde novum Acetum dimidiata, ratione prioris, copia. Ebulliant iterum, ut prius, quiescant, frigescant, effundatur purum per telam raram. Residuum abjice. Tincturas mistas leni igne destilla, inspissando ad residuum tertiæ. Acetum egressum serva ad eundem usum. Quod in fundo manet, serva hoc titulo.

U S U S.

H Abetur ita remedium acidum, aromaticum, in praxi medica infiniti usus. Extrinsecus enim ulcera putrida, saniosa, fœtida, sinuosa, fistulosa, virulenta, emendat, depurat, a corruptione defendit, vere balsamica virtute imbuat, conservat. Labiorum, gingivarum, linguæ, palati, faucium, gangrænas, ulcera, sanat. Interne eadem præstat in primis viis, quoties putredo, bilis fœtida, concreta pituita, lumbrici, & infiniti, de quatuor his causis oriundi, morbi ibidem dominantur. Quin & ulterius in sanguine quoque, & visceribus, eadem fere præstat: ut ex cognitis his tribus, aceto subtili solutis, facile perspicitur. Sumitur mane, vacuo ventriculo, post ultimum pastum ut minimum duodecim horas. Datur una vice a drachma ad duas, tresve, ex Mulsâ, Hydromelle, aut Vino molli, dulci, superambulando, aut abdomen molliter perfricando postea. Quod continuari potest & repeti pro re nata. Si majori sumitur dosi, cum regimine paulo frigidiori, purgat semper per alvum. Si partitis hauritur, minoribusque, dosibus, urinæ spissæ secretionem sanguinem repurgat, plerumque ambo successive peragens. At largiori assumtu, decumbenti in lecto, stragulis bene operto, sudoriferi generosi officio strenue fungitur ita, ut vix alteri cedat, tum postea, & alvum plerumque ciât, & urinam, omni modo utile. Hinc puto hoc esse optimum Elixir Proprietatis acidum, polychrestum vere, satisque simul tutum. Paracelsus ex Aloë, Croco, & Myrrha factum elixir dixit, in balsamum vivificum, & conservantem, vitæ humanæ intimæ insinuandum, sanam vitam ducere in longævitatē ultimam naturæ humanæ possibilem. Hinc vocabat Proprietatis Hominis superbo titulo. Præparationem subticuit. Helmontius Alcahest eo requiri asserit. Bonus Crollius oleum Sulphuris per campanam addit pro menstruo: gnarus Paracelsicæ doctrinæ acidum esurinum requirentis in remediis stomachi-

cis. Sed tum in duritiem lapideam Aloë & Myrrha solidescunt, quasi combustæ; neque affuso dein Alcoholi adeo prompte obediunt, in usu dilutionem acris illius acidi requirunt. Hinc putavi acidum, blandum, oleosum, vegetabile, commodum satis præbere, & proprium solvens, in usus medicatos. Si quis parato sic Elixiri tantum Alcoholis admiscet, reddit eo magis balsamicum, efficax, & mite. Rufi catapotia, Antiloimica dicta, omni dote refert, atque eorum vice satis fortunato usurpari potest.

PROCESSUS LXXXII.

Elixir Proprietatis ope Aqua stillatitia.

APPARATUS.

ALoës, croci, myrrhæ. ana q. p. in pulverem reductis, in phiala alta, chemica, affunde Aq. stillatitiæ Cochleariæ vigecuplum. Præpara ut prius. Et inspissa, ut statim, in præcedenti, descriptum fuit.

U S U S.

HOc elixir egregium id habet vitii, quod asservatum diu, mucaginem in superficie acquirat. Cæterum vires exercet egregias in corpore humano, iis similes, quas Processu præcedente exposui. Modo consideretur vis acida abesse. Inprimis est egregium purgans per alvum. Potest vero loco aquæ Cochleariæ alia aromatica sumi.

PROCESSUS LXXXIII.

Elixir Proprietatis ope Alkali fixi, (12.)

APPARATUS.

1. **S**umuntur eadem species, ut supra, in phiala alta chemica, iis affunditur Oleum Tartari per deliquium, quantum sufficit, ut sit pulicula modice crassâ, quæ dein calore centum graduum digeritur in furnulo ligneo, quo diutius eo melius; phiala occlusa: sic diuturnitate digestionis alcali intime resolvit Aloën & Myrrham ad hoc opus.

2. Tum præparatæ ita species tractantur cum aqua quadam stillatitia aromatica, ut statim descriptum fuit præcedenti Processu. Et habetur Elixir Proprietatis alcalisatum cum aqua stillatitia paratum.

3. Aut speciebus præparatis affunditur Alcohol purissimum ad vigecuplum, ebulliunt duodecim horis methodo nostra. Frigida, pura, supernatantia, prudentissime effunduntur a fœcibus. His novum Alcohol affunditur, coquitur, depuratur, effunditur. Atque ita pergitur, donec omne solutum in Alcohole subductum fuit penitus. Dein Tincturæ permixtæ inspissantur leni destillatione, donec sit Elixir crassum instar olei Amygdalini. Idque tum servatur titulo Elixiris alcalisati Alcoholisati. Cujus sane sic parati vires satis deprædicari nequeunt.

4. Si autem loco Alcoholis sumitur Spiritus Vini semel modo rectificatus, habetur Elixir crassius, æque nobile.

5. Aliquando loco Alcoholis, aut Spiritus Vini rectificati, usurpavi ad confectiorem hujus Elixiris, Spiritum Vini stillatitium cum aromatibus tam simplicem, quam compositum (Proc. 69. 70. 71. 72.) Eratque Elixir ita paratum eximium: maxime, ubi cum composito (Proc. 72.) spiritu confectum fuerat.

U S U S.

HÆc ita parata remedia exhibent, quorum in arte usus creberrimus, laudatissimus, ad omnes morbos acidos, austeros aquosos, frigidos, pituitosos, scirrhosos, obstructos absque inflammatione; purgat fere per omnia emunctoria corporis; interim nervis gratum simul est, & spiritibus, medicamentum; fœminis amicum aristolochicum, emmenagogum, galactophorum; anthelminthicum; antiscorbuticum in quadam specie; appetitui ciendo idoneum; bilis defectum feliciter supplens. Practicis hinc semper necessarium. Agit ratione alcali, ratione specierum dissolutarum, ratione etiam spirituum, vel aquæ, in varios usus.

PROCESSUS LXXXIV.

Elixir Proprietatis ope Tartari tartarificati.

A P P A R A T U S.

Idem speciebus in pollinem reductis affunde triplum liquoris Tartari tartarificati, optime confecti juxta Processum 75, in phiala, ut in præcedentibus; digerantur simul, vase clauso, spatio tridui, calore 150 graduum, videbis species integre dissolutas in pulvem homogeneam, longe melius, quam ab aceto, aqua, vel alcalino. Superfunde tum Alcohol vigecuplum ratione specierum; ebulliant leniter spatio duodecim horarum. Frigore, & quiete, depuratum, separa; reliquum ut prius cum novo Alcohole præpara, separa; id repete, donec totum fere solveris; videbis nunquam minus fœcum superstitum. Omnia Elixiria inspissa leni igne ad olei crassitiem. Alcohol serva in eisdem usus. Erit paratum Elixir Tartarificatum Alcoholisatum.

U S U S.

HOc paratum Sale composito, mire aperiente, vires habet meliores præcedentium Elixirium virtute. Hinc mire prodest obstructionibus chronicis inveteratorum morborum, quas potentissime resolvit, nec acri acido, aut alcalino, nocet: solent enim compositi hi Sales liberius transmitti cum suis solutis per vasa nostra.

P R O C E S S U S L X X X V.

Elixir Proprietatis ope Tartari regenerati.

A P P A R A T U S.

IN alta phiala pulveri trium specierum, jam toties memoratarum, affunde liquorem Tartari regenerati triplum ratione pulveris; digere tri-duo, erunt Aloë & Myrrha fere integre solutæ, Crocusque penitus aper-tus. Tum affunde Alcoholis purissimi vigecuplum respectu pulveris; ebul-liant lenissime duodecim horis. Cætera tracta ut prius. Supererunt fæces paucissimæ, abjiciendæ. Elixir inspissatur ad dimidias. Alcohol servatur in similes usus. Erit Elixir crassum, turbidum, solutum, sicque semper re-manens.

U S U S.

1. **I**N hoc postremo Processu sunt species fere integræ, æquabiliter, sic dissolutæ, ut potabiles evadant penitus: unde etiam efficaciam illius Elixiris aperientem, fundentemque incomparabilem deprehendi, ad Chronicos plerosque. In quibus blande liquefacit concreta in vasis; nervosum genus placide stimulat in motus sedatos, per quos propellat soluta; putrefactioni adeo hic crebræ, adeo perniciosæ occurrit; hinc vis-cera liberat; iisdem actiones per obstruentem materiem impeditas inte-gras restituit; hinc tumores resolvit; sicque morbos quam plurimos, ali-ter vix cedentes, sanat. Quare mihi videtur Elixir hoc fere haberi pro Pa-racelsico & Helmontiano.

2. Ex omnibus his habuimus exemplum, solutionis, & præparationis, Chemicæ ejusdem rei par varia solventia. Simulque cognovimus, quo-nam pacto mire varia sit horum solutorum potestas pro diversitate men-strui, pro Medici quoque proposito omnino debent alio modo, alio men-struo parari in usus quotidianos hæc Elixiria. Quin & pro varia determi-natione Medici aliter agunt: sumta cum Theriaca sudores movent; cum purgante alvum movent; cum sero lactis, vel aquis medicatis, deambu-bulando in aura frigida, per diuresin valde operantur. Omnia autem hæc Elixiria solent corpora animalium immissa a putredine servare, excepto eo, quod cum aqua paratum. Cariosis ossibus singulari beneficio bona om-nia, exceptis iterum illis, quæ cum acido fuerant confecta. Hinc ergo in usus clinicos semper præsto sunt: quia vere polychresta. Nec mirum: Crocus est verum spirituum animalium excitans; Aloë pulcherrimum, & innoxium, purgans; Myrrha summum antisepticum. In iis vero morbis, ubi sanguis nimis dissolutus, ubi Hæmorrhagiæ magnæ, vel Hæmorrhoi-des, vel nimia humorum agitatio, prædominantur, neutiquam conve-niunt, sed contra noxia ibidem habentur.

OPERATIONUM CHEMICARUM

PROCESSUS LXXXVI.

Analysis Fuliginis.

A P P A R A T U S.

1. **A**ccipio Fuliginem nigerrimam, siccissimam, ex camino pistorum collectam, ubi nihil nisi panem coquunt: unde elegi hanc de pistrina publica, ubi panis conficitur pauperibus distribuendus; colligi autem debet tempestate valde sicca. Hac repleo ingentem retortam vitream, fere ad collum usque. Applico ingens excipulum vitreum, purum, postquam prius collum retortæ accurate mundavi interius. Luto vulgari de farina lini claudō.
2. Tum ignis excitetur centum & quinquaginta graduum, isque sustineatur æquabilis, exit copiosa aqua, pellucida. Hæc cum impetu prodit: hinc si incautus igne statim utitur fortiore, facile findit excipulum. Debet sic pergi, quamdiu aqua hæc limpida exit. Quod quidem diu satis fieri solet; quamvis Fuligo sicca sit.
3. Ablata prima hac aqua seorsum in lagenam infusa; applica denuo excipulum, ignem incita ad ducentos gradus & paulo plures; exhibit copiosa aqua, alba, lactea, pinguis, quæ etiam prodit satis cum impetu. Pergatur lente aucto igne, quamdiu iterum aqua hæc prodit. Quæ dein iterum seorsum fervetur.
4. Excipulo rursus applicato, instruatur focus acrius, adscendit sal, flavus, volatilis, copiosus, undique excipulo accretus, urgeatur ille, quamdiu prodire cernitur.
5. Simul tum igne validissimo arenæ, & quidem suppressorio, adscendit oleum atrum, crassum.
6. Refrigeratis sponte omnibus; deprehenditur in collo retortæ Sal, qui violento hoc igne tamen non adscenderat sursum, nisi huc usque. Sed in fundo retortæ nigra hæret fœx, cujus tamen superior superficies obtegatur crassa valde crusta cineritia alba, salina; quæ colore, figura, concretionem, striis, Salis Ammoniaci, vulgo venalis, speciem omnino referre videtur.
7. Si aqua lactea rectificatur, dat Spiritum volatilem penetrantem valde; & aliquid Salis oleosi, volatilis, satis acris.

U S U S.

Processus hic requirebatur omnino: quia præcedentes omnes modo exhibuerunt eas partes vegetabilium, quæ per varias præparationes, diversosque ignis gradus, actæ, aut restarent fixæ, aut de vase in vas transmitterentur. Hic autem docemur, quid ignis apertus agitans comburendo moveat, mutet, expellat, per aërem projiciat, primo specie fumi, dein specie flammæ, tandem forma exhalationis, & quam alte hæc evehat. Caminus enim species est alembici convergentis in fastigium

apertum, estque aliquando triginta, & ultra, pedes altus, usque ad summa fuliginem evehens, tumque adhuc atrum fumum ore camini supremo per aëra dispergens, ubi sensim evanescere videtur. Vos super his speculantes cogitate, quam immensa talium corpusculorum vis virtute ignis ardentis projiciatur ex tota terræ ab hominibus habitata, igne semper utentibus, superficie. Discite, vegetabile combustile, fumum ejusdem, flammam inde natam, Fuliginem hinc factam, nubes atras per aërem sparsas, constare una, eademque, materie, per ignem agitata. Quænam vero est hæc materies? 1. Spiritus quidem fœtidus, oleosus, amarus, ingratus, nauseosus, in aqua ipsa, primo egressa, hærens, & dein per omnes alias partes, statim recitandas, semper dispersus. Hic videtur esse oleosa, subtilissima, pars vegetabilis, vi ignis acta. 2. Aqua, quæ ingenti hic copia: est enim in hoc spiritu, est in aqua prima limpida, ut & in secunda lactea, tum in spiritu salino, in sale volatili, pro parte in ipso oleo. Hæc aqua nulla fere arte potest pura reddi: inquinata semper amarore indelebili, & nidore haud separando, illius spiritus. 3. Sal volatilis, acer, alcalinus, oleosus, qui primo exit, qui in excipulum usque evolat, ejusque lateribus se applicat. Hunc enim vere alcalinum deprehendi odore, sapore, vi ignea, sed & effervescentia violenta cum acidis, & concretione cum iis in salem compositum. Hinc alcali volatile abundanti copia assiduo, per combustiones, atmosphæram replet. 4. Spiritus acer, alcalinus, pinguis, qui constat sale modo memorato in aqua dissoluto, sicque spiritum mentitur liquiditate, penetrabilitate, subtilitate, volatilitate. 5. Oleum fœtidum, nigrum, amarissimum, nauseosum, acrem, inflammabile, fere causticum, crassum, sale oleoso permisto. 6. Sal vere Ammoniacus, in collo retortæ infimo, & in superficie terræ illius nigræ elevatus: nam sal hic sedulo collectus, & curate separatus ab illo alio alcalino, qui primo egressus erat, præbet verum Salem Ammoniacum: Est colore subalbus, subpellucens; sapore falso salis ammoniaci; odore fere eodem; cum acidis non fervet; mistus alcalinis fixis, mox salem alcalinum, volatilem, verum exhibet, ut Sal Ammoniacus. Quare hic verus ortus hujus salis eruitur de Fuligine. 7. Terra nigra, fixissima, quæ igne aperto dein calcinata, oleo consumto tenacissime adhærente, calcem terrestrem, albam, relinquit. En, Auditores, Analysin desideratam Fuliginis. Hanc considerate: scietis volatilia vegetabilis per ignem apertum, avolantia, & remanentia fixa. Videbitis, quid Vulcanus ardens aëri participet de vegetantibus. Scietis, ipsam illam terram, quæ tam fixa apparet in igne violentissimo, postquam separata de cæteris jam habetur, tamen aliis mistam flammæ, ignisve, potentia ultra quadraginta pedes per aëra diffundi specie tenuis nubis. Sed, ubinam finirem, si in usus Physicos minutatim hæc prosequeretur? meditationi Vestræ permitto reliqua. Unum dixero. Catapotia de Fuligine formant sicca, hæc, dein auro obducta; commendant in morborum frigidissimis curandis fortunato sæpe successu. Sale volatili Fuliginis utuntur, ut eo, qui de animalibus paratur, nec impari eventu. Salem ultimum Hartmannus Cancro leniendo parem laudat: sane Ammoniacus sal putredini illius prudenter subministratis occurrit, huic & hic ipse. Tandem vero sciatis, Fuliginem de

mero ligno quercino accenso natam, aut de cespitibus bituminosis nostratum, vel de carbone fossili, aliam fore in analysi chemica. Longe autem alia foret, quæ colligeretur de culmine coquinæ Cleopatrar, noctes diesque repleto fumis non modo ardentis materiæ, sed coctorum, afforum, frixorum, animalium omnis generis. Hæc moniti recte judicetis de Fuligine.

PROCESSUS LXXXVII.

Analysis Succini.

APPARATUS.

1. **S**UMO retortam vitream capacem, cujus extremum rostri sic abscidit, ut bene patulum sit os, binos scilicet pollices diametro, aut ultra æquans. Huic immitto Succini fragmenta vulgaris, accurate mundata ab omni arena, pulvere, aliis corpusculis, ut duas partes tertias venter retortæ plenus sit. Excipulum applico satis capax, glutine communi conjungo.
2. Ex arena instituo destillationem gradu ignis, qui aquæ ebullientis paulo major; exit oleum, copiosum, tenue, limpidum. Protrahitur hic ignis gradus, quamdiu aliquid hujus olei de Succino prodit. Hoc seorsum colligitur.
3. Recipiente iterum applicato, augetur ignis prudenter, donec iterum incipit prodire oleum; id erit flavum, copiosum quoque, & pellucidum adhuc. Patienter rursus hoc pede pergitur, quamdiu & hoc oleum exit, quod diu satis durat. Sed elegantia operationis erit, si illud nitide seorsum iterum collegeris flavum, & subrubescens, crassius.
4. Illo igitur seorsum seposito; augetur denuo ignis sensim, donec incipiant flocculi albi, salini, apparere ad cava excipuli, collumque inprimis; sedulo tum ignis hic sensim auctior continuatur magis, magisque, quousque nihil amplius producit hujus materiæ, quod cum patientia ita sustineri debet: aliter Sal hic Volatilis miscetur crasso, subsequenti, oleo, maximamque partem perditur in illo. Melius est, seorsum habere, & auferre. Toto vero tempore, quo Sal ille volatilis adscendit, oleum simul exprimitur rubrum, adhuc fere pellucidum.
5. Aucto iterum quam validissime igne, prodit crassum, lentum, nigrum, oleum, spissum instar Terebinthinæ.
6. Denique, eo expulso, igne suppressionis, summo arenæ, urgeo residuum: assurgit flatulenta materies, tota simul, nigra, in collum retortæ, quod totum occupat, venitque sic in excipulum moles nigra, dura; unde si collum retortæ os angustum habuisset, id obturatum effecisset, ut cum periculo, & fragore, sæpe & cum incendio, displosum fuisset vitrum. Si autem hoc ultimum residuum, antequam illud igne propellis, arena pluri obruis, tumque igne suppressionis agitas, divisa tum materies, impedita uniri, transit nigra, dura. In fundo retortæ retinui hoc modo parum admodum fœcularum friabilium, vix ullius momenti, ut volatile sit totum.

7. Si sollicitè fuerit instituta operatio, tot diversa inde producta eliciuntur. Quæ seorsum destillatione nova queunt depurari, sicque reduci ad limpiditatem, tenuitatemque. Sal autem volatilis, seorsum collectus, acidus prorsus est, exhibetque unicum modum, mihi cognitum, quo acidum verum forma solida salina obtinetur: id enim in nulla vel vegetabili, animali, fossili, perspicitur. Tartarus enim vix Sal aqua solubilis, licet acidus. Oleum Vitrioli summa arte purissimum, summo frigore hyberno in glebas solidescit perspicuas, sed statim ac acuties frigoris parum retunditur, statim liquecit, & diffluit. Sal hic Succini satis diu constat.

U S U S.

Succinum sic apparet singulare satis corpus. Oleis suis Petroleo, Naphthæ, similibusque satis accedens, adeoque fossilibus pinguibus. Residua vero parte, post oleum primum, & secundum, eductum, superstite quam proxime refert lapidem Gagatem nigrum. Sale acido rursum Chalcanthini quid refert. Dubitavi inde ubinam opportune locarem ejus Analysis. Retuli tandem ambiguum huc: ut resolvatur in suas partes; vel ideo, quoniam in Alcohole Vini dissolvitur integre fere, sine separatione partium, sed concreta mole potius, juxta (Proc. 58.). Quam mirabiliter differt eadem res concreta a suis partibus, in quas arte chemica resolvitur! Succinum; pulvis ejus; solutio totius in alcohole purissimo facta liquida; pulvis de tinctura per destillationem inspissata, per aquam præcipitatus, & dein ablutus; destillatione nata olea, sal, colophonia; Quis credidisset eadem materie nascitura? Quis vires usu convenientes in his agnoscat? Quis de iisdem adunatis iterum componendo novum Electrum componat? Olea autem, nova destillatione rite depurata, vim habent acrem, balsamicam concitantem, diaphoreticam, diureticam, emmenagogam, hysteriis utilem, facultatem. Externe quoque illitu & affricu, multum profunt ad contracta, debilia, paralytica, torpida, membra fananda. Sal ille volatilis, acedine grata, balsamica, pingui, penetrabili, antiseptica, nervos stimulante, spiritus commovente, est verus Sal Volatilis oleosus, acidus. Hinc Anthysteriæ, & Diureticorum, princeps; inprimis ubi destillatione nova depuratus est.

P R O C E S S U S LXXXVIII.

Putrefactio Vegetantium.

A P P A R A T U S.

SI Vegetabilium partes molles, recentes, succulentæ, æstivo tempore, congeruntur in dolium ligneum, supra apertum; atque in eo comprimuntur; ut vas fere plenum sit; tumque in aëre aperto ita relinquuntur; incipient, sponte sua, brevi, calere, crescente quotidie magis; magisque, æstu, inprimis in medio; qui calor tandem increfcit in gradum calidiorem fervente aqua; & quidem eo violentiorem, quo magis

compressa, minus aquosa, herba, modo sicca non sit; fervor hic, ubi pervenit ad summum, defervescit iterum per gradus, reditque in temperationem calori atmosphæræ similem, tum tota moles herbacea in pulvem, fere æquabilem, reducta est. Calor ille incipit gigni a medio centro massæ, ibi maximus fit, inde se dispergit quaquaverium, tandem occupans totam massam. Nihil refert qualis herba fuerit, alcalinissima ut Cochlearia, acidissima ut Acetosa, insipidissima ut Gramen. Spirant hæc herbæ primo odorem proprium, si fragrant ex se, quamdiu calor exiguus, nec major octuaginta gradibus, tamdiu & sapor singularis perstat; aucto calore sensim naturalis odor mutatur in illum, qui in fœno fervente madidiore observatur; dein per gradus summi caloris odor proprius omnis, omnis sapor, perit, quin & ipse color; nascitur putridus fœtor, stercoreus quasi, saporque cadaverosus putrefactus, urinam putrefactam referens; perit spiritus Rector; manet ex diversissimis fœtor, sapor, idem.

2. Si herba recens demessa, dimidium sicca, humores cæterum naturales adhuc habens, in ingentes aggeritur acervos, odor acer, valde diffusus, orietur primo, qui testatur, motum igneum incipere nasci in loco interiori molis, ubi maxima compressio est; sed externe nondum calor percipitur. Si tum totus acervus projicitur, & ventilatur herba, statim prohibetur Putrefactio. Verum si ita relinquitur, sibi que committitur in illo jam prægnanti acervo, æstus adeo increfcit, ut totum interius computrescat, ebulliat, vivas tandem in flammam erumpat, furente incendio. Quo autem grandior acervus, & mole gravior, eo semper promptior hæc Putrefactio, & calor incendiarius. Si sic in flammam exit, tum vertitur hoc Vegetans, ut fieret, si in camino combureretur. Sed si valide quidem æstuat, sed non tamen eousque, ut incendatur, tum putrescet in pulvem perfecte, ita, ut in priore contigit. Fœnum exemplo est nimis noto.

3. Hæc actio tanto minus procedit in Vegetabilibus, quo arida magis hæc, & exsucca fuerint, ex se, vel arefacta prius; si autem humectantur tunc, tum affusa tanta aquæ copia, ut madescant penitus, resuscitatur denuo Putrefactio. Procedit eo etiam minus, quo rarius incumbunt sibi invicem, interceptis spatiis liberis aëriis; sed eo magis procedit, quo molliores, magisque compressæ, inter se arctissime comprimuntur: unde ficciores, rigidiores, herbæ, ut Rosmarinus, in dolium repositæ; vix putrescunt ita, nisi vel pondere valido comprimuntur, vel in ingenti acervo fuerunt. Contra vero, si nimis diluuntur tenuiter abundanti aqua, fracedo quædam, non hæc actio æstuans, excitari solet.

4. Si puls hæc, ita parata, statim ac perfecte sic parata habetur, cucurbitæ magnæ, vitreæ, indita, destillat vasis bene clausis, ad siccitatem fere, liquor habetur limpidus, fœtidus, seorsum servandus. Residuum, fere siccum, inditum tunc retortæ vitreæ, si inde destillans per gradus ignis, usque in summa, dat fumos albos, liquorem adhuc copiosum, salem album, & oleum nigrum, spissum. Quæ seorsum servantur. Fœx nigra, valde pauca, in retorta residua, exemta, usta, calcinata igne aperto, relinquit meram terram, sine ullo sale fixo remanente; qui in exustis plantis, ante Putrefactionem, tam copiosus, acerque, parabatur.

5. Quando tum, oleo seposito, liquor ultimus, ex alto vase, leni igne, ad dimidias destillat, liquor habetur acer, alcalinus, salinus, volatilis. Ille, simili modo, ad dimidias destillans, erit longe fortior. Hocque opere, vasis bene clausis, repetito, tandem comparatur liquor, spiritui Cornu Cervi depurato quam simillimus; tandemque hinc leni igne verus Sal Volatilis, copiosus, & abundantior, quam herba fixum dedisset salem usta ante Putrefactionem. Ex priore liquido pariter, eodem modo, similis Spiritus, & Sal. Qui depuratissimi a Sale, & Spiritu, perfecte sunt simillimi Animalium sali & spiritui, absque ullo omnino discrimine chemico. Et hic talis de acidissima Acetosa.

6. Oleum, ultima ignis vi expulsum, spissum, nigrum, foetidissimum intolerabiliter, pertinacissimo nidore, est etiam his notis, tum picea quoque tenacitate, quam simillimum illi, quod summa ignis violentia de Animalibus separatur.

U S U S.

HÆc explicata actio Putrefactio vocatur. Quæ, sine artis adjumento, sponte naturæ Vegetabilibus accidit, quoties, succulenta, magna congregantur copia, aut comprimuntur inter se. Actio hæc generalis in universa, convertit omnia in eandem omnino materiem, quamvis fuerint quam differentissima prius. Redditque omnia volatilia, excepta modo pauca terra: unde nulla quidem operatio atmosphæram magis implet acribus, sæpe pestilentialibus, inquinamentis; id late diffusus putrescentium fœtor docet, quo, vel inviti, coguntur homines cavere a talibus locis infectis. Quando autem Putrefactio hæc intime resolvit tam humores, quam solida, serius, ocyus, in liquidum, molle, putidum, tabidum, liquamen; facile liquet, hujus ope, & diluentis pluviae, poris telluris matris iterum insinuari omnia, quæ inde excreverant prius. Siye rapta in aëra cum rore, nebula, pluvia, nive, grandine, iterum in gremium terræ redeant, siye putrescentia in terra cum aqua cœlo decidua in illam abripiantur. Attramen in arte, rerumque natura, non reperimus ullam actionem tam generalem: agit enim in unumquodque Vegetantium eodem modo, eodem effectû. Acida, austera, alcalescentia, aromatica, calida, frigida, oleosa, phlegmatica, salina, eodem reducit. Efficit, ut horum omnium singularis fabrica, odor, sapor, color, virtus particularis, absolute deleatur, fiatque tandem de omnibus absolute idem. Estque illa pulvis liquida, cinerei coloris, referens omni nota tabem gangrænosam, quæ in animalium corruptione, & tabo, observatur; aut & accedens proxime illi mutationi, quam Vegetabilia in corpore valido sanorum animalium, patiuntur, dum excrementa alvi putrefacta gignunt, exeuntia alvo. Quo autem animalium vis vitalis fortior, motuque, aut febris, violentior, eo effectus horum in alimenta vegetantia magis respondebit Putrefactioni veræ Vegetantium. Utique Putrefactio ex omnibus actionibus artificialibus, & naturalibus, omnium optime exponit actionem primam oris, ventriculi, intestinorum: quare neque adeo explodenda undique Plistonici sententia, qui cibos ibidem putrescendo præcipue mutari assererat. Omnino etiam distinguenda venit hæc Putrefactio a Fermentatione, prius

ordinatim exposita Processu 42. a pag. 103. Tom. II. ad 119. vel ideo imprimis : quoniam viri in arte clari nimis confundunt ubique , magno malo artium , has binas , quas ego puto quam distinctissimas habendas. Liceat proponere libere , & pace dissentientium , discrimina. 1. Crassities , compressio , densitas , major requiri videtur in Putrefactione Vegetantium , quam in Fermentatione eorundem. 2. Putrefactio agit in omnia omnino Vegetantia , quæcunque fuerint , modo sint mollia , & succulenta. Fermentatio tantum in certa quædam , in alia vero nullo modo. 3. In calore qui in Putrefactione requiritur , & putrescendo sponte nascitur a gradu caloris sani hominis ad flammigenam violentiam usque ; sed in Fermentatione si adscendit ad gradum caloris sani hominis , dissipatur causa fermentans , vappescit liquor. Neque calor etiam gignitur a fermentatione major septuaginta quinque gradibus ; nisi in Aceti fermentatione : sed nisi tum sistatur calor statim , non continget fermentatio oxypoietica , sed corruptio liquoris vappida. 4. In effectu ; qui in Putrefactione omnia facit salina volatilia , alcalina , olea foetidissima , volatilia , terram ipsam fere volatilem : at Fermentatio contra facit acida volatilia , tenuia , alcali contraria ; spirituosæ suaveolentia , inflammabilia ; tartarum acidum ; materiem igne alcalinam futuram fixam æque ac antea fuerat. 5. In salibus. Qui Putrefactione ex omnibus iidem simplices , alcalini , foetidi , volatilissimi ; ex Fermentatione acidi , fixi maximam partem , compositi ex spiritu , oleo , sale , terra. 6. Putrefactio dat modum omnem penitus salinam materiem vegetantium convertendi absolute , certo , in unum , idem , simplex , alcali volatile : Fermentatio certam , parvam , portiunculam materiæ salinæ vegetantium convertit in acidum liquidum volatile , reliquum salinum relinquit fere immutatum. Qui vero , omnibus his accurate consideratis , tamen censent , has operationes non esse distinguendas , sed inde rerum genera temere multiplicari , iis non amplius me opponam : ignarus , quo argumentorum genere aliter in Chemia utendum sit. Fermentatio , parvo caloris gradu , latentem solvit aërem , qui concursu elementorum viscidum fermentabilis , certa temporis duratione , concutit ebullitione assidua , attenuat , solvit , movet , spiritus inflammabiles aut liberat , aut generat. Putrefactio , vi ignis majoris , aërem eundem , parvo tempore , movet , expellit , totam materiem mutat. Sed notabitis de Putrefactione Vegetantium sola hic actum. In hac finio demonstrationes in Vegetantibus : nam mutavit hæc in formam Animantium humoribus similem. Ergo eo nos jam ducit. Caterum de Putrefactione vid. omnino Egregius Daniel Cox , Act. Phil. N. 100. p. 7002. N. 101. p. 4.





S E C U N D A P A R S
O P E R A T I O N U M
C H E M I C A R U M,
I N A N I M A L I A.



P R O L E G O M E N A.



ONSTAT ergo ex præcedenti Operatione 88 , possibile esse, imo assiduo contingere, ut Vegetantia quæcunque , omni omnino differentia deleta , commutentur in idem , vix ultra distinguendum novi producti genus. Sive fuerint acida , acria , alcalina , amara , aromatica , austera , blanda , calida , dulcia , inodora , insipida , medicata , odora , salina , sapida , venenata , urentia ; cuncta , inquam , hæc , & , si quæ , alia , amittere singularem , propriamque , acquirere novam communem , indolem , per quam salina alcalescunt , volatilia redduntur ; olea facile putrescunt , volatilia fiunt. Quod idem accidit Vegetantibus , quæ in alimenta assumuntur ab Animalibus. Hinc tractatio Vegetantium in jam absoluta proderit intelligendis iis , quæ Ars in Animalium partes exercebit. Quod felicius ut fiat , necessario ex historia Medica hæc ponam.

1. Animalia omnia , quæ cognoscimus , vivendo perdunt perpetuo omnes illas partes , solidas , & fluidas , quibus certo tempore constant. Pili , ungues , epidermis , fines omnium canalium , parietes interni , & externa superficies horum id certo docet. Jactura hæc continua fit abjectu particularum minimarum , detritarum , aut expulsarum facie , hinc non apparet , aut pro fluidis modo habetur. Perspiratio , exhalatio , sudor , mucus , saliva , urina , alvi fæces , semen , hæmorrhoides sanæ , menstrua , foetus , secundinæ , lochia , lac , hæc fluida , & solida , de corpore utriusque sexus continenter auferunt. Ossium fractorum , & quidem cum perditione sæpe fragmentorum , intra paucas septimanas instauratio in integrum , docet evidenter , & hæc vi vitæ sanæ moveri assiduo.

2. Non manent ergo , hoc respectu , quæ fuerunt , sed quotidie perditis nova substituunt ex assumtis cibis , potibusque , & forte aëre : quia

pullum ovi, incubatu foti, ovo supposito ponderosiores Bellinus deprehendit. Constat igitur, quibus nutritur, corpus; crevit quippe ex mole vix granulum ponderante corpus nostrum in adulti molem. Utiq; natum ita ex alienis crevit, ita adultum, detritum, reficitur ex iisdem, sed vi sanitatis mutatis.

3. Alimenta vel de Vegetantibus, vel aliis ex Animalibus, petuntur, ut & potulenta ex iisdem, aut ex aqua. Fossilia nihil huc tribuunt: nisi fallam forte gemmæ, marinum, aut fontium cogites. Sed sine hoc vitam agi posse, dudum constitit nationum vel integrarum exemplis. Brachmani, Pythagorici, alii solis modo vegetantibus & aqua usi longævitate fruuntur sana.

4. Animalium pleraque, quibus homo utitur pro cibis, fere vescuntur vegetantibus. Boves, Cervi, Damæ, Oves, Capræ, Porci, Cuniculi, Lepores. Pisces quidem magni minores comedunt, aut insecta, Aviumque quædam raptura vivunt ex animalibus, aut insectis. Tamen frequenter Vegetantia tandem originem alimentorum præbent animalibus, unde alia animalia vivunt: quare & illa examinavimus primo, præmissis octuaginta octo Processibus.

5. Quare corpus hominis constat aggregato partium vegetantium imprimis: si enim bubulo lacte, caseo, butyro, carne, utitur, certe totus bos prius gramen, fœnum, & aqua, fuit.

6. Chemicus examinaturus animalis corpus vegetantibus solis nutritum, sciat primo Vegetantia explorata suam per artem. Id negligens errabit in cognoscendo corpore Animalium. Hinc & tanta in his confusio.

7. Postquam vero mutationes Vegetantium omnes, arte chemica observabiles, explicatæ; in examine chemico Animalium prima exploranda natura illius partis in animali, quæ quidem vegetabili origine in corpore tamen animalis incepit amittere indolem suam, & jam induere naturam animalis, quæque pars sola haberi, sola seorsum explorari, potest: ut ita sciri queat successiva hæc immutatio, etiam tunc imprimis, quando adhuc multum de veteri ingenio retinet: melius ita pedetentim cognoscetur natura animalis, præcipue quidem corporis Humani, cujus gratia omnis labor fit, quam si statim examinat partem omnes jam actiones passam totius corporis: ut solet præpostere fieri. Animal fit ex materie, quæ non est id animal, sed quæ per vires illius animalis mutabitur in illud animal. Cognoscetis id, si incipitis ab illa prima mutatione, & per successivos, naturales, gradus, deinde sensim perspexeritis vero, suo, ordine omnes. Diu speculatus, unde ordire hæc Experimenta, tandem vidi, ex ventriculi contentis id fieri non posse: quia mutatum, chyli specie, statim ac factum exit. Excrementa vero alvi jam carent eo confecto. Chylus mesenterii, aut thoracici ductus, vix obtineri potest tanta copia; imo est jam maximam partem lymphæ venularum lymphaticarum corporis. Tum Lac apparuit primo explorandum: Est enim chylus verus, longe minus lymphæ dilutus, quam chylus ubi subclaviæ infunditur, adeoque alimentis propior. Fluxit per venas, cor, pulmonem, arterias, mixtum fuit ergo omnibus humoribus, inde iterum fabrica uberum separatum, solum, seorsum, examinari poterit. Est Lac liquor ex alimentis

commansis; deglutitis; ventriculo percoctis; intestinorum vi & humoribus perfectior; mesenterii ope, hujus glandulis, humoribusque, & ductus thoracici, elaboratior; venarum, arteriarum, cordis, pulmonis, humorum corporis, jam aliquot actiones passus; assimilari ergo inceptus; seorsum haberi, derivatu extra corpus, potens.

9. Hoc lacte suo, ex chyli propria materie confecto, omnia animalia nota, galactophora, nutriuntur, tam mares, quam fœmellæ. Enimvero Lac æque viris, quam fœminis, semper conficitur e chylo. Fœminæ id æque parant virgines, steriles, nunquam puerperæ, nunquam nutrices, quam matres, aut nutrices. Hinc proprio lacte vero omne tale animal constat, nutritur, vivit, ex eo solo omnia reliqua vi suæ vitæ parat, tam solida quam fluida. Quin & constitit, solo lacte bubulo, aliove, hominem per annos posse vivere, omnesque actiones exercere, omnes partes corporis sui solidas, omnes humorum species, perfectissime elaborare. Hinc inde serum, sanguis, lymphæ, spiritus, os, cartilago, membrana, vasa. Ex solo igitur Lacte si homo vivere potest per annos, id habet materiem in se omnium partium corporis humani. Lac magis accedit ad naturam Animalis, quam Chylus. Chylus intestinorum Vegetabili propior. Chylus ventriculi proximus Vegetanti. Inde in ventriculo, & intestinis, phænomena Fermentationis, & Putrefactionis, flatus, ructus, acidi excitatio, fœtor, borborygmi. Est enim verum emulsum (Proc. 21.), tritulentium, linguæ, ventriculi, intestinorum, factum cum saliva, liquore, gastrico, pancreatico, hepatico, intestinali; & inde Lac. Hoc, si bonum, si in vase quiescit puro, primo æquabilissime candidum, dein cremorem, album, crassum, pinguem ejicit sursum, infra manet lac, defloratum dictum, subcærulescens pellucidius, tenuius, minus pingue quam antea. Si natus cremor aufertur prudenter, Lac remanens novum emittit, donec reliquum retineat. Id idem in Emulsis. Omnium Animalium notorum Lac illa proprietate simile est, ut & colore album. Humanum valde dulce, & tenue; proximum Asininum; dein Equinum; postea Caprillum; Bubulum denique. Hinc atrophico, debilissimis visceribus laboranti hoc ordine præscribitur. Quamvis autem Lac emulsis vegetabilibus tot dotibus accedit, non tamen idem est: coagulum lactis, paratum de succo ventriculi ruminantium, si lacti miscetur, facit inde unam, æquabilem, coagulata, scissilem, massam; quæ brevi, sponte, secedit in serum, & collostratum, vel caseosum. Quod in Emulsis non ita fit. Si igni impositum diu ebullit, dispersa liquidissima parte, in butyrum & caseum, condensata cogitur, sed non in massam æquabilem scissilem vertitur, ut serum sanguinis, aut ovi albumen. Sapor ejus dulcis. Non ingratus odor. Summa blandities, Est liquor medius inter sanguinis serum, & emulsum animale, five chylum. Hinc varium pro diversitate alimenti, & animalis lac parantis. His notatis Chemice illud examinemus.



PROCESSUS LXXXIX.

*Lac Bubulum recens non acet, non habet alcali, vix salsum,
nec spiritus habet (45--49.)*

APPARATUS.

1. **O**Dor, sapor, instillatio in oculum apertum, sanum, nihil acidi, aut alcalini, vel falsi, quod his sensibus explorari potest, ostendit. 2. Calefacto illi, ut videtis, admisceo jam successive alcali purum volatile, & fixum; nihil inde effervescentiæ, acidi præsentiam testantis, oritur, sed perturbatio, & quædam inspissatio, fit. 3. Alteri parti lactis successive immisceo acidum Aceti, Nitri, Salis, Vitrioli, nulla nota effervescentiæ oritur, unde præsentia alcali ullo modo colligeretur. Sed coagulatio, & inspissatio, fit. 4. Lac, in quo oleum Tartari per deliquium, confundo in hoc vase cylindrico vitreo cum lacte, in quo oleum Vitrioli, cernitis, quanta oriatur uno momento effervescentia, rarefactissima, rapidissima, violentissima! longe major, quam si tanta pars alcali puri fuisset affusa ad oleum Vitrioli purum, ea copia, qua utrumque erat in hoc lacte. 5. In hac vitrea cucurbita, purissima, recentissime multum lac per alembicum destillat, igne centum circiter, & sexaginta graduum. Adscendit liquor aquosus, nihil spiritibus fermentatis Vegetantium habens ulla nota. Neque alcali, neque acidum, exhibet ullo signo chemico: ut videtis, dum illum liquorem, coram Vobis commisceo cum salibus oppositis, aliisque, quibus inquiritur in præsentiam alcali, aut acidi, ubicunque: sed neque ulla imago salini cujuscunque apparet in hoc liquore: est inodorus, insipidus prorsus, oculo instillatus nihil mordet. In fundo autem flavescens, crassa, pinguis, dulcis, massa remanet; quæ grato sapore, dulci, placet. Postquam autem exploratur ad omne experimentorum genus, nullam similitudinem acidi, alcalici, salini, ne quidem jam habet.

USUS.

EN, Auditores exoptatissimi, hæc est vera natura illius liquidi, juxta hæc examinati, ex materie Vegetabili, in Animalis corpore jam passi actionem mansionis, deglutitionis, ruminationis, coctionis ventriculi, intestinorum, mesenterii, ductus thoracici, venarum, arteriarum, cordis, pulmonis, uberum. Quodque liquidum mistum fuit cum saliva, mucoque, oris, faucium, œsophagi, ventriculi, intestinorum, cum bile vesicaria, cum liquore hepatico, cum saliva pancreatica, cum Lympha mesenterica, thoracica, capitis, cum sanguine denique. Unde nihil hic Fermentationis perfectæ in productionem acidi aut spirituosi, nihil Putrefactionis in excitationem alcaliscentis in sale, vel foetidi nidoris in oleo,prehenditur hæcenus: licet magna pars humorum animalis admistorum huic materie vegetabili adsit. Longe igitur alia idea hujus actionis, chylopoiesios, & galactopoiesios, formari debet, quam Chémici

vulgo solent habere, & tradere. Quum vero Lac subducatur bobus bis in die, est ergo duodecim horarum spatio peracta tota hæc operatio in corpore animalis. Si retinetur diutius, mutari, degenerascere a natura sani lactis, corrumpi adeo incipit. Cepi autem hoc experimentum in Lacte Bubulo: quia solis vegetabilibus, gramine, eove sicco, fæno, utitur, & mera aqua. In lacte Muliebri, ex varietate alimenti, quandoque differentia, sed in recenti vix cognoscenda, invenitur. Fuere, qui tamen, acidum latens hic actu esse, quamvis non apparens ad experimenta dicta, asserunt; hi vero agnoscant, acidum dici ratione sensuum nostrorum, aut ratione effectuum sensibus apparentium. Nihil hic tale.

PROCESSUS XC.

Lac Bubulum recens cum acidis coagulatur, & in calore ebullitionis.

APPARATUS.

IN vasis his purissimis, Lac recens Bubulum, pauca aqua dilutum, ne spissescat nimis ebulliando, ebullit. Infundo uni Acetum. Statim grumescit, coagula format, parte altera remanente fluida. Alteri spiritum Nitri infundo, tertio spiritum Salis, quarto oleum Vitrioli; ubique effectus idem statim nascitur, nec calore graduum 212. potest coagulatio hæc impediri; quæ omni alio acido fit, ut succo Acetosæ, Berberis, Citrei, Cremore Tartari, Omphacio, Ribesiis, Tamarindis, Tartaro, &c. Ita, quod ex se fuerat tam tenue liquidum, ut per fistulas arteriosas minimas transiret, jam format partes crassas, cohærentesque; alia pars, serosa dicta, priore lacte longe tenuior. Si crassa pars acido parata, aut & coagulo lactis facta, intra densum linteam summa vi premitur, caseum pinguem format, qui cremore lactis constat & caseo proprie sic dicto. Ille ætate acerrimus, mordacissimus, non acidus fit, sed alcalino quasi propior utcunque, nidore singulari, & sapore penetrabili, sæpe os inflamat. Quando vero lac quiescens orbatur prius cremore suo, ac deinde coagulatur, ut prius, per acida, aut per coagulum, caseus inde pressus in summam siccitatem, durefcit instar cornu, atque, igni admotus, perfecte ut cornu lentescit, ustulatur, comburitur, fœtet. Mira mutatio materiæ liquidissimæ Lactis! Sed an non inde omnia solida?

USUS.

Ingenium Lactis, ita cognitum, jam in receptaculis galactophoris uberum tale est. Quare ibidem, simili materie salsa coaguli lactis, aut & acido admisto, coagulari potest. Tum tenue serum papillis exit, crassamentum in vasis manet. Duritiem, tumorem, inflammationem, suppurationem, scirrhum, cancrum inde parit. An eadem hæc in glandulis chylosis mesenterii possunt fieri? In omnibus tamen his acidi coagulis Lac colorem album retinet. Inde liquet, corpora debilia, chylum, & lac al-

bum, facere, rubrum inde sanguinem difficilius conficere: quare acido abundant, acidum eructant, olent, sudant, totoque corpore pallidi sunt. Quibus recte consideratis, plurima mala, corpori humano evenientia, vere intelliguntur Medicis.

P R O C E S S U S X C I.

Lac Bubulum recens ebulliens ad ignem cum alcali fixo coagulatur, flavet, rubet.

A P P A R A T U S.

LActi Bubulo, recenti, pauca aqua diluto, & in vase puro ebullienti, infunde Oleum Tartari per deliquium guttatim. Incipiet flavescere, magis, magisque, quo plus alcalini instillatur, quo plus ebullit, ita ut tandem a flavedine dilutissima adscendat in profunde fere rubrum colorem. Sed simul coagulatur, magis, magisque, secedens in massulas coagulatas, quamvis haud adeo magnas, compactasque, ut ab acido, nec tam facile durescentes. Tandem, sic satis diu coquendo, coagulata, crassa, rubra, massa conficitur.

U S U S.

LAc igitur, in acido, & coagulo proprio, candidi coloris tenax, etiam in calore, flavet statim cum alcalicis, in magno calore, huncque colorem satis intensum per alcali & ignem usque in rubrum fere urget. Febricitanti valide animali, lactanti prolem, lac corrumpitur in uberibus. Fitque tum ex candidissimo flavescens, ex dulci falsum, ex crassulo saniosum tenue, interim crassamento coagulato in mammis relicto, ex inodoro subfoetidulum, infanti horrendum, & fastiditum. In coagulatione ergo lactis, una cum febris calida, & colore flavescente, non licet Medico cogitare de causa coagulante acida, sed de calore nimio, & forte alcalescente potius degeneratione. Quin forte centies Medici observant, lac coagulari sic a febre, ubi ne semel id vident factum ab acido. Quin etiam in Boum peste ultima, quum alimenta in ventriculo remanerent, nec ruminando sursum, nec expellendo deorsum, excreta, atque ibi vere, cum incredibili fervore, putrescerent adeo, ut stomachum excoctum aestu tabefacerent, prorsus ut Processu (88.) expositum; tum vero lac in uberibus acre, flavescens, foetidulum, tenue, emulgebatur, aut exstillabat. Si jam porro lacti per acida, vel per coagulum, coagulato, & fervido alcali admisceo, videtis, non esse verum, quod ubique asseritur, resolvi id coactum rursus in antiquum liquidum, & resolvere alcalia, quæ ab acidis erant densata. Inde etiam intelligitur, lac candidissimum, in corpusculis valde debilibus, & frigidis proinde, diu admodum album manere, nec deduci posse in rubedinem naturalem: hinc pallere perpetuo talia corpora, imo ipsum sanguinem dilutum, pallidum, manere. Contra, iisdem instauratis, statim superari albitudinem, & rubrum colorem redire. Pariter, si

vires vitæ valent , quidem aliquid lacti in sanguinem vertendo dare , sed non integre perficere , tum quidem color orietur post pallidum flavescens , ruber non , aut & viridescit ; quæ Virginum Chlorosis dicitur. Quoties vero vires vitæ valide insurgunt , lacque fortius circumducunt , & calefaciunt ; tum albus color subito perditus in ruberrimum cito vertitur , sanguisque sæpe , præ rubedine aucta , ater fere apparet. Tandem liquet lactis colorem in corpore humano acidis scatente persistere ; si alcalia ibidem dominantur , bilis calorem primo , sensim deinde magis intensum , & in rubra tendentem , acquirere. Album cessat duodecima hora post ultimum pastum : ut magnus Lovverus docuit.

PROCESSUS XCII.

Lotium non acet, non alcali est, sed fætidum.

APPARATUS.

Lotium sumsi sani , redditum horis duodecim , post ultimum cibum , potumque. Hic liquor tanto tempore ergo fuit in corpore humano. Et quidem non multo minori tempore fluxit per idem corpus vitæ vi mixtus omnibus fere humoribus , per cuncta forte vasa ejusdem. Est igitur aquosum lixivium , quod abluit , sibi miscuit, nunc extra corpus exhibet , quidquid in aqua potest solvi , & per tenuia vascula uropoietica renum transfluere. Spirituosa , salina , saponacea , imprimis continet de sanguine. Et quidem hæc cocta satis in naturam veram corporis humani : quia jam duodecim horas subacta sunt vi naturæ. Quando igitur Lac ipsum in corpore jam amisit propriam indolem , & jam in serum sanguinis converti cepit. Hinc etiam collegi illam urinam , quæ demum redditur , postquam crudior , quæ ante duodecim a pastu horas confecta fuerat , dimissa fuit. Tale igitur lotium, semper potest colligi, extra corpus, & tamen propriam naturam humorum naturalium, & elementorum eorumdem, perfectissime exhibet. Urina hæc non est acida : quia saporem acidi nullum profert ; quia odorem acidi non spirat ; quia colorem rubrum admistu sui non conciliat succo cum acidis rubescente ; denique , quoniam , ut coram ipsi videtis , calefacto huic lotio oleum Tartari per deliquium instillo, sine ulla nota vel minimæ effervescentiæ ; rursusque alteri ejusdem portioni calidæ spiritum salis Ammoniaci alcalinum immisceo , pariter absque ullo signo vel motus vel effervescentiæ. Mira magis dicam : Urina viri copiam ingentem Vini Rhenani , acidi satis , & Cerevisiæ etiam aciescentis , cum ingenti copia Aceti ad opsonia , & fructuum horæorum , comedens , bibensque ; duodecim horis hospitata in corpore , nihil prorsus acidi ullo experimento dabat. Quin & in debilibus puellarum corporibus , solis fere vegetantibus aciescentibus , & lacte bubulo, pro cibo, potuque, utentium, urina duodecim horarum nullum effectum acidi præbebat. Superat ergo naturæ vis , hoc temporis spatium , inclinationem naturalem , qua vergunt vegetantia in aciescentiam , aut acidum eorundem præsens. Helmontius ergo jure dixit , acidum venis hostile. Falso Helmontiani hinc acida , pri-

mis viis inimica putantes, proscribere ex omni usu diæterico, & pharmaceutico, ac si venena forent. Hæc demonstrata Chemici admittunt. Turbabuntur forte, dum dixerò, in hoc lotio nihil esse unquam Alcalini alicujus. Id tamen verissimum. Videte enim. In hujus Urinæ successivis portionibus calidis immisceo acetum, acidum Limoniorum, Spiritus Nitri, Sallis, Chalcanti, nil fit effervescentiæ. Sed acida hæc urinæ duodecim horarum calidæ miscentur, ut aqua aquæ sine bullis, absque strepitu. Quin & succos herbarum non convertit in viridem colorem, ut alcalini sales omnes.

U S U S.

Hinc colligo, naturam humanam acida mutare, ut non sint talia amplius: aciescentia prohibere, ne actu acida fiant. Attamen, salva fanitate, nunquam sales alcalinos generare, sed falsos neutros. Idque etiam observavi in urina hominum, qui fervido æstu, morbisque inflammatoriis, laborabant; ubi vires auctæ vitæ lotium flammeum, fœtidum, acre, paucum, reddebant. Talium enim ipsorum urina, recensitis statim modis explorata, nullum signum alcali dabat. Cogitaveram tamen, an non in Ischuria perfecta, diu retenta, calefacta, agitata, tandem actu alcalina evaderet? Contigit, ut Clarissimus Vir, gravis annis, in morbum hunc, illi fatalem, incideret, lotium omne ultra quinque dies secum retinens. Sexto die uncias aliquot lotii rubri, turbidi, graveolentis, subito reddidit, læto quidem, at fallaci, omine! neque enim postea vel guttam ultra demisit, inde mortuus. Hanc ego urinam statim mecum detuli domum, & exploravi ocysissime ad notas chemicas. Nondum alcalina erat ad experimenta. Quare scivi, centum, & viginti horarum decursu calore corporis, & actione circuitus vitalis, agitatum urinam, nondum alcalinam evadere: enimvero vesica in viro celeberrimo lotium haud continebat. Scivi, alcalinum nunquam in ullo humore sano bene valentis hominis nasci, sed quidem ingeri posse aliunde. Scivi, ne in morbis quidem putridissimis id unquam fieri, sive acuti fuerint, sive chronici. Fateor, semel in frumentario sene, calculum magnum gerente in vesica, nec apto, ut dextera Lithotomi liberaretur, huic acri dolore sæpe quasi enecto, erat lotium alcali urinarium olens; & quum sæpe detenta urina cogeret, ut peritissimus Chirurgus cathetere repelleret a collo vesicæ obstantem calculum fundum versus, quo impedito lotio natura se liberaret, contigit semel, ut per negotia absente probatissimo Viro, sustineret plures per horas urgens, sed præpeditum, lotium. Quando tandem, reversus auxiliator consuetam operam præstabat, urina exiliit adeo acri, alcalino, putrefactæ urinæ proprio, fœtore, ut pulmo incauti Chirurgi, attrahentis vaporem teterrimum, per aliquot dies male affectus fuerit. Unde credo, neque enim diffluens hoc lotium examinare valui chemice, lotium attractum in meatus pumicosi calculi, ibi diu stabulans, calore fotum, forte induere posse acrimoniam vere alcalinam. Quidquid sit, certi sumus, nihil falsi, Alcalini, nativi, in Urina hærere. Ergo neque in ullo humore corporis humani, quia urina sales tenet magis, quam ullus alius humor; tum, quia sales urinæ sunt magis acres, alcalescentes, citius vere alcalini reddendi,

reddendi, quam alterius humoris in toto corpore. Quam falluntur ergo Artifices, qui altum clamant, Sales alcalinos, oleosos, volatiles, naturales esse homini! Error, quem Chemia minus prudenter exulta introduxit in Medicinam, quem sana Chemia unice iterum corrigit. Fœtor ergo urinæ sanæ individuus oleo attenuato putrido hinc, & volatili, non sali volatili alcalino, debetur. Sapor amarus, ingratus, falsus, sali lotii composito, & oleo simul debetur, tum sali marino, qui plerumque adest.

P R O C E S S U S X C I I I.

Urina recens destillans vasis clausis, dat Aquam fœtidam, nauseosam, non alcalinam, nec acidam, nec salinam, nec spirituosam ut vina.

A P P A R A T U S.

L Otium sanorum hominum coctum ex cucurbita vitrea, pura, leni igne centum & quinquaginta graduum, æquabiliter continuato, destillo, donec vigesima modo pars superfit, exit aqua limpida adspectu. Urina autem, ex colore naturali straminis, fit sensim rubicunda, & prout plus aquæ illius pellucidæ adscendit, eo semper profundius rubrum colorem accipit, perque varios gradus perpetuo altius tincta tandem nigra fere redditur rubra, valde spissa, turbida, opaca, spumæ tenax. Prima illa pars limpida fœtore ingrato, nauseoso, singulari, non alcalino volatili, distinguitur. Quodque mirum, quamvis sæpenumero iterum destillationem patitur, tamen semper hunc nidorem retinet; quin etiam si in aëre aperto diu stat, olet semper, nunquam fœtorem illum exuit. Indelibilis ergo fracidus hic odor est, intime innexus huic liquori ita, ut acidum affusu ne quidem aboleatur. Nulli autem rei magis similis est, quam halitui gravi, qui de abdomine vivi hominis per vulnera aperto spirat, aut de recentissimo cadavere hominis violenta morte subito extincti aperto. Sapor aquæ illius nauseosus, ingratus, subputridus, non alcalinus, non falsus ullo modo, quomodocunque destillatio instituitur. Porro in destillatione hac nullæ apparent in alembico striæ, quibus spiritus fermentati se manifestant. Et, si aquam primo egressam deinde iterum destillare facio, ne tum quidem ullus spiritus talis, vel minima copia, se manifestat. Quoties examinavi, flammam exstinxit, nunquam aluit, licet quam sollicitissime fuerit depuratus. De ipsis hominibus generosissima ceverisia, vino meraco, spiritibus stillatitiis, crebro, multumque utentibus, ne sic etiam de urina cocta spiritus hi educebantur; quod quis miretur forsitan. Quando autem liquidum hoc primum urinæ cum acidis quibuscunque commiscui, nullam unquam effervescentiæ notam obtinui; nec etiam colorem succorum in viridem mutavit, ut alcalia solent; non præcipitabat multum, quæ in acido soluta fuerant; nulla rectificatione dicta unquam salem dedit conspicuum; nulla acida unquam mutabat in salem compositum, neutrum: igitur non est alcalinus ille liquor. Sed iisdem experimentis captis ne minimum ejusdem signum exhibet; ut jam coram

videtis, dum illi alcalia fixa, vel volatilia admisceo, varios succos cum acidis rubentes affundo, reliqua modo dicta perago. Itaque propositum firmavi.

U S U S.

PUlcherrimum est discere de levi hoc experimento multa, & quidem maximi momenti in Medicina, dogmata. Pars humorum salubrium maxime levis, tenuis, volatilis, est aqua fere elementalís; nisi quod in illa inseparabiliter cohæret illud alterum æque leve, tenue, volatile, fœtidum, putridi quid referens, non tantum de salino principio, sed ex oleoso potius, & tamen neutiquam spirituosum, fermentatum, inflammabile. Nulla igitur in iis fermentatio, qualis in fermentatione deprehenditur, nulla confectio spirituum talium; qui tam facile ab aqua separari possunt: dum fœtidum hoc nulla arte queat separari a sua aqua. Nullus igitur spiritus inflammabilis in nostris humoribus volatilis. Oleum in corpore humano, per vires vitæ longe volatilius conficitur, quam sal ullus in eodem corpore; ejus contrarium creditur. Fœtidum id oleosum singulare vix usquam, nisi in perspirabili Sanctorianò, sudore, & vapore, qui naturaliter in cavitatibus naturalibus corporis. Spiritus fermentatitii vegetabiles, corpori humano ingesti, non eunt ad urinæ vias. An petunt superiora, turbant cerebrum, sensorium commune, originem nervorum? an inde actiones cerebri, & cerebelli, tam mire afficiunt? an & hinc tam facile, potiusque per cutis circumferentiam exhalant de corpore? Hinc & novimus, nullum salem volatilem esse in corpore humano, qui gradu aquæ ebullientis inde adscendit: quidquid contra sentiant Autores Chémici, & Medici. Nihil alcalini volatilis, aut simplicis, aut oleosi. Acidi volatilis nihil. Quam ergo erit corrigenda circa hæc hodierna Medicina! Cæterum fœtor ille lotii semper crescit, pro virium incremento, in corpore sano, & decrescit contra. Quo etiam plus labore quis, & motu, corpus exercuerit, eo etiam semper augetur fœtor, & contra. Si in humoribus spiritus quis dicendus ab acrimonia, volatilitate, levitate, penetrabilitate; is non vinosus, nec salinus, sed de oleo corrupto in putredinem similem (Proc. 88.) descriptæ exoritur revera.

P R O C E S S U S X C I V.

Urina recens, residua post Processum præcedentem, non acet, non est alcali, sed salsa, fœtida, nec tamen vere saponacea.

A P P A R A T U S.

Residuum crassum a præcedenti destillatione, si committitur cum quocunque acido, aut alcali, non dedit unquam ullum effervescentiæ signum, unde ullo modo concludi queat alterutra hujus natura. Sed neque & ex ullo alio signo. Acre quidem est quam maxime; saporem habet valde falsum, quasi amarescentem, sed non alcalinum. Odorem alcalinum non præbet, sed olet, ut prius fere. Si ad detergendum a fullonibus, &

lanam depurantibus adhibetur , non depurat , nec deterget ; vim ideo lixiviosam saponaceam non habet , quam tamen putrescendo quam optimam acquirit. In tota hac inspissatione nihil unquam apparet chylosi , lactei nihil. Neque etiam sollicitissime intentus unquam reperi vel minimum coagulati illius apparere , in quod Lympha de vasis Lymphaticis , & serum de sanguine ad calorem , semper coeunt. Rursum nihil caseosi quoque adfuit quomodocunque tractaretur. Semper autem , quo inspissatur magis igne , eo simul acrius , profundius coloratum , evadit. Sensimque ita , per gradus varios , colorem , spissitatem , acrimoniam , auget , mutatque , quo magis increpescit : ut ita percurrat omnem diversitatem lotii , quæ solet observari in morbis acutis , chronicisque. Ut nobilis Bellini pulchre observavit : in acutis sane , quo fervidior febris , magisque dissipans humida , eo simul rubicundior , acrior , spissior , urina habetur.

U S U S.

N Ullum ergo alcali fixum , aut volatile , in homine sano naturale est. Neque etiam acidum ullum fixum , aut volatile , in humoribus naturalibus , sanisque , adest. Sal autem nativus hic singularis est naturæ , postea examinandæ , sed longe minus volatilis quam aqua : utpote ne ebullitionis quidem calore adscendens. Mirabile , nihil materiæ nutritioni aptæ contineri in hac urina unquam : nam chylus , lac , caseus , serum , lympha igne coagulanda , hic absunt , quæ Medici jure agnoscunt pro sola originali nutritionis materie. Ergo nutrimenti nihil cum lotio exit de corpore. Acerrima , putridissima , subtilissima , nutritioni inepta , corpori nocitura , munere suo alendi perfuncta , ex chylo , lacte , sanguine , & inde derivatis humoribus , tandem nata per vires vitæ , per renes de corpore evacuantur. Urina igitur exhibet humores omnium maxime per vim nostræ naturæ mutatos , & nimis quidem , quam ut unquam inservire ultra salutis corporis queant. Urinæ ergo parcitas , acrimonia , color , spissitudo , multa Medicum pulchre docent , aquæ necessitatem indicant , humorum conditionem demonstrant , statum humorum , morborum , requisita remediorum , & quænam imprimis corpori pestifera nimis dissolvendo crasin sanguinis. Quam nocet nimia fluiditas !

P R O C E S S U S X C V.

Urina eadem inspissata ad quadragesimam , dein destillans mista cum arena , dat Spiritum alcalinum , Salem alcalinum volatilem , Oleum fætidissimum , Fæcem salinam.

A P P A R A T U S.

S I destillatio Urinæ continuatur , donec de libris quadraginta sic tractatis , una modo residua est ; aut , si talis urina recens ex humili , capaci , cylindrico , aperto , vase , calore fere ebulliente exhalat eousque ; rumque crasso , nigrescenti , acri , residuo admiscetur arenæ mundissimæ ,

prorsus insulsæ, triplum; fitque dein ex retorta vitrea, igne arenæ, præcedens destillatio per gradus primo satis lenes, sæpe examinando liquores egressos, recipiente toties amoto. Tum primo prodibit aqua limpida, ut præcedens. Dein, ubi sicca fere incipit reddi massa, latex quidem limpidus prodibit, sed acer, igneus, alcalinus; continuetur operatio, quamdiu ille exhibit talis, ferveturque seorsus. Postea agglutinetur excipulum quam arctissime ad vas destillatorium. Jam, incitato per gradus igne, urge materiem, incipient nebulae oriri albæ, satis diu pergentes ita nasci; porro pingues striæ; dehinc liquor suboleosus, flavescens, & cum eo simul sal albus, subflavescens, solidus, alcalinus; postremo, summa violentia ignis, oleum adscendit flavum, vel aureum; quo cessante exire ulterius retinebitur fœx salina terrestris in fundo. Aqua prima vix alcalina, aeris, aut salina, oleosa nullo modo, sed similis aquæ Processus præcedentis. Secundus latex odorem emittit acrem, alcalinum, manifestum; linguam ferit igneo punctu, & sapore perfecte alcalino; effervescebat cum omni acido satis violente; saturatus acido quodam concrevit cum eo in salem compositum, neutrum, semivolatilem, hinc Ammoniaco tum similem, sed determinatæ juxta genium acidi naturæ; est ergo vere alcalinus, sed volatilis, ut Processu (88.) gignebatur. Omnia hæc magis in tertio liquore pingui apparent, qui longe magis saturate alcalinus, sed oleosus, est: hinc aqua, sale, oleo, unitis constans, spiritus alcalinus vocari solet. Sal denique totus semper alcalinus, sed, ab oleo adhærescente fœtidissimo inquinatus, valde ingratus est. Oleum postremo simul, & tandem, etiam prodeuns, olidissimum, omnia inquinat nidore suo, ipsumque intolerabile prorsus, non modo urinæ mephitin exhalat, sed stercoracei quid fœtoris emittit. Fœx autem ultima, igne aperto calcinata, dein per aquam in lixivium inducta, verum Salem Marinum reddit, si homo illo usus fuerit.

U S U S.

Hinc apparet, Salem nostrum urinosum, non esse alcalinum, sed certo gradu caloris talem fieri posse. Tum patet Salem nostrum urinosum non esse Ammoniacum: quia sal Ammoniacus, certo gradu caloris volatilis, per eum tamen sublimatus nunquam alcalinus fit, sed compositus remanet, quotiescunque id fiat; quum sal urinæ etiam quidem naturæ semifixæ, certo tantum gradu caloris reddatur volatilis, sed tum illico est alcalinus, & prius ingenium salis compositi penitus exuit. Accedit ergo ad naturam alcalini, & Ammoniaci, sed tamen neuter horum vere existit. Quin & inde cernitur, salem, spiritum salinum, & oleum primum, fere æque volatilia esse in statu sano. Patet quoque spiritum hunc pinguem vere de tribus conflari, aqua nempe, oleo, sale, in quæ tria etiam resolvi commodè potest. Inde etiam vis naturæ humanæ blandum, candidum, iners, inodorum, pingue, alimenti, chyli, lactis, adipis, medullæ, convertens in acre, flavum, inflammans, fœtidum, tenuius, etiam intelligitur: unde illud olidum urinæ pariter oriri solet. Tandem hinc scimus, salem fixum alcalinum non deprehendi in humoribus nostris; quia nunquam in maxima copia urinæ sic tractatæ potui reperire vel gra-

num. Salem marinum ingredi sanguinem, illi misceri, inde per vias lotii exire, & tamen non mutatum manere, agere igitur per vasa pleraque corporis, sed reactione horum non mutari. Quæ considerantes infiniti usus in Medicina agnoscetis experimentum hoc ipsum. Helmontio laus sit.

PROCESSUS XCVI.

Urina recens inspissata destillat cum Alkali fixo.

APPARATUS.

INSPissato, ut statim, lotio recenti affunde æqualem copiam olei Tartari per deliquium, aut Cinerum clavellatorum, ipso momento vapor adscendit acer, alcalinus, volatilis, ut de urina penitus putrefacta exhalare solet, quando calefcit. Si tum ilico mistum hoc ex cucurbita per alembicum leni igne destillat, prodibit liquor limpidus, quasi striis spirituum decurrens, qui est acris, valde alcalinus, volatiliior aqua, omni nota Alkali referens verum, & forte. Quando autem, loco olei per deliquium, siccissimum sal tartari affunditur, sæpe tum sal alcalinus siccus in hac destillatione, prima vice, adscendit ex urina. Quando autem primus ille liquor alcalinus denuo, ex alta cucurbita, leni igne elevatur, pars prima adscendens salina, alba, alcalina, est. Oleum cum Alkali fixo adjecto in fundo hæret, ac si magis inde fixaretur. Tandem vero, ubi omnia exsiccata prius, si valido agitur igne, oleum fœtidum, flavum, quoque prodit, sed post salem hunc.

USUS.

EX hoc experimento constat, eam indolem esse salium nostrorum urinosorum, ut sal alcalinus fixus uno momento illos ita mutet, ut aliter ingens ignis actio præstitisset in experimento præcedenti. Hinc etiam scitur, alcalinos fixos sales, humoribus nostris permistos, eosdem statim reddere acres, alcalinos, mobilissimos, volatiliores ipsa aqua nostra, ipsis nostris spiritibus, igneamque ipsis rodendi facultatem impertiri, inque putredinis naturam convertere quam subitissime. Si natus ita sal, & salinus spiritus, aliquoties parvo igne iterum destillant, fiunt tandem tam puri alcalini, ut de cornu cervi, aliisque pretiosioribus, parari solent. Si acidis permiscantur, ebulliunt effervescendo quam violentissime, inprimis si simul concutiuntur. Tumque domantur ita mutati, ne porro acres sint. Mutantur, ne alcalini, vel ignei maneant. Figuntur, ne calore sani corporis avolent. Amittunt vires agendi alcalinis proprias volatilibus, inprimis dissolvendi lethali fere attenuatione humores corporis. Tandem, quod maxime nostra refert, Medici norunt miram mutabilitatem salium nostrorum a nativa sua indole in varie mutatas species, harumque proprios effectus in unaquaque specie; tum & remedia quamlibet speciem, gradumque ejus corrigendi. Quæ quidem omnia per experientiam jam nota Veteribus. In febribus cum calore, & motu, auctis, Hippocrates aciescentia, vel aperte acida, sola admittebat in cibo, potu, medicamen-

tis. Exitialia alcalia fixa nostro in corpore, quoties ibidem ardor, motus, odor urinæ gravis, color flammeus, copia parva, nimis dissolutus humor. Quanto igitur damno in his tales sales adhibentur! maxime in Peste.

PROCESSUS XCVII.

Urinæ recenti sanorum, inprimis inspissatæ, admixta Calx viva conciliat Spiritum igneum, non alcalinum.

A P P A R A T U S.

Lotio recentissimo injiciatur Calx viva. ipso statim momento vapor exhalat sponte, qui nares ferit igneo quasi fulminis ictu; sique tum ocysime vasis quam curatissime clausis lenissima fit destillatio, aqua acquiritur limpidissima, odoris intolerabilis ignei, instar præcedentis, sed longe magis acris, & volatilis. Quando autem urinæ prius inspissatæ ad quadragesimæ residuum, calcis vivæ æqualis admiscetur copia, idem multo fortius fit, & destillando spiritus paratur nulli comparandus alii, sive acre igneum, sive volatile incoërcibile, spectare velis. Postquam omnem hunc spiritum juxta artem destillando separavisti, atque deinde denuo applicas destillationi, nunquam inde salem conficies, ut in Processu præcedenti, solidum, sed liquidissimum, constanter deprehendes. Quocunque autem cum acido permiscueris, effervescentia non excitatur ulla. Tamen per acida ignea vis, & volatilitas, quam plurimum diminuuntur. In Processu hoc opus est prudentia: simulac enim calx viva urinam, ejusve spissamen attingit, ingens excitatur ebullitio, æstusque quam maximus; quumque eodem momento spiritus acerrimus, & volatilissimus omnium notorum, nascatur; hinc ille violento calore agitaturs fuit, rapidissimeque movetur: unde incauto pulmone periculum præfens, summumque, quam celerrime adferre potest; inflammatione scilicet momentanea tenerrimis vasculis conciliata, atque directe applicata sanguini vitali, per Pulmonem actio. Si enim spiritus hic duræ cuti viventis, calentisque, tenetur applicatus, eandem sane quam ocysime convertet in gangrænam lethalem parti. An tota crassities inter superficiem sanguinis pulmonalis & aëris in vesiculis, est millesima pollicis? Spiritus autem hic urinosus cum calce viva paratus in aëre aperto cito exhalat id acre, latex manet in eo.

U S U S.

Hinc calcis vivæ actio in humores salinos, urinosos, corporis nostri patet: facit enim adjuta calore, & motu vitali, statim nasci hujusmodi igneos spiritus, pulpæ tenelli cerebri, nervorumque, exitiales. Quo autem corpus calidius, mobilius, morbo ardenti plus affectum, eo lethalior ejus usus. Quo acidius, aquosius, pituitosum magis ex molli muco, eo poterit prudens illius administratio quandoque boni plus præstare. Interim simul cogitandum est, valere inprimis lixivium calcis vivæ

mirifice corrigere, extricare, & ad facilem exitum disponere, sales muriaticos, fixiores, in sanguine nostro hærentes. Inde ergo remedium hoc singulare ad Scorbuti speciem sanandam illam, quæ a modo memoratis præcipue exoritur. In illo autem Scorbuto, qui a putrefacto pendet, inque oleo, & sale, acri consistit, nocet quam maxime. Unde forte, utcumque, videtur posse conciliari experimentum Clarissimorum in Galliis Medicorum, qui ibidem pessime cessisse narrant calcis lixivium, quod in Germania viderant singulari auxilio profuisse. Omnia autem hæc magis vera de calce viva saxea, quam de ostracodermatis calcinatis parata. Liceat brevissime vera, quæ hinc sequuntur, colligere, & quidem.

1. Corrosionem violentam, quæ contingit in corpore viventis, a calce viva illi applicata, magis pendere ab illis igneis, salinis, spiritibus, quos calx viva parit de sale prius non acri, quam ab ipso corpore calcis rodente.

2. Hinc in acidis, aquosis, austeris, lentis, mucosis, pituitosis, morbis, ubi mobilitas, & stimulus, absunt, requiri posse.

3. Sed in alcalescentibus, biliosis, salinis, putridis, resolutis cum acri, calidis, acutis, minus jam motis, siccis, obesse.

4. Sales blandos nostri corporis, uno momento, simplici admistione rei non acris, acerrimos, igneos, venenatos, posse fieri.

5. Acre quid nasci posse acerrimum, quod tamen non sit sal, nec spiritus, nec oleum, ex humore sano: nam liquor hic nulla, quam scio, arte, potest redigi, ut forma solidi salis appareat, sed solus ab aqua invisibilis habetur.

6. Spiritus ergo hos, non alcalinos ullo experimento ab acidis petito, omni alcalino longe acriores esse; neque ullum alium haberi cognitum, qui plus fundat acerrimum, odoratum, vaporem, nares afficientem: unde etiam patet, quam cito, ex inodoro fere sale nostro quam ocysissime odor, saporque, longe alienus nasci queat.

PROCESSUS XCVIII.

Sal natus Urinæ.

A P P A R A T U S.

U Rina recentissima, ultimæ digestionis, hominum optime valentium, statim, igne æquabili, ducentorum graduum, ex vase purissimo, non inquinante, exhalet tamdiu, donec reducta fuerit ad spissitudinem cremoris lactis recentis; tum fervidus fere liquor percoletur per sacculum colatorium: ut tenax oleum in eodem aliquantulum retineatur, & separetur: hoc, quo accuratius, eo melius. Ingens deinde copia hujus inspissati liquidi crassi reponatur in alto vase, vitreo, cylindrico, simpliciter charta circumligata recto, quietum per anni spatium, loco frigido. Concrescet circa fundum totum massa salina, solida, dura, subpellucida, fusca. Supernatabit liquidum crassum, nigrum, pingue, rejectum a sale concreto, & quasi excussum inde. Effundendo, hæc se-

paratur, in aliud vas salina massa exempta, affusa aqua frigidissima, & concussa cum illa, depuratur ab oleoso inquinamento, quod facile satis fit: quia non ita prompte frigida solvitur. Massa hæc salina servatur titulo suo. Si hæc calida solvitur, colatur aliquoties, donec lixivium ita natum sit quam limpidissimum, tumque in vase purissimo, vitreo, exhalat ad apparitionem pelliculæ innatantis, sicque quiescens in frigore reponitur, concrefcet in glebas, salinas, sui generis, distinctissimas ab omni alio sale. Figura Sacchari CrySTALLIS satis similes, & soliditate. Non fœtent. Alcalinæ non sunt. Nec valde volatiles. Hic Sal Nativus Lotii.

U S U S.

PUlcherrime Chemia, producto hoc sale, oculisque exhibito, Medicos docet ingenium illorum salium, qui in corpore sano sunt acerrimi, alcalescentes maxime, sed non tamen alcalini, hinc jamjam rejiciendi vi vitæ, cui originem tamen debebunt, extra corpus ipsum. Norunt inde Medici, cæteros sales, qui in aliis humoribus continentur, longe minus ergo acres, alcalinosve esse. Gignuntur hi sales per naturam humanam solam, ex potu, ciboque, & sale marino, cibario, assumtis, mutatisque. Ipse Sal Marinus hic inest, sed neque solus. Sal hic saponaceus quidem, at haud valde pinguis. Diureticus admodum, si aqua dilutus potatur; quin & facile sudores movet, debito cum regimine. In metallis tam mira præstat, ut fuerint, qui sibi mira inde promiserint. Materies omnis pinguis, in illo spissamento urinæ superstes, post hunc salem inde secerum, optima est, ubi leni igne siccatur, ad producendum Phosphorum: quo proposito servari poterit. Certe & hoc experimento conficitur, Sales Urinæ ita inspissatæ inhærentes non ita putrescere, nec alcalescere, ut volatiles facti tam prompte aufugiant. Qui tamen aliter adeo facile mutantur. Quid facit Sal hic ad Calculum?

P R O C E S S U S X C I X.

Lac digestum ejicit Cremorem, acescitque.

A P P A R A T U S.

1. **L**Ac recens, bubulum, repono quietum in vase cylindrico, vitreo; capaci, in loco frigidiusculo, sola charta tectum. Brevi colligitur sursum candidissimus, crassus, pinguis valde, blandus, nec acidus, nec alcalinus, humor, qui Cremor dicitur. Ille sollicitè inde separatur, colligitur, in aliud purum vas reconditur. Paulo post novus renatus, at parcior, Cremor, iterum aufertur, additur priori. Sic pergitur, donec nullus postea Cremor supernatat. Lac superstes, defloratum dictum, tenue, pellucidulum, subcærulescens, manet. Cremor ille balsamus est interno, externoque, usu omnium optimus, amicus corpori, acre quodcunque mitificans, hinc Phthificis, Nephriticis, Arthriticis, summum solamen; ut & vulneri, ulceri aspero, egregium, Lac illud defloratum, remedium

dium incomparabile ad sanandos morbos acres in obesis, biliosisque, oleo carens. Hinc apparet Emulsis (Process. 21.) vegetabilis quam maxime convenire, admistis humoribus differre, & calore.

2. Si in aëre puro, nec inquinato exhalationibus fœtidorum, putridorumque, subtepidulo, sexaginta graduum, aut ultra, quiescit, acere incipit, deinde penitus acidum fit, & quidem acedine assiduo incremente in gradum satis notabilem. Totum tum Lac, una cum nato suo Cremore, acescit: ut odor, sapor, acrimonia, alia signa, docent.

3. Ipse autem lactis, & recens quidem, separatus sollicitè, Cremor, ita repositus, pariter acescit, & vero satis quoque fortiter: facitque tum balsamum, quo non alius usu pulchrior interno, externoque, ad calida, putrida, biliosa. Omnia vero hæc memorata magis obtinent in æstate calida & celerius, quam in frigore. Magis in lacte graminis prole, quam ex fœni sicci pabulo. Magis ex animali minus exercitato, quam valide moto.

4. Quando lac collectum fuit de animali; cujus temperatio calore excedit; corpus summis exercitationum laboribus exæstuavit; cibus ex animalibus inprimis, aut alcalescentibus vegetantibus, una cum acerrimis condimentis, & potu vix acido, nutritum fuit; tum & de iis, in quibus ardens febris humores exassavit, aut putrida tabes dissolvit; si tum, aio, hoc lac ita tractatur, erit id deprehensum fœtidulum nidore suburinoso, aut quasi sudoris mephiti, colore subflavescens, tenue quasi, & resolutum, sapore non mellito, sed falso ingrato; per digestionem vero non acebit, sed ingratum induet nidorem ranciduli casei, vergetque in alcalescens fere. Unde infantes abominantur illud, & ducentes illud statim cum ejulatu repudiant, quod avide repetunt, ubi sanum.

U S U S.

CRediderim, experimentum hoc ex iis habendum, quæ simplicitate sua utilia multa sub se recondunt, quæ Chemicum juvant, profunt Medico, utrique necessaria. Constat inde oleum magis abundare in lacte, quam in ullo alio humore corporis. Id autem ibidem facilius recedere a parte aquosa, quam in ullo alio humore corporis. Hinc lac parum salis, nec illud subactum, unitumque, cum oleo, gerere. Distare inde maxime a saponis composito ex sale & oleo unitis corpore. Hinc oleum lentissime subigi, accurateque uniri cum cæteris humorum. Quin & ideo tam crebro, & facile, seorsum a reliquis secedere in corpore, ibidemque colligi in cellulosis, & medullosis, propriis huic colligendo recessibus. Unde quidem fundi calore, & motu, potest soletque, sic redire in venas, misceri acribus salinis, itaque & de corpore tandem specie olidi, pinguis, flavi, sudoris exire, aut lotii flammei, putridi, acerrimi, imagine separari constat. Liquet etiam, oleum hoc de lacte vegetabili retinere adhuc diu in corpore acescentiam, atque aliquando in acidum converti posse. Cæterum omne alimentum, acescens, lacteum de animalibus, aut vegetabili, etiam aliquot horis, hanc suam indolem retinere quoque in corpore, & per eam operari. Si vero vires vitæ, calor ingens, acidi absentia, aëris putredo, agunt in cremorem hunc ipsumve

lac, tum cremor ille amarescere, rancescere, atque alcalescere, potest, deserta acida natura; quod & jam ante in Tartaro observatum. Quare & non sine sollicita distinctione pronanciandum videtur de natura humorum in animalibus: potest namque in mammis depositum lac febricitantibus ita acri rancedine mutari, & mira patrare mala; ut quotidie constat. Quidni idem fiat in lacte sanguini permisto oberrante? Sane oleum lactis acere, amarescere, rancescere, putrere tandem, potest. Caseosa ejus pars rancescere, putrere, acerrimam naturam induere, alcalescere quoque, valet. Serosa pars denique acere imprimis, rarius aliter mutari, solet.

P R O C E S S U S C.

Lotium digestum alcalescit, colorem, odorem, saporem, vires, mutat.

A P P A R A T U S.

Lotium, quale descriptum Processu (92.), si in vase vitreo, figulino, ligneo, metallico, aperto servatur, in aëre temperiei triginta trium graduum, incipit olere, putrere, colorem citrinum mutare in fuscum obscurum, crassas fœces deponere, sicque intra paucos dies alcalinam, lixiviosam, naturam, induere, interimque simul crustam calculosam undique vasis superficiëi apponere. Quo autem calor aëris magis increscit, ita hæc urinæ mutatio validior, citiorque, contingit: unde æstiva tempestate, potissimum cœlo æstuante, omnia dicta magis enascuntur. Ut vero scirem, quousque mutabilitas hæcce se extenderet, urinam naturalem recentissimam commisi vasi vitreo, ut lagenam repletet. Seposui, subere arcte impresso, vitrum. Reposui in loco mediæ temperiëi. Inveni post tres menses lotium sponte, clauso vase, muratum fuisse, ut in præcedenti casu descripsi. In hisce autem imprimis mutatio consistit. Urina recens, fani hominis, est colore citrino; hæc digesta penitus colore fusco subnigrescente, & quidem a gradu coloris straminei quotidie, sensim, per successivos gradus, tandem coloris tam profundi pigmentum induit, sic, ut semper, quo putridior, eo colore obscurior fieret. Quod idem in febricitantibus Medici circa lotium observant, indeque conditionem humorum de colore lotii tuto addiscunt. Dein lotium recens fœtet ingratum, sed non alcalinum; atqui digestum lotium manifesto spirat fœtorem alcalinum volatilem, longe alium, quam erat in urina recenti. Sapor in recenti urina amarus, salinus; sed in digesta putridus, acer, alcalinus, prorsus lixiviosus. Urina recens nulla nota alcalini præsentiam refert; hæc autem digesta, ut coram videtis jam, cum omni acido affuso, commistoque, ebullit, effervesceat, quam violentissime, omni-que alio signo alcalinam veram naturam exhibet. Postremo, lotium recens vim detergendi saponaceam non possidet; sed illud, quod digerendo computruit, usurpatur a Fullonibus, & Tinctoribus, pro lixivio acerrime repurgante lanam sordidam, sericum, & alia, quæ facultas alcali-

cis fixis propria habetur. Quum vero hæc in parvo etiam calore, vase clauso, ita contingere, certus per experimenta didicerim, & quilibet, sine labore, simplici experimento discere etiam queat: frustra hanc proprietatem lotii Viri negaverunt in chemicis versati.

U S U S.

Considerate mecum, per vias lotii secerni, & de corpore excerni laticem, in quo sales, & olea, putredini proxima. Neque enim toto in corpore reperimus humorem alterum, qui tam cito, tali digestionem, etiam vasis clausis, sic mutatur. Urina igitur, excretioni destinata, repurgat sanguinem ab his putridis nocituris. Si ergo per morbos retinetur, damna lethalia parat, calore corporis ocysissime acrior facta, hinc brevi intolerabilis vasis minimis corporis, & perniciofa dissolutione humores dissolvens. Quum vero ita facile, cito, clauso vase, mediocri calore, novas hæc dotes acquirat; docemur naturam humanam de assumtis non generare aceta, neque inflammabiles spiritus, adeoque haud agere fermentando, sed producere veram mutationem putrefacti, adeoque effectum suo illi magis convenire. (Vid. Proc. 88.) Si enim sola stagnatio lotii hanc profert mutationem, quam ergo proclivis est urina, ut vere putrescat! Quanta ergo necessitas, aquæ, acidorum, acescentium, salinorum, in corporibus humanis degentibus in æstuante cælo, assiduoque labore exercitatis! illis quippe potibus, cibis, condimentis, prohibetur proclivitas in putredinem nimia. Unde & necessitas quoque quotidiana, blandi, acescentis, novi, chyli, ad involvendum acre natum in sanguine. Quin & liquet, intra viginti quatuor horas, evanuisse jam necessariam hanc novi chyli utilitatem, atque præstantiam, novumque ideo auxilium a similibus repetendum. Igitur in ardentissimis febribus necessitatem maximam alimenti aciduli, aquosi, blandi, chylo simillimi; nocere in iis quam maxime exquisitam abstinentiam; ideoque ptisanas hordeaceas cum oxymelle adeo hic salubres: ut sapienter Hippocrates inculcat in libro incomparabili de Victu Acutorum. Medicus autem de Urinæ exploratæ indiciis, per hæc experimenta, quam plurima optime addiscere potest: dum olei, salisque, mutationem hinc cognoscit. Sed & intelligit, calculum verum nasci de lotio hominis sanissimi sola quiete, etiam dum putrescit urina, & alcalescit. Ergo attenuationem, alcali, putrefactionem, non prohibere originem calculi: quum ille in putrefacta urina nascatur, nec dissolvatur. Hinc igitur, ut de vino quam optimo generatur Tartarus, de lotio etiam vi vitæ elaborato Calculus nascitur, nec resolvitur. Frustra igitur potari alcalinos volatiles sales in prohibitionem Calculi. Horrescens vidi! lagenam purissimam vitream replevi sanorum recenti lotio, occlusam reposui. Urinam eam putrefactam exemi ad distillationem, erat crusta Calculi interius undique obducta. Non ablutam replevi nova urina, reposui, exemi. Hæc quum repetivissem aliquoties, tandem vidi incrustatam interiorem lagenæ superficiem penitus materie Calculi. Quam est facta in perniciem nostram hæc genitura! Attamen necessaria. Mirum forte cuiquam videri queat, cur igitur humanum corpus

proprio calore, motuque, vitali, haud computrescat? quum tam brevi temporis spatio in putrida convertat humores saluberrimos, & cadavera in æstuante ad octuaginta caloris gradus cælo, tam paucis horis in aëre aperto putrescendo deliquescant, & volatilia reddita evanescant in auras, solis ossibus exceptis. Sed respondet sana Chemia, impediri certo futuram hanc putredinem, cibo, aëre, potu, condimentis, quandoque & medicamentis, putredini adversis. Aliter enim ocysime in febribus ardentibus dissolvitur tota putredine compages.

PROCESSUS CI.

Lotium digestum, destillans dat Spiritus alcalinos, Oleum fœtidissimum, Salem volatilem alcalinum oleosum, Phosphorum, Salem marinum.

APPARATUS.

SUmfi lotium digestum juxta Processum præcedentem, idque ex cucurbita vitrea leni igne destillo: adscendunt striæ decurrentes specie spirituum pinguium primo. Postquam hi expulsi, & excipulum aliud appositum, igne paulo majore guttæ roriferæ subsequuntur, aquam referentes; aqua hæc separari potest quam accuratissime tamdiu, donec sicca fere supersit materies. Hæc, si dein per gradus urgetur igne tandem valde forti, oleum dabit flavum, fœtidissimum, cum quo simul salini quid adscendit. Restabit fœx nigra, quæ, exusta igne aperto, fit calx alba, quæ ope aquæ resolvitur in salem marinum, & terram tenuem, fixam, insipidam. Aqua prima est fœtida, acris, ignea, alcalina prorsus, violentissime cum acidis effervescens. Si hæc alto ex vase, leni igne, agitur, salem dabit album, acrem, solidum, penitus alcalinum, manebit in fundo aqua ingrati fœtoris, saporisque. Quando autem aqua, quæ secunda vice exiverat, diu, leni igne, alto vase, destillat, dabit tum prioris spiritus aliquid. Eo autem separato accurate, tum superstes aqua, puro de vase destillans, dabit liquorem, quem Magnus Helmontius extulit pro Lithonriptico summo, in tractatu de Lithiasi. Sal Alcalinus fixus hic nullus apparet, sed Marinus verus, si homo illo multum usus fuit. Quando autem vere volui obtinere copia magna hunc Salem, tum sic sæpe agere soleo. Urinam sanorum ad centenas libras amplo, humili, repando, vase, ebulliendo inspisso, cavendo ne materia pinguis transgrediatur, perdaturque, donec mellis instar crassam materiem paravero. Hanc, uberima collectam copia, vasi aperto, cylindrico, vitreo, committo, & loco calido in granario expono per aliquot menses: ut quam optime computrescat pinguis, & olida, massa. Quam dein ollæ ferreæ immitto, cui ingens de terra figulina alembicus agglutinari commode, arctèque, potest. Longo hujus rostro applicatur recipiens ex maximis. Ignis per gradus incenditur, adscendit copia incredibili sal albus, alcalinus; dein oleum flavum, salem priorem inquinans, & cum eo sal quidam priori

aliquanto fixior. Urgeo ita tandem, ut olla ferrea incipiat candescere ab igne: quando oleum, & sal ultimus escendunt. Refrigerata parum olla ferrea, dum calor adhuc magnus in materia fixa, excipulum aufertur, & omnis elevata pars vasis reconditur vitreis, accurate obturandis. Quæ dein in spiritum, salem, olea, resolvitur ut prius. Id autem, quod in fundo vasis remansit, si miscetur cum carbonis lignei duplo, vel triplo, tumque ex retortis parvis, figulinis, loricatis, urgetur igne summo per spatium sedecim horarum in receptracula aqua plena sic, ut finis rostri retortæ sub aqua decumbat, cærulescentia tandem corpuscula emittit, quæ in fundum aquæ decidunt; inde colliguntur ita, ut semper tecta sub aqua in vitreo parvo vase hæreant. Si tum vas hoc, igni impositum, valde calefcit, liquefcens Phosphori materies non solvitur in hac aqua calida, sed in unam coit massam, instar ceræ liquefcens, quæ sub aqua servata, per annos viginti & ultra, efficax servari potest. Vid. Boylei noctilucam aëriam. Act. Lips. 1683. p. 457. Homberg. Memoir. de Math. & Physiq. 1692. p. 74. ad 80. Nieuventyd. p. 520. Hoffmann. Dissert. Phys. Chem. 336. Si vero pars sumitur alia in olla residua & igne calcinatur aperto in calcem albam, tum calx hæc aquæ puræ commissa, ei impertit salinum, quod dein reductum exhibet verum Salem Marinum, qui talis mansit post digestionem in corpore toleratas, post tam diuturnam putrefactionem, destillationemque. Quod autem sal marinus sit verus, sapor docet; sed præcipue omnium, quia aquæ forti mistus aurum solvit. Porro ne hic quoque sal Alcalinus fixus invenitur ullus, sed quidquid hic salini id volatile, aut sal marinus.

U S U S.

EN analysi hæc Urinæ vera, postquam putrefacta. Dat eadem omnino, quæ recens destillata. Sed igne minore. Et ordine mutato. Putrefactio fecit sales aqua volatiliores, fecit alcalinos de non alcalinis. Olea reddidit acriora, fœtidiora, magis volatilia. Nihil tamen peperit spirituosum inflammabile. Acidi genuit nihil fixi, aut volatilis. Alcalini fixi produxit nihil. Tamen sales hic bini, volatilitatis gradu diversi, apparent, quorum prior statim facile adscendit, & separatur fere purus; alter difficilior, tardior, plurimoque oleo immixtus haud adeo facile separando, magno, & partim maximo, igne adscendit. Memini, quum aliquando fœcem lotii præparatam summo urgerem igne, ad confectionem Phosphori, mirari me, quamdiu salina adhuc egrederentur, postquam tamdiu violentiam prioris ignis perpessa fuerant. Sed quam densus, flavus, fœtidus, & retortæ collo affixus, remanebat hic sal! Omnia ergo acida hic in neutrum salinum mutantur vitæ viribus. Sal autem ipse hic neuter in alcalinum verum putrefactione transit, & volatilitatem acquirit maximam hætenus cognitam: aqua non modo, sed & alcohole, fugacior. Facit omnia volatilia salina animalium, vegetantiumque; at fossilium fontium, gemmæ, marisve, salem nec in alcali vertere, neque volatilem reddere potest. Dixere Principes artis Chemicæ, vel nostra tempestate, acidum vi ignis exprimi posse de fœce residua lotii post destillationem ejusdem. Sed reperi, id verum, quoties sal cibarius, largius as-

sumtus, nec mutatus ut modo dixi, copiosus hæreret in hac fœce: tum enim, mistus plurimæ terræ, extrema ignis violentia acidum salis marini exhalat, quod pro acido humorum naturalium inquilino sic parato falso sumfere nimium præcipites. Fateri tamen sic sentientem cogit veritas in Phosphoro tamen ad aërem sponte resolutum acidum inesse, quod ab oleo dicto chalcanti, aut sulphuris combusti, haud adeo multum differt, vid. Hombergium in Monumentis Acad. Reg. Scien. 1706. p. 340. Unde & cum Argento Vivo facit speciem compositi corporis. Idem, Memoir. de Mathem. & Physiq. 1692. pag. 80. Unde vero hoc acidum? ignoro. Cujus naturæ habetur? Sane nulli animalium, vegetantiumque par. An forte alumen additum fuerat illi conficiundo? Sic optime paratur. Ejusque oleum chalcanti oleo quam simillimum habetur. Aliter experimentis constitit, aves solo acescente pastas, & solam aquam bibentes, in corte reclusas, deinde cum omni suo stercore igne aperto exustas, dedisse fœces, in quibus nihil quidquam acidi, aut alcali, fixi. Spiritus saturatissimus alcalino volatili sale, si rectificatur, evadit limpidissimus, sed dein, diu servatus fuscus redditur, sensimque terrestris fere quid fundo, lateribusque, vasis apponit. Estne hæc ea terra volatilis, cum primo spiritu putrefacti lotii adscendens, vasis puritatem obfuscans, nulla re abstergenda dein, sed subsequenti altero, vix salino, spiritu iterum sponte resolventa? De quo in nobili de Lithiasi libro tam multa Helmontius? Cogitetis, experiamini: res facilis, nec caret usu. Sane Alcalia generant potius Calculum. Si secundus non alcalinus solvit: tum in lotio hæret ipsum illud faciens Calculum, iterumque in eodem dissolvens inest. Sal marinus igitur calculum non facit, solvit potius, & prohibet, alcaliscentiam falsedine sua impediens & putrefactionem humorum: Acerum ideo, Sal Maris, & Sulphur, in putridissima febrium peste, ab Helmontio putantur fuisse summa Antiloimica Hippocratis cum vino picato: unde & Adepti clamant in Sale, & Sole, naturam constituisse absolutam perfectionem. Non tamen potest commodè resolvere natum de urina Calculum, nec concreta Podagræ.

PROCESSUS CII.

Salis Ammoniaci ortus.

A P P A R A T U S.

SAL Ammoniacus hodiernus defertur navibus mercenariis de Ægypto in primis. Pellucidus fere in medio, striis longis, parallelis, basi nigra, in placentis supra planis, sphaericis infra, satis densis & magnis. Odorem de se vix fundit, ubi media, pura pars exploratur. Saporem habet Salis marini, sed longe penetrabiliorem. In aëre aperto, sponte, cito, totus defluit in myriam limpidissimam, falsissimamque. Huic simillimum ipse confeci ex Fuligine, (vid. Proc. 86. pag. 178. N. 6. pag. 179. N. 6.) ita, ut inde distingui vix posset. Idque hodie conficiunt ex urinæ Animalium, Camelorum minime bibacum præferunt, inspissatæ partibus decem, Salis

Marini partibus duabus, Fuliginis optimæ lignorum parte una. Quæ coquantur in aqua, colant, exsiccant, dein vasis idoneis sublimant, solvunt iterum, depurant & coagulant. Vid. Olæum Wormium. Mus. p. 20. Cæsum de Fossilibus. Utraque igitur hac ratione Sal hic nascitur.

U S U S.

Mira origo Salis Ammoniaci : antiquus Cyrenaicus, vel Ammoniacus, ex urinis Camelorum copiosis arenæ infusus, ardore solis exsiccat, hinc sursum sublimatis, in Lybia arenosa, ubi his animalibus imprimis utuntur. Tamen Nobilis Tournefortius Pometo dedit plane differentem a nostro hodierno, vulgari. Vid. Pomet, des Drogues. & confer Plinium, XXXI. 7. & Dioscoridem. Hic solus animalis videretur. Alius hodie in regione calida, circa ignivomos montes, nasci & colligi dicitur, qui fuliginosus videretur. Vid. Act. Ac. Reg. Sc. 1705. Hist. 83. Ex Fuligine confeci ipse. Sed compositus ille ex animali, fossili, & vegetabili, in unum simul commistis constaret. Urina enim putrescit ex se in alcalinum salem, marinus sal hunc domat, ligat, in Ammoniacum vertit, Fuligo de exusto vegetabili eundem Salem profert. Est autem æque mirabilis virtute sua, quam ipso ortu. Si in aqua solvitur, colatur, inspissatur ad apparitionem cuticulæ supernatantis, dat Crystallum niveas, subtilissimas, instar lanuginis. Hæ siccatae, & ab omni humidi admistu sedulo servatae, dein aquæ permixtae, eam plus refrigerant in ipso momento dissolutionis, quam ullo alio modo cognito fieri potest. Omnia animalia a putredine pulchre præservat, & ad intima usque myria ejusdem se penetrat. Aperiens, attenuans, dissolvens, resolvens, stimulans, errhinum, sternutatorium, diaphoreticum, sudoriferum, diureticum, antisepticum, summum est.

PROCESSUS CIII.

Sal Ammoniacus nec acidus est, nec alcalinus.

A P P A R A T U S.

Sali Ammoniaco purissimo, soluto in triplo aquæ purissimæ, deincolato in myriam limpidissimam, tandem sic calefacto ad gradum centum, in vitro hoc purissimo, affundo successive partibus variis Acetum, spiritum Nitri, spiritum Salis Marini; non oritur, ut perspicue cernitis, vel minima nota effervescentiæ ullius, neque vel turbatur liquor: igitur in illo sale, hoc respectu, alcali haud adest. Quando autem oleum Vitrioli affunditur, fumus oritur, & motus quidam. Sed id alteri ejusdem proprietati debetur, quæ commodius explicabitur postea (Proc. 106. 107.), imprimis autem (Proc. 143.): dum oleum Vitrioli, occupans alcali latens hujus salis, spiritum ejusdem acidum Salis Marini reddit volatilem. Jam in altero hoc vase eidem myriæ affundo Alcali fixum, non effervescebat, sed statim odor exit penetrantissimus, alcalinus volatilis. Igitur sal hic est, ut in titulo hic ponitur.

U S U S.

Hinc igitur Sal Ammoniacus in eo convenit sali nostrorum humorum, quod neque cum adjecto acido, aut alcali, effervescat, attamen cum alcali fixo affuso mox volatilem de se partem alcalinam demittat, cum odore statim acerrimo. Cæterum, quod sal hic in corpore humano, & alibi, non agat virtute acida nec alcalina, sed salis communis penetrantiori. Quod, ut reliqui omnes effectus docent, ita inprimis quidem ille, quod Sal hic Ammoniacus spiritui Nitri, aut Aquæ Forti, permistus, statim illi generet facultatem solvendi auri, sive convertat in aquam regiam, quod solus gemmæ, fontium, maris, sal potest efficere; eoque sensu hic sal est Marinus semivolatilis.

PROCESSUS CIV.

Sal Ammoniacus sublimari potest in Flores.

APPARATUS.

Salem Ammoniacum in pollinem contusum exsicca quam optime, hujus dein libram cucurbitæ terræ Hassiacæ cylindricæ fere immitte. Capitellum deinde amplissimum impone, juncturas argilla cum æquali parte arenæ subacta obtura. Pone in furno arenæ ita, ut rostrum alembici paululum declinet ad inferiora: ut aqua, primo forte proditura, facile ex capitello destillare queat in ampullulam rostro alembici appositam. Obruatur dein cucurbita arena fere usque ad infimum limbum colli capitelli. Ignis primo supponatur 150 graduum, donec omnis humiditas elevata in ampullulam descendit. Tum, mutata ampulla, augeatur ignis tamdiu, successive, donec alembicus nive candida incipit offuscari, teneatur sic in eodem gradu octo, vel decem, horis, nunquam remittendo. Frigescant omnia. Aufer arenam. Cucurbitam cum alembico cautissime, non concutiendò, exime: ne decidat ex alembico deorsum elevatus sal. Pone tum cucurbitam, & alembicum, horizontaliter in mensam. Cultro aufer cæmentum nitide. Postea jacentem ita alembicum, & cucurbitam, linteo accurate deterge a pulvere, arena, cæmento. Abduc quam lentissime alembicum. Erit plenus sane niveo sublimato, raro, levi. Margo supremus cucurbitæ eundem copiosum habebit. Omni hoc sale ablato, & in siccissimum, purissimum, calidum, lato ore patulum, vitrum recondito. Deprehendes intra superiora cucurbitæ crustam albam, crassam, densam, compactam, ejusdem salis, qui tamen non descendit usque in cavum capitelli, sed hic fixatus est, & adhæsit. Hunc acuta cultri cuspide, inde aufer, mox in aliud vitrum reconde ut priorem. Dein cucurbitam lenissime inverte supra chartam mundam, decidet plurimum Floris primi nivei, qui vasorum motu relapsus fuerat, & si purus penitus, priori flori addi poterit. In fundo dein cucurbitæ Fœx salina, pauca, nigra, apparebit, quæ concussu vasis inde eximi poterit, non magni usus. Amarum enim nigrum
fœculentum

fæculentum dat. Si prior pars seorsum habetur, Flos vocatur verus Salis Ammoniaci, Aquila alba Philosophorum, Aquila Ganymedem in cælum Jovis rapiens in sublime. Alter ille fal, qui in cucurbita hærebat ad superiora, Sal Ammoniacus sublimatus, & depuratus. Si flos, vel fal, sublimatus aqua solvitur, parit frigus, ut de fale modo dictum. Si solutioni calefactæ acida quæcunque misces, nil effervescentiæ, nisi cum oleo Vitrioli, ut in præcedenti Processu, de fale notavi. Cum alcali fixo non fervet, sed statim iterum emittit vaporem illum, qui & ibidem descriptus. Quando autem sæpenumero geminatur eadem Salis ejusdem Ammoniaci sublimatio, incipit sensim difficilius adscendere, tandem fere fixari, pristinæ tamen naturæ tenax.

U S U S.

Habetur hic Sal, naturæ salis Marini, semivolatilis: neque enim tam volatilis, ut aquæ ebullientis adscendat calore. Neque tam fixus ut fal marinus. Purus perdidit pelluciditatem illam, quæ quodammodo erat in Sale Ammoniaco vulgari. Non mutavit fal hoc in sublimatione indolem suam in alcali: Qua ergo in proprietate differt a fale Urinæ; mansit qualis fuerat; sincero pulchrior nitore. Id habet miri, quod ita adscendendo siccus, vase clauso, secum rapiat in sublime omnia fere corpora fossilia, vegetantia, animalia, sublimando autem eadem mirifice attenuet: unde Pistillum Chemicorum vocari obtinuit; quum alia auxilia vix adeo attenuent. Rursum etiam si illa sic cum Sale Ammoniaco sublimantur sæpius, tandem fixantur cum eodem. Qua ratione pulcherrima sæpe fiunt medicamenta. Ut in Colcothare in aqua depuratissimo reddito, cum sulphure contrito, cum fale hoc sublimato, præstitit Paracelsus.

P R O C E S S U S C V.

Sal Ammoniacus cum Calce viva dat Spiritum igneum, similem Processui (97).

A P P A R A T U S.

I. **F**Los ficcissimus Salis Ammoniaci ponatur in fundo cucurbitæ vitreæ purissimæ, calidæ; huic superfundatur pollen citissime factus in mortario ferreo, fervido, sicco, æquata parte, ita, ut Flos salis Ammoniaci Calcis pulvere bene tectus sit. Præsto sit alembicus nitidus, siccus, prius huic proposito accommodatus: ut statim exhalantia minima corpuscula queant coërceri. Quippe ipso momento, quo se mutuo contingunt hæc duo corpora, antea prorsus quiescentia, & inodora, exurgit halitus, quo forte in rerum natura non alius acrior habetur, aut violentior. Certe superat hisce binis qualitatibus longe Spiritum eodem apparatu de lotio excitum (Process. 97.) Hinc alembico arcte appposito, conglutinatoque, leni agatur igne arenæ mistum hoc, in ampullam applicatam. Producentur liquor paucus admodum, volatilissimus omnium co-

gnitorum, acerrimus omnium. Neque tamen alcalinus. Si dein igne satis magno arenæ agitur mistum in cucurbita, non sublimatur Sal Ammoniacus; sed ope Calcis vivæ fixata erit miscela. Sique dein crucibulo imposita summo urgetur igne, tamen persistat. Frigefacta autem, & bene sicca, si in tenebris frangitur, lumen de se fundit Phosphori instar. Vid. Hamel. Hist. Ac. Reg. Sc. p. 305. 306. 307. 408.

2. Sal Ammoniacus purus, tritus, solvatur aquæ puræ triplo; dein in cucurbitam amplam vitream calefactam parum immittatur Calcis vivæ, respectu Salis Ammoniaci triplum, superfunde myriam dictam Salis Ammoniaci, ocyssime impone alembicum, ilico conglutina luto de farina lini crasso, & appone amplum valde excipulum eodem luto agglutinandum; incipiet subito, calor, æstus, ebullitio violentissima, incoercibilem Spiritum fundens diffracturum vasa, nisi lutum aliquantulum concederet. Erit enim impetus tantus, ut venti instar sibilando per luti gluten transpiret, odoremque quaquaversum diffundat; simul copiosus liquor, quam citissime in excipulum destillat, ibique colligitur. Postquam ardor spontaneus misti deferbuit, gluten arctius adigatur, supponatur aliquid ignis, fiat sensim destillatio ad siccitatem usque. Spiritus productus ilico lagena vitrea arctissime claudenda servetur suo titulo.

3. In fundo mirum restat, novumque, corporis genus. Quod valido siccato igne, subvitrescens quasi apparet; sensim vero in aëre intumescens, non quidem deliquescit instar Salis Ammoniaci, sed in granula fabulosa resolvitur: ut jam Chemicorum optimus apud eundem Hamelium loco modo citato, pag. 408. dixit.

U S U S.

EN novam convenientiam Salis Homini proprii, & Salis Ammoniaci. Videte genitum de siccis liquorem; de inodoris odoratus organa plus afficiens, quam aliud quidquam. Cernite hic generationem Spirituum in summo etiam frigore mobilissimorum, sponte quasi sua. Videte acerrimum non alcalinum, igni proximum acrimonia sua. Fatendum tamen, spiritum exhalantem per aëra, occurso spiritus nitri volatilis, albos fumos parare. Aliam Phosphori speciem enatam cernitis. Fixationem quodammodo Salis Ammoniaci observate.

P R O C E S S U S C V I.

Sal Ammoniacus cum Alkali fixo destillans dat Spiritus alcalinos, & Salem volatilem alcalinum.

A P P A R A T U S.

1. **F**Lorum siccissimorum Salis Ammoniaci uncias decem, in retorta vitrea demissis, adde Salis Tartari siccissimi, purissimi, tenuiter comminuti uncias tres. Concute rite, ut bene misceantur. Orietur ilico vapor acerrimus, alcalinus. Igitur applicetur statim recipiens vitreum,

purum, amplum. Fiat sublimatio ex arena, sensim, per gradus, usque tandem in summum ignis gradum. Sublimabitur Sal candidus, purissimus, sincerus, volatilis, alcalinus. Qui in aëre, quietis impatiens, statim avolat; de vasis, per omnia fere opercula, præterquam vitrea, aufugit. Cum omni acido quam violentissime effervesceat, cumque iisdem in Sale neutrum sui generis, pro natura, & origine acidi, concreseat. Vix tractari potens ob fugacitatem summam, vix coerceri. Difficulus sane de excipulo, solida hac forma, eximi poterit. In fundo manet sal fixus, qui ne quidem maximo igne potest sublimari.

2. Vel iisdem Floribus, affunde tres uncias Salis Tartari, dein adde huic misto uncias novem Aquæ, misce, destilla statim in recipiens, accurate accommodatum, per varios ignis gradus. Ascendet statim vapor halitusosus, humidus, qui ilico ad cava excipuli congelatur in salem solidum, pergetque ita omni momento: quando ita præcipuus hic sal educatus fuit, dein incipiet dissolvi a liquore minus volatili quam prior sal, & magis aquoso. Tum muta recipiens, novoque apposito, urge ignem ad siccitatem salis in fundo remanentis usque. Dein, bene concusso priori excipulo, misce salem cum liquore, donec attenuatus, fereque solutus, sit. Tum infunde in vas purum, vitreum, cujus orificium operculo vitreo accurate queat claudi. Erit sal in fundo. Supernatabit liquor fluidus, qui verus Spiritus, alcalinus, volatilis, saturatissimus. Quando autem nihil salis alcalini solidi remanet in fundo, sub eo liquore, tum Spiritus non est saturatissimus, sed aquosus, in multis experimentis deficiens. In fundo retortæ manet sal fixus, quam simillimus præcedenti fixo.

U S U S.

SAL Ammoniacus in hac operatione divisus est sponte suæ naturæ, & ignis, simulac attingitur ab alcali fixo, in duas partes, penitus diversas, ambas tamen salinas; unam, quæ constituit salem acerrimum, alcalinum, igneum, volatilem, purissimum, qui arte potest fieri, simulque simplicissimum; qui ergo habetur, teneturque, pro Vexillifero alcali volatilis, ad quem affines reduci, & revocari possunt, ut ad characterem suum, indeque distingui omnes alii qui inde recedunt. Spiritus igitur verus Salis Ammoniaci alcalinus est, aqua, in qua dissolutum est tantum salis alcalini purissimi, quantum dissolvere potest. Ad hunc etiam reliqui omnes Spiritus alcalini volatiles referri queunt. Cæterum alii sales alcalini volatiles, & spiritus quoque alcalini volatiles, nunquam sunt tam puri, simplices, sinceri; semper vero oleo quodam inquinati, cujus admisti respectu longe aliter agunt. Cæterum etiam convenit iterum Sal Ammoniacus cum sale Lotii hac proprietate. Vide Processum 96: Sal enim hic, & spiritus, cum omni acido violentissime effervescent ilico. Si vas, in quo sal hic, aut Spiritus, continetur, apertum stat, & juxta ponitur vas spiritu Nitri acido, fortique, repletum, oritur statim in aëre notabilis fatis effervescentia, ab alcalino & acido volatilibus in aëre sibi mutuo occurrentibus, ibidemque effervescentibus. Si sal hic cuti viventis applicatur calidæ, moxque, superimposito emplastro de pice, versus cutim coercet-

tur, ut non possit avolare, statim ac calefcit exurit intolerabili cum dolore partes in gangrænam nigram summa cum inflammatione; ut non sit aliud venenum velocius. An igitur adeo prudentes quidam Medicorum, qui pleno inspiratu commendant hujus spiritus, salisve, attractionem ad nervos olfactorios, membranam pituitariam narium, pulmonales tenerimas vesiculas? inflammatio topica, & corrosio inprimis quam maxime hinc videtur metuenda. Fit autem actior adhuc, magisque igneus, hic Sal, & Spiritus, quando iterum sublimantur de novo, puro, alcali fixo, sicco.

PROCESSUS CVII.

Examen Salis fixi, residui a Processu præcedenti.

APPARATUS.

S Ali residuo, in fundo retortæ, a præcedenti Processu, affunde purissimæ pluvix, calidæ, quantum sufficit, ut dissolvatur penitus; liquorem percolato, donec quam limpidissimus factus sit. Hunc inspissa, redige in crystallos, donec totum fere sic præparaveris. Obtinebitur sal sapore, crystallis cubicis, effectu solvendi salem marinum ferme referens. Qui dein crucibulo inditus lateris imposito tecto, crepitans calcinetur aliquamdiu, solvatur, coaguletur, habebitur sal purus admodum. Qui sumtus drachmæ pondere, tempore ἀνυρεξίας Intermittentium, bihorio ante initium exacerbationis futuræ, calefacto simul corpore, sæpe febrim tollit. Unde sal febrifugus Sylvianus appellatur.

USUS.

EN, hæc altera est pars salina fixa præcedentis Processus, nata de miscela alcali fixi, & Ammoniaci salis, per ignem agitata. Sal hic nec alcalinus, nec acidus, sed compositus, neuter; non tamen Ammoniacus, sed fixus. Natus erat Ammoniacus sal ex alcali volatili urinæ, volatili vegetabili fuliginis, sale marino acescente, vel acido. Alcali fixum, potentissimum attrahens acidi, trahit in se acidum salis marini, idque separat ab alcali volatili animali, vel fuliginis. Unde acidum salis marini cum alcali fixo redit in salem marinum, fixum. Alcali volatile salis Ammoniaci, jam liberum a sale suo fixante, penitus volatile evadit, & collectum reddit alcali purum. Id saturatum acido spiritu salis marini reddit salem Ammoniacum regeneratum; patebit Processu 147.



P R O C E S S U S C V I I I.

Sal alcalinus, volatilis, optimus, aut Spiritus alcalinus sincerus, & Spiritus Aceti optimus, dant Spiritum falsum.

A P P A R A T U S.

S Ali alcalino volatili, purissimo, vel spiritui ejusdem, affunde in vase capaci puro, vitreo, spiritum Aceti fortissimum, purissimumque, per vices partem quamdam, concute, permisce accurate, donec nulla amplius effervescentia exoritur, calefac tum omnia, iterumque aliquid admisce salis, aut spiritus; si neque tum quidquam ebullitionis observatur, saturatio jam peracta erit. Habebiturque liquor, si rite peregeris, ex alcali & acido volatilibus concretus, falsus. Qui non facile in solidum salem redigi patiens, exhibet penetrabilissimum medicamen.

U S U S.

L Iquor hic non modo omnium penetrantissimus, qui corpori humano adhibentur, sed absque corrosione ulla virtutem suam exercet, simulque facultate antiseptica, salina, putrefactioni humorum pulcherrime resistit: quare forte aliud præstantius aperiens, attenuans, diaphoreticum, diureticum, sudoriferum, vix impetratur. Extrinsecus autem appositum fomenti instar summum est discutiens, & resolvens. Maxime omnium oculariorum morborum, ubi in cornea opaci quid subnascitur, aut in humore aqueo; si fomenti forma rite applicatur. Forte Salium compositorum, neutrorum, hic omnium erit subtilissimus, non inepte Ammoniacus dicendus.

P R O C E S S U S C I X.

Albumen Ovi recentis, non acet, non alcali est, nec spiritus continet fermentatos.

A P P A R A T U S.

A Lbumen ovi recentis, a testa, membranis, vitello, separatum, contineo his in vasis vitreis, puris, distributum, horum singulis instillo acida diversa, concutio, misceo, neque apparet ullum ebullitionis signum, quomodocunque simul subigo: vasa igitur hic tam diu depono. Jam in aliis his duobus vasis novas portiones albuminis teneo, iisque admisceo intime salem alcalinum fixum uni, volatilem alcalinum alteri. Videtis, quiescunt absque ullo effervescentiæ signo. En vero jam rem mirabilem, in hoc alto cylindrico vase est semiuncia Albuminis ovi, & drachmæ duæ spiritus Nitri; in hoc altero vase pariter semiuncia Albuminis Ovi, cum drachmis quatuor & dimidiata olei Tartari per deliquium, utraque cale-

facta ad 92 gradus. Intentis, quæso, oculis cernite! Albumen cum alcali uno impetu transfundo in albumen cum acido; quanto furore ebulliunt! quantum in spatium rarefaciunt molem! ut escendant e vase decupli capace, colore vix mutato. Verum, effervescencia sedata, quam subito redeunt in angustias spatii occupati priores. Quod si albumen recens cucurbitæ inditum igne centum graduum agitatur, aqua insipida, nihil spirituum tenens, educitur. Si oculo nudo, vel nudato nervo, applicatur albumen, ne sensum quidem levissimi doloris infert. Olfactum vix afficit. Linguae nihil inertius, insulsi magis nihil, imponi potest. Tactui mucosum viscidum apparet, minime penetrabile.

U S U S.

Hinc in albumine ovi recenti alcali non adest, neque acidum, neque vel hæc duo simul. Est vero liquidum spissum, viscosum, inertissimum, insulsißimumque. Tamen ex hoc liquido, vere animali, calore 93 graduum, intra spatium viginti & unius dierum, pullus in ovo incubato crevit de molecula vix pendente grani centesimam in corpus perfectum animalis pondere unciae & ultra. Cognovimus igitur liquidum distinctum ab omni alio, ex quo per causas requisitas, produci queunt fibræ, membranæ, vasa, viscera, muscoli, ossa, cartilagines, omnes denique partes aliæ, tendineæ, ligamentosæ, rostrum, ungues, plumæ, tum humores universi in vasis hisce contenti. Attamen in hoc liquido blandities, inertia, absentia acidi, alcalini, spirituosi, conditio ad effervescendum nulla. Imo vero, si esset in eo quam minimum effervescentiæ, ovum sane ilico creparet medium. Materies igitur totius compagis talis est; demonstratque quam lenta de massa, parumque actiosa, construantur omnes solidæ, fluidæque, totius pulli partes. Quæ tamen ipsa calore majore prorsus inepta redditur, unde pullus fiat; centum gradus vix fert bono effectui, minore autem nunquam pullum profert; neque enim gradus octuaginta pauciores eo sufficiunt. Fit autem calore, intra 80 & 100 gradus directo, & quasi medio, tam mirabilis lentoris mucosi attenuatio, ut per testam ovi, binasque membranas, exhalare maximam partem queat, vitello & chalazis, cum sacculo colliquamenti solis remanentibus. Vitellus enim, pulli placenta uterina, alimento non impenditur. Interim Malpighius demonstravit, albumen hoc non esse liquidum æquabilis ubique naturæ fluidæ, ut est serum sanguinis fluens per vasa vitalia; sed esse compagem compositam de plurimis sacculis membranosis, distinctis, liquido suo repletis, eodem fere modo, ut in humore vitreo oculi natum videmus. Unde videntur nasci illæ undæ, sacculo colliquamenti concentricæ, quibus per gradus sensim attenuatus succus nutritius in amnion pulli transcolatur.



PROCESSUS CX.

Albumen tale calore ebullientis aquæ in massam solidam coit.

APPARATUS.

1. **A**lbumen ovi integri, foti calore octuaginta graduum, cito amittit lentorem, spissitudinemque, fitque adeo subtile; ut per obtusam ovi partem exspirans membranas ibidem a cava parte testæ separatas deprimat vitellum versus, sicque ingens hoc in loco cavum formet. Reliqua albuminis pars soluta, tenuis, ichorosa, nec concrescens amplius ad calorem aquæ ebullientis, evadit; sed fœtida, putrida, acris valde, stamina vitalia pulli destruens.

2. Albumen recens, immissum aquæ 160 gradus calidæ, amittit peluciditatem, albescit, opacatur, concrescit in unam, densam, scissilem, massam. Si aquæ in urinali vitreo, puro, ebullienti, superne instillatur pauxillum albuminis, statim, miro spectaculo, ipso in motu fluidi ferventis coagulatur, quamvis agitetur quaquaversum per aquam. Ovum integrum aquæ tam calidæ commissum ita coagulatur. Ex quibus omnibus liquet, hanc coagulationem non fieri jactura liquidi, per calorem hunc dissipati de albumine, sed vera actione ignis tali gradu applicati ad albumen: quia mediis in aquis fit. Imo albumen pluri aquæ frigidæ mistum coïbit, ab aqua se separabit, simulac coctio instat.

3. Albumen coctum ad spissitudinem durissimam in ovo integro, si testæ eximitur, a membranis, chalazis, vitello, & sacculo colliquamenti accurate separatur, tum in orbe vitro obducto reponitur, sensim quasi sudare incipit, & resolvi in liquidum subtile, quod aquosum videtur, sed solvens est penetrantissimum, quo Myrrha & alia difficiliter solubilia pulcherrime dissolvuntur, penetranturque.

USUS.

HOc experimento intelligimus rationem, quam habet materies illa ad calorem, ex qua materie omnes omnino partes animales pauco tempore fieri queunt. Cernimus, certum caloris gradum solvere, majorem coagulare. Iterum minorem id coagulatum dissolvere. Igitur omnia hæc debentur definito ignis gradui, ultra quem nihil hic consistit rectum. Patebit autem Processu 112. iterum, quod calor major 224 gradibus rursus dissolvat, atque attenuet, quod 212 coagulatum fuerat. Monemur igitur, cautius pronunciare de virtute ignis solvente, vel coagulante respectu humorum plasticorum nutrientium. Quis calor eum attenuet, putrefaciat, inspisset, in partes suas dividat.

PROCESSUS CXI.

*Albuminis Ovi cum Alcohole exploratio.**A P P A R A T U S.*

IN vase hoc pellucido est Albumen Ovi, illi autem, ut videtis coram, quam pacatissime affundo Alcohol Vini purissimum ita, ut Alcohol, juxta latera vasis descendendo perveniat ad albumen. De industria, & cum sollicitudine hoc sic perago; ut videatis, superficiem albuminis, quæ attingens Alcohol sustinet, coagulari statim ab Alcohole, dum pars inferior liquida persistit, ac pellucida. Dum jam placide concutio inter se, evidens apparet, ubicunque Alcohol contingit albumen, ibi nasci coagulum. En nunc, dum conquassando permisceo penitus, totum albumen coagulatum habetur. Si Alcohol, calefactum prius, adhibetur in hoc experimento, tanto magis idem obtinet: tum etiam quo rapidius miscere hæc duo, diluere, sicque quasi dissolvere contendis; calor & motus hoc coagulum augent.

U S U S.

ITerum hinc patet, spiritus vegetabiles purissimos coagulare statim materiem illam plasticam, quæ nutrimenta dat. Sane uno illa horæ momento ineptissima redditur ad munera sua omnia. Prohibet tamen miscela hujus Alcoholis putrefactionem albuminis. Quantum vergit in coagulationem materies plastica animalium! Quam imprævisas facultates producit nimia depuratio quarundam rerum! Vinum patiens misceri albumini, Alcohol inde natum coagulatur una cum coagulato albumine. Alcohol dilutum pluri aqua non inspissat.

PROCESSUS CXII.

*Albumen Ovi recens destillando resolvitur.**A P P A R A T U S.*

1. **O**Va recentissima, integra, coxi in aqua pura, donec dura evaserunt. Sumsi dein nitida albumina, accurate separatis cæteris, candidissima, minutatim conscissa. Hæc indo, ut cernitis, munda cucurbitæ vitreæ, alembico rite adaptato tego, receptaculum appono. Totam cucurbitam lege artis pono in balneo aquæ, & per gradus successivos ignis applicatos urgeo, ultimo tandem balneo assidue ebulliente. Exit nulla stria spirituum æmula, sed guttis roridis aqua simplex. Hæcque copia incredibili, ultra novem decimas. Pergo tamdiu cum patientia, donec calore aquæ ebullientis ne gutta amplius humoris hujus prodit. Tum aqua hæc nullam notam olei, salis, spirituum præbet. Pellucidissima; insipida;

insipida, nisi quod ad finem paululum amarescat; inodora fere, nisi quod ad finem parum ambusti utcunque referat. Nihil alcalini præsentis exhibet omnino ad omnia signa dum exploro, ut jam evidenter spectatis. Sed neque ullum quoque acidi effectum prodit explorata undique. En libras hujus aquæ. In fundo autem cucurbitæ jam apertæ videte, quæso, quam parum restat corporei. En, fragmentula sunt minutissimam in molem contracta ex priori magnitudine. Colore aureo flavo sunt prædita, inprimis, qua parte vitrum attigere, sed tamen pellucida sunt vitri instar colorati. Dum eximo ex vitro, deprehendo quam levissima, durissima, fragilia penitus, & cum stridore dissilientia, empyreuma leviter redolentia, sapore paululum ab igne amarescente, nec alcali, nec acidum, ullum saporem referentia. Hæc prima hujus Analysis.

2. Fragmenta jam residua hæc immitto in retortam vitream ita, ut duæ tertiæ superiores vacuæ maneant. Committo retortam furno arenæ, applicato prius amplo excipulo; dein commissuris recte agglutinatæ destillo per gradus ignis successivos, ultimo summos, suppressionis dictos. Adscendit spiritus striatim decurrens, pinguis, oleosus, simulque sal volatilis, forma solida, undique excipuli parietibus accrescit, copiosus salis, pro ratione fragmentorum exsiccatorum, sed paucus ratione totius albuminis, priusquam aqua indeeducta fuerat. Ultimo oleum, præter levius aureum prioribus mistum, atrum, crassum, piceum. Quando extrema hujus ignis vi oleum hoc exprimitur tandem; tum terra in fundo, cum ultimo suo tenacissimo oleo, arcte unita inflatur, rarefcit, usque ad collum retortæ adscendit; Imo etiam, si nimis fuerat repleta retorta, sæpe in collum intrat, illud obstruit, ut cum periculo quandoque idem dissilire cogat. Continuanda operatio, donec nihil magis exit. Spiritus ille primus, oleosus, pinguis, valide alcalinus est omni nota, ut hic ex affuso acido effervescentiam inde validam spectatis. Rectificando in Salem alcalinum, volatilem, Oleum, & Aquam inertiores, fœtidam, resolvitur. Sal ille parietibus affixus totus alcalinus, acerrimus, igneus, oleosus simul, volatilis est. Oleum ultimum acre, causticum, fœtidissimum inprimis habetur. Nigerrima terra, quæ in retorta remansit, splendidissima, levissima, rarissima, fragilis, fœtet ab oleo empyreumatico ultimo, amaricat ab eodem. Si dein igne aperto exuritur parum terræ fixæ, albæ, insipidæ, insulsæ, inodoræ relinquit, ex qua sal ullus elici vix potest, sed subtilissimum modo pollinem exhibet.

U S U S.

Albumen ovi ergo adeo abundanti aqua constat. Nihil omnino alcali continet, quod vel gradu 212. caloris queat sursum elevari. Unde ergo illa materies in albumine, quæ igne majori in alcali volatile vertitur, tanto gradu tamen ignis nondum disponitur, nec in volatilitatem, nec in alcalinum hætenus. Nullus igitur ibi sal est volatilis: quia salem volatilem dicimus in Chemia, qui aqua volatilior, & longe minori gradu ignis elevatur. Spiritus ibi nullus deprehenditur, qui queat sublimari calore aquæ ferventis. Nullum oleum in eodem apparet, quod patiatur se-

parari se ab hoc albumine per tam magnum caloris gradum. Nec ipsum residuum, aquoso educto, adhuc tanta vi ignis ita mutatum est, ut salem suum manifestet. Hinc & tali igne, liquidiori expulso, vitri fragilis speciem sponte induit. Scitur dein per id experimentum, salem volatilem ex albumine fieri, non prius talem adfuisse: enimvero postquam sal ille jam volatilis hoc igne separatus est a mole reliqua, tum est volatilis gradu jam sexagesimo caloris, qui antea tercentesimo nondum eliciebatur; igitur volatilitas ea non est nativa sali albuminis, sed igne producta; quod idem quoque de ingenio ejusdem alcalino verum videtur. Tandem & didicimus, olei tenacem ad fixiores albuminis partes adhesionem, aquæ vero facilem ab eis recessum, quin & carbonem animalium vase clauso nunquam suum dimittere oleum, sed pertinacissime terrestri elemento affixum solo igne ad aërem apertum inde secedere. En, Auditores, hæc sunt, quæ sentire debemus de materie hac Albuminis, unde cuncta postea enascuntur. Quam sunt hæc distantia iis, quæ vulgo de principiis Chemicis ex materie animalium eductis tradi solent! Quænam autem sit idea salini, in albumine præexistentis, ante ignis actionem applicatam, nescio: nulla se nota ulli sensuum offert. Id novimus, de inertissimo, maximeque fatuo muco albuminis, solo igne statim acerrima, ignea, caustica, posse produci, tam salina, alcalina, quam oleosa. Sed iis ita natis commistisque denuo, non renasci antiquam naturam, aut lenitatem. Calor naturalis, sine putrefactione prægressa, non generat in corpore Alkali.

P R O C E S S U S C X I I I.

Albumen Ovi recens putrescit.

A P P A R A T U S.

OVa fana, aut albumina horum, si detinentur in calore septuaginta graduum, & ultra, incipiunt intra paucos dies attenuari, fœtere, liquefcere, putrere, simulque ova integra exinaniri circa angulum obtusum; si tum coquuntur in aqua ebulliente, non indurescunt amplius, sed liquida persistunt. Atque hæc quidem mutatio longe citius contingit in ovis imprægnatis, quam in hypenemiis, in quibus exhalat fere maximam partem, quæ computruit, humiditas: unde tandem vento, vel aëre impletur tota fere testa. Si dein pergitur ita foveri ovum vel albumen, tandem omnes fere partes mirabiliter putrent, alcalescunt, fervent cum acidis, destillando spiritus alcalinos, & salem alcalinum pro prima parte adscendente fundunt, prorsus, ut de urina putrefacta dictum Processu 100. Albumen autem ita computrescens in aëre aperto totum fere evadit volatile, exhalat pro ratione putrefactionis, ultimoque tantum relinquit exuvias quasdam pellicularum, reliquo corpore fere toto exhalante in auras. Nihil hic acidi unquam gignitur.

U S U S.

Putrefacti usque in alcalinam naturam ovi pauxillum corpori ingestum sano exercet ibidem miras facultates, dum nauseam, horrorem, vomitum, anxietates, alvi fluxum, tormina, bilis incendia, æstum, febrim, sitim excitat. Soloque putrido halitu suo horrores, nauseas, vertigines, facit, humores corporis nostri mirifice dissolvit instar veneni pestilentialis. Hanc ergo novimus indolem esse materiæ quam proxime mutabilis in compagem, formamque, & partes omnes corporis animalis. Quies, talisque calor, hæc producant in illa materie. Inspicimus igitur spontaneam illius materiæ corruptionem, mutationemque. Atqui, quo mirabilius nihil, Ovum in hypocaustis fortum calore tali 92 graduum, imprægnatum si fuerit, attenuatas partes has, & mutatas illo calore, impendit nutriendo, augendo, perficiendo, pullo per 21 dies: in quo tamen pullo nihil alcali, fœtidi, aut putridi deprehenditur. Vos, Medici, conspiciate hinc miras species rerum: quiete, talique calore, crassum fit tenue; lentum liquefit; inodorum fœtet; insipidum induit fracedinem, saporemque acerrimum, teterrimum; blandissimum evadit causticum; non alcali alcalinum fit; oleum latens dulcissimum putidissimum conficitur. Conferantur hæc cum illis, quæ Marcellus Malpighius de Ovo incubato commentatus est, & deprehenduntur talia, quæ obstupescimus. Operam dedi, ut de solo imprimis albumine Ovi examina hæc instituerentur, separatis, ubi fieri potuit, aliis partibus: quia albumen solum est tota illa materies, quæ unice cedit in pabulum embryonis, cætera tantum famulantur mutando albumini, ut mutatum applicetur carinæ pulli perficiendæ.

PROCESSUS CXIV.

Serum sanguinis humani recens non acet, nec alcali est.

A P P A R A T U S.

1. **S**anguis hominis sani, jejuni, missus saltu libero, in vase purissimo quiescens, sponte, brevi, secedit in binas partes; placentam scilicet concretam, solidam; & liquidum, flavescens, tenue serum, quod ex eadem massa, diu quiescente, assiduo augetur. Separavi hoc postremum quam accuratissime ab omni rubro, hocque jam teneo in vasis his puris, coram Vobis. Uni portioni hujus admisceo Acetum fortissimum; nihil effervescentiæ. Alteri spiritum Salis, tertiæ Nitri spiritum, oleum Chalcanthi quartæ. At, cernitis, nusquam hac miscela ullum indicium effervescentiæ.

2. In aliis autem vasis duobus detineo seorsum ejusdem feri portiones alias. Quibus admisceo Alkali, uni fixum, volatile alteri. Quiescunt blande, absque ullo conflictu, sine ulla omnino nota effervescentiæ salinæ.

3. Sed jam confundo serum mistum cum sale fixo, ad serum mistum cum

spiritu salis. En, subito, quam violenta oriatur effervescentia! Sane ultra decuplatum spatium jam occupat celerrima rarefactione prioris molis, imo longe majus quam ebullitio lactis ad ignem unquam assequitur. Idque ipso in frigore.

4. Serum hoc saporem blandum, occulte falsum, habet. Odorem fundit ingratum, nequaquam acrem, aut mobilem valde. Si gutta tepida ejusdem oculo instillatur aperto, blande fertur, inter præsentissima demulcentia habetur ad ophthalmias, vulneraque oculi. Nudatis in ulcere, aut vulnere nervis, appositum vix sentitur.

U S U S.

1. **O**bservavi toties sanguinem sanorum, salientem de vena tusa, eundem exsiliem de arteriis vulnere solutis, aut apertis in narium hæmorrhagia, in screatu cruoris de rupta pulmonum arteria, tum de tot incisis, jugulatisve, canibus, bobus, ovibus, aliisve; observavi eundem cruorem impetu violento ruentem de sectis venis hominum laborantium Febre ardentissima, Phrenitide, Pleuritide, & variis. Nunquam inveni in hoc cruore, de industria explorato, ipso illo articulo temporis, quo jamjam incidit in excipulum de corpore animalis vivo; vel levissimum signum ullius prorsus ebullitionis, effervescentiæ, fermentationis, motus intestini, aut rarefactionis. Licet quam rapidissime ageretur paulo ante in vasis corporis viventis. Quæ quum ita sedulus curarem examinare ante plures jam annos, tandem mutavi sententiam prorsus a Chemicorum lectione olim mihi natam, Sylvianam præcipue: certus quippe scivi, sensus haud detegere principia alcalia & acida in cruore ita, ut inde queant nasci visibiles eorum commistorum effectus, ebullitiones, effervescentiæ, fermentationes, motus intestini, aut rarefactiones. Dixi, ergo neque sunt in corpore: quia saltem ipso momento exsultationis apparerent. Si ais sunt ramen, sed tam blanda & sedata, ut non appareant. Nihil habeo, quod urgeam; nisi, ut rogem, quam hoc fide evincas? dubitare licet, an firma? Utique id liquidum, quod, si opposita ibidem hæc salina Chemicorum, adeo inertia, dantur, eadem adeo tamen invalida haberi, ut nequeant ullum effectum sensibilem producere: hinc ergo etiam tutum haud esse, ex iis suppositis ullum effectum sensibilem explicare.

2. Sanguis sani sibi commissus potius pro solido, quam pro fluido, debet haberi. Tamen solidum inde natum, sponte resolvitur iterum in liquidum. Mira res! tamen certa. Secedit sponte, si jejuni, non in cremorem, & serum, veluti lac, sed in concrescens & solutum. Solum liquidum, flavum; concretum rubrum coccineum ad contactum aëris, atrum in medio molis ab aëre seclusæ. Rubrum tamen ipsum sensim, in ipso aëre, colorem ponit, flavescens sero propriam induit. Nec in Sero, nec in alia parte, ullum acidum, ullum alcali, quod cum opposito suo commistum indicio effervescentiæ se prodit, sed tam pacate quiescunt inter se, hoc respectu, ut aqua juncta aquæ.

3. Maxime liquet hinc, eam haberi sanguinis nostri indolem, ut, si sales acidi & alcalini in eo concurrerent simul, uno momento furerent in

expansionem tantam, ut rarefacta moles decuplo ad minimum plus exigeret sibi capiundo spatii; moxque, absoluto fervoris subitanei impetu, subsiderent in se, atque in parvitatem pristinam reverterentur: quæ quidem absolute repugnant naturæ nostri corporis, sanitatis, vitæ, æquabili durationi.

4. Serum hoc continet in se materiem omnem, quæ per omnia vasa corporis agetur, sola rubra parte excepta. Ergo habet in se, quidquid dein perventurum erit in ullum vas a maximis ad minima. Adeoque etiam materiem nutrimenti, unde gignetur dein reparando quidquid refici, aut crescere, debet. Itaque materiem corporis universi tam in fluidis, quam in consistentibus. Hinc igitur apparet usus latissimus hujus experimenti per omnia corporis. En, Auditores, Chemiam emaculantem navos, quibus Medicinam, & Physicem, infecerat. Serum id plasticum, blandum, iners, perfecte ut Albumen Ovi. Ex hoc omnia pulli, ex illo omnia hominis, postea nascuntur.

PROCESSUS CXV.

Serum sanguinis, digestum, putrescit.

APPARATUS.

Serum sanguinis, vitro exceptum puro, alto, non clauso, foveatur calore graduum septuaginta; tum incipiet fieri tenuius omni hora, ut spatio trium, quatuorve, dierum decurrat liquefactum, saniosum; ex inodoro fere fœtet, exhalatque mephitin cadaverosam; de insipido acquirit fracidam rancedinem, horrendam, acrem; sique paucis ita detinetur diebus, evasit alcalinum, putridum, intolerabile sensibus nostris, & cum acidis effervescendo alcalinam indolem acquisitam testatur. Si applicatur destillationi salem volatilem alcalinum præbet prima vice: prorsus, ut in albumine ovi, eadem ratione tractato, supra constitit. Proc. 113.

USUS.

Serum igitur sensibus exploratum, quiete, & calore definito, sponte tenuius fit. Itaque in ægrotantis corpore stagnans in vasis obstructis, leni tepore, & tempore, sponte deliquescent, sæpe aperit, quæ obstruxerat: unde in inflammatoriis acutis, corporis calore ad mediocrem reducto, spatio definito dierum meabilitas redit obstructi. Quod in Medicina clinica quotidie experiri obtingit. Mutatio Seri facta in hoc experimento nunquam acescit: quidquid aliter scribant summi Artifices; sed semper, unice tantum, putrescit. Fermentationis nullum hic unquam indicium nasci videmus, omni arte fermentationi ciendæ adhibita, sed definita tantum Putrefactio. Verum quidem est, rarefcere putrescentia, aëremque producere elasticum, fugitivum, sed non illum fermentativum, spirituosum. Sed neque spiritus gignuntur in hac putrefactione inflammabiles, ut per fermentationem, sed alii putridi tamen etiam volatiles &

incendendi in flammam. Fœces enim in latrina obstructa detentæ , arcte-
que compressæ , induere validum motum intestinum , atque eructarunt
simul halitus fœtidissimos , qui admotu lucentis candelæ flammam con-
ceperunt ardentissimam. Hinc quandoque contingit , & calorem , & rare-
factionem , excitari cadaveri humano ; sed tantum circa abdomen , ne-
que adeo magnum. Medici hinc degeneraciones spontaneas discunt humo-
rum extra vasa stagnantium , aut in obstructis impeditorum. Porro aci-
dis , salinis compositis , spirituosis , hæc putrefactio impeditur.

PROCESSUS CXVI.

Serum sanguinis in aqua bulliente coit.

A P P A R A T U S.

A Quæ puræ , in vase sincero ad ignem ebullienti , infundatur Serum
sanguinis. Statim albescit , speciemque coaguli induit , in media
aqua. Ut sic iterum huic , hac proprietate , conveniat cum albumine.
Proc. 116. Quamvis tamen albumen ovi fortius coëat in aqua , quam san-
guinis serum.

U S U S.

E Ffectus caloris in Serum hinc liquet. Patet , quid aqua ebulliens agat
in humores , dum vivas partes attingit , adeoque comburit. Liquet ,
inde non reddi volatilem partem salinam sanguinis , nec olea.

PROCESSUS CXVII.

Serum sanguinis igne sicco coit.

A P P A R A T U S.

S Erum sanguinis , exceptum vase puro , admovetur igni , sensim , per
gradus : quando incipit fumare , tum ea parte , qua contingit vas , in-
cipit opacari , albescere , coagulari ; quæ successive progredientia , tandem
brevi totum Serum , ultimo in medio superiori , cogunt in massam al-
bam , lentam , opacam , scissilem , in medio supremo undulatam , solidam
prorsus , saporis blandi instar albuminis ovi cocti , odoris fere nullius.
Massula hæc asservata in aëre aperto , sensim exsudat tenue liquidum aquo-
sum , prorsus iterum ut albumen coctum. Cæterum , si modico igne coa-
gulatio hæc rite facta fuit ; eo scilicet gradu tantum , qui requiritur ad
hanc coagulationem ; tum coit sine empyreumate , sine sane expulso , sine
apparente ullo alcali. Semel sic coacta aliter vix ullo remedio resolvitur.

U S U S.

HInc constat igne certi gradus , nec multo majoris centum graduum, humores nostros omnes , simul unitos cogi in massas , per vasa im-meabiles , concretas. Igitur calorem centum & paulo ultra graduum ignis ferri non posse in corpore humano, a causa externa , internave , quin cir-cuitus humorum sistatur , adeoque moriatur homo ; vitio primum in ca-pite & pulmonibus animadverso per actiones horum , læsas. Maxime cognoscimus , calorem , coagulando humores , jam occidere longe ante , quam sales , & olea , ejusdem ope alcalina , putrida , volatilia , evaserint. Quam sunt igitur infiniti usus ad hæc omnia Thermometrâ Mercurialia Fahrenheitiana ! quam fida prænuncia periculi a calore in acutis !

PROCESSUS CXVIII.

Serum sanguinis coit cum Alcohole.

A P P A R A T U S.

VIdete jam , Sero sanguinis in pellucidissimo hoc vitro affundo Alco-hol purissimum , frigidum. Statim incipit turbari , albescere , opa-cari , qua parte contingitur. Quando commisceo , ilico eadem contingunt per omnia , totumque simul coagulatur , sed non adeo fortiter , quam Al-bumen ovorum , verum frustulatim. Quando autem Alcohol valde cali-dum admisceo simili ratione , tum vero coagulatio hæc longe fortius procedit. Alcohol sic affusum , & coagulans , facit , ut deinde Serum hoc nunquam putrescat , sed per annos non mutatum deinceps conservari queat , nec tabescat putredine.

U S U S.

HInc nova convenientia Seri nostri cum Albumine ovi, respectu coa-guli cum Alcohole. Quod vero Serum non coëat per Alcohol in massam adeo densatam , quam quidem Albumen , videtur imputandum soliditati ejusdem majori ; Albumen enim est tota annona cibaria pullo nutriendo in apotheca ovi destinata , omni putrido carens , neque adeo diluta. Serum autem sanguinis nostri & urinosa quædam retinet , & aquosi plurimum. Alcohol vero aqua dilutum Serum haud ita densat , ne-que vel ovi Albumen. Perspiciatis hinc efficaciam Alcoholis puri in san-guinem : densat eum instar ignis , a putredine spontanea præservat ; utra-que ratione est stypticum præsentissimum , quod cognoscimus , simulque putredinem prohibens , inducens escharam tenuem quidem , at valde fo-lidam. Si enim Alcohol purissimum , fere fervidum , turundis lineis ex-ceprum , applicatur vulneri sanguinem profundenti , & apprimitur satis fortiter , dein portione vesicæ suillæ olei affric-tu lenis superapposita , & ligatura idonea appressa retenta , Hæmorrhagia statim cessat , totusque apparatus integro triduo immobilis manere potest ; quo tempore solent

concrevisse vasa, quæ ope Alcoholis appositi mire contrahuntur, & consolidantur. Alcohol ita coagulat humida nostra crassiora instar ignis, contrahit fibrosa in duram, siccam, coalitionem; defendit utraque a spontanea putrefactione. Ut raro exemplo in tibia penitus siderata, ope spiritus Terebinthinæ, & spirituum alcoholifatorum Juniperi, sustentata per sex menses sine extirpatione, sine ulteriori putrefactione ostendit egregius Medicus Samuël Cabelliau. Vid. Eph. Germ. Dec. III. Ann. 5. & 6. pag. 495. Partes vero corporis instructæ vasis minimis in hoc Alcohole indurefcunt cito una cum suis liquoribus. Hinc mirum non est miseros homines, qui nimis utuntur hoc Alcohole, dilutiore tamen, adeo diris obnoxios reddi morbis nervorum, & polyposis in sanguine.

P R O C E S S U S C X I X.

Sanguinis analysis destillatione peracta.

A P P A R A T U S.

1. **S**anguinem hominum sanorum, in prophylaxim plethoræ missum, demitto in cucurbitam mundissimam ex vitro, ut una modo tertia repleatur. Alembico probe agglutinato, accommodo cucurbitam hanc in balneum aquæ. Accurate agglutino excipulum. Instruitur focus furni, ut aqua caleat ad gradus 150 in balneo. Adscendit in alembicum humor sparsis, roridis, guttulis, instar aquæ puræ, sine ulla nota spirituum pinguium. Pergatur, quamdiu, hoc gradu ignis, satis cito humor exstillat. Tum serva hanc primam partem egressam. Erit ponderis, coloris, fluxilitatis, ut aqua; vix odora; sapore ferme nullo prædita; cum nullo acido, vel alcalino, effervescens, sed utrisque blandissime, & quiete miscibilis; nihil quidquam salini ullo signo præ se fert, oleosi nihil; oculo instillata ne minimum acris præ se fert; flammam exstinguit injecta eadem. Itaque aqua est fere.

2. Deinde incitatur ignis, donec aqua ebulliat, elicitur similis, volatilis, latex. Pergitur tum destillando tamdiu donec hoc calore nihil quidquam amplius adscendit; quod quidem satis patientiam requirit: quia ultimo, quando massa incipit exsiccari, difficulter liquor prodire solêt. Liquor hic secundus simillimus est omni omnino dote priori. Adeoque omnia, quæ statim commemoravi, atque ostendi experimentis, hic iterum vera omnino sunt, absque ulla diversitate omnino. Quod quidem cum cura observandum, & condendum in memoria, commendo. Duo hi latices fere septem octavas æquant sanguinis adhibiti.

3. Fractæ cucurbitæ eximatur massa superstes dura; hæc, examinata omni ratione experimentorum, nihil præbet alcalini, nihil acidî, nihil prorsus acris. Sed iners, paululum empyreumatis sapiens, & spirans, invenitur. Quin etiam, loco deinde sicco servata, in pyxide lignea non picta, per longa tempora servari immutata potest; aut & teri in pulverem, sicque etiam asservari: quod in sanguine hircino dudum norunt Pharmacopœi.

4. Massam

4. Massam hanc minutatim divisam committo retortæ vitreæ, cujus collum resectum, ita ut os largum valde pateat sic, ut una tertia ejusdem vacua remaneat. Dein ex furno arenæ per gradus urgeo, exit liquor subpinguis, oleosus, amarus, subalcalinus, dein sal albus, solidus; volatilis, parietibus excipuli, & ori colli retortæ, undique accretus; pergatur, igne sensim aucto, quantum fieri potest, Oleum quoque aureum exprimetur, semperque simul Sal. Postremo, ablatis his, novo receptaculo applicato, urgeatur summo suppressionis igne materies, fumi exhibunt aibi, nunquam forte desinentes, & cum his oleum, crassum, nigrum; tumque massa in fundo retortæ fusa, rarefacta, tumescens, in collum retortæ adscendit, ubi viam obturat, summoque cum fragore, & impetu, maximoque cum periculo, uno momento omnia disjicit: ut nocte intempesta in ultimum usque urgens olim expertus didici: Id cavetur sumendo retortam amplioris colli, & resecti ibi, ubi valde illud patulum sit. Habetur ita Spiritus, alcalinus, oleosus; Sal volatilis, alcalinus, oleosus; Sal paulo fixior & magis oleosus; Oleum flavum, & Oleum piceum, nigrum; in quibus omnibus alcali adest. Prorsus ut in Albumine ovi destillato observatum fuit, Processu 112. Neque enim magna hic observatur differentia, quam facile quis annotare queat.

5. In fundo retortæ fœx superest nigerrima, resplendens, fragilis, rara admodum, valde levis, fœtida, empyreumatica, amarissima, vix falsa. Hanc vase clauso urgens, ad retortæ fere liquefactionem usque, non potui eo reducere vi ignis, ut non amplius fumaret. Quin & semper nigritudinem retinuit. Ergo verus est Carbo cruoris. Si igne agitur aperto inflammatur, nigritudo igne consumitur, restat Terra alba; in qua nihil Salis fixi, alcalini, unquam reperiri potest. Salis acidi nihil. Marinus autem cibarius, ab actione vitæ immutatus, adest sæpe; qui dein destillans summo igne, cum sua propria terra, aliquid acidi dare poterit. Omnia igitur hæc docent, Albumen ovi, & Serum sanguinis, fere idem esse; sed id quiescere in testa, hoc rapide agi per vasa vitalia. Qui de ultima hac materia Phosphorum educi posse scribunt, forte vera dixerunt. Dubito, an explorata: quia tam parum illius fœcis restat a sanguine; sed facilis ex analogia argumentatio, ab experimentis longe laboriosior.

U S U S.

HInc demonstratur certissime, aquam, & spiritum fœtidulum, esse partes maxime volatiles in humoribus vitalibus, aquam eandem partem quoque esse longe maximam humorum vitalium. Salem vero naturalem sanguini nunquam volatilem esse adeo in corpore nostro, ut elevari queat calore, qui nostrum exsuperat duplo & septem decimis tertiis. Imo vix triplo: quum tamen moriantur cito calore una decima parte excedente calorem sani. Pariter liquet gradu ignis triplo naturalis nondum alcalini, volatilis, salis quid adscendere. Ergo nec ille ibi adest. Ut & oleum piceum terræ & hic maxime cohærere. Sanguinem aqua primum principia salina non ostendere; hæc ipsa tum non agere, nec mutari, sed intricata, sopita, inertia, per annos latitare. Igne autem extricari,

Sanguinem ab igne inspissari tamdiu , quamdiu ille minor , quam qui requiritur ad salem sanguinis reddendum alcalinum volatilem. Sanguinem illo ignis gradu hætenus spissum , iterum converti maximam partem in liquidum volatile ab igne majore , tumque eductas partes , demta paucissima terra , manere postea fluidas , & volatiles. Nihil spirituum fermentatorum in sanguine. Sales sanguinis , primo non volatiles , ducentis septuaginta sex ignis gradibus , dein semel redditos volatiles vix contineri posse , quin avolent sponte igne triginta duorum graduum. Sales animalium magno igne ex non volatilibus volatiles reddi , ex non alcalinis alcalicos , deinde vero tales manere. Componendo educta non renasci sanguinem , sed compositum inde quam alienissimum. Esse ergo miram diversitatem ignis in sanguinem pro diversitate graduum , quibus applicatur : infra gradus centum ad quinquaginta attenuat , putrefacit. A centum ad ducentos septuaginta sex inspissat. Ab hoc gradu ultra iterum attenuat , reddit volatilia , acria , alcalica. Hinc alimenta , chylus , lac , serum , hujus producta , intelliguntur in ortu , specie , effectibus. Omnia hæc in sanguine plurium brutorum eadem prorsus inveni.

P R O C E S S U S C X X.

Ungule equine analysis destillatione peracta.

A P P A R A T U S.

1. **U** Ngulas equi , in prato pasti , ab hippiatro recisas , copia satis magna collectas , in aqua pura maceratas , deinde quam sollicitissime mundatas , iterumque resiccatas , committe retortæ vitreæ , puræ , fere ad inferiora curvari incipientis colli retortæ. Pone in furno arenæ : applica excipulum amplissimum. Juncturas agglutina luto farinæ lini. Destillato primo per gradus lenes , sensim augendo. Exstillabit primo liquor limpidus , aquosus , guttis roridis destillans. Continuetur eodem igne , quo liquor hic incipit destillare , tamdiu , quamdiu ille pergit prodire. Effundatur dein liquor hic in vas purum seorsum. Reapplicetur receptaculum , augeaturque ignis auctior , donec nebulae albæ oriri incipiunt , tum statim simul prodit spiritus pinguis , oleosis striis destillans. Pergatur hoc gradu , quamdiu illo aliquid prodire pergit. Incipiet hinc inde apparere salini quid. Augeatur iterum ignis ; cum Spiritu pinguiore , exsiliet Sal volatilis , alcalinus , in glebularum concrefcens , una cum Oleo. Pergatur iterum hoc igne , donec , eo continuato , nihil fere amplius exeat. Tum incitetur focus , quantum potest , etiam igne suppressionis tandem ; exhibit Sal volatilis , paulo fixior , una cum Oleo crasso , valde rubro. Tumque fœx fusa in unam massam confluit , tumescit , usque ad collum vasis adfurgit. Absistatur tum ab operatione. Excipulum auferatur prius , quam retorta penitus refrixit : quia aliter Sal volatilis readscendit in retortam pro magna parte. Educta mox rite obturato servantur vase ; nam sunt quam fugacissima. Fœx residua acerrima , levissima , rarissima , fœtida , amara ; igne aperto exusta abit in terram albam , paucam , insulsissimam , satis puram.

2. Si Cornu cervinum, annosissimum, siccissimum, in fragmenta majora fractum, committitur ollæ ferreæ in furno accommodatæ, cui amplissimus alembicus figulinus applicatur birostratus, & excipula quam largissima. Tum sollicitè, per gradus, excitetur ignis; prodibunt omnia, fere eadem. Spiritus nempe alcalini, oleosi, pingues, Sal volatilis, Oleum lève, Sal paulo fixior, Oleum crassum, tenax, piceum. Sed restabit in fundo, a destillatione, niger Carbo solidus, qui non adeo facile liquefcit per ignem, sed friabilis constat, & redactus in pulverem, jejuno homini datus, anthelminthicum præbet optimum.

3. Ossa Animalium recentia, pingui suo, quantum fieri potest, orbata, eodem modo tractata, eadem dant, nisi quod pluri pingui abundantia fœtidissimo, putentissimoque, oleo cuncta pessime inquinant. Cornua, Ungues, Ungulæ, Pili, Sericum, eadem dant.

U S U S.

HInc de omnibus his vel aridissimis aqua majori, minorive, copiaeducta, docet, quam intime hanc cæteris animalium elementis inhærere, cum iis consolidari in formam durissimam, siccissimam, per annos plurimos constantem, fixam, durabilem, donec tandem igne iterum laxetur. Quod imprimis patet, quando spiritus ille liquidus orbatur suo sale volatili, & oleo. Tum enim aqua fœtida, copia satis magna, comparatur. Tum patet, corpora quam perfectissime inodora, sola vi ignis, acquirere fœtorem multiplicem, varium valde: quum unaquæque pars, a cæteris diversa, singularem prorsus nidoris speciem habeat, atque, incredibile quamdiu, tenacissime retineat. Constat idem de saporibus tam diversis, hic natis de insipidissimo: quid enim? Aqua, Spiritus, Sales, Olea, singula quæque particularem odorem jam fundunt. De solido corpore, quam multa fluida, quam difficile iterum concretura? de fixo quam volatilia? Sane parum terræ habetur, quod ultimo superest a tanta mole, quod firmum manet, fixumque. Quum vero ex humoribus, & ex firmis partibus eadem omnino educantur, sed ex firmis tamen plus tandem terræ superfit semper. Facile videmus naturam utrorumque communem: & proinde solida conflari de fluidis. Verum Ossa majora, igne puro, & quidem summo, calcinata usque in albitudinem perfectam tam in superficie, quam in medio ubique corporis, retinent magnitudinem, formamque pristinam, attamen dein actioni ignis in vase clauso exposita nihil omnino Aquæ, Salis, Spiritus, Olei, dant. Sed friabilia sunt facile. Tum tamen aquæ, vel oleo immersa, iterum tenacitatem acquirunt. Rursum, si Cornua, Ossa, simileve partes, decoquuntur quam diutissime, fortissimeque in aqua, semper nova affusa, priorique jam decocta seorsum servata; hocque continuatur sedulo, tamdiu omnino, quamdiu aqua coquendo cum ossè æque pura manet: tum omnia hæc decocta inspissantur usque in coagulum crassissimum, sine ambustione, ut in frigore consistat instar massæ scissilis. Tum massa hæc, ita facta de cornu Cervi, aut ebore, ossibusve, vel carne, destillatione dabit omnia eodem modo, uti dictum fuit de prioribus in hoc Processu. Sed superstes, post accuratam hanc de-

coctionem, materies cornea, aut ossea, in destillatione dabit tanto minus salis, olei, spiritus, quanto plus gelatinæ per coctionem ablatum fuit. Unde igitur videtur, materiem omnem illam salinam, spirituofam, oleosam, tantum prodire de humoribus, sed ultimum solidum meram esse simplicemque Terram, sed parum valde coherentem, in qua terra, omnem illam ignis torturam perpeffa, salini nihil fixi deprehenditur, sed alba semper cineres exhibet testis docimasticis aptissimos. Quoties autem in machina coctrice Papiniana ossa tractantur, ut olim sæpe expertus sum, tum, repetitione operis, ossa tandem fere terrestria tantum a coctione supersunt. Quæ ipsa docuerunt me, nullam fere, notari quæ possit, differentiam hic obtineri in iis, quæ ita producuntur ex quacunque materie Animalium, nisi tantum respectu olei, quæ in una parte, quam in alia, copiosior. Atqui oleum inter destillandum foetorem acquirit empyreumaticum intolerabilem prorsus, qui inficit indelebili nidore, & horrifico sapore, omnia. Unde etiam destillata solida pars tanto horridior, quo olei plus continuit: ideoque cornu Cervi macilentum, in tali destillatione, alia dabit hoc dicto respectu, quam os Bubulum plenum medulla. Demto autem hoc unico discrimine, in reliquis nihil fere distinctionis. Enimvero spiritus, salesque, depurati ab oleo, tandem ferme eadem dabunt. Sed neque multum discriminis reperire potui unquam inter producta ex diversis animalibus: nam ungulæ Equinæ, cornua Bubula, Cervinave, ebur Elephantum, Testudinis tegmina, Pili, Sericum, dant eadem. Unde iterum parum refert, quam ex reproducantur hæc, sola olei consideratione jam exposita exemta. Spiritus sanguinis Humani, Cornu Cervi, ungulæ Equi, serici crudi, nunquam potui experiri ulla alia re differre, nisi olei intuitu. Novi, Helmontium efferre Spiritum salinum sanguinis humani præ omnibus aliis, quia Epilepsiam sanat. Britannos guttulas Goddardii ex Serico destillato præferre aliis confortibus. Atqui discrimina illa dudum didici raro in praxi medica tam certo observari. Sed certius est, coctione cum aqua educi posse omnem materiem de solidis Animalium, ex qua destillatio hæc parat illa omnia, residuo a coctione corpore parum dein exhibente. Hinc in decoctis his insipidioribus, vixque odoris, omnem illam materiem abscondi, quæ destillando exhibet sales, spiritus, olea. Itaque sales animalium tam repetita, diuturnaque, coctione cum aqua, nondum alcalicos, nondum volatiles, reddi potuisse. Certum etiam, ærem, aquam, salem, ossa iis exposita, tandem orbare omni omnino materie animali, quæ destillando daret aquam, olea, sales, spiritus: quin ossa vetusta, ita penitissime dealbata, exposita destillationi nihil illorum dare, sed terram simplicissimam proferre. Putrefactio scilicet cætera abstulit. Id porro amœnum Experimentum, quo musculus animalis, verbi gratia, cor bubulum, tamdiu coquitur in aqua, semper nova, donec plane nihil inde plus in aqua educitur. Tum cor hoc molliter, aqua expressa, inter manus comprimitur, atque agitur; dein iterum, iterumque, idem repetitur, iterumque coquitur nova cum aqua, membrana externa, tenuissima, cordis ablata, ut pingua coctu fusa separari etiam queant. Sic tandem musculum habebis penitus solidum, siccum, non corruptilem, examini fibrarum aptissimum. Inprimis, si prius aquam cali-

dam per coronarias adegeris ope siphonis tamdiu, donec illa quam purissime eluerit sanguinem ex arteriis, venisque. Ita nempe sceleton obtinebis illius musculi.

PROCESSUS CXXI.

Depuratio, & separatio, eorum, quæ destillando producta sunt ex Vegetabili alcalescente (33.) , vel exusto (86.) in Fuliginem, aut putrefacto (88.) ; aut ex Animalibus (95. 101. 112. 119. 120.) ; depuratorum Vis.

A P P A R A T U S.

I. **S**UMO, ut hic videtis, omnia simul destillando producta Processibus allegatis, eaque mista simul committo cucurbitæ vitreæ, satis amplæ, quam dein huic operi servandam destino. Applico capitellum amplum, cujus rostrum quoque amplum ibi abscindo, ubi late patens est: ut sal facile transire queat in excipulum; qui aliter ibidem facile fistitur, atque orificium rostri occludendo, alembicum, cum impetu, difficit. His ita curatis, pono hunc apparatus in balneo maris, atque calore centum & quinquaginta graduum continuato, facio adscendere quidquid hoc ignis gradu inde separari potest. Exibit sursum spiritus alcalinus, pinguis, volatilis penitus, simulque sal volatilis albus, solidus. Quando hoc ignis gradu nihil ultra prodit, mutatur recipiens, atque conservatur seorsum ille spiritus, una cum sale volatili. Si tum concussu sal ille ultra non solvitur a suo spiritu, signum est spiritum illum, separatim effusum, & asservatum, adeo generosum esse, fortemque, quam arte ulla potest parari. Servetur ergo suos in usus, vase arctissime clauso, titulo veri Spiritus Cornu Cervi, Sanguinis Humani, aut alius. Sal quoque, qui in spiritu hoc ulterius solvi negabat, alio vase servetur titulo Salis volatilis Oleosi Cornu Cervini, aut alterius.

2. Dein residuum urgeatur igne aquæ ebullientis, exhibit alius, rardior priore, spiritus, una cum oleo levi, innatante, atque aliqua salis volatilis copia. Pergatur ita, donec nihil amplius hoc iterum ignis gradu adscendit. Serveturque rursus hic ipse liquor aquosus, oleosus, salinus separatim. Manebit in fundo vasis oleum crassum fœtidum.

3. Hinc habetur de his primo Aqua non oleosa, nec salina, quæ in primo initio prodibat de hisce, primo apparatu hujus præcedentis Processus. Dein Spiritus alcalinus oleosus. Tertio Sal volatilis, oleosus. Quarto Oleum volatile, cum Alkali oleoso, paulo minus volatili, una cum Aqua fœtida. Quinto Oleum fixius, quam quod separari queat igne 213 graduum.

4. Si spiritus primus denuo igne centum graduum tantum novo de vase sublimatur; tum sal inde separatur purior, forma fere solida. Si pergitur eo usque, ut incipiat sal sublimatus dissolvi a subsequente liquido; tum hærebit in fundo aquosus humor, una cum oleo supernatante: ut ita spiritus hi consent aqua, oleo, sale, levissimis, inter se adunatis, hincque iterum resolvantur in eadem tria. Spiritus ergo lixivium saponæ

ceum, volatile. Possuntque iterum residua aqua, & oleum, nova destillatione sic separari, ut aqua insulsa, sed fœtida, & oleum, sola habeantur, omni sale seorsum cum oleo maxime volatili separato. Hinc spirituum horum natura intelligitur. Attamen semper sal, productus hac sublimatione de suo spiritu, est oleosus, minus quidem quam prior, hinc & longe candidior: quia in singula quaque repetitione oleum flavum, quandoque, & rubrum, relinquit, unde colorem habuerat. Quando autem spiritus non oleosus (Process. 206.), sed mere alcalini aquosi, sic tractantur, tum solus alcalinus volatilis sal, forma sicca sursum avolat, aqua in fundo relinquitur tanto minus alcalina saturata. Novimus inde, animalium salem, putrefactione, alcali fixi admistu, aut vi ignis destillando, semel redditum alcalinum volatilem, eo ipso volatiliorem esse, & manere, aqua pura, & oleo quoque maxime volatili, hinc etiam aquam sic relictam oleum, occultum prius, manifestare: quia id unitum suo alcali erat saponaceæ indolis, in aqua solubilis, nunc vero, alcali separato, oleum evadit iterum non miscibile aquæ, sed seorsum fluctuans.

5. Oleum, quod in defœcatione spirituum remansit separatum a cæteris, affundatur ad illud, quod superfuit in fundo (N. 2. hujus), miscbuntur simul. Tum affunde his aquam puram tepidam, conquassa simul, tum solvetur in hac aqua sal ille, qui forte huic oleo adhæserat, quo ipso acrimonia caustica olei maxime perit, oleumque evadit longe mitius. Aquam illam salinam effusam servamus, ut sal inde postea sublimando subducatur. Dein olea illa ex cucurbita vitrea calore ebullientis aquæ liberantur ab aqua tamdiu, donec nihil aquæ inde amplius elici potest. Dein olea, immissa retortæ puræ, in excipulum satis largum, calore moderato, destillant. Sensim augendo ignem, usque in supremum tandem ignis arenæ gradum, donec nihil amplius adscendat. Tum oleum illud limpidius, tenuiusque, evadit, quin & minus fœtens. In retorta vero remanet terra nigra. Si repetitur olei sic depurati una vice altera supra fœces nigras relictas destillatio; iterum limpidius, purius, tenuius, minus fœtidum, habetur oleum; plus autem terræ iterum relinquitur. Quam ita operationem, affundendo semper destillatum ad fœces proprias, iterumque inde destillando, si repetis; singulis vicibus minuitur olei copia, id vero semper limpidius, purius, subtilius, habetur, terra autem semper adaugetur. Sed finem vix inveni: nam olim ex præscripto Helmontii, in tractatu Auroræ Medicinæ, conabar summa cum patientia parare illud Diaphoreticum oleosum, quod ibidem præscribit. Jubet autem olea illa toties destillando depurare, donec nihil amplius fœcis terrestris destillando reliquerunt. Sumsi ergo aliquot libras Olei Cornu Cervi, destillavi ratione modo dicta, cohobavi multoties; sed semper aliquid supererat fœculenti, ita, ut tandem amitterem maximam partem olei, acciperem terræ inutilis plurimum, semper tamen terram adhuc reperiendo in fundo retortæ vel in ultima operatione. Oleum autem obtinui penetrantissimum, neque ingratum. Cogitavi inde, Helmontium forte nunquam ad finem perduxisse experimentum, ut præscribat aliis. Illustrem autem Boyleum, meliori fide scripsisse in tractatu de Mutabilitate Principiorum, obstinata cohobatione tandem tota fere olea in terram verti, semper tum acrimonia

tollitur quæ in oleo supererat, post Salem ablutum. Interim operæ præ-
tium facturus, qui olea hæc ita decies & quinquies cohobaverit: acquirit
enim Oleum fere spiritus instar tenue, pellucidum, penetrantissimum,
volatile, odore, & sapore gratum, miræ penetrabilitatis per omnes cor-
poris vias, anodynum, paregoricum, resolvens, febrifugum, amicissi-
mum nervis, febrifugum externo illitu ad spinam dorsi ante exacerbatio-
nem frigidam Intermittentium. Dosi guttarum xx. ad xxx. Vid. Dippe-
lium, de Morb. H. & Eximium Hoffmann. Obs. Ch. Phys. capite primo.
Hinc igitur Olea hæc in tam magnam copiam terræ, in tam parvam veri
olei reducuntur. Sed & tum omnia fere, ultimo eandem indolem acqui-
runt, vix distinguenda postea inter se: ut ita Oleum Animalium stillati-
tium, a cæteris accurate depuratum, ex omni animali tandem unum esse
videatur.

6. Sales tandem volatiles animalium variis quidem depurantur modis:
ut tandem sinceri, absque ullo alio admisto haberi queant. 1. Sumo hanc
amplissimam phialam vitream, longissimo instructam, & amplissimo,
collo, quod collum abscidi ubi maxima apertura patet. In hanc phialam
demitto sales volatiles, minus puros. Capitellum applico, cujus rostrum
valde capax. Excipulum applico. Tum ex arena, igne leni urgeo materiem.
Adscendit sal in alembici summa, & colli phialæ. Continuo opus donec
tandem nihil amplius adscendit. Ita Sal purus elevatur, eximitur, vase
clauso conservatur, in imo fundo manet oleum, & aqua fœtida. Tamen
hac ratione semper aliquid olei simul adscendit. Quod altera simili su-
blimatione iterum magnam partem in fundo manet; Sal vero purior ite-
rum adscendit. Hinc ex urina, albumine ovi, sanguine, cornibus, ossi-
bus, hoc modo separatus sal semper idem: nam repetitione sic confeci
tandem, ut distinguere haud possem; eo quidem minus, quo sæpius ge-
minassem sublimationem dictam. Ut quidem pateat, omnem differen-
tiam horum Salium alcalinorum, volatilium, tantum pendere ab Oleo
empyreumatico adhærescente, quo sollicite, & penitus ablato, residuus,
depuratus, Sal perfecte idem. Ille tamen candidus in initio ab hac ope-
ratione, tempore flavescit: occulto prius oleo se iterum manifestante.
Quod quidem ita contingere dolentes experiuntur Chemici, qui Sales
Cornu Cervi vendibiles parant, inque iis inprimis quærunt gratam albi-
tudinem, & constantem. 2. Igitur felicem satis expertus sum hanc alte-
ram methodum. Sal ille jam paratus sola sublimatione, prima statim ex-
plicata ratione, immittitur in altam cucurbitam vitream, eidemque sta-
tim superjicitur quadruplum cretæ purissimæ, siccissimæ, calidæ, in polli-
nem subtilissimum, cineri similem, prius contritæ. Sic, ut sal undique
bene tectus sit Creta. Statim applicatur alembicus purus, siccus, quam
accuratissime. Quo hic amplior, quoque rostrum ejusdem capacius ore suo,
eo melius. Agglutinato recipiente, fit destillatio ex calore tantum tepido,
optime per balneum tepidum directo. Elevatur tum omnis sal, albus,
purus, alcalinus, volatilis, oleum autem bibula, & sitiente, arida cretæ
retinetur fere totum. Interim hoc opere admistio cretæ nihil quidquam
mutabit in natura salis illius, nisi oleum ejusdem inviscans retinendo,
sicque a sale puro inquinamentum hoc separando. Sane parati sic sales

valde diu immutati perstant; maxime, si prius quam sublimarentur cum creta accurate prius contriti fuerint. Sed tum multum volatilis exhalando inter terendum perit, ipseque sal in aëre quam ocysime humefactus liquescit. 3. Tandem, si Sali per cretam ita depurato, admiscetur tantum Spiritus puri Salis marini, quantum sufficit ad saturationem perfectam, tumque Sal inde natus Ammoniacus aqua solvitur, percolatur usque in summam puritatem, inspissaturque in Salem. Postea autem paratus ita sal cum alcali fixo destillat juxta Processum 106. Ascendit sal alcalinus, candidus, purus, solidus: qui sincerissimus, omnique oleo prorsus liber est. Vid. Act. Phil. Comp. Tom. III. pag. 335. ubi quam optime describitur pulchra sane inventio. Postquam Sales alcalini, volatiles, oleosi, qui in titulo hujus Processus inscripti sunt, his tribus modis ad ultimam puritatem redacti fuerunt, tum nihil differentiae sensibilis in iisdem deprehenditur. Sive illi sponte naturae ibidem geniti, sive producti putrefactione, sive igne; quin etiam iisdem plane formis educuntur ex avibus, animalibus terrestribus, amphibis, piscibus, reptilibus, subterraneis, atque de ipsis quoque vegetantibus alcalescentibus, fuligine, &c. Prorsus quidem, ut omnes spiritu orbiati, & olei, cum spiritu salis marini praebeant unam, eandemque, salis speciem Ammoniaci; ille iterum resolvendo per alcalia fixa, dat salem, spiritumque, alcalinum Processus 106. Hinc igitur Alkali purum, volatile, tantum unum est in natura rerum, quoties sincerum habetur. Illa vero differentia, quae in illo obtinet, pendet semper ab admistu alterius cujusdam principii, praecipue autem ab adhærescente oleo, quod in variis magis varium est; quamvis tamen & Olei potissima quoque diversitas a paucis spiritu sit. Tumque iterum discrimen a spiritu, qui oleo inhæret. Quare & hinc videmus, animalium aquam, terram, salemque, quoties arte memorata reducuntur ad extremam simplicitatem, perfecte eadem agnosci, absque ullo discrimine omnino. Hinc character cuique proprius oleo inprimis inhæret soli; quod ipsum tamen iterum per spiritum suum distinguitur, quo omni perfecte ablato, & ipsa quoque Olea mire similia evadunt: ut & hic iterum, in animalibus etiam, spiritus ille Rector distinctionem veram adferat: ut in vegetantibus etiam jam supra constitit. En igitur analysios chemicae ultimos, eosque valde simplices, effectus. Ultra operam intendens Artifex fere amittit fugientia corpuscula, quae sola non adeo multum cohaerent, adunata inter se, composita formant infinita. Si vero ita inventi salis Alcalini, puri, volatilis vires jam chemice explicatas placet intelligere, en, hæ sunt inprimis. 1. Effervescit fere cum omni acido noto, valide factis, valde diu, æque ac sal alcalinus fixus. Tum etiam acidum illud sibi arte conjungit, fortiter illud retinet, sicque compositum salem facit illius generis, cujus erat acidum attractum. Et quidem inde augetur in saturatione perfecta ad $\frac{37}{98}$ ponderis prioris. Unde requisita ad æquilibrium Acidi & Alkali proportio intelligitur, quantumque iterum alterius expectandum sit ex resolutione salium horum compositorum, respectu alcali, & acidi. Simulac vero punctum saturationis rite obtentum erit, tum statim salis inde nati actio neque ab acido, neque ab alcali, compositionem ingressis, sed a nova hujus jam facti salis natura æstimanda erit.

Hincque

Hincque prompte redarguitur fallax multorum error, qui male putant compositi salis virtutes esse, quas in resolutione ejusdem in productis partibus animadvertunt. 2. Sal ille, actus calore corporis sani, ocysime inflammatur, exurit, in gangrænosam escharam convertit, hinc penitus destruit, omnem partem corporis humani, cui ita apponitur, ut motus ejus calore dicto natus, cogatur retundi in illam partem, cui applicatur. Si enim scrupulum puri Salis Cornu Cervi volatilis cuti externæ imposuerit quis, moxque tenax superposuerit de pice emplastrum, intra semiquadrantem horæ atrum carbunculum excitatum mirabitur, haud aliter, quam si ferri igniti applicatu pars fuisset exusta. Quin color, dolor, calor, crispatio cutis, semper eodem modo obtinent. Humores vero resolvit in saniosam tenuitatem. 3. Mirifice mobilis super omnia quidem, quæ nobis innotuerunt corpora: enimvero Alcohol sincerum mobilitate superat, & cætera omnia. Si Alcohol, Aqua, Sal hic, simul tenentur in phiala alta, chemica, alembico rite imposito, minimo igne supposito, solus sal ibit sursum in alembicum, longe ante Alcohol, sale elevato prius, tum demum Alcohol ibit sursum, aqua autem vix, & ultimo tantum. Ita autem Sal ille, & avolat, ab omni puncto calefaciente. Quando calidæ manui liber hic sal imponitur, statim inde avolat, nec manum lædit: neque enim reagit multum in corpus calefaciens, sed statim inde aufugiens illud intactum relinquit; quare multum differt a sale fixo alcalino, qui adhærescit pondere suo immobili. Interim tamen hi Alcalini volatiles, recepti in cavis vasorum nostrorum, ibique acti tam calore vitali, quam impetu sanguinis circumducti, acri, rodente, stimulante virtute, quam validissime agunt inprimis in fibrillas irritabiles systematis nervosi, quas in motus majores ciënt, simulque, humores fundendo, diaphoresin, sudores, urinas, salivam, movent. Fumo etiam suo volatili immixtus aëri attrahendo in pulmones, membranam pituitariam narium, oris, faucium, pulmonum, irritando, pituitam ibidem lentescens dissolvendo, pulchra sæpe præstat; modo cum prudentia adhibeatur. 4. Igitur in aquosis, acidis, austeris, humorum morbis; tum & in torpore languido nervosi generis; ut & in iis, ubi a sensorio communi nimis facile mobili, exlex spirituum moventium impetus, in hos illosve musculos irruens sine regimine animæ; optime conveniunt, præstantissima efficiunt. Affectiones ideo hypochondriacas, hystericas, epilepticas, spasmodicas, pulchre curant. Specie vaporis, aqua diluti, hi sales uteri vagina admissi, habentur pro promptissimis emmenagogis, quoties prudenter administrantur, & cætera corporis hanc evacuationem præcipiunt. In alcalicis, putridis, dissolutis humoribus, corporibusque jam nimis agitatiss, pessima hæc venena sunt. Extrinsecus etiam vice caustica possunt applicari, ad exiguos foniculos inurendos, verrucas eradicandas; prosunt Grandinibus palpebrarum extirpandis. Sumitur tum exiguus de linteo carpto globulus, qui eo humectatur aliquantum, statim loco erodendo apponitur, deinde illi supraponitur parvum emplastrulum Diachyli cum gummi, sicque relinquitur, donec putatur satis præstitisse virtute sua urente.

PROCESSUS CX XII.

Sapo ex Sale Alcalino puro, volatili, & Alcohole.

A P P A R A T U S.

Sumo spiritum salis Ammoniaci alcalinum, tam fortem, ut plurimum salis ejusdem in fundo non dissolutum maneat; hunc immitto in vas vitreum cylindricum, ore angusto patulum, pellucidissimum, purissimum, siccissimum, frigidum, ad dimidias fere ut repleat. Lentissime huic superaffundo, ita, ut juxta latera vasis modo defluat quam lenissime, Alcohol perfecte purum, frigidum, donec vasculum plenum. En, videris, coagulum album fieri in superficie, qua levius Alcohol insistit supremo spiritus alcalini. Inverto jam vas; spectatisque, ubi Alcohol, & Alcalinus hic spiritus miscentur, album, opacum, coagulum nasci ilico. Quando autem, ut jam fit, conquassando accurate permisceo, ocysime tota miscela alba, opaca, solide consistens, est, & quidem adeo, ut de inversæ lagenæ osculo ne guttula defluat; ac si in lapidem concrevisset. Lagenam clausam accurate qui seponit, videbit brevi, deliquescere iterum in fluidum supernatans, & salinum concretum, densius, quod deorsum colligitur. Itaque post annum Sal fere solidescens in fundo, superius liquor. Si tota hæc, ita nata, massa destillationi committitur ad ignem exiguum, sublimatur Sal Alcalinus, balsamicus, oleosus, solidus, ex Alcohole & sale sicco. Quo frigidior tempestas, locusque frigidior, in quo experimentum capitur, eo felicior successus.

U S U S.

HOc est de difficillimis experimentis Chemicis: quia adeo perfecta huc requiruntur hæc duo liquida, & tot observandæ conditiones rerum; quarum una si deficit, nihil rei obtinetur: at rite observanti semper succedit. Hic discitis, sale Alcalinum purum, volatilem, arte trahere in se oleum subtilissimum, quod cognoscitur, scilicet Alcohol. Unde igitur hic natus Sapo omnium penetrantissimus, subtilissimusque omnium; ex alcali nimirum, oleoque, subtilissimis, volatilissimis, mire unitis uno momento temporis. Hinc medicamentum hoc, jejuno potum corpore, dilutum mulsa, meat per omnia fere vasa corporis, obstruentia resolvit, obstructa aperit, vires vitæ incitat, sicque, quoties materies, his obedire parata, peccat, quam felicissime plurimos, malosque, morbos curat. Tamen nimis cito evanescens, volatilis nimium, virtus pertinacioribus curandis impar. In Ictero eximii laudatur usus, ubi acuta abest inflammatio. Calculum non solvit. Ejus concretionem haud impedit, neque augmentum. Videtur convenire Sali Tartari reddito volatili. Liquefcit molli in calore instar glaciei. In frigore magis redit ad solidi formam. Si Alcohol sincerissimum, miscetur ita in vase vitreo cum subtriplo Alkali siccissimo, volatili, Sapo fit longe solidior: quia nulla tum

aqua adest, quæ in spiritu fortissimo alcalino semper duplo major inest ratione sinceri salis. Helmontius frustra hinc Calculi generationem metuit subitam: Sapo hic, non Calculus, calore liquefcit, aqua diluitur, sponte volatilis totus evanescit; nihil ergo hic communis, similis nihil. Autor experimenti Helmontius non fuit, sed jam olim Raymundus Lullius. Vocatur tamen Offa Helmontiana. Neque scriptor tractatus Anglici de liquo-
re Alcahest, qui Georgius Starkeyus putatur, satis considerate hunc Saponem, destillatione repetita deductum in liquorem, pro Alcahest Helmontiano habet.

PROCESSUS CXXIII.

Sal volatilis, aromaticus, simplex, Angelica.

A P P A R A T U S.

1. **A** Ccipe Radicum, recentium, tenuium, Februario effossarum, Angelicæ Uncias binas, tenuissime conscissas, immitte retortæ vitreæ, superfunde duodecuplum Spirituum Vini semel depuratorum ab aquosa parte, adde dein Salis Ammoniaci Unciam contusi, Drachmas adde tres Salis Tartari, statim arcte agglutinato excipulo fiat destillatio leni igne, qui non major 150 gradibus sit. Prodibit sal albus, alcalinus, alcoholisatus, in excipulum; ille quando adscendere porro desinit, tum auge ignem parum, adscendit Spiritus Vini striis valde oleosis; pergatur, quamdiu hi spiritus prodeunt. Quando autem Sal primo egressus totus iterum solutus ab ultima, aquosa, parte adscendente, tum absiste, liquorem paratum in vas arctissime claudendum serva. Liquorem superstitem a destillatu abjice.

2. Novæ Radicis, minutissime scissæ, Unciam immitte retortæ puræ. Destilla, ut prius, inde liquorem modo destillatum, fiat repetitio destillationis, donec sal incipit dissolvi, qui primo iterum egressus erit. Dein salem hunc, una cum suo spiritu, rite conquassando accurate permixtum, vase reconde vitreo, quam arctissime claudendo. Ille servari potest titulo præscripto.

U S U S.

A Lcali Tartari sorbens acidum Ammoniaci (Process. 106.), reddit Alkali Ammoniaci liberum, purum, hinc volatile, hoc unitum spiritibus puris, stillatitiis, vini, facit cum his salem volatilem Processus præcedentis; cui se ex indole Alcoholis unit spiritus Rector Angelicæ, qui in parte ejusdem balsamica, oleosa, hæret, valdeque volatilis habetur. Hinc indeterminata Alcoholis ad omnes spiritus similes sibi nectendos natura, hic per determinantem spiritum Angelicæ, evadit definitus, ut jam sit Angelicæ spiritus, juxta Processum 69. Interim Sales Alcalini volatiles, Sales Alcalini fixi, Spiritus acidus Salis Marini, inter destillandum opem contulerunt ad aperiendum corpus Angelicæ, quo felicius dimitteret soluta sic olea, & spiritus suos. Liquor ita natus, odore, ^{apo-}

re, meabilitate, mobilitate, virtute saponacea, vi antacida, antausteraque, remedium conficit, quod in manu prudentis Medici quam præstantissimum est singulari efficacia sua. Valet enim in omni aquoso, mucofo, frigido, acido, austero, bilis vera efficacia carente, morbo, inque omni fere, ubi, inflammatione & putredine absente, inertia languet, potissimum, quando simul mobilitas inæqualiter agitatorum nervorum, & spirituum, facit insultus hypochondriacos, hystericosque, adeo molestos; hinc & flatuum inde ortorum ingens remedium. Instaurans ergo, cardiacum hodie vocant, stomachicum, calefaciens, sudoriferum, diureticum, diaphoreticum, antiparalyticum, antispasmodicum, antepilepticum egregium, ubi a recensitis modo causis ducit originem. Laus sit Basilio Valentino, & Francisco Sylvio imprimis, qui in Medicinam nobile hoc remedii genus induxere. Sylviani tamen intempestivo abusu sæpe infamiam illi conflant. Servit nostra præscriptio exemplo universali: substituendo quodcunque aliud aromaticum, ex spiritu Rectore habebis novum remedium, ex floribus Lavandulæ, Rosmarini, similiumque, certe præstantissimum.

PROCESSUS CXXIV.

Salis Volatilis, aromatici, compositi productio.

A P P A R A T U S.

A Ccipe Spiritus compositi, supra Processu 72. descripti, Uncias xxiv, infunde retortæ puræ; adde dein Salis Tartari Drachmas sex; Salis tandem Ammoniaci in pollinem reducti Uncias duas. Misce, mox destillatio fiat, ut in præcedenti Processu. Adscendit Sal albus, alcalinus, spirituosus, oleosus, servandus.

U S U S.

Hic alter modus, & quidem præcedenti melior, producendi Sales aromaticos, oleosos volatiles, in usum Medicorum. Intelligitur facillime ex dictis (Proc. 69. 70. 71. 72. 106. 123.): conspirantibus enim amice spiritibus, nobilia parantur, ubi caute usurpantur, & tempestive, medicamina, pro cuiusque arbitrio, infinitis varianda modis.

PROCESSUS CXXV.

Salis volatilis, aromatici, oleosi, singularis preparatio.

A P P A R A T U S.

Nomen hoc promittit remedium, quod peculiari prorsus virtute certo cuidam proposito medico respondet, ut, si salem volatilem echinicum, aristolochicum, emmenagogum, uterinum, quis desiderat:

capiat Olei stillatitii, Juniperini, Rutæ, Sabinæ, Thuyæ, ana Dr. ij. Solvantur in Alcoholis alcalifati Unciis xx. juxta Processum 67, ut fit quinta essentia, cui dein admisce Salis volatilis, alcalini, puri, sicci, Uncias binas, bene conquassando. Unientur satis bene, si modo sal satis ficcus fuerit. Habeturque sal quæsitus.

U S U S.

Hic tertius iterum modus habetur comparandi Salis alcalini, oleosi, spirituosi, isque satis bonus. Si tum modo ex arte Botanica, & Medica, constat, quid quæque herba valeat, ut ex Chemicis certum, in oleis illius singularem hæere potestatem, tum hæc lege, in hoc propositum, sales hi parari queunt. Ex oleo Lavandulæ, Rosmarini, Sampsuchi, Cephalicus. De Oleo Cort. Aurant. Citreor. Limonior. Pomor. Sinenf. Meliss. Cinnamomi. Nuc. Myristic. &c. Cardiacus dictus. &c.

P R O C E S S U S C X X V I.

Sal volatilis, oleosus, extemporaneus.

A P P A R A T U S.

1. **A**ccipe Salis Tartari. p. i. Salis Ammoniaci. p. i i i. Aromatum in pulverem redactorum p. x i i. Spirituum Vini rectificatorum p. xxxvi. misce in phiala, diu conquassando. Statim excussus Sal alcalinus ibit in Alcohol jam supernatans, aqua in sales attracta. Simul Sales & Spiritus trahent Oleum de aromatibus additis. Ocyssime supernatans liquor est Sal qui quæritur: ut Clarissimus Le Mortius observat.

2. Accipe Salis Tartari p. i i i. Salis Ammoniaci p. ix. mitte in cucurbitam, in qua prius contineatur olei stillatitii aromatici. p. i. Tum fiat statim sublimatio in capitellum amplum igne tam leni, ut sal ille modo adscendat, non majore. Continuetur ille ignis tamdiu in hoc gradu, quamdiu pergit sublimari sal in capitellum. Tum præsto sit vitrum purum, ficcum, frigidum, quod arctissime dein operculo vitreo obturari potest. Ablato alembico ferri incurvi ope abrasus sal elevatus, in charta, vel orbe vitreato, parum contusus, ocyssime recondatur intra vitrum illud. Sicque fervetur. Est Sal volatilis, oleosus, saponaceus, sequens naturam olei illius additi. Hodie adeo noti usus in Anglia contra insultus hystericos, &c.

U S U S.

En historiam Chemicam horum Salium volatilium oleosorum, diversis modis paratorum, effectu fere semper eodem, pendente ab Sapone hoc volatili, spiritibus Alcoholis, & spiritu Rectore, simul unitis. Ab hisce, ut præcipuis, tota praxis adeo pendebat in Europa, postquam Clarissimus Sylvius Medicam Praxin edidit anno 1671, Otto Tachenius libellum de Morborum Principe, Bontekoeyus sua. Sed in morbis inflammatis, dissolutis, putridis, scorbuticis alcalinis, phthisicis, tabefactis, & jam

fere diffluentibus, magna sæpe damna dederunt, & quidem irreparabilia. Monendi quoque serio Medici, ne permittant, ut debili textura viri, foeminae potissimum, utantur adeo crebro attractu per nares horum salium: unde nervi in membrana Schneideriana olfactorii, aliique, corrumpuntur; arteriae narium, & pulmonum, tenellæ adeo, facile disponuntur ad Hamorrhagias, semper periculosas, lethales sæpenumero. His igitur perfunctus puto demonstrasse Analysin veram, Chemicam, partium Animalium. Rursum separatarum partium combinationes componendo in varias formas, in usus tam Chemicos, quam Medicatos. Ex quibus tandem constat putrefactione, putrefacti destillatione & crudi, derivari inde posse,

1. Spiritum quendam, subfœtidum, volatilem, tenuem, aquæ mistum, difficulter separabilem ab aqua.
2. Aquam, satis puritate accedentem ad elementalem, nisi quod spiritum illum vix unquam queat dimittere.
3. Salem alcalinum, volatilem.
4. Oleum tenue, volatile.
5. Oleum crassius.
6. Terram ubique eandem.
7. Phosphorum, & in eo acidum forte, ponderosum.
8. Salem Marinum, ubi is in cibo, potuque, fuit assumptus: aliter non. Constat dein, producta hæc, utcunque depurata, separata, ad summum perfecta, iterum dein composita, nulla arte redire in veterem formam, viresque, sed in novum corpus, cui vix simile reperitur in natura rerum. Quid miri ergo, omnes partes Animalium putrescendo volatiles abire in auras, vel in meatus terræ residere? Idque, quod inde raptum fuit in aëra, cum pluvia, nebula, rore, grandine, nive, in terram recidere, illique rursum misceri? Quid miri denuo, nasci hinc elementa Vegetabilium, potestate seminali mutabilia in pristinam indolem? Sicque sufficere inexhaustas telluris vires ad sufficienda animalibus pabula, vi eorum abitura in fabricam corporum eorundem? Sane quantum perdit hæc terra nutriendo animalia, & stirpes, tantum recipit ab his destructis, putrefactisque.

PROCESSUS CXXVII.

Sanguinis phenomena, Serique ejusdem, cum aëre, aqua, igne, salibus, acidis, alcalicis, salsis, spiritibus, oleis, saponibus.

A P P A R A T U S.

1. **I**N aëre, calido a gradibus 32 ad 94, Sanguis sanus concrescit in placentam; secedit in Serum & in rubrum concretum; resolvitur denuo, liquefcit, putrescit, volatilis fit, tandem in auras abit, excepta parva parte fixa. In aëre frigefcente a gradibus 32 ad 1, & infra, concrefcit citius, congelascit, congelascendo aquam separat a reliquis elementis, quæ cogit in unam separata molem. Quando sic congelascens manet, aqua inde cito dissipatur, assidueque mire minuitur. Residuum regelascens in tabum cito deliquefcit, putrescit, valde volatile redditur, sicque propere in auras abit. In aëre calidiore gradibus 120, cui nunquam similis in atmosphæra, statim incipit coagulari in massam concretam ad gra-

214 usque. Dein majore æstu resolvitur. Intra se Aëra, æquabiliter divisum in elementa, inter particulas sanguinis, admittit certa proportione, non ultra. Si conamur, conquassando plus aëris admiscere, frustra sumus: nam repellit, vel in bullas seorsum collectum inviscat.

2. Aqua a gradu 32 ad 94 diluitur primo; mox tamen in ea coit. Gradu ebulliente etiam coit. Hinc per aquam, absque motu circuitus subigente, conterente, non potest teneri fluidus. Sed tamen solus motus, celeriter conquassatus extra vasa vitalia non potest fluiditatem ejus conservare, nec coagulatum resolvere: ut Clarissimi Ruyschii singulari experimento dudum constitit, ne in aqua quidem. Sed concrescit in massam lentam. Cæterum in aqua putrescit, si aëri exponitur. Non est ergo verum, aquam frigidam, tepidamve, diluere cruorem. Putealis tamen magis coagulare videtur, quam pluvia.

3. Ignis a gradu 33 ad 100, sanguinem putrefacit, resolvitque, deinde separat, reddit volatilem. Major ignis coagulat ad 220 usque. Major iterum resolvit, & putrefacit citissime.

4. Acidum Vini Mosellani, Rhenani, Aceri, Aceti stillatitii, diluit, colorem vix mutat, a coagulo utcunque præservat. Acidum Nitri coagulat uno momento, colorem in nigrescentem vertit. Acidum Salis Marini coagulat ilico, inque colorem cinerescentem versus nigritudinem mutat. Spiritus Vitrioli, Sulphurisque, pariter cogunt in massam constrictam, plerumque albescentem. Alkali volatile vix coagulat, rubrum servat. Alkali fixum potius dissolvit, quam densat. Sal Volatilis Oleosus coagulat quodammodo. Sal Ammoniacus, Nitrum, Sal Fontium, Gemmæ, Maris, Borax, rubedinem exaltant, servant, coagulum impediunt utcunque. Sic & Saponēs vulgares, & Philosophorum. Spiritus Alcoholis coagulant. Olea inviscant. In omnibus his nunquam effervescentia, ebullitiove, observatur, sed color, & consistentia fere sunt, quæ hic observamus, imprimis immutari. Tartarus regeneratus, rite confectus, affusus sanguini colorem conservat, aut exaltat, fluiditatem pulchre retinet in sanguine. Itaque liquor etiam Tartari tartarifati idem præstat. Sapo tandem Venetus effectum in sanguinem iterum fere idem. Sed Tinctura Salis Tartari Helmontiana, intuitu Alcoholis, hic meracissimi, coagulat potius; attamen, respectu alterius illius simul coagulationem facit minus promptam. Sal volatilis, oleosus, optimus, admixtus sanguini, absque dilutione, ratione sui Alcoholis, aliquantum inspissat potius, quam ut attenuet. Liquor compositus de Aceti spiritu, & Sale alcalino volatili (Process. 108.), optime attenuat, diluit, colorem conservat naturalem.

5. Metalla, acidis erosa, hinc in falem compositum redacta, postea soluta in aqua tam merace, ut non possit plus salis illius dissolvi in hoc metallo, solent admixtu suo mirifice, promteque mutare colores, & spissitudinem sanguinis. Vitriolum Martis, sic paratum, nigrum fere sanguinem tingit, coagulatque. Ita & de Plumbo factum cum Acero, vel cum spiritu Nitri, Saccharum. Quin & Mercurius sublimatus corrodens idem fere. Oleum autem Mercurii vivi, quod parò, cum ejusdem corpore, & acerrimo Vitrioli oleo, idem facit fortissime, ocysime. Quum

tamen Mercurialia hæc, parca dosi, data viventi, omnem sanguinem dissolvant citissime, certissimeque, in laticem fluidum, tenuem, cadaverosum, per emunctoria corporis cito valde se penetrantem, exsudantemque.

U S U S.

Hinc aliquo modo discimus effectus sensibiles, sanguini inductos a solo admistu quorundam notorum corporum. Injectio horum in venas docuit similitudinem eventuum in viventibus a permistione sola. Tamen eadem, deglutiendo ingesta corpori, longe alios plane effectus sæpe dederunt. Quin etiam reperiuntur corpora, quæ permistu materiæ incredibiliter parvæ, inducunt mutationes summas, non apparente sensibili ulla humorum mutatione. Ut a venenis inprimis. Non igitur semper colligendum, ita obtingere in corpore efficaciam admistorum, ut extra illud, accidit in vasis hærenti effusoque cruori. Patet etiam, ratione admistionis, blanda potius omnia, quam acria, diluere, dissolvere, humores nostros. Effervescentias vero in sanguine vitali, contento intra vasa, nullo modo ferri posse: neutiquam sane tales, a quibus posset fieri magnavis, quæ requiritur ad superanda tanta obstacula, & incitandam simul velocitatem moti tam magnam. Paracelsus, Helmontius, Cartesius, Sylvius, & alii frustra hanc assumsere ad explicanda ea, quæ fiunt in corpore. Magis denudatur error fatalis eorum Medicorum, qui postea damnarunt acida, ex imputato falsissime crimine coagulationis sanguinis, argumento tantum a lacte petito. Rectius Hippocrates, ex observata presse natura, censuit, acetum valere in fervidis morbis: In his tamen densatur sanguis. Non potest quoque dici in his tuto de efficacia acidi in sanguinem, nisi distincte prius definiatur, de quam illius specie sermo sit. Fossilium acidorum periculosus est usus, Vegetabilium salubrior adhibitio, Quin &, habita pro solventibus, coagulantia sæpe sunt.






T E R T I A P A R S

O P E R A T I O N U M

C H E M I C A R U M ,

I N F O S S I L I A .



I. I N S A L E S .

P R O C E S S U S C X X V I I I .

Exploratio Nitri.

A P P A R A T U S .

1.



N Fossilibus primo de Salibus instituendæ Operationes : quia hi fere semper requiruntur in præparationibus cæterorum Fossilium. Quia vero inter sales fossiles Nitrum , origine utique sua , quam proxime accedit ad Animalia , & Vegetabilia , de illo igitur primo agendum est : ambigit enim inter tria. De putrefactis animalibus , sale marino non utentibus , alcali , & calce , natum

quonam referes ? Sed de his Tomo primo pag. 24. & 25. satis jam actum. Non videtur esse Nitrum , vel λίτρον , Veterum.

2. Nitrum , crucibulo puro inditum , igne leni funditur totum ; sine crepitatione ; stat fusum in catino instar aquæ puræ ; non mutatur tum in sua natura ; nihil fere quidquam exhalat ; sed per crucibula transit , non alcalescit , nec fit acrius , effusum in glebas mox solidescit , nunquam sic fusum flammam concipit , neque igitur , unde & falso dicitur Sal inflammabilis ; si autem ita fuso ignita , combustilis , materies illi immititur , ocyssime magno cum motu , strepituque , flammam concipit , quare hinc inflammabile dixerunt ; tamen sumtum intra corpus hominis omnium salium maxime refrigerat illud ipsum.

3. In vasis his omnibus teneo Nitrum purissimum , aqua pura , suffi-

Tom. II.

H h

ciente, solutum, percolatum. Infundo jam successive huic soluto in vasis diversis varia acida. Non ebullit, fervet, movetur, opacatur, turbatur, liquor. Alii portioni ejus in hoc vase affundo oleum purissimum Tartari per deliquium, ilico opacatur, turbaturque liquor. Statimque plurimas format fœces, quas cito ad fundum deponit, ibi colligit, a quibus liquor supernatans, defœcatus, effusus seorsum dein non amplius turbatur affusu novi alcali. Idem quodammodo affusu alcali volatilis contingit. Hæc natura Nitri.

U S U S.

Hinc apparet, Nitrum nec alcali esse, nec acidum, nec ex se inflammabile, omniumque salium facillime fusile ad ignem.

PROCESSUS CXXIX.

Nitri depuratio, crystallisatio.

A P P A R A T U S.

1. **N**itrum vulgare, venale, solve in sextuplo ebullientis aquæ, cola lixivium fervidum statim, repone colatum in vase puro, cylindrico, exhalet in eo supra ignem non fumantem, donec pellicula apparet in supremo, repone vas quietum in loco frigido, impositis bacillis ligneis purissimis, statim formabuntur prismata hexagona, pellucida, longa. Hæc collige, impone testæ puræ pertusæ, ut liquor sponte inde destillet, Nitrum sponte a solo aëre exsicceetur.

2. Nitrum solve in octuplo ebullientis aquæ, ebulliens lixivium depura colo, mox instilla aliquid olei Tartari purissimi, permisce accurate, instilla iterum, misce, sic perge, donec a novo affuso amplius haud turbatur. Ebulliat lixivium uno momento horæ, percoletur fervens, donec quam limpidissimum evasit, inspissa, donec incipit formari tenuis pelliculæ imago in superficie. Repone in vase puro, cylindrico, cum bacillis, in loco quieto. Formantur prismata similia prioribus. Neque ullo experimento deprehenditur alcali adhærere formatis ita Nitri glebis. Hoc purum est: nec ulla alia methodo constat, idem purius effici posse.

3. Lixivium Nitri, superstes de hac crystallisatione prima, diluitur affusa æquali aquæ purissimæ copia, coquitur uno momento in vase purissimo, fervens colatur, inspissatur ad formationem pelliculæ, reponitur in locum frigidum, ut prius, nascuntur Crystalli bonæ, exsiccandæ eodem modo, habebitur iterum Nitrum purum. Manebit lixivium in fundo; cum quo repetita iterum ea crystallisatio idem producit: donec ultimo liquidum supersit pingue, acre, ulterius negans redigi in crystallos, & difficulter valde exsiccandum; non tantum de Nitri lixivio misto cum Alkali ad depurationem, sed etiam in lixivio, quod ita paratur de puro Nitro, sine alcali adjectione. Estque ultimum hoc singulare valde salinum, liquidum, fixum diu in igne.

U S U S.

1. **A** Cquiritur hac arte Nitrum medicatum, optimum, leve valde, sapore subamarefcente singulari, quod assumtum in corpus humanum, facile solvitur, mire refrigerat, sanguinem attenuat, impetus Veneris retundit, colorem sanguini coccineum conciliat, in corpore humano mutatur, nec ut marinus sal, immutabile persistit, sed mutatur ibidem in sal hominis antea exploratum. Partes animalium humidæ, solidæ, hoc Nitro conditæ, ab omni putredine prohibentur, rubræ valde manent. Unde in omni morbo inflammatorio, una cum densitate phlogistica sanguinis, est sal attenuans optimus, nimia acrimonia nequaquam lædens, nimio pondere neutiquam noxius; sitim nimis haud excitans, alcaliescentiam salis humani, putrefactionem olei ejusdem, certo, & fortunato, impediens. Hinc vero nomine, hoc respectu, Sal Antiphlogisticus dicendus.

2. Exemplo hoc constat artificium illud, quod vocari solet Crystallifatio Salium; quæ est collectio elementorum salinorum ejusdem speciei in glebas unitas, & semper stabilis figura, propriæ uni singulari sali. Depuratio hæc nititur lege lata a natura, qua in aqua dilutæ salium diversorum partes, reductæ ad certam proportionem diluentis aquæ, incipiunt acquirere facultatem adunandi simul suas partes salinas proprias magis quam aquam, magis quam alios sales: unde aquam repellunt, repellunt sales alios. Hinc semper primi coïre incipiunt sales illi ex variis mistis simul, qui plurimum postulant aquæ, ut maneant dissoluti: hi enim tum primo se associant, cæteras salinas partes, in parciore aqua fluidas manentes, a se repellunt in illam aquam. Quare, si sales quicunque solvi potuissent in una eademque portione aquæ, difficillimum fuisset semel confusos distinguere postea, quod jam & facile fit, & certo: quum Nitrum sic a sale Marino, & hic a sale Tartari, perfectissime secernatur. Enimvero, ex nitro per crystallisationem rite depurgato a sale marino, destillando elicitur spiritus acidus, qui argentum solvit, aurum non attingit: quum tamen, si parum salis marini remansisset cum hoc nitro, aqua Regia, non Fortis, nata fuisset. Idem Nitrum aqua solutum, & depuratum alcalina salis fixi, crystallifatione sola expulit omne alcali: quia in destillatione convertitur in Spiritum acidum, qui non talis evasisset, si adhuc hæssisset alcali fixum in illo nitro. Unde virtus mirabilis associans, & repudians, observatur in hac actione Salium.

3. Crystalli hæ, bene paratæ, semper pellucidæ sunt, & exacta sua, singulari, figura præditæ; &, quamdiu tales, tum constant semper sale, & aqua, certa lege, & proportionem, combinatis: id patet, quoniam crystalli hæ impositæ vitro puro, alembico tecto, igne calefactæ, fundunt aquam puram de se; sed pariter tunc statim albescent, opacantur, & amissa sua figura in pollinem informem collabuntur. Si pollen hic iterum aqua diluitur, inspissaturque, & crystallifatur, renascuntur forma, & pelluciditas, eadem amissæ. Unde hoc cogitari debet iis, qui de figura elementi salini commentantur. Cæterum Nitrum, sic depuratum, sic-

cum in aëre constat, neque temere ab humiditate ejusdem deliquescere solet.

PROCESSUS CXXX.

Nitrum cum Tartaro fit Alkali per ignem.

A P P A R A T U S.

SUmo hic Nitri purissimi, siccissimi, in pollinem minutissimum triti, Uncias sex. Cremoris Tartari purissimi, siccissimi, in pollinem quoque tritissimi, tantundem. Accurate miscendas tritu in mortario mundo curavi, pulverem calore iterum siccavi penitus. Tum pulveris hujus Unciam depono in æneum, depuratissimum, siccissimum, bene calefactum, mortarium. Cui dein admoveo parvam particulam ardentis prunulæ; statim ingenti cum strepitu, scintillarum disseminazione, & fumi graveolentis dissipatione, tota miscela ocyssime deflagrat, moxque relinquit massam albam, hinc inde virescentem. Statim, ac desinit deflagratio, semiuncia nova ejusdem miscelæ ferventi adhuc massæ superinjecitur, quæ unico momento mox deflagrat, ut prior, sed ocyus: quia omnia jam calidiora. Pergitur ita, donec tota massa deflagravit, sicque reliquerit materiem albam virescentem, æquabilem, nisi quod hinc inde dispersæ micæ hærent, quæ non satis virtutem ignis passæ sunt: hæ proinde sollicitè separari debent a reliqua materie: hinc etiam melius est, si parva portio simul operi admovetur; quia tum vim ignis longe rectius æquabiliter admittit.

U S U S.

LIquet hinc, Nitrum, ex se non inflammabile (Proc. 128.), cum Tartaro oleoso (Proc. 55.), statim admotu ignis, subito, ingenti cum agitatione incendi, instar pulveris pyriti, Salem ex Nitro, & Tartaro, mistis, acidum manifesto, uno momento, una actione, subitanea, inflammante, ignis, conversum in Alkali, quod paulo ante nec in Nitro, nec in Tartaro, ulla nota apparebat; neque cognosci ullum hactenus modum, qui tam cito ex miscela salium non alcalinorum, sed præcellenti acido manifesto se distinguuntium, alcali forte, fixum, producit. Nam sal ille, qui sic natus est, est alcali, acre, fixum, forte, omni effectui, in omni fere operatione Chemica, Medicata, Physica. Fateor, differt aliquantum ab aliis alcalibus fixis: quoniam affuso oleo Vitrioli, emergunt spiritus quidam acidi adhuc, & odore spiritus Nitri satis manifesto distinguendi, quod monstrat Nitri adhuc veri restare in hoc ipso alcali, juxta sequuturum Processum 134. Sed tamen id parum est. Hæc methodus igitur optima parandi alcali fixi subito, quoties opus erit. Porro hæc Nitri quoque mutatio adeo subitanea in alcali haud adeo mirabilis apparebit illi, qui novit, nullum Nitrum a nobis hic in Europa natum cognosci, cujus nativitatem non ingreditur Sal fixus, qui in cineribus lignorum combustorum deprehenditur. Denique Sal hic ita factus ilico in aëre deliquescit.

PROCESSUS CXXXI.

Nitri Alkali cum Prunis lignorum.

APPARATUS.

Crucibulum forte, capax, impletum pulvere siccissimo Nitri laxè immisso, ponatur in loco, ubi firmum satis potest consistere. Circumponatur circumquaque in orbem ignis prunarum ardentium, e longinquo, sensim propius, propiusque admovendorum: ut ita lente, æquabiliter, catinus, cum contento Nitro percalescat, sine dissilitione. Tandem, ubi undique percaluere omnia, appone tantum ignis, quantum requiritur, ut totum Nitrum perfecte fusum stet in catillo, instar aquæ. Sume tum exiguum frustulum carbonis lignei, accurate igniti, idque leniter immitte in Nitrum fusum, quietumque. Ipso momento concipit flammam injectus carbo, non Nitrum, strepit, movetur oberrando per totam superficiem Nitri fusi satis perneciter, consumitur, exstinguitur flamma, quiescit Nitrum fusum ut ante injectionem. Simulac quiescit, injicitur, ut prius, novum exiguum, ejusdem prunæ ligneæ frustulum. Recurrit iterum eadem rerum facies. Continuetur patienter, prudenter, sedulo, talis injectio, donec tandem Nitrum eodem gradu ignis continuato figitur, neque fluit amplius, neque magis incenditur ab injecta pruna, quod tandem semper contingit. Id brevi futurum prævidetur, quando Nitrum incipit amittere fluiditatem, tumque valide subsilit, imo sæpe extra crucibulum salit carbo ignitus injectus: unde tum attenta usus patientia est. Estque tum etiam ignis paulo fortius intendendus. Quando ita tandem incensio ultra non fit, frigescent sponte omnia. Erit in crucibulo massa, habens cavum in supremo, ubi ultima prunula arsit. Cæterum solida, ponderosa, albescent & viridescens, alcalina ignea, in aëre sponte quam ocysime deliquescent: quare, dum adhuc valide calet ab igne, fracto catillo ilico debet eximi, vase puro vitreo condi, eoque cum cura obturato conservari.

USUS.

1. **H**ic oculus cernit, nitrum non inflammari a pruna, sed inter inflammabilem materiem hujus & nitrum fusum, oriri motum ingentem impulsus, repulsusque: consumpta enim circumvolitante prunula, nitrum statim, sine ullo motu visibili, quiescit, neque iterum incenditur prius, quam nova materies iterum injecta eundem motum renovat. Adeoque nitro fuso acceleratur consumptio illius materiæ inflammabilis injectæ, quæ aliter longe tardius fuisset consumpta. Hæcque accelerata actio ignis in combustibile videtur vim intendere combustionis, hinc effectum nitri in combustilia ope ignis esse modo hunc violentum motum repulsus, quo injecta materies, si paulo major est, impetu explosivo projicitur a nitro, & inde totum nitrum mox pacatissime quiescat.

2. Cineres vegetabilis accensi, post deflagrationem igne factam, per

ipsum illum motum, abire in alcali fixum satisque purum, in aëre omnium facillime deliquescens. Quod alcali hic non natum tanta copia de sola materie vegetabili combusta, salem fixum in cineribus suis post combustionem relincente, sed de nitro simul mutato. Hic alter modus, quo Nitrum in Alcali vertitur. Alcali hoc impatientissimum siccitatis, in aëre statim deliquescit, tumque defluit in liquorem alcalinum, fortissimum, igneum; relinquitque cineres satis copiosos. Si autem Sal, simulac factus est, in pluvia pura dissolvitur, moxque percolatur; fæces in colo detentæ tamdiu, tamque copiosa aqua eluuntur, donec nihil omnino salis retinent; tumque exsiccantur insulsæ. Tumque omnia illa lixiviana inspissantur ad crassitiem olei per deliquium, habebitur liquor idem priori. Cineres autem puri ponderati docebunt, quantum terræ restiterit ab hac combustionem, & proinde quantum salis de vegetabili exusto potuerit concurrere ad faciendum hoc alcali factum: hinc etiam quantum huic alcali gignendo & nitrum contribuerit, scire licet. Vocari solet vulgo Nitrum Alcalifatum, vel Nitrum Fixatum.

PROCESSUS CXXXII.

Sal Prunellæ ex Nitro.

APPARATUS.

1. **N**itrum purissimum (Proc. 129.) in catino mundissimo, funde ad ignem, simul ac fustum erit, effunde in tabulas tenues, supra nitidum lapidem marmoreum. Has dein serva titulo præscripto, usu medicato optimo.

2. Nitrum hoc solve in aqua pura, pluvia, prius infusa calide cum floribus Papaveris Rhœados, ut sit bene coloratus liquor, & percolatu purus. Dein inspissa, reduc in crysallos lege artis, exsicca, est Lapis Prunellæ alter, sive Crytallum Minerale dictum, in arcano olim habitum; tanquam certum antiphlogisticum.

3. Nitri purissimi in catillo mundissimo fusi Unc. 1v. affunde scrupulum florum Sulphuris purissimorum; exoritur ipso momento flamma ingens, coloris fulminei, quæ, consumto sulphure injecto, penitus sponte statim exstinguitur. Id ita ter, quaterve fit: dein Nitrum, sic tractatum, effunditur in tabellas, estque sal Prunellæ medicatum.

USUS.

Nitrum sic paratum, virtute, usuque, prorsus convenit cum eo, quod paratum Processu 129: imo hoc prius melius habeo, ut hoc ad propositum opus vix foret hoc molimine, sed nitrum depuratum sufficeret prorsus. Sed videmus hinc, quod Nitrum fustum, in igne penitus quiescens, faciat sulphuri inflammabili idem, quod prius injectæ prunæ: ut scilicet citius, vehementiusque, deflagret. Hinc pyrius pulvis inventus: qui ex Sulphure, Nitro, & Carbone fit. Nomen autem Salis

Prunellæ acquisivit a Germanis, qui observaverunt, quod epidemica, castrensisque, quædam febris species, angina nigrescente formidabilis, hinc Germanice *die Braune* dicta, quam fortunatissime hujus pulveris usu curaretur: hinc nomen hoc dederunt. Ut & herbæ, quæ Symphytum petraeum Lobelii, nomen Prunellæ dedere ob eandem rationem; quia scilicet eundem hunc morbum curat. Cæterum sal sic paratus neutiquam alcalescit.

PROCESSUS CXXXIII.

Sal Polychrestus.

APPARATUS.

1. **N**itro puro intra catillum fuso ad ignem injice parum Sulphuris purissimi, non ultra scrupulum simul. Deflagrabit, ut in Processu præcedenti dictum fuit. Perge tantundem infundendo simul, post singulas quasque deflagrationes, donec tandem injectum Sulphuris tantum, quantum Nitri fusum erat. Tum circa finem, sulphur injectum ad materiem, quæ in catino hæret, inflammatur quidem, non vero tanto cum impetu, neque cum coruscatione hac fulminea, sed cum flamma sulphurea. Retinetur tum in igne, ut candescat horæ spatio. Erit sal in catino subrubescens hinc, inde, cæterum coloris cinerei. Si statim, post deflagrationem cum æquali copia Sulphuris adjecti peractam, sine ulteriore ignis applicatione, Sal natus eximitur, mihi semper examinanti visus est prorsus ejusdem efficaciam priori.

2. Vel accipe Nitri puri, siccissimi, florumque Sulphuris optimorum, partes æquales, diu accurate contere in pollinem tenuem, quem prudenter calefacito; ejus scrupulos binos simul injice catillo, igni imposito, & inde candescenti. Orietur celerrimo impetu deflagratio. Qua peracta, adjice tantundem ad residuam materiem, deflagrabit ut prius. Pergatur ita, donec tantum materiæ injecisti, quantum huic operi destinaveras. Erit in fundo catini Sal priori parato simillimus.

3. Paratus ita Sal in vase vitreo dissolvatur in aquæ fervidæ quintuplo. Coletur, dum fervet. Atque inspissatus denuo colligatur purus. Erit colore albescente. Sapore amarescente, sulphureo, calido. Indolis ejus, quæ in thermis Sal quandoque reperitur. Neutiquam acidus, sed neque alcalinus. Compositus vero ex Nitro, & Sulphuris igne mutati aliqua parte.

U S U S.

Igitur Sulphur, quod acido Chalcanti, & Oleo, unitis constat, hic Olei partem maximam consumsit in flamma cum Nitro; acidam vero partem sui corporis, sed forte igne mutatam, cum quadam etiam olei sui parte combinatam immiscuit quam arctissime Nitro per inflammationem quoque mutato: ut sic tertius neuter Sal prodeat fossilis, igne paratus. Cernitur inde, Nitrum, quod cum pruna vegetabili accensum, abi-

verat in Alkali fixum, hic cum Sulphure mutari in Salem fixum non alcalinum; quamvis cum Sulphure adeo fortiter deflagaverit, & tandiu Medici, Parisini inprimis, virtutes hujus salis in corpore humano bene experti, vocaverunt Polychrestum: quia tam multa perficit, quia in variis morbis prodest. Si mane, vacuo ventriculo, ab homine sano, aquæ vigecuplo dilutæ, bibuntur ejusdem binæ Drachmæ, cum leni deambulatione desuper instituta, & superbibuntur dein quatuor vel sex Unciæ Seri lactis, graminei, recens pressi, ad tres, quatuorve vices, vomitum lenem quandoque excitat, movet alvum frequentius, urinam semper, sudorem, quoties eo determinatur, calore, motu, admistu sudoriferorum. Pituitam attenuat frigidam, mucosam. attenuat pariter densam inflammatoriam; aperit vias; corrigit putrescentem bilem; erigit nimis inertem; stimulat blande, tutoque. Inde in Chronicis, & in acutis quoque, prudenti adhibitione, sanat. Tertianas quidem exquisitas certo fere tollit, sine metu recidivæ, sine obstructione viscerum. Quartanas curat quam securissime, resolvendo sensim rebellem harum materiem: quare merito laudabile nomen meruit, obtinuit. Si Nitro simplici fuso pauculum Salis Ammoniaci injicitur, ardet. Si repetito injectu saturatur, mirum salem profert, qui meretur examinari: ob singularem genium.

P R O C E S S U S CXXXIV.

Nitri Spiritus Glauberi.

A P P A R A T U S.

Nitri purissimi, siccissimi, in pollinem impalpabilem contriti, inque retortam mundam, vitream, inditi Unciis xvij affunde olei Vitrioli, purissimi, fortissimique, ab omni aqua liberati, Uncias vj. Ocyssime locetur retorta in furno arenæ, qua bene obruatur, statimque applicetur ingens ampulla vitrea; cujus oris margo obturetur luto ex calce & argilla facto, cum pauca arena. Orietur statim calor, & fumus ruber. Tum subdatur ignis moderatus, replebitur amplissima ampulla fumis rubris, exstillabitque guttatim liquor. Augeatur sensim ignis, donec tandem fiat summus, qui arenam excitari potest. Tum sponte remittatur calor. Qui ubi cessavit in collo retortæ tantum, ilico separanda inde est ampulla, sitque præsto vitrum forte, purum, siccum, colli, orisque angusti, in quo infundibulum tenui sua fistula accommodatum ori vitri. Infundatur ex inversa ampulla per infundibulum liquor, sub camino; ne ullo modo ruberrimus vapor ad pulmones pervenire queat: est enim acer, igneus, & incredibiliter volatilis, diffususque. Simulac spiritus in vitrum receptus, os ejus claudi debet epistomio vitreo, ad capacitatem oris expolito. Ampulla autem pariter obturaculo vitreo obturanda, sicque reponenda similes in usus. Manebit quidem per multas septimanas rubro vapore, nunquam requiescente repleta. Liquor autem in vitro, colore aureo, vapore rubro, vacuum superius vitri semper replebit, etiam post annos, ut expertus loquor; &, si quocunque tempore aperitur, statim vaporem rubrum,

brum, volatilem, copiosum exhalat. Operatio autem ipsa omnium optime instituitur frigidissimo hyemis tempore. Liquor etiam paratus frigido loco fervetur. In fundo retortæ manet Sal candidissimum, non acidus.

U · S U S.

Oleum Vitrioli vix tangit Nitrum, quin ilico exoriatur spiritus acidissimus, acerrimus, igneus, volatilissimus, perfecte nitrosus, & idem ubique præstans, quod Aqua Stygia, quæ Aqua Fortis vulgo dicitur, & cum alcali fixo in verum Nitrum renascitur. Est autem impossibile, plus ex illo nitro spirituum producere, sive plus, sive minus, olei Vitrioli affuderis, & quocunque igne arenæ deinde urseris. Non ergo omne Nitrum sic mutatur ex fixissimo in volatilissimum, ex solido in fluidissimum, ex blando in acerrimum, de albo in rubrum, ex neutro in acidissimum, ex inertis in mobilissimum nunquam requiescens. Liquor ita productus verus est Spiritus Nitri, odore, sapore, colore, effectū, redintegratione, fumis rubris. Nihil quidquam habet de oleo Vitrioli adhibito in se: ut certis experimentis constat. Altera igitur pars Nitri, quæ hac operatione non redditur volatilis, unit se cum adhibito Vitrioli oleo, fixantur ambo, abeunt in unum salem album, fixum, non acidum, non alcalinum, sed neutrum, novum, referentem quodammodo Tartarum vitriolatum. Quæ cogitantes Chemicorum præstantissimi censuerunt, Nitrum conflatum fuisse in ortu suo primo ex sale alcalino fixo, puro, & ex spiritu vero, proprio, Nitri, qualis hic productus est, ad saturationem perfectam usque. Postquam autem Vitrioli oleum, longe fortius acidum, quam spiritus Nitri, miscetur nitro, tum putant alcalinam fixam Nitri partem trahere oleum Vitrioli acidissimum, hocque vicissim alcali trahi ab oleo Vitrioli; inde hæc duo se combinare in unum salem ex alcali Nitri, & oleo Vitrioli, conflatum. Sed intelligunt, in hac saturatione acidum Nitri purum, jam expulsum per vim olei Vitrioli ex suo alcali ligante prius, jam restare purum, rubrum, volatile, acidum sui generis. Quare igitur omnem hanc actionem imputant nudæ separationi partium, hac specie prius præexistentium, non productarum de novo in hac actione ignis. Quæ speciosa sane explicatio videtur aliis deinde experimentis, inprimis Processuum 136. 137. 143. 145. 146. 147. Attamen considerantibus Nitri ex animalibus, & fixis alcalinis originem, difficile videtur, invenire in his principium, quod ulla forma similitudinis referat talem acidum spiritum, qualem hic paravimus: inprimis, quum seduli maxime rerum naturalium Scrutatores non inveniant in rerum natura sponte genitum Nitrum perfectum; utique nusquam inventum fuerit ullum acidum vel uno experimento, quale est hoc quod modo paravimus. Tutius ergo inhibetur præceptis conclusio, experimentis creditur. Profecto modus nullus in arte, vel natura rerum cognitus, quo fortior, magisque sincerus, Spiritus Nitri parari potest, quam hic ipse: quamobrem methodo hac semper utemur deinceps, quoties tali ad Chemica opera opus. Mortalium primus Joannes Rudolphus Glauberus reperit hanc artem, arcanam prorsus, caro hinc pretio vendidit, tandemque revelavit: cui ergo decora reddantur

gratiæ tanto pro munere. Vos, quæso, Auditores carissimi, discite hinc, quam nova, pulchra, utilia inveniantur quotidie, corpora corporibus applicando, & deinde ope ignis movendo. Hoc sane est habendum præcipua inter experimenta, quæ Chemicorum ars unquam protulit.

PROCESSUS CXXXV.

Spiritus Nitri dulcis Glauberianus.

APPARATUS.

1. **I**N alta, munda, vitrea, phiala, chemica, sint partes octo Spiritus Vini in Alcohol purissimum reducti, absque ullo omnino Alkali addito, huic dein instilla Spiritus Nitri optimi, Glauberiani, paucas guttas simul, absiste, vas bene move: ut penitissime permistus sit. Dein iterum tandundem instilla, iterum expectando, conquassandoque, atque ita perge tamdiu, donec octavam partem Spiritus Nitri, ratione Alcoholis immiscueris, semper conquassando quam accuratissime. Deinde phialam hanc cum hoc liquore digere aliquandiu. Posteaque ex retorta simul destillato bis, vel ter. Natus erit verissimus Nitri Spiritus. Vid. Hoffm. Phys. Ch. p. 128.

2. Si Spiritus Nitri vulgaris, & Spiritus Vini non Alcoholisatus, tum utrique multa aqua diluti non dabunt generosum adeo, & balsamicum penitus spiritum, post operationem talem; frustra, quippe pulchros inde effectus expectabimus.

3. Cæterum sæpe expertus sum, demonstravi sæpe, periculosissimos eventus, qui oriuntur, quoties Alcohol verum, & hic fortissimus Nitri spiritus, simul permiscuntur magna copia: si enim in phiala alta chemica habes spiritus Nitri Glauberiani fortissimi Drachmas duas, hisque superaffundis Alcoholis optimi Drachmas sex, vel septem, exorietur æstus, ebullitio, vapor uberrimus, evolabitque mox omne fere liquidum quam rapidissime, ex altissima quoque phiala, non sine ingenti periculo suffocationis, si ferierit pulmones. Vidi certe ita mihi periisse omnia. Videatur eximius Slarius in Act. Societatis Regiæ Britannicæ Compend. Tom. III. pag. 358.

U S U S.

DUm ita uniuntur Alcohol & Spiritus Nitri, odor statim enascitur fragrantissimus, quasi suaveolens spiraret Abrotonum. Effervescentia simul observatur summa inter acidissimum volatile, & inter oleum purissimum, subtilissimumque, absque ullo concursu alcalini vel minimi, & quidem effervescentia ferme ignivoma. Si vaporis furenti candela accensa propius admoveatur, flamma mox rapitur in totam phialam, omniaque incenduntur unico momento, præsentissimo cum discrimine. Quo digestio, & destillatio, unitorum liquorum sæpius repetitur, eo combinatio accuratior, quæ tum dat salem acidum, oleosum, perfectissimum. Is vi-

res possidet vere antisepticas , balsamicas , detergentes , dissolventes , putredini bilis resistentes. Prudenti usu , bene dilutus , parcissime adhibitus , dentibus nitorem candidum quam citissime conciliat , imprudenti adhibitione destruit. Appetitum reddit ventriculo , si pituita mucosa , bilis corrupta , aut & propria debilitas , hunc deleverint. Inter auxilia flatibus adversa locum tenet principem. Lithiasios prophylacticon laudatur , & calculo jam nato saxifragum audit. Hoc sane fuit carum quondam illud Lithontripticon Clarissimi Sylvii , adeo famosum olim , adeo pretiosum. Sudores movet , pellit urinas , sitim lenit , emendat graveolentiam , Scorbuto sanando singulari virtute prodest. Sumitur commodissime ventriculo vacuo , ter , quater , interdum , ad Guttas triginta ex vino , hydromelite , cerevisia.

P R O C E S S U S C X X X V I.

Redintegratio Nitri ex (130. 131. & 134.)

A P P A R A T U S.

1. **U**Nciam Nitri in alcali versi , ficci , (Process. 130. 131.) dissolve in octuplo aquæ puræ , quiere , & percolatione , depura quam optime. Tum infunde liquorem hunc calidum in vitrum purissimum , capax , angusti colli , cui dein instilla successive paucas guttas spiritus Nitri Glauberiani , optimi ; contingit ad singulas illapsas guttas subito , ingens , effervescentia , moveatur vas , quamdiu illa durat ; simulac sedata hæc , fiat nova instillatio eodem modo. Hoc continuetur tamdiu , donec tandem effervescentia incipit debilitari , tum instilla modo unicam guttulam simul , calidum liquorem valde concute. Sic sollicite perge , donec tandem ad illapsæ guttæ miscelam nulla magis effervescentia contingit in liquore calefacto. Erit liquor pellucidus , in quo striæ quædam longæ , vere nitrosæ , incipiunt formari. Odor nullus adest , sapor est amarescens , perfecte nitrosus. Diluatur liquor paulo plus , ebulliat uno momento , fervens coletur , inspissetur ad apparitionem pelliculæ , videbis concreescere crystallos , oblongas , octohedras , prismaticas , pellucas , omni nota Chemica , & Physica , nitrosas. Residuum iterum coletur , inspissetur , formetur in crystallos. Ita verum Nitrum recrescit , colligiturque , fusile facili igne , cum injecto inflammabili fortem flammam excitans , omni dote verum Nitrum referens.

2. Si alcali fixum , purum , quodcunque , aliud , ex Tartaro , cineribusve clavellatis , loco alcali ex nitro , hoc in experimento fuerit adhibitum , eventus plane idem omni modo erit ita , ut nulla hinc in renato inde Nitro diversitas observari queat.

U S U S.

TAnti fecit Illustris Boyleus hoc experimentum , ut dignum habuerit , de quo proprium conscriberet tractatum. Estque sane inter præcipua Chemica ; docens scilicet ex alcali & acido acerrimis , causticis , sola mis-

cela proportionali statim enasci salem neutrum, blandum, frigefacientem, nullo modo rodentem. Spiritum acidum odoratissimum, volatilissimum, uno momento tractum in alcali fixum amittere omnem odorem, imo volatilitatem adeo, ut jam ignem ferat fusionis, sine ulla volatilitate superstite, idque nictu oculi: unde ingens vis attractilis acidum inter, & alcali facile intelligitur. Ipso autem hujus conflictus momento aër elasticus, mireque se quaquaversum expandens, exsilit, qui tantum tamdiu gignitur, quamdiu hæc attractio fit, statim, ac hæc perfecta, desinit: unde videtur aër eo collisu elidi ex ipso corpore alcali, & acidi. Ergo amicitiam hîc, non discordiam, attractum, non repulsam esse; motum vero ingentem, & subitaneum oriri ab exsiliante, expulsoque aëre, dum arctissima illa acidi & alcali adunatio contingit. Acidum liquidum, subtile, in corpore alcalino corpus stabile salinum, solidum regenerare. Alcali prius in aëre sponte sua liquefscens, acidumque vix ulla arte solidandum nitri, unita salem reddere, qui dein siccus in aëre facile retineri potest, imo in ipsa jam aqua solidescit suas formando crystallos. Alcali ab acido determinari in illam speciem renati salis compositi, ex quo sale acidum illud originem sumferat. Alcali hinc indifferens ad omne acidum, cum omnibus uniri ita posse, sed ea tamen lege, ut quodlibet acidum suam matrem, unde exiverat, regeneret. Alcali ergo vacuum, ex se sterile, foemininum esse; acidum id imprægnare, masculinum, proliisque generans, speciei suæ conservans. Illius adiaphoram naturam determinari per hoc. Elementa Nitri ultima constare posse alcali quocunque fixo saturato per acidum Nitri spiritum; ingenium ideo illorum, figuram, reliqua, posse deberi utrisque his associatis. An jam in rerum natura omne natum Nitrum originem suam traxerit ex hoc acido ibidem prius existente, & ex alcali fixo pariter antea jam præsentem, jam unitis in unum, ignoro, valdeque dubito. Sed Nitrum fieri posse hoc modo, idemque parari de terra animalium resolutis partibus plena, una cum cinere salino vegetantium, aut & cum calce, certo scio. Idque mihi sufficit.

PROCESSUS CXXXVII.

Nitrum regeneratum non fixum.

APPARATUS.

1. **I**N vase capaci, puro, vitreo, colli angustioris, hæreant Unciæ tres Salis Alcalini, sinceri, volatilis, parati secundum Processum 106. hunc dein dilue sextuplo aquæ purissimæ, solutis simul instilla spiritum Nitri purissimum guttatim, orietur effervescentia omni modo, ut in præcedenti Processu. Pergatur igitur eodem omnino modo accurate, donec punctum saturationis ad æquilibrium peractæ obtinueris quam exactissime secundum legem toties jam expositam. Videbis, sponte jam statim nasci spicula, oblonga, salina, prismatica, octohedra, nitro quam simillima.
2. Dilue compositum hoc, ita natum duplo aquæ iterum, cola, inspissa leni igne ad pelliculam, repone quietum in loco frigido, formabuntur

Cryſtalli nitroſæ. Perge ſic, donec lege artis omne redegeris in maſſulas ſalis concreti; erunt cryſtalli nitri; inodoræ; amareſcentem, frigidum, Nitro vero proprium, ſaporem exhibentes; facile fluentes ad ignem; ſed tum inde ſimul avolantes, non fixæ manentes; cum omni inflammabili materie ad ignem inſtar veri nitri ardentes; cum oleo vitrioli ſpiritum nitri reddentes. Hinc reddunt nobis verum Nitrum, ſed ſemivolatile.

U S U S.

PUlchrum & hoc experimentum docet omnia eadem, quæ modo expoſui præcedenti Proceſſu. Præterea hic ex binis, omnium forte maxime odoris, naſcitur inodorus penitus ſal; de cauſticis ſummis ſal frigidiffimus, blandus; de volatiliſſimis ſal quieſcens, neque volatile, niſi calore ſatis magno; alcali volatile, indifferens, ab acido ſaturante deferretur ad ſalem definitum ex natura acidi, quod adhibitum, hocque facit renaſci ſuam iterum matrem; volatilitas ſalis pendet ab alcali concurrente ad compoſitionem; quod, ſi fixum, renaſcitur ſal fixum, ſi volatile, oritur ſal ſemivolatile; ſed natura ſalis nati pendet ab acido commiſto: hinc ergo data methodus Nitri volatilis comparandi, cui reperiendo tantum indiſtriæ, laboriſque, impenſum fuit a Chemicis ab omni ſane tempore. Vires Nitri ſic parati, ſemivolatilitas, quantum videre potui, ſunt eadem virtuti Nitri communis fixi, aut fixi regenerati; attamen leniores. Differunt autem fere, ut vires ſalis marini differunt a virtute ſalis ammoniaci.

P R O C E S S U S C X X X V I I I .

Alcaheſt Glauberi.

A P P A R A T U S.

Alcalinum ſalem, paratum Proceſſu 131, impone patinæ vitreæ, expone aëri aperto, in loco humili, quieto, frigido, non pulverulento; incipiet ſponte liqueſcere, ſolutum prudenter effunde in vas vitreum, purum. Reſiduum rurſum expone aëri; hocque ſic repete, donec totus ſal liquefactus deſluxit. Manebit plurimum cinerum. Habebitur vero liquor, qui colatus, evadit limpidus, alcalinus, craſſiuſculus, oleo Tartari per deliquium quam ſimillimus.

U S U S.

Hic famoſiſſimus ille Chemicorum liquor, tanto pro arcano jaçtatus ab Autore Glaubero, ut pro vero Alcaheſt venditare auſus fuerit; ſed arcana revelata vileſcere, dudum conſtitit. Quidni hîc idem dicamus? Sane, toties quamvis operam dederim, non potui reperire ſingulare quid in hoc liquore, quod pariter haud aderat in oleo Tartari per deliquium; cuicumque demum operi applicuerim. Sed paratur difficilius, parcius obtinetur, plaris conſtat. Hinc juvat.

OPERATIONUM CHEMICARUM PROCESSUS CXXXIX.

Nitrum Nitratum.

A P P A R A T U S.

Lixivii Nitri purissimi Unciis octo, instilla spiritus Nitri optimi guttas triginta; inspissa liquidum ad apparitionem pelliculæ, coge in crystallos lege artis. Nascentur prorsus in omnibus nitrosæ, sed sapore acido.

U S U S.

Inservit modo demonstrandæ methodo, qua sales quidam completi uniri queunt proprio suo inde producto acido in forma salis compositi. Potestque, plus addendo, vel minus, sal ille magis fieri, minusve, acidus. Quo acidior, eo deinde difficilius exsiccare poterit, eo difficilius siccus retineri, sed semper fere deinde diffluit. Nitrum acidum redditum sic, ut modo descripsi, optimo usu adhibetur in ardentibus febribus, lingua sicca, spurca, sitique.

PROCESSUS CXL.

Nitrum Vegetans.

A P P A R A T U S.

Si in præparatione spiritus Nitri Glauberiani, Processu 134 parati, sumuntur quatuor partes Nitri, olei Vitrioli una; tumque, omni spiritu prorsus expulso, sal in retorta residuus, albus, prorsus siccus, relinquitur in aëre aperto, brevi tota ejusdem superficies evadit lanugine densissima, satis longa, obsita, & quasi vegetans, quod aliis in salibus observare alias non memini. Quando autem sal ille residuus aqua solutus, colatus, inspissatus ad siccitatem usque, poculo cylindrico, vitreo, committitur, sicque, in aëre aperto, conservatur, tum sæpe exhibuit pubescentem supremam superficiem in speciem veram plantularum ramosarum. Hæ autem omnes cadebant liquescentes admotu caloris ita, ut superficies evaderet plana: postea autem iterum vase exposito quieto, in aëre libero, recrecebant, ut prius: ut ita sæpe appareat resuscitatio plantarum de cineribus quasi suis, de qua tam multa fabulati fuere nonnulli Chemicorum: suspicatus quandoque fui, hac arte forte factum.

U S U S.

Elegantissimum hoc experimentum docet, Nitri facillimam crystallisationem præbere oportunitatem depingendæ quasi Vegetationis: qualem, titulo Palingenesiæ vegetabilis, creduli nimis artifices finxerunt, nunquam, opinor, demonstratam.

PROCESSUS CXLI.

Spiritus Nitri cum Bolo.

APPARATUS.

1. **A**ccipe Nitri puri, in pollinem contriti lbivß. Boli vulgaris, rubræ, lbivß. misce satis accurate, dein materiem ita mistam reconde in cantharum figulinum, descriptum Tomo I. pag. 465, ea lege, ut materies non intrare queat collum illius canthari horizontaliter locati in furno descripto Tom. I. pag. 475, 476, eo apparatu, qui ibidem satis liquide describitur; bini scilicet tales canthari simul adhibeantur, suis cum receptaculis, agglutinatis. Tum immittatur parum ignis, ut modo tepescant immissa; addatur omni quadrante horæ paulo plus ignis; donec lenta hac appositione ignis assiduo aucti, tandem omnia perfecte percaluerint. Incipiet tum exire humidus vapor in excipulum; augeatur ignis eousque per gradus, spatio bihorii, donec vapor ex albo rubescens prodit. Urgeatur sensim magis ignis, ut vapor prorsus ruber adscendat, continuetur trihorio. Incitetur postremo ignis tamdiu, donec tandem vasa percalescant ita, ut per vitreum recipiens candescentem ab igne materiem conspiciere liceat in cantharo, ignis tum sic continetur hac vi per bihorium. Claudatur tum furnus. Sponte frigescat. Simulac refrixit figulinus cylindrus, inter os canthari figulini, & inter os excipuli vitrei, insertus. Statim, prudenter cavendo a fumo, aufer excipulum, infunde liquorem stillatitium per infundibulum in vitreum vas, mox operculo vitreo imposito quam accuratissime obturandum, & reponendum loco frigido. Ille erit Nitri spiritus, acidissimus, acerrimus, causticus, fumos ruberrimos exhalans, similis omnino spiritui Nitri Glauberiano Processus 134, sed nunquam tam fortis. Quando hæc destillatio processit felicissime, habui talis spiritus respectu Nitri adhibiti $\frac{9}{16}$, sive $\frac{1}{2}$ & $\frac{1}{16}$.

2. Bolus in fundo superstes cum residuo Nitri, saporem Nitri adhuc retinet. Coxi totum id residuum in plurima aqua, fervidum liquorem supernatantem colavi, perrexi sic cum nova aqua coquendo, donec nihil amplius educebat aqua. Omnia hæc lixivium tamdiu percolavi, donec liquorem referrent limpidum, sapore nitroso. Hunc inspissavi, ad parvam copiam, instar lactis crassam, saporem habebat non valde acrem, tamen lixiviosum, quasi alcaliscentem utcunque. Hunc deinde explorans cum affusis acidis inveni alcalinum quodammodo, & mutatum aliquantum de pristina natura Nitri, non tamen verum alcali.

3. In hac operatione studendum quam maxime, ut cespites inter destillandum ingerendi prius fuerint quam optime percalescent, aliter a frigore eorum, per ignem subito expulso, finduntur canthari. Hinc & ostio furni aperto, ad ingerendos novos cespites, cavendum etiam, ne aer frigidus nimis subito irreat: unde etiam finderentur vasa. Cave &, ne aperto furni ostio flamma violente tum erumpens extrorsum

de furno , capillos , oculos , faciem feriat , aut cum aëre in pulmones trahatur.

U S U S.

1. **N**itrum purum , solum in retorta vitrea , in furno arenæ , funditur longe prius quam vitrum ; sic calefactum , ut fusum sit , amplius non calefcit ab igne aucto ; detentum ita diu spiritus acidus non dat , sed manet fixum , haud exhalans multum. Si sic in retorta terrea Hæffiaca detinetur diu , urgeturque igne ingenti , tandem per meatus figulini vasis transudat , spiritus acidus in excipulum non promit , sed tandem fere sic perditur transudando per vas , quo continetur.

2. Nitrum triplo Boli , Argillæ , Terræ tabacariæ , in pollinem contritæ , intime permistum , deinde crucibulo receptum , igni impositum , non funditur , fumat , acidus vapores exhalat , sic tandem , satis cito , fere totum in auras diffatur.

3. Unde liquet , ignem in Nitrum prohibitum a fluore per triplum interpositum materiæ non fluentis ad ignem , longe aliter agere , idque longe fortius tum excalefacere posse , quam quando illud fluit ad ignem , sicque ulterius ab igne mutari negat. Mutatio autem fit reddendo fixum in volatile , blandum in acre , solidum in fluidum , neutrum in acidissimum ; quæ omnia tantum ope impedimenti fluoris obtinentur : ut antea ope olei Vitrioli & igne arenæ in Processu 134. Hæc ipsa certissime ita se habent. An vero in hoc spiritu , ita parato , non adsit simul liquor , qui de ipsa bolo prodiit ? multum fuit inquisitum : inprimis , quia bolus semel adhibita huic operi , dicitur inepta , quæ altera vice , eidem proposito serviat ; quia tum spiritus ille nitri inde non potest elici. Sed certe , spiritus , qui cum oleo Vitrioli paratus fuit Processu 134 ; Ille , qui cum Vitrioli calce fit titulo Aquæ Fortis , & qui cum Alumine calcinato perficitur , sunt absolute simillimi huic ipsi , fere absque ulla omnino distinctione : ad eos tamen producendos nihil boli admistum fuit : notentur igitur experimenta ab utraque dissentientium parte ; dabit dies , quod hora negat.

4. Rursum recentissimi , iique sane prudentissimi , inter Chemicos , volunt , Nitrum conflari ex alcali & acido singulari nitri , ut jam explicui ad Processus (134. 136. 137.) ; proportionem alcali , ratione acidi , collegit incomparabilis Hombergius , ut 480 ad 183. subtili argumento , experimento laborioso. Hîc tamen , destillatione peracta , $\frac{9}{16}$ acidi educitur ratione Nitri adhibiti , atque ex residuo vix alcalici quid producitur : quare certo constat , hoc acidum , ex mutato per ignem Nitro , non vero ex separatione acidi & alcali præexistentium in composito natum fuisse. Quare mira ignis actio hîc id patrat , quod aliter Vitrioli oleum. Quum igitur verum Nitrum nunquam in rerum natura sponte apparuit , spiritus vero illius nunquam , nisi ope olei Vitrioli , aut ignis violenti una cum impedimento fluoris , reperiat , credimus , spiritus acidus Nitri nusquam in rerum natura existisse , ante inventum modum Nitri parandi , & ex nitro parato educendi spiritus ; quantum per chemica experimenta scire datur. Ut & Pulveris Pyrii confectio impossibilis fuerit arti,

& naturæ, ante idem Nitrum inventum: quamvis aliæ omnes res naturales, mortalibus cognitæ fuissent, solo Nitro excepto.

5. Quando autem Nitro miscetur Vitrioli fortiter calcinati colcothar rubescens, aut calcinatum Alumen, certa copia, tum etiam impeditur in igne fluere nitrum, incallescere proinde plus potest, hinc etiam dat tunc spiritum acidum, cum fumis ruberrimis, omni dote omnino referentem veros nitri spiritus in hoc Processu generatos, & quidem copia satis magna. Sed præterea omnino considerari debet, quod in colcothare, & calce aluminis, lateat acidum fortissimum, & quidem copia abundans, quod oleum Vitrioli, vel Aluminis dicitur. Id ergo, vi ignis agibile, Nitrum aggreditur, spiritus hujus excutit, se in locum ponit, facitque, expulso spiritu nitri fœcem, in quo sal ille, qui Panacea duplicata dicta, satis similis est sali nato in confectioe spiritus Nitri Glauberiani Processus 134. Hinc igitur omnes Aquæ Fortes nascuntur: quarum equidem productio unice pendet a ratione illa, quam ad citatum modo Processum notavi. Sane mirabilis est operatio illa metaphysicos spirituum acidorum salinorum; dum unus alterius locum occupans sede antiqua pellit eundem, hincque inexpectatas producere videtur metamorphoses. Vid. Tom. I. pag. 443, 443. Quantum vero didicimus huc usque, oleum Sulphuris per campanam, oleum Vitrioli, oleum Aluminis, idem acidum penitus constituunt; & quidem hujus ea est vis, ut omnia reliqua acida cognita separaret a corporibus retinentibus, ea volatilia prorsus reddat; eorum locum occupet; cum relicto, post expulsos priores acidos spiritus, corpore formet novum corpus suæ naturæ, sequens scilicet hujus acidi fortissimi naturam. Est Aqua Fortis merus nitri spiritus. Colcothar nulla ignis vi, vel diutissime continuata, unquam potest orbari omni suo acido: hinc in fœce vitrioli & aluminis, acidissimum manet, id igne immotum, ab altera parte nitri, quæ in acidum converti nequit, trahitur, huic parti per vim ignis unitur, constituit salis novam speciem, omnes acidos spiritus omnino pellit in aquam fortem. Qui vero promiserunt, arte Chemica efficere, ut totum nitri corpus destillatione convertatur in spiritum nitri, vera permutatione totius, sicque de nitri libra parare posse tantundem spiritus, asserunt quid, quod mihi, pace eorum dixerim, impossibile prorsus, artique vere adversum videtur: novi quæ tentaverim; ut hæc vere sciam.

6. Hic spiritus Nitri Processu hoc productus, spiritus Nitri Glauberianus, Aqua Fortis vulgaris, rite modo parata sit, dant acidum nitrosum, fumis rubris ab omni alio acido distinctum, iisque semper, ut & nidore singulari, se prodens; quod cum alcali fixo verum Nitrum regenerat, quod argentum solvit, & cætera, de quibus jam dictum Tom. I. pag. 432.



OPERATIONUM CHEMICARUM PROCESSUS CXLII.

Salis Marini depuratio, crystallisatio.

A P P A R A T U S.

SAL Marinus, purus, venalis, solvatur sextuplo pluviae purissimæ, coletur myria hæc fervida per saccum de linteo densissimo, purissimum, tamdiu reaffundendo, donec sit quam limpidissima. Exhalet tum in vase vitreo mundissimo una sexta pars aquæ diluentis. Superstes myria stet quæta, frigida, per triduum in hoc vase bene recto; ne pulvis incidat. Si fæces posuit, ab his leni vasis inclinatu effundatur. Si nullas dejecit, bona est. Tum myria exhalet, donec in superficie pelliculam gignat. Reponatur tum in loco frigido quæta per diem noctemque; erunt natæ crystalli cubicæ. Effundatur prudentissime myria ab hac crystallisatione superstes. Sal formatus exsicceatur puro calore, ferveturque seorsum: hoc enim uti soleo in usus chemicos. Myria residua inspissetur iterum in pelliculæ generationem usque, fiant eodem modo novæ crystalli. Id opus continuatum ultimo crassum, pingue, austerum, difficulter siccandum, vix in crystallos formandum liquidum dabit. Si sal ita natus decrepitu in igne calcinatur, dein magno igne funditur, in lapideum siccissimum planum effunditur, dein in aëre deliquescit, ponit terrestres fæces. Liquor ab his bene separatus, inspissatus, calcinatus, effusus, in aëre deliquescens, repetito hoc opere perit in auras avolans: ut antiquus valde Scriptor Chemicus vere olim scripsit.

U S U S.

IN Nitro dicta Processu 129 novo hoc experimento firmantur; crystallisatio unicus est modus, quo sales parantur simplices, sinceri, dum virtus innata, certa in proportionem aquæ admistione, sola similia inter se adunat, segregat aliena. Dein major aquæ ab uno, quam ab altero sale, attractio, faciens ut uni citius, quam alii, de aqua se extricent. Nisi vero sales sic prius depurati sint, frustra inde expectabis spiritus sinceros, certa necessarios ad opera: Nitro destillando si quis Sal marinus adest, aqua Regia, non aqua Fortis producet. Idem de sale marino admisto nitro verum. Sal hic, ita paratus, est auri dissolvens tale, ut sine ejus accessu nunquam id solvi queat, nisi per metalla fusa. Sal hic mirabilis est balsamus, cujus ope animalium, vegetantiumque, omnes partes a putredine conservantur.



PROCESSUS CXLIH.

Spiritus Salis Glauberi.

APPARATUS.

1. **S**alis Marini, parati Processu præcedenti, partibus tribus, in retorta vitrea affunde unam optimi olei Vitrioli partem: ipso commistionis momento vapor exsilit volatilis, albus; a quo cave quam maxime; enimvero suffocans est, potestque uno pulmonem impetu corrumpere immedicabiliter. Applica mox recipiens amplum, frigidum, purum, vitreum; claude commissuras. Videbis diu, minima ignis suppositi actione, sylvestres spiritus tanto volatu furere, ut per lutum violento cum flatu perspirent, aut vas rumpant. Hinc lenta primo prudentia hos suaviter expelle per tres, quatuorve, horas. Dein auge parum ignem, exstillabit liquor minus volatilis. Tandem urge ad finem, post octo horas scilicet impensas destillationi, donec olla ferrea candescat ab igne, nihil que amplius prodeat liquoris. Frigescant omnia sponte. Ubi collum retortæ non amplius calet, tum aufer excipulum. Fumabit liquor. Ab halitu cave quam sollicitissime. Liquorem stillatitium funde in vitrum, bene epistomio obturandum vitreo, loco bene frigido reponendum, aliter vas sæpe diffilit vaporum motu. Si post annos aperis vas, ilico vapor albus, suffocans, exsilit. Si vero spiritum hunc, sic productum, leni igne ex cucurbita, prudenter, sub camino, destillaveris in excipulum, transibit spiritus hic volatilis, manebit in fundo cucurbitæ liquor coloris ex flavescente viridescens, nihil exhalans, fixior, quietus, in excipulo autem suffocantissima volatilitate furens liquor acidus solus habebitur. Qui seorsum servari vase clauso poterit.

2. Salis marini purissimi, sicci, partibus tribus, admisce in retorta Aquæ Pluviæ purissimæ partes duas, olei dein Vitrioli quam optimi partem unam. Lente, guttatim, oleum Vitrioli admisce; ne calore nimis subito, ex totius commistitu simul factò, vas crepet. Incalescent omnia. Tum accommoda retortam fumo arenæ, applicato excipulo, amplo. Fiat primis quatuor horis lenis modo destillatio, donec aqua admista lento gradu primo exiverit; quæ aliter cito actu semper findit excipulum. Eo peracto, augeatur ignis sensim, exstillabit spiritus Salis Marini, qui cognoscitur prodire, quando striæ in vase incipiunt unitæ in serpentes spiras descendere. Auge tum libere ignem, sensimque urge, donec candescat tandem olla ferrea, nihilque extillet amplius. Tum nihil omnino fumabit spiritus. Refrigeraris ergo sponte omnibus, effunde spiritum, non fumantem, nec suffocantem. Si hunc spiritum ex pura cucurbita leni igne destillas, accipies aquam, limpidam, gratissime acidam, optimi usus interni, si mista Julapiis bibitur, in morbis, ubi convenit. Manebit tum in fundo spiritus pinguis, ex aureo viridescens, quam optimus.

3. Utroque in casu restabit in fundo vasis sal candidissimus, fixissi-

mus , magno tantum igne fundendus , qui postea accurate considerandus erit Processu 145.

U S U S.

Satis mirum , oleum Vitrioli , de fixissimo Marino sale , spiritum ciere adeo volatilem , quando solum affunditur : qui interim figitur statim , quando aqua pura illi spiritui jam nato affunditur ; qui etiam nasci impeditur , quando oleum Vitrioli myriæ forti salis marini miscetur in distillationem ; aut & quando oleum Vitrioli solutum in aqua , antè distillationem miscetur salı marino : quippe triplici hoc modo mira , & volatilitate suffocante lethalis , volatilitas figitur , fitque innoxia. Quando autem spiritus sic fixatus , jamque salubris redditus , igne agitur centum graduum , aquam tum quidem suam dimittit , manetque meracius in fundo vasis , pinguis valde , spissus , grate acidus , fragrans , coloris viridis , tam bonus , quam arte ulla aliter fieri poterit. Rursum tamen limites hic sunt : nam certa modo pars salis Marini hac arte vertitur in spiritum Salis Marini acidum , alia vero pars certo finita relinquitur fixa cum oleo Vitrioli. Ultra tertiam partem vix elicere potui spiritus puri , ab aqua liberi. Spiritus hic habet proprietates acido communes , & singulares. Singularis est stomacho grata , appetitum ciens , mucosa attenuans , digestionem promovens , putredini adversa , bili corrigendæ , ubi acrimonia , putrido , peccat. Gangrænæ gingivarum , oris , linguæ , extirpandæ pulchre prodest. Calculo generando obstat , generato resolvendo prodest , Helmontio testante. Stranguriam senilem lenit. Si meracissimus hic spiritus triplo alcoholis optimi mistus , dein destillando bis , terve , accurate unitur , obtinetur sal volatilis , oleosus , acidus , fragrantissimus , balsamicus , laudatissimæ virtutis. Porro spiritus hic acidus , auri solvens , ubi fortissimus , atque a sale marino aliquoties abstractus , evasit generosissimus. Sed , verbo dixerim , omnes superat laudes liquidum hoc Salis Marini. Hoc autem experimentum utilissimum Glauberianæ quoque industriæ inprimis debetur unice.

P R O C E S S U S C X L I V.

Spiritus Salis Marini cum Bolo.

A P P A R A T U S.

Accepi Salis Marini , optimi , sicci , libras sex. Has indidi duobus cantharis figulinis , qui accurate capiebant singuli tres libras salis. Cantharos posui in foco , texi tegula accurate , ne quid incidere posset. Tum cinxi undique igne circum appposito , e longinquo primo , sensim propius , tandem undique imposito , appositoque. Crepitabat diu , fortiter , sal. Tandem , ubi jam candescebat ab igne uterque cantharus cum sale , crepitatio desinit. Ubi collapsis cineribus quievit ignis , invenitur sal candidissimus , minutatim divisus , in igne non crepitans. Amit-

fit in hac decrepitatione fere quartam partem sui ponderis. Hic sal immutatus cætera, non amplius crepitat. Sed facillime liquefceret. Aptus jam destillationi: si enim non decrepitatum prius adhibueris, dum ignis incipit agere, salit per vasa, usque in excipulum, omnia turbat, vasa ipsa quandoque rumpit. Sed expulso hac calcinatione spiritu sylvestri, crepitante, pacate deinde ignem ferre poterit.

2. Sumo hujus Salis, statim ac decrepitavit, libras tres, his subito in magno mortario calido contusis, ocyssime admisceo in ampla pelvi, Boli rubræ vulgaris libras decem, diu, & accurate simul intra manuum palmas conterendo. Bipartitam materiem indo duobus cantharis figulinis Tomo primo depictis, ita ut materies in cantharis horizontaliter in furno locatis, non perveniat in os canthari. Tum binos hos cantharos accommodo intra furnum, ejusque latus dein apertum lateribus, & cæmento, perfecte claudo, ut ora aperta extra murum furni aliquantum emineant. Applico frustra cylindrica, & excipula ingentia hisce. Prorsus eodem modo, ut in Processu 141 descripsi. Lenis ignis, sensim actus, spatio viginti quatuor horarum adhibeatur: ut omnia bene calida, & siccata, evadant. Tum mane incendatur ignis, satis magnus, exhibit vapor, qui opacat excipula alba nube, guttisque roridis ad superficiem internam recipientis. Sustinetur hic ignis plerumque bihorii, vel trihorii, tempore. Tum, aucto igne, solet limpidius reddi recipiens, & pingues quasi decurrere striæ intra recipiens. Simulac hæc ita apparent, licet tum ignem intendere in gradum summum, inque eo spatio sex vel octo horarum continuare ita, ut vasa penitus candescant ab igne. Quando desinunt in hoc valido igne decurrere ultra spirituum ductus. Ablistatur. Linquntur omnia, donec incipiunt sponte frigescere. Prudenter tum removeatur recipiens de vase, effundaturque liquor purus, qui in fundo recipientium collectus hæret. Erit acidus, grate fragrans, viridi colore, ex quibuscumque uncis octo circiter ad uncias tres. In fundo Bolus manet falsa. Hanc coxi in aqua: percolavi ad limpiditatem usque lixivium. Inspissavi. Habui salis flavi, non alcalini, sed falsi, styptici, copiam satis magnam. Videbatur novum salis genus. Hæc ita fere semper deprehendi: miratus ideo, Beguinum, aliosque, scribere se potuisse totam salis massam in spiritum salis optimum convertere. Sane omni cautela, cura, modo, & igne violentissimo, diu valde continuato, non potui unquam dimidium educere; nisi humiditas forte in sale vel bolo adhæserit immista. Requirit autem hæc destillatio salis marini violentiorem ignem quam illa nitri.

U S U S.

Spiritus hic iterum docet, certam portionem salis converti in hoc acidum, ope ignis, bolique, non illum totum. In destillatione hac, semper, in fine, ex albo flavescens materies superiori parti recipientis se affigit, quæ ex dulci stypticum saporem habet salinum. Hæc etiam, & quidem copiosior ibidem nascitur, quando destillationem hanc institui cum argilla, loco boli. Videtur nasci de sale & terra pingui simul mistis. Sal productus de capite mortuo ab Helmontio valde commendatur ad lapidis

Butleri confectionem. Spiritus vero celebratur laudibus enarratis ad Processum 143. Unde huc transferri queunt, ut & cætera notæ.

PROCESSUS CXLV.

Sal mirabilis Glauberi.

APPARATUS.

SAL, qui mansit in fundo retortæ, in præparatione spiritus salis Glauberiani, albus, falsus, fixus, fractæ retortæ eximitur, tunditur, crucibulo immixtus igni committitur, donec fluat, bene cavendo, ne carbonum quid incidat. Tumque aqua calida diluitur. Aut sal ille in retorta affusu aquæ calidæ solvitur ipse. Oportet autem fervidum fere hoc lixivium colare. Dein inspissare, donec pelliculam formare incipit. Tum quietum in loco frigido reponere. Solet coïre in massam glaciam. Aut, si fluida quandoque subsistit, quando effunditur in aliud vas, fluida massa solidescit, dum in aliud vas effunditur. Si vero sal ille solvitur in sextuplo aquæ fervidæ, atque deinde inspissatur paululum, & reponitur, in vitro magno, tum concrevit in pulcherrimas adspectu crystallos, singularis prorsus & formosæ faciei, satis magnas, constantes, neque in aëre postea deliquescentes.

USUS:

Famosissimus nobilis inventi Autor jure vocavit mirabilem: non modo, quia novus, recensque; sed & ob mirandos ejusdem effectus. Novi, Chemicos systematum amantes asserere hîc verum modo Tartarum Vitriolatum nasci, qui jam dudum ante Glauberum innotuerat. Sed sane nunquam reperiuntur in Tartaro Vitriolato dotes, quas hoc in sale animadverto, sive figuram, saporem, effectus, aut alia considerem. Sal enim hic rite paratus, in pollinem reductus, triplo aceti, cerevisiæ, vini, aquæ, mixtus, & repositus, ea congelat. Fusus in crucibulo, injectam frustulatim quartam partem Antimonii mire resolvit, atque alia quam plurima efficit, de quibus videri merentur Glauberus, Boyleus, Becherus, Stahlius, Viri summæ certe penetrabilitatis in abstrusioribus Chimiæ elucidandis, quibus & summus Hombergius accedit. In Chirurgia sal ille egregie juvat contra putredinem, gangrænamque. Interne leniter stimulando, urinam pellendo, alvum movendo, resolvendo, quoque meruit laudem.



PROCESSUS CXLVI.

*Salis Marini regeneratio.**A P P A R A T U S.*

O Lei Tartari per deliquium parati Uncias iv. dilue in triplo aquæ purissimo, infunde in cucurbitam satis altam, magnamque, cujus os superius angustum, calefac satis fortiter, tum per infundibulum instilla guttatim spiritum salis vel Glauberianum, vel cum bolo paratum; fiet ingens effervescentia; exspecta donec sedata, move tunc, ut rite misceantur. Iterum instilla, misce hoc, donec alcali sit perfecte saturatum hoc acido. Quiescant tunc, clarum fœcibus positis supernatans lenissime effunde. Cola. Purum inspissa ad pelliculam apparentem. Repone in locum frigidum, quietum. Nascentur crysalli perfecte salis marini in omni proprietate. Sapor harum manifestus idem. Adeoque sal marinus verus erit. Residuum a crysallificatione hac prima superstes, iterum sic tractatum dabit salem similem priori. Qui fixus omnino ad ignem erit, instar nativi salis marini.

U S U S.

A Lcali vegetabile, indifferens ex se omni recipiendo acido, hîc determinatur ab acido salis Marini affuso, ut saturatum hoc ipso determinetur in naturam definitam salis Marini tantum. Quod si confertur cum eventu experimenti in Nitro capti Processu 136, videtur multum firmare doctrinam acidi, alcali, & salis compositi. Conferantur omnia ibidem super hac re dicta: sunt enim iterum hîc cuncta consequentia, quæ ibidem enarravi.

PROCESSUS CXLVII.

*Salis Ammoniaci regeneratio.**A P P A R A T U S.*

S Piritum salis Ammoniaci alcalinum fume ad Uncias quatuor, dilue duplo aquæ frigidæ, puræ, in cucurbita alta, capaci, angusti oris; huic dein instilla per infundibulum, ut recta cadat in liquorem, spiritum salis Marini optimi, utrovis modo parati, guttatim. Effervescentia fit maxima, prudenter perge methodo jam satis intellecta, donec saturatio perfectissime obtenta sit: hîc enim cura major adhibenda; quoniam acidum, si hîc abundat magis, quam requiritur ad saturationem perfectam, remanet magis unitum sali facto. Quum in præcedenti Processu abundans in sale fixo, igne inde expelli queat a sale fixo. Quod si in hoc ultimo casu contendis facere, tum acidum, & sal natus, utpote non fixus, simul exhalant. Si ergo accurate peracta saturatio, tum liquor limpidissimus na-

tus, inodorus, saporis singularis omnino, & proprii salis Ammoniaci, licet ebulliat ad ignem, nullum halitum salinum dimittit. Coletur hic liquor, inspissetur ad pelliculam usque, reponatur, nascentur plumosa, flocculenta, tenuia, elementa salina, perfecte eadem iis, quæ in lixivio salis Ammoniaci sic tractato oriuntur. Si inspissatur liquor, lege artis, donec massa sicca in fundo remanet, habebitur sal albus, omni proprietate vere Ammoniacus, qui & in flores veros igne idoneo elevari potest.

U S U S.

Alcali volatile animalium, vegetantiumque, ex se indifferens ad acida quæcunque recipienda, hic determinatur ab acido salis marini in salem marinum, sed semivolatilem. Confer Processum 137. Videtur regula firmari; acidum determinat alcali in speciem suæ naturæ, alcali vero fixitatem dat, vel volatilitatem. Quum ergo copia ingens semper generetur alcali ex animalibus, & vegetantibus, putrefactis; volatilis si esset in rerum natura spiritus oberrans salis marini, oriretur semper ibidem sal Ammoniacus. Simul spiritus Alkali fixo ex vegetantium cineribus nato occurrens statim daret salem verum marinum fixum. Atqui, ut alcalia hæc per experimenta facile, ita acida hujusmodi in natura rerum difficillimum est ostendere. Nisi sciretur arcanum Boylei testantis, arcana, & diuturna digestionem salem marinum disponi, ut spiritum suum acidum dimittat levi calore, ante aquam, adscendentem; idque absque ulla admistione ullius rei. Mechan. Qual. 234.

PROCESSUS CXLVIII.

Tartarus Vitriolatus.

APPARATUS.

1. **A**ccipio olei Vitrioli purissimi Uncias tres, has diluo triplo aquæ puræ, calidæ, in cucurbita vitrea alta, capaci, oris angusti, tum affundo coram guttatim olei Tartari per deliquium, donec saturatio quam perfectissime obtinetur: quia aliter in hoc experimento damnosa acrimonia remanet vel acida, vel alcalina. Fiet effervescencia maxima: atque incipiet generari sal albus, diu ante saturationem petens fundum vasis. Postquam saturatio reperta, tum diu concute, gusta; si sapor nec acidus, nec alcalinus, sume paucum hujus lixivii, id calefac, calefactum divide in duas portiones, uni instilla guttulam olei Vitrioli, alteri guttulam olei Tartari per deliquium; si in neutra oritur effervescencia, habebis justissimam saturationem, adeo hinc requisitam in usus medicatos. Si ab acido affuso effervescencia oritur; tum alcali exsuperat, si alcali facit adhuc effervescenciam, tum acidum adhuc abundat. Ubi vero æquilibrium obtinuisti, liquor affusa pluri fervida aqua integre dissolvendus; ut omnis sal penitus dilutus fuerit. Liquor fervidus statim percolandus, inspissandus ad pelliculam, crySTALLISANDUS lege artis; erit natus Sal medii saporis,

ris, candidus, plurimum aquæ requirens, priusquam integre dissolvi possit. Remanet quid in fundo quod crySTALLIFARI perfecte negat, ut in Nitro fit, & in Sale Marino, omnique fere alio salis genere solet fieri.

2. Clari Chemici, quos inter Tachenius, putabant, oleum Chalcanti, vim tantam ignis passum, sursum extulisse secum liquati metallici volatilis quid, quod vim noxiam huic sali, nec facile delebilem, imprimeret. Igitur conati sunt acidum illud, ignem nondum passum, hinc nativum, & simplicius, elicere de Chalcantho, & alcali fixo Tartari conjungere, dissolvere igitur Chalcanthum in aqua, ut foret liquor dilutus, purus. Huic, colatione sincero, instillabant guttatim oleum Tartari per deliquium, turbatur liquidum, ferrumque flavæ ochræ specie præcipitatur de miscela. Illi pergunt sollicitè, donec tandem, ab affuso alcali, nulla amplius contingit præcipitatio. Hoc punctum sedulo observant. Reponitur mistum, donec fœx metallica præcipitata omnis subsederit. Liquor simplex supernatans percolatur, inspissatur, crySTALLIFATUR, ut prius Acquiritur Tartarus Vitriolatus absque igne, &, ut illi quidem credere videntur, absque suspecta vi rodente acri. Sane, si nullus omnino color cæruleus, viridisve, in hoc liquore, indeque confecto sale, apparet, sal satis bonus nascitur; qui aliter æris quid retinens, malignus erit.

3. Quando simili arte, ex Vitrioli oleo, vel & liquore ejusdem cum aqua factò, paratur Sal cum Alcali puro quocunque volatili, obtinebitur sal similis, sed semivolatilis, penetrabilior: quum prior mire fixus sit. Sal fane hic, quocunque modo natus, ponderosus satis apparet, solidusque, satis interim blandus, & aperiens,

U S U S.

Virtus hujus Salis habetur mire aperiens, si vacuo ventriculo, jussu-
lo dilutus, aut sero lactis, bibitur, atque deinde exercitatione corporis juvatur; tum quippe attenuando, putredini resistendo, stimulando, ita liberat impedita ab infarctis viscera, ut nomen acceperit Digestivi Universalis, Tachenio Vitriolum non metallicum audiat. Ex hisce vero Processibus 136, 137, 146, 147, 148, constat, acerrima rodentia, si solitaria, alcalia scilicet & acida, combinata penitus mitescere permista postquam fuerint. Tum scitur duo venena, si seorsum fumerentur, fieri innoxia dum permista bibuntur, imò unum assumptum sanari ab altero superassumpto. Intelligimus, aquam mire latere in salibus, tandemque inde extricari posse: nam Spiritus acidus Nitri habet 60 partes aquæ ad partes 19 veri acidi. Spiritus Salis habet aquæ partes 52 ad acidi partes 13. Oleum Vitrioli aquæ partes 60 ad acidi 37. Tumque ponuntur liquida hæc acida omnium meracissima. Aqua ergo hæc latuerat in decrepitato Sale Marino tanta copia. Discimus hinc, & pauca valde acida simplicia, fossilia reperiri: quum Aluminis, Sulphuris, Vitrioli, idem sit. Aqua fortis, Nitrique Spiritus haud differant. Spiritus Salis Marini, Fontani, & Gemmæ, iidem habeantur.



II SULPHURA.

PROCESSUS CXLIX.

Sulphuris exploratio.

APPARATUS.

Sulphur in fodinis reperitur perfectum varia admodum forma. Aliquando politum, flavum. Quandoque flavum fere pellucidum instar Succini. Rubini instar aureum, ac fere pellucidum alias. Frequentius colore cinereo, opacum. Omne hoc inditum catino fluit ad ignem facile, tumque tamdiu rubrum pellucidum apparet; ubi refrixit, opacum iterum redditur. Simulac fluit, admissio aëre externo, promptissime flammam capit cæruleam, cujus vapor pulmone haustus omne animal notum suffocat, sicque ardendo totum consumitur integre, & fere sine fœce. Si fluit igne, sed non accensum, vaporem tunc spirat graveolentem quidem, quasi subaromaticum, non vero suffocantem. Simulac fluit, pars ejus abit in auras; & si diu fluens detinetur, neque tamen accenditur simul, totum tunc sensim volatile factum evanescit. Frigidum friabile admodum; fluens a calore lentescit instar picis; utraque sub forma misceri aquæ negat. Ab Alcohole solum nunquam ullo modo solvitur. Si componitur pulvis ejus cum quocunque acido, aut alcali, nec ullam quidem, vel minimam, notam ebullitionis, effervescentiæve edit. Ita, ut acidi, alcalive, sic effectus non edat. Si crudum humano ingeritur corpori, partita, sed repetita crebro, dosi, primas vias mire repurgat, tandem satis valide, tumque morbos quosdam cutaneos, verminosos, metallicos mercuriales, efficaciter sanat. Omnia quidem hæc, ultimis modo exceptis, jam in exemplis, coram Vobis, demonstravi, semper eodem modo vera.

U S U S.

Hinc natura Sulphuris, ut a natura porrigitur, intelligitur quodammodo: apparetque, cur terræ Resinam vocarunt Chemici, quamvis tamen in spiritu Vini, & in Alcohole, non dissolutum perftet, cæteris notis eo accedens.



PROCESSUS CL.

Flos Sulphuris.

APPARATUS.

1. **S**umo Sulphuris vulgo venalis Uncias vi, indo cucurbitæ terreæ Hessæ. Applico capitellum amplum vitreum. Juncturas claudio luto facto ex argilla & cineribus æqua parte mistis, cum aqua subactis. Tum immitto furno arenæ, ut arena cucurbitam fere tegat usque ad limbum alembici, rostrum alembici cum cucurbita debet aliquantum inclinare deorsum, ut humor defluat, appenditur excipulum. Ignem instruo lente, per gradus, tamdiu, donec videam, alembicum flavedine adscendentis sulphuris offuscari. Exibit parum aquæ, ex alembico inclinato destillans. Pergo, tum hoc igne prudentissime sustentato sic, ut calor non fundat flores in alembico, utque tamen sublimetur Sulphur. Hoc pede pergitur octo horis, in fine ignem augendo eousque, ut alembici limbus inferior tantum caleat, ut, si paulo plus calesceret, Sulphur funderetur. Erit Sulphur sublimatum in materiem flavam, tenuissime divisam, quasi tomentosam, tenuem, mollemque. Vocatur Flos Sulphuris.

2. Hæc sufficiunt quidem demonstrationi ad propositum nostrum. Cæterum sublimationes has peragunt integris furnis ad hoc instructis, & binas cameras habentibus; quarum una Sulphur habet sublimandum, huic ignis supponitur; altera, huic adstructa, perque foramina communicans, frigida tenetur. Utraque accuratissime obstruitur, ut nil aëris in alterutram venire queat. Sulphur tum de una camera furni igne actum, & volatile redditum, agitur in alteram frigidam, ibi colligitur. Operatione absoluta, omnibus frigefactis, aperiuntur furni, eximitur paratus Flos ex una camerula, vel recessu; instruitur iterum altera sulphure novo. Sicque urgens copia, parvo labore, paucis expensis, facile paranda, facit, ut Flos venalis Sulphuris, haud multo sit Sulphure ipso carior.

USUS.

Sulphur ita attenuatur, depuratur, cæterum non mutatur; evadit vero quam aptissimum ita in usus Medicos, dum intra corpus adhibetur: sic enim divisum pulchrius suas vires exercet in corpore; in usus Chirurgicos quoque, ubi exterius applicatur, rectius sufficit. Quoties in primis balsamis, linimentis, unguentis idem immiscendum erit. Cognoscimus inde miram hujus naturam. Quotiescunque enim sublimaveris iterato, semper manet idem, nec mutatur, nec fixatur. Nunquam igitur metallum potest fieri, nunquam compositionem metalli ingredi. Non ergo hoc Sulphur Philosophorum est; nec illud unquam de eo fiet: quum modo sit oleum acido separabiliter mistum. Quamdiu apertus aër non admittitur ad Sulphur calefactum in fusionem usque, manet illud ab igne immutatum: simulac vero liber aër accedit, ilico tum flammam capit, statim-

que deinde mutatur, dividitur in partes. Jubeat elevari hos flores de calce rubra Chalcanti Paracelsus, indeque natos flores exulcerato pulmoni sanando commendat. Feci, neque tamen didici quas inesse virtutes, quas idem adeo extulerat, præ vulgari flore.

PROCESSUS CLI.

Sulphuris acidus Spiritus.

APPARATUS.

1. **T**Empore frigidiusculo, humido, silente vento, funde flores purissimos Sulphuris, in ollula figulina, cylindrica, tres pollices alta, totidem lata. Postquam Sulphur accurate fusum, neque tamen accensum, pone vasculum sub camino, qui fumum non dispergit, sed sursum perfecte dirigit, in pavimento; incende tum fusum Sulphur, statimque superpone huic campanam vitream, ita ut medium illius capiat mediam flammam Sulphuris. Campana debuit supra vaporem aquæ calidæ prius tamdiu fuisse detenta, ut tantummodo superficies illius interna fuerit subhumidula. Debetque campana lateribus in triangulum dispositis ita inniti, ut flammam incensi Sulphuris tantum non extinguat; aliter, quo propius flammæ admovetur, eo melius. Simul ac flamma incipit fere extinguui, præsto sit aliud simile vasculum, plenum sulphure fuso, accensoque. Atque ita pergatur sedulo, tota die. Incipiet in campana colligi vapor gravis, acidus, de flamma Sulphuris exhalans, inprimis noctu, quando quiescit ardor. Campanæ applicatur parva ampullula vitrea, pro excipulo, ipsaque campana sic disponitur, ut liquor de campana parum declinante vergat in ampullam. Hac ratione, diu continuato tædio laboris, multiplicatis campanis, liquor colligitur flavus, acidus grate, ponderosus, ruber aliquando, & ad ignem mire fixus, ut gradu ignis æque magno elevari modo queat, quo oleum Vitrioli. Attrahit etiam aquam quam maxime: unde in vase aperto sensim pondere augetur. Si sollicitè omnia observantur monita, semper bene succedit operatio. Caveatur cautissime a vapore fumi.

2. Pertæsus fastidiosi operis Hombergius reperit methodum longe faciliorem, melioremque, qua Unciæ quinque 24 horis parantur. Quam vide Ac. Reg. Sc. 1703. pag. 31. & seqq. Scilicet recipiens vitreum, capacissimum quod haberi potest, in infima basi exscinditur in aperturam orbicularem, diametri octo, vel decem, pollicum: id fit primo inveniando centrum medium basios ampullæ, dimittendo per os illius superius filum tenue, unde globulus plumbeus penderet, qui sic tangat fundum, ut undique æqualiter a lateribus vasis distet filum pendulum. Notatur id punctum in fundo adamante satis profunde adacto. Puncto illi imponitur pes circini; interea alter pes scriptorius aperitur quinque pollices, & describitur puncto invento, ut centro, radio quinque pollicum circulus atramento. Quando ille ficcus, tum adamante circulus ille profunde inscribitur, quo profundius, eo melius. Præsto tum sit circulus ferreus, perfecte habens magnitudinem inscripti circuli. Igniatur ille, tumque imponatur crenæ inf-

criptæ; exsilit tum patina e fundo, linquitque basin apertam. Tum campanæ huic jam ita paratæ circa collum agglutinatur bono glutine lacinia larga ex linteo cannabino, cum anfulis, per quas funes trajecti possint tenere suspensam campanam æquabilissime. Sit tum vas figulinum cylindricum, sex pollices patens. Hoc sit plenum Sulphure fuso, puro, accenso; impone vas hoc tripodi figulino vitro incrustato, posito in medio elevato magnæ patinæ vitro obductæ. Suspende campanam dictam accurate supra medium flammæ, ita, ut non exstinguatur flamma, sed non remotius. Tac, Sulphur semper æquabiliter ardeat, supponendo novum affiduo, & crustam filo ferreo removendo, si forte dura ibidem concreverit; ut ita, sine interpolatione, destillatio queat continuari. Cætera, de madefacta prius vapore aquoso campana, de capiendo aëre frigido, humido, quieto, & de camino, jam quoque requiruntur.

U S U S.

Sulphur in flores sublimatum caret terra, metallo caret. Accensum post fusionem ardet in sola superficie aëri contigua; cærulea ejus flamma constat igne; oleosa inflammabili Sulphuris parte, in igne agitata; & acido fossili, altera parte Sulphur constituyente, in flamma agitato, attenuato, caustico, jam volatili reddito violentia flammæ. Ita igne consumitur pingue combustile, dissipatur acidum ponderosum, mox coagulandum proprio pondere, simul ac extra dispergentis flammæ vim dispersum. Hinc vapor hic adeo lethalis: quia acidum hoc, causticoraton, agitatissimum, applicatum nervis, qui musculos movent interstitia nectentes segmentorum cartilagineorum in arteria aspera, bronchiis, vesiculisque. Hinc spasmo convulsos contrahit adeo, ut pulmo in tussim anhelam quassatus frustra; penitusque contractus, non patiatur, se expandi ab aëris pondere, licet laborioso, at inani, anhelitu dilatetur pectus. Vapor ille conclusus cum fermentabili sistit fermentationem. Putrefactionem in omni facile putrescenti cohibet, si modo reperitur gnaviter. Unde & lustrator hic fumus contra pestilens venenum, ejus contagium sparsum, aut rebus affixum infectis. Hinc & scitur, cur incensi cum Nitro Sulphuris flamma, omnium vero maxime pulveris bellici, saluberrimus sit pestilentiae tempore fumus: Nitri, Sulphurisque, fulmineus, totusque acidus vapor, totum aëra emendat. Idem loco arcte clauso angusto animalia, infectaque necat. Spiritus hic Sulphuris, Oleum per campanam dictus, est ipsum Vitrioli oleum, quod in pyrite vitriolico hæserat, dein, oleo carbonum nuptum, Sulphur constituerat. Id docent omnia undique explorationum genera. Tantum in oleo Vitrioli labis metallicæ quid hære putatur, a quo Spiritus Sulphuris de floribus paratus liber est. Laboriose hercle, at subtilissime pariter, magnus Hombergius supputavit, quantum hujus acidi resideret in Sulphure, scilicet fere una pars decima. Ac. Reg. Sc. 1703. pag. 31. & seqq. Forte & inde capitur ratio, cur Alcohol non attingat hoc Sulphur? quia acido saturatum ejus oleum. Cur alcali, decima parte confusa vi ignis ad ipsum, faciat Alcohol id solvere? absorpsit acidum figens, oleum liberum in Alcohole sol-

vitur. Quare sulphur, acidis resistens, non solvitur per illa? Saturatum semel acido non admittit plura. Cur metalla cum sulphure fusa, vel calcinata, ea rodunt? Quia acidum Sulphuris, oleum proprium deferens, fortius trahitur in metalla, ea rodit, in vitrioli similitudinem convertit iterum. Hinc jam sapiant Chemicastri; qui sulphur quærunt figere; est tantum acidum hoc fossile, cum oleo combustili. Absistant eo figere metallicum Mercurium: non habent ingressum tam aliena in se invicem, nec possunt dare pondus, aut constantiam, adeo hîc requisita; imo vero nec simplicitatem, nec malleabilitatem. Cæterum Spiritus hîc Sulphuris purus redditus sola quiete, deinde Julapiis admistus gratis ad acedinem suavem, dat potum saluberrimum in omni omnino morbo inflammatorio, calido, siticuloso, putrido. Longævitati producendæ aptum ait Helmontius.

P R O C E S S U S C L I I.

Sulphuris solutio in Alkali fixo.

A P P A R A T U S.

Accipe florum Sulphuris purissimorum drachmas novem, fufis in catillo, adjice alcali fixi, siccissimi, minutim contusi drachmas duas, incipiet statim mutari Sulphur in odorem singularem, novum, in colorem ruberrimum; move mistum supra ignem fistula tabacaria, deinde bene fufum, riteque permistum, effunde supra marmor frigidum. Erit massa rubra, fragilissima, in aqua solubilis, in aëre cito diffluens: quum antea Sulphur omni aëris actioni solventi & aquæ resisteret.

U S U S.

Alcali fixum, igne actuosum, Sulphuri, per ignem fuso, per intima mistum, extrahit inde acidum, sibi unit. Mox natura Sulphuris resoluta in sua duo separata principia. Attamen oleum hîc non manet seorsum, sed unitum intime sali alcalino & acido, ut ortus ita sit subito mirus Sapo, acido, alcali, & oleo constans. Quare combinatio acidi fossilis & olei vegetabilis, quæ concurrebant in componendo sulphure, oleum mutavit in alienam a priori indolem; sed acidum fere immutatum latens, in resolutione idem rursus exit. Hinc intelligitur virtus alcali fixi in Metallurgia. Sulphur miscetur crebro metallis, facitque massam fragilem; cui mistum igne fusionis alcali rapit sulphur in se a metallica gleba, statimque Sapo jam levior supernatat, metallum fufum gravius, sulphure jam liberum, fundum petit catilli forma reguli; dum alcali in metallum potentiam, ingressumve, non habet. Hinc etiam, quando dubitatur, an gleba quædam fossilis sulphur in se contineat, teritur cum alcali, dein simul funduntur; alcali tunc sulphur solutum manifestat colore, odore.

PROCESSUS CLIII.

Sulphuris solutio in Alkali Volatili.

APPARATUS.

FLori Sulphuris purissimo commiscetur Spiritus Alcalinus, saturatissimus, ex Sale Ammoniaco, ex Cornu Cervi, ex urina, sanguine, vel quocunque simili; dein destillatio fit, & cohobatio, Sulphur ita solvitur. Si autem in vase clauso detinentur diu, sæpeque conquassantur simul, & ita tandem auream Tincturam elicimus.

U S U S.

Servit demonstrandæ potestati Alcalini volatilis in acidum Sulphuris, Shujusque mutationem inde pendentem. An vero possideat tantas in medicando virtutes, maxime ad pectoris mala, ut Princeps Chemicus putabat, merito dubitatur.

PROCESSUS CLIV.

Sulphuris dissolutio in Alcohole Vini.

APPARATUS.

Sulphuri, aperto prius per alcali fixum (Proc. 152.) adhucdum fervido ab igne, hincque siccissimo, subtilissime contrito in mortario calidissimo, siccissimo, dein in vitro sicco, puro, recondito, affundo Alcohol purissimum ad excessum quinque digitorum. Videtisne? ipso tactu solo Alcohol solutum ita Sulphur penitus solvit in liquorem saturatissime aureum, pinguem, spissum; qui conquassando multo adhuc meracior evadit. Quiescens dein liquor sincerus fœcibus supernatans effundatur seorsum, residuo novum affundatur Alcohol, iterum tingitur, quiescit, separatur, idque repetitur ita, donec nihil appareat tingi ultra Alcohol. Omnes Tincturæ servantur simul mixtæ. Erit liquor odoratus singulari prorsus, neque ingrata, fragrantia; sapore admodum aromatico, calefaciente, penetrante; hinc simili virtute medicata. Fœx autem relinquitur cinerea salina, terrestris.

U S U S.

Sulphur nativum ab Alcohole haud attingitur, licet una digerantur quam diutissime. Simulac apertum est per alcali, tam avide dissolvitur ab Alcohole, ut haud noverim aliam dilutionem celeriore. Hinc discitur potentia Alcalini in Sulphura, pro parando ingressu ipsi Alcoholi. Quum igitur sulphur in glebis fossilibus pluribus, inprimisque metalli-

cis, sæpius adhærescat, ibique tectum quidem latens, attamen veterem retineat naturam; hinc evenit, ut sæpe pro summis arcanis, metallicis, tincturis, vendita fuerit simplex hæc sulphuris Tinctura, & quidem principibus Viris. Memini, ita jactatam Auri tincturam, pro potabili suppositam auro, magno emtam pretio. Aurum scilicet erat Antimonio mistum crudo, dein alcali Tartari, aut Alcahesticum Glauberi, in igne fuerat confusum illi materiæ, dein toti simul contusæ, tritæque, in phiala Hermetica affusum Alcohol Tincturam dabat auream: hanc aio, esse meram modo Tincturam Sulphuris: nam aurum hic manet, ut semper, aurum. Stibium abundat vero sulphure. In fusione alcali hoc sulphur trahit, a gleba metallica separat, aperit. Alcohol dein, toti massæ una contritæ educit solam sulphuream alcali apertam partem, relinquit aurum, & antimonii partem metallicam, prorsus intacta. Utilissima hæc observatio infiniti prorsus usus est in aliis quam plurimis fictitiis tincturis examinandis: Simulac enim cognoscitur alcali requiri ad easdem faciendas, peritus Artifex ocyus cognoscit de Sulphure nasci: quia metallica, Chemicis Mercurialis dicta, pars ab alcali vegetabili nunquam attingitur. Interim Tinctura hæc Sulphurea præbet medicamentum mire calefaciens, ructus ciens, acido occurrens, pituitæ incidendæ serviens, si paucæ guttæ Hydromelle, aut Vino Hispanico, vel Syrupo quodam idoneo, exceptæ, hinc albescentes mox, jejuno potantur, titulo Lactis Sulphuris. Sed salubrem illam antiphthysicam medelam, ultimumque suppurantis pulmonis solamen, non potui in illa detegere, anxie licet quæsitam. Quod pace egregii Willisii dixerim, qui vires ejusdem hoc in morbo extulit, parcius ista Medicis laudanda puto.

P R O C E S S U S C L V.

Syrupus Sulphuris.

A P P A R A T U S.

Sulphuris per Alcali aperti drachma, si diluitur aquæ simplicis triplo, solvitur fere penitus, cui dein miscelæ si duplum, triplumve, Sacchari paulum cocti immiscetur, præsto erit Syrupi Sulphurati species, in qua vere Sulphuris aperta natura adest, poteritque ita commode fatis usibus adhiberi medicatis. Idem brevius fit, si Syrupi Glycyrrhizæ, similisve, sextuplo tantum miscetur.

U S U S.

Quid sentiendum Medicis de hoc quoque composito jam supra memoravi in Tinctura. Syrupus hic calefacit, siccatur, stimulat: raro hæc conveniunt tussientibus, phthysicisve, maxime dissolutis, assidueque sudantibus. Sed hinc bono magno cognoscimus, quam mire abscondi queant potestates Fossilium in omni fere genere rerum. Enimvero si gleba fossilis, metallis, & sulphure, dives, primo leniter ustulatur, mox conteritur, dein

dein cum Alkali fixo calcinatur; postea in Aqua, Syrupo, Vinò, Alcohole, aliisque quam facillime dissolvitur pars Alcalina, Sulphurea, latterque, accipit vero inde virtutem aliquam singularem, at caute explorandam prius, quam exhibeatur homini.

P R O C E S S U S C L V I .

Solutio Sulphuris in Oleo vegetabili pressò.

A P P A R A T U S .

Oleo cuicunque, vegetabili, pressò, in fictili incrustato vitro plumbi, igni imposito, adde florum Sulphuris quartam partem, simulac oleum eousque incaluit, ut eo caloris gradu liquefcere queat sulphur, tum statim sulphur fufum ibit ad fundum olei, instar ruberrimi, resplendentis, liquoris; manebuntque hoc in ignis gradu diu non mista. Quando autem sensim augetur ignis, prudenter tamen, ne materies nimia ejusdem vehementia capiat flammam; tandem, ubi fumare oleum incipit, miscebuntur oleum & sulphur intime, opacabitur uterque liquor, eritque concretum de his binis novum corpus penitus subactum. Si tum huic misto plus novi sulphuris adjeceris, poterit & hoc facile deinceps in eo fumanti, & fere ebullienti solvi; sicque tandem insignis pars sulphuris in parva copia olei solvi ita, ut priorem naturam sulphuris prorsus amittat.

U S U S .

Hic ille decantatus est Helmontii, Rulandi, & Boylei, Balsamus Sulphuris; de quo Nobiles Autores consulantur. Hunc ad calefaciendum, emolliendum, resolvendum, externe adeo commendant, ut nihil supra. Hunc interno ab usu laudant contra putrefactiones, suppurationesque, renum, pulmonisque, inprimis. In hoc tandem pulmonalis phthisios arcanum remedium, unicumque sufficiens, quærunt, invenisse affirmant. Puto, pingui acri, indigestili, calido, nocere debili pulmoni, ventriculo, visceribus, languidorum, appetitum opprimere, firim augere, torrere nimis jam pridem exsiccata per phthisin corpuscula. Quæ non temere effundo, sed explorata loquor meditatus: suadeo hinc parcum, prudentemque, cum anxia effectus observatione, usum: certe urente non caret rancedine. Externe, pallida, frigida, aquosa, mucosa, saniosa, manantia, ulcera, satis feliciter curans fecit, ut & similia interne præstari per illud posse contendat, forte paulo præcipitantius: quia febriculam usus internus excitat, fovetque. Pro Chemia intelligimus hoc de experimento, Sulphur, quod in oleorum subtilissimo omnium Alcohole intactum remanserat, idem in oleo crassissimo, inertissimoque, sed ad ignem validissime calefaciendo, fere perfecte, satisque cito, dissolvi. Quod claro erit exemplo in Historia Menstruorum, ut constet subtilitatem supremam, summamque penetrabilitatem, hîc non præstare, quod iners, lentumque, cito perficit. Sed & inde aliud assequemur. Sæpe mirantur Chemicî, fos-

filia multa intacta acerrimis acidis liquoribus, blando, inertique, oleo dissolvi feliciter. Sulphur omni resistit acido solventi: non enim datur acidum fortius eo, quod jam in Sulphure adest, in natura rerum cognita; quare cætera in illud haud possunt agere. Sulphur tamen oleo solvitur. Quoties igitur fossilis gleba oleo incoquens sulphureum talem balsamum promit, toties oleum egit in partem sulphuream materiæ, Plumbo forte excepto, cujus & metallum oleo solutum balsamum facit, ut Proc. 177. constabit.

P R O C E S S U S C L V I I.

Solutio Sulphuris in Oleo stillatitio, vegetabili.

A P P A R A T U S.

Accipio florum Sulphuris Unciam, hisce in phiala alta, chemica, affundo olei ætherei Terebinthinæ sextuplum, in furnulo nostro li-
gneo facio ebullire horæ spatium, Sulphur primo fluet in fundo, ejusque pars solvetur in oleo supernatante, cum crepitatione, tandem apparebit Sulphur solutum in Oleo. Tum frigescent sponte, Sulphur magnam partem specie spiculorum florum concretum erit in fundo, balsamo supernatante; ut ita appareat Sulphur, quasi verâ crystallisatione in hoc balsamo præcipitatum. Effunde omne liquidum supernatans accurate separatum a balsami aureis, sulphureis, crystallis, in vas sincerum seorsum. Sulphuri residuo affunde iterum oleum Terebinthinæ novum, coque, ut prius, solvetur totum Sulphur in balsamum. Sed refrigerata materies ponit iterum crystallos sulphureas. Iterum affunde novum oleum, ita pergendo, donec omne Sulphur sit accurate solutum, deprehendes, circiter unam partem Sulphuris requirere sedecies plus Olei hujus, priusquam integre solutum sit. Omnes ita paratos Balsamos retine titulo descripto. Sollicitissima cum prudentia opus hoc exercere oportet: quoniam periculosissimum; si enim os phialæ obturaret quis, ebulliens materies disploderet vas majori cum violentia, quam hætenus ullo alio experimento fieri potuit. De qua formidabili prorsus re videri poterit Clariss. Frederic. Hoffmannus.

U S U S.

Hinc igitur tenuius, penetrantius, acrius, Oleum stillatitium, non potest solvere Sulphur; licet blandum, crassum, iners, illud tam facile solvat, in Processu præcedenti: quare fere videtur, olea, quo subtiliora fuerint, eo minus apta nata Sulphuri dissolvendo, ut Alcohol imprimis docet. Patet etiam Sulphur in Oleis stillatitiis solvi, ut sal in aqua ad certam saturationem, deinde vero in crystallos excuti; vis explosiva in hoc balsamo sulphuris summa est, quæ usquam cognoscitur. Cæterum Balsamus hic constat oleo Sulphuris, oleo Terebinthinæ dissolvente, acido perfecto Sulphuris per campanam, & indomabili terra. Vid. Monum. Acad. Reg. Sc. 1709. pag. 46. Balsamus hic remedium est anodynum extemporaneum ad dolores nervorum. Summum medicamentum ad ulcera saniosa,

sinuosa, humida, aquosa, fistulosa. Interne calefacit, diureticum est, sudoriferum. Laudatur ad ulcera interna depuranda, sananda. Hinc Phthiſi, Renum ulceri, Calculo Renum pellendo, quin & solvendo, commendatur, nimis scil. laudibus. Prudentibus tranquilla laudatur potestas, violenta formidatur. Verissimum est lotium odore violaceo mox perfundi per parcum epotum hujus balsami. Hinc & oleis stillatitiis tincturæ fossilium per artem eductæ falso pro metallis solutis venditantur. Vocatur hic Balsamus Sulphuris Terebinthinatus. Quum vero huic alia olea stillatitia misceri queant, hinc a prædominante odore accipiunt nomina. Si Anisi oleum miscetur, dicitur Anisatus, ab aliis Succinatus, Juniperinus audire solet.

PROCESSUS CLVIII.

Sulphuris Balsami Sapo.

A P P A R A T U S.

1. **S**umitur Balsamus Sulphuris Processus 156, ille olei sui, cum quo confectus fuerat, duplo, triplove, diluitur, tum hoc cum diluto balsamo fiat Sapo perfecte ea ratione, quæ proposita fuit Processu 73; erit ille quæsitus; quem ex Helmontio quandoque tantis extulit laudibus Starkeyus in Pyrotechnia.

2. Vel accipitur Sulphuris Balsamus Processus 157, & cum eo fiat, loco olei simplicis Terebinthinæ, Sapo, eo modo, quo jam factum vidistis Processu 74; fiet enim ita Sapo Sulphureus Philosophorum.

U S U S.

ID boni habent Processus hi, quod doceant modos, quibus ipsa Sulphura, viva, fusa, naturalia, simplicia, quin & ea quoque, quæ semimetallis stricte adhærent, ut quidem Sulphur Antimonii, aliorumque, possint nubere salibus alcalinis, fixis, tumque cum his evadere in materiem, quæ omni fere miscibilis humori, queat ingredi in vasa corporis humani, humoribus ibidem misceri, virtutemque suam exercere. Ab his deinde mira, singularia, nec facile aliis obtinenda, effecta medica sibi promittunt Helmontiani: quoniam in sulphuribus hisce apertis agnoscunt efficacissimam virtutem dissolvendi, quæ odore, ingrato sane, & sapore valde penetrante, atque calefaciente, se manifestat. Sed sane in Saponibus descriptis Processibus 73, 74, idem habetur, absque fœtore, & ranciditate. Cognitioni Chemicæ profunt.



PROCESSUS CLIX.

Sulphuris Balsamus, aut Sapo, unitus Alcoholi.

A P P A R A T U S.

1. **B**alsamo Sulphuris Terebinthinaceo Processus 157, in phiala Chemica admiscetur sextuplum Alcoholis purissimi, fit dissolutio. Hæc, ubi quievit aliquamdiu, Sulphur ex Balsamo partim in crystallos sulphureas præcipitat, partim dissolutum tenet, dans Balsamum Sulphuris alcoholisatum.

2. Vel Sapo Sulphuris Terebinthinaceus Processus 158. N. 2. digeritur cum Alcohole vero, fitque similis plane dissolutio, penetrantissimi odoris, saporisque.

U S U S.

Hic meta Processuum de Sulphure. Sciendum vero, Sulphur, solutum Alcalicis, dein misto acido præcipitari, albescere, fœtorem ingratissimum putrefactorum excrementorum exhibere, mirasque statim apparitiones producere, quæ etiam in aliis fossilibus, ita tractatis, obtinent, indeque intelliguntur. Pro exemplo. Si Tincturæ aureæ Sulphuris Processus 154, Acetum instillas, mox fœtor prodit Stercoreus ex præcipitato Sulphure. Si Antimonium, pari Alkali confusum igne, Alcoholi dederit tincturam, admistu Aceti idem fit. Servient hæc intelligendis iis, quæ in fossilium semimetallicorum sulphureorum observantur Processibus.

PROCESSUS CLX.

Sulphuris ex Oleo & Acido confectio.

A P P A R A T U S.

Accipe olei stillaritii Terebinthinæ, purissimi, rectificati, uncias quatuor, hisce in retorta pura guttatim immisce olei Vitrioli optimi, a quo omnis aqua separata prius, Unciam; post singulas guttas moveri debet retorta: ut bene permisceatur. Tum calefcet, fumabit, rubebit, odorem exhalabit varium. Postquam permissio facta, digere spatio octo dierum. Dein, applicato amplo recipiente, fiat de furno arenæ ex retorta destillatio, bene conjunctis vasis. Prodibit liquor oleosus, novus, singularis. Materies in fundo apparet primo Bitumen liquidum, sensim erassescit, tandem evadit piceum bituminosum. Liquor prodeuns fœtore suffocante sulphureo formidabilis pulmoni est. Si prudenter, successivo augmento ignis, perficitur destillatio; tandem in fine Sulphur verum in cololum retortæ escendit, quod massa, incensioque docet.

U S U S.

Hinc Bituminis, Sulphurisque, artificiosa confectio cognoscitur. Quin & constat, acidum fixum Chalcanti, Aluminis, Sulphuris combusti, basin esse Sulphuris incombustilem. Alteram partem haberi oleum combustile quodcunque, purissimum. Hæc bina, intime unita, dant Sulphur. Hoc factum, si comburitur, pars oleosa dat flammam, sine fumo. Altera pars acida, in flamma prioris destillata, dat acidum, causticum, suffocantem, vaporem, antacalinum, antisepticum, ponderosum, non alte adscendentem, ad latera camini vitrei colligendum, destillantem in idem oleum Vitrioli. Videtur, oleum, inflammabile, purissimum, in Sulphur colligi, quale vix alibi haberi potest, atque repudiari crassum, non prorsus inflammabile, terreum, salinumve aliud, in hac combinatione. Diversa acida alia, quæ natura habet, aut ars perficit, cum oleo, non faciunt Sulphur. Acidum Vitrioli, ubicunque sit, vel lateat tectissimum, concurrit cum oleo inflammabili quocunque, ad Sulphur componendum. Tartarus Vitriolatus, Sal mirabilis Glauberi de Sale marino, Sal mirabilis Glauberi de Nitro, Sal Colcotharis, Alumen calcinatum, & alia, in quibus acidum hoc adest, quoties ope ejus combinantur cum oleo inflammabili, dant verum Sulphur semper. Hinc solum id acidum hac proprietate generandi Sulphuris gaudet, sed olea, inflammabilia, omnia, cum illo acido apta facere Sulphur. Nunquam hinc Sulphur gignitur, nisi ubi hoc acidum prius. Infinita hinc, & obscurissima quidem, hinc intelliguntur in Historia Chemica Fossilium, Metallorumque: quare semper hæc in memoria teneat necesse est, qui iis explicandis incumbit. Ex multis unum, alterumve. V. C. Becherianum. Sal mirabilis Glauberi fluat in igne, injice pulverem carbonum, fit flamma sulphurea. Fit in fundo materies rubrofusca. Solve aqua, præcipitata manet materia sulphurea vera. Cernis, oleum Vitrioli in Sale mirabiliprehendit inflammabile carbonis, fit Sulphur. Ergo in prævidendo futuro effectu operationis cujusdam Chemicæ, caute specularé, an oleum Vitrioli, Aluminis, Sulphuris, aperte, vel clanculum, adsit in rebus, quæ in operatione miscentur, anque simul inflammabile quid accedat: statim fiet actio Sulphuris.

P R O C E S S U S C L X I.

Sulphuris ex Alcohole, & Acido confectio.

A P P A R A T U S.


IN cucurbita alta, pura, vitrea, sint Unciæ octo Alcoholis Vini, purissimi, absque ullo alcali, per se sinceri, huic liquori guttatim instilla oleum Vitrioli, purissimum, post unamquamque guttam accurate permiscendo, & dein inter guttas singulas expectando aliquantum: nam aliter oritur ingens calor, cum vaporibus suffocantissimis. Perge sic instillando, donec Unciam olei Vitrioli instillaveris lenta admistione. Spi-

rabit liquor mistus suavissimam Abrotoni fragrantiam, quæ per ædes se diffundet. At cave ab eadem: habet etenim vim suffocantissimam, quæ parva copia pulmone excepta tussim excitat violentam; credo, si majore copia simul hauriretur, occideret suffocando. Erit liquor simul factus rubellus. Vasis dein, quam optime conjunctis, fiat lenis digestio spatio quinque dierum. Dein fiat destillatio lenis, vasis arctissime conglutinatæ, exhibit spiritus mire subtilis, sed fauces præfocans incredibili vi; qui tanto equidem periculosior, quo odore gratiore nares dolose allicit, ut pleno haustu odorem impertiat. Pergatur in hac leni destillatione tamdiu, donec materies mista nigrescat; ultima tum pars hujus electi spiritus erit quam fragrantissime suaveolens; atque incipiet tum aliquid acidi, quod in primo liquore non aderat, exire. Mutatur tum recipiens, ignis instituitur lenis, at continuus, ut liquor adscendat lente: si enim momento temporis nimis urges, mira materies statim flatulenta prorsus ita intumescit, ut rarefacta uno impetu transcendat per vasa, totumque opus turbet. Si suaviter ita destillatio peragitur, adscendet aquosus fœtidus liquor, & cum eo liquor ponderosus, purus, limpidus, in phlegmate illo non permistus constans. Postquam omnis & hic liquor abductus, & liquoris plusquam media pars ablata destillando, mutetur iterum recipiens, fiatque destillatio per gradus, igne tandem etiam summo. Exhibit fœtidus liquor. Qui neque ponderoso illi liquori miscetur. In fundo vasis restat materia nigra, fragilis, acida, non inflammabilis, at aliter utcumque sulphuri quodammodo accedens. Ita quidem, ut hac arte triplex, distinctissimus liquor de hac miscela prodeat, & gignatur suffocans sulphureus Vapor, remaneat fœx fixa prorsus singularis indolis.

U S U S.

Acidum fortissimum Fossile, cum oleo subtilissimo Vegetabili, Alcohole, sola miscela immensum adeo calefcit, ut imprudenti mixture fere inflammetur, efficiatque effervescentiam notabilem. In ipso momento permissionis oritur suavissimus odor, late sparsus. Diuturna digestionem tetricus inde alii fœtor. Odor ille suaveolens suffocans acidum secum vehit. Separatur hinc primo spirituosus liquor, fragans, suffocans, inflammabilis, acidulus; quum oleum Vitrioli paulo ante fuisset adeo fixum, nec ullo modo fragans. Secundo prodit liquor, fœtidus, sulphureus, aquosus, non inflammabilis, acidus; quamvis neque in Alcohole, neque in oleo Vitrioli, multum aquæ reperiretur. Tertio limpidus hic, ponderosus, grate aroma exhalans, sapiensque liquor, prodit, prioribus illis misceri negans, in Alcohole Vini dissolvi patiens, tumque de Auro calcinato tincti quid eliciens. Hinc pro oleo Vitrioli Philosophorum habetur; est certe oleum Vitrioli dulce. De quo vide Isaacum Hollandum, Conradum Gesnerum in Euonymo, Boyleum in Orig. Form. 282 ad 290. Præcipue Hoffmann. Dissert. Chem. Phys. 173 ad 180. Fœx atra cum aqua pura affusa redit fere in oleum acidum Vitrioli. Videte hinc, quam multa, quam parum prævisa, ex combinatione hac oriantur. Estne hic ille Spiritus Vini Philosophorum, qui fragranti suaveolentia allicit vicinos, dum conficitur? de quo Lullius scripsit? Estne hic Spiritus Vitrioli dulcis, fra-

grans, Paracelsi, in quo Antepilepticum posuit auxilium? Estne Tinctura de auro cum illo parata species quæsitæ Auri potabilis Paracelsi, in stomacho Struthionis digesti? Sane operatio hæc excitat vere curiosos, qui quarant cum prudentia, an tantorum arcanorum aliquid hîc lateat? Nobis constat, absolutum Sulphur hîc non gigni, proprietates quasdam Sulphuris interim hîc enasci.



III. IN METALLA.

PROCESSUS CLXII.

Ferri Vitriolum.

APPARATUS.

1. **O** Leo Vitrioli optimo, purissimo, guttatim instillato in aquæ purissimæ octuplum, in vase urinali puro, accurate semper miscendo, concutiendoque, fiat liquor purissimus acidus. Huic dein injice Ferri vulgaris limati, recentis, non rubiginosi, purissimi, aliquam portiunculam, fiet ebullitio ingens, liquor evadet opacus, cinerei coloris, & calidus. Vapor exhibit prorsus fossilis, singularis odoris, in quo aliquid alii subapparet. Sedata effervescentia, & solutione peracta, denuo scobis ferreæ quid injicitur, sicque pergitur, donec Ferri injecti pars nec dissoluta in fundo vasis remanet. Dein liquor quiescat, ponat fœces, evadet purus, supernatans, viridescens, saporis subdulcis, styptici.

2. Liquor purus supernatans, colo papyraceo trajectus, evadit limpidissimus, viridescens quam gratissime. Tum exceptus urinali purissimo, cogatur leni igne, donec aqua exhalet ad apparitionem cuticulæ. Ponatur vas in frigido, humili, quieto, loco. Brevi concrenent in fundo glebæ nitidæ, pellucidæ, virides, instar Smaragdi. Hæ ab effuso liquore separatæ, in aëre puro, sicco, tepido, in charta positæ, lente siccata, in vitro servatæ, diu tales perstant. Liquor superstes, iterum spissatus ut prius, novas crystallos generat. Sicque tandem totus fere liquor in Vitriolum cogitur; ea tamen lege, ut primæ sint optimæ semper.

U S U S.

M Etallum Ferri trahit in se acidum fossile ex oleo Vitrioli in aqua diluto, plane ut Alkali fecerat in Tartaro Vitriolato, Processu 148: unde hoc respectu Ferrum alcali convenit. Tum vero acidum ferro unitum induit solubilitatem in aqua, adeoque acquirit sic ingenium salis metallici hoc compositum. Id constat aqua, metallo, acido, certa proportionē adunatis in unum, tumque semper, tamdiu, manet hæc massa æquabilis, nitida, pellucida. Simulac aqua inde elicitur sola calore paulo majore, tum statim opacatur tota massa. Amittit gratam viriditatem.

Acquirit colorem cinerescens. Hinc igitur iterum crystallos salium imitatur & hoc quoque respectu. Hinc vocaverunt Chemici Salem Martis : quia & ad ignem fluit. Dixere alii potius Martis Magisterium : quia totum Ferri corpus solventi suo concrevit in massam penitus æquabilem. Vocabant & Vitriolum Martis, quoniam perfecte, omni dote, Chalcanthum fossile, nativum, refert. Intelligimus adeo modum, quo dura Metalla, associatione acidi, evadant similia salibus, diluenda in aqua, potabilia adeo. Tumque saporem acquirere novum metallicum, salinum. Induere simul facultates singulares in corpus humanum. Si Sal Martis, dilutum aquæ puræ centuplo, potatur jejuno, ad Uncias duodecim, cum leni deambulatione, aperit, laxat, purgat, urinas movet, lumbricos necat, pellitque, fæces alvi aterrimas tingit, aut instar terræ argillaceæ format, fibras roborat, hacque ratione, multos, hosque diversissimos, morbos sanat. Sapor, odor, color, fæcum tinctura, faciunt, ut hinc plurimi putaverint, Acidulas medicatas ita quoque a natura productas : potissimum quidem, quoniam uterque liquor, aëri expositus, fæcem flavam, ochram dictam, ponit satis copiose. Sed Clarissimus Hoffmannus sapienter hunc errorem sustulit aliis experimentorum successibus, in nobili opere de Aquis Medicatis. Interim omnino sciendum, Salem hunc Ferri, occursum alcaliscentium, & putridorum, absorpto acido suo dissolvente in fæcem adstringentem, ponderosam, inertem, metallicam, verti, tumque obstructions facere quam pessimas : hinc nocere in febribus putridis. Sed & scimus, Ferri scobem potatam debili sexui, languenti, acidum parienti, ructus alii, vel & ovorum rancidorum, parere ab occurrenti acido, hinc calorem nasci in corpore prius deficientem, tumque excrementa fere nigrescere ; tum prodesse longe magis limati Ferri pulverem, quam laboriosissime præparatum inde arte Chemica. Quare & scitur, acido laborantes juvare, nocere vero biliosis, calidisque. Tandem nos docet experimentum hoc rite excultum originem Vitrioli metallici viridis in tota tellure, scilicet de Ferro roso per acidum fossile vitriolicum. Denique Atramenti fere omnis confectio hujus inprimis experimenti sequela nititur.

P R O C E S S U S C L X I I I .

Vitriolum Martis cum Tartaro Ludovici.

A P P A R A T U S .

1. **A**ccipe Vitrioli Martis non acidi, sed perfecte saturati, partem unam, Crystallorum Tartari partes quatuor, Aquæ pluviae partes viginti, hæc simul ebulliant in vase vitreo, sæpe movendo baculo ligneo, donec sit massa cinerea, spissa, & fere firma consistens, accuratissime cavendo ambustionem vel minimam. Dein massa indatur phialæ chemicæ altæ, affundatur spiritus Vini vulgaris, ut emineat quatuor digitos, ebulliant simul spatium horæ unius, alteriusve, supernabit liquor ruber. Frigefactis, effundatur liquor supernatans purus, & percoletur. Residuum cum novo spiritu Vini tractatur ut prius, idque protrahitur, quamdiu

quamdiu tingitur rubedine spiritus. Omnes deinde Spiritus simul collecti puri, dant Tincturam Ferri medicatam Ludovici.

2. Quando parata sic Tinctura destillat ad apparitionem pelliculæ, auferitur Spiritus, Tartarus cum Sale Ferri concrefcit in Cryſtallos medicatas. Quin etiam ſi reſiduum a coctione cum ſpiritu Vini, cum decuplo aquæ ebullit fortiter, colatur fervide per pannum, idque repetitur aliquoties, donec liquor obtinetur limpidus, ſemper cum nova aquæ ſufficientis affuſione coquendo, colandove, donec omnis materies ſoluta, & percolatu pura, evaſit, dein liquor hic inſpiſſatur ad pelliculam, ſicque loco frigido, quieto, reponitur. Habetur iterum Tartarus Martialis, aperiens, Ludovicianus, hoc titulo ſervandus vaſe clauſo.

U S U S.

M Edici obſervaverunt Vires medicatas Ferri eximias, præcedenti Proceſſu utcunque expoſitas, tamdiu valere, quamdiu blando acido concurrente maneret Ferrum ſolutum; evaneſcere vero, & in calcem noxiam præcipitari, ſimulac Alkali occurrebat. Hinc prudentes junxere Ferri Salem cum Acido Vegetabili ea ſpe, ut ita per corporis officinas ſpecie ſalina conſtantius ſervata pergeret, ageretque. Hæc ratio jungendi ſalis Martialis cum ſale acido vegetabili, oleoſo, Tartari; ne facile in corpore præcipitaretur in crocum, vel cinerem, adſtringentem. Solet aperire, attenuare, roborare, ſtimulare, per vias alvi, renumque, moderate evacuare. Hinc Leucophlegmaticos, Scorbuticos, Ictericos, Hypochondriacos, Hyſtericas, laxos, debiles ab inertia, Rachiticos, Verminofos, curare. Tinctura bibitur mane, jejuno ventriculo, pondere drachmæ in ſextuplo aquæ dilutæ, ter repetendo, ſingulis vicibus Uncias quatuor Seris Lactis tenuiſſimi ſuperbibendo, cum levi deambulatione, ſine ſudore. Id continuatur novem dierum curriculo, magno ſæpe bono. Pueris rachiticis, & verminofis, inde cachecticis, pauca guttæ, in ſyrupo vel melle datæ, ſufficiunt. Tartarus ille chalybeatus drachmæ pondere mane hauſtus ſufficit in eoſdem uſus. Hincque addiſcitur modus Metalla verendi in formas, virtuteſque, medicatas, cum prudentia adhibendas dein. Effectus optimus in hiſce habetur, ſi alvus inde leniter mota fæces nigras, vel cinereo colore, educit.

P R O C E S S U S C L X I V.

Vitrioli Martis Calx, alba, cinerea, rubra.

A P P A R A T U S.

1. **A** Ccipe optimi Vitrioli Ferri ſemiunciam, ſiccam, in mortario vitreo tritam in pollinem ſubtilem; hunc in patella pone vitrea ad calorem centum & quinquaginta graduum, aſſiduo movendo bacillo ligneo, exhibit parum aquoſi vaporis, fietque pulvis inſtar farinæ albus, tenuis, ſaporis atramentofi, dulcis, ſtyptici; eſt Calx alba.

2. Si Calx hæc majore igne trecentorum fere graduum urgetur, fiet magis cineritii coloris, saporis austeri.

3. Quando autem aperto igne in crucibulo ustulatur Calx hæc secunda, flavet, rubet, tandem in pulverem coloris purpurei rubri vertitur. Cujus sapor austerus, atque caustici quid habens. Quo vero violentiore, magisque diuturno agitur igne, eo hæc posteriora in eo plus augentur; ut tandem causticus fere evadat pulvis.

U S U S.

Hinc Vitriola, Salefve, Metallica, expulsa aqua, amittunt formam pellucidam statim, labuntur in cineres quasi, quare actio hæc Calcinatio, resque producta Calx dicitur. Quando autem validiore aguntur igne, tum ne quidem in aqua solvi ulterius possunt, sed manent indissolubiles, ut in Calce tertia semper apparet. Prima Calx in Medicina laudatur: quia vim nativam retinet, facile saccharo miscetur, tumque pueris commoda medicina fit. Solet putari, quasi acidum forte abundans hæc calcinatione expelleretur; sed oleum Vitrioli tantillo igne non patitur se expelli. Calx secunda vires habet similes quidem, sed paulo magis adstringentes, minus in aqua solubiles. Tertia vero insolubilis in corpore nostro, & violentia tamen caustica prædita, raro interne adhiberi tuto potest. Externe pulchrum dat remedium ad erodenda, & dein consolidanda, labia ulcerum malignorum, sistit fluxus lymphathicos, sanguineos, ferrosos. Si autem rubra hæc Vitrioli Martis Calx torretur diu, valido igne, dein ebullit in aqua, reddet aquam acedine vitriolica imbutam. Si pergitur hoc faciendo, donec aqua ultima affusa insipida inde redit, manebit pulvis ruber, insipidus, adstringens, qui Crocus Martis adstringens appellari solet, corpusque Ferri calcinatum acido, & igne, exhibet, hinc adstringendo adhiberi fuerus. Aquæ autem acidæ illæ, inspissatæ ad pelliculam, dein repositæ, aliquid salis Vitrioli reddunt.

P R O C E S S U S C L X V.

Martis liquor per deliquium.

A P P A R A T U S.

SI Calx rubra Processus præcedentis, non abluta per aquam, sed calcinata fortiter, in pollinem trita, vitro excepta, aëri humido exponitur, madescit, tandem in speciem quandam materiæ liquefcentis, rubræ, vertitur, quam Oleum Ferri per deliquium appellare queunt.

U S U S.

IN Vitriolo Ferri est acidissimum Fossile, una cum aqua. Separata per ignem aqua, restat acidissimum sincerum siccum cum metallica parte sola. Acidum impatiens sicci attrahit de aëre aquam, inde humescit. Hæc

ratio vera rei natæ. Atque eadem obtinet in omni casu simili. Interim Metallæ soluta suis acidis, dein exsiccata, in aëre humectata, resiccata iterum, rursus resoluta aëre humido, sæpe repetita hac coagulatione, & inspissatione, tandem mirifice aperiuntur, resolvunturque, ut & tandem volatilia fiant. Cæterum Metallæ Calx ita humido aëris liquefscens vim eandem habet.

PROCESSUS CLXVI.

Vitrioli Martis Tinctura aurea.

A P P A R A T U S.

CAlci ruberrimæ Vitrioli Martis paratæ Processu 164 N. 3, siccatis-
simæ, affunde in phiala alta Chemica, spiritum Salis marini dulcem,
optimum, copia vigecupla. Digere mensis spatio. Habetur liquor aureus,
subdulcis, stypticus, atramentosus. Si, ablato per effusionem hoc liquore,
novus spiritus affunditur, sicque opere repetito pergitur, pulvis metalli-
cus tandem superest iners, Tincturæ paratæ habebuntur.

U S U S.

HOc experimento constat, posse duci de metallis liquores tinctos co-
lore notabili, sine solutione totius corporis tamen; vere enim
tinctura hæc continet de Ferri corpore: quoniam una tincturæ hujus gut-
ta incredibilem vim possidet in atro colore producendo; ut in fine Lec-
tionum visuri eritis. Attamen spiritus ille poterit nunquam omnem illam
calcem dissolvere, sed tantum partem elicere solvendam. Pauca guttulæ
liquoris hujus Vino Hispanico exceptæ, jejuno potatæ, instaurant, ver-
mes occidunt, vires incitant. Aurum medicum Magi Chemici in Marte
ponebant. An forte hoc ergo Aurum eorum Potabile, medicatum? Vid.
Tachen. Hippocr. Ch. p. 11. Basiliumque Valentinum de hac Tinctura.

PROCESSUS CLXVII.

Ferrum solutum in Vino Rhenano.

A P P A R A T U S.

FErri communis, recentis, nullo modo rubiginosi, subtiliter limati,
Unciis duabus, in phiala alta Chemica admisce Vini Rhenani gene-
rosissimi Uncias viginti quatuor. In furno nostro ligneo digerantur simul
calore 200 graduum, per tres, quatuorve dies, sæpe concutiendo. Dein
requiescant viginti quatuor horis. Supernatans vinum nigrescens perco-
letur. Purum vase arctissime clauso fervetur. Erit sapore atramenti, sub-
dulcis, styptici. Residuo novum Vinum eodem modo tractandum affun-
datur. Prodibit quidem ferratum Vinum, at nullo modo conferendum

præcedenti : brevi enim id singulare Ferro deest , ablatum per vinum separando potius , quam totum metalli corpus solvendo ; est tincturæ , non solutionis , species.

U S U S.

Apparet hinc , esse in Ferro partem in hoc leni acido , fermentato , oleoso , vegetabili , solubilem , alteram , quæ non soluta manet in eodem. Prior pars est summum remedium , mihi hætenus cognitum in arte , & natura , ad instaurandam vim hæmatopoieticam corpori humano , quoties hæc sola ex debilitate nimis laxorum solidorum , & humorum minus levi , aquosa , frigida , inertis , indolis exoritur. Si ullo experimento probatur eximia potestas medicata Metallorum , certe hoc unico demonstratur : neque enim ulla rei vegetabilis , animalisve , virtute , nulla victus regula , id quis efficiet in casu dicto , quod hoc Marte conficitur. Nocet , ubi vires vitæ nimix , sive ex firmis , sive ex fluidis. Cogitavi sæpe , hoccine Sulphur esset Metallum potabile debilitati naturæ unice succurrens ? jactato auro potabili , hætenus evulgato , infinities melius , nunquam noxium , quoties datur , ubi requiritur. Scimus hinc etiam Ferrum partem habere haud adeo remotam a vegetabilis , imo & animalis , natura. Facillime fane solvi. Si hujus Vini ferrati drachma , triplo sacchari ad consistentiam cocti miscetur , certaue lege , in casu idoneo , propinatur , auxilium adfert pueris , virginibusque , incomparabile prorsus.

P R O C E S S U S C L X V I I I.

Ferrum solutum in Aceto.

A P P A R A T U S.

Ferri limati recentis Unciæ Aceti stillatitii acerrimi viginti Uncias in phiala alta Chemica affunde , ebulliant simul in furnulo ligneo , spatio viginti quatuor horarum. Habebitur , postquam frigefacta quieverunt , liquor ruberrimus , valde stypticus , ingrate subdulcis , & simul spissior præcedenti cum vino facto. Hæc colata , depurata , Tinctura Martis adstringens , ipsa vitra , quibus servatur , indelebiter fere tingit. Si residuæ scobi novum , simile , Acetum affunditur , iterum tincti quid educitur minori quidem copia , coloreque magis diluto , attamen ferratum. Tandem linquitur pars satis magna metallica in aceti liquore porro dissolvi negans.

U S U S.

Mirum fane , quam sit magna differentia , inter Tincturam Martis paratam aceto , aut vino : sive colorem , saporem , odorem , spissitudinem , effectus , consideremus. Sane liquet , metallum hoc facili quidem , at varia prorsus ratione , solvi ab acidis. Virtus medicata in hoc soluto ferro per acetum mire adstringens , hinc roborans , vermibus adversa , neque nimis proinde temere ubique adhibenda. Si cum Saccharo

potatur tractabilius evadit. Quam facile Ferrum solutum corpora hominum ingreditur, quam sæpe! quum acidis quotidie tractetur, tractatum solvatur, solutum poterit. An ideo autem irrepens, humoribus intime mistum, ipsi urinæ calculo gignendo serviat? quæ Listeri opinio. Certe ubique fere nasci, ubique quotidie consumi, sic prodire de terra, redire in eandem, certi sumus. Si ullum metallum mutabile, si destructibile ullum, certe hoc erit.

P R O C E S S U S C L X I X .

Ferri sublimatio cum Sale Ammoniaco.

A P P A R A T U S .

A Ccipe limati recentissime Ferri Uncias quatuor; Salis Ammoniaci florum tantundem bene siccorum. Conterantur simul in mortario vitreo, quo longius, eo melius. Incipit statim prodire de binis hisce, antea prorsus inodori, vapor volatilis, subtilissimus, quasi alcalinus: quia acidum Salis Ammoniaci trahitur in Ferrum, hincque pars volatilis, alcalina, ejusdem, liberari incipiens, sponte avolat. Tum præsto sit cucurbita vitrea, capax satis, sicca, pura, atque supra satis lata; cui indatur pulvis paratus ita, ut in fundo cucurbitæ satis late explicatus sit. Alembico arcte applicato, & commissuris glutine communi, farinaceo, obturatis, applicetur excipulum. Tum committatur cucurbita arenæ furno, atque obruatur arena usque ad limbum alembici aggesta, solo ita capitello emergente. Instruatur ignis primo, ut sit ducentos viginti gradus fortis. Prodiit vapor acer, stillabitque in liquorem penetrantissimum, alcalinum, maxime volatilem. Quando hoc ignis gradu nihil amplius adscendit, augeatur ignis, ut alembici caput caleseat: adscendere incipient exhalationes albæ primo, mox variorum colorum, tandemque igne continuato tota alembici interior cavitas obducetur mistis, variegatisque, coloribus albis, rubris, flavis, viridibus, subnigris; ut variis picturis flores plane referat. Unde & nomen tulere. Pergatur tali ignis gradu spatio sex, vel octo, horarum. Dein frigescant omnia. Habebitur in excipulo liquor aureus, volatilis, alcalinus, penetrantissimus, cum pauca materie alba, & flava. In alembico, ejusque rostro materies subtilissima, sicca, variorum, pulcherrimorumque, colorum, quæ ocyssime inde ablata, vitro sicco, calido, ilico accuratissime obturando, recondenda: nam quam citissime solet ab aëris humido solvi, tumque statim decurrere in liquorem aureum, pinguiusculum, austerum salinum. Priori forma sicca appellatur Flos Ferri; posteriori humida vocatur Oleum Ferri per deliquium. Ad latera cucurbitæ hæret undique eadem materies florum, sed magis compacta, & vi ignis majori quasi fusa, hinc consolidata. Quæ etiam sollicite inde ablata sicca fervanda. Tandem in fundo cucurbitæ supermanet materies fusco-rubra, saporis austerissimi. Materies hæc, sicci impatiens, aëre humido statim solvitur, decurritque in liquorem spissum, aureum, adstringentem; spissum quod est alterum Oleum Metallicum per deli-

quium. Solet autem aëri exposita mire intumescere, sicque speciem fermentationis aliquam referre. Cæterum flos elevatus, hocque residuum, per plurima differunt.

U S U S.

SAL Ammoniacus, spiritu Salis Marini, & Alkali volatili animalium constans, per tritum cum ferro, acidum suum metallico ferri pro parte adunat, eaque parte aliquid alcalici liberat, quod volatile secedit. Altera pars Salis Ammoniaci naturam suam retinens, mista ferro per acidum eroso partem singularem ferri, aliter in igne adeo fixi, sursum rapit, dividit, sublimat. Neque enim adeo, quam quidem scribitur, facile est omnem Ferri materiem ope Salis Ammoniaci in altum elevare. Sed & hîc illud videtur dividi in partem magis volatilem adscendentem, aliamque fixam magis, quæ in fundo manet. Utique sic mihi apparuit, ut & hinc Ferri separabilitatem in diversa intellexisse viderer. Cognoscitur hinc quoque singularis Ammoniaci Salis volatilitas, qua valet sursum rapere divisum Metallum, propria ex natura adeo quidem fixum, adeo durum fusu. Quare Philosophi iterum Avem rapacem, Aquilam albam vocavere, ut & Clavem ad referenda Metallorum corpora. Flores hi habent vires fere easdem, quas in Ente Veneris dicto Boyleus laudaverat. Est enim hoc medicamen, mirifice instaurans, calefaciens, aperiens, habetque metallici Sulphuris apertum corpus. Quin anodyna quoque in eodem vis, sæpe feminacortica. Cæterum Flores siccissimi cum Alcohole puro digesti Tincturam dabunt satis largam, auream, metallico-sulphuream. Fœx vero residua, Alcoholici nupta, similem exhibet. Qui curiosi, laborumque patientes, residuum Ferri Salisque corpus, aëri exponunt, ibi solvunt, iterum coagulant, inspissant vicissim iterum, tandem id metallicum tam mire, tam profunde eviscerant, ut nec olei, nec operæ pœniteat unquam. Quis Chemicorum nescius regulæ toties inculcatæ, solve & coagula? An tandem repetito opere Mercurius de Metallo ita resolutus prodit? Mihi tentanti equidem necdum successit. Sed infiniti usus experimenta metallica cum Sale Ammoniaci.

PROCESSUS CLXX.

Martis cum Sulphure lusus.

APPARATUS.

1. **L** Imaturæ Ferri, florum Sulphuris, ana Unciam accurate, diu, tere simul in mortario vitreo, quo diutius, eo rectius: calefcent, olebunt. Dein pollinem subtilem coque in aqua, spatio semihorii, decoctam aquam effunde, cola, ferva. Residuum iterum sic tractato. Aquas omnes collectas, atque atramentosi quid sapientes, inspissa. Reperietur aliquid Vitrioli Ferri purissimi.

2. Aliam talem Ferri, Sulphurisque, miscelam, rite paratam, ad Un-

cias VIII, cum aqua depse, ut pasta fiat crassa. Hanc in fictili arcte comprime. Repone. Incipit brevi, sponte, calere, æstuarè, fervere, emittere fumos, tandem & sæpe ignem concipere. Ubi deferbuit impetus, reperies mutatam materiem, inque massam conversam æquabilem. Hanc accurate contritam coque cum aqua, ut in priore casu, elicies Vitriolum Ferri quam purissimum, pulchre medicatum.

3. Sulphuri ad ignem fuso intinge virgam ferream aliquamdiu, evadet calcinata, friabilis, pars immissa. Si eidem fuso Sulphuri limati Ferri tantundem inspergis, Calcem obtines Ferri, quæ trita dein fere similia dabit.

4. Ferro ignito illitum Sulphur facit stillare mox guttas metallicas calcinatas, quæ contritæ similem Calcem dant.

U S U S.

IN his quatuor experimentis, oleum Chalcanti acidissimum, quod in Sulphure constituit partem alteram, si tritu, vel fusu, per multiplicatas superficies, attingit metallicum ferri, incipit agere eodem modo, ut in Processu 162 jam expositum fuit. Deferit oleosam, alteram suam partem, seque ferro jungit. Quum vero actio hæc summum semper calorem gignat, mirum non est, si tandem alteram oleosam, facile inflammabilem, partem accendit; quando nempe copia magna, satis compacta, penitus contrita, & compressa, simul adhibetur. Vid. Acad. Reg. Sc. T. 2. pag. 52. Simulac vero, ullo horum modorum, acidum Sulphuris metallum rosit, nata est materies Vitrioli Martis, & quidem purissimi: quia in flore Sulphuris inquinamentum metallicum abest. Hinc acidulæ ferratæ artificiales hoc modo gigni vere poterunt. Crocos vocabant a colore hos pulveres Chemici, & quidem aperientes: quia vitriolica virtus his aperiens aderat; quum alii pulveres, acido & igne parati, adstringentes dicti fuerint. En, Auditores, in his Processibus, ab 162 ad 171, puto, Vobis exhibitos coram præcipuos modos, quibus Metallum hoc mutatur ita, ut tandem inde variis sub formis alia producantur semper, & aliquando ea, quæ vi ignis, aliave, idem metallum reddere nequeunt. Sed tamen in singulis metallis singularia quædam contingunt: quare eo respectu varietas operationum requiritur.

P R O C E S S U S C L X X I.

Plumbi Calx vapore Aceti.

A P P A R A T U S.

EN, videtis hanc amplam cucurbitam, ita abscissam, ut orificium habeat valde patulum. Huic respondet amplus hic alembicus. In hoc alembico sic accommodo tenues lamellas Plumbi, ut intra cavam fossam annularem alembici circumponantur satis erectæ, neque delabi potentes. In cucurbitam infundo Acetum. Pono in furno arenæ. Impono alembi-

cum cum lamellis Plumbi. Applico excipulum, leni igne destillare cogo Acetum duodecim horis. Dein absistens relinquo duodecim horis frigida omnia. Lamellæ tum exsiccentur leniter. Albescunt, squalent pulvere albo. Qui pede leporino deterfus Cerussam dictam exhibet albam. Si repetito labore sic pergitur, totum Plumbi corpus in pulverem illum album convertitur, prorsus insipidum, inodorum. Aceti interim elevatus vapor in liquorem densatus albescentem, turbidulum, dulcem, nauseosum, stypticum, est Acetum Plumbi, sive Plumbi solutio.

U S U S.

TAm facile, a leni adeo acido, corroditur Plumbum, aque malleabili sua specie in dissolutum pollinem, lamellasve fragiles, squamosas, cito vertitur. Liquor vero destillans, plumbo soluto prægnans, est vera Plumbi solutio, ex qua inspissata Sal Plumbi verus nascitur. Hæc operatio in aëre, acidis fœto, assiduo fit in plumbum expositum: unde tandem plumbata ibi exposita in calcem albam difflantur, eo quidem citius, quo pluri scatet aër acido. Si hic idem Processus fit cum Ferro, Cuprove, solventur & illa in superficie, in calcem rubram Ferri, quæ Ferrugo, vel viridem Æris, quæ Ærugo, inque liquorem aurei coloris de Ferro, prorsus viridem de ærugine. Cerussa autem hæc, ita nata, composita pariter est de aceti liquore acido & corpore soluto plumbi. Sed acidum ibi latet, ut & jam in Ferro vidimus. Cerussa hæc auxilio est aquosis, ulcerosis, stillantibus, ulceribus, cutisve vitiis, si iisdem adspargitur. Pulvis ille tenuis, inspiratione ductus in pulmonem, asthmata creat terribilia, insanabilia fere, tandem lethalia. Si ore receptus, deglutitur cum saliva, pessimos creat morbos visceribus, languores, debilitates, dolores, oppressiones, intolerabiles, tandemque mortem. Tetra hæc mala, at quotidiana, videntur apud eos, qui plumbum quomodo-cunque tractant, maxime autem, qui album plumbi conficiunt: caveant homines venenum, quod odore carens, & sapore, tanto pejus afficit, quo irrepit tectius, nec se manifestat nisi in devictis jam corporibus. Discitur hinc quoque, quam facile amittat naturam metallicam Saturnus, inque calcem vertatur. Id vero omni modo patet: in fictili non incrustato leni igne Plumbum funditur purum, apparet facie puri Argenti vivi, mox opacata superficies pelliculam gignit, hæc si tudicula ferrea caute aufertur est species Calcis, nitefcit superficies, renascitur pellicula, auferturque; ita totum plumbi corpus in talem spumam mutatur. Quæ venenata pariter. Hæc Calx, aut Cerussa prior, diu calcinata, motaque supra ignem, tandem pondere aucta, colore coccineo fulget; quod & nascitur de plumbi matrice, vel vena, diuturna calcinatione. Æs fossile, dum a metallurgis depuratur, excoquendo spumam emittit, quæ plumbo inprimis constat, & flavo rubra Lithargyrium Auri, aut pallidior Lithargyrium Argenti, appellatur, utraque fere eadem re, & vi. Plumbago vero fossilis haud ita multum a dictis differt: quum sit vena plumbi satis nativa. Hinc igitur plumbum, variis coloribus, ponderibus, massulis, existens, revera semper idem plumbum manet, iisdem solvitur, idem dat, neque multum

multum refert, cerussam, lithargyrium, minium, plumbaginem, aceto rodas, semper idem Sal Saturni orietur. Omnium eadem potestas exsic-
candi medicata, eadem virulentia venenata semper adhæret, manetque.
In minio pondus notabile accessit ab igne. An hoc ab acido materiæ com-
bustilis in plumbum raptum, an ab igne? Vid. Boyl. de Ponderabilitate flam-
mæ.

PROCESSUS CLXXII.

Acetum Plumbi.

APPARATUS.

1. **C**erussam coque, in phiala, alta, chemica, cum vigecuplo aceti
fortis, stillatitii, in furnulo nostro ligneo, sæpe conquassando,
spatio quatuor horarum. Frigescant. Purum liquidum supernatans co-
letur. Residuo novum acetum stillatitium affundatur, fiat operatio eadem
repetita. Id fiat tamdiu, donec tota fere Cerussa dissoluta in liquorem.
Omnia hæc aceta, confusa, acedinem amifere, dulcia, nauseosa, styp-
tica, evaserunt. Vocantur Aceta plumbi. Et Lac Virginale: quia macu-
las rubras, pustulas, ulcuscula faciei, virginibus speciei curiosis deter-
gent, extinguunt. Si aceta, hæc, purissima percolatu, leni igne destil-
lant de vasis purissimis ad residuum quartæ. Tum aqua nauseosa, non
acida, ingrato, at singulari, odore prædita exstillat. Acidum omne aceti
infra retinetur in cerussa dissoluta. Hoc servetur titulo descripto. Estque
habendum ejusdem virtutis cum Aceto Lithargyrii.

2. Si loco Cerussæ, sumserit quis Lithargyrium auri, argente, vel
minium, aut plumbaginem, hæc contriverit in pollinem, cumque aceto
coxerit, ut prius, obtinebit de omnibus idem, neque distinguendum,
liquidum, Acetum Plumbi. In eo quidem id singulare, quod frigidum
difficilius colari queat, charta quasi occlusa, fervidum facilius tran-
sire solet.

3. Quando vero ad Plumbi sic soluti liquorem condensatum, novum
affunditur acetum stillatitium, coquitur, inspissaturque ad spissitudinem
fere mellis; acetum avocatum vires acidas multum perdit; acidum in li-
quore metallico detinetur; liquor quasi oleosus, pinguis, saccharinus,
supermanet: qui Oleum Saturni audit, ex metallo & aceto. Quo hæc
imbibitio per Acetum sæpius sic repetitur, eo habebitur liquor pinguior,
& difficilior exsicandus iterum.

U S U S.

Hinc capitur nova ratio calcinandi, solvendi, in liquorem redigendi
Metallum ponderosissimum; conspicitur novus odor, saporque na-
tus de acido & metallo; attractio, & separatio, acidi ex metallo, ad sa-
turationem, & imprægnationem usque. Hoc autem Acetum Plumbi cor-
pora animalium immersa, penetrata, exsiccata, incorrupta diu reddit,
ablata putredine. Humores animalium coagulat, incorruptos condire

valet. Si dilutum cuti affricatur, pustulas, rubedines, erysipelas, phlegmonas multum levat, cuti candorem, nitoremque, conciliat, sed corpori nocet, tandem in phthisin deducendo: ut tristissimis sæpe constitit exemplis. Quando autem Oleum illud densatum Aceti Plumbi miscetur æquali copiæ Olei Rosacei, conficitur mistum balsamicum, candidum, qui Balsamus albus Chemicorum, a Chirurgis maxime laudatus.

P R O C E S S U S C L X X I I I .

Sal Plumbi cum Aceto.

A P P A R A T U S .

1. **A** Cetum Plumbi ex cucurbita humili, orificii latissimi, inspissa, donec fere olei crassitiem acceperit: tum repone loco frigido, quieto, crescet in fundo massula ex cinereo alba, ex spiculis tenuibus, erectis concreta; effundatur liquor supernatans, donec omne liquidum separatum sit. Leni tum igne, lente exsicceetur concretum, erit dulce instar sacchari, est Saccharum Saturni.

2. Hoc Saccharum vulgare, venale, solvatur recenti Aceto stillatitio, acerrimo; solutum quiete depuretur a fœcibus; depuratum inspissetur in crassitiem olei; liquor reponatur frigidus, quietus, crescent in fundo Crytalli crassæ, solidæ, perfectissime referentes formam Sacchari vegetabilis crytallini, habentesque saccharinum saporem.

3. Quando Crytalli hæc denuo solvuntur in aceto acerrimo, stillatitio; quiete depurantur; lento igne liquor inspissatur, donec redeat in olei spissamen; acquiritur liquor, qui difficulter parvo igne exsiccare in duritiem poterit, sed manet fixior aliquantum, & parvo calore liquefaciendus instar Cerae. Quo sæpius imprægnatio hæc cum novo aceto fit, atque exsiccatio succedit, eo materies in igne parvo magis fixa, non fumans, facile fluens, habetur. Hæc tum diu mediocri calore acta, refrigerata tandem, dum fluida adhuc effunditur in aliud vas frigidum, per aëra frigidum, in ipso hoc effusu mire coagulatur, inque filamenta tenuia, instar telæ aranæ concrevit, quæ filamenta perfecte argentea videntur, miro sane, & amœno valde spectaculo. Quod quondam literis vocabulorum trajectu obscuris Loyolista publico exposuit, quasi arcanum foret. Vid. Comp. Transact. T. III. pag. 325.

4. Simulac coagulatum hoc corpus in fila majori exponitur calori, mox defluit iterum, postea effundi iterum potest. Si sæpiusculæ hæc resolutio, & inspissatio diligenter, & cum patientia, repetitur, fœcibus semper abjectis, tumque diu, leni igne, fovetur materies, donec spissata concrevit, tandem formatur massa, adspectu externo incautis argentum referens. De qua meretur legi Isaacus Hollandus de Lapide ex Saturno. Potest enim protrahi Processus hic pro lubitu ab iis, qui amant corporum minus consuetas videre apparitiones.

U S U S.

Hoc opus, sic productum, vocatur Saccharum, Sal, Magisterium, Vitriolum, Saturni. Docet combinationem acidi fermentati, vegetabilis, cum plumbo, in concretum per aquam solubile. Est adstringens, stypticum, sanguinem coagulans, satis promptum. Aqua dissolutum reddit Acetum Lithargyrii, bonum ad inflammationes externo usu. Interne commendatur pro remedio salubri contra Hæmoptoën, Hæmorrhagiam, Mictum sanguinis, Gonorrhœas, Fluores albos, & similia, tum etiam pro mitificante remedio contra acria sanguinis. Sed nunquam ausus fui facere periculum: quia felices successus haud vidi ab aliis adhibentibus natas, & quoniam novi, vix dolosius haberi, tetrumque magis Venenum, quam ab hoc plumbo, statim in cerussam redituro, ac acidum ab occurrente quacunque re inde absorbetur. Hinc lethale, nec facile postea sanandum, venenum corpori inducitur. Si sal Saturni ex retorta per gradus destillans, tandem summo urgetur igne, spiritus exit pinguis, inflammabilis, prorsus mutatus a natura aceti adhibiti, remanetque in fundo quædam quasi vitri species, quæ, magno dein acta igne, solet in igne penetrare se per omnia fere vasa, atque secum per illa ducere, auro, argentoque, exceptis, vitrefacta omnia.

PROCESSUS CLXXIV.

Sal Plumbi cum Spiritu Nitri.

A P P A R A T U S.

1. **P**lumbi granulis, vel Cerussæ, Lithargyrio, Minio, in phialam altam demissis ad Unciam unam, affundo, ut cernitis, Spiritus Nitri, aut aquæ fortis, cum decuplo aquæ dilutæ, Uncias quindecim, sit ingens ebullitio, cum spuma alba; qua sedata pono in furnulo nostro ligneo, ut ebulliant quinque, vel sex horis. Quiescant. Frigescant. Liquor purus supernatans effundatur, coletur, in cucurbita destillet ad apparitionem pelliculæ, exhibit aqua nauseosa, non acida. Liquor superstes seponatur loco frigido, crescent Crystalli albæ, solidæ, valde ponderosæ, in aëre non deliquescentes, sed constantes satis, sapore dulces quidem, at magis austeræ simul, quam præcedenti Processu paratæ. Liquor ipse etiam post solutionem, ante crystallisationem, & post eam, saccharinam dulcedinem possidet, ut Sal.

2. Si parato huic sali nova aqua fortis affunditur, ut solvatur, iterumque inspissatur solutum, poterit & sic Oleum plumbi parari, quod satis difficulter coagulari poterit, sed sensim fixari, ut ad lenem ignem fluat instar ceræ.

3. Sal hic, ficcus, prunæ ardenti injectus, non inflammatur, sed crepitat violentissime in igne, indeque, magno cum adstantium periculo, quaquaversum dissilit impatiens ignis. In pollinem tritus magno igne fundi dein potest.

U S U S.

NOVUS modus Sal Metallicum, ejusque Oleum, generandi; saporem dulcem ex acidissimo & insipido faciendi; vitrum ex metallo gignendi; demonstrandi, Nitri Spiritum non facere inflammabilem cum omni Metallo salem, ut cum Argento. Sal hic viribus instruitur, ut præcedens, sed mordacibus magis, & plus adstringentibus.

P R O C E S S U S C L X X V.

Sal Plumbi per Alcalia tractatus.

A P P A R A T U S.

SALIS crystallini Plumbi, Processuum 173, 174, accuratissime siccati, dein minutissime contriti, Unciis duabus, adde olei Tartari per deliquium Uncias quatuor, pone in digestionem, quo diutius eo melius. Dein adde Salis Ammoniaci unciam; misce accurate, iterum digere vase clauso, egressum digerendo liquorem salinum reaffunde; iterum digere; quo bis terve facto, exsicceretur materies lento igne penitus; siccata exponatur aëri humido: ut solvatur. Siccetur iterum, dein sicca materies destillet ex retorta vitrea loricata, per gradus successivos, tandem summos arenæ possibiles, in excipulum magnum, in quo aliquid aquæ puræ adsit. Transibit materies triplex, quam miraberis; in fundo retortæ singularis alia remanebit mire mutata.

U S U S.

MULTA ex hoc experimento singularia prorsus addiscuntur, quæ cum voluptate conspicias: nam Metallum ita per oppositos sales successive apertum, solutumque; dein coagulatum & solutum in aëre, quam maxime mutatur, aperitur, attenuatur, dividitur, ab omni, quod non est mercuriale metallicum, separatur, sic partem metallicam mercurialem puram seorsum a cæteris secretam exhibere poterit; si industria Artis eo pervenire tandem queat.

P R O C E S S U S C L X X V I.

Calx de Vitriolo Plumbi.

A P P A R A T U S.

VITRIOLUM Plumbi Processuum 173, 174, siccetur accurate igne lento. Dein teratur in pollinem quam subtilissimum. Ponatur pulvis in patina fictili incrustata supra ignem, fistula tabacaria semper movendo, donec in magno calore non amplius effumet. Habebitur pulvis tenuis, fere insipidus, qui Calx Plumbi altera per viam humidam facta.

U S U S.

OMne acidum, quod Plumbo unitum fuerat, in specie vitrioli ejusdem, hîc vi ignis iterum separatum inde, præter illam partem, quæ intime adhæsit, externe non apparens, atque hoc opere longe arctius unita fuerat.

P R O C E S S U S C L X X V I I.

Plumbi Balsamus cum Oleis pressis vegetabilibus.

A P P A R A T U S.

1. **S**I Plumbum granulatum, ejus Calx quæcunque, Cerussa, Lithargyrium, Minium, ponitur in fictili incrustato, eique additur duplum olei cujusdam pressi, tumque igne sensim auctiore utimur, incipiet Plumbi materies fundi prius, quam oleum ebullit. Si vero tum ignis augetur sensim, donec oleum ebulliat, incipiet disparere plumbi corpus vel calx, atque ita accurate misceri cum oleo, ut vere factus Balsamus, qui ultiore coctione adigi potest in corpus, quod, in frigore consistens, valde crassum, semimetallicum evadit, igne liquecit, ductile est.

2. Si loco Plumbi, calcisve ejus, sumitur illa calx, quæ Processu 176 parata, aut ipsum Sal Saturni modo exsiccatum, cumque oleo pressio tractatur, uti dictum modo, parabitur similis Saturni Balsamus de vero metallo & oleo.

U S U S.

QUare novimus vera Metalla, & quidem ponderosissima, posse solvi Sulphure vegetabili ope ignis, & quidem adeo misceri, ut lateant prorsus in illo. Unde sæpe ignoramus, an, & ubi, Metalla adsint? quam mire abscondi queant? quam sæpe hæc prodeant de massis, ubi haud putabantur inesse? unde & falso creduntur educi transmutando? Monent hæc omnia, cauti simus adversus Sophistarum technas. Cæterum emplastica hæc, de Plumbo sic parata, valent firmare, fovere, partes, quibus applicantur; ibi etiam discutiunt, quin & vi absorbente acria extrahunt, & mitificant. Inprimis egregium præstant instrumentum, quo illita vasa aquam tenere queant sine transfudatione. Nam Minium in oleo coctum ad idoneam crassitiem, si muro lapideo fere candefacto obducitur accurate, ut penetret, & hæreat, intime, facit, ut aquam murus contineat, ac si cæmento fuisset constructus. Eo utimur ad dolia aptanda transmissis canalibus.



PROCESSUS CLXXVIII.

Plumbi Balsamus cum Oleo stillatitio vegetabili.

APPARATUS.

Saccharum Saturni, Processus 173, lenissime exsicco; nato sic pulveri affundo quadruplum olei ætherei Terebinthinæ, in phiala alta chemica aliquamdiu coquo; quod facile fit, si phiala cum hac miscela imponitur vasi, in quo oleum Lini supra ignem calefcit tamdiu, non ultra, quam, ut oleum Terebinthinæ incipiat ebullire: id enim fit longe citius, quam oleum Lini ebullit. Leni hac igitur ebullitione olei Terebinthinæ solvetur Saccharum Saturni fere integre in hoc oleo; atque ita habebitur paratus Balsamus quæsitus in oleo stillatitio,

USUS.

Servit iisdem, quibus prior Processus, usibus.

PROCESSUS CLXXIX.

Vitrum Plumbi.

APPARATUS.

1. **S**I Minii partes binæ, arenæ purissimæ, in pollinem farinaceum contritæ pars una, accurate, diu, conterendo miscentur, dein catillo mundissimo commissa igni exponuntur, ut tandem fluant, sic in fluxu retinentur aliquamdiu, dein explorata materies fistulæ tabacariæ immisæ adhærens pelluciditatem testatur, tum in marmor effunduntur: habebitur materies fragilis, flava, pellucida, inodora, insipida, in frigore dura, in igne fusilis: hanc ideo Vitrum Plumbi vocant. Hæc materies, igne fusa, omnia in rerum natura cognita vasa transit, ut aqua spongiam. Eadem omnia fere corpora in fusione convertit secum in vitrum, tumque etiam secum rapit per poros vasorum, excepto auro, & argento. Ut autem citius ea materies minii, & arenæ, defluat in vitrum, quidam Nitrum, alii Salem Marinum, addunt, fundunt, donec sal ille fusus sit.

2. Si Saccharum Saturni, in crucibulo, leni igne, successive aucto, urgetur; aceto difflato; continuato igne mutatur ut fluat in igne in Vitrum flavum, simulque tum miri, gratique in metallo colores iridis apparent, vel Caudæ Pavonis.

3. Plumbum ipsum, fustum, diu in igne fustum detentum, spumam colligens, augens, in illam fere conversum, majore igne iterum fustum tandem in Vitrum vertitur per se, sed magno labore, & prudenter directo. Unde tandem ars facilis.

4. Minii p. iv. Arenæ p. i. Salis Marini decrepitari, siccissimi, p. 2. misce, quo diutius, eo melius. Committe crucibulo accurate testato. Funde

accuratissime omnia simul. Fusa quiescant. Hærebit Sal in glebam fusus supra. Infra, fracto crucibulo, Vitrum, quod, a cæteris caute separatum, in usus metallicos asservari poterit: ibi summæ utilitatis erit.

5. Vitra hæc, pauco carboni mista, dein igne fusa, solent iterum facile decurrere in verum corpus Plumbi.

U S U S.

EN mirabilem Metallî hujus, ope ignis, difflatuque vaporis metallici, venenatissimi, mutationem, de malleabili prorsus indole in materiem fragilissimam, vere vitream, imo cum calce arenæ, silicumve, penitus vitrescentem. Quam mire latere varia forma abscondente queunt Metalla! quam facile inde iterum apparere! An sulphurea quadam parte ablata, vitrescunt Metalla in igne? Sic Vitri stibiati confectio suadet, suadent alia. An, reddito sulphure hoc, metallica forma redit? Multa id docent, in Plumbo præcipue. Vid. Monum. Ac. R. Sc. 1709. p. 218. &c. Hoc autem Plumbi Vitrum, est severus ille Metallorum Docimastes, qui cuncta rerum perire facit in igne secum, auro, argentoque, purissimis, solis intactis, sine ulla ponderis diminutione, relictis. Hoc fundamento omnis nititur ars docimastice metallica, tanti usus in rebus humanis. Atque hæc sufficiant tironibus. Vid. Boyleum, Bohnium, Hombergium, Geoffroyum. Vos, Auditores, estote memores, semper caveatis a fumo, pulvere, omnique parte Plumbi: est semper Venenum pessimum.

P R O C E S S U S C L X X X.

Argenti puri solutio in Spiritu Nitri, vel in Aqua Forti.

A P P A R A T U S.

1. **A**Rgenti cum decuplo Plumbi in testa docimastica purificati lege artis Unciam fundo in crucibulo purissimo; mox fustum effundo in aquam frigidam, purissimam, octo pollices altam, vase cylindrico contentam; intrat cum sibilo, in granula spargitur; vocatur Argentum granulatum. Hanc Unciam demitto in urinale nitidum. Tum fumo Uncias binas aquæ fortis, his indo granum unum Argenti purificati, si mox integre solvitur in hac aqua forti, ut liquor evadat limpidus, tum aqua fortis hæc bona: si non solvitur, vel turbatur tantum, aqua fortis sincera non est. Prior Aqua Fortis explorata appellatur Docimastis. Binas Uncias Aquæ Fortis exploratæ fundo super Unciam Argenti granulari in urinali, incipit aqua fortis moveri, ebullire, fumare, sibilare, circa superficiem argenti, dein calefcere sponte, tum acrius agitari, fumos rubros emittere, argentum dissolvere, ut penitus dispareat; obtinetur liquor pellucidus, sine colore, saporis acerrimi, amarissimi, caustici violentissime. In fundo vitri semper hæret parum pulvisculi nigerrimi. Est Aurum purum, quod semper hæret cum Argento, vel quod facile igne, & plumbo, forte gignitur, ex sententia Hombergiana, atque in aqua forti

solvi impositus ex Argento soluto præcipitatur. Effundatur liquor limpidus in vitrum purissimum, habetur solutio Argenti.

2. Si, loco Aquæ fortis, sumitur Spiritus Nitri, solutio celerior adhuc, fortior, cæterum eadem contingit: nam aqua fortis & Spiritus Nitri vel cum Bolo, vel cum oleo Vitrioli, vix videntur differre, nisi majore, minoreve, aliter eadem, acedine. Si autem vel minimum salis Fontium, Gemmæ, Maris, salis Ammoniaci, spirituum horum acidorum, casu mistum fuerit in illo Spiritu Nitri aut Aqua forti, sive in destillandis, sive in destillatis, non solvetur in iisdem.

U S U S.

SI pellucida, excolor, solutio, Argentum fuit sincerum. Si viridescit, æris quid habet, nec valet ad sequentia. Argentum hîc unitum acido Nitri in aqua suspensum hæret. Guttula hujus liquoris applicata parti cuicunque molli, calidæ, hominis, unico eam momento exurit, consumit: unde callosa, dura, ulcerum labia, uno attactu exedit, semiputrida separat, stigmata, maculas, verrucas, minimos cancos, ocyssime extirpat. Dilui potest aqua sincera, sine perturbatione, sine præcipitatione; sed, si minimum salini in illa aqua aderit, statim turbatur. Aqua hæc diluta summum est detergens, sed cutim attactam fœdat macula nigra, indelebili, nisi postquam epidermis iterum secessit. Quam potest latere absconditum in aqua levi, limpida, ponderosum, purum, Argentum! Sapor id detegit, qui amarissimus.

PROCESSUS CLXXXI.

Vitriolum Argenti.

APPARATUS.

1. **S**I solutioni præcedenti, Processus 180, successive immitto granum unum Argenti purissimi tamdiu, quamdiu illud solvitur; sicque pergo, donec ultimum granum non solvitur amplius; tumque satura hæc solutio loco frigido, quiescens, deponitur; incipient statim formari lamellæ planæ, tenuissimæ, albæ, invicem sibi appositæ, & incumbentes, quasi triangulatis, ex aciculis nitro simillimis factæ. Ab his formatis si effunditur liquor superstes, obtinentur Crystalli, Sales, aut Vitriola, Argenti, quæ vix siccare queunt, suntque intractabilia acria.

2. Si vero solutio prior, non saturata ulterius Argento, inspissatur parum, forte, ut decimam partem amiserit, tumque reponitur aliquamdiu quietata, concrescet in fundo vasis, solidata forma Argentum in crystallum albam, cæterum eandem priori, sed tamen longe acriorem; utpote pluri acido saturatam. Sed & hæc quoque acriore longe caustica vi exurit.

U S U S .

DOcet, notatque, singularem hujus metalli, & acidi hujus de Nitro confecti, attractionem mutuam: quum aliter Argentum omnia fere alia acida respuat, ab iis nigrescens quidem, at non solvendum. Vitriolum hoc Argenti Causticum præsentissimum, quam perfunctorie attingit partem curiculæ tingit macula nigra, quæ deleri nequit, nisi desquamatione sola.

P R O C E S S U S C L X X X I I .

Caustica Luna, seu Lapis Infernalis.

A P P A R A T U S .

1. **A**Ccipe terram figulinam, bene subactam, tenacem, & non valde humidam. Forma inde cubum densatum. Hujus superficiem supremam perfora ad perpendicularum stylo conico, fere usque ad fundum. Cura ut superficies cava foraminis impressi polita sit: ne materies infundenda scabra fiat. Postquam ita formata sunt tot foramina, quot necessaria sunt; tum supremam foraminis impressi partem apice digiti preme in cavitatem sphaericam latam, ita ut cavitas in medio sit desinens in foramen conicum: sic enim facile infundi poterit materies, ut defluat in cavitatem conicam.

2. Cape tum scyrtalam cavam ex urinali vitro exscissam; huic impone crystallos Argenti primas præcedentis Processus. Impone cavum vitrum audacter supra prunam. Crystallos fumabunt noxium fumum. Ubi non fumant amplius, sed fluunt in vitro, sine fumo, effunde tum caute in cavitates conicas, impressas cubo argillaceo. Introibit cum sibilo. Si materies in vitro forte condensatur, impone rursus igni. Sicque omne præparatum Argentum effunde in modulos cavos.

3. Simulac omnis argentea materies constitit solida; tum statim conos Argenti fractæ argillæ exime, pone in charta pura, sicca, calida, tum desicca in hac calida charta, donec prorsus arefiant coni. Tum pede leporino calido, sicco, deterge superficiem, sicque statim repone in vitrum purum, siccum, subere quam optime claudendum. Erit paratus Lapis Infernalis, usui Chirurgico quam optimus, qui sic in longos annos incorruptus servatur.

U S U S .

ACidum Nitri in vitro supra ignem perdit aquam specie fumi, perdit id acidum Nitri, quod adhærebat plus, quam certa Argenti portio poterat retinere. Sed Argentum detinet acidum certa portione ita secum, ut non fumet, sed fixatum maneat cum argento, in ipso fluxu, supra ignem. Hoc acidum, retentum cum corpore argenti purissimi, facit massam solidam. In qua forte acidum est purissimum, fortissimumque,

quod parari poterit. Quum acidum hoc Argento adhærens, forma solida, aëri exponitur, attrahit humidum illius, semper impatiens siccitatis, tumque deliquescit. Quin etiam potest totus ille Lapis Infernalis integre dissolvi in aqua. Tum vero inde, ope Cupri, recipi omne Argentum, insipidum, inodorum, iners, non acidum, nec rodens, sed purissimum, sincerum, metallicum, prorsus nativum, non mutatum ullo modo. Mire igitur acidum superficiei tantum elementi argentei non mutati tamdiu adhæret, inde illæsa Argenti natura potest integre recipi. Lapis autem Infernalis Cauterium potentissimum solo attactu, uno momento, in escharam comburit partes calidas, humidas, corporis. Sub hac eschara natura molitur inflammationem, quæ illam separando crudam, puram, partem reddit. Quo repetito fœda, fungosa, cancrofa superficialia, pulcherrime tolluntur. Hinc Chirurgi peritissimi summis extollunt laudibus virtutem hujus Lapidis. Medici quoque ita addiscunt mirabilem potestatem acidi sic collecti, fixatique. Si intra corpus datur hac specie Venenum est escharoticum præsentissimum: ideo nunquam interne dandum; novi Artifici Chemico damnosum fuisse propriæ artis opus.

P R O C E S S U S C L X X X I I I .

Hydragogum Argentum Boylei, vel Angeli Sala.

A P P A R A T U S .

1. **A**ccipe Nitri purissimi Unciam, solve in aqua purissima, stillatitia, ut facta sit dissolutio perfectissima, limpidissima. Tum summe CrySTALLORUM Argenti purissimarum Processus 181. N. 1. Unciam; hanc dilue in triplo aquæ pariter quam purissimæ, ut sit liquor limpidissimus, nullo modo turbatus. Tum misce hos binos liquores inter se. Fiet unum pellucidum, homogeneous, simplex apparens liquidum, nec Argentum præcipitabitur, sed unietur ipsi Nitro quam exactissime. Dein liquorem purissimum in urinali purissimo pone supra ignem non fumentem, in loco non pulverulento, donec exhalaverit aqua, quæ fere pura erit, ad pelliculam usque. Repone in loco frigido, quieto, vas bene tectum contra illapsum pulveris. Nascentur CrySTALLI Nitro similes. Separa has leni effusu a liquido superstite. Id coge ut prius, Argentum Nitrumque associata erunt forma crySTALLI simplici. Hanc massam lenissime sicca.

2. Præsto sit urinalis pars cava, sphærica, inferior, abscissa ad dimidium ventris sui, huic impone CrySTALLOS ex Argento & Nitro factas, in charta prius exsiccatas. Tum vitrum hoc igni appone ita, ut sedulo caveas, ne materies unquam fluat per nimiam actionem, aut propinquitatem, ignis, sed ut tantum siccet, fumetque. Tum virgula vitrea move perpetuo materiem, ut undique exposita igni satis valido, nec tamen potenti fundere, quam optime exsiccet, sicque liberetur penitus ab omni illo acido, acri, quod illi massulæ extrinsecus adhærescebat, reddebatque facilius causticam. Si autem ignis fundit massam, tum acidum id arctius innexum rodendi vim figit: quæ lenta hac calcinatione separatur. Debet

cauta hæc calcinatio fieri diu materiæ perpetuo sic versatæ , donec nihil omnino amplius fumi exeat , licet ignis jam satis magnus sit , & fere fundens : nam in fine , postquam ignis jam separavit hoc acidum omne , non nocet accidens fusio massæ ; quia acidum illud externum jam expulsum est a massa. Ita paratum erit Argentum purgans , sapore amarissimum , sicco , clauso , vase servandum.

U S U S .

Mira , arcana , ars consociandi Argenti cum Nitro. Hinc Sophistæ Argentum possunt hac arte occultare pluri Nitro , V. C. decuplo. Id Nitrum , Plumbo fuso superfusum æquali copia , dabit plumbo decimam partem argenti , quæ in cupella subsistens , faller spectantes , ignarosque , quasi vera conversio Plumbi in decimam Argenti contigisset arte sua fraudulenta. Vis dolum detegere ? Solve hanc massam ex Nitro , & Argento , in decuplo pluvix stillatitiæ purissimæ. Liquori immitte lamellam politam puri æris , statim præcipitabitur omne Argentum , nulla particula excepta , ad Cuprum , atque ad fundum vasis , sicque a Nitro , & Spiritu Nitri , prorsus liberatum , purum habetur. Si igitur salem argentifabrum jactat , hoc modo explora. Scies. Massula autem ex Argenti Nitrique salibus siccata , teratur in pollinem quam subtilissimum , siccissimum , erit amarissimi quidem saporis , at nullo modo adeo , ut antea , causticus. Si illius pauxillulum ulceribus apponitur effectus præstat , ut Lapis Infernalis , sed longe blandiores. Si vero ejusdem grana duo cum sacchari conici granis sex in mortario vitreo teruntur minutissime , dein granis decem pastæ panis admiscuntur , indeque formentur catapotia novem. Hæc adulto , jejuno , deglutita , si statim bibitur desuper aqua mellita calida ad Uncias quatuor vel sex , purgabunt lenissime per alvum , educendo liquidam aquam , sæpe fallentem , quia vix sentitur exeuns , utentes. Necat lumbricos , tænias , ascarides. Curat multa inveterata , ulcerosa. Hydropicos levat purgatos sine torminibus. Cavendum a nimio usu , a nimis larga dosi cavendum : rodit semper , & labefactat , ventriculum inprimis. Quod vitii Rob Juniperi baccarum sanat.

P R O C E S S U S C L X X X I V .

Argentum ardens.

A P P A R A T U S .

Præsto sit pruna nitida , scintillans , pura , nullo modo amplius fumans , de cespite Batavo perusta. Ponatur hæc ita , ut superficies illius superior horizonti sit parallela plano suo. Tum formetur parva cavitas in hac superficie media. In hanc cavitatem impone drachmam Lapidis Infernalis siccissimi. Statim fundetur , ardebit , flammam vivam concipit , strepit , lucet quam vivacissime , omni modo refert Nitrum. Postquam cessavit flamma , hæret in cavitare illa purum Argentum eadem copia , qua fuerat dissolutum in componendo lapide ; sicque inde tenaculo eximi , sine jactura ponderis , potest.

U S U S.

PUlcherrimum hoc experimentum docet modum Physicum, quo acida argento tantum superficie tenus hærent. Ostendit rationem, qua acida Metallis adunata operantur, dum glebæ metallicæ circumpositæ, ponderosa, elementa aculeis armant. Demonstrat immutabilitatem Argenti rosi in acido, variosque modos, quibus occultatum latere, interimque agere potest. Quin & exhibet differentiam Argenti potabilis, dum in forma salina per acidum adhærens subsistit, ab eo potabili Adeptorum, ubi ipsa elementa Argenti in liquorem humoribus nostris miscibilem supponuntur conversa, nec in Argentum denuo reducenda. Inprimis hinc constat, acidum Spiritum Nitri, solida massa hærentem in Argento, cum materie combustili æque inflammabilem esse quam corpus Nitri. Id solo argento fieri videtur immutabili a Spiritibus Nitri. Denique unus hinc modus, quo Argentum purum sola combustionem separatur ab alienis adhærescentibus. Non agit Acidum in Mercuriale Argenti, neque in Sulphur ejusdem figens. Mitto longe plura.

P R O C E S S U S C L X X X V.

Argenti ex Spiritu Nitri solvente reductio.

A P P A R A T U S.

UNciam Argenti purissimi in Spiritu Nitri bene dissoluti dilue in aquæ stillatitiæ pluvie vigecuplo, huic dein limpidissimæ, calefactæ, solutioni, in vase vitreo, cylindrico, impone lamellas politissimas æneas. Ipso momento incipiet polita superficies, undique operari, cinereum colorem induere, mox pubescere, brevi undique crassa lanugine quasi spisse investiri; liquor vero ante aquosus, excolor, viridescere, sensim magis, magisque, in ea proportionem, qua lanugo aris plus accrescit. Si lamina concutitur, flocculenta vagina de lamella decedit ad fundum,ocyssime nova de liquore vagina, priori similis, denuo accrescit. Color viridis in liquore augetur, lamina minuitur. Excussa & hac vagina, iterum nova fit. Id contingat, donec nil amplius æneæ superficiei accrescit. Tum relinquatur per sex horas vas, excutitur cineritiæ lanugo de lamella. Effusus liquor prudenter de subsidente materie colatur, erit amœne viridissimus, acer, totus æreus. Lamina erit pondere, & mole, multum imminuta. Materies in fundo, affusa calida pura abluatur multoties, donec quam purissima sit. Tum supra ignem purum siccatur penitus, erit pulvis tenuissimus, resplendens, argenteus, dabitque fere omne Argentum purum, insipidum, lene, quod inter solvendum impenderas, nihil penitus acidi, Cupri quoque nihil omnino in se continebit.

U S U S.

EN modum calcinandi Argenti in pollinem tenuissimum, quem ulla alia arte producere, tam subtilem reddere, haud facile. Hic pulvis cum Mercurio tritus dat Amalgama facillimo modo, quod aliter adeo difficulter, nec sine magna jactura argenti vivi, obtinetur. Si pulvis hic in catillo funditur, redit idem, quod impensum fuerat, Argentum. Hinc ergo liquet, quam superficialiter acidum Nitri adhæserat argento: quum tam facile totum, sine ullo residuo, trahatur ad cuprum, ex argento. Si microscopiis lustratur in hac operatione liquor, videtur clare, massulas Argenti cum acido Nitri rapi violente ad immixtam lamellam ex omni puncto liquoris soluti argenti. Quando autem spicula hæc appellant ad æris politæ superficiem, acidum trahitur in cupri particulam, argenti particula, acido spoliata, stat ante cuprum in superficie, ibique, ab aliis similibus accedentibus aucta, tandem vaginam illam mollem componit, fitque hæc attractio tam nitide, ut ne minimum argenti maneat in priore solutione. Ergo Æs trahit fortius acidum Nitri, quam Argentum. Quare actio hæc attractione, & cribratione, acidi ex corpore liquidi constat: transit acidum per æris poros, stant ante hos liberatæ particule argenti, introire impotentes. Jucundior alia vix est speculatio, quam hæc per microscopia. Acidum Nitri in Argento immutatum, persistit, in Cupro tale perfectum colligitur, inde iterum educendum.

P R O C E S S U S C L X X V I.

Luna Cornea.

A P P A R A T U S.

1. **S**OLUTIONI purissimæ Argenti in spiritu Nitri factæ, juxta Processus 181. N. 1. & in quadruplo aquæ sinceræ solutæ, instilla guttatim in vase satis capaci vitreo myriæ Salis Marini, purissimæ, meracæ, subfervidæ, pauculum. Ad ipsum punctum illapsus albescit, unoque ictu oculi mire spissatur liquor, ut obitupescat ignarus. Fit nulla omnino effervescencia. Pergitur ita instillando, concutiendoque, donec liquor ab ulteriori instillatione non amplius turbatur. Quiescat; crassa, alba, copiosa, materies, colligetur in fundo, sub supernatante liquore limpidio; effundatur placide hic liquor. Instillatur ei parum myriæ calidæ, si nihil omnino turbatur, bene habet. Aliter adhuc argenti quid adesset separandum. Materię præcipitatæ affunde calidam purissimam, ablue, donec alba materies in fundo prorsus insipida restat. Tum materiem in urinali coque parum cum aqua purissima. Dein aquam hanc concussam cum toto pulvere in colum papyraceum infunde, transit aqua, alba materies in charta manet, hanc sicca leni igne, serva. Est Calx Argenti subtilis Sale Marino præcipitata ex Spiritu Nitri, vel aqua forti; pondus autem ejus erit majus quam argenti adhibiti, una ferme quinta parte accreta de salibus hisce.

2. Calx hæc Argenti indatur crucibulo puro, posito in igne rotæ, donec funditur, quod facile fit; simulac fufum est, affundatur in marmor, fit massa ponderosa, resplendens, opaca, fusca, fragilis cum aliqua tenacitate, hinc Cornea dicta. In qua omne Argentum adhibitum vere adest, sed simul acidum Nitri & Sal Marinus, miro modo concreta, nec facile separabilia. Si enim summo igne detinens conaris spiritus expellere, quod in Lapide Infernali tam facile contingebat, maxima pars volatilis facta avolat, residua vix redit in argentum, sed manet mutata ab associatione horum salium tam profunde unitorum, fixorum, neque ulla nota salina se demonstrantium. Si Argenti purissimi, calcinati juxta Processum 185, miscetur pars una cum duabus Mercurii sublimati, atque destillatio deinde fit ex retorta, tandem igne arenæ fortissimo, in fundo retortæ manet Luna Cornea fere perfecte eadem. Si loco salis adhibueris Spiritum Salis Marini ad solutionem Argenti, eadem plane fit Luna Cornea. Boyleus ait, & cum Oleo Vitrioli Argentum de Spiritu Nitri præcipitatum, ablutum, fufum, in Lunam veram Corneam abire. In Orig. Form. a pag. 203. ad 209.

U S U S.

Experimentum hoc, infiniti usus, docet, quam parva differentia conditionis cujusdam Physicæ sæpe producat maximum discrimen in re physice producta. Enimvero Argentum aquæ regię commissum non unitur illius acido. Sed soluto per Spiritus Nitri Argento affusus Sal Marinus, sic tantum aquam regiam faciens, efficit mox, ut acidum aquæ regię uniat se Argento quam intime, & tam miris cum effectibus. Si enim calcis præcipitatæ Argenti partes duæ, cum reguli antimonii parte una, tritu bene mistæ destillant ex retorta, igne arenæ, prodit purum butyrum antimonii tanto pondere, quo fuit regulus admixtus. Argentum cum parte reguli manet in fundo; & reductum semper dat verum Aurum. Ut certi simus, pondus, calci Lunæ accrescens, deberi aquæ regię affixæ: quia hic in mercurialem Stibii partem ivit. Non mirum ergo, præcipuos Chemicorum, Becherum, Boyleum, Hombergium, Stahlianum, tantam consideravisse hoc in experimento metallorum, & salium, vim, & quasi tectam naturam arsenicalem. Quis in corpore insipidissimo Lunæ Corneæ crederet, quintam partem esse acidum rodentissimum Aquæ Regiæ? Sed quam singularis potestas Salis Marini in Metalla! quam tecta potest iis adhærescere! attamen tandem viribus intactis eadem resurgens. Quam possunt latere Metalla! Tandem constat, Aurum nasci posse de materie, in qua Docimastice omni arte sua Aurum non detexerat prius. Iterum insusurrant Adepti filiorum auribus, in Sale, & Sole, perfectissima tantum natura constituit. Discimus tuti fraudes; calx illa Argenti, subdole mista nitro, plumbo fuso injecta, argentum & aurum, quasi nata de plumbo falso exhibet. Sed vetat plura instituti ratio. Vos meditemini. Certe Hombergiana industria, ope Tartari, Calcis vivæ, Salis Ammoniaci, & albuminis Ovorum, ex selibra Argenti drachmas tres & grana quinquaginta veri Mercurii se eduxisse, professæ fuit. Sed

sufficiant hæc de ingenio Argenti pro hisce demonstrationibus. Luna
303
Cornea non solvitur aqua regia, nec aqua forti, nec igne.

PROCESSUS CLXXXVII.

Stannum solutum Aqua Regia.

A P P A R A T U S.

1. **A** Quæ forti, aut Spiritui Nitri, si miscetur sexta Salis Marini, Gemmæ, Fontium, aut Salis Ammoniæ, aut spiritus Salis Marini, fit Aqua Regia, quæ Aurum solvit, non Argentum. Si destillando abstrahitur aqua fortis a Sale Marino, aut spiritus Salis a Nitro, fit eadem Aqua Regia. Si Nitri partes duæ, Vitrioli partes tres, Salis Marini partes quinque, destillant simul, ut in destillatione aquæ fortis fit, habetur optima Aqua Regia. Hæc igitur fit misto Nitro & Sale communi.

2. Aquæ Regiæ in urinali puro injice parum Stanni, fit dissolutio violenta, perge donec dissolvit, quantum potest, habebitur spissa, quasi oleosa dissolutio. Si hæc vigecuplo aquæ diluitur, aut pluri, præcipitatur materies soluta Stanni, quæ dein aqua tepida perfecte abluta, atque exsiccata pulverem dat album, Magisterium Stanni.

3. Aquæ Forti immissum Stannum facit effervescentiam ingentem, & Stannum solutum, tumefactum, obtinet speciem saponis spissi, vel albuminis ovi.

U S U S.

Hic modus solvendi singularis. Solutio quodammodo amaricat. Eo accedit argento. Calx parata N. 2. datur Hypochondriacis, Hystericisque, a multis Medicis pro remedio singulari. Minus amo hoc metallicum: tutiora præsto sunt eidem proposito. Sed unguento pomato debite mista celebre dat Cosmeticum faciei ulcerosæ. Difficillime postea igne summo iterum fluit in Stannum. Pater hoc experimento, Stannum minima copia acidi solvi posse inter omnia metalla. Mirum est, Stannum aqua Regia solutum non fumare; sed, si mistum duplo Mercurii sublimati corrosivi destillat ex retorta, dat liquorem primo egressum semper fumantem, & exhalantem ad ultima usque.

PROCESSUS CLXXXVIII.

Æris solutio in Aceto stillatitio.

A P P A R A T U S.

1. **S**I lamellæ Æris puri alembico impositæ tractantur ut lamellæ Plumbi supra, destillabit Acetum transcendens in liquorem viridem ita, ut, continuato satis diu opere, totum tandem metallum ita solvatur. Liqueor paratus, colatus, igne modico inspissatus evadit Smaragdi instar viridis, minima parte guttulæ uno momento emetica, fœtoris ingrati, nauseosi.

Lamellæ exsiccatæ æruginem dant, vel florem æris, sed non Viridegriseum æris, quod tantum Monspeliî fit, arte, & conditione, prorsus singulari, ex ære, & vapore Vini rubri digesti cum uvis, unde Vinum pressu separatum. Hinc menstruum hoc postremum vix acidum, sed oleosum, pingue, unctuosum.

2. Si Ærugo, vulgo venalis, in phiala alta chemica, coquitur, cum Aceto puro, stillatitio, donec tinctura sit facta, hæc dein effunditur; coquitur cum novo aceto, effunditur; hocque repetitur tamdiu, donec acetum ultimum affusum, coctumque, amplius non tingitur. Restabit multum indissolubilis in fundo, monstrans, solum Æs rosam non facere illam æruginem. Omnes liquores tincti, colati, puri, si destillant ad residuum quartæ, dant liquorem fortem æris. Vid. Processum 53. Inspissatu hinc CrySTALLI virides, quæ nimis exsiccatæ, expulso acido, nigrescunt.

U S U S.

Servit demonstrandæ solubilitati Cupri, ortui floris Æris, Æruginis; Snigritudini facili politi Cupri; detegendo latenti Cupro per facilem viriditatem ab acidis, in ipso argento, mirificæ virtutis emeticæ, & purgantis. Ulcera aquosa, laxa, manantia, saniosa, virulenta, hoc liquore attacta, animantur, contrahuntur, siccantur, depurantur.

PROCESSUS CLXXXIX.

Solutio Æris in Sale Ammoniaco.

A P P A R A T U S.

Imaturæ Æris purissimi admisce Salis Ammoniâci partes tres, superfunde aquæ puræ partes quatuor, in cucurbita abscissa, igne moderato exsicca pastam, iterumque in aëre sine resolvi; quod si hanc exsiccationem, & resolutionem, reciproces aliquoties, obtinebis tandem solutionem fere integram æris. Dein misturam coque cum aqua. Cola, inspissa paulum, erit Tinctura cærulea. Hanc si arte ad crySTALLISATIONEM provehis, obtinebuntur CrySTALLI Veneris salinæ, amœnæ.

U S U S.

Demonstratur hinc Æris & Salium commercium. Liquor hic exhibet famosum illud Antepilepticum puerorum. Guttulæ pauculæ in hydromelle datæ jejunis, levi motu, alvi subductione, nausea inducta, mire mutant pigros, tenellos, stomachos, hos excitant, aquas, pituitas, educunt, vermes occidunt. His effectis quædam Cacochymia, & Epilepsia species sanantur.

PROCESSUS

PROCESSUS CX C.

Solutio Æris in Aqua Forti.

A P P A R A T U S.

A Quæ Forti communi , aut Spiritui Nitri , injice in urinali puro ; sensim aliquid Æris puri , subtiliter limati. Oritur statim ingens , cum fumis rubris , ebullitio , ipsoque momento liquor omnis viridescit satis amœne ; pergitur ita , donec ultima pars injecta non viridescit amplius. Liquor quiete , & colo , depuratus inspissatur ad dimidias.

U S U S.

S Cimus inde actionem hujus liquidi acidi Nitri in Æs. Emeticus est minima dosi hic liquor. Omnia infecta necans. Si diluitur aqua quam plurima , pediculos , pulices , pediculos planos pubis promte eradicat. Ad ulcera facit ut de Aceto Cupri dixi. Sed prudenter.

PROCESSUS CXCI.

Solutio Æris in Aqua Regia.

A P P A R A T U S.

A Quæ Regiæ , aut spiritui Salis , injice limatum Æs , ut in præcedenti , erit effectus idem , si tractatur , ut in præcedenti.

U S U S.

A Qua fortis , Aqua Regia , ergo solvunt æqualiter Cuprum. Inanis ergo omnis hîc de diversitate utriusque opinio , dum tentarunt , rationem dare , cur una Aurum , Argentum altera , tantum solvit ? Sola singularis , reciproca , rerum indoles , unice per experimenta rem docet. Falso & ideo argumentantur de similitudine metallorum inde , quia uno eodemque liquore solvente dissolvuntur. Bona Chemia abstinencia utitur in his , horret universalia , nisi solis observationibus , collecta.

PROCESSUS CX CII.

Solutio Æris in Alkali volatili.

A P P A R A T U S.

L Imati Æris Drachmæ in vitro puro affunde duodecuplum boni Spiritus alcalini , Salis Ammoniaci. Claude vas. Sæpe concute. Fiet tinctura cyanea , tandem violacea , omnium pulcherrima. Effundatur tinctura.

ctura. Residuo affundatur novus ille Spiritus, ita sensim tota fere cupri substantia solvitur, habeturque in tincturam versa. Si Æris scobs oleo Tartari per deliquium triplicato humectatur, digeritur, exsiccat, solvitur, idque repetitur aliquoties, dein coquitur, colatur, inspissatur, similis liquor, sed fixus, obtinetur.

U S U S.

Tinctura hæc alcalina, volatilis, pulcherrima, gerit Cupri corpus solutum. Si potatur mane, jejuno, ex hydromelle, a guttis tribus, quotidie duplicando dosin, ad quartam vicem usque viginti quatuor bibendo, superambulando leniter, & tunc dosin hanc viginti quatuor guttarum continuando, per aliquot dies, dat aperiens, attenuans, calefaciens, diureticum, fortissimum, promptissimum. Hujus ope solius sanavi Hydropicum, asciticum, consummatum, excitato tanto urinæ effluvio, ut, quasi de siphunculo aperto proflueret lotium, & integumenta abdominis exinaniti complicari possent. Qui vir dein bono, instaurante, siccio, victu perfecte convalescens diu sospes supervixit. Idem in aliis tentantem, & juvenili successu tumidum gloria devicti hydropis, successus destituit, docuitque, naturæ auxiliantis concursus requiri ad fortunatos adeo eventus: multiplex hydrops, quidam vario curabilis modo, incurabilis alius. Eadem vero tinctura, in acida, aquosa, debili, frigida, mucosa, pituitosa, quavis ægritudine, efficaciam laudem meretur. Et de omnibus patet facillima Cupri solutio in omni acido, alcali, hermaphroditico, sale, aperto, vel latente: nam & in oleo pressio Olivarum, & in oleo stillatio Terebinthinæ, aliisque, semper acidum tectissime recondentibus, limatum Æs digestum viridem colorem concedit, facitque tum ea ipsa in Chirurgicos usus medicata. Hæc de Cupro sufficiant.

P R O C E S S U S C X C I I I.

Mercurii depuratio.

A P P A R A T U S.

1. **M**ercurium venalem Amstelædami apud Societatem dictam, committe alutæ optimæ in orbiculum sectæ, & hinc in saccum formata. Hunc saccum forti funiculo superius colliga quam arctissime fieri potest. Dein supra amplissimum vas vitreatum patinæ forma preme quam fortissime saccum, transsudat Mercurius purus, undequaque per corium. Ultimo constringe contorquendo saccum, ut omne corpus transeat; quod arte fit. Non inveni Mercurium hunc aliquid dedisse fœculenti.

2. Accepi ejusdem Argenti vivi libras duas, destillavi ex retorta pura, vitrea, igne arenæ, in vas vitreum accommodatum retortæ, utrimque apertum, infra patenti orificio mersum sub aqua, ascendit totum mercurii corpus, sine fœce; repetivi hanc destillationem ter semper de eadem retorta. Habui libras duas mercurii. In retorta pauculum pulvisculi tenuis-

simi rubri, vix ullius ponderis. Nil fœculenti. Ita, ut ille Mercurius ne sic quidem fœces ullas relinquat omnino. Quæ pulchra laus hujus mercis.

3. Accipe libram Argenti Vivi ejusdem, inde retortæ, superadde calcis vivæ in aëre extinctæ, puræ, libras duas. Destilla igne arenæ, ex retorta, accipietur libra Mercurii, quæ affusa fuerat. Neque vel sic fœx inde gignitur; quæ si adfuisset, certe se hac arte manifestasset.

U S U S.

HI sunt modi vulgares depurandi Argenti Vivi: ut adhiberi queat operationibus sequuturis, hoc semper utar. Constat inde volatilitas Argenti Vivi, ejusque gradus. Puritas sincera Argenti Vivi Amstelædamensis Societatis. De purificatione Alchemistica forte alibi.

P R O C E S S U S C X C I V.

Argenti Vivi solutio in Aqua Forti.

A P P A R A T U S.

Accipe Mercurii puri Uncias quatuor, Aquæ Fortis Uncias sex, in urinali puro. Id cinge paucio igne: ut calecant omnia: incipiet ebullire globus Argenti vivi in fundo, & consumi, cum fumis ruberrimis, & calore; ubi consumtus adde adhuc paucum Mercurii, donec post solutionem calidam peractam, pauculum Mercurii supersit non dissolutum. Effunde tum frigefactum liquorem in aliud vas. Erit Argentum Vivum solutum in liquorem pellucidum, æquabilem, ad ipsa microscopia, saporis horrendi, austeri, odoris Spiritus Nitri, vel Aquæ Fortis, coloris aquæ.

U S U S.

Videmus Argentum Vivum, corporum opacissimum, pellucere cum Aqua Forti, vel Nitri Spiritu. Corpus hoc toties ponderosius aqua forti hîc hæret sine ullo ponderis tanti effectû in mediis suspensum liquoribus decies quater levioribus. Interim manet Argentum Vivum & sic immutabile, tantum cinctum acido: ut postea patebit. Est autem ita æquabiliter distributum in hoc liquido, ut, si ejus unicam guttulam ceperis, inventurus sis, examine artificiose capto, in illa portionem Mercurii proportionalem moli totius liquoris, unde guttam ceperas. Quæ sane speculatio meditantem detinet Chemicum, & Hydrostaticum. Quam est ergo hîc divisus Mercurius? Quam æquabiliter acidum unitur unicuique particulæ Mercurii? Quam æquabiliter hoc acidum, unitum æquabiliter Mercurio prius, nunc cum hoc suo Mercurio est distributum in aquoso suo phlegmate? Solutio hæc caustica valde, & fere intractabilis, summo cum dolore, horrendoque cum calore, exurit, quas modo attingit, partes corporis. Unde Verrucis efficax extirpatio. Si exigua guttulæ pars cuticulam attingit sanam, mox colore purpureo-rubro inficit. Aqua Regia non fa-

cile solvit Mercurium, nec spiritus Salis: attamen Mercurius sublimatus corrosivus est verus Sal dissoluti Mercurii per spiritum Salis Marini, vel Aquam Regiam; quoniam omnes veros effectus ejusdem facit, & Sali Tartari affusus reddit Salem Marinum. Præcipitatus prius Aqua Regia potest solvi. Cum Sale Marino solo potest sublimari in Salem Mercurialem.

PROCESSUS CXCV.

Argenti Vivi Vitriolum.

APPARATUS.

1. **S**I tanta portio Argenti Vivi in Aqua Forti, vel Spiritu Nitri, calidis solvitur, ut tandem portiuncula Mercurii non soluta perftet, tum solutio in vas frigidum effusa solet sponte ad fundum concrefcere in materiem salinam, pellucidam, albescentem. Si ab hac effunditur supernatans liquor, restat materies, acerrima, humida, salina, in aqua solubilis, sed intractabilis.

2. Si liquor superstes inspissatur ad dimidias, reponiturque in loco frigido, concrefcunt similes prioribus crytalli.

3. Sed si Argenti Vivi pars una, cum duplo Salis Marini purissimi, decrepitati, in pollinem tritissimi, ex cucurbita vitrea, igne satis forti, horis quinque, vel sex, agitur; dein frigefacta, frangitur cucurbita, deprehenditur Mercurius sublimatus, solidus, siccus, vera Vitrioli forma. Sed & Mercurius sublimatus vulgaris est verum Mercurii Vitriolum, semivolatile tamen.

USUS.

ERgo Argentum Vivum a spiritu Nitri in Vitriolum cogitur imperfectum, a spiritu Salis perfectum Vitriolum fit. Sed cum spiritu Nitri Vitriolum fixum, a spiritu Salis volatile; quæ notabilis differentia. Acrimonia a spiritu Salis maxima.

PROCESSUS CXCVI.

Mercurius præcipitatus albus.

APPARATUS.

Solutioni Mercurii tam meracæ, ut nihil plus queat dissolvi in illa quantitate Aquæ Fortis, aut Spiritus Nitri, adeoque ut nihil acidi habeat, nisi quod requiritur ad tantam copiam Mercurii solvendam, adde aquæ purissimæ duplum. Tum fit præsto myria Salis Marini purissimi fortis, calida. Instilla guttatim in solutionem Mercurii myriam, fiet statim albus, opacus, turbatus, liquor, quæ myria illapsa est. Contute liquorem, albescet, turbabitur, demittet pulverem album ad fundum. Perge id faciendo tamdiu, quamdiu solutio illa pergit turbari ab illapsa my-

ria. Secedet album præcipitatum ad fundum, supernatabit liquor limpidus. Postquam myria non turbat amplius liquorem, quiescat aliquamdiu vas. Cadet omnis pulvis albus præcipitatus in fundum. Liquor limpidus leniter effusus fervetur seorsum. Liquor, qui in fundo cum pulvere albo, conquassatus effundatur in colum chartaceum infundibulo vitreo impositum, transtillabit liquor limpidus, qui addatur priori. In colo manebit pulvis albus. Huic affunde aquam valde calidam, novam, transcolabitur falsa, acida; affunde sic pulveri in colo hanc aquam, donec tandem transeat æque insipida, quam affusa erat. Tum pulvis albus, insipidus fere, manet in colo. Sicca chartam cum pulvere leni igne, tumque serva seorsum, est quæsitus.

U S U S.

Spiritus Nitri acidus in metallicum Mercuriale tractus, in aqua jam solutus, fit Aqua Regia, simul ac Sal Marinus admisceatur. Aqua Regia non ita solvit Mercurium ac spiritus Nitri. Ergo Mercurii corpus expellitur de solvente priori, cadit, & facit præcipitatum. Aqua abluit Aquam Regiam de pulvere, qui extrinsecus adhæret. Tamen in hoc pulvere corpori Mercurii adhærescit aliquid acidi: unde vim habet singularem; quod plurimis experimentis demonstrari potest. Pulvis hic, ita rite paratus, est forte optimum remedium usque cognitum, quod paratur de Mercurio ad usus internos: Efficaciter, satis tuto, agit. Si cum Sacchari conici triplo conteritur facit panaceam Mercurialem potius dicendam, quam forte alia de Mercurio parata quam laboriosissime. Quomodocunque enim agant cum Argento Vivo, tandem vis ejus medicata pendet inprimis a certa copia acidi, quæ metallicæ adhæret parti. Hæc acida vis abundans, extrorsum patens, si est in Mercurio, tum agit fortius, sed minus tuto. Si parcior, magisque unita, tum lentius, mitius, securius, agit. Atqui sic se res habet in hoc Præcipitato. Si datur jejuno, adulto, pulvis saccharinus ad novem grana, alvum movet, movet vomitum leviter, vermes occidit, systema Chylopoieticum aperit, liberat, purgat, pituitam solvit, sic morbos plurimos, gonorrhœam, scabiem, ulcera venerea, aliave, curat. Si dosis hæc aliquoties repetitur quotidie semel, salivationem blande ciët. Si Præcipitati albi drachma fessquiunciam unguenti pomati, aut rosati, accurate miscetur, facit medicamen infectis cutaneis eradicandis optimum, tutissimum; & scabiei sanandæ aptum, ut & ulceroſæ faciei, atque ulceribus cacoëthicis perſanandis. Non ergo mirum, si jactatis panaceis substitui. Si pulvis ille vitro impositus, igni committitur, & fistula vitrea perpetuo agitur, sicque calcinatur diu, leniter, fiet tam mitis, ut nec alvum ultra suscitet nec vomitum, salivationem vix amplius excitet. Hinc corpori ingestum blande modo agit. Solent Chemicum laudare pro diaphoretico, & correctorio. Sed sæpe tum nimis mite parum sanat. Si pulvisculi hujus parum calefacto, politoque, affricatur æri, statim in speciem argenti illud convertit, in igne, & sponte, cito perituram.

110 OPERATIONUM CHEMICARUM
P R O C E S S U S C X C V I I .

Mercurius præcipitatus ruber.

A P P A R A T U S .

1. **S**olutionis Mercurii (Processus 194.) liquidæ sesquilibram immitte retortæ vitreæ; dupli capaci; tum, applicato recipiente, destillare fac ex furnulo nostro ligneo tam leni igne, ut nunquam ebulliat, sed ad siccitatem fere usque. Hærebit massa solida, alba, ponderosa in fundo, quæ rodentissima, ignea, intractabilis prorsus. Ad latera retortæ hinc inde quid rubri, flavi, aut albi natum cernitur, ex Mercurio ibidem jam incipienti exsiccare, non ingrato spectaculo. Liquor expulsus est spiritus debilis Nitri satis purus, vitris purificandis aptus, aut & ad alia servandus. Hæc igitur est soluti Mercurii quædam coactio in Vitriolum.

2. Tum ponatur retorta in furno arenæ, applicetur recipiens amplum, agglutinatum. Fiat destillatio igne leni, exstillet liquor, ut guttæ cadant ita, ut quatuor, vel quinque, moderate numerare possis; perge sic, donec fumi rubri incipiunt adscendere. Tum statim applica aliud, purum recipiens, amplum. Liquor egressus est spiritus Nitri fortior, bonusque, in usus suos servandus. Residuum urge igne sensim aucto, pergent fumi rubri, tandem ruberrimi ignei replere excipulum. Tum ignem intende arenæ maximum, per duas, tresve horas. Erit in excipulo spiritus Nitri flavus, fortissimus, fumos aureos dans vel post annos, si statim vase vitreo purissimo cœrcetur: ut hic modus sit spiritum Nitri fortissimi comparandi, sive quædam ejusdem rectificatio. Tamen mutavit quodammodo naturam suam: nam minus recte cum oleis stillatitiis flammam excitat. Frigefactis sponte omnibus, erit in fundo retortæ massa solida, coccineo fulgore splendens; inter hanc, & collum, & in collo, varii admodum pulchrique coloris multiplex diversitas, alba, flavescent, flava, viridescens, rubra, ruberrima, materies. Fracta prudenter retorta, exime rubrum, quod in ventre ampullæ, inde separa caute id, quod in superficie hæret minus coccineum. Nam illud valde rodens est. Massam ruberrimam seorsum serva titulo suo præscripto Mercurii præcipitati rubri.

3. Chemici, admirati fulgentis Mercurii speciem, hancque illius, prius volatilæ, insignem fixitatem, credidere, se geminato opere in Aurum hunc convertere posse fixatum. Igitur præcipitato huic affudere novos Nitri spiritus, iterum abstrahere, idque repetendo sæpius, putabant Aurum nasci. Quod sic factum Sylvius in Posthumis asseruit. Sed incredibile id sanis. Paracelsus ipse jubet, in præparatione sui præcipitati, spiritum Nitri sæpe abstrahi a Mercurio.

U S U S .

MUtabilis Mercurii natura ex fluida in solidam , de volatili in fixam , de blanda in rodentem acrimoniam , ex proprio in omnes fere colores , hinc addiscitur. Quomodocunque autem paratus cum acido Nitri , adjunctu tamen alcalini salis , calcis vivæ , limaturæ ferri , & destillatu per retortam reddit pristinum pondus , & formam , nullo modo mutatus. Præcipitatus hic , Joannis Vigonis dictus , acer est , rodens , vivis partibus dolorem creans , escharam producens , hinc semper dein crassum , album , pus generans , labia , fundumque , semiputrefacta ulcerum depurans , ad sanationem disponens. Interne datur periculose : vi caustica viscera inflamat , anxietates , dolores , vomitum , alvi fluxum , cum torminibus excitat , per urinas , sudoresque agit. Si nimia dosi , quæ grana tria nunquam excedat , datur , aut si nimis repetita , tum Ptyalimum , cum omnibus suis symptomatibus , ciet , atque dein curat morbos quam plurimos hac , nec facile alia , via sanabiles. Violentior est , est periculosior , Præcipitato albo. Paracelsus , & Helmontius , mitificandum docent destillatione Alcoholis inde facta aliquoties. Mitior tum fit , ablato pluri acido. Sed & major tum dosi requiritur. Correxere iidem inde destillando aquam albuminis ovorum , pari successu. Alii dissolvunt hunc in aceto forti stillatitio ebullitione , colando , depurando , aliquoties acetum inde destillando , reddunt pulverem mitiorem. Sed quid inde boni ? Præcipitatus albus jam talis fuerat. Verbo dixerim : acre acidum , Mercurio adhærens , facit ut parva dosi operetur valde. Quo acidi plus , quo id magis externum , ad Mercurium , eo agit plus , & violentius. Quo minus acidi adest , quo id magis arcte unitum suo Mercurio , eo mitius agit , eo plus requiritur ad eundem effectum. Si Mercurius hic præcipitatus vitreæ , sed tenui , patinæ cavæ impositus , igni imponitur , & fistula tabacaria agitur assiduo , mutabit colorem in profundiorum. Si opus diu continuatur , evadet tanto semper mitior , ut tandem vix agat.

P R O C E S S U S C X C V I I I .

Mercurius Sublimatus.

A P P A R A T U S .

Mercurii selibram solve in Aquæ Fortis copia requisita (Proc. 194.) , inspissa prudenter in massam albam (Proc. 195. N. 1.) , siccam. Tum sume Salis Marini decrepitati Uncias decem , & Vitrioli communis ad albiditatem calcinati tantundem. Hos binos sales in mortario marmoreo , vel vitreo , pistillo vitreo , diu , fortiter , seorsum contere loco sicco , calido , dein accurate misce simul , tum & eis admisce Mercurium quam accuratissime. Tum pulverem immitte phialæ vitreæ , chemicæ , cujus ventris modo tertiam partem pulvis immixtus repleat ; collum phialæ abscindendum ut septem modo , aut circiter , pollices emineat. Tum phiala ponitur in furno

fabuli ita, ut fundus phialæ cavum ollæ ferreæ tangat, arena circumponitur phialæ sic, ut modo tam alta sit, ac superficies materiæ contentæ, non supra, nec infra. Tum utere lenissimo igne, sensim per minutos gradus aucto, donec per apertum os exhalet vapor, a quo noxio pulmonibus abstinendum. Ubi omnis humiditas exhalavit perfecte, tum charta imposita claudatur os phialæ, augeatur tandem ignis eousque, ut olla rubescat ab igne, elevabitur ad latera in crystallos albas, semipellucas, Mercurius sublimatus corrosivus. Refrigeratæ, fractæ, phialæ eximitur, a fœce, & molli superiori pulvere, rite separandus, & vase sicco servandus. De methodo Venetorum vid. Tachenium in Hippocr. Chem.

U S U S.

Mercurius albus ille Aquam Fortem tenet sibi affixam, calx alba Chalcanti Sali Marino mista aggreditur hunc salem, ut expellat ejus spiritum Salis Marini. Dum hæc simul agunt in Mercurium vi ignis, tunc fit ex spiritu Nitri, qui in Mercurio, & Spiritu Salis Marini per acidum Vitrioli excitato, Aqua Regia. Hujus phlegma igne primo leni diffilatur. Pars acida Aquæ Regiæ meraca unitur Mercurio metallico, hunc rodit, sed Aqua hæc Regia naturæ est Salis Marini. Salis Marini spiritus, non ut Nitri spiritus figit Argentum vivum, sed potius semivolatile illud reddit: Hinc Mercurius hic sublimatur. Estque verum Vitriolum Argenti Vivi solidum, siccum, in aëre ipso satis constans. Basis hujus Vitrioli Argentum Vivum purissimum, altera pars est spiritus Salis Marini omnium meracissimus, qui ulla arte fieri potest, hinc forma solida existens. Intuitu hujus spiritus Acidi Salis Marini hic est Lapis infernalis Mercurii, omnium potentissimus corrosivus, qui omnes partes vivas animalium, quas attingit, quæ tangit, convertit in escharam cito lapsuram. Hinc consumit pertinacissimos callos in ulceribus, verrucas, glandulas induratas. Rem novit magnus Chirurgus Joannes a Vigo in componendis Trochiscis de Minio, remedio incomparabili consumendis per eradicationem suppurantem Scrofulis. Sapor hujus Vitrioli terribilis austerus. Granum unum aquæ Uncia dilutum dat remedium cosmeticum prudenter usurpantibus. Venenum omnium insectorum cutaneorum simplici lotura. Si drachma talis misturæ, Syrupo Violaceo mitificata, potatur bis, terve, in die, mira præstat in multis morbis incurabilibus. At prudenter a prudente Medico! Abstine, si methodum nescis! Mercurius hic mistus metallis, semimetallis, pulcherrima præstat, & inimitabilia, & quidem, quod miretur Chemicus, ipsum Argentum mirifice mutat. Vid. Boyl. Orig. Form. pag. 196. ad 203. Certe Mercurius hic sublimatus corrosivus clavis est Chemicis, infinitis referendis propria; ejus ope & argenti forte pro parte quid in aurum, prius non repertum, vertitur. Vid. Process. 186. in Ufu. Hinc & paratur Menstruum peracutum Boylei, & alia. Nullum pœnitebit Chemicum impensæ Mercurio huic sublimato operæ. Vos cernitis Aquam Regiam solve Mercurium pulchrius, quam ulla Aqua Fortis potest, si prius in Aqua Forti solutus. Spiritum Salis sublimare eum a spiritu Nitri fixatum prius. Sublima Mercurium hunc, consilio Boylei, cum pari Sale Ammoniaco; Sal erit mirabilis.

PROCESSUS

PROCESSUS CXCI.

Turbith Mercurii.

APPARATUS.

1. **A**rgenti vivi purissimi Unciis quatuor in urinali purissimo affunde olei Vitrioli optimi, & purissimi, Uncias octo. Calefac leniter, & lente. Calefacta pone supra prunas, ut ebulliat lenissime materies, & fumet; a fumis ut caveatur, oportet sub camino sic disponere, ut vapor dispergi nequeat, aut ad pulmonem pervenire. Incipiet Argentum Vivum, in olei Vitrioli fundo decurrens, solvi, perge eundem ignem supeditando tamdiu, donec omnis Mercurius solutus sit. Erit massa nivis instar candidæ; hanc dein eodem igne continuato calcina ad siccitatem, ut non fumet amplius. Erit pulvis candidissimus, niveus prorsus, horrendus acer, & intractabilis, vocaturque Calx alba Mercurii oleo Vitrioli facta. Hæc ita fit; sed vix modis vulgo descriptis.

2. Massam siccam, calidam, tere in mortario vitreo in pollinem subtilissimum. Tum præsto sit vas vitreum calida purissima plenum, ut ad minimum vigecuplum aquæ sit, respectu ponderis Mercurii. Injice in hoc calcem hanc. Ipso illapsus puncto candidus pulvis, per aquam dilabens ad fundum, colorem gratum corticis Limonum acquirit. Tum concutiat diu vas cum hisce: ut accurate misceatur aquæ pulvis. Subsdat quiete. Effundatur liquor in aliud vas. Pulvis Citrineus in fundo affusa calida abluatur, donec sit insipidissimus prorsus. Dein leni igne prorsus exsicca. Hic pulvis grate coloratus est Turbith Minerale quæsitum.

3. Liquor primus stet aliquamdiu quietus. Coletur. Inspissetur ad sextas. Erit Mercurialis aqua: si enim pauxillum olei Tartari per deliquium instillatur, cadit pulvis præcipitatus rubellus. Servari liquor poterit titulo dicto.

USUS.

Sic acidum fortissimum Chalcanthi Mercurio unitum facit pulverem Salbum, fixissimum, magnique valde ignis patientem: est enim longe fixior, quam quis ignarus crederet. Quam varii autem variorum acidorum, respectu coloris, eventus! Ne summo igne color albus hic mutatur, ut cum spiritu Nitri fiebat tam facile. Pulvis quidem albus ille, calcinatus est rodentissimus, venenatus inde. Quam singulare vero, solo aquæ attactu colorem ocysime novum oriri! Nam si pulvis ille albus, rite paratus, reponitur in aëre aperto, citrinescit brevi in superficie attracta aqua de aëre. Hic pulvis videtur fuisse, quo rite usurpato Paracelsus miracula præstitit. Id ex libello ejus parvo Nosocomii patet. Id Oporinus testatur satis, dum eum eo parando crebro incubuisse narrat. Spiritu Vini superaccenso mitificabat more antiquorum Chemicorum, qui hoc artificio sales externe hærentes, acres proinde nimis, auferebant de calcibus metallicis, ut modo restarent intime conjuncti. Prudens Sydenha-

mus, cautus Chemicorum & parcus laudator, hujus ope inexpugnabiles morbos tolli, gratus agnoscit in tractatu de Lue Venerea. Boyleus narrat, paucula hujus pro Ptarmico usurpati dosi, totum corpus mutatum, vere Cataractas dissolutas. Fœmina quondam Parisiis declamatos sanasse dicitur. Hinc duris nodis cuneus hic par est, sed in manu prudentis; nec nisi quoties minoribus non cedit malum debellandum. In Hydroke non minus quam in Tabo Venereo prodest, & in morbis quoque glandularum obstinatissimis. Helmontius ait, oleum Vitrioli hîc in Alumen verti solo attactu Mercurii: id vero est improprie loqui, aut minus ex vero. Quando autem Egregius Vir dicat, ut ignis Vitrioli Veneris fundatur supra pulverem Joannis Vigonis, atque inde destilletur, pro parando arcano purgante Paracelsi, certe si quid intelligo, tum idem hoc medicamentum fit. Si enim elementum ignis in Vitriolo Veneris est meracissimum oleum Vitrioli, tum simulac hoc affusum præcipitato rubro, statim reddit spiritum Nitri volatilem a Mercurio fixato, moxque ejus locum occupans facit calcem Mercurii ut supra. A qua destillans aqua albuminis ovorum aliquoties, aufert acidum externe adhærens, reddit pulverem blandiorem, tamen bene operantem. Quo efficitur, quod raro præstatur aliis. Si vero ignis illud elementum aliud quid sit, subtiliusque, ignoro. Ex collatis Helmontianis cum Paracelso fere crederem fuisse tantum quod dixi. Inquiretis aliquando Metalla sola parum in nos agunt, nisi mole, figura, pondere. Adjunctu salium maxime acidorum acquirunt potestates novas, sæpe mirificas, valde varias, prout acida intime magis fixantur cum iis, aut magis extrinsecus adhærescunt. In forma Vitrioli agunt quam violentissime. Inde facta calcinatione calx sensim mitescit. Diuturna, magna, calcinatione, sensim expulsis acidis, acerrima evadunt blanda; ut in ipso Turbith fieri solet: tum blandior operatio, sed & proportionaliter minus efficax; sicque errant Chemici, & Medici, qui vero hoc Turbith mira experti, at violente agente, quæsi verunt mitigare illam virulentiam, quod facile fieri potest quidem, at falluntur, dum postea idem conantur efficere jam mitigato, quod acriore effecerant. Modi acrimoniam hebetandi fiunt acidi ablatione; per ablutionem cum aqua; per destillationem aquæ simplicis sæpe geminatam semper ad siccitatem usque; per incensionem Alcoholis Vini a pulvere mitigando; per destillationem Alcoholis novi repetitam a metallo acido acri ad siccitatem usque; per contritum cum pluri materie metallica, ut in Mercurii Dulcis præparatione; adjunctu Salium Alcalinorum absorbentium in se acidum ex metallo acidis calcinato: contritu cum creta, lapide cancerum, ostracodermatis, similibus acidorum veris spongiis; calcinatione diuturna, forti; fixatione ignis a levi gradu sensim majoris ad summum tandem vitro ferendum.



PARS III. IN FOSSILIA.
PROCESSUS CC.

318

Oleum Mercurii igneum.

A P P A R A T U S.

Mercurio cum oleo Vitrioli in calcem niveam, siccam, calcinato, Proc. 199, & frige facto, affundo iterum in urinali hoc puro olei Vitrioli calci æqualem copiam; coquo ut prius ad siccitatem usque, summa cautela fumos vitans; longe jam difficilius exsiccatur; longiori tempore, igne majore, eger. Ubi tandem exsiccatus pulvis est, addo illi iterum novum oleum Vitrioli eadem copia, iterumque peractis iisdem, tandem renuit fere exsiccare diuturno, magnoque, igne, sed incipit subsistere instar olei fixi, acerrimi, causticotati, prorsus intractabilis, instar Ignis Gehennæ Paracelsi. Fit hac ratione Mercurius cum hoc oleo Vitrioli adeo fixus, ut ingenti actione non avolet, sed maneat.

U S U S.

Experimentum hoc servit demonstrandæ imprægnationi, saturationi, & incerationi, metallorum per acida, in quemcunque gradum, tum & fixationi volatilis Mercurii per acida, quo usque possibilis. Sed nunquam inde metallum: sit enim acidis fixissimus, quocunque demum modo, Mercurius, contere cum duplo limati in scobem Ferri, fiat destillatio ex retorta vitrea summo igne arenæ, profiliet Mercurius acido in ferrum attracto prorsus liber.

PROCESSUS CCI.

Mercurii Æthiops.

A P P A R A T U S.

Florum Sulphuris optimorum drachmæ uni in mortario vitreo, adde drachmas Mercurii tres, contere, diu, fortiter, incipiet Mercurius evanescere, Sulphur autem cineritium colorem induere, perge terendo, disparebit Argentum Vivum integre, fietque pulvis niger, eo magis, quo diutius contritus exercetur. Ita parari potest facile copia, qua desideratur. Quando aliquamdiu stat hic pulvis, solidatur sponte in massam solidam nigram, facili tritu iterum reducendam in pulverem.

U S U S.

Hic demonstratur, quam facile Mercurius adunatur Sulphuri crudo, frigido, per solum attritum mechanicum, ita tamen, ut arcta factis evadat utriusque combinatio, haud ita facile dein dissocianda. Pulvis

R r ij

inodorus, insipidus, nullo modo acer, nulli rei facile miscendus integre. Datus intra corpus, non valet vasa absorbentia venosa, vel chyliifera, vel lymphatica, ingredi, sed recta tantum per fistulam intestinale propulsus, si fortunato operatur, vermibus forte necatis, ano exit. Decipiuntur, qui alios inde effectus sperant, quos inde natos nunquam videre potui. Incautos vereor, qui tanta copia infantibus, puellis, & tenerioribus, exhibent alienam, naturæ indomitam, massam fossilem; tanto suspectiorem sane, quo pigriori inertia, diutius restat. Salivationem non ciët: quia venire nequit in sanguinem. Quis vero scit effectus a materie, quæ composita quamdiu manet, non videtur actuosior quacunque ponderosa insulsa terra? Certe tamen experientia hac novimus, acidum Sulphuris non trahi in Mercurium ex oleosa parte, in hac operatione; quoniam nihil acrimoniæ nascitur, neque conficitur inde, nisi una homogenea massa insulsa, iners.

P R O C E S S U S C C I I.

Cinnabaris factitia.

A P P A R A T U S.

1. **A**ccipio figulinum vas, repandum, satis altum, in eo depono Florum Sulphuris optimorum Uncias quatuor. Fundo Sulphur leni igne, non fumante, in hoc vase, cujus margo in altum elata distet satis ab igne: ut non facile flammam suscipiat a nimis propinquo igne. Tum accipio Argentum Vivum calefactum eo usque, ut nondum fumare incipiat, in vasculo rostrato, tum in Sulphur fufum pauxillum Mercurii calidi infundo, atque statim incipit lentescere Sulphur, moveo assidue fistula crassa tabacaria, pergo infundere & movere, donec omnis Mercurius, qui ratione Sulphuris triplus esse debet infusus, penitusque agitando permistus est. Solet tum subito fieri magnus sibilus, exoriri fumi densi, rubri, & cum sonitu inflammari materies. Imponatur ori vasis tigillum. Frigescant omnia. Erit massa nigra.

2. Hanc, similem Æthiopi Mercurio Processus 201, immitto cucurbitæ Hessæ, cui alembicus arctissime agglutinatur luto ex argilla & calce facto, aut inversa imponitur alia talis cucurbitula. Tum ponitur in furnum arenæ, ut fundus ollæ ferreæ tangatur a fundo cucurbitæ. Obruat cucurbita arena paulo altius, quam materies. Fiat ignis per gradus, ad summum usque. Adscendit primo aquæ insipidæ pauxillum. Dein pauculi flores subalbi. Tandem nigri quid. Ubi ignis summus trihorio applicatus, frigescant sponte omnia. Hærebit materies compacta ad latera cucurbitæ, externe nigrescens. Eximatur, nigrigudo pede leporino abstergeatur, massa trita colorem dat coccineum, vocaturque Cinnabaris factitia. In fundo cucurbitæ fœculenti quid.

U S U S.

Sic primo fit Æthiops igne, ut antea tritu. Cinnabaris igne est unitus Mercurius & Sulphur specie simplicis fossilis, quod in plurimis fodinis a natura factum habetur, simile factitiæ, nec inde multum differt. Vis fere in corpore humano, ut Æthiopis. Magnetem Epilepsiæ magnus vocabat Crato. Nunquam inde adeo multum effectus vidi. Si purgantibus junctum urgetur, tum ut Æthiops, citius actum, per intestina facit modo memorata Proc. 201. Cosmeticis rubefacientibus immiscetur pomati forma. Suffumigiis adversus venerea mala narium, oris, gutturis, parvo, sæpe infortunato, successu. Mercurius autem in Cinnabari purissimus inde resuscitari potest, si teritur cum duplo limati ferri, & ex retorta destillat, summo arenæ igne in aquam descendens.

P R O C E S S U S C C I I I.

Mercurii Amalgama cum Plumbo, aliisque Metallis.

A P P A R A T U S.

1. **F**Unde plumbum purissimum in cochleari ferreo mundo, tum immitte huic Mercurii calefacti pondus æquale, move virgula ferrea. Frigescant. Erit massa homogenea coloris argentei, satis dura, sed tritu mollescens magis magisque. Pone hanc massam in mortario vitreo, mox tritiæ admisce, quantum volueris, tantum Mercurii, unietur ut Sal aquæ.

2. Stanni Amalgama fit eadem prorsus ratione, & quoque potest dilui pluris Mercurii affusione ad Amalgama.

3. Accipe solutionem optimi Cupri factam in aqua forti, & ita factam, ut nihil ultra Æris solvere potuerit, dilue duodecuplo aquæ puræ, calefacto liquori impone lamellas politas Ferri, præcipitabitur Cuprum forma pulveris in fundum, dissolvetur Ferrum, perge, donec omne Cuprum præcipitatum fuerit. Effunde liquorem supernatantem. Pulveri præcipitato admisce aquam calidam, abluere tamdiu, donec tandem prorsus insipidus sit. Tum siccissimo pulveri in mortario vitreo conterendo admisce tantundem Argenti Vivi calidi, fiet Amalgama, in quo Æs unitum erit, poteritque hoc Amalgama dilui affusu pluris Argenti Vivi. Amalgama Cupri aliter satis difficulter confici experientur, qui tentabunt.

4. Argentum ex Aqua Forti præcipitatum purum simili modo in Amalgama verti dixi in historia Argenti. Inde petatur.

5. Aurum purissimum solve Aqua Regia ita, ut plus solvere nequeat. Solutum dilue aquæ purissimæ duodecuplo. Impone soluto politissimas lamellas Æris. Auri pulvis præcipitabitur ad fundum & ad æs. Detine in calore, donec liquor non magis turbatur ab ære immisso. Concute laminas cupri, ut aurum decidat in fundum omne. Effunde liquorem supernatantem. Abluere pulverem Auri, sicca, hic in mortario vitreo cum Argento vivo ibit in Amalgama, quod & postea poterit dilui. Vel fac ex Auro & Ar-

gento, per plumbum depuratis, ope aquæ fortis bonæ, docimasticæ, separationem Argenti. Ablue pulverem nigrum Auri, qui in fundo. Hunc calidum, siccum tere cum Argento Vivo, statim fit Amalgama, dein diluendum. Omne Amalgama album semper, de quocunque metallo.

U S U S.

H Is modis, sine jactura, fit Amalgama de omni metallo, Ferrum exceperis. Aliis modis id fit, cum magna Argenti Vivi jactura, nec sine periculo fumi. Cognoscitur Mercurius vera Metallorum Aqua solvens. Possunt Metalla, reducta in Amalgama, permisceri inter se, confundi, clam abscondi. Alchemia niritur hac Metallorum per Mercurium solutione, ut credo. Hinc lucripeti sophistæ Plumbo Mercurium adulterant admisto. Sed exhalatione unius, alteriusve, grani, fraus facile detegitur. Forte hinc fit coagulatio Mercurii fumo Plumbi figenti adscripta, miroque spiritui Metallico figenti, etiam a Paracelso & Helmontio. Scilicet Plumbo fuso incipienti jamjam refrigerescere, sed necdum coagulato, imprimitur superius fovea per bacillum. In hanc demittitur frigidum Argentum Vivum blande. Paulo post illud stat. Sed id a plumbo adhuc fervido in Mercurium recepto, sic amalgamato, semperque tum durefcente, nonne contigit? Sane particulam fixati ita Mercurii expone vasculo, urge igne, videbis. Solent deceptores Mercurio Aurum, Argentumve abscondere, dein infundere Plumbo, sic mentiri Chrysopoiesin, aut Argyropoiesin. Sume parum ejus Mercurii, impone cochleari ferreo ad ignem, avolans Mercurius, metallum relinquens, fraudem detegit. Hoc fundamentum inaurandi, & argento obducendi.

PROCESSUS CCIV.

Metallorum per Mercurium ablutio.

A P P A R A T U S.

A Ccipe Amalgama. Tere in mortario vitreo, quo diutius, eo melius. Incipiet nigrescere. Affunde aquam puram, contere cum ea, fiet aqua nigra turbida. Hanc statim effunde. Residuum Amalgama cum nova aqua tere. Fiet idem. Hunc tritum, effusionem, repete, donec ultima aqua affusa, & trita, pura perstat. Amalgama purum restabit argenti instar. Cæterum omnia Amalgamata, sic tractata, nigrum hoc dare solent plus, minusve, Auri Amalgama minus. Pulvis exsiccatus, nec Metallum, nec Mercurius, invenitur. In metallis cæteris, vide, an finem invenire queas? vix credo.



U S U S.

HInc Argentum Vivum purum, Metallis mistum, ita illis unitur, ut aliquid in alterutro, vel utrisque, latens respuat, & evomat, si de auro, & argento, sic paratur magna copia, materies auri, & argenti, eadem semper restat pondere suo, nec aucta, nec minuta. Ibi ergo pulvis ille de Mercurio natus. Res summæ speculationis, de qua spero alias dicere. Jam ultra abisto.

P R O C E S S U S C C V.

Auri solutio.

A P P A R A T U S.

ACcipe Aquæ Fortis partes quatuor. Salis Marini purissimi partem unam. Misce. Erit liquor coloris flavi. Huic immitte Auri purissimi lamellati partem unam. Pone in urinali vulgari purissimo supra ignem, ut percalescant, solvetur Aurum. Dein sensim injice grana duo vel tria Auri, donec tandem in calore non potest plus Auri dissolvi in hac Aqua Regia. Tum effunde solutum, erit liquor coloris Auri. Si nil nigri in fundo, signum erit, nihil Argenti admistum fuisse: aliter enim specie pulveris nigri cecidisset ad fundum, quidquid admistum fuerit. Hæc est Auri solutio, quæ fit omni Aqua Regia, quomodocunque facta, varia ratione, jam supra explicata, atque recensita.

U S U S.

INde ratio nominis Aquæ Regiæ. Liquor hic cutim tangens purpureo hanc colore tingit. Est causticus. Interne sumtus venenatus. Si Alcalino Sale fixo, aut volatili, præcipitatur, totum Aurum cadit ad fundum. Pulvis ablutus aqua quam perfectissime, dein calore leni octuaginta graduum summa prudentia exsiccatus, erit aucto ratione auri adhibiti pondere. Pulvis hic lente calefactus, ubi pervenit ad certum ignis gradum, subito, magno cum sonitu disploditur, ut evanescat: hinc Aurum Fulminans, vel Tonitruans, dicitur. Miro eventu, nec explicabili, opinor, a priori, neque ex analogia: Sane, qui in se susceperunt explicationem miri phænomeni, hæcenus frustra fuerunt. Qui pulverem in vase ingenti vitreo explosere, pulvisculum recuperaverunt tenuissimum auri. Qui pulverem hunc hominibus ingesserunt, arcani magno pretio promittentes eximia, dolores, tormina, alia mala excitabant. Quam differt inventio insignium in Chemia novorum inventorum, ab utilitate inde parienda in Medicina.



IV. IN SEMIMETALLA.

I. SALINA.

PROCESSUS CCVI.

Analysis Vitrioli in Spiritum, Oleum, & Colcothar.

APPARATUS.

1. **A**ccipio Vitrioli viridis, vulgaris, Goselatici, libras octo. Has indo duobus cantharis figulinis, singulis capacibus quatuor librarum Vitrioli: cantharos sic repletos, & tigillo tectos pono in pavimento foci. Cingo igne: ut lente calecant penitus omnia. Incipit fumare Chalcanthum. Aucto paululum, & propius adducto, igne liquefcit fumum. Iterum ardentore facto spissatur, & cinericeum colorem induit. Tum obruo cantharos sic igne undique apposito, ut materies flavescat, & ad latera vasorum jam incipiat rubescere. Tum frigescent omnia. Erunt canthari fissi. Materiem exime. Tunde in pulverem. Erit flavescent. Hæc est Vitrioli calcinatio ad destillationem Spiritus, & Olei. Quæ præmitti debet: quia aliter aut tædiosa operatio tuta, ad expulsionem aquosi phlegmatis, aut excipula adscensu phlegmatis calidi finderentur; atque dein & finderentur vasa destillatoria pressa a materie fusa. Hinc materies calcinanda tantum tamdiu, quamdiu igne amplius non funditur. Solet ita prima hac parte operationis perdi pondus librarum trium ex octo, ut de his quinque supersint.

2. Libras quinque has calcinati contusas indo cantharo forti figulino, jam descripto in destillatione Nitri, & Spiritu Salis Marini cum bolo, qui tam magnus sit, ut duplo plus & ultra capere queat, hunc pono in furno, unde Nitri, & Salis, Spiritus agebantur. Ubi bene firmus camento & lateribus accommodatus furno est. Impono ori canthari segmentum Cylindricum, idque inductu luti crassi ex argilla & calce accuratissime conjungo cum collo canthari. Alterum extremum hujus segmenti obduco linteo madido. Tum illi applico os accurate respondens excipuli amplissimi vitrei ita, ut quam accuratissime respondeat, & non nisi per pollices binos ingrediatur. Tum excipulum hoc ita ventris latere imponendum scamnulo, ut canthari, segmenti, & excipuli axis, sit in positu horizonti perfecte parallelo: ne pondere premant in collum segmenti, aut excipuli. Commissura extremi segmenti & oris excipuli obducenda quam curatissime luto eodem. Tum lintea, eodem luto obducta, circum apponuntur. Sic spatium viginti quatuor horarum relinquuntur: ut lutum exsicceetur.

3. Tum ignis instruitur cum cautelis omnibus, Processus 141, 144, exhibit primo fumus albus; calefcet excipulum; tum sustineatur ignis ita sex horis. Postea incipiant striæ spirituum, instar olei, descendere juxta latera recipientis;

recipientis ; tum in hoc gradu horis sex continua. Tandem ultimis sex horis sustine ignem , ut cantharus perfecte candescat penitus. Prodibit oleum crassum ultimum. Si tum vapor per lutum transit , rimæ imponitur linteolum obductum eodem luto , supra prius , sed bene calefactum , sic obturatur perspirans rima. Licet autem quam diutissime continuares hunc ignem , nunquam desineret vapor , nec valeret productus liquor operæ pretium : quare octodecim horas sufficere arborior. Quiescat tum , & sponte exstinguatur ignis ; donec segmentum medium non multum amplius calet , excipulum vero omnino refrixit undique.

4. Sit tum lagena præsto , larga basi , collo angusto , cujus orificio impositum sit infundibulum satis patulum. Tum quam prudentissime madefac lintea , & gluten , apposita ad os excipuli , madefacta leniter aufer , curans , ne sordes incidant , ne fumus exspirans lædat , ne vitrum , oblique tractum , findatur ; sed fac , ut id in directum auferatur. Mox ac ablatum , cave a noxio fumo , purga collum excipuli , ne luti quid incidat omnino ; tum prudenter inverso excipulo effunde per infundibulum in lagenam liquorem expulsam. Lagenam obtura. Excipulum in usus similes reponere. Habui plerumque inde olei Vitrioli , attriti , crassi , fortis , fumantis Uncias viginti & unam. In vase destillatorio erat Calx rubra , nigrescens , levis , pulverulenta , austera , ad Uncias quinquaginta duas. Ut quinque Unciæ difflatae fuerint.

U S U S.

Sic paratur Oleum , seu Spiritus Vitrioli. Usus summi ubique fere in Chemia , & Medicina : Est enim acidum potentissimum , ponderosissimum , antisepticum summum , ipsum vero causticum acidum. Hinc Vitriolum hoc acido , & Colcothare constat , atque phlegmate ejecto. Oleum hoc Vitrioli non ebullit nisi igne fere sexcentorum graduum. Si autem oleum hoc , cucurbitæ vitreæ puræ inditum , urgetur igne arenæ quingentorum graduum , tum dimittit de se Spiritum suum sylvestrem , suffocantem , & aquam. Tum ex nigro factum est limpidum , ponderosissimum , igneum , sique funditur in vas madidum aqua , fit statim adeo fervidum , ut vas diffiliat uno momento ; aquam trahit ex aëre instar magnetis. Si oleum hoc ad Uncias quatuor , ex parva , pura , retorta , collo longo , & valde curvo instructo , igne arenæ destillo , ut gutta guttam sequatur ad intervallum sex minutorum secundorum horæ , ea lege , ut guttæ cadant in aquam purissimam in fundo excipuli detentam , tum habetur Oleum Vitrioli purissimum , æque bonum , quam Spiritus Sulphuris per campanam. Sed requirit peritum Artificem : singula gutta labens in aquam facit sibilum , ac si ignis incideret. Si vero gutta cadens vitrum attingit , tum statim , vitrum fervidissima tactum cadente gutta finditur , ac si adamante scissum fuisset. Si urges majore igne , finditur collum retortæ , perditur labor , fumus suffocando perniciosus exhalat : quare , si usquam , hîc prudens caveto. Aliter est pulcherrimus Processus , arte , & usu : ut prudenti exercitatione Chemica , & Medica , experiemini. Paracelsus optimam dictat parationem spiritus , dum ex vase terræ Hessæ , jubet recens Vitriolum destillare ad siccitatem , liquorem egressum redditum residuo

iterum inde expellere. Hoc repetere, quo crebrius, eo melius. Ultimo summa ignis vi adhibita agere. Sic liquorem promittit salubrem ad multa ingeniose, & ex vera arte: modo cures, ne vas diffiliat, a nimis magna copia Vitrioli exsiccati. Caveretur, parvam copiam adhibendo simul ratione vasis.

PROCESSUS CCVII.

Ens Veneris.

A P P A R A T U S.

1. **A**ccipe Colcothar residuum in Processu 206. Id crucibulo magno, bene tegendo per tigillum, inditum pone in furni parte calidissima, ubi caminus ex cavo furni egreditur, quando iterum oleum Vitrioli destillabit: ut ibi toto illo tempore destillationis candescat. Erit hac calcinatione ruberrimum. Tum Colcothar hoc coque in aqua, bene movendo, in vase vitreo, liquorem supernatantem effunde, fervidum cola, habebit saporem Vitrioli. Affunde novam aquam residuo, coque, effunde, abjice eam, sic perge tamdiu, quamdiu ultima affusa, & ebulliens, aqua, ullum omnino saporem habet. Tandem superstes pulvis ruber tenuis serverur titulo Calcis dulcis Vitrioli. Si prius liquidum purum inspissatur, dabit adhuc speciem Vitrioli flavi: unde discimus quam sit mirum corpus Vitriolum, respectu fixitatis in igne, etiam in parte salina.

2. Accipe Calcis Vitrioli dulcis, florum Salis Ammoniaci siccissimorum, utriusque pondus æquale, contere in mortario vitreo, calido, per pistillum vitreum, quam diutissime, fortissimeque, donec intime omnia mista, subacta, sint: cavendo, ne madescant: quare sereno, sicco, tempore, loco calido fiat hic contritus. Pulverem mistum inde cucurbitæ terreæ, non nimis altæ. Applica alembicum latum, rostro lato, appende excipulum exiguum, tum loca in furno arenæ, ut fundus cucurbitæ ollam ferream fere tangat. Instrue ignem per gradus, cucurbitæ dimidio arenis obruto. Primo exit liquor acer, volatilis, flavescens, odore intolerabili, sapore acerrimo, igneo. Fere ut contingebat in sublimatione Ferri, Processu 169: est enim fere eadem ratio. Aucto igne, expulso liquore, adscendet in alembicum Flos albus, mox flavus, brevi ruberrimus. Continuetur ignis per sex horas, ultimo tam validus, ut olla fere rubescat. Refrigerant sponte. Reperietur in alembico, & ad suprema cucurbitæ, coloris speciosissimi Sublimatum, rubrum, falsum, adstringens, flori Martis quam simillimum. Omnibus his prudenter exemptis, statimque vitro sicco reconditis, reperietur in fundo materies rubra, saporis acerbi, in aëre facile tumens, & quodammodo deliquescent. Sciendum interim, pro varia Vitrioli diversæ natura de Ære, Ferrove, alia productum iri.



U S U S.

IN igne fixissima pars metallica ope Salis Ammoniacy fit volatilis. Indoles Ferri ex Vitriolo ita calcinato fere eadem hîc in flore parato, quam in ferro crudo, Processu 169. magis igitur Ens primum Martis, quam Veneris vocandum, si his utendum vocabulis. De calce Vitrioli cærulei paratum Veneris vocari meretur. Hinc mors, & resuscitatio, metallorum Paracelso memorata intelligitur. Granum unum hujus Sublimati vertit multum infusi gallarum in atramentum. Boyleus ingentes de hoc remedio effectus pollicetur, ad morbos, qui a nimia debilitate staminum solidorum in hominibus, ut in Rachitide, similibus. Facitque ibi multum. Hinc & Helmontius, in tractatu Butler dicto, de simili materie pulcherrima scribit. Quum vero post extremam ignis torturam, vase clauso, & aperto, sustentatam, tamen Vitriolici quid semper supersit; mirum non est, fumos Vitrioli manere spirantes semper, utcunque diutissime urgeatur destillatione Vitriolum: fane meretur explorari hoc mirabile corpus.

II. SULPHUREA SEMIMETALLA.

PROCESSUS CCVIII.

Stibii solutio in Aqua Regia.

A P P A R A T U S.

STibii purissimi, circa apices conorum lecti, in pulverem tusi, libram demitte in vas vitreum, humile, capax satis, & ita abscissum, ut lato orificio pateat. Pone vas sub Camino bene emittente fumos sursum, sine dissipatione. Tum superfunde Aquæ Regiæ sesquilibram. Fiet incredibilis effervescencia cum æstu summo, fumis densis, ruberrimis, strepitu, quæ omnia brevi cessant. Tumque hæret in fundo materies cineritii flavescens coloris, humida, spissa instar pultis. Hæc leni valde igne, subinde baculo agitata, exsicceetur.

U S U S.

Calcinatio hæc est immerfiva, vel humida Antimonii: qua fossile hoc, prius non emericum, nec purgans, jam vires acquisivit virulentissimas. Flava materies, in hac calce interspersa, est verum Sulphur Stibii, quod, ab acido non potens dissolvi, excutitur de alia parte Antimonii metallica, quæ acido Aquæ Regiæ roditur. Unde in hoc Processu calcinatio, & separatio, simul contingunt. Servit porro sequentibus Operationibus.

OPERATIONUM CHEMICARUM PROCESSUS CCIX.

Verum Sulphur Stibii.

A P P A R A T U S.

Calcem illam, Processus 208, aqua dilue, conquassa, turbidam statim effunde in aliud vas; affunde novam aquam, in eundem usum, & sic perge, donec flavum, levius, in aqua dispersum, a ponderosiore metallica parte separasti. Quam seorsum serva. Sulphuream partem, subsidentem in fundo, libera ab aqua supernatante albida, quam abjice; dein pulverem illum exsicca igne valde leni, erit verum Sulphur, omni nota Sulphuris. Si autem frustula paulo grandiora Aquæ Regiæ immiseris, sicque solutionem institueris, tum frustula erunt majora Sulphuris: quia Aqua Regia metallicas partes majores, intra Sulphur absconditas, quærens & excutens, Sulphur massulas magis visibiles format.

U S U S.

Quam abdite intra spicula splendoris metallici recondi queat Sulphur, hîc apparet. Atque etiam, quam mire Aqua Regia per Sulphur queat invenire metallum, iterum patet. Quin etiam, quam maneat immutata hic Sulphuris natura. Hoc est id Sulphur Antimonii, quod extrahi jubet Helmontius, & de quo prædicat, quod a vulgari vix differat, nisi quod paulo plus viridescat. Vix certe a vulgari differentiam habet. Nec Cinnabaris inde facta forte meretur, virtutis respectu, tantum laborem. Sane septies repetita hujus sublimatio, quam præscribit, non adeo factu, quam præceptu, facilis. Sed saltem hoc experimento intelligitur, oculoque exhibetur, Stibii ex metallica, & sulphurea, parte compositio.

PROCESSUS CCX.

Stibii Vitrum.

A P P A R A T U S.

1. **S**tibii purissimi, in pollinem redacti, libras duas committe largæ Spatinæ figulinæ, fundi satis plani, plumbo non obductæ, in aëre libero sic accommoda supra prunas ardentes, ut pulvis fumet, non fundatur. Hoc in moderamine stat tota ars. Agiterur assiduo virgula figulina pulvis. Fumus exit albus, densus, fœtidus; noxius pulmoni, a quo caveatur cautissime, vento semper a corpore versus fumum directo. Continuetur hæc calcinatio sedulo, æquabilis, donec non fumet. Tum intendendus parum ignis, quo si fumare repetit, continuetur, donec iterum fumare desinat. Augeatur tum iterum, donec igne satis magno tandem incipiat rubere patina, nec tamen fumare pergat materies. Calx erit ci-

nericei coloris. Si autem calcinatio dein igne adhuc majore diutius continuatur, ut pollen ab igne rubescat, calx conficitur flava, & purior a volatili parte. Si in hac operatione, igne in principio nimis aucto, fumum Stibium in grumos coit, statim hi in pollinem contundendi iterum, ignisque diminuendus. Hæc est calcinatio Antimonii integri solo igne peracta, multique usus.

2. Calcem hanc committe catino fuforio, in igne, sensim, e longinquo applicato, sensim adducto, tandem appposito, ut ita æquabiliter tepescat, cale scat, ferveat, candescat catillus, accurate tectus contra illapsum carbonum, & cinerum. Urgeatur ignis, donec calx fusa sit; retineatur fusa semiquadrante horæ; dein effundatur supra marmor siccissimum, calidissimum. Erit lamina obscure flava, fragilis, subpellucens, dura, Vitrum Antimonii dicta, eo pellucidius, quo diutius igne coctum.

U S U S.

Antimonium constat Sulphure communi, (Proc. 209.) & gleba metalloïde. Sulphur totum volatile igne calcinationi huic adhibito, (Proc. 150.), metallica pars ignem fusionis sustinet, ut patet quando funditur in conos, sed tum semper dat fumum album suffocantem. Hinc intelligitur, pollinem Stibii, ustulatum igne non fundente, Sulphur illud externum sensim expellere, metallicam glebam inde depurare, ita tandem in calcem tostam vertere. Quæ ex innoxio prius Antimonii corpore, virulentissime emetica evasit. Quod unde fiat, haud recte hætenus intelligitur. Calx hæc fusa est Stibium versum in Vitrum. Ut in Plumbo visum: sane Stibium & Plumbum plurimis convenire, statuunt Adepti. hoc calcis in Vitrum fusu firmatur. Vitrum hoc fere lethaliter emeticum. Cur? Vino molli, non nimis acido, infusum, facit emeticum, sine magna jactura suæ substantiæ; vis tamen hæc exhauritur cito satis infusionis repetitione. Hinc Vina emetica adeo cognita. Vitrum hoc fusum omnia fere corpora metallica in testa probatrice consumit, unice excepto Auro, cui colorem conciliat, exaltatque pulcherrimum.

P R O C E S S U S C C X I.

Antimonii Regulus cum Salibus.

A P P A R A T U S.

1. **I**lle fit omni modo, quo metallica ejus pars a sulphurea separatur. Quo vero accuratior hæc separatio, eo Regulus purior erit. Stibium fossile, in glebis nativis, inditum ollis figulinis, conice cavis, deorsum angustis, funditur leni igne, leviter modo rubefaciente, in conos magnos. Tum pars ponderosa, purior, magis metallica, hæret versus apicem inferius; pars superior, lata, minus compacta, magis obscura, & sulphurea, habetur. Sic sola fusione depuratur in Regulum.

2. Nitri vulgaris crudi partes duas, Tartari boni partes tres, Antimo-

nii puri partes quatuor, bene fccas, seorsum redige in pollinem subtilem. Dein siccissimas contere diu simul, ut sint intime permistæ. Massa fiat calida, mediocriter, sitque inprimis bene sicca. Tum crucibulum magnum prudenter imponatur undique igni, donec prorsus candescat: tum injice drachmas duas pulveris misti, calidi, siccissimi, in crucibulum. Fit violenta incensio, magno cum strepitu, & scintillis quaquavorsum dissilientibus. Postquam perfecte quievit, ingeratur tantundem, fient eadem. Sic perge, donec omnem materiem destinatam, & capacitati crucibuli respondentem, injeceris. Cautelæ sunt. Crucibulum magnum; ne valide ebulliens materies transfundatur extra. Parum ingeratur simul; ne materies incensa dissiliat magnis scintillis extra vas. Singula pars ingesta perfecte sit incensa, quiescens, & percandescens, antequam altera injicitur; ne materies infra calidior, supra frigidior, ibi crustam formet elatam, sub qua coercitus infra ignis subitam facit explosionem sonoram, longeque violentiorem horrendo bombardarum fragore: nam formatur ita Pulvis tonitruans de Nitro, Tartaro, & Sulphure. Crucibulum semper percandescat; ne idem, modo dictum, ingenti cum periculo contingat. Tiro nescius horum, ex descriptione vulgari Regulum quærens, in vitæ discrimina incurrit; si dicta observat, tuto negotium perficit. Itaque, postquam omnis materies ingesta detonuit, auge ignem, recto per tigillum crucibulo, donec fluit materies instar aquæ. Sit tum præsto conus fusorius, metallicus, absolute siccus, sebo candelæ interne oblitus, paulum calefcens, in quem infunde fluentem materiem omnem uno rivo, statim concute conum. Fit tum subita flamma a sebo accenso. Quiescant, frigescant; invertē conum, ictu mallei basin concute. Excidit conus. Cujus infima pars metallica Antimonii, superior ex Salibus & Sulphure. Superficies superior metallica, qua scorias tangit, Stellæ formam impressam habet, Scorix in aëre liquefcunt, turgent.

U S U S.

QUum Processus hic fundamentum det firmum Metallurgiæ, paulo propius consideremus. Numero primo, massa fossilis Antimonii, igne idoneo fusa, sit liquida, ponderosa: hinc materies levior inhærens, ut saxa, & alia, nec tamen metallicæ parti fusæ adhærens, lege Hydrostatica ejicitur sursum, aufertur, metallica pars ponderosior purgatur. Sic in metallurgicis materies metallica fusione sæpe separatur a cæteris. Sed Numero secundo, altera ars metallurgica separat metallicum a Sulphureo, quod in simplici fusione non separatur, sed arte mistum manet priori, idque ope pulveris Nitri, & Tartari, qui ideo pulvis fusorius. Quando enim Antimonium, Sulphure & Metallico constans, (Proc. 208. 209.) mistum cum Nitro & Tartaro igni committitur, tum statim Nitrum cum Tartaro, & Sulphure Antimonii, ingenti impetu incenditur (Proc. 130. 132.); tum autem Alkali fixum fit ex Nitro & Tartaro (Proc. 130.); Id autem alkali fixum, summa vi ignis agitaturn, rapit in se avidissime, si-bique unit quam arctissime, Sulphur (Proc. 132.); Pars vero metallica, Mercurialis dicta, Alcalibus intacta, Sulphure libera, igne fusa, de le-

viore jam supernatante deorsum lapsa, unita facit Regulum dictum. Quoniam vero spicula, longa, aculeata, Antimonii sola se accommodant a centro in superficiem horizontaliter, hinc Stellam formant, quam signatam dicunt, & Magi Alchemistæ adorant. Regulus hic, purus apparens, fusus denuo, cum alcali, novas scorias sulphureas facit. Neque forte unquam evadit liber sulphure: hinc & semper fragilis; quia Sulphur Metalla fragilia facit. Scoriæ vero sunt Sulphur Antimonii solutum in alcali fixo (Proc. 152.); unde facile vires intelliguntur. Regulus ille Antimonii emeticus est, ut Vitrum (Proc. 210.), & infusu suo facit Vinum emeticum, eadem lege. En alterum modum Metalla purgandi ope salium, ab omni sulphureo, oleoso, arsenicali, quæ fragilitatem, & volatilitatem dabant glebis metallicis; quibusque ablatis, metalla depurantur, fixanturque.

PROCESSUS CCXII.

Antimonii Regulus cum Ferro & Nitro.

A P P A R A T U S.

Sumo libræ semissim Ferri recens limati. Candefacio in crucibulo. Affundo tum sensim Stibii subtilissime triti libram, bene prius siccata, & calefactam. Detineo magno in igne, ut penitus fluant. Fluentibus liquidissime, injicio sensim Nitri, purissimi, siccissimi, calidissimi, subtilissime contriti, quartam libræ partem. Detineo in igne summo, donec omnia fluant instar aquæ. Sic detineo semiquadrante horæ. Effundo liquefactissima in conum fusorium, ut in Processu præcedenti. Reguli habentur instar Argenti candidi, stellati, Unciæ septem cum dimidia. Scoriæ sunt longe alterius naturæ, siccæ, duræ, vix deliquescentes, ferratæ, sulphureæ, salinæ, acres.

U S U S.

Ferro ignito Sulphur Antimonii soluti rapide jungitur (Proc. 170.), fitque hinc scoria ferri sulphurea. Addito Nitro fit hujus valida deflagratio cum aliqua parte ejusdem Sulphuris (Proc. 132. 133.); hinc validus ignis liquefacit omnia. Liquefactione perfecte facta, sola pars metallica Stibii cadit pondere deorsum. Sulphur Antimonii, cum Martesoso, & Nitro, supernatant leviora, separantur. Paracelsus statuit, Ferrum Sulphur Stibii longe intimius a parte Mercuriali ejus separare, quam Alkali vegetabile poterat: hinc Regulum hunc longe aptiorem esse Mercurio Antimonii exhibendo ad arcana Chemica. Certe hoc experimentum docet, ope Ferri Sulphur pulchre educi posse de glebis metallicis, hinc fixitatem & malleabilitatem dare. Unde discipulus Paracelsi, Alexander Suchtenius Gedanensis, de hac re integros duos scripsit tractatus de Antimonio. Unde sequens.

PROCESSUS CCXIII.

*Regulus Stibii Alchemisticus.**APPARATUS.*

1. **A**ccipio Clavorum ferreorum selibram, unciasve octo; indo crucibulo, bene explorato, forti, magno. Id pono in furno anemio. Instruo ignem prudenter, donec clavi in catino tecto penitus igniti sint. Tum addo Stibii optimi pulveris, bene sicci, & omnino calefacti, libram, per vices, tum claudio crucibulum tigillo parum. Simulac Antimonium injectum, dat fumum album, nec ita diu postea fluit. Tum statim reddit & ferrum fluidum. Ubi quam liquidissima fluunt simul in crucibulo, quod longa fistula tabacaria exploratur, injicio per vices parati pulveris siccissimi, calidissimi, Nitri Uncias tres. Post singulas injectiones oritur ingens ebullitio, strepitus, tumultus, quandoque crepitatio: & si quis imprudens Nitrum injiceret humidum, dissilirent, summo cum discrimine omnia. Ubi sic steterit aliquamdiu, scintillæ lucidæ ejiciuntur. Fluant instar aquæ spatio quinque vel sex minutorum. Tum liquidissima effundo in conum fusorium. Conum parum concutio. Frigefacta cono excutio. Habeo Reguli Uncias undecim, Drachmas sex. Et scoriarum Uncias undecim. Periere Unciæ 4. Drachmæ 2. Præter id, quod catino hæret inter effundendum.

2. Novum crucibulum pono in igne cum hoc primo Regulo, fundo, fuso superinjiciuntur Unciæ tres Stibii pulveris siccissimi, calidissimi, fufis injicio Nitri pulveris siccissimi, calidissimi, successive Uncias tres, fundo igne maximo, in fusione liquida detineo quinque minuta, effundo in conum fusorium, habeo Reguli Uncias decem, Drachmas sex, purioris jam.

3. Novo crucibulo impositum Regulum hunc secundum iterum fundo, fuso eadem lege injicio Nitri Uncias tres. Fundo tum summo igne, non fluit aliter. Effundo in conum, habeo Reguli candidi, argentei coloris, mire stellati Uncias novem, Drachmas duas. Scoriarum Uncias duas, Drachmas septem. Perit uncia, & drachmæ quinque.

4. Novo crucibulo impositum hunc Regulum fundo, fuso injicitur Nitrum ad Uncias tres, summo tum demum igne fluit Nitrum, licet Regulus fluat in fundo instar aquæ. Teneo horæ spatio in fusione liquida, effundo dein in conum. Habeo Reguli purissimi, instar argenti, pulcherrime stellati, Uncias septem, Drachmas tres. Scoriarum Uncias duas, Drachmas septem, coloris aurei, ignitissimi saporis, miro experimento.

5. In hac operatione crucibula debent esse bene solida, integra, magna, rite sensim calefactissima. Ignis summus æqualiter continuatus, aliter Nitrum non funditur, nec operatio succedit. Coni fusorii debent esse modice calidi, perfecte sicci, undique puri, sebo candelarum inuncti. Quibus cautelis res succedit.

V S V S.

U S U S.

EN operationem, quæ proponit plurima utilia. Ferrum difficillimæ fusionis in Antimonio liquefcit, ut omnia alia metalla in Plumbo. Ferrum rofum Antimonio fufo unit fe Sulphuri Stibii. Excutitur Mercuriale Ferri, & Mercuriale Stibii, adunantur in unum, cadunt in fundum. Sulphur Stibii, & Ferri, uniuntur, eunt furfum. Nitrum adjectum ardet igne fummo cum his Sulphuribus, agit at intime, per minima, omnia elementa fuſa, unit ſimilia, hinc ſeparat heterogenea. Deſtruitur vi Stibii Ferrum, Sulphur ejus metallicum, Aurum Alchemiſtarum, unit fe Sulphuri metallico intimo Stibii, manent ambo cum parte Mercuriali Antimonii, naſcitur Regulus, Stella inſignis, nitore argenteo puritatem emaculatam ſui Mercurii docens. Scorix Martem, Antimonii Sulphur, Nitrum, unita ſimul, in mirum corpus mutata, habent, cujus rite tractati & adhibiti arcana medica laudabunt gnari: mire in aëre intumeſcit. Hæc de prima fuſione. In ſecunda Sulphur magis extrahitur externum, Sulphura Ferri & Stibii metallica cum Mercuriis horum plus figuntur, in Regulum puriorem. Scorix Nitro-Sulphureæ ſupernatant. In tertia fuſione incipit ſe manifeſtare mirabilis ignis Sulphurei metallici, in hoc Regulo latentis poteſtas; quæ nitrum figendo reddit difficillime fuſile, quum eſſet prius omni ſale nativo proniſſimum, ut igne parvo flueret; imprimi illi igneam vim incomparabilem, ut linguam guſtanti exurat, licet Nitri proprius ſapor frigidiffimus; facit id alcaleſcere ſine vegetabili addito; facit in aëre ſponte deliqueſcere prius in illo ſiccum manens. Quarta fuſio eadem clariuſ aperit: ſolo quaſi odore, Sulphur purum Nitrum longe potentius, ſolo fere attactu, ſic mutat, oſtenditque arcanam Sulphurum metallicorum potentiam. Regulus hic in vertiginem rapuit ſummos viros. Videatur Paracelfus, Suchtenius, Philaletha, Pantaleon, Becherus, Stahlius. Color Auri hujus Reguli ope æque exaltatur, & amiſſus Auro redditur, ac Nitrum candidiſſimum huic Regulo fuſo interjectum ſtatim inde Auri colore inſignitur. Sane in examinanda hujus Reguli indole impenſos labores, & tempora, dum reſcolo, propriæ patientiæ miror conſtantiam, tantamque vitæ partem examini huic datam fere erubeſco: ſua quemque voluptas trahit! Vomituſ ciēt vel ita depuratus Regulus. Scorix Alcoholi Tincturam lætam imprimunt.

PROCESSUS CCXIV.

Antimonii Sulphur auratum.

APPARATUS.

SCorix Proceſſus 212 coquuntur in aqua, donec omnes ſolutæ. Liquori inodoro inſtillatur Acetum, oritur uno momento olidiſſimi ſtercoris fœtor; & liquor prius dilutus ſit quam ſpiſſiſſimus, pergitur Acetum inſtillando, materiem movendo; donec nihil præcipitatur am-

plius. Quiescat materies. Subsidescens sensim præcipitatum, redigiturque in molem expectata longe minorem. Effunditur liquor supernatans. Subsidescens affusa aqua eluitur ad insipiditatem perfectam. Exsiccatur leniter. Restat pauca materies titulo dicto.

U S U S.

Sulphur Stibii, mistum alcali, facit Scoriæ Processus 212, hæc cocta in aquis dat Lixivium sulphureum, id acido præcipitat Sulphur. Id emeticam habet, sed blandiorem, vim. Quia argento affricatum colorem aureum conciliat, Auratum dicitur.

PROCESSUS CCXV.

Crocus Antimonii.

A P P A R A T U S.

Antimonii, & Nitri, partes æquales, tere in pollinem tenuissimum. Cochlear ferreum impone igni, ut fere rubeat. Injice parum de hoc pulvere. Accenditur ut pulvis pyrius. Expectans sedationem novum quid injice, incenditur ut prius. Sic perge, donec materia omnis destinata operi deflagavit. Erit coloris fusci flavescentis. In fundo vitri species, supra leviores scoriæ. Totam materiem contritam minutim abluere fervida, donec calx fusco-fulva maneat insipida. Hæc sicca est quæ sita materies. Aquæ filtrentur, pellucidæ sunt, instilla pauculum Aceti, fiunt aurantiæ, demittunt pulvisculum ad fundum simillimum præcedentis Processus productum, sed subtiliorem.

U S U S.

Sulphur & Nitrum, cum nigro Antimonio, faciunt Pulveris Pyrii speciem, hinc deflagrantem eodem modo. Pars metallica calcinatur in vitrum & scorias, violentissime emetica, & infusu facientia vino hanc potestatem. Quum Antimonium nativum vim non haberet emeticam. Coloris mutatio hinc notatur. Si operatio hæc perficitur in crucibulo magno, violento igne, in copiosa materie, & funditur dein, erit vitrum extemporaneum in fundo, a scoriis separandum, in Medicina idem priori laborioso Processus 210.



PROCESSUS CCXVI.

Antimonii emeticum mitius.

APPARATUS.

Antimonii unam, duas Nitri partes, contritas, injice crucibulo in igne rubente, pauca copia simul, fiet detonatio, ut Processu 215; sed materies alba. Quæ abluta calcem Antimonii albam inspidam dabit. Aqua abluens colata falsa est.

U S U S.

Aucta hæc Nitri proportio colorem alium, inflammationem eandem, dat. Calx hæc longe mitior, sæpe nauseas tantum, levesque vomitus, creans, cum multæ salivæ, & urinæ crassæ, excitatione, a stimulis visceribus. Lixivium hujus, instillatu aceti, calcem præcipitat albam similis fere virtutis.

PROCESSUS CCXVII.

Stibium Diaphoreticum nitratum.

APPARATUS.

Antimonii partem unam, Nitri tres, in pollinem tritas, injice in crucibulum candefactum in igne, pauca copia simul, deflagrabit ut prius, perge donec perfecte sic omnis materies deflagravit, sed semper cura, ne novam injicias, nisi prior pars injecta quam perfectissime prius deflagraverit. Detine dein materiem quadrante horæ in igne, ut maneat crucibulum candescens. Frigescant omnia, erit massa alba, dura. Hanc crucibulo exemptam tere in pollinem, erit, ut quærebatur.

U S U S.

Materies hæc, ita rite parata, semidrachmæ copia hausta, vix aliquid sensibilis mutationis adfert, nisi, quod, respectu Nitri fixantis adhærescentis, moderate aperit, hinc in acutis boni quid præstat. Tum solent Chemici vocare Diaphoretica, putantque, tum venenum arsenicale Antimonii fixatum esse ope pluris Nitri. Sed jam in Stibio nihil emetici erat, licet ad plures drachmas ingereretur simul, absque ulla præparatione, absque ullo omnino Nitro; quum æqualis pars nitri excitaverat illam vomendi vim excitantem: ne igitur nimis ratiocinemur, experimento tuti. Discat Basilius Valentinus, & cum eo Chemici, non opus tanta cura, ut sollicitè liberetur Nitro fixante hoc Stibium Diaphoreticum: non facit anxietates, nauseas, vel vomitus, sed benignam stimulationem. Plus mali a Calce abluta.

T. t ij

PROCESSUS CCXVIII.

*Antimonium Diaphoreticum vulgare , dulce dictum.**A P P A R A T U S.*

SI calcinato Antimonio Processus 217 , in pollinem tenuem trito , fervida affunditur ; baculo miscetur ; sic Nitrum fixans , adhærens solvitur ; quiete Calx alba subsedit ; liquor supernatans salinus effunditur ; nova aqua Calx dulcis redditur penitus , ut nil salis nitri sensibile adhæreat , tumque hæc Calx siccatur , erit alba , insipida , ponderosa , quæ requiritur.

U S U S.

Diaphoretica appellatur : ob rationem datam Processu 217. Iners , noxia , Calx est , carens omni actuofo deprehendendo per observationes , carens omni bono , quod prius adhærescebat. Solum agit sensibilibiter , quando duplata parte purgantibus miscetur , revera horum vires acuens , ut in pulvere Cornachino certissimis exemplis constat. Aliter usum ejus dissuadeo. Quam mire mutantur in Stibio colores sola mutatione proportionis Nitri in calcinatione , quam mire mutantur vires !

PROCESSUS CCXIX.

*Nitrum Stibiatum.**A P P A R A T U S.*

Liquores aquosi præcedentis Processus percolati committuntur urinali puro , igne aqua exhalat ad siccitatem , ad finem perpetuo movendo. Remanet materies alba , salina , saporis singularis , non ingrati , non nitrosi , sed blandioris , est Nitrum Stibiatum.

U S U S.

SCitur mutatio hinc Nitri in Antimonii detonatione in salem novum. Sal hic aperit blande , in phlogistica sanguinis diathesi pulchre dissolvit densitatem inflammatoriam sine violentia , at diaphoresin , blandos sudores , diuresin , feliciter disponit , hinc refrigerat , in variolis , morbillis , pleuritide , peripneumonia , boni usus. Quam male ergo , ut noxia , vulgo hæc aqua abjicitur.



PROCESSUS CCXX.

Sulphur fixatum Stibii.

APPARATUS.

Liquori Nitroso Processus 218, colato, fervido, pellucidissimo, in urinali hoc contento, instillo Acetum stillatitium, fortissimum. En latefcit ilico liquor, pulvisculum albissimum, tenuissimum, præcipitans; concutio; pergo instillare Acetum tandiu, & commovere, quamdiu ulla amplius perturbatio fit. Quiescat mistura, donec omnis pulvis in fundum subsederit. Liquor effundatur in vas purum seorsum. Pulvis aqua eluatur, ut insipidissimus supersit. Exsicceretur. Habetur albissimus, insipidissimus, subtilissimus, Pulvis. Ille vocatur Sulphur fixum Antimonii.

U S U S.

IN deflagratione Stibii cum Nitro Sulphur Antimonii cum Nitro unitur, vide Processum 215, sic & hîc. Sed Sulphur hoc, ita solutum, & Nitro nuptum, simul cum eo aqua solvitur; accedente autem acido, præcipitatur ex Nitro; ut hîc ope Aceti, quod Nitro se jungit, absque ulla nota effervescentiæ. Pulvis in fundum lapsus, & ablutus, est verum Sulphur Antimonii. Hunc Tachenius pulverem pro summo antipestilentiali evehit, si potatur cum Aceto. Credo, pulverem inertissimam calcem habendam, pondere indissolubili noxiam, aut nihil utique boni præstantem; sed Acetum, simul exhibitum cum pulvere, laudabile inprimis antiloimicum agnosco. Ita solent Chemici temerarie laudare quidquid arte Chemica fit, de Antimonio inprimis, & maxime si non movet. Sed liquor ille acetosus, nitrosus, pulveri præcipitato innatans, vires habet summas in omni morbo acuto febrili, tam ratione Aceti, quam Nitri illius blandi, jam liberati ab inertipriore Sulphure. Sic abjicitur in Arte optimum creberrime. Vos, Auditores, videtis ex his omnibus quam mire solvatur, lateat, resuscitetur, Sulphur, varia forma, vario colore.

PROCESSUS CCXXI.

Destillatio Stibii in Butyrum glaciale, & Cinnabarim.

APPARATUS.

Libras duas Mercurii sublimati corrosivi contere in mortario vitreo, tepido, sicco, per pistillum vitreum, in pollinem tenuissimum. Tere dein seorsim Stibii optimi libram in pollinem quoque quam subtilissimum. Misce dein hæc simul in mortario vitreo, calescent, cave a vapore quam sollicitissime. Sit tum præsto retorta vitrea, nitida, sicca, tripli, aut qua-

T t iiij

drupli, capacis, respectu materiæ. Hujus collum sit ita abscissum ut ample pateat; quare & eligitur colli amplioris. Immitte mistum pulverem huic retortæ calidæ, siccissimæ, siccissimum, ita, ut nihil nigri collo interne adhærescat omnino. Tum retortam hanc pone in furno arenæ, huic operæ accommodato sic, ut venter retortæ fundum ollæ ferreæ fere tangat, & tamen colli retortæ apertura paulum deorsum declinet. Applica recipiens vitreum, cujus abscissum os quam accuratissime recipiat collum retortæ. Obruatur retorta arena. Stet apparatus sub camino rite fumum determinante, nec diffundente. Ubi ab igne pauco primum supposito modice incaluit retorta, tum pasta ex calce & argilla jungantur vasa. Fiat ignis prudentissime per gradus administratus, incipiet primo obnubilari recipiens, atque liquoris parum in excipulo colligi. Sustine prudenter ignem hunc, donec nihil ultra prodit hujus humoris. Augetur, sed circumspecte, ignem sensim eousque, ut videas, in collum retortæ adscendere, & in excipulum destillare, pingue quid, quod coagulatur, dum delabitur. Tum hunc ignis gradum continua, adscendit alba, glacialis, materies in collo retortæ concreta, ibique remanens. Apponantur ab utroque latere colli retortæ prunæ candentes e longinquo sensim propiores; ut collum retortæ sit tam calidum, quam retortæ venter. Destillabit liquefacta materies in excipulum. Pergito hoc ignis gradu sollicitè, sensim, parum simul, aucto, donec Butyrum non amplius adscendat, ex collo liquefactum omne decidit in recipiens. Aufer, summa cum prudentia, recipiens, ne vapor ullo modo perveniat ad pulmones. Obtura ilico recipiens, id sepone. Applica aliud, prius huic operi paratum, conglutina, auge ignem, adscendet materies flava, rubra, nigrescens, variorum colorum, auge tum ignem ad summum, ultimo impone ignem arenæ supra retortam, ut arena fere candescat, sic relinque per bihorium. Frigescant sponte omnia. Auferatur recipiens, in quo Mercurius vivus decurrit aliqua copia; adest Butyrum impurum de fumis sulphureis Sulphuris Antimonii. In collo retortæ variorum quoque colorum materies, ex Mercurio, Sulphure, Butyro, confusis. Fractæ retortæ fundus habet fœces antimoniales. Ad initium colli massa compacta, dura, opaca, ponderosa valde, quæ superficie vitro contigua splendet, altera scabra, trita in pulverem, dat veram Antimonii Cinnabarim, pretiosam satis. In hoc Processu cautissima opus patientia: quia fumi, fissis vasis, soluto glutine, vel alio modo, pulmone recepti, vi caustica lethales.

U S U S.

QUum Antimonii, & Mercurii sublimati, indoles jam cognita sit per præmissa, facile ætiologia Chemica hîc intelligitur. Dum ignis movet Mercurium sublimatum, Aqua Regia, quæ in illo, unit se parti mercuriali, metallicæ, regulinæ, deferitque Mercurium, cui prius jungebatur, qui currit in fundo. Sublimatur Regulus cum Spiritu illo Salis, & fit Vitriolum volatile Antimonii, dictum Butyrum, constans purissimo Stibii regulo, & spiritu Salis Marini, in Vitriolum adunatis. Hæc ubi separata, & sublimata sunt, restat Sulphur Stibii in retorta, excusso

Regulo, & restat Mercurius purus, acido liber, quæ bina calore coeunt, & sublimantur in Cinnabarim. Butyrum hoc Antimonii est causticum præsentissimum, faciens escharam omnium celerrime, & celerrime separabilem, plerumque eodem, quo facta die. Liquescit facile in humido aëris, tum amittit pelluciditatem, albet, & pulverem candidum præcipitat. Varii colores a Sulphure Antimonii, in hoc Processu oriuntur. Butyrum hoc in calore liquescit fusum, glaciatur iterum a frigore. Si, loco Antimonii, sumitur Regulus Stibii purissimus Processus 213, & proceditur eodem prorsus modo, obtinetur Butyrum purissimum tantum, & Mercurius purissimus: quia tum Sulphur non adest, omni vero acido in Regulo assumpto nudus, sed purissimus, redit Mercurius. Videtis, quam sit singularis virtus illius spiritus Salis, qui sublimato Mercurio adhæserat, dum fixum Stibii Regulum igne arenæ sublimat. Sed ille idem hoc facit omnibus metallicis corporibus, ipsi Auro. Sal Maris quam mirum corpus! Nunquam Chemicus satis in eo exercet suam artem, semper operæ pretium aufert.

P R O C E S S U S C C X X I I.

Butyri Stibii destillatio in Oleum liquidum.

A P P A R A T U S.

Butyrum Stibii, ope instrumenti vitrei, colli, v. g. phialæ vitreæ, in fragmenta fractum, immitte retortæ puræ, vitreæ, bene cavendo, ne lique scat ab aëre, ne vapor te offendat. Leni, sensim aucto, igne pelle in excipulum purum, siccum, vitreum. Perge augendo ignem, donec totum Butyrum adscendit, ultimo satis valide urgendo. Erit forma fere liquida olei Antimonii. Si hoc oleum tertia destillare facis vice, limpidius erit, & vasis clausis rite servatum tale persistabit, miro valde eventu experimentorum. An hinc obscura Paracelsi loca illustrari queunt?

U S U S.

Pulchritudo hujus Experimenti revelat plurima de reddendis Metallis volatilibus, de vertendis iisdem in veram olei liquidi speciem, de inscrutabili potestate Salis Marini ad volatilitatem metallis conciliandam, de mira ejus facultate, dum Stibio manet unitus: tamdiu enim venenatissimus, vapores vere arsenicales fundit, tamen iterum separatus a Stibio innoxius prorsus. An non hinc aliquid nascitur suspicionis Alcahesticæ virtutis? Reddit omnia Metalla destillabilia per retortam, pondere non turbato, redit inde intactis fere viribus. Inquirite! Porro oleum hoc causticotatum præsentissimum escharoticum dat prudentibus Chirurgis. Processus hic arcanissimus habitus. Vos, dum instituetis, cavete fumos mortali: novi optimo, & clarissimo, Viro lethales fuisse. Moniti cavete!

PROCESSUS CCXXIII.

Stibii Mercurius vita, ejusque Regulus.

APPARATUS.

TEneo hoc vitro pellucido, puro, aquam puram, huic instillo liquefacti, depurati, olei Antimonii, Processus 222, guttam. En, quo illapsa momento ex pellucido alba, in pulverem versa, fundum vasis petit, dumque ita pergo, jam respectu aquæ immisi quartam partem olei Antimonii, quæ versa est uno momento in pulverem candidissimum, ponderosum, in fundo collectum. Commoveo omnia virga vitrea quam accuratissime. Dein repono in quiete. Supernatat liquor limpidissimus, acidus, quem leniter effundo. Pulverem novæ aquæ affusu abluo quam penitissime, donec perfecte sit insipidus. Exsicco leni igne. Habetur pulvis albus, insipidus, ponderosus.

U S U S.

ITa acidum Salis Marini hæret Regulo Stibii tantum, quamdiu meracissimum; sed debilitatum minima copia admistæ aquæ statim inde recedit, inque aquam trahitur. Pulvis ille, datus ad grana duo, vel tria, violente emeticus, unde a funesto eventu Mortis Mercurium alii dixerunt. Si pulvis ille, diu, leniter, vitro impositus igni exponitur, & assidue agitatur, amittit virulentiam, fit magis iners, Arcanum Riverii multis tum dicitur. Pulvis ille nihil habet omnino Mercurii in se, quidquid bonus Billichius pugnet in Paradoxis Chemiaticis, sed purissimum Stibii Regulum. Cepi Mercurii vitæ propria manu parati Uncias undecim, inditas crucibulo capaci, forti, posui in foco, ante follem. Liquefcebat pulvis fusus, simulac crucibulum bene percanduit ab igne. Ubi cuncta accurate fusa effudi in conum fusorium. Habui Reguli, mire aggestis aculeis constantis, splendentis, sed aliquantulum cinerescens, Uncias decem.

PROCESSUS CCXXIV.

Spiritus Vitrioli Philosophicus.

APPARATUS.

LIquorem limpidum, acidum, præcedentis Processus, cola, inspissa ad dimidias, liquor paratus habetur hoc titulo.

U S U S.

LIquor hic limpidissimus, grate acidus, sapore vero spiritus Salis Marini, effectu eodem omnino in Chemia, & Medicina, nihil omnino emetici habet, sed est purissimus Salis Marini spiritus, in tot operationibus

nibus cum Mercurio sublimato, cum Antimonio, cum Butyro & oleo Antimonii, cum aqua, toleratis constans, propriæque naturæ tenax, imo inde ne quidem jam amplius inquinatus, sed saluberrime acidus. Male Vitrioli dicitur: nil ejus habet, cum Sale Tartari Alcalino Salem Marinum reddit. Amo Salem Marinum & admiror, in Chemia: volui scire indolem hujus prolis, quam genuit; sumsi ergo copiam ingentem hujus liquoris, destillavi ex alta cucurbita vitrea, pura, mansit in fundo nihil omnino, liquor purissimus erat. Itaque aqua spiritum de Butyro Antimonii sic elicit uno momento, simplici affusu, ut nil quidquam Stibii in hoc spiritu restet; quum ante unitus Regulo per retortam adscenderent Butyri forma. Deinde omnem hunc liquorem destillavi ex alta cucurbita, destillavi denuo, igne leni centum tantum graduum, adscendit aqua pura, sine ulla acidi ad saporem nota; perrexi, donec hoc ignis gradu nihil quidquam amplius assurgeret. Residuum liquorem urfi igne paulo majore, ut jam subaciduli quid adscenderet, separavi omne id, quod ita poterat elevari, servavi titulo phlegmatis aciduli spiritus Vitrioli Philosophici, boni usus, ubi acidula conveniunt. Liquorem superstitem destillavi ex cucurbita, erat acidus valde, fumans aliquantum, limpidissimus, pinguis spiritus Salis Marini. Ita didici Salis hujus miram naturam, facilem adunationem, separationem facilem.

PROCESSUS CCXXV.

Flos Stibii Helmontianus.

APPARATUS.

1. **A**ccipio Stibii Aqua Regia soluti, juxta Processum 208, libram, hanc vitro commissam humili, latique orificii, diu, leniter, igni expono, assiduo virga vitrea agitans, donec materies quam siccissima sit. Tum in mortario vitreo, pistillo vitreo, tero in pulverem minutissimum. Dein addo tantum Salis Ammoniaci siccissimi, quantum fuit calcis illius Antimonii. Contero simul, quo diutius, eo melius, ut fuerint permista quam accuratissime. Materiem hanc indo cucurbitæ vitreæ, humili, lati orificii. Applico alembicum amplum valde, nitidissimum. Claudio commissuras luto farinæ lini. Tum pono in furno arenæ, ut cucurbita paulum declinet versus primum alembici rostrum, ut aqua inter sublimandum alembico facile exire queat in excipulum appensum. Arena apponitur ad marginem alembici usque. Tum excitatur focus per gradus, dando primo ignem lenem. Exit aqua limpida, acida. Aucto parum igne omnis hæc expellitur. Citatiore dein igne incipit elevari albi quid, tum æquabilis sustinetur ignis adeo magnus, ut capitelli calor manu ferri queat. Adscendit omne fere cognitorum colorum genus in alembicum. Ignis ille ita octo continuatur horis, amœnissimo spectaculo pictum spectatis capitellum. Frigescant sponte. Lenissime exime cucurbitam. Hanc, & alembicum, nitide deterge ab pulvere externo & fordibus. Tum alembicum solve a cucurbita. Cave a primo vapore. Videbis omne fere Stibium in variegatam materiem elevatum cum Sale Am-

moniaco. Exime cito, & intra vas vitreum, calidum, siccum reconde; titulo Florum falsorum Stibii Helmontianorum. Hi validissime emetici, copia vel minima assumti. In fundo aliquid hæret, quod cum novo Sale Ammoniaco elevari potest.

2. Flores hos aquæ committe, aqua lactescit, misce accurate. Quiescant, subsidant, supernabit liquor falsus, Ammoniacus, qui effundatur. Abluantur flores, donec prorsus insipidi. Siccentur lenissimo igne. Erit pulvis tenuissimus, ruber, valde emeticus, insipidus. Vocatur flos Stibii Helmontianus emeticus, dulcis. Lixivia inspissata reddunt Salem Ammoniacum eidem idoneum usui.

U S U S.

EN exemplum modi, quo Paracelsus mortem, & resuscitationem, Chemicam aperire putabat metallica, ad vires exferendas in corpus humanum. Sic fixum fit volatile. Sic omne nascitur pigmentorum genus. Ita Stibii niger pulvis, caput Corvi; Calx ejusdem alba, collum Cycni; exit in colores pulcherrimos omnes simul, caudam Pavonis. Sed omnia hæc emetica.

P R O C E S S U S C C X X V I.

Flos Stibii Helmontianus fixatus, Diaphoreticus.

A P P A R A T U S.

ACcipe florum dulcium præcedentis Processus partem unam, Nitri purissimi, siccissimi, partes tres, tere in mortario vitreo diu, accurate. Tum sit crucibulum igni impositum, purum, candescens penitus. Huic injiciatur paucillum de hac mistura calefacta. Inflammabitur, sed debiliter valde. Ubi sedata inflammatio, repetè injectionem, expecta, donec iterum sedata sit. Sic sedulo perge, donec omnis destinata materies deflagravit. Frigescant omnia. Erit materies alba flavescens in crucibulo. Hanc exime prudenter. Contere. Aqua ablue, exsicca, erit pulvis tenuis, albus. Hunc pone in vase porcellano, affunde Alcohol, incende, move pulvisculum fistula tabacaria, dum Alcohol ardet, ubi deflagravit est Diaphoreticum Helmontii. Cujus grana xxxvi. sudores excitando dicuntur sanare omnes febres intermittentes, & continuas.

U S U S.

HInc iterum exemplum habetur fixandi volatile in usus Chemicos. Hoc Diaphoreticum tantis extollit Autor laudibus. Feci sæpe, adhibui, nec tamen tantas deprehendi vires, ut in Aurora Medicinæ, Belgice conscripta, enarrat: unde credidi in cæteris quoque paulo plus indulgisse celebrandis suis remediis.

PROCESSUS CCXXVII.

Purgans Diaceltateffon Helmontii de Stibii flore fixato.

APPARATUS.

CApe Stibii Diaphoretici fixati Processus præcedentis 226 gran. xvij. Resinæ Scammonei gran. xvj. Cremoris Tartari gran. vij. Fiat pulvis tenuis. Vel Stibii Diaphoretici fixati gran. ix. Resinæ Scammonei gran. ix. Cremoris Tartari gran. iij. Fiat pulvis tenuis. Hæc est descriptio purgantis Helmontiani Diaceltateffon dicti Paracelso. Prior dosis est maxima adulto, posterior minima. Sumenda sine ullo acido. Sistenda, si nimis agit, assumtu cujuscunque acidi. Danda ante acerbationem intermittentium tanto tempore, ut operationem absolvat ante accessum quam proxime. Dicitur ab Autore sanare quartanas semper ante quartam dosin, omnesque febres intermittentes & continuas. Vid. Auroram Medicinæ belgice editam. pag. 187. 188. 288.

USUS.

EN aliud exemplum arcani Chemici, nomine purgantis Diaceltateffon, ut in editione Belgica, loco citato habetur. De eo ait Helmontius, quod curat Podagram, & Febres radicitus, quod sanat ulcera Laryngis, Vesicæ, Oesophagi, quod purgat corpus, quamdiu sanum perfecte non est, non ultra. Vid. pag. 775. 776. Edit. Latin. Ubi addit dosin esse gran. viij. Unde quidem apparet, descriptionem Belgicam dare, quod non ita in Latino intelligitur. Semper suspicor, extendisse summum Virum arcanorum potestatem ex subtilitate exercitatissimi ratiocinii ultra castimoniam sinceræ experientiæ. Fateor, me propria parata manu hæc exhibuisse sæpe, successus observasse pulchros equidem, non tamen adeo superlativos.

Hic finem pono demonstrandorum Processuum. Nomen solvi, quo obstringebar illos exhibere, qui sufficerent ad intelligendos cæteros. Subnectam pauca de Operationibus quibusdam valde utilibus in Physica & Medicina, quæ ex Processibus illis brevi recapitulatione queunt intelligi, quarum prima hîc esto.





SOLUTIO CHEMICA.

1. **P**erficitur Aqua, diluendo, infundendo, decoquendo, destillando, miscendo, fermentando, putrefaciendo, separando.
2. Ope Olei, diluendo, infundendo, decoquendo, destillando, miscendo, separando; non ita fermentando, nec putrefaciendo.
3. Per Ignem, calcinando, ustulando, comburendo, fundendo, sublimando, miscendo, separando, aliorum actiones juvando.
4. Efficacia Aëris, fermentando, putrefaciendo, agitando, partes alias, solvere potentes, addendo, excitando.
5. Per Spiritus Fermentatos, diluendo, infundendo, decoquendo, destillando, miscendo, olea liquidiora reddendo.
6. Vi Salium alcalium, calcinando, ustulando, urendo, fundendo, miscendo, separando, pro varia vi ignis sicci adhibiti.
7. Virtute Salium alcalium volatilium, sublimando simul via sicca; via humida, diluendo, digerendo, destillando.
8. Salibus alcalinis fixis ope Aquæ, & Ignis, motis, digerendo, decoquendo, diluendo, separando, miscendo.
9. Salibus acidis fixis, Aluminis, Sulphuris, Vitrioli, vel specie liquidi separatim, vel intra suas calces, diluendo, decoquendo, destillando, digerendo; vel in forma sicca, calcinando, ustulando, urendo, destillando.
10. Salibus acidis, volatilioribus, diluendo, digerendo, destillando, insinuando.
11. Salibus compositis, & Saponibus, calcinando, sublimando, destillando, digerendo, forma sicca, vel liquida.
12. Metallis, fusu, vel amalgamate.

COAGULATIO CHEMICA.

1. **A**qua, congelascendo, crystallizando, præcipitando ut in Mercurio vitæ.
2. Oleo, per vim ignis secum uniente, Sulphura, Salia, Metalla.
3. Alcohole in spiritum Salis Alcalinum volatilem, in albumen, ferum sanguinis, oleum Vitrioli.
4. Sale Alkali & Acido coëuntibus in solidum, ut in Tartaro Vitriolato præcipue.
5. Sale Alkali fixo, ut in lacte.
6. Sale Acido, ut in lacte, sero, albumine.

PRÆCIPITATIO CHEMICA.

Speciosa hæc actio est corporis soluti, hinc disparentis, ex suo solvente manifesta sensibus separatio, admistu cujusdam rei novæ. Hæc, plurimi usus, meretur accurate expendi, & ubique jam notata in Processibus.

1. Ope Aquæ affusæ ad olea Alcohole soluta cum apparitione lactis.
2. Ope Aquæ affusæ ad resinosa in Alcohole solida cum apparitione lactis.

3. Ope Aquæ in destillatione Spirituum oleosorum, si in fine aqua post eductos Spiritus oleosos exit.

4. Acidi per acida. Argentum spiritu Nitri solutum spiritu Salis præcipitatur, & Mercurius spiritu Nitri solutus spiritu Salis.

5. Metalli per Metalla, & alia. En hîc teneo phialam, in qua Unciâ Argenti in spiritu Nitri soluta, duodecuplo pluvix diluta, impono lamellas politas Cupri. Statim præcipitatur Argentum, Cuprum solvitur. In hac phiala teneo jam Cuprum solutum in illo spiritu Nitri, unde Argentum præcipitatum, immitto lamellas puras vitreas. Statim Cuprum præcipitatur, ferrum colore æris incrustat, cadit æs in fundum, ferrum solvitur. In hac jam phiala habeo Ferrum solutum in spiritu Nitri, unde æs præcipitatum, huic instillo oleum Tartari per deliquium, statim cadit ferrum solutum, alcali unit se acido, renascitur verum Nitrum, post tot mutationes. Sic anima migrat de corpore in corpus, vix melior, aut peior, trahitur tamen plus ab uno, quam ab alio, donec tandem requiescat in eo, quod est hoc respectu fortissimum, atque inde tantum expellitur a fortiori, ut, si renato sic Nitro oleum Vitrioli affunditur. His binis nititur Præcipitatio, infinitorum operum in arte, & in rerum natura, vera quidem, at abstrusa sæpe, causa. Sumo granum Mercurii præcipitati albi, vel rubri, hoc affrico superficiei politæ lamellæ cupreæ calefactæ, mox splendet instar Argenti: Cuprum acida Nitri trahit ex calce Mercurii, hic statim amalgama facit in superficie Cupri, tumque colorem induit argenteum.

6. Alcalia sæpe præcipitant soluta per acida; id crebro fit, non semper, non integre. In Cupro soluto acido, alcali præcipitat, sed dein solvit unito ex oppositis sale.

7. Acida præcipitant solutas in Alcalibus partes plerumque. Sed, ut in præcedenti dixi, datur & hîc exceptio.

8. Sales acerrimi, non mutati, latentes penitissime, præcipitationis ope effectus præbent stupendos, nulla arte præfagiendos. Lunæ corneæ, inodoræ, insipidissimæ, inertissimæ, in igne nullum acrimoniæ dantis signum, Unciâ teritur, vel igne fusionis in retorta vitrea unitur semiunciæ inodori, insipidissimi, Reguli Antimonii, nascitur uno momento atrox, virulentum, solo halitu lethale, venenum, acerrimum Butyrum Antimonii. Quam periculosa ars miscendi! Qua cautela opus in componendis corporibus!

EFFERVESCENTIA CHEMICA.

1. **D**icitur subita agitatio duorum corporum seorsum quiescentium sola permissione enascens. Hæc variis oritur modis, inter varia. Compendio pauca, quæ cæteris serviant. Præcipua corpora, in quibus hæc actio, sunt 1. Acida, quæ hîc propono, vegetabilia, nativa, plerique succi arborum, fruticum, suffruticum, herbarum, tempore verno fluentiores. Plerique succi immaturorum fructuum horæorum. Succu singulares, maturi, acedinem retinentes, ut Aurantiorum, Citreorum, Limoniorum, Tamarindorum, Acetofarum, Lujularum, Pomorum acidorum. Vegetabilia fermentata acida, Farinæ acescentes, Vina Mosellana, Rhenana, Tartarus. Vegetabilia bis fermentata, aceta nativa, stillatitia. Animalium acida, de alimento vegetabili acescente, vel acido, in Chylo, lacte acido, fero lactis, lacte ebutyrato, fero ejusdem. Fossilium nativa, ut vagum acidum Sulphuris, aut Aluminis, vel Chalcanthi. Aut in suis corporibus, Sulphure scilicet, vel Vitriolicis glebis, abscondita. Aut inde educta igne summo, vel fortiori acido, ut spiritus Nitri, Salis, Aluminis, Chalcanthi, Sulphuris. 2. Alcalia fixa vera, urendo facta de quacunque materie vegetabili. Alcalia volatiliora; spontanea in alliis, cepis, cochlearia, sinapi, &c.; putrefactione producta de animali, vel vegetabili; destillando, & urendo facta ex animalibus, & vegetabilibus. 3. Corpora quædam, falso alcalia dicta vulgo, tantum quia conveniunt alcalibus in eo, quod, ut hæc, cum acidis effervescent. Argillæ, Boli fere omnes, Calculi, Conchæ, Corallia, Cornua, Creta, Dentes, Lapides, Lapis Cancrurum, Ossa, Ostrodermata, Terræ, Ungues, Ungulæ. 4. Metalla septem. 5. Semimetalla, Antimonium, Bismuthum, Lapis Calaminaris, Lapis Hæmatitis, Zincum, &c. Hinc Canon 1. Corpora classis primæ, cum corporibus classis secundæ, & tertiæ, fere semper effervescent, citius, tardius, plus, minus, meraca, vel diluta, durat effervescencia ad saturationem, tum desinit. Acrimonia fere post accuratam saturationem mitigata est. Canon 2. Corpora primæ Classis cum quarta effervescent, sed quædam cum quibusdam, non omnia cum omnibus, alia cum aliis fortius, debilius alia, saturatione facta, fere Vitriola nascuntur. Canon 3. Corpora Classis primæ eadem lege cum corporibus Classis quintæ se habent. Canon 4. Corpora Classium 2, 3, 4, 5, inter se commissa, vix observantur effervescent. Hinc in acidis quidem vis hæc præcipua cum cæteris, attamen iterum limitanda. Spiritus Aceti optimus, oleo Tartari per deliquium affusus, primo non fervet, fervet tamen postea, alcali debiliori reddito.

2. Alkali purissimum volatile, omni omnino oleo liberum, hinc perfecte sincerum, cum acido sincero Aceti, effervescit quidem, sed longe plus frigoris inde, quam caloris nascitur. Quum interim cæteræ effervescentiæ omnes soleant calorem gignere varii gradus, ad æstum summum flammivomum usque. Quo raro experimento constat, posse augeri motum, nobis apparentem, cum frigore. Vid. T. I. pag. 202. & Comp. Act. Ph. T. III. 354. 356.

3. In aliis fere semper calor Effervescentiis. Vid. T. I. a p. 196. ad 204.

4. Sunt, quæ ignem verum faciunt uno momento mistionis humidorum, & frigidorum. Pono in urinali sicco, calido, drachmam Olei recentis, stillatii, Caryophyllorum, huic sub camino uno impetu superaffundo spiritus Nitri Glauberiani, optimi, drachmas duas. Videtis, in puncto contactus fit Effervescencia terribilis, fumis densissimis totum urinale occupans, in cujus centro vera flamma rubicundissima. Impetu sedato materies rara, spongiosa, fusca. Vid. Slare Comp. Act. Phil. T. III. 353---365. Hoffmann. Dissert. Phys. Chem. 38---45. & 126. Hic semper acidum potentissimum, inprimis Nitri, & Oleum oleosissimum, concurrunt. Non Alkali, & Acidum. Cæteræ Effervescentiæ ardentes, & fere ardentes, Hombergio expositæ. Ac. R. Sc. 1701. p. 84. 95. 1708. p. 2.

5. Sed inter dura quoque frigida, corpora, sponte Effervescencia oritur, ex Ferro, & Sulphure, contritis, aquæ mistu in pastam redactis, usque ad flammam.

ALCALI ET ACIDI BREVIS RECAPITULATIO.

Alcali est Sal, fixus, aut volatilis. Cognoscitur 1. Ex ortu suo, ignis, putrefactionis, naturæ, ope. 2. Ex materie sua, Vegetabili, Animalis, Fossili. 3. Effectu effervescentiæ cum acidis; præcipitationis; coactus cum oleis; solutionis inprimis Sulphuris; mutationis coloris Heliotropii, Rosarum, Violarum, in viridem colorem, qui cum acidis in rubrum; sapore ipso; doloris urentis excitatione. Acidum est sal, fixus, aut volatilis. Cognoscitur 1. Ex ortu suo, nativo, fermentatione, igne. 2. Ex materia sua Vegetabili, Fossili. 3. Effectu Effervescentiæ, cum alcalinis, terrestribus, ostracodermatis, coralliis, &c. Præcipitationis; Coalitus in neutrum cum alcalicis, terrestribusque; Solutionis inprimis partis metallicæ mercurialis; Mutationis coloris Heliotropii, Rosarum, Violarum, in rubrum; saporis; odoris; doloris rodentis, lancinantis, excitatione. Hæc doctrina vix multum fallit. Sed non extendenda temere. Peccatur, si colligitur ex una nota Physica præsentia Alkali, vel Acidi, quæ communis aliis, & etiam his, ubi aliquod acidum, aut alcali adest, v. g. Alkali fervere cum spiritu Nitri, Argentum fervet cum eodem, ergo alcali & argentum sunt idem: id non procedit, tamen errorem adeo puerilem errantes vidimus summos in arte Viros ubique; ut Alkali nomine donarint, quidquid cum ullo acido effervescit, quo sane nihil turpius. Aurum effervescit cum spiritu acido Aquæ Regiæ, ergo, aiunt, alcali est, sed idem non effervescit cum spiritu acido Nitri, ergo non est alcali. Sed infiniti hi errores. Quam inanis Alkali & Acidi imploratio, pro explicanda universa natura rerum! Hæc tamen tempora vidimus felicitatis laude ornata in gloriam seculi! Vid. Boyleum super his, Bohniumque.

ODORUM, SAPORUMQUE, EXCITATIO, DESTRUCTIO, MUTATIO.

A primo Processu in postremum usque vidimus has vicissitudines; nec ullus fere, in quo non apparuere, contigit. Vid. & Boyleum toto tractatu de Productione Qualitatum sensibilibum. Vos relegite, repetite, Processus; deprehendetis ita fieri.

COLORUM PRODUCTIO, DESTRUCTIO, MUTATIO.

1. **A**ntimonium ex se nigrum, ubi contritum. Flavum viridescens, postquam Aqua Regia calcinatum. Album, rubrum, flavum, viridescens, nigrum quando sublimatum cum Sale Ammoniaco. Rubrum fatis æquabile, cum aqua a sale liberum. Album vero, dum fixatum cum triplo Nitri. En uno de corpore solido omnes fere colores. Argentum vivum, rosam aqua forti, destillando ex retorta, dat fere variis in locis retortæ, alios, aliosque, Colores, uno de corpore fluido. Ut jam in præcedentibus vidistis.

2. Solo transfusu liquidi pellucidi in aliud vas purum Colorem Nigerrimum facere. Fit, si Vitrioli Martis perfecte saturati solutione abluatur vas purum, vitreum, calidum, dein effunditur in illud aqua pluvia, purissima, in qua diluta gallarum, albiissimarum, optimarum, in scobem redactarum, infusio, donec Colorem vix exhibet, calefacta. Fit enim momento nigra miscela. Loco Gallarum, Rosæ rubræ, Cortices Granatorum, Theæ folia, Salvia, folia Quercus idem fere præstant.

3. Injectu paucissimi pulvisculi albi solo liquorem pellucidum in Nigrum convertere. Teneo dilutum, pellucidum, Gallarum infusum, hoc in vase vitreo, calefactum; injicio granum unum Vitrioli Martis in album calcinati, bene saturati, calefacti. Quam jucundum ubi incidit! format nubem nigram, quæ se diffundit per pellucidum, & progressu oculis spectando quaquaversum, totum nigrum facit.

4. Injectu flavi pulvisculi idem fit: si, loco albi Vitrioli, sumitur tantundem Vitrioli ad flavum calcinati. Ut & flavo Ente Veneris.

5. Injectu rubri pulvisculi idem fit: si parum Colcotharis Vitrioli ferri, aut ad rubrum calcinati injicitur, aut Ens Veneris rubrum.

6. Idem affusu guttulæ pellucidæ facere: fit, si infuso Gallarum calido gutta Vitrioli Martis aqua soluti instillatur.

7. Idem affusu guttulæ aureæ facere: fit, si guttula Tincturæ aureæ ex rubra Calce Vitrioli Martis cum spiritu Salis dulci affunditur. In omnibus his experimentis, dum ex pellucido itur in Nigerrimum, multi medii Colores, vix numerabiles, nascuntur, qui tandem omnes in Nigrum completum terminantur ultimo.

8. Factum Colorem Nigrum (N. 2. 3. 4. 5. 6. 7.), sola transfusione in vas purum, in pellucidum mutare: fit, si liquores illos atros, calidos, transfundo in vitrum, oleo Vitrioli puro interne ablutum; acidum absorbet

absorbet metallicum ferri. Interim nigra cum Ente Veneris, dum tendunt in pellucidum, rubri quid generant, ut & calx Martis rubra.

9. Pellucido huic, ex Nigro facto, Nigrum pristinum reddere: id fit, si tantum olei Tartari per deliquium, calidum, miscetur pellucido, ut acidum saturatum sit per alcali, quod acidum metallicam partem consumferat. Id fit cum effervescentia, quæ miras interim Colorum vicissitudines successive producit, destruit, regenerat: optime id spectatur, si sensim instillatur celeri lapsu Alkali.

10. Simul ac iterum huic regenerato Nigro acidi copia miscetur, quæ alcali exsuperat, pellucet omnia. Sicque reciproce hæc destrui, & renasci, possunt. Atque infinita vis metallica patet ad productionem Nigri. Patet, quam parum requiratur materiæ, ad creandos Colores. Tum hîc datur caute observanti notare Colores, qui à pellucido in Nigerrimum quam plurimi medii sunt.

11. Solo transfusu pellucidissimi liquoris in vas purum Colorem excitare: solutio Argenti Vivi facta spiritu Nitri ad veram saturationem, diluitur aqua, pellucida, calida, transfunditur in vitrum undique ablutum spiritu Salis Marini fortissimo, & calidum. Solutionem dilutissimam Argenti, spiritu Nitri factam, in simile vitrum transfundendo. Oleum Stibii in vas aqua ablutum calida transfusum facit idem.

12. Solo transfusu pellucidi in vas purum Colorem Aurantium facere: Croco metallorum recens facto calida pura affusa, pellucidissima, infusa vitro puro per acidum abluto.

13. Solo affusu pellucidi ad pulverem cineritium Aureum Colorem facere: Sulphuri per alcali fixum fuso, trito, calido, affundatur Alcohol calidum.

14. Aureum liquorem solo transfusu in vitrum pellucidum mutare in lacteum: Tincturam (N. 13.) infunde in vas acido oleo Vitrioli ablutum.

15. Pellucidum fere in Cyaneum vertere: Æruginis Aceto diluto in aqua, ut fere pelluceat, affunde spiritum Salis Ammoniaci.

16. Cyaneum in pellucida vertere: præcedenti misce acidum, donec prædominetur.

17. Viridissimum liquorem vertere in violaceum pulcherrimum: saturato per Cuprum Aceto viridissimo, instilla spiritum Salis Ammoniaci, donec alcali superat acedinem.

18. Cyaneum in viride pulchrum mutare: in spiritu Salis Ammoniaci soluto Cupro saturate affunde Acetum, aliudve acidum, donec acidum prædominatur.

19. Inter Cyaneum saturatissimum & profundissimum viride plures Colores intermedios, eosque fere innumerabiles Cæruleos, & Viridescentes, producere: sumatur in vitreo, cylindrico, vase purissimo, spiritus Salis Ammoniaci saturatissimus ære soluto, bene calidus, huic instilla lente, guttatim, spiritum Nitri; ad singulos guttularum illapsus spectabitur alius, aliisque, Color ex dictis.

Cæterum de negotio hoc per Experimenta pulcherrime absoluto ;
vid. Boyleum de Coloribus. Mihi sufficit , pauca coram oculis exhi-
buisse. Finio , gratias ago Vobis , qui attente , patienter , placide , di-
centem , demonstrantemque me audivistis , spectastis. Utinam bono
gentis humanæ asserendo , promovendo , serviant !

DEO SOLI GLORIA !





INDEX RERUM.

A.

A Bietinum oleum quomodo destillandum 74

Absorbentia acidi cur antizymotica 117

Absynthii aqua cohobata quanti usus 49

olei color 79

vires 81

potus medicatus quid efficiat 101
quomodo usurpandus *ibid.*

Acetosa putrefacta dat spiritum & salem volatilem Alcalinum 183. n. 5

Acetosa aqua stillatitia iners 50

Sal natus cuius sit indolis 24. n. 5. 6. & 40

diversissimus à sale per ignem educto 24. n. 6

mutatur in Alkali per ignem 40

quomodo paretur 23. 24

succus quomodo exprimendus 23. n. 1

qualis sit 23

quomodo depurandus 23. n. 2. 3

quomodo inspissandus 24. n. 4

Acetum an sit spiritus Vini mutatus 133.

134. 135

fere totum volatile est 135

an sit Tartarus Vini volatilis? 132.

n. 5

Esurinum quid 138. n. 3

ex quibus constet principiis 132

non fit sine notabili calore 131

optimum unde paretur 131

quid 132. n. 5

quid denotet Autori 105

quo differat à vappa 130. 131

radicatum veterum quid 168

quomodo à Vino differat 132. n.

5. & 133

recens, quantum distet à vetusto

134. 135

Acetum destillatum liquorem spirituosum dat ardentem 135

reddit salem Alcalinum, fixum, volatilem 36

stillatitium conficiendi modus vulgaris 135

alter pre-

tiosior, at distinctior 134. ad 136

Tartaro caret 132. n. 5. 133. 135

Aceti ab acidis aliis differentia 135

acidum qua proportionem sit ad aquam ejus 167. 168

cerevisiæ bonitas 131

differentia ab aceto vini 131

destillatio quomodo peragenda 134.

ad 136. quonam è vase 134. n. 1.

quo calore *ibid.* quale liquidum

primo det *ibid.* quale dein aucto

igne 135. n. 2. quale porro auctiore

igne ex retortâ *ibid.* quale hinc re-

siduum *ibid.* n. 4. ex hoc valido igne

torto quid transcendat *ibid.* quæ fœx

remaneat *ibid.*

vulgaris quomodo fiat 135.

quo è vase *ibid.* quo capitello *ibid.*

quo calore *ibid.* quâ distinctione stil-

lantis liquidi *ibid.* quousque conti-

nuanda *ibid.* quale residuum relin-

quat *ibid.* cui usui servandum *ibid.*

diversitas ex variis vinis 129. n. 2.

& 130

destillati residuum ex retortâ destil-

latum quid exhibeat 134. 135. n. 3.

4. quam fœcem relinquat 135. n. 4.

quos hæc exusta cineres & qualem

salem *ibid.*

Acetifica vasa quando, quomodo, & cur depuranda 131

Aceti fœx acidissima dat alcali 135. 136

qualis sit 131. 133

unde nascatur 131

quomodo & cur auferenda ex

vasis acetificis 131

halitus ab alkali fixo attractus quid

producat 55. 36

X x ij

I N D E X

Aceti origo 129. n. 1

per tempus mutatio 134. 135

sapa quid 136

quas vires habeat *ibid.*

quomodo usurpanda *ibid.*

spiritus vis contra temulentiam 132.

133

stillatitii cum plumbo uniti productum 136 destillatum quid exhibeat *ibid.*

natura, vires *ibid.*

principia 138

vis solvens metalla restricta *ibid.*

mutatio à plumbo qualis *ibid.*

à ferro qualis *ibid.*

ab Alcalicis & ab-

forbentibus *ibid.*

rectificatio ope æruginis

quomodo fiat 137. 138 quibusnam

præmissis operationibus *ibid.* quale

det Acetum 138. n. 3. quale residuum & cujus usus *ibid.* phænomena explicantur *ibid.*

stillatitii cum æruginè rectificati vires Chemicæ & Medicæ 138

usus Me-

dicus restrictus *ibid.*

mutatio ab

absorbentibus & alcalicis 138. 139

vis solvens

138. n. 3

laudes

Zwelferianæ 138. n. 3

rectificatio per se quomodo fiat

136. quænam producat 137

quantum diffe-

rat à Vini rectificatione 136

rectificati usus 137

vetusti destillantis primus liquor qua-

lis 134. n. 1. quomodo decurrat per

alembicum *ibid.* an sit spiritus ar-

dens *ibid.* rursus destillatus in quæ-

nam resolvatur *ibid.* Vigani de hoc

opinio & lis cum aliis *ibid.* exami-

nata ab Autore & composita 134.

135

destillantis secundus liquor qua-

lis naturæ 135. n. 2. quomodo à

priore differat *ibid.*

virtus antiseptica 132. 133

penetrabilitas per vasa corporis hu-

mani 132

miscibilitas cum fluidis corporis hu-

mani *ibid.*

vis refrigerans *ibid.*

Aceti usus Chirurgicus 132. 133

ad morsus venenatos *ibid.*

vis contra temulentiam *ibid.*

Nervina 133

Antispasmodica *ibid.*

Antihysterica *ibid.*

Antihypochondriaca *ibid.*

Splenica *ibid.*

attenuans humorum animalium *ibid.*

usus ad quosnam morbos *ibid.*

vis antiloimica *ibid.*

sudorifera *ibid.*

generatio quomodo, & ex quibus principiis fiat 133. 134

vis in solida animalium 136. 137

Acida fermentationem sistant 117

falia cur masculina dicta 252

Acidi generatio an calorem semper requirat 131

fossilis vis in alia acida 253. 278

nitrosi proprietates 257. n. 6

origo in hominibus debilibus 179. 180

quantitas in oleo Vitrioli 266

in Spiritu Nitri *ibid.*

Salis *ibid.*

Sulphuris 270

Acidorum actio in sulphur Alcalisatum 276

in aquam conversio ope alcali fixi 36

Metallis unitorum, operandi modus 300

vis in Mercurium 315

usus in acutis 197

Acidula an Vitriolum ferri contineant 280

Acidulas ferratas arte parandi modus 287

Acidum fossile quotuplex 278

Aër an nutrimentum præbeat animali 185. 186. n. 2

Aëris ad fermentationem necessitas 116. n. 23

ad plantæ incinerationem necessitas 20

ad fermentationem acetosam necessitas 134. n. 6

compressio prohibet fermentationem 117

generatio & actio in effervescentia 252

in sanguine indoles 238. 239

in sanguinem varii effectus 238. 239

vis in ossa animalium. 228

Ætius citatur 76. 120

Æs ab alcali consumitur 36

Æris solubilitas 303. 304. 306

solutio in Aceto stillatitio 303. 304

R E R U M.

cujus usus sit

304

Æris flos. vide *Ærugo*.

Amalgamatio 317. n. 3

politi facilis nigredo unde 304

solutio in Sale Ammoniaco *ibid.*

in crystallos

reducta *ibid.*

cujus usus Me-

dici sit *ibid.*

qua dosi exhi-

benda *ibid.*

in aqua forti 305

quas vires habeat

ibid.

in aqua Regia *ibid.*

in Alkali volatili 306

quantum usus in

Medicina *ibid.*

qua dosi, qui-

bus in morbis exhibenda *ibid.*

tinctura cum spiritu aceti, quomodo paranda 137. n. 1.

viride quomodo conficiatur 304. n. 1

usus ad reductionem argenti 300

Ærugo quid 137. n. 1

quomodo paretur 137. n. 1 quoniam acido *ibid.* ubi locorum *ibid.*

non solvitur tota in spiritu aceti *ibid.*

destillata officinarum quid 138

quomodo pa-

retur 137. 138. n. 2.

cui usui Chi-

urgico serviat *ibid.*

Æruginis confectio 288. 304. n. 1

crystalli quomodo parentur 137.

138. n. 2. & 304.

cui usui Chirurgico aptæ

138. n. 2

solutio in aceto stillatitio 304.

n. 2

Æthiops mineralis. vide *Mercurii Æthiops*.

Alcabeſt Glauberi confectio 253

Glauberi indoles *ibid.*

differentia ab oleo Tar-

tari per deliquium *ibid.*

inventor *ibid.*

Zwelferi quid 138. n. 3

Alcalescentes herbæ quænam 40

Alcalia cur dicta fœminina 252

fixa quomodo depuranda 42. 43-

Alcali fixum solius ignis filius 40

fixi actio in sulphur 270. 271

virtus metallurgica 270

peccans quomodo corrigendum 162

vegetabilis principia 56

volatilis actio in sulphur 271

copia in aëre 179. n. 3

Alcalium vis in olea 162. 164

Alcali usus ad tincturas parandas 142. 143.

144. 145

Alcohol an per falem Tartari in aquam mu-

tabile 172. 173.

an falem tartari reddat volatilem

173

an resolubile sit in oleum & aquam

129

per alcalia productum an purum sit 128

quomodo inde depurandum

ibid. n. 3

purum producendi difficultas *ibid.*

n. 4

quâ specie per alambicum destil-

let 127

quibusnam tincturis aptum sit 148

sine addito parandi modus anti-

quorum qualis 123. 124. quid in-

commodi habeat 124. non exhi-

bet alcohol purum *ibid.*

recentiorum

qualis 124. quibusnam instrumen-

tis fiat *ibid.* quid commodi habeat

ibid. ne hic quidem sincerissimum

dat *ibid.*

sincerissimum, cum sale marino,

conficiendi modus 124 quali sale

marino utendum 124 quæ cautelæ

observandæ *ibid.* operationis ra-

tio 125 compendium *ibid.*

solvit perfecte resinas 146

Alcoholis ab extracto Croci abstracti dotes,

usus 153. n. 3. & 155

actio in albumen ovi 217. 218

in nutritios humores ani-

malium 218

in sulphur 269. 270. 271.

272

à præcipitatione resinarum edu-

cti usus 152. n. 4

effectus in chemicis circumſpecte

decidendi, & cur 128. 129

in vegetantia resinosa, succulen-

ta, actio qualis 150

materies an mutabilis 133.

productio per alcalia 127. 128

quale exhibeat alcohol 128. quo-

modo & cur mutet alcali *ibid.*

quid residui det *ibid.*

proprietas 125. n. 1

actio in solida & fluida corporis

humani *ibid.* n. 1

in animalium corpora ei im-

X x iij

I N D E X

merfa *ibid.* & 126. n. 3
Alcoholis solubilitas in plurimis liquidis 125
 vis solvens variorum *ibid.*
 præparatione quid adumbraverint
 Adepti *ibid.*
 origo *ibid.*
 vis medica in corpus humanum
ibid. n. 2
 inebrians *ib.* unde 112. 113. n. 5
 usus imprudens quam noxius 125
 & abusus in chirurgicis *ibid.*
 & 126
 ad corpora conservanda 126.
 n. 3 quid habeat incommodi *ib.*
 ad conservanda olea stillati-
 tia 90. 91. n. 1
 vis in sanguinem 223. 224
 vis styptica 223
 usus ad hæmorrhagias *ibid.*
 vis antiseptica *ibid.*
 in vegetantium olea & spiritus
 156. n. 3
 menstrua respectu vegetantium
 compositorum qualis 147
 sinceri notæ 126. n. 4.
 nota ex destillatione repeti-
 ta 126. fallit *ibid.*
 nota ex deflagratione ejus,
 quæ fiat *ibid.* fallit, & cur *ibid.*
 fu-
 per pulverem Pyrium quæ fiat *ibid.*
 fallit, & cur *ibid.*
 ex admistui salis Tartari
 quæ fiat 126. & 127. optima est,
 & cur 127
 ex ejus deflagrantis col-
 lecta aqua 126
Alcoholi mistum oleum, quæ detegatur 126.
 n. 4
 acidum quæ detegatur *ibid.*
 n. 4
 alcali, quæ manifestetur 126.
 n. 4
 aquæ quidquam quot modis
 detegatur *ibid.*
Alexander Suchtenius allegatur 327. 329
Alexipharmacum remedium 48. 49
Alimentorum materies unde 186. n. 3. 4
 an & fossilis *ibid.*
Aloë fermentata amarorem amittit 115
Aloës vires 177
Amygdalæ oleum manifestum inhæret 58
Amygdalæ quomodo ad fermentationem dis-
 ponantur 107
Amygdalarum Emulctum quomodo paretur
 61. oleum expressum 57
 & seq.

recens cujus u-
 sus 60
 rancidum, quam
 noxium sit *ibid.*
 quale præscri-
 bendum ægris *ibid.*
Analyseos Chemicæ infirmitas 233. 238
Andreas Libavius allegatus 54
Angelica sal volatile oleosum, vide *Sal vo-*
latile oleosum.
Angelus Sala laudatus 140. citatus 136
Animal omne galactophorum lacte suo vi-
 vit 187. n. 9
Animale corpus constat, quibus nutritur
 185. 186. n. 2
Animalia constant vegetantibus 2
 à putrefactione præservandi mo-
 dus 94. n. 3
 non sunt fermentescibilia 104
Animalis corporis examen Chemicum quo
 ordine instituendum 186. n. 6. 7
 musculum per aquam condiendi
 modus 228
 naturæ in assumpta actio Putrefac-
 tiva 183. 184. 203.
 vis in alimenta 196
 vitæ vis destructiva proprii cor-
 poris 185. n. 1
 restaurativa proprii cor-
 poris 185. 186. n. 2
Animalium Actio in sales alimentorum 41
 Analysis Chémica, generalis
 238
 redditus in terram *ibid.*
 Palingenesia *ibid.*
 destillatorum producta Alkali-
 na separandi, depurandi mo-
 di 229. ad 231
 gelatinæ, Chemicæ examinatæ,
 quænam exhibeant 16. 17. 18
 humores sale fixo Alcalino ca-
 rent 196
 non fermentantur 194
 humorum pars maxime vola-
 tilis *ibid.*
 indoles fana quænam
 22. 23
 indoles morbosa quæ-
 nam *ibid.*
 morbi unde *ibid.*
 mutatio naturalis continua
 185. 186. n. 1. 2
 nutritionis necessitas 186
 materies *ibid.*
 olea stillatitia depurandi mo-
 dus 230. 231 per aquam à
 Sale 230. per cohobationes

R E R U M

repetitas a terra 230. 231. quæ nunquam plene separabilis *ibid.*
 depuratissima ex omnibus eadem sunt 231
 res & dotes habeant 230. 231
 propinanda 231
 ossa calcinata cujus sint indolis 227
Animalium ossa per machinam Papinianam quomodo mutantur 228
 quæ ab aëre mutantur *ibid.*
 partes coctæ quomodo se habeant 16
 principiorum quænam differentia, & unde sit 232
 producta Chemica in quo differant 228
 putrefactorum, destillatorum producta separandi, depurandi modi 229. ad 231
 Sales Alcalini unde? 41
 volatiles depurandi per se methodus 231
 per cretam methodus 232 quid habeat incommodi *ibid.*
 per spiritum Salis Marini methodus, optima *ibid.*
 Salium mira mutabilitas 199. n. 4. 6. & 225. 226.
 volatilitas acquisita quanta sit 228
 volatilium differentia unde 231
 urinosorum natura 197
 solida excocta cujus sint indolis 227
 ultima cujus naturæ 20. 227
 in quo differant Chemicæ a fluidis 227. 228
 in quæ principia Chemicæ resolvantur 227. n. 3
Anisi olei color 79.
 congelascentia inter destillandum 70
 consistentia 75
 pondus 79
Antapoplecticum remedium 67
Antepilepticum remedium 49. 80. 304
Anthelminticum remedium 46
Antihydropicum summum 306
Antihypochondriacum remedium 48. 281
Antihystericum remedium 48. 80. 281

Antifebrile remedium 149
Antimoni Butyrum & Cinnabarim conficiendi modus 334. cautelæ necessariæ *ib.* ignis regimen *ibid.*
 quale residuum maneat *ibid.*
 Phænomenon ætiologia datur 334
 Butyrum seorsim conficiendi modus 335
 Butyri principia *ibid.*
 natura *ibid.*
 vis caustica *ibid.*
 in oleum conversio 335.
 336. qua cautela opus *ibid.*
 Calcinatio immersiva seu humida 323
 sicca 324.
 325
 quid efficiat in illo 325
 Cinnabaris principia 334. 335
 virtus 334
 Croci confectio 330
 originis ratio *ibid.*
 aqua ablutionis cujus naturæ 331
 vis Emetica 330
 Diaphoretici nitrati confectio 331
 vires medicæ *ibid.*
 vulgaris confectio 332
 usus medicus, verus *ibid.*
 vis Diaphoretica negatur *ibid.*
 Emeticum mitius parandi modus 330
 quas vires medicas habeat *ibid.*
 florem Helmontianum parandi modus 337. 338. quo ignis regimine *ibid.* qua cautela opus 338. quale residuum det *ibid.* quæ Phænomena 338. 339
 floris Helmontiani falsi vis emetica *ibid.*
 edulcoratio 338. n. 2
 dulcis, vis emetica *ib.*
 fixati confectio 339
 vis Diaphoretica fictitia 338
 dosis *ibid.*
 mutatio per Nitrum 332
 principia 324. 325
 olei usus Chirurgicus 335
 Reguli Alchemistici confectio

I N D E X

- 328 fusio prima quomodo peragenda 328. n. 1. quantum Reguli, & scoriarum det, quid jacturæ *ibid.* Phænomena explicantur 329.
- Antimonii* Reguli Alchemistici Scorix Imæ quibus constant 329
- cujus naturæ sint *ibid.*
- fusio II da quomodo peragenda 328. n. 2. quantum det Reguli *ibid.* Phænomena explicantur 329
- Scorix II dæ quales *ibid.*
- fusio III tia quomodo fiat 328. n. 3 quantum Reguli, & Scoriarum det, quid pereat *ibid.* Phænomena explicantur 329
- Scorix III tiæ qualis naturæ sint *ibid.*
- fusio IV ta quomodo fiat 328. n. 4 quantum reguli & Scoriarum det *ibid.* Phænomena explicantur 329
- Scorix IV tæ ejus naturæ sint 328. n. 4. 329.
- vis in Aurum 329
- in Nitrum *ib.*
- Emetica *ibid.*
- Scoriarum tinctura *ibid.*
- cum Salibus confectio 325
- 326 quænam cautelæ observandæ 325 326. n. 2. Phænomenon ratio additur 326. 327
- stella unde fiat 327
- fragilitas unde *ibid.*
- impuritas probatur 326
- scorix quid sint 327
- vis emetica 327
- Martialis confectio *ibid.*
- originis ratio *ibid.*
- pondus definitum ex data materie *ibid.*
- scorix ejus naturæ *ibid.*
- usus Chemicus 327
- ex Mercurio vitæ confectio 336
- indoles *ibid.*
- Antimonii* Reguli ex Mercurio vitæ quantitas ex data materie 336
- Regulum per se conficiendi modus 325. 326. 327
- solutio in aqua Regia 324
- Sulphuris aurati confectio 329. 330
- originis ratio
- ibid.*
- vis Emetica 330
- nomen unde petitum *ibid.*
- confectionis alter modus 330
- fixi confectio 333
- originis ratio *ibid.*
- vis medica nulla
- ibid.*
- liquor supernatans
- laudatur *ibid.*
- indoles 324
- Sulphur verum parandi modus *ibid.*
- vis Emetica unde oriatur 331
- vis fusoria in Ferrum 329
- vitri confectio 325. n. 2
- vis emetica 325
- usus Docimasticus *ibid.*
- vitrum conficiendi modus facilius 330
- Antiphlogisticus* Sal 243
- Antipodagricum* Basilii Valentini unde paratum 34
- Antiparalyticum* remedium 80. 81
- Antiscorbuticum* remedium 143. 199. 251. 281
- Aqua* ebullientissima cur nequeat destruere vegetabilis solidam partem 20
- fluvialis quid sit 107. n. 11
- qualis, cur & ubi fermentetur *ibid.*
- Fortis quomodo paretur 257. n. 5
- cujus naturæ sit 257
- explorata quænam vocetur 295
- in vegetantibus quonam tempore abundet 59
- quomodo separetur ex spiritibus acidis 36
- Reginæ Hungariæ quid 157. 158. n. 3
- stillatitia, fermentata quæ fiat 51 quibus instrumentis, & encheiresibus *ibid.* qua fermentatione prævia *ibid.* quo ignis regimine 51 quibus cautelis 51. 52 quotuplex & quam diversa prodeat 52 qualis à fermentatione nimis brevi 52 quale tum residuum *ibid.*

R E R U M.

ibid. prima qualis fit 52 quas vires
habeat 52. 53 oleo turget invisi-
bili 53 quid ab aqua cohobata dif-
ferat 52. 53 *secunda* qualis fit 52 fer-
mentatione nimis brevi qualis tum
52 *tertia* qualis fit 52

Aqua stillatitia, vulgaris, vegetantium quo-
modo paretur 43. è quibusdam her-
bis 43. quo tempore carpendis 43.
44. n. 4. 5. è quibusdam earum par-
tibus 44 quibus instrumentis fiat
ibid. quibus encheiresibus *ibid.* quan-
nam prævia digestionem 44. & 49.
50. 51. quonam caloris moderamine
50 quibus cautelis *ibid.* qua copia &
quousque destillanda 45. n. 8. & 47.
quotuplex prodeat 45. 46. posterior
quomodo à priori dignoscenda 46.
prior è quibusnam plantæ principiis
constet 45. n. 8. quas vires habeat
45. *posterior* quas vireshabeat 46
n. 10. quando & cur noxia 45. ex
quibusnam constet 46. n. 10. cur
anthelmintica fit 46. refrigerat 46.
quomodo purissima habeatur 46
per descensum quomodo pare-
tur 54. & *seq.* quibus instrumentis
54. quonam calore 54. quibus cau-
telis 54. 55. qualis fit, & ex quibus
constet *ibid.* quas vires habeat 55.
eviluit *ibid.* violento nimis igne
qualis fiat *ibid.*

Aqua ebullientis actio in humores animales
222

in plantam actio 19. 46

vis in plantæ partes soli-
das 16

solvens ratione planta-
rum 21. 22

existentia in durissimis 86. n. 5

è Guajaco productio *ibid.*

in sanguinem varii effectus 239. n. 2

intima unio cum oleis essentialibus
82. n. 12. & 13.

solidis Animalium 227

salibus 265

quantitas in dato liquore acido 168

oleo Vitrioli 264

spiritu Nitri 265

Salis *ibid.*

Sulphuris 269. 270

regiæ confectio 303

extemporanea *ibid.*

per destillationem du-

plex *ibid.*

aquæ regiæ in Mercurium vis 307. 308.

spirituosæ, compositæ, confecti o 160

Tom. II.

usus *ibid.* n. 2

Aqua stillatitiæ officinarum quænam in-
utiles 50

bonæ 50

oleosæ cur albescant 62

per se destillatæ natura, &

usus 10

principia 10

subjecta 11

vires Car-

diacæ 11

corruptibili-

tas 10

virtus unde

ibid.

quous-

que duret 11

quomo-

do determinanda *ibid.*

Rosmarini per se destillatio 9
quonam instrumento 9. n. 2 quo ca-
lore fiat 9. n. 3

asservatio 9

n. 4. 11

vulgaris cohobatio quomodo
fiat 47. quam prævia digestionem
47. quo caloris moderamine 47.
quibus cautelis *ibid.* quousque pro-
sequenda *ibid.* cui bono fiat 47.
quid producat 48. quale residuum
relinquat *ibid.* an mutet nativam
virtutem 48

vis in ossa animalium 228. 229

ad induranda corpora 86. n. 5

solvens in vegetantia 148

Aquarum Aromaticarum odor & sapor sin-
gularis unde 82. n. 13

destillationis regulæ præparato-
riæ 47. & *seqq.*

stillatitiarum vis anthelmintica
unde 46. n. 10

è plantis inodoris

efficacia 47

asservatio 46

durabilitas *ibid.*

vulgarium princi-

pia 56

Aquila alba quid 286

Philosophorum quid 209

Ganymedem rapiens in cælum Jo-
vis in sublime, quid *ibid.*

Arbores quænam aptæ destillationi aquæ
per se 12. 13

in diversis partibus continent sin-
gularem suam virtutem 13

Arborum Borealiæ olei copia, cui usui 58
cortices quinam oleo turgidissimi

Y y

I N D E X

74. Senescentium morbus ex pinguedine nimia 58. 59
Arborum varii status juxta anni tempora *ibid.*
ætates ibid.
Argentum ardens 299
vivum. vide *Mercurius*.
Hydragogum Boyli conficiendi
modus 298. 299. cautela ob-
servanda *ibid.* n. 2
Argenti Amalgamatio 317. n. 4
depuratio per combustionem 300
è plumbo conflatio fictitia 299
302. 318
quomodo
detegenda 299. 318
granulati confectio 295. 296
immutabilitas 300
potabilis Adeptorum character *ibid.*
Hydragogi reductio 299
usus externus *ibid.*
nimius quæ mala
pariat *ibid.* quo remedio curanda
ibid.
abusus Sophisticus 299
quomo-
do detegendus *ibid.*
sinceri nota 295
solutio in aqua forti *ibid.*
Spiritu Nitri 296. n. 2
viridescens quid indicet 296
solutionis vis caustica 296
usus Chirurgicus 296
sapor *ibid.*
residuum 296
soluti in spiritu Nitri præcipitatio
quomodo fiat 301. n. 1
præcipitati
conversio in aurum verum 302
pon-
deris augmentum unde 301
muta-
tio in Lunam Corneam 302. n. 2
reductio 300
per mi-
croscopia spectata quid monstret
301
reducti usus ad
Amalgamationem *ibid.*
Vitriolum conficiendi modus du-
plex 296. n. 1. 2
Vitrioli vis caustica 297
Aroma philosophorum quid 152
Aromatum exoticorum olea quædam Cam-
phoræ similia 70
intra Tropicos nascentium olea
ponderosissima, & cur 79
- Aromatum* usus ad fermentationem acero-
sam 130
Aroph Paracelsi verum quid 153
vocabulum quid denotet 152. unde
compositum *ibid.*
Arum coctum mitescit 16
Asari infusi efficacia 16
decocti vires *ibid.*
Atramenti origo 280
Aves integræ combustæ quid in cineribus
dederint 206
Avis rapax Philosophorum quid 286
Aurantii oleum essentiale ubinam hæreat
70. Gelatinæ usus 18
Aurantiorum Ulyssiponensium olei confis-
tentia 79
Aurum potabile Paracelsi quodnam forte
279
veterum quodnam forte
317
Auri Amalgamatio 317. 318. n. 5
ex argento productio vera 302
Hombergiana
302
è plumbo conflatio fictitia 302. 318
fraudis detectio 318
fulminantis confectio 319
vis fulminans unde *ibid.*
Medica quænam *ibid.*
solutio 319
soluti vis caustica *ibid.*
Autoris methodus pertractandi operationes
Chemicas, ordinatim exposita 8
Vegetabilia Chemicæ exa-
minandi *ibid.*
- B**
- Balsamus* quid 74
albus Chemicorum 290
Balsamum Ægyptiacum quid 94
Asiaticum quid *ibid.*
Jeruchuntanum quid *ibid.*
Judaicum quid *ibid.*
Memphiticum quid *ibid.*
Copaii unde *ibid.*
Opobalsamum quid *ibid.*
Copaii quæ Synonima habeat
94
Balsama nativa, annosa, deteriora & cur
94. n. 2. unde oriantur
93. n. 1
ex quibus consistunt prin-
cipiis *ibid.*
quomodo mutantur *ib.*
quas habeant vires Me-
dicas & Chirurgicas 93. 94
nominatim recensentur
94

R E R U M

omnia inter se similia *ib.*
Balsama odorata, arte facta, quomodo pa-
 randa 101. 102. è quibusnam
 Oleis 102. cum Cerâ & Pomato
 101. 102. cum corpore Balsami
 102. quomodo variè coloranda
 & per quæ 102. n. 2. cui usui in-
 serviant 102
Balsamorum nativorum principium maxi-
 mè volatile quodnam sit &
 quale 94. n. 2
 olea prima, volatilia,
 qualia sint 94. n. 3. cujus
 usus Chirurgici 94. n. 3.
 antiseptica sunt 94. n. 3.
 quid usu interno valeant *ib.*
 quando noceant *ibidem*
 an tutò in Gonorrhœa usur-
 pentur *ibid.*
 olea spissiora quas vires
 habeant 94. 95. n. 4
 oleum ultimum quas
 vires habeat 95. n. 4. cum
 spiritu Nitri mistum quid pa-
 tret *ibid.*
 spiritus acidus cujus-
 nam indolis 95. n. 6
 in oleum mutatio *ib.*
 refinam mutatio *ib.*
Balsami antapoplectici quando noceant 67
Basilus Valentinus laudatur 138. 236. 283
Becherus allegatur 302
Beguinus allegatur 261
Bellinus allegatus 186. 195
Benzoini Tinctura. vid. *Tinctura.*
 Refina mirè volatilis 146
 tota in Alcohole solubilis *ib.*
Berberis Gelatinæ usus 18
Beta radice vulneratæ vel tufæ succus colo-
 re discrepat 6
Betula incisæ latex, quando, qualis & ubi
 bonus sit 107. n. 9
Bellichius notatur 336
Bituminis artificialis confectio 276
Bourdelinus laudatus 81. n. 10
Bobnius laudatus 164. 295
Boyleus laudatur 36. 81. n. 9. 107. 145.
 205. 230. 251. 264. 273. 277.
 295. 302. 312. 314. 323
Brachmani unde vivant 186. n. 4
Butyri rancidi descriptio 60
 effectus pessimi in ventriculo 61

C

C *Acao* libra quot uncias olei det coctione
 63

Cafus citatur 207
Calx viva cur aquam calefaciat 39
 fortissima quænam sit 39
Calcis effectus in salem alcalinum fixum 39
 vivæ actio in humores animalis 199
 utilitas & noxa in morbis *ib.*
 lixivii usus & noxa in scorbuto
ibid.
 lixivium cur in Germaniâ pro-
 fit, in Galliis noceat *ibid.*
 vis corrosiva in corpore vivo
 unde *ibid.*
Calor an necessarius ad acidi generatio-
 nem 131
 qualis obstat fermentationi 117
 solus fermentationem non producit
 104
Caloris gradus quinam homini lethalis 223.
 & cur *ibid.*
 gradus ad incubatum ovi requisitus
 215
 solis in olea Vegetantium actio 95.
 n. 7
 ebullientis aquæ in olea Vegetan-
 tium actio *ibid.*
 varii varia effecta in Albumen ovi
 215
Camphora quid 150
 destillata non fit oleum liquidum
 97
Camphora natura 127. 154
 æmula olea quædam Aromatica
 70. quid patrent inter destil-
 landum 70
 origo naturalis 154
 artificialis *ibid.*
 depuratio *ibid.*
 solubilitas in Alcohole 146. 154
 in Acidis fortissimis
 154
 diversitas ab aliis Resinis *ibid.*
 extractum essentiale. vide *Extra-*
ctum essentiale.
 olei color 76
 consistentia 79
Cancrorum valdè parvorum remedium 37
Caponis aqua stillatitia alimenti expers 50
Carbo quid 87. n. 8.
 quid efficiat in operationibus Che-
 micis 87. n. 8
 quomodo & quando alcali det *ibid.*
 n. 9
 cruoris quinam 225. n. 5.
 cujus naturæ *ibid.*
 an Phosphorum det 225
Helmontianus quid 85. n. 7
 cur inflammabilis *ib.*
 Y y ij

I N D E X

- Carbonis* animalis natura 218
nigredo unde? 19. 32.
- Cardamomi* oleum stillatitium inter destillandum congelascit 71
- Cardiacum* remedium 48. 49
- Cardui* Benedicti aqua stillatitia fermentata quid valeat 53
Sal Tachenianus quomodo parandus 30. 31
- Cari* oleum stillatitium inter destillandum congelascit 70
- Carminativum* remedium 48. 67. 250. 251
- Caryophylli* quantâ olei copiâ turgeant 72
- Caryophyllorum* aromaticorum adulteratio 72
aqua stillatitia cujus usus *ib.*
oleum essentiale quomodo paretur *ibid.* quo instrumento *ibid.* quo calore *ibid.* quali residuo manente *ibid.* quomodo purissimum obtineatur primâ vice *ibid.*
olei essentialis color 72
gravitas 73
79
vires 73
volatilitas *ibid.*
oleum per descensum quomodo fiat 76. 77. quale fit 77
oleum pressum 59
- Casei* veteris summa acrimonia unde? 60
- Cassa* fermentationem promovet 108
- Cauticum* potentiale Chirurgorum 39
- Centaurii* minoris olei vires 81
- Cepæ* fermentationi ineptæ 105. 106
- Cera* alba quomodo paretur 96. 97
ubinam in plantis hæreat 96. n. 1
ubinam in foliis Rosmarini ab Autore deprehensa 96
quid fit *ibid.*
- Cera* dotes sensibiles 96
destillatio per retortam 96. 97. quam encheiresi 97. quo ignis regime 97. quâ quantitate arenæ additâ 96. 97. quænam producta exhibeat 97
volatilitas 97
inflammabilitas *ibid.*
butyri destillatio ex retorta quomodo peragenda 96. 97. quo ignis moderamine *ibid.* quibus cautelis *ib.* quid exhibeat 97. iterata omne in oleum vertit *ibid.* nullam fæcem relinquit *ibid.*
vires, & usus 96. 97
- Cera* Butyrum nunquam in Ceram reducibile 96
convenientia cum camphora 97
oleum quomodo paretur 97
quas vires habeat Medicas & Chirurgicas 97
- Cerasi* gelatinæ usus 18
- Cerevisia* optima quale Acetum præbeat 131
recens, cantharis conclusa, cur aëre admissio effervescat 117
quomodo paretur 119. 120
benè parata, qualem det spiritum 120
- Cerevisiæ* flores fermentationem promovent 108. n. 13
fœx quænam fermentum fit 108
in spiritum ardentem destillatæ residuum quale 122
natura antiquis cognita 119. 120
- Chamæmeli* aqua stillatitia cohobata cujus usus 49
olei color 79
vires 81
- Chaos* quid 36
- Chemia* producit nova, quæ per naturam non dantur 7
- Chemiæ* artificium naturam superans 48
effectus in Vegetantium analysi 2. 7
usus in quantum Pharmaceuticus fit 2
præcipuus quinam *ibid.*
non Medicus solum, sed & Physicus est *ibid.*
- Chemica* producta omnia pro Medicamentis venditare stultum est 2
- Chemica* operationes. vide *Operationes.*
- Chemicorum* productorum varietas, per varia menstrua 145
scripta cur exosa sapientibus 1
- Chlorosis* remedium 48.
virginum unde 191
- Cholagogus* potus 148
- Chylificatio* quomodo fiat 62
- Chyli* natura & elementa quænam 62. 63. 64. 187. n. 9
necessitas quotidiana in humoribus animalis 203
- Chylum* animalium referunt emulsa vegetantium, & quibus notis 61
- Cichorei* sal nativus qualis; quas vires habeat? 24
- Cineres* Alcalini igne forti in vitrum abeunt 32. 33
ex residuo à destillatione aquæ vulgaris, vegetabilium, quales 55
aquæ vegeta-

R E R U M.

- bilium, cohobata, quales? 55. 56
 aqua vegetabilium fermentata, quales? *ibid.*
 aqua vegetabilium fermentata cum melle, quales? 56
 aqua vegetabilium, per descensum, quales? *ibid.*
 extractorum vegetabilium combustorum qualis naturæ 21. quali sale facti *ibid.*
 Vegetantium acerrimorum sale ferè carent, & cur? *ibid.*
 Vegetantium elixivatorum cujus naturæ 19
 quomodo parandi 18. 19
 in aqua cocti quid exhibeant 19
 usui docimastico servant 19. 20
 Vegetantium recentium qualis figuræ 22
 cujus saporis 23
 aquâ elixiviati quid exhibeant 22
 Vegetabilium quomodo possint reuiri 20
 Clavellatos depurandi modus 42
 Cinerum Clavellatorum sal singularis amarus 42
 Cinnabaris factitiæ confectio 316
 origo explicatur *ibid.*
 vis Medica *ibid.*
 usus externus 317
 reductio in Mercurium *ibid.*
 Cinnamomum adulterandi modus 75
 Cinnamomi cum aqua destillatio quomodo fiat 74. 75 quænam producta exhibeat 75
 aqua stillatitia prima qualis 74. 75
 secunda, qualis 75
 aqua stillatitia tertia qualis 75
 quare anthelmintica, emetica *ibid.*
 à destillatione residui cineres quales 75
 extractum quale 75. qualem salem det *ibid.*
 aqua stillatitiæ primæ usus & vires 51. 75
 secundæ facultates 75
 Cinnamomi decoctum ultimum quale sit 51
 oleum essentielle in quam parte hæreat 70
 quomodo in resinam mutabile 151
 stillatitium, Ceylonense, quomodo in salem sponte abierit 76
 quomodo paretur 74. & seq. quale residuum relinquat 75. quomodo purissimum obtineatur *ibid.*
 olei stillatitii cohobatio cujus usus 75
 vis ignea, calfacientissima 75. 79
 instaurans 75. 76
 uterina *ibid.*
 olei vis singularis 80. 81
 color 79
 pondus 79
 quinta essentia. vide *Quinta essentia.*
 sal essentialis, sponte concrecens 75. qualis *ibid.*
 Spiritus rector ex proprio oleo salem generat 76
 variè tractati producta contrariarum prorsus virium 46
 Clavis ad metallorum corpora referenda, quid 286
 Cochleariæ combustæ cineres 21
 Coctio impedit fermentationem 187
 Coctione Pharmaceutica & culinari quidnam pereat 46. 68
 vires vegetantium mutantur 47
 Cohobatio quid 48
 cur ita vocetur *ibid.*
 Cohobationis differentia à fermentatione 53
 usus 48
 effectus 48. 53. 55
 limites nulli 48
 Colatio decoctorum cui damno obnoxia 17
 Colicæ remedia 67
 Colocynthis fermentata amarorem amittit 115
 Coloris albi causa in emulctis 62
 aquis stillatitiis oleosis *ibid.*
 lacte animalium *ibid.*
 Colorum in vegetantibus varietas 6. 7
 mutabilitas in uno eodemque corpore 168
 Colophonia unde 93. n. 7
 Colophoniæ vires 95. n. 5
 principia 95. 96. n. 7
 Y y iij

I N D E X

- mutatio à summo suppressionis igne *ibid.*
- Compositio** residui à destillatione aquæ vegetabilium 54. 55
- aquæ vegetabilium, cohobata 55
- aquæ vegetabilium fermentata 56
- aquæ vegetabilium fermentata cum melle 56
- aquæ vegetabilium per descensum *ibid.*
- Crocus** martis adstringens 280
- Croci** extractum essentiale. vide *Extractum essentiale.*
- vires 177
- staminum apiculi quidnam habeant peculiare 159. quanti hoc à Chemicis æstimatum, quomodo vocatum *ibid.*
- Crocus** martis aperientes conficiendi modi 287
- Cornu** Cervi destillatio analytica quomodo peragenda 227. quibus vasis *ibid.* quænam & quoruplicia det producta *ibid.* quale residuum & cuius usus *ib.* residui à destillatione usus *ibid.*
- Corrector** Matthæi quid sit 164. quid fiat *ibid.*
- Cortices** oleorum destillationi apti recensentur 76
- Corvi** caput quid sit 338
- Cosmeticum** innoxium 146
- Cotonei** mali gelatinæ usus 18
- Cotyledones** plantarum cur oleosceant 58
- Crollius** notatur 174
- Crystallorum** varius color ex mistura diversorum alcalium 34
- Crystallum** minerale parandi modus 246. n. 2
- Cuprum** vide *Æs.*
- Cygni** collum quid sit 338
- D
- Daniel** Ludovicus laudatur 53
- Decoctum** Plantæ parandi modus 14
- vase aperto factum quidnam perdat *ibid.*
- Plantæ sine jactura virium parandi modus duplex *ibid.*
- vase clauso, qualis sit *ibid.*
- in olla Papiniana, quale sit *ibid.*
- vegetabilium resinorum parandi modus 14
- Decocta** Vegetabilium depurandi modus triplex 16. 17
- quo respectu præstent infusis 15. 16
- infusis postponenda 16
- optima quænam *ibid.*
- Vegetantium** à destillatione residua quænam bona 82. 83. quomodo exaltanda *ibid.* quomodo in Rob inspissanda 83. quid tum præstent *ibid.* exusta, quem salem præbeant *ibid.* qua methodo salem nativum dent 83
- Decocta** plantæ residuum quale 14. 16
- qua ratione reducendum 16
- Decocti** à Cohobatione aquæ stillatitiæ residui virtus 47. 48
- Decoctio** Plantæ sæpius repetita quid relinquat 14
- vires proprias immutat 16
- Decolterum** depuratio per colum cui malo obnoxia 16. 17
- penetrabilitas in corpore humano 15
- subjecta idonea 14. 15
- vis agendi in corpus humanum 15
- medicata undenam pendeat 15. 16
- Defrutum** quid 27. quomodo paretur *ibid.* unde parandum 27. 28
- Defruti** usus 17. duratio *ibid.* vires *ibid.*
- Destillatio** per descensum quid 54
- cuinam usui olim dicata *ibid.*
- à quonam primum ad vegetantia itranslata *ib.* quomodo fiat & quibus instrumentis *ibid.*
- Destillationis** definitio antiquorum 54. n. 1 triplex differentia *ibid.*
- Destillationes** Vegetantium, aquosæ quænam elevent 56
- quale residuum relinquunt 56
- Diata** acutorum quænam bona 203
- antiputrida ubi, quibus, quare necessaria *ibid.*
- Diaphoreticum** oleosum Helmontii an parabile sit 230
- Diemerbroëkius** laudatus 163
- Digestionis** Vegetabilium pro cohobatione aquæ leges & usus 77
- pro destillatione aquarum regulæ 49
- oleorum essentialium leges 65
- Diodorus** Siculus citatur 120
- Dioscorides** laudatur 132. 171

R E R U M

Dippelius laudatur 231
Dodonæus notatur 45.

E

E *Buli* sal natus qualis? quarumnam vi-
 rium? 24

Echolicum remedium 49

Effervescentia an Fermentatio vocari pos-
 sit 105

Ferri cum Sulphure 286.287

Acidum inter & Alkali unde
 derivanda 251.252

Effervescentia inter Acidum & Alkali novæ
 species 168

specimen

219

Acidissimum volatile,
 & oleum subtilissimum spe-
 cimen 219

Elaosacchara medicata antiquorum quænam
 160

cui bono inventa sint

99. n. 1

quomodo paranda
ibid.

quænam olei ad Saccha-
 rum proportionem *ibid.* ad-
 dito vitello ovi quid boni
 acquirant, quid mali 99.
 n. 2

quid sint 99. n. 3

quomodo asservan-
 da 99. n. 100

quem usum habeant
 100

Elementa corporum quam mirè latere pos-
 sint 145

Elementorum variorum combinatio quid
 efficiat 86. n. 6

Elixir Alcalisatum, Alcoholisatum quid
 175. 176

Tartarisatum, Alcoholisatum quid
 176

proprietas cum Tartaro tartarisato
 confectio *ibid.*

vires

ibid.

regenerato con-

fectio 177

vires

Medicæ incomparabiles 177

an E-

lixir verum Paracelsi & Helmontii
ibid.

proprietas cum oleo Tartari p. d.
 confectio 175. 176

Medicæ amplissimæ 175. 176 vires

& aqua

stillatitiâ confectio 176

& Al-

cohole confectio *ibid.*

& spi-

ritu Vini rectificato, confectio *ibid.*

& spi-

ritu Aromatico simplici vel compo-
 sito confectio *ibid.*

Elixir proprietatis, cum Aceto stillatitio,
 confectio 174

usus

Chirurgicus *ibid.*

usus

internus 174. 175

dosis

& regimen varium 174

inventor quænam *ibid.*

quas vires illi ad-

scripserit *ibid.*

an cum spiritu Sulphuris per
 campanam parabile *ibid.*

cum Aceto stillatitio usus
 vicarius Pilularum Rufi 175

Alco-

hole addito exaltatio *ibid.*

ope aquæ stillatitiæ confec-
 tio *ibid.*

vitium

quodnam *ibid.*

vires

Medicæ *ibid.*

Elixirium varietas unde 176

cur necessaria *ibid.*

vires in genere 177

unde *ibid.*

regimen Medicum pro variis sco-
 pis 177

usus quando noxius 177

Emmenagogum remedium 49

Endivia sal natus qualis? cujusnam usus,
 24

Ens appropriatum Paracelsi quid? 10

Veneris verum quodnam sit 323

Entis Veneris Boylei confectio 323

quale liquidum

primò det 323

residuum

relinquat *ibid.*

an iusta denominatio *ibid.*

natura *ibid.*

vires Medicæ 323

Esula succi punctione aut tusione electi va-
 rius color 6

Extracta essentialia parandi modus 152. 153

I N D E X

- ē quibusnam parabilia 153. n. 2
 curtam actiosa 153. 154
 composita parandi mo-
 dus 154. n. 3
 exhibendi modus *ibid.*
Extracta Vegetabilium quid sint 17. unde
 paranda 17. 18
 parandi modus 16. 17
 quomodo incinerantur
 20. 21. quibus instrumentis *ibid.*
 quibus Phænomenis *ibid.*
 combusta quales dent
 cineres 21. 34
Extractum essentiale Camphoræ parandi
 modus 154
 Croci parandi mo-
 dus optimus 152. 153
 est Azoph Pa-
 racelsi verum 153
 cum pane in
 fimo equi parandi modus reji-
 citur & cur *ibid.*
 spiritum rec-
 torem continet *ibid.*
Extracti essentialis Croci dotes 153. n. 3
 natura *ibid.* n. 1
 vis lætificans *ib.*
 lithonripti-
 ca 153
 in spiritus
 Animales *ibid.*
 à cohobatione aquæ stillatitiæ re-
 fidui virtus 48
 usus 17. duratio *ibid.*
 vires *ibid.*
Extractorum Vegetabilium combustorum
 Phænomena explicantur 21
 carbo
 unde constet *ibid.*
 color
 & fumus unde ? *ibid.*

 F
Farina quid sit 106
Farina aqua stillatitia cujus indolis &
 virtutis sit 102. 103
 Cerealium destillatio quid det
 103
 crudæ cum Maltâ destillatio quid
 det 103
Febris tertianæ remedium 101. 248
 quartanæ remedium 94. n. 3. 248
Febrium autumnalium intermittentium re-
 medium 30
Fermentabile corpus quid vocetur 105. n. 3
Fermentabilis aqua quænam 107. n. 11. cur
ibid.
Fermentabiles fructus quænam 106. n. 7
 Herbæ quænam *ibid.* n. 8
 Succi liquidi quænam *ibid.*
 n. 9. 107
 densati quænam *ib.* n. 10
Fermentabilia omnia Putrescibilia sunt ;
 non vice versa 105. 106.
 Semina farinosa quænam 106
 n. 2. 3
Fermentabilium in VI. Classes distinctio
 105. ad 108
 Classis I. 106. n. 6
 II. 106. n. 7
 III. *ibid.* n. 8
 IV. 106. 107. n. 9
 V. 107. n. 10
 VI. *ibid.* n. 11
 qualitates requisitæ 107.
 108. n. 12
 primæ classis ad fermen-
 tationem præparatio
 109
 secundæ classis ad fermen-
 tationem præparatio
 110
 tertiæ classis ad fermenta-
 tionem præparatio *ib.*
 n. 16
 quartæ & quintæ classis
 ad fermentationem
 præparatio *ibid.* n. 17
Fermentati destillati residuum 115. 116
 non amplius fer-
 mentabile est 115
 crematum quid
 det 118. n. 31. 119
 liquoris exaltatio post fermen-
 tationem 113. n. 21. 114
 nomen usquequaque re-
 ceptum *ibid.* n. 22
Fermentatorum liquorum destillatio quæ per-
 agatur 117. 118. quibus præmissis 117.
 n. 25. quibus cautelis 117. 118. quali &
 quam varia velocitate 118. n. 28. quæ
 producta det 118. quale residuum 118.
 n. 30
Fermentatio acetosa quomodo instituatur
 130. n. 4. quibusnam in vasis *ibid.* qui-
 bus fermentis *ibid.* qua encheiresi *ibid.*
 quamdiu protrahenda 180. quibus caute-
 lis egeat *ibid.* quid producat 130. 131.
 133. 134
 quo cum calore fiat 131
 an naturaliter detur in Anima-
 lium liquidis 194
 Vegetan-

R E R U M.

Vegetanti-

bus 103

Fermentatio in animalibus quo usque locum habeat 119

Malti & farinæ quomodo facienda pro destillatione spiritus ardentis 119. 120

Mulsæ quomodo fiat 120

quid 51. 52

quomodo instituenda 111. quo in vase 111. quo calore *ibid.* quibus cum Phænomenis incipiat, pereat, desinat 111.

112. n. 1. 2. 3

Vegetantium destillandorum quæ peragenda 51. 52. quo fermento 51. quo calore 51. quanto tempore *ibid.* quid boni conferat 52. 53. quid mutet, quæ producta det 52. 53. quale residuum 52. longior quid noceat 52. brevior quid efficiat *ibid.* Phænomena recententur 52

Fermentatione absoluta quidnam agendum 113. n. 21

Fermentationis acetosæ absolutæ signum 130

retardatio 130.

131

acceleratio *ibid.*

liquor productus qualis *ibid.*

foex qualis 131.

133. 134

impedimenta quænam 134. n. 7

acetosæ perfectæ effectus 132. n. 5

differentia à vinosa 129. n. 1

adjumenta quænam 134

n. 6. Tepor. *ibid.* Aëris admistio. *ibid.* motus *ib.* Aromata acerrima *ibid.*

diversus effectus à vinosa 133. 134

fermenta quænam

129. 130. n. 3

subjectum remotum

129. n. 2

proximum *ib.*

absolutæ tempus indeterminabile 113. n. 21

cur varium a-

deo sit *ibid.*

signum quodnam sit *ib.*

Fermentationis adjumenta quænam sint 116.

n. 23. quies *ib.* Aëris liber accessus *ibid.* Tepor *ibid.* Tempus anni quale *ibid.*

causa non est calor solus 104

definitio 104. n. 1

ulterius explicatur & stabilitur 104. 105

differentia ab effervescentiis 105

à putrefactione 105. 183. 184

effectus 113. ad 117. 140. 141

Gas cujus naturæ sit 111. n. 1. 112. n. 5. 113

geminatæ effectus 129. n. 1 impedimenta quænam

sint 116. 117. n. 24.

acida 116. 117. alcalina 116. 117. acidum

absorbentia 117. aëris

prohibitio *ibid.* frigus

nimum 117. Calor nimius, & qualis *ibid.*

vacuum Boyleanum *ib.*

Aëris compressio *ibid.*

perfectæ effectus bini 105. n. 2

Phænomena 110. ad 114 subjecta quænam sint

104. 105

non sunt animalia 104

104

fossilia *ibid.*

subjecta sola, non omnia, vegetantia sunt 105

tria Stadia distincta 112. n. 4

vis in olea & sales acidos 115. 116

sal fixum Plantæ 56

salia Plantæ 118.

119. n. 31

volatilifans 116

universalitas 104

vocabuli limitatio *ibid.*

abusus 119

Fermenti propria significatio 108

primi ortus 108

Fermentorum delectus, applicatio ad malti fermentationem 110. n. 18

novem species 108. n. 13

species prima 108. n. 13

Z z

I N D E X

- II. quænam *ibid.*
 III. quænam *ibid.*
 IV. quænam *ibid.*
 V. quænam *ibid.*
 VI. quænam *ibid.*
 VII. quænam *ibid.*
 quando applicabilis *ibid.*
 VIII. quænam 108.
 109
 quando applicabilis *ibid.*
 IX. quænam 109.
 quando applicabilis *ibid.*
Fermentum pistorum quodnam 68. 69
 quid verè appelletur 104. n. 1
 fine fermento parabile est 108
Ferri actio in antimonium 327
 sulphur metallorum 327
 mercurium 314
 crocos aperientes parandi modi 286.
 287
 crocus adstringens 282
 crudi præstantia in medicina præ
 ejus præparatis 280
 cum sale Ammoniaci sublimatio quo-
 modo instituenda 285. quo ignis re-
 gimine, quo apparatu *ibid.* Phæno-
 menon ratio redditur 286
 sublimati liquor pri-
 mus cujus naturæ 285
 Flos quo-
 modo affervandus *ibid.*
 res medicæ 286
 tura *ibid.*
 um per deliquium 285. 286
 cum sale Ammoniaci sublimati Fœx
 cujus naturæ 286
 Fœcis o-
 leum per deliquium 285. 286
 tura 286
 tinium quanti usus *ibid.*
 cum sulphure effervescentia ignea
 286. 287
 lusus, quadruplex 286. 287
 fusionis in igne adjumentum 328
 mutabilitas 284. 285
 heterogeneitas 286
 oleum per deliquium duplex 285. 286
 quomodo conficia-
 tur 282. 283. experimenti ratio red-
 ditur *ibid.*
Ferri olei per deliquium vis medica 285.
 286
 solubilitas 284
 Tincturæ adstringentis confectio *ibid.*
 indoles *ibid.*
 vires medicæ
 ibid. & 285
 Ludovicianæ confectio 280. 281
 vires medicæ
 281
 dosis & regi-
 men medicum 281
 Tinctura cum Vino Rhenano 283.
 284
 & ubi 284
 ceat *ibid.*
 propinanda *ibid.*
 Vitriolum. vide *Vitriolum.*
Ferrum ab alcali exeditur 36
Ferruginis confectio 288
Flammæ materies quænam sit 32. 33. 178.
 179. lucidæ origo 22
Florum Cerevisiæ indoles & vis fermentans 107. n. 12. 108
 Vini indoles & vis fermentans 108
Flos fermentantium liquorum quid sit 112.
 n. 4
 quomodo oria-
 tur III. 112. n. 2. 3. 4
 fermentorum
 omnium optimum 112. n. 4
Floris albi remedium 144
Fœniculi olei consistentia 79
 oleum stillatitium 69. 70
 inter destillandum
 congelascit 70
Fœx fermentantium liquorum quid vocetur 112. n. 4
 quando & quomo-
 do deponatur 112. n. 3. & 4
 Vini quid 112. n. 4
Fossilia quædam cur in oleo solubilia 273.
 274
 non sunt fermentescibilia 104
 sulphureo metallica pro usu medico
 tractandi modus 272. 273
Fossilium Analysis Chemicæ difficultas 2
Frigoris vis antizymotica 117
Fructuum horæorum succi facillime fermentabiles 107. n. 12. 108
 usus nimii noxa 112. 113.
 n. 5
Fructus quinam fermentabiles 106. n. 7

R E R U M.

Frumentorum in maltum mutatio quomodo fiat 109. 110. quam prævia maceratione, quousque protracta 109. qua germinatione, & quam longa 109. qua exsiccatione 109. quibus cautelis *ibid.* quæ effecta pariat *ibid.*

Frumentum corruptum quid denotet Tacito 109

Fuliginis destillatio quomodo peragenda 178. quibus è vasis 178. n. 1. quo ignis regimine 178. n. 2. 3. 4. 5. qua cautela 178. n. 3. qua distinctione *ibid.* n. 2. 3. quænam producta, quale residuum det 178 179

destillatæ aqua prima qualis 178.

n. 2. 179

quo spiritu im-

prægnata 178

quam copiosa

178. n. 2. 179. n. 2

secunda qualis 178. n. 3

rectificando in

quænam resolvatur 178. n. 7.

& 179. n. 2. 4

sal volatilis qualis 178. n.

4. 179. n. 3

cujusnam usus 179

oleum ultimum quale 178.

n. 5. 179. n. 5

sal ultimus qualis 178. n. 6.

179. n. 6.

cum alcalinis fi-

xis mistus quid det 179

cujusnam usus

179. 180

foex residua qualis 178. n. 6.

179. n. 7

exusta quid det

179. 180

destillatæ producta separandi,

depurandi modi 229. & seq.

alcalina separandi

modus 229

principia 178. 179

origo 86. n. 3

Spiritus. vide *Spiritus.*

usus medicus 179. 180

varietas ex diversis combustibili-
bus *ibid.*

caminis *ibid.*

Fumaria sal nativus qualis? quarumnam
virium 24

Fumi materies 179

in vegetantis combustione

Fumi varietas, effectus, indoles 86
Fusorius pulvis unde conficiatur 326. 327.

G

Galenus laudatus 133

Gangrene remedium externum 38. 39

Gas sylvestre Helmontii quid 111. n. 1

quas vires habeat. *ibid.* & 112.

113. n. 5

Gedeon Harveyus laudatus 171

Gelatina quid sit 17. quomodo paretur *ibid.*

quomodo asservanda 18

unde parabilis *ibid.*

è Limoniis cur non durabilis *ibid.*

è Succis salinis cur difficulter asser-
vabilis *ibid.*

Gelatina Animalium, Chemice examinatæ

quænam dent 227

quid virium perdiderint 18

Gelatinarum usus 18. deliquescentia 18

durabilitas 17

Vires 18

Geofroyus landatur 314

Gesnerus allegatur 278

Glauberus citatur 130

laudatur 249

Goddardii guttulæ unde parentur 228

Graminis sal nativus qualis? quarumnam
virium 24

Grewius laudatus 164

Guajaci decoctum quomodo faciendum 14

quale optimum 49

destillatio per retortam quomodo

fiat 84. n. 2. quo calor regimine

ibid. quænam producta, quale re-

siduum det *ibid.* quomodo hæc

ab invicem separanda *ibid.* n. 3. &

84. 85. n. 4

Guajaci destillandi spiritus acidus in quæ-

nam sit resolubilis 85. n. 5

quomodo de-

purandus *ibid.*

olea quomodo rectificanda,

& cui bono 85. n. 6

carbo cujus naturæ *ibid.* n. 7

ustus quid det *ibid.*

recentis, usti, cinis cujus indolis 85.

scobs viridis quid in America præ-

stet 14

tinctura vide. *Tinctura.*

vetustissimi destillatio dat aquam

86. n. 5

Guajacum per descensum destillatum Para-

celso usitatum 57

I N D E X

H

H *Emorrhoides* movens remedium 49
Hamorrhoidum dolentium remedium 97
Hales laudatus 11.
Hamel citatus 63. 81. n. 8--10
Hellebori tinctura. vide *Tinctura*.
Heliotropii tricoccii succus cum Alkali viri-
descit 36
Hellmontianorum de salis Tartari, vi mu-
tandi Alcohol in aquam,
sententia examinatur 173
Hellmontius citatus 34. 35. 129. 144. 172.
174. 204. 228. 230. 261.
270. 273. 314. 318. 324
laudatus 7. 24. 107. n. 9. 197.
206
notatus 338. 339
Herba quænam fermentabilis 106. n. 8.
Hermodactyli tinctura. vide *Tinctura*.
Heronotus citatur 120.
Hippocrates laudatus 23. 132. 133. 197.
203
Hofmannus laudatur 65. 82. 231. 250.
274. 278. 280
Homburgius citatus 65. 164. 205
laudatus 81. n. 8. & 11. 82.
n. 13. 164. 256. n. 4. 268.
269. 302
Hordei aqua stillatitia nutrimento caret 50
Humanum corpus vivens, cur non putref-
cat 203. 204
Hyacinthi Indici tuberosi spiritus noxa? 10
Hydromel quid 120
quomodo paretur 121
Hydromellis destillatio quomodo peragen-
da *ib.* qua cautela *ib.* spiritum
Vini dat *ib.* & acetum *ib.*
n. 2. quale residuum 122
Hydragogus potus 148
Hydropis remedium 37. 49
Hypochondriaci morbi remedium 29
Hysterica passionis remedium *ibid.*

J

J *Alappæ* tinctura. vide *Tinctura*.
vis purgans ubi hæreat 152
quomodo tota in
unum cogi possit *ibid.*
Icteri remedium 37
Ignis actio in destillatione aquarum è plan-
tis 45
in plantas 23

varia in Nitrum 256. n. 1. 2. 3
olea Vegetantium 95. n.
7. 97
sanguinem 225. 226.
239. n. 3
Sulphur 267
suffocata quid in vegetabili effi-
ciat 27. n. 3
Ignis apertus cur plantam incinerare pos-
sit? testis minimè 21
aperti actio in corpora 179
terram elementalem 179
vegetantia 30. 19 179
fortissimi actio in cineres alcalinos 32.
33
vis ad mutandos odores 227
sapores *ibid.*
corpora reddendi acerrima, 39.
40

Iliaca passionis remedia 67
Imperatoria radix oleo sincero turgida 57
radicis varietas juxta anni tem-
pora 58
Inceratio Antiquorum quid? 39
quodnam opus Che-
micum referat *ibid.*
Inflammationum resolutio benigna unde
221
Infusa Vegetabilium depurandi modus tri-
plex 17
Infusi plantæ vires intendendi modus 13
Infusorum penetrabilitas in corpus huma-
num 15. præstantia præ De-
coctis *ibid.* & 16
vis agendi in corpus humanum
ibid. medicata undenam pen-
deat *ibid.*
Infusum Rosmarini parandi modus 13
Isaacus Hollandus laudatur 155
Juglandis umbra quid efficiat 11
Juniperi baccarum aqua stillatitia cohobata
cujus usus 49
Decoctum, quid virium
habeat 83
Gelatinæ usus 18
olei pondus 79
vires singulares 80
Rob virtus Stomachica
83
vis Medica tota in unum cogi quo-
modo possit 83
Jura carniū Medicata parandi modus 46

K

K *Ali* *Ægyptium* sale Alcalino dives 34.

R E R U M.

L

L *Ac* Animalium cur albescat 62
 quomodo fiat 62. 63
 referunt emulsa, & quam
 nam qualitate 62
 Boum in ultima peste quale, & cur
 tale fuerit 190. 191
 Bubulum recens non effervescit cum
 acidis quibuscunque 188
 Al-
 calicis quibuscunque 188. n. 2
 conficitur ab omni homine 187. n. 9
 in mammis coagulantes binæ causæ
 contrariæ 190
 coagulatum quæ mala pro-
 ducat 189
 Muliebre cur aliquando variet 189
 non est sapo 201
 Nutricis febricitantis quale sit 190
 quid sit 186. 187
 quodnam intra tempus conficiatur in
 animali 188
 quorumnam animalium Alcalescat
 201. n. 4
 Vegetantium quid? 61. 62
 Virginalis 187. n. 9
 Virginis parandi modus 149
 cui usui inferviat 149
Lacte solo homo per annos vivere potest
 187. n. 9
Lactis Acescentiam spontaneam promo-
 ventia & retardantia 200. 201
 albedo quamdiu duret in Animali 191
 albi in sanguinem mutatio qua vi
 fiat 191
 Alcalescentiam quænam efficiant
 201. 202
 animalium acescentia unde? 64
 bubuli ebullientis mutatio per acida
 quænam 189
 alcali fi-
 xum qualis sit 35. 190
 bubuli recentis destillati residuum
 quale 188
 coagulati remedium 37
 resolutio an per alcalia
 possibilis 190
 color in corpore acidis fæto 190.
 191
 alcalescente *ibid.*
 universalis 187
 confectio non consistit in fermenta-
 tione 188
 putrefactione
ibid.
 convenientia cum Emulsis 187

Lactis cremoris recentis, digesti acescentia
 201. n. 3
 acescentis usus Medicus &
 Chirurgicus *ibid.*
 vires Medicæ & Chirurgicæ
ibid.
 deflorati, caseus cujus naturæ 189
 usus Medicus 200. n. 1. 201
 delectus pro scopo Medico 187
 differentia ab emulsis *ibid.*
 à sero sanguinis *ibid.*
 ex variis animalibus *ibid.*
 digesti mutatio in acidum 201. n. 2
 dotes sensibiles 187
 iudoles peculiaris *ibid.*
 oleum pinguedinem animalis auget
ibid.
 oleositas 201
 olei facilis secessus *ibid.*
 olei mutatio in corpore animali *ibid.*
 recentis aqua destillata cujus naturæ
 188. n. 5
 caseus pinguis cujus naturæ 189
 natura & elementa quænam 64
 nec Alcalina; nec Acida 188.
 n. 1. 2. 3
 partium varia mutabilitas 202
 secessus in cremorem & lac deflora-
 tum 187. 200. n. 1
 varietas unde 187
 usus, universalis, nutritivus 187
Lacca gummi unde 142. n. 1
 quid sit *ibid.*
Lacca gummi tinctura. vide *Tinctura.*
Lacryma Vegetantium aromaticorum quid
 sint? 78. quando optimæ? *ibid.*
Lapis infernalis Mercurii 312
 Prunellæ. vide *Sal Prunellæ.*
 Vini quid 25
Lapidis infernalis confectio 297
 asservatio *ibid.* n. 3
 originis ratio 298
 reductio *ibid.*
 solubilitas in aqua *ibid.*
 vis caustica *ibid.*
 usus chirurgicus *ibid.*
 interni noxa *ibid.*
 Philosophorum confectio adum-
 brata 125
Lardi rancidi facies; noxa 60
Lavandula florum Spiritus Aromaticus.
 vide *Spiritus Aromaticus.*
 odor stabilis 68. 69.
 oleum stillaticium 68. 69
 olei color 79
 consistentia 79
 vires 81
 Z z iij

I N D E X

Lauri oleum stillatitium inter destillandum congelascit 70
Le Mortius allegatur 65
Lethargi remedium 80
Leucophlegmatia remedium 37. 281
Lienteria remedium 48. 49
Ligna destillationi oleorum inepta 74
 quænam & quo tempore cæsa maxime durabilia sint 50
Ligni fumus flammæ prodromus, cujus fit naturæ 86. n. 3
 ficci, ardentis fumus primus, quid & cujus naturæ sit 86. n. 2
 viridis, ardentis fumus primus, quid & cujus naturæ sit 85. 86
 liquor exstillans cujus indolis 85. 86
Lignorum caries quid, & unde 74
 delectus pro Architectura civili *ibid.*
 differentia ratione quantitatis olei *ibid.*
 digestio pro destillatione oleorum 73
 durabilitas unde 74.
 durities unde *ibid.*
 pondus unde ? *ibid.*
Limonii corticum olei vires 81
 aqua cohobata quanti usus sit 49
 Gelatinæ usus 18
 Gelatina minus durat 18
Lini seminis oleum copiosissimum, & cur 58
Liquidi exhalantis deplanta indoles 10
Liquoris Alcahest arcanum succedaneum 101. n. 2
Listerus allegatus 285
Lithargyrii acetum qui fiat 289. n. 2
Lithargyrium auri quid 288
 argenti quid *ibid.*
Lithontripticum Basilii Valentini unde patum 34
 Helmontii 204
 Sylvii 251
Lixivium salis Alcalini, ignei, vide sub titulo hujus salis.
 subsequens saponariorum quomodo fiat 161. 162. n. 4
Lowerus laudatus 191
Luis Venereæ cura in Americâ usitata 14
Lullius allegatur 235. 278
Luna caustica. vide *Lapis infernalis.*
Luna Cornæ confectionis modi varii 301.
 302
 indoles 302.

M

Maceris oleum pressum quale 59. 60
Magisterium saturni. vide *Plumbi sal.*
Magistra saponariorum quid, quomodo fiat 161. n. 4
Majorana olci vires 81
Malpighius laudatus 214
Maltum quid 109
 commolitum quid 110
 quomodo præparetur, unde, quibus caucelis 109
 quantum differat à Tritico crudo *ibid.*
 quando, quænam, & qua quantitate fermenta requirat ad sui fermentationem 110. n. 18.
Malti apozema spissum quid efficiat 114
 contrarias Cerevisiæ habet facultates *ibid.*
 & farinæ fermentatorum destillatio quomodo peragatur 121. quibus cautelis *ibid.* quo calore *ibid.* Spiritum ardentem exhibet primo *ibid.* n. 1. tum acetum *ibid.* n. 2. quale residuum 122
 fermentatio pro destillatione spiritus ardentis 120. 121
 farina destillata cum aqua quid exhibeat 102
Manducationis actio artificio Chemico expressa 62
Manna fermentationem promovet 108
Mars. vide *Ferrum.*
Martis sal. vide *Vitriolum ferri.*
 Magisterium. vide *Vitriolum ferri.*
Mater vini quid 112. n. 4
Mathematicorum ordo in demonstrandis operationibus observandus 2.
Mechocanna Tinctura. vide *Tinctura.*
Medulle animalis rancedo qualis, quam perniciofa 60
Melancholia remedium 48
Melancholicorum purgans nobile 29. & 30
Melissa aqua stillatitia quasnam habeat vires 11
 XIVrer cohobata, quantæ virtutis sit 48. Extractum inde residuum miræ efficaciz *ibid.*
 olei vires 81
 singulares in compendium reducendi modus 48
 virtus antipodagrica quomodo in unum cogenda 49
 ab Authore ipso

R E R U M.

comperta 49
Mel aqua dilutum, destillatum dein, quid
exhibeat 103
fermentationem promovet 108
quid sit 103
unde oriatur *ibid.*
Mellis aqua stillatitia qualis sit 103. 104
nequaquam spiritum
ardentem aut vinum refert *ibid.*
quas vires habeat, &
unde *ibid.*
carbonis natura singularis 56
fermentatio quomodo peragen-
da 120. quid producat *ibid.*
vires, & usus 122
Menstruorum facultas, solutorum vires mu-
tandi 145
Menthæ aqua stillatitia cohobata quantæ
efficaciæ 48. 49
oleum stillatitium parandi mo-
dus 68
cohobatione copio-
sius habetur *ibid.*
olei color 79
vires 80
recentis succus pressus quænam
contineat 46
Spiritus. vide *Spiritus*.
virtus quomodo in compendium
redigenda 100. n. 4
Mercurialis Aqua 313. n. 3
Mercurialium Medicamentorum mitifica-
tionis varii modi 314
Mercurius purissimus unde adferatur 307
Mercurii abusus ad Auri argentique con-
fectionem fictitiam 318. quo-
modo detegendus *ibid.*
Æthiopis confectio 315
indoles *ibid.*
vires medicæ 316
adulteratio per plumbum 317
quomodo
detegenda *ibid.*
Amalgamatio cum Plumbo 317. n. 1
Stanno *ibid.* n. 2
Cupro *ibid.* n. 3
Argento *ibid.* n. 4
Auro *ibid.* n. 1
Amalgamatum usus alchemisti-
cus 318
ablutio *ibid.*
abluti pulveris na-
tura *ibid.*
Calx oleo Vitrioli facta 313.
n. 1
colorum mutabilitas *ibid.*
cum sulphure sociabilitas 315

Mercurii depurationis modis triplex 306.
307. n. 1. 2. 3
ex Cinnabari factitia resuscitatio
317
fixatio per Plumbi fumum unde
derivanda 318
lapis infernalis 312
mutabilitas 311
immutabilitas *ibid.*
oleum igneum conficiendi modus
315
per acida fixati reductio *ibid.*
præcipitati albi confectio 308.
309. experimenti ratio reddi-
tur 309
indoles *ibid.*
vires medicæ exi-
miæ *ibid.*
dosis & regimen
ibid.
usus externus *ibid.*
calcinati vires *ib.*
præcipitati rubri confectio 310
quosnam liquores exhibeat *ib.*
quam mutatum mercurium *ib.*
in aurum conver-
sio an possibilis *ibid.* n. 2
inventor *ibid.*
præcipitati rubri reductio *ibid.*
effecta in corpus
humanum 311
dosis *ibid.*
nimix noxa *ib.*
mitificatio variis
modis *ibid.*
calcinatio quid ef-
ficiat *ibid.*
solutio in aqua forti 307
quam æquabilis
sit *ibid.*
soluti in aqua forti vis caustica *ib.*
vitriolum 308. n.
1. 2
sublimati confectio 311. 312
origo explicatur 312
principia 36. 308. 312
usus Chirurgicus
36. 312
Medicus 312
Chemicus *ib.*
vis in argentum *ibid.*
menstruum peracutum
Boylei *ibid.*
cum sale Ammoniaco
sublimatio quid producat *ibid.*
in aqua soluti præcipi-
tatio ab alcali fixo 36

I N D E X

Mercurii Turbith confectio 313
 fixitas 313
 mitificatio cuius usus 314
 vires Medicæ 314
 vis in metalla 314
 ferrum 318
 Medicata unde pendeat 309.
 ad 312
 vitæ præparatio 336
 natura *ibid.*
 vis emetica *ibid.*
 in regulum conversio *ibid.*
 vitriolum cum sale marino 308.
 n. 3
 Vitriolorum differentia 308
 volatilitas 307. 315
Merettus citatur 34
Metalla ab acidis soluta alcali præcipitat
 36
 à sulphure depurandi modus 270
 per ferrum depu-
 randi modus 327
 per sales depurandi modus 327
 se depurandi modus 326
 pro usu medico tractandi modus
 281
 Volatilifandi modus 283
Metalloꝝ acidis solutorum operandi mo-
 dus 300
 aqua solvens quænam 317.
 318
 fragilitas unde 327
 mors & resuscitatio quid sit
 323
 mors & resuscitatio Paracelsi
 quid sit 338
 per Mercurium ablutio 318
 vis Medicata unde pendeat
 314
 Vitrificatio unde derivanda
 295
Metallicorum Medicamentorum mitifica-
 tionis modi varii 314
Millesfolii olei color 79
Minii confectio 288
 pondus auctum unde 289
Mista salubria, separata noxia 23
Morbi Maricolarum unde 18
 quomodo curentur *ibid.*
Moschi odor quomodo exaltetur 142
Mucilago aquarum stillatitiarum quid, &
 unde 10
Mulsa præfertur pro usu fermentandorum
 Vegetabilium 103
 quomodo fiat 103. 120
Mulsa usus 103

Mustum quid? 17 unde & quomodo para-
 tur *ibid.*
Myrrha usus ad vitam longam 144
 vires 177

N

N *Asturtii* aquatici sal natus qualis?
 cuiusnam usus? 24
Nemorum denforum umbræ sylvæcolis per-
 niciosæ 11
Nerius citatur 34
Nigredo plantæ ustulatæ unde? 19
Nitrum falso inflammabile dictum 241.
 245. n. 1
 fixatum. vide *Nitrum alcalisatum.*
 in sale Polychrestum converten-
 di modus duplex 247
 Prunellæ dictum conver-
 tendi triplex modus 246
 veterum an hodiernum 241
Nitri actio in combustilia ope ignis 245.
 n. 1
 in quo consistat *ibid.*
 Alcalisati confectio 245
 ortus, an ex folis prunis
 245. n. 2. & 246
 quomodo hoc supputari possit *ibid.*
 Alcalisati indoles 245. n. 2. 246
 oleum per deliquium paran-
 di duplex modus 246
 in Alcali conversio cum prunis ligno-
 rum quæ fiat 245. qua encheirese
ibid. quibus cum Phænomenis
ibid. quorum redditur ratio 245.
 246
 cum Tartaro in Alcali conversio quo-
 modo peragenda 244. quibus
 cum Phænomenis fiat *ibid.*
 cum sale Ammoniaco deflagratio
 quid generet 248
 CrySTALLISATIO 242
 quale residuum relinquit *ib.*
 depurati vires Medicæ 242. 243
 vis Antiphlogistica 243
 depuratio per se quæ fiat 242
 oleum Tartari per deli-
 quium, quomodo peragatur 242.
 n. 2
 fixi liquor officinarum. vide sub Ni-
 tro Alcalisato.
 fusi mutatio ab igne 256. n. 3
 à fluore prohibiti mutatio ab igne
 256. n. 2. 3
 mutatio per antimonium 329. 332
 nativitatem ingreditur sal fixus Alca-
 linus 244

Nitri

R E R U M.

Nitri natura 241

nitratī confectio 254

natura *ibid.*

differentiæ *ibid.*

vires *ibid.*

origo 241

naturalis quænam; an unius semper modi 252

partis Alcalinæ ad Acidam proportio 256. n. 4

principia quænam putata sint 249.

an vera 249

redintegratio quomodo fiat 251. ex quibusnam *ibid.* qua encheiresi &

accuratione *ibid.* Phænomenon

ratio redditur 251. 252

redintegrati indoles 251

regenerati, non fixi, productio 252.

253

productionis ratio

253

natura 253

vires 253

spiritus ab alcali fixo ex aere attractus quid producat 36

spiritus partis aqueæ ad Acidam proportio 265

cum Bolo productio 255. 256

quibus è vasis 255. n. 1. qua cautela, quo regimine ignem subdendo 255. n. 1. 3. qua quantitate spiritus ex dato nitro electa 155. n. 1. quali manente residuo fiat 255. n. 2

destillati residuum,

quonam sale fœtum 255. 256

an folius nitri soboles

256. n. 3

Glauberi quomodo conficiatur 248. quo tempore optimè 249. qua cautela 248. quale residuum det 248. 249. quæ hic Phænomena, quomodo explicanda 249

transfun-

dendus, & asservandus 248. 249

volatilitas summa & a-

crimonia 248

præstantia 249

cum alcohole adfuso effervescentia summa 250. n. 3

Dulcis Glauberianus qui fiat 250. quo alcohole adhibito *ibid.* n. 1. qua cautela *ibid.* & n. 3.

Glauberiani suaveolentia

250

perfectio un-

de pendeat 250. n. 2

Tom. II.

virtutes me-

dicæ, eximiæ 251

usus ad den-

tes dealbandos *ibid.*

Stoma-

chicus *ibid.*

Carmi-

nativus *ibid.*

ad Li-

thiasin & Calculum *ibid.*

Scor-

butum *ibid.*

dosis, regi-

men & vehiculum *ibid.*

vulgaris vilitas 250. n. 2

ignis creatura 256. n. 4. &

257

Nitri Stibiati præparatio 332

vires medicæ 332

totius in spiritum conversio impossibilis 257

Vegetantis productio 254

causa efficiens 254

vis in Antimonium 332

Nitrosi acidi proprietates 257. n. 6

vis in argentum 300

Nymphae sal nativus qualis! qualium virium? 24

Nux myristica oleo meraco plena 58

quantum olei det 79

Nucis myristicæ oleum pressum, quale 59
olei pondus 79.

○

O **Doris** in floribus indoles 69

locus varius in plantis 46

materies in plantis 6. 11

varietas in plantis 6. 7

Oorum mutabilitas per ignem 227

Offæ Helmontianæ affervatæ mutatio 235

cum sale volatili solido

confectæ differentia *ibid.*

destillatio quid det *ib.*

repetita an det

Alcahest Helmontii *ibid.*

differentia à Calculo

ibid.

indoles 234

inventor verus 235

præparatio 234. cur

adeo difficilis *ibid.*

vires medicæ *ibid.*

Olaus Wormius citatur 207

Oleum Alcalinum per deliquium quid? unde? 34. 35

crystallificationem salium impedit

24

A A a

I N D E X

Oleum nativum vegetantium ubinam hæ-
reat 59

Stillatitium Caryophyllorum parandi
modus 72. quo instrumento *ibid*
quo calore *ibid*. qua cum aquæ
copia *ibid*. quousque destillan-
dum *ibid*. quid residui det *ibid*.
& 73. quomodo purissimum ha-
beatur 73

Cinnamomi parandi modus
74 & *seq.* quid residui det 75
quomodo copiosissimum *ibid*. &
purissimum habeatur *ibid*.

Vegetantium fermentatione attenua-
tur 52

primi generis quale 56
quid 57
quo tempore abundet 7.

59

Vegetantium volatile spiritum recto-
rem continet 56

Olea essentialia aquam in se habent 82. n.
12

Balsamis conficiendis apta,
recensentur 102

cur ita dicta 66

cocta Vegetantium parandi modus
63. è quibusnam eorum partibus,
qua encheiresi, qua copia elician-
tur 63. quale residuum dent *ibid*.

cujusnam indolis 63

mixta cum alcali quid producant 35
nativa Vegetantium cum proprio cor-
pore & aqua trita quid exhibeant

61

quænam sint 82. n. 13

pressa Vegetantium parandi modus
59. è quibusnam eorum partibus.
quibus instrumentis eliciantur 59

stillatitia, Alcalina, à sale volatili
depurandi per aquam modus 230.
aquæ illius usus *ibid*.

rectificandi modus *ibid*.

quantum terræ det *ibid*. an, &
quinam hic finis detur *ibid*. quo-
ties repetenda cohobatio 231. quid
tum boni acquiratur *ibid*.

aromatica quomodo in resinas
mutantur 151. 152

congelascentia inter destillan-
dum quomodo tractanda 70. recen-
sentur *ibid*.

è floribus parandi modus 69.
è quibusnam *ib*. quo tempore carptis
ibid. quo additamento *ib*. qua dige-
stione prævia *ib*. qua copia elician-
tur *ib*. cui bono cohobanda *ibid*.

è foliis recentibus parandi mo-
dus 65. ad 67. è quibusnam 65. quo
tempore carptis *ibid*. quomodo sic-
candis *ibid*. quam digestionem 65.
quo caloris moderamine 66. quo-
usque protracta destillatione. *ibid*.
quibuscum Phænomenis fiat *ibid*.
quid residui det *ibid*.

qua dotes &

vires habeant *ibid*.

quousque du-

rent *ibid*.

siccis parandi modus 68.
cujus sint indolis *ibid*. cui bono co-
hobanda *ibid*.

Olea stillatitia è lignis quomodo fiant 73.
74. è quibusnam horum 73. 74.
quo tempore cæsis 74. cum vel sine
digestione 73. quousque continuata
destillatione *ibid*. quomodo & cur
cohobanda *ibid*. quale residuum re-
linquant *ibid*.

è feminibus parandi modus
70. è quibusnam *ibid*. quo tempore
lectis *ibid*. quousque siccatis *ibid*.
quomodo digerandis *ibid*. quo calo-
re *ibid*. quibus additis *ibid*. quibus
cautelis *ibid*. quibus instrumentis
fiant *ibid*.

per descensum, parandi mo-
dus 76. ex quibusnam 76. 77. qua-
nam præparatione *ibid*. quibus in-
strumentis 77. quo ignis gradu 78.
quibus cautelis *ibid*. qua copia ob-
tineantur *ibid*. quale residuum dent
& cuius usus *ibid*.

quænam aqua specificè gra-
viora 73.

Vegetantium an naturæ an artis pro-
ducta 64.

Olei copia in adultis plantis 58

in arboribus Borealis *ibid*.

cortice plantarum *ibid*.

cotyledonibus, cui bono *ibid*.

dormituri plantis *ibid*.

Seminibus 59

Semper virentibus *ibid*.

Senescentibus plantis 58

Succis plantarum 57

nimia in humoribus corporis hu-
mani quomodo corrigenda 162

Vegetantibus morbosa 59

Salis penuria in Animalibus &

Vegetantibus 24

effectus in combustili materie 32

lignis 74

essentialis fluiditas unde 91. n. 2

R E R U M.

in plantis varius locus 70
 pondus non sequitur crassitiem 79
 varietas in eadem planta quænam & unde? 79
Olei mutatio per alcali fixum 162
 pressi diversitas ab oleo destillato 60
 vegetabilis vis in Sulphur 274
 Seminalis mutatio per germinationem 71
 stillatitii Caryophyllorum color 73
 pondus *ibid.*
 stillatitii Caryophyllorum vires *ibid.*
 volatilitas *ibid.*
 Vegetantium copia varia, vario tempore in variis 57. 58
 fixioris usus 82. n. 13
 locus varius 57
 mutabilitas per ignem
 varium 95. 96. n. 7
 moram 56
 frigus *ibid.*
 mutationes à Sole &
 Aqua bulliente 96. n. 7
 proprietates 57
 varietas *ibid.*
 volatilis dotes *ibid.*
 varietas unde *ibid.*
 vinculum 73
 usus 82. n. 13
 Vis in glebas fossiles unde derivanda 274
Oleorum essentialium acrimonia 66
 adulteratio per Alcohol, quomodo detegatur 155.
 n. 2
 adulterationes variæ
 91. n. 4. quomodo detegantur *ibid.*
 asservatio quid requirat 90. n. 1
 augmentatio adjectu
 salis 67
 conquassatio cum aqua quid efficiat 82. n. 12
 consistentia varia 76.
 unde *ibid.*
 colores varii *ibid.* unde *ibid.*
 destillatio cum alcohole quomodo fiat 82. n. 12.
 quid efficiat *ibid.* repetita quid mutet *ibid.*
 à calce viva
 quæ fiat 81. n. 11. sexies repetita quid effecerit *ibid.*
 differentiæ unde 78

è feminibus varia volatilitas quid indicet 71
 mistio cum alcali fixo
 quid incommodi ferat 99. 100.
 n. 4
 alcohole quid
 boni faciat 90. n. 1
 mutatio in resinam 78
 per ætatem 90
 n. 2
 odor & sapor singularis unde? 82. n. 13
Oleorum essentialium noxa in acutis 80
 pondus varium 79
 quid in
 destillatione requirat *ibid.*
 principia 78. 81. 82
 principium actuosum
 66
 quantitas definita 67
 rectificatio per se 81.
 n. 9. quid exhibeat *ibid.* sæpius repetita quid efficiat *ibid.*
 Boyleo quid dederit reliquum
ibid.
 cum creta *ibid.*
 n. 10. quæ principia det *ibid.*
 quid jacturæ *ibid.*
 sale marino 81. n. 8. quid boni conferat *ibid.* quid damni *ibid.*
 Hombergio quomodo successerit sæpius repetita *ibid.*
 vires quænam & unde
 68. 79
 singulares quænam,
 & unde 78
 vis attenuans 80
 Cardiaca 66. 80
 inflammans *ibid.*
 stimulans *ibid.*
 volatilitas 67. 116.
 usus quando bonus sit
 67. 79
 ubi noxius 80
 pressorum corruptibilitas 60
 indoles 59
 rancidorum noxa 60
 vires medicæ & Chirurgicæ 59
 usus in acutis 162
 scorbuto *ibid.*
 calculo renum
 & vesicæ *ibid.*
 ponderosorum separatio quæ fiat 90.
 n. 4
 Pretiosorum separatio qui facien-
 A A a ij

I N D E X

- da 90. n. 2
superficiëi aqua innatans quid noceat *ibid.* n. 5.
quomodo demenda *ibid.*
- Oleorum** Separatio ab aqua per filtrum ,
quomodo fiat 84. n. 3
à cæteris productis quomodo & quot modis fiat 89.
90.
- Separatio per filtrum quâ fiat , qua
encheirefi , quibus cautelis 89.
n. 1. quid mali habeat *ibid.*
decantationem quâ
fiat , qua encheirefi 90. n. 1.
quando usualis *ibid.*
separatorium quâ fiat ,
& qua encheirefi *ibid.*
stillatitiorum , alcalinorum , recti-
ficatorum vires 231. dosi
ibid. indoles eadem *ibid.*
per descensum indoles
77
disse-
rentia ab oleis pressis 77. 78
- Operatio** Chemica quid ? 3
prima in demonstrationibus Chemi-
cis instituenda quænam 3. 4.
quatuor conditiones requirit *ib.*
cujus usus sit 3
singularis , nulla , in cursu Chemi-
co omittenda , & cur ? 1. 2
- Operationes** Chemicæ juxta ordinem Ma-
thematicorum digerendæ 2
Chemicas coram discipulis in-
stituendi methodus Autori
usitata 8
in Academiis instituendi
methodus hætenus usi-
tata reprobatur 1. 2
instituendi
methodus optima quænam ?
2. tribus absolvitur condi-
tionibus *ibid.*
- Operationis** Chemicæ primæ instrumentum
quale requiratur 4. IV. condi-
tionibus determinatur *ib.* ejus
sic comparati usus *ibid.*
residuum quale sit
13
subjectum quale
requiratur 3. 4. tres conditiones
postulat *ibid.* ejus sic constituti
usus *ibid.*
secundæ conditiones
necessariæ 13
- Operationum** Chemicarum objectum 2. hu-
jus distributio *ibid.* quo or-
dine pertractandum *ibid.*
similium repetitio supervaca-
canea 2
- Opii** vires qua methodo optime extrahan-
tur 148
- Oporinus** allegatur 313
- Orbis** terrarum vitrificatio in supremo fato
33
- Ova** quænam citius aut tardius putrescant
218
- Ovi** Albumen non acet 213
alkali est 214.
quo respectu fermentationem
promoveat 108
albuminis cocti deliquescentia 215.
n. 3
destillatio Analytica quo-
modo instituenda , 216. 217. quo
ignis moderamine *ibid.* qua cautela
217. n. 2
quantum
det aquæ , & qualem 216. quale
tum residuum 217
qualem ,
quo calore det spiritum 217. in
quænam resolubilem *ibid.*
qualem
& quo calore exhibeat salem vola-
tilem *ibid.* an nativum an ignis so-
bolem 217. 218
quale
& quo calore oleum det 217
quale
residuum *ibid.*
divisibilitas summa 214
dotes sensibiles *ibid.*
mutatio ab alcohole 216
in pullum quo calore
& tempore fiat 214
mutationes variæ à vario
calore 215
principia 214
putredo quo calore fiat 218
putridi indoles 218. 219
Analytis Chemicæ quæ-
nam exhibeat 218
vires in corpus huma-
num 219
discrimen à sano *ibid.*
sal natus incognitus 218
putrescentia quo calore fiat *ibid.*
quid mutationis adferat
218. 219
putridi vires in corpus humanum
ibid.
- Oxycrati** usus 132

R E R U M.

P

P *Allor* hominum debiliū unde 121
Palpitationis cordis remedium 48. n. 6
Panacea duplicata unde fiat 257. n. 5
Pantaleon allegatur 329
Papaveris halitus quid efficiat 11
 succi punitione aut tusione electi
 quoad colorem diversitas 6
Papiniana machinæ actio in ossa 228
 ollæ ad decocta paranda usus 14
Paracelsus citatur 31. 34. 48. 54. 55. 155.
 174. 268. 310. 311. 313. 321.
 327. 329
Paracelsi arcanum purgans unde fiat 313.
 314
 quid sit *ibid.*
Pavonis cauda quid indicet 294
Pestis cur à putrefactis corporibus 183
Pharmaciam juvat Chemia non tamen so-
 lam 2
Philaletha allegatur 329
Phosphorus an ex sanguine parabilis 225
 urinæ. vide *Urinæ Phosphorus.*
Phosphori ex semine sinapis productio 28.
 n. 6
 species ex sale Ammoniaco quo-
 modo paretur 210
Physicæ rite tractatæ usus 8
 male tractatæ noxa *ibid.*
Pinguedo Animalis unde? 64
Pinguedinis copia in homine sano & otio-
 so unde? *ibid.*
Pini oleum stillatitium quomodo paran-
 dum 73
Pistillum Chemicorum quid vocetur 209
Pix quid? 74
Plantaginis sal natus qualis? qualium
 virium? 24
 aqua stillatitia virtute singulari
 caret 14
Plistonici sententia de concoctione ciborum
 qualis; an abscondita? 183
Plinius citatur 170. 217
Plumbaginis fossilis natura 288
Plumbi acetum conficiendi modus 289. n.
 1. 2
 Aceti vires *ibid.*
 Amalgamatio 290. n. 1
 Balsamum cum oleo pressio parandi
 modus duplex 293
 Balsami usus Chirurgicus 294
 Mechanicus *ibid.*
 Balsamus cum oleo stillatitio qui
 fiat *ibid.*
 Terebinthinæ *ib.*

Plumbi Calcinatio humida 293
 per vaporem Aceti 288
 dat Ce-
 russam albam *ibid.*
 & Ace-
 tum Plumbi *ibid.*
 in argentum transmutatio fictitia
 299. quomodo detegenda *ibid.*
 aurum & argentum transmuta-
 tio fictitia 302. 318. quomodo
 detegenda *ibid.*
 mutabilitas 288. 295
 oleum cum spiritu Nitri parandi
 modus 292.
 quomodo paretur 290. n. 1
 olei usus 290
 præparatorum convenientia 289
 sal per Alcalia tractatus quid exhi-
 beat 292
 salis Calx *ibid.*
 cum aceto confectio 290
 confecti in lapidem
 Saturni conversio 290
 mira mutabi-
 litas *ibid.* n. 3. 4
 usus externus 291
 internus
 an innoxius *ibid.*
 destillatio in Spiritum
 ardentem & vitrum *ibid.*
 salis cum Spiritu Nitri confectio *ib.*
 indoles *ibid.* n. 1
 actio in igne *ib.*
 n. 3
 mutatio in oleum
ibid. n. 2
 vires *ibid.*
 solubilitas 288
 vitrum conficiendi modus 291
 conficiendi modus quadru-
 plex 294. 295
 ejus naturæ 291
 vitri reductio in Plumbum 295. n. 5.
 usus summus Docimasticus
ibid.
Podagra remedium 37. 49
Pæonia vis quomodo extrahenda 50
Pomet citatur 207
Pomi Sinensis gelatinæ usus 18
Posca usus 132
Porus purgans aquam egregius 148
 bilem egregius *ibid.*
 sudorifer egregius *ibid.*
 medicatos conficiendi modus 100
Potuum Medicamentorum vires 101
 dosis *ibid.*
 in actu fermentationis assumptio
 AA a iij

I N D E X

rum noxa 113. n. 5
Potulentorum materies unde 186. n. 3.
Prunella sal. natus qualis? quas vires ha-
beat 24
Purgans Arcanum Paracelsi 313
diaceltateffon Helmontii an tan-
tarum sit virium 339
quomodo
conficiendum *ibid.*
qua dosi, quo
regimine, exhibendum *ibid.*
Putrefactio Animalia an fermentatio vocan-
da 104. 105
quomodo à fermentatione diffe-
rat *ibid.*
Vegetantium. vide *Vegetantium*
Putrefactio.
Putrefactionis convenientia cum concoctio-
ne ciborum in animali-
bus 183
effectus quinam *ibid.*
vis in urinam 205
Pyrii pulveris compositio 246
Pythagorici unde vixerint 186. n. 3

Q

*Q*uinta essentia liquidæ Cinnamomi
vires summæ 155. n. 1
confectio *ibid.*
quæ cautelæ hic observan-
dæ *ibid.* quomodo & cui
bono cohobatio instituenda
155. 156 n. 3. 4
quas vires habeant
communes 256. n. 4
nomen unde ortum 155
n. 1
significatio *ibid.*
siccæ quomodo parentur
dupliciter 156. n. 1
compositæ quæ
fiant 156. n. 2. 3
quas vires ha-
beant, & quæ commoda 157

R

*R*achitidis remedium 323
Rajus laudatur 45
Rapa fermentationi ineptæ sunt 105. 106
Raphanus Rusticanus combustus quid lar-
giatur 21
Resina Guajaci quomodo purgans fiat 151
quid? 74. 78. unde *ibid.*
solvitur perfecte in Alcohole 146
Terræ quid sit 266

Resina definitio 150
asservatio *ibid.*
secretio naturalis 151
artificialis *ibid.*
unde parentur *ibid.*
natura *ibid.*
origo ex oleo incrassato *ibid.*
artificialis principia *ibid.*
naturalis principia *ibid.*
ab artificiali differentia *ib.*
ex oleis stillatitiis, aromaticis, quo-
modo fiant 151. 152
in oleum resolutio quomodo intel-
ligenda 78
regeneratio ex Terebinthin a rege-
nerata 95. n. 5
regeneratæ diversitas à nativa *ibid.*
Spiritus rectorem plantæ conti-
nent 151
assumptæ cur aliquando nil agant
ibid.
quid damni sæpe adferant *ibid.* hoc
quomodo vitetur *ibid.*
veræ Vegetantium quantum inter
se differant 154
Resinarum usus naturalis pro arboribus 95
n. 6
Resinas exhibendi pro scopo medico mo-
dus optimus 149. 151
ex Vegetantibus parandi modus
150
Resolutio corporum Chemica quæ fiat? 3
Rheumatismi remedium 37
Ribesti Gelatinæ usus 18
Riverii Antemetikum quomodo operetur?
37
Rob ex residuo à destillatione vegetantium,
quomodo conficiatur 83. cujus sit
usus *ibid.* exustum qualem salem
det *ibid.*
quid sit? 17. quomodo paretur *ibid.*
usus 17. 18. duratio *ibid.*
vires *ibid.*
Ros continet liquidas quasdam partes plan-
tarum 10
aquæ stillatitiæ, per se de planta educ-
tæ inhæret *ibid.*
Rosæ oleum ubinam hæreat 69
Rosarum olei consistentia 79
vires 80
succus cum Alkali viridescit 36
Rosmarini residuæ ab operatione prima dif-
ferentia à recente 13. 14
facies
47
aqua stillatitia fermentata 51
per se, quomodo pa-

R E R U M.

retur 2

defecsum 54

vesicam 43

cohobata ,

47

decoquendo elixiviatae facies

15

olei vires 81

recentis combustio 22

destillatae producta quid

differant ab ejusdem fermentatae productis 116

Spiritus. vide *Spiritus*.

viridis fal Tachenianus quomodo paretur 25. 26

Rustus amari unde? 187

Rulandus allegatur 273

Ruta aqua stillatitia cohobata quanti usus

11. 49. 50

olei vires singulares 80

Ruyfchius laudatur 239

S

S Abina aqua stillatitia cohobata cujusnam efficaciae? 49

oleum essentiale parandi modus

65

olei vires 80

Saccharum an & quibus noxium 99. 100

fermentationem promovet 108

fermentatum quid exhibeat 104

quid 99. n. 3

Saturni quomodo fiat 136

destillatum quid exhibeat *ibid.*

vide *Plumbi sal.*

Sacchari fermentati spiritus qualis 113. n.

5

natura singularis 100

principia *ibid.*

proprietates *ibid.*

vis in corpus humanum *ibid.*

saponacea *ibid.*

usus contra obesitatem *ibid.*

Sal acidus, austerus, quomodo & quando fermentationem promoveat 108.

109

acidus cur mas vocatus 36

alkalinus, cur femina dictus *ibid.*

aquæ magnes 18

digestivus universalis quinam 265

in Vegetabilibus, quo tempore potissimum abundet 7. 28. 59

non fit nisi consumto oleo in planta ustulata 27

non ingreditur compositionem ultimi

folidi plantæ 10

Sal urinosus quid? 34

Salis admistio in destillatione oleorum essentialium, quid boni faciat 67

à spiritus Nitri Glauberiani destillatione residui natura, ortus 248. principia 249

Alcalini copiosissimi è Tartaro confectio 141

cum calce viva confectio 38. ex quibusnam *ibid.* quibus instrumentis & encheiretibus *ibid.*

parati, asservatio

38

fluxilitas

ad ignem *ibid.* unde oriatur 40

vis sol-

vens efficacissima 39

acrimo-

nia summa, unde *ibid.*

lixivium

quam corrosivum sit *ibid.* homini illapso lethale *ibid.*

delique-

scencia in aëre *ibid.*

miscibili-

tas cum oleis *ibid.*

præpara-

tio videtur Antiquorum esse inco-

ratio *ibid.*

virtus sin-

gularis quomodo pereat *ibid.*

usus Chi-

rurgicus *ibid.*

alcalini fixi color qualis 34

cum succis quorundam Vege-

tabilium color viridis 36

crystallifatio difficilis 42

ex aceti destillati residuo

productio 135. n. 4

Nitro cum Tartaro confe-

ctio 244. an purus sit *ibid.* in quo differat ab alcalibus *ibid.*

prunis con-

fectio. vide *Nitrum alcalisatum.*

in Nitro existentia 244

lixivium maculas viscosas tol-

lit 37

alcalini fixi Metamorphosis naturalis & palingenesia 36

Miscela cum sale Ammoniaco aut sale sano animalium quid producat 34

mutatio per spiritum vini superfusum 128

odor qualis? 34. urinosus unde? *ibid.*

I N D E X

- origo fola quænam 36
per repetitam deliquescentiam
resolutio 36
puritatem explorandi modus
ibid.
varia quantitas ex variis plan-
tis 41
vase clauso producti exem-
plum 141
vires medicæ veræ 37
virtutes 35
vis in humores animales 197
usus & utendi modus 38
dosis *ibid.*
usus Chirurgicus 37
ad fonticulos faciendos
ibid.
ulcera *ibid.*
gangrænâ *ibid.*
verrucae, cancri, &
maculas *ibid.*
ubina noxia 38. 198
è Vegetantibus confectio 32.
& seq. ex quibusnam? *ibid.* & 34.
quibus instrumentis & encheiresi-
bus 32. quibus cum cautelis 32. &
seq.
Vegetantium acidis saturati
mutatio in sales compositos 37
deliquescentia
in aëre 34. 36
A crimoniam
augendi modus 33
differentia 33.
40
effectus in Mer-
curium sublimatum 36
me-
talla acidis soluta *ibid.*
spiri-
tus acidus *ibid.*
effervescentia
cum acidis 35
effervescentiæ
cum acidis in corpore humano ef-
fectus 37
fixitas ad i-
gnem 36
Salis Alcalini, fixi Vegetantium fusi igne
effectus in Aëre & Ferrum 36. penetra-
bilis per vasa figulina & metallica
ibid.
mutabilitas
quoad colorem 33. mutatio à diutur-
no fluore *ibid.*
mutatio in sa-
lem, novum, non Alcalinum 42. in
saponem cum oleis 35
oleum per de-
liquium quid 35
origo 40.
Salis resuscitatio ex vitro Helmontiana 35
vis antacida 37.
antispasmodica 37. antemetica *ibid.* an-
tipodagrica limitata *ibid.* vis atte-
nuans *ibid.* vis attractilis acidorum &
oleorum in aëre hærentium 35. 36.
Ejusque ab his mutatio varia *ibid.* vis
attractilis aquæ *ib.* vis in Lac 35. in
Lac coagulatum *ibid.* vis in liquida
Animalium *ibid.* vis septica, caustica,
in partes Animalium 34. 35. vis sol-
vens diversorum corporum *ibid.* vis
stimulans 37. resolvens *ibid.*
Vitrificatio
cum arena aut silicibus 35. quomodo
fiat, Tachenii opinio *ibid.*
volatilificatio
Boylia 36. volatilificatio cum Aceto
ibid.
usus in mor-
bis pituitosis 37. cautelæ 38. usus pe-
riculosus 35
Sales Alcalini fixi Vegetantium cur vocen-
tur urinosi 34
quomodo & quantum obstant
fermentationi 117. quomodo & quan-
do fermentationem promoveant 109
an animali naturales 193
Salium Alcalinorum Animalium origo 41
differentia unde *ibid.*
variorum varii effectus
in vitri confectio 34
Sal amarus, singularis, mutat alcalica fixa
quibus adhæret 42. è Tartari sale non
parabilis 43. & cur? *ibid.*
Salis amari singularis è cineribus clavellatis
productio 42. depuratio *ibid.* proprie-
tates peculiare *ib.* convenientia cum
felle vitri 43. natales unde petendi?
ibid.
Sal Ammoniacus cur dictus Pistillum Che-
micorum 209
hodiernus unde adferatur 206
conficiatur *ibid.*
Ammoniacus non effervesceat cum aci-
dis 207. nec cum alcalinis *ibid.* cur
effervesceat cum oleo vitrioli *ibid.*
sublimatus & depuratus qui-
nam vocetur 209. cujus sit naturæ *ibid.*
cur semivolatilis dicatur *ibid.*
Salis Ammoniaci Analysis 212. 213. cry-
stalli quales, quomodo parandæ 207
cum alcali fixo destillatio
quomodo

R E R U M.

quomodo instituenda 211. n. 1. dat
salem volatilem alcalinum *ibid.* & re-
siduum fixissimum *ibid.*

& aqua
destillatio quæ fiat 211. n. 2. qualem
det spiritum, quale residuum 211. n. 2
cum calce viva destillatio
quomodo & quibus cum cautelis per-
agenda 209. 210. dat spiritum igneum,
acerrimum, non alcalinum 210. &
residuum, fixissimum, Phosphori ge-
nus *ibid.*

& aqua de-
stillatio quomodo & quibuscum cau-
telis instituenda 210. n. 2. qualem
exhibeat spiritum *ibid.* quale residuum
peculiaris naturæ *ibid.* n. 3.

cum calce viva spiritus qua-
le signum det effervescentiæ cum nitro
210

convenientia cum sale ani-
mali 208. cum sale urinæ *ibid.* diffe-
rentia à sale animali 208. à sale uri-
næ 209. fixatio 209. 210. flos verus
quinam *ibid.* cujus naturæ *ibid.* indoles
206. hodierni ortus naturalis 207.
origo ex fuligine 207

regeneratio 263. qua accu-
ratione peragenda *ibid.* experimenti
ratio redditur 264

sal febrifugus Sylvianus unde,
quomodo paretur 212. cujus na-
turæ *ibid.* cujus usus in febribus *ibid.*

sal volatilis, cujus naturæ
211. princeps inter salia volatilia, al-
calina 211. quam pronus in efferves-
centiam cum spiritu nitri *ibid.* quantæ
Acrimonix *ib.* & 212. quomodo augen-
dæ *ibid.*

spiritus alcalini asservatio
211. n. 2. saturatissimi signum *ibid.*
principia *ibid.* puritas, præstantia *ib.*
Acrimonia summa *ibid.* cautus usus
212. effervescencia in aëre cum spiritu
nitri 211. nova sublimatio quid præ-
stet 212.

spiritus falsus unde, quo-
modo parandus 213. falsi natura *ibid.*
vires medicæ *ibid.* usus externus 213

Salis Ammoniaci sublimatio quomodo pe-
ragenda 208. quibus in vasis, quo
luto junctis *ibid.* quo igne, quousque
continuato *ibid.* quænam exhibeat
producta, quo nitore, qua distinctio-
ne eximenda *ibid.* quale residuum
208. sublimatio crebrior quid in eo
producat 209

veterum ortus 207

Tem. II.

vires medicæ *ibid.*

vis refrigerans aquam *ib.* vis antiseptica
ibid. vis in Aurum 208. vis vola-
tilifans alia corpora 209. volatilitas
286

Salis copia, olei penuria in animantibus &
vegetantibus 24

ex extractis combustis parati indo-
doles 21. differentia *ibid.*

febrifugi Sylviani confectio, depu-
ratio 217. Natura *ibid.* usus in inter-
mittentibus 213

fixi, vulgaris de planta recenti cre-
mata confectio 31. quæ Phænomena
pariat *ibid.* natura & vires 32

è residuo à destillatione
aquæ plantarum, natura 55. à destil-
latione aquæ cohobatæ, natura *ibid.*
quantitas *ibid.* à destillatione aquæ
plantarum per se fermentatæ, natura
ibid. copia *ibid.* à destillatione aquæ
cum melle fermentatæ, natura 55.
56. à destillatione aquæ per descen-
sum, natura 56. copia *ibid.*

ex extracto residui à de-
stillatione aquæ plantarum, natura
56

è Vegetantibus com-
bustis origo 40. indoles au pura alca-
lina 32. non differunt inter se *ibid.*
marinus, cur adjiciatur Vegetantibus
longo tempore digerendis 49

Sal ex urina 205
Salis marini crySTALLISATIO *ibid.* crySTALLISA-
TIONIS usus *ibid.* & 258. crySTALLORUM
figura *ibid.* à crySTALLISATIONE residuum
ibid. decrepitatio 260. 261. quantum
perdat *ibid.* decrepitationis usus *ibid.*

depuratio 258. immutabi-
litas 337. per vim vitæ animalis 197.
205. mutabilitas 258. Regeneratio
263. regenerationis ratio *ibid.*

spiritus ab alcali fixo attrac-
tus ex aëre quid producat 36

cum bolo confectio 260.
261. cautelæ necessariæ *ibid.* ignis re-
gimen *ibid.* quale det residuum *ibid.*
marini Spiritus cum bolo, flos cujus
naturæ 261

indoles *ibid.*
quænam quantitas ex dato sale para-
bilis *ibid.* residuum quo sale impræ-
gnatum *ibid.* cujus usus 265

marini spiritus Glauberi confectio 259.
cautelæ observandæ *ibid.* ignis regi-
men *ibid.* certa quantitas ex dato sale
260

dulcis confectio

F B b

I N D E X

- ibid.* vires *ibid.*
 fixatio quibus
 modis fiat 259. fixatus cujusnam indolis *ibid.* n. 2. destillando quid det *ibid.* n. 2. 260
 fumans cujus indolis 259. destillando quid det *ib.* n. 1
 residuum quale 259. 260. n. 3
 vires medicæ 260. vis in aurum 302. partis aqueæ ad acidam proportio 260. virtus Alcheftica 335. vis in metalla 302. 335. vis maxima 258. vis balsamica *ibid.*
Salis mirabilis Glauberi confectio 259. cryftallifatio *ibid.* indoles *ib.* vires Chemicæ *ibid.* medicæ *ibid.* Chirurgicæ *ibid.*
 nativi Vegetantium definitio 40
 è residuo à destillatione oleorum confectio 83
 è succo recenti confectio 23. 24. quibus instrumentis & encheiretibus *ibid.* quo tempore opus 24. convenientia cum nitro in quibusdam *ibid.* convenientia cum Tartaro in quibusdam *ibid.* differentia à falibus igne productis *ibid.* mutabilitas in alium salem 25. natura *ibid.* principia *ibid.* vires *ibid.* varietas ex variis plantis 24
 nativi Vegetantium fermentatorum confectio 25. è quibus subjectis *ib.* Analyfis Chemica 26. copia varia ex variis 26. dos generandi aërem elasticum *ibid.* mutabilitas in salem Alcalinum 34. mutatio ab igne 26. nomen usitatum 25. natura 20. solutio quomodo possibilis *ibid.* vires medicæ *ibid.* varietas 25
 mutabilitas in alcali acerrimum 40. 41
Sales nativi Vegetantium dant salem alcalinum, fixum, igneum 34
 ex quibus minime parari possint, & cur 24. 25
 quinam veri sint 23. non sunt igne producti *ibid.*
Salis Polychrestii confectio duplici methodo 247. detentio in igne post deflagrationem an adeo necessaria *ibid.* n. 1. partes constituentes *ibid.* nomen unde 248. vires medicæ & regimen *ibid.* usus ad Tertianas 392. ad Quartanas *ibid.* dotes 247. convenientia cum sale thermarum 247. n. 3
 Prunellæ confectio triplex 246. nomen unde 247 virtus, usus 247
- Sal* Tachenianus fontes medicatos æmulatur 30 quomodo usurpandus *ibid.* quadosi *ibid.* quo vehiculo *ibid.* quomodo usurpandus ad purgandam alvum 30. ad renes purgandos *ibid.* ad sudorem exprimendum *ibid.* ad febres intermittentes *ibid.*
Salis Tacheniani bonitatis nota 28. n. 5. conversio in alcali fixum, igneum 34. depuratio, cryftallifatio 28. n. 6. diversitas ab alcali perfecto *ibid.*
 ex herba ficca, confectio 30. ex quibusnam herbis, *ibid.* non nimis vetustis *ibid.*
 ex herba viridi confectio 26. 27. quibus instrumentis & encheiretibus *ibid.* quibus cautelis *ibid.* quibus phænomenis fiat *ibid.*
 ex Striptibus fabarum præstantia 36. vis Lithontriptica *ibid.* facilis deliquescentia in aëre 28. facilis fluor in igne 28. n. 6. facilis solubilitas in corpore humano *ibid.* n. 4. indoles *ibid.*
 lixivium quid? 27. n. 4. quomodo paratur *ibid.* lixivium secundum qualis sit indolis *ibid.*
 mutabilitas quoad colorem 28. noxa in quibusnam morbis 29. penetrabilitas in nostra corpora 28. principia *ibid.* varietas ratione ustulationis *ibid.* n. 1. vires eadem ex quacunque planta *ibid.* n. 6. vires medicæ *ibid.* vis alvum purgans 28. antihypocondriaca *ibid.* antihysterica *ibid.* antipodagrica nulla *ibid.* deobstruens *ibid.* stimulans *ibid.* diuretica *ibid.* Lithontriptica quousque admitenda *ibid.* sudorifica *ibid.* usus culinaris 27. vis nervina nulla *ibid.* usus in morbis chronicis, & quibus 29.
Salis Vitriolati semivolatilis confectio 265
Sal volatilis alcalinus haud solius regni animalis soboles est 89. n. 7. è plantis quibusdam per se educitur *ibid.*
Salis volatilis acidi existentia in plantis 46. vires, usus 86. n. 4
 alcalini depuratio per se 231. per cretam *ibid.* quid incommodi habeat 231. 232. per spiritum salis marini, optima *ib.* differentia unde *ib.*
Salis volatilis alcalini ex vegetantibus vel animantibus impuritas oleosa 230. indoles eadem ex quibusunque 232. puri, mobilitas summa *ibid.* vires in acidum *ibid.* vires in solida & fluida corporis humani 233. vis in nervos *ibid.* usus ubinam bonus *ibid.* noxius

R E R U M.

- ib.* externus quomodo dirigendus *ib.* *Sanguinis* principia maximè volatilia quænam 225
Salis volatilis, alcalini, solidi, è spiritibus alcalinis confectio 229. 230. dos propria 217. 218
 fuliginis confectio 178 natura 179. n. 3. usus *ibid.*
 oleosi, Angelicæ, confectio 235. vires medicæ *ibid.*
 compositi productio 236.
 extemporanea confectio duplex 237
 simplicis præparatio 235.
 experimenti ratio redditur *ibid.*
 singularis præparatio 236.
 237. vires unde pendeant 232. usus quando & quibus noxius 232. 233
Salium actio, in se invicem 265
 compositorum, artefactorum, diversitas unde petenda 194. artificialis productio 36. ortus *ibid.*
 crySTALLISATIO quid sit 243. n. 2. qua lege fiat *ibid.*
 crySTALLISATIONIS impedimentum 24. usus 243. n. 2. crySTALLI ex quibusnam consistunt *ibid.* n. 3
 variorum in aqua eadem solutio *ibid.* n. 2
 Vegetantium, igne productorum, differentia unde 32
 vis attractilis efficacia 243
 In *Sale* & *Sole* natura constituit absolutam perfectionem 206
Salvia olei vires 81
Sambuci gelatinæ usus 18
Samech Paracelsi quid? 173. an verè ita produci possit *ibid.*
Sanguinis de vena tusa salientis Phænomena 220. n. 1. effervescencia quam contraria œconomix animalis 220. 221. 240
 humani spiritus salinus, cuius usus 228
 mutabilitas 220. n. 2. mutatio ab acidis fermentatis 239. n. 4. ab acidis fossilium *ibid.*
 ab alcali volatili & fixo *ibid.*
 ab alcohole *ibid.* oleis *ibid.* ab oleo mercurii vivi *ibid.* à sale volatili oleoso *ibid.* à salibus neutris *ibid.* à saponibus *ibid.* à spiritu falso Ammoniaco *ibid.* à Tartaro regenerato *ibid.* à Tartaro Tartarifato *ibid.* à Tinctura salis Tartari Helmontiana *ibid.* à Vitriolis metallicis *ibid.* n. 5. à vario calore aëris 238. 239. n. 1. ab aqua cum vario calore 239. n. 2. ab igne vario 227. 239
Sanguinis principia maximè volatilia quænam 225
 salium mutabilitas ab igne *ibid.*
 sani destillatio analytica quomodo instituenda 224. & seq. quo calor regimine *ibid.*
 qua cautela 225. n. 4. qualem, qua copia, quo calore det aquam 224. n. 1. 2. quale tum residuum *ibid.* n. 3. qualem, & quo calore, spiritum & salem volatilem 225. n. 4. an nativum an igne productum 225. 226. quale oleum, quotuplex, & quo calore præbeat 225. n. 4. 226. qualem fecem residuam, an & quo sale imprægnatam 225. n. 5. an Phosphorum tandem? *ibid.*
 secessus in binas substantias 219. 220
 serum. vide *Serum sanguinis*.
 ficcati durabilitas, asservatio 224. n. 3
Sapa quid? 17. quomodo & unde paretur *ibid.* 18
Saparum usus 17. duratio *ibid.* sapor *ibid.*
Sapo ex sale volatili alcalino, & alcohole. vide *Ossa Helmontiana*.
 nativus vegetantium quid 21. 23. cui bono? 16
 niger unde paretur 162. n. 5
 perfectus quid dicatur 161. 162
 Starkeyanus quid 164
Saponis Balsami sulphuris confectio 275
 ex oleo olivarum & alcali, acerrimo, cum calce viva parato, confectiois modus saponariorum 162
 ex oleo olivarum & lixivio Tartari confectio 161
 ex oleo presso & alcali, fixo, acerrimo, cum calce viva parato, confectio 161. & seq.
 ex oleo stillatitio & alcali, fixo, confectio 163. quam difficilis sit, & cur 163. arcanum in quo hæreat *ibid.* n. 1.
 ex oleo Terebenthinæ, & alcali, fixo, confectio 163. quibuscum cautelis *ibid.* quonam concussionis adminiculo 164. qualem salem protrudat per moram *ibid.* n. 3. an hic sit Tartari sal volatilis *ibid.*
 ex oleo Terebenthinæ & sale alcalino, fixo confecti, vires 164. reductio per acre acidum adfusum
 BB b ij

I N D E X

ibid. digestio cum alcohole in Eli-
xir parvum sapientum 165
Sapones sulphurei Philosophorum confec-
tio 276
 veri unde 35
Saponum nauseosus color & odor quomodo
 corrigendus 163
Saponum prerogativa præ aliis 163. unde
 pendeat 162. n. 5
Saponum varietas ex varietate alcali quæ-
 nam 161. n. 3. vis solvens & de-
 tergens 162. medica resolvens *ib.*
 deobstruens antacida *ibid.* usus
 internus, & utendi modus 163.
 usus chirurgicus *ibid.* usus noxius
 in quibusnam morbis *ibid.* in Pest-
 te *ibid.*
Sapores Vegetabilium differunt in aliis plan-
 tis 7. plantæ partibus *ibid.*
 ubi hæreant 46
Saporis mutabilitas per ignem 188
Sassafras oleum stillatitium quomodo pa-
 randum 73. aqua ponderosius est
 ibid. 76. olei consistentia 75
Saturejæ olei acrimonia summa 79
Saturnus. vide *Plumbum.*
Scammonei syriaci tinctura. vide *Tinctura.*
Scorbuti remedium 37
Scintillatio Carbonis ardentis unde? 19
Semina quænam fermentabilia sint 106
Serum sanguinis non effervescebat cum acidis
 219. n. 1. cum alcalicis 219. n. 2
Seri sanguinis ab alcohole mutatio quæ-
 nam 223
 igne sicco mutatio quæ-
 nam 222
 contenta 221. n. 4. conve-
 nientia cum ovi albumine *ibid.* n. 4.
 222. 223. differentia ab albumine
 223. digesti, mutatio spontanea quæ-
 nam 221. quænam non *ibid.* dotes sen-
 sibiles 220. n. 4. in aqua bulliente mu-
 tatio quænam 222. usus ophthalmicus
 220. n. 4. putredo quibusnam inhibea-
 tur 221. 222. putrefacti indoles &
 Analyfis Chemica quænam exhibeat
 221. 222
Sinapi combustum quales det cineres 21.
 femen alcali volatile continet 41.
 contusum cum acidis effervescebat 89.
 n. 7.
 feminis ex retorta destillatio,
 quomodo peragenda 88. quibus-
 nam ignis gradibus *ibid.* quænam
 exhibeat producta *ibid.* ex retorta
 destillati carbo qualis 141. n. 6.
 quid à carbone Guajaci differat

ibid. exustus in quæ resolvatur *ibid.*
Phosphorum exhibet ut urina *ibid.*
 oleum pressum quale, &
 quas vires habeat 60. quantum dif-
 ferat ab oleo horum destillato *ibid.*
 olea destillata qualis naturæ
88. n. 5. rectificata cujus indolis
 ibid.
 sal volatilis siccus quomodo
 paretur 88. n. 4
 spiritus resolutio in spiritum
 alcalinum, & aquam *ibid.* n. 3
Slavicus laudatur 64. 76
Solidorum corporis humani elementa ulti-
 ma quænam sunt? 16
Solis actio in plantas 11. in liquida planta-
 rum 103
Sphaceli remedium externum 39
Spiritus Alcalini, saturatissimi nota 229.
 n. 1.
 oleosi cujus naturæ sint
 230
 Alcalinos, oleosos, a reliquis
 depurandi modus 229. in sua
 principia separandi modus 229.
 230. aquosos, in sale volatilem
 siccum, & aquam separandi mo-
 dus *ibid.*
 ardens è Vegetantibus sola fer-
 mentatione parabilis 103. 104. è
 Saturni Saccharo quomodo fiat
 136. quid sit & unde *ibid.* ex fœci-
 bus humanis quando fiat, qualis
 sit 114. 222. ex oleosis summo
 igne tortis qualis sit. 114. ex hy-
 dromelle quomodo destilletur 127.
 ex malto & farina quomodo des-
 tilletur 121. in destillatione Phos-
 phori qualis sit 114.
 fermentatus aqua est volatilior
 46. ex quanam materie generetur
 115. an ex oleo plantæ generetur
 ibid. proponuntur dubia circa hanc
 opinionem *ibid.* & 116. an ex ma-
 terie aliena, singulari 115. propo-
 nuntur dubia circa hanc opinio-
 nem 115. 116
 ardentes fermentati purissimi
 è quibuscunque non discrepant 115
 sine fermentatione
 producti quales sint 114. quantum
 a spiritu Vini ardente differant *ib.*
 ardentis fermentati vis in cor-
 pus humanum 194. quantitas e fer-
 mentabili parandi definita est 115
 Aromaticus, compositus ex
 Vegetantibus quomodo fiat, &

R E R U M.

quam varia ingredientium combinatione 159. 160. quomodo per cohobationem exaltandus 160. n. 2. quomodo odore Ambari imprægnandus *ibid.* n. 3

Aromatici, compositi, pro fale volatili oleoso, confectiois exemplum 160

è Vegetantibus, vires, usus, abusus 147

Aromaticus simplex e foliis ficcis quomodo fiat 158. e foliis viridibus quomodo 159. triplatus e foliis ficcis quomodo 158. idem e foliis viridibus quomodo 159

Aromatici simplicis e floribus confectio 157. vires *ibid.* n. 2. eundem duplicandi & ulterius exaltandi modus *ibid.* n. 3. Phænomenon ratio *ibid.* n. 1

Fuliginis qui fiat 178. n. 7. quibusnam constet p. 179. n. 4. cujus indolis sit *ibid.*

Spiritus Lavandulæ duplicatus quomodo fiat 157. n. 2. simplex è floribus quomodo paretur *ibid.* quousque destillatio continuanda *ibid.* n. 1. quis primo prodeat liquor *ibid.* qualis dein sequatur 252. quodnam maneat residuum *ibid.* quomodo idem spiritus exaltari possit cohobando *ibid.* n. 2. 3

Menthæ quomodo fiat 158. triplatus quomodo fiat *ibid.* vires Medicæ & dosi *ibid.*

Rektor an olea fluida conservet? 91. n. 2. fermentatione perditur 53. 115.

odori & saporis singularis in plantis principium est 11. 82. n. 13. & in aquis stillatitiis *ibid.* & in oleis essentialibus *ibid.*

Plantarum quid 10. aliquando sensibilis, aliquando non 11. 15. 71. insensibilis aliquando, efficacissimus tamen 15. continetur in aqua exhalante 10. plantarum ex ficatione in aëre perit 11. in quam parte hæreat 56. quomodo optime asservandus 91. n. 3. virtutem præcipuam aquis stillatitiis imprimit 10. putrefactione perit 182.

Rektoris Animalium matrix 232 in oleis acrimonia singularis 79. ingenium singulare *ibid.* varia proportio *ibid.* in oleis

exhalatio quid ibi mutet *ibid.*

Spiritus Rektoris vires communes 79. 80. singulares 80

in feminibus varia actio-
fitas quid indicet. 70. 71

Plantarum proprietates 11. vires communes 10 singulares *ibid.* vires quomodo dignoscendæ 78. volatilitas 11. pondus minimum 79. vinculum 82. n. 13

vis an cum planta accrescat 78

Rosmarini simplex e foliis viridibus quomodo destilletur 159. triplatus quomodo fiat *ibid.* multoties cohobatus qualem odorem acquisiverit *ibid.*

sylvestris fermentationis qualis sit 111. n. 1. quando erumpat *ibid.* quam horrendas vires habeat *ibid.* & 112. n. 5. quam venenatus & citissime lethalis homini 113. unde sit *ibid.* n. 5. unde tantas vires habeat *ibid.*

Vini ardens qualis naturæ sit 114. differt a spiritu sylvestri fermentationis *ibid.* differt a spiritu volatili, inflammabili, Phosphorico *ibid.* actio in spiritus *ibid.* confectio modo duplici 119. n. 1. doctes sensibiles 118. n. 29

è fermentatis destillatio 117. & seq. quid ante destillationem agendum *ibid.* n. 25. quomodo cavenda ambustio 117. 118. n. 26. qua cautela destillatio ordiendi 118. n. 28. qua & quam varia velocitate stillicidii *ibid.* è frumento fermentato confectio 119. 120. optimi ex Cerevisia confectio *ibid.* inflammabilitas *ibid.* nec acidus vere dici potest nec alcalinus 124. n. 3

Spiritus Vini rectificatio quomodo peragenda 122. quale phlegma educat 122. n. 2. quale residuum relinquat 122. repetita quid boni adferat *ibid.* n. 1.

rectificatus ad quasnam Vegetantium tincturas debeat usurpari 148. ejus summa volatilitas *ibid.* virtus nervina *ibid.* virtus antiseptica 118. usus Chirurgicus *ib.* vulgaris principia 123.

n. 2.
erroneus usus in Chemicis *ibid.* n. 2

I N D E X

Spirituum Acidorum mineralium metaphy-
chosis 257
Spuma in quarum plantarum decoctione co-
piofior detur 14
ebullienti decocto Plantæ in-
natans quid ? 14
Stanni solutio in aqua regia 303. n. 2
forti *ibid.* n. 3
magisterium conficiendi modus *ibid.*
n. 2
magisterii usus internus minus
tutus 303. externus qualis *ibid.* re-
ductio difficilis *ibid.*
solubilitas *ibid.*
Spiritus fumans *ibid.*
Stablius allegatur 302. 329
Starkejus allegatur 375. notatus 164
Stibium vide *Antimonium*.
Stipitum Fabarum fal Tachenianus quomo-
do parandus 31
Stipticum egregium 94
Stomachicum remedium 251.
Succini destillatio quomodo instituenda
180. quonam ignis moderamine
ibid. quanam prodeuntium distinc-
tione *ibid.* quotuplex oleum de-
ibid. quale fal *ibid.* n. 4. quale re-
siduum *ibid.* n. 6. qua cautela opus
ibid. n. 6.
affinitas cum quibusnam 181
olea quotuplicia 180. cujus na-
turæ 181. depurata cujus usus *ibid.*
Succini principia 144. productorum diver-
sitas à toto 181
fal volatilil cujus naturæ &
usus 180. n. 6. & 181. quomodo
depurandus *ibid.*
solubilitas in alcohole *ibid.*
tinctura. vide *Tinctura*. Volatilitas
180. n. 6
Succorum horæorum usus 18
Sudorifer potus 148
Sudoriferum præstans 49
Sulphur an terræ resina ? 151. 266. à me-
tallis separandi modus 271
Philosophorum an commune
sit 267
Sulphuris acidum ab alcali fixo attractum
ex aëre quid producat 36. aci-
dum quale 277. actio varia in
ferrum 286
Balsami alcoholisati confec-
tio modo duplici 276.
cum oleo presso con-
fectio 273. quæ cautela necessaria
ib. usus medicus castigatus 273
Stillatio

confectio 274

Terebinthinati con-
fectio 275. qua cautela egeat *ibid.*
ejus principia *ibid.* vires Medicæ
& Chirurgicæ *ibid.*

Balsamus anisatus *ibid.* Suc-
cinatus *ibid.* juniperinus *ibid.*

Balsami sapo duplex 275

confectio ex acido & oleo
276

Alco-

hole 277

qua cautela, quo ignis regimine
egeat 278

Sulphuris confectio ex fale mirabili Glau-
beri 277. effectus in metallis
326. fixatio exploditur 269.
270. flamma quibusnam constet
269

florem conficiendi mo-
dus 267. Sulphurariorum 267.
268. floris indoles *ibid.* usus Me-
dicus & Chirurgicus *ibid.*

floris de Colcothare su-
blimati vires 268

immutabilitas ab igne
clauso *ibid.* incensi vapor cur
lethalis 269. quas vires habeat
ibid.

indoles respectu Alcoholis
ibid. nativi species variæ 266.
natura *ib.* origo artificialis 276.
277. naturalis *ibid.* principia *ib.*
principium oleosum, quale *ibid.*

solutio in Alcali fixo 270.
Phænomena explicantur *ibid.*
soluti in alcali fixo facies & natu-
ra *ibid.* soluti cum Alcalicis præ-
cipitatio 276

in Alcohole solutio 271.
soluti dotes *ibid.* vires medicæ
ibid. & 272. Lac *ibid.* scæx resi-
dua 271

Spiritus conficiendi me-
thodus vulgaris 268. Homber-
giana 268. n. 2. Phænomena
explicantur 269

Spiritus natura 269. par-
tis aqueæ ad acidam proportio
ibid. usus medicus 270

Syrupus quomodo fiat
272. quid & quando valeat 272.
273

Tincturæ cum Spiritu Al-
calino confectio 271. vires *ibid.*
cum Alcohole confectio 271. do-
tes *ibid.* usus medicus 272

R E R U M.

Tinctura pro auro potabili venditata 272
vapor fittit fermentationem 46.
n. 24

vires medicæ 266
vis in metalla 270

Sydenhamus laudatur 313. 314
Sylvius allegatur 310. laudatur 133. 236
Sylvianæ doctrinæ infirmitas 220
Syrupus quid sit 17. quomodo paretur *ibid.*

T

Tachenius allegatur 34. 265. 283. 312.
notatur 333. Ejus opinio de
modo vitrificationis impro-
batur 35

Tacitus citatur 120

Tanaceti potus medicatus quid efficiat 101.
quomodo usurpandus *ibid.*

Taraxaci sal natus qualis? 24. cui usui in
serviat *ibid.*

Tartarus bonus fermentum est 109. igne
crematus aërem elasticum gene-
rat copiosissimum. *ib.* nunquam
dat spiritum ardentem 115. non
ex omni liquore fermentato nas-
citur 115

quid? 25. 115. solubilis
quid 166. salem alcalinum opti-
mum cito dat 34

Tartari albi origo & qualitates 139. n. 1
copia varia unde 25. copia ex
variis vinis 139. Cremor, quomodo
fiat *ibid.* n. 2. qua copia habeatur
ex certa Tartari quantitate *ibid.*
n. 2. Cremoris nova depuratio *ibid.*
n. 4

Crytalli quomodo fiant *ib.* n. 3
Crytallorum nova depuratio *ibid.*
n. 4

ejusque Cremoris & crytallo-
rum vis antialcalica 166

destillatio per retortam quo-
modo fiat 140. 141. quo è furno
140. n. 1. quo recipiente applicato
ibid. quo luto agglutinato *ibid.* quo
igne in initio *ib.* quis primus liquor
sit exiens *ibid.* qualis dein aucto
igne spiritus, quale oleum prodeat
ibid. n. 2. quænam porro auctiore
igne prodeant 141. n. 3. quodnam
residuum maneat *ib.* hoc dein sum-
mo igne tortum quid exhibeat *ibid.*
n. 4. quale residuum ultimum *ibid.*

destillantis per retortam Aqua
primo prodiens qualis 140. n. 1.

quam penetrans sit *ibid.* spiritus
quomodo fiat 140. 141. & quas
vires habeat 140. n. 2

oleum stillatitium primum
quale 142. quam penetrabile *ibid.*
quas vires Chirurgicas habeat 142.
rectificatum quanti usus sit *ibid.*
quid ad suffimigia valeat *ib.* secun-
dum quale 141. ultimum quale *ib.*
destillati residuum *ibid.* deli-
quescit facillime in aëre *ibid.* n. 4.
142. exustum qualem & quam co-
piosum salem det *ib.* n. 5. cohoba-
tum quid producat 142

differentia à fœce Vini 25. di-
versitas unde? 25. quænam 25
generatio 25. ab aliorum sa-
lium concretionem diversa *ibid.*

Martialis, Ludoviciani con-
fectio 280. 281

vires medicæ 281. dosis 281

Menstruum quodnam 26. mu-
tabilitas per ignem *ib.* natura *ibid.*
140. n. 4. 141. 142.

oleum per deliquium ex resi-
duo à destillatione Tartari, quale
142. ex Sale Tartari calcinato qua-
le *ibid.*

optimi notæ 139. n. 1. & ori-
go 115

Tartarus regeneratus an Sal Tartari vola-
tilis Helmontianus 168. an Acetum
radicatum veterum *ibid.* à quonam
inventus *ibid.*

Tartari regenerati præparatio 166. & seq.
ex quibusnam *ibid.* singulari appa-
rente effervescencia 167. *ib.* quanam
accuratione *ibid.* ne nimia: & cur
168. præparatio minus pretiosa
170. indoles 168. principiorum
proportio ab Hombergio compu-
tata 167. volatilitas *ibid.* & 168.
forma talci æmula *ibid.* liquabilitas
per calorem in oleum *ibid.* inflam-
mabilitas *ibid.* destillati oleum *ib.*
vis menstrua *ibid.* Medica *ibid.*

regenerati Tinctura vide *Tinc-*
tura.

usus Antiquis Roma-
nis notus 170

resolutio Chemica in varia
principia 26

Rhenani mutabilitas ex acido
in summe alcalicum 40. 41. pro-
ducta Chemica quænam *ibid.* qui-
busnam & quam diversis polleant
viribus medicis *ibid.*

I N D E X

Tartari rubri origo & qualitates 139.

n. 1

Sal Alcalinus à Paracelfo & Helmontio valde laudatur 34. non abit in Salem CrySTALLINUM amarum Proceſſ. XIV. & cur 42

Sal an Alcohol in aquam mutare poſſit 172. 173. an ope Alcoholis reddatur volatilis 173. an abeat in Samech Paracelfi 173

Sal optimus qui fiat 171. quomodo copioſiſſimus paretur 142

volatilis quinam malè putatus 164

vulgaris quomodo conficiatur 171

Salis Nitrati officinarum præparatio 244

præſtantia 142. Tinctura vide *Tinctura*.

ſolutio difficilis 26. ſoluti in aqua Cremor & cryſtalli *ibid.* ſolutio in aqua vel vino, quænam 139.

n. 2

Tartarus Tartariſatus, an Samech Paracelfi 166. quomodo conficiatur 165. bullæ inter aduſionem enatæ unde: an uvarum figuræ 165. n. 1. quomodo dealbandus 169

Tartariſati ſolubilitas in aqua 166. vires Medicæ *ibid.* Chirurgicæ *ibid.* vis menſtrua *ibid.* uſus ad Lithiaſin *ibid.* ad Icterus *ib.* ad mala ſplenica *ibid.* ad Hypochondriaca *ibid.*

Tartari Tartariſati tinctura vide *Tinctura*. totius fere in Alkali converſio quomodo fiat 141. vires medicæ 26. uſus ampliſſimus 140. uſus medicus qualis *ibid.*

Vitriolati præparatio 264. cryſtalliſatio quid relinquat reſidui *ibid.*

Tachenii confectio 294.

n. 2. indoles *ibid.* vires medicæ *ib.*

Taxi vapor quid poſſit 11.

Temulentia remedium 133

Terebinthina quid? ubi? unde? 74. tota volatilis eſt 93. n. 5. & n. 8

Terebinthina aqua acida quouſque in deſtillatione prodeat 92. 93. n. 4. 93. n. 7. cuiuſnam uſus 94. n. 2. quibus conſtet principiis 92. n. 2

deſtillatio per retortam qui fiat 92. & ſeq. quibuſnam ignis gradibus 92. 93. quan-

do & quoties mutato excipulo *ibid.* qua cautela 93. n. 6. quænam producta exhibeat 93. quale reſiduum relinquat 93. n. 5. & 8.

Terebinthina deſtillatio vulgaris per veſicam qui fiat 93. quæ producta, quale reſiduum relinquat *ibid.*

oleum æthereum quale ſit 92. n. 2. quas vires habeat *ib.* 94. n. 3. ſpiſſeſcit ruruſ in Terebinthinam 95. n. 5

oleum ſpiſſius quas vires habeat 94. n. 4. 95. ultimum quid valeat 95. cum ſpiritu nitri Glauberiano quid patret *ibid.*

regeneratio ex oleo ejus æthereo 94. 95. regeneratæ mutatio in baſam, & reſinam *ib.* diverſitas à nativa *ibid.*

reſiduum à deſtillatione prima quale ſit *ibid.* quem uſum curioſum habeat *ibid.* à ſecunda deſtillatione quale ſit *ib.* quibus viribus Chirurgicis polleat 94

variæ ſpecies 94

Terra è Vegetantium decoctione retidua cuius ſit indolis 20

foliata Tartari quid, cur ita vocata 168

Terra cinerum Vegetabilium depuratio 27. depurata qualis ſit, cuiuſnam uſus? 27. 28

Elementalis ad ignem volatilitas 179

in oleis ſtillatitiis, alcalinis, copia & intima unio 231

Theæ abuſus cur verè damnandus? 16 potus cur ſpiritus excitet *ibid.*

Thermometri Mercurialis Fahrenheitiani uſus in acutis 223

Thuja aqua ſtillatitia, cohobata ubinam proſit? 49. olei vires 80

Thymi oleum acerrimum 79

Tinctura Auri vide *Aurum potabile*.

Ferri vide *Ferri Tinctura*.

Tinctura Benzoini cum ſpiritu Vini rectificato confectio, indoles 146. cum Alchhole confectio, indoles *ibid.* in Lac Virginis mutatio *ib.* uſus *ibid.*

cum Alchhole factæ integre fe-re deſlagrant 148

Guajaci

R E R U M.

Tinctura Guajaci cum spiritu Vini rectificato confectio, natura 146. 147. cum Alcohole confectio & natura *ibid.* saturissimam parandi modus *ibid.* n. 2

Guajaci cum Alcohole, fortissimæ usus, dosis pro scopo sudorifero 148

usus 147

Hellebori radices confectio 148

Hermodyli confectio *ibid.*

Jalappæ confectio *ibid.* præparatio, usus, dosis, pro scopo purgante 148

Laccæ cum oleo Tartari per deliquium & Alcohole confectio 142. 143. usus & vires 142

Ligni Colubri præparatio, usus ad febres intermittentes 149

Mechoacannæ confectio 148

Metallicæ fictitiæ 275

Myrrhæ cum oleo Tartari per deliquium, & Alcohole confectio 144. usus Chirurgicus *ibid.* medicus *ibid.* in fluore albo *ibid.* vis balsamica *ibid.*

resinosæ ex lignis odoratis quomodo fiant 147. qui usui serviant *ibid.*

salis Tartari Harveyanæ confectio 170. principia *ibid.* vires menstruæ *ibid.* vires Chirurgicæ *ibid.* virtutes medicatæ *ibid.* dosis & utendi modus internus *ibid.*

Tartari Helmontiana, an Alcohol in aquam vertat 173. an salem Tartari volatilem reddat *ibid.* digesta & asservata diutissime quid passa fuerit *ib.* destillata & cohobata quid dederit *ibid.* an samech Paracelsi det *ibid.*

Helmontianæ cum Alcohole confectio 171. 172. confectiois difficultas unde 171. indoles saponacea, salina 172. vis menstrua *ibid.* usus medicus internus an tutus & utilis *ibid.*

Scammonei Syriaci cum spiritu vini rectificato confectio 147. usus & utendi modus *ibid.*

Scammonei usus & dosis pro scopo purgante 147

Succini cum oleo Tartari per deliquium & Alcohole confectio 144. dotes 145. vires medicatæ 233. vis antispasmodica *ibid.* antepileptica *ibid.*

Tom. II.

Tinctura Sulphuris. vide *Sulphuris Tinctura.*

Tartari regenerati cum Alcohole quomodo paranda 169. quibus principiis constet 170. an Elixir parvum Sapientium? *ibid.* quas vires medicas habeat & chemicas *ibid.*

Tartarificati cum alcohole quomodo paranda 160. qualem salem relinquat *ibid.* quas vires habeat *ibid.*

Tinctura Turbith Gummosi confectio 148.

vegetantium quænam cum Alcohole debeant fieri *ibid.* quænam cum spiritu vini rectificato *ibid.*

è vegetantium succis, lacteis, resinosis quomodo cum spiritu vini parentur 147

Tincturas Vegetantium difficulter solubiliæ cum oleo Tartari per deliquium, & alcohole parandi modus 142. & seq.

Tincturarum usus 143. quænam universales *ibid.* unde derivandæ *ibid.*

Tonitruans pulvis 236. 237

Tritici crudi à se ipso in maltum converso differentia 109. 110

farina quomodo fermentum evadat 108

Turbith gummosi tinctura. vid. *Tinctura* minerale. vid. *Mercurii Turbith.*

V

VAcuum Boyleanum fermentationem impedit 117

Vappa quid; quando fiat & quomodo 131. quantum ab aceto distet *ibid.*

Varro citatus 28

Vasa corporis humani cur non solvantur contentis suis humoribus 16

Vegetantia Animalium sunt nutrimenta & basis 2

cariosa quid perdiderint? 17. 18.

nil exhibent in aqua fervida 18

combusta pristinam formam servant 18. 19

cur injuriis externis queant resistere? 20

decoctioni apta quænam sint 14.

nominatim recensentur 14.

15. inepta quænam sint 14

Vegetantia destillationi aquæ per se apta & inepta 12. & seq. 44. n. 5. 46.

50. quo tempore carpenda 43.

n. 4. destillationi oleorum essentialium apta 64. 65. extractis

essentialibus parandis apta recensentur 153. n. 2. igne recto com-

C C c

I N D E X

buſta manent nigra ; non abeunt
in cineres 19. mortua quomodo
exſucca ſiant 18

Vegetantia oleo fervidiſſimo gravida, quod-
nam reſiduum relinquunt poſt
deſtillationem 73

omnia non ſunt fermenteſci-
bilia 105. ſunt omnia Putreſci-
bilia 182. 183. putreſacta quid
amiſerint 182. & 183. quædam
deſtillatione ſicca ſal, volatile,
acidum oleoſum 83. n. 1. quæ-
dam ſal volatile, alcalinum,
oleoſum *ibid.* quænam fermenta-
tioni inepta ſint 105. quænam
fermentatione egeant ante deſtil-
lationem aquæ 50. quænam digeſ-
tione nulla egeant pro deſtilla-
tione aquæ 49. 50. quænam di-
geſtione mediocri egeant pro de-
ſtillatione aquæ *ib.* quænam di-
geſtione diuturna egeant pro de-
ſtillatione aquæ *ibid.*

quænam in Alcohole difficul-
ter ſolubilia 142. n. 1. quid ab igne
aperto patiantur 18. 179. quid
ab igne & aëre ſimul patiantur
87. n. 8. quid à teredinibus pe-
reſa amiſerint 18. quomodo per-
dant materiem ex qua ſal fixus
per ignem producitur 40. quo
tempore dormiant & vigilant
58. quo tempore oleo abundant
59. quando ſale & aqua turgeant
58. 59

reſinoſa quomodo decoquenda

14

reſinoſa recentia exſiccatis
præſtant pro decoctione *ibid.*

ſalem acidum volatilem con-
tinent 46. ſale, volatili, alcalino
prædita recensentur 87. 88. n. 1.
alia ubinam in morbis proſint
89. n. 8. ubi obſint *ibid.*

ſola ſunt fermenteſcibilia 104.
105. vasis clauſis deſtillata quid-
nam volatilis, quid fixi exhibeant

87. n. 8. 9

viſcoſa, nunquam ſalem nati-
vum dant niſi prægreſſa fermenta-
tione & cur? 24

Vegetantium acerrimorum combuſtio qui-
bus Phænomenis fiat 21. qua-
les cineres reddat *ibid.*

acetum naturale quid? 56

à decoctione vel infuſione
reſiduorum, & combuſtorum
cineres, cujus ſint naturæ? 18.

19. in aqua coſti quid ſapiant
19. hoc decoctum exhalatum
quid relinquat *ibid.* uſui docim-
aſtico ſerviunt 20

Vegetantium adultorum aut ſeneſcentium
oleum abundantius 58. 59

Alcaleſcentium deſtillato-
rum producta ſeparandi, depu-
randi modi 229. & ſeq.

Analysis Chemica facili-
or eſt 2

Aquæ ſtillatitiæ, vide *Aquæ
ſtillatitiæ.*

Aromaticorum differentia
quoad vires ſingulares ubinam
hæreat, unde petenda? 68

basis quænam 20

calcinatione pro ſale Tache-
niano quibuſdam abſolvatur
27. n. 3. pro ſale Tacheniano
quid efficiat *ibid.*

Characteriſticum privatum
unde pendeat 78. color vix
aquas eorum ſtillatitias comi-
tatur 50. olea eorum potius
tingit *ibid.*

combuſtio aperta quæ phæ-
nomena pariat 31

Cotyledonibus cur tanta olei
copia inſit 70

Cineres addita aqua reuniri-
tur 20. addito oleo tenacius
hærent *ibid.*

convenientia Chemica cum
Animalibus 89. n. 7

decocta à deſtillatione reſi-
dua quomodo in Rob inſpiſ-
ſanda 82. 83. quid tum præ-
ſtent *ibid.* exuſta quem ſalem
præbeant *ibid.* qua methodo
ſalem nativum plantæ dent
ibid. decocta quomodo effica-
ciſſima poſſint fieri *ibid.*

deſlagrantium ſumus qui-
buſnam conſtet 177. 178.
flamma quibus conſtet *ibid.*

deſtillatio, ex retorta, in
olea ſtillatitia, acetum, ſpiri-
tus, oleum duplex, carbonem,
quomodo fiat 84. & ſeq. ex
quibuſnam fieri poſſit 87. n. 9

deſtillatio ex retorta in a-
quam, ſpiritum, ſalem vola-
tilem alcalinum oleoſum, o-
leum, & carbonem, quomodo
fiat 87. 88. ex quibuſnam ſub-
jectis 87. n. 1

deſtillationes aquoſæ quæ

R E R U M.

nam principia elevent 56.
quænam principia in residuo
relinquant *ibid.*

Vegetantium destillatorum producta Alca-
lina quomodo separentur in
spiritum, salem volatilem,
& oleum duplex 229

dichotomia Chemica 83. n.
1. & 89. n. 8. ratione folio-
rum 64. 65. diversitas elemen-
ta quo consistat 23. dormitu-
rorum oleum copiosius 57

dotes per Chemiam mutan-
tur 7

Effluvia, miras & proprias
eorum vires per aëra diffun-
dunt. 11. stupendos effectus
producere haud mera fabula
est; & quare *ibid.* tempore æs-
tivo, quænam *ibid.* conve-
niunt cum aqua stillatitia
plantæ, per se parata *ibid.*

elementa quam renaciter
inter se mista sint 86. 87. n. 7

elementa terrestria quonam
glutine cohæreant 20

Emulsa unde fiant 61. 62.
quomodo? *ibid.* quibus phæ-
nomenis *ibid.* quale residuum
relinquant 62. ex residua mas-
sa ab oleo pressa quoque sunt
ibid. quadam tamen cum dif-
ferentia *ibid.* Chylum anima-
lium referunt, & quibus notis
ibid. quam qualitate Lac re-
ferant *ibid.* cremorem sepa-
rant per quietem *ibid.* acce-
dunt in calore detenta & cur *ib.*
quomodo & cur differant ab
oleis pressis *ib.* in acutis tuto
exhibenda *ibid.* qua qualitate à
lacte differant *ib.* cur albescant
ibid. quamdiu durent *ibid.*

Examen prius instituendum
& cur 2

Extracta dant salem alca-
linum, fixum, igneum 34

Fermentabilium distinctio
in 6. Classes 105. & seq. Clas-
sis I. quænam contineat 106.
n. 6. in tres ordines subdividi-
tur *ibid.* horum recensentur
individua *ibid.* II. quænam
contineat, ordine recensentur
ibid. n. 7. III. quænam con-
tineat *ibid.* n. 8. IV. quænam
contineat 106. 107. n. 9. V.

quænam contineat 107. n. 10.

VI. quid contineat *ibid.* n. 11

Vegetantium Fermentabilium prima Classis
præparationes ad incipiendam
fermentationem, quænam
109. secundæ Classis 110. n.
15. tertiæ Classis *ibid.* n. 16.
quartæ & quintæ Classis *ibid.*

n. 17

fermentabilium primæ Clas-
sis fermenta quænam, quando,
qua quantitate requirant, ad fer-
mentandum 110. n. 18. secun-
da Classis *ibid.* tertia Classis
111. quarta Classis fermentis
raro indiget ad fermentandum
ibid. quinta Classis fermenta
respuat *ibid.*

qualitates necessa-
riæ quænam 107. 108. n. 12.
maturitas perfecta *ib.* n. 1. Oleo-
sitas modica *ib.* n. 2. Absentia
nimis adstrictionis *ibid.* n. 3.
Solubilitas in aqua? *ibid.* n. 4

flores destillationi oleorum
apti recensentur 69. destillan-
do spiritui aromatico apti 158.
n. 3. quonam carpenti
pro destillatione aquæ 44. n.
5. quando carpenti pro destil-
latione oleorum 69

folia apta destillationi oleo-
rum essentialium 65. quando
oleo plenissima *ibid.* quo tem-
pore carpenti, pro destillatio-
ne oleorum *ibid.* quo tempore
carpenti, pro destillatione
aquæ 43. n. 4. quænam, quo-
modo & cur parum exsiccan-
da ante destillationem oleo-
rum 65. quænam quomodo, &
cur prius digerenda ante des-
tillationem oleorum *ibid.*

folia Spiritui aromatico des-
tillando apta recensentur 160

incineratio quomodo per-
agenda 19. quibus instrumentis
ibid. quo igne *ib.* quibus Phæ-
nomenis *ibid.*

juniorum quonam succus co-
piosior 58

liquidum maxime volatile
quodnam sit 11

liquida an naturaliter per
calorem solis ad fermentatio-
nem deduci queant 103

liquida eadem in eadem

C C c ij

I N D E X

planta variant vario tempore
7. varia tempestate *ibid.* varia
terra nutrice *ibid.*

Vegetantium liquida quam vi moveantur

5. quomodo assimilentur *ibid.*

liquida discrepant à se invicem in eadem planta 5. variant colore in distinctis horum partibus 6. pro vario modo eliciendi *ibid.* variant respectu substantiæ 5. qualitatum sensibilibus *ibid.* virium *ibid.* partium plantæ, in quibus hærent 6. Elementorum, ex quibus componuntur *ibid.* quotuplicia sint respectu diversæ suæ compositionis *ib.* variant respectu Chemiæ *ibid.* alia aliis magis volatilia sunt *ibid.*

liquidorum indoles sana quam 23. morbosa quam *ibid.*

liquidorum quam diversitas Chemica, vario anni tempore 7

morbi unde 23

Odor diversissimus in aliis partibus ejusdem plantæ 6. odor & sapor singularis unde 56. 82. n. 13. odor in floribus suavissimus 68. peculiaris unde? 70

oleum ad ignem volatile 23

oleum essentialiale quam volatile sit 67. continet spiritum rectorem *ibid.* definita tantum copia iis inest *ibid.* salis adjunctu plus elicitur *ib.* haud tamen magis spirituosum *ibid.* vires quasnam possideat & unde 68. plantas distinguit ad invicem *ibid.*

oleum fixissimum quibus partibus adhæreat 87. n. 8. quo igne demum expellatur *ibid.* quem colorem habeat *ibid.* macilentissimum in carbone apparet *ibid.* facillime inflammabile *ibid.* qualem fumum edat *ibid.* impedit salis eductionem ex carbone *ibid.*

oleum nulla cum aqua coctione omnino aufertur 19. quos effectus faciat in combustionem plantæ *ibid.* fumum edit *ibid.* nigredinem inducit carboni *ibid.* disponit ad inflam-

mabilitatem & ignitionem *ib.* flammæ pabulum est *ibid.* scintillationis causa est *ibid.* solo igne aperto, de planta auferri potest *ibid.*

Vegetantium oleum quid? 57. spissescit per moram *ibid.* per frigus *ibid.* ad ignem fluit *ib.* pingue est *ib.* inflammabile *ibid.* aquæ non miscetur *ibid.* multiplex est *ib.* volatile quas dotes habeat, & unde? *ibid.* spiritu rectore orbem ex omnibus plantis idem est *ibid.*

oleum sincerum aliquando in his alicubi colligitur *ibid.* succis horum aliquando mistum hæret *ibid.* in cotyledonibus uberrimum, & cui bono? 57. 69. 70. in cortice quando copiosissimum sit, & in quibusnam *ibid.* in quibusnam horum partibus abundet maxime, & quem in usum? 58. sponte destillat aliquando ex eorum partibus; & ex quibus *ibid.*

oleum nativum maxime, quam in parte hæreat 59

oleum per decoctionem solubile, cuique plantæ peculiare est 20

oleum primi generis quid & quale 56

oleum, ultimum cui usui inserviat 20. videtur in omnibus plantis idem esse *ibid.* 23.

olea essentialia è floribus quomodo parentur 69. quibusnam subjectis *ibid.* quo tempore carptis *ibid.* qua quantitate olei vitrioli addita *ibid.* qua ratione per cohobationem augenda *ib.* qua copia eliciantur *ibid.* qua digestionem prævia augeantur *ibid.* quam pretiosa sint *ibid.*

olea essentialia, è foliis recentibus quomodo paranda 65. & seq. è quibusnam *ibid.* quo tempore carptis *ibid.* quam prævia exsiccatione *ibid.* quam digestionem in variis varia *ibid.* quo caloris regimine destillanda 66. quousque *ibid.* quasnam dotes habeant *ibid.* quale residuum relinquunt *ibid.* quamdiu conservabilia 66

R E R U M.

Vegetantium olea essentialia è foliis sic-
cis quomodo parentur 68 qua-
lia sint *ibid.* qua ratione per
cohobationem augenda *ibid.*

olea essentialia de lignis
quomodo parentur 73. 74. de
quibusnam horum *ibid.* quo
tempore cæsis *ibid.* cum vel si-
ne prævia digestionem *ibid.*
quousque continuata destilla-
tione *ibid.* qua ratione per co-
hobationem augeantur *ibid.*
quale residuum relinquant *ib.*

olea essentialia è semini-
bus quomodo paranda 70. &
seq. è quibusnam subjectis 70.
quo tempore lectis *ibid.* quous-
que siccatis *ibid.* quomodo di-
gerendis *ibid.* quo calore destil-
landa *ibid.* quo sale addito *ib.*
quibus cautelis observatis *ibid.*
quibus instrumentis *ibid.* quæ-
nam inter destillandum conge-
lentur *ibid.* quæ tum pericula
ibid. quomodo his occurren-
dum *ibid.*

olea essentialia quam va-
riis locis hæreant *ibid.*

olea inflammabilia quot
modis existant 97

olea, nativa coctione cum
aqua, quomodo parentur 63.
ex quibusnam illorum partibus
ibid. qua encheiresi *ibid.* qua
copia sic habeantur *ibid.* quale
residuum restet *ibid.* cuiusnam
sint indolis *ibid.* an sincera ?

64

olea nativa emulsa an
sincera sint & simplicia 64

olea nativa pressa quo-
modo parentur 59. è quibus-
nam eorum partibus *ibid.* qui-
bus instrumentis *ibid.* cuiusnam
sint indolis 60. acrimonia ca-
rent *ibid.* salis valde parum
continent *ibid.* cuinam usui
Medico & Chirurgico infer-
viant *ibid.* quam facile rancef-
cant *ibid.* quas tum mutationes
subeant *ibid.* quæ mala infe-
rant *ibid.* an sincera sint & sim-
plicia 64. quomodo & cum
Alcali misceantur 161. n. 1

olea nativa quomodo o-
riantur 93. n. 1. quomodo mu-
tentur in balsama nativa *ibid.*

Vegetantium olea non generantur arte,
sed separantur 65

olea stillatitia per descen-
sum quomodo paranda 76. 77.
ex quibusnam *ib.* quam præ-
via præparatione *ibid.* quibus
instrumentis 76. quo ignis mo-
deramine 77. quibus cautelis
ibid. quas vires habeant *ibid.*
qua quantitate sic eliciantur *ib.*
quale residuum relinquant, &
cujus usus *ibid.* quantum à pres-
sis oleis differant 77

olea triplicia 20. volati-
lia terram continent 56

olei volatilil usus 82. n.

13

olei fixioris usus *ibid.*

palingenesia Chemica un-
de ficta 254

pars crassa quibus cum
Phænomenis in cineres abeat

22

partes aliæ alia exhibent
in operationibus Chemicis 6.
integrantes quænam *ibid.* soli-
dæ quales sint *ib.* resinofas cum
solubilibus in aqua, in com-
pendium reducendi modus 152
per retortam destillato-
rum sal volatilil, oleofus, aci-
dus quasnam habeat vires 86.
n. 4

pinguedo nimia morbosa
58. 59. quid sit 5. ubinam hæ-
reat & perficiatur *ibid.*

producta Chemica quo-
modo & quo usu combinanda

21

putrefactio quantum dif-
fert à fermentatione 183. 184.
respectu subjectorum *ib.* n. 1. 2.
caloris n. 3. effectuum n. 4. 5. 6

putrefactio spontanea quo-
modo, quando, quibus phæ-
nomenis, contingat 182. &
seq. quid efficiat *ibid.* quomo-
do promoveatur 182. n. 3.
æstivo calore *ibid.* succulentia
herbarum *ibid.* n. 3. siccis ad-
fusa aquæ certa copia 290. n.
3. compressu *ibid.* quomodo
impediatur *ibid.* n. 3. siccitate
nimia herbarum *ibid.* aquæ ad-
fusione nimia *ibid.* n. 3. com-
pressu minore *ibid.*

Putrefactorum destillatio

CC c iij

I N D E X

quomodo instituenda 182.
183. quænam producta exhibeat *ibid.* quale residuum 182.
spiritus qualis 183. quomodo depurandus *ibid.* Sal volatile qua copia, quale *ibid.* quomodo depurandum *ibid.* oleum ultimum quale *ibid.*

Vegetantium putrefactorum destillatorum producta separandi, depurandi modi 229 & seq.

putrefactorum revolutio in terræ gremium 183. convenientia mutua 182. 183. cum rabo gangrenoso animalium *ibid.* cum excrementis alvinis animalium *ibid.*

quorumnam decocta a destillatione residua, bona sint 82

quorundam partibus inest singulare quidpiam, inexplicabile 152

radices cur oleo turgiores 71. quando legendæ pro destillatione aquæ 44. n. 5

recentium combustio quomodo peragenda 22. quibus instrumentis *ib.* quibus cautelis *ibid.* quænam Phænomena edat *ibid.* quosnam cineres relinquat *ibid.*

recentium crematorum Sal Tachenianus quomodo pareretur 26. 27. vide *Sal Tachenianus.*

sal acidus semper volatilis est 87. n. 9

sal alcalinus è quibus eorum principiis confletur 56

sal alcalinus. vide *sub titulo Salis.*

sal natus qua vi acquirit acrimoniam alcalinam? 39. vide *Sal natus.*

sales genuini nunquam simplices 26

sales nativi dant salem alcalinum, fixum, igneum 34

quidam fixi sunt 23. quicunque aqua ebulliente auferri possunt 19. Tartarei dant salem alcalinum, fixum 34

salina materia fixa, fermentatione non fit volatilis 118. 119. n. 31

sapor acris unde 78

sapores alii sunt in aliis

7. in ejusdem plantæ aliis partibus *ibid.* quinam cum aqua stillatitia transcendunt 51

Vegetantium femina congelationi olei inter destillandum obnoxia recensentur 70. destillationi oleorum essentialium apta recensentur 70. etiam macilentissima pressu dant oleum 59. fragrantissima cito effocta 71. mira olei copia referta 63. 70. Et quænam 70. olei copiam perdunt, quando germinant & cur 71. quid patiantur in germinatione *ib.* quænam durabilia ad foeturam quænam, minus 71. quando colligenda pro destillatione aquæ 44. n. 5. quo tempore legenda pro destillatione oleorum 70. quomodo præparanda ad destillationem oleorum *ibid.*

sempervirentium copiosum oleum 58

senescentium ex oleo nimio suffocatio 59

solida etiam tenerrima, ebullitione in aqua non mutantur 16. & cur 20. ultima salem non continent *ibid.* unde constant *ibid.*

somnus quid? 58

spiritus ardens an detur ante fermentationem 103

Spiritus non omnes sensibiles sunt 71

spiritus Rector. vide *Spiritus Rector.*

succus expressus unde vires suas habeat 46. natus cur saponaceus 21

succi dant salem alcalinum, fixum, igneum 34. lacte, resinam continent 148. qua methodo tinturas præbeant *ibid.* quinam fermentabiles 107. n. 9. *ibid.* n. 10. quinam inepti productioni salis nativi 24

Terra cujusnam sit naturæ 21. usui Docimastico apta *ibid.* omnibus eadem 22

vapor exhalans miras vires medicas & venenatas exerit 10. 11

varii status Chemico scitu necessarii 58

R E R U M.

Vegetantium variorum variæ præparationes pro aquis coram destillandis 49. & seq.

vasa *Absorbentia* quænam sint 5. quid agant *ibid.* ubinam maxime reperiantur *ibid.* quasnam vicissitudines ab ambientibus externis patiantur *ibid.* quædam aërem hauriunt *ibid.* *Excernentia*, quænam sint, quid & quomodo agant *ibid.* *Excipientia*, seu Receptacula quænam sint, & cui bono *ibid.* *Moventia* quid agant *ibid.* quanam vi propellant humores *ibid.* valvulis videntur carere *ibid.* *Mutantia* quid agant *ib.* in varias series videntur distincta esse *ibid.* *Secernentia*, lateralia, quænam sint, & quid agant *ibid.*

vasa sextuplicia 4. 5. peculiare singula continent humores 5.

vicissitudines juxta anni tempora 58. 59. ætates *ibid.*

vigilantium aqua abundantior *ibid.* Vigiliæ quid *ibid.*

vires acuendi & volatilisandi modus 51. coctione mutantur 47. exsiccatione pereunt 20. medicatæ, nutrientes & venenatæ, ubi hæreant *ibid.* oleum ultimum & Terra his caret *ibid.* vires omnes in compendium reducendi modus 83. quænam aquis stillatitiis se communicent 50. quænam minime *ibid.* vires raro separantur per Chemiam, plerumque mutantur 7. vires singulares in potus medicatos concentrandi modus efficacissimus 100. 101. medicatas aggregandi in compendium modus optimus 48. & 91. n. 3. singulares mutantur per infusionem aut decoctionem cum aqua 14. 16. vires pro lubitu intendendi modus

55

virtus aromatica quonam in principio hæreat 78. n. 1

virtutes plane contrariæ quomodo eliciantur 46

ustulatio quomodo fiat 27. ustulatorum facies, sapor,

vires *ibid.* ignitio quomodo fiat *ibid.*

Ventriculi debilis remedium 48

Vertiginis remedium 80

Vigani lis cum aliis de Aceti destillantis liquore primo, examinatur, componitur 134. 135

Vigo allegatur 311. 312

Vinum omne in acetum mutari potest & qua methodo 129. n. 1. 2. quid sit? 25. 112. n. 4. quando & quomodo fiat ex fermentantibus *ibid.* n. 3. 4

Vina cur certo tempore pendeant 116. n. 23. dulcia cur facile acefcant *ibid.* quænam optimum Tartarum & plurimum dent 139

Vina adusta quæ vulgo vocentur 123. n. 2. destillata quale residuum relinquant *ibid.* n. 3. quomodo mutantur a cadis querneis, in quibus servantur *ibid.*

Vini adusti potatores quibus morbis obnoxii 224

albi Tartarus qualis 139. rubri Tartarus qualis *ibid.*

facultas temulentiam excitandi, qualis 114. n. 22. ipsi soli propria est *ibid.* omni vino undecunque parato communis *ibid.*

facultates contrariæ sunt iis, quas ante fermentationem habuit liquor

114

flores fermentationem promovent 108. n. 13. fœx quænam fermentum sit *ibid.*

lapis quid? 25. mater quid *ibid.* natura 114. n. 22.

nomine quid intelligat Autor 105

Rhenani diversitas à musto eodem recenti 115.

solius, non tamen omnis, soboles est Tartarus *ibid.*

Spiritus Philosophorum Lullianus 277. vocabulum universale 114. n. 22

Vinose qualitates quænam 115

Violarum succus cum alcali viridescit 36

Vitis sarmenta, per retortam destillata, quid præbeant 87. n. 9. dant alcali acerrimum, copiosissimum 34

sarmentorum sal alcalinus quem in usum assumptus à Basilio Valentino *ibid.*

Vitrum ex alcali Filicino quale *ibid.* ex alcali herbæ Kali quale *ibid.* ex cineribus alcalinis vegetantium fortiter calcinatis 32. 33

Vitri conflatio 35. reductio Helmontiana *ibid.*

I N D E X

Vitrificatio orbis terrarum in supremo fato
à quibusnam & cur statuta sit 33

Vitrificationis ratio Tacheniana improba-
tur 35

Vitriolum ferri an acidulas ingrediatur 280.
quodnam optimum 280. quibus-
nam constet *ibid.*

non metallicum quid sit 265
Saturni. vide *Plumbi sal.*

Vitrioli argenti confectionis modus duplex
296. n. 1. 2. vis caustica 297

Calcinatio quomodo fiat 320

Colcothar parandi modus 322

Colcotharis edulcoratio *ibid.* dat

Vitrioli speciem ibid.

Calx dulcis *ibid.*

destillatio in spiritum & oleum
quomodo peragenda 320. & *seq.*
qua calcinatione præmissa 320. n.
1. quibus è vasis *ibid.* qua ratione
junctis *ibid.* quo ignis regimine *ib.*
quantum olei det ex dato vitriolo
321. qua cautela eximendum *ibid.*
quale residuum relinquat & qua co-
pia *ibid.*

ferri Calcinatio 281. 282.
n. 1. 2. 3. Calx alba, quas vires
habeat 282. Cinerea quas vires ha-
beat *ibid.* rubra cujus usus *ibid.* in
Crocum martis adstringentem qui
præparetur *ibid.*

ferri confectio 279. vires medicæ
279. 280. usus quando noxius sit
280

ferri cum sulphure confectio 286.
n. 1. 2. confecti puritas 287. usus
ad Acidulas imitandas 287

ferri cum Tartaro confectio 280.
281. parati vires Medicæ 281. do-
sis *ibid.*

ferri Tincturæ aureæ confectio
283. vires medicæ *ibid.* an aurum
potabile veterum? *ibid.*

fixitas mira 323

oleum dulce 278. Philosopho-
rum *ibid.*

olei actio in Mercurium 314.
315. actio in Nitrum 315. 316. ad
generationem sulphuris necessitas
277

olei crystalli 181.

olei cum Alcohole destillatio qui
fiat 277. 278. qua cautela, quo
ignis regimine egeat *ibid.* destillan-
tis odor singularis 278. liquor tri-
plex *ibid.* scæx sulphurea *ibid.* oleum

vitrioli Philosophorum *ibid.*

olei depuratio 321. qua cautela
indigeat *ibid.*

olei natura 321. partis aquæ ad
acidam proportio 265. principia
quænam 321

Spiritus cur addatur digerendis
vegetantibus pro destillatione oleo-
rum 63

Spiritus dulcis Paracelsi 278.
279

Spiritus Philosophici confectio
337. natura *ibid.* vires *ibid.* destil-
latio in aquam acidulam, & spiri-
tum salis *ibid.*

Spiritum conficiendi modus Pa-
racelsi 321

viridis origo 280

Ungula equinæ destillatio analytica quo-
modo peragenda 226. 227. quæ-
nam & quotuplicia det producta
ibid. quale residuum 227

Vomitus remedium 48. Riverianum 37

Urina quid sit 191

cocta, recens, nullo signo est aci-
da *ibid.* hominis acidis multis pasti,
nil acidi dedit *ibid.* debiliū puellar-
um non est acida *ibid.* nullo signo
est Alcalina 192

cocta, recens, vase aperto, di-
gesta, quomodo mutetur 202. crus-
tam calculosam apponit vas; *ibid.*

cocta, recens, vase clauso diges-
ta quomodo & quo temporis spa-
tio mutetur 203

cocta, recens, vase clauso *des-
tillans*, quæ exhibeat 193. quomo-
do mutetur in colore *ibid.* dat aquam
foetoris & saporis singularis *ibid.*
non spirituosam *ibid.* non acidam
ibid. non alcalinam *ibid.* non sali-
nam *ibid.*

in febribus acutis qualis 192. 195
nil nutrimenti continet *ibid.*

quinque diebus retenta in viro,
non fuit alcalina 172. semel ab Au-
tore visa alcalina in calculoso *ibid.*

Urina acrimonia & falsedine unde? 41

Alcalescentiam promovens causa
202

Alcalescentis à naturali differen-
tiæ quænam *ibid.* usus Tinctorius
ibid.

calculi materies quænam forte
206. & menstruum forte in eadem
urina *ibid.*

Urina

R E R U M.

Urinae calculi ortus 203. non prohibetur al-
calicis 204. sed potius generatur ab
iis 206

coctæ, recentis, ad vigesimam
destillatæ residuum quale 194. 195.
non acidum *ibid.* nec alcalinum *ib.*
nec vere saponaceum 195. non ca-
seosum *ibid.* non seri sanguinis coa-
gulo simile *ibid.* sed saporis falsissi-
mi, subamari *ibid.*

contenta quænam 195.

destillatæ residuum igne tortum
dat acidum, sed quale, & unde
205. 206

fœtoris augmentum & decremen-
tum unde pendeat 194

odor unde 193

Phosphorus continet acidum; at
quale & unde forte 205. unde, &
quomodo conficiatur 206. quomo-
do asservandus *ibid.*

putrefactæ destillatio quomodo
peragenda 204. 205. dat spiritum,
aerem, alcalinum *ib.* nova destilla-
tione in salem alcalinum solidum,
& aquam fœtidam resolubilem 204.
aquam *ibid.* in spiritum & liquorem
lichontripticum Helmontii resolu-
bilem *ibid.* oleum & salini quid *ib.*
fœcem sale marino fœtam *ibid.*

putrefactæ sal volatilis duplex
205. 206

recentis, inspissatæ, cum alcali
fixo destillatio quomodo fiat 197.
dat spiritum, alcalinum *ibid.* ex quo
sal volatilis, fœccus, alcalinus *ibid.*

recentis, inspissatæ, cum arena
destillatio quomodo fiat 196. quæ-
nam exhibeat producta *ibid.* quale
residuum *ibid.*

recentis, cum calce viva destilla-
tio quomodo, quâ cautelâ peragen-
da 198. dat spiritum igneum, non
alcalinum *ibid.* non in salem soli-

dum mutabilem *ibid.* corrodentissi-
mum *ibid.* summè volatilem *ibid.*
naturæ peculiaris 199. n. 5

Urina residuum à confectione salis nativi
cui bono 200

residuum à Phosphoro destillato,
cujus naturæ salem contineat 205
retentæ mala in corpore 203

sal natus qualis 196. in quo dif-
ferat ab Ammoniaco *ibid.* quomo-
do conficiatur 200. in crystallos re-
digatur 200. cuius naturæ *ibid.* un-
de ortus *ibid.* quas vires medicas
habeat *ibid.* quas metallurgicas *ib.*

sal volatilis quomodo depurandus
197. quomodo ab acidis admistis
mutetur *ibid.* fœccus quomodo prima
destillatione sæpe paretur *ibid.*

sapor unde *ibid.*

spiritus quomodo depurandus *ib.*
quomodo ab acidis permistis mute-
tur *ibid.* variæ dotes quid indicent
Medico 195

usus in œconomia animali 203

Urinam putrefaciendi modus 204

Uroscopia fundamentum 206

Ustulatio plantæ quomodo fiat 26

Uva immaturæ succus cur minus fermentetur
107. n. 12

Uvarum gelatinæ usus 18.

succi recentis vires quænam
114. prorsus contrariæ vini virtu-
tibus *ibid.*

W

Wedelius allegatur 115

Z

Zedoaria oleum stillatitium inter destil-
landum congelascit 70

Zibetha odor quomodo exaltetur 142

Zwelferus notatus 138.

F I N I S.

HERMANNI BOERHAAVE,

PHILOS. ET MED. DOCT.

In Academiâ Lugduno - Batavâ Medicinæ
Professoris Celeberrimi, Academ. Reg.
Scientiar. Paris. & Societ. Reg. Londin.
Socii,

OPUSCULA OMNIA

QUÆ HACTENUS IN LUCEM PRODIERUNT.

EA quidem priùs sparsim edita, nunc verò in unum collecta
atque digesta.

Horum Catalogus sequente paginâ exhibetur.



PARISIIS.

M. DCC. XXXIII.



E L E N C H U S
O P U S C U L O R U M
H E R M . B O E R H A A V E ,

Eo ordine , quo in hâc Collectione digesta sunt.

- O** *Rationes Academicæ VIII. scilicet,*
- I. *Oratio de Commendando Studio Hippocratico.* Habita quum publicum Institutiones Medicas prælegendi Munus in Academiâ Lugduno - Batavâ inchoaret , ann. M D C C I. Impressa Lugduni-Batavorum eodem anno. pag. 1
- II. ——— *de Usu Ratiocinii Mechanici in Medicinâ.* Habita in Auditorio magno ; 24. Septembris M D C C I I. quum tertii suæ Stationis anni labores auspicaretur. Impressa *ibid.* M D C C I I I. pag. 16
- III. ——— *quâ Repurgata Medicinæ facilis asseritur Simplicitas.* Habita 20. Martii M D C C I X. quum Medicinæ & Botanices Professionem susciperet. Impressa *ibid.* eodem anno. pag. 34
- IV. ——— *de Comparando Certo in Physicis.* Habita quum 8. Februarii M D C C X V. Rectoratum Academiæ deponeret. Impressa *ibid.* eodem anno. pag. 48
- V. ——— *de Chemiâ suos Errores expurgante.* Habita quum Chemiæ Professionem auspicaretur , 21. Septembr. M D C C X V I I I. Impressa *ibid.* eodem anno. pag. 64
- VI. ——— *de Vitâ & Obitu Viri Clarissimi BERNHARDI ALBINI.* Habita ex decreto Magnifici Rectoris & Senatûs Academici ; 22. Septembr. M D C C X X I. Impressa *ibid.* eodem anno. pag. 78
- VII. ——— *quam habuit quum , honestâ Missione impetratâ ,*
D d d iij

E L E N C H U S O P U S C U L O R U M.

Botanicam & Chemicam Professionem publicè poneret, 28. Aprilis M D C C X X I X. Impressa ibid. eodem anno. pag. 95

VIII. *Oratio de Honore Medici, Servitute.* Habita quum iterum poneret Rectoratum Academiae, 8. Februar. M D C C X X X I. Impressa ibid. eodem anno. pag. 105

IX. *Opusculum Anatomicum de fabricâ Glandularum in Corpore Humano; Continens binas Epistolas: quarum Prior est HERMANNI BOERHAAVE, super hâc re, ad FREDERICUM RUYSCHIUM: Altera FREDER. RUYSCHII ad HERM. BOERHAAVE, quâ priori respondetur.* Lugduni-Batavorum M D C C X X I I. pag. 119

X. *Atrocis, nec descripti prius, Morbi Historia, secundum Medicæ Artis leges conscripta.* Ibid. M D C C X X I V. pag. 175

XI. *Atrocis, rarissimique Morbi Historia altera.* Ibid. M D C C X X V I I I. pag. 199


XII. *Tractatus Medicus de Luë Aphrodisiacâ; quem, Præfationis locô, Editioni Lugduno-Batavæ Aphrodisiaci (sive Auctorum de Luë Venereâ, ab ALOYSIO LUISINO Venetiis olim editorum) præfixit HERM. BOERHAAVE.* Lugd. Batav. M D C C X X V I I I. pag. 213

E R R A T A.

P. Ag. 16. lin. 6. pro MCCII. lege, MDCCII.
P. 65. lin. 7. SPECTANTISSIMO, lege, SPECTATISSIMO,
P. 134. lin. 1. evacuaionem, lege, evacuationem.
P. 144. lin. 4. deriventut, lege, deriventur.



HERMANNI



HERMANNI BOERHAAVE
ORATIONES ACADEMICÆ.



ORATIO PRIMA,
DE COMMENDANDO
STUDIO HIPPOCRATICO:
HABITA

Quum Publicum Institutiones Medicas prælegendi Munus in
Academiâ Lugduno-Batavâ inchoaret.

*ILLUSTRIBUS ACADEMIÆ LUGDUNO-
BATAVÆ CURATORIBUS:*

D. JACOBO, BARONI WASNARIÆ, Toparchæ Opdamii,
Hensbroek, Wochmeer, Spierdijk, Zuidvvijk, Kernchem, Tvvicke-
lo, Lage, &c. Ordinis Nobilium Hollandiæ Membro, Equestris Fœderati
Belgii Militiæ Præfecto. Urbium Willemstad, Clundert, Arciumque Vi-
cinarum Gubernatori. Supremæ aggerum Rhenolandia Præfecturæ Af-
fessori. Ad Potentissimum Poloniæ Regem, & ad Serenissimum Borussiæ
Regem, Plurimosque Germaniæ Principes Legato extraordinario, &c.
&c. &c.

D. HUBERTO ROOSEBOOM, J. C. Toparchæ in 'sGrevelfrecht
&c. Supremæ Hollandiæ Curia Præsidi. Præpotentium Ordinum no-
mine ad Causas Ecclesiasticas, Synodumque, Delegato, &c. &c.

D. HENRICO de BLEISVVYK, J. C. Reipublicæ Delphensis Viro
Consulari, Societatis Indicæ Moderatori, Potentissimorum Ordinum
Generalium Collegii Assessori, &c. &c.

ORATIO I. DE COMMENDANDO
EORUMQUE COLLEGIS,
AMPLISSIMIS, GRAVISSIMIS REIPUB.
LUGD. BATAVÆ CONSULIBUS:

D. THEOD. SCHREVELIO, J. C.
D. DANIELI VAN ALPHEN, J. C.
D. CORNELIO WITTENS, J. C.
D. FRANCISCO KERCHEM, J. C.

NEC NON

Gravissimo, Cultissimoque Viro,

D. JOHANNI VANDEN BERGH, J. C. Reip. Lugdunensis
Senatori, & Judici. Illust. Acad. Curat. à Secretis.

*Hanc Dissertationem Consecrat
Venerabundus*

HERMANNUS BOERHAAVE.



X I G I T hujus Loci auctoritas, atque ipsa hæc, quam ago, persona, ut de rebus Medicis verba faciam.

Illarum verò, quum magna sit copia ad dicendum, eam eligendam putavi, cujus enarratio Medicinæ Cultoribus utilis inprimis esset, atque tempestitiva.

His, quippe omnis hicce apparatus, His omnis hæc dicata est festivitas.

Quid autem res ipsa monet? Quid tempus postulat? Nisi de eo agendum, quo, licet in arte medica palmarium sit, haud aliud tamen negligitur turpius, vel magis perfunctorie tractatur.

Ea sc. hoc seculo in schola Medicorum oscitatio dominatur, an superbia, ut sprete Hippocratis monumenta nullo in usu, vix ullius habeantur pretii!

Hæc tamen scrutanda, hæc nocturnâ versanda atque diurnâ manu prius, quàm bonæ frugis quidpiam ab Medico in ægros redundare queat, persuadere conabor.

Quæ dum in animum induco, latè patentem orationi campum nactus exspatiarer pro rei copia; sed reprimat impetum, verbaque mea in brevis horæ curriculum cogit, Vestræ, P. C. Præsentia Majestas, Vestri temporis Patriæ sacrati justa æstimatio.

Illis minimè abuti, sed eâ, quâ par est, cum veneratione frui animus dictat, dum contemplatur Vestra in capestrunda feliciter Rep. Merita, atque Virtutes, quæ claro sanctissimæ veritatis præconio æterna, gratæ Posteritati laudis materiem, virtutum exempla, dabunt.

Atticâ ergo lege, nullâ exordii pompâ gravis, pauca in medium proferam, quibus juveniles animos excitem, ut inflammato studio raptantur ad purissimos salutis fontes, quorum salubri latice sua conscripsit Pater ille atque Princeps Medicorum.

Hoc agenti attentionem parat, benevolentiamque conciliat, rei opportunæ dignitas: timorem verò tollit, additque animum propria Vobis & spectata in audiendo semper lenitas.

Ut itaque propositum absolvam, antè pauca de Officio Medici explananda habeo, quàm de ipso Hippocrate dicam.

Medicum esse atque haberi eum, qui corporis humani sanitatem tueri, atque infestos ei morbos propulsare novit, omnibus in ore est.

Divina quisquis hac arte pollet, primum sibi in confessu Apollineo locum vindicare, eumque dignè exornare poterit.

Neque verò aliis habet opus, quo ægrorum votis, suoque animo satisfaciat.

Pauca quidem hæc atque pulchra, quæ medicinam consummant, etiam ignaris apparent, sed rerum peritis ardua comperta sunt.

Enimverò, sanitatis natura & morborum in obscuro latet; illorum causæ sunt imperscrutabiles; remedia haud satis habentur explorata.

Hæc tamen perspecta tenenda illi, qui ad artis adspirat perfectionem, res ipsa clamat, consentiunt omnes.

Sed magnum semper inter Auctores, Scriptoresque rerum medicarum, certamen fuit, vi-ne rationis, an experientiæ usu Medicina magis procederet?

Neque defuerunt unquam præclaro ingenio Viri, qui utrumque horum per se indigens, alterum alterius auxilio perficere, cum laude laboraverunt.

Ægri enim, ante nata medicinæ primordia, morborum cruciatibus impulsæ ad certos dolores incerta tentaverunt remedia; quorum ubi nonnulla fortunâ magis, quàm arte, salutaria comperissent, eorum annotatione prima jecerunt artis fundamenta.

Postea verò ægrotos in forum & compita exponentes unumquemque prætereuntium similia fortè passum lege latâ compulære, ut laboranti esset solatio, ut manifestaret remedium, cujus auxilio ipse ejusdem pericula effugerat.

Cernitis A. alterum Medicinæ statum, quem sapientiæ humanæ antiquissimi auctores Babylonii, & Chaldæi inchoaverunt; à quibus, ut artium reliquæ, derivatus in Ægyptum, pro subtilitate atque industria Gentis, sensim magis magisque fuit promotus.

Quid enim? Morborum species, & auxilia votivis insculpta tabulis ad delubra Deorum suspendendo, atque unicuique malorum singulos præficiundo medicos, indigestam experimentorum molem bene & compositè digesserunt in formam artis, usui accommodatam.

Postremò, progressò cum tempore usu, sola remedia non sufficere experti mortales, judicium rationis implorabant, cujus sibi luce imprimis opus esse, ad dignoscenda & curanda mala, in plurimis & fortius ratiocinii lumine distinguendis circumstantiis, dudum observaverant.

Tumque statim, ut in talibus fieri natum est, subtilitati ingenii magis, quam experiundi tædio, dediti, ea, quæ sapienter, & ex rei necessitate, à Majoribus conjuncta acceperant, separaverunt.

Tum, ne consultâ quidem experientiâ, excogitatam speculatione rationis disciplinam nobis obtulerunt.

Verùm, licet ad eloquentiam composita, & Philosophantibus accepta brevi adolesceret, ægris tamen perniciosa comperta fuit & fatalis.

Neque mirum id videbitur ei, qui in rem ipsam introspicere propius non dedignatur.

Est nempe tam sanitas, quam morborum quilibet, definitus omnino effectus, oriundus ab determinato & singulari concursu omnium illorum, quæ juncta, in illo effectui producendo, causæ officio funguntur.

Hanc ergo ut lege rationis investigatam causam evidentiâ demonstrares mathematicâ, oportebit prius exactissimè cognitæ habere singulas ejus proprietates & vires seorsim spectatas, atque deinde ex iis, ad se mutuo comparationis ope relatis, novas, quæ hinc deteguntur, invenire.

Quum verò mentis nostræ intellectum non illustrent illæ proprietates, nisi per effecta sua, quæ sensibus se cognoscenda præbent; palam est, omnia illa, quæ causæ, accidentium, vel effectorum ratione in sano vel morbofo statu adsunt, indaganda & describenda esse, antequam de prospera vel adversa valetudine, atque utriusque mediis, statui quidquam possit.

Agitur hîc enim de rebus ipsis, prout ab suis causis in rerum naturâ constituuntur: quæ semper singularissimæ, & à peculiaribus circumstantiis undique dependentes sunt; in quas proinde vis demonstrationis abstractæ, universalis, & indefinitæ non eam lucem infundit, quæ rebus gerendis requiritur.

Si autem tanta ægritudinum varietas, si in unaquaque illarum tam multa observanda, ut ratiocinii tantummodò colligantur fundamenta! quis erit, qui vitæ fluxam fragilitatem non deploret? stupiditatem attentionis quis non doleat? inprimis, quum tot impedimenta nullâ arte evitanda, occupatum in his animum quâvis horâ avocent, atque in averfa abripiant.

Tanta hæc, tamque difficilia sunt, ut nulli mortalium ætas, opportunitas, corporis vel animi vires sufficiant, ut ab se uno hæc absolvenda speret.

Quorsum igitur hæc disputo? Ut intelligatis quàm necessarium sit, ut ex aliorum laboribus eligamus, nobis quod ex usu sit; ut videatis, consulendos esse à nobis mortuos, si vivos imperitiæ primò discendum, si eos primorum experimentorum periculis, eripere studemus.

Ita se res habet, vel de integro semper est ineunda ratio, adeoque unius ubique industriâ stabit vel cadet medicorum scientia, quod quàm absurdum sit, patet; vel inevitabilis incumbit necessitas legendi scripta eorum, qui ante nos de hac arte commentati sunt.

De hoc quum liquidò constet, quod superest, inter illos præter omnes nostra attentione dignissimum esse Coorum Principem, haud equidem difficulter demonstrabo.

Quodcumque in adversaria medica referri meretur, ut scribendæ historiæ & dirigendo ratiocinio inserviat, tam evidens sit oportet, ut de eo sanæ mentis dubitet nemo, vel cum ratione disputet.

Neque minùs necesse est eâdem illud narrari simplicitate, quâ sensibus ab ipsa natura revelatur: Huic omnis nocet factorum immutatio, obest additamentum aut detrimentum rei vel minimæ.

Talia quæ sunt, clara, vera, atque æterna erunt, & relata ad causas indagandas eam habebunt rationem, quam in Geometricis data habent ad quæsitâ.

Quisnam vero aptus erit, in factorum historiâ, solam naturam ducem sequi? Quis non divagabitur? Quis dubitandi occasionem evitabit? Solus ille, meâ quidem sententiâ, qui omni partium studio liber, nulli opinioni serviens, omni denique præjudiciorum amore vacuus, ea discit, ea recipit, ea narrat, quæ videt.

Hic autem provocare juvat ad unumquemque Vestrum, cui Veterum placita, vel Recentiorum super hac re scripta excussisse, volupe fuit.

Recolatur memoria, atque inter tot Scriptorum millia, unus modò nominetur, qui & sua tractet, & ad liberæ veritatis sanctitatem castigatus sit.

Solus ille nostræ scientiæ Conditor, mirâ hîc puritate nitet, solus liber est.

Nusquam precario quatuor elementorum figmento, vel editis inde suppositâ nativitate quatuor primariis qualitatibus, morborum fata obscurat, vel nativos sanitatis inquinat colores.

Nunquam inanis de primâ temperie simplicium vitæ staminum disceptatio ejus animo offecit, quominùs in veros rerum eventus penetraret.

Frustra in prudentissimo Viro acria illa de calido innato, de radicali humido certamina quæsieris.

Non usquam tot subtiles, atque adauctis evanidas distinctionibus, morborum atque causarum differentias apud magnum Medicinæ Parentem invenire est.

At joco quidem ille, refutatione non dignus feriâ, qui ludicrâ operâ abutens, Chemicis deceptum fabellis Præclarum Senem, orbi imponit: quasi sc. suavia illa de acido, & sale ex cineribus resuscitato somnia, tantum optimæ menti veterum incussissent, ut in describendis naturâ & remediis malorum haud deliravisset aliud. Non ita est.

Meruit hanc laudem, & meruit fere solus, quòd non visa nusquam effinxerit, quòd videnda nunquam neglexerit, quòd opera naturæ narraverit, non autem detorserit, vel mutaverit, quo labili aliter Hypothesi honos permaneret & perennitas.

Qui, quum talem se gesserit omni vitâ, dignissimus certè fuit, qui duraturam per tot sæcula observatorum delineationem posteris consecraret: atque vel hoc nomine omnem Bonorum diligentiam, omnia studia, ad se trahere meretur. Illi tamen jure adjungas paucos quidem, sed ejusdem castitatis observatores religiosos, ex ejus doctrinâ sapientes, Aretæum ex Cappadociâ, atque Rufum Ephesium, vel alios, sed paucos

admodum ante Galeni tempora, Græcos. Componantur verò Coorum oraculis cæterorum, qui de Medicinâ scripserunt, inventa.

Vah quot commenta opinionum! Quibus decepti, pars rerum apparentias eo narrant ordine, quem suavit, cui serviunt, Philosophorum secta; alii rerum faciem ementitis coloribus deturpant; reliqui verò parum solliciti de factis, indagini causæ physicæ, omne applicant ingenium.

Alterum, quod in historia medica requirit ratio, est dictionis simplicitas res ipsas brevi & perspicuo sermone explanans.

Quò sales? quò joci? quò fabulæ, ubi res agitur maximè seria, atque præ aliis gravissima? Absit studio conquisita vocum obsoletarum obscuritas! absint Rhetorum flores, & verborum lenocinia! absit vana & in hoc negotio intempestiva Historiæ antiquæ ostentatio! Neque subacti Viri iudicii pompasam variarum de quæsitâ veritate sententiarum enumerationem desiderat, neque subtilem & præmaturam causæ ultimæ inquisitionem.

Literatorum epulis suavissima hæc condimenta stomachum movent illi, qui id unum sedulò operam dat, ut certa & clara signa atque remedia utriusque valetudinis addiscat; qui id sibi inprimis credit negotii datum, ægris ut placeat, non eloquentiâ, sed sanatione.

Nos, quibus nihil pensi est scire quid mellita lingua, quid acre ingenium de medicina dicat, Hippocratica folia, Sibyllinis veriora, revolvamus, in quibus gravia naturæ oracula sonant. Illis intento, non obtunditur iudicii acies verborum obscuritate; ambagibus resolvendis, conciliandis adversis bonum non conteretur otium; sed sensu turgens Latronum brevis, Atticâ perspicuitate facilis, gravissima rerum pondera legentibus revelabit.

Si ab uno discesseris Hippocrate, quis illi par? Si usquam, hîc verò locum habet vetus illud, rari boni.

Qui enim animi instruendi ergò ad reliquos adit Auctores, vel recoctâ reficietur crambe, aut meram offendet barbariem, aut postremò affectatam, sed inopportunitatem, ostentationem linguarum, Antiquitatum, Hieroglyphicorum & Fabularum.

Adeo pauci splendorem referunt artium præclarissimæ debitum!

Dum enim inter Arabas, atque barbaros Galeni interpretes spurcitiam sermonis detestamini, apud eruditos, qui in Hippocratica commentantur, plura invenietis, quibus disertum Oratorem, quàm quibus utilem ægris perficiatis Medicum.

Sed ego hæc omitto; restant enim alia, & majori pondere argumenta, quorum vi, omnibus aliis præferendus demonstratur Hippocrates.

Verum ad quid me convertam? Quid dicam priùs? Larga est & dubia rerum memorabilium copia. Quid itaque memorabo? An vividam illam, atque nullo fractam labore attentionem animi, quâ ad omnia circumspexit? An admirabilem, neque unquam torpentem diligentiam, quâ quidquid ad rem facit, indagavit? An incomparabilem & plusquam Humanam, quâ suo parta labore orbi communicavit, benevolentiam atque fidem? Quodcunque horum speculatur animus, agnoscit ubique supra in-

vidiam clarum, ubique supra humanam sortem felicem, ubique verum, Apollinis æmulum, Coorum Æsculapium! Quæ sint, quæ fuerint, quæ ventura, examussim omnia in qualibet ægritudine referre, soli datum fuit oculatissimo illi Naturæ contemplatori.

Si quis adverrit animum ad miram illam, quâ prudentiâ distinguit natos per Medicum, Ministros, Medicamenta, atque ægrum, in morbis errores, ab iis malis, quæ ipsa morbi indoles produxit, Lynceum sibi, Phosphorum aliis, fuisse pronunciabit.

Ego equidem, quod res cogit, ita sentio A., omnes quorum memoria exstat, omnium seculorum viros medicos, tot in morbis phænomena, ne junctis quidem operis descripsisse, quot nobis relinquenda curavit, solus ille arcanorum vitæ scrutator.

Quis anniverfarias cœli tempestates, ut solennium morborum causas, evulgavit? Hippocrates.

Quis peculiares aëris vicissitudines, æstus, frigora, imbres, squalores, ventorum furores, horumve silentia, hos illosve morbos generare, aperuit? Hippocrates.

Quis ex regionum situ, naturâ soli, aquarum copiâ, motu vel stagnis, quis ex telluris exhalationibus, ex montium positurâ, causas popularis necis detexit, quis integras hâc sapientiâ gentes servavit? Hippocrates.

O salutarem generi humano, neque unquam fatis laudandum Virum! Nam quid Ego, de industria illius dicam? Quâ vitam, victum, potum, labores, atque mores Gentium examinans, in ortum vernaculi ipsius mali penetravit. Quid memorem relatas ab ipso eas rerum minutias, quarum adspectum refugerent ignari, quas tamen illius monitis prudentes fatis graves experiuntur?

Vos, quibus in adyta veritatis penetrare, amor est, intrate firmo pectore in penetralia Salutis, quorum atria tabulis Hippocraticis superbiunt, quibus ille naturæ oracula de Aëre, locis, atque aquis inscripsit.

Verùm si major menti vestræ cupido, neque vestibuli ornamento contentis ipsum musæum ingredi lubet; ite audaces, ut contemplemini Venerandum Senem describendis epidemicis occupatissimum: neque mora erit, quin audituri sitis gravem Sapientis vocem, quâ dictat suis; non observanda tantum sexûs, ætatis, atque indolis discrimina; non modò notanda exercitia, mores, victum ægrorum; neque aëris sufficere descriptionem, quoties designandi sunt illi, qui hâc illâve populari peste præter cæteros egregiè infestati fuerunt. Sed videbitis præterea eum depingentem oculorum, capillorum atque cutis nativos colores; cernetis exarantem an lingua volubilis an balburiens, an vox gracilis an verò gravis fuerit; atque infinita quidem talia, non hîc memoranda, ideo omnia vos docet, ut singulare cognoscatis temperamentum eorum, qui grassanti malo magis obnoxii erant, quàm reliqui, qui illis notis destituebantur.

Eo hæc vobis inculcat, ut ducem habeatis, cujus ad exemplum vosmet in observandis ægris geratis.

Eo hæc adfero, ut constet, signa dignoscendi morbos neminem exactius, propria illis mala neminem accuratius, artem de illorum fatis vaticinandi neminem veriùs tradidisse.

Sive illorum primordia , incrementa , exitus , sive & miras illas , atque rarò descriptas permutationes addiscere juvat , solus ille honesto satisfaciet desiderio.

Et dubitamus adhuc in nostrum commodum uti tantorum laborum fructibus ! Aut ex eo colligere facta sine periculo , quæ novo aliter discrimine discenda erunt !

Sed deficeret dies , si cuncta attingerem ; Et Vos A. qui perspicientiam Viri in detegendis morbis admiramini , ut de felicitate , quâ eosdem profligaverit , pauca dicam , expectatis.

Ita enim in artis exercitatione se gessit , ut suo docuerit exemplo , post nitidam morborum delineationem , haud aliud medico incumbere , quàm ut probè compertam , atque successuum prosperitate confirmatam eosdem tollendi viam inveniatur.

In his investigandis , fuerit-ne altiori usus sapientiâ , an in communicandis candore animi , haud facilè dixerim.

Priori certè se , alterâ virtute nos , ab erroris periculo liberavit : Hanc gratos agnoscere , mirari illam , imitari utramque decet.

Nulla Viro in applicando remedio temeritas ,

Nulla illi in observando effectui festinatio ,

Nulla in sinistris eventibus occultatio ,

Nulla in extollendis prosperis jactantia.

Obtemperans morbo , ei imperat : suis illum artibus vincit. Dumque deficientis vitæ vires erigit , vel furentis in sua damna impetus temperat , pauca , sed certa , vilia , sed apta , remedia invenit.

Non in comparanda Horum varietate , quod vanum , sed in cognoscenda vera & tempestiva illorum necessitate , quod in hac re summum , sollicitus , quibus opus esset , & quali eorum exhibitione , cogitavit. Non ad abditas , sed evidentes , respiciendo causas , certa & explorata dubiis præferebat.

Quis vestrûm non suspiciat ? Quis medicorum non imitetur ? Quis agrorum non optet suis malis medicum , fulgentissimum illud Græciæ dicam , an Orbis Lumen ?

Ille morborum itinera atque velocitates speculatus , atros Horum albosve dies observans , materiæ morbosæ motibus vel moderans vel obsecundans , ejus cruditates digerens , matura per vias ab ipso morbo indicatas comitans , eorum secessus dirigens , expellenda promovens , imitator denique & auxiliator potiùs , quàm temerario ausu perturbator , omnibus salutis , nulli necis artifex celebrandus est.

Nocentia , quæ fors , juvantia , quæ ars vel casus , obtulit , rimatus , remedia reperit : tempus , modumque quo hostem visceribus excutit sibi permissa natura contemplatus , utendi medicamenti regulas stabilivit.

Ea postquàm annosâ , & quotidie excultâ , munivit experienciâ ; postquàm mille eventuum felicitate comprobata dedit ; tum demum satis idoneè instructum se existimavit , qui Herbarum , fossilium atque animalium virtutes traderet. Neque nudas enarravisse illas contentus , cautelas addidit & monita , quibus artis imperitos ab ejus exercitio arceret. Si vera audire juvat , si vera eloqui sine invidia licet , hæc vera est , hæc sola

STUDIO HIPPOCRATICO.

sola est ægrotis succurrendi via. Non est, non invenietur alia, nisi quæ in perniciem humani generis, non in salutem, itur. Unica hæc admirabilis, Utilis, imo propè divina est, quam calcavit, quam nobis & opere & verbis præmonstravit artis Auctor.

Vos, O præclari Juvenes, Sacrata Phœbo Pectora, quibus re quàm oratione convinci gratius, ipsam accedite scaturiginem in vitæ solatia salientem; cujus salutaris lymphâ diffluunt, quæ de Morbis, de Affectionibus, de Internis, atque de prædicendi Arte vobis volumina dedecavit.

Heu! quantùm descivit sequutis dein seculis à prisca gloria Medicina! Quàm turpiter ab efficacissimo artis Magistro, Usu, ad figmenta ludentis ingenii defecit!

Damnosa quid non imminuit inertia! dum ab laboriosa observatione, ad Philosophorum placita, ab dictatis naturæ, ad garrulitatem, ab Hippocraticis effatis, ad lubricinam fingendi devolutam dolemus!

Quis æquo ferat animo jactari palam & ubique sanationes malorum, quæ, si jactatâ medelâ pellere tentes, irritata & aucta, non sublata, neque sopita indignamur?

Cuinam ea lenitas, ut non commoveatur tot Circulatorum Panacæis?

Apage anili vix dignas lucubratione Personatorum Chemicorum fabellas! Apage vana promissa, in artis Hermeticæ dedecus nata! Apage Cyclopas, qui Phœbi sacra Vulcano dicant, qui artium utilissimæ Chemicæ usum in cyclicorum technas convertunt! Quantæ tamen auctoritatis hæ nugæ pluribus habentur, neque naris tamen obesæ viris! Quasi satis non fuisset simplicium numero, compositorum confusione, methodorum mole obrui, nisi in malorum complementum impudentis ignorantia portenta accessissent!

Sin verò ad alios te converteris, minùs formidolosa quidem, solida tamen in hac re vix reperire dabitur: Qui enim rerum usu occupati, rarò scripsere; cæteri inventa rationis disputatione, vel tradita ab aliis descripserunt remedia & medendi formam.

Restat ergo, nam plura urgere vetor, in omnes optimus Hippocrates.

Sed alia aliis mens est: durum his, atque alienum à veritate videtur, quod persuasum volumus; quos, quia neque rationis specie carent, audire fas est.

Nonne, rogant, observationis usu constat Medicina? Aïo.

Nunquid ergo temporis filia, ab eodem incrementa capit? Annuo.

Ergo sub Primæ artis Conditore infans imbellis humi serpsit? Neque id negaverim.

Itaque sub primo inventore Hippocrate rudis, tot dein seculorum cultu polita, hoc tempore masculo vigore splendet. Id verò affirmantem multa nescire necesse est: Errat qui suis modo Sapuisse Virum credit, & rem ignorat.

Testor Historiarum monumenta, quæ docent ab Apolline, primo inter Græcos Medico, oriundum Hippocratem, primævæ in Græcia medicinæ arcana hæreditario jure possedisse. Phœbi proles Æsculapius tradita ab eo secreta perfecit, suisque inventis aucta posteris reliquit: ab hoc dein

descenderunt, quæ admiratur antiquitas, medicinæ lumina! Celebrat enim Chrsifamidem, Cleomuttadem, Theodorum, Sostratem, Nebrum, Cnosidicum, Hippocratem majorem, atque nostri Genitorum Heraclidem, omnes medicos, omnes arte claros. Adeo ut in Hippocratem de traduce in traducem propagata sint artis mysteria; quem rectâ serie ab stirpe nonum decimum in sua familia fuisse medicum accepimus.

His ubi curas, diligentiam, longævam ætatem, peregrinationes artis ergò per Babylonios, Ægyptios, Seras & Indos susceptas, addideris, liberatus hoc errore; rudem Medicinæ admotum non arbitraberis.

At ille, quamvis tam amplis suæ gentis instructus esset præceptis, non acquievit: intelligenda aliorum dogmata putans, quæ jam tum evulgata erant expendit.

Erat eâ tempestate famâ notissimum in Cnido fanum, cujus parietes undique obvelati tabulis, in quibus continebantur Historiæ pulcherri-marum in facienda medicina observationum; Hoc ille Juvenis admodum invisit, sibi que exarata descripsit, factus Cnidiorum arcanorum Sym-mysta.

Neque adeo infantem tum medicinam fuisse credet, cui, vel eo tempore in sectas eam divisam, scriptis evulgatam, atque adfinium disciplinarum auxilio promotam fuisse ex historia notum est.

Plura adferre super hac re superfedeo; inspiciat, cui lubet, libros de prisca medicina, de victu salubri, de cibo acutorum, & de iis, quibus manus medetur, omnes Hippocratis conscriptos stylo.

Unum addam, ex innumeris, quibus acceptam à Parentibus vel Extraneis medicinam ipse provexit.

Atque tale quidem id fuit, ut ipsi uni proprium, ipsi singulare fuisse, rerum omnis memoria testetur.

Thessalum majorem natu filium in Thessaliam, Draconem, qui alter ab illo annis erat, in Hellespontum, Polybium generum suum in aliam Graciæ regionem; tum ingentem Discipulorum numerum dimisit per reli-quam Hellada, omnes imbutos artis regulis, omnes instructos remediis, ut per totam Graciam ægris mederentur.

Hi expositos in trivis sanare, morborum eventus, remediorum effectus annotare, ad Hippocratem cuncta referre.

En vobis adversariorum Thesaurum! En modum acquirendæ sapien-tiæ medicæ verum! Hæc felicia artis fata! Hæc fortunata tempora! Quum unus, atque idem Sapientissimus tot Artificum peritorum operâ uteretur! Quum omnium Coryphæus tot labores, tot experimenta aliorum suis perficiens in corpus redigeret ordinatum! Eant jam, qui ignorantia ad-flati vel invidia tanto Viro obtrectant.

Comparetur illi quem volunt; quàm dispar erit ratio!

Alii, quid unius, hic, quid plurium industria valeat, exhibet: Alii suis modò vident oculis, hic multorum usus est acie: Cæteri per singu-los ægros, hic per eorum agmina experimenta fecit: Pauci, quid intra arcta unius Urbis pomæria morbi sit, tradiderunt, Ille, quæ in tot vi-cos, urbes, regiones, & regna lues grassaretur, observabat.

Hanc Ego Causam, quò minùs alios huic pares statuamus, inprimis ma-gnam puto.

Profectò , Sapièntia artis major longè in illo fuit , qui tantis ad medicinam auxiliis usus est , quàm in reliquis , qui , quamvis cætera æquales , his destituti fuerunt.

Atque inde natam arbitror , eorum , quæ scripsit , æternitatem : Hinc ortam puto , illorum , quâ viginti trium seculorum examen sustinuerunt , integritatem.

Evolvatur illorum ordo , mutata Hippocraticæ veritatis facies nullibi apparebit.

Excutite Graïos , cognoscite Romanos , versate Arabas , repetitam atque confirmatam ubique invenietis doctrinam Hippocratis.

Ex his enim , quorum ad nos memoria pervenit , Diocles Carystius , Aretæus Cappadox , Rufus Ephesius , Soranus , Galenus , Ægineta , Trallianus , Aetius , Oribasius & alii , quidquid habent eximii , Illi debent.

Romani , quos inter Celsus excellit & Plinius , Hippocratem Numinis loco habent , ad ejus effata , ut ad oracula , confugiunt.

Arabum optimi purum putum describunt Galenum , qui ubi verus ibi totus Hippocraticus est.

Inter recentiores de medicinæ usu scriptores , paucos , si ulli sunt , Veterum perfectionem attigisse dolendum , quum reliquas artis medicæ partes cum gloria eos exornasse , atque priscorum inventa longè superasse exultemus.

Unum eximium habeo Thomam Sydenham , Angliæ lumen , Artis Phœbum ; Cujus ego nomen sine honorifica præfatione memorare erubescerem : quem quoties contemplatur , occurrit animo vera Hippocratici Viri species , de cujus erga Remp. Medicam meritis nunquam ita magnificè dicam , quin ejus id sit superatura dignitas.

Sed reverso , unde me deduxerat Optimi Viri contemplatio , objicitur : An ergo solius Hippocratis intellectum Medico sufficere , aliorum labores illi nec decoros , nec utiles , neque necessarios existimem ?

Minimè. Ingentes Viri defectus , quos habuit , quos agnovit , sciens , minimis tamen urgeri demonstrans , optimum prædico.

Inter ignarissimos autem habear , Si Vesalii , Asellii , Harvæi , Pecqueti , Uberii , Whartoni , Drelincurtii , atque Bartholinorum , quibus corporis humani fabricam explicarunt , inventa ignorem ; ingratis audiam , nisi venerabundus illorum dignitati assurgam.

Uni Malpighio liquorum semitas , Spirituum rivos , Uni Malpighio Dædaleam viscerum structuram , Uni Malpighio , quidquid ad totam corporis compagem spectat , patuisse , quis ignorat ?

Summos in re Herbaria profectus & novi utcunque & laudo ; Castigatam seculi industriâ Chemiam amo , atque colo.

Mechanicorum , Aquilegum , atque Physicorum radiis illustratam eam scientiæ partem , quæ naturales corporis actiones explicat , atque hoc nomine Boylæi , Borelli , Bellini , Malpighii , Pitcarnii atque aliorum utilissimos esse conatus , omnis clamabit posteritas.

Quapropter , ut quæ sentiam liberè , sed compendio dicam ; non ineptè equidem , opinor , is , qui Geometrica atque Arithmetica primò instillanda suadebit animis eorum , qui Phœbo devoti sunt.

Hujus consilio ipsa ratio, ipse suffragabitur Hippocrates; imò ejus ipse filio suo, in datis ad eum litteris auctor est, addito illo argumentorum pondere, quo vel invitissimo assensum exprimat.

His imbuto, præclara hujus ævi inventa addiscenda per omnes medicinæ partes.

Postremò autem, ubi, quod primarium est, artis exercitio se accingere student, ubi morborum fata, ubi Sanandi Regulas addiscere cupiunt, tum verò ante omnes alios consulenda Hippocratica, arbitror.

Unum restat hominum genus huic adversum sententiæ: quibus placeat ex Universalibus rerum principiis, materiâ, motu atque figurâ corpusculorum, à priori, ut vocant, demonstrare sanitatis, morborum, & medicamentorum naturas. Postulatorum illi copiâ, datorum inopiâ, haudquaquam deterriti, indeterminatam effingunt Hypothesin, ex cujus assertionem si viâ analyticâ & plausibilis ratiocinii specie unum alterumve satis generale deduxerint, rebus id applicant, atque inde sanandi regulas ex suo ingenio excogitare non verentur.

Verùm, quantâ spe decident, tum demum constat, ubi hæc subtilitatis figmenta rebus gerundis adhibere, cum summo ægrorum damno experiuntur.

Atque utinam hi, quibus Mathematicorum viam laudare solenne est, re illos, non verbis modò, sequerentur!

Diligentiùs data, prudentiùs demonstrationes, tardiùs conclusionem, formarent.

In solvendo problemate non ad unam fortè obviam, sed ad omnes, quæ propositionem determinant, conditiones attenderent.

Figuras adeoque incognitas, velocitates incompertas, meatuum obscuritates, Elementorum generalia, pro clavis atque distinctis demonstrationum fundamentis non admisissent.

Quid enim jubent Geometrarum leges? In demonstrationibus rerum naturalium, quæ semper singulares, definitæ, atque ab aliis omnibus per minima diversæ sunt, colligenda esse quæcunque ullo nomine ad eas spectare observantur, sive has præcedant, comitentur, vel sequantur: illa dein collecta monent cognoscenda esse singula quàm clarissimè, denique ad hæc omnia singulatim probè cognita attendendum quàm accuratissimè, atque ita demum concludendum, prout hæc omnia simul exigunt, severitate summâ.

Ita res ratiocinia, non hæc illas, determinarent.

Ita conclusiones non vagæ essent, cuilibet aptandæ quæsito atque abstractæ, sed definitæ, exactæ, atque rem hanc singularem, prout est, describentes.

Tantum ergo abest, detrahi observationum dignitati per Mathematicos, ut contrà nulli clariùs earum pretium demonstrent.

Sequantur itaque, id enim unicè speramus, optimos veritatis Cultores Geometras!

Quàm arctos fines suis habebunt fictionibus!

Quæ horum severitas præcipiti illorum ratiocinio moderabitur!

Quàm dura ipsis incumbet necessitas imitandi Hippocratem, antequàm ratiocinia valere in hac arte possint!

Atque his hæc sufficiant ! Rationis enim quisquis dicto audiens, haud difficulter ab errore resipiscit.

Alios autem non moramur, qui, nescio quibus insulsis salibus, aut tectis invisibilium machinulis superbi, vix sibi visum vilipendunt Naturæ Genium.

Illis equidem, si quidquam fuisset pensi, non tam inepta de summo Viro judicia evulgavissent.

Ad Vos, quorum pectora Salutis humanæ amor inflamat, ad Vos, egregia Juvenum manus, mea se tandem convertit Oratio.

Utile inprimis est, atque decorum consilium, quo illi ætatem devoveris sapientiæ, cuius usus miseris mortalibus cœlestis habetur.

Omnem laudis meretur memoriam spectata satis sollicitudo, atque industria, quâ perfectè priùs discere, quàm exercere, studetis eam artem, cuius abusus humanæ genti pestiferus atque exitialis est.

Audivistis ea, quibus instructos esse decet Medicinæ candidatos; Audivistis, ubinam illorum vobis liberalis detur copia.

Quis enim Vestrûm ignorat, quos suis Hippocratica Pandora Thesauros distribuat? Horum & cupidi & potiri estis capaces.

Est enim in medio posita palma, volens facilisque sequitur, Vos inprimis, quibus innatæ dotes arte cultiores omnia felicia, omnia pulchra promittunt.

Divitiæ, decus, gloria vos expectant, quique hæc longè exsuperat, animus pulcherrimè actorum conscientiam latus.

Si ergo ad Sapientiæ, cuius hæc præmia sunt, Principatum adspiratis, Illum sectemini, qui eam condidit: facile iis artibus hanc scientiam augere est, quibus initio parta fuit.

Non est, quod ignorantia pericula, dubitationis scrupulos, temeritatis errores horreat, qui consulit effata Maximi Medici: luculenta est, pura, omnique errorum face purgata doctrina, quæ tot ætatum, hominum, artium atque experimentorum operâ caliginem discussit, quâ involvebatur tecta veritas.

Qui medicæ laudis gloriam ducitur, haud feliciter eam consequetur, quàm si audiverit Hippocratem: Hippocratem, qui peritiæ famâ perruptis Hellados claustris, in Persiæ regiam atque hinc per totum transvolavit orbem: Hippocratem, qui æternâ artis gloriam decoratus temporis edacitatem incolumis sustinuit: Hippocratem, qui omnes Humanos, quid Humanos memoro? Qui Divinos honores vivus accepit, mortuus sibi confirmavit.

Eumne sequi dedecori cuiquam fiet?

Eum? Quem & Thessali, & Coi, & Argivi, & Macedones, & Athenienses, quem & Phocenses & Dorienses ob servatam arte Patriam cœlesti honore decoraverunt?

Quàm laudabile, quàm gloriosum est eum imitari, ad quem colendum omnes Bonos habemus auctores!

Quàm turpe, eum contemnere, quem Illyrii, quem Pæones, quem Barbari Reges publicis legationibus ut genium tutelarem imploravere!

At, si quem honesta magis rerum, quibus vita commodè fertur, quàm

gloriæ cupido tenet, talem se gerat, ut illi reddatur similis; cui Persarum Rex, auri quantum velleret, obtulit, cui tot Gentes tanta munera, virtutis præmia, miserunt.

Quot nobis Historia Viros memorat, quos sola Hippocratica Doctrina Regibus caros, opibus affluentes, famâ celebres effecit?

Vos verò, qui altiora spiratis, qui virtutem sibi solam habetis præmium, qui sapientiam ambitis, cujus exercitatio ægris salutaris, Patriæ utilis, parentibus gloriosa, Vobis honesta sit; in hujus Viri laboribus vos exercere.

An de peritia ejus dubitetis? quam scripta Viri, quam secula, quam omnes boni uno ore prædicant.

An verò de fide? Sed hanc res ipsa, hanc omnes celebrant Historiæ.

An de pretio scriptorum? Verùm artium inventrix, atque earundem æstimatrix optima Urbs Minervæ, eorum Auctori ob evulgata eadem sacros honores decrevit.

At enim, quis dixerit genuinos ad nos codices pervenisse? Stylus, res, omnes Veteres ordine eum sequuti, atque inter illos Princeps cum Erotiano Galenus.

Quid ergo! Quum tuta & expedita, quum decora atque utilia omnia cernatis, hunc amplexemini, qui horum Vobis Auctor.

Si placet, en paratum me adhortatorem, en socium; qualem vultis, habetote!

Vobis operam meam, Vobis, si quid in me laudabilis posuit natura, si quid effecit exercitatio, id omne dico!

Vestris prodesse studiis, ea demum votorum mihi summa!

His dum invigilo erit hic mihi labor, hæc mei instituti ratio; Ut scilicet in describenda primo loco corporis humani fabrica, nostri seculi locupletissima inventa promovendæ medicinæ applicentur.

Illustratum speculatione nostræ compagis animum exhilarabit deinde contemplatio tot, tamque diversæ indolis liquorum, qui per Mæandros Dedalæ machinæ circumacti, variis locis varii oberrantes, vitæ motusque nobis officia præstant.

In hac verò materie exascianda, Helmontii, Boylæi, Tachenii atque Travagini operâ utentes laudem Chemiæ Justam agnosceris. Hac in parte fulgebunt luculenta illa de transfusis atque injectis in vivorum venas liquoribus experimenta.

Hæc ubi experientia atque ratio illustraverit, dabo operam ut fide Historicâ enarrentur ea, quæ ægro vel sano actiones eveniunt spontaneæ vel arbitrariæ: Ubi opus erit consulere Veterum atque Recentiorum observationes, quibus præfulget Hippocrates.

Ex his dein summo collectis studio, tanquam ex datis problemata nascentur, in quibus solvendis Mechanicorum, Aquilegum, atque Chemicorum imploranda auxilia, & Geometrarum methodus; eâ tamen lege, ut facta semper factis potius explicentur, quàm figmentorum licentiâ.

Recreatam hac speculatione & firmatam mentem res ipsa methodo mendedi adjunget; in hac verò stabilienda Hippocrates, Sydenhamus, atque pauci præter hos veri Medici consultores nobis & auctores erunt.

Denique horum præcepto firmis, observandi arte, dignoscendi iudicio, providendi sagacitate, atque agendi prudentiâ instructis, quid aliud incumbet, quàm remedia horumque indicare fontes?

Veterum hîc simplicitate non contentâ, quæ Chemicorum labor bona dedit, adjungam, horum præparationes ipso vos opere docebo.

His finibus coërcebo mea; hæc decursui meo meta erit.

In his quicumque meum consilium, vel adjumentum sibi aliquid efficere posse judicat, suo me jure utatur!

Altiora quidem illa quæ Medicum consummant, Clarissima hujus Academiæ Lumina, Artis Salutaris Professores, vobis demonstrabunt.

Cæterum Ego illos ætate, sapientiâ, & loco Priores, consilii, factorumque meorum Auctores Venerabor.

Ut ita unâ mente, uno animo ornandæ Salutis Ædi invigilemus!

Utinam his pro voto inchoandis, atque omnis vitæ curriculo perficiendis vires dederit aptas Salutis Auctor & consummator Deus!

Tum demum considerem aliquam me posse gratiam referre vobis, Viri Illustrissimi, Minervæ Batavæ Curatores, Patriæ Patres.

Neque enim me fallit, quantum cum maximo Vestro favore negotium sustineam.

Vestræ Munificentiae, Amplissimi Viri, me supra reliquos mortales devinctissimum semper profitebor.

Tantis beneficiis, vestrisque de me conceptis votis, ut pro ea, quâ sum tenuitate, utcunque respondeam, summis animi & corporis viribus acerrimè annitar.

Hanc à Vobis inire gratiam, quæ vigilando, agendo, bene conando conciliatur, summâ ope affectabo.

D I X I.






HERMANNI BOERHAAVE
ORATIO SECUNDA,
DE USU RATIOCINII MECHANICI
IN MEDICINA:

HABITA IN AUDITORIO MAGNO
xxiv. Septembris A. MCCII.

Quum tertii suæ Stationis anni labores auspicaretur.



NOBILISSIMIS ET SPLENDIDISSIMIS VIRIS
ACADEMIÆ BATAVÆ CURATORIBUS:

D. JACOBO, BARONI WASNARIÆ, Toparchæ Opdami, Henf-
broek, Wochmeer, Spierdyk, Zuydvvyk, Kernchem, Tvvikelo,
Lage, &c. Ordinis Equestris Nobilium Hollandiæ primo Assessori.
Illustris Ordinis Equestris Danici, cujus insigne Elephas, membro.
Equitum Fœd. Belgicæ Magistro. Munitissimæ urbis Sylvæ Ducis Guber-
natori. Ad Potentissimos Poloniæ & Borussiæ Reges, ad Serenissimum
Electorem Hanoveriensem, & ad plures Germaniæ Principes, Legato
extraordinario, &c. &c.

D. HUBERTO ROSENBOOM, Jcto, Toparchæ in 'sGrevelfregt,
Supremæ Batavorum Curia Præsidi, &c. &c.

D. HERM. VANDEN HONAART, Jcto, Viro Consulari in Se-
natu primæ in Hollandia Dordrechtanorum urbis, ejusque voto in
Delegatos Præpotentium Ordinum Hollandiæ adscripto, Comiti Ag-
gerum Alblastervvaarde, &c. &c.

EORUM QUE COLLEGIS,

Amplissimis, Gravissimisque Viris,

D. JOANNI VANDEN BERG, Jcto. Consulum hoc anno Præsidi,
& amplissimi simul Confessûs Curatorum Actuario.

D.

D. CONRADO RUYSCH, JCto.

D. ABRAHAMO VAN ALPHEN, JCto.

D. PETRO VAN DORP.

Hanc Orationem

Eâ, quâ par est, veneratione

Sacrat

Virtuti, & Nomini eorum

Devotissimus

HERMANNUS BOERHAAVE.

Lugd. Bat. 1705.
30. Septembris.



Ut corporum vires, ex mole, figurâ, & velocitate, vel assumptis, vel deprehensis observatione, calculo æstimant Geometrico, Mechanici appellantur.

Quos ipse Artis usus, claraque demonstratæ veritatis lux, Sapientibus adeò commendavit, ut aliam omni æquè laudatum seculo, omni æquè comprobata suffragio, temerè non inveneris.

Miram profectò, & insperato, rei eventu humanâ fere altiore Sapientiam!

Illa enim certis quidem, sed paucis admodum, iisque vulgatis ubique principiis fundamenta debet subtilissimi cujusque & difficillimi inventi.

Postulata ideò Scientiæ hujus sordent his, qui fronte primâ decepti rebus pretium statuere, vel obscura tantum suspicere solent.

Artium verò severissimæ successum quisquis spectat, summo eam ingenii cultu dignissimam habet, quia fundamento subnixa tam plano hominum robur longè supra vires Generis Humani evexit.

Ejus quippe effectû nulla datur immobilis moles, licet moturus minimo valuerit agendi momento.

Quare utilitatem ejus omnis civilis, omnis agnoscit militaris disciplina.

Hanc aliis artibus necessariam non tantum idonei judices, sed & vanæ gloriæ ex ignarâ laude aucupes imperiti celebrant.

In solâ medicinâ spernitur, vel prætervîsa nihil boni præstare vulgò censetur.

Quod ipsum tamen adeò ego alienum à rei veritate, adeò calamitosum fundo medico habeo, ut dicendi argumentum hâc mihi horâ aliunde non petiverim.

Neque vestram expectationem, neque mea me vota fefellisse credi-

derim, si plani sermonis perspicuitate evicero, *Mechanices in Medicina usum esse summum, necessitatem maximam.*

Quæ agitanti ubertas rei verborum apparatus præcidere videtur.

Sed reficit me vestra in judicando spectata satis sinceritas, quæ damnata dudum exordii demulcentis lenocinia ab loco hoc, qui soli veritati facer, relegavit.

Rem itaque ipsam liberè exordior; maximè quum severa veritas patientiam quidem & attentionem imploret, gratiam verò repudiet & odia.

Generalem corporis naturam nullos definivisse veriùs quàm Mathematicos tam clarum habeo, ut litem de fide hujus asserti exspectem planè nullam.

Quæ verò singulari cuique, prout in rerum naturâ existit, corpori propria sit indoles, ex universali hac Geometrarum idea à priori nullus ritè deduxerit.

Illa enim ex sola collectione communium nata, secluso accuratè omni eo, quod unum ab alio distinguit, iusto ratiocinio non dabit conclusionem unquam, quæ peculiarem corporis naturam explicet.

Ab hâc ipsâ tamen pendet primariò vis agendi, quâ unum præ alio corpus pollet; adeoque illâ ignoratâ & hæc incognita lateat necesse est.

Ignota igitur hæc detegere quisquis amat, ex ipsa re singulari conditiones eruere debet, quæ procacem aliter ratiocinii libertatem in indaganda rei indole exactè determinent.

Has verò certò nullus novit, nisi ille, qui sensuum experimento observandos corporis cujusque effectus perspexit.

Habent sc. hî rationem eorum, quæ ex natura propria rei indagandæ fluunt; singula ergo horum unam hujus proprietatem, collecta verò simul intégram ejus naturam absolvunt, quâ sensibus patet.

Quicumque autem ex his ipsis liquidissimè priùs perspectis, more dein Geometrico ea demonstrat, quæ clarâ & individuâ sequelâ inde elici possunt, plura longè detegit, quàm sensuum auxilium revelasset unquam.

Neque tamen ipsa hæc posteriora vera minùs prioribus, neque minùs apta usui erunt.

Præter binas hæc, tertia non datur, quæ peculiarem corporeæ cujusdam machinæ constructionem referet, clavis.

Quarum utraque id evincit unum, humanum corpus idem esse naturâ toti, quam contemplamur, Universitati rerum.

Sensu teste & ratione iudice nil habet præter cætera eximii, si seriâ speculatione principia ejus lustraveris, nisi quòd ex pluribus, diversisque machinis influxu humorum agitatæ illud possidemus conflatum.

Conflatum verò hâc conditione, ut adunatarum partium effectus sit plures producere, eosque varios valde, motus, qui mechanicâ planè evidentiâ ex mole, figura, firmitate & nexu partium inter se, fluunt.

Quod confirmatur satis, quoniam solo mechanico motu destructâ harum partium unâ, vel solutâ tantùm vinculi tenacitate, frustra eundem deinceps effectum speramus.

Humanum ergo verum est, quale Mechanici speculantur, corpus;

habet adeoque id omne, quod clarâ hujus specie exhibetur.

Eâdem igitur lege, quâ mathematicum illud & humana hæc machina explicabilis arti geometricæ erit; si modò pro datis assumuntur, non quas arbitrium mentis ex infinita possibilium varietate pro lubidine finxit; sed sensuum usu probè compertæ dotes ejus peculiare.

Quarum plurimas anatome, vario equidem detexit artificio, observando majorum, quibus componimur, partium definitam structuram.

Plura in minoribus pulcherrimum detexit microscopii inventum, similem his, majoribusque naturam demonstrans.

Sed & liquidorum scientia revelavit multa, quæ humorum per vasa nostra circumactorum ingenium, impetum, directionemque determinant.

Quare, aut ex omnibus his nihil lege scientiæ deduci poterit unquam, aut soli Mechanicæ in cognoscendo, adeoque & in gubernando corpore humano palma tribuenda erit.

Nihil veri, nihil certi, nihil quod ex usu sit, ex tot manifestis observatis deduci posse, si ea quis ritè expenderit singula, si emendatissimo ratiocinio inter se comparaverit universa, quis credet, quis asseret?

Languentis certè animi tardum nimis torporem, & ingratum planè pulcherrimorum, quæ possidemus, inventorum neglectum, qui sic loquitur, palam facit.

Desidiosi est nihil agendo desperare semper, vel elevare verbis, facere quæ fortè solus non possit.

Quod si ratiocinandi lege ignota quidem inde illustrari posse concedens quis, mechanicis tamen solis id muneris denegat, aliam det quæso, quæ corporea rectiùs excutiat, artem.

Id qui aggreditur, necessarium est ut statuatur rerum naturam optimè explicari per ea principia, quæ à quæsitâ rei natura maximè aliena sunt, & per eos, qui ab una omni Bono probata veri indagandi methodo longissimè aberrant.

Eo autem ipso tot, tantisque se intricat absurdis, ut, nullâ ejus ratione habitâ, propositum demonstratum putem.

Sed jejuna nimis audit hæc convincendi ratio, cujusque remotior ab usu communi vis paucos in assensum cogat!

Id verum quin sit, si ex plurimorum captu æstimatur demonstrationis pondus, nullus dubito.

Quidni ergo, vel horum gratiâ, in liquidissima luce locatam rem ponamus ob oculos; & in ea quidem, quâ se omnes pulchrè uti jactant, quibus mederi cura est.

Quæ aggressurus vel invitatus sanè cogor ex historia structuræ corporis allegare ea, quæ Rhetorum locis insueta planè & inaudita, puritati defæcatæ Latinitatis peregrina & barbara, intellectui tamen ipsius rei præprimis necessaria habentur.

Maximam corporis nostri partem arteriis contextam, harumque sustentatam beneficio vigere, clarius est, quàm demonstratione ut egeat.

Has canales esse cruorem qui castigant, inque suo dirigunt itinere,

quorum, maxima circa cor, sensim gracilescit cavitas, donec præ tenuitate aciem visus fugiat, vel laniones norunt.

Neque minùs vulgatum, à corde exortum unum horum truncum explicari in ramos laterales, figurâ trunci similes, eâdem ratione & divisos rursus & decrecentes, hoc tamen artificio, ut truncus rectâ pergens, in loco divisionis majori plerumque capacitatem aperiatur quàm rami, qui ad latera trivii hujus porriguntur.

Sinuoso autem flexu ita hæc omnia vasa curvari, ut cavitatum latera ad infinitos numero, & magnos valde angulos ubique inflectantur, hujusque Spiræ gravissimos effectus esse in sanguinem transluentem, observarunt à paucis retrò annis, qui Geometricas subtilitates rebus applicare Medicis.

Quàm mirabili verò, quàm efficaci fabricâ flexiles finxit hos canales Adorandus nostræ machinæ Faber!

Dum à premente intus liquido distendi posse sine lacerationis discrimine voluit, eoque rursus fecit ingenio, ut humorem à dilatatione reciproca cessantem valido cum impetu cogere, se verò in arctiorem capacitatem propriâ sponte restituere queant.

Ultimos autem arteriæ, hosque minutatim divisos fines in membrana, ut firmâ basi, ordinari, ibique per fistulas in mutuos occursum emissas hiare inter se, ante Malpighium viderat nemo.

Ille primus ambages resolvit & mille viarum dolos, quos pulsa in hos Mæandros liquida pererrant.

Sed, ô admirabilitatem maximam! ô mechanismum pollicis divini!

Tantâ enim accuratione digesti ramuli æquali hîc viâ latitudine porrecti & laterali progenie orbi, primordia venarum, Lymphæ-ductuum, horumque sinus mutatâ constituunt figurâ.

Hæc ea sunt, quæ oculi acies, microscopium, vasorum in vivis ligaturæ, hydrargyrium mortuis injectum, contemplatio figuræ morbosæ, comparatio denique brutorum, piscium, insectorum & plantarum detexit.

Præter illa in arteriis ipsis deprehenditur nihil, falsò finguntur plurima.

Maxima ergo corporis, eaque efficax valde ad vitam pars, Mechanicâ descriptione, canalis est conicus, elasticus, inflexus, divisus in similes minores eodem trunco ortos, qui ultimò circa vertices cylindricos retis structurâ in se mutuò patent.

Id si verum, quod omnium profectò verissimum, nonne sequitur omnes effectus quos sanguini arteriæ præstant, tantum pendere ab hac earum fabrica?

Nonne & hoc rursus liquet, omnes ergo illos hinc solummodò petendos, & demonstrandos esse?

Vos nunc, qui justî sedetis hac in causa Judices, obtestor!

Quis ea, quæ vel hinc duntaxat oriuntur, veræ demonstrationis ordine expediet?

Solus ille, qui figurarum contemplationi, & oscillatoriæ virtutis calculo assuetus, callidè videt, quàm multa, quàm gravia ex hisce solis demonstrare queat; solus ergo Mechanicus.

Sed patiamur abripi nos admirabilitate hujus arteriæ, brevis certè levisque attentionis præmium Scientia erit totius ferè humani corporis.

Illa, ubi depictum antea rete constituit, tubos emittit cylindricos adeò arctos, qui rubras cruoris sphaeras ore suo capere nequeant; unde his recipitur tenuior tantùm & excolor pars sanguinis.

En veram vasis lymphatici ideam!

Eadem rursus ibidem loci arteria recto porrigit decursu truncum, qui emissis Lymphaticis amplior, crassior, rubrumque sanguinem, sero liquidiori orbatum vehat.

Ecce venarum genuinam originem!

Quarum angustam primò cavitatem mox ampliorem reddidit infusa ubique nova per laterales fistulas liquidi venosi, Lymphaticique moles, prorsus ut novum conum, similem arterioso, eique ad vertices oppositum repræsentare discat.

Perfunctoriè tangere quæ debui, vasa, vah quæ, quàmque pulchra, in recessu recondunt!

Arterias, Venas, Lymphæ-ductus, descriptumque horum apparatus plano affigas membranaceo, huic nervos intexas, villosque applices elasticos, tum convolvas in glomerem, habebis glandulæ fabricam.

Quam quoties cogito, uberrimam mirandorum effectuum matrem contemplor, simulque ineptissimi cujusque figmenti falsò celebratam sedem.

Tu verò inanes Chimæaræ latebras aperiens, Tu maxime Malpighi! suprahumanâ industriâ, incredibili labore, atque cautissimâ perspicientiâ, simplici hoc artificio absolvi ejus compagem, plùs quàm demonstras!

Quanti verò momenti demonstratio! glandularum enim aggregato totum ferè corpus constat!

Cerebrum Hippocratico oraculo glandula penicillo Malpighiano depingitur, ut ordinata ex arteriis, venis, receptaculis, emissariisque nervosis moles.

Jecur, Lien, Renes glandulis fiunt adunatis.

Ipsa humoris genitalis officina artificiosus canalium cylindricorum glomus.

Ipsam Embryi dolium, ipsa fœtus aula, ipse candidi nectaris, quod recens nati bibunt, promus condus hæc glandulosâ operantur arte.

Ossa ipsa & membranas eadem ferè compaginari structurâ quis dubitat, nisi cui cedro digna & ære scripta Malpighii, Kerckringii, Haveriiique nondum illuxere?

Lacertis tandem examinandis mentem applicuisse rogo ne pœniteat!

Huic se labori quicumque non subdixerit, næ ille subtilissimæ Mechanicæ artis efficacissima instrumenta clarissimè reperiet!

Musculus enim omnis nonne ex minoribus similibus componitur?

Ultimus verò quid, quæso, villus est?

Non aliud certè, quàm nervosi & angustissimi canalis dilatata, simulque attenuata pellis, canali, unde oritur, cavum formans amplius soloque inflatum spiritu.

Hujus verò quàm immensa sit machinæ potentia, scitè novit, qui hy-

draulica Mariotti experimenta contulit Cartesii Mechanicis.

Pulmones contemplerini, diversæ à cæteris structuræ, sacchos habebitis elasticos, sphæroïdeos, qui abscisso coni vocalis appenduntur vertici; horum superficies maculis retis sanguiferi ornatur; &, quod mira hîc arcana velat, incilibus ferè caret lymphaticis.

Ergone, Cogitatis fortè, admirabilis illa, illa tam artificiosa Hominis machina Simplici adèò perficitur apparatu!

Certè non fit alio.

Habeat hanc, qui volet, ob simplicitatem, vilem!

Mechanice Organum id laudat, ejusque Auctorem celebrat sapientissimum, quod quæsito effectui producendo aptissimum, simulque inter omnia, quæ eundem præstare possent, simplicissimum sit.

Quid tandem ex hisce concludemus?

Corpus nempe humanam machinam esse, cujus solidæ partes aliæ sint vasa liquidis coërcendis, dirigendis, mutandis, separandis, colligendis, & excernendis apta; aliæ verò instrumenta mechanica, quæ figurâ, ductu, nexuque suo vel fulcire alia, vel definitos motus exercere queant.

Peccabo in patientiam vestram vestrumque decus, si cuncta examussim explico.

Id unum bona audietis cum gratia: Hippocratem cum integro, quem sequutus est Babyloniorum, Ægyptiorum, Græcorumque choro, cum integra, quæ eum sectata est Graiorum schola, duo hæc, non alia dete xisse.

Arabas omni industriâ, omni anatomes cultu tertium addere potuisse nunquam.

Instauratorem anatomes consulite Vesalium, hujus æmulos Eustachium & Fallopium, tum immortales inventis Harvæum & Malpighium, & hos, qui singuli novis antiqua emendarunt, Asellium, Pecquetum, Bartholinum, Dathirium, Bellinum, Glissonium, Wharthonum, Willisium; his jungite juxta leges mechanicas Anatomicos Lealem & Louvverum, quique in abditissima penetrarunt, Hookium, Pouvverum, Leeuvvenhoekium, deprehensuri estis omni arte, omni artis, adjumento bina, quæ dixi, nec inventa alia.

Cur alia ergo fingere precariò quempiam patiemur, nobisque imponentem in æternum verba dare?

Ubi Elementis, qualitatibus, formis, causis chemicis, animatis, metaphysicis, amoris & odii affectibus, ubi, inquam, tot fabulis locus, causa, necessitas?

Nulla profecto vel vestigium sui hîc figmenti secta invenit.

Soli Mechanici suum objectum hîc agnoscunt, neque aliud in toto, quâ solidum est, corpore quidquam datur.

Illi ergo soli audiendi, horum effata sola consulenda, eorum principia sola imploranda, horum methodus sola abhibenda, ubi de effectû organî perspecti quæritur.

Sola erit firma, quæ à perito in his Magistro profertur, demonstratio.

Agite ô Viri, quæ dicta fortè displicent, quid facit in oculo vel sim-
p' ex illa figura corneæ, quid aquæ, quid crySTALLINÆ lentis, quid vitrei humoris determinata superficies & definita spissitudo?

Enarrate quid auris externæ Helices , quid meatus auditorii arctior & inflexa in medio , latior & porrecta ad utrumque extremum via faciat ad exceptionem , directionemque radii sonori ?

Membranæ Tympani tenuitatem , figuram ejus ellipticam , versus interiora ossis petrae convexam , hujus mutabilem in varias curvaturæ figuras formam ope affixi & agitati suo musculo malleoli , contempleri , & dicatis , quis effectus constantissimæ hujus tamque operosæ in vilissimo quoque animalium fabricæ ?

Nunc dædalei labyrinthi , conchæ , vestibuli , duplicis in cochlea turbinata spiræ , loci ovalis & rotundæ fenestræ , tot inquam miraculorum mechanicorum , quæ durissimæ hîc insculpsit petrae Divina manus , date rationem.

Sine profunda Mechanices Scientia nil veri vos intellecturos , nil boni proluturos aliis , utamini quolibet adminiculo , audacter affirmo.

De solidis , quæ dixi , pauca hæc sufficiant ; urget ratio ut nonnulla de fluidis subnectam.

Hæc enim illa sunt , quorum motu vita , quorum libero per vasa fluxu sanitas absolvitur.

Illorum autem naturam exactè capit , qui minuta novit corpuscula & agitata , quorum congeries fluidum constituit.

Eorum unum si spectatur , rationem habet solidi , adeoque mole , motu , figuræque , quidquid agit , efficit.

Quare effectus , quos una fluidi pars producit , soli Mechanico patent per experimenta indagandi.

Quod ex ante dictis quum sponte fluat suâ , latiori sermone non explano ; unum hoc pronuncians , non eò usque hætenus provectam hanc liquidorum scientiam , quæ usum rei præstet idoneum.

At si totam fluidi molem simul spectamus , gravitas ejus fluorisque communes deprehenduntur sublunaris liquidi proprietates.

Virtus verò elastica , ponderis , spissitudinis , fluiditatis , nixûsque in contactum gradus varii , momentum impetûs quo fertur , & itineris directio , palmaria sunt quæ unum ab alio fluidum distinguunt.

Horum verò omnium tanta efficacia est , ut infinita , quæ sanis contingunt , non aliunde oriantur.

Quamobrem quicumque ex præcepto scientiæ ritè hæc enucleat , opus is absolvit summæ ad perfectionem medicam necessitatis.

Sed fidem vestram ! quis proponere , explicare & demonstrare vim eorum poterit , qui Hygrostatices , quæ subtilis Mechanices pars , rudis est ?

Hæc illa est Aquilegum scientia , quæ ex assumtis , modo quas descripsi , affectionibus ratiocinia nectens geometrica , utilissima & usui apta reperit Theoremata.

Hæc , neglectâ causâ physicâ , & cujusque particulæ , quæ fluit , singulari naturâ , ex his , quæ sensibus per eventum in tota mole patent , quàm gravia , quàm utilia vitæ , methodo invenit Mathematicâ !

Evolvat Archimedis , Cartesii , Stevini , Borelli , Mariotti , Hugonii , Neutoni , & Bellini scripta , qui re , non verbis , convinci cupit.

O quàm necessaria feliciori Genio , ut revelentur , reliqua quæ sunt in pulcherrima hac Speculatione !

Hanc utinam excolant ! utinam exhauriant ! utinam nobis aperiant Viri Mathematicè docti !

Ab hoc Eorum labore , quo generales liquidi effectus luce illustrarent mathematicâ , brevi tempore plus maturi in horto medico fructûs expectare licet , quàm ab omni eo , quod aliunde in hunc congestum hactenus.

Tædet quippe pudetque ineptiarum , quibus seriam præ cæteris Artē ridiculam fecere , qui Mechanices imperiti vim liquidorum humanorum explicare conati sunt.

Et palam affirmo , vitalium actiones humorum scire posse neminem , qui Aquilegum regulas ignorat.

Quæ dum libertate Medicâ firmus assero , jurgii hîc illaturos causam præfagit animus Eos , Qui , nescio quâ gratiâ , ab Hermete nomen sibi , sectamque condunt.

Egone ex universali hac liquidorum doctrina deduxerim ea , quæ singulares eorum virtutes absolvunt ?

An fermenti stabiles motus , diversorum liquidorum ferventes conflictus , putredinis spontaneæ mirabiles effectus , ex Mechanicis explicuerim unquam ?

Talia objectans , eorum , quæ dicta , memor , paucis , quæ dicam , animum adhibeat.

Mea enimverò sic est ratio , justa , vel secus , vestrum sit judicium.

Ex experimentis Chemicorum historiam haberi posse valde limitatam singularium eventorum , quatenus in circumstantia definita sensibile quidpiam producant.

Necessaria ergo quàm maximè est Medicinæ hæc Ars , dum observatorum Sylvam largitur & observandi præbet optimum compendium.

Data enim exhibere , horumque definire condiciones valet , regulas autem ratiocinandi ex his Chémia dabit nunquam.

Ne tamen vel sic nimis , ut solent , se efferant , Qui unius Chémie cultu omnem Medicæ Sapientiæ thesaurum se possidere vani jactant !

Enimverò plura in nobis , sani vigeamus , vel langueamus ægri , fieri ex communibus illis liquorum proprietatibus , quas sibi sumserunt expendendas Geometræ , quàm ex insitivis , dubiis , & arte Chemicorum factis plerumque , pervulgato palam documento est.

Aquâ naturæ ariditatem alter corrigit ; Falerno alter quotidie venas inflat ; fructibus hic , Cerealibusque , parvo assuetus famem explet , & sustentat Spiritum ; ille carnibus , piscibus , terrâ natis , & omni condimentorum varietate Apitianâ onerat ventrem ; alii blando , & insulso ferè victu aluntur ; alii salitis , acidis , & acris quibusque intestina stimulant.

Multiplex adeo assumptorum varietas vitam tamen sanitatemque plures per annos protrahit in iis , qui tam diversis humores suos saturant corpuseulis.

Liquido argumento , magis communi fluidorum naturæ Mechanicis explicatæ , & in ipso corpore vi viscerum productæ , quàm singulari cujusque particulæ virtuti , actiones vitæ deberi ,

Si aurea Verulamii de vita & morte monumenta , si liberæ Hippocratis & Celsi de victu sanorum leges , si usus non satis id confirmat quotidianus , omni dignissimum fide Lovverum , sincerum meherclè & defæcato iudicio sagacem Virum , vobis citabo.

Hic enim , immani cruoris jacturâ exsanguem , jure carniū solo ingesto , venis recepto , per has fluente , imò colore nec mutato effluente per vulnera , revixisse Juvenem testatur.

Sed quid verbis opus in re clara ?

Ad vos ego provoco , Vestram appello fidem , Clarissimi Viri Medici , Quorum sapientia huic Coronæ venustatem conciliat , Quorum salutari dextrâ incolumis huic Urbi præstatur sanitas !

Nonne incumbit nobis , dum ægris Medicina fit , vel millies fluida inspissare , resolvere coacta , stagnantia movere , compescere dissoluta , diluere crassa , leviora solidare ?

Dum rarissimè ad pugnas Salium , flammæ Sulphurum , vel tectum Mercurii genium attendere cogimur.

Ipsi certè Illi , qui mera ubique Chemica crepant , cū morbus manum poscit , repudiatis suis , sedulò , quæ laudavi , inquirunt.

Si ergo his fluidorum proprietatibus tot debentur , si has omnium suffragio optimè excusserint Mechanici , patet ipsa fluida vitalia ut cognoscantur Medico , auxiliis egere Mechanices.

Spectate jam effectus , qui ex fluentibus per vasa liquoribus oriuntur , evidentior longè fulgebit Veritatis Mechanicæ potestas.

Si enim liquida descripta in vasis depictis quiescunt , habebimus cadaver.

Ubi verò liber his humoribus per canales conciliatur motus , corpus vivum cernimus.

Sermoni fidem quisquis meo negat , suis ut oculis credat oportet.

Mollem consideremus hominem , qui salientis de vulnere cruoris spectaculo perturbatus in animi cecidit deliquium.

Mortuum videmus ; sed qualem ? in quo cuncta solida , quæ sanitati sufficiunt , adsunt , & liquida , solus abest liquor in gyrum agens motus.

Huic quâcunque demum ope concutiantur nervi , ut motrix cordis materies fluat , redit statim , depulsâ tristi mortis imagine , lætior vita.

Vita non modò ; Calor , rubor , agilitas , cogitatio , vitalis omnis , naturalis & humana simul redit actio.

Quid hîc fermenti , quid effervescentis , quid salis pugnacis , quid olei spiritusve nascitur aut perit ?

Excepto motu , neque additur , neque demitur quidquam , vita tamen amissa ipsa redditur.

Sic aves & insecta constricta frigore hyberno , lenis statim in vitam excitat tepor.

Sed veritatis qui convictus viribus , ob ipsam argumenti vulgatam claritatem , certis sæpe diffidit.

Rariori ergo ut spectaculo firmetur , quæ nimis noto patuit satis exemplo fides , in Hookii vos officinam invitat oratio.

Destructo thorace mortuum animal inflatis per follem Laryngi applicatum pulmonibus citò reviviscit.

Attoniti miraculo vitæ tam mechanicæ ad magnum citò adeamus Gliffonium; En Ille impulso ope vesicæ in venas liquido mirificè vitales actiones æmulatur in defuncti dudum hominis cadavere.

Omnia hæc in specimen allata, infinita enim dici possent, an non evincunt satis, cuncta ferè, quæ vitam, sanitatemque nostram faciunt, vel sequuntur, pendere à motu illo, quo humores per vasa mutuâ planè moventur & agunt vicissim agitatione?

Cujus effectus, & leges, quum soli ritè intelligant, explicent, & demonstrent, in Pneumaticis, atque Hydraulicis, Mechanici, concludo cuncta ergo rursus disciplinæ subiecta Mechanicæ.

Hic verò ille est locus, ubi mirè se jactant, ubi seriò triumphant fermentorum Patroni.

Si fluor liquorum liber per vasa vitæ causa, ergo, aiunt, prima motus ratio in fluido & ab eo; itaque ab interna huic agitatione, eaque forti valde & constanti satis, qualis non nisi in excitatis fermentis liquidis reperiunda datur.

Sciant autem Hi, primam moti in Embryo liquidi à parentibus semper derivandam causam, eam motu matris continuari dum ab ea pendet fœtus, dein verò ab ipsa fabrica perennare solidorum.

Admirabilem auricularum Cordis ad ejus Thalamos structuram, nexumque, qui speculatus est, & qui hinc necessariò sequuntur, alternos influentis & expulsi liquoris motus à corde in arterias, ab his in cerebri medullam, processus, nervos, musculosque & venas rursus, non quæret vitæ continuatæ rationem extra ipsam virtutem viscerum Mechanicam.

Facile enim illi erit, perspicuitate certè Mathematicâ demonstrare, unicum pulsus cordis datum in corpore sano sibi continuando esse causam.

Longè minora numero, longè simpliciora sunt, quæ vitæ incolumitatem præstant, quàm noster fingit animus.

Leviores longè sunt rerum ingestarum in nobis mutationes, quàm vulgò creditur.

Minus compositæ, quàm ipsi putamus, vitæ humanæ causæ.

Si exacta structuræ esset cognitio, si sensibilis probè nota esset humorum natura, doceret citò Mechanice ex simplicissimis fluere principiis, quæ ignota maximam nunc pariunt admirationem.

Dicti veritatem tam paradoxo uno ab exemplo discere licebit, ut confiteretur quàm simplici negotio & Mechanico planè maximæ quæ habetur omnium operæ mutatio in nobis fiat.

Pars pellucida animalis vivi microscopio aucta claro docet spectaculo, cruorem solo cordis pulsu in extremas trudi arterias, ibi elastica arteriæ contractione retropelli aliquantulum quo momento ictus cordis cessans, ejusque valvulæ concidentibus, regressui spatium laxant.

Reciproco hoc impulsu & repercussu varias mole partes cruoris applicari ubique ad diversa capacitatis hiatus oscula, intra hæc recipi, vel inde repellere, tam clarè, quàm cælum hoc, contueri est.

Tum solo hoc artificio secedere sanguinem in diversa colore & tenui-

tate fluida, mox in venis iterum permiscenda eâdem claritate cernitur.

Id verò Chemicorum conflictuum perito evidens ipsi oculi aciei apparet, simplici impulsu aliunde dato, & vasis elatere, sine ullo fermenti signo omnia hæc fieri.

Defixus sæpenumerò in speculatione hac anceps mihi hæsit animus, an Spirantis cerneret animalis partem, an verò incilia meditatione summi Mathematici excogitata, manu peritissimi Mechanici affabrè facta, per quæ liquores duceret, fecerneret, misceretque absolutæ artis consummatione perfectus Aquilex.

Tandem verò si periculum capere juvat, an ex simplicibus & indubitatis sensuum experimentis demonstrari queant per Mechanicos illa, de quorum intellectu ante paucos annos nulla spes, Geometrico parta labore in usum exempli citare decet.

Perpendamus, quæ docet, dum Mechanicen Medicis applicat rebus, Borellus.

Evolvantur, quæ ex hujus Scholâ sapiens, eisdem usus principiis, & Malpighianis inventis fretus Oedipi instar extricat Bellinus.

Tum quæ illorum laudato excitatus labore, Orbi erudito Problemata proposuit, demonstravitque, nobile quondam hujus Lycæi ornamentum Pitcarnius.

Scheineri, Cartesii, Hugonii de oculo, Kircheri, Schelhammeri, & Morlandi, de aure & auditu, scrutemur demonstrata.

Constabit an profit Medico Mechanice!

Apparebit quid sperandum sit, si ejus à peritis Medicis invehitur in Medicinam usus, si in exercitatione hæc pergatur tamdiu, quamdiu patientia humana tam inepta sectarum molimina in disciplinâ Medicâ tulit.

Hæc autem vera esse, & usum habere in Medicis Mechanicen, quamdiu de Theoria agitur, consensus erit fortè facilis, tamen ne hilum bonæ frugis ipsi Artis exercitio afferre, pervolgatâ objicitur querelâ.

Quæ quidem speciosâ hæc distinctione prolata, quâ consistere queant simul, satis non video.

Neque enim aliam hos intelligere Theoriam credo, nisi eam, quæ ex proximis causis clarè docet, quæ sani hominis vita sit.

Quod si, ut oportet, admittitur, sequetur Scientiam hanc noscendis, curandisque morbis auxilia suppeditare optima.

Causas enim qui rectè novit perfectæ sanitatis, ille, quoties hæc deficiunt, egregiè ipsius defectûs, id est morbi, originem rationemque comprehendet.

Qui autem causam ægritudinis proximam clarissimè vidit, maximè is idoneus, qui ei occurrat, est habendus.

Eodem sc. modo se res habet ac in horologio, cujus si deviat index, errores imperitus notare, at corrigere ex arte nemo potest, nisi ille, qui requisitæ structuræ gnarus, vitia partium hinc & remedia invenit.

Ita nulla lucis scintilla in Theoria Medica micat, ad quam in faciunda Medicina facem accendere non possit re peritus artifex.

Adeoque qui Mechanics in Speculatione, ille ejus in usu præstantiam fatetur.

Docet hoc antiquitate nobilissima & usu ea artis pars, quæ ab eo quod manu medetur nomen gerit, quæ sc. an inventis Mechanicis carere queat vestra sit æstimatio.

Instrumenta, quibus vitia emendat, quis felicior, quàm Mechanicis imbutus Medicus inveniet?

Tenues, quæ volitare putantur ante oculum, imagines, dum Mathematicos imperiti ut orituræ in aqueo humore suffusionis primordia tractant, acerbis sæpe erodunt tenellum & pravâ arte oculum.

Harum verò sedem reticulo, causam arteriis Geometræ consilio dum reddit Willisus, dum demonstrat Pitcarnius, quàm mutata est medelæ facies!

Abactò externorum mordaci apparatu, missò sanguine, & solventi medicamine tutò tollitur, vel & negligitur malum.

Oculi error à radiis malè collectis quàm ineptè tentatur collyriis, vel potius medicari haustu!

Quàm feliciter levatur perspicillis, quæ cuique vitio singulari propria regulæ definiunt Hugenianæ!

Opto ut, qui omnem Mechanices usum ex praxi proscribunt Medicâ, intelligant prius vel unius Hugonii de emendandis visûs viriis Commentarios.

Illustre enim illud Batavorum lumen, assumptâ ex anatomicis oculi fabricâ, & unâ morbi, cui succurrere vult, proprietate, mox ex meris Mathematicis reperit auxilium, quod usum præstat huic tantum malo, cujus proprietas assumpta problema limitaverat.

Intacto oculo, morbi effectum tollit; & inemendabilem in eo defectum vitri figurati supplemento farcit.

En pulchra, in quibus, ut in speculo, spectatur Geometrarum in medicis Mechanicè ratiocinandi methodus, usus & successus.

Hâc viâ si pertractabunt omnia, ut reverâ sensim poterunt, habebitur tandem certior, neque obnoxia figmentis, neque omni mutabilis horâ, sed æterna scientia medica.

Non est porrò quòd dicat quis, nondum confirmari vitia fluidorum, adeoque internæ ægritudinis causam, hujusque mitigationem auxiliis subijci Mechanicis.

Vel enim an impossibilis fructus hic; vel an necdum acquisitus, quaeritur?

Si posterius, iniquos habemus & molestos Censores.

Quis æquo ferat animo peti, ut pauci Mechanici, qui Medicis à paucò tempore vacarunt rebus, ea jam perfecerint, quæ tribus annorum millibus junctis viribus alii omnes vix potuerunt inchoare?

Imò id omnino impossibile: quum enim Mechanices Medicis applicandæ lex exigat, ut structura solidorum, natura liquidorum, effectus horum sensibiles in fanitate & morbis, inserviant pro datis, quis tam absurdus, qui operosissimæ Artis fastigium in ejus rudimentis quærat?

Si autem judicat quis nunquam vel quidquam hâc viâ perfectum iri, is, rogo, perpendat, morbi à fluido orti causam pendere *ut plurimum* à vitiato ejus per vasa transfluxu.

Hoc Hippocratica, si componuntur Sanctorianis & quotidiani usûs experimentis, docent.

Fluxûs verò impedimentum internum vel languori virtutis impellentis, vel contractioni vasculorum convulsivæ, vel liquidis copiâ, motu, spissitate, aut tenuitate peccantibus adscribet *plerumque*, qui vitæ, sanitatis, morbi, mortis & cadaverum phænomena comparavit sedulus.

Quin adjumenta, quibus morborum miseriam lenimus ægris, eâ prodesse gratiâ *inprimis*, quâ dicta malorum capita auferunt, attenta nos docet contemplatio.

Aurea comparentur Sydenhami observata demonstratis de missione sanguinis, stimulis & Villo contractili Bellinianis, & postquàm Mechanicâ planè ope juvare vulgata remedia constat, spes concipietur sensim demonstrandi regulas subire posse & vires eorum & applicandi rationem.

Vix enim me contineo, quin, præmaturiùs fortè, pronunciem simpliciores esse, & magis Mechanicas morborum maximè compositorum causas, quàm ullus Medicorum cogitat.

Unius enim partis minima & simplicissima labes, unionis necessitate & contagio, totam saluberrimæ Machinæ vim subitò pervertit.

Tenuissimâ acu, eâque ex purissimo Chalybe, pungatur tendinis vel nervuli fibrilla in corpore sanissimo.

Heu quàm dira ex vili vulnuscule tantillæ particulæ malorum! heu quàm multiplex cohors!

Dolor, rubor, tumor, ardor, pulsatio, febris, sitis, delirium, Convulsio, & horrenda tristis tragœdiæ catastrophe mors.

Spina, levissime festuca membranoso infixâ loco eadem brevi parit.

Et miramur venenorum spicula, pestis lanceolas, vel salium acumina similia peragere!

Quin solo motu externo quàm miræ rerum mutationes in corpore sano!

In gyrum agatur, vel jactetur maris fluctibus scaphæ insidens insuetus: Quid fit? vertigo, pallor, nausea, vomitus, anxietas, mille morborum ærumnæ, mille fluidi vitalis & incredibiles mutationes à solo motu oriundæ.

Qui ergo humores integros manere novit, quamdiu vi canalium conquassati propelluntur, qui stagnantes hos in calido, humidoque loco morbosos reddi statim & trahere sincera scit, qui ex uno simplici que malo infinita alia statim sequi animadvertit, facillimè perspiciet expectanda ad hæc à mechanico medico promptissima tandem auxilia: ex causis enim impediti floris, regulis superandæ resistantiæ, restituendi motûs elastici, augendæ virtutis cordis, collatis cum morbi phænomenis, quid non invenietur tandem?

At enim vitam, morbos, sanitatem in nobis ex principiis fluere non Mechanicis mentis docet in corpora potestas.

Frustraneus ergo tot irritorum conaminum labor! Vana supervacaneæ Mechanicæ speculationis spes.

Talia aggerens utinam rideret securus, neque communem ignorantia calamitatem eâdem deploraret querelâ!

Quis enim miri hujus commercii vim invenire potuit in aliquo, quod corpus constituit vel mentem?

Sciat tamen, virtutem cogitationis, simulac in corpus influit, totum quod in eo producit, facere corporeum, adeoque legi Mechanicæ obediens.

Quid refert causam mutationis primam non esse Mechanicam, quum hâc insuper habitâ, effectum, qui corporeus, cognoscere, excutere, atque dirigere Mechanico detur Medico; quum hoc scopo sufficiat?

Crescit nimium, pauca dum tangit leviter, Oratio.

Unum, quod palmarium jactant, quibus alia quàm nobis mens est, ne declinando subdolè evitassè me suspicentur, diluendum judico.

Philosophos clamant & Mechanicos, ubi Medicæ arti exercendæ admoti fuere unquam, sinistro semper eventu repulso fuisse.

Disputatione non esse opus, quum artem horum Medicis nocere, re constet & experimento.

Quæ verissima esse, si hos arguunt, quos in scholis superbus philosophi titulus effert, docet historia, docent, quæ de rebus conscribere medicis, volumina.

Dum enim omnium prima rerum principia ex propriis creare cogitatis satagunt, dein verò ex iis, quæ ipsi figmenti subtilitate prius in illis posuerant, peculiarem corporis cujusque naturam declarare, errasse ubique docet ipsa, quam commendo, Mechanices ratio.

Applicari rebus nequit, quam ratiocinio fecerant, conclusio, nisi prius illa, quæ pro fonte argumenti liquido assumerant, rerum singularem, quæ natæ sunt, principiis esse eadem foret evictum.

Hæc verò, quum infinita, eaque semper diversa esse queant, patet casu veritatem nunquam sic detectum iri.

Quòd si considerassent sedulò, tam Scholastici dicti, quàm plurimi Mechanicorum Cartesii sequaces, non fuissent arbitrati id sibi datum negotii, ut ex fictorum principiorum præceptis corpus humanum regerent, sed ut ex his, quæ observatio prius docuerat hominem constituere, ipsa dein artis elementa applicatâ Mechanicâ conderent.

At si Mechanico, quem jam descripsi, Medico hanc dicunt contumeliam, exempla ignominiae citent exspecto.

Non equidem, qui nostri capit animi sensum, negabit ullus accuratissimum Mathematicum pessimum fortè futurum Medicum.

Quò enim talis pertinet Oratio?

Non in Mechanico Medicinæ, in Medico verò Mechanices peritiam desidero.

Usu peritum Medicum experimentis medicis defecto Mechanico in morbis curandis qui post habet, insaniet.

Sed æquâ instructum experienciâ hunc promovendæ arti meliorem, qui Mechanicis callet præ alio præceptis, id affirmo, id demonstrandum sumserat Oratio.

Ne verò, quod ubique contigisse doleo, sinistram, quæ dixi, interpretationem subeant, age describam compendio speciem illius, cujus imago animo obversatur meo, Medici.

Depingitur ille, ducendis studii medici primis lineamentis incumbens, tanquam affixus Geometricæ contemplationi figurarum, Corporum, Pon-

derum, Velocitatis, Fabricæ Machinarum, & , quæ inde oriuntur in alia corpora , Virium.

His dum mentem exercet , claro discit præcepto & exemplo , liquida ab obscuris , à falsis vera secernere , & ipsâ Judicandi tarditate animo conciliare prudentiam.

Ita postquàm nudas simplicium corporum actiones expendere , has ex veris , clarisque causis deducere novit , maturum habet ingenium , qui fluiditatis, Elateris , tenuitatis , ponderis , tenacitatisque in fluentibus proprietates ab Hydrostaticis cognoscat.

Jam animi vigore robustior fluidorum vires in machinas , harumque in illa rigore addiscat Mathematico , Experimentis confirmet Hydraulicis , & Mechanicis , Chemicis illustret , Ignis , Aquæ , Aëris , Salium , & aliorum maximè similium corporum ingenium speculatus & actiones.

Altera mox tabulæ facies , Sacris jam Medicis admotum exhibet.

Oculum ibi Geometriæ luce acutum ad incisa cadavera , ad Spirantium corpora brutorum aperta tacitus circumfert.

Jam vasorum structuram , figuras , firmitatem , ortum , fines , nexus , curvaturas , flexilitatem contemplatur & elaterem.

Excitatus spectaculi mirabilitate , mox conspecta ad eum , quo jam pollet cognito , Mechanismum applicans , abditas detegit harum partium virtutes.

Quàm variis , pulchris , utilibusque utentem cernimus auxiliis , quibus recentiorum industria pomœria extendit anatomes.

Aliorum certè durissimo parta labore inventa in suos usus dum accommodat , claram sibi sistit humanæ fabricæ imaginem.

Cui fluidorum vitalium nectit notitiam ; hanc Anatomicis , Chemicis , Hydrostaticis , ipsiusque microscopii adjumentis in vivo corpore , & extra illud examinat ; tum mox accuratissimam omnium sensibilibus , quæ in sanitate contingunt , historiam omni arte , undique comparatam evolvit.

En suis instructum datis , ut sanitatis Theoriam scribat !

Ex his singulatim perspectis , expensis , comparatisque inter se , auxilio Mechanics , severitate , ordine & prudentiâ Geometricâ , lento gradu festinans elicit , quæ in his comprehensa sensibus abduntur , rationi patent.

Sic proximæ cujusque effectûs causæ indagantur , harum natura ex indole collectorum , cognitorum & comparatorum phænomenon indagatâ perficitur , fimatur , & sensim ex horum aggregato consummatur tandem.

Quid speratis futurum , qui ad hanc normam sua exigit studia ?

Nonne immutabilis & coæva erit hæc scientia ipsi naturæ humanæ , ex cujus sc. elicitur indole , in qua fundatur tantum ?

Nonne certa erit , quæ innixa iis , quæ omnes pari agnoscunt evidentiâ , castigatissimâ cautè procedit fide ?

Nonne definita fatis & ipsis erit rebus utilis , quæ certis , claris , & sensibilibus corporis humani proprietatibus solùm debet causæ proximæ , quæque nostro subjicitur imperio , inquisitionem accuratissimam , idque viâ , quâ erratum nunquam ?

Lento crescet , fateor , & occulto adolescet augmento , quilibet tamen

vel minimus progressus gradus ad altiora firmus erit, & novi incrementi immutabilis causa.

Hoc autem labore defunctum, adspirantemque ad metam jam videte in ultimâ picturæ parte adumbratum.

In ipsa nunc adyta se penetrat, in ipsa Æsculapii penetralia!

En Tabulas Hippocraticas, fidaque Graiorum, quæ scrutatur, scripta!

Jam ex abundanti Medicorum Thesauro colligit quidquid sparsum haberet mellis medicati.

Hic incisa, quorum notaverat morbos, ruspatur cadavera; illic in brutis arte factas ægritudines observat; nunc omnia morborum effecta & remediorum ipse experimento colligens; nunc eadem ex optimis Auctoribus addiscens; tandem cuncta dirigens, expendensque inter se componit, & his, quæ Theoria demonstravit, comparat, unde historiam denique curationemque morborum firmet.

En Vobis ultimâ manu absolutam consummati Medici imaginem!

Hanc Mechanicis egere auxiliis ut perficiatur, satis, nî fallit me animus, evictum.

Huic consimilem me reddere, ad hanc me componere studui, ut medicinam feci.

Ad hanc polire eorum, qui meæ se committunt disciplinæ, ingenium summâ ope enixus sum, dum in Vestro hoc salutis Fano ex Auctoritate vestrâ, Musagetæ Illust., medicinam docui.

Eam, dum Dei munere spiro, ambitiosè colere non desinam.

Non credulitate stultâ, non stupore ignari vulgi, non verbosis strophis, sed clarâ demonstrationis fide Artem, cui nostra credimus capita, commendare affectabo.

Vos Optimi Juvenes, qui illi Scientiæ consecratis pectora, à quâ incolumitatem sperat salutis Humanum Genus, Vos Picturam Medicinæ contemplati primis miremini ab annis.

Ita Vos agitate rem vestram, ut lineamentis, coloribusque hujus imaginis formosi, salutare hominibus audiat genii!

Nulla est, quæ pulchriora laborum præmia Cultoribus persolvit, quàm Medica Sapientia.

Non alia est, quæ Mortalibus gratiores, magisve utiles vel necessarios reddere vos possit.

Excitemini ô generosæ mentes! Excitemini pulchritudine Artis, cujus effectû beatus his in terris nemo carere poterit!

Nunquam rei difficultas calidum vestri animi retundat impetum!

Ardua est, fateor, quæ ad Panacæ ducit delubra, via.

Sed complanavit hanc improbus aliorum labor, superarunt prærupta, perrupere fortes, Vos alacres sequamini!

Hos habetis in hac Academia ad Medicinam Duces, qui ditiores longè Vobis explicent thesauros, quàm Epidauriæ olim columnæ, Pergamenæ tabulæ, Cnidii parietes, vel folia largiebantur Coaca.

Habetis, qui secreta quæque Mathesios arcana incredibili perspicui sermonis facilitate revelet, rebusque applicare Medicis præmonstret, Volderum.

Optimorum

Optimorum sanè sententiâ natum ad hæc sacra, Nostroque encomio longè majorem Virum!

Cujus disciplinæ Liberali infinitum me debere gratâ memoriâ & publicè hîc agnosco, & dum huic constabit menti sanitas ingenuè semper Ego & candidè meminero.

Horum ergo dum lego vestigia, si quid vobis adjumenti præstare possè cenfeor, præsto sum qui ita me geram, ut ex vestro meum me comparare commodum opere ipso testari possim.

Vobiscum Veterum placita, Recentiorum & propria, si quæ sunt, observata undique indefesso labore colligere, ex his laudatæ Mechanices arte doctrinam Medicam condere non desinam, quamdiu in hac versanti statione, vires dederit Deus!

Agite ergo Commilitones Studiosi, totus quod commendavit sermo, felice hujus anni Academici auspicio inchoare & perficere certatim tentemus opus!

Vestrâ frequentîâ incitatus docentis vigor id aget, ut, qui naturæ facultate & eruditionis plurimis postponendum me sentio, sedulitate certè cedam nulli.

Laboris autem summum habebø pretium, si vestro applausu, Vobis meam profuisse diligentiam, Orbi constet, si vestri in hoc Athenæo studiî felicitas claritate famæ plures alliciat.

Hoc enim votum illud est, *Illustrissimi Curatores, Amplissimi Coss.*, cujus successu alacer, rerum Vestro auspicio, Vestra in Academia, gestarum rationem Vobis reddere audebo.

Unum hoc dignum habebø, quo Genium vestrum adorem, donarium.

Omni sic adulationis fucò deterfò, sincero certè animi candore referre me putabø, quas vestræ benignitati animus debet, gratias!

Docendi enim admotum muneri, duoque jam meritum stipendia, exploratum adèò, honorificis promissis, & novâ liberalitate nec opinantem excitastis denuò.

Ego, ex multis, quas in Vobis veneror, virtutibus, unam præ cæteris eximiam habendam esse à Sapientibus accepi, sinceram nempe vestri favoris integritatem.

Summam dico, & Reip. literariæ solam salutarem virtutem, quâ præmia meritis, non gratiæ servire jubetis, neque ambitioni.

Quare benefacti pretium vestra ex gravitate ponderans, vix mihi tempero, quin tanti testimonii gloriâ animosus, quo cepi pede, pergam alacrior!

Verbosæ ergo pompæ loco, quâ gratiarum actio suspecta redditur & Sapientibus odiosa, pauca ego hæc religiosus spondeo!

Vestram Dignitatem summo venerationis cultu & obsequiî semper colam sedulus!

Diligens sic mea se acuet industria, ut Vestrum favorem plurimi me facere & legitimis ultrà ambire artibus, demonstrarem.

Id studebo, ut bene ageado benefici, quod de me tulistis, judicii æquitatem Orbi ipse comprobem!



HERMANNI BOERHAAVE ORATIO TERTIA,

QUA

REPURGATÆ MEDICINÆ FACILIS
ASSERITUR SIMPLICITAS:

Habita XX. Mart. M. DCC. IX.

Quum Medicinæ & Botanices Professionem susciperet.



GENEROSISSIMIS ATQUE ILLUSTRISSIMIS VIRIS,
ACADEMIÆ LUGDUNO-BATAVÆ CURATORIBUS:

D. JACOBO, BARONI WASSENARIO, Dynastæ in Wassenaer, Oddam, Hensbroek, Wochmeer, Spierdijk, Zuipvvijk, Kernchem, Tvveckelo, Lage, &c. Illustris in Hollandia Nobilium Collegii Primo, Elephantini Ordinis in Dania Socio, Equitum Fœderatæ Belgicæ Magistro, Sylvæ Ducis, aliarumque istic Artium Gubernatori, ad Reges & Principes varios nuper extra Ordinem Legato, &c. &c. &c.

D. HUBERTO ROSENBOOM, Toparchæ in 'sGrevelfrecht, JCto, & Supremæ Batavorum Curiae Præsidi, &c. &c.

D. HERMANNO VANDEN HONART, JCto, Urbis Dordracenæ Senatori & sæpius Consuli, Comiti Aggerum in Alblaffervveerde, Designato jam tertium, qui Delegatorum Hollandiæ Ordinum Collegio adsideat. &c. &c.

EORUM QUÆ COLLEGIS,

Nobilissimis & amplissimis Viris,

D. ABRAHAMO VAN ALPHEN, JCto, Consulum Præsidi, & jam Quartum,

D. CONRADO RUYSCH, JCto, Octavum,

D. FRANCISCO VAN KERKHEM, JCto, Tertium,

D. JUSTO VAN HEEMSKERK, Jcto, Secundum

Consulibus Florentissimæ hujus Urbis, variis insuper extra eam Honoribus, ac Rep. domi forisque præclare gesta, Illustribus.

E T,

Qui Splendidissimi Hujus Collegii Acta curat,

Gravissimo, Prudentissimoque Viro,

D. JOHANNI VANDEN BERGH, Jcto, Civitatis Lugdunensis Senatori & ter Consuli, jamdudum à Potentissimis Fœderatæ Belgicæ Ordinibus Bruxellas ad res Brabantiaë Flandriaëque ordinandas atque constituendas præcipua cum auctoritate Legato, &c.

Hanc Orationem

L. M. Q. D.

*Gloria ac Virtuti Eorum
Devotissimus*

HERM. BOERHAAVE.



A Veritatem fulgere pulchritudine, ut nudatæ speciem haud ferrent mortales, constans Sapientum fere est sententia.

Hanc ergo, si minus personata spectaretur, simplicissimam fore qui dixerit, næ ille hujus elegantiaë detractum velle censebitur!

Ita tamen ut sentiam speciosis equidem inducor argumentis.

Si enim, quænam demum illa sit, quæ tam admirabilis celebratur, Veritas, liquido quis viderit; hac ipsa simplicius nihil, nihil minus admirabile, quidquam reperiet.

Illa quippe, in clara contemplatione idearum fundata duntaxat, haud aliud negotii suis dat Cultoribus, quam ut juxta perspectas has imagines de convenientia ipsarum, vel diversitate, serio secum cogitent.

Quod ipsum pura perfici intellectus attentione ad ea, quæ in semet conuerteretur ipso, undecunque demum nata gerat, cogitata, quis inficiabitur?

Hæc vero, ubi ab omni alieno casta contagio, offeruntur menti, vah quam sunt simplicia!

Quin & ipsa illa attentio his affixa solis, inter omnes est mentis actiones simplicissima.

Adeoque decantata illa ut omnis admirabilitatis parens, ubi possidetur vera, quam est tandem simplex, Veritas!

Cernit vera , qui aliena rejicit.

Personam , fucum , vestes quisquis abstulit , facilis , quod latet veri sub his , deteget.

Vos ego compello , castissimi intemeratæ veritatis Cultores , Mathematici.

Intricatissimi cujusque problematis quamdiu , quaeso , percellit admirabile ?

Tamdiu fane , donec nodus resolutus sit : tunc enim cum detecta veritate emergit mox simplicitas , evanescitque omne admirabile.

Hujus quoque respectu scientiæ unam modo laudatis , dum quæstioni solutio præstatur multiplex ; illi nempe palmam decernentes soli , quæ summa se præ cæteris simplicitate commendaverit.

Vos quoque , Geometrarum pars optima , Mechanici , qui unum simplicissimum probatis instrumentum , quoties multa eidem operi efficiundo apta habetis , Vos suffragantes annumero sententiæ.

Vera tandem quisquis detexit penitissime , censendus erit ideo præstitisse aliis , quia nudas res ad intaminatam simplicitatem commode redegit , atque scienter.

Quod ipsum in quocunque demum Sipientiæ humanæ genere verissimum haberi , seculorum index , memorat historia.

Æsopum , Socratem , Democritum , Hippocratem , Verulamium , Cartesium , veri ubique , cui indagando se dederunt , revelati gloria eximios vel ipsa clamat invidia.

Tantæ vero claritatis quænam in propatulo habetur causa ?

Vitam lustranti , Horumque monumenta , princeps excellentiæ instrumentum dicta apparebit nuditas.

Veri ergo character ubique est simplicitas , illi indagando fidissima hæc index est.

Quæ dum ipse mecum reputavi sæpius , in ea illam arte colendam simul credidi , à cujus fide pendet tuta salus hominum.

Illa autem quin sit Medicina , ecquis nostrum ambigit ?

Quam ipsam , ubi integra puritate colitur , simplicem esse atque facilem paucis persuadebo.

Lege enim consuetudinis de re dicturo medica dignior haud adfuit , quam mea Vobis oratio poliret , materies.

Maxime , quum dedita id multi agant opera , quo infinitum adeo laborem Artis jactitent , ut desperatione debilitatis , spe infracta , langueat industria , nihil superesse rata , quo arduum accessum mollire queant seduli. Nec alienum simul à ratione novi hujus muneris visum fuit , cujus magna pars simplicium explicatione constat.

Dum simplex mihi dictio liberi animi sensa breviter explicat , auribus favete : Et , an propositum bona firmam specie , noto candore ferte sincerum rigidi judicium.

Ea solum ad Medicinam pertinere , quæ , vitam tuendo atque sanitatem , ab injuria morborum tutos præstant homines , planum haberi arbitror.

Quorum quidem vim & materiem esse infinitam , tralatitiæ fere opinionis fide traditur.

Quare inter omnes, quæ cluent, Artes, Medicinalem ut copia diffusissimam, ita hinc difficillimam esse, pervulgatus sermo est.

Verum, qui dubia à certis, à veris falsa prudens separaverit, sinceræ Artis pauca habet dogmata.

In hac enim condenda assumendum nihil, cujus perito est suspecta fides, jubet erroris præmetuens prudentia, & quæ ad nostra capita pertinet, funesta fallaciæ perniciēs.

Quæ sanè nunquam felicius vitabitur, quam explodendo quidquidsecus proprium.

Nec apparebit veritas facilior, quam si sincerum id modo admittitur, quod Idonei omnes communi semper approbant suffragio.

Ad hanc si castigatur Medicina legem, quæ aliena turgebat mole, ad suum reversa habitum, in parvam statim residet magnitudinem.

Id ut confirmem, in rem erit capita lustrare, quorum, compilando, cæteri sunt simiæ.

Quisquis hoc animo monumenta excussit medica, divo is Hippocrati accepta feret pleraque.

Sed, si illius volumina emaculata fuerint, pauca dabunt certa, & illa simplicissima.

Ignem & aquam; Elementa, horumque potestates; Naturam, ejus amores, odia, attractiones, repulsas, & ratiocinia; calorem naturalem; cœlestes causas; vitia in Anatomicis admissa, expungite! tum id, quod ab his pendet, atque mirifice auget scripta Hippocratica, evellatur funditus! quid superat? Corpusculum observationum nec à sensibus, nec ab intelligentiâ valde remotarum.

Mellifluo suavis ore Plato, tantique Viri numerosa secta, quot scriptis medicas ornavit Bibliothecas?

Sed triangulos, numeros, ideas, elementa, humores, genios, appetitus, harmonias, parabolas, & horum omnium sacra mysteria repudiate, simulque eorumdem tot falsa consecraria, Vos oro, quæ sunt reliqua?

Pauca, quæ prior dixerat Hippocrates.

At, si in Illum animos convertitis, qui non minori ambitu principatum spirat in scientiis, quam Ferox ejus Discipulus imperium in orbem; en Auctorem, à cujus ore omnis ferme à Platone usque in Paracelsum suspena hæsit Medicina!

Neque tamen boni quid, vel ullius in Arte frugis, habet schola Aristotelica, quin ex Coacis raptum monumentis purum sit, & putum Hippocraticum.

Adeo autem obscura, vel falsa & generalia sunt reliqua, ut nihil momenti Medicæ adferant scientiæ.

Tu tandem; Claudî Galene, Anatomica exceperis, quidnam bene utilis tam vastis consecrasti tabulis?

Pura quidem in hisce Coaca nitent; verum; iis excerptis, reliqua sine splendore sordet, caditque nervis moles vidua.

Concludo itaque: sed præcipitem dictionis impetum interpellat venerabilis Arabum chorus! quam copiosa splendet his librorum suppellex! quam dives est, qui his reconditur Medicinæ thesaurus!

Tantus fane, ut ad mutandam me sententiam permovisset, nisi docuisset usus, Aristotelem & Galenum Solos in scriptis Arabum sed lingua tantum loqui variata.

Quæ omnia si, ut Eruditis exploratum est, vera sunt, quid sequitur?

Aliud profecto, quam temere quis sperasset, paradoxon: ab orbe nempe condito usque in ætatem Chemicorum universa, quæ conscripta sunt Medicinæ necessaria, exiguis arctari posse pellibus, & esse simplicissima.

Longe adeo maxima sapientiæ Medicæ ex Priscis addiscendæ difficultas est illa, ut noscat, quos evitet, descriptores Priorum, paucosque, quæ se applicet Tiro, Auctores rerum.

Adeone ergo excitandus, qui Veteribus scrutandis totum se dedat Artis studiosus Medicæ?

Peribit certe, hujus consilii effectu, irreparabilis bene agendi occasio!

Hos evolvat solos, quos rimatus tuto caret reliquis.

Nisi forte profecturus is credatur multum, qui rectam ut viam absolvat, in orbem decurrit gnaviter.

Inscitia, imprudentia, precaria falsorum principiorum hypothesis, à labore in assensum declivis desidia, hominum, non seculorum, vitia sunt.

Fuere priscis, sunt damnosa hæc præsentibus.

Studio ducitur, nec ponderat scientiâ, qui pulcherrima quæque Recentiorum incepta elevans Antiquos instar Deorum solos veneratur.

Et est mordacis utique invidiæ favere plus vetustis, quam bonis præsentibus.

Verum in alia longe ire solent plurimi, qui de labore Veterum satis abjecte cogitare proni, suæ ætati largi tribuunt, quam Antiquis ademtam læti ferunt, gloriam.

Hinc de promotis Medicinæ hac tempestate pomæriis jactantia.

Inde tot Satyræ in Veterum inscitiam.

Sed rationis quum sit subtiliter à radice limare omnia, laboris in his librandis exantlati fructum libere, & sine odio, nunc proferam.

Qui dogma sequuti summi Mathematici, quo elapsum modò decoratur seculum, promovendæ Medicinæ incubuerunt, magni erroris flagitio corruerunt artem.

Enimvero finxere ingenio, ex quarum virtute deinde explicarent eventus Medicos, causas.

Quum interim nostræ scientiæ conditio id exigat, ut ex observatis corporum phænomenis in ignotæ causæ indolem detegendam assurgens intellectus, ex illa sic prius inventa deinceps demum derivaret cætera.

Igitur ex fictis dum deduxit pleraque, adeoque solis confisa generalibus, immani inde saltu ad singularia transiliit Cartesiana schola, hinc ille ejus labos ita est Medico inutilis, ut tantum onus tuto Ars Medica excutiat.

Quantæ vero molis sic liberetur pondere, Vos quæso, spectaveritis!

Quodcunque enim novi post Harvæi tempora, exceptis Anatomicis, & paucis ex Mechanica, in Medicinam introductum est, omne id Cartesii Discipulis, vel Chemicis debetur.

Quid autem dixerim de emolumento, quo postremi hi rem locupletare vere Medicam?

Vera loquenti jurgia speranda sunt, silere verat instituti ratio.

Sua si exempla æquo ferunt animo, absque invidia verum quod est dixerō.

Nempe applicando corpora corporibus, natos hinc effectus dum observant seduli, proprias quibusdam vires, harumque actiones, qua licet hujus Artis facultati, detexerunt optime.

Quæ illorum opera quin necessaria sit & Physico & Medico, odiosus sit, qui dubitet.

Verum ubi leges dare hinc conati, quibus cuncta obedirent corpora, turpissime mox lapsi sunt.

Ut enim dediti experimentis laudandi erant, ita dum ex angustiis singularium in immensa generalium spatia statim præpetes provolant, errori sunt obnoxii.

Ergo dum rebus hi admoti Medicis, plus detrimenti, quam adjumenti, captum est.

Mox elementorum sine sensu strepitus! fermentorum commenta tam inania! fictæ ferventium actiones corporum! Sales adversi solæ operantis naturæ Machinæ! promissa nihil mortale jam spirantia! cuncta Chemiæ producta salutifera! Actiones Medici his submissæ fabulis!

En, inquam, infiniti erroris fœta capita!

Hæc ex Paracelso, Helmontio, Tachenio, hæc ex vetustis Chemicorum scriptis caute si sustuleris, si quæ in his apta rei Medicæ accurate elegeris, an, rogo, multa supersunt?

Pauca mehercle, & simplicia, quæ labore impigro, cauta prudentia, candida fide, & sermone plano, arte bonus Boylæus omnibus explicuit.

En nostris detectam sensibus faciem, qua nota jam nobis Medicina cernitur.

Habetne, obsecro, tantum illa corporis, ut hujus nos moles terrefaciat?

Suppetitne illi, dum sincera colitur, tam vasta nunc materies?

Nequaquam.

Propria Arti nos cernimus paucissima, horumque clarescit in paucitate simplicitas.

Quidquid extra hæc speciem auxisse visum est, id ipsum non magis medicam, quam aliam, quæcunque fuerit, tangit scientiam.

Sed vero tenui hæcenus scientiæ sua constet, demus, simplicitas; at consummatæ forte olim fera timenda difficultas est.

Longè aliter ut sentiam, nisi me vera fugerit, recta cogit ratio.

Est enim una tantum cuique rei propria, & sua, indoles.

Hanc qui pulchre tenuit, de ea re aliud cogitabit nunquam.

Sed qui de incognitis multa præceptis disputat, eo plura aggeret, quominus vera protulit.

Ut, qui rectam, qua ad metam iter, viam decurrit, parvo labore votis solus fruitur; dum qui ab hac, quæ una semper est, deflectunt, innumerabiles dolos, semperque novos, supervacanea pererrant diligentia.

40 ORATIO III. DE REPURGATÆ MEDICINÆ

Sapientiæ ita in Medicis perfectio, quo veritatem felicius, eo pulchrius simplicitatem, conciliabit sibi.

Quum enim olim supina oscitantia, & procax pro arbitrio fingendi licentia, fabricam nostræ compagis non viderat, sed finxerat; quæ tum in corpore humano, quamque formidolosa discentibus, nos terruit varietas!

Verum ubi incensa sedulo industria disjunctam prius à sensibus structuram oculis exposuit, miratur, subnixa fidis magis indicibus, Medicina, hæc erepta sibi, quæ, ut sua, foverat.

Formas nimirum solidorum abditas; Cryptas Archæi; singularium fermentorum myriadas; infinita variatis cribra meatibus; efficacissima innarrabilium facultatum agmina.

O arduam, quæ his modò cognitis acquirenda ferebatur, Medicinam!

Vix præluxit facem clarus ille Harvæanus phosphorus, vix affulsit nobis Malpighianum sidus, quin conspectu abditæ prius machinæ omnes luxuriantis ingenii nebulæ discussæ sint.

Sed simul, nimiam stupens in luce simplicitatem, vix suæ confisa fuit aciei luminum Candidi Viri prudentia.

Quid ergo? Mens prudens aliud scrutandum rata plus mirificum, geminatæ indaginis solertiâ, planiores, quam prius, naturæ vias repperit.

Ut palam exclamet, postquam recondita corporis penetralia explicitissima habuerat, quo magis gnaram, eo sibi plus imminui, scientiam!

Quis liquidior petat, quam quæ microscopii effectû splendet, visceribus perlustrandis lucem?

Illa vero in minimis detegit eadem, quæ in majoribus vasis oculus adverterat: indoles, figura, simplicitas, postremò ipsa actio, ubique certe eadem; adeo ut curatissima perspectio tollat quidquid olim creditum discriminis.

Tandem pulchrum illud, oblectans, miroque jam excultum successu artificium, quo grandescunt minima, obscura clarent, extricantur abditæ, & confusa ordinantur, an alio fructu colitur?

De injectu loquor colorati liquidi in Mæandros corporis, qui exhausti disparebant.

Sane & hujus Artis eventus eos arguit, qui tam varia, atque humanum fere captum superantia de absconditis corporis humani partibus somniabant.

Omni scilicet, quod indagando juvat, artificio liquet, minima & recondita, maximis & apertis esse quam simillima.

Quum igitur de difficultate postremorum conquestus nemo fuerit, eritne de prioribus justæ querelæ locus?

Non est: sed apparebit nostræ machinæ eo simplicior, quo notior, conditio.

Ne autem acrior cura urat animum humoribus perscrutandis intentum, pauca ut porrò extricem, inceptus jubet labor.

Quum enim innumeros horum effectus observent Artis periti, inde multiplicem eorundem indolem concludunt; sed injuria.

Singulos nimirum eventus suis hæere causis ut vere asseritur, ita has

à sola pendere varietate humorum assumitur falsissime.

Ejusdem quia liquoris eadem actio, si diversis applicatur corporis canalibus, effectus mire variat.

Quorum proinde ortus non infert liquidi agentis diversum ingenium.

Quod si vero ipsa liquida spectaveris, novo argumento constat, fingi in his majorem, quam deprehendi, multiplicitem.

Aqua, sal volatilis, oleum, & terra ex liquoribus humanis Arte separari solent.

Quæ pauca, & facile reducenda ad corpora simplicissima, ne vel sic tamen in vivo scatent homine.

Namque in eo sola materies adest, quæ labore Chemico ita est mutabilis, ut inde demum natas partes exhibeat.

Quare humor naturalis simplicior, quam est, non ipsa multiplex, Artis hæc progenies.

Rem ponit ob oculos, quam assero, Dioptrice.

Microscopio enim si vitalia cernit oculus liquida, hui quantam in iis spectat simplicitatem!

Salsa ibi aqua rubros vehit globulos, qui pro variato adunatorum concursu suos colores mutant, solitarii tandem decurrunt postquam in angustias vasorum appulerunt, atque inde, per diversos colorum à rubro in pellucidum gradus, disparent.

His tandem solis permutata modis aguntur liquida in meatus vicinos molis capaces suæ, ubi rursus eisdem acta causis, licet sint simplicia, effectus edunt plurimos.

Quæ ut ipsa acies detegit clarissime, ita simplex alimenti, quod recreandis nostris sufficit humoribus, conditio nunquid idem comprobatur?

Ex aqua & fœno, aut molliori gramine, nostris simillima generat bos liquida.

Cujus lacte solo homo sustentatus, inde transmutando sua fluida conficit: quæ eadem ex aqua & pane sobrius regenerat.

Crescit igitur simplicitas pro rato, quo accuratius cognoscitur fluidorum indoles.

Disparuere inde tot inania, de mira causa caloris vitalis; de abdita humoris radicalis natura; de variato fermentorum munere; de tot intestinis fluidorum motibus; de productis Chemicis in sanguine præsentibus; de salibus cruoris acerrime oppositis; de conflictu horum explodente scintillas lucentis vitæ; de balsamo quo vigeret vita; de sulphure ut causa purpurascens sanguinis; de Sale condiente, ne putrescant, liquida!

Disparuere tot operosa nugantis certe cerebri commenta!

Ficta quidem omnia! commendata tamen, quasi horum fide vel staret, vel caderet, Medicina tota!

Horum expurgata fæce, erutaque, quæ inde radices ceperat, opinionum numerosa sylva; quantula erit, quæ fide stat scientiæ, in liquidis simplicitas?

Esto autem, asserta sit hæc sanis! An non aliud est, quod ea rerum copia Medicinam urget, ut nata hinc molestia omnes disciplinas superet? Morborum scilicet nondum ad numerum revocata cohors. Illi tot, illi tam

varia, illi tam personata nobis facie illudunt, ut vel recensendis longa ætas impar sit; illi ergo soli opus immensum creant.

Quæ ita cenferi compertum diu habeo; sed eos hæc maxime jaçtare, qui in Artis opere versantur omnium minime, adeoque sermone clari, factis perquam obscuri sunt, & hoc novi quam rectissime.

Hos tamen ego omnes rogatos velim, an non simplicissimæ partis labes simplicissima, suæ actionis defectu, morbum creet proprium?

Hic autem ipso nexus vinculo vicina inficere quin possit simili contagio, nullus est qui dubitat.

Sed eo solo actiones impedit earum, quas obsedit, partium.

Quod impedimentum quum morbus novus audiat, ex una ægritudine effectus orti plurimi, varia se specie, ut distincti, offerunt.

Illos dum incautus contemplatur Medicus, ipse deceptus mox imponit aliis, quasi essent diversæ, quos in censum redigit, naturæ.

Quum interim severiori pateat examine, una omnes stirpe cretos, hac eradicata, extirpari ilico.

O quam amœnus exspatiando campus oculis se porrigit!

Sed evagari vestra vetat lenitas, qua frui dum datur, abuti certe nefas est.

Unum dicturo veniam justus impetrabit impetus.

Si liquor fluit ex amplitudine canalis in ejus angustias, quodlibet fistulæ internæ punctum excipit vim ejus portionis fluidæ, quæ recta ab origine motus via in id ruit.

Quando igitur acutum corpusculum in aliquo cavi hujus incilis puncto ita se fixit, ut ejus apex firmus ibi hæreat; tum illa pars, quæ supra glabritiem cavam eminet, sustinebit impetum omnis fluenti, cujus directum iter objectu sui corporis intercipit.

Ergo agetur eo majori momento, quo assurgens ejus moles grandior est eo puncto, in quod rectâ propulsi fluidi pars æqualis impingere solebat.

Omnis autem hæc vis arietat in illud unum punctum ejus ductus, cui infixæ hæret acris illa particula.

Unde vas ibi divelli, solvique, iterque vitali ibidem humori intercipi, debet.

Simulac vero id mali accidit, liquidior pars intercepti liquoris per factam rimam effluet, dum crassior stagnat, coit, & compingitur.

Sed fluxus his impeditus per alia vasa libera impetum accelerat, auctoque attrita, febris fit, & æstus longe major.

Quo ipso stagnans calefcit, & ex blanda indole in acre fugax vertitur, hincque duplicato malo destruit tenerrima, quibus conflamur, stamina.

Quod si accidit parti, cujus integritas est vitæ necessaria, nonne lethale damnum est?

Atqui in hoc transitu ab sanitate in mortem, labefactari necesse est medias omnes actiones, quæ à vitæ salubritate pendebant.

Quæ dum sunt quam plurimæ, morbus una natus, eaque simplicissima, causa in corpore sanissimo, mille diversis speciebus gravis fit.

Hinc aliud cadit damnosi erroris caput; quo humores morbofi, in sine ægrimonix reperti, pro materie, & prægressa mali jam devicti causa, habentur.

Qui diversi admodum allegari solent , ut multiplex mali principis probetur differentia.

Sed aliter ut sentiamus res , ut videtur , exigit.

Sincera enim liquida per morbi efficaciam momento quolibet variant.

Quæ ergo mutatio non causa hujus , sed effectus , mali est.

Adeoque ille , qui omnes has diversitates primo notas petit , ut in nationem primarii morbi eat curatio , inanem ludit operam ; radice intacta fructum vellit , & , sine profectu , artem sibi jam gravem mole majore aggravat.

At vero , adjumento hujus regulæ quam immani levatur , quo gemuit pressus , onere Artifex !

Diffusa nempe & confusa crisis doctrina , quæ ut ex dictis habetur nota , ita sine his nequidquam intelligitur.

Id enim , quod finis morbi , ut excrementum , per crisin abjicit , in principio mali erat naturale corpori , sed vi ægritudinis corruptum jam degenerat.

Si itaque in initio extinctus esset morbus , critica materies vitæ amica perennasset.

Nam qui vim pestiferam , simulac recepta venis , arte correxerit , omnem jam crisin antecepit Medicus.

Hujus tamen maturatio , periodus , directio , Artis Medicinalis conficiunt dimidium.

Tanto autem paradoxo ab exemplo vulgari clara constabit fides , si veneni virus in corpora salubria advertimus. Hauferit argentum vivum , cui à rodendo nomen , homo robustissimus. Quid fit ? omnium pervertitur actionum ordo , candescit æger æstu , putrescunt humores , atque corrupti colluvies per omnia corporis emissaria , qua data porta , ruit. Attamen omnis hic impetus post tot excreta silens indicat ejus , quod asserui , veritatem liquidam. Non enim crisin hanc otiosus præstolatur Medicus ; sed Toxici assumti virus ilico domans , omnem liquorum corruptelam antevertit : adeoque eo pulchrius officium fecit , quo pauciora præstitit.

Gradus igitur perfectionis fastigio proximus apicem simplicitatis simul in arte detegit.

Quod clarius iterum redditur contemplanti cum Hippocrate Chronicorum indolem.

Qui sponte oriuntur sensim , quando assumpta non mutantur in formas sanis similes.

Id autem languor viscerum , vel penuria vitalis humoris admiscendi , efficit.

Inde enim spontaneam sibi naturam retinentes cibi nobis alieni sunt.

Hujus vero pertinaciæ eventus observati facile plurimorum Chronicorum ingenium docent , quum alii ab acutis male curatis pendeant.

Perorasssem , nisi unum adhuc restaret quod objicitur.

Remediorum scientia Artificem consummat sola ; ea verò & infinita numero , & uni tamen singula suo morbo propria sunt.

Nihil ergo agendum , nihil ne tentandum quidem in arte erit nisi illi ,

44 ORATIO III. DE REPURGATÆ MEDICINÆ

qui propriam morbi speciem propria medela tollit.

Quæ, si quid evincit, eo valet oratio, ut omne Medicum explodatur studium.

Nemo scilicet, insanus nisi fuerit, ad cultum scientiæ adspirabit, cujus bonos usus novit impossibiles.

An vero sic se gesserunt in Artis exercitio, Viri qui laudantur, Hippocrates & Sydenhamus?

Imperum moderantur, excitant torporem, aut vires victu sustinent, curaturi acutos.

At quibus hæc instrumentis perficiunt?

Iis, quæ copiam minuunt, acria molliunt, diluunt spissa, tenuata cogunt, stringunt laxa, laxant adstricta, imperum in innoxia derivant loca, vel sopiunt; quoties sedandum: Sed his, quæ tenuando stimulant fibras, si languenti opitulandum naturæ erit.

Aqua, Acetum, Vinum, Hordeum, Nitrum, Mel, Rheum, Opium, Ignis & Culter phlebotomus, scopo huic sufficiunt.

Candore solito exclamat Sydenhamus: agendi gnaro raram remedii penuriam.

Ille tamen idem conqueritur, adeo se fastidiosam offendere varietatem in morbis, dum hos scrutatur cura sollicita, ut durati cordis constantia, & ætas protractior impar sit ferendis laboribus, quos exigit methodus curandi cuique morbo propria.

Ita est. Sed, qui tristi hac nota fata Medica Junior descripserat, senex jam factus in meta vitæ nobis faustiora cecinit.

Morbos nempe, quos varia singulos via tractandos olim scripserat, universos communi sanari posse methodo, qua misso cruori subeuns purgatio opio sedetur, dum victus cætera absolvit.

En scientiam & morbi & auxilii, qua freti Artis Principes!

Ab his dum diversa, an meliora attulerunt alii?

Imo despectis laudata profuere minus: est enim auxilii bonitas simplicitate censenda, quum periculosa ex ubertate Medicina sit.

Quid ergo opus tam vasta pomposæ ostentationis materie Medica?

In hac colligenda quot sudarunt secula? In hac digerenda quot lassati Medici? In hac præparanda quot exhausta capita?

At Cassiano illi, cui bono? nemo respondet.

Laboriosæ Pharmaciæ & operosæ Chemiæ vix melior simplicitate fructus est.

Nam contra chronica quæ usus Artis comprobat, an multa sunt?

Medicati fontes, Salium potestas, artificiosa Sudoris expulsio, Saponis, Argenti vivi, Chalybis, virtus, & paucorum vegetantium, bonaque cum his exercitatio corporis omne punctum ferunt.

Quo ergo tot Medicamina ex fossilibus, plantis, & animalibus, vel arte parata, vel natura?

Ut artium dignissima emunctæ naris Viris evadat jocularia:

Facile enim videt, cui sensus abundat communis, quis tam inconditiæ abundantiae usus sit?

Ne incerto rerum Medico desit, quo inanitatem tegat ignorantiae,

ut præsto sit, tentatis falso plurimis, cujus nondum explorata ægro vanitate, deceptum lactet animum.

Quod æquum fieri censeo ne desperet ægrotus; sed miror pariter ipsos Medicos ita se habere, ac si aliud quid, & pulchrius, his agatur omnibus.

Vos enim qui Veteribus perspectas Medicamentorum vires jactatis, si ignoratis ipsi, cur fingitis?

Si noveritis, cur filetis?

Quæ nimirum Hippocrates, Theophrastus, Plinius, & Dioscorides, laudant, nescimus, & semper ignorabimus, exceptis forte paucissimis.

Vires descripsit, sed picturam plantæ sua tempestate satis notæ neglexit, antiquitas.

Recentiores autem in facie pingenda accurati, atque in ordinandis solertissimi, de potestate Herbarum vix tradidere quidpiam, nisi quod dubio nomini adscriptum ambiguo eventu descripserunt ex Veteribus.

Si qui vero sint, qui arcana se habere jactitant, quæ in præmium privati laboris celent, successum saltem horum orbi vere approbent.

Lateat arcanum, pateat virtus; explorata dignitas movebit hos, qui remunerari proni sunt & validi.

Sed semper periit revelatis bonitas; non quod violata sit Religio, sed quia in medio data est occasio, qua constet de inertia remedii jam cogniti.

Postremo si expenderis laboriosissimæ præparationis tædia, quid tanto dignum reperis molimine?

Herculeo labori exantlato pretium nihil!

Hydrargyrium, Opium, Peruvianus Cortex, ignis & aqua, sunt, ut norunt Optimi, in ipso opere certissima auxilia.

Quæ tamen, ut cruda ab alma Natura porriguntur, plus boni efficiunt, quam si negotiosa in otio arte permutata fuerint.

Nil desperandum simplicitate duce, sed fallit spem laboris involuti successus!

Luculento id docet Pitcarnius argumento, dum vires Hydrargyrii, in morbis tam mirabiles, simpliciter explicuit.

Has enim, qui observaverant, tam singulares viderant; ut maxime insolita à causa pendere, omnes asseruerint.

Ille nihil horum, sed minutatim divisæ hujus materiæ pondus, omnibus obvium, considerans, inde agendi potestatem extricat.

Quam splendido id firmat exemplo Hombergius!

Ille vires & Medicatas & pestiferas ita docili solertiæ patere nuper docuit, ut actionis simplicitas, quod incredibile, ne Geometricum quidem calculum effugiat.

At quo id argumento conficit? Quo docet, acidorum vim respondere ponderi, quod aquæ diluenti inesse deprehenditur.

Quo fessum me rapis Chemicorum præstantissime? Ab una hac regula emanat lux viam pandens, quæ calcata in penitissima nos adyta Naturæ ducit.

Tibi hoc damus, capiundis in Chemia experimentis aptissimum, in ratiocinio hinc nectendo, cautissimum, Te haberi unum.

Grata posteritas omnis ævi tempore id decoris rependet Ludovico XIV, neminem extitisse, quotquot fuere, Principum, cujus curæ, & liberalitati, tantum debeat ingeniorum cultura & scientiæ naturalis.

Namque ab sapienti & liberali instituto Academiæ Regiæ spes est rebus Medicis affulsuram brevi almam in simplicitate veritatem!

Sed, quod tempus monet, finio sermonem: non quod dicendo materies exhausta sit, sed quia proposito fidem paratam suspicor.

Quod ergo hoc in actu unum tandem superest, *Illustrissimi Academia Batava Curatores*, atque *Civitatis Lugdunensis Amplissimi Consules*, pro Vestris in me benefactis gratias Vobis ago!

Me namque, obscurum hominem, in Clarissimam Academiam producere, & explicandæ Medicinæ admovere, tunc Vobis placuit, quum Vestro tantum suffragio electus, nec ullo spectatus applausu, in theatrum adscendi.

Tenues dein conatus meos probatos lenitati Vestræ, stipendio & promissis auctis testari non fuistis dedignati.

Hodie summum, quod habetur, pretium persolvere liberalitati Vestræ visum fuit, unde perpetuo debiri vinculo obstrictus Vobis vivam.

Ab ambitu vacuus hoc munus, benigne datum, suscipere audeo, quod Vestra prudentia explorando ponderans me non ineptum censuit.

Dabo operam, ut favoris hujus nunquam Vos pœniteat; &, quam agere me jussistis, personam pro dignitate conabor tueri.

Si verò in gerendo hoc officio pretii quid assequar, Vestræ id erga me benevolentia vivum habebo semper monumentum.

Reverentia, obsequio, gratitudine, industria Vos venerabor. Ultra non valeo, ultra nil exigitis.

Professores Clarissimi, Vestro adscriptum ordini ne fastidiose me admittatis, oro!

Ego omni venerationis & amicitia officio demereri Vos studebo; hoc enim communis Vobis dignitas me jubet, hoc me pietas, quam discipulus quibusdam Vestrum debeo, semper monebit.

Sunt viginti & quatuor anni, Eruditissime Gronovi, quum rudi stylo expoliendo Tua mihi disciplina profuit, utque vel hac hora causam Romana lingua tueri ausim, primo aptavit.

Quo eodem tempore Te, Acutissime Senguerdi, integro colui triennio Philosophorum placita clarissime docentem simul & amicissime.

Atque, ô utinam Celeberrime Voldere! sapientissime, morumque & virtutis sanctitate integerrime Vir, serenam Tuam, meoque adeo charam pectori, frontem, latus hinc jam conspicerem!

Utinam non cogerer ad vacuam Tuam sedem acerbissima prosopœia orationem vertere!

Ante octodecim enim annos ex liberalitate tuâ Mathematica didici, quorum ita, me pellexit dulcedo, ut eam vitæ partem, quam Te duce his impendi, suavissimam & utilissimam, jure summo reputem.

Te denique, Clarissime Marki, Sacra docentem privatis laboribus, facilitate mira, & indefessa diligentia, audivi primo, quo huc transieras, biennio.

FACILI SIMPLICITATE.

47

Tot ergo honorum & benefactorum devinctus nominibus , ne infer-
tus Vestro corpori videar ingratus , vestrave indignus benevolentia , pro
virili annitar.

Medicinæ Studiosi , qui grato plausu mihi docenti vigorem incitare
soletis , Vos fortunæ hodiernæ fabros agnosco.

Nam vestra approbatio , meis major meritis , mea major expectatio-
ne , favorem mihi conciliavit Procerum , in vestra qui semper & vota &
commoda vigilant , hujusque effectum locum hunc obtinui.

Si profui , dum precarii muneris & stipendii tenuioris respectus meos
à Vobis divisit labores , ut plus porro juvem spes nata erit.

Nam largiori nunc pretio & certa firmatus sede , Vestris me commo-
dis promovendis dabo totum.

Quod si mea Vobis fides , si probatur facultas , agite bonis , & latis ,
auspiciis , ingrediamur unà , quæ ad Honores ducit , Laboris Ædem.

D I X I.





HERMANNI BOERHAAVE ORATIO QUARTA


SIVE

SERMO ACADEMICUS,
DE
COMPARANDO CERTO IN PHYSICIS;

QUEM HABUIT IN
ACADEMIA LUGDUNO-BATAVA,

Quum octavo Februarii, anno M. DCC. XV.

RECTORATUM ACADEMIÆ DEPONERET.



U L L A equidem in re plus sibi dare consueverunt homines, quam ubi ingenii sui viribus jactabundi applaudunt. Nam genus & formam, valetudinem, robur, fortunas & opes, alterius, suis meliora facile agnoscent; rarissimus ille, qui, alteri si certat, cedere velit ingenio: alibi nempe alienum, hîc nostrum, nobis plus placet. Superiorem hîc laudare impossibile fere, parem ferre quam difficillimum, habetur.

Neque vero id modò inter mortales obtinet, quoties alios sibi componunt, sed & tunc, quando ipsi rerum naturæ indagandæ mentem applicant. Pertæsi quippe lentæ indaginis eorum effectuum, quorum indicio nostræ illa industriæ patescit, tam splendide opinantur de perspicacia suæ intelligentiæ, ut hanc unam consulere super Physicis sufficere arbitrentur. Quasi solâ meditatione in cogitatis suis reperire, atque ex iisdem in usus humanos extricare, se posse putent vires, viasque, quibus tota rerum universitas constet, agatque.

Verum, si rem ipsam vere in animo cogitamus, ipse hic error cognitionis nostræ corruptela communis habetur; neque aliumprehendas, cujus abusus communibus Medicinæ bonis magis obstat.

Quare

Quare etiam in animum induxi ex refutatione ejus, sermonis argumentum hac hora mihi capere. Paucis enim conabor evincere, *rerum principia omnino nos latere, solis autem sensuum observatis addisci illas eorum dotes, quæ experiundo noscuntur, aut quæ ex his, una tantum hac via prius exploratis, geometrici ratiocinii firmitate elici possunt.*

In quibus dum disputo, Vos, ut judicetis an utrumque demonstrem, cum æquanimirate operam mihi dare ne dedignemini, flagito!

Principia rerum illa appellamus, à quibus natis individua necessitate fiunt omnes, quæ in universo contingunt, mutationes. Talia proinde re ipsa quædam existere adeo est certum, ac verum habetur assiduo permolari plurima. Quænam vero illa sint, tam est ignoratum, quam id quod obscurissimum.

Quicumque enim hæc sibi perspecta esse vera cum ratione asserit, necessario in se expertus erit ideas talium rerum, quarum contemplatio illi exhibere possit omnia, quæ unquam fuere, sunt, vel fient. Utrique hoc est de natura veri principii, in quo si minus detexeris, non principium adeo, quam ejus modò umbram, attigisti. Intelligitur scilicet necessario, eum, qui causæ indolem perspexit, ita mente assequi omnia, quæ in illa continentur, quemadmodum hæc ex ea emanant. Operatur namque causarum quælibet ex vi suæ naturæ, quam itaque qui perfecte capit, ille pariter effectus ejus omnes, ut dotes illi proprias, novit penitus.

Mechanicus veluti, qui rotas probe vidit & elaterem vel appensum pondus, quibus lege artis connexis inter se rite fabrefactum horologium habetur, eo ipso didicit gyros, qui à singulis harum certo tempore absolverentur; itaque periodos temporibus ex animi sententia aptare sic poterit, ut, quales mente præcepit, sequantur motus. Haud aliter & ille, qui naturam & ejus vim, id est principia rerum, gnara mente possidet, etiam omnia illa, quæ alma parens certis hinc divisa temporibus ordinat, cognoscet & prævidebit, suo ex sinu fata rerum pandet nullis involuta obscuris, sed oppidò clara.

Neque argumenti hujus vim eludit, qui effectuum ignorantiam fassus causam nihilominus sibi patere affirmat: Ita enim tueri se solent dum aiunt, Geometram circuli pulcherrime gnarum, licet omnia, quæ sedula in eo ratiocinatio sensim deteget, nec sciat hætenus, neque unquam forte intellecturus sit. Plausibilis exceptio, sed non excutienti. Quis enim in circulo plus unquam detexit præter illa, quæ semel nota idea ejus clara exhibet? Si illi lineas, figuras alias, motumve, applicueris, perpetuo novi quid, id fateor, reperies, non autem quamdiu prior sola remanet idea. Ideoque mihi argumento hoc, quo adstruere tentant, suam videntur sententiam destruere. Censent quippe, principia rerum, hoc est existentium, sibi apparuisse; in eo itaque omnia complectuntur simul; quum aliter non rerum, sed rei forte cujusdam, causam sibi innotuisse affirmarent.

Qui denique ex principiis plane perspectis non quidem omnia, sed quædam, effecta rationem evolvere posse objicit, mira profert. Quo enim fato evenit, ut ex infinitis hoc unum Tua participet inquisitio? aut quo

favore huic uni id privilegii indulgit abditus rerum ordo , ut Tibi præ cæteris appareat ? Artis certe non est , quod casu ad effectum venit , opus.

Hic vero quemlibet rogatum velim , an cuncta hæc intelligat ? an suo complectatur animo immane quantum rerum universum ? an *Prometheo* infinite sapientior non imitari modo , sed sua sponte invenire atque effingere *Jovis* opera possit ? an , non cæco post tergum jactu ut *Deucalion* & *Pyrrha* , sed præfinito eventu instar *Dædali* , aut *Archimedis* fabri , emendatissima naturæ artificia prævidendo efficere queat ? Pudeat , adeo ignarum sui , adeo viduum verecundia , reperiri posse quempiam , sibi hæc qui tribuat. Nisi ipsam DEI sapientiam immanitate stultitiæ petens , gigantesque æquiparans superbia , cum *Choræbo* de *Vesania* contendere gestiat , vanique tandem *Ixionis* fatum experiri.

Quam longissime igitur à vero abest , causas universales physicas exiguis arctari posse mentis humanæ cancellis. Quod tamen ipsum multo præterea apparebit clarius examinanti illa , quæ pro veris principiis rerum mortalium Sapientissimi quandoque ostentaverunt : his quippe infirmis nemo , opinor , plus fidei habebit ineptis fabularum figmentis , aut obscuris verborum strophis.

Si itaque juvat assumere pro principiis rerum illa , quæ Antiquissimi simul & Sapientissimi Philosophorum , qui ex *Syrophœnicia* ortum duxere , ut vere comperta sibi , & producendis quoque rerum phænomenis idonea , venditaverunt , atomos , inane , & pondus , præ cæteris eximia placebunt. Dogma sic nascitur , quod *Leucippo* ; *Democrito* , *Metrodoro* , *Chio* , *Epicuro* , *Lucretio* , horumque pedariis , acceptum , ab illustri *Petro Gasendo* perpolitum , explosum postea *Cartesio* , hinc dominante ejus secta evilescebat , sed felicius longe resurgit , postquam invictissimis ex penitissima mathesi argumentis à Principe omnium Philosophorum *ISAACO NEVTON* assertum celebratur.

Utcunque tamen doctrinam hanc colueris , intelliges nihil de indole horum principiorum , nisi quatenus recta eorum natura revelatur per effectus , qui lumine experientiæ in sensus refulgent , atque docent , esse revera aliquid incogniti , cujus id ingenium , ut tales inde mutationes prodire queant. Id ipsum vero quale sit , qua vi eventa hæc efficiat , jam , ut ante , ignorabis. Ita plane est , ut in causa , quam hic indagas , reparias nihil præter id quod sensu attingis ; ideoque non ex causa effectum , sed ex hoc aliquid illius , subintelligis.

Atomon qui dicit , corpusculum cogitat mole exigua sensus penitus fugiens , cujus particulae firmo adeo nexu coherent inter se , ut separari à se mutuo per vim quorumcunque corporum renuant. Erunt ergo constantis figuræ & mensuræ elementa. Sed , obsecro , quam ratione corpuscula hæc adeste cognovisti ? Si intelligentiam tuam excutis , si explicas hanc , si candidus deinde respondes , sola per experimenta physica hæc Tibi nota evasisse affirmabis. Animadvertenti scilicet in novas perpetuo formas corpora mutari , quæ resoluta iterum in antiquum denuo ruant chaos , dum interim per tot millia annorum constans fere sibi perstat Universi fabrica , facile fuit cernere in elementis fines , quos corporum potentia transilire nequeat. Esse ergo quædam non mutabilia , quæ adunata novi quid

creare videantur mire variata specie, ita tamen ut, si compages rursus laxatur, revolvantur in simplicia, & tunc mutari porro nequeant. Nasci ergo de novo nihil, renasci omnia. Mutari composita, neque interim elementa dissolvi. Quid itaque cognoscis in atomo? nihil præter id, quod sensu assequeris. Individuam vocabis? sed hanc ejus proprietatem non rationis Te subtilis contemplatio, verum observata in rebus necessitas, docuit. Quæ vero causa porro sit, qua particulæ ejus Tibi prorsus incognitæ coiverint in unum, recte cohæreant, molis determinatæ sint, figuris ormentur variis, discrepent inter se, ut Te fatigaveris quærendo, nunquam investigabis. Agnoscis hanc extensam? id vero inani commune habet. Agnoscis non penetrabilem? Quæ vero scis? an quia extensa? tum autem & vacuum, per quod libera ducit vestigia atomos, nihil transmitteret. Quare manifesto patet non aliunde hanc in atomo potentiam resistendi innotuisse, quam quia in omni corporum conflictu semper observatur. Atque ideo omnes has dictas atomi dotes non perspexisti in specie principii quam mente prius gerebas, non ergo in forma ejus insignita & impressa in animo Philosophi, sed inventas in effectis coactus fuisti assignare incognitæ illi causæ, unde effecta illa pendere arbitraris. Simulac autem aliud quid præter modo dicta exponere inde conaris, næ facies tanto conatu intelligendo nihil ut intelligas.

Atque nimis manifestum apparet attendenti, quidquid de atomis jam libere disserui, perstringere eadem opera etiam tributas materiæ monadas. Neque enim diversi quid ab illis vocabulum hoc significat. Ideoque ars novo, quod non utile, careat facillime.

Neque est ut pulchriora sperent, qui naturam corporum sola extensione æstimant: quippe quibus ex conceptu tam communi nihil extricare datur, imo ne corporum quidem indolem inde licet intelligere. In hac enim non aliud concipis, quam id, quod in dicta *Aristoteli* materie prima asperrime rejecerunt Plurimi. Cogita extensionem, intento hanc volve, atque revolve, animo, apparebit meditati ubique eadem; nihil diversi usquam habet; Duritiæ, plenitudinis, resistentiæ, nihil; tota permeabilis, immobilis, immutabilis, in immensum quaquaversum porrecta, intelligitur; neque motu, neque quiete, variata potest concipi. Expendenti hæc longe erit facultas arcessendi ex idea extensionis puræ naturam, & mutationem, corporum. Pulcherrime novi licentius hoc affectasse Auctorum Celeberrimos, sed tamen suam super his sententiam in solido locare non potuere hætenus. Paradoxo hac tempestate firmando idoneos testes citare liceat Summos omnium applausu Viros, qui disciplina hac initiati in Tyrocinio, Mysteriis deinde Sophiæ Sacris singulariter imbuti, tandem ipsi Epoptæ facti, exploratissima habebant illa, quæ humani ingenii vis ex contemplatione extensionis simplicis explicare poterat. Postquam enim matura sero usu ratio mentem His perfecerat, vel dicta olim retractare, vel principii hujus quondam magnifice laudati jam vero perfectissime explorati, sterilitatem agnoscere palam non erubuerunt. Hos ego designo, qui ante alios laborum fortunati palmam in Physicis retulerunt gloriæ, *Christianum Hugenium* Patriæ nostræ insigne decus, Germaniæ ornamentum *Leibnitzium*, *Newtonum* nostri miraculum seculi.

Ex quibus etiam mens non læva perspicit, non posse quoque multa, quæ alicujus momenti sint & ponderis deduci ex idea spatii inanis. Illud vere existere mechanicæ evincunt demonstrationes. Agitabili corpori id viam præbere liberrimam, Physice, Astronomia, ipsaque rursus Mechanice, docet. Cæterum ejus contemplatio aliud vix invenit, quod instar principii inservire queat.

At si gravitatem jam spectamus corporum, ne in illa quoque plus evidentia, quam in præcedentibus, reperiri poterit. Licet enim prisca maxime Philosophia hanc atomis propriam dixerit: quamvis hanc omni spectabili individuum inhærere corpori, ubique easdem leges sequi, æqua mensura cum mole materiæ distribui semper, incredibili in Astronomicis peritia subtilissime collegerit *Newtonus*: tamen hæc omnia nondum effecerunt, ut Acutissimus Philosophorum rectius capiat, quænam sit ipsa in corporibus gravitas, quam ille, qui hanc modo semel sensu expertus est. Ejus enim naturam attigit nemo, tentaverunt omnes. Et, quum originem illius plurimi scrutati sint, nullus intellexit. Non continetur in idea extensi, divisibilis, impenetrabilis, mobilis. Haud pendet à figura, mole, aut textura, corporum. Immutabilis interim & vastissimo & minimo corpori æterna naturæ lege inest. Non est tamen magnetica, nec magnetismi, sed alias plane, leges sequitur. Denique, quod mirabile omnino videtur, ortus ejus & natura ex principiis mechanicis nequaquam possunt explicari, quum effecta ejus nihilominus per illa egregie dilucidari queant. Verissima hæc qui cogitatè ponderat necesse habet fateri, nullam in animo nostro perceptionem dari gravitatis, ex qua lucide comprehensa effectus ejus enodari poterunt. Contra vero, gravitatis opera sensibus patentia revelasse rationi, esse quid incogniti, unde ignoto nobis modo fluant spectata sensibus gravium Phænomena. Ea re fit ut, quidquid in his cognoscis, omne vero id exquisitè experimentis fidis acceptum ferendum sit. Cuncta quæ de illis demonstras, his tantum per mechanica amplificatis debeantur. Neque enim ex nota gravitatis natura, sed arte modò laudata, pulcherrima rerum invenere *Archimedes*, *Pappus*, *Galileus*, *Toricellius*, *Cartesius*, *Hugenius*, *Varignonus*, *Bernouilli*, aut, qui Princeps laudari ubique meretur, toties jam celebratus Britannus. Quod etiam vix alio felicius adstruitur argumento, quam quia Mechanici, omnino non solliciti de proxima causa, itaque de indole, gravitatis, æque feliciter detexerunt leges, proprietates, & effecta, gravium, ac illi, quibus persuasum sedebat ipsam præterea naturam illius clare sibi innotuisse. Imo vero illi ipsi, qui contrarias opiniones de ingenio ejus alebant, quoties tamen geometrice de barometricis egerunt, eadem nihilominus conclusiones evulgarunt. Candidi idcirco Philosophi fatebuntur, hoc quoque principium non perspicui à mente sua, nisi quatenus experientia patefcit, aut demonstratione super ea absoluta per mechanica ulterius porrigitur.

Forte autem plus bonæ frugis in fundum Physicum se intulisse jactabunt, Qui rejectum toties nomen revocando attractione corporum actiones exerceri magno hodie conatu inculcant. Sunt etenim inter Hos, Qui ingenti laudis studio gloriantur detectum nostra demum ætate illud

principium , ex quo effecta naturalia oriri , edisci , atque demonstrari , possint. Imo vero leges continuas hinc evulgari posse putant , & æterna fœdera , juxta quæ Mathematicâ fide & evidentiâ prædici queant mutationes singulares , quæ ex collisu commissorum inter se corporum exorituræ sunt. Verum alio longe animo , usuque nunquam fallaci , vocem hanc Geometrarum Princeps adhibuit. Ille namque , rarâ Philosopho continentia , confessus naturam ejusque vires sibi penitus ignotas esse , censuit solas motuum mutationes observando spectatas efficere , ut tantum de illis intelligamus , quantum de his experiundo novimus , aut certo ex iis argumento vere concludimus. Quum igitur callide adverteret , latere quid ignoti inter certa corpora , cujus vi non perspectâ hæc in certo locata intervallo in mutuos ruant amplexus , incognitæ huic causæ Attractionis vocabulum imposuit cautissimo sub monitu. Postea vero , quum idem assiduo quotidianis firmari undique experimentis cerneret , prudentissime collegit , præter accepta vulgo aliud à natura principium rebus impositum , de quo minus cogitatum à Philosophis , quum interim fere ubique deprehensum pro universali ferme haberi fas sit , aut saltem agat frequentissime. Omnia quidem hæc verissima proposuit , neque exinde error sperari ullus poterit. Sed ulterius porro multum hinc non discitur. Quum principium hoc non cognoscatur tam evidenter à mente nostra , ut intellectus ejus nos edoceat perspicue ortum mutationum naturalium. Namque attractio aliud nihil denotat , quam causam ignotam , quæ creat motum quasi sponte natum , quo corpora quædam agantur in contactus mutuos , non vero explanat quænam hæc causa sit , nec exponit quo intelligibili modo motum huncce excitet. Sed neque est hæc eadem inter cuncta corpora : quia inter hæc major , inter illa minor , inter alia nulla , obtinet ; sed & inter quædam æque repulsa , ut inter nonnulla attractio , apparet : Denique in omnibus notis corporibus , fixas excipe stellas , tam vere , tam universe , deprehenditur motus viam rectam affectans , ut non minus naturalis hic censeretur corporibus universis , quam ipsa attractio communis habetur. Quamobrem latius se non ostendit hæc , quam quousque imperii sui pomœria rerum eventu comprobatur. Ideoque antea experimentis definiri debet , an attractio vere inter corpora certa obtineat , quam effectus ex ea assumpta explicare liceat. Et erunt ita tot attractionum variarum , quod sunt corporum diversorum , species distinctæ , quarum tamen singulæ quæque propriis sibi legibus exercentur. Nunquid enim Systema mundi adspectabilis , gravitas , magnetismus , electrica vis , salium efficacitas , seminum actio , singularem denique corporum vires , id evincunt ? Abunde certe ex eo patet , quoniam gravitas & magnes juxta diversas plane leges effecta sua edunt. Speramus itaque Magnos Viros sapientiæ *Newtoniana* memores parcius exsultaturos de vi universali hujus perspecti principii. Speramus parcius insultaturos aliis ut ignaris & obscuris. Quid enim ? Omnibus hoc vitii ; falsè attribuitur error cuique suus : at cæcutimus omnes pariter , quoties causas primas conamur intelligere.

Et si dudum dictis fidem quisquam adhibet , ille ne motum quoque pro principio clare perspecto admittendum censebit. Quid enim magis

mireris ? nihil facilius est quam motus quosdam sensibus experiri , difficilius nihil quam eosdem acie mentis intelligere. Subtili nimis argumento motum possibilem esse pernegat acutus *Zeno* , surgens & ambulans refuto Te mordax exclamat *Diogenes* : atque pervulgato quidem experimento rem tamen ipsam tangebatur *Cynicus* , cui acquiescendo plus , quam argutissima subtilitate proficitur. Corpus enim sine motu esse quum queat & intelligi , unde ille oritur ? quando quiescenti prius moli conciliatur , quid in illa nascitur ? quoties ex quiete per præpetes gradus in velocitatem accrevit perniciosissimam , quidnam illud est , quod additum intelligis ? Si ex notis corporum dotibus illum derivare tentas , propriæ intelligentiæ obloqueris. Si ex gravitate sola , in absurda & falsissima incidis. Si ex attractione , ignotum Tibi per longe magis abstrusum explicas. Neque expediunt quidquam , qui ex potestate corporum elastica originem motus , atque perennitatem ejus , deducere moliuntur. Ut enim hæcce vis corporibus multis re ipsâ insit , tamen nemo mortalium naturam ejus comprehendit , solis autem observatis cognitionem ejus debet. Quamvis impressum motum conservet oscillando , nunquam novum excitat ; eo maxime , quod quantum motus accepit à vi quæ tendit vel adducit , tantum ubi remittitur poterit reddere. Ad summam , ne singula enarrem , natura motus obscura perspicacissimo cuique inde colligitur , quia causa continuati non datur ex perspecta ejus indole , sed ex generali effato , quo asseritur omnia persistere in ea , qua præsentis gaudent , conditione , quamdiu suæ spontis manent. Quæ quidem singula & universa certissime videntur id efficere , ut persuasum habeamus , nihil superesse , quod intime cognitum admitti queat pro principio tam claro & fecundo , ut ex eo non consulta experientia Philosophus ullum naturæ effectum ita efferat , ut impetret assensum convicti Mathematici.

Verum si jam serio contemplari juvat modum , quo natura utitur ad generandos effectus , quorum cognitio propius abest à salute hominum , planum fiet alias esse , quam quæ Philosophis maxime receptæ sunt , horum causas. Præter elementa enim , præterque motum , aliud habetur stabile , à quo singularia quæque pendent , principium. Stamina volo nulli temere dissolvenda causæ , fabricanda nulli , quorum contextu basis necitur , qua subnixum fit , crescit , agit , se conservat , atque fertili genitura propagat , singulare quodque corpus. Semina rerum me designare cernitis. Hæc enim sunt ab omni ævo ubique eadem. Applicetur his in aqua dilutum & fotum tepore alimentum , licet alienum sit naturâ eorum , tamen in unoquoque horum mutabitur in formam huic uni corpori propriam. Neque tamen perfectissimo Artificum contingit ulla industria reperire artem , qua construat corpusculum simile ulli , quod suo cretum semine quotidiano lustrat adspectu ; nisi ipsum prius semen natum operi conficiendo impenderit. Periclitetur , cui lubet. Metallum , animal , stirpem , fingat ex materie quocunque subacta artificio , modò semen rei producendæ desit. Secula compello omnia ! vanos clamant conatus , inane studium , elusasque in his vel solertissimi operas. Non datur ulli mortalium videre modum , quo corpusculorum minima coeant ad componendam feminalem fabricam. Nullo valet intuitu detegere virtu-

tem, quæ dispensa elementa cogat in compagem feminis, nedum rationem, qua hæc illa ordinet. Nullo imitamine simulare poterit rei etiam simplicissimæ principium feminale.

Ab his tamen, & ab his fere solis, oriuntur apparitiones, in quibus considerandis, colligendis, explicandis, sedula Physicorum diligentia quam maxime exercetur. Vesana superbia fallacis consulta desidiæ, atque à labore quærendi proclivis in licentiam fingendi, falso divulgaverat olim, non egere his adminiculis prægnantis naturæ fœcunditatem. Cæco nimirum informia concursu elementa coïre posse somniabat, ut ex adunatis casu particulis orirentur primæ, atque immutabiles, seminum formæ. Verum pudor est ineptam adeo opinionem cecidisse in quenquam Philosophorum! Omnis enim illi refragatur observatio eo usque, ut incredibile videatur malum hunc errorem tot deceptos abstulisse! Utinam vero supinæ oscitantiaæ adeo non indulgissent, sed potius oracula naturæ consulta excoluissent, ut ex his illam cognoscerent! An non fuisset satius, secundum Veterum placita usque ab ipsis hausisse reconditissimæ Antiquitatis fabulis, antiquissimos *Syrorum* atque *Ægyptiorum* Deos ovis prognatos tradi? Ovum *Orpheo* celebrari, Ovum laudari *Pythagoræ*, ut primordium omnis generationis? Ovum ubique in productione rerum principatum tenere? Ovum animantibus semper originem dare? Ipsas etiam proceras arbores ova parere, ut *Empedocles* vere enarrat? Ex ovo denique à *Jove* recluso, ut de *Pandoræ Pyxide*, cuncta prodire animantium genera, ut in hieroglyphicis scite pictum habetur? Mea profecto hæc est æstimatio, meum sic iudicium, longe magis gloriosum futurum fuisse Philosophis hæc profiteri, hîc subsistere, quam ventosam garrulitatem rei contrariam ludibrio exposuisse. Ipsa enim hæc vetustissimæ in Oriente sapientiæ effata, quæ eleganti iudicio, & sedulo labore, collegit hujus Academiæ ornamentum egregium *Drelincurtius*, asserta dedit jampridem accurata rerum exploratio. *Hippocrates* videlicet & *Mercurialis*, *Harvæus*, *Malpighius*, *Svammerdammus*, *Graafius*, *Grevvius*, *Drelincurtius*, hæc in ovis fœmellarum, in marium genitura animalium rudimenta *Leeuwenhoekius*, elaboratissima demonstrarunt enumeratione. In vegetantibus quoque idem hoc usquequaque tot firmis argumentis adstruitur, ut nulli perito ancipitem super re tam clara animi amplius hæreere opiner. Chemicos quid memorem? Horum sane *Mystæ* testantur, universalem hanc fœturæ rationem, ut in aliis, ita & in ipsis fossilibus, inveniri. Omnes tandem Europæi uno ore hoc dogma abunde instauratum laudant, ut Acta Philosophiæ edita in *Italia*, *Germania*, *Britannia*, *Gallia*, ubique gentium quotidie confirmare cernuntur.

Hæc vero rerum semina ut sibi constant! Planta, animal, fossile, quam usque ab ultimæ memoriæ temporibus habuere, ipso hoc die possident indolem & formam eandem, pares nascendi, crescendi, operandi, generandi, ægrotandi, & intereundi, vicissitudines. Omnia hæc gerunt abstrusa in suis venis semina prolifera, ex quibus similia porro efferantur corpora, quæ fœturâ lætâ aliam ex alia prolem generando iterum sufficiant, nec unquam tamen nisi ex parente tali prius nato genita.

Uſque adeo ut in uno rei ſimpliciſſimæ ſemine abdita lateant rudimenta omnium , quæ evolvendorum deinceps ſeculorum ordo ex natis natorum , & ex his quæ ab iis naſcentur , propagabit. In uno ſinapi grano delineatio informans deliteſcit omnium plantarum , quæ ex illo ſato , ex ſeminibus hujus , ex his iterum ſatis , culturâ perpetuâ per tempora mundi continuandâ , enaſci poterunt. Stupet ad hæc , quoties de iis cogitat , veriſſima tamen eſſe fatetur ſana Phyſice ! Sui oblitus extra ſe rapitur , dum in minimo quoque infiniti quid agnoſcit , convictus certe animus ! Verum tamen in hac incomprehenſibili , in hac infinita fœcunditate conſtans ſibi , nuſquam aberrans , inviolabili lege natura ſemper format idem , eodem diverſarum partium concentu & debita omnium competentia conſlatum , eodem ſitu , nexu , uſu , conſpicuum corpus.

Averſos jam hinc animos advertamus efficaciæ virtutis ſeminalis contemplandæ ! Vah quæ mirabilitas ! Eidem fertili , bene putri , & ſupinatæ glebæ , eodem ſub cœlo , commiſſa Colocynthis & Caſſiæ , Aconiti & Antithoræ , ſemina , irriguâ eâdem temperatâ aqua , eodem reporis ſotu properata , quam diverſos generabunt ſuccos ! quam varii in diſtinctis ejuſdem plantæ partibus , interim in iisdem rurſum ſimillimi , enaſcuntur humores ! Admirationi hæc fuerunt & oblectamento , quibus in deliciis erant labores his colligendis & diſtinctiſſime explorandis impenſi. Interea tamen cuncta hæc etiam in maximo & minimo animalium eodem tenore obſervantur eadem.

Quæ quidem omnia rerum exemplis illuſtrari , confirmari argumentis , atque documentis explanari , quemadmodum poſſint cernere datur unicuique , quem trahit voluptas amœnitatis Phyſicæ. Nefas itaque eſſet hæc amplificando , atque exaggerando , veſtra abuti patientia. Sufficiet autem ex iis concludere , corporum ſingularium ortum , naturam , & vires , ponere præexiſtere jam ſimilia unde prognata ſint ; hæc ideo à nullis univerſalibus principiis pendere ; ſed ſingula quæque ſibi propria agnoſcere ; eſſe ergo hæc tam varia , quam ſunt multiplices corporum formæ ; infinita proinde ; itaque nunquam addiſcenda , niſi quatenus ſingulatim ſido naturæ experimento aperta evolvuntur.

Lubenti idcirco , atque venerabundo , animo confiteor , multo pulchrius explanatam naturæ rationem expoſuiſſe paucis verbis ſapientum Principem *Mofem* , quam cæteri vaſtis voluminibus Philoſophi. Audite , quæſo , audite ſapientiæ in Phyſicis compendium ! Accipite nervoſiſſimum effatum , cujus efficacitas fœcundat orbem ! *Efferat terra herbam viventem , quæ faciat ſemen ſuum in ſe , juxta ſuum genus.*

Agite vero , hebetatam ſeminis intricatiſſimi perluſtratione aciem paululum exacuamus , ut introſpicere detur in id , quod ſimpliciſſimum vulgo æſtimatur , vix ulla habetur cura dignum , perinde ac ſi univerſam ſuam indolem ſponte in ſenſus negligentium ingereret. Quænam igitur corporis humani particula pilo creditur ſimplicior ? Attamen hic ipſe , ſi exploratur ſedulo , eam oſtentat operoſiſſimi moliminis pulchritudinem , ut ad abſolutum ejus intellectum animo conciliandum non ætas hominis , non ſufficiat omnis diligentia. Neque penetrantiſſimo fas erit ingenio evolvere ex cogitatione ſua modum , quo hic conſtructus ſpectatur.

Statueretur. Si non fastiditis expendere mecum laborem in tenui, sed pulcherrima insignem gloria, pretium erit moræ; inde enim planum fiet, non leviori sollicitudine, nec minori apparatu, egere corpusculum hoc ad perfectionem suæ fabricæ, quam vastissimæ atque artificiosissimæ machinæ affabrè facta compages exigit. Eccui in stuporem animus non rapitur, quotiescunque ostensos ab Anatomicis bulbillos spectat exiguos mole, arte ingentes, quos sollicitissima cura ita locavit in molli pinguedine, sub lentâ cute, ut neque aliis nocere, neque lædi ab iis, queant? Elaboratissimæ hujus particulæ, hujus inquam bulbilli, quis non admiretur structuram inextricabilem? Fit illa castigatissimo contextu innumerabilium vasculorum, quæ varietate inexplicabili diversa formant membranam hujus corpusculi tenerrimam quidem atqui constantissimam. En certatim eoru ruentes arteriolas, venulasque, quæ tam cruorem, quam laticem multiplicem, & advehant & revehant! En nervulorum sub cute reptantium spiras & sinuata volumina! Ut assurgunt in molles, mucosas, fere diffluentes, papillas ad officia tactus natas! Ut amico nexu dictis modo vasis intime concreescunt! Ut indissociabili vinculo colligati hi nervi una cum illis vasculis concurrunt ad construendam hanc membranam! Ut in abdita illius se penetrant, ibi radicanantur, figuntur, pilo nascituro prima nectunt stamina! Sed cogitate, ita enim res se habet, artificiosi conaminis effectu in embryo, fœtu, recens nato, latibula hæc eousque jam efficta, ut non orientur, Sed forment & perficiant latentem hîc & tuto defensum pilum, donec longa dies perfectæ orbe temporis eum faciat apparere tum demum, quando in usus necessarios requiritur. Quanam vero tandem facie apparet? Venusta sane, scita & admirabili! Myriades canalium diversorum humores dissimillimos vi vitæ bulbillo ita applicant, ut extrema fistularum ab omni puncto curvaturæ in centrum conspirantia forment radices succo turgidulas, adunatis vasculis molles, membranæ firmiter innexas, irroratas, sensu acerrimo præditas. Statim deinde ac fervet opus arctius adunantur sparsæ laxius ante fibrillæ, densatus hinc exsurgit truncus, durior, siccior, gracilior, excrescit, propellitur, extra orbitam conceptaculi sui erigitur, cutim perforat. Erro! reperit, inquam, hanc à primo jam generationis tempore pertusam hîc in meatum pilo exituro patulum! Quam eleganti rursus apparatu vaginam à cute porrectam in hoc trajectu accipit, quæ eum firmet, ut rigescat hîc, colorem excipiat, & ferendis ilico emersuro supra cutim injuriis adaptetur. Sed neque hîc finis. Quid ergo? Subtilissimas artificiosissimæ cuticulæ squamulas pilus protrusus elevat, per tenuia inter has relicta spiramenta emergit, corticem ab his recens affusum induitur, unde in aëre diffilato humore siccus jam durefcit, sensum molestum jam futurum penitus amittit, singulari tingitur colore, crispatur, gracilefcit in acutum apicem, porrigitur in longitudinem pro vario usu locis diversis aliam. Quantos vero, quamque multiplices, corpori usus præstent, ignaris incredibile, peritis stupendum, videtur. Leniunt asperi aëris vim; molles partes defendunt, ne quid ab attritu detrimenti capiant; arcent à tenellis oculis, à spiraculis narium, patulis omnem cum aura advolantem noxam; grata faciunt aspectui umbracula ne vi luminis fulgidi obrunda-

tur acies videndi; pruritu excitato, dum infarctos sordibus meatus frustra perrumpere nituntur, salutarem scalpendi motum in adjumentum flagitant, quo purgatur cutis: invisibilia sudoris foramina, per quæ toto corpore perruptus humor cutim perfundit, in serie sua ordinata firmant, defendunt, atque contra tenacitatem obstruendi viscerum munita præstant; expulso lento humori, quem spiramenta cutis assiduo sudant, sustentacula parant, quibus à superficie corporis adscendere expedite queat; ipsa integumenta converrendo repurgant; itaque, ut corpus totum per deterfos hiatus fumidi vaporis specie liberrime exhalet quicquid habet noxii, efficiunt; ab his autem valetudinis prosperæ constantiam, vitæ adeo beatitatem, pendere diligentissimâ *Sanctorii* præmonstratione didicit Medicina. Respice autem, &, promitto, læta attento gliscet voluptas, quam utili successu detriti viæque pili, simulac ad opera sua languidi evasere, cadant. Ilico enim tunc tempestive effortæ radices marcescunt, non comprehendunt ultra, sed vacillantes omni exhausto succo excidunt. Creantur interea in supplementa perditorum novi, molliores quidem, sed qui lentescunt cito, & prioribus evadunt similes adeo, ut facies omnibus eodem loco natis eadem sit, dum oportuno tempore eodem fato cessuri quoque sunt prodituris aliis. Si sedulo cuncta hæc expenderis, erit profecto, erit quod exclames, quantum est, quod in re tantilla cernitur! At si quis forte cogitat caducum hunc capillum rem esse valde simplicem, expectet ille tantisper dum hoc minime verum esse viderit. Contemplabar per globulos vitreos setas ex fibris formatas distinctissimis, apparuit in medio dissectarum quod cavitatem referebat, deprehendebatur ibidem quid quod medullam simulabat. Præterea patet ex multis simul concretis coaluisse pilos, quoniam ex historia morborum discimus hos in fibras dissilientes sæpe findi; in cincinnos inextricabiles aliquando implicari; variatos coloribus humores nonnunquam sudare; latentes sub cute & exire impeditos circumtorqueri; conglomerari, mutari; vermium imagine fallere, papulas, tubercula, ulcera mira, producere. Si neque hæc videntur sufficere, Chemicorum disciplina confutatur; hæc enim Cultores suos edocuit per ignem resolvere collectam capillorum copiam in laticem, spiritus, olea, sales volatiles, terram, eo quidem eventu, ut nulla corporis particula sit comperta hætenus, cui suppetat ditior salium volatilium vis, nulla quæ scateat spiritibus tam acribus. Videtis, quam occupata sit in minimis certa finis Natura fabra! Spectatis, quantæ molis, quantæ sapientiæ, sit unum capillum condere! Experimini, qualis requiratur industria, ut alicui liceat unius tantummodo pili indolem cognoscere! *Malpighii* nunquam defatigata diligentia, indefessus *Ruychianus* labor, solers *Chiraci* perscrutatio, acutissima *Leeuwenhoekii* acies, plantarum comparatio & animalium, historia morborum qui parti huic accidunt, omnia hæc, & alia bene multa adminicula, efficere tantum potuere, ut hac demum tempestate rudem hujus corpusculi speciem adumbrare possimus! Licet enim tot insistamus adjumentis, multum tamen abest ut recte asseveret quispiam evolvere se posse veram pusilli crinis fabricam. Quid enim de indole pili capis, nisi ingenium nervi prius noveris? De nervo quid scitur, si

non omnes antea partes corporis perspectæ sint? Verissimo nempe Hippocratis effato patet, *ut in circulo, sic in nostro corpore, nec Principium dari, neque haberi finem*, ita vero nexus implicari aliis, ut singulæ ab universis pendeant, partes. Quis dictabit ea, quæ ad alimenta crinium natura requirit, qui ignarus est humorum omnium, quos jugis per vasa corporis motus exercet? Oracula iterum sic sonant Hippocratica, *nutrimenta ventriculo data, variis naturæ actionibus subacta, demum in pilos formandos impendi*. Quisquis ergo jactat animo suo opus non esse severæ tædio experientiæ, sed inscriptas illi leges naturæ & innatas fati subsidii dare, ut his consultis cernat quid particulatim cuique rei natæ insit; en *Rhodus* en saltus! faciat periculum quid valeant speculationis meditabundæ vires! Inaccessam sibi hac vita naturam fatebitur, aut emendicato oblique experimento limitabit furtim vagum ratiocinium! Univerſa videlicet Medicorum sapientia, summa licet ope in hoc nitatur solum, ne unum capillum radicitus extirpatum reficere, ne unius pili incrementa mutare, imo ne colorem quidem ejus variare, poterit, si ex principiis evidenter comprehensis inprimis hoc tentaverit. Quam vere ergo Sanctissima Nobis vox insusurrat, *Censos ad numerum adorando Creatori Nostro capillos, neque valere mortalium sollicitudinem unum ex his atro tingere vel albo colore*. Omnia, nisi fallor, hæc docent, humani corporis particulam simplicissimam à tot aliis pendere singulatim definitis, ut principiorum universalium usus nihil huic intelligendæ prodesse queat, sola autem exempli præmonstratione fabricam pateſcere.

Si vero simplicissima, si abjectissima, si extima, hominis particula adeo involuta, adeo operosa, adeo tecta, conspicitur; quid de toto corpore humano, imò vero quid de toto rerum universo, censendum erit? hoc caput, hæc summa; naturam exercendis actionibus ubique tam multa, tam apta, tam similia semper, instrumenta & construxisse & conjunxisse, ut in minima harum expedienda sapientissimam semper curam impenderit. Verum ex his tam multiplicibus unum modo negligat, in ordine quo commissa inter se colligantur parum modo turbet, actum ilicet! cadet continuo illa actio, quam per illa omnia in unum opus conspirantia lege nunc certa efficit. Neque igitur mens quoque humana hunc naturæ agentis modum docetur, nisi postquam operantis organi minutissima quæque aperta addidicit. Nihil quippe in his otiosum, supervacaneum nihil, nihil quod exercitatissimæ mechanices subtilitas emendare, aut proposito impetrando commodius aptare, queat.

Verum alieno forte quis erit animo ab omnibus, quæ rationis disputatione hætenus attuli in medium. Sit itaque huic volupe à rerum potius exemplis spectare successum eorum, qui aggressi sunt ex Principiis variis evolvere effecta, quæ ipsis naturæ phænomenis eadem habere certò liceat. Æquum arbitror, ut & illi morem gerendo obsequamur. Quid ergo deprehenditur? Ea lubricæ disciplinæ inconstantia, sive Principia spectes, sive ad doctrinam inde haustam animum adverteris, ut quod uni egregium præ cæteris probatum, repudiatum sit actutum alteri. Quare pro varietate opinionum, pro diversitate tempestatum, pro auctoritate invalescente, pro captu ingeniorum, in mille se transformans vultus, Pro-

reο versatilior habetur hoc respectu Physice. Atque rerum mihi hīc major nasceretur ordo, sed finire propero. *Ionicam* audi, audi *Italicam*, Scholam. Nusquam concors fere super iisdem sententia. Principes consule in una harum dominantes, variant in ipsis Principiis constituendis. *Thaletem Asia* edoctum & *Ægypti* arcana *Anaximander* corrigit, ipse statim à sequente refutatus *Anaximene*. Neque tamen hujus acquievit doctrinæ *Anaxagoras*, sed postquam mutando, atque addendo, emendasset plurima, effugere tamen *Archelai* censuram non potuit, donec quidem *Socrates*, hominum ille sapientissimus, intellecto harum opinionum incerto, animum potius virtute ornandum, quam vaga imbuedum speculatione, eleganti exemplo & suavissimis verbis evinceret. Verum ille tanti Viri admirator *Plato* temperare sibi non potuit, ut non admiscuerit haustis à Præceptore morum præceptis plurima, quibus principia rerum evolvere, atque ex his naturæ effecta explicare commodissime tentavit. Inde castigatorem perpetuum *Aristotelem* habuit, quem sua substituentem, post longa Principatus in Physicis gesti tempora, Chemicī, *Verulamius*, & *Cartesius*, deformatum subito, atque insignibus spoliatum ornamentis, regno diu usurpato dejecerunt. Neque interim Chemicorum, neque *Cartesianorum*, longa dominatio: Horum quippe compressus valde impetus simul ut, felici Physicis fato, excussa Eorum sententia fuit per Illos, qui sola fida experimenta pro ponendis, severissimasque Geometriæ leges pro norma ratiocinandi, in Physicis admiserunt. Ita scilicet opinionum dominata est vicissitudo, ut pulcherriima illarum, quasi solstitialis herba, repente exorta mox repentino occiderit.

Quid autem verbis opus est? Uberrima rerum testimonia adsunt. Ut enim exemplis constet, quousque ex assumtis promoveri Principiis Physica possint, *Renatum Cartesium* citare velim. Si quis olim, hic certe inter omnes, emicuit. Hunc idonei, hunc candidi, rerum Philosophicarum æstimatores celebrant ut cum maxime. Immortalia namque Auctoris de Geometria & de Dioptriciis scripta nihil, quod sublime non sit, spirant. Alii profecto illis subnixi magis promoverunt septuaginta abhinc annorum spatio Mathematica, quam eadem toto tempore, quod ab *Archimede* in *Cartesium* elapsum erat, fuerant provecta. Ut sine justa indignatione ferri nequeat, adeo ingratos se gessisse quosdam, qui postquam summi Viri indicio sapuerunt, abstrusis adscribere Auctori- bus, quæ, abfuisset ejus auxilium, ne quidem intelligere potuissent! Simul ac vero à Mathematicis operibus ad Physica Egregii Scriptoris monumenta descendis, vix credideris ab eodem homine proficisci potuisse tam diversa. Enimvero si severe discutere vacat, quæ de impenetrabili infinito prius quiescente, deinde moto; de legibus motus; de ortu mundi; de vi elastica; de natura magnetis; de corpusculis striatis; de meatibus hæc admittentibus aut respuentibus; de origine, fabrica, & actionibus, corporis humani, conscripsit; obstupesces talia excidisse Scriptori, qui acumine Mathematico cunctis præluxerat! Quæres in *Cartesio* *Cartesium*! Jure retorquebis in ipsum, quod vere de Peripateticis dixerat, nullum ex Physicis problema per talia Principia explicari posse, ipsasque has

naturæ interpretationes Principia posita erroris arguere. Maximum spectate *Hugenium* ! Quis alius magis defœcato , magis subactò , magis penetrabili , excelluit ad Mathematica ingenio ? quamdiu certe Mathesin puram excolebat , aut Physica Mathematico more tractabat , ita se gessit , ut primas facile obtinuerit , ut patriæ & seculo suo gloriam comparaverit. Utinam vero eadem hac prudentia & castimonia usus in *Cosmotheoro* suo concinnando impetum fingendi compescuisset ! utinam omisisset ex nobili cæterum opere illa , quæ Lectori Geometræ , aut exercitato Physico , risum excitent , assensum ne quidem extorqueant. Facile foret successus æque sinistros Aliorum enarrare. Sed bina hæc sufficiunt , ut cer-namus quam vacillet in lubrico , qui hanc insistit viam , quæ turpiter adeo fefellit summos in arte Viros.

Nisi ergo vana me elusit eventus expectatio , asserui fatis ad persuadendum , quod egomet mihi dederam demonstrandum , dogma. Unum tamen , priusquam absolvam , diluendum superest. Plurimorum enim metus est , ne ex his sequatur Pyrrhonismus Physicus. Sciant itaque illi , Scepticos non ideo cohibuisse assensum super rebus naturalibus , quia metuebant in observatis fallaciam ; sed quia incuriosam damnabant licentiam assumendi principia , ex quibus illæ explicarentur. Maxime quum essent , qui , instar *Velleii Epicurei* , de re nullâ dubitabant : pulchre id docet gravissimus auctor *Sextus Empiricus* , disputantem super his sic audimus *Socratem* , ita *Academici* & *Acataleptici* ubique disserunt : Acceptum namque Sapientibus , observationem accuratam ipsam non fallacis naturæ vocem habendam esse ; & quidquid in artis promovendâ evidentiâ cessatum , hæsisse præcipiti fiducia Principiorum. Neque etiam diffidendum his , quæ Mathesis sincera ex solis observatis arguit , liquet exinde , quod omne id , quod à nata Philosophia in hunc usque diem bene certum apud Physicos reperitur præter sola experimenta , uni debeat geometriæ , nihil quidquam ex Principiis universi rite cognitis eductum fuerit.

Omne illud , quod Geometræ super observatis argumentando Physicis invenerunt , adeo inconcussa fide stetit , ut nemo hominum de illis dubitaverit , quum ficta cito ad suam reciderint naturam.

Quid enim de natura corporum , quid de motu ipso , assumunt Geometræ , nisi quod in hisce adeo unicuique est obvium attento , ut nemo de eo ambigat ? Interim ex hisce plurima tam evidenter demonstrarunt Mechanici , ut nusquam firmiora , aut humanis usibus meliora , invenire liceat. In explorandis liquidis nihil ponit Mathematicorum disciplina , nisi quod in quocunque humido semper unusquisque experitur : tamen in his Geometrice explanatis , quam vera , quam certa , quam utilia , hydrostatici , & hydraulici , constituerunt Theoremata ! Contemnat segnis socordia effectus notissimos gravitatis , ut nimis vulgatos , ut sponte cognitos , nec dignos aniadversione ! plura nihilominus haud petet Mathesis sibi de his dari , ut inconcussa , stupenda , atque usu celebrato clara , dogmata illa firmet , quæ rejecta nulli , omni Sapienti admirationi semper fuerunt. Quanam abscondita sit natura siderum , quanam causa tellus , planetæ , atque cometæ , moveantur haud sollicitat Af-


tronomos, solas notant apparitiones, atque vicissitudines, unicuique consideranti obvias, dum interim ex his multa, infallibilia, tantumque boni hominibus præstantia, extricat Astronomia, ut humanæ societatis felicitas sine his subsistere nequeat. Quid memorem illa, quæ in Opticis, Dioptricis, Catoptricis, Acousticis, Balisticis, invenerunt Geometræ? sunt hæc tam pulchra ubi cognoscuntur, videntur tam imperscrutabilia dum quærentur, apparent tam vilia experimenta, ex quibus solis assumtis extrahuntur, ut nihil supra! An dicam de vi elasticâ? Ejus nota cunctis proprietas sola instruxit Philosophos per Mathesin, quid de legibus motus statuendum sit; quum antea errarent vel Optimi turpissime. Quis mortalium nescivit variatos iridis colores, quibus decorata apparent corpora dum per trilaterum è vitro prisma spectantur? Quis mortalium crederet, ex hac inprimis observatione, per ingenium Mathematicum illa potuisse inveniri, quæ admiratur, quæque stupet, nostra ætas! Quibus supra omnia se merito efferre nostrum seculum potest! Quibus à suo Alumno inceptis, perfectisque, magna se jactat *Britannia*! Hæc, & alia, Geometrarum inventa extermines ex Physicis, quæso Te, quid superat? præter nudam experientiam nihil. Uberrima restaret locupletissimi argumenti materia, illa vero replendo libro, quam scribendæ orationi, magis idonea; absolvam ergo, ubi prius dixero gravem me causam movisse, & impulisse, ut de hac re perorare mecum constituerim: invaluit enim opinio, atque crebrescit sermo, quasi Illi, Qui ratiocinio Geometrico usum in Medicis adscribunt, Homines essent ignavâ operâ, Philosophâ sententiâ, Quique effrênatâ nec ferendâ Bonis audaciâ dictaturam sibi affectent in scientias, largi verborum, at omisso interim ad labores animo. Maculam hanc delere tempestivum duxi, & docere, aliam longe Iis sententiam probari. Eam scilicet, quæ censet, nunquam aliud sapientiam dicere, aliud naturam: Contra verò usu genitam, partam memoria, Mathesi educatam, Physicam haberi: interim verò frustra quæri, quod necessitas homines celat. Atque hujus quidem Physices fortunas laudare licet ex quo magnum *Verulamium* summo suo bono accepit! Virum certe ad omnia, quæ scientia humana comprehendere possunt, indaganda facile principem, & de quo dubites utrum consilio, an exemplo, labore, vel liberalitate, major fuerit in instauranda deformata Physica. Absque invidia dixero, quidquid incrementi cepit naturalis historia ab ineunte decimo sexto seculo in hanc usque horam, omne id acceptum debemus monitis, præceptis, & experimentis Illius Viri, Cujus indelebilem memoriam grata colet orbis perpetuitas. Gratari quoque oportet ævo nostro, quo exire servitio sectarum licuit, sicque ardere puram, castamque, veritatem, ut, posthabita figmentorum atque commentorum auctoritate, naturam solam suas dotes revelantem audiamus. Post maximum namque *Baconem*, audendi auctorem, Alma tanti alumni mater *Britannia* Reges, Principes, Nobiles, & Philosophos incitavit, ut viam insisterent, quam Ille prior vestigia dans indicavit, complanavit, atque excoluit. Unde certatim, prima per artem tentamenta pangendo, in hoc stadio ad palmam laudis adspiravere jam quinquagesimo octavo elapsi seculi anno Summi Viri, qui fundamenta posuerunt

Societati, quam biennio deinde vertente suis auspiciis instituit Serenissimus Rex *Carolus Secundus*; quæque in hodiernum diem summo Physices emolumento floret. O, quales hæc Auctores, quæ protulit inventa! *Boyleos*, *VVrennos*, *VVallisios*, *Hockios*, *Grevvios*, *Newtonos*, *Halleyos*, superante sapientia Viros, quis non admiretur, quis non colat! Neque tulit nobilis instituti speciem diu Celsissimus *Hetruscorum* Princeps, quin generoso proposito imitari idem, atque adjuvare, pulcherrimo successu inceperit. En animas candidissimas, *Rhedum*, *Borrellum*, *Malpighium*, *Bellinum*, qui æternam suæ pepererunt Scholæ gloriam. Quis Academiam Regiam in *Galliis* silens prætereat? quis digna ejus meritis solvat præmia! Postquam enim sexto post sexagesimum præteriti seculi anno hæc condita, atque munificentissime dotata, à magno Rege *Ludovico*, eo rerum floruit progressu, ut audacissima vota atque avidissimam expectationem multum superaverit. Quid enim dicam *Caracavii*, *Robervallii*, *Auzontii*, *Cassini*, *Hugenii*, *Dodartii*, *Amon-tonii*, *Pecqueti*, *Peralti*, *DuVerneyi*, *Hombergii*, quid aliorum, Opera? Nihil certe quod accedat ad hæc dignitate pretii, novimus. Nec ita longo intervallo Germania adfuit: quum & invictissimus Cæsar *Leopoldus* septuagesimo ejusdem seculi anno conscripserit viros in publica Physices commoda promovenda aptissimos. Tandem & Gloriosissimus Borussiæ Rex *Fredericus* Berolini regia liberalitate, atque instituto vere Philosophico, perfectissima ingenia collegit, ditavit, atque instigavit, ut omni ope niterentur eodem proposito indagare, atque evulgare, tecta & interiora naturæ secreta. Si quis rarâ hac temporum felicitate omnia inventa tantorum Virorum collecta digerit, atque usurpat, habebit quod præsentis laborum fortunâ profit, habebit in quo gloriatur. Fortunas igitur laudo & hujus Academiæ, de qua etiam omnia bona dicere possum, quæ Medicos habet & Philosophos tali ingenio præditos, tali disciplina inclytos, ut rite observare vias naturæ, atque ex his certò argumentari, pari felicitate & possint & velint! Qui salubri doctrina ad studium & usum Medicum formare animos pulchro successu arrectos gnaviter annitantur. Fortunatum me & decoratum fateor, cui contigit His adjungi, Hos *Collegas* salutare!

Postremo jam unum illud restat, quod huic dièi solenne more Majorum præstari debet. Complexus enim gratissimum mihi exitum *Magistratus Supremi Academici*, quem hoc anno gessi, munere hoc abeo, fascisque pono. Animumque persentisco lætiorē hac hora, quam illa, qua ante annum illi suscipiendo admotus onus honorificum defugere legitime non potui! En igitur oportunitatem paro, extemplò ut accipiat ex recitandis literis *Virum Magnificum*, quem tuendæ huic dignitati in annum sequentem præfecere *Reipublica Principes*.

FINIS.





HERMANNI BOERHAAVE ORATIO QUINTA,

S I V E

S E R M O A C A D E M I C U S

D E

C H E M I A S U O S E R R O R E S
E X P U R G A N T E ;

Q U E M H A B U I T ,

Quum Chemiæ Professionem in Academia Lugduno-Batava
auspicaretur.

XXI. *Septembris* M. DCC. XVIII.



ILLUSTRISSIMIS ATQUE AMPLISSIMIS VIRIS,
ACADEMIÆ LUGDUNO-BATAVÆ CURATORIBUS:

D. D. WILHELMO BARONI WASSENARIÆ, Dynastæ in
Sterrenberg, &c. Equestri Ordini Nobilium Hollandiæ adlecto, De-
legatorum Præpotentium Ordinum Hollandiæ Præsidi, &c. &c.

D. D. HUBERTO ROSENBOOM, JC. Toparchæ in 'sGrevelfregt,
supremæ Batavorum Curia Præsidi, &c. &c.

D. D. HERMANNO VANDEN HONERT, JC. Reipublicæ Dordra-
cenæ Consuli, Aggerum Alblaffervvaerdensium Comiti, &c. &c.

E O R U M Q U E C O L L E G I S ,

Nobilissimis Gravissimisque Viris Reipublicæ Lugdunensis Consulibus:

D. D. PETRO VAN LEYDEN, Vlaardingæ Toparchæ, Consulum
Præsidi, Aggerum Rhenolandicæ Præfecturæ Assessori, &c. &c.

D. D.

D. D. JOHANNI VANDEN BERGH, JC. Ex Fœderata hac Republica olim nomine Imperatoris Caroli VI. Brabantiae, Flandriae, Hannoniae, &c. Ephoro, & ad Res earum ordinandas constituendasque Delegato.

D. D. CAROLO CRUCIO, JC.

D. D. WILHELMO PAATS, JC.

NEC NON

VIRO SPECTANTISSIMO,

D. D. PETRO GIJS, JC. Reipublicae Lugdunensis Senatori, amplissimis Curatoribus & Consulibus à Secretis.

Hanc Orationem
D. D. D.

HERMANNUS BOERHAAVE.



USPICATURUS Chemiae publicè docendae munus, ex ipsa hac arte, de quo dicerem, censui petendum. Nec defuit sane, si coram Artificibus agendum fuisset, quæ in Panegyri Academicâ peroraturum quam maxime defuit, materies. Quis quærat sollicitus, ubi abundantia affluit ipsa rerum pertractandarum & copia uberrima? sanus certe nemo; si modo loqui datur his, qui periti sunt rei, in qua explananda sermo instituitur. Ut vero copiosus fuerit & dubius apparatus, difficilis tamen eligat quis, quod spe applausus enarret concioni, cujus pars longe maxima de argumento orationis nihil fere quidquam recte intelligit. Hanc videris fortem meam hodie, qui coram Principibus in Republica Viris, in confessu sapientissimorum Professorum, in conspectu denique hominum in omni scientiarum genere perfectissimorum, verba habere cogor de Chemia! de Chemia! quæ aspera, horrida, laboriosa, à commercio Sapientum remota, ignota Eruditis vel suspecta, ignem, fumos, cineres, sordes spirans, vix ulla amœnitatis specie commendata habetur. Neque tamen sola hujus ignoratio apud Clarissimos Virorum parit molestiam Oratori, sed & datur aliud, quod curam hanc majore cura aggravat: vix enim est quæ magis refugiat ornari verbis, vix alia minus accommoda amabilis eloquentiæ lenociniis; prorsus ut Suadæ consultissimus ditissimæ excutiens Rhetorices Topica, parum reperiat, quo absolveret propositum. Contra vero pervulgatus dudum invaluit rumor apud Eos, qui in studio sapientiæ gloriam meruere, & qui sententiæ suæ gravitate rebus pretium statuunt, quasi fœcunda errorum, bonæ frugis pauperrima, egestatis parens, rei familiaris decoctrix, perniciēs

& pestis bonæ mentis, esset, de qua sermo habetur, disciplina. Alios esse fateor, qui sive studio ducti, sive experimenta edocti, pulcherri-
ma quæque de illa dicunt & sentiunt; sed parum quoque valet horum
apud idoneos auctoritas, quia in deprædicandis ejus laudibus nec ratio-
nem tenent nec servant modum. Utque immerito hanc Illi detestantur,
ita Hi eandem usque ad insaniam depereunt, utrique nimis acriter.
Quæ mecum perpendens arbitrabar, tantam sententiarum discrepantiam,
atque componendæ litis spem, materiem præbere huic horæ propriam.
Errores igitur à Chemicis in artes sparsos passus conabor evincere,
Ipsos hosce à sola Chemicorum industria expurgatos felicissime. Erit
enim hæc ex Chemia materies huic utcunque conveniens celebritati,
à meo non aliena munere, forte nec inutilis. Veris conabor minimum
distantia proferre, &, ne inepte nimis fautor videar, cavebo. Lenes
Vos mihi animos, patientesque accommodetis aures, &, si misere
cupidum vires destituunt, detis veniam! Sed si eventus vota hodie mea
hanc orantis causam eluserit, non ideo sane Chemiæ merebor haberi
minus idoneus: nulla quippe disciplinarum minus generat disertis Ora-
toris facundiam, nulla ineptior, ut eloquentiæ arte apposite ad persua-
dendum utatur.

Ignorantiam solam mortalibus omnem fere calamitatem parere inge-
niosè disputat Græcorum sapientissimus. Longe magis igitur errores in-
felicitatem creant hominibus. Neque horum damnosior usquam est, nisi
in ipsa Theologia, noxia. Estne alia, quæ salutem hominum propius
curat, inter disciplinas? Docet illa, sentire de SUPREMO NUMINE con-
sentanea MAJESTATI SUMMÆ; hominis officia in DEUM præfinit; pieta-
tatem, qua prosequatur hominem homo, præscribit & explicat; Jovis be-
nefacta in mortales enarrat. Quam pulchra hæc, quam sublimia! Vilescit
prorsus, quidquid cum his comparaveris. Eo itaque religiosius cavendum
est, ne in sanctissima sapientiæ hujus adyta profani quidquam irrepat. Sa-
cilegii habeatur, & impii quam maxime, & execrabilis, reus, qui opi-
nionum commenta, studia partium, affectuum vitia, substituens pro Di-
vinis, sacra miscet turpibus, cultumque UNI sacrandum DOMINO ido-
lorum fœdissimis præstandum rapit! Sacrosanctis quidquid non panditur
oraculis, miraculi quidquid Divini & suprahumani prodigio haud firma-
tur quam certissime, quidquid nec voce, nec exemplo, intemerata stabilivit
sanctitas, esto procul, procul esto! Utinam hæc mature cogitassent, utinam
ferio, Chemicorum plurimi! Quam decora ipsis constitisset, si intra suos
vixissent fines, gloria! Quam vellem, ut nimis temerarii haud ingessissent
se in arcana Religionis publicæ! nec inania portentosæ cogitationis ludi-
bria mysteriis miscendo fœdâ contaminatione polluissent omnia! O si
vesani homines temperassent sibi, nec ipsa Sacra Volumina interpretari
voluissent ex Principiis & Elementis Chemicis! Sed pudet, omnia hæc de
iis dici posse, & refelli non posse! *Paracelsi, Helmontii, Fratrum Ro-*
seæ Crucis, aliorum, scripta evolvat quis. Stupebit! Nugamentorum
pudebit, in quæ per vetitum nefas ruit audax omnia fingere Turba
Chemicorum. Quæ fabulæ, superstitio, inscitia! Certe vix usquam plus
deliriorum reperias. Est tamen in re ipsa causæ quid, quâ compulsi adeo

indulserint huic fingendi licentiæ primi Cultores Artis. Erat ea olim penes fossores metallorum, & Pyracmonas, qui nulla imbuti Artium ingenuarum doctrina, ab omni commercio cum Sapientibus procul exsules, damnati ad subterranea, in tenebris degebant, miserumque spiritum duro & paupere victu sustentabant. Cogitate hos mille rerum periculis assidue obnoxios, trepidos rerum, mentem turbatos, durissimam undique vitam trahere. Quid enim? Pavent ad terræ motus frequentissimos, ad rapidos montano flumine torrentes, ad apparitiones ignis trifulci, fulgetri, sacri sulphuris, ad incensa subito pinguis halitus crassamenta, ad fragores speluncarum, ad mugitus soli. Nec datur interea, qui lucem reddat trepidanti animo, sapiens Consultor. Sed aniles geræ, historiolæ fabulosæ, tristia terriculamenti instrumenta, atque atræ irritamenta bilis, ex stultis insanos fere reddunt homines; ita quidem, ut valens & mente integer de motu cerebri & turbatione periclitaretur. Tales sane Magistros qui accipit ad elementa Artis ponenda, felix sit oportet & firmus, si non imbuitur vanis, quibus illi corrupti sunt, erroribus. Ita enim se res habet cum Iis, qui in discendis toti sunt Artibus, ut Magistri auctoritas, propagata de traduce in traducem fabula, frequentia exemplorum, & eos trahat, qui cæterum, emundæ naris homines, cauti satis erant fictis vera secernere. Et quis, quæso, Nostrum tam bene firmâ, tam pulchre subductâ, ratione ad sapientiam, quin juvenili præjudicio, Præceptoris opinione, reperitis narratiunculis, acclinem falsis animum sero tandem, & videat, & doleat? Ipsi deinde huic malo fatalis accessit perniciēs alia ex eo, quod Medicorum eruditissimi, *Galenum*, *Peripateticos*, & *Arabas*, aspernati, Chemicis totos se devoverint: postquam enim ibi nuda plerumque verba, heic experimenta rerum, generalia illuc omnia & in cerebro enata speculantis, heic autem re comprobata effecta Artis, contemplarentur, discrimen admirati, præpetes, festinando mox præcipientes, cæcoque impetu, omnia quoque ratiocinia amplexi sunt Doctorum, quorum pauca læti viderant effecta. En infelicis mali labem, quæ serpente statim & late dominantis contagio sic infecit omnia, ut dein suspecta prudentibus, Philosophis invisa, ridicula plerisque, evaserit. Hinc recrudit, quidquid olim, apud prima secula, *Magi*, *Chaldaei*, *Persæ*, deliraverant de Igne DEO; inde *Pythagoræ* blanda illa, & suavia, de animarum transmigratione insomnia renata sunt; Illi, cum insanientis sapientiæ Auctore, mentem asserere invisibilium præ subtilitate corpusculorum nubilulam; Hi numeros, & Dæmonas, cum *Platone*, ubique suspicere; Alii *Zoroastris* magica tentare; quin & gravissimos Chemicorum & Principes videas pro veris docuisse serio atque inculcasse, quæ ingenio & arte summi Poëtæ suaviter luserant, de Faunis, Satyris, Geniis, Nymphis, Pygmæis, Semi-Deis, Sylvarum, Montium, Aquarum, Subterraneorum, Aëris denique, Dominis. Pharmaceutica, fascino, carmina, incantamenta, Pastorum & Bubulcorum; conjecturas Astrologorum leves, sævasque minas; Barbarorum Amuleta, Talismanos, obsignatos intra metalla Genios, infusosque incantatu in firma corpora spiritus, discipulis obtruserunt. Quid miri hos Doctores ipsa tandem violare

Sacra! Errorem extundit error! Volumina *Mosis*, *Salomonis* Scripta, *Apocalypsin Joannis*, habuerunt pro descriptione Artis Aurifabræ. Omitto nefandas de Sacrosancta Triade, de aliis reconditissimæ Religionis mysteriis, & abominandas, interpretationes. Has qui audit detestatur, execratur qui legit, horret qui intelligit! Nihil fecere reliqui, quin suis id conspurcarint commentariis, ubique allegorias, emblemata, typos, enigmata, ita crepantes, ut nihil tam explicatum, tam liquidum, tam planum, in Sacris legatur Literis, quod nugantes non detorserint illi in sensum alienum; insania denique eousque ruente, ut ipsam tandem rerum gestarum Historiam, ipsa miracula, quibus doctrinæ conciliant fidem Auctores Sacri, quis credat, in Alchemiæ placita converterint. Metuo, ne indignabundi ad hæc totam damnetis ilico & proscibatis Artem. Sed, si sedato quis pectore sederit ad hæc omnia iudex, rerumque non corruptus momenta iuste librat, cernet vere, ex ipsa Chemia Arte per ipsos Chemiæ cultores cuncta hæc pulcherrime redargui. Abuterer vero patientia vestra, si nunc adferrem in medium omnia ea, quibus illa vel singula, vel universa, argumentis de Chemia petitis penitus repudiantur: adeo enim copiosa argumentorum hîc superat materies, ut enarrantem deficeret dies. Unum, patiamini, laudem *Rogesium Baconem*, clarum decimo tertio seculo *Britannum*, quem infando indicio insontem damnavit Magiæ Pontifex Romanus. Enimvero hic Vir facultates naturæ, artisque potestatem, sociatâ sapienter operâ, eò valere docet, ut quæ binis re efficiuntur hisce verâ, longe superent ficta quæcunque miracula Magorum. Ipso demonstrat eventu, industriam humanam naturæ consultam præstare, quibus simulandis frustra Illi carmina, Dæmonas, præstigia invocant; facilitate & fide admirabili explodit damnosæ monstræ superstitionis, cerebri deliria ventosi, bacchantium enthyasmos; distinguit castissime inter sacerrima pietatis arcana & vertiginosi ludibria ingenii, inter corporeas pestes & cœlestem animæ originem, naturam inter & DEUM. Miremur tantum nascentis modò Chemiæ tempestate Virum, sed & veneremur nostra ætate Alterum in iisdem *Britanniis* inclytum *Boyleum*. Quis hoc Auctore in Chemia clarior? quis magis diligens? quis successus felicitate, quis eventuum pulchritudine, amplior? Nocturnâ Ille, Ille diurnâ, operâ, sollicitare Naturam, vitam excolere per hanc artem, alios demereri revelando quam liberalissime, & participando, quæ industriâ suprahumanâ, suo periculo, suo impenso ære, felix, primus, solus, detexerat. Sed, quam fuit DEO plena semper candida hæc anima! quam puto ipse ad DEI cultum pectore! Amore omnes benefico, Oracula Divina piâ veneratione, prosequutus, quam prudentissime Principia Religionis ab omni naturali, ab omni distinguens Chemica, Scientia. Ad Scripta Viri provoco, quæ magno humani generis bono edidit, de dictione quæ in Sanctis floret Foliis, de amore in DEUM, de proposito Creatoris DEI, de officio gratitudinis, & reverentiæ, ab humana gente summo DEO *sospitatori* debito. Provoco ad incomparabilem munificentiam, quâ testamento honoravit liberalissime, qui accuratissimis argumentis, erudite, & diserte agerent causam DEI contra Atheos inprimis, & doctrinæ Christianæ apertos publicosque hostes.

Plura adderem, nisi sic satis constaret ex paucis hisce, errores, quos abnormis Chemia sparserat in Sacra, Chemicorum sapientiâ expunctos felicissime. Est igitur, ut veniam gravis delicti impetrent, vel ea certe gratia, quod varia rerum imagine confusi hi homines desipuerint, nec mala adeo mente nec animo malo. Dominandi certe in animos libidinem causam non habuerunt corrumpendi Sacra. Levius utique peccarunt his, qui hîc apud Superos furto lætantur nimis inani, dum nihil habent pensi excogitare de industria, atque animo audacissimo effingere quæ DOMINI DEI auctoritate dictitent impudenter mortalibus; qui cogitatis suis, sæpe nimis levibus, fidem ovantes DEO sacram arrogat; qui non imitabiles Jovis leges simulat, sibi que DEI honorem poscunt, dum interim crudeles intentant minas dubitanti, dissentienti verò ultricem Nemesein atroceque imprecantur diras. Eo quidem omnia hæc animo tantum, ut impune in liberos hominum animos, inque liberales artes, quarum elementa indocti vix capiunt, dominantur; quasi piaculum non foret *Incorruptissimum Judicem*, DEUM SUMMUM nefariæ ambitionis & scelerati odii ministrum fingere, & instrumentum!

Æqui consulatis bonique impetum, quem animo extorsit meo haud iniqua prorsus, liberrima certe, indignatio in eos, qui dum personati verba credulitati dant obsequiosæ, se interea solos curare Divina jactant, & obtendunt, qui aliorum non vitam modo, non scripta tantum carpunt, sed in abditissima quoque animi sensa, in ipsos post fata manes, quos bonus nemo violavit unquam, animadvertunt severissime: ita scilicet imperiosissimam in omnes Tyrannidem affectantes, ut suis ipsi affectibus, turpissimis equidem, quam abjectissime serviant!

Quæ accidunt corporibus vicissitudines, solo fiunt motu, qui molem infusus agitat. Hujus itaque causas scrutari oportet, modosque discere, quibus inter corpora ille excitari, mutari, sisti queat. Vires autem hæc fugiant omnem humani ingenii perspicientiam, nisi sola evidentium effectuum observatione sensibus apparent, atque inde demum innotescunt animo. Quare operæ pretium erit fideliter advertere in motus, qui oriuntur, ubi corpora aliis vicina agere incipiunt. Corpora scilicet apponere corporibus, rursus ex vicinia remove, interim vi incitantis ignis in agilitatem sollicitare propriam, id vero efficacissimum cognoscendæ virtuti corporum habetur instrumentum. Nonne autem totum hoc unius est Chemiæ Opus? igitur hanc præstantissimam extendendis Physicis agnoscere necesse est, qua nulla aptior manifestandis rerum, abditis. Neque tamen diffiteri datur, magnos ex hac ipsa errores natos esse in extricanda natura rerum. Quorum quidem caput fuit, quod quoties experiundo deprehenderant propriam singulari cuidam corpori actionem, statim illam naturæ viam, quam hîc detexerant, universalem habuerunt, atque omnibus eam aliis corporibus ubique communem audacter asserunt. Quo in negotio pares habeas Chemicos illi, qui spectatum magnetem inter & ferrum opus naturæ, cunctis statim adscriberet aliis, doceretque fallax exerceri inter cætera actiones, quales inter illa duo observaverat. Quid vero est, si non hæc fallacia est? Hinc doctrina fermentorum, effervescentiarum, oppositorum salium, sulphuris calefacientis,

fermentationis, putrefactionis, generationis, transmutationis, præcipitationis, adeo universalis; hinc infinita, quæ ex hisce assumtis deduxere, alia. Ut mutata Physices totius facies, simulac inter quædam erant illæ paucæ actiones repertæ! nihil præter eas admissum in explicandis naturæ legibus, explosum quidquid inde discrepat: brevi adeo placuit nata recens hæcce Chemicorum ratio, ut tota quanta naturæ potestas arctis definiretur his agendi modulis. Ut & illi denique, in quibus satis aliunde falis erat, decepti paucorum exemplorum imagine nimium quoque his dederint. Quam est proclivis humana indoles à paucis bene compertis, à singularibus paucis, in doctrinæ generalia! Communis de hoc vitio apud Sapientes querela est, nusquam tamen quantum à Chemicis fuit peccatum. Namque usque adeo invaluit laxa hæc interpretandi licentia apud omnes, ut, nisi ipsa Chemia huic modum posuisset, tota sane Physica paucis hæreret Chemicorum legibus. Neque erat aliunde spes disturbandis figmentis. Postquam vero Chemia cœpit sedulo ex inventis parare nova, corpora diversa iisdem tentare artibus, eadem vero aliis examinare modis, ea apparuit corporum dissimilitudo, ea in operando discrepantia, ut haudquaquam rerum pateretur amplitudo paucis se adstringi exemplorum vinculis. Certa scilicet ratione constitit tunc demum, esse in corporibus varias, prius latentes, efficacissimas tamen, rationes, quibus singulares quidem, sed maximi sæpe, motus producerentur. Ita nobilis hæc Scientia ex abusu artis nata damna sustulit, extirpavitque radicitus, quos prius aluerat, errores. Rem cernamus exemplo. Quæ sua acent sponte vegetantia, si conduntur vasis, solo adjumento tepescentis aëris concipiunt motum, qui, debito postquam sustentatur tempore, partem olei nativi mutat in spiritus volatiles, qui patiuntur permisceri aquis, in igne verò ardent sacri instar sulphuris. Est & ubi idem vegetabile, motu haud ita dissimili, eandem olei sui partem in spiritus acetosos convertit aquæ miscendos quidem, sed extinguentes flammam. Actionem utramque fermentationem dixere. Spectabatur immutatio Elementi insignis, & cui parem alibi non viderant. Hactenus feliciter! Sed præpeti se credunt arguendi modo, dum palam inde clamant, nullam vere immutationem corporum accidere absque fermenti vi, nullam absque fermentatione: immania sic uno impetu spatia prætervolant. Sed repertis læti & audaces aliud longe magis universale inde effinxere fermentum, cujus esset tam efficax, tamque late patens, virtus, ut minima particula sui fermento singulari corporis cujuslibet sociata imprægnaret illud læta fœtura, ut valeat dein alia omnium fermenta trahere in sui generis sobolem. En quomodo, En quousque, ex angustis unius experimenti cancellis exspatiari audent, & provolare per infinita rerum. Ne tamen quis existimet in uno id exemplo obtinuisse: enimvero vix prostat illustre, in quod idem non inciderit arguendi genus. Inde multiplex adeo inter illos Secta est, condente quolibet per varia experimenta doctrinam universalem suis propriam, suis adstrictam, observatis, ut tandem vix reperias, qui super eadem re inter se haud contendant. Illi interea, qui humaniora docti, rerum vero observatione carentes, placita refutantes Scholarum, certiorisque avidi doctrinæ, ubi Chemicis se ap-

plicant, dubii semper & ancipites hærent, incerti quam ex multiplici-
tate opinionem eligere. Gemit hoc sub pondere, sed suis emerfit ite-
rum adminiculis, Chemia. Nulla fere Scientiarum malo huic attulit re-
medium, sed suis se repurgavit auxiliis, destituta alienis, Ars. Neque
id miretur, animum qui adhibet! quoties enim corpora quædam ap-
plicabant aliis, deprehendebant toties novas apparitiones, actiones alias,
effecta dissimilia, quæ ad universalem quandam, omnibusque commu-
nem, legem castigari negabant. Constitit præclaris tunc, utilibus con-
stitit & jucundis Chemicorum inventis, quod ingenti sit opus observa-
torum supellectile, cautissimo examine horum, sollicita denique com-
paratione omnium inter se, priusquam fas sit ullum pronunciare mo-
dum universalem, cui omnes naturæ actiones obnoxia. Constitit nihil
fallacius, quam ex similitudine unius cætera exponere, omnia æstimare;
utque frequens tironi eventum omnium causas ex modo uno petere,
ita maturiore usu perfectæ ætati vera placebat & sincera tantum sapien-
tia, quæ jussit lento gradu, & exquisitissima cura, sollicita ad singula
quæque circumspeditione, procedere, antequam sententia super natura-
libus rebus diceretur à Chemico. Providentissime commissos correxit er-
rores, perpolivit vera, abusu emendato, aucto usu, certa, pura, atque
ab utili laudatissima jam colitur. Qui *Homborgiana Tachenio*, *Helmon-
tio Boyleana*, qui vulgatos Tirociniorum Scriptores contulerit cum iis,
quæ in *Miscellaneis Germanorum*, in *Monumentis Gallicis*, in *Britan-
nicis* jam habentur Commentariis, prudens ferat judicium, nec justum
hujus calculum reformidabo.

Aliud restat caput, unde errores plurimi duxere originem; id autem
commune adeo multis quidem aliis, ut vix sit, qui ab eo immunem jure
se jactet. Scilicet intento qui est in naturam rerum animo, quoties causæ
à sensibus remotæ virtute opus ingens factum perspicit, proclivem se
experitur, ut putet latentem, quæ hoc effecit, non corpoream, sed longe
sublimioris naturæ esse. Nec prius sententiam corrigit, quam Geometra-
rum argumentis intellexerit, in minora semper secari posse corpusculo-
rum quodlibet, eadem manente in minimis, quæ in maximo fuerat,
indole corporea, & non referre sensus magnitudine sua afficiat, an effu-
giat præ tenuitate. Quibus dein accedens subtilitas Mechanices facit, ut
excutiat falsa hæc opinio, dum evincit minora agere eodem majoribus
modo. Quotusquisque vero hæc intelligit? Eorum autem, qui hæc didi-
cere, pars longe maxima, imo & acutissima, ubi re opus est, usum ho-
rum negligunt. Hinc ignem dicere non corporeum, sed corpus inter &
spiritum ambiguum. Alii solem, ejusque ignem filium, evehunt in
Deos. Quantumque inde peccatum in Chemia est! in Chemia dicam?
imo vero quam est late seminatus error hic in alias scientias! Et est re-
vera adeo pernix, & præpes, penetrabilis, & diffusa, violenta, & uni-
versalis solis & ignis actio, ut arduum fuerit intelligere, inertī moli has
dotes esse proprias. Ideoque volutaremur usque per has opiniones, nisi
Chemia demonstrasset liquido, ignem arte suâ capi, teneri, figi, pon-
derari, corporibus uniri, inde expelli, posse. Tum sublata ilico monstra
dogmatum, applaudente Sapientum choro. Nihil amplius somniatum est

de ineptissimis, in quæ res deducebatur, figmentis. Sed constitit remotissimarum à se invicem rerum, nec ulli sano confundendarum unquam, mentis scilicet corporisque absolutissima diversitas. Placita modò Chemicorum consulantur de natura solis, lucis, ignis, ut in Commentariis Academiae Scientiarum evulgantur, invictissimisque probantur argumentis. Jungat his, cui volupe, dicta *Verulamio* de indole flammæ ignisque ex Chemicis maxime hausta experimentis. Addantur quæ *Boyleus*, quæ *Britanni* Philosophi, subtilissime tradunt de purissimæ flammæ, mirâ indagine captæ, pondere. Efficitur inde, quidquid hac in causa peccatum fuerat à Chemicis, expiatum per ipsos fuisse quam purissime. Nec est quod levia hæc æstimes: Tanto quippe pluris hujus erroris correctionem facere decet, quanto pejor alter, qui, eo emendato, eversus est. Quid enim homini accidit infelicius, quid turpius, quàm confusio actionum mentis, corporisque? Sequebatur interim ex prior error hic. Atque non tantum omnia fere Chemicorum, verum plurium quoque Philosophorum, ratiocinia infecit, & turbavit, fœda hæc opinio. De prisca Veterum Philosophia an pulchriora dixerò? universa certe illa, castum exceperis *Anaxagoram*, huic obnoxia errori est. Quasi corporea moles tenuissime divisa, expansa, rarescens, ita tandem mutaretur, ut, excedente prisca indole, recens adipisceretur ingenium. Ut, quæ prius mole, formâ, duritie, motu tantum ageret, vel ageretur, nunc in se ipsa species orto recens ex corpore animo impressas intelligentiâ præsentem sentiret, intueretur, compararet inter se, odio prosequeretur, vel amplecteretur amore. Licet infania hæc videatur ipsa, recoctus est tamen error crudus hodie, & quidem, quod acerbè doleo, à Viris certe Optimis: malos enim quisquis dissensus causâ dixerit, ignarum is malumque se prodit. Refutat autem Allectas hujus Sectæ artis nostræ industria, docet illa modos attenuandi quàm maxime corpuscula, quæ rursus pro lubitu coacta densat, nulla inde nata, destructa nunquam ulla cogitandi facultate. Campus se pandit, in quem diffusa late exspatiaretur Oratio, sed aliunde superat adeo abundans materies, prorsus ut sufficiat hæc dixisse paucula.

Physicæ Medicinam arctissime sociari utriusque docet contemplatio; quare Chemicorum in illa errores & hanc corruerunt ita, ut non modo quæ speculatione absolvitur infecta sit, sed & fœdata quæ in ipsa versatur operis exercitatione. Licetne ostentare caput tot malorum Princeps? Chemistæ magnâ & artificiosâ ignis, vasorum, instrumentorum, ope excitabant motus varios, quibus varie permista inter se, vel lecta seorsum, corpora in novas mutabant species, unde recentes oriebantur agendi vires, antea haud proditæ. Illa deinde quum explorarent corpora artificiosâ indagine, quam copiosissimam dictitabat Chemia, detexerunt genera motus plurima, quibus similia alterius artis effectum nunquam viderant, quibus paria nunquam obtulerat suâ sponte commissa sibi natura. Invento lætis applaudebat gloria! Sed felicitatis percepta voluptas heberabat Inventoris animum! Similia his repertis in natura rerum, in corpore humano dari ilico asserebant, assumebantque ut quod certissimum. Quæ, ut fierent arte, intricatissima, violentissima, operosissima, flagitabant artificia, illa in sedato corporis humani motu obtinere, foveri, ali

ali, illa in terra, aqua, aëre nasci, quam precario dixerunt! quam fecundam dederunt nascituris mox latissime erroribus oportunitatem! sales acres, alcalini, fixi, ignei, dominabantur praesentes in corpore animalium & vegetantium; volatiles, acerrimi, alcalini, occupabant hominum humores blandissimos, partesque firmissimas, ut & in dentibus hospitarentur & in ipso lacte; modò acida claram celebritatem nacta, utpote non fossilibus tantum vel vegetantibus, sed & ipsi homini ita propria, ut copia, rodente acrimonia, cuncta obsiderent penitus; inde humanum corpus officina Chemica, theatrum, in quo ludi haberentur Chemicis, oppositorum salium conflictus, fervor, pax, vicissitudo, ortus, interitus, effectus, inducebantur jure quasi optimo. Artes spectate, quibus omnes corporis humani partes examinaverunt: sunt, ut varietate operum, ita effectuum, insignes, sunt admirabiles. Lento hic tepore prudens fovet, violento alter igne excoquit, ibi in sublime agi, superappositi ignis vi hinc spectas deprimi; est ubi admistorum vario opere componi, est ubi in simplicissima resolvi elementa, cernas. Tam diverso operum apparatu in nova semper mutatas formas corpora obtinere, vix binis Artificiis diversis effecere eadem. His interim productis tam diversis, dissimilium adeo causarum effectis, tamen simillima in ipsis corporis partibus extitisse asseverant. Usque adeo scilicet, ut Vir clarus veritus non fuerit arguere lucentem in viventi corpore ignem, quia Vulcanus ardens, formidabili violentissimi ignis & extremâ torturâ officinas urens, putrefacto, ficcato, carbonibus misto, lotio & vasis firmis coercito, lucentem massam exprimit. Cætera de hoc genere adeo sunt multa, ut enarrandis dies vix sufficeret. Quæ quidem facilis in Chemicis ut tuleris, mireris interim temere acceptata Medicis, ut tota horum ars breviter pependerit à Chemia. Suas *Basileæ* Scholas *Paracelsus* vix aperuerat decimi sexti anno vigesimo septimo seculi, quin omnis *Helvetia*, *Germania* universa, *Gallia* pars maxima, Medicinam Chemicam amplecterentur. Ingenio acer, artes doctus ingenuas, eruditione atque facundia clarus *Helmontius* nonagesimo septimo inde anno Scriptis inclaruit primis, rejectæ Scholasticæ Chemicam ita substituit, ut omnis jam *Europa* nomen illi dederit; hanc omnes uno ore laudare, omnia de ea bona dicere, quæ sola vitam tueri & salutem posset; certatim omnes ex arte proscribere quidquid non haberetur purum putum Chemicum. Quum dein hac in Academia *Franciscus Sylvius de le Boe* Medicinam professus, immodicis ubique laudibus commendaret Chemica, totusque in illis auctoritate, eloquentia, exemplo, numerosæ Auditorum frequentiae maximos artis usus extolleret, id effectum fuit, ut in tota, qua late patet, *Europa* dominaretur. Pauci dubitaverunt quidem, sed assensere omnes fere, simulac *Otho Tachenius* audacter, magno animo, & fortuna, eam propugnavit, tribus super ea evulgatis Scriptis, doctis certe & laboriosis. Agere naturam, agi vitam hominis, instrumentis Chemicis; his solis excitari, dirigi, augeri, minui, sopiri, motus omnes, quorum varietate Universi totius, & corporis humani, effecta fieri possent, absque his nihil, adeo inculcatum, ut Academiae hæc resonarent; ut in omnibus Medicorum Scriptis unum hoc laudaretur. Si acedo acrium ro-

deret metalla, quod alimenta in ventriculo solveret habebatur acidum. Si aromatum oleis acerrimis affusa igne nata acida æstum generarent fervidum, acidus chylus balsamo confusus sanguinis credebatur naturalem calorem corporis excitare; aut, si utraque hæc paulo acriora, inventa februm ardentium putabatur causa. Nitrum, sal marinus, inprimis ammoniacus, aquam si refrigerant, febrile frigus hisce mox adscribitur. Exhalantium ex vino ebulliente partium indoles calice excepta imposito modum docebat nascentium in nobis spirituum. Mistum acido alcali fervente impetu ut agebat in vasa coërcentia, ita in corde chylus mistus sanguini in thalamis ejus, inque venis corporis patrabat ferè eadem, in musculorum ampullulis agebat & simillima. Ridiculosissima tamen assimilatio post *Harveii* tempora placuit acutissimis Geometris. Quid autem supererat ratis Naturæ & Artis instrumenta eadem, nisi ut actiones utriusque easdem colligerent. Humanus ventriculus fit olla Hermetica, in qua tepens fermenti acor cibos fermentat. Acet inde, & impetu fervens chylus exsilit, alcalino bilis fomiti occurrit, en luctas pugilum, quas ciet duelli spectator & fax humor ex Pancreate: fervet opus, furunt inter se Duumviri, suis stipati undique Satellitibus, pars ruunt suo impetu in latibula venarum lactearum, penetrant se molimine proprio per mæandros rivi lactei in fluentum sanguinis; sed nec ibi quietæ sedes: latentes statim ex insidiis hostes assiliunt novos hosce hospites, ut nova pugna jam pugnanda sit: interim prosequendi profugos ardore animosi angusta viarum superant alii, in alveo sanguinis assequuti inimicos certamen integrant, atque instaurato conflictu in latos effusi campos in primum cordis penetrare irruunt, ubi recenti igne furibundi, per isthmus volitant pulmonum, cuniculorum perrumpunt myriadas. Nec finis: nam dispersos globos rursus colligit viarum concursus, atque alteri immittit cryptæ cordis fervidæ, unde novâ virtute obstacula effringunt, per omnes ambages dolosque corporis vagati in adyta cordis animosi redeunt. Apologum me fingere, ægri somnia, vanasque species, putatis narrare! Imo vero actiones naturales vitæ sic fieri serio dictavere recentiores Medici, false ridentes & melius sentientium Priscorum & omnium aliorum placita. Speculatus igitur semel hancce fabulam brevis horæ spatio ingens evasit Artifex. Tu fac cautus discas quid acidum, quid alcali; mox docearis signa utriusque; facile perspicias utrum utro majus sit. Unum restat igitur, supplementa legas, queis succurras debili, ut validiorem opprimas, donec præponderans ad æquam vim libratum sit. *Sylviana* sic, sic *Tacheniana*, sapientia omnis verbis tribus exhausta, quam admirabundus Orbis adoravit & amplexus est. Talis erat facies Medicinæ Chemicæ. Alios dixisse alia nec ignoro, nec diffiteor; sed sufficere credidi eam in exemplum adferre sententiam, quæ cæteris acceptior, atque ipsis arrisit Sapientibus. Si enim jam commemorarem, quæ jactata sunt de stibio sanante omnes morbos, solumque singulari prudentiæ favore purum conservante, hinc universali ad omnia mala remedio; si adderem causam, qua ita censuerunt, unam esse hanc, quod igne fustum cum fossilibus stimmi dissipans omnia, unum modò obryzum servando depuraret aurum; si audireris *Paracelsum* usu medicaminis arcani primò aliis & sibi promittere annos *Methusalem*,

rumque hos adeptum suo demum deliberaturum arbitrio, quam inde longam vellet vitam porro addere; si *Helmontium* audiretis ex immortali cedro *Libani* arte & labore Sapientum parasse medicatum liquorem, qui salubri adeo virtute humores ditaret vitales, ut deterfis fordibus, supplendo quæ deficiunt, victorum instauratu, viveret in secula, viridi semper crudaque senectute, homo: incredibilia clamaretis nec fanis audienda! Quid itaque de portentoso *Butleri* lapide diceretis? qui levissimo ad summum apicem extremæ linguæ attractu profligaret ex templo quidquid morborum calomitosisimum hominem obsederit; quid de *Artephio*, qui virtute electri traheret in se vitales de corpore raptos juvenili spiritus, qui in halitus medicatos adunatas vestalis ignis vires vaporans intermoriturum nunquam sustineret spiritum? In hæc certè & in similia si effunderet se oratio, finis non esset eorum, quæ inania, ventosa, spe tumentia, cassa usu, ostentarunt Chemicæ. Hæc tamen illa sunt, quæ curæ fuerunt Medicis; hæc illa sunt, quæ quietos prius, suæque artis tenuitate contentos, sollicitarunt; his quærendis bona, famam, vitam, animam, sacravere eruditissimi multi, multi sapientissimi, Medicorum; ut vertiginosi certatim ruere fatali mentis stupore in hæc absurdissimi rerum viderentur; fuitque generale adeo contagium, ut lustrationis vix affulgeret spes. Sola tandem Chemia malis remediò, quæ originem dederat. *Andreas Libavius*, *Robertus Boyleus*, *Joannes Bohnius*, alii præter illos plurimi, prudenti diligentia omnia explorando, ipso tandem folius Chemiæ artificio proprio demonstraverunt, aliena esse, quæ ars parat, ab iis, quæ natura efficit; diversam ideo naturalis instrumenti, & ejus quod ex Chemia nascitur, rationem; neque naturam hominis agere per illa omnia, quibus in propositum suum utitur Chemia; actiones itaque, quas industrii exercebant Chemicæ, distare immaniter ab iis, quas natura producit, neque arguendum temere ex his ad illas, nisi aliunde fides certa constitit. Apparuit inde, ea sæpe effecta Chemiæ, quæ nusquam, quæ nec in corpore humano unquam, reperiuntur. Patuit, falso à depuratione metallorum colligi sanationem hominum. Evictum fuit, modos, quibus vita hominum expedit morborum causas, Arti Chemiæ prorsus non imitabiles esse; pendere vitam & sanitatem à tam multis, diversis, intricatis, atque subtilibus & blandis omnino causis, ut vana spes implendis tantis promissis à Chemia ostentaretur. Quæ quidem omnia, & infinita id genus alia, postquam vera experientia asseruerant, feliciter correxerunt, quidquid in Medicina peccatum fuerat prius. Atqui adeo hæc vana, ut disturbandis sensus communis par sit absque ope Chemica. Fac ita esse, & permissò utere, si hoc lubens dederim. Id modò tribuas vice redditâ, optimam haberi, quæ experimenti documento labantes levat, redargutionem. O quam facilis est resipiscendi locus, quum proprio Artificem opere Ars propria redarguit! Sed spectemus, quæso, rem ab eventu, qui veritatem fideliter monstrare solet. Quandonam dormientis & delirantis Chemiæ vanitas demum excussa est? simulac Chemia suâ industriâ semet lustravit. Quis Medicos abutentes Chemicis in viam reduxit? prudentes certe Chemicæ. Verum repurgatæ usum Artis ubinam docemur? in Chemia ipsa. Ita

enim comparatum est cum natura hominum, ut credere faciles, ad explorandum pigri, laborem fugiant, festinent in assensum, nec exequantur libenter quod semel pectori credidit fallacia. Arduum est fines Naturæ nosse, quos intra arctatur ejus in agendo facultas, unde haud raro nova admittuntur & paradoxa falsâ specie commendata veri. Quam male autem verum examinat, qui corruptus Judex! quam raro emendatur præjudicata semel opinio! Quò impensius lætari nos æquum est de pulcherrimo Chemicorum hodie per universam *Europam* instituto, quo sociatis laboribus Chemiam ita colunt, ut in experimenta ardentes, tardissimi ad colligendum, circumspectantes ad omnia, alieno cauti periculo, non minorem in emendandis erroribus, quam in firmandis placitis suis, industriæ gloriam posuerint. Quam speratus respondit votis & meritis successus! repurgata, usibus idonea, nec fallax, habetur disciplina Chemica: ita quidem, ut, qui præceptis ejus mentem nunc formavit, evadat subtilis videndis Naturæ & Medicinæ arcanis; evitet fraudes, quas incogitat abnormis *Logodædalorum* sapientia; nullius in verba Magistri addictus jurare; nec ineptus usquam Sectarum fautor. Ita usu præ cæteris præstat, nec est ut porro abusu casta jam noceat, utrumque beneficium suis acceptum fert Cultoribus. In Physicis nil desperandum hac duce, omnia bona ab hac speranda in Medicis: abditissima revelare, extricare impedita, latentes corporum vires detegere, imitari, dirigere, mutare, applicare, perficere, docet illa fidelissime. Ingens Scientiarum Instaurator *Baco Verulamius* ait, in eruendis Naturæ rebus, utendum experimentis *Vulcani*, *Dædali* machinis, consiliis *Minervæ*; Chemiam eminere inter Artes, quæ Historiam naturalem perficiunt, valere eam inprimis ad Medicinam. *Boyleus* ætatem inter experimenta consumens, lautissimas profundens in Artes promovendas opes, dum ausu ingenti exsequi studet, quæ magno animo præceperat *Baco*, laborum fert præmiâ; sed Chemiâ inclaruit, per hanc inprimis profecit, quod fuerit Philosophis utilis, quod adjutor Medicis, quod utrisque carus & honoratus, Chemiæ debuit. Quò feror, quò rapior, ubertate rerum! aqua interim effluxit, hora monet sileam. Desino igitur, sed in in Eo, in quo ultimam perspicientiæ humanæ metam posuisse videtur Natura, *Isaaco Newtono*. Ille, licet adeo felix ut cum vivente de principatu in Philosophia contendat nemo sanus, quando leges, actiones, vires corporum ex perpensis demonstrat effectis, non aliud quam Chemiam allegat; quando inventas ibi vires iterum extricandis applicat Phænomenis, mera Chemica advocat, claroque testatur exemplo, abfuiſſet Chemia, singularem corporum propriam indolem, proprias vires, vix potuisse mortalium perspicacissimo cognosci. Castigatæ ergo Artis beneficentiam firmissimis asserui testimoniis, atque argumentis asserui ita, ut pateat quam sapienter Vos, NOBILISSIMI ACADEMIÆ CONSTITUUNDÆ SEPTEM VIRI, hanc acriter in eâ colendam curaveritis, nec volueritis ut vacaret diu, desertus ab excessu Clarissimi *Jacobi le Mort*, locus in Chemia Professorius. De quo Viro absque invidia fas est dicere, quod indefessa diligentia, singulari ab exercitio dextertate, observationum ditissimo penu, tantum inclaruerit, ut *Celeberrimi*

mus inter Chemicos laudaretur omnibus. Quod igitur Viro huic optime de hac disciplina merito me, nec ambientem, sufficere volueritis ago gratias, deque hoc favore mihi gratulor; curabo hoc negotium, ut VESTRO occurrā proposito, utque haud omnino videar indignus laudibus, & honorum verbis, quibus benevole tenues conatus in hac Arte meos honorare non estis dedignati.

Vos, rerum Pulcherrimi, sacrați Philosophiæ & Medicinæ Juvenes, fruamini læti munere, quo studia vestra liberalia juvant Patres Academici. VOBIS officinam construendam liberalissime curaverunt omni labori Chemico appositissimam, me illi præfecerunt, ut VOBIS consilio, doctrina, experimentis, opere, in cultura præirem: accepi, acceptum servabo! nec despero: quatuordecim enim abhinc anni sunt, ex quo, VOBIS flagitantibus, &, ut novistis, fere cogentibus aliunde occupatissimum hunc hominem, Chemica docere in hac Academia incepti, atque anniversario dein labore integrare opus debui; unde in exercitatione mediocriter versatus mihi videor, vestrique applausus stimulo satis mihi incitatus est docenti vigor. Agite, faciamus porro periculum, in labore, in successu, speremus hunc, illum exantlemus! improbo labori sapienter exulto digna semper statuit præmia DEUS. Regales sumptus, Sapientum consilia, exercitatissimæ manus, studia indefessa, suprahumanos labores, vobis expedivere viam, quâ tuti & felices eatis in adyta Artis. Aliena partos industria fructus nobis comparemus, &, priorum cauti discrimine, caveamus, ne nos decipiat haud raro fallens recti falsa species. Alienis ditati bonis propria quoque conemur industria inventas vitam per Artes excolere, & bene merendo memorem nostri posteritatem facere! Est enim & nobis, est, Egregii Juvenes, hæc facultas relicta.

D I X I.



HERMANNI BOERHAAVE
ORATIO SEXTA,
DE VITA ET OBITU
VIRI CLARISSIMI
BERNHARDI ALBINI:

Ex decreto Magnifici Rectoris & Senatus Academici habita,
XXII. Septembris. M. DCC. XXI.

NOBILI ALBINORUM
FAMILIÆ

Sacram Scribit

AUCTOR.



UPREMO placuit Universi ARBITRO, candi-
dissimam *Bernhardi Albini* animam, ab omni
corporea repurgatam labe, cœlesti rursus origini
asserere, curisque humanis liberam, per omne
deinceps ævum, in beatissima NUMINIS adoratione
totam SIBI consecrare.

Cujus quidem decreti divini eventum hora vidit
octava vesperi ejus diēi, qui septimus in hoc men-
se ordinatur, post novemdiarium morbi placidi decursum, in quo nihil
atrocis, aut violenti, ægotantem adflixit, neque amicos perturbavit.

Dum vero obitum Viri, ex auctoritate *Rectoris Magnifici*, atque
Academici Senatus, hoc de suggestu, Vox publica commemorat, in
varios affectus concionem abripit.

Qui enim detrimentum considerant, quod universa quidem Acade-
mia, atque Medicorum imprimis in illa ordo, inde capit, jacturam tris-
tes hi deplorant publicam.

ORAT. VI. DE VITA & OBITU B. ALBINI. 79

Illi vero, quos morum conjunxerat, atque Studiorum, similitudo, qui amicitia gaudebant sapientis, atque omni virtute eximii, Viri, sublatum ex oculis mœsti dolent, deflentque eo quidem acerbius, quo major Bonorum in terris est penuria, quoque suavior animo, quæ intercedit arcta cum his, atque utilis, necessitudo.

At domum defuncti qui spectet, quis, duratio licet ad casus humanos corde, à lachrymis temperet! Quem non perturbet deserta *conuix*, felici ad invidiam hactenus dulcissimi conjugii sorte beata! vidua jam! undecim Liberorum, paternâ jam carentium curâ, Mater! In remotis Illa longe à natali sede locis, ab omni procul consanguineorum auxilio, consilio, solatio!

Erectum habeat Illa, & altum supra suum genus animum. Eo tamen perspicacior ille ad æstimandum ex vero jacturæ pretium, eo vividus, & penetrabilis magis, acerbitatis ex dolore acerrimo sensus.

Si singulari quadam, & propria quasi sibi, felicitate literarum excoluit & sapientiæ studia, quæ educationis vitio negligit aut gustare prohibetur, amabilis sexus, habet quidem, unde præsidia petat, quibus firmet se ad ferenda patienter, quæ corrigere, aut vitare, nefas: sed, quam dura est, quam lamentabilis, lucta, quæ inter debile rationis auxilium, atque immanem inter affectuum extremi vim, exercetur!

Quod si doloris Illa victrix tanti, obnoxia Deo, mente in obsequium composita, CREATORI DOMINO resignat, quem viginti & quinque annorum spatio dederat, *carum maritum*, seque certâ beatioris olim possessionis futuræ spe solatur & erigit, quam crudelia tamen superstitem manent, quoties, ab his averfa, convertit se ad numerosam prolem, Liberos quoties spectat bene natos, forma egregia, modesto vultu, moribus decoris, nec eadem quidem, sed neque diversa tamen, venustatis specie amabiles. Immedicabile gemit, quod inclinatam urget domum, atque ineluctabile, malum! Patria caret auctoritate ætas lubrica, severitatis lege coercenda & firmanda toties. Consilio semper, sæpe & auxilio, opus ad regendos recte Liberorum animos. His orbata bonis spem amisit pariter fabricandæ per Patrem bene merentibus fortunæ. Hæc, hæc sunt, quæ luctum lachrymis majorem, mœstitiamque nulla voce, fletu nullo egerendam, aut explendam, excitant!

Ita tamen voluit SOLUS POTENS DOMINUS, UNUS VERE SAPIENS sic decrevit fieri. Mortalibus non modo silentis obsequii relicta gloria est, sed & ferventis in DEUM amoris officium, ut DIVINÆ VOLUNTATIS effecta venerabundus laudet omnia, ea sola bona agnoscat, atque eo usque quidem amet, ut, licet posset, nihil in hisce unquam mutatum velit.

Mors præscripta homini obeunda semel. Caducæ autem & precariæ vitæ quam incerta usura! Quare felicitatem ejus omnem solo censendam exitu serò sapienti *Cræso* prudens ille inculcabat *Solan*. Sed in ipsa tandem morte, si quidem bene actæ vitæ terminus est, quid optandum, nisi cita ut sit, qualem sapienter orasse *Cæsar* memoratur? Et juvat aliter quoque lenis ad hanc via, quam tanti fecit *Augustus*, ut felix jam rerum & terrarum Dominus, solam tandem spiraverit, ut ultimum Deorum donum & supremum, Euthanasiam. Indolentia, pacata sensuum he-

betatio, oblivio curarum, lenta virium resolutio, placidissimi somni protracta quies, comites sunt, ducesque ad consanguineum lethum, quas in ipso vitæ articulo extremo exosculatum perhibent *Gorgiam Leontinum*.

Harum manu ad metam, lineamque ultimam, ductus; nec invitus; felicitis vitæ satur; laude virtutis ornatus; omni carus bono; gratæ certus apud Posteris memoriæ; lætus munimento relictæ familiæ filio natu maximo; ingenti fretus spe concepta jam de cæteris; morbo monitus gravi biennio abhinc domestica componere; DEO devotus semper; quidni felix palam celebretur *Albinus*?

Quis ferat, invidiam conflare DEO per lamenta, lachrymas, obtestationes, quasi crudelis vocandus, qui perennem Viro felicitatem dedit, postquam NUMINE adflatus vitam omnem ad severas disciplinæ CHRISTIANÆ leges castus exegerat? Hunc qui amant, felici gratantur animæ, sua cui omnis jam peracta felicitas, dum rerum vicissitudo superstitis ex aliis in alios casus volvit, vitæ incertos, ancipitesque futurorum. Dolenti gratulantur familiæ de *Bernhardo Siegfried Albino*, qui eruditus ivit in artes patrias, ingenio, doctrina, claritate, virtute, successibus, ultra ætatem felix. Optant, orant, exspectant, Illustres, Amplissimos, Sapientes, *Academia Patres* huic bene merenti de illa persolutores brevi summum, quod habent, pretium! hoc populi vox, Bonorum hoc vota publica, flagitant!

Quid superest, novissima nisi dicantur verba beatæ animæ? Eique æternæ pacis purum gratulata & æthereum sensum, extremum Vale, vale, vale, dicant.

Laudabile inprimis fuit semper hujus Athenæi institutum, ut, ex moribus antiquis, publico laudaverit sermone vitam Professorum, post mortem obitam, ut & suum cuique decus rependeret pietas, & verbis enarrata facta, incitata his juventuti Academicæ, exemplo viam monstrarent, qua itur ad sapientiam. Habet *Albini* vita quod porrectum seculis *Academiam* decoret, ejusque historiæ ornandæ pulchram det materiem. Obtulit itaque *Rektor & Senatus* iusta præstanda, atque à familiæ mœstissimæ modestia expressit verius, quam accepit, parentationi instituendæ assensum.

Præclaris utinam meritis celebrandis parem haberet Oratorem Defunctus! Sed maligna forte evenit, eum nactus ut sit, cui vitæ obstat & studiorum ratio, quo melius pietatis, justitiæque officio, aut & propriæ voluntati, faciat satis.

Quinto post decimum præcipitante seculo, extulit Virorum fortium semper genitrix, virtutisque nutrix severæ, *Germania* tres iisdem prognatos parentibus Fratres: quos quidem illa aluit vasti *Tentonici* Imperii pars, quam omnes inter nobilissimam, fortissimamque, libertatis præcæ primam vindicem & solam tenacem, celebrat *Cluverius*, cujus indigenas omnes ipso ortu nobiles palam, nemine refragante, *Hutenus* asserit, quæ antiquissimæ certe libertatis nomen sola retinet, libera *Francia*. *Culmbacum* præcipue hos tenuit, quæ media habetur altissimaque totius *Germaniæ* pars; cui in angulo sitæ, ubi bifidus in album hinc, inde

inde in rubrum, *Mœnum*, fluvius defensam à natura, atque amœnissimam, sedem urbi præbet. Bellicosi homines, armigeri, sub *Maximiliano Primo* dum stipendia merent, strenuam adeo in *Italia*, prope *Veronam* inprimis, virtutem ostenderunt, ut nobilitate, per omne dein tempus illibata in feros derivanda posteros, decorandos hos censuerit *Imperator*. Servat *Noribergæ* armarium diploma, quod collatos firmet honores, datum vigesimo quarto Februarii, anno millesimo, quadringentesimo, nonagesimo septimo. Ne scilicet celatæ virtutis sepulta periret fama, sed constet semper intaminata pulcherrime gestorum gloria. Quin imo, ut solis conceptus verbis haud deficeret honor, gentilitia addidit *Cæsar* insignia, quæ mutæ imaginis ostentu indomitam & victricem bello virtutem, quam apertissime eloquerentur. Cataphractus, cinctus gladio, miles, dexterâ bipennem quatiens, capite gerens galeam triplici crista decoram, quarum hæc albo insignis colore, fusco micat altera, tertia rubro splendet, gloriam gentis vetustæ *Weiss*, Germanum hoc stirpis nomen, immortalitati sacrat. *Ferdinandus* postea *tertius*, Augusti tertio, anno millesimo, sexcentesimo, quinquagesimo & sexto, datam à *Maximiliano* nobilitatem confirmans, honorificis magis titulis, atque illustriorum insignium amplificatione, auxit, dato, inde nobili cognomine toti genti, *von Weissenlæuv*, quod additum novum insigne, Leo is argenteus exprimat, auctamque priscam à *Cæsare* nobilitatem recenti gloria demonstret.

Ne tamen ita hæc memorata credatis, quasi natalium splendorem ventosa ostentatione jactans *Albinus*, aut superba familiæ titulis domus, hanc suppeditasset Orationi materiem. Imo vero celavit semper cum cura, alienus ab ambitione, nec unquam aliis odiosus suæ laudis celebrator: molestum reputabat certamen de stemmatis excellentia inter nobiles, & onerosum nimis homini privato nobilitatis dignitatem decore tueri.

Ne autem ignoraret posteritas ita gestæ rei historiam, auctoritas *Celsissimi Anhaltini Principis* cavet: dum enim *Clarissimum Beckmannum* Principatum *Anhaltinum* operoso trium in forma majore voluminum labore describere voluit, fortunato accidit, ut *Gentis Albina*, descripta ibi, fata orbi pateant. Cæterum sic erat *Albini* ratio, vosque ipsi in funere *Clarissimi Ravii* perorantem audivistis, referre parum, quâ quis stirpe, quoque loco, natus sit, virtuti modo pareat; esse in medio palmam nobilitatis positam, illique hanc cedere, qui præclara vi ingenii ipse in ardua venit, & nititur, laudum certamina. Si avertis quis honoribus indormiens, & superbus, ignaviæ se dedit & luxui, si cupiditatibus inde atque vitiis licentiam petit, eo quidem habendum ignobiliorem, magisque humilem, quo splendidam majorum famam fœdius contaminat. Neque sprevit ideo Principum data virtuti testimonia, quin posteros his acui stimulis, his exemplis moveri, hoc inflammari splendore, ut primis mirati ab annis pulchre gesta avorum, firmata ætate Viri facti æquare illa, vel & superare, summa ope contendant.

Trium fratrum minimus *Johannes Weiss*, à militari vita ad rempublicam versus, consulatum gessit in urbe, quæ in confiniis *Voigtlandiæ* sita *Gesel* dicitur; Ibique ex tertia uxore cognomine sibi dictum *Johannem*

Weiss secundum, gesto pariter consulatu clarum, habuit, cui natus *Iustus Weiss* avus Defuncti. In hunc Virum iniqua defœviit fortuna, supra quam quis posset credere. Pestis utrosque abstulerat parentes, atque tantam porro in cives stragem edidit, ut, soluto omni societatis civilis vinculo, haud esset, qui undecennis pueri tutelam, aut bonorum, quæ omnia mox perditæ, administrationem in se susciperet; orbus ille, inops, desertus, ad lares confugit patruelis sui *Petri Albini*, Viri in poësi, mathesi, civili scientia, & historiarum cognitione, clari, qui tum Poësius, & Mathesius in Academia *Wittenbergenſi* Professor, paulo post *Electori Saxonie* ab actis, eruditissimo Chronico Misnico conscripto inclaruit, primusque gentilitium nomen *Weiss* Latine scripsit, *Albinum* se vocans. Adversam in hoc hospitio, dein variis in locis aliis, diu miserrime sortem expertus, malis non cessit, sed audentior insurgens, eluctatus tandem emerſit, nactus *Deſſavii* in *Anhalt* honorificam Pastoris, & Superintendentis stationem, primus ibi fixit sibi & suæ familiæ sedes quietas.

Ibi egregius Vir, ex conjugali thoro undecim liberorum Pater, cæteros inter, *Christodorum* habuit; qui *Deſſaviensis* deinde Consul, ex uxore *Rebecca Stilers*, *Christiani Stileri Ragunenſis* Consulis filia, *Deſſavii*, Januarii septimo, anno millesimo, sexcentesimo, quinquagesimo & tertio, suscepit *Bernhardum Albinum*, quem nobilis familia jam luget.

Tenello hic & debili ilico à nativitate corpusculo, quarto statim inde mense per resolutionem dimidiati corporis labefactatam adeo valetudinem habuit, ut primos pueritiæ annos infirmus exegerit. Excitavit acrius amorem parentum Primogeniti casus, pioſque hæc sollicitabat cura, ut tanto magis foverent, firmarentque, imbecillem, tristes interim. Ubi vero intenta Genitoris sollicitudo detexit in filio primas, præcoces, acris ingenii scintillas, singulari cum lenitate & mansuetudine conjunctas, lætari, suasque laudare fortunas, gnatum qui spectaret tam pulchra jam indole præditum. Neque dubitavit cui vitæ generi bona natura destinaret infantem. Vi animi recte suppleri, si quid corporis robori decesserit, prudens cogitabat Pater, partemque Deo affinem tum imprimis acuendam, per sapientiam ut valida sit, quoties altera belluis communis suo ineptior servitio. Igitur artium liberalium disciplinæ hunc dicabat puerum. A teneris adeoque unguiculis formandum curavit, ut inde jam doctrinæ assuesceret: sperans, recens imbutum sapientiâ pectus diu servaturum ejus præcepta, sparsaque in juvenilem animum scientiarum semina, cum ipso corpore per ætatem crescere, tandemque fructus dare quam uberrimos. Super his ubi consuluerat, mature facere instituit, nulli parcens labori, neque sumtibus, quo bonam mentem pueri excoleret, frugaliter pater familias. Maximas filio certissimasque curabat divitias, quas absque jacturæ metu, sine onere, ab omni vectigalium impensa solutas, ubique vendibiles, secum portare posset. Domesticum illi præfecit magistrum, qui puerile ingenium præceptis disciplinæ imbueret, *Joannem Majorem*; mirati tunc parentes, tantum brevi profecisse sub his auspiciis, firmiorem

jam ad scholas mittunt *Deffavienses* publicas, quibus moderandis feliciter tum præerat Vir eruditissimus *Henricus Alers*.

O lætam Parentum oblectationem, qui singulares filii in literis & moribus profectus quotidie observare, insurgentem contra imbecillitatem corporis animi firmitatem videre, poterant! Clarefcens interea *Alersii* fama fecit, ut Scholæ *Bremensis* Curatores eum in suum vocarent Gymnasium; simulque tum patuit, quam sapiens esset infantis sui tutor *Albinus*: quippe eluctatus teneros paterni pectoris affectus, noluit ex mollitie animi sui negligere pretiosam filii salutem. Tulit, at non sine dolore, ut ab ipso avelleretur gnatus, ne pateretur abduci à fido præceptore discipulum: Vitam quidem à patre, hujus autem felicitatem à Magistro, proficisci ratus; nihilque difficilius quam fingendo liberorum ingenio idoneum hunc reperire. Voluit igitur sedecim annorum filium comitari hunc Virum: sed, quam sollicita cum cura! Spectata juvenis indoles fidem satis fecerat, suæ Eum vitæ modum jam habere posse; non tamen ausus Ille lubrico prolem credere, aut liberius vivendi potestatem inter juventutem Academicam dare; quare effecit per munera generosus Pater, convictu & contubernio *Alersii* fruens ab eo acriter observaretur. Laudent, sequantur, prudens consilium alii! hoc cauti exemplo discant, ne nimis temere fluxos ætate, cereos in vitia, à labore in libidinem proclives, animos, vitæ credant Academicæ, suoque ibi more vivere sinant. Nonne satius foret, mollem illam & flexilem ætatem metu magistri à malis, in quæ inconsulta ruit, prohibere? Avidus doctrinæ & capax Juvenis animus, in lingua Græca, & Hebræa, addiscenda, Latinæ jam gnarus, sedulo se exercuit, sub prioris Magistri institutis, dum à Clarissimo *Hepstedio* eloquentiæ præcepta edoceretur, Physicis sub *Schiselingio*, Dialecticis atque Philosophicis, sub *Wagenfeldio*, operam dedit, Politica à Celeberrimo *Kæhnen*, à *Gerardo Meiero* audivit Mathematica. Postquam præclarum, quod liberalis dederat natura, ingenium ornavit omnibus, quæ à Professoribus *Bremensibus* expectari poterant, sua rectâ secum viâ reputans, ad aliam circumspicere cœpit bonæ mentis palæstram, ut & ibi legeret, quæ ad perficiendum animum prodesse. Nec moratus, nec anceps, *Lugdunum Batavorum* cogitat. Audiendos putat Viros, quorum ea tempestate insignis fama ex omni plaga alliciebat auditores. Utile studiorum institutum! Varias sapientum de eadem re sententias accipere, discere diversas disciplinarum tradendarum vias, liberam intelligere doctrinam ab hominibus liberis, qui docent in Republica libera, omnia hæc explorare, eligere optima, atque in feros recondere recte digesta usus, hæc erant, quibus intentum habebat animum. Dum vero in tanta scientiarum copia alia alii placet, ad medendi sapientiam natura *Albino* viam aperuit, hanc ille præ cæteris habere eximiam, hujus præstantiam comparare sibi ardenti ille cupidine contendebat. Fuit sane huic Academia nativa fere, certe coæva, felicitas, ut Medicinæ claritate prima ante omnes habita fuerit: sive eximios Professores, sive singularia Artis subsidia, an ambo potius simul, id effecisse credas. Hortus certe Botanicus, Anatomicum Theatrum, hîc præ aliis excellunt, quibus ingens

accessit deinde ab instituto nosocomio in Academicum usum fama, quam & perfecisse denique officinæ in communem utilitatem Chemicæ videntur. Vix prima salutaverat *Ædis* hujus limina novus hospes, quin gravis doctrina, atque dulcis sapientissimi *Volderi* suada, torrente quodam sacrum arti pectus raperet, atque ingenti florentissimorum Auditorum turbæ infereret, miratorem Viri, & post ipsa fata certissimum amicum, semper futurum. Sapientiæ sub Eo dum amat, dum degustat, effectus, rem simul herbariam sub Claro & Polito *Syeno* cognovit, stirpium dein sedulus scrutator. Anatomica vero omnium diligentissime excoluit, præeunte Clarissimo *Carolo Drelincurtio*, huic ille Viro, in omni eruditionis genere excellenti, individuus hæsit comes, ab Eo in partem laboris semper vocatus, carus præ aliis omnibus discipulus, ab Eo exercitatæ manus dexteritatem, Veterum placita, inventa Recentiorum, usum partium, eruditionem anatomicam, floridam facundiam, leporibus Atticis Laconicam brevitatem conditam, didicit. Medicinam Physiologicam, & eam, quæ versatur in dignoscendis atque curandis morbis, ex Scholis *Theodori Cranen* hausit; qui hac tempestate, supra quam quod credibile celebris, facillimam ex levi *Cartesi* doctrina artem incautæ juventuti ostentabat. Vir ingenio quidem magnus, naturali facundia felix, sed in quo discipuli, postquam negotiis, & formata rerum usu prudentia, artem compertam habebant, paulo solidiorem medicinæ cognitionem desiderasse, infrænata vero ratiocinandi licentiam & damnassee, narrantur. Audita sane vox *Albini* postea conquerentis super his. Non deérat tamen in Academia, à quo Clinicen veram posset discere.

Lucas Schacht, incredibili diligentia, virtute, doctrina inclytus, annosa artis exercitatæ fama celebris, adeoque in scientia medendi ad perfectionem fere artis formatus, aliam longe tentabat viam. Ipse enim studiosos ducere in nosocomium, decumbentibus examinandis admove-re, morbos ex signis docere, distinguere, curare, cadaveribus incisis latentes causas ostendere. Extulit sæpe, quot & quanta debuerit fidelibus blandi hujus viri alloquiis, monitis, observationibus, exhortationibus, eventu ipso firmatis exemplis. Plura de hoc Professore memorare vetat in præsentia celeberrimus ejus Privignus, qui locum, nomenque Vitrici, tanta cum claritate in hac Academia sustinet. Animum ad Chemiæ quoque studium adjunxit, atque illam etiam à *Christiano Markgraavio* didicit, haustamque ab idoneo hoc præmonstratore doctrinam ita ipse promovit, ut magnus in arte operosa artifex evaserit. Ea fuere, in quibus juventutem suam exercuit, his Academicæ vitæ usum totum impendit, ne minimum temporis articulum remittens, sapientiæ intentus & virtuti, neque levissimi usquam in Academica civitate flagitii macula cognitus. Is demum recte sapere videtur laudemque mereri, tale exemplum qui dedit, sed & ille felix, datum qui sequitur. Academicæ vitæ modus, hujusque successus, credite, credite, omnis dein felicitatis, omnis honestatis fundamenta jacit. Urebat interea Patrem desiderium suo fruendi filio, Mater ex aquoso corporis albi languore ægrari gnati reditum spirabat, summos igitur in medicina honores legi-

time ab hac Academia, voce Clarissimi *Schachtii*, consequutus mense Maio anno millesimo sexcentesimo septuagesimo & sexto, in iter præceps, Patrios ilico lares sospes revisit. Amissa autem haud ita diu abhinc Matre, trahebatur denuo dulcedine Musarum, quæ lætas in hac Academia sedes fixisse Ipsi videbantur, & jam sequenti statim anno ad eam revertitur: Mathematica discere, & eam Logisticem, quam speciosam prius, Algebram hodie, Artifices vocant, studebat.

Geometricis Medicum carere non posse ex Hippocrate edoctus, Algebram audiverat facilem ad illa viam aperire, atque ingenti compendio mirabilem Veterum Analyticen, atque eorum nervosam Synthesin per eandem percipi posse; probum ergo ad hæc Magistrum accipit, hancque artem, quæ animæ Purgatricem, Clavem Physices, atque exacte ratiocinandi Magistrum, Geometriam, promovet, à *Theodoro Cranen* audivit. Toto dein *Belgio*, utraque *Frisia*, *Brabantia*, multisque *Germania* partibus, perlustratis, sedulo ubique intentus observaverat, quæ ad gerenda olim negotia valerent.

Instructum, paratumque ab omni parte Virum, habetis, qui ex privato musæo in celebritatem prodire, atque comparatas undique tanto labore facultates in usus publicos explicare, imo effundere, posset! Sed longe alia *Albino* mens fuit, quoties præmetuens, ne crudam artem per cadaverum pericula exerceret, id sibi adhuc negotii datum credidit, *Gallorum* ut inviseret amplissima nosocomia; ibi morborum ingenium observare, & arcana medendi discere, cupiebat.

Antiquissimam ibi & præstantissimam partem Medicinæ, quæ manu, ferro, & igne, medetur, per ipsa opera doceri quærebat. Non ibi deliciis, desidiæ, ludis, & amoribus, sponte hîc ingestis juventuti, se dedit: vigilatas noctes diebus occupatissimis nectendo, exercitatissimos artis magistros colendo, observando, sequendo, *Lutetiis* vidit brevi comprehenditque omnia, quæ Anatomica vel Chirurgica absolvunt. Apparatum ipse instrumentorum, quæ ingeniosi, atque operis sæpe necessitate adacti, Chirurghi singularia invenerant, lautissimum suo sibi ære comparavit. Atque ita demum, amplissima *Galliarum* parte peragrata, per *Lotharingiam*, & *Alsatiæ*, iterum *Rhenum* sequens illam adeo sibi caram *Bataviam* repetivit; unde tandem, Julio mense anni octuagesimi Patrem redux amplexus, mentis cultissimæ opibus dives, animum in patria urbe ad medendum appulit.

En Academici decursus absolvendi nobile exemplum! En veram Medicinæ discendæ rationem! En salutare Auctori, & Ægris, artis comparandæ institutum! Spectate hîc, Vobis ex usu quod fiet! ad hujus Viri modum Vos componite! O Vos omnes qui hanc rem paratis. Absit præpes per Academiam volatus! Immaturi absint & temerarii præcocis audaciæ impetus! Absit levis illa, extremo tantum labio, artis delibatio! Non his usus statim honoratum se vidisset, in statione locatum Academia, salutis Principum, & Regum, curandæ admotum, *Albinus*. Diuturna vero, semperque intenta disciplinæ comparatio, digestio commoda, probata negotiis scientia, firmata per usus prudentiam ætas, hæc inquam omnia, quæ antiqua *Germanorum* severitas suæ nationi propria sola fe-

re huc usque retinet, effecere, ut eodem illo anno in clara *Franconum* ad *Viadrum* Academia Medicinæ Professor crearetur, atque tertia & decima Januarii anno millesimo, sexcentesimo, octuagesimo & primo solenni Oratione auspicatus fuerit, summo cum applausu, munus. Candidâ hîc statim, & diligenti, fide, Disciplinæ Medicæ omni supellectile instructus Professor ita se gessit, ut ora animosque in se convertens, in suas ex Germanicis undique Academiis Scholas traheret studiosos Artis. Nec mirum: lecta, inque doctrinæ corpusculum digesta, liberaliter in animos effundens, nihil sibi proprii retinuit. Quum vero Mathematica quoque, & Physica, edoceri ab eo peteret juvenus, & horum votis obsequutus, sexto Aprilis sequentis anni Artium Magister, & Doctor Philosophiæ, dictus à Clarissimo BECKMANNO, oblatos sponte honores ab Academia accepit. Neque multis, à quibus hæc gesta, diebus differuit eleganter de *Elementis Geometricis Algebraicè evolutis*, atque subtiliter quoque de *resolvendis in suas radices quantitibus compositis*, disputavit. Quumque Philosophica hic doceret, scripsit etiam de gravissima in his materie, *animi affectibus*, tum de *minimis corporis humani meatibus*, de *corpusculis item in sanguine contentis*, de *Tarantulæ mirâ vi*, & de *Sacro FREYENVVOLDENSIIUM fonte*. Ea profecto, quæ commentatus postea, de stupendo Chemicorum invento, Vestali illo igne, in mediis vitali aquis, lucisque constanter tenace suæ, Phosphoro, talia sunt, unde constet cultioris eum Chemiæ valde gnarum, natum experimentis capiendis, in observando cautum, verum in enarrando, in eliciendis inde sequelis fuisse acutissimum. Rei Herbariæ & Medicæ non tralatitiam ejus cognitionem demonstrant, quas conscripsit, de *Tabaco*, *Thea*, & *Cantharidibus*, Dissertationes. Chirurgica promovit commentando de *abortu*, *naturali & difficili partu*, de *agilope*, *cataraçta*, *cervo per glandem plumbeam cor trajecto nec statim mortuo*, de *fonticulis*, de *perforando abdomine & thorace*. Quod si recitare quis susciperet ea, quæ Vir industrius scribendo egit de morbis, per omnia ille genera horum diffunderet orationem: ut prodesset suis, intactum reliquit nihil. Famam rerum servat *Beckmanni* historia *Anhaltina*, *Lipsiensium Acta*, atque *Germanorum Ephemerides*. Miretur quis tantos unius hominis labores! at cogitet ille, simul eum urbanis, vicinis *Franconia* incolis, imo nationibus, & principibus disitis, curandis se dedisse, unde ita inclaruit, ut ad eum, tanquam ad Soterem, & *Germaniæ Esculapium*, ægri ruerent: ut ipse in remota loca ad *Principes Teutonicos*, *Polonosque*, ut alter *Hippocrates* invitatus, semper inde honorum verbis, magnisque muneribus, decoratus recederet. Ipse impulsus clara Viri fama Magnus ille *Fredericus Wilhelmus Elector Brandenburgicus*, ultro ad se illum vocat *Postdamum*, in aulam dein duxit, salutarem Viri artem per aliquot tantum consilia, suo hydropi curando adhiberet. Sed, postquam prudentiam ejus coram esset expertus sapiens & inclytus *Heros*, suum creavit Archiatrum, intimisque consiliis præfecit, neque unquam à se dimisit. Eadem generoso huic *Principi*, quæ mens *Artaxerxi Persarum Regi* scribenti ad *Hellesponti Præfectum Histanen*, Medicum Præstantem reperire difficile, inventum omni ho-

norum & munerum genere conciliandum aulæ. Lætatur aulæ de præfente *Albino*, dum absentem Academia dolet. Ille verò in curando *Principe* pervigil, Academiæ caræ memor; omnia illi bona procurat, neque ad aliam rem gratia *Electoris* usus, nisi ut scientiarum commoda promoveret. Abstinens interim, prudens, mandato intentus officio, nulli gravis, nunquam aliis se præponens, in consulendo nunquam ostentationem captans suæ sententiæ, sed prosperos negotiorum successus aliis magis, quam sibi adscribens, rem fecit omnium quidem difficillimam, ut & in aula laudem invenerit absque invidia, & certos ibi paraverit amicos. Auctus semper honoribus & donis, omnia signa accepit æstimationis, benevolentiæ, non modo à liberali suo *Domino*, sed, quod longe magis mirabile, & ab universa aulæ.

Apertum verò, candidum, & generosum, *Albini* pectus, nimis amabat libertatem & scientias, ut his deliciis venalem haberet animam, imo suavem vitæ Professoriæ dulcedinem, & dulcium ante omnia Musarum otia reminiscens, semper desiderabat. Ab excessu itaque *Principis* ocysissime carum *Frankfurtum* reperit, suamque domum (quantò securiorem Potentiorum aulis!) lætus rursus incolit. Totus iterum immerfus studiis. Spectaverant indolem *Albinianam Groninganae Academiæ Curatores* amantissimam libertatis, & eruditi secessus, atque ea inprimis spe sibi Illum conciliare studebant. Quare Januario mense anni nonagesimi quarti, obtulerunt Illi titulum Archiatri totius Reipublicæ, & Professoris Medicinæ, cum amplo mille & ducentorum florenorum, in singulos annos, honorario. Neque alienus illi à conditione oblata animus; qui & singularia hujus loci commoda probe norat, fidos ibi habebat amicos, & esset cæterum securæ quietis studiosissimus. Sed obstabat votis Vestræ, *Groningani, Illustris Fredericus Elector*, qui, re intellecta, benefactorum vinculis innexuit suæ Academiæ amatum sibi Virum. Auxit enim priora Illi stipendia inaudito sane accessu annuo sexcentorum Florenorum, promisit primam in diœcesios *Magdeburgensis* sacro collegio vacaturam sedem, Canonicatum vocant; & ne infirmari dein promissa possent, scripto ad *Albinum* dato jam consignavit. Beatas Ille jam sedes nactus, extremamque fortunæ spem, immutatum sibi hunc vivendi modum sperans, tuendæ dignitati Professoriæ se dedit integrum.

Monita tum paterna, domestica solitudo, cura rei familiaris, felicitatis conjugii paterni recordatio, prolis amor, fecere, ut cogitaret tandem de conjugali dulcedine. Ratus verò, maximi hoc momenti eorum, quæ viventi accidunt, sollicita cum circumspectione elegit lectissimam Virginem, *Susannam Catharinam*, quæ Clarissimi *Thomæ Siegfried Rings*, Juris in eadem Academia Professoris filia, eamque genialis thori, & vitæ sociam, nonagesimo sexto elapsi seculi anno accepit. At quam mutata subito Tua Tibi fors, atque præfinita vitæ, ut putabas, ratio! Anno deinde sequenti *Serenissimus Elector* jam dudum satis notum sibi, atque in salute *Illustrissimi*, quondam *Patris* sui curanda exploratissimum, *Albinum* longe alia jam cogitantem, in aulam evocat, suæ sanitati tuendæ Archiatrium constituit, summo honoratum stipendio, locumque Viro adsignat inter eos, qui ad intima consilia ab *Electore*

admittebantur. Ægre valedixit gratae Academiæ, *Berolinum* secessit, atque Medici aulici munus usque ad secundum hujus seculi annum sustinuit. Toto quidem hoc temporis decursu, tam flagranti vixit in gratia apud *Principem*, ut vix momentaneam Medici absentiam pateretur, sed noctu pariter ac interdiu ejus quæreretur colloquia, semper ejus gauderet adspectu. Maxime, quum postea spatiosæ noctes vigilarentur valetudinario rum Regi: haud aliud namque tedium fallere quærenti dulcius repertum est solatium, quam si totam noctem adesset Ille. Neque caruit effectum Electoris in suum Medicum benevolentia: quum enim anno elapsi seculi nonagesimo septimo vacaret *Magdeburgi* per mortem Nobilis Canonici locus satis opimus, atque ille jam non destinatus modo, sed & datus fere esset Alii per Illos, penes quos summa erat rerum gerendarum, quique omni argumentorum momento id ratum facere conabantur, invitis omnibus, voluit obnixè *Princeps* generosus suo Medico dare pingues muneris redditus & honores, idque rescripto suo vigesimo quarto Februarii sequentis anni effecit. Unumque hoc curavit præterea, ut absens à munere interim omnibus ejus immunitatibus, quasi coram, perfrueretur: unctior opimo reddituum emolumento rogavit *Principem*, daret ipsi facultatem vendendi in sua commoda honorificum munus alteri: ne per absentiam gravior esset aliis. *Princeps* indulxit, faceret, atque ita lætus Ille sequenti jam die, magno suo bono, locum alteri vendidit. Facile perspicitis, quam exquisito ambitu amicitiam hujus prensare aulici studuerint, qui solus toties solo cum *Rege*, qui ante alios unus admissionis intimæ facultatem nactus, absque arbitris cum *Rege* ipso posset agere, neque internuncio egens, (heu quoties fallaci!) molles noverat aditus, atque speculatus fandi tempora captare, quod est omnium primum, valeret. Vetus disciplina his, qui ad favorem Principis affectant viam ambiciosissima ministros cura colere, & munerari. Hic admiremini magnum sapientissimi *Albini* animum, qui quam exquisitissima cum diligentia id unum religiose curabat, quod datum erat negotii, obseratas ille habebat aures ad omnia, quæ à munere Archiatri erant aliena. Clausum illi & obturatum pectus ad intromittendas artes malas, verborum strophas, atque ardorem cupiditatum. Horrebat honestus animus consilia eorum, quos profusio suorum aliena appetere cogit, quosnam mens intelligat pulchre Vos videtis. Sed & muta huic lingua, quando super talibus incidebat cum *Rege* loquendi opportunitas; sereno interea spectabat hæc ambiciosorum molimina animo, atque sua hæc illos ita miscere cernens, tantum ipsum ne admiscerent prudens cavebat. Neque aliud habetur adversus hæc mala remedium, nisi, qualis *Albino*, præclusus muneribus, atque largitionum contemtor, animus. Sunt in hac concione jam præsentēs lectissimi juvenes, quos à remotis oris *Imperatores*, *Reges*, *Principes*, in hanc Academiam mittunt, ut, hic medicinam docti, & reversi dein, *Principum* vitæ præsent; discant Illi hodie, reminiscantur semper, quis verus sit cum tuta virtute versandi in aula modus, & salutaris Medico. Vidit *Gallia*, *Britannia* olim doluit, potentiam Archiatri, quando *Regi* acceptus, favore tanto, & muneris Privilegio, abutens, ambitioni se dedit, aut avaritiæ, nihilque
habet

habet pensi, quibus artibus his satisfaciat. Sed, ô constantiam! ô integritatem! ô prudentiam *Albini*! ô insolentem mali! potens ille stabat aulae culmine, conflictabatur cum blandissimis irritamentis, inter tanta vitia tamen non modo non corruptum, sed ne commotum quidem, persentiscebatur animum. Mediis ille in undis, mediis in turbis, tranquillus, qui ambitiosi prolubia vitat. Factum inde, ut & clara haberetur Viri virtus, & ut ipse fideliter sua recte curare posset. Quin & ipse *Rex*, raram hanc virtutem sapienter observans, liquido perspexit, multos *Regem*, *Albinum* verò *Fredericum* amare. *Rex* igitur & illum carum ita habere, velle ut omnia ejus itinera comitaretur, sive ad regalem *Regiomonti* celebratam, solemnitatem inaugurationis iret, sive in *Bataviam* proficisceretur, sive per vastas suas, & longe distitas, terras, ut frequentissime solebat, itinera suscipere, praesentem semper habuit, cui salutem credebatur, & vitam. Ubique interim terrarum, per quas *Regem* comitatur Medicus, *Principes* Viri efflagitare salubria hujus consilia, honore, muneribus, prece, agere ut impetrarent, honorare impensè Medicum incomparabilem.

Quis credat? hominem vitae jam aulicae assuetum, praesenti felicem favore *Regis*, largis saepe & regalibus donis auctum, ter jam inter quatuor annos factum patrem, familiae brevi numerosiore sobole onerandae satis providum, vel potuisse cogitare de relinquenda tam laeta conditione praesenti, neque minus lauta promittente suis liberis. Hanc ille cum dulci illa, sed sprete aulae, quiete commutaret? à splendore ergo *Regiae*, & luxu Regali in obscuriorem longe locum iret? Ut, pro actiosa vita, leni perfrueretur, & Socratico otio? Vero. Probam sine dote virtutem malorum irritamentis praetulit, secum cogitans, avocandum à peccandi illecebris animum ad artis severae effectus. An ergo, secum ipse aiebat, nulla dabitur humanae vitae pars, quâ, curis hisce pura, mens DEO se applicet? Carissimis igitur pignoribus, alienae commissis curaturae, ipse ego Pater liberalem educationem, & virtutis sinceram instillandae officia, negabo? Num vero magis illis prodero, si hanc sequutus vitam, liberos vix mihi notos, honoribus & nummis divites, moriens reliquerim, quam si pulchre ornatam his indolem curavero? Adeone ergo suavior animo meo quotidiana vita cum simulatoribus cujusque rei & dissimulatoribus, quam cara cum conjuge, à qua fere totus divulsus vivo, & dulcibus liberis? Haec denique sola mea erit beatitas, notus nimis omnibus si ignotus moriar mihi? At longe illi erat haec saepe ita cogitare. Sed quam difficile pedem à limine modò vestibuli *Regii* ducere retro, ut *Pompeium* monuerat prudens Poëta, re discebat Ille. Tandem tamen caelo lapsa occasio affulsit, spem faciens, posse tunc jam & salvo honore exire aula. Annus agebatur millesimus septingentesimus, cum *Wafnaria Comes*, *Dynasta Opdami*, Academiae hujus Curator, difficili Reipublicae tempore, ad varios *Germaniae Principes*, *Regem* praecipue *Borussiae*, Legatus, *Regiomonti* interesset inaugurationis solennibus. Fama *Albini*, ipsaque artis experientia, innotuerat Legato, qui, Patriae memor Academiae, putabat Virum hunc totâ Europâ, maxime per omnes *Germaniae* partes, celebrem, bis gesto Professio-

ratu clarum, vocatione *Groningana* insignem, & probatum, cui binī *Electores*, cui Ipse *Rex*, cui tot *Principes*, dederant testimonia, Athenæo deberi Lugduno-Batavo: ut doctrinâ atque præsentia famâ illud ornaret. Fessum curis, itinere ægrum, à dulci remotum familia, atque novis jam strepitus aulici turbis fatigatum, tempestive compellat de re Archiatrum, qui pronus solam causatur obstare *Regis* in se gratiam, cui de hac re sine ingratitudine, impietate & offensa, haud posset loqui; suscepto in se negotio *Regem* rogat *Illustris Opdamius*, *Reipublica*, *Academia*, sibi, dare velit *Albinum*, ut ille *Regi* formaret *Lugduni* tales medicos, qualem *Academia Lugdunensis Regi* finxerat *Albinum*. Turbatus *Rex* rem negat, carere se nolle cara sibi & grata sui Medici opera. Doluit repulsam Curator, *Rex* nova obstrinxit liberalitate Medicum. Incidit circa idem tempus negotium memoratu satis dignum: Visum fuerat *Regi*, ne deinceps post inaugurationem liceret, nisi nobilitatis insignibus decorato, ingredi in cubiculum *Regis*. Suum ideo Archiatrum *Albinum*, novo hoc honore afficere cogitans, de ipsa re affatur. Tum demum coactus Ille, *Regi* suo soli gratias egit quam maximas, fassusque est, non sine ingenua verecundia, partam suo generi nobilitatem à tribus fere seculis per *Casarem*. Se autem rem, oneri futuram sibi, texisse semper sedulo; atque orare quoque, ne recens à *Regio* favore offerendi cum solennitate publica honores, cogerent eum mutare priorem vivendi modum. *Princeps* tam raram, & sapientem adeo, modestiam admiratus fuit, & , gavisus se habere Medicum tam nobili & antiquo stemmare ortum, ab incepto, ex *Albini* votis, destitit. Bienio dehinc à quo hæc acta sunt, non requiescens *Opdamius* cogitat, omnem *Germanorum* Juventutem *Leydam* allicere se posse; igitur *Vesalia* atque *Hagæ Comitum* postea morantem *Regem* assequutus, vota integrat, negotium urget, atque eo quidem deduxit, ut *Regem* supplex ipse oraret *Albinus* recedendi, ab aula ad Lugdunenses, veniam; imparem se monstrans ferendo muneri Archiatri.

Ergo deferere Me cogitas Albine?

Vox *Regis* fuit. Diu dein moratus, ubi firmam immoto animo stare sententiam vidit, clementissime tandem assensit ea lege, ut *Berolinum Hagâ*, ubi hæc agebantur, *Regem* comitaretur, semperque consiliis salubribus *Regi*, *Regina*, *Principibusque*, adesset. Retentum adhuc diu ægerrime denique *Rex* demisit *Berolino*, donavit nummo aureo imaginem Regiam gerente, centum qui aureos pendet, suis eum equis, ministris, & impensis, unâ cum tota familia, ad limites *Bataviæ* deducendum iussit, atque honorat honestæ missionis Regia signata manu formula, in qua diserte scribit, *cessisse se Reipublicæ amicæ, quem servare sibi maluisset*. Quin & postea, quoties hanc Rempublicam sua honoravit præsentia, aut *Clivia*, vel *Berolini*, degere *ALBINUM* norat, semper præsentem sibi voluit, omnibus consiliis adhibuit, titulos Illi servavit integros, & muneribus cumulavit adeo, ut semel fuerit in periculo *Academia*, ne rediret in aulicum munus. Venit ergo expectatus, relicto grandævo patre, sororibus, amicis, patria, magna comitante *Studioforum* caterva, qui ex *Germania* eum sequebantur, sicque

concinna, ut solebat, atque erudita, oratione munus in Medicina Professorium hac in Academia auspicatus fuit secundo hujus seculi anno. Jactet aula *Brandenburgica*, eam fuisse Generosissimi *Frederici Gulielmi* liberalitatem, Clarissimum quæ *Cranenum* ex florentissima statione in aulam evocare valuit, Academia *Batavorum* avellere potuit à Rege *Borussorum Albinum*, ut olim ex *Cæsarea aula Clusios & Dodonaos*, ex florentissimis *Galliis Scaligeros & Salmasios*.

Degens jam hîc loci, vitam Academicam sic instituit, ut *Frankofurti* olim egerat, nisi quod integer jam serviret Academiæ, omnia reliqua negotia penitus refugiens, sed eos captabat labores, quos Studiosis gratos judicabat & utiles. Matutinas meditando, docendo meditata, pomeridianas horas constanter impendebat. Discendo senescens vigebat docendo. Quis labor, quæ cura, Viri? Mathematicis occupatus & mechanicis ut firma pararet physicis subsidia; Physicorum experimenta evolvens, ut certa assequeretur medendo auxilia; jam rursus anxie reCOLENS Chemica, ut & irreprehensa hinc Arti medicæ adminicula peteret. Quid in Anatomicis, Chirurgicis, Practicis, Theoreticis, fecit reliqui, quid intacti, quin per omnes tam antiquos, quam recentes, Auctores exspatiatus, colligeret, disponderet, excuteret, ad doctrinam Artis referret? Acriter parta meditatione, quam solerti ordinabat judicio! quanta dein plani sermonis simplicitate hæc proferre, quanto candore, liberalitate, studio, in animos discipulorum effundere, quærebat! Jam audiebatur inculcans sedulo, *ne quid temere!* Jam omnes admonens, *ne quid negligenter!* Jam magna testari voce per tirones, cauti essent, lentique, in consulendo; jam incitare, consulta mature facerent. Ah quoties, & quæ, loquutus, de laudabili illa, sed, magno mortalium damno, raro satis exulta per fidem & prudentiam simplicitate Medica! partem magnam ad animos relatum servabunt discipuli.

Memores hanc coronam ornant, qui audivere perorantem, quam sit damnosa arti licentia asserendi, fingendi, ex sola rationis subtilitate disputandi, vix consultâ, Medicinæ fideli Magistrâ, experienciâ. Audire meministis dicentem, fundi hanc medici calamitatem maximam, quod mascula, *Hippocrati* propria, innixa observatis, naturæ æmula, Ars conversa in inania otiosorum ab usu commenta; qui fabricæ corporis ignari, nec edocti sanitatis rationem, longe minus historiæ morborum, aut remediorum, ulla tolerabili scientia instructi, Medicinam docere tamen & exercere sustinent audacius tanto, quo minus scienter. Vos testes citare juvat, quibus datum fuit, pura ex Illo Hippocratica discere, quando insigni cum eruditione Aphorismos interpretatus est, veram sequutus explicandi rationem, cum ex *Hippocrate* solo illustraret *Hippocratem*. Ad Vos provocare fas sit, qui audivistis enarrantem actiones corporis, certa modò Anatomicorum arte nixum, elisis fictis. Quis digne dixerit, qua cura materiem medicam tractaverit, veterum sollicitè excussa placita inventis recentibus promovens? cautus ubique & verax! Quò raperet fessam orationem, si narrat, quâ se gesserit, dum noscendi morbos & curandi leges dictabat?

Sana, certa, observatis innixa, firmata exemplis, cuncta libera, &
m ij

onere sectarum liberata. Undique ideo ad præcepta Viri advolabant, quos solidæ doctrinæ cupido traxit. Inde formati tot discipuli, qui per omnem late *Europam* sperato successu medentur, quorum alii aulis *Principum* recepti, alii Academias ornant.

Defuncto Serenissimo *Frederico*, Potentissimus *Borussia* Rex *Fredericus Wilhelmus*, honorum & munerum titulos, datos à Patre confirmat, atque Augusti vigesimo & sexto, decimo tertio hujus seculi anno, sponte, datâ ad *Albinum* epistolâ, sine ullis impensis, quod paucis contigit, ipse offert. Vix bini inde elapsi anni, quin, ut in antiquam rediret stationem, rogaretur, cum honoris plane singularis oblatione; renuenti iterum sequenti anno, geminum oblatum munus Professorium simul cum utriusque stipendio, aliasque pariter conditiones refutavit.

Dum vero publicam ita salutem Academiæ prosequitur, suæ aliquando sanitatis est visus negligentior. Utique cum tempestas miseranda, morbo cœli coorta, totoque æstatis æstu & autumnus incandescens, universam ferme ante biennium *Europam* adflixit, neque carum hoc Caput reliquit intactum, sed acuto projectum morbo lentæ postea quartanæ languore labefactavit. Ille niti contra, domesticas aperire scholas, & deficientis corporis colligere vires, intendere nervos, ne deesset Auditorum votis. Heu! quoties invalidus, vires ultra, morbique & ingravescens simul ætatis sortem, ægros anhelus artus trahebat, ut Publicis præfideret Scholis! Tantusne ergo ardor gelidum ex morbo pectus inflammare debebat, ut suo formaret exemplo, & excitaret, Academicos? O si digna staret sua virtuti gloria! si maneret memor benefacti animus! quantis laudum præmiis manes Viri colerent pii scholastici, suo quos fidus periculo edocuit!

Talem dum se gessit *Albinus*, aliorum nunquam habuit contemptorem animum; sed, ut nunquam sua efferre, ita neque aliena deprimere, auditus fuit. Nemo vidit, quod, obtentu melioris doctrinæ, vel diligentia acrioris, ab aliorum disciplina avertere studiosos conatus sit. Contra vero acuebat suos, aliorum ut Scholas frequentarent. Nimirum generosa viro erat mentis probitas, firmaque doctrinæ, componi non refugiens, fiducia. Quis hunc negaverit verum in Academiæ salutem amorem! Hoc demum est Publica Athenæi commoda privatis præferre usibus. Nobili Ille animi instituto studebat, ut medicina plurimis hîc insisteret munimentis, & diversorum Professorum variâ, & commendatâ, doctrinâ dives inclaresceret.

Summum in Academia hac magistratum semel ita gessit, ut vindex justitiæ, æqui servantissimus, legum custos, privilegiorum acer & fidus, summa tamen cum prudentia, defensor esset & tutor, sanctitatem juris non impetu, sed firma animi moderati constantia, non acerba adeo contentione, quam placida æqui demonstratione, propugnavit. Tantumque valuit immotæ mentis moderatione, ut gliscentem in integratione, quam plurimi facit hæc Academia, indignationem, in nervum eruptionem, blande composuerit.

In Academico tribunali sæpe Judex justitiam sectabatur; nec vitiorum patronus, neque licentia deteriores fieri passus, nec favens partibus;

rigidi honesti fervator, impunitatis spem, ut maximam peccandi illecebram, præscindebat; fortuitos vero adolescentiæ lapsus, dum minus recte sapit hæc ætas, nimis impense cupit, si mala abesset mens & malus animus, miserari visus, hanc à rigidissima pœnarum acerbitate pro æqua Jūdicis sententia subducendam putavit; neque ita censuit tamen absque legis disertæ auctoritate.

Sed & castissimam fidem, anxia cum diligentia conjunctam, & cum taciturnitate, ostendit bis gestum ab Eo munus acta curandi Senatus Academicæ.

In confesso hoc amplissimo, morum comitate; animi obsequio; humanitate officiosissima; aperta simplicitate; libertate & judicio in suffragiis; Veri, boni, & æqui observatione; talem se præstitit, ut carus, & honoratus, esset omnibus; neque sit in toto hoc Ordine Academicorum, quin ex acerbo funere vivos dolores sentiat, gratoque & pio animo semper memor futurus sit dignissimi, dum fata dabant, collegæ, & suavissimi amici, *Bernhardi Albini*.

Qualis autem fuerit Pater-familias utcunque jam exposuit oratio; ut casta domus, luxu carens, nec more seculi corrupta, præceptis & exemplo, effecit. Frequens DEI cultor, Ejus amorem & reverentiam tenellis insinuavit animis liberorum, & officia homini atque Civitati debita sedulo iis ostendit Numerosa oneratus liberorum progenie, gaudebat tamen, quoties augebatur numerus, & ita crevit tener Optimi parentis in prolem amor, ut, dum undecimæ *Dorothea* recens natæ prima liberet oscula, in hanc unam vim omnem collecti amoris transfundere crederetur, atque à cæteris decem derivatam huic soli impendere, quum interim illi universi & singuli, prioris in se amoris, benevolentia, curæ, augmentum ex hac ipsa re experirentur. Hæc nimirum præstantia, hæc mira vis, hæc inexhausta copia, paterni amoris, ut in plures distributa, singulis tamen uberius accrescat. Porro neque adeo hæc cura quietum sollicitabat, quantum liberis nummorum in arca relinqueret, sed quale fingeret bene natis ingenium: ita enim educavit, ut nullis unquam sumptibus pepercerit, quoties illi effundendi ad virtutem & Scientias comparandas liberis. His perfectissimos magistros quærere, ære suo hos obstringere, ut assiduam, & privatam, domi suæ institutionem haberent. Nec detrectavit hos in peregrinas, diffitas, & in quibus carò vivitur, regiones mittere, itineri, disciplinis addiscendis, parandis ad studia instrumentis, ingentes impensas sufficere, modo provideret, omnia hæc facere ad cultum ingenii, vel sapientiæ asslectionem; atque vel sic, ut parce nimis, sordide, aut genium fraudando suum, vitam ducerent, non exegit, sed indulgit, sed obtulit, ut pro suæ gentis dignitate viverent quam honestissime. Regum opes animo æquavit! fluxas posthabuit æternis animi divitiis. Sapienter! Animum qui liberis instruit præclarâ, & necessariâ ad usum humanum, arte, certam his hæreditatem scribit, atque opulentiam parat. Semper enim Principes, & divites, suarum opum partem facere bonarum artium possessoribus coguntur. Ingenio vivitur, ad honores, ad opes certas, soli ingenio via panditur. Ærarios cæteros dixeris, nummos qui servant tantum, ut, necessitate coacti, hos vere

sapientibus distribuunt. Ita divitiæ semper ab opulentis ad optimum quemque in Artibus deferuntur, fiuntque omnium hæ res sapienti propriæ.

Habuit & præclari consilii in educandis liberis faustissimos eventus generosus Parens : domum Ejus qui ingrederetur, sacram honestæ disciplinæ ædem venerabatur, Musis severis junctas decentes Gratias, gratamque de pulchris venientem corporibus virtutem, admirabatur. Prodiit inde, qui vigesimo & secundo juventutis anno grave munus in hac Academia digne potuit sustinere *Bernhardus Siegfried Albinus*, exemplum dans, quid cultura faciat boni Patris ad maturandum fertile ingenium, dum cruda hujus ætas, & juvenia viridis, fructus non acerbos, sed coctos & maturos profert. Qui à primo alter, *Christianus Bernhardus*, avita, paterna, & Germani exempla repetentem se excitat in eandem spem.

His, & beato conjugio, cum sano satis & insigni formâ conspicuo, corpore, fruens, felix *Albinus*, vixit, hos linquens liberos, *Bernhardum Siegfried*, *Fredericam*, *Christianum Bernhardum*, *Susannam Catharinam*, *Wilhelmum Bernhardum*, *Christianam Elisabetham*, *Mariam Wilhelminam*, *Annam Sophiam*, *Agnes Margaretham*, *Fredericum Bernhardum*, & *Dorotheam*.

Talem habuistis, talem amisistis, Virum ! Discite ex Illo virtutem & verum laborem, quæque his semper paratur, fortunam ! Vitæ, & Studiorum, rationem ad hoc Viri exemplum componite. Ita cari Deo, hominibus utiles, honestæ laudis gloria immortales, & brevi hac vita ingenuarum artium invento exulta, omnem pulchre merendo posteritatem Vestrûm facietis memorem.

D I X I.





HERMANNI BOERHAAVE
ORATIO SEPTIMA,

S I V E

SERMO ACADEMICUS,
QUEM HABUIT QUUM,
HONESTA MISSIONE IMPETRATA,
BOTANICAM ET CHEMICAM
PROFESSIONEM
PUBLICE PONERET.

XXVIII. *Aprilis* M. DCC. XXIX.



MAGNIFICE RECTOR.

INTAMINATIS HONORIBUS
ET VIRTUTIBUS FULGENS

ILLUSTRIS ACADEMIÆ CURATOR.

VIR AMPLISSIME, QUI NOBILISSIMIS CURATORIBUS
ET AMPLISSIMIS CONSULIBUS AB ACTIS.

PROFESSORES CLARISSIMI.

SACRORUM PUBLICI INTERPRETES.

ARTIUM ET SCIENTIARUM DOCTORES.

HONORATI CUFUSCUNQUE ORDINIS VIRI.

SECVLI SPES, ACADEMIÆ DELICIUM, STUDIOSA

SAPIENTIÆ JUVENTUS.



NGENIO hominis contemplando animum si quis applicat, miram in eo, ætatis respectu, diversitatem deprehendet. Ita quidem, ut, qui mores, affectus, atque mortalium actiones, fabulis exprimere student, Poëtæ aliam longe spectatori in Comicis, vel in Tragœdia, fingant personam, quoties Juvenem inducunt scenæ, quam ubi Senem theatro spectandum formant. Philosophos quoque cernimus, qui severa magis verborum fide homines describunt ætatis diversæ, nihil fere Seni commune & Juveni, sed alia prorsus omnia alterutri propria, epingere. Quis vero ea, quibus discrepant, enumeret? In se modo quis descendat annis jam gravior, erit profecto & illi, ut cum *Petrarcha* palam fateatur, alium se hodie vivere, à semet ipso prius Juvene, hominem. Inter ea tamen, quæ per varia mutabilis ævi tempora experimur aliena quam maxime à prioribus, præcipuum quis habeat, quod *Aristoteli* observatur; audaces omnia aggredi Juvenes, Senes parum sibi de successibus promittere, diffidere undique. Illos nihil prævidere mali, omnia sperare fortunata; ignaros quippe futurorum, præteritarum vero rerum vel usque rudes, aut temere oblitos: hos contra, pericula edoctos & repulsas, vix ultra quid incipere. Quin & à vero prorsus alienum haud videtur, provectiores ætate Viros, quorum in pompa primus ordo apud *Spartanos* bene se egisse lætus exultabat, contentos gestis, partæque inde gloriæ conservandæ anxios, nolle quæsitam meritis famam in lubrico ultra periclitari. Stat nimirum cauto ratio, sapienti stat, quæ secretis crebro auribus fidelis recinit, mature sanus se solvat, ad extremum ne ridendus peccet, feliciter olim gestarum rerum gloria clarus. Sed cogitanti varia super his creditur quoque, quod usu cautus Senex, decurso prope vitæ spatio, ultimam rerum lineam ante pedes cernit, hinc de sarcinis colligendis, atque animo ad placidum de corpore excessum componendo, sollicitus potissimum vivit.

Quæcunque vero satis compertæ hujus varietatis vera ex recensitis modo causa sit; næ ingens ego in me hodie discrimen adverto, dum elapsa juvat componere præsentibus! Temerarium hunc hominem, neque fateri fugio, damnetis: si modo recordari delectat, qua prius audacia plura affectaverim, dum PROCERUM benigna de me æstimatio, Discipulorum nimia de mediocribus, si quæ in me sunt, dotibus spes, proprius ætatis adhuc integræ calor, incitamenta dabant ad labores, forte & ad ambitionem haud tamen prorsus inhonestam. Nunc vero, vah quam aliena rerum facies! in suggestum exscendentem spectatis, ut honesta oratione, binis memet Muneribus publice solvam.

Patiamini, ut indicio ipse de me sim coram Vobis Judicibus, de novi veterisque consilii causa; qua scilicet spe fretus, qua motus ratione, tot negotia sustinere ausus, nunc laboriosam præcipue Munerum partem defugere haud erubescam: unicum hoc orationis mihi argumentum ad Vos hodie quum sit, brevis ero; ipsaque rei facilitas ne intentum quidem

dem animum efflagitat. Si ergo levis horulæ jacturam æqua mens indulserit, clementem laudabo lenitatem gratus, qui, inchoans officia, toties benevolentiam erga me vestram expertus sum.

Si cui vera gentis humanæ bona æstimare cura est, hunc spectare oportet jam senescentem fortunas eorum, cum quibus ab ephebis unà semper fuerat. Neque fallet ita observantis animum crebra experientia, quæ monstrat, rem domi angustam, si cui juveni fuerat olim visa gravis, præcipuum deinde evasisse felicitatis instrumentum. Magnis hanc obstare virtutibus rarius, opes vero malorum frequentius irritamenta, nimis frequenter discitur. Quid antiqua sapientia aliud Herculis à Prodicò Coò ficta fabula, quid via ex templo laboris in ædem gloriæ ducente, voluit? Parentibus modo quis fruatur, quorum sit generoso incoctum honesto pectus, & virtute excultum severa, habebit magistros, qui amore erga liberos, & urgentis necessitatis duritie, impulsæ cereas mentes artibus mature imbuant, quarum effectibus carere nequit humanæ Societatis publica utilitas. Et publica sic stipendia, & privata opulentia, meritis industriæ cedunt: dum sapientem pauperem vir dives quærere cogitur. Ut certissimæ ita parentur gnaviter exercitatis liberis divitiæ, quas neque casuum vicissitudini sors cæca obnoxias reddit, neque in dolosas peccandi illecebras fallaciter suggerit. Ita enim cum ingenio hominum comparatum est omnium, ut, qui à teneris assuevit improbo labori, animus raro desidia, vel luxu, capiatur postea; imo vero rerum dein copia affluens, absque cogente jam necessitate, vel sic tamen, quo cepit, semper pede pergat disciplinæ liberalis cultura pectus ultra perficere, felix homo, utilis patriæ civis: quid enim beatum virum facit, quam mentem scientia veri, virtute sincera animum, ornare? Fortunarum Largitor omnium Deus mihi dederat tali Patre nasci, cui census curtiior, numerosa proles, forti obluens diligentia, nec mediocriter à literis instructa vita. Is vero Socratica cura tenui ab ungue formabat mihi ad studia humanitatis indolem, corpusque simul ad labores durabat agriculturæ, neque torperem veterno, sedulo cavebat. Vix superato ætatis decimo quarto anno præmatura Optimi Parentis fata, acerbumque funus, lugens, orbus adeo sensi, quæ inseverat tenello, ad sedulitatem adhortamenta. A cæteris tunc requiescens, sola amabili Musarum dulcedine unice plectus, Artes liberales, fere omnes, utcunque delibavi, postremo elegi Medicinam. Sola hîc nitens impigritia, dum huic omni ope obnixè totum me dedi, utque singulas universæ Artis, & quidem late patentis, partes penitus excuterem, in angulum me recepi, unde ereperem raro, nisi quoties ægrotantium ciebat curatio. Annus erat hujus sæculi primus, mihiq; septimum inchoans vitæ quinquennium, quum sua sponte, nec opinantem, de latebra in celebritatem produxit Vir Amplissimus *Joannes vanden Bergius*, cujus in Rempublicam & Academiam merita omnem laudem, imo & invidiam, superant. Ille exquisitissima effecit commendatione, ut à PROCERIBUS ACADEMICIS præficerer Institutionibus Medicis in locum Clarissimi *Caroli Drelincurtii*. Arduum ego munus animo majore, quam facultatibus, aggressus gaudebam Auditorum favore: sed flagrantissime Hi cupiebant, præ-

rem ipsis in evolvenda quoque Historia Morborum, atque horum curatione: parui votis, si imprudens, obsequiosus tamen. In utroque sic versanti necessaria visa fuit citatio Artis Hermeticæ haud infrequens; unde Auditores, facilitatem priorem experti, acrius instare, ut & Chemica præmonstrarem: ego primo reluctari sedulo, tanto illi ardentius efflagitare, & Chemiam esse Institutionum Medicarum partem, palam clamare. Quid multis opus? vicerunt; atque ita biennio post inchoatum primo Munus incepti anniversario decursu triplicem hanc ire, redire, viam; quæ quidem omnia ut sexennii spatio peregeram, præclarus Professor, *Petrus Hottonus* moritur. Ibi tum, novem fere jam annos Lectoris officio in Academia functo, & Professori jam demum Botanices, & Medicinæ, creato, experiri datum fuit, quam prodesset antiqua laborum consuetudo. Enifus emerfi, neque & in his ipsis penitus displicui! at vero pressum novo labore interea rogabant priora Academici. O quam alta de se sperat præmonstrator, ubi docenti vigor incitatur gratia, frequentia, & votis Discipulorum! Ergo viginti solidos decurri hoc in stadio annos satis animosus, quotannis rem Herbariam, Hermetica, Praxin & Instituta Medica, absolvens, sæpe interim & ad alia quoque negotia simul abreptus.

Cernitis, quo fati, & rerum, ordine sensim ad diversa, & plura, delatus fuerim, non adeo ex proposito, neque captatione, quam forte quadam. Apertus simplici narravi oratione, quæ res ipsa tulit, eo inprimis animo, ut maculam effugerem, quasi lucri insatiabili fame avidus, & memet ingerens, prensassem aliis jure meliori danda & loca, & salaria. Si Studioforum cogitatur institutum, quo ardentissime Illi ab uno, quem ducem sibi elegerunt, plura crebro exprimunt; si unà perpenditur, quam sit difficile iis quidquam negare, in quibus te oblectas maxime, quos in oculis geris, quos sinu fuscipis, abibo excusatus.

Quid causæ fuerit, casusque, ut solus tot negotia aggredi primo sustinuerim, intellexistis; nunc feratis dicentem, quasnam in opere ipso invenerim, quæ, ut in iisdem gerendis persisterem, suadebant.

Stirpium contemplatio naturalis ferme homini voluptas, quoties inprimis harum generatio, vita, vis, atque cultura spectatur. O suavis animi oblectatio, quæ nascitur omniparentis sobolem terræ speculanti! supremo inde terrarum Domino, atque agricolæ humili, voluptas æqualis! Ipsa quoque simplicitas hujus oblectationis ingenium cultoris falsis uti dedocet, abducit à cupiditatibus, solius veri absque fuce suavitate pellicit, exemplo monstrat, quam beata sit intra naturæ limites, necessariis contenta solis, vita. Quin & mores quoque, atque animi motus, format, fingitque, quos in Principibus Botanicorum periti suspiciunt. Non sine autoritate, nec absque suffragiis, optimorum dixero, præcordiis horum securam quietem, & vitam fallere nesciam, infidere. *Carolo Clusio* haud alius in disciplina Herbaria clarior? quis vero hominem dederit virtute insigniorem? Vix prodent secula, qui plantarum peritia *Gulielmum Sberardum* æquet: at quando incorrupta fides, bonique mater nuda veritas, invenient parem? Aulæ hinc pertæsos, saturos honorum, divitiis oppressos, tandem amor Herbarum allicit, pri-

O R A T I O V I I .

mæva hæc mortalium voluptas , postrema tandem restat omnia prius ex-
 pertis delectatio. Omnium tamen , quæ Professore Botanices suo alli-
 gant ordini strictissime , eximium habere licet suave illud commercium ,
 quod hodie inter omnes hujus Disciplinæ Doctores colitur. Quum enim
 immensa sit , quæ omnia vincit , cupido alendi plantas in horto , quas
 aliena tulit tellus , ita & amor urit artificem , quo semel paratas seruet
 semper , ne hortus , cujus penes illum magisterium & procuratio , detri-
 menti quid capiat. Id porro obtineri nequit , nisi toto clari orbe Viri
 in mutuas conspirarint operas , singuli aliis supplementa suo in loco le-
 gant , atque fide amicitia reciproca quotannis petita amicis largiantur ,
 recipiant & sua ab illis desiderata. Frustra *Reges* ipsi sunt , qui auctoritate
 hoc , vel auri vi , præstare contendunt. Quis , quæso , semina petet , pro-
 prii ignarus loci , ubi crescentes plantæ eadem perficiunt ? A quibus pos-
 cet , nisi ab iis , qui in his versati , loca , herbasque , norunt ? At quo-
 nam hos pretio inducet , ut velint vagari per avia , deserta , per arida
 sabuleta , & squalentia æstu loca , superare horridas , scrupulasque , inac-
 cessorum montium crepidines , paludes , lacus , flumina , maria , petere ,
 ut votis faciant tuis Te potiri ? Sola sane spes , qua sibi promittunt , ea
 vicissim hac mercede recipere , quæ à Te expectant ; sola æquitas , quæ
 gratum , & memorem jam pridem acceptorum , animum incendit , ut
 rependere gestiat benefactorum pretia. Quî ergo poteram ego temere
 artem deferere , quæ conciliaverat mihi omni auro contra cariorem san-
 ctissimi Viri , *Gulielmi Sherardi* , amicitiam ? Quæ meum in sinum pro-
 fudit largissimam gazam , quam suprahumana industria , expensis censu
 privato majoribus , labore herculeo , de omni terræ angulo collegerat.
Asiam lustrabat Ille & *Graciam* , diu *Thraciam* , *Dalmatiam* , & *Pan-*
nonias , eo inprimis animi instituto , ut crescentes natalibus in locis stir-
 pes ibi conspiceret omnem latioris messis ubertatem mihi largiebatur.
Italiam , *Campaniam* , orasque adjacentes peragrabat , harum ilico re-
 gionum pulcherrimæ plantæ Hortum Academia nostræ ornabant. Graf-
 sabatur ille spatiosas per *Germanias* , statim iterum nemora *Teutonica*
 ostentabat hortus. *Gallias* videbat , certus eram extemplo inde procuran-
 das mihi stirpes. Vix ingressus patriam de beatis *Britannorum* virida-
 riis , elegantissimæ ad hæc Gentis deliciis , suppeditabat mihi , ut super-
 biret Paradisus noster sempervirentibus *Anglorum* ornamentis. Viventi ,
 ô Carissime , præsens , dulcibusque fruens alloquiis , sæpe dixi , cogitare
 me de munere Botanico ponendo , oculi vero postquam mei frustra in re-
 bus humanis meum desiderant *Sherardum* , deliberata super hoc pro-
 posito sententia certus fui. Tuo munere , ô Botanice , amicitiam à tot
 annis colere datum fuit , cum Illustri , & Regibus placente , *Hansio Sloa-*
nio , cui laboriosa scripta ære perennius erexere diu monumentum , cu-
 jus liberali ex *Chelseano* horto largitioni tam insignes plantas debemus ,
 quas præfectus huic , Vir in his optime meritis , *Isaacus Randius* , at-
 que industrius hortulanus *Millerus* , ad me curant. Et Tu quoque , egre-
 gie *Jacob Sherard* , instituta magni Fratris prosequens , de instructissi-
 mo tuo thesauro , quam liberalissime pulcherrima quæque offers. Huic
 ego Arti acceptam fero necessitudinem , quæ mihi diu fuit cum *Sebastia-*

no Vaillantio, in quo omnes boni admirabantur quidquid Botanicum perficit. Ut de effundente cornucopia effluxit ad me ab hoc Viro quidquid Regiis opibus Serenissimus *Galliarum Rex* de singulis orbis habitati plagis conquirendum curabat. O quæ Horti nostri, imo quæ seculi, felicitas, dum Phœbi instar *Fagonius* artis templo præsidebat! *Fagonius* ille, qui nullius unquam beneficii captatione Regi suo gravis, solidum Magnifici Principis favorem unice in gloriam rei Herbariæ, omni ambitu, constans derivabat. Paravit hæc disciplina aditum votis meis, & cœptis, ad munificam *Antonii Jussievi*, viri arte & scriptura clarissimi, dexteram, quæ large porrigit desideriis nostris petita. Adjunxit & *Dantium Tristanum d'Isnardium*, in Re Herbaria consummatum, & candida eximium fide, primum ingenti *Tournefortio* successorem. Tu quoque, præclare *Nissoli*, qui summi senii fastidia vel cum maxime dulci plantarum studio relevas, largus fuisti de *Monspessulana* ditione, Horti nostri locupletator. Hujus disciplinæ amore gentilitio dudum incitatus toties ipse illustrissimus *Franciscus Maurocenus* literis me honoravit, & lectissima seminum copia ex ditissimo suo horto, qui nobilissimæ Gentis Morosinianæ auspiciis colitur *Patavii*. Pari quoque ardore Ducis *Venetorum* Serenissimi filius, *Franciscus Cornelius* Eques ipse legit, quæ donaret fere quotannis. Illustrissimus *Aloysius Ferdinandus Comes Marsili* omni *Italia* quærenda curavit, quæ annui tributi, sic dicebat, nomine, Academix offerret. *Montius Bononiensis*, *Patavinus Pontedera*, *Rolandus Venetus*, *Salvator Barcinonensis*, in *Hetruria* nobilis *Bruno Tozzius*, Clarus *Tillius*, & mortalium omnium in pervestigandis stirpibus sagacissimus *Petrus Antonius Michelius*; in quo uno Illustrum *Fabium Columnam*, nobilem *Cortusum*, acutissimum *Anguillaram*, renatos sibi jure *Italia* gloriatur, certatim contulere Symbolas. Jam *Scheuchzeros*, *Zuvvingeros*, *Zeluvvingeros*, affinitas studii hujus mihi dedit in *Helvetia*; *Germania Volkameros*, *Rivinos*, *Beeringeros*; *Borussia Cleynios*, *Breynios*, *Heluvvingios*. Extrema tandem *India* dona & scripta obtulit per Virum immortalitate dignissimum *Augustinum Isaacum Rumfium*. *Rumfius* ille erat, qui inclyti nominis in rebus naturalibus partam diu claritatem propriis meritis sustinuit, auxit. *Rumfius* solo generosi animi stimulo actus, suis me docebat literis, quidquid de *Indiarum* mirabilibus sciscitabar. *Rumfius* omnem *Cingalensium* Medicorum artem ingenti complexus volumine ad me misit, simul intellexerat hujus me rei cupidum. Ille *Rhizotomos Indorum*, Chirurgos, Medicos, adhibere legendis seminibus, fructibusque, ut anniversariis me bearet muneribus. O quales erant, quas ad me copiosas propria scribebat dextera, literæ, doctrina plenæ mellitissima! quam laboriosæ! quot subnixæ prudenter prius captis rerum experimentis! ut studiosissimum harum deliciarum me erudiret. O amaram animo meo tanti Amici, in vigore ætatis rebus adempti, mortem! ideo mihi flebiliorem equidem, priusquam debendi reus nomen solvere potuerim, heu quod accidit! sanctis Optimi Viri manibus pius ergo gratias reddo publice! unum scilicet hoc fata finunt fieri.

Sed omnia dum repeto, quibus me sibi innexuit, vincula, Botanice,

filere nefas, per illam innotuisse me *Curatoribus* ditissimi *Amsteladamenſium* horti, *Hoofdio*, *Trippio*, viris Ampliſſimis; Celeberrimo etiam *Ruyſchio* & *Commelino*, qui doctrinam in eo herbarum feliciter profitentur. Horum favori hortus noſter debet tot ſpecioſa, quæ illum efferunt, ornamenta, & hæc aliunde fruſtra ſperaret. Gratis exceptæ auribus à me fuit, promoturo quondam commoda Academici Viridarii, vox, dum Conſul *Hoofdius* juberet, ut in bonum Academici in Republica Horti cederet quidquid haberet *Amſteladamenſis* præcipui. Tibi vero, Nobiliſſime *Trippi*, quas dicam laudes? qui propria ſponte obtuliſti ex veſtris, quæ facere poſſent ad ornatum noſtri. Si talia accepit à Te olim, quid exſpectat deinceps, Hortus, poſtquam curâ PATRUM datum Te lætamur ACADEMIÆ CURATOREM?

Hæſi anceps, quo autem loco memorarem Te, Vir eximie, dulcis Amice, *Joannes Baptiſta Baſande*! primo namque, medio, & ultimo, ſemper celebrandus obverſabar. Plura nulli Hortus debet. Tu, qui Sereniſſimi *Lotharingæ Ducis* creditam Tibi valetudinem felix tractas, qui tot Principibus in aula *Cæſarea* Viris Medica ſapientia places, perfunctorie, ſemelque, rogatus propria ſtatim negotia meis poſthabuiſti deſideriis. Alii plantarum ſtudio capti, amicos dum juvant, hoſtimenta cogitant. Tu nihil horum; ſponte doctrinam Herbariam velox amplecteris ea modo gratia, ut, *Cluſio* memoratas, in *Pannonicis* ſtirpes mihi legeres. Ubi reputo, quos labores perpeſſus ſis, quot effuderis ſumtus, dum illas quæris, ſervas, mittis, ſuffundor verecundia. *Bohemiæ*, *Tranſylvania*, *Pannonia*, inſularum *Danubii*, *Fori Julii*, *Carinthiæ*, *Stiriæ*, *Illyrici*, raris me beaſti donis. Viſtus tot benefactis fateor, non poſſe hominem amico plus debere, quam ego ob rem Herbariam, & Foſſilem, Tibi ô *Baſande*. Ne valetudini quidem parcere indulſit fervens amicitia, ſed pedibus æger ſummi juga montis niſu ſuperaviſti heu moleſtiſſimo, ut alio haud naſcentes loco mihi plantas ibi quæreretur; accèpi, feſſum Te juſſiſſe, ut ſaſtigio montis incideretur hoc monumentum, *Boerhaavi* obſequioſus ut *Herbas* legeret huc adſcendit *podagricus Baſandus*. Eant jam, qui negant, noſtra tempeſtate antiquis moribus amicos ſuperèſſe. Ego ſane debitor Horto Academico, & meo, *Nomen* inſcribo *Tuum*, ut *crescentibus plantis noſtra amicitia creſcat ſemper incolumis*.

Boni officium Viri eſt, gratus ut commemoret ea, quæ accepit, beneficia; ſimul laudet illos, à quibus tulit: Ita accepti non ingratus, neque immemor benefactorum, incitat porro ad ulteriora largitores; atque oſtendit quoque, quos demeriſſe cultu, liberalitate, & obſequio, nunquam pœniteat, proſit ſemper Publicorum Hortorum Præfectis. In animum ideo induxi, non fore me hac orationis parte odioſum, quæ profeſſa fuit, quod mens grata præcipiebat, quibus accepta ferre oporteat, ſi quid exiguo Academiae agello boni colitur: univerſis His, & Singulis, gratum & obſtriſtum animum publice deferre emeritum juvat.

Verum & ipſas diverſorum negotiorum commutatas vices lætabili varietate animum reficere, quis neget? quoties glacialis bruma Vulcani me officinis incluſerat, & à ſepultis in terra gelu adſtriſta plantis remotum, favillis fumoque reddiderat retorridum, toties adſpirantis ve-

ris tepor, emergentes de resoluta jam gleba plantulas ostentando, ea contemplantem suavitate afficiebat, quæ non gnaro hujus vicissitudinis incredibilis habetur. E fumosis Hermetis latebris in vernantis agri amœna excursus, & exspatiatio, quæ voluptas! Attamen habet suas quoque, quibus peritum allicit, Chemia illecebras, habet & sua gnaris jucunda, quibusque semel his captum detinet, oblectamenta. Utrique vix egressus de pueritia raptum me sensi in amorem Artis, quæ in adyta naturæ tendentem filo regit, dolos, & ambages, resolvit, tandemque latentis in profundo veri mira aperit. Crevit successu quotidiano læta semper cupido, dum in his deprehensa rerum natura novæ aliorum indaginis & causa esset, & adhortatio. Quum vero inexhausta semper præsto sit materies, nobisque innata, quæ insatiabilis habetur, ultra semper sciendi aviditas, nec modum, nec finem, hæc disciplina recipit. Inde adeo diu me exercuit detentum, semperque, si quid video, detinebit postea. Quid enim? hoc habet eximii, quod, nullius addicta verbis Magistri, solo videat naturæ indicatu, cæterum liberrima, neque nata de opere sententia ulli gravis. Quin & aliud est, quo tenacissime quidem cultorem sibi devincit, cæptorum scilicet, priusquam absolvantur, diuturna protractio; ubi, si destiteris ante finem, perditur oleum & opera; si constanter perrexeris, producta eges in longam diem patientia. Sunt in exploranda Metallorum natura, quæ ante decennium alacris incepi, cum pertinacia protraxi in hanc horam, singularia experimenta, neque vel jam finem cernens ultra continuare cogito. Si vesani hanc demeritiam existimatis, atræque bilis contumax delirium, sciatis interim, toto hoc tempore novas semper apparitiones prædixisse pulchriora iterum futura, atque excitatæ menti nunquam dedisse contueri ultima. Metuunt hinc solliciti Hermetici, ne avellantur ab instituto, spe allecxi jam jam instantis, pressi metu jacturæ priorum. Ideo & ipse locum Chemicum, excessu Clarissimi *Le Mortii* vacuum, quum mihi non petenti obtulissent ACADEMICI PATRES, accepi: prævidebam enim, nisi hujus necessitas vinculi me vinciret, alia dudum negotia eripuissent Chemicis; quum tamen mire lætus putarem, jam demum me videre, quod Antiqui Hermetici veracissimi Philosophi fuerint. Cernere videbar mihi nunquam se naturam revelasse apertius quam per Horum molimina; scripsisse denique nullos simplicius; modo quis consors laborum, indeque natæ Artis particeps, linguam intelligat, qua sola enarrantur eventa conatum à sensu vulgari remotorum. Ita tandem effecit annosa occupatio, ut præcipua quædam in senectutis, si DEO ita visum, otia seponerem, quorum successus felicius juvaret minus distractum per varia, prodesset scientiæ Physicorum, expelleret senilem Lethargum, & moderato corpus exercitio detineret.

Hactenus narratæ causæ, quæ pluribus me admovebant rebus, atque intentum iis retinuerunt fortiter; utque undam unda, ita dies, variusque labor, mutabilis operis per tam diversa neque invitum impulerunt. Protinus rationem reddam, quæ suavit, cogitarem de levando onere. Acciderat parum cauto matutini frigoris morsus; quum maturinus nimium ipse me agens quotidie, lecti tepore relaxata corporis spiramenta an-

telucano negligenter frigusculo, & penetrabili irrigui roris humori, exponens, vitam fere perdidit; committens ita stulte in me, quæ, ut cum cura caverent, aliis fideliter suaferam. Unde, atrocissimis Arthritidis exquisitissimæ tormentis discruciat, tandem resolutus jacui; ut vix amplius sensus ullus, nullus utique motus, artubus inferioribus superesset. Surrexi inde quidem, sed ita tamen, ut hinc fluentes, ac retro sublapsas, vires ipse nimis mecum persentiscerem. Atque alio deinde, eoque sane validissimo, morbo denuo correptus, magis defeci. Uterque ille sexagenario jam fere memorem reliquit noxiam. Quare futuræ præmetuens recidivæ timui, ne Herbaria, & Hermetice, mihi soli hac in Academia commissæ, præmonstratore toties carerent mea quidem culpa retinentis. Amicorum consilia accessere, & preces Necessariorum, tandem & vatum Principis votiva carmina. His me dedi: potissimum vero, quum labentibus feriis post caniculam ultimis, vice perciperem prima gliscentem in præcordiis formidolosi laboris horrorem, atque ardens illud quondam desiderium integrandi decursum Academicum ehefrigescere. Honestam igitur missionem petivi supplex; lætus impetravi; atque supra vota, & ultra merita, laudatus recessi. Id gratus denuncio; & pro summo hoc benefacto debitas ago gratias Vobis ILLUSTRIBUS ACADEMIÆ CURATORIBUS, atque AMPLISSIMIS URBIS CONSULIBUS. Studio mihi semper erit Vobis parere, & in iis, qui vero Vos obsequio colunt, nomen ego semper profitebor meum. Sedulum porro me præstare annitar in iis, quorum me cura manet, & ad quæ ætas mea feret; sic lenitate Vestra licebit deinceps uti seneim, qua usus fui prius adolescentior. Faxit DEUS, diu, feliciter, artium culturam & scientiarum foveatis, promoveatis, in hoc beato Musarum secessu! reddat se ita hæc bonæ mentis palæstra dignos dicendis Vestris laudibus Præcones, qui mori Vos vetent; qui merita Vestra celari, aut sepeliri prohibeant; quo nihil in terris majus aut secundum præclare meritis mortalibus datum fuit. Quod tamen ipsum soli Literatorum pennæ unice deberi, sapientes agnoscunt, stulti dolent. Eveniat, quod spero, quod prædico, ut impletam lætemini spem, quam sapienter concepistis de Viro doctissimo, quem jam Horto præfecistis. Ille certe culti ingenii eruditione, integro ævi sanguine, repetitis, & excitantibus, suorum exemplis, exspectationi parem se promittit.

Clari sapientia, diligentia incomparabiles, Collegæ, quod fortunatum mihi quam maxime duco, conjunctissimi, qui feliciter adeo Juventæ florem universo ex orbe hanc in Academiam allicitis, Vobis gratum me dico, qui æquo tulistis, & clementi, animo, tot in me unum collata prius Munera; qui præsentis consilii rationem non improbastis. Plurimi faciendam arbitror judicii Vestri sanctitatem super his, quæ ad me attinent, ex sententia Vestra si mea composuero, id demum laudi mihi duco, placebo mihi, si Vobis haud displicui; datam diu amicitiam sedula officiorum delatione demereri ultra conabor.

Tandem vero Vos compellare juvat, præstantes animi Juvenes, quos unica trahit dulcium ante omnia scientiarum voluptas: Vos ego meorum in Academicis fortunarum Auctores habeo, laudo; Vestra fuit

exoptata adeo mihi frequentia, sedulitas, & audientia, quæ mihi industriam quotidie acuebat, ut quærerem quid, vestra quod censerem elegantia dignum. Aculeum sensi hujus stimuli ad acriorem naturæ indaginem; quæ forte effecit, ut detexerim nonnihil, quod meliorum intentam dignioribus solertiam fefellerat. Exiguum id fuisse, fateor; hoc tamen palam narrare fas est, quod, si tale quid, qualecunque id fuerit, mihi observatum crederem, id vero quam ocysissime detulerim ad Vos: quum Vobis totum illud deberi judicarem. Exspecto à Vobis, quod animo ægro laturi non sitis hodiernum inceptum. Postquam labores Chemicos vestra ad commoda sex & viginti annorum curriculo exantlavi, postquam in re Herbaria solidos viginti annos, Vobiscum sudavi & alsi; velitis, jubeatis, Studiosi, ut ætati, famæ, valetudini, Vobis ipsis denique, consulens, ab his fessus tandem requiescam. Grates Vobis persolvo, pro studio in me Vestro, quod propensum semper, prolixum, & usque constans expertus sum. Vobis porro, dum vires dabunt, explanare Medicinam deinceps sedulo annitar.

Nihil ergo superest, nisi ut, J O V I litans, pro felici de his exitu, & D E U M veneratus pro salute Academiæ, publice, in eodem hoc loco, ponam, ubi suscepi prius, Botanices & Chemiæ Professionem.

D I X I.



HERMANNI

HERMANNI BOERHAAVE
ORATIO OCTAVA,

S I V E

SERMO ACADEMICUS

DE

HONORE MEDICI, SERVITUTE:

QUEM HABUIT

IN AUDITORIO MAGNO

VIII. *Februarii* Anni M. DCC. XXXI.

QUUM ITERUM PONERET RECTORATUM ACADEMIÆ.

ILLUSTRES ACADEMIÆ CURATORES.

QUIQUE HIS, ET NOBILISSIMIS AMPLISSIMISQUE
URBIS CONSULIBUS, AB ACTIS ES,
VIR GRAVISSIME.

CLARISSIMI PROFESSORES COLLEGÆ
CONIUNCTISSIMI.

CELEBERRIME COLLEGII ILLUSTRUM ET
PRÆPOTENTIUM ORDINUM REGENS.

VIR SPECTATISSIME, QUI TRIBUNALI
ACADEMICO A SECRETIS.

REVERENDI SACRORUM INTERPRETES.

DOCTORES, CIVES, HOSPITES, QUOCUNQUE ORDINE, VEL HONORE
INSIGNES.

SAPIENTIÆ SACRA JUVENUM ACADEMICORUM CORONA.



MENTEM si quid auget perspicientia veri, ad hominem quod attinet, sanctæque virtutis præcepto regit animum, id vero mortalibus utile inprimis habetur. Sed & illud quoque, quod corpori, cujus servitio utimur, sanitatem conciliat, ab usu laudat sapiens. Hisce autem commode fruendi instrumenta qui procurant, pacem scilicet, natamque inde vitæ securitatem, cæteraque, quibus carere humana natura sine dolore nequit, salutare societati hominum & hos præcipue habemus.

Eo igitur præstabiliior quisque, quo magis civium animos ornat sapientia, valetudinem corporibus tuetur, & præclara artium cultura civili vitæ commoda ministrat.

Illum equidem amabunt, atque honorabunt, boni, quem aptum hisce promovendis atque deditum cognoverint.

Testificatio libera, & publica, quam de hisce dotibus vox populi pronunciat, certis innixa rerum documentis, nonne verus honor est? Utilis agniti celebratio gloria censeatur; quæ stulta, quoties utili caret, si Jovis auditur ad Palladem responsio.

Palma igitur nobilis, posita in medio, illi cedit, qui agendo, vigilando, bene consulendo, optimum se dedit civem Reipublicæ. Inanis cæterum omnis de honore contentio: neque enim pavidus superbi ad pedes provolutus, neque extorta formidine honorum verba, animum testantur venerabundi; sed benefacto devincti liberrima oratio. Hunc sibi honorem quum bonus quisque ambiat, detur & mihi summum in Academia Magistratum ponenti vice ultima, de HONORE MEDICI verba facere. Illum vero eo contineri solo, quod sit naturæ SERVULUS, demonstrare animus est. Suo se jactent altiores Disciplinæ loco, naturæ servire imperanti, ea demum Medici suprema esto gloria. Juris relinquo Vestri judicare, si quid veri dixerō.

Cogitatione quidquid attingunt homines, aut DEUS est, aut Rerum Universum. Supremum Numen veneramur, æternum, simplex, unum, & aliorum omnium causam. Adorare Majestatem hujus, & amare, mortalibus datur, ut se solus Ipse novit, ultra hîc nihil datur.

Natura vero universa ratione incomprehensibili nobis, adeoque & ineffabili, à Jove producta, res complectitur, singulari quasque præditas ingenio, eoque singulatim prorsus definitas. Ad paucos hæc planetas, cometas raros, numero carentium stellarum ordines, horumque atmosphæras, reducuntur. Hæc autem omnia firmis adeo inter se teneri legibus, ut ultra quinquaginta jam secula, constantissimi ordinis tenacissima, ne minimum quidem aberraverint, varios quotidie per adspectus semper firma, Astronomi demonstrant: ut in his equidem mutare quid audax gentis humanæ temeritas ne quidem affectaverit, nisi immanes terræ filios gigantes, magorum ineptissimos, delirantesve aniculas, fiderrum scilicet dominas, inter homines quis censuerit.

Tellurem hanc, verum planetam, contemplatipropius, animantibus,

stirpibus, fossilibus, igne, aëre, aqua, constitui discimus. Obnoxia iterum omnia certo Autoris Naturæ instituto, & nunquam violabili præcepto parere iussa. Ut, qui curatius ea excussere, pulchre viderint, cuncta rerum produci, & dirigi, ab U N O, qui alius ab his omnibus, ante illa, supra eadem, & extra, existens, uno efficacis sapientiæ decreto constituit, regitque, & universa, & singula.

Atqui hæc inter homo est. Homo naturæ confidentissimæ Zoroastri dicta machina. Hic, omnium curiosus, negligens sui, infinitæ in alienis pervestigandis industriæ, & successuum quoque felicitate clarus, Delphici vero moniti, vel immemor vel contemtor, semet turpiter ignorat; se, inter illa, quæ sui ponit arbitrii, omnium crebro gubernat quam stultissime. Futuras astrorum post secula apparitiones, ad scrupulos horæ, certæ telluris plagæ præfinit, ostenditque eo ipso vires humano ingenio à DEO infusas. At quotusquisque ille, qui, iisdem facultatibus nitens, animum regere, & corpus, curat? Sane, ne Socratica quidem suada, suavissima illa Euripidi philomela, & dulcissima Athenarum, at veri tenax, siren eo vel unum perduxit Alcibiadem; cui tamen formando unice se dederat. Mente homo constat & corpore, diversis, at reductis in unum. Intelligentiam, memoriam, voluntatem, affectus, & Hippocraticum, mirum illud, impetum faciens, unà cum actiuosa immensæ imaginationis vi, habet animus. Corpus certam compagis fabricam, humores, & utrorumque motus. Sano corpore mens valet, ægrescente illo & hæc laborat, doletve. Medendi ideo peritiam sapientum cuique scitu necessariam, Democriti vox est ad Hippocratem. Percipiendi aciem mathematicarum disciplinarum cultus acuit, affectus Philosophia moderatur, corpus sola Medicina curat. Corpus illud tantum gigni ab homine solo, mare & fœmina, prius natis, ætate certa, definita lege, singulari de materie, uno modo, constat quam certissime. Hominum vero si quis primus fuerit, quam, quæso, hic origine? Si mas, si fœmina, suæ speciei solus similem excitare impos erat. Si duo requiruntur illi simul, ut cæteri de his nascerentur postea, duo tamen illi alia ergo lege, quam reliqui, nati fuerant. Nonne hinc colligitur, fuisse olim tempus, quo telluris hujus non erat ullus homo incola. Quin &, si semel omnes mortui essent, universæ tum naturæ rerum impossibile foret, gentem humanam de integro instaurare. Natos sponte de terra Athenienses, ne cicadæ quidem aureæ, capillis horum innexæ, suadebunt. Deucalionis & Pyrrhæ cæco post tergum jactu lapidum mutatio sic potius creët aborigines! Erit forte ut & feminatos Draconis è galea dentes in milites surrexisse armatos falli patiens credulitas agnoscat. Fabulosus hercle ridetur cautis Paracelsus, dum ebrius delirat de Pygmæorum abnormi ortu. Archelai certe, Empedoclis, & Stoicorum, insaniens sapientia turpiora protulit. Primus homo accepit ortum de causa infinities majore quam natura hominis est, imo vero, quam totum universum. Autoresque primigeni posterorum bini, simul nati, suis instructi partibus, una factis, mas & fœmina, ætate integra, requirebantur. Corpus igitur hominis creando DEUS, masculinum vel tunc illud, & fœmininum, fecit, deditque tum utrique simul, semelque, cunctas partes, apta semper, semper eadem, composi-

tione ita consentientes in concinnam unius fabricam, ut actiones inde modo possent perfici, quas illi singulari proprias Creator destinaverat. Durare hinc in tempus certum, & speciem habili fœtura, aliam ex alia prolem generando, sufficere valet. Quando vero exercendis omnibus officiis erat quam aptissimum, tum demum corpus hoc facultatem possidet illam, quam naturam hominis dicebat Hippocrates; sua scilicet in specie perfectissimam intelligendo valetudinem. Ut sapienti viro natura humana audiat summa requisitorum, omnibus ut muneribus suis corpus fungi queat, expedite, absque dolore, satisque constanter.

Huic dein apponere quid, aut subducere, qui incipit, legem naturæ violabit ilico, efficietque longe minus aptum concessas à natura facultates exsequi: statim quippe erit non hominis porro corpus, sed aliud quid, ab eo, quod divinus Artifex formaverat, diversum.

Volupe cui fuerit, naturam hanc cognoscere, sensus ille suos, acres fidosque rationis speculatores, omni arte acuat, auctaque horum per artem facultate fabricam exploret; sola sic natura præmonstrante, per intentos sensus assequetur structuræ modum. Neque alia datur, quidquid incauti fingant, quidquid moliantur præcipites, via. Materiem ita, constructas inde partes, proprietates harum, viresque, concinnum apta per vincula nexum, usque ad minutissima quæque complectetur animo, sed ab apparente sensibus natura unice edoctus.

Omnis igitur Medici scientia, qua hanc notitiam adipiscitur, doctrina nititur solius naturæ. Hanc sedulo observet ille erudentem magistræ, infelix, ubi tumidus se effert, quasi suo ex promptuario nata hîc cognitione saperet: natura, hac in parte disciplinæ medicæ, unice docet, casta utens Anatome ministra.

Quoties vero unam se corporis particulam seorsus excutere artifex contendit, toties aliarum simul notione se egere experitur: hæret nempe omnibus, quam seclusam ab aliis eligit indagandam. Non finis hîc, non principium, sed circulus est humanum corpus; in quo initium, medium, ultimumque, ubique est idem; neque posterior pars ab altera prius nata hîc gignitur, at natæ profecto omnes simul; implexæ, fa-teor; informatæ tamen. Cor partem clamat principem Philosophus, atque auctoritati facile credulum succinit vulgus. Quasi vero vigor hujus à nervis non penderet, ab arteria magna, & venis advehentibus. Non successiva nascuntur novarum formatione, sed simul jam & illæ quoque genitæ, quæ seris tandem longam in diem prospicient usibus. Cordis in fœtu pulmonisque contemplatio docet, simul, semelque, cuncta in unum usum adaptata: ut soli ita naturæ dictamini hîc rursus auscultandum sit, neque ultra fingendum quidquam.

Imo vero & minimæ quoque particulæ productio toto eget corpore jam prius confecto; si enim illud antea non existeret, artium tunc omnium unitarum effectum unum pilum creare, negaretur. Quin etiam universæ scientiæ humanæ nefas, capillum facere unicum de corpore jana fano, nisi vasa ibidem, instrumenta, humoresque, præsto adhuc supererant, quæ huic ipsi gignendo jam in originis primordio præfecerat naturæ Faber. Absint autem hæc: versate Vos nocturna tum, diurna ver-

fate, sollicitudine, tam fingendo, quam imitando, quidquid habetur industriæ perspectum humanæ, haud valebunt omnes Medici simul perditum hoc corpusculum renovare illa in plaga corporis, ubi olim late creverat & sponte unica naturæ potestate.

Quid porro de varietate partium dicam? O quam hæc infinita! formam, primordia, magnitudinem, hîc memorabo? an de compositione, multitudine, situ, nexuque potius agam? ne ætas quidem idoneum sufficeret tempus: multiplicia adeo, at eodem semper elaborata modulo, eadem apta operi, & tamen sic affecta, ut, si de innumero horum numero unicum exemeris, statim de actione naturali aliquantum pereat. Quare, ô Homo, cernis, Te de fabrefacti corporis particula minutissima nihil quidquam intelligere posse, nisi quod naturæ acceptum debeas uni, quatenus se per sensus observandi copiam tibi fecit.

Si jam humores sano proprios homini spectamus; vasa his impleta nutritu vitam, ejusque illibata actiones sustinent, faciendo, ut, quale semel salutis possederat beneficium, diu satis retinere queat. Succi tamen hi, de cibo, potuque, orti, sunt indolis ab ingenio naturalium liquorum alienæ prorsus; ideoque, à peregrina cruditate, in maturitatem nostris eandem, coquendi. Eia vero, unum cogamus in corpusculum seculorum inventa omnium; eximia probatissimorum Artificum molimina; Mechanici, Hydrostatici, Hydraulici, Physici, Anatomici, Chemici, Medici, conscribantur! Poteruntne hi guttulam conficere roris, quo infuccantur oculi, vel narium ambages? Salivam, lubricantem mucum, succum gastricum, intestinorum humores, hepatis liquorem, fel vesiculæ, pancreatis laticem, chylum, lympham, articulorum unguen, sanguinem, serum ejus, an hi arte sua dabunt? Palam aio, horum nihil confore. En panem, en vinum. Coacti in conciliabulum Sophi parent inde cruoris unicam particulam. Frustra erunt. Sed cibaria sano corpore rudissimi rerum omnium recepta, per solam ejus naturam, instrumentis sanitatis usam, in singularia quæque certo mutabuntur; non aberrabit, sed producet suis locis propria, eademque semper, liquida; quod industriæ acerrime exultæ nefas. Hippocrates, sollicito his volutis animo, exclamat obstupescens, quæ faciunt, non sciunt, sed videntur scire; quum fiant divina necessitate, destinatum Jovis institutum implent. Nos, quid ad hæc? DEUS, corpore valentis hominis necessarios saluti succos ut pararet, instruxit illud artificiosis tot machinis, affabre in unum opus aptatis, tot irrigavit, & variis, humoribus, eoque temperavit motuum citamine, ut tandem universorum conspirantium ope tales, nec alii unquam, enascerentur: unum si deest ex tam multis, frustra eodem speramus postea. Adeo hîc nihil temerarium, supervacaneum nihil, casu nihil genitum. Commansio alimentorum præstanda ore, quot dentes, ossa, musculos, humores, postulat? mansorum deglutitio quot organa adhibet? Ut salubris coctio contingat in ventriculo, quam multiplicatae causæ requiruntur? detinent hæc, aliæ calefaciunt, illæ terunt, quædam mutant, fervere cogunt, putrefaciunt, sunt quæ miscent, & quæ secernunt, dantur & expellentes suis divisæ temporibus. Quam est mirabilis diæ intestinorum fabrica? quam variis irrigua succis? aureæ bi-

lis rivuli, turbida fluenta jecoris, limpidi de scaturigine callicreatis latices, impressa undique lymphæ, spirituum infusorum copia, huc affluunt. Fistulæ intestinalis omni in plaga nova ubique fabrica, motus ab ipsa crebro morte superstes sinuosus, alligatio ad rugosas mesenterii fimbrias ne post tot jam impensa examini secula satis explorata, bibula villosæ lanuginis oscula, valvæ mox bifores haustum in vias dirigentes chylum, electro purior illi mista aqua. Illicet numero obruimur. Quò fiat salutaris gutta humoris, myriades variorum canalium laborant, milleni advolant indigenæ humores, unus si fuerit officii negligens, gignetur succus, sed non, ut ante, naturalis. Est facultas hæc naturæ adeo propria soli, ut Chemicorum exercitatissimi nequeant sanguinem renovare miscendo ea denuo, quæ ipsi arte inde prius produxerant. O mortales DEUM adoretis! qui consistentia, & fluida, unam in fabricam ita hîc composuit, ut ejus tandem unius potestate perditis simillima parare valeat, omni vero alteri causæ id reliquit prorsus impossibile. Si quis, diligenter vim speculatus naturæ, constans imitatur, tum speret lætus, vere se sanitatem tueri posse. Sed periculosæ plena est ars aleæ, quæ quid secus audeat.

Quamvis tamen humores, vi naturali corporis jam geniti, vasa replent sana, ne sic tamen ideo vita inde actiuosa surgit: sanus, sub aqua suffocatus, habet, quæ prius, omnia, motus abest solus, abest vita. Si vero, nondum corrupto mora, corpori, aër in pulmones vi satis forti agitur, & remittitur, sicque illorum recipiatur actio, suscitatur quiescens sanguis, redit frigenti vita, & aliis quoque reparanda modis. Corpus ergo nostrum affabre factum, suisque dives humoribus, est quidem machinamentum vitæ suscipiendæ satis aptum, sed si causa modo prius accesserit externa motum primum imprimens. Hæc autem rectius applicari nequit, quam si per nares, vel os, impulso aëre pulmo erigitur hætenus collapsus. Si enim cuncta in solidis, fluidisque, requisita præsto tunc fuerint, statim agitur thorax, cordis auriculas, & cava, arterias, cerebrum, cerebellum, nervos, lacertos, & viscera, movebit, motusque hic, semel natus, ex structura necessario continenter perget certa lege. Mirabilitas hujus legis, Michaëli Serveto primum conspecta, ab Andrea Cæsalpino memorata, Realdo Columbo utcunque descripta, tandem magnifico Gulielmo Harvæo absolute demonstrata, per Antonium denique Leeuvvenhoekium oculis subjecta fidelibus, patefecit tandem mortalibus mobilis perpetui, tamdiu quæsitæ, imaginem veram. Rapidus ille humorum trajectus per viscera, vita; æquabilitas illius universa per vasa, sanitas; utriusque ratio postulat procreatum simul cum omnibus suis partibus corpus, exigit præsentis humores vitales, horumque jugem, & definitum, per vasa circuitum.

In quibus sola iterum natura per omnia agit simul, semel inchoatos motus ex se assiduo regenerans, quamdiu compagi sua modo constat integritas.

Ortum primi impetus quis explicabit? leges ejusdem quis intelliget? aberrantis quis corriget vitia? Ille rursus solus, qui perspexit ea, quæ humanæ gentis Pater, atque Custos, creavit, conjunxitque, circuitui tali

exordiando, & continuando, paria. Sed una hæc iterum vice, uno proposito, nata denuo agnoscit. Cordis actione cessante, mors est, ea vigente, vita. Ut agat cor, nervorum eget virtute, quæ lacertos ejus exciter. Neque nervis hæc facultas nisi à cerebello est. Atqui hujus potentia imputanda arteriarum sanguini, per pulsum ejusdem cordis ad cerebellum appressio. Causa ergo hîc, effectû suo prior, tamen ab hoc pendet. Nequit moveri musculosa nobilis fabrica visceris, quin aorta sanguinem corde expressum reprimat vi æquilibrata virtuti ejus in proprias cordi arterias, coronariæ vocantur. Sed, quî expectes opus ab arteria, nisi cor constrictum pulsi sanguinis violentia aortam jam prius dilataverit? Et hic adeo effectus suam iterum causam facit! Non ruit in vacuos cordis thalamos pressus de auriculis, & sinubus venosis, sanguis, præter eum, quem cor prius dederat. Movet omnia, ab omnibus movetur; non valuit humores stagnantes cor propellere, nec potuere hi quiescens cor agitare, sed in principio vitæ motus ab alia ortus fuit causa. Nemo promittat notitiam sanitatis ex conceptu singularis causæ, verum ex natura facti jam prius corporis integri, cui, sic aptato, semel datus impetus, repente agitat molem, & motum continuat. O quam sensere semet elusos, qui, subtilitate freti acutissima, sperabant causam vitalis humorum reciprocationis investigare in sola fabrica partium! Alii solis in humoribus! Hi in una parte principe! Illi in aliquo liquore singulari! Sero tamen visum fuit, post vana tot molimina, oportuisse prius intelligere, quidquid in consistentibus fluidisque obtinet, atque causam motus simul rite assequi: vitæ aliter rationem, integritatis hujus, quæ sanitas, affectiones utriusque, quas actiones vocant, quis est qui intelligat?

Si igitur in cognoscendis motibus his, horumque salutari regimine, potissima se exercet artis occupatio, nudo etiam naturæ hîc obsequio Medicus quid proficit. Hæc observanti suas dictat leges, quibus affixaciet motus, sustinet, mutatque. Harum legum cognitione, præstitoque cognitis obsequio, vitam conservat Artifex, sanitatem tuetur, curat morbos, ducitque hominem in illa longæva vitæ spatia, quæ, limitata & in hisce, natura iterum poterit admittere.

Acutissimæ mentis valet nihil acies intentissima, ut ex se hæc intelligat, à sola vero natura discit omnia. Gymnosophistæ Indi, Babylonii, Chaldæi, Ægyptii, Græci, & post hos gentium sapientissimæ, à sexaginta fere seculis, per attentas industria vires ingenii contenderunt capere arcanam in his rationem corporis. At quanta spe exciderunt! Simplex naturæ scrutator Harvæus, suo diffusus ratiocinio, sensibus unice utens & sedulo, abscondita protulit. Adeo parum lucis fundit consulta notionum speculatio! tam multum emittit instituta per sensus naturæ exploratio!

Altiores hîc cerno rerum nasci ordinem! Quid enim? Medicinam video scientiam eorum, quæ constructum à DEO corpus humanum agit in semet, & in alia, quæque pati potest ab aliis corporibus. De iis, quæ in partes exercet proprias, atque in alimenta, pauca dixi, medicamenta vero & venena jam perfunctorie consideremus. In hæc corpus agit nostrum, sed & agunt illa in idem. Pleraque tamen pendent unice à parti-

culari prorsus indole, qua naturam instruxit humanam Conditor, neque ratione alia, quacunque demum de causa, unquam poterunt intelligi. Quæcunque ad opem potentia applicantur viventi, corpus ita mutant, ut tandem mutantur, sicque operando amittant vires, desinantque ultra agere. Nullum tamen horum vim consuetam in cadaver exercet, excepto igne, & paucis rodentibus. Actione vitæ solâ redduntur actiosa. Virulentissima de Stibio, vel Veratro, vomitoria; purgantia fere lethalia de Colocynthide & Tithymalo; laticem cientia saccatum de corpore ex stillatitio Terebinthinæ oleo; urgentissima de Theriacali aceto & ammoniaco, vel viperino, sale, pellendo sudori remedia; Argenti vivi mirifica virtus, eximia facultate omnia exsuperans, tantundem in cadavere præstant, quantum facerent puris condita in vitris. Venam seca, sanguis haud exsilit; tunde arteriam, vix, nisi jejuna, cruor de vulnere defluit; inflammantia, rodentia, vesiculas elevantia, nihil agunt quidquam; neque balsami consolidant, digerentia pus non generant, neque composita recte ossa, adhibitis etiam osteocollis, fracta concresecunt.

Remediorum ergo eadem, quæ alimentorum, potestas hoc respectu: Agunt nempe, quatenus à natura humana, ejusdemve reliquiis, accepta, motaque, inde suos in actus demum deducuntur, ut ita ope horum adjuta natura morbos fanet medicabiles. Quis igitur apte dixerit de viribus medicamentorum? Unus ille, qui mutatam ab his applicatis naturam & mutantem alia, observavit caute. Extra hæc qui vel pedem movet, errat ilico; neque & in his ex ingenio, solertissimo, vel minimum quid licet fingere.

Horum ergo certus venena consideret. O quam aliena hîc omnia, quam videbit miraculosa! His acer Achilles, Diomedes fortis, prudens Ulysses, annosus Nestor, cadunt. Tu vero Medice, quinam hæc cognoscas? quos inde effectus prædices? quomodo occurreas? Sis in artis sapientia princeps, tiro hîc eris, Hippocrates se idiotam profitebitur. Mortalium fortissimus, sanitatis vigore & ætatis superbus, toto trahat pectore vaporem, qui de spumante musto fervens exsilit exiguum per spiramentum ex ingenti cado, æstuante præcipue vindemiæ tempestate, horresco referens! mortuus cadit, ut fatale Jovis fulmen velocius non feriat. Lethali Cicuta necat & frigido, stupore; deliriis, terrificisque horrendum spasms aquaticum Sium nostras; Oenantharum maxima stupendis exitialis anxietatibus; Aconita præfocant; exurunt Euphorbia; furores Solanum, dementia fatalem Hyoscyamus; Stramonium memoriam vim deletam, parit, & mortem inde; factumque certa miscela Indorum Toxicum, ipso tremendum sono; *Poult*, deleta omni divinæ auræ particulæ facultate, tabidi corporis aridam modo imaginem linquit. Dipsas siti, putredine Seps, Cantharides ardore urinæ, sputo sanguinis Lepus marinus, ictero Vipera, Aspis somno, inflatu Prester, sanguinis per omnia effluxu Hæmorrhoidis, occidunt; halitu solo, rabiosus Canis, heu, quo deducit hominem! Quid Anatome? quid humorum cognitio? quid perspectus eorum circuitus? quid Mathefis! quid Physice, omnivæ alia sapientia Medica, juvat! Si vera loqui juvat,
natura

natura humana ita se habet ad venena, hæc ita ad illam. Hic subsistit prudentia, nec inani figmentorum licentiæ indulgens, solertiam acuit, attenta spectat & tacita modos, quæ agunt, & domantur. Atqui commoveretur animus! pessima quippe horum mortuo ultra faciunt nihil; an ergo vitæ amabilis actioni caræ & virulenta quoque imputanda luis efficacia? hujus certe superstes facultas, antidoto adjuta, sola est, quæ enervando, aut expellendo, à maligno liberat. Estque mirus adeo hic nostram naturam inter & virus concursus, ut suum haud noceat Viperæ venenum, neque ardeat proprio igne tenellum Cantharidibus corpusculum. Exitiale homini, Coturnici pabulum, Veratrum; cani lethalis, non homini, Nux Vomica; huic salubris, mortifera avium pluribus, amarior Amygdalus. Hæc, & infinita id genus alia, qui ex affectionibus corporum communibus extricare conati, frustra caput scalpendo diu, & rodendo ungues, nihil dixere tolerabilis. Infligit ictum aculeo caudæ Scorpius extremo digiti articulo. Mors post dira venit mala, irrita medelæ conamine, si recens tritus plagæ imponitur, sanat, aut si inungitur paucis vulnus oleo, in quo vivi Scorpii decocti sunt, ut mali nihil de vulnere sequatur. Observeretur natura hominis obnoxia venenis; Toxicorum in illam facultas exploretur; quid corporis nostri valeat in ea potestas, indagemus; quænam doment maligni virulentiam, quærat artifex; sollicita demum legis à natura latæ observatio dabit necessariam Medico scientiam.

In sanandis tandem morbis principatum obtinet natura, quæ vulnera pura cito consolidat & ossa fracta, si minister Medicus peregrina sustulit, separata in situm naturalem reposuit, atque aptata, quiescentia, & humecta, detinet. Ulcera depurantur solo genito pure, solius naturæ sobole. Quid sanat inflammata? sola natura, febre resolvens, suppurans, aut separans. Natos tumores vitalium humorum circuitu, si sanabiles, discutit, aut digerit.

Ars naturæ propositum sequendo, calore, emolliitione, & fricatione, adjuvat. Si his non cedit, ferro tentatur, vel igne, malum, aut immedicabile non attingitur. Fracta, luxata, separata, aut propriis elapsa locis, raro valet natura reponere: quippe victa. Ars vero vias naturæ calcans, exercitatâ dexterâ situm reddit pristinum disjunctis, & dum caute retinet quietam, cæterum deinde natura sola perficit; qua deficiente, reponit frustra Artifex: fractum semel os in cadavere non unitur. Laboranti tamen naturæ evidentius nunquam ab Medico succurritur, quam in vulnere, fractis, luxato, elapsis, plethora, & violenta inflammatione.

Sed ad modos sanandi naturæ consuetos, artisque fortunatos, veniamus. Vix alieni quid natum in vivente, aut extrinsecus in illud susceptum, furrim licet, ipsa statim fabricæ conditio, falli nescia, motus excitat, ad expellendum quod mora noceret; ad mitiganda aspera; resolvenda spissa; ad dissoluta nimis cogenda. O quæ molimina vomitus, aliarumque expulsionem per alvi, vesicæ, cutis, vias! quæ excitationes, attractionesque, humorum ad sedem mali, ut diluat, abluat, detergeat, leniat, proturbet, noxiam! Qui febriles impetus, ut expellant, enervent, invertant, maturent, assimilent materiem peregrinam mali; vel ut seceratur sincero quod corrigi nefas; denique, ut, novis turbata, dein iis-

dem ferendis natura assuescat. Id nempe eximii tenet febris, ut, insueti stimulo nata, faciat habilem naturam, ut ipsa febre idonea fiat impune admittere postea, quæ prima vice læserant: quod pestis, fervidæ pustulæ, vari ulcerosi, victus insolitus, peregrinus aër, ipsa venena, docent. Febrim laudamus Medici instrumentum felicissimum, quo natura perficit mille morborum acutorum, & diuturnorum, aliter incurabili-
 limum, sanationem perfectissimam. Febre, à natura data, Medicus utens, eique diluentia, blandeque resolventia, sufficiens, præstat salutifera. Medicus naturæ gnarus, ejusdemque imitator, impari ad chronicos naturæ succurrit, suscitata febre per artem, quam ciere ipsa impos erat. Quibusnam ad hæc utitur? attenuat, calefacit, dolores ciet, exercet, fricat, foveat, movet, rubefacit, victu, medicamentis, manu: ut febrim creet laboriosus, qua ingeniose directâ languentem erigat naturam, durumque frangat morbum. Ut enim in acutis impetus hostile maturatum, subactumque, per abscessus, metastases, evacuationes, proturbaverat, vias parando sæpe occultissimas, soli illi intellectas, neque ulla sagacitate, nisi naturæ indicio, prævidendas. Medicinæ facultas, fida illius pedisequa, pares motus, coctiones, separationes, cuniculos, exsilia, proscriptiones, molitur, ut ægrotantes liberet. Horumque tanto felicior eventus, quo minus distiterit vera naturæ præmonstratione. Vix mihi tempero, quin palam cognito exemplo simplicitatem naturalis sanationis, & artificialis, ob oculos ponam. Guttula aceti oculi membranam externam attingat; certe tenellam læderet: sed, fidelis custodia, limina servans, dolor vi convellit orbicularem palpebrarum musculum. Ille bulbum oculi ad glandulam lachrymiferam apprimat, exprimit laticem, cujus leni copia aceti acre temperat, & infractum tuto ejicit. Arsenicum, dolose ventriculo receptum, si se penetraret in adyta, ocyssime occideret. Sed incorruptus custos furtim insinuatum hostem vomitu atroci expellere insurgit. Ut faciat, aquæ abundantiam undique de vasis in stomachum allicit, & ad intestina invocat. Nec mora, per sitim intolerabilem, aquæ potum imperat, non requiescens, donec his ministris vincat, aut succumbat. Quid ars ad hæc? callidæ speculata naturæ conatus, tepidæ affusu, diductis palpebris, aceto sic infracto, liberabit oculum. Ventriculum tempestive ab arsenico solvit, exhibendo æs vomitorium, quod ex tempore subvertit stomachum; infunditque quam largissimam tepidæ copiam. Sic, nec aliter, tuto sanat.

Idem in aliis demonstrarem facile: sed leni abuterer Vestrûm patientia, melioribus sacra tempora morarer. Et jam satis constat, Medici esse, naturæ leges audire sedulo, fideliter sequi, ut servi jussa herilia exsequi. Si ergo rei ex officio bene gestæ justa debetur gloria, verus honor Medici erit, si serviendo liberaliter fidelem se præstiterit Naturæ SERVULUM. Talem se dedit maximus Hippocrates: naturam agnovit morborum medicatricem, hanc sibi ad omnia sufficere, vitæ munia dispensare, regere, conservare, nil inepte, nil frustra, moliri, & consuetis gaudere, dictitat. Medicum ejus ministrum, observando, recordando, comparando, ex his solis ratiocinando, decere, ut liberalis offerat necessaria, amoliat-
 tur providus obstacula, naturam juvet, hanc sequatur. Ita contra illam

nihil contendendo quidquam, sed fidam ducem sequendo, ad sanæ vitæ longævitatē duci. Talem laudavit inclytus, ô qualis vir! nisi per chemica jactantior, Helmontius. Talem ille agnovit naturam genitricem moliminum, quæ se tentat expedire à susceptis noxiis, dum minima scintilla in late depopulans crescit incendium, ut pestis, papulæ, vari, veneris lues, venena, contagium rabiosi canis, docent; addidit ex Paracelsicis, suisque, dari, quæ minima de moleculâ spirent salubres auras vitæ humanæ ad sanandos morbos aliàs incurabiles.

Talem se gessit sapiens Sydenhamus, suo de sinu propria prius ibi condita, reposita, & digesta, naturæ observata, quoties usus erat, promens. His equidem propterea, quod fideliter servierant, summum, quod habebat, pretium natura persolvit.

Hippocrati honores ab Hercule secundos, victum in prytaneo cum posteris, statuam æneam, viventi detulerunt Athenæ. Quum interim Alexander, mille inter mortes pro salute dimicans, desperat, vel sic mereri, ut possit laudari oratoribus Atheniensium.


Vos, Præclari Juvenes, qui generoso vitæ instituto ad honores grafamini, qui sapientia Medica parantur, utamini Priscorum exemplis, fructamini oportunitate, & felicitate, temporum, quam cura PATRUM hac in Academia vobis largitur. Generales naturæ leges à Mathematicis discite, qui communes corporibus proprietates, & ortas inde vires, Mechanicè, Hydrostaticè, Hydraulicè, explicant. Cognoscite dein singulares, certoque proprias facultates corpori, quæ tam ingeniose, quam laboriose, per experimenta Physica, & Chemica, demonstrantur à Viris, quibus, spe bene merendi, omnis labor placet. Conditionem spectate, qua tenui de pulvere corpus homini construxit DEUS, exponente Clarissimo Viro, qui stationem hanc pulchre adeo peragit; Qui feliciter vobis explicat, quidquid seculorum ordo, nostræque ætatis eximia prosperitas, labor proprius, habet. Audite enarrantes annosæ artis experimenta Eos, qui, ætate in his consumpta, didicere magistrâ naturâ, Vosque docent, quæ tuendæ valetudini, morbis curandis, producendæ vitæ, profunt. Sectemini egregium Virum, qui, Paradisi hujus pomæria extendere dignus, panaceæ succos, herbasque salubres, indicat, venenatas prudenti admonitione ostendit. Ufu tot, tantorumque, bonorum erigantur animi, ut læti veniant in curas, & labores, ut instent operi, successus urgeant, eventuum securi. Non fuit alia tempestas, alio non datur loco, fortunatior his sacris colendis oportunitas. Eam vero grati acceptam feramus Autoritati, Sapientiæ, & Vigilantiæ, ILLUSTRUM, & NOBILISSIMORUM, ACADEMIÆ CURATORUM, & NOBILISSIMORUM, AMPLISSIMORUMQUE, CONSULUM invictæ hujus Urbis. Qui, sanctæ mentis puritate in publica commoda Athenæi unice intenti, anxie & religiose optimos quærere, repertos honore & liberalitate allicere, & bene merentes dignis honorare præmiis, suum esse putant.

Datum à DEO CURATOREM ACADEMIÆ, TE, EXIMIE DUSSENIE, fortunato inter hos conspicio, Te Curatorem hoc de loco saluto. Si Te PATRIÆ inter PATRES egregium liberæ Reipu-

blicæ vox laudat, justum eo rependit decus Perspicientiæ Tui ingenii, liberalium artium disciplina excultissimi, intemeratæ animi virtuti, morum integerrimorum sanctæ simplicitati, facultatibus ad judicandum, consulendum, & faciendum appositissimis. Hæc, propria TIBI dona, in TE agnoscit Academia, atque suspicit, TE adeo CURATOREM oculis, animisque, excipit, pro salute Tua, & auspicato in augustum hoc virtutis templum & sapientiæ ingressu, vota facit solennia. Libertati, Communitati publicæ, liberalibus studiis, & inermibus Musis, sis felix ô, Bonusque, diu! Præsidium sis, & decus, huic sacro artibus & virtuti loco, huic civium Patriæ utilium seminario! Lætus diu intersis populo Academico, donec, decurso virtutis stadio, ferus in cælum redeas!

Quod unum superest, locum hunc, lege & Majorum more, vacuum facio, Numen veneratus pro salute Publica, & Academica!

D I X I.



A R T I S M E D I C Æ

O R N A M E N T O

HERMANNO BOERHAVIO.

Medicum Naturæ Servum suis coloribus
designanti,

F E L I C I T A T E M !

*D*Ecus Medentum nobile, pristini
Tutamen ævi, in quo sapientiæ
Splendor renidet publicæque
Eximium columen salutis.

*Musæ salutant Te reducem Sibi,
Pallasque Phæbi depositum, metu
Mali minantis vix solutum,
Sollicitis venerata votis,*

*Audire gestit vocis amabiles
Et rore tinctos ambrosio sales :
Sacroſque Natura recessus
Tramite non dubio legentem*

*Mirata , plauſu proſequitur novo ,
Latum per Orbem præpete gloria ,
Regina cui Virtus in arce
Conſtituit meritos honores.*

*Infirmiſſimæ conſcia mens vigil
Agnoscat artis præſidium leve ,
Dum magna promittunt probroſo
Stultitiæ pretio ſuperbi.*

*Credemus ? immo credere nos juvat
De ſe fatenti BOERHAVIO , cui
Natura ſe doctis probavit
Uſibus ingenuoque cultu.*

*O ſancta ſummi ſimplicitas Viri !
BOERHAVIANÆ eſt gloria copiæ
Ductrice Naturâ per omnes
Ire gradus famulante ſenſu.*

*Huic ſerviendum omni obſequio & fide ,
Mercede certâ , quâ ſine nil , niſi
Furvæ tenebrarum latebræ ,
Ludibrii vaga monſtra , reſtant.*

*Tantis modeſti viribus ingeni
Natura partes credidit & vicem ,
Mentiſque divinæ ſagaci
Arbitrio ſua ſacra confert.*

*Nil ſcire faſſum pars bona civium
Sciſſe dixit plurima Socratem ,
Interque mortales Apollo
Omnibus anteferebat unum.*

*Ægris levandis quem Pietas jubet
 Servile nomen sumere, provida
 Natura designavit Orbi
 Subsidium misero supremum.*

*Sit ista terris lata salus diu
 Votis diurnis poscimus; & tholo
 Suspensa vivaci perennent
 BOERHAVIÆ monumenta laudis!*

HENR. SNAKENBURG.





OPUSCULUM ANATOMICUM

D E

FABRICA GLANDULARUM
IN CORPORE HUMANO,

Continens

BINAS EPISTOLAS:

Quarum Prior est

HERMANNI BOERHAAVE,
SUPER HAC RE,

A D

FREDERICUM RUYSCHIUM;

Altera

FREDERICI RUYSCHII

A D

HERMANNUM BOERHAAVE

Quâ

Priori respondetur.





HERMANNI BOERHAAVE
EPISTOLA
ANATOMICA

AD

VIRUM CLARISSIMUM
FREDERICUM RUYSCH.



I datum fuerat par voluntati otium, jam dudum me impulisset officii mei ratio, votisque Tuis præstitum à me jam pridem fuisset obsequium, dum urfisti sæpenumero, ut compendio quidem, attamen liquidò, enarrarem ea, quæ pro sententia *Marcelli Malpighii*, Viri in Anatomicis summi, contra Tuam de Glandulis doctrinam, moveri posse putem. Quo quidem in negotio facile perspexi, quidnam fuerit causæ, cur præ cæteris à me hunc laborem exegeris: quum enim toties plures horas triverimus unà in expendenda & enarranda fabrica corporis humani, admirantes semper adorantesque DEI sapientissimi in homines beneficia, videbaris frequenter mirari, Tecum me nondum credere, viscera haud eâ agere operandi vi, quam glandulis exerceri *Malpighiani* asserunt. Et, fatebot enim, inter amicissima super his colloquia, quorum semper suavis animo erit meo recordatio, dissensi sæpe minus, quam ex sermone meo ipse colligebas. Quid enim? commissos volebam dissentientium specie animos, ut tanto curatius ex Te discerem ea, quæ, laudabili Tute fervore per disputationem incitatus, præclarissime à Te inventa explanabas. Neque interim & illud diffiteri velim, superesse revera scrupulos, eosque insignes quidem, qui remorantur, ne in sententiam Tuam promptus eam. Quare sedi ad hanc rem intento quidem animo, eaque, quæ in subtilissimis rebus cernere valui, libere exponam, solo actus Tibi parendi desiderio, solaque hac spe animatus, diluturum Te ocyus, quæ & aliis forte obstare videntur, Tuis circa hæc cogitatis ne convicti assentiantur.

Patiaris interim, Virorum Optime, hac ut oportunitate debitas Tibi solvam

Solvam gratias, publiceque ut tester devincti animi sinceros affectus. Id quippe candor jubet & aperta simplicitas, id pietas mandat; dum contem-
 plor, quam egregia, quam multa, quam nunquam dicta Aliis, ex Tuo ore,
 demonstratis, scriptis, ipse consequutus fuerim. Sane dubitavi sæpe, ma-
 gisne in his utilitatem admirarer summam, seu singularem, quæ veri-
 tatem nudam aperit, fidem, an vero brevem super his, nulloque one-
 rosum superfluo, quo bona enarras, sermonem. Valens igitur sentias
 laboris herculei, sexaginta jam & sex abhinc annis exantlati, præmium,
 fructum industriæ tam singularis, utilis, felicisque, percipias: dum pu-
 blica Te commoda promovisse, placuisse Bonis, confitentur omnes, ad
 quos tanti judicii pertinet potestas. Utique idonei cujusque in his arbitri
 animo speciem bene meriti de Patria, & de toto mundo, civis impres-
 sit spectatæ in Te virtutis contemplatio! Est vero & aliud, quod, ali-
 quid hîc ut auderem, coëgit: Medicinam scilicet Theoreticam præcipue,
 in hac Academia, ex Auctoritate publica, annorum jam Viginti decursu
 docere debui. Itaque & oportuit actiones explicare humani corporis;
 quæ quidem expositio scientiæ fabricæ ejusdem quum nitatur inprimis,
 expressit vel invito, ut subinde dicerem de lite vix composita, sed am-
 bigua hætenus pendente inter summos in Europa Viros, qui Anatomi-
 ca excolunt, vel profitentur Medica. Eunt nimirum in alia longe omnia
 præstantissimi hinc inde sapientes, dum agitur de fabrica, partibus,
 virtute, ipsis imò signis, glandularum, quæ in corpore nostro ita vel so-
 lent appellari, vel adesse cognoscuntur. Neque potuit fieri, quin Illi, qui
 Scholas meas sua decorabant frequentia, sæpe de his rebus me compel-
 larent; dum decidere impares ipsi, atque interea auctoritatis tamen mo-
 mento solo impelli nolentes, quæstionibus elicere quotidianis conten-
 debant, quid circa hæc pro compertissimo haberent? aut in quo denique
 puncto definiretur Tuam inter & *Malpighianam* in his disciplinæ diffe-
 rentia. Igitur circumspicere decuit, quonam pacto memet expedirem
 aliunde satis occupatum; quod melius assequi vix dabatur, nisi postquam
 semel evulgassem scripto, quæ in hoc negotio ipse intellexisse mihi met
 videbar. Dum vero cogitata hæc Tibi ponam ob oculos, duplex est,
 quod commodum prævideo; Tu enim ad singula repones ea, quæ tre-
 decim per lustra exulta Anatome suggeret Tibi; Tibi, inquam, ins-
 tructissimo semper ab abundante cadaverum incidendorum copia; Tibi,
 qui nullum remittis tempus, qui noctes impendis diesque, qui ab ephē-
 bis ad crudam hanc viridemque senectutem totam exercuisti vitam,
 qui nunquam passus es perire Tibi vel fugacissimam occasionem nova
 deprehendendi; qui nunquam veritus es priorem, evulgatam licet, su-
 per re Anatomica sententiam refellere, primusque repudiare, quoties
 meliorem edoctus per experimenta fueras; omnia utique hæc sic descri-
 bere poteris ad singula respondendo, ut integra habeatur deinde hoc in
 negotio Tua Doctrina, unâque, nec interruptâ, serie exposita, quæ vaga
 hætenus per plurima rerum experimenta, mutata hinc inde, nec digesta
 satis ad exactas disciplinæ leges, prodiit. Alterum autem erit, ut constet
 publico atque profit aperta Tua explicatio, postquam patienter intellexeris,
 quænam illa sint, quæ efficere, quo minus Alii hucusque viderint, quid-

nam Tu ex observatis propriis edoctus fueris : apparebit enim impediti & erroris tum ratio tum causa , ut emendandis justa sit occasio , atque evellendis , quæ nasci solent legentibus Tuos libros , difficultatibus.

Age igitur , rem excutiamus , ita prosequendo sententiarum diversitatem , ut incolumis maneat inter nos amicitia , utque interim amore veri incensos ita collidamus animos , ut emicent inde scintillæ luci veritatis accendendæ , & fovendæ , haudquaquam inidoneæ !

Ea quidem humani corporis pars , quæ propria membrana simplici apparatus involucri format cavum , intra quod singularis humor , secretus , contentus , fatus , mutatus , per emissarium denique inde excretus , spectatur , glandularum simplicissima Malpighio audit. Quorum exilitas sæpe , & multiplex equidem reperta diversitas , tam in externa , quam interna facie , ut & in humoris secreti varietate , effecit , ut , quum facies non una omnibus , nullâ fere cogitatione comprehendendi posse crederetur vera earum fabrica : maxime tamen , dum à morte statim mutata , constricta , exsucca , collapsa , vix aliquid vasorum suorum spectandum offerrent ; sed solidata cujusdam compagis imagine obscura carnis , glandisve , Anatomicis describerentur. Arduam superavit & abstrusam feliciter difficultatem *Malpighiana* industria , extricavitque impediens plexus eo successu , ut resoluta in partes liquidissime intelligerentur , pateretque abscondita prius structura. Nec mirabitur sapientis Viri felicia in hisce inventa , qui , ut par est , considerat , quibus ille filis cæca rexit vestigia , ut ambages hîc resolveret , inextricabilis erroris dolos.

Spectabat enim primo , quantum acie sequi poterant oculi intenti , ipsum glandis hujusmodi corpusculum , ea præditum conditione , quam natura illi dederat , nec mutatum arte , nec vi morbi à nativa degenerans indole ; illudque ab omni facie contemplatus duratis ad patientiam laboris improbi & assuetis sedulo , ita oculis perlegit , ut spectaculis hîc nihil quicquam superaddi posse videretur , quo accuratius sic lustrari posset. Qua quidem re id effectum fuit , ut quærendo detexerit patentes hîc , abstrusas alibi , partes in corpore , ita amissim respondentes speciei , quam expressit superior definitio , ut manifesto pateret , glandularum simplicissimas appellandas esse jure meritoque. Pronunciavit itaque , per omnem totius corporis humani ambitum has reperiri manifesto glandulas. Si enim palpebras oculorum , nasi interni inextricabiles fere laterbras , membrana mucosa succinctas , si palati posteriorem pensilem cortinam , lustrare lubet ; si fungosarum cryptas conspexeris tonsillarum , radicemve linguæ , ubi in epiglottidis porrigitur confinia ; si faucium lubrica perspicis , aut stomachi fistulam , & ventriculi interiora , & intestinorum omnium flexus , si laryngis exteriora vel & interiora , si aëriæ meatum fistulæ , si bronchiorum inde , usque in vesicularum pulmonalium extremas , scrutaris ramos , aut præputii incumbentem glandi superficiem , si recta muliebrium interiora usque ad ipsum uteri hiatum prosequeris , aut in concham auris introspicis , ejusve meatum externum ; omnibus hisce locis invenit ejusdem fere artificii , operis , ususque , partes.

Cuncta equidem hæc, curioso ubi spectarat oculo, sicque primo suo usus adminiculo fuerat, quo omnes fere proficimus ad cognoscenda corpora, tactu dein adhibito, vidit, si latera vel postica harum glandularum premeret, prodire ex definitis locis, semper, guttas magnitudine adeo insignes, ut in arcto vasculi emissario, unde coactæ eructabantur, contineri haudquaquam potuerint; verum locum requirerent longe ampliorem, ubi latere prius, stagnare, colligi, unde &, pressu majore actæ, exsilire demum, possent. Intellexit itaque inde, quod sub hisce emissariis, per quæ descriptæ emanarent guttæ, necessario requiratur vasculum adeo capax, ut recipere queat in sua cavitate eam sane humoris ita expressi transsudantis copiam, quæ una vice, actione compressionis una, evacuari posset. Simul etiam conspexit, impossibile esse, ut tam crassus, copiosusque, humor contineri potuerit in minuti canalis extremitate simplici. Verum ulterius dum perscrutatur indolem expressi hujus ex locis memoratis humoris, conspicit hunc variis locis longe diversum esse ab eo, qui aliis locis nasceretur; ita tamen, ut esset semper, ut haberetur ubique, crassior quam aquosus quidem humor, fluidusve latex, in vasis corporis nostri repertus, spissior utique tenuissimo, qui exhalat, liquido.

Etenim, si viventis, vegeti, sanique hominis, dum calet, cuicunque demum parti frigidissimam ex politissimo vitro, lapide, metallo, similive corpore, confectam laminam quam proxime ita apposueris, ut eam partem tantum non contingat, exhalans de corpore humidus vapor exceptus irruendo in hanc lamellam, ejusque densatus frigore, ilico eam roridâ inficiet nebulâ, splendentis infuscabit nitorem. Sed quam datur liquidus, tenuis, simplex, pellucidus, volatilis, subtilis, ille liquor! Sponte sua avolat ocysime, nec labem fæculentam relinquit, nec deturpat residui imagine fulgidam politurâ superficiem. Novi quondam inter Chemistas, qui conflare student ex metallorum vilioribus aurum, eruditum Virum; qui, postquam legendis Adeptorum libris totum se dederat ea quidem spe, ut inde Auriferam elicere tandem posset artem, putavit denique in anima hominis hære Philosophorum aquam. Aquam illam, quam scaturiginem opulentissimam aurifabri fontis, tam amabili commendant specie Alchemistæ. Quid itaque Noster inhians auro Artifex? Ille utique animam exspirabat in ampullam de mundo vitro amplissimam, sollicitè cavens ne receptus semel exhalaret halitus; patienterque collegit vaporantis ex pulmonibus agitatæ liquoris copiam. Verum, ubi cogere hunc blandi tepore ignis annitebatur sedulo in humidi spissioris tenacitatem, ut fieri & aliis consuevit, omni spe excidit: quum collectus acri studio liquor in auras semper rediret. Nonne apparet hinc, cujus sit ingenii, qui exhalat sponte vitæ de humani corporis quacunque parte? Certe ille, utcunque ultra quinque librarum copiam intra viginti & quatuor horarum spatium emanare per invisibiles corporis meatus sapiens *Sanctorius* observaverit, ille inquam, haud requirit, unde exeat, cavitatum sub emissariis locatas sedes. Sed datur huic porta, per quam ruat rectâ, ab ultimis arteriolarum, subtilissimisque, fistulis, absque ulla omnino fabricæ glandulosæ ambage interposita, aut remorante. Quas pro-

fecto singulari successu dexteritas Tua ipsi hîc oculis ostendit. Est enim ubique, in omni parte corporis, semper præsens. Atqui talis non erat ille, qui modò ex *Malpighiano* labore cognoscebatur ex glandularum simplicissimis, humor. Imo vero hic, spissior omnino, tenax semper lentusque, pinguis subinde, nunquam liquidò pellucidus, nequaquam perfecte volatilis, spectabatur, sed dissipatus calore à corpore, cui adhæserat, lentoris tenacitate, nec detergendâ temere fœcis maculâ, faciem fœdans, haud facile delebile impressi vestigium relinquit, materiæque fœculentæ sordes. Fateor, desiderari hæctenus in arte descriptionem accuratam singularis cujusque speciei humoris, quem diversis locis singularem natura parat. Neque magno carebit usu, ad faciendam feliciter Medicinam partibus illis, exacta rei hujus historia. Attamen effecit industria Medicorum, ut jam quædam cognoscamus diversitatum genera. Atque præ cæteris laudabiliter in his se gessit Clarissimus *Joannes Baptista Morgagni*, Patavinæ Academiæ insigne decus, in Anatomica Artis Exercitatione, atque in eruditione ejusdem historicâ, inclutus. Quem consulamus super his in *Adv. Anat.* I. 1. 2. 4. 5. 6. 7. 8. 9. 10. 11. 12. 15. 16. 28. 30. 32. 33. 41. 42. 43. 63. 64. II. 52. 53. 56. 63. III. 6. 11. 12. 13. 71. IV. 15. 16. 22. 45. 46. 53. 58. 59. 60. 61. 62. 63. 71. 72. V. 9. 13. 15. 47. 48. 52. 58. 59. VI. 8. 60. 72. 101. 114. 115. 121. 123. 136. Variisque locis varios fontes depinxit; ut, *Adv.* I. T. I. K. l. T. II. Fig. I. o. o. o. e. e. Fig. V. c b c. Fig. VI. h i k. T. III. e e. † †. H. T. IV. Fig. I. c c. Fig. II. Fig. IV. C. D. T. III. F. I. Capillatam capitis cutim, ipsosque capillos, inungit semper pingue oleum, quod exiguis continenter meatibus exfudat, integumenta capitis extima humectat, lubricat, laxat, atque nobilis arcem mentis ab aquosis, frigidisque, aëris, cui exponitur, injuriis defendit. Sed & aliud præstat vicinis beneficium emanans perpetuo hîc loci pinguedo, dum lubricitate mobili juxta exteriora pilorum se expandit, sursum, deorsum, eos flexiles, humidos, unctos, tenet; qui, abesset hoc oleum, aridi, fissique, nec nutriri quidem possent, dum tenerima horum vascula, exilissimæque fistulæ, subtilissimo elabente humido orbatæ, in spiras convolutæ, penitusque arefactæ, morerentur, inque tricas implicitæ inextricabiles radiosis innecterentur plexibus. Sed aliud spectemus! dum subtilior olei pinguedo capillos ita adscendendo tuetur, cutimque obductam cranio emollit, ut fieri natum, crassior residebit, diffilatâ per calorem tenuiore parte, amurca. Illa vero est, quæ innexa desquamata perpetim epidermidis exuviis, capiti pingues creat furfures, nascentes subito & his, qui cum cura sæpe caput mundant, prorsus ut mirari subeat tanta unde cito sit squamarum copia. Enimvero, ne quis habeat omnem hanc sordium materiem pro solis cuticulæ abrasionibus, facit considerata pinguissimi olei copia, quæ his collectis exprimi, ignemque flammantem alere possit; quæ ut proprio ipse experimento olim notaveras, ita & scire hinc datur, cur capiti pinguis magis, quam aliis corporis partibus, sudor? atque, unde olidus capitis nimis tecti, fotique, nidor his, quibus abundat nimia hæc pinguedo? Pone aures rursus, ubi nexæ capiti firmantur, alius plane humor nascitur, qui priore crassior quidem est tenaciorque, longe autem minus

oleosus. Alius iterum qui exsudat copiosus ex membrana aurem obvelante, ejus juga, cryptas, cava, Scapham, Concham, investiente: est quippe siccior ultimo, copiosus, & facile admodum in albam, siccam, squamosam, crustæ faciem lentescens; tam manifesto autem cernitur manare ex talibus folliculis cavis, hîc ubique positis, & per angustias emissariorum hiulcorum foras agi, ut in deterfa, nitidaque, sani hominis aure ipsi oculi utraque liquidò videant. Specta deinde meatus externi auris interiora, examen ibi hæret rotundulorum corporum, quæ balsamum continent liquidum satis, & pellucidulum, qui, ubi fistulis dimissus propriis in cavitatem canalıs auditorii emanavit, spissatus, flavescit, amarescit, veri unguenti adeptus speciem, crepitat in flamma primum, dein ardet.

De Facie quid dicam? quæ in homine gerit diversa sane harum glandularum, & verarum quidem, genera diversa. Aliæ etenim pingue fundunt supra faciem oleum, quod per poros exsudans, nitentem reddit & resplendentem vultum, qui opima unctus pinguedine apparet in bene sanis, atque à somno dulci altoque resectis. Hi quippe si nigro panno puroque fortiter defricant os, in albescente statim, contaminatâ, & pinguescente hujus superficie manifestatum oleum advertunt. Nusquam vero in facie lacunæ hæc suo ditiores balsamo, nusquam abundantius idem sua per spiramenta exsudent, quam circa exteriora nasi alarum, ubi hæc de facie assurgere incipiunt: ibi quidem, ut & circa extrema nasi, sæpe guttatim exstillans, cuticulamque irrorans crevi id ipsum, quin & leni partium istarum compressu exire idem visum fuit. Observavit quoque Vir fama celebris, *Antonius van Leeuwenhoek* evidenti quidem, at profecto facili, experimento hunc liquorem: vultui ille hominis sani tubi vitrei mundissimi superficiem apprimat, partem vero appressam objiciens microscopio, ostendit limpidum, satisque tenue oleum superficiem vitri adhærens, nudoque hoc attractu illi adpersum. Verùm & aliud est hîc loci glandularum genus, quæ per genas, labia, nasum, & mollem sub oculis cutim, seminantur. Majores hæc, profundius sitæ, atque canalibus amplioribus extrorsum patent: materies equidem contenta his tenacior abundantiorque, lentioris pastæ ductilitatem æquat, ubi turgit aperit meatuum ora, tardior vero ob lentorem, neque facile se expediens, expresso apice contiguo aëris mutat colorem, turpique lividorum, vel nigrescentium, capitulorum ex poris eminentium stigmate faciei puritatem fœdat. Si autem vi compressi folliculi ex amplis suis suppositis ampullis cogunt hanc pulvi spissiori similem massam transire per angustias sui colli, tum demum in longas formatur, gracilescentesque pro angustia emissarii spiras; vermes ait vulgus, jurares esse vermes, inprimis quoties nigrescens apex albo præfixus corpori speciem ejus fingit; licet vermis non sit, ut microscopia, resolutio, & alia satis demonstrant, nec eam in folliculo latens figuram obtinuerit, sed adquisiverit transeundo foras. Si autem folliculus, jam orbatu hac massa, premitur ulterius, non jam emittit molem ultra similem, sed tenuius, pellucensque fere liquidum unctuosum.

Hiscæ perlustratis sedulo, promptius erit accurate videre humorem

qui per poros insignis illius, late expansæ, mireque convolutæ, membranæ nasi interioris, jugi destillatione depluit. Dubites, ubi inspexeris, unde suppetat tanta mucī, quæ hīc undique exit, vis: quam diversus autem est humoris illius modus ab eo, quem spectamus alibi ex simplicissimis depromptum glandulis! Est etenim pellucidus, lentus, iners, insulsus, inodorus, fatuus, lubricus, vix oleosus, facile miscendus aquæ, atque exsiccationis ope in tophum durefcens, vel in tenaces, levisque haud dissimiles, crustas concrefcens, pituitosus denique, certe quam maxime alieni ab omni prius enarrato ingenii. Talem vero exigebat necessitas operis, quod hujus virtute natura exsequitur. Inviscat omnia, quæ rapta in aëre in pulmonem volitarent, noxia, sistit eadem, arcet à pulmone, depuratumque sic aëra in interiora pectoris transmittit; nervos interim odoratui exercendo proprios, egressos quam proxime de medulla cerebri, distributos per ambitum totius nasi, nudatos fere, omnique aëris injuriæ quam plurimum obnoxios, ita oblinīt, ut defendat ab acribus, ab ariditate præservet, humidos, laxos, acuto sensui aptissimos, efficiat; sed & eadem operâ id præcipue curat, ut minima odorati particula innexa inodoro visco nervis his imprimere manentem satis, locoque hærentem diu, sui sensum apta nata sit.

Liquor pituitosus circa posteriora linguæ, tonsillas, uvulam, columnas laterales, palati mobilem, crassam, fungosam, pendulam, membranam, qui circa laryngis exteriora, interiora, posteriora, anteriora, lateralia, cartilagines, ex loculis similibus conficitur, quam proxime mucō narium accedit, tamen inde utcunque varius: neque enim coriaceum tam facile lentorem adipiscitur ut quidem ille, majore etenim tenuitate, hinc lubricitate mobiliore, ita præstat, ut cunctis huc delatis lubricatam adeo viam expediat, nihil ut retineri, moramve necere molestam, ut queat nihil. Simile quidem, at dilutius interim, locavit CREATOR in cavo pulmonalis fistulæ, productorumque inde bronchiorum, linimentum, quod est indolis iterum à præscriptis omnibus diversæ. Quin & nova rursus unctuosi humidi species obsidet loculos glandularum œsophagi, quippe quod à mucī natura recedens paululum, magisque vergens in lubrici linimenti pulmonalis ingenium, mediam fere inter utrumque indolem obtinet, inque folliculis suis adeo evidenter hæret, ut in cadavere recentiori hominis sani, morte violenta extincti, deterfum semel, iterumque, geminata & renascente iterum abundantia prementi se manifestet.

Ubi autem per stomachi ductum in cavum ventriculi oculos usque direxeris, & ibidem utique præsto occurrunt lustranti satis manifesti, numerique insignēs copiâ loculi, qui generant, offeruntque in usum hujus partis quam simillimum œsophagico mox memorato humorem, sed lentum magis, adeoque tenaciter hærentem membranæ interiori, ut difficulter abradi queat penitus; ille autem circa os superius abundantior: dum ibidem numerosiores loculi clare observantur. Descendenti deinde per duodeni semitam, indeque oberranti per ambages flexuosas sinuosorum intestinorum, offeruntur ubique cotylæ descriptis similes, in superficie horum internâ catervatim in agmina veluti hinc inde digestæ in in-

restinis tenuibus, solitariae vero in crassis; continent autem & hæ copiosissimos humores, qui satis referunt œsophagi, atque ventriculi linimenta, nisi quod spissior sensim fiat lentiorque, quo magis descenditur in infima coli, rectique: quibus etiam locis in cryptas amplas satis extensos videmus hosce folliculos ita insignes, ut incredibili sæpenumero copia collecti muci turgeant, scateantque, ut stupefiant quandoque Clinici ad visam lentæ materiæ excretæ abundantiam. Inde rursus versus exteriora rugosa ani, in dispositis & ibi cavis membrana callofiore constructis, atque evidentissime cernendis, spectatur sicciior humoris crassioris species, quæ lentescens magis sensim magisque ceræ per aquam elatæ, adque radios expositæ solis, hinc dealbatæ, formam videtur referre. Dum simul inguinum sinus, & narium, obsident minores, subtiliorisque membranulæ contextu fabricatæ pyxides, simillimæ his, quas posuerat ad sinus alarum nasi in facie, atque in axillarum cavis, natura: nascitur quoque in his subtilius illud pigmenti unctuosi genus, quod ibidem jam est descriptum supra: deprehenduntur capillati capitis similes fere quidam pingues loculi; sudant scilicet assiduo pingues hîc lacunæ oleum, quod à cera priore est quam diversissimum.

Qui deinde, ut Physicum haud dedecet nec Medicum, considerat sordes quas sub præputii integumentis aggerunt loculi iis innati, quibus totum priapi caput sordescit, contaminatur, olidissimoque inquinatur nidore; certe deprehendet, secretum & ibi humorem haberi quam maxime alienum ab eo omni, quem usquam invenire datur: albet, olet, aquâ vix diluitur, tenacitate singulari in pelliculas lentescit, pelliculæ glandis tenerrimæ ferme tenendo adhærescit. De industria est factum, dum materiem hanc de præputii interni folliculis derivo, nec loquor de glandulis odoriferis dictis accuratissimo *Britannorum* Anatomico *Tysoni*, locatis in corona glandis, tanquam primis hujus linimenti officinis: neque enim facile usurpare oculis veras eo loco glandulas, sed potius papillarum nervosarum acutissime sentientium eminentes catervas, ut pulchre meministi dudum observasse Temet, orbique enarravisse Medico. Attamen sunt, quæ, ut fatear, urgent, dubitasse me sæpe, an non præcipua harum lemarum genitalium copia genita fuerit in sinuosis urethræ cryptis, tam nitide depictis à Celeberrimo Morgagni, *Adv. I. T. IV. F. IV. B. C. D.* atque detectis ibidem à *Couperio* & *Terraneo*, glandulis, unde delatæ in urethræ meatum, ejusque orificio emissæ, sub præputii velamento retentæ, hujus mobilitate retrò ductæ, aggregantur? Urique recutitis vix molesta hic loci fœx, neque paraphimosis tempore, quum in omni epiphimosis accumulata copia materiæ sit molestissima. Quidquid sit, apparet inde causa, unde fervido sub climate viventibus rancescens hæc olida materies, pudendagram frequenter mentulagramve gignens, decurtationem præputii imperet. Quod vero observari hoc quidem in negotio meretur, id est inprimis; quod, in sexu amabili, interior Alarum superficies, ubi incumbit conniventium Nympharum specie internæ parti vaginæ, atque ori urethræ, tum quoque in fungoso protuberante corpore, quod, corrugatæ fabrice scabritie conspicuum, meatus urinarii aperturam sub alis repositam ambit, tueturque, in fœminis,

quin in ipso tandem urethræ muliebris cavo, colligatur abundans materies, omni sane dote, virili descripto ichori quam simillima; quæque differre manifestò conspicitur quam maxime ab illo humore, qui vaginæ interiora lubricare observatur. Vide Morgagni *Adv.* I. T. III. e e. *. H. Atque hæc quidem rite instituta comparatio opinioni supra prolata fidem utcunque conciliat: dum circa vias, quas urina transit, præ cæteris extremum hocce linimentum utroque in sexu semper singulare invenire detur. Hæc autem sagax ipse excutias.

Foret haud difficile, plures talium humorum species, variasque formas, describere, si lustrarentur omnia, metuo autem ne in molem cresceret nimiam epistola. Satis autem, vel ex dictis modo patere arbitror alterum argumentum *Malpighii* asserentis existere ubique tales glandulas: quoniam ubique spectatur humor latere crassior sub emissariis definitis, quam ut queat talis in ultimis hære vasculis ab arteria oriundis.

Duplici itaque, & utroque firmo argumento nixus egregius Auctor asseruit jam enarrata; verum novo iterum confirmatus fuit in hac sententia, dum considerat morbos, qui occupant glandulas modo descriptas: si enim eos omnes lustres intentus, & materies ipsa, & hujus figura, videtur apertissime docere apparatus modo explicatum. Considera, quæso Te, tumorem illum singularem, quem observant Chirurgi in capillata capitis parte illa quæ cranium tegit, & quam talpam vocant. Ibi sane folliculi pinguedinosi, antea delineati, repleti jam materie minus meabili, distenduntur primo parum à retenta paulo spissiore materie, turgent itaque, renituntur, sicque exprimunt id, quod liquidissimum supererat in folliculo, crassius vero eo magis inspissant. Inde igitur residuo huic facile se agglutinat recens in hos folliculos delatus per secretionem liquor, quo ipso tumor assiduo augetur, repletur plus, distenditur magis, folliculus, antea vix visibilis, jam grandescens; interimque repleta ejus materies magis magisque abundat copiâ, simulque minus meabilis evadit. Quia vero cranium, tumenti glandulæ suppositum, sphericum, & durum, cedere nescit; integumenta autem, membranosa fere tantum his in locis, & satis mollia, incumbunt tumori; inde necessario in latum, & in convexum, porrigitur compressus inferne mollis tumor; durefcit cito, atque crassescit simul membrana folliculi, vasa sanguinea comprimit, sanguinem in iis sistit, nigrum inde colorem creat: unde nomen ab hac similitudine impetrat. Frequens mihi fuit oportunitas spectandi hos tumores; sed in medio horum apice semper meatus est deprehensus parvus, unus, per quem, pressa fortiter, talpa tenacem humorem emittit, atque ipso hoc transitu per angustias has format in formam vermis. Curavi hos tumores grandes jam enucleandos, erat membrana undique clausa, plena, uno illo parvo emissario prædita.

Inde respiciamus, sodes, ad grandines dictas Chirurgis in limbis palpebrarum. Nonne hi tumores manifesto demonstrant veram indolem glandularum hîc locatarum? certe hærent tantum ad limbos palpebræ, extrorsum in gibbosum assurgunt tumorem cute recti duriore: ubi vero, inversæ palpebræ interiorem, oculo contiguam superficiem rite inspexeris; quam liquidò ibi tum orbiculus satis durus, prominens, ex albido
flavescens

flavescent apparet ! Sane vix crediderim esse, qui, his lustratis, vel dubitet, esse hunc ipsum folliculum dilatatum à crassescente materie, quæ naturaliter inungendis palpebrarum limbis, tenui perichondrio hîc tectis, & assiduo collisu lædendis, prius lente, & parce, transsudabat per meatus exiguos horum granulorum : indurescunt quandoque, atque scrupæ scabritie adnatam, corneamque, attritu aspero offendunt ; tum vero, si, incisa tenui membrana interiore inversæ palpebræ, eximuntur, apparet una cæca crassior, & fungosa plerumque, subcartilaginea aliàs, membrana, pastam tenacem, satisque siccam continens. Aliter, si benigna, & salutaris hîc, accessit inflammatio, suppurato huic tumori perit membrana folliculi, sicque frequentissime solet malum hoc tolli sponte naturæ.

Quin & tenerrimam faciei cutim, quæ adeo apparet simplex, ubique habere loculos tales constat satis evidenter : quum & in illa parte ejus, quæ omnium tenerrima inferiori palpebræ subjacet, sæpe occurrant. Memini videre, nec ita dudum est, in eo loco natum humorem album, sphæricum, lentum, durum, magnum, qui & fœdabat vultum Nobili Juveni, & valide increfcebat, habebat autem in apice suæ superficiei exiguum valde meatum, qui poro naturali faciei vix erat major. Conabar dextrâ Chirurgi, incisâ cute, exprimendo elidere ex sua sede totum involucrum & corpus integrum simul hujus tumoris tam duri per hoc vulnus. Sed, dum premitur rudius, videmus dilatari meatum apicis vix ante visibilem, & exire per hunc lentissimam materiem, ingenti quidem copia, atque trajectu per angustiam hujus meatus formari in longissimæ anguillæ speciem. Certe immissus tum tenuis argenteus Stylus detexit cavum sphæricum, vacuum jam, at adeo durum, ut percussum ferme resonaret ad attactum styli. Quod quidem ita Chondroïdes involucrum vi lapidis caustici ex argento & aqua stygia facti, atque immixtis trochiscis de minio Vigonis, ubi consumtum erat, pulchram curationem malî dedit.

Simile quid in Nobili Britanno occurrebat ; cui, pulchro sane Viro, exiguum emicat in apice nasi tuberculum, id Ille premit fortius, ut exprimeret materiem turgentem. Fit illud. Sed ilico tumor ibi renascitur priore durior, cartilaginosus, ad percussum resiliendo sonorus, longèque velocius increfcens, cum pruritu, ardore, rubedine, jam maligni quid portendens ; cuspidē lanceolæ infligitur exigua plaga, per quam admixtus lapis infernalis consumsit duram membranulam, quæ sphæroïdes continebat materiem tenacem. Atque ita sanatus ille ab hoc malo, quod manifestissime natum erat in folliculo naturaliter ibi continente materiem unctuosam jam antea descriptam.

At quoties tota facies tumoribus formidolosis equidem tuber ! jam ulcerosis, aliàs vero leprosam scabritiem æmulantibus ; sæpe tædiosa hæc ego ulcera, & tubercula, inspiciens puto, omnino me deprehendisse, quod omnis hæc malorum cohors sit degenerantium glandularum subcutanearum, & suo incremento, exilioris olim fabricæ aucta magnitudine demonstrantium priscam tamen indolem. Neque esse adeo vasorum mutatorum effectum, quam præexistentis naturaliter folliculi di-

latatione sola incrementem structuram. Atheromata quoque, Melicerides, & Steatomata, quam maxime docere plane videntur hanc talium glandularum per cutanea & subcutanea præcipue loca præsentiam: prima quippe bina, in primo suo ortu, parvum modò, idque rotundulum, tuberculum referunt in eo semper loco, ubi tales folliculi naturales præexistere. Hæret in his semper materies simillima equidem, at crassior modò, ut in sanitate olim solebat in ista contineri glandula. Ubi autem distenta magis augescunt, spissant materiem, atque suæ propriæ, & naturalis membranæ crassitiem simul, duritiemque, semper adaugent: unde in enormes frequentissime moles excrescunt; unam tamen tantum cavitatem formant simplicis figuræ, semper tamen vestigium pristini olim emissarii in apice retinent. Quando autem incisa cute, deglubuntur ab exiguis vasculis, quibus habendo lentescunt, unus eximitur saccus simplex, spisso atque uniformi sub involucro tenens simplicem, unitam, lentam, materiem. Atque illa quidem, si alba, lenta, pastam, pultemve, referens cognomine græco satis proprio, Atheroma audit; si flavescens, dilutior, massam instar ceræ in melle solutæ simulans, æque vere Meliceris inde fuit appellata. Qui tumores frequentissimi, & fere ubique in exterioribus, vel & interioribus, corporis deprehensi, à primo initio in ultimum incrementum usque successive juxta gradus crescendi, & varia interim nata phænomena, inspecti, adeo clare docent, quod malum hoc sit à materie lentescente in proprio suo, nativo, cavo, sensim dilatato, ut liber præjudiciis, rei que gnarus, aliter censere nequeat. Et puto sane, Te quoque, qui toties hos observavisti, toties examinasti, tumores, longe magis credere, oriri eos à distento alveolo membranoso ibi ab ipsa natura formato, quam ut suspicari velis, vel recens ibi nasci, vel ex canali ad extrema sua obstructo, indeque mutato, ita efformari.

Qui cum cura se dedere notandis, curandisque, humani corporis morbis, invenere in eo aliud, præter illa tria, tumoris, intra proprium involucrum coërcentis suam materiem, genus. Id, quonam donandum nomine sit ignoro. Describam, dein, prout censuerit quisque, appellet. Ante aliquot ab hinc menses accessit ad me, consulendi gratia, necdum triginta nata annos, tenella, sana cæterum, atque pulchra, Domina. Nascebatur huic in sinistra parte colli, quæ ab supremo jugulo ad acromium porrigitur, albus, mollis, indolens, frigidus, tota sua mole mobilis utcunque tumor, intra spatium breve temporis eousque incrementum, ut gallinaceum jam superaret ovum. Jacebat vero longe profundius, quam aliàs videre memini. Unde & difficilius de natura ejus judicium; licet nulla in eo pulsatio observaretur, nec varicosa ad ambitum vasa apparerent. Quum hyberna tempestas esset, res vero ipsa haud satis liquida, suasi, rediret domum, foveret bis quotidie partem posca parata cum sale ammoniaco, atque emplastro Meliloti permisto cum aqua Galbani soluti parte tegeret; cæterum, urgente malo, circa ver rediret. Rediit dicto tempore, ostenditque tumorem, eundem quidem, sed jam adeo magnum, ut anserino ovo longe major deformaret Illam, imo & vicinarum partium actionem, in deglutitione inprimis quam maxime impediret. Mirum satis: pressus undatim cedentis aquæ speciem perfecte

referebat, ita tamen, ut sic quidem mutatione figuræ liquidum testaretur humorem; interim vero, pressâ totâ mole haud evanescens, doceret omnem illum liquorem uno receptaculo arctari. Volui, totum tumorem integrum per aperta integumenta eximere. Sed præmetuens fallaciæ, ne forte arteria, vel vena, sanguine distenta formaret malum, licet aliter censerem ipse, & aquosum jam dudum putarem esse tumorem; volui, ut Chirurgus complicata integumenta, & fortiter elevata à superficie tumoris in altum, cuspidè adactâ lanceolæ ad infima, sursum discinderet, sicque longum faceret vulnus à scapulæ fastigio versus jugulum decurrens, moxque obligaret. Factum. Postridie redeuns video eminare per vulneris ora ingentem tumorem, cujus superficies crassâ, atque fungosa apparebat. Sed simul tanta spectabatur mali magnitudo, ut si eximi debuisset, vulnus certe ab acromii apice ad maxillæ inferioris angulum vix suffecisset huic negotio. Interim protuberabat omni hora per aperturam vulneris magis ille tumor, cum dolore ingenti ex distracto vulnere. Curavi itaque, lente incidendum acie lanceolæ involucrum, sed caute primo, & parvâ valde plagâ: ut, si cruor exiret forte, posset compesci. Haud crederes quam hoc factu difficile: tanta erat membranæ hujus crassities, certe quatuor, vel quinque lineas æquans. Pertusa dabat rivum salientis aquæ flavæ, ad ignem coëuntis, copiâ magnâ; scrutatus tum specillo inveni ingens cavum undique crassâ factum membrana, undique clausum. Id dein, immixtis spleniolis ex linteo carpto, & trochiscis de minio, ad fortem deductum suppurationem, felicissime perfanatum fuit. Postea vero meditatus diu ad omnia, quæ in hac historia observari potuerunt, in eam fere sententiam me perductum sensi, esse & in interioribus forte hujusmodi glandulosos, cavos, utriculos, quales in exterioribus supra videntur deprehensi. Sed & tamen cogitabam, hos haud impleri humore tam lento, sed dilutiore quidem, magisque fluido, qui porro & suis de causis spissatus, exire impos, & ibi necessitate simili tumores serosos produceret, aquososque.

Atque ita quidem harum Nos rerum contemplatio ad hydatidas sensim speculatione hac deduxit. Qui sphaerici tumores liquida primo turgent lymphæ, sensim degenerante, juxta varios in colore & crassitie mutata modos. Sunt autem vesiculæ hæ undique clausæ, ab omni vicina parte integræ separabiles, liquorem tamen, & tunc, suum retinentes: adeoque videntur mihi evidentissime demonstrare, quod vesiculæ tales glandulosæ in imis corporis, ubique præsto sint, atque in sua cavitate retineant humorem hunc tenuem, remoras ibi passurum, donec tandem deferatur inde sua per emissaria ad loca, quorum usui destinat CREATOR. Quum autem hydatides hæ in omni corporis universi parte interiore, exteriori, repertæ fuerint, atque ipsa sæpe viscera tota in eas transformantur; probabile fit, ubique in ipsis quoque visceribus glandulas serosas & lymphaticas, sed quam minimas, à natura formatas fuisse, usumque, nondum satis explicatum, necessarium habere.

Steatoma tandem mecum ipse spectes. Agnoscis, pinguedinem per arteriolas minimas, à sanguine secretam, infusam cavis folliculis membranæ adiposæ, ibi rotundas formare vesiculas adipe liquecente turgi-

das. Aîs, esse emissaria, per quæ collectum sæpe diu oleum exeat iterum. Afferis, aquam, loco olei, his receptam facere hydropem Anasarca. Quoties itaque pingue hoc oleum, spissius evadens, atque in ingenium parum tenacioris forte sebi paulo magis degenerans, suo exire meatu tam prompte nescit, auctum dein durefcens grandines creat lardi, in porcis detestabiles, in hominibus frequentes, excrescentes sæpe magnam in molem, tumque docet veras cellulas, quas tam pulchre invenisti in tota membranæ pinguedinosæ fabrica. Sed & hîc quoque invenimus exquisite id ipsum, quod advertimus in atheromate, meliceride, hydatide, obtinere: nam increfcens, sæpe immaniter, pinguis tumor, membranam cellulæ pinguedinosæ naturaliter subtilissimam mire incrassat, invisibilem præ tenuitate in moles magnas attollit, lentiori pingui æquabiliter replet. Sed & valet exprimi hoc sebum ex tota hac cavitate per aperturam factam, relicta tantum simplici ejus membrana. Imo vero & potest facile separari à vicinis integer hic tumor degenerascentis pinguedinis. An hæc omnia non demonstrant liquidò, quod maxime sit credibile, & in prioribus ita fieri, ut hîc unusquisque fieri cernit? malos nimirum hos distentos folliculos docere, non extrema vasorum degenerascentia.

Longus forem enarrando scabiei pustulas, condylomata ani, vel vaginæ, & alia forte præter hæc tumorum genera: sed puto cum *Malpighio* certò statui posse, tales esse in corpore humano folliculos simplices, membranaceos, exiguos, in quibus continentur secreti humores varii, à sanguine, à sero, à lymphâ, ab aliis humoribus, derivati, ut ibi asservari queant, atque certis ibidem mutati modis, inservire possint iis usibus, quibus eos Auctor Naturæ destinat, quosque sagax industrii indago tandem reperiet. Neque enim alibi frequentiores apparent, quam ubi partes aëris injuriis nudæ exponuntur, ut in facie, atque in illa præcipue parte ejus, quæ præ cæteris eminet, extremo nempe naso. Quum autem per nares ductus aër, trachæam intret, bronchia, & vesiculas, nusquam illic efficacius partes afficit, quam hîc loci: unde & illic summa talium organorum copia. Sed & ingens illa copia nervorum, qui odoratui serviunt & sternutationi, nudata ferme involucris, acrius sentire ut queant, inunctionem hoc ab linimento desiderat, quod servatum in folliculis præsto succurrit necessitati partis. Quam tenues iterum, quam nudi, quam prompte irritabiles, nervi per Laryngis & bronchiorum interiora disperguntur, omni momento tamen asperi aëris irritamentis obnoxii! hi sane vix temporis momento carere queunt demulcente hoc balsamo. Quum autem ore, faucibus, œsophago, ventriculo, intestinis, acria, aspera, calida, cruda, dura, frigida, tam temere sæpe, & tumultuariò, transjiciantur; neque ipsæ hæ partes, abesset hoc medicaminis, tantos possent sustinere impetus absque imminente assiduo discrimine. Hinc ureteres, vesica, & urethra utroque in sexu, tum intestini ultima, abundantia adeo mucò deliniri cernimus. Quin & ubicunque in corpore attritus perpetuus partes offenderet, providentur simili arte oritura inde damna; quod ut in exterioribus, sic & in intimis, liquidò patet. Ubi mobiles nasi alæ nectuntur partibus faciei per musculos assiduo agitandis, folliculi hi numerosi cæcis lacunis lenè sudant oleum:

inde & pone aures mador semper similis, ad axillas, inguina, clunium sinus, plantas pedum, manuum palmos, præputii interiora, & vaginæ muliebri, invenitur. Quid dicam de oculis mucosis, ad ligamenta interne ad articulos ubique positis? certe & ibi cuncta quam simillima. Ipsi tendines musculorum vaginis comprehenduntur membranosis, quarum interior paries delinitur simili axungia, quam & ibi dispositi tales folliculi parant, & fundunt.

Sed inquires, omnia hæc Temet ipsum agnoscere. Id scio, fateor illud. Si vero, quare igitur hæc ego omnia tam operoso molimine recitaverim? quæris. In promptu ratio est: ut sciant Lectores, quam firmis argumentis sapiens *Malpighius* cautissime usus fuerit, ut vera traderet de his partibus; quin etiam, ut edoctus hinc rationem, qua in corpore construuntur glandularum simplicissimæ, præscriberet sibi ipsi leges, ad quas compositas excuteret. Quamvis interim verum sit, haud adeo multa super fabrica harum commentatum fuisse; id tamen scripsit: loculos illos fieri membranoso involucro, quod cavum formet variæ in diversis locis figuræ ita, ut hîc sphaericam habeat, ibi sphæroïdem, alibi lenticularem, inveniri oblongâ formâ referente ovum, esse & cylindricâ, nonnunquam speciem referre intestinuli cæci. Attingere autem arteriæ extremitates ipsos folliculos, in membrana horum dispergi, ibi in plagas reticulares ordinari, ab ipsa quidem hac membrana sustineri, atque ibidem tum desinere in venas minimas, in quas infundant crassiores advecti humoris partes; aut abire in tenues, breves, molles, fistulas, ita desinentes ab omni puncto superficiei cavæ hujus membranæ, ut patulis osculis suis undequaque liquorem tenuem in folliculi ventrem exhalent, assiduoque emittant; quin & nervorum ramos eò delatos, apparatu simili incedere. Quod vero maxime notandum in egregia hac descriptione, id est, quod ait, omnia hæc minima vascula emissaria simul spectata fistulosam lanuginem ibi conficere. Falsò ideo dici solet vulgò apud Medicos, asseruisse Egregium Auctorem, humores ab arteriæ sanguine secerni ope glandularum illarum; quum contra Ille statuatur, arteriarum extrema, in lanuginem fistulosam attenuata, ipsa patulâ suâ extremitate humores subtiles in cava harum glandularum excernere; adeoque secretionem in glandulas hæc fieri, non per has absolvi; igitur sensus ejus est, secretionem singularis cujusque talis humoris jam factam esse in ultimis his tenerimis arteriarum fistulis, antequam humor ipse in folliculi cavum dimissus sit. Invenit etiam Nobilis Auctor, cavum horum organorum humorem ita derivatum eò retinere, aggregare, mutare, servare in idonea usui tempora, tumque foras emittere per aperturam singularem, amplam satis, suo tamen retinaculo, moderante ejus hiatum, constrictam, haud aliter, ac si sphincteris cujusdam artificio portas servaret. Quin & illud addidit, humores ita paratos hisce locis, per descripta modo emissaria, vel dimitti foras extra corpus, vel in alia quædam corporis cava exprimi, suos ubique usus habere. Denique absolvit sua circa has glandularum simplicissimarum inventa egregiâ hac observatione, quod pelles earum, aut fabrica musculosa instruantur in exteriori sua superficie, qua & nimix obstant extensioni suæ, nimix-

que repletioni, evacuacionem autem excepti humoris promoveant; aut ita quidem collocentur in una forte membrana, ut hæc habeat suprapositum sibi, vel & suppositum quoque, musculosum apparatus, ut hujus motu concussi, pressique ventriculi harum glandularum ea imprimis occasione suos humores singulares exprimant. Vide faciei loculos à subjectis faciei musculis ita concussos, adspice œsophagi, ventriculi, intestinorum, ab ambiente horum musculosa tunica ita emunctos.

Quæ quidem omnia confirmantur fane per illa, quæ Tu, mira Tua arte, tam feliciter, pulcherrima postea detexisti. Quid enim accommodatius enarratis observari poterat, quam extremitates arteriarum ad hæc loca delatarum vix unquam eodem incedere apparatu, sed diversissimas omnino reperiri in variis ubique locis, ubi ad alia organa constituenda abeunt? ut in *Thesauro Anatomico sexto, Epistola tertia problematica*, & alibi exquisitè annotavisti. Deinde in intestinorum prima, interiore, villosa membrana, aïs, arterias ex membrana vasculosa eò delatas, molles, pulposas, & fere succulentas, factas desinere circa glandulas ibi sitas, quas tamen Tibi placuit glandulas spurias appellare; invenisti & ibidem poros magnos, quos miraris; nonne videntur hi modo esse loculi oblongi mucosi intestinorum à suo jam naturali muco liberati, exficcati, jamque latiorum meatuum formam referentes? fane sic putabit, qui leget omnia, quæ tam eleganter, & verbis, & iconibus, describis in *Epistola secunda Anatomica*, à pagina octava ad decimam quartam usque, ut & in *Thesauro primo*, pagina vigesima sexta. Quin iterum animadvertis in intestino colo glandulas adesse spurias, vasculosæ membranæ innexas, atque ad illa loca, ubi hæ hærent, arterias ultimas apparere quam numerosissimas, *ibidem pag. 33. 34.* in intestino cæco rursum aïs glandulas plurimas, *pag. 49.* atque *Thesauri quarti pag. 30. & 35*, inquis glandulas esse copiosas, & lacunas multas in fine recti; *Th. 4. p. 24.* uteri os lacunulis similibus plurimis in toto ambitu donari. Imo & in ipso ventriculo detexisse plane videris easdem. Quid enim sentiemus aliter de accuratis illis observationibus, quas tam candide refers, *Thes. 1. pag. 39. 40. 41.* aïs enim arterias ventriculi ad extremitates suas tam exiles, ut succosas appelles, in membrana ventriculi villosa in globulos convolvi, & colligi, sicque eructare humores in cavum ventriculum. Rursum *Thes. 2. pag. 74.* in tonsillis reperis similes; in palato, *Thes. 1. pag. 16.* *Thes. 2. pag. 51.* in membrana nasi, *Ep. 8. pag. 10. 11.* *Thes. 1. pag. 16.* *Thes. 6. pag. 3.* Internam iterum faciem asperæ arteriæ membranam innumeris donatam glandulis depingis, describisque, *Thes. 1. pag. 42.* Quin & in ipsa cute humana narras, Tibi manifesto apparere tertium pororum genus, quod putas factum, ut emittenda retineret pro tempore: ubi igitur certo agnoscis, esse aliquod cavum membranosum, in quod arteriolarum extremæ emittant, deponantque, humorem asservandum in certa tempora, *Thes. 1. pag. 26. 28. 29.* En, *Clarissime Vir*, hæc ea sunt, quæ *Marcellus Malpighius* detexit circa sedem, numerum, partes, fabricam, usum, glandularum simplicissimarum; quæ si Tibi jam vacat, lubetque, comparare cum illis, quæ Tu ipse detexisti Tua sponte, absque ope Magni Viri; cujus


opera Te non multum consuluisse certus sum, quum semper operi Anatomico diligentissime incubueris, rarissime vero scripta Aliorum evolveris, an quidem magnus erit dissensus? profecto, non. Atqui suavis hæc, ab solo intuitu fideli corporis nata, concordia claro est argumento, rem hanc ita, ut descripsistis ambo, se habere: ideoque fas esse Medicis reponere inter certa inventa hoc ipsum. Sed dices forte, ut quondam scripsisti, non invenire Te glandulas cutaneas, utique nunquam Te aliquid glandulosi reperisse, ubi papillæ nervosæ organum tactus efficientes observantur. Sed cogita, sodes, glandulas has cutaneas valde exiles esse in multis locis cutis, ideoque sæpe haud visibiles sanitatis tempore in cute calida; eas tanto minores, quo locus, cui inhærent, minus atteritur, offenditur, aut frigescit; in cute tenuissima, vestibus recta, calida, omnia polita, æquabilia, apparere, & glabritie lævi splendentia, ad appulsum tamen frigoris mox attolli hinc asperos, exiles, distinctos, tumores, qui deplumem avium in tubercula assurgentem cutim pingant; in crure infantis ab injectâ Tuam per artem cerâ penitus rubente; atque inflammationem perfecte referente, similia undique tubercula eminere, atque manere distenta. Scio, Te has papillas habere nervosas, & pro hisce mihi met quam luculentissime demonstrasse. Sed scis, ô Optime, quod nihil in hisce sectemur uterque præter simplicem veritatem, nec auctoritate nitamur, sed conemur credere vero, repudiare priores sensus, quoties posteriores curæ saniora docent. Sane hunc ego in Te candorem agnovi, laudavi, imitari cupio. Aperte igitur audeo coram Te profiteri, quod contemplatus diu, & unde quaque, prælucente microscopii acie omnia lustrans, putaverim fere, quod illæ papulæ sint ipsi folliculi glandularum cutanearum simplicissimarum, qui tales apparent, quia artificium Tuum materiem ceratam adigit usque in vascula subtilissima arteriosa, quæ desinunt ad superficiem membranæ illum cavum utriculæ cutaneæ efficientis; unde igitur membranula hæc, glomer quasi convulutorum vasculorum, elevatior in rotunduli corpusculi speciem porrigitur. Utque firmitus ita sentiam, facit hæc observatio, quod non conspiciantur hi tumores, nisi prius felici successu cera injecta repleverit omnia tibi vascula. Posses quidem instare, quod superficies illa haud ita rubescat, ut appareat ceram vascula ingressam hunc tumefacere locum; sed dudum est, quod benevole monueris nos omnes, ceram minio tinctam, ubi optimo eventu penetrat se usque per vascula minima, deponere corpuscula tingentia minii, iisque relictis in parte latiore vasis, reliquum ceræ iterum albidæ jam factæ solum transadigi usque in angustias minimas, aut & exire per ultima harum oscula patula in ipsas cavitates, in quas illa emissaria naturaliter solebant exhalare sua tenuissima liquida.

Si præterea rectâ tecum viâ reputare studes, quod morbi ante descripti cutanei in locis, ubi ipse has glandulas agnoscis in cute, etiam in omni parte alia cutis oriantur, atque eadem fere sordes nascantur ubicunque in cute, rursus habetur ingens argumentum, quo demonstretur, glandulas has ubique, licet quandoque parvas admodum, inveniri.

Sed dices, oportere has demonstrari, atque oculis subjici fidelibus, in

omni corporis parte, ubi dicuntur existere. Id fieri posse, foret optandum. Sed quando perpenditur pondus omnium, quæ adducta sunt hæcenus, argumentorum, confici certe videtur plusquam probabile, tales re ipsa existere.

Præter enarratum glandularum genus maximè simplicium, deprehenditur aliud priori simplicitate proximum: utpote ita ex glandulis hucusque enarratis compositum, ut ex paucis illarum certa lege unitis nasci videantur. Si enim conceperimus, illas descriptas emissaria sua in unum communem canalem conjungere, huncque deinde humores, qui in singularibus cujusque glandulæ organis erant secreti, per cujusque folliculi fistulam in se recipere, atque in loca destinata dimittere, habetur vera hujus fabricæ species. Ut vero distinctius imprimatur animo imago ipsius rei, fas esto speculationi objicere hanc Ejus iconem, in posthumis datam.



ubi *a, a, a, a*, folliculos glandularum simplicissimarum denotat, *b, b, b, b*, singulæ emissaria, cuique utriculo *a*, propria, atque in communem canalem excretorium *d, c*, suos humores demittentia, qui tandem per hujus aperturam *c* emittantur. Tales enim reperiri hinc inde in facie externa, labiis, palato, locis quibusdam cutaneis, imprimis circa pedes, & in pudendis, observavit. Ventriculi autem harum partium *a, a, a, a*, constant tali apparatu vasorum arteriosorum, venosorum, nervorumque, ut in primo genere jam descriptum fuit. Quare patet ex hac ipsa re, Naturam progredi à solitaria, simplici, glandula, minima, ad compositionem earum, quæ quidem paulo magis compositæ, sed ad quas constituendas, solæ primæ simplicissimæ concurrerent ita, ut eadem esset omnino utriusque fabrica. Atque argumenta quidem omnia, quibus constitit de sede, mole, fabrica, usu primarum, hîc modo repetenda forent: quod monuisse esto satis.

Sed neque est diversus talium glandularum in corpore humano usus ab iis, quæ primo descriptæ fuerunt: quum humores satis similes, & reliquæ harum proprietates, evincere satis illud videantur.

Et non memini invenire in Tuis scriptis quidpiam, quod his repugnet.

Agendum igitur foret jam de conglobatis dictis glandulis, quæ imprimis ad axillas, inguina, mesenterium, ad pinguedinem hinc inde, locatæ deprehenduntur. Earum quoque simplex satis apparatus, figura non intricata, descriptio à tot clarissimis auctoribus data, anatome à *Malpighio* instituta, faciunt, ut aliquid satis firmum dici queat de his ipsis. Sed quoniam de his nihil in Scriptis Tuis contra Magni *Malpighii* in-
venta

venta tradis, atque Nobilissimus Auctor in *Epistola* de Structura harum absolutissime egerit ad *Societatem Regiam Londinensem*, superfedeo de his vel verbum monere: quum ad præsens negotium vix spectet. Quare & de conglomeratis filere volo.

Itaque jam tandem perventum est ad id punctum, in quo stat præcipue inter Egregium illum Auctorem, atque inter Te sententiarum differentia. *Malpighius* enim putavit, scripsit, & confirmavit denique in *Posthumis* paulo ante obitum propria manu consignatis, quod viscera humani corporis, cerebrum, hepar, lien, renes, testes, constarent innumerabilibus, exiguis, organis talibus, qualia titulo glandularum simplicissimarum primi & secundi generis supra tam verbose exposui. Ita quidem, ut arteriæ sanguiferæ ferrent sanguinem pulmone paratum ad viscus; atque ingressuræ viscera, in ipso introitu deposita exteriore sua Membrana, tenuiora acquirerent sua involucra; mox deinde in multiplices pandi ramos, rursus qui abirent in exiliores semper & numerosiores; donec tandem ultimi, minimique, explicarentur in membranula tenui, quæ formaret ibi cavum folliculum ea lege, ut arteriolæ in illa membranula ordinatim digestæ, atque in reticulares plagas contextæ, humorem ibi loci disponderent, aptarentque facili secretioni; porro statuit, quod postea his arteriosis reticulis venosa respondeant similia & cavitatis patulæ productione continuata sint, in quas transfusus humor sanguineus remeat in venas visceris illius sensim majores, donec ex viscere egressus redeat per venas maximas in thalamum cordis dexterum; denique affirmat, in illo loco arteriosi reticuli, ubi arteriolæ finis abiturus jamjam est in descriptum venæ initium, inter fines arteriæ & venæ initia, tertium oriri vas arteriosum, exilius arteriola, à qua oritur, humorem itaque capiens subtiliorem eo, qui ex arteria transluit in venam; quodque ultimum hoc vasculum, per membranulam folliculi glandulosi penetrans, ore suo patulo effundat hunc suum humorem in cavitatem folliculi, id vero dum fit in omni fere puncto cavæ illius membranulæ, repleti sic & turgidulum reddi hunc utriculum, atque remorantem ibi humorem mutare, perficere, tandem per emissarium cuilibet tali acino proprium emittere. Erunt igitur prima hæc emissaria valde exigua, sed, commissa dein in communem canalem, sensim grandescunt ea lege, ut in glandularum simplicissimarum secundo genere jam supra vidimus. Et ita pergit hæc emissariorum adunatio in canales semper majores, atque pauciores, donec ultimo omnis ille humor ab universis visceris acinis per cuncta illa emissaria, in unum canalem excretorium, ex tota mole visceris emanans, demissus, extra viscus derivetur in loca destinata. Ad hanc speciem refert cognitas jam satis glandulas conglomeratas, sex fundentes in os salivam, magnumque duodeno accumbens pancreas, tum & hepar, & renes; lienem vero in venas suas magnas, ut in emissaria sua propria, infundere singulares suos confectos in folliculis splenis humores. Cerebrum tandem pro suo cortice habere innumerabiles similes vesiculas minimas, in quas digestæ arteriolæ minimæ, à carotidibus, & vertebralibus, oriundæ effunderent paratos spiritus, qui collecti in hæc cava deinde per fibrillam inde ortam medullarem, ut primum stamen nervi, distribuerentur. Atque ita quidem

docuit *Malpighius*. Tu autem, *Vir Inclyte*, putas Te invenisse, & demonstrasse, quod arteriæ, quæ tendunt in viscera, ad perficienda singularia cujusque horum officia, postquam ingressæ sunt intra horum corpus, in singulis horum varie admodum mutari, atque in diversas omnino distributiones, unicuique singulari visceri plane proprias, digeri. Et memini pulcherrime, quanta sine voluptas traxerit, quando diversorum viscerum arterias ultimas, subtili arte explicatas, ostendebas mihi, atque mirabilem differentiam extremorum ramusculorum designabas. Fateor, credere me, hoc quidem inventum Tuæ singularis industriæ tale esse, ut in Anatomicis nihil supra. Sane contentos spectamus cæteros, dum explicaturi actionem visceris, nude asserunt, arterias in illo ex allato sanguine secernere peculiarem illi parti humorem, porro distinguentes nihil. Illi vero, qui propius introspiciendum putant in structuram partium, ut extricarent singularem & proprium cuique agendi modum; magni quid momenti addidisse se jactant, dum aiunt, arterias illas secretiones perficere in visceribus quibusque per mechanismum glandularum. Qui denique censendi sunt subtilissime Anatomicam excoluisse scientiam, asseruerunt, arterias viscerum circa glandulas horum in reticulum ubique, & semper abire, quod omni loco idem sit, omnesque arteriolarum ultimas extremitates in ejusmodi nassas transformari. Sed quum stupenda Tu DEI opera demonstras, quantam admirationem excitas animo contemplantis, in quam venerationem abripis mentes, dum liquidò ostentas tot, tamque diversos penitus, horum apparatus vasculorum! Uno in loco plagas retium exhibes; in alio radios à centro in omnia circumferentiæ puncta depingis; hîc in glomeris speciem convoluta extrema demonstras. in penicilli modum collectos alibi canalium fascies evolvis. Cernimus in iis, quæ Ars Tua in seræ posteritatis stuporem parata servat, in quibusdam corporis partibus per sinuata canalium volumina, instar repentium anguium incedere arterias, atque in mille flexus, hemicyclosque, volvi, antequam se accingant ad secretiones. In aliis prosequimur in arcuum fornicatorum digestam arteriarum curvaturam. Jam villosam, mollem, flexilem, subtilem, lanuginem, efficere extremitates horum vasculorum mihi indicavisti. Aliàs indicabas oculis meis, ut expassas in tomenti roriferi halituosam quasi nubeculam conspicerent, atque acutiore per microscopia acie usque in ludentes, fugientesque, atomos, prosequerentur. Hæc sane omnia mecum mirabitur, qui in ipsis partibus præparatis oculo suo, Te præmonstrante, illa spectat. Hîc industriam Tuam superasse solertissimi *Malpighii* sagacitatem fatebitur ipsa, tanto superba cive, *Italia*. Originem Te hîc demonstravisse multiplicis diversitatis, quæ in variis humoribus secretis ab eodem sanguine occurrit, in singulis fere locis alia, agnoscent Medici. Inde demum constabit, quam certæ, firmæ, tutæ, officinæ fabrefactæ fuerint à CREATORE DEO in corpore nostro, ut sua inconcussa constet humori cuique indoles. Equidem hilaris audiivi Te inculcantem toties, fabrefacta hac lege extrema condita esse à SAPIENTISSIMO DOMINO, ut mandata sibi officia stabili obsequio exsequerentur. Deinde autem pari observavisti solertia, quod extremi hi arteriarum tam diversarum fines, non modo

mire exiles sint, sed quod & evadant adeo molles, ut fere mucosi, succulenti, pulposi, facti evanescant, citoque pereant, nisi materia durefcente ceracea infarcti firmentur; cæterum in aqua macerati fere in ramenta minima dissoluti liquecant quasi, nisi implerione sustentati fuerint.

Atque hætenus quidem nondum ulla erit *Malpighianos* inter & *Ruyschianos* discrepantia: priores enim, si Tua viderint, negare non poterunt, Te in vasis describendis longe excelluisse præ summo *Malpighio*.

Verum enimvero quando Tu jam palam asseris, quod vascula minima, recto ortu ex ultimis his arteriis progressa, humores contentos suos, quos ex arteriis illis accipere, non infundunt in cavos folliculos, sed recta tantum canalium porrectione, instar venarum concurrentium per insitionem ramorum, immittere se in canalem majorem, sine ullo intercedente apparatu talium utriculorum vel ortorum ex illis emissariorum; jam sententiarum pugna demum oritur. Tu simpliciore, solo venoso, apparatu secretionis in visceribus fieri statuis, *Malpighius* loculos inter fines arteriarum & emissaria Tuis similia, agnoscit. Ut rite notat Celeberrimus Morgagni, *Adv. II. 91. 92.*

Videndum igitur, quis suam tueatur firmioribus argumentis sententiam: ne autem obruamur mole, solum expendamus hepar humanum, videamusque sedulo quæ uterque adfert; ut sincerum feratur de singulis iudicium. Hoc enim in exemplo poterit videri totius quidem rei ratio.

Putabat *Malpighius*, quod Anatomicus, qui conatur detegere abditam jecoris fabricam, multum posset adjumenti ad hanc rem capere, si primo scrutaretur jecinora animalium quorumcunque. Credidit autem, semper incipiendum ab eo genere horum, in quo compages appareret evidentior præ cæteris, inde autem lento gradu procedendum ad ea, quæ recta magis. Atqui videtur id obtineri in minoribus, in imperfectioribus dictis, in simplicibus. Hanc igitur sequutus viam reperit in Cochleis, lacerisque, hepar ingens pro mole corporis; quod fiebat ex pluribus, distinctis, unitis, lobis conicis; hi autem per microscopia accuratissime conspecti clare videbantur rursus componi ex acinulis, propria sua membrana in utriculum distinctum perfecte definitis; omnes iterum congesti apparebant in modum botryos; atque ita per vasa sua uniti invicem ipsos tandem constituebant lobos. (*Malp. de Hep. p. 58. 59.*) In Erucis, Bombycibus, Talpa Imperati, Gryllo, & Cancris, non spectantur acini in hepate, sed aliter se hîc habet apparatus jecoris, qui mire negotium illustrat: in illis enim fit totum jecur ex distinctis, numerosis valde, longis, membranosis sacculis, adunatis in unum inde natum organum, intestinis appositum, illisque manifestò operans, in singulos vero sacculos separatur, inque his colligitur, bilis. (*Malp. Ep. de Gland. congl. p. 6.*) In anguillis, & omni fere genere piscium, hepar evidentissime conflare videtur ex congestis, sed distinctis penitus acinulis. (*Malp. de Hep. p. 59.*) In jecore sciuri omnium perfectissime cernitur perfecta primo in lobos distinctio, horum dein ex distinctissimis acinulis compositio. (*Id. Ib.*) Bubulum, porcinum, humanum denique hepar, nudo conspectum oculo, vel microscopiis lustratum, tam manifeste videtur constare acinulis hexædris, polyedris, aut subsphæricis, ut vix ullus sit, quin hos agnoscat evi-

denter, si sensibus hîc utitur. Quoniam vero locati cernuntur hi utriculi inter vasa adferentia ex vena portarum orta, & inter referentia, quæ in venam cavam exeunt, videtur hinc inprimis admodum probabile, esse hos folliculos glandulis simplicissimis similes, verumque bili secernendæ organum: maxime, quia ita sibi similis in tam variis animantibus hepatis ratio, & quia radiculae pori biliarii, veri hepatis emissarii, oriuntur ex omnibus horum corpusculorum locis. Sed omnia hæc à celebri *Malpighio* ita exposita, quam insigni firmantur argumento à Claro *Littre* allato in *Hist. Ac. Reg. Sc. anni 1701. pag. 51.* qui ostendit humanum hepar, cætera perfecte sanum, consueto se habens modo, optimeque constitutum; sed in quo glandulae, aliter in aliis cadaveribus humanis præ tenuitate non sensibiles, apparebant quemadmodum unam lineam longam habere suam diametrum; imo vero diserte ibidem scribitur, quod ad singulos horum, tam distinctorum, tamque visibilium, acinulorum pertigerit ramulus venæ portarum, venæ cavæ, & pori hepatici, adeo distinctus, manifestus adeo, ut absque ullius microscopii adjumento ibidem spectari potuerint.

Ad primum hoc argumentum *Malpighianum*, à parvis animalibus, per perfectiora sensim, usque ad hominem tandem, deductum, sensuum evidentiae innixum, scio reponere Te posse, quod non liceat legitime à structura unius ad aliud arguere. Fateor. Sed quando facies fere communis, certe similis, ubique deprehenditur; quoties eò tantum hoc fit, ut mens ex uno experta agentis naturæ modum, illo solum exemplo excitata tanto attentius quærit in aliis, an & in illis similis ratio obtineat; dum hoc facit quis in scrutanda fabrica talis visceris, quod est commune singulis animantium, quodque habet eundem in omnibus usum, iisdem utilem futurum partibus; tum puto summum hoc esse evidentiâ argumentum. Atqui in hoc jecinoris exemplo omnia hæc amissim pro *Malpighio* certant. Neque unquam Tu ipse forte papillas tactui servientes in papilla mammæ muliebris detexisses quærendo, aut notavisses occurrentes, nisi prius in maximo animantium balæna eximias vidisses. Non deest autem aliud, & validius longe, Tibi argumentum, quod *Malpighiana* sententiæ opponas. Dabis, apparere oculis hepar contemplantibus imaginem parvarum sphaerularum, dense unitarum; dices vero, falso inde haberi apparentia hæc corpuscula pro descriptis antea folliculis: ideoque omnino concludi haud posse, folliculis his, nimis libere assumtis, secretum jecoris humorem contineri, atque ex iis derivari in fistulas pori biliarii. Sed bene nosti, *Clarissime Ruyschi*, quod Nobilis ille Auctor haud leviter ita modò concludit. Contra sane prudentissime, & quidem lente, procedit. Quum scilicet glandulas illas simplicissimas, separatas, solitarias, ante descriptas, compararet cum corpusculis his acinosis in hepate apparentibus, invenit tantam similitudinem, ut concluderet denique, esse utrisque cuncta fere communia. Est utrisque adferens vas, in secretorium organum exeuns, referens utrisque allatum humorem vena est. Et huic est & illi organo ultimæ arteriæ apparatus idem: licet enim venam portarum in jecore instar arteriæ considerare. Tandem & ambobus suum est præsto emissarium. Hinc jam ait magnus Anatomicus, quod illi

in jecinore spectati acinuli sint habendi pro talibus glandulis. Hic ergo tandem ad pulchram illam, quam tot lustris excoluisti, artem provocas. Et jure. Es enim princeps hoc in Regno. Sed videamus, oro, libero jam animo, quousque rite arguas. Dicis igitur in *Thesauro primo Anatomico*, pag. 30. & 31. quod arte Tua præparaveris recens nati hominis hepar, in quo per felicem successum injectionis distinctissime oculis propriis videris, aliis autem demonstraveris fideliter, quod sanguinea vasa, & biliosa, in eo adeo tenaciter cohæserint, ut accurate separari à se invicem haudquaquam possent. Addis deinde, quod fines amborum vasorum exirent ultimo ita, ut distincte appareant in fascium speciem mutari in utrisque; nec mutari illos in reticula, nec convolvi in glomeres, imo neque membrana hic obduci, sed rectè exporrigi, juxta simplicem longitudinem invicem accumbere, atque sic referre extensi penicilli pictorum faciem, sive fascium speciem. Constare ita evidenter, quod nihil hic glandulosi sit, nihil quod imaginem folliculi ullo modo referat, sed haberi continuatum iter per canales continuatos ex finibus venæ portarum in initia prima pori hepatici; sicque fines venæ illius, organum secernendæ bilis, haud infundere secretum fel in cavum utriculorum, sed directè ultimas suas angustias, bilem jam ibi tenentes, transmutare in meatus radicales hepatici ductus. Hanc etiam rem exhibuisti, ut liberalissime, atque generose soles, mihi ipsi; atque dedisti mihi hepatis humani frustra varia præparata, in quibus hoc ipsum negotium examinandum propriis meis oculis perlustrandumque voluisti. Dicam nunc ego, pace Tua, libere, ut inter Bonos decet, quid ipse sentiam.

Quando ceraceam materiem per viam venæ portarum in jecur rite adigis eo successu, ut repleantur inde universa vasa; tum puto, quod vasa instrumento adigenti proxima primum sustineant impetum. Hæc igitur implebuntur prius & facillime. Itaque distendentur jam longe magis, quam ante repletionem, majora apparebunt, sicque turbabunt proportionem magnitudinis vasorum, quæ non impleta cum his repletis coërcentur inter communia ejusdem membranæ ambientis vincula. Quoties autem pressa jam materies agitur in fines priorum canalium ultimos, rectè porrectos ex his, tum hæret illa in vasis, quorum membranæ carent fere omni vi contractili, sed minimo distendentis impetu facile, & multum, possunt expandi. Si ergo, toto hepate calefacto, & materiâ ceraceâ liquefactâ retentâ, continuatur impulsus, tum flexiles, expansilesque, fistulæ ultimæ à vena portarum ortæ mire intumescunt, capiuntque amplitudinem naturali sua longe largiorem. Sed & intelligimus, expandi quoque, atque impulsa materie impleri, & illa vasa, quæ ramorum instar oriuntur ex arteria sanguifera, ut suo trunco, sed quorum origo tamen arctior est in sua apertura naturali, quam ut partem rubram sanguinis in se admittere possit, licet subtiliores hæc crassissimâ facile excipiat: unde & hæc quoque vascula adacta in magnitudinem præternaturalem, falso habebuntur pro sanguiferis canalibus; dum in sanitate hæc serifera modo, si ita loqui fas est, fuerint; quam quidem confusionem ab injectandi arte sæpenumero oriri satis est demonstrabile inde, quia tam pulchre fingis Ipse, quoties lubet, inflammationem ar-

tificioſam. Denique & ipſa quandoque emiſſaria cum arteriis ſanguiferis inde confundi liquet : quia cera in cœliacas arterias preſſa in cava ventriculi humani exit , arteriis autem meſeraicis injecta , in cava inteſtinoꝝ abrupta effunditur , idemque & in renibus & alibi obſervaveris. Quando autem finis arteriæ arcte conſtrictus tranſitui impulſæ ceræ reſiſtit penitus , tunc neceſſe erit , ut tanto plus intumeſcat illa pars arteriæ , quæ ſupra finem hunc adeo anguſtum injectæ materiæ copia & vi repletur. Fietque illud quidem eo magis , quo arteria quædam forte tenuiores habet membranas , molliores ideo , minus reſiſtentes , facilius dilatabiles , quam alia. Si enim arterias infra duram matrem magnas in cerebri cortice , & cerebelli , aut ſub baſi horum , tum & illas , quæ in theca medullæ ſpinalis intra dura hujus integumenta latent , quæ intra oculi cava diſperguntur , conſideramus , videmus proſecto harum membranas ſubtiliores eſſe iis , quæ in ipſis venis reperiuntur : quum in aliis partibus corporis tam muſculoſæ , elatiçæ , contractiles , fortes , reſiſtentes ſuæ dilatationi , deprehendantur.

Omnia , quæ enarravimus , obſervata oſtendunt liquidò , artificium injectionis , dum auget vaſa repleta , comprimere vaſa , in quæ haud adigitur injecta materies , atque eo quidem magis , quo felicius majora impleta ſunt. Abolentur igitur quaſi , & ab acie viſus ſe ſubducunt eoſque , ut ne minimum illorum veſtigium appareat. Hinc itaque arteriolæ , in membrana cujuſque folliculi acinoſi hepatici digeſtæ , ſi perfecte repletæ ſunt , nec tamen materies poſſit per exilia extrema in cavum ipſius utriculi effundi , ita comprimunt undique hunc , ut omnino evaneſcat , ne minima quidem reſidui ſpecie relicta , quæ oculis cerni queat. Hanc autem rem manifeſto evincere videtur exemplum cutis in facie , ubi evidentiffime apparet , deleri folliculos certo ibi exiſtentes , ſi optimo ſucceſſu iverit cera in extremas arterias. Quin ſpongioſa urethræ vagina , adeo plena ubique folliculis , nullum horum retinet ſpectabilem , ubi vaſa ejus injectu hoc repleta ſunt. Si autem contingit , materiem tranſire per ultima illa arteriarum emiſſaria uſque in cavum acinulum , tum confuſio fit omnium : quia ſpectatur tantum quaſi extravasatio quædam , quæ eſt vera repletio folliculi : quod rurſum demonſtratur clariffime , quandounque repletio fit panniculi adipoſi , membranæ cellulofæ , corporis ſpongioſi penis , & ſimilium ; tum enim effuſa cera omnia confundit. O quam pulchra latuiſſent hætenus induſtriam hujus ſeculi , ſi Tu ad ſingularia Tua inventa ſolâ uſus fuiſſes arte replendi vaſa per ceram ! quis ſomniaſſet unquam de mirabili membrana cellulofa ventriculi , inteſtinoꝝ , ſcroti , frontis ? quis cogitaſſet de artificioſiſſima fabrica lienis , corporum ſpongioſorum penis , urethræ , glandis ? Certe omnia hæc per injectam ceratam materiem ita evaneſcunt , ut ne minimum imaginis ſuæ veſtigium relinquant. Tantumque abeſt tam elegantia hac arte detegi , ut contra per eam aboleantur : ſed magno ſcientiarum beneficio alio hîc uteris artificio : dum partes non arterioſas , ſed alias , omni cruore vacuas , purasque , inflato aëre ſicco diſtentas , arcteque ligatas , exſiccaviſti. Nobile hoc Tuum artificio , omni ſane digniſſimum laude , ubi ſpectabilem reddidit aliquam ſic præparatam partem corporis , tum ean-

dem partem præparatam ope injectæ ceræ compara cum illa priore, profecto ne similitudinem quidem ullam invenies, sed judicabis alia omnino esse corpora. Cogita, quæso, hoc: ut rite intelligatur, quousque tuto liceat arguere ex hisce. Enimvero membranæ sunt adeo subtiles, & compressæ undique à distendente materie, ut ne microscopiis quidem intra ceraceam materiem cerni queant, vel distingui ab illa. En, *Celeberrime Ruyschi*, hæc omnia possunt adferri pro *Malpighiano* dogmate contra illud argumentum, quod petis ab intuitu hepatis repleti demonstrantis vasa ibidem omnia, ubique, non vero cavitates glandulosas.

At aliud adfers argumentum, idque validius, ut destruas fictos hosce utriculos in hepate. Et admiror ego ingeniosissimi inventi subtilitatem. Scilicet hepar ita jam paratum arte repletoria, in aqua bene maceras, diuque; unde membranulæ, & vincula, quæ vel adeo solida, vel parva ita vasa habent, ut in partes horum cera non intraverit, dissolvīs, resolvis, & in aqua conquassando sollicitè separas. Qua ratione ultimi capillares canales repleti dissolvuntur à se mutuo, liberantur, tumque tam accurate exhibent solos canales instar penicilli explicati, ut nihil penitus folliculosi adesse, unusquisque oculis suis videat. Rem candide exponis *Epistolâ tertiâ, pag. 11.* Vereor tamen, ne huic quidem argumento cedere *Malpighium*. Etenim omne illud vasculosi minimi, quod non defenditur à cera ut balsamo, in aqua putrescendo deliquescit sensim, separatur, abluitur. Tenuis igitur membranula acinuli secedit à vasculis repletis, hæc deinde relinquit sola. Ideoque valet subtile hoc artificium mirifice ad explicanda, distinguenda, conspicienda, vascula illa exilia, jam repleta. Unde inter pulcherrimas Anatomicas encheireses semper reponetur elegantissimum hoc Tuum inventum, neque unquam digna carebit laude apud posteros. Interea tamen erraret ille maxime, qui, visis hisce, crederet, hepar naturale non habuisse nisi hæc vasa. Tuto autem assereret, omne repletum sic à non impleto separari posse; nihil vero ultra.

Tertium tandem omnium maxime urget inventum, quo demonstras acinorum absentiam. Injecta materies scilicet in venam portarum intrat in porum hepaticum, hujusque ramulos. Rectum igitur iter inter hæc vasa, absque medio folliculo, impedituro viam. Fateor, hoc tam forte mihi videri, ut fere nesciam, an effugere quis possit vim hujus argumenti. Itaque perspiciendum modo erit, an vere ita sit. Id autem nondum demonstrasse adeo videris, ut simus certi. In scriptis utique Tuis rem definitam non inveni. Memini quidem, quod injecta ceracea materies in meseraïcas arterias transfudaverit in cava intestini, *Tb. 1. 39. 40. 41.* & in cava ventriculi, *Tb. 6. 26.* Sed ipse quidem nosti, quod ibi sit duplex apparatus; dum alii fines arteriarum illarum desinunt in cava illorum corporum directe, quibus utique subtilis humor, aquosus, rectè separatus à sanguine, suos in usus eò dimittitur; sed & sunt ibi alii fines illarum, qui in glandulas Peyerianas, & Brunnerianas, ibidem dispositas desinunt, circa quas non ita exsudat injecta materies, sed retenta in vasculorum plexibus, maculas ceraceas exhibere videtur; ut tam clare videmus in præparatis Tuis. Ars itaque Tua certo nos docet, in multis,

forte & in omnibus , corporis humani partibus ita disponi extremos canales ortos ab arteriis sanguiferis , ut directe , absque interposita glandulosa machina , definant in apertos meatus , per quos libere exhalent humida subtilissima , halituosa , aquosa , secernantur , deriventur , vel extra corpus ipsum , vel in cava ejus majora , vel minora. Id in cute , ore , faucibus , œsophago , intestinis , ventriculis cerebri , thorace , pericardio , abdomine , vaginali tunica testium , utero , vesica urinaria , & in omni parvo cavo corporis , videtur patere. Simul tamen observatur in omnibus fere illis locis fieri & alia distributio canalium arteriosorum ultimorum , circa folliculos glandulosos ibidem digestorum ; per hos enim secernitur succus , qui in cryptas illas deponitur , ut morâ temporis , stagnatione in his locis , calore ambiente , mutatus , in certos usus , per idonea tempora , asservatus impendi tempestive queat. Neque experimenta Tua aliter docent in ipsis visceribus. De renibus dicis in *Thef.* 1. pag. 21. 22. 32. 33. *Thef.* 2. pag. 41. 42. 65. 66. materiem injectam emulgenti arteriæ ire in meatus urinosos Bellinianos , papillas , pelvim , ureteres , venas , adeoque nullas ibidem glandulas. Interim tamen *Thef.* 2. pag. 65. 66. fateris in vitulino rene glandulas præterea adesse. Atque *Thef.* 3. pag. 39. 40. 41. *Thef.* 4. etiam agnoscis in renibus humanis adesse corpuscula exigua , rotunda , quæ non satis cognoscis. Et dubitavi sæpe , an non injectio à Te facta , quando perfectissime omnia vasa replet , quæ attingit , eo magis alia omnino deleat. Ubi autem minus penetravit in ultima , tum relinquere alia corpuscula adhuc visibilia , & distinguenda. Hincque forte fieri , ut aliquando in liene glandulas admitteris , aliquando negaveris easdem. Certus enim quam maxime sum , ita loquutum Te , quia sic eo tempore ipsam rem invenisti. Sed ambigo , an non diversis temporibus , glandulas videris ; aliis autem nequaquam , prout forte profundius , minusve cæra penetraverat pro varietate successuum. Itaque satis puto disputatum à nobis in utramque partem super demonstratione prima *Malpighiana* ; qua asseritur , anatomen comparativam animalium per omnia fere horum genera excultam , inque ipsis etiam corporibus humanis exercitatum , ad sensuum fidem exhibere acinos glandulosos ubique in hepate reperiri , atque ibidem existere ipsum humoris hepatici secernendi organum.

Alterum *Malpighianum* argumentum ad demonstrandos illos in jecore acinos petivit ex morbis : dum observat materiem , molem , figuram , successivum augmentum , sedem , eorum , quæ in hepate observata sunt , atque hæc etiam ita sensim prosequendo considerat. Omnia namque hæc intelliguntur quam optime , si ponimus , cavos illos in viscere utriculos , secretum humorem remorari , mutare , inque materiem talem morbosam convertere , quæ tum in cavitate hujus folliculi , idoneum nacta locum , ita concrevit , augetur , sicque ipsum suum vas continens expandit. Non enim credibile videtur vasa hæc tunc nova nasci , sed potius probabile habetur , ea , quæ naturaliter erant ob exiguitatem invisibilia , nunc mole distendente aucta , apparere , obque duritiem implentis talia permanere , neque collabi iterum. Videtur igitur morbus hîc facere in istis folliculis , quod Tu per artificium repletionis facis in arteriis ,
venisve ;

venisse; utque vere asseris Te non facere sic vasa nova, sed facta augere tantum, ita & hîc idem fieri omnino verum videtur. Accuratus sane *Regemorterus* in cadavere hepatici vidit totum humanum hepar exterius, interiusque, undique scatere folliculis cavis glandulosis pisorum instar, apud Glissonium *de Hepate*, C. 8. Malpigh. *de Hep.* 63. Ipse hic Auctor observavit in cadavere humano portionem extimam, angulosam, hujus visceris plenam copiosissimis folliculis, vicinæ magnitudine & forma, subrotundis itaque, & bile quidem turgidis. *in Posthum.* p. 30. in cadavere hominis, qui laboraverat strumis, totum undique jecur plenum erat glandulis materie gypsea turgidis; in altero ex phthisi mortui hominis hepate, ubique glandulosæ pustulæ tam accurate referebant glandulas, ut nihil magis evidens; ut Blancardus in *Anatome practica* narrat.

Saltzmanus tuberculis glandulosis plurimis interstinctum describit, posterius totam ejus molem glandulis pisa referentibus refertam; *Forestus*, idem in copiosa fabacea corpuscula transmutatum, vidisse se testatur. Aliàs visum fuit totum degenerans in tubercula subsphærica materie quasi tartareâ turgida & dura. Malpigh. *Ep. ad Spon.* Visum in gibba ejus parte atheroma sphæricum uncias quinque ponderans. Glisson. *de Hep.* Cap. 8.

Juveni suppuratum hepar, secatur; ex vulnere, intra XV. dies, cum pure, emissæ vesiculæ, ova piscium referentes, aquoso humore plenæ, integræ, fractæ, usque ad millenas. In cadavere totum hepar in parte convexa plenum vesiculis magnis & parvis. Panarol. *Pent.* V. *observ.* 16.

Hydatides quoque, sive vesiculæ sero turgentes, per omnem ejus molem extensæ, repertæ ibi sunt. Cujus quidem rei tam memorabile ipse exemplum offers, *Thef.* 1. pag. 34. 35. *Thef.* 6. pag. 10. 60. 61. 62. ubi tam diserte narras videre in cadavere hydropici totum quantum hepar ita mutatum in vesiculas rotundas, materie limosa, vel gelatinosa, & pellucida, plenas, ut in toto ejus corpore ne vestigium quidem superesset venæ portarum, venæ cavæ, arteriæ hepaticæ, ductuumve biliferorum. Atque hæc quidem vesiculæ ibi enarrantur obsedisse intima quoque hujus visceris, ut quidem omnis ejus moles in has abierit. Ita se habet res ipsa in morbis his deprehensis in hepate: unde ergo liquido constat, obtinere in intimis, minimisque ejus partibus, & recessibus, illa mala, omnino eadem, quæ propria observata fuerunt contigisse in glandulis simplicissimis corporis jam supra satis, credo, recensita. Nonne igitur admodum inde plausibile apparet, etiam interiorem visceris hujus fabricam habere in se organa similia istis glandulis? quum morbi in hoc nati sint iidem, neque illi interim aliis in partibus corporis unquam deprehensi sint. Quicumque sane bina hæc, quæ adduxi, rationum pondera accurato librat judicio, reperiet, nisi me vehementer fallit animus, non ita inanem argumenti *Malpighiani* vim, quod à morbis in hoc viscere petit. Neque ignoro tamen, quam subtiliter labefactare coneris & infringere hanc ipsam: dum putas omnes illos enarratos tumores hepaticos æque nasci posse ex degeneratione extremorum vasorum, ita mutantium suas figuras, dum obstructa sunt ad suas ultimas angustias; ut,

amissa specie antiqua canalis , per impeditam , aggregatamque , materiem in hujusmodi figuratos globosos , polyedrosve , folliculos transformantur.

Mihi autem videtur huic Tuæ sententiæ repugnare , quod canales ultimi , quorum extremitates ita finguntur mutari , ad eum locum , ubi expansio hæc in vesiculam inchoatur , necessario quoque dilatari deberent : quum impossibile appareat , ut ultimum sic tantum dilatareretur , sed paulo superius in angustias arctissimas coiret. Atqui vesiculæ hæ , à parte adferentium vasorum , ita angustatis accrescunt vasculis , ut fibræ meræ credantur , nulla amplius conspicua cavitate vasculari. Accedit deinde & hæc perpetua observatio , quod nunquam in ullo vase ad extrema obstructo , folliculus talis sphaericus , undique fere clausus , à materie obstruente natus sit , sed semper quidem illis in locis corporis , in quibus folliculi præexistebant. In arteriis aneurisma , varices in venis , phlyctænas in Lymphaticis , consideres : ubinam unquam in his observatus fuit undique clausus tumor ? Calculos spectata natos in canalibus corporis : fane nunquam ille formatus ullo in vase effecit tumorem ad finem vasis à parte continuati canalis clausum ; sed semper erit amplificatus potius canalis. Ita in meatibus Sialogogis oris , in meatu hepatico , cystico , communi , ureteribus , orti , aucti , deprehensi , calculi , nunquam fecere , ut pars his occlusa indueret formam , fabricamque , ut in sacco meliceridis , atheromatis , steatomatis , hydatidis , supra descripsimus. Contra vero dilatatur semper talis fistula etiam versus eam partem , unde fluxit sensim obstruens materies. Quin & cernamus loca , ubi certi novimus , myriadas vasculorum obstructas , impletas , distentas , tandem imò ruptas , nunquam illic fines hos abire in utriculos impletos videmus ; imò vero contrarium. Neque enim phlegmones materies versa in pus , formans apostema suppuratum , dedit unquam vas membranaceum , callosum , crassum , cartilaginofum , uniforme , parietibus glabris cavum ; sed contra tumorem , qui superficie internâ lacerâ inæquali se format inter vasa soluta , cujus materies diffluit , nec coercita intra unam , pluresve , membranas , hæc , illâc perfluit , vasa contigua lacera peredit , hinc sinus , fistulas , cryptas , facit.

Sed subtilissimum tandem , ex intimis Anatomicis petitum , atque plausibilem , excogitavisti modum , quo putes intelligere Te posse , aliisque intelligibile reddere , quam ratione hepar totum , abolitis omnibus ejus vasis , possit mutari in vesiculas sphaericas lente turgidas humore , neque interim admittere necesse sit , has dilatando tantum natas ex præexistentibus folliculis minoribus. Scilicet demonstravisti majora vasa , & minora quoque , investiiri extrinsecus ambiente membrana tenerissima , cellulosa , valde dilatabili : hinc colluviem abundantis aquæ deponi in cellulas hujus membranæ , has distendere , atque producere ibidem hydropem anasarca dictum , si hæreret sub cute. Quum vero augetur hic aquosus tumor , putas , tandem exorbitante hoc augmento , vasa illa , quæ cinguntur illa tunica , ita comprimuntur ut tota aboleantur , comprimantur , concrecant , in fibras crassas mutantur , quibus hydatidum acervus appensus undique videtur. Diu fane intento libravi animo hæc cogi-

tata, quæ protulisti *Thef.* 6. pag. 10. 71. 72. Et fateor ingeniosius quid proferri vix posse. Patere interim æquo animo, ut tam leniter semper soles mea audire, ut aperte coram Te profitear scrupulos, qui remorantur me & offendunt, ne pedibus in Tuam transire possim sententiam. Inprimis credo ratum haberi, nullum unquam hydropem creasse tumores sphaericos, bullasve aquosas undique clausas, nisi iis in locis, ubi sphaerulas naturales *Malpighius* observaverat. Hydrops scroti in membrana ejus cellulosa an dedit unquam ampullas? nunquam. In tunica autem vaginali quam maximas frequentissime. An vidisti unquam in membrana cellulosa, vel adiposa, hydropico tumore quam distentissima, bullas ingentes, conspicuas, distinctas? non. Sed in ovariis, horumque ovis quam creberrime. Ita pariter in folliculis viscerum abdominalium, iisque, qui naturaliter hærent in cava peritonæi superficie, hydatides turgidas, pendulas, vidisti. Quin imo, Tu Ipse, inflatam arte hanc membranam nunquam per arterias implevisti, sed alia per loca incisa. Neque vel tunc tamen unquam in cellulas hydatidibus similes convertisti, sed in mirabilem, vixque extricabilem, labyrinthum, nullo Dædaleo filo resolvendum, commutas. Sane libere qui omnia hæc ponderat, haud poterit censere, ab inflatu hydropico hujus membranæ oriri hydatidas, in quas totum jecur conversum erat. Si vero folliculos ponimus materie immeabili impletos, nova assidua aggestione auctos, tumescere sensim, tandem valde tumere, vasa alia comprimere, res satis facile comprehenditur, atque exemplis undique firmatur.

Ultimum denique, quod *Malpighius* adfert, pro asserendis in hepate acinis illis, inde petitur, quod in prima hepatis origine in pullo, observaverit jam olim *Harvæus*, confirmaverit Ipse, totum illud conflari meris primo folliculis, ita amussim referentibus uvas, suos per pedunculos majori accretas pedunculo, vel stipiti, communi, ut tota inde nata fabrica quam curatissime referret botryn, vel racemum uvarum. Ut pag. 63. *Tractatus de Hepate* refert. Ita, ut tunc habuerit eam primo conformationem, quam in hydropico illo hepate descripsisti. Quæ quidem res confirmat multum Viri Egregii sententiam. Huic vero argumento quum nihil Te opposuisse meminerim, rem dimitto, postquam proposui, & defendi, argumenta *Malpighiana*. Quid jam opus de cæteris differere visceribus? Certe in hoc uno res pertractata sufficit. Atque verus Naturæ molientis secretionem incessus undique manifestatur. Prostata suum succum, arteriis extremis secretum in omni sua mole, deponit in folliculos excavatos, satis conspicuos, distinctos, emissariis instructos, atque asservat, donec in usus tempestivos oportune exprimatur. Faciunt *Covvperiana* peni appositæ glandulæ simili ferme processu idem. De pancreate res per Anatomem comparativam est quam liquidissima: in quo arteriæ cœliacæ ramuli subriles, secernunt sanguine lympham sialoden, nunc in compagem enteroiden, aliàs in folliculos, unde per emissaria ex singulis orta, in unum majorem ductum adunata, humorem tandem demittunt, toto factum suo corpore pancreatico, in intestina. De Semine quid dicam? & id extremis secretoriis minimis secretum ab arterioso sanguine, longo, communique, folli-

culo immisſum , per latiores epididymidis cavitates inflexas retentum ,
 fotum , coctum , mutatum , per deferentia ſpongioſa vaſa in veſicas
 ſpermaticas receptum , ibique rurſum in cellulofis his folliculis , paſ-
 ſum ſimilia , iterum in tempora oportuna aſſervatur non ſine muta-
 tione perpetua. Salivales , Thymus , Thyroideæ , Veſalianæ œſopha-
 geæ , quidni ſimiliter eadem peragant ? Quid ſuperest itaque ? niſi con-
 cludamus , ſatis jam propoſitam ſententiam *Malpighii* , Tuamque , ut
 idoneus iudex , ſenſibus hæc imis reponens , componat litem tantos in-
 ter Auctores. Siquidem aliqua lis ſuperſit. Nam utrique Veſtrûm aſſeri-
 tur , omnem ſecretionem fieri per vaſa extrema , nunquam per glan-
 dulam. Uterque dabit , ſecretum humorem in folliculos ſecretoriis ap-
 pofitos deponi poſſe , & id ſæpe fieri. *Malpighius* forte nimis genera-
 liter dixit , omnem ſecretionem fieri in glandulas. Tu demonſtraſti mul-
 tas contingere , ubi nulla glandula. Sed forſitan rurſus Ipſe nimis laxè
 aſſeruisti , ſecretiones omnes fieri ſine accèſſu folliculorum glanduloſo-
 rum. Jam igitur videor mihi functus munere , quod mandaviſti , cui
 reſtiti tamdiu , quod ſemper tamen urgebas iterum. Doleo , quod mi-
 nus digne negotium abſolverim ! hæc enim ego omnia crudo potius im-
 petu , quam maturâ meditatione , conſcripſi. Circumſteterunt varia me ,
 nec evitanda facile aut differenda , negotia. Quibus equidem impedi-
 tus fuit liber ingenii uſus , dum quæſita ſe ſubduxere beati otii munera ,
 nec adſpiravere optanti amica ſeceſſûs ſilentia. Quare , ita hæc beni-
 gno accipias animo velim , quæ materiem magis ſuppeditent exagge-
 randam aliis atque expoliendam , quam quæ præſenti opere abſoluta
 jam , & perfectæ , ſint. Vale , *Vir Optime* , diuque lætare !

Scripſi *Lugduni Batavorum* 17¹⁰/₁₂21.

F I N I S.





FREDERICI RUYSCHII
EPISTOLA
ANATOMICA,
QUA RESPONDET
VIRO CLARISSIMO
HERMANNO BOERHAAVE.



UOD sæpe, *Vir Dignissime*, fruitus sum honore Tecum ratiocinandi de definitione, & de essentia Glandularum corporis humani, & de multis aliis rebus, & quantum ex iis profecerim, nunquam excidet memoriâ meâ. Interim non accipe in malam partem libertatem meam, dum dico, quod non obscure indicabas, dum de iis colloquebamur, multa Te habere, quæ posses adferre melius, si scriberes ad me de illa materia, quam si tantum voce colloquereris mecum. Et quod ego quoque, tum possem commodius ad ea respondere omnia. Quoniam credidi verum esse, quod sic sentiebas, hinc non destiti assiduo Te compellare, & urgere, ut Epistolam aliquam de illo negotio ad me conscriberes, ut possem ad illam perlectam respondere. Quid fit! postquam ego sæpe iteraveram hanc petitionem, Tu vero valde diu distuleras ei satisfacere, tandem mitis mihi non parvam Epistolam, imo non Epistolam, sed integrum fere librum. Certe, *Vir præclare*, non hoc exspectaveram! ego sum totus occupatus inquirendo alias corporis humani partes, ut, brevi moriturus per ipsam ætatem, adhuc aliquid inveniam ante finem meæ vitæ, cujus descriptio possit adhuc inservire ad manifestandum DEI Gloriam per creaturas, & ad utilitatem proximi mei.

Præterea etiam rogitas me, ut statim, & exacte, respondeam ad singula. Itane, *Amicorum meorum Optime*, an igitur non cogitas multitudinem meorum negotiorum? Ego assiduo cogito de me, quod Egregius nostras Catius de se scribebat: *Quamvis quies me jam deceat, quiescere tamen nequeo. Attamen homo, qualis ego, quid ager? nunculo ultra octoginta annos, remotissimus a mea prima ætate, & fere-*

tro proximus. Ne igitur tam provectæ ætatis senem, ita præcipitem agas, sed expecta paululum! Optaveram quidem, ut propositiones Tuas breviores fecisses in majora mea commoda; Sed quia putas, tam diffuse hæc tractari debuisse, ego & me ita geram, ut rem ipsam serio aggrediar, in amicitia conservatione, atque etiam cum animo procul remoto à superbia: scribam enim magis ut discere possim, quam ut ipse doceam. In primo contuitu Epistolæ Tuæ video, Te imprimis respicere ad Honoratissimum Virum, D. *Malpighium*, cujus sententiam vis, aut velle videris, defendere, sed & simul in auxilium Tuum alios Viros Claros advocas. Bene quidem! Ego contra, mea defendam solâ tantum experimentorum recitatione, atque afferam solum illa, quæ oculis corporeis cerni possunt, hæc enim experientia est; sed, quæ, ut spectari possint, oculos mentis solos requirunt, aliis relinquam, qui putant ratiocinia experimentis certiora esse.

Videamus ergo, quid Magnus, & laude Dignissimus *Malpighius* statuatur de Glandulis corporis humani, & imprimis quam det ideam glandulæ simplicissimæ. Ait igitur, eam esse *partem humani corporis, quæ propriæ membranae simplici apparatu involucrum format cavum, intra quod singularis humor secretus, contentus, fatus, per emissarium denique excretus, spectatur.*

Hanc definitionem dum accurate perpendo, video, quod juxta hanc definire deberem; etiam vesicam felleam igitur esse glandulam simplicissimam; quia illi conveniunt omnes proprietates hac in definitione expressæ. An hoc non parit confusionem in Doctrina partium? Sed videamus, quomodo alii Celeberrimi Auctores, qui de his scripserunt ante *Malpighium*, glandulas definiverint; quanta erit differentia? Id autem decidere nolo hîc, quis rectius definiverit, ferat super hac re quilibet suam libere sententiam, modo justa sit, distinctiori Doctrinæ aptior. Sed in hac definitione *Malpighiana* non cerno, ullam mentionem fieri vasorum, sed tantum de uno ejus emissario; quum contra constet, & à me luculente demonstratum sit, quod glandularum vascula, præcipue arteriæ & venæ, sint partes principales, quæ glandulas constituunt; igitur secundum communem dialecticorum sententiam, à potiori deberet fieri denominatio. Quia autem *Malpighii* tempore nondum erat tam bene exercitata, & cognita, ars replendi, qua nunc tam feliciter utimur, ad detegenda ultima extrema vasorum sanguiferorum, quod & ipse fateatur in suis libris, ideo non est mirum, non commemorari illa vasa in hac definitione. Neque possum dubitare, quin si vidisset hæc vascula, quemadmodum in nostris præparatis spectantur, mutavisset etiam hanc suam definitionem. Sed id fuit impossibile Magno huic Viro. Fateor quoque, quod si oculis meis propriis vidissem illa vascula in præparatis ante multos annos, ipse non scripisssem antea, quod lien constet ex glandulis. Quamvis vero juvenis detexissem talia, non fuisset tantum tum temporis ausus aliam doctrinam contra receptam vulgo invehere; quia omnes in me, nec ætate, nec auctoritate, neque satis multis experimentis tunc instructum, irruissent, atque ex choro Anatomicorum expulissent: ut in fabula narratur de simia proscripta; quia cum cæteris nolebat afflare in lignum

putridum. Sed quum jam possim defunctorum cadavera rursus tam interne, quam externe, quasi in statum perfecte viventis reducere per artem meam, longe aliis oculis certe Anatomica jam contemplari possum. Hac enim arte in his corporibus videmus jam totum Systema vasorum sanguiferorum usque ad fines suos. Sed quam incredibilis in illis diversitas observatur, in his, aut in aliis locis! certe ubique est alius, & singularis plane, apparatus; idque omne ita fit juxta diversum opus, quod unaquaque corporis humani parte efficere debent; dum tam multos diversos humores ex sanguine, vel ejus sero, aut ex chylo-seroso humore, debent producere. Credo igitur, *Clarissime Vir*, quod hæc manifestatio vasorum sanguiferorum post mortem meam adhuc datura sit occasionem plurima nova, & differentia à vulgatis, inveniendi, scribendi, & docendi.

Videamus jam ultra rem ipsam iterum; vox glandula diminutivum est à glande; atque propterea foret opus, ut hæc particula saltem haberet aliquam similitudinem, per quam aliquo modo accederet ad formam ita dictæ glandis; sed nulla talis spectatur inter membranaceum tenue parvæ cavitatis involucrium, & inter fructum quercus: unde vel ex ipso linguæ usu non deberent tales parvæ, & vix visibiles, particule corporis glandulæ appellari.

Ipsam autem illud glandularum ita dictarum involucrium tantum potest haberi pro parte, quæ in functione ejus explicanda tantum est pars: sed vascula illa, de quibus jam incepti dicere, sunt agentes, efficientesque partes, per vim quandam inexplicabilem illis à DEO in creatione inditam.

Plane ut certo jam scimus, in herbis ipsis rem se habere, quæ etiam sua diversa advehentia humores vasa possident, de quibus scripsi in *tertia Decade Adversariorum Anatomicorum*: Quomodo autem extrema illa vasa ita diversa formentur in variis locis, homo non potest sua indagatione assequi, sed quidem vasa facta observare; cætera novit SOLUS ILLE, qui ita effecit cuncta, DEUS.

Pergis deinde post datam definitionem scribere, *datam esse glandulis hisce tantam exilitatem, atque multiplicem diversitatem, tam in externa, quam in interna facie, ut & in humore secreto, ut pro diversitate hac crederetur, nulla cogitatione comprehendi posse harum fabricam veram.*

Quod hîc statuis, *Dignissime Vir*, id ipsum est, quod ego in hac re censeo; sed hoc directe pugnat cum sententia *Malpighii*, & cum illa imperfecta definitione, quam dedit Ille de glandulis. Si enim illæ particule sunt tam parvæ, & tam invisibiles; quomodo ergo audet quis tam licenter dicere, quod glandula simplicissima sit membranula cava, cum emissario? si Ipse hîc jam esset præsens, statim certe peterem, ut illa vix visibilis machinula mihi redderetur visibilis, ut possem credere, eam se ita habere; sed scio quidem hoc fieri non posse, ideoque ex reverentiâ ne quidem urgere Te volo ad hanc rem. Quasi autem id non sufficeret, pergis addere de diversitate harum, & etiam de varietate humorum, ut causa faciente impossibilem horum corpusculorum fabricæ, & formæ, compre-

hensionem. Sed id omne non pugnat pro *Malpighio*, sed contra Eum pro me: nam ideo volo, ne ponantur inter glandulas, sed ut vocentur in posterum cryptæ: puto enim, Te hanc vocem tam apte huic rei exco- gitasse, ut ego postea parvas illas cavitatulas emissario præditas semper illo nomine sim appellaturus, nunquam vero glandes, aut glandulas. Ut autem augeas difficultatem inveniendæ compositionis illius, subjungis eam inde præcipue pendere, quia post mortem mutata, constricta, exsucca, collapsa, vix aliquid vasorum suorum spectandum offerunt. Hoc quoque me juvat: nam, si in cadavere tam difficulter natura harum ita appella- tarum glandularum potest videri, quia statim post mortem adeo mutan- tur, contrahuntur, humore suo orbantur, quomodo igitur tam aperte rursus definiebantur antea esse membranæ cavata cum emissario suo pro- prio? Revera videtur unum hîc plane repugnare alteri. Maxime autem id clarius apparet, si memores sumus, quod glandulæ majores, & ipsæ con- glomeratae, dicantur huic Auctori constare ex his minimis. Si foret hoc, fidem Tuam appello, verum, undenam tam densa, constans, perma- nens, foret illarum fabrica? Certe quando coqui thymum vituli pulpa- mentis crustulo obductis miscent, frustra cochleari, vel furcilla massam edulem quæres post coctionem: & credo, Te hunc ibi deprehensum nunquam habuisse, vel comedisse, pro vesiculis cavis emissario præditis. Aliter hoc contingit. Nulla glandula solâ membranâ cavâ conficitur; sed, ut jam dictum est, præcipue ex vasis; aliter forent mera modo recepta- cula, & excipula, ut cisternæ. Nequaquam; sunt omnes glandulæ labo- riosi, diligentes, semper occupati ministri, qui sine ullo otio, vel mora, semper operantur, ita, ut ipsis otium & pigritia nunquam possint jure exprobrari. Et quum ego jam illam mutationem, quam in his partibus mors facit, possim iterum convertere in statum viventi proximum, quod *Malpighius* nunquam potuit efficere, tollo illam difficultatem; sed & simul demonstro vasculorum sanguiferorum evidentem progressum, us- que ad ultimas & minimas cryptas. Imo vero demonstrare valeo oculis ipsas illas etiam vasculis illis abundare. Si tamen, his lectis, persistis in Tua opinione, *Malpighium* hîc rem acu tetigisse, ego litem aliis deci- dendam dabo.

Quando ibidem asseris spectasse *Malpighium* has glandulas, *nec mu- tatas arte*, iterum totum id est contra Eum: absque arte enim si inda- gat, nihil inveniet; est impossibile unquam ulli videre hanc fabricam, quem ars nostra hac in parte non adjuvat. Imo æque est absolute im- possibile hanc absque arte mea videre, quam si quis vellet, sine hac arte ipsa, ostendere in oculo humano tunicam *Ruyschianam*. Quam multi, quam celebres in Anatome Viri, hanc negabant, hanc irridebant, hanc effictam clamitabant! sed postquam fervor subsedit, ubique hanc agno- verunt, quam Thesaurus CÆSARIS RUSSI ostendit permanfu- ram: quam felici industria & Clarissimus *Albinus*, Anatomes & Chi- rurgiæ in Illustri Batavorum Academia Professor, præparavit, conser- vavit, atque frequentissimis suis discipulis ostendit.

Sed invidi carpant, dicant tamen nec imitabile ipsis hoc artificium. Nam aures meæ mihi occalluerunt à multis annis à repetitis toties & tamdiu

tamdiu objectionibus nullius momenti semper motis. Vox erat æmulantium, *Ruyfchius auget arte sua replendi extensionem vasorum ultra naturalem magnitudinem. Ruyfchius arte sua, destruit glandulas; dein negat. Ruyfchius negat omnes glandulas. Melius est & tutius omnia hæc demonstrare in cadavere recenti. & alia multa.*

Sed quando ipsum hoc hominum genus conabatur etiam in arte, quam profitebantur, aliquid publice ostendere, loco demonstrationis inania tantum verba, cavillationes, scommata, sæpe sine sale, sine ratione, audiebantur: tumque putabant se triumphare de *Ruyfchio*, qui nugis hisce, quam minime movebatur. Sed omnes hos mors dudum, ne uno magis superstite, eripuit terris; concedente mihi vitam hucusque sanam, & hac in arte exercitanda quotidie occupatam, D E O, quem precor, prohibeat, simili agitari stimulo novos, ne in se ipsos plus, quam in me peccent, per suos animi affectus. Hinc quoque puto, *Vir Clare*, quod nimis alte evehas *Marcellum*, dum palam hîc declamas, *Eum superasse difficultates has, atque tandem evoluisse intricatam structuram, &c.*

Ad quæ iterum cogor eadem reponere. Nemo potest in cadavere id facere; & credere non possum, quod Tu ipse, *Præclare Vir*, qui intima, & omnia fere hæctenus detecta, corporis humani, tam perspicue nosti ad minima usque, suscipere auderes id mihi re demonstrare ipsâ, quæ verbis tam magnificis de Magno hoc Viro hîc adfers. Sed jam tamen incipis recitare modos, quibus dicis eum usum, ad tantam detectionem, qualem de Eo jactas. Scilicet, *acie oculi spectabat glandulæ corpusculum, &c.*

Quam forem injurius in Magnum Virum, si de hac re vel dubitarem! Contra, credo, eum usum, suo tempore, omnibus adminiculis, quæ tum cognita, & in usum revocata, erant; sed per hæc omnia tamen mansit illi semper absolute impossibile, veram effigiem revelare tam parvarum ita dictarum glandularum, nisi, quod ejus ætate incognitum adhuc erat, cadavéra prius per artem meam in vitalis conditionis statum rede-gisset. Ita quum *nec mutatum arte*, addis, ipse cogitas, Eum id spectasse, sine ullo artificio adhibito. Sed inde etiam factum contigit, ut talem definitionem dederit, quæ rei quadrat nequaquam; si novisset artem replendi, & conservandi, omnino alia dedisset. Enumeras mox loca, in quibus glandulas illas statuit, *reperiri per omnem corporis ambitum*. Ego dico, non potuit eas demonstrare in peritonæo, pleura, dura, & pia matre, nec in cerebro, neque in cerebello. Si dicis testes, nates, glandulas pone infundibulum sitas, regero non esse glandulas, sed cerebri prominentes tumores, quoad medullosam substantiam ibi assurgentem extra æquabilem suam superficiem. Nec majore cum certitudine poterit statui eas locari in sinu falciformi: dum, quæ ibi putantur falso, modò sint tubercula exigua, quæ in pia matre etiam aliquando reperiuntur, sed præternaturalia illa puto: quia non semper ibi reperiri possunt. Sed nec in plexu choroideo unquam sunt, licet & ibi describant male. Ita, ut intra totum cranium non inveniantur glandulæ, præter pinealem & pituitariam. Sed tamen hæ non sunt ibi mem-

branulæ cavæ, emissario præditæ. Rursum nec in musculis, nec in corde, demonstrabis, neque in pericardio, licet & ibi satis audacter ponantur. Et quam frustra sudabit anxius, qui vere, & re ipsa, has membranas cavas, earumque emissaria, deberet oculis exhibere in diaphragmate, hepate, splene. Confiteor, *Celeberrime Vir*, quod multa hîc loca recenseas, in quibus fateor eas inveniri, concedo, numerum earum ingentem esse, sed nolo dici, *per omnem corporis ambitum*: quia id nimis generale est. Neque ego auderem suscipere, eas demonstrare in superficie præputii glandi contigua: an alii valeant id facere, ignoro. *Pressas glandulas illas dictas eructare liquorem*, ais p. 123. non dubito. Inprimis si aliquot horarum spatium prius maceras, sed & tum valde parum exprimitur, ex his tamen plus, ex aliis minus: sed quamdiu illæ membranæ cavæ non possunt ad oculum demonstrari, nolo tam licenter de illis scribere. Portio arteriæ asperæ humanæ, non pressa, in aqua suspensa, post aperturam inversa, quam hisce diebus Tibi mittebam, non adeo manifesta demonstrabat hæc emissaria, nec facile adeo erat inde guttas illas ita exprimere. Quin imo ita premendo mutatur ipsa fabrica, ut non liceat has partes ita tractatas habere pro *nec mutatis arte*. Sed vi violenta sic redduntur ægrotantes, mutatæ, contusæ. Omne tandem illud corpusculorum agmen, quod in aspera arteria, & œsophago, hæret, non producit plus talis humoris, quam requiritur ad humectandas, & lubricandas partes. Nec habet opus receptaculis, sed tenuis dum ex osculis arteriarum ibi effunditur, extra vascula jam hærens spissescit; quod tamen ægræ illæ partes multum humoris dent, quotidie nos videre fateor. Porro demonstro corpuscula hæc constare vasculis sanguiferis, quod non fieri poterat tempore *Malpighii*, qui eas pro meris habuit cisternulis, in quibus pluvia non fit, sed recipitur facta. A qua opinione procul absum: tum enim non esset opus tot, & tam diversis, vasorum sanguiferorum extremitatibus, quas Tibi, *Clare Vir*, toties coram demonstravi. Addam & illud, in vita has particulas nunquam premi digitis, sed humor leniter effluit, atque post exitum glutinescit; quando post mortem violente premis, destruis, dilatas, confundis. Quid autem plura moveo? evidentissime ad oculum demonstravi, quod ipsæ extremitates arteriarum sanguiferarum, rectæ exporrectæ, affundant secretum humorem ad irrorandas & lubricandas partes, idque sine ullo invento intervenientis machinulæ membranosæ cavæ. Exemplum dedi in ductibus hygrophthalmicis Clarissimi *Meybomii*, quos repletionem inveni sic factos, sic agere, sine ulla omnino glandula media, sed mera, simplici vasculorum tantum actione: non potest ergo asseri, quod semper membranæ cavæ sint in glandulis illis appellatis simplicissimis. Ita & ipse sanguis exit de corpore per dilatatas, rectas, arterias, naturaliter in menstruorum excretionem in fœminis, præternaturaliter per epidermidem, in capite, oculis, ore, &c.

Unde nec credi debet, alios esse sudoris fontes, nisi tomenti instar subtilissimi tenues extremitates arteriolarum subcutanearum.

Jure jam me rogares, an ergo nullas cellulas, utriculos, vel cryptas, agnoscam, aut lacunas. Omnino fateor, has dari; sed nolo vocari glan-

dulas. Nam membrana mea cellulosa cellulis constat, & distribuitur per multas corporis partes, insinuat se per omnes musculos; & in intestinis crassis, multæ tales cryptæ conspiciuntur: sed omnes illæ, quotquot sunt, non obducuntur una membrana, quod debebat omnino fieri, si jure possent vocari glandulæ. Sæpe tamen &, inter illas cutaneas, aliasque partes, quæ pro glandulis simplicissimis habentur, papillæ nervosæ multæ intercurrent falso habitæ pro glandulis. Sic in superficie palpebrarum oculi superficiei externæ contiguâ, tubercula illa parva, papulosa quasi elata, sunt papillæ nervosæ, acutissimi ibi sensus organa. Magna autem glandula innominata oculi, est vera glandula composita, non simplicissima. Nec unquam scripsi, tam multiplicem humorum diversorum varietatem, quam *Malpighius* in cavitatibus glandularum ait inveniri, fieri posse arteriis ultimis, minimis; sed sudorem & perspirabile, extremis arteriis exhalare dixi, nec requiri glandulas cutaneas pro sudoris fontibus, nec pro humore hygrophthalmico.

Quoad diversas spissitates humorum hîc recitatas, magna facienda distinctio inter vivum, mortuumque, sanum & ægrum, corpus, ut & dum in loco naturali adhuc hærent, aut postquam vi inde proturbati sunt. In vitali, sano, statu, sponte, non pressi, exeunt; sunt itaque tum tenues, non crassi, non glutinosi. Quando vi exprimuntur, ipsæ pulposæ extremitates sæpe simul illa pressione auferuntur, humoribus miscentur. Id luculenter patet in excarnatione splenis vituli: ubi per foramen parvum spleni inflictum, pressu manuum omne pulposum prorsus, diu, fortiter, exprimo, separo, tum foramine hoc rite iterum colligato, aërem inflo, distendo, claudio, exsicco: ita tum stamina optime demonstrantur. Sic & pressu destruuntur cryptæ. Liquor autem ille, qui ex gula, & aspera arteria, sic sæpe per me expressus exsudabat, erat tenuis, nec puncto parvo major: Ita ut nimis augeatur hîc verbis illa copia, quæ si tam magna occurrit *Malpighio*, forte tum fuit morbosa, in sano est valde parva. Interim verum est, humorem jam crassiores, jam liquidiores, nunc parciorem, nunc auctiorem, exire. Sed manet lis, an tales particulæ, glandulæ sint dicendæ.

Et, ut jam monui, humor hic in arteriis adhuc hærens liquidior, egressus sensim lentescit, vel solo calore. Et est in oculis aquosus, in aspera arteria crassior, in gula & faucibus glutinosior, & ibi cryptæ majores, maxime si calido illo loco moram trahit. Hæc ita videmus, sed quomodo se habuerint hi humores, dum hærebant adhuc in arteriis suis fabricantibus, antequam liquor extra has effusus, quis dixerit? Quæ deinde pag. 123. adfers de exhalante volatili liquido, per experimentum *Alchemistæ*, & de perspiratione detecta tam pulchre à *Sanctorio*, admitto: Dum autem ad p. 124. initium addis, talem non esse glandulis simplicissimis humorem; Patiaris me proponere, an non exhalans necessario inutilis ille humor, toto auferatur corpore, adeoque & secedat à glandulis illis *Malpighio* dictis, unde abeunte liquidissima parte reliqua crassior sic fit ibi, in usus humectationis? Certe omnia, quæ dein p. 124. recitas, probo. Dum vero & hîc alios Auctores citas, inque disputationem nostram inducis, rem facis mihi non prævisam. In con-

fusionem me ageret hic agendi modus , præterea nihil juvat. Re , non verbis , demonstratione , non auctoritate , decidendum. Quot libros conscriptos , quot epistolas ad me super hoc negotio datas , possem adferre , in quibus Viri Clarissimi asserunt , se probare meam sententiam , eamque defendere ! Quænam vero hujus foret rei utilitas ? nulla. Sed valde probo , quæ describis in fine ejusdem paginæ de subtili oleo : id enim sic inveni , id collegi , inde oleum tenue purum habui , inde didici nostram pinguedinem non esse ovillo sebo , sed equorum pinguedini similem ; in equi enim abdomine , post validum cursum mortui , aperto reperi totam cavitatem ejus oleo tenuifuso plenam. Pergis pag. 125. adferre , *illas glandulas in aure externâ manifesto patere*. Sed metuo , ad rem si venit , difficulter illic folliculos cavos demonstrari posse. Scio , & largior , omnibus his locis gigni distinctos , & dimitti liquores ; sed demonstrandum restat adhuc , humores illos folliculis cavis contineri. Ego vero Tibi plane aliud hîc demonstrabo ; vasa scilicet sanguinea , quæ ibi operantur ea , quæ in creatione iis imposita sunt , sed etiam lymphatica ibi inveni , quæ & suum officium ibi faciunt. Est quidem verum , & hoc fateor , quod omnia hæc vascula hîc non inveniuntur absque aliquo membranoso corpore accedente , quod ea tenet in suo justo ordine , & connectit etiam certo ordine inter se : Id quoque & alibi fit ; sed ideo non debet statim dici , *esse membrannulas cavas , quæ glandulis simplicissimis accenseri debent* : tum enim forent mera tantum , & otiosa , receptacula. Idem de oleo naturali caput inungente statuo ; quod potius velim exsudare poris cutaneis , quam folliculis ; ut videmus fel vesicula biliaria exire , atque vicinas partes suis tingere coloribus. Sed ipse statim hoc ipsum notas , dum pag. 125. observas , *oleum in facie fundi per poros*. Ergo non ut per glandulas , sed ex tunica cellulosa , per poros emittentes , ut recte describis. Ibidem autem scribis , *esse in facie glandularum simplicissimarum genera diversa , & quidem verarum*.

An ergo glandulæ simplicissimæ differunt à veris ? an ideo non sunt veræ , quia simplicissimæ ? Sane videris hoc ipse indicare. Id autem foret contra Te , atque omnimode pro mea sententia militaret. Pag. 125. accurate describis , & recte , id corpusculorum genus , quod per genas , labia , &c. habetur. Ego puto hos esse tumores contra naturam , atheromati congenere , non ergo glandulas. Nec incredibile , eos oriri ex obstructis finibus vasculorum sanguineorum , ad has partes delatorum : nam raro apparent in his , qui bona utuntur diætâ. Et Tu ipse hoc videris docere , scribens ex observatis , quod liquor tenuis exit tum , quando premuntur adhuc , postquam pasta illa expressa fuit. Accedis statim *eâdem paginâ* ad membranæ mucosæ structuram ; circa quam hac occasione dicam , me , occupatum replendo vasa nasi , invenisse singulare integumentum , cui nullum est alibi simile , tenue , epichondrium , quod immediate investit septum cartilagineum narium , quod adscendens investit ipsum periossium , quod septum supra osseum narium tegit ; per hoc integumentum nasi tanta multitudo vasculorum parvorum diffundebatur , ut totum illud rubicundissimum appareret. Estque tam mirus , & tam rarus reptatus horum vasculorum , ut quidem possit ille videri domi meæ

in præparatis, sed neque describi verbis, neque exprimi iconibus: nam figuræ, quibus in lucem emissis, hæc conatus sum exhibere, adhuc deficient in hac re exprimenda, quamvis sint factæ ab optimo artifice. Sumebam ergo ovilla & vitulina capita, hæc eodem præparabam modo injecta materia ceracea rubra. Et tunc detegebam plane alium in his vasorum reptatum: nam vasa decurrebant recta, fere sine ullis ramis lateralibus, arcte ad se mutuo, in situ parallelo locata. Id nunquam adhuc videram prius. Et apparebant quidem vasa hæc rubra per repletionem, sed cogitabam, an non hæc vasa in statu naturali in se continuerint mucum, non vero sanguinem? & an non hunc mucum ita ibi per suam structuram tam singularem conficiant? Certe tum non indigent ad hoc opus folliculis cavis membranaceis, qui etiam hîc non possunt demonstrari. In magna tristitia saliant illico lachrymæ, antea non apparentes, nunc cum uno impetu. Si succus limonei affricatur inferiori parti linguæ exilit saliva, ut sanguis ex aperta vena. Omnia hæc non ex glandulis. Quæ tractas pag. 126. *de humore lubrico circa linguæ radicem*, &c. vera sunt, de his non ambigo.

Sunt ibi multæ cryptæ, & variæ, continent humores varios; sed multa ibi adhuc restant indaganda in tanta diversitate, & tum foret melius, ut singulis darentur nomina singularia ad distinctam doctrinam. Nunc autem dum vocas promiscue acinos, cotylas, cryptas, folliculos, glandulas, lacunas, loculos, utriculos, videris ipse fateri, quod ignoremus hucusque aliquid veri, & distincti de his dicere. Me quod attinet, puto, quod omnes, quæ faciunt humores diversos, etiam habeant ad illud opus ibi faciendum vasa diversæ reptationis & contexturæ. Humores autem diversos posse fieri in solis vasis, absque glandulis, certi sumus ex cortice cerebri, mammis, testiculis; in quibus omnibus id clare apparet. Cur ergo & non hîc loci? De cryptis his in intestinis, quæ enarras p. 126. & 127. omnia vera sunt. Sed addere debeo, quod in intestinis tenuibus invenio aliud adhuc genus, quod eminet ultra intestini cava, instar penicillorum pulposorum, atque aliud in processu vermiformi, quod refert perfecte semina ficuum, aut papaveris albi: ita ut noduli videantur, non folliculi cum membranulis cavis. Quæ de glandulis recti intestini facientibus mire glutinosos humores scribis, vera sunt. Credo etiam recte Te sentire in iis, quæ notas de olido glandis humore in pene humano, & foeminarum genitalibus; quare iis, quæ addam, non habeo. Transeo igitur ad conclusionem pro altero argumento *Malpighii*, quam pag. 128. adfers. Ad quam cogor reponere: hæc omnia fieri posse sine dictis glandulis per degenerationem vasorum obstructorum; illa autem vasa ibi semper sunt, illa ibi agunt, illa humores singulares faciunt; illa ibi singula faciunt suum officium proprium; illa omnia sunt instructa suis instrumentis aptis ad hoc negotium, quod ibi, in illo loco, debet fieri; vasa illa hæc efficiunt illis ipsis in locis, ubi certi sumus, non esse folliculos cavos emissariis præditos. Ut in antro Higmori membranula succingit totam cavitatem aranæ telæ tenuitate similis, ita ut paries osseus per eam transpareat, estque adeo vasculosa, ut facta repletionem tota rubescat. Quid hîc fit? paratur humor tenuis, mucosus, qui fertur ad

superiora in angulum illius antri, ubi occurrit foramini magnitudinis capitis aciculæ, per quod evacuatur assiduo, sed qua copia ignoramus. Sed quando exitus ille obstruitur, humorque ille in eo retinetur, multi oriuntur morbi; imo & mortis ipsius reperta hîc quandoque causa fuit. In aurem dormienti humor ille commodius in nasi cava ibit; atque idem deprehendimus verum in tenui illa membranula, quæ sinus frontales interne cingit. Nulla autem verisimilitudine dici posset, quod & in tenuissimis his membranulis etiam hæreant folliculi cavi cum emissariis.

De Tumore capitis Talpâ dictâ, quam pag. 128. allegas, dicam, me vidisse, quæ non valde congruebant cum hac Tua descriptione, sed nolo acriter contendere super hac re: quia puto præternaturales tumores nos non docere fabricam glandulæ simplicissimæ. Sed *grandines* p. 128. *in limbis palpebrarum*, agnosco, esse membranulas cavas, sed emissaria in illis non invenio; cùmque sint tumores præternaturales nihil faciunt ad glandularum naturam. Neque puto, tam facile demonstrari posse *evidenter loculos* in facie, ut scribis, pag. 129.

Illâ verò, quæ pag. 129. asseris de *tuberculis & ulcusculis faciei* sunt pertinentia ad tumores morbosos; nihil ad hoc negotium. Ad finem paginæ ejusdem sermo de *glandulis subcutaneis* facit, ut dicam, apparere quidem per cutim tubercula parva, ac si essent glandulæ rotundæ: ideò durum multis videbitur, quando illas glandulas voco fictas; attamen puto, me absque labore magno id adstruere posse. Si enim tubercula hæc glandulæ sunt, ubi igitur inveniemus papillas cutaneas? an quis unquam hæc duas potuit demonstrare in eodem loco? an verò illæ glandulæ subcutaneæ possunt excrescere extra cutis superficiem ad altitudinem trium, quatuorve, linearum? quod vidi, ita ut vultus hujus hominis appareret villosum systema, undique eminentibus papillis similibus iis, quæ in corona glandis penis, sed tenuioribus adhuc, horridum. Unde tam horrenda mihi apparebat facies miserrimi hominis, ut totus tremiscerem, atque horrerem, ad aspectum adeo terribilem. Et certe videbantur mihi omnes illæ eminentiæ esse veræ papillæ nervosæ factæ morbosæ, nullo autem modo productio incrementum glandularum.

Deinde organum tactus constitui ab extremis nervis cutaneis omnes concedunt; nec tamen ullus in cute locus apice subtilissimæ acus potest pungi, quin ibi offendatur talis nervus; quin imo, qui cupit illas papillas videre ubique, veniat domum meam, demonstrabo eas nudo oculo, & microscopiis. Tertio quidem id confirmo; quia ex glandulis nunquam unguis, cornicula, cornua, crescunt, sed ex papillis quidem, ut sæpe vidi. Rursus videmus luculentissime pilos inde excrescere, qui non ex glandulis, sed ex papillis nervosis. Omnia autem illa ulcuscula subleprosa, & scabiosa faciei, mihi videntur esse degeneraciones vasculorum integumentorum in illis locis.

De Atheromate differis pag. 130. hoc pulchrum continet sæpe, verum est. Sed quam multa alia! Vid. *Advers. Anatom. meorum Decad. III.* Steatoma autem vidi magnitudine pulvinaris in pectore obesæ, sanæ, mulieris, adhucdum superstitæ. In alio vero steatmate extirpato apparebat mera, pura, pinguedo humana, liquebat penitus ad ignem.

Ita, ut hoc non sit glandula simplicissima : nam licet in aliis tumoribus inveniatur diversa materia, in steatmate sola pinguedo. Verum est, pinguedo in cellulis. Si rogas, an ergo in steatmate illo tam magna illa cellula ita expanditur? an vero novæ aliæ accrescunt? Posterius puto. Cur non? ad ossa ægrotantia accrescunt novæ partes. Quidni & hîc? Et ubi facilius, quam in membrana cellulosa, quæ fere ubique invenitur, quæ aptissima his malis recipiendis? Profectò in amplâ hac urbe, per tam multos annos, Medicinam exercens, multoties vidi hos tumores, sed semper vidi eos, quales descripsi, non alios, & nonnullos eorum tales in Nova Collectione descripsi, & possum ostendere. Propterea non possum hac in re Tibi assentiri, quamdiu id oculis meis non demonstras. Sola, quam quærimus veritas est. Fateor, me multa à Te didicisse, pro his ago grates : sed hoc nondum vidi demonstratum. Tamen non nego, tumores fieri multos ex cryptis; concedo hoc Tibi. Sed Tu quoque scis, ex obstructis vasculis sanguiferis oriri multos tumores. Nam glandulæ illæ *Malpighianæ* dicuntur Auctori cavæ membranæ cum emissario; ego autem, præter hæc duo, addo vasa sanguifera. Quodnam ex tribus majorem dat verisimilitudinem malæ dispositionis? an non vasa illa parva? Unde certe probabilius videtur in vasis hîc morborum causas quærere, ut in partibus agentibus, quam in folliculo & emissario, quæ tantum patiuntur hîc, non agunt.

Describis *pag.* 130. ad finem, & *pag.* 131. tumorem mirabilem accurate, sanavisti felicissime, sed talis morbus nos non docet naturalem partis fabricam : quare de his nihil addo.

Omnia autem, quæ de Steatmate *p.* 131. & 132. explicas, vera sunt. Nam pinguedinem per vasa cellulis suis exire posse, docent morbi acuti, in quibus homo amittit triginta libras pinguedinis; & de equo aperto, in cujus abdomine fusa pinguedo, ante dixi. Ergo cellulæ illæ sunt cavæ, & habent emissaria; hoc verum est. Sed an unquam aliquis vocavit has glandulas simplicissimas? absurdum id foret, & confusum. Et illa emissaria sunt tantum pori. Et gaudeo dein, quod tam exacte hîc descriperis, quod tenuissimæ illæ, & subtilissimæ membranæ harum cellularum pinguedinosarum, per morbos tamen tam enormiter crassescunt : nam id ita est, & similia descripsi. Ascite mortuum cadaver apertum nullam habuit aquam in cavo abdominis, sed in sacco continebat octo vel novem situlas nostrates materiæ mucosæ, aquosæ, turbidæ; omnia viscera erant suis turbata locis per urgentem hunc saccum aquosum. Erat sacci illius crassitudo trium circiter linearum. Putoque, membranas, in atheromate repertas sæpe, oriri à tunica cellulosa accedente. Atheroma per vulnus quandoque enucleari posse, agnosco, non tamen semper. Nunquam dixi, omnes tumores fieri ab extremis vasis apertis, sed multos : & hoc ipse fateris. Id verò maxime considerandum hîc, quod folliculi sint ubique iidem, sed vasa circa folliculos diversa, ergo major est causa variorum tumorum in vasis, quam in simplicibus illis cavitatibus. Vide nodos in lignorum cortice, fiunt à fibris & vasis lignosis degenerantibus. Globus plumbeus sclopeto explosus hæret in dente Elephantis, facit exodontosin, examinavi, domi meæ

habeo, incredibile videretur; omnes fibræ eburnæ longitudinales aberrant à suo recto tramite, & mirifice ambiunt globum. Et hæc omnia etiam clare demonstrant, quod causa talium tumorum multo magis se-deat in vasis, & canalibus agentibus, quam in partibus illis patientibus, & otiosis. Atque, quamvis in omnibus his per ratiocinium accuratum valde probabilia multa aggeris, tamen scis quidem, Anatomicos hoc nunquam appellare demonstrare suum. Ego amo oculis videre, ratio-cinari relinquo illis, qui in Disputationum subtilitate palmam quærunt. Folliculos in corpore humano negavi nunquam, glandulas posse vocari, nego, licet utcunque simplicissimas velles glandulas. Nec illas, quæ in aspera arteria, & in œsophago, potuit monstrare *Malpighius*, multo minus dicere unde fabrefactæ; ego autem in illis vasa sanguifera obser-vo, quæ hîc laborant illos humores; quorum usum optime valde va-rium dein describis; in qua re, quod opponam nihil habeo.

Quando jam *pag. 133.* ad superiora Te excusas, quod tam longo ser-mone egeris de hac re; non possum dissimulare, id accidisse contra meam expectationem: nam non est magna res, in qua differimus inter nos. Parvam expectaveram epistolam, accipio librum! Si veritatem diceret *Malpighius*, non fuisset necessaria tam longa defensio. Si tantum unam talem glandulam simplicissimam oculis meis demonstrasses, non fuisset opus tanta descriptione per tot verba, per tot ratiocinia. Certe multi credent, ipsa argumenta omnia apud *Malpighium* non inveniri adeo fortia, & ita ab omni parte elaborata, quemadmodum Tu illa hîc at-tulisti. Utinam autem omnes illas diversas figuras *pag. 133.* prolatas, mihi ullus unquam ostenderet in corpore, cum suis folliculis, vasis, & emissariis, tam largiter hîc propositis! quam fuisset gavisus: nam multæ sunt tam parvæ, ut vix videri possint.

Sed tandem incipis *pag. 133. lin. 19.* aliter agere, & vascula arteriosa addere ad membranam illam cavam. Sed *atingere* dicis; quasi vero casu quodam id accideret, ut hinc inde exiguus ramulus arteriæ circa illam appareret. Contra hîc arteriæ multæ, & perpetuo laborantes sunt. Sed rem *Malpighii* hîc pulchrius proponis, quam ipse illam videtur proposuisse. Neque enim legi in operibus *Malpighii* hætenus tam cla-re, quod ille dicat, *arterias parvas hîc attenuatas in mollem lanugi-nem fistulosam humores infundere in illas cavitates.* An non hîc ali-quantum emendas, an non amplificas magis, inventa *Malpighii* Tui, quem ita defendis? Nam si ille hoc ita dixit, tum non esset magna dis-crepantia inter illum, & me. Quare ergo Tu expectavisti tamdiu, quare prius attulisti tam multa ratiocinia? debebas hoc tantum statim dixisse. Tum enim nihil superfuisset, nisi ut adderem ego, quod illæ arteriæ non modo adducunt, vel infundunt, sed & præparant, & perficiunt, illos humores ibi, non vero quod in folliculis fiunt. Verum tamen puta-rem tunc adhuc, quod totæ illæ partes non possent vocari glandulæ: quia debebat tunc antea explicari essentia vera genuinæ glandulæ. De hac re agam in posterum.

Quod autem mihi dicis, quod ego magis laboravi dissecando, quam legendo, *pag. 135.* Ego id concedo: nam fui semper ita occupatus in praxi Chirurgica

Chirurgica & Medica, ut deberem primo mane, & serâ vespërâ uti ad Anatomica investiganda. Tum etiam habebam Prælectiones publicas in Botanica, in arte obstetricia, dabam Collegia in Anatomia & Chirurgia. Hæc omnia impediverunt me, ut non possem Auctores multos legere. Verum cogitabam, quod plus possem promovere scientiam Anatomicam operando, quam semper libros perlegendo: præcipue postquam laboribus meis D E U S ita benedixerat, ut jam scirem artem illam replendi; quia jam per eam possum plus addiscere, & detegere in una hora, quam ante in die integro. Tu ipse autem sæpe mihi soles dicere, quod magis sit Anatome promota per meos assiduos labores, quam per aliorum studia, qui tantum scriptores evolverunt. Et judicent apti Judices, an non hoc sit verum.

Pag. 135. & 136. agis rursus de *glandulis cutaneis*, quas ego puto esse *papillas tactus*. Sic adhuc puto, ita me intuentibus demonstrare posse, confido. Dein ais papulas illas extra epidermidem propullulantes sæpe, quas Tibi præparavi cum magno labore, & in liquore suspensas misi, certe ego credo, quod illa tubercula eminentia sint opercula papillarum tactus, & quasi vaginulæ illis defendendis datæ, quæ per certas occasiones se aliquantum elevant, & quasi separant ab illis papillis, tumque exiguos illos tumores faciunt. Non tamen hoc hætenus pro demonstrare vendere audeo, sed videtur probabile ita esse. In transitu dicis, p. 135. ad finem, *me ipsum agnovisse has glandulas*. Ad quæ regeo, si usquam scripsi glandulas cutaneas esse, agnosco jam me errare. Veriora doctus, meliora facio. Ego tum fui sequutus alios; sed re examinata, & aliter inventa, sic jam scribo, ut inveni. Et dico præterea, debere hoc ostendi, ut Ipse *eâdem pag.* deinde scribis: nam pulchre ratiocinando multa redduntur probabilia, dum quis in cathedra sermonem habet: Anatomici autem petunt demonstrationem ad oculos; & si hanc afferunt, tum vincunt omnes suos adversarios.

Mox *pag.* 136. ut soles satis prudenter loqui, quando propriam Tuam sententiam profers, dicis tantummodo *videtur plus quam probabile*. Ergo videris Ipse dubitare adhuc: neque sine ratione. Atqui quando sententiam proponis, & defendis *Malpighianam*, tum loqueris de illâ, ac si nullo modo esset dubia.

Dum autem *eâdem pag.* enarras alterum genus glandularum simplicissimarum, à *Malpighio* inventarum, & descriptarum, ut in *Fig.* ibi, pro faciliiori intelligentia, posita declaras; certe in tædium me deducis: quod invitissimus cogar toties magno illi Viro obloqui: dum pro certo habeo, quod nemo unquam poterit illas demonstrare; & provoco omnes, qui putant, se id facere posse, ut mihi eas vel semel demonstrent, dabo victas manus.

Sed scio, id impossibile esse omnibus Anatomicis, licet oculos habeant lynceos. Quamdiu id non fiet, fiet autem nunquam, tamdiu dicam omnes illas glandulas non existere: quamvis tot tot ratiocinia adhibeantur. En, hoc jam vere dico, si quis oculis exhibere potest glandulas simplicissimas, quæ accedunt ad similitudinem hujus iconis, tum sequar

Malpighii opinionem ; si nemo potest demonstrare , tum Tu venias in sententiam meam.

Ita studiosi Medicinæ non fluctuabunt inter sententias oppositas. Scrutatus sum corpus humanum ultra sexaginta annos , possum satis feliciter minimas partes indagare , sed nunquam *in facie externa , labiis , palato , locis quibusdam cutaneis* , potui invenire vel unam.

Ita ut jam quidem diserte dicam , me omnia his contraria credere ; licet dicas , *Te non meminisse videre in meis scriptis , quod his repugnet.*

Pag. 136. aggredieris pauca , veluti in transitu tantum , dicere de glandulis conglobatis veris. Ego has agnosco. Putaveram , Te de illis loquuturum fuisse ; propterea ergo , & quia nemo de iis hætenus veram dedit figuram , quæ vasa harum exhibet , ego hac occasione Tibi , *Amice maxime Colende* , icona offero , quæ Tibi depingeret rem nunquam visam , neque demonstrabilem ulla arte , nisi hac nostra repletoria , qua mortua in statum viventium iterum revocantur. Veræ hæ , simplices , glandulæ , hîc à Te memoratæ , conglobatæ , fuerunt semper putatæ constare materia aliqua singulari , quam appellabant Antiqui parenchyma ; & cogitabant illi , quod hoc parenchyma esset sanguis coagulatus ferme. Idem quoque & dicebant de glandulis conglomeratis. Ante aliquod tempus , post varia tentamina , incipiebam aliquid videre in illis , quod habebat similitudinem aliquam vasorum sanguiferorum ; & postea cernebam , quod tota substantia illarum glandularum visibilis , aut certe maxima illarum pars , constabat meris canalibus sanguiferis intra membranam aliquam contentis , atque & apparebat aliquid nervosi.

Hæc detectio mihi occurrit primo in glandulis mesenterii , in quibus jam olim valde juvenis etiam aliquid singulare observaveram. Quando igitur in glandulis his mesenterii videbam primo hæc vasa sanguifera , & quidem luculentissime , certe obstupefcebam per summam admirationem , præcipue quando illa conspiciebam per microscopia in radiis solaribus , tum enim possunt optime conspici in suis mirabilibus reptatibus , qui omnino sunt singulares : putares profecto , quod videres fila in glomerem intricata inter se ; atque hinc inde adhærescunt multa , parva , pulposa , corpuscula , quæ adhuc accuratius sunt indaganda. In prima juventute mea olim examinavi glandulas conglobatas mesenterii , quando nemo adhuc cogitabat de arte replendi , ego tum hanc repletionem conabar facere inflando aërem in vasa lactea , per tubulos incredibilis subtilitatis factos à *Samuele Musschenbroek* , insigni tum artifice *Lugduni-Batavorum* ; hos noveram immittere vasis lacteis primi generis , & flatus perveniebat usque ad glandulas ipsas à parte mesenterii ; atque exibat iterum ex glandulis his , in lacteas secundi generis , versus lumbos , & ad cisternam , sive ad locum illum , in quo concurrunt lymphæductus plerique , ut vehant lympham suam contentam eò , ibique tradant lymphaticos humores ductui thoracico. Observabam quoque eo tempore chylum colore lacteo intrare glandulas facie superiore , eundemque glandulis exire facie inferiore in lacteas secundi generis colore limpidò. Id quod notatu dignum existimo. Multa circa hanc rem , & varia ,

sunt speculanda, quæ nunc nolo tractare. Sed hoc unum quidem audeo dicere, quod puto, omnes glandulas conglomeratas, spectare in bonum, & emendationem chyli, aut lymphæ. Saltem certi sumus jam, quod contentum illarum glandularum conglomeratarum non sit parenchyma, sed vasa, quæ in membrana quadam communi ambiente coercentur.

Ordo igitur jam postulat, ut videamus, quæ allegas ex *Malpighio* pag. 137. de visceribus; quæ putat constare ex aggregatis glandulis simplicissimis primi & secundi generis. Hæc autem sententia adeo differt ab illa opinione, quam habeo ego ex inspectis hisce, ut nihil omnino inveniam, quod ullo modo hîc ad rem appropinquet: si viveret optimus ille Anatomicus, & videret cadavera humana per artem meam in statum vitæ redacta, longe aliter de his rebus loqueretur, atque sentiret: omnia enim illa, eum vidisse oculis mentis ita cogitantis, concedo, sed oculis corporeis impossibile est ita videre omnia illa vasa arteriosa in visceribus distributa, atque ita recte in venas abire. Utinam viveret, & liceret mihi cum eo loqui de hac re! Ubinam demonstravit illud alterum vas, pag. 137. lin. 25.? Et glandulæ illæ simplicissimæ, quæ hîc ponuntur accedere, sunt jam supra refutatæ. Estque absurdissimum comparare maxima illa viscera cum fictis illis glandulis simplicissimis, atque tam constantia, inque ipsa coctione permanentia corpora conferre cum tenerrimis vesiculis membranaceis, tam facile collabentibus, atque inter coquendum fere evanescentibus. Sed nihil minus verum, quam corticem cerebri constare vesiculis talibus minimis. Non est verum, *Mi Domine*. Cortex cerebri totus tantum constat mollibus, succosis, pulposis, vasculis. Veniat, qui vult, videbit tomentosâ lanugine subtiliora vascula, in liquore suspensa, & dissoluta.

Nec est possibile id demonstrare, aut præparare, ulla alia arte. Inde enim omnes illi errores, inde ubique in libris Anatomicorum tam falsæ figuræ de corticali substantia cerebri, in quibus nihil est veri omnino. Nausea oritur homini, qui novit veram structuram cerebri, quando figuras adspicit, in quibus depinguntur vesiculæ ovales, quasi ex illis constaret cortex cerebri. Nihil simile est ibi. Et oportet unumquemque veritatis amatorem sincerum impedire, quantum ullo modo potest, ne per tales tabulas decipiantur Medicinæ studiosi, & rerum naturalium indagatores. Crede mihi, vera dico, si aliquis ignorat methodum vasa implendi materia stabili manente in vasis repletis, si deinde non potest illa vasa sic impleta dissolvere ita à se mutuo, ut distincta postea à se invicem pendeant, si etiam nequit tandem illa sic præparata vascula in liquore apto servare, non poterit unquam rite observare vasorum naturam. Atqui hæc tria tempore *Malpighii* erant incognita; placuit bonitati divinæ hæc revelare meis laboribus jam senilibus: nam credo, quod primus hæc ita simul excolui. Invidi, & inimici mei hæc ridebant in initio; sed DEUS, cui Soli omnis gloria & honor! ita benedixit postea, ut conarentur imitari, quæ vilipendendo contemserant prius; sed non est tam facile imitari, quam carpere. Id posteri videbunt: quia post mortem invidia magis cessat. Arterias autem viscera sic ingredi, ut p. 138. lin. 2. optime describis, vere ita demon-

stro, non tantum puto me demonstrare; quod quando primo inveniebam, gaudebam, nam exinde incipiebam longe aliter sentire de partibus humani corporis, & de operatione illarum; tumque demum potui distinguere inter partes agentes, & patientes, corporis. Atque eodem etiam plane modo res se habet in vegetabilibus quoque, quemadmodum in *Decade tertia Adversariorum Anatomicorum*, conatus fui accurate describere. Utinam vero negotia Tua Te non ita semper occuparent, sed posses diutius morari mecum, & videre omnia illa præparata, quæ nunc iterum collegi intra quinque annorum spatium! tum videres, quod vera scribam: nam debes cum attentione videre multa, & diversa præparata, de una & eadem parte, ut ex collatione hac facta, possis rite judicare de fabrica vera. Quare maximopere Te rogo etiam atque etiam, venias, videas, maneat, non una parva hora, ut soles, sed dies integros, tum conabor omni ope illa mea dicta per ocularem conspectum demonstrare Tibi.

Pag. 139. lin. 8. notas discrimen inter *Malpighii*, & meam sententiam; ad quæ dicam: Me istos folliculos in nonnullis locis concedere, sed non ita universaliter ubique; & quod nunquam mihi contigerit videre intimam fabricam eorum. Quum autem tam innumeros dicas esse, vellem uti mihi unus ita exhiberetur, ut inde possem intelligere ejus veram fabricam; & præterea puto, quod ubique non sit idem modus naturæ in illis.

Misi tibi musculum brachii, & alios, in quibus confessus es ipse, Te clare vidisse ultimos fines arteriarum sanguiferarum per microscopia, atque tum notavisse, quod ceratam materiam emittant in speciem roris, absque ullis folliculis cavis membranaceis emissario præditis. En ego hæc Tibi monstro, Tu contra de Tuis nihil exhibes oculis meis. Neque auderem firmiter dicere, an fiat illa effusio per insitio-nem ramorum, an per diapedesin, an vero per ipsos poros. Tamen potius crederem per diapedesin, quam per folliculos cavis, cum emissario ita dicto, aut per insititios ramulos. Dicis jam ibi, *Malpighius loculos agnoscit inter fines arteriarum & emissaria Tuis similia*. Loculus diminutivum est à loco. Scio locum deberi omni enti existenti. Sed quid hoc facit ad rhombum? an jam vocabitur glandula simplicissima omne id, quod occupat parvum locum? vide, mutas omni momento nomina, id autem non est de re certa certo agere modo. Proponis dein hepar; probō: sic erimus in re certa, & distincta, occupati, & deberemus ita ire per cætera quoque; sic enim tandem videremus opera DEI magnifica. Postea addis primum argumentum *Malpighii* ab Anatome comparativa.

In ea re bene egit Magnus ille Vir suo tempore, & bene sic censuit: nam non poterat cadavera humana iterum sic transformare, ut fuerant antea in sua vita. Atqui illud requirebatur.

Sed qui hanc artem novit, poterit videre multa oculis suis, de quibus alii tantum conjecturando possunt aliquid docere; atqui in ambiguitate conjecturæ sæpe latet error. Non quod Anatomiam comparativam condemno, aut rejicio: nam Anatomia corporis humani & brutorum legitime simul unitæ multum se invicem juvant, & promovent. Id fateor, & scio.

Ita cū papillæ mammarum in balænis digitum longæ apparerent testæ multis papillis nerveis, postea inde edoctus inveni eas quoque in summitate papillæ muliebris. Sicque ex quadrupedibus multa adhuc alia detexi. Sed quando cadavera humana cum anxia cura inspiciuntur, tum certe adhuc longe alia res plerumque invenitur. Si autem *Malpighius à minimis incipiebat animalibus*, quando indagabat per anatomen comparativam, ego feci contrarium, nam aggrediebar animalia maxima, ut equos, boves, oves, &c. Quis securius processerit, Lector judicet æquus. Dicis, *invenit in lobis hepatis cochlearum, &c. acinos.*

Cur autem hîc illæ glandulæ simplicissimæ cum emissariis suis ita mutant nomen? Quare non retinetur illud primum? An ergo hîc aliam induerunt essentiam? Non video hîc jam glandulas: sed sunt acinuli, sunt utriculi, hîc loci. O quam varia nomina! sed tamen per hæc omnia non possum commoveri, ut in opinionem *Malpighianam* transeam. Si autem viderit talem formam horum in hepate cochlearum, aut lacertorum, in aliis vidit aliter, quid hoc nos juvat in cognoscendis partibus hepatis humani? Idem dico de iis, quæ detexit in erucis, &c. quæ nos docent, quod INFINITUS CREATOR, infinitis modis, sibi soli notis, voluit uti ad fabricanda viscera animalium! sed nolo diutius tergiversari, fateor ergo, quod, quando primo incipiebam me exercere in Anatomicis, videbam tunc quidem, quod in jecore humano se ostendebant acinuli parvi innumerabili numero, qui tum temporis appellabantur glandulæ, nam nemo cogitabat aliter. Sed manet sola jam hæc quaestio, an acinuli hi hîc hærentes sint glandulæ simplicissimæ, folliculi cavi cum emissario, an aliud quid? Dico, nemo demonstravit illos tales esse, ut hîc assumis. Imo vero facile jam erit demonstrare, acinos hos cum cryptis antea pertractatis nihil commune habere: quia oculis nostris non apparent ut membranulæ cavæ, & quia etiam non habent emissarium. Sed componuntur tantum ex extremitatibus ultimis vasculorum sanguiferorum unitis in formam sphericæ rotunditatis, neque, quantum possum videre, etiam membranulâ aliquâ suâ singulari circumambiuntur. Id autem sic demonstro Tibi: quando vascula hæc blande, lente, prudenter, replentur, excurrit materia ceracea semper, sine ullo impedimento ex omnibus illis acinulis, quæ aliter deberet certo retineri: hoc hîc fit, hoc non fit in cryptis. In splene etiam sunt hi acini: sed horum vascula sunt hîc multo molliora, & ideo etiam aptiora dissolutioni, quam hepaticorum acinulorum. Rogat aliquis, cur hoc ita fit? respondeo, quia aliud hîc debent efficere, aliam requirunt fabricam. Ita alia hæc in renibus horum vasculorum structura, in intestinis, in cortice cerebri, in cute, in plexu choroideo, in placenta uterina, in pia matre, in ventriculo, in glandulis mesenterii, perpetuo alia. Hæc demonstro, non tantum dico. Si tamen contra hæc aliquis pertinax manet in antiquo errore, patientiâ opus est. Crede igitur mihi, si sapiens *Malpighius* vidisset omnes hæc varietates, si potuisset aliis demonstrare, quas ego Tibi ad oculum demonstravi tam sæpe, dedisset nobis, pro candore suo summo, aliam horum definitionem. Quis cogitaverat unquam, quod una eademque arteria, & vena posset producere tot ramos, qui omnes

in extremis suis variant in sua fabrica: quique semper distinctum aliquid efficiunt. Est fere eodem modo, ac si arbor malus, vel pyrus, variis locis varios penitus fructus produceret.

Atque etiam dico, me putare multa etiam nova & Paradoxa de nervorum extremitatibus etiam. Cæterum acinos illos ante sexaginta annos, quando primum incipiebam habere collegia Anatomica, jam aliis demonstravi, etiam sub nomine glandularum ex opinione communi, quæ ita putabat. Postea meliora inveni, & vidi, quod acini illi tantum sint compositi ex vasculis sanguiferis, non autem ex cavis membranulis cum emissario. Certe si forent tales, tum hepar inter coquendum torum contraheretur, atque redigeretur ad parvam molem unius nucis juglandis; jam vero post coctionem retinet fere totam suam priorem magnitudinem; & quod inter coquendum amittit, illud amittit, quia omnes illi acini comprimuntur, & contrahuntur ita, ut fiant angulosi, quod jam antea monui fieri, quando globi ex argilla in manu fortiter pressi, amittunt suam formam globosam, atque inducunt angulosam. Etenim considerare debemus, quod acini illi in hepate humano obscurius videantur, sed in porcino longe clarius; sed omnium luculentissime post repletionem vasorum: tum enim apparent nobis ita, ut demonstrent nobis suam essentialē fabricam, quæ nullo modo consistit in tali cavitate membranulosa, humore repleta, & illum emittente per unum emissarium, neque etiam ullum involucrum membranaceum possidenti; sed extremitates tantum hîc solæ vasorum sanguiferorum, destinatorum ad suam singularem operationem, quam in hoc tantum viscere in hoc loco debent perficere, ut faciant hîc varios aliquos humores ex chyloferositate ipsius sanguinis. Ita ut parenchyma antiquum hepatis ante *Malpighium* jam videatur esse, imo sit compositum ex illis vasis. Igitur volo hîc dicere, acini, vel acinuli, sunt in hepate; non vero, glandulæ ibi sunt. Citas autem Clarissim. Anatomicum *Littre*, pag. 140. Qui glandulas ibi describit hepaticas. Nihil repone, nisi quod, non possum credere magis uni tali Epistolæ, quam mille propriis, & semper eodem modo se habentibus observatis. Sic etiam si mihi omnia animalia, & insectorum corpora proponeres, non faceres, ut crederem corticem cerebri conflare ex vesiculis illis. Ad omnia, quæ postea adfers circa medium pag. 140. non opus est respondere: nam ego utilitatem Anatomix comparativæ ipse admitto sano sensu, supra explicato. Tum magis docemur per magna animalia inspecta, quam per insecta. Si autem magnus Tuus *Malpighius* hæc ita invenit in omnibus illis animalibus, ego valde miror, quod post tam multa documenta nullum tamen vestigium inveniamus illius rei in jecore humano. Et quamvis ita clare vidisset in illis omnibus, an tum sequitur, quod etiam sic sit in homine. Uno verbo dico, id, quod ego pono, illud ego demonstro, & ibi maneo, ultra nihil dico, antequam ultra non video. Et puto, quod hoc sit solum officium Anatomici, nullum aliud: nam comparare, disputare, ratiocinari, non tam multum pertinet ad Anatomicum. Et profecto credo tamen, quod si omnia illa animalia allegata pro tam bene cognitis, & demonstratis, deberent oculis nostris proponi, adhuc quidem appariturum, quod forte totum hoc non ita præcise responderet

descriptioni. Sed Tu ipse confessus es mihi in ultimo nostro colloquio de toto hoc negotio diu inter nos constituto, quod, postquam accurate per microscopia omnis generis conspexeras diversa hepata, à me preparata per artem meam, oleo prius inuncta, atque tum radiis solaribus recte exposita, videris clare, quod ramuli venæ portarum gererent appensos acinulos, in quos ramulus ille disparebat; quodque ipsi illi acinuli, anxia cum cura, diversis in locis, variis in jecoribus, undique lustrati, atque inter se comparati, liquidissime conspicerentur constare ex innumerabilibus, valde exiguis, distinctissimis tamen, atque semper ordinatissime digestis, canalibus, qui ortum ducerent ex illo ramo sanguifero, & essent una porrectione continuati cum hoc eodem canaliculi. Quod autem tam exiles essent illæ ultime fistulae, ut microscopiis quinti generis tantum potueris assequi, quod vero tot apparerent inspicienti, ut nunquam potueris numerare illas, in uno solo acinulo.

Addis tandem, fateri Te debere, quod præter hæc vascula in illo acino potueris videre nihil omnino; utcumque, rem omni modo versans, undique, pertinaci cum studio, atque intensissima acie, perscrutatus fueris. Hæc eadem totidem verbis scripsisti mihi in Epistola Tua nuperrime ad me data, & dixisti ibi, quod permitteres mihi hæc verba imprimere in meo responso, ut pateret, quod uni veritati obsequiosus à nullis stares partibus, promptus semper rei certæ cedere. Tu jam non ita soles facile credere, nisi claritas rei credendæ ita Tibi proponatur, ut cogaris adhibere fidem.

Et semper vidi, quod oculos habeas tam acutos, quam unquam vidi in ullo homine, atque præterea assuetus es ad usum microscopiorum accuratissime. Si ergo Tu, qui voluisti *Malpighium* defendere contra me, & qui tam gravi cum labore tamdiu omnia, quæ fieri possunt, tentavisti conquirere, & proponere pro sententia illius, tamen hæc debes publice, ut jam facis, confiteri: dic jam, an non est justum in his mecum subsistere, & abstinere ab ulterioribus illis omnibus, quæ nullo modo demonstrantur? Vocemus ergo illos acinos jam pulposas extremitates venæ portarum. Si inter cryptas & acinos hos hepatis tantam similitudinem vidit *Malpighius*, ego ingentem inter illa dissimilitudinem ostendo: ideoque pro fere cuncta communia, ego respondeo, penitus dissimilia. pag. 140. Non tam facile vellem venam portam appellare Arteriam: quia venosum sanguinem fert ad cor, non à corde, & quia hepar habet arterias proprie dictas.

Et emissarium hepatis comparare cum emissariis cryptarum est tam absurdum, ut nolim amplius inhærere illis. Accedo ad illud jam, quod Tu pag. 141. lin 25. dicis contra meam artem repletionis per ceraceam materiam. Et primo dicam, quod si videres operantem mea methodo replendi, diceres, obstupeo! quomodo est possibile senem octuaginta & quinque annorum, qui tamdiu laboravit noctes atque dies, adhuc posse videre, invenire, & tractare vascula tam subtilia, quam filamenta telæ aranæ? idque sine ulla vi. Nec illa expanduntur ita, ut putas. Dico rursus, si vidisses me operantem, tum non diceres me uti ali-

qua vi : nam vascula illa in vita fuerant plena humoribus , per mortem collabuntur , & evacuantur , ego per artem rursum repleo , tam artificiose , tam blande , tam suaviter , ut non possit videri , quod dilatata sunt. Nec id apparuit in meis , nisi ubi id ita volo. Ut quando cupio inflammationem artificiosam facere in cadavere : tum illa methodus habet locum & usum. Sed in aliis non utor illa. Sed elapso anno , cum filio meo *Henrico Ruysch* , præparavi cadaver pueri quinque circiter annorum ita , ut vivus totus appareat , in eo omnia viscera adhuc hærent , & omnia perfecte sunt rutilantia vivo sanguinis colore , vultus autem habet in genis vivum colorem roseum , ut in homine vivo florido. Si ergo ars mea dilataret vasa , tum deberent in hoc puero etiam in facie dilatata apparere : sed id non fit. Cur ergo putas hoc de arte mea ? Si alius me ita urgeret , ac Tu hîc facis , putarem , quod vellet hocce modo elicere ex me tali arte meum artificium. Sed nolo illud ita communicare : ideoque etiam ad illa omnia , quæ hîc objicis , nolo respondere , tam accurate , quam Tu hîc quidem velles , & ego quidem possem. Tu loqueris de hac re , ac si vidisses me operantem. Sed erras , non distenduntur : aliter non possent extremitates videri , & repleri. Ideo non debueras hîc uti , voce illa *impetu*. Quando ille adhibetur , tum omnia aguntur in inflammationem. Sed & illud est aliquando bonum , quando volumus hepar facere lapideæ duritiei , ut possimus ostendere in collegiis , quando hepata humana recentia non habentur ad demonstrandum studiosis. Innumerabiles habet hepar extremitates ; si illæ ita crescerent , ut hîc putas , quam magnum deberet fieri hepar ! sed an unquam vidisti apud me hoc ita fieri ? nequaquam. *Pag. 141. lin. 45.* optime vocas *Serifera vasa*. Ego vocabo Chyloferosa vasa , quum adhuc in arteriarum extremis , & Serosa , quando iterum in venis redit ad cor , chylo exonerato. Cætera , quæ *eâdem paginâ* dicis contra artem meam , fere in iram possent incitare hominem , qui inclinaret in iracundiam. Cur enim quærentur hîc cum tam magno labore undequaque argumenta ad contemnendam illam artem , per quam tam multa detecta sunt , quæ aliter nunquam fuissent cognita ; & quæ nunquam facit , quod naturaliter non aderat ; sed tantum visibile facit , quod erat antea invisibile , quia post mortem fuerat collapsum. Et si forte paulo plus impletur vas , si tantum non enormiter id fiat , quid inde mali ? Tantum inde concludetur , illa vasa ibi esse , quæ antea nullo artificio poterant detegi. Quando autem eousque non replentur , sed quando scio ubinam debeam subsistere , tum cadunt omnia illa , quæ attulisti contra hanc artem. Acini hepatici jam cognoscebantur ante repletionem in hepate : non adhibebatur repletio , ut illi ibi invenirentur.

Sed repletio adhibebatur tantum , ut per illam cognosceremus illam structuram , quam acini illi habebant , & tunc vidisti Ipse , quod acini illi sunt rotunduli globuli , qui constant tantum extremis vasculis tam mirabili modo ibi connexis ; & detexit tum repletio nihil illius cavi membranosi cum suo emissario. Utinam autem folliculi illi in cute faciei demonstrarentur tam certe , quam *pag. 142. lin. 27.* ponis certo existentes ! Faciem mortui , quasi in vitam resuscito , ut nihil quasi anima desit ,

&

& tam pulchram reddo, ut magnus in Europa Monarcha pueri sic præparati corpus fuerit amplexus, & etiam osculatus.

Neque tamen tunc illos folliculos video. Non debebas etiam folliculos ponere in urethræ corpore; vocemus potius corpus spongiosum, id sufficit; folliculus est cavitas rotunda, quæ hîc non apparet unquam. Et ego non nego, quod præter repletionem per materiam ceraceam, etiam alii modi adhiberi debeant, id enim ipse feci ubique. Sed hoc dico, quando dicis, esse membranas, quando definis harum subtilitatem, tum loqueris de rebus, quas prius debebas exhibere oculis, & tum postea judicarem, quomodo se habeant. Sic ego, quæ dico, demonstro per artem repletionis, quæ ergo ubique, & semper, triumphat contra omnes objectiones factas ab iis, qui artem illam non cognoscunt, ideoque etiam illa non possunt uti; sed si Illi scirent, tum cito videremus, quod illam laudarent adhuc magis, quam jam deprimunt. *Pag. 143. lin. 10.* descriptum experimentum tantum procedit in jecore flaccido, non in omni: sed in splene magis ita contingit. Eâdem *paginâ, lin. 31.* dicis me velle demonstrare acinorum absentiam. Erras hac in re. Acini ibi manifesti semper sunt agniti à me; sed ego tantum dixi, quod non sint folliculi membranacei cavi cum emissario, sed quod sint vascula pulposa tenerissima. Ibidem agnoscis tertium meum argumentum tam forte, sed si tempus habuisses à tam multis negotiis, sub quibus fere depressus vivis, ut vidisses omnia illa alia, quæ domi meæ toties volui Tibi ostendere, tum sum certus, quod statim venires in meam sententiam, & quod recederes à *Malpighio*. Quæ enim scripsi de his omnibus, tanta cum cura examinavi, & observavi prius, ut tutò possis confidere, quod ita sit, ut scripsi. Dum *pag. 143.* ponis illud duplex per arterias in intestina iter; dicam, adhuc obscurum esse aliquo modo, quomodo ibi omnia fiant. Nam ceracea materia ibi exit in cava intestinorum per arterias: sed an non etiam per glandulas *Peyeri*, & *Brunneri*, non potui tam clare demonstrare. Quæ deinde *pag. 144. lin. 1.* dicis, verissima ita sunt, usque ad *lin. 12.* Sed ibi scire debes, me non ponere, quod humorum varietas pendet à vasis patientibus, sed tantum ab agentibus.

Deinde quæ addis de glandulis illis ibidem loci faciunt, ut fatear, me in renibus invenire talia rotunda corpuscula, magna instar seminis papaveris, ubi per microscopia spectantur; sed nescio hucusque, quid de illis dicam. In liene glandulas tantum posui ante 50. annos, ut jam prius detexi; sequutus tum fui Professores docentes, & libros scriptos, nondum ipse eram tam multum versatus tum in hisce; certe repletionem ignorabam. *Pag. 144. lin. 35.* non erat opus, ut demonstraretur in hepate acinorum existentia per morbos: satis enim constabat in vivis. Et magis potest sciri fabrica ex sano, quam ex morbo. *Malpighius* acinos ponit angulosos, ego dico, illos rotundos esse. Ego dico, eos ex vasculis constare, *Malpighius* dicit esse membranas cavas cum emissariis. Hîc jam dicis acinos vix conspicuos, antea dixeras luculenter conspici posse. Ego non facio per repletionem in arteriis, quod morbi in illis faciunt. Magnus error hic est.

Repletio facit, quod natura, quod vita, quod sanitas, faciebat. Non auget vasa, sed naturalia exhibet. Cur ita contemnis pulcherrimam illam omnium artium artem? in aliis regionibus illam evehunt ad cœlum, ut litteris testari possim. Et credo, & dico, nova vasa nasci posse, nova ossa, nova ligamenta.

Omnia autem illa accidentia hepatis etiam quidem vidi, quæ enarras *paginâ 145*. Sed inde nunquam potui discere cavos folliculos emissariis instructos, appensos ultimis arteriis, vel vasis sanguiferis. Quare etiam illa linquo, usque ad *pag. 148. lin. 7.* ubi vere dicis satis jam disputatum. Imo plusquam satis! Parva Epistola suffecerat; nec debueras senem occupatissimum vexare integro libro. Et quod pessimum est, ne adhuc quidem est demonstratum, quod membranæ illæ cavæ sint glandulæ, nec quod cortex cerebri habeat glandulas cum emissariis, nec quod cavitates membranosæ cum emissariis sint appensæ arteriis. Sed ratiocinia multa & nimia. Quibus tantum opposui, veni, & vide! *Glandulam*, jam definitio ex mea opinione dicendam, *corpus solidum, in coctione constans, conflatum ex aggregato vasorum, undique cinctum membranâ, cuius vasa differunt pro differentia humorum, quos efficere debent*: Unde conglobatæ mesenterii, pancreas, glandulæ salivales, omnes diversæ. *Crypta est flaccidum, in coctione inconstans corpusculum, vasis constans, non cinctum membranâ ab omni parte, sed supra patulum instar foveæ.* Harum vascula non possunt ita adhuc clare videri, sed diversi humores per illa confecti videntur docere, quod etiam vascula illarum diversa sint. *Acini sunt rotundula corpuscula, non cincta membranâ, quantum possum hucusque videre, quæ vascula inter excarnandum solvuntur in formam subtilissimorum penicillorum.* Cryptarum vascula possum docere, sed sunt tam subtilia, ut reptatus non possit distingui; tantum circum affusa rubedo per repletionem videtur. Tales cryptas multas esse fateor; sed nego, illas per totum corpus esse. Membranas cavas esse cum emissariis concedo, sed illæ non vocantur glandulæ, ut vesiculæ seminales, &c. In rene humano rotunda corpuscula esse, fateor, sed sunt tam exilia, ut nihil possim definire de illis. Adeoque non licet magis dicere, quod sint glandulæ, quam aliud quid. Adeoque discrepancia inter Magnum illum Virum, & inter me est, I. Quod Ille putat, humores delabi in glandulas dictas simplicissimas, ibi foveri, mutari. Ego puto, quod arteriæ ultimæ succos faciant, & factos ibi deponant; & quod vascula horum diversa sint à vasis veræ glandulæ. II. puto, quod hæ partes non debeant appellari glandulæ, quia nec similitudo cum nomine, nec cum vera glandula, adest: quod Tu primo expressisti vero vocabulo cryptæ, quod nomen etiam semper retinebunt; quia vere est quasi parva cavernula, supra patula, subterranea. III. Tumores præternaturales *Malpighius* oriri inde putat. Id non credo. An ergo in nervo optico etiam illæ glandulæ? in eo tamen tumores piso æquales aliquando induxerunt cæcitatem. Sunt & pilâ lusoriâ majores tumores ex secessu membranæ interioris vaginæ. Sunt in glandula pineali tumores, imo & lapides exigui aliquando. In Variolis, in Staphylomate oculorum, in antro Higmorei membranâ tantum Arachnoideâ cincto, tumores vi-

di : an hi omnes deberent oriri ex præexistentibus talibus folliculis? Post combustiones, compressiones, ictus, lapsus, oriuntur tumores rotundi, ut & in herniosis. Multi quidem tumores ex cryptis possunt oriri. Sed cur etiam non ex obstructis extremis vasculis, maxime in pinguedine subcutanea, & in interioribus corporis sita? IV. *Malpighius* tenet tubercula illa cutanea, quæ sub corpore reticulari hærent, & quæ extra cutem eminent, pro glandulis; ego luculenter demonstro, esse papillas nervosas tactui fervientes.

Itaque jam desino plura scribere de his rebus, puto enim, me satis respondisse ad omnia illa, quæ adduxisti pro *Malpighio*, & contra me; quæ tanta cum diligentia collegisti, tanto cum studio proposuisti, & etiam tam magno cum favore erga Illum explicuisti, ut credam, nihil præterea magis postea adferri posse contra me, & pro Illo. Cum ergo omnes illas objectas difficultates abstuli in hoc meo responso, ut nihil intactum omiserim, cogito, omnes Lectores jam satis posse judicare de veritate ipsa. Et audeo ego ipse jam Te ipsum facere Judicem totius litis; quia opinor, Te optime omnium intelligere illa omnia, quæ in Anatomicis inveni, & quia *Malpighium* per multos annos semper tam diligenter legisti, ut omnia ejus opera semper quasi in memoria habeas. Etiam video satis in toto illo Tuo Discursu, qui mihi creavit tam multas molestias, quod multa adduxisti hîc, quæ ipse non credis ita esse, sed quæ voluisti refelli à me per experimenta mea propria. Et etiam Tu aperte hoc fateris p. 120. lin. 8. Satis exercuisti, & vexasti, amicum Tuum & grandævum senem!

Nunc ergo addam aliquid de glandulis conglobatis mesenterii humani, quas omnes habemus pro glandulis veris. Harum veram structuram nemo potuit hucusque ita delineare, uti hîc nunc feci: nam est absolutissime impossibile illud efficere, nisi post repletionem prius satis artificiose, & feliciter factam. Et quamvis per tam multos annos laboraverim, tamen nunquam observavi modum mirabilem reptatus horum vasorum, nisi tantum ante tres annos. Tum enim incipiebam primo videre, quod constarent hæ glandulæ ex quodam singulari genere vasculorum sanguiferorum, quæ cingebantur membrana sua communi, sed sine ullo emissario *Malpighiano*. Quando jam clarius, & perfectius, postea videbam hæc omnia, præ gaudio exsiliebam. Et ita incitabar ad indagandum ulterius, ut perpetuo laborans tandem, tandem, potuerim describere. Sed quanta difficultas erat, quando imaginem hujus rei volebam imprimere tabulæ æneæ! nam vasa tam subtilia non poterant sculpi, quia subtiliora erant omni linea, quæ potest duci in charta. Sed tamen peritissimus omnium sculptorum *Jacobus Wandelaar*, qui tanta cum dexterritate, & fide, partes corporis humani tam libenter delineat, suscepit in in se id facere per adjumentum microscopii, atque illud absolvit, adjutus à Doctore Medicinæ *Cant*, tam fideliter, ut hîc jam apparet. Omnes debebunt fateri, nunquam hucusque glandulam conglobatam cum suis vasculis sanguiferis in ulla tabula depictam esse visam, jam reptatus ille ad vivum hîc habetur. Tu Curiosissimus harum rerum observator fuisti, nam Tibi misi objectum, ad quod tabula fuit incisa, & no-

tavisti tunc Tu ipse, ut ad me scripsisti: *Primo*, quod arteriæ mesentericæ mitterent ramos suos à diversis locis versus unamquamque harum glandularum; ita ut non unus ramus peteret illam, sed varii, & multi, ab oppositis locis, & quod oppositis etiam itineribus, & directionibus decurrentes, in glandulam irent unamquamque. *Secundo*, quod arteriæ illæ, ita à diversis regionibus missæ, postquam tum venissent ad corpus illius glandulæ, ibi quasi permiscerentur inter se, quamvis tamen manerent vasculosæ, idque ubique, & per omnes partes. *Tertio*, quod tandem subtilissimæ factæ ita confunderentur inter se, & innumerabiliorum flexuum varietate in omni puncto intricarentur, ut comparari tantum potuerint cum glomere multorum, diversorum, filorum in plexus inextricabiles intricatorum. Neque posse hîc dici cum ulla veri specie, quod in membrana quadam ordinati hi canales in sua serie simplici possint videri. *Quarto*, tandem, quod inter hæc intricatissima vascula, & tam subtilia, multis locis hæreant parvi, & multi, distincti acinuli, ut in hepate. Et quantum oculus per microscopia assequitur, ipsi hi acinuli videntur iterum conflari ex minimis, pulposis, extremis, plane singularibus in sua fabrica, canalibus arteriosis. Nec tamen potest videri, quod hi acinuli membrana quadam singulari ambiantur inclusi. Sed admodum credibile est, quod per has extremas pulposas fistulas fiat opus illud singulare, quod destinavit DEUS perficiendum in glandulis mesentericis. Ut autem possint videri illi acini, debet objectum exponi radiis solaribus clare lucentibus à tergo spectatoris, qui debet tum remove à capite suo omne illud, quod vel minimam umbram potest facere, quam vel ipsi capilli in tali luce solent creare. Consideretur jam, an unquam tale quid à Magno *Malpighio* sit factum. Inspiciatur hæc tabula: nam meretur labor, & artificium, quæ ad illam faciendam impensa sunt, ut non levi, & transcurrente oculo inspiciatur, sed bene fixis lustretur oculis. Nunquam enim fuisset possibile, nec mihi, nec perito artifice *Wandelaaar*, ita in hac imagine imitari rem ipsam, nisi, succurrens nobis auxiliatricem suam dextram præbisset Eruditissimus Vir, D. *Arent Cant*, Medicinæ Doctor, qui in scientia Anatomica, & in arte delineandi, & pingendi, peritissimus, editisque operibus clarus, industriâ suâ effecit, ut sit talis, qualem jure admiraberis, icon. An non vides tomento subtiliora filamentula in suo ipso intricatu expressa? Hoc nemo potest imitari in delineatione, nisi qui Anatomen penitus excoluit, & intelligit, & qui præterea versatissimus est in arte picturæ. Quia in his excellit Dominus *Cant*, multa alia de eo publicum exspectare potest.

Verum ego hæc non dico, ut me ipsum laudem, sed ut judicent Viri periti, an ars mea destruat, an corrumpat, aut fingat, aut confundat? Quæ tamen scis dici solere ab imperitis, & invidis: quum deberent gratias reddere Beneficentissimo DEO, quod abdita hæc sua opera, per me indignissimum suum servulum, voluit ipsis patefacere.

Sic jam fatigatus magno hoc opere finio, postquam pugnare solus debui contra tam magnos duos Viros *Malpighium*, & Te, qui peritissimi estis in scientia fabricæ corporis humani, & qui quasi conspi-

ravistis contra me; quia Tu causam *Malpighii* tam acriter defendisti, ac si Tua propria fuisset. Tamen non pœnitet me: quia si in respondendo aliqua bona, & non audita docui, fateor simul in legendo Tuum scriptum etiam quædam didicisse, & pro illis gratias ago.

Opto tandem, ut DEUS det TIBI plures felices annos, quam mihi indigno dedit, ad gloriam sui NOMINIS, ut Te tanto Professore diu fruamur egregii studiosi, qui tam multi veniunt ad Illustrem Academiam *Batavam* quotannis, ut Medicas veritates à Te discant, & qui tam contenti postea inde recedunt. Faciat DEUS, ut finitâ hâc vitâ in Ejus amore, & cultu, postea occurramus iterum in illo beato loco, ubi non disputando, sed æternum HALLELUIAH cantando vivemus in æternum! Vale.

Amsteladami.
1722. 1. Junii.



HAC Figurâ exhibetur portio Mesenterii humani arte meâ repleti per arteriam mesentericam : in quâ nihil depictum , nisi sola arteria , glandula , glandularum acini , adeo vere , ut unaquæque linea arteriolam distinctam proponat. Magna illa media pars Tibi objicit unam glandulam vagam mesenterii , atque in illa exaranda præcipua opera impensa est. Scias vero , præter hæc vascula hic jam delineata , tam numerosa alia in objecto per microscopia videri , ut , si ea Pictor sculpere tentasset , tota Tabula unam ibi maculam nigram expressisset.




- A. Glandula vaga Mesenterii humani.
 B. Acinuli in glandulis illis apparentes ; seu pulposi arteriarum fines.
 C. C. C. Rami arteriarum mesentericarum.
 Ut liquidò spectes , microscopium tabulæ inspiciendæ adhibeas.
 Vid. de hac icone , pag. 162. 171. & 172.

F I N I S.






ATROCIS, NEC DESCRIPTI PRIUS,
 MORBI HISTORIA.
 SECUNDUM MEDICÆ
 ARTIS LEGES CONSCRIPTA
 A B
 HERMANNO BOERHAAVE.




CELEBRI, NOBILIQUE, VIRO
 D. JACOBO DE BYE,
 MEDICO PERITISSIMO,
 E T
 IN TRIBUNALI HAGANO SCABINO,
 H. BOERHAAVE S. P.

*D*escripturum me recepi, quæ in enarrato hîc morbo Nos unâ observavimus; promisi quoque, missurum Tibi, quidquid foret operis. Affectantem vero vix differenda me negotia impedivere. Serius ideo, quam quidem animo destinaveram, prodiit hæc historia. Hanc dicare Tibi volui: quia debui multis sane de causis. Sed gestiebam simul publice testari, laudare me, præter ceteras Tibi proprias virtutes, eximiam, qua polles in arte medendi, sapientiam. Et candor quoque, morumque amabilis suavitas, efficiunt, ut, cum omnibus Bonis, semper ambiturus sim sinceram Tecum colere amicitiam. Vale! Lugdun. Batav.

17 $\frac{19}{12}$. 23.





M O R B I

N O N D E S C R I P T I P R I U S

H I S T O R I A.



U L T I P L E X sane, atque varium, qui corpora adfligunt humana, morborum ingenium, à pluribus jam seculis observatum, descriptumque habetur. Neque tamen acri profecto, & annosa, hacce diligentia omnis eorum exhauriri usque potuit diversitas. Unde quidem efficitur, tales semper ut accidant novi, quibus tunc cognoscendis nullum satis subtile judicium Medico sit, ut habeat Ille, & adferat, artis præceptis recte formatum animum. Imo vero, causæ ambiguus latentis, affectique incertus loci, hærebit jam, qui aliàs in perspiciendis, sanandisque, laudem invenerat. Frustra quoque anceps Ipse sæpe quæras tunc apud Auctores, incertum Te quod firmet; neque datur invenire aliquando, quod similis, jam olim observati, descriptione, absconditam recentis mali indolem manifestare Tibi queat. Quotusquisque enim ille inter Medicos, qui, ignotum sibi morbum dum tractat, requiescere fugiat, donec tecti illius rationem, atque latebras, liquidò perspexerit? Enimvero, Medice, qui occurrit novus, atque obscurus, Tibi morbus, post mortem modò ferus à Te cognoscetur; neque vel tunc etiam, nisi incisum defuncti cadaver, exacta cum cura perscrutatus fueris. Sed rari occupatissimos inter Clinicos, hæc qui velint, aut & recte possint talia agere. Si vero alij dantur inter Medicos, quibus idoneus & promptus ad hæc animus, cupidis tamen & peritis vix patet aditus. Necessario igitur fit, ut, qui casus inciderunt olim, parum juvent posteros; sed maneat hos eadem, quæ urserat priores, ignorantia. Præcipue quidem, quum præterea plurimæ, atque à peritissimo quoque artis Professore conscriptæ rite, tales observationes, inter relictas sæpe neglectæ chartas, pereant quotidie, atque sepeliantur. Ad omnia vero hæc artis incommoda haud datur aliud quod profit, remedium, nisi nova prorsus, atque omnino singularia, quæ quis observaverit, ipse evulget. Qua tamen in re ita se gerat requiritur, ut adeo hîc plana sit historia, quæ perfecta non patiatur dubitare lectorem, quin, quæ descriptæ eadem jam forte offertur, extemplo cernatur eidem convenire tam evidenter, ut ex præterito præsentem jam cognoverit. Omnia ergo, quæ ad casum utcumque pertinent, recitare oportet; ne minima quidem neglecta re, de qua severus Censor jure adhuc quæreret ad intellectum mali. Simul inprimis sic
agendum

agendum cauto est ab eo , cui datæ partes rem enarrandi , ut incidentium nunquam turbans ordinem , secundum rerum vicissitudinem cuncta ordinet , suisque accidentium singula quæque locis assignet.

In communia artis bona symbolam me dare exposita coëgit ratio : & quidem describendo morbum atrocissimum , cujus vis major properavit fata Magnanimi HEROIS , ILLUSTRIS , NOBILISSIMI , VIRI , JOANNIS BARONIS DE WASSENAER , DYNASTÆ ROSENBERG , ARCHITALASSI REIPUBLICÆ , & aggerum Rhenolandia Præfecti. Fuit enim singularis adeo tota mali indoles , tamque violentus impetus , atque detestata crudelitas : ut forte inter omnes rei Scriptores Medicæ alterum parem casum , haud temere reperiatis. Utinam optanti daretur hoc præstare , ut rei descriptæ memoria liberare deinceps hos posset , quorum fatalis calamitas acerbâ quoque hac sorte urgebitur ! Sed tristis confiteor , nihil tanti , tamque præclari , eventus , à labore hoc meo sperandum. Id tamen scio , recursum postea Medicis morbum cognosci inde certo posse. Bonus igitur Medicus immedicabilis mali exitum funestum prævidere certus poterit : unde , juvare licet nequeat , non ignarus utique cavebit laboriosâ , sed nocente , operâ malum ægro aggravare ; neque in re impossibili frustra neâ se sollicitudine exanimabit ulterius. Serviet exemplo describendæ historiæ morbi , ut , meâ quidem sententiâ , hanc concinnandam artis regulæ dictant. Simul eadem operâ constabit sævi casus ratio , quidque hac in re & per quos , actum sit. In splendida scilicet persona , quæ toti reipublicæ in oculis geritur & pectore , nemo Medicus suam periclitari famam cupit ; sed rei potius gestæ rationem palam reddere : quo constet , arte malum majus refutasse invalidæ medicinæ auxilia. Quidni tollatur denique & eo ipso peccandi ultra occasio malignis sæpe nimium , & acclinibus falso , alienorum casuum commentatoribus. Una his ea placet voluptas , quam ex ambiguis , & suspiciosis , rumoribus , in vulgus sparsis , atque eundo dein crescentibus , ficti pravique tenaces capiunt. Corrupti interim judices male verum examinant. Omnes hi veriora hæc recusare nullo poterunt obtentu. Hæc ego si tulerim præmia laborum , contentus mea mercede , recedam.

Pulchrum à natura , atque staturæ eximiæ , corpus liberalium fere omnium exercitiorum genere , jam à puero , firmaverat : ut hinc sanitate semper illibata frueretur. Neque felicem hanc valetudinem , roburque naturale corporis , unquam labefactaverat luxuria , neque desidia resolverat. Primo natus in sua patria loco , semperque Principes inter Viros versatus , non potuit intra naturæ fines vitam exigere , aut frugalitatis leges exactas ubique severus observare. Quis enim ita ageret , qui semper cum Primis esset unâ , cujusque talis vita , ut obsequens horum studiis , amicisque deditus , nec illorum cuiquam adversus ? Nisi austeræ tetricus sectæ cultor haberi vellet. Veruntamen , proprio quoties licebat more vivere , sobrius omni carebat excessu , animi semper culturæ , atque assiduo exercitio corporis , cum cura se dedens. Quare & laudabili gaudebat temperatione humorum , neque majore fuerat morbo obnoxius. A multis jam annis , crus perfregerat , atque multa inde mala passus in-

firmiorem hanc partem experiebatur, sanus cætera; nisi quod anginam sæpe in juventute expertus fuerat. Una quotannis, longo jam tempore, podagra per stationem hybernæ artus occupaverat; violenta equidem illa, & pertinax, neque sueta unquam, absque insigni ad articulos superstitè debilitate, recedere. Eam patientiâ leviolem facere, neque jactatis exacerbare & noxiis plerunque auxiliis, abstinentiâ exquisitâ, blando tepore, atque quiete, lenire, & pacare, sapienter studebat. Speculabatur interim acerbi mali ortum; utque acri erat, & penetrabili pervidendis rerum causis, multoque usu exercitato, ingenio, collegit, epulis lautioribus, liberaliori utui vini, atque defectui exercitationis, suum hunc deberi morbum: meminî audire me sæpe sic dicentem. Neque species huic sententiæ veri aberat: semper quippe ex his gravari sibi superius ventriculi os persentiscebatur, & quidem de una tantum hacce re conqueri sæpenumero, sed ea modo occasione, solebat. Incidit etiam, ex eadem hac causa, in hanc sententiam, ut putaret, nullo tutiori remedio, cito simul, & certo, natas hæc cruditates auferri posse, atque inveterascenti jam malo radices præcidi, quam repurgato statim, si quid hanc in partem peccatum fuerat; per leniora vomitoria ventriculo. Placuerat dudum explorata ad hæc radicis Americanæ virtus, quæ Ipecacuanha Pisoni, quam copiosa ex Cardui infusu parata aqua juvabat. Identidem vero & solo Cardui Benedicti liquore hunc ad effectum utebatur. Semper tamen difficilius longe tunc vomere assuetus, quoties sic instituisset, omnino facilius, quando radicem quoque assumserat. Ergo, postquam huic jam dudum remedio crebros per usus assueverat, semel iterumque accidit, ut idem intempestive admodum, atque in ipso quidem articularis mali insultu, imprudens repeteret. Summi tunc inde dolores ad viscera, cruciatusque intestinis haud facile placabiles, obvennerant. Monitus inde ab Amicis & Medicis, temperaret sibi à crebriori hac vomendi violentia, ne quid majoris forte exinde eveniret, semper regeffit, à nulla re tam feliciter se levare, nec benigna virtute saluberrimi remedii carere posse: quum semper salutare, & successu pulchrum, id sibi comperisset. Eratque forte hoc unum, in quo necessariis suis dissidens, atque à Medicorum consiliis recedens, suo in his se consilio regebat, in cæteris raro opinionem aliorum sententiæ suæ postponere solitus.

Atque hæc debui præfari ante enarrationem mortiferi mali: ut, quicumque hanc evolvat, sciat omnia, quæ industrius Medicus forte discenda putaret ex historiæ Medicæ lege de causis morbum antegressis, quas latuisse jam pridem in corpore suspicaretur. Ideoque addere malui, quæ elegans Cenfor supervacanea repudiaret, quam omittere quidquam, quod alter scitu ad hoc negotium putaret necessarium.

Accidit itaque vigesimo nono elapsi nuper Octobris, ut sesquiprimâ nocturnâ ad ædes meas venerit Nobilissimus atque Sapientissimus Dominus, JACOBUS BARO DE WASSENAER, Reipublicæ Lugdunensis Consul, mœstissimo maximeque perturbato animo rogans, vellem ire unâ ad GERMANUM Ejus JOANNEM. Percussit illico animum! Quid rei esset, percunctanti profusis cum lachrymis aiebat,

hunc suo in prætorio Rosenburg luctari cum morte ; aut vel jam obiisse , si qua fides tristi , sed turbato , esset habenda nuncio ! Nec mora , pernicibus vecti equis quum eò pervenissemus , invenimus Virum Illustrẽ suo insidentem lectulo , ut erecti quidem sedentis haberet speciem , flexo tamen antrorsum , & declinante sic corpore , ut deorsum vergeret , itaque abdominis viscera , & diaphragma , pressione hoc ex situ natâ intra thoracem apprimeret. Incommodum hunc Ægrotanti situm ut tueretur , à tribus famulis assiduo sustentibus juvari debebat , & contineri : omnis enim alia corporis positura augebat immaniter dolorem , quo discruciabatur , ut intolerabilis prorsus evaderet ; omnium tamen maxime , si conaretur extendere , atque erigere vertebrarum seriem. Quare nec supinus , neque pronus , aut in alterutrum latus poterat decumbere , longe minus sedere erectus. Spectaculo perculsus ? memor quippe , quam heroicâ constantiâ acutissimos dolorum ferentem sæpe fuissem admiratus : quando enectus fere horum violentiâ , tacitus , seseque cohibens , crudelitatem summam acerbissimæ podagræ sedato pectore concoquebat. Spectabatur satis doloris vehementia. Sed magis , quoties ineluctabiles audiebantur gemitus , quos invicto animo vis mali suprema exprimebat , obnitente frustra , & comprimere conante , patientiâ. Unum erat tristi hac rerum facie , quod me recrearet , atque reficeret ; præsentem videbam Nobilem Virum , & Medicum Clarum , JACOBUM DE BYE , cujus eruditionem , summamque in arte prudentiam tota laudat patria , à quo optima quoque hoc in casu sperare præsidia licebat. Ingresso igitur mihi , atque salutanti , dum erigere se paululum , dexteram offerre , blandasque resalutantis voces reddere , conatur quam humanissime , ad minimos motus , & ad singula verba , deficere videbatur præ exacerbatione aucti ad hæc doloris. Tentabat dein exponere Ipse , sub quo gemebat , morbum , nec potuit : intendens se ad conamina quæque cruciatuum immanitas intercipiebat spiritum. Ut aliquoties in hæc erumperet ; cogita Boerhaavi , quæ meam expugnent patientiam tormenta , gnarus es , quo animo dolores olim tulerim ! Cogita , quæ sit vis , cujus magnitudo lamenta vocalia mihi , nec supprimenda , extorqueat ! Equidem impossibile videtur , tali hominem cruciatu affici posse ! Durum videre , & audire , hæc coram ! crudele , si ultra sciscitando causam dedissemus malorum exacerbationi. Requiere visum potius ex Eruditissimo Domino FRANKEN omnem rei historiam. Ille enim , dum unici , quem habebat Illustrissimus Archithalassus , Filii generoso pectori summa cum felicitate eruditionem , sapientiam , & virtutem , infundit , domesticus Illi vivebat ; Præsens ille toto mali tempore , intentissimo in omnia animo , atque ad omne auxilii genus præsto , fuerat. Rogatus ideo , audiente omnia , & singula quæque confirmante , Nobilissimo Ægro , historiam Nobis integram enarravit.

Triduo ante morbum epulatus paulo lautius cum amicis , abstinentiâ deinde severiore excessum qualemcunque correxerat. In ultimo prandio , ipso invadentis morbi die , de jure carniũ , in quo oleraceæ incoxerant herbæ , aliquid sumsit ; attingit & parum de brassica alba cum ovilla inibi elixa ; gustavit modo & de spinachia & glandula Thymo vituli leniter fri-

xato; de anate plusculum comedit, coxam inde & carnem de pectore capi-
piens, tum alaudas binas, parvamque intritæ ex pomis copiam; frustu-
lum pyri, uvarum tantillum, & panis, ex bellariis assumens clausit pran-
dium, in quo parum cerevisiæ, vini mosellani modicum, biberat. Toto
dein pomeridiano tempore ab omni merenda, potuque, penitus absti-
nuit. Equitavit cum Nobilissimo Barone, filio suo, hilaris, recte va-
lens, sentiens nihil, nihil suspicans mali.

Ubi ab hoc exercitio, quod optime cesserat, reversus, more suo per-
stitit incænatus. Dimidiatâ vero decimâ vesperi exhaustit de aqua tepida,
in qua Carduus Benedictus intabuerat prius, quantum tria capiunt po-
toria porcellana, quæ *Spoelkommen* Belgis solent dici. Causam roga-
tus regessit, onerosi quid molestare os ventriculi superius, quod eluere
vellet: quum consuetum jam pridem ibi malum referret, semperque
peracto illud vomitu ablatum fuerit. Vomuit haud diu postea, neque
tamen facile satis, nec satis multa. Sumisit ideo mox post hæc, quan-
tum quatuor talia continere queunt vasa, de eodem liquore amaro Car-
dui. Tanta interim jam copia plenus haud evomuit tamen; novum pro-
tinus parandum jubet, miratus moram, putansque largius infundendo
expeditius se haustos redditurum potus. Verum in fella dum sedet in-
terim, atque provocare tentat vomitum, nihil usque percipiens aliud
mali, clamorem subito horrendum tollit, ad quem exhorrescentes ad-
volant domestici, querentemque audiunt, circa ventriculi superiora ru-
ptum sibi quid, dilaceratum, aut luxatum, esse. Addebat, acrem exin
adeo dolorem insurgere, ut præsentem, & inevitabilem omnino, mor-
tem jamjam instare, quam certissime, quam vividissime, sentiret. Me-
liora omnia sperare monent præsentem. At ille respondit, in pauca
modo vitam temporis momenta duraturam, quæ in imis suis pene-
tralibus usque adeo validis tormentis urgeretur, ut præsidii nihil ab
arte haberi possit, neque aliquid à natura solatii; nullis vero, vel
quæsitissimis verbis, dici posse, quæ mutatio, quis cruciatus, pectus
exagitarent intus. Suadebant ideo, accersendos extemplo Medicos, at-
que obnixè efflagitabant omnes, faceret ipsis hos convocandi faculta-
tem. Supervacaneum id fore dixit: neque enim posse eò tenus vitam
trahi, ut spirantem invenirent vel festinantes; sed & adversus hoc
malum, quod corrigere omnino nefas, nulla opitulatura esse blandi-
menta Artis vel præstantissimæ. Unum superesse, ad quod fides ipso-
rum profutura foret, & auxilium, unum id serio se petere, ut in du-
plicatos componerent poplites afflictum corpus quam ocyssime: ut sup-
plex, & humilis DEUM venerari, Ei obnoxium se dedere, Ejus sa-
lutarem implorare opem, posset. Maturare enim suos impetus usque
adeo festini morbi pernicitatem, ut & sola hæc jam necessaria brevissime
impeditura foret. Obsequiosi parvere ocyus, fusisque Ille ad NUMEN
SUPREMUM precibus, jactato interea per cruciatus corpore, positus
statim in lectulum fuit. Manare jam frigidus gelidos per artus sudor,
tristisque occupare ora, manusque, pallor, deficere subinde arteriarum
micantium pulsus. Ad hæc Ipse perebat, frigentis ut corpus perfunderent
undique calefactis ad focum linteis, caputque perfunderent & pectus

liquidis herbarum traumaticarum odoribus, simul fragrantia præcordiis fomenta largius ilico apponerent. Quibus assiduo, seduloque ex voto Ægrotantis peractis cedere nescius restitit morbus. Imo vero multo sævius omnia insurgere, atque festinare in exitium. Quo quum res Ejus loco esset; interimque nox intempesta, ipsaque locorum, unde evocandi erant Medici, distantia, auxilii inopes & consilii redderet præfentes, post semihorii elapsi spatium bibit de oleo ex olivis pressio uncias quatuor, irritatæque per intrusum digitum gulâ, aliquid ejus evomuit aquæ Cardui permistum; poposcit denuo binas ejusdem olei uncias, hausitque ilico, sed de eo haud modo reddidit nihil, ut ne quidem ullam inde nauseam persentisceret, crescente interea semper dolore. Dilapsa erat ab hoc negotio peracto hora dimidiata, quum de generosa, & medicata, Gedanensium cerevisia (quam *Joopenbier* vulgo appellant) calefacta prius uncias epotavit quemadmodum sex. Hanc tamen ipsam, nullâ commotus nausæâ, retinuit, ut & cuncta, quæ deinde accepit. Talis rerum facies erat, hæcque gestorum usque ratio, quando Celebris Medicus DE BYE, Hagâ vocatus, primo accessit; qui omnia rectâ secum viâ reputans, prudens censuit, sola per levissima agendum remedia; mollia ergo avenæ ptisanaria obtulit sorbenda, à mollibus scilicet hisce malo lenimen sperans, quod exasperatis partium nimio vomendi impetu offensarum nervis, plausibili sane argumento, colligebat. Sed fomenta simul ex lacte & farinaceis parata quam blandissima, tepefacta præcordiis obduxit; quæ omnia certam promittere spem salutis videbantur: atque ipsa hæc agenda dum curantur, jamque aliquo essent, sed frustra, applicata tempore, ingressus ipse, ut exposui prius, omnia ita reperi.

Auditâ ergo casus tristissimi, atque eventus rerum gestarum, historiâ; quæ ex omni adferebantur parte, recte perpensis; acerrimam adhibuimus mentis intentissimæ aciem, ut perspiceremus atrocis adeo, & subitanei, doloris rationem prius, quam agitare auderemus de offerendis remediis: quum nisi huic potissimum operi institerimus, tutus ad hæc ipsa, nisi à cognitione causæ, aditus ne dari quidem possit. Singula excutientes hæc in ipso Ægro deprehendimus. Interiora oris, qua in fauces usque patet, naturali humore rite colluta, optima hîc sanitatis absolutæ signa dabant, neque in colore, aut habitu, partium inibi conspicuarum, nisi bonæ salutis notæ; nauseæ nihil penitus; vix ullus ructus; & non erat, si quid flatuum forte eructaret sursum, alienus, aut ingratus, sapor, qui linguæ sensum offenderet; quin & ventriculus, haudquaquam repugnans, cuicumque potui ingerendo paratus, facilis ad oblata quæque; nec reluctabantur fauces degluttoni, neque ullum inde patiebantur incommodum; sitis non urgebat; nec audire erat vel levem de anxietate ex ægrotante ventriculo querimoniam; singultus aberant & in toto sane mali decursu; pertractata jam hypochondria, & præcordiorum loca, tumidi nihil, aut dolentis, nihil ad tactum renitentis, durive exhibebant; erat & naturalis, & dimissa commode, urina; spectata vero quam per vomitum rejecerat, materies nullum præ se ferebat indicium maligni, insuetive, referebat quippe perfectè eorum, quæ ingestafuerant, indolem.

Toto calorem temperatum corpore, æqualiter diffusum, hoc temporeprehendimus, absque æstu, aut excessu frigoris: nisi quod vehementia exacerbati identidem cruciatus syncopen minaretur, atque adeo frigus eo temporis articulo efficeret majus, quam pro ratione tantæ agitationis, dolorisque, exspectandum videretur; erant etiam aliquanto imbecilliores quidem arteriarum ictus, constantes tamen, fatisque unius modi, utique ostendebant nec febris, neque inflammationis vel levissima signa; spectabatur & respiratio facilis, lenta satis, æqualis, vox simul naturalis, placida, constans, expedita, si caveret modo inter loquendum flexus corporis, & septi agiliores motus, ipsa suspiria rogatus duxit profunda, lente reddidit, repetivit, absque doloris exacerbatione, nec recordor vel semel toto in morbo audire tussim; & suus adhuc constabat micantibus ocalis nitor, atque naturalis etiam in vultu color; actiones mentis deficientes nunquam, neque aberrantes; arbitrarii partium motus prompti, nisi quatenus dolorum aucta ex illis vehementia hosce prohibebat.

Unus igitur occurrebat explorantibus, de quo omnis lamentatio, dolor; atque inexplicabilis prorsus mutationis cujusdam in situ partium, intra pectus, sensus. Quem quidem utcumque nos omni modo investigarem, quærendo, aliter describere non potuit, nisi dicendo, manifestissime persentiscere se naturali sua sede motas esse in thorace suo partes quasdam. Dolorem vero, quem ferebat, definivit quam appositissimis sane verbis; quod esset nempe acutissimus; veramque dilacerationem membranarum, quibus sensus inest exquisitissimus, quam sævissime exprimens; summus; perpetuus; ne minimi quidem articulo temporis quiescens; vix unquam de summa acerbitate tantillum remittens. Sedem huic fixam in mali principio unam semper assignabat quam distinctissime, eum assiduo locum indicans intra pectus, ubi fere committitur stomachi per thoracem delati finis principio ventriculi supremo, altius tamen paulo ostendebat accurate, quam ut possemus credere, diaphragma ipsum dolere. Verum, progressu postea magis morbo, clamabat, sentire se vividissime, quod à prima designata pectoris interna plaga, dolor æque violentus retrorsum se extenderet, jamque dorsi etiam regionem occuparet, haud minus ibidem, quam antea in origine sua, desævians. Denique, ante fata tandem querentem summa cum commiseratione audivimus, diffundi acerrimos dolores à loco ad dorsum discruciato utrimque per latera thoracis, imo & ultimo per omnem hujus internum ambitum: ita tamen, ut priori loco levaretur ne hilum, dum diffusior per latiora se & nova spatia prorogaret. Neque affirmare neglexit toties rogatus à nobis, latitudinem dolentis mali de exquisita acerbitate in qualibet parte nihil demere. Integro quin etiam decursu mali constanter commemorabat, non alia re acrius incendi cruciatuum ignem, quam flatuum nisu; prorsus, ut ventus inde erumpens ex ventriculo haud tenderet sursum, sed suffocatus quasi vivas paulo post partes quam crudelissime dilaniaret; neque minus inflammabatur idem, quotiescunque retro flectere, vel & erigere vertebrae dorsi conaretur.

Hæc ea sunt omnia, quæ anxia cum diligentia reperimus, quæque

forte nimia cum cura enarrata quis repudiet. De industria sic institui agere: ut recitatio hæc ita referret omnia, quemadmodum contigere, Lectori meo, quare omissum nihil, nihil, præterquam quod ipsa res habuit, superadditum, aut exaggerando amplificatum.

Vos ego jam, salutaris Professores disciplinæ, si forsitan perlegere hæc non dedignamini, rogatos serio, & quam officiosissime, velim, paululum hîc ut subsistatis! Velitis, oro vos, circumspicite ad omnia perpendere fidelem hanc historiam! Omnia, quæ speculantibus offeruntur, signa prudenter consideretis! Hoc mihi dare si placet, utar permissio, atque petam ultra, statuatis jam ex his de natura hujus mali, cujus modo intellexistis originem, progressum, apparitiones. Ubi & illud impetra-vero, dicite, quæso, mihi, quidnam demum sit illud, quod latens hîc intra thoracis adyta abnormia hæc effecta producit? Pronunciate secundum leges exultæ artis severissimas, quænam definita pars sit ibidem, quæ tam horrida mala patitur? Exercete ingenii aciem, ut, sed priusquam sequentia evolveritis, sponte vestræ perspicientiæ vera super his, & certa, invenire possitis!

Nos utique ambo contemplabamur undique tabulam, quæ omnes hujus tragiæ partes nimis vivide exhibebat; sollicitissimâ simul & intentissimâ mentis curâolvebamus cuncta, quæ attentæ se cogitationi ingerebant. Fundamentum quærebat in concussis, tutumque, quo subnixa intelligentia incogitare posset finem invalescenti malo, extricatâ scilicet prius involutissimâ tantæ calamitatis causâ. Sed, proh dolor, quam nos incassum versabamur omnia! neque enim circumspicienti in densis tenebris animo apparebat ulla morbi species, ad quam referendum hunc perspicere possemus. Inflammatio sane, sæva aliàs tormentorum genitrix, inculari hîc non poterat: nulla ejus se manifestabat nota. Quis ausit suspicari, diaphragma, pleuram, mediastinum, pericardium, cor, pulmones, œsophagum, intercostales musculos, vel adnatos externe costis, phlegmone affici? Qui sedulo mali historiam descriptam præ oculis habet, cautusque est signorum observator? Nemo, si quid in his vericerno. Transvectis ergo hanc plausibilem ignaris apparentem, sed refutatam penitus causam cruciatuum, eò flectere incipiebat animus, num forsitan tumoris alicujus assurgentis mole distenta nervosa quædam in pectore membrana dilacerationis excruciente sensu crudelia hæc symptomata generaret. Sed nullum genus tumoris occurrebat, aptum natum quod esset effecta edere omnia, tamque celeriter, quæ observabantur; neque vero ex prægressis ante morbum quidquam notabatur, quod vel suspicionem talis rei posset movere; nisi acuta sæviret phlegmone, quæ jam remota prius fuerat ex ipsa sedula mali observatione, luxatio autem admitti non poterat: quum firmæ vertebræ suo quæque spectarentur loco; molliorum autem in pectore partium propria ex sede secessio distortionis sensum, neutiquam vero mortifera illa tormenta, valebat procreare. Ergo supererat unum tandem illud, quod toties olim dolorum atrociam citissime humanam destruxit vitam, truculenti scilicet veneni lethale virus, & vis ignea. Solum illud videbatur intelligi posse immanium adeo phænomenon causa sufficiens. Verum enimvero dum sedulus

curæ omnia Scriptoribus commemorata Toxicorum genera percurro ; reperi ne unum , quod foret efficax descripta prius efficere. Quum enim muneris , publica mihi auctoritate impositi , ratio exigat à me , hæc ut paulo accuratius cognoscam , historiam adeo virulentorum intuitus ut excutiam , hæc ego prosequi annisus dudum fui operâ non perfunctoriâ. Ut vero animum verterem per omnia , non mihi fidelis suggessit memoria ullum ex his , cuius lethifera ita invaderet , ita procederet , actio , aut vel levi assimilatione hujus referret morbi symptomata. Ita , dum lustramus notas dolorum causas , occurrit ne una , cui tribuere fas sit præsentis originem. Incertus ergo nobis , vagusque , per varias rerum species deducebatur animus , circumspiciens sollicitè ad omnia , inveniendusquam , quod tuto arriperet pro vera mali causa. Tandem credebatur quam maxime hanc ad rem pertinere contemplatio familiaris dudum podagræ. Hujus quippe immanis toties , quoties introversa defævît rabie , detonat in interiora crudelitas. Nimis vero erat utrique nostrum perspecta anomali hujus morbi indoles , quam ut eam quoque pro origine ægritudinis auderemus fidenter arripere. Etenim parit huc delata ineluctabiles quidem anxietates , atque radiosissima ægrimonix fastidia animo ægro imprimit , dolores vero subito enormes adeo nunquam sano excitat ; sed lento gradu incedens languore tardo debilitat prius , in dolores deinde infestos insurgens , tum quoque partium actiones vicinarum impedit. Eorum vero omnium nihil quidquam videre erat hoc in casu : unde & , hac re rectè explorata , & spectata undique , anceps primo , imo & inflexus haud parum in hanc partem , animus induci nequam potuit , ut & hinc derivaremus hanc calamitatis originem.

Ambiguus ita nihil illuxit ! occurrebat ne unus , inter notos , morbus , ad quem assimilatio ex imaginis convenientia hunc referre poterat in dignoscenda specie. Unum hoc certum , esse dolorem , subito ortum , summum. Illum ferri posse diu , absque tamen vitæ discrimine , solus si est , & inflammatione liber , tota clamante medica historia , ne quidem in principio statim summa metuebamus ; de me , ita ut confitear , candor exigit : Neque enim , librans cuncta , prudenti cum ratione videbam aliquid , unde futuram subito mortem timendum apparebat. Neque erubui sane vel ita prædicere , postquam primo cuncta examinaveram : atque eventus postea docuit , dolorem haud fuisse subitæ mortis , sed aliam longe , causam.

Quamvis vero ancipites omnino in dignoscendo hærebamus malo , coacti tamen fuimus , prompta tentare in auxilium dolorum remedia : virulenti enim tormenti immanitas , & metuenda partis laborantis ex tanto malo perniciēs , haud patiebantur moram. Collatis ergo inter se , & petitis undique , consiliis , deberatum stetit , ea maturius exhibere , quæ impetum vitæ in obsessas partes compescunt , solvunt pressa , distenta laxant , mitificant acria , & irriguum totum reddunt humoribus corpus. Quid enim magis conveniens sedando , quacunque demum sit natus causâ , dolori ? Salubrius quid habetur , quid tutius , in robusto , atque sano cæterum corpore ? Quum grata igitur nobis , sed fallax , spes blandiebatur , dictum factum , missus de mediana dextra sanguis ad uncias

quatuordecim

quatuordecim, ita quidem languescere ut inciperent pulsus arteriarum. Sed ne sic tamen vel levissime de rigore crudelitatis remittebat dolor, licet minarentur syncopen arteriæ. Adhibitus statim largior juris vitulini infusi, ut nervis læsis amicissimi usus; & sic tamen exacerbescebant dolores acrius. Tepida applicabantur cruciatibus fomenta, quæ ex mollissimis farinaceis & lacte blando constabant, atque leni tenebantur actiosa tepore; nihil proderant. Sed neque laudata toties blandimenta dolorum, quæ ex lento avenæ, scorzonæ, & sisari, lacte eliciuntur, epota juverunt; contra vero & suavissima hæc quoties ventriculum versus deferiebantur incitabant abominandi tormenti sævitiam. Hæc acta, his frustra pugnatum, nec enim profecimus, pertinax constitit, nunquam cedens, dolor, usque in matutinam quintam; quando urgens negotiorum multitudo me discedere coëgit ad aliquot horas; postquam prius steterat nobis, sibimet parumper naturam committere, neque urgere nimis haud modo frustraneis, sed & ut videbatur, nocentibus medicamentis, licet lectissima, credo, & Tibi, mi Lector, laudentur. Speratus aberat conatibus eventus, contra vero fluere tota & retro sublapsa ferebatur spes. Interea multo magis jam, quam modo prius, horrescebamus obstupefacti absconditam insueti morbi indolem; ut, ante discessum uterque utrumque interrogantes neutri potuerimus respondere aliquid, quod manifestaret latens malum. Luctatus ita deinde Nobilissimus *HEROS* in matutinam octavam, usus subinde haustu ex decocto parato de floribus papaveris erratici, atque verbasci, radicibus scorzonæ, sisarique, feminibus avenæ & papaveris albi, cum aqua, in quo dein Fernelii syrupus de althea largius quoque erat dilutus. Unde nihil accepit solatii. At tamen anodynum mirius occurrebat nullum. Fidelissima interim, & sapientissima, aderat cura peritissimi Medici *DE BYE*, qui in finem vitæ præsens semper adstitit. Ille autem hoc tempore observabat, ex pertinaci incrementis tormenti violentia sola, deficere, & labi, actiones vitales, cæterum nullius novi accessione symptomatis dilucidius apparere morbum. Quare scriptâ tunc ad me de præsentis negotio epistolâ monuit Vir optimus, proposuitque, in re adeo ancipiti, summopere simul urgente magis magisque, nunquid periclitandum esset, quidnam forte boni altera efficeret venæ-sectio? potissimum quidem, dum arteriarum ictus crebriores jam, & paulum fortiores, insurgerent, atque inspectus etiam, qui prima vice fuerat eductus, cruor, tenaciori, atque subviridescente crusta regeretur. Movebat igitur sperata doloris remissio, ex debilitata ulterius vitæ actione. Neque à parte *Ægri* obstare quid credebatur: dum paucas modo ante horas valido corpori illibata constitisset sanitas, neque evacuatio ulla, una excepta prima missione sanguinis, vel minimum vires labefactaverat, interimque assumpta, nec reddita, auxissent bonos, haud diminuissent, humores. Deliberavimus ergo, ut solveretur denuo, & statim quidem, vena; ita tamen, ut prius injiceretur clyster paratus ex uncis ix. emollientis ad clysmata decocti, quod Pharmacia habet recentior Leydensis, salis gemmæ drachma una, syrupi Altheæ Fernelii uncis duabus; quo tentaretur pariter, an hac forte via toties affectatum frustra levamen pertinacissimo posset adferri

malo. Consultum etiam habitum fuit, ut pergeret porro anodynis uti atque emollientibus internis, qualia usque sumserat. Ne vero credat quis, neglexisse nos incuriâ, aut ex oblivione omisisse, narcotica! imo vero hæc recte consideravimus, num utilia forent ad hocce mali genus. Sed graves movebant nos rationes, ea ut hîc repudiaremus. Quarum sane potissima nobis ea videbatur, quod opii nota virtus omnes inhibere soleat evacuationes, una quidem insensibilium perspiratione exempta, vomitum utique, alvi fluxum, urinæ evacuationem quam maxime, impedire. Nobis vero hîc erat tractandum plenum corpus, differtum penitus humoribus assiduo, nec parva certe copia, per tot horas jam ingestis; quorum interea nihil fere redditum fuerat hætenus. Hos igitur omnes retineri expanso quidem, sed constricto per convulsionem utroque in ventriculi orificio, stomacho, cogitabamus, ut qui hujus essemus rei quam certissimi. Sed quam falso! protinus omnia ita peracta sunt, & clystma tunc injectum ocyus solvit, & commode, alvum, subduxitque fatis, qualia decedere solent recte valentibus, excrementa corpori; sed nihil inde compertum est auxilii. Horâ dein nonâ ante meridiem, haud ita diu ab effectu Clysteris, pertusa iterum vena dimisit sanguinis decem uncias. Sed neque & hinc vel fuit mutatus dolor. Contra diri magis dolores discruciabant, nec pacare erat horum sævitiam per placidissima quæque remediorum. Hæc Ille considerans, inter atrociam dilaniationis tormenta, composito profecto, & sedato, pectore, nec ignarus, neque venturi incautus, domestica ordinare, amicis suis atque necessariis extremum vale dicere, DE O resignare data, constantique asseveratione prædicere, ope humana nihil ad hoc malum solatii afferri posse, cæterum velle se agere, patique, quæcunque vel fortuita Medici suaderent.

Accedentem rursus me pomeridianâ teritiâ amicissime excepit, atque salutavit, ut semper, quam blandissime, statimque certum fecit simul, quam omnia expertus esset irrita, quamque certa brevi instaret jam, & quidem unice optanda, mors; si vero superesset quid in arte necdum tentatum, quod crederetur profore, paratum se, qui spe finis vel durissima quæque ferret, atque incertum quoque vel anceps experiretur, Carissimo se id debere pignori, cæterisque consanguineis, ut intelligerent, fieri quæ poterant, fuisse facta. Vidi tunc, quum omnia hæc proferret quam mirissime, præsentem jam instare mortem! Ast æque interim & jam obscuram acerrime dolui diagnosin! Urinæ ab aliquot horis nihil demittebatur amplius, nisi quod pauculæ conatu magno, neque sine urentis ardoris sensu, guttulæ exprimerentur. Deficiebat plurimum debilitata jam, & oppressa, cordis, arteriarumque, actio. Citatus quoque anhelitus, atque interdum fractus, suffocantis quid & intercipientis spiritum, ostendebat. Frigebant extrema cum pallida mortis imagine. Mens bona. Et tum quoque priori idem datus clyster extemplo alvum solvit; cedere nescius stetit dolor. Quesus de conatu egerendæ urinæ vi magna paucissimas tantum expressit guttulas, acris odoris, crassas, rubras: ut constaret liquidò, de tanta potuum ingestorum copia nihil ad lotii officinas pertingere. Fortiter jam urgebat spirandi difficultas. Rursus in delibera-

tionem itum fuit, atque per consultationem tota denuo res ventilata; iterum specie veri decepti collegimus, hæere omnia in constricto, nihilque demittente ventriculo. Summa ideo ope nitendum, & supremo tentandum conamine, ille inaniri ut posset, fatalique suo levare onere, solutis, quæ impedirent exitum, repagulis. Simul putabatur efficacius id, tutiusquæ haud posse perfici, quam si, hausto prius ad binas uncias presso de amygdalis dulcibus oleo, epotisque desuper septem tepidæ uncis, fauces humecta oleo penna irritaret, sicque postrema tandem vice periclitaretur levare ventriculum. Ita inani nos consilio disputabamus! Ignaris etenim latentis causæ nihil affulgebat spei, nisi ab unica, & promptissima quidem, ventriculi evacuatione. Supputabamus nempe liquorum assumtorum copiam; comparantes dein, quam parum per vomitum, ut nihil fere per lotii vias, exinde redditum fuisset, imo ne quidem pervenisset eò, haud potuimus non colligere, quin tota illa ingestorum copia uno hæreret in ventriculo. Illum ergo omnem mali sedem, illum immaniter distentum, illum spasma pylori contumaci, & oris superioris violenta convulsione, constrictum esse. Quomodo-cunque negotium versaremur, à quacunque contemplaremur parte, semper eadem redibat idea. Sed errantes nos in causa hac, & sede, assignanda morbi, in falsa magis duxit deprehensus jam, atque assurgens perpetuo accrescendo in epigastricis manifestus tumor. Interim, dum ipse Nobilissimus Ager nostra his omnibus colloquia audivit, & consilia intellexit, ita arrisit propositum hoc de tentando adhuc per lenia remedia vomitu, ut non modo illud comprobaret tanquam unicum, quod suo posset subvenire malo, sed & confestim occeperit negotium. Ingenti igitur animo hausit oleum, & tepidam, magno dein conamine irritavit fauces, reddiditque parum liquoris fuscii, absque oleo, & absque ullo levamine. Ultra cupidum agere vires defecerunt: Defatigatus itaque abstinit, tumque prima quidem vice in dextrum latus decubuit, alsit mox, totusque expalluit, profuso universum per corpus sudore gelido; neque diu post hæc, resolutis subito viribus, quintâ vespertinâ, quam placidissime exspiravit, cunctisque flebilis bonis Vir inclytus occidit.

Clarus Dominus *de Bye* mecum secessit, atque, habito super hoc casu sermone, fassi sumus, haudquaquam exputare nos posse causam morbi, multo tamen minus mortis tam subitanæ: igitur neutri nostrum ita quiescendum esse, priusquam, inspecto cadavere, evidenter sciremus, an ignorantia, neglectui, vel alii cuidam commisso nobis vitio, imputanda foret jactura crediti nobis Viri Nobilissimi? an vero major latuisset in corpore causa, quæ nulla fuerat arte humana medicabilis? Petivi itaque exquisitissimis precibus ab Illustrissimæ Familiæ Capite, liceret nobis in cadaver ipsum introspicere. Assensit benigne voto flagrantis Vir Nobilissimus. Viginti & quatuor horis à morte Defuncti corpus aperui, præsentibus, Nobili D. *de Bye*, Reverendo D. *Surin*, Eruditissimo D. *Francken*, Viro Honesto *Nicolao Stam*, atque Chirurgo famulo. Observatorum seriem ita delineare jam annitar, ut præsens ipse si fuisses, potuisses contemplari.

1. Nudatum cadaver undiquaque, intentis per omnia oculis pererran-

tes, accurate perlustravimus; erat integerrimum illud, hominisque vegeti, in nulla parte externa læsi quid spectabatur, præter paucula jam commemoranda.

2. Ab utroque scilicet latere, cutis obscurius rubro colore, eoque subpurpurascente, fœdata deprehendebatur, cum intersparsis hinc inde atris fere maculis per illa loca; singulari quidem, & sane terribili, spectaculo: prorsus ut cerni solet in his, quibus acutissimam per inflammationem siderantur intercostalia, atque inde exteriora turpiter livescunt. Funestus ille color occupabat omnem utrinque plagam corporis, quæ circumscribitur rectâ ductâ in utroque latere pectoris à media clavicula deorsum, donec attingeret per viam sterno parallelam hypochondria, inde vero ambitu ipsius diaphragmatis ad lumborum usque vertebrae retrorsum, supra vero usque in altitudinem axillarum se distendebat.

3. In toto autem descripto jam spatio, ubi luridus hicce color deturpabat adspectum, frequentes apparuere, albæ, exiguæ, distinctæ, bullulæ in epidermide, quales adesse solent in cuticula, ubi hæc locis incumbit sideratis.

4. Quum porro sollicite attingerem, atque digitis leniter valde atrectarem hæcce loca, miram sensi in illis mollitiem, adeoque singularem certe, ut similem aliàs invenire non meminerim. Erat nimirum fluctulentus tumor, qui non altus, sed latus valde, se diffundebat. Cedebat pressus, atque laxatus in priorem altitudinem sponte resurgebat. Examinanti vero attenta pertractatione exhibebat levissime crepitantium vesicularum sonitum quasi, & sensum. Ut equidem speciem referret perfectissime, quæ observari consuevit in illa humani corporis membrana, quam Vir in Anatomicis primus *Ruvschius* tunicam appellavit cellulosa; quoties scilicet illa, inflatu distenta aëris, turget, atque molliter palpatâ digitis videtur crepitare leniter. Hæc vero genuina emphysematis species late se extendebat per omnes partes illas, quæ colore lurido infectæ spectabantur, quin & amplius extra easdem quoque hinc inde se ostentabat.

5. Abdomen elatum, assurgens, tensum, præcipue tamen ad hypochondria, & epigastrium, ita sane, ut alieno valde, eoque insigni, tumore assurgens ibi emeretur.

6. In cæteris pulchre nitens, candidusque, spargebatur color, optimusque laudabatur habitus, qualis ea ornat, quæ secunda fruuntur valetudine, corpora.

Singula hæc enarrata, ut notarent accurate, atque firma quoque habere vellent in memoria, perpetuo monui præsentem: quum mira hæc & singularia penitus spectacula rerum adspicientem me percellerent, atque in millenas, omnes tamen falsas, suspiciones abriperent assiduo. Ubi denique nihil in facie corporis exteriori circa abdomen, & pectus, non exploratum oculis, manibusque, relictum, ad perspiciendam corporis conditionem internam animum advertimus, oculosque, caventes potissimum ne quid nostrâ hic operâ ita turbaretur, ut incertos faceret in dignoscenda ipsius mali natura.

Itaque dein epidermide, & cute, incisus levi inflicta plaga, quam

ab extrema xiphoïde cartilagine rectam in umbilicum moliebar, demiratus fui, quod vulnus statim in amplum valde hiatum pateſcebat ſponte ſua, depulſis veluti, & diſtractis vi in latera ejus labiis, atque aſſurgente ſimul per hoc ſpatium adipe præter naturam inflato, & elatiſco; muſculi autem, & cætera circa abdomen, quam ſaniſſima cernebantur, niſi quod circumfuſâ pinguedine tam mire inflatâ per omnia hæc loca involverentur, quæ renitens tactui, duraque præter naturam, ubique erat.

2. Peritonæum poſtea, qua parte integumentis his jam liberum erat, in regione epigaſtrica in altum exſurgebat, ut conſpicuus, valideque diſtensus, ejus tumor, veſicæ inſtar adacto per flatum aëre turgidæ, poneretur ob oculos, atque per patulum vulnus emeretur, in reliquis etiam partibus peritonæum tenſum quam maxime, & extrorſum turgens, ſentiebatur.

3. Simulac vero, apice cultelli in elatam peritonæi membranam adacto, cuſpidem leviter per illud tranſegi, nulla certe ſubjacentium partium vel leviffime læſa, è veſtigio aër exſiliit notabili cum impetu, magno cum ſibilo, ingentique copia. Id iterum ſingulare prorſus effecit, ut & hîc ſubſiſtens varia volverem mecum, atque ruptum quid falſo ſuſpicarer in cavo abdominis, per quod deglutitus exiſſet aër. Utcumque erat, admonui omnes rarius contingentem obſervare rem ut dignarentur.

4. Diſciſſo hinc verſus epigaſtrium peritonæo, quamvis parum, ilico fortiffime appreſſus huic, & ad rupturæ minas inflatus, ventriculus ſe obtulit, exſiliitque celeriter per vulnus, quouſque per hoc partem ſuæ molis potuit adigere.

5. Tumque perſciſſo ad decuſſim circa umbilicum à fine oſſis pectoris in pubem uſque, ruſuſque utrimque ad vacua lumborum dicta ſpacia, eodem peritonæo; reductiſque quam prudentiffime quatuor ſegmentis ita, ut læderetur nihil, nihil ſua ex ſede turbaretur: peritonæi facies interior ſpectata eſt pulcherrima non modo, ſed & omnia abdominis viſcera, ſponte ſic oblata oculis, ſaniſſima reperiabantur, abſque omni nota inflammationis, ſine ullo alterius mali indicio. Unum exceperis, quod à ſanitatis divergebat ſignis, quod ſcilicet inteſtina, & ventriculus, flatibus extenſa, magna inde, & turgidiſſima ſpectarentur.

6. Scrutatus ordine ventriculum, omentum, hepar, inteſtina, lienem, nihil quidquam repperi præternaturale in his, præter modo dicta. In una tamen Ileï parte, haud ita procul à Cæco cernebatur locus, in quo inteſtinum hoc conſtrictiſſimum erat, dum ſupra eundem, atque infra, ſtatim valde dilatatum ſe extenderet, ut ſpeciem daret fiſtulæ inteſtinalis fortiter inflatæ, atque interim vinculo parum lato conſtrictæ. Nulla tamen aderant volvuli ſigna. Cæcum valde fuit inflatum. Colon nihil præternaturalis habuit. Urinaria veſica vacua penitus, inque minimam contracta molem, & ſicca fere apparebat; qua quidem re vix alia mihi tum eſt mirabilior viſa: quum nihil lotii per tot horas à tam largo potu egeſſerat veſica, hæcque ideo urinæ quam pleniffima exſpectaretur. Diaphragma quoque ſollicite exploratum, totum quantum bonum repertum fuit, inculpatumque. Nec ulla in meſenterio morbi cu-

juscunque nota. Perspeximus & modo integrum cavi abdominis spatium; ut certi redderemur, an in eo forte effusus haberet quacunque demum, cæca licet, via humor ille, qui tam profusus epotus, neque tamen redditus erat. Sed neque hîc vel vestigium suspecti mali hærit: quum nihil equidem humoris extra vasa sua fusi deprehenderetur. Nullum itaque mali indicium omni hac perscrutatione deteximus, præter solos flatus, qui ventriculum inflabant & intestina. Hæsimus multo jam, postquam sedulo vel minima quæque excusseramus, quam dudum incertiores. Nihil cernebatur, cui mors, aut vel morbus, posset jure imputari. Ventriculus tandem distentissimus, ingens, cæterum nullo modo culpandus, oculos in se trahebat spectantiumque animos. Hunc ubi intra appositas comprimebam manus, renitentem quidem, neque tamen durum inveni. Utcunque vero conarer flatus exprimere distendentes, inanem adhibui operam, patiebatur densari in angustius spatium, nequaquam vero evacuari ex ventriculo materiem distendentem, quæ simul desinebat compressio, resiliens in pristinam se figuram, atque magnitudinem, restituit. Elevanti autem levis admodum sentiebatur; ut vel ita constaret flatulenti quid eo contineri, non autem liquores acceptos intra hære reconditos. Postquam igitur levi, suspensaue dextera exiguo hunc pertudi vulnuscule, continuo qua data porta, ruebat cum sibilo sonoro, & valido impetu, inclusus prius, atque arctatus aër, flaccidus extemplo residebat penitus tumidus antea ex aëre ventriculus. Nihil ille quidquam supra descriptos flatus continere jam visus est; nisi quod parum liquidi, quod colore erat dilute ex fusco rubescens, in eo jam collapsio fluctuaret. Sanguinei hoc in liquore nihil mistum fuit, biliosi nihil, aut corrupti, foetidive, imo tandem & cibi vix ullæ restabant reliquæ.

Tum vero demirantes nos omnes, & stupefactos, videre erat. Reperiebamus insignem nullam morbi in ventriculo notam. Nullus ibidem tumor, color nullus mali majoris index, ne levia quidem inflammationis invenimus vestigia. Unde autem contigerat, ut sanus adeo, omnique crassiore materie vacuus omnino, flatus adeo turgidos haud dimiserit ventriculus, ne à morte quidem, per quam vis musculorum spasmodes resolvitur? Hæc autem ferenda forent: quænam capi potest ratio vacui ventriculi, in quem tanta vis liquorum affusa fuit? quorum tamen nullum vestigium usquam repertum sub pyloro est, nec in fistula intestinorum universa, nec in vesica, neque in ipso tandem abdominis cavo. Ego quidem dicam, attonitum usque adeo me hæsisse, ut dubitarem fere, an somniarem vigilans: quum reperirem eo in loco nihil, in quem affluxisse omnia, erat mihi quam maxime persuasum. Necessario igitur in thorace tandem investiganda credebatur mali vera causa, illum ergo anxie perscrutandum oculis. Ut vero efficerem id ipsum securissime, omnia prius abdominis viscera suis reposita locis ordinavi, ipsa deinde hujus integumenta in situm composui quemadmodum naturalem, tumque cum cura nexus naturales futura imitatus sum, diaphragma ut suo rite rursus loco thoracis formam redderet.

Quibus curatis, postmodum

1. Pectus aperire aggressus prudentissime, lente incidi communia pri-

mo integumenta corporis, dirigendo semper secantis cultri aciem per curvam lineam, quæ describi intelligitur per loca, quibus extremis costarum ossibus committuntur cartilaginum sterni lateribus applicatarum averſi à ſterno fines. Hac in parte orſus à ſecunda ſuperiore coſta, rexi cultrum per deſcriptam ſemitam uſque ad eam regionem, qua inferiorum coſtarum cartilagineſ limbo ſepti medii incipiunt accreſcere. Nec valui tutiorem excogitare rationem, ut ſecurus non perturbati ordinis, interiora conſpectui exponerem. Ne mireris vero, quod hac in ſeſtione tardiuſcule proceſſerim: deprehendi & ita eandem hîc conditionem inflati adipis, ex molli ſua indole in renitentem duritiem mutati. Diductis ſua ſponte hiabat & hîc labiis vulnus. Singula hæc obſervare erat animus. Poſtquam ergo adacti cuspis cultri ad pleuram jam fere penetraverat, hæc ipſa, ut antea in abdomine membrana peritonæum, in bullatæ ſpeciem veſicæ per intercoſtalia, & meſochondria, intervalla extrorſum ab interna parte thoracis eminebat; haud aliter, quam ſi flatu ingenti in pectoris cavum acto per interſtitia coſtarum, & ſegmentorum cartilagineorum, membrana hæc haud parum urgere-tur. Sed, ô res mira! Vix acuti apex cultelli per exiguum pleuræ inſi-ctum foramen penetraverat tam parum, ut ſubjectarum partium ne ul-lam vel attingeret, quin ſubito, magna cum exploſione, & perdurante diu ſonitu, ær per minimum hoc vulnuſculum proſiliret ita, ut vio-lentia in exeundo, & temporis, quo protrahebatur hic exitus, longitu-do omnino demonſtrarent magnam æris copiam hac via exiſſe. Quum tam clare hoc animadverterem propriis fere diſſiſus oculis, auribuſque, commonui iterum omnes rei penitus inſolitæ. Quis enim notavit un-quam, exſiliſſe ærem de thorace hominis, cui nullum externe appa-reret inſiſctum vulnus? Qui reſpiratione uſus fuerat? Cui nulla pars, ſola excepta pleura, in pectore erat pertuſa? Sane, ſi in phyſiologicis ullum, id compertum eſt effatum veriſſimum eſſe, nihil æris hæreſe natura-liter inter concavam pleuræ, & convexam pulmonum ſuperficiem. Eo quidem ruere poſſe, ſi per ſoluta morbo quocunque bronchia admitti-tur, aut per patentia in cavum ejus uſque vulneta thoracis ſe penetra-vit, chirurgica docent. At, pulmone integro, neque vel per tardum, neque vel per acutum, morbum læſo, tum etiam abſque ulla vi externa, totum pectoris cavum ære elatiſtico, compreſſo, atque longe fortius ſe expandente, quam externus in communi atmophæra valebat, inflatum fuiſſe, prodigioſum ſane! Quis autem mortalium cogitaſſet unquam de tertia via, qua potuiſſet ille huc perveniſſe?

2. Hæc quidem dum volvo mecum, totque mirabilibus velut per-cuſſus obſtupeſco, fidelibus tamen oculis utens, manibuſque, ſolvo quam cauſſime ſternum elevatum prius ſurſum & leniter quidem: ut transparentes per membranas dilucens ab altero latere irradians candelæ lux doceret, quam hîc nihil præternaturale; utque ſimul evaderem cer-tus, me, hoc agendo, nihil, ſolas præter membranas, dirimere. Præ-cidi deinde & arcus cartilagineoſos à diaphragmate; quo, ſublato jam penitus ſterno, certo poſſet videri habitus, ſituſque, partium in pectore locatarum. Et tum, certe in mediſtino, pericardio, & pleura, notabatur

omnino nihil, quod inculari posset, aut suspectum haberi, quasi ad hæc mala attulisset quidquam, aut & ex eo fuisset aliquid passum. Diaphragma quoque, prout hoc rerum situ conspicuum se offerebat, ab omni conspicienda labe immune videbatur. At aliud pulmonibus accidisse observatum fuit, quod in nullo unquam corpore vidisse me scio. Erant enim illi, utroque in latere thoracis, tam parvi, adeoque collapsi, ut quasi valida vi undiquaque applicata extrinsecus compressi in angustissima spatia invenirentur. Colorque his inerat cinericeo multo pallidior, atque vergens omnino in album. Porro sanissimi observabantur, quousque ita spectati superne, oculis objiciebantur. Qua equidem contemplatione non mediocriter commotum me sensi: quin præmissum modo observatum persuaserat, in pulmonibus notabilis quid iri spectatum, unde pateret via, qua æris tanta vis in cava se pectoris insinuare potuerat. Cor ipsum in pericardio jam aperto quam vegetissimum jacebat, nec in hoc ejus hospitio ulla labe.

3. Sed simul prima incisio aperturam in pectus fecerat, exhalavit de eo insignis nidor, qui adeo vivide peculiarem carnis anatis odorem referebat, ut temperare mihi nequiverim, quin in hæc erumperem verba; demiror, unde singularis hicce halitus, adeo insuetus thoraci, si in ventriculo versaremur, putarem utique anatum carnes eo contineri. Occurrebat statim hæc proferenti verba Dominus *Francken*, qui ultimo in prandio *Baroni Nobilissimo* assederat, dixitque haud temere id sagacibus suboluisse naribus: hunc enim fuisse præcipue cibum, quem ultimo in prandio, haud ita multis ante initia mali horis, assumerat. Neque enim hætenus rem illam narraverat mihi quisquam; sed comperit hoc demum tempore, hacque primum occasione, superius inferui historiæ, quæ recitavit ea, quæ ante inchoamenta morbi accidissent corpori. Fuitque omnium prima hæcce causa, quæ incepit persuadere nobis, detegendam ocyus longe aliam malorum causam, quam de qua fuerat cogitatum hætenus.

4. Eam vero liquidius cernebamus, quando statim, volens pulmonum lobos in dextro latere sitos elevare parum; ut scirem, an hi penitus illæsi forent? detexi rem, quæ per se ipsa mira fuit, & ad quam omnes obstupere simul, quotquot aderant. Quid enim? natabant hi in subjacente humore, qui totam resupinati thoracis cavitatem à parte dextera integram replebat inferius; atque levato hinc pulmone fluctuans cernebatur. Id postquam cuncti viderunt quam certissime, attollo quam mollissime pulmonem in hocce latere, eumque tam suspenso, molliter, & sollicito tracto interea, ut abesset omne lædendi periculum; tum cotyla primo porcellana exhausta de pectore, hoc ad latus, liquorem inibi hærentem, reliquias deinde bibula, sed purissima, spongia absorbui, inque unum vas infundens, atque pressa spongia demittens, omnem liquorem collegi, illamque ita partem pectoris perfecte mundavi, lædens omnino nihil, neque suo movens loco.

5. Antequam ulterius pergere auderem circa hæc, converti ad sinistram thoracis partem, ubi ilico invenimus omnia quam maxime similia, ut fueramus demirati in altero latere. Liquor enim & hîc aderat

extra

extra vasa, omni specie, colore, odore, atque ipsâ quoque copiâ, idem perfecte illi, qui in dextro erat deprehensus cavo. Et illum igitur pari cum cura inde collegi, priorique affudi, pectus & ab hac parte summa cum sollicitudine purgans ab omni humore effuso. Erat vero hic idem omnino omni facie illi, qui inciso ventriculo ibidem apparuerat: utrobique color cerevisiæ Gedanensis dilutioris cardui affusa aqua, ex rubescente fuscus; odor nidorem carnis anatum distinctissime exprimens; supernatabat hîc quoque oleum de amygdalis pressum abundantîâ circiter illâ, quâ epotum fuerat ultimo; spissitudo, ingestis prorsus respondens, vix superabat multum aquæ fluiditatem, nisi quod parum admodum consistentis magis materiæ hinc inde intersparsum spectaretur. Post severius tamen examen ne guttula sanguinis in toto cernebatur liquore; neque apparens ullum indicium puris inerat, neque vero ullum aderat aliud signum corrupti humoris. Abundantia curate expensa ad stateram exhausti illius ex cavo thorace utrimque æquabat uncias integras centum & quatuor, secundum Amstelædamensium ponderum rationem facta supputatione. Certi hujus rei, magis jam magisque cœpimus intelligere modum mali; indaganda supererat via, qua motus humor huc delatus fuerat.

6. Itaque, expurgato nitide pectore, levissima suspensæ manus actione elevatos lateris sinistri pulmones, retinendos quam blandissime adstanti dedi famulo chirurgo, patulum sic hac à parte perlustravi thoracem intentissima in omnem ejus plagam oculorum acie; sanissima undique reperiebantur omnia eousque, donec oberrantes oculi ad eum pervenirent locum, qui distabat duabus à diaphragmate uncis, in illa parte pleuræ, quæ incumbit ibidem sinistro œsophagi lateri; ubi cernebam evidenter plagam, quæ laxitate, colore nigrescente, tum & tumoris quasi flatulenti specie, satis se superque à cæteris distinguebat. Substiti, movi nihil, compellavi præsentem, spectarent locum, ubi credebam tanti mali integram originem hære. Dum singuli, suo quisque ordine, acie oculorum observassent locum ita affectum, qui orbiculari figura tres forte pollices in diametri mensura æquabat, detexi manifestò in ejus medio fissuram hiantem, cujus longitudo sesqui pollicaris, parallela basi corporum vertebraliûm dorso; latitudo, qua patebat, trium forte linearum mensuræ æqualis, spectabatur: Hanc statim, moniti, omnes, ordine rursus quisque suo, quam distinctissime, lente, diu viderunt. Dein pressi apice digiti quam lenissime elatam flatu veluti hujus tumoris superficiem. En ocyus ex raro, & flatulento, loco defluebat per fissuram in cavum sinistram pectoris humor quam simillimus illi, quem utrimque exhaustum antea fueramus mirati; quique, sub elata in hoc loco pleura, in raram suppositæ membranæ cellulosæ texturam vi sua se penetraverat, itaque effecerat tumorem bullatum atque nigrum colorem diffusum per definitam modo plagam. Quam attonitos reddiderit hoc spectaculum facillime Tu, mi Lector, capis. Eò itaque sollicitâ magis curâ perquirendam ultra conditionem censuimus, maximeque cavendum præ cæteris, ne scrutinio efficeremus ullum, præterquam quod ipsa mali indoles ex se haberet, malum. Prudens ideo, quam

mollissime, apicem indicis digiti aperturæ hiantis in pleura vulneris ori applicui, lenissime intromisi in admittens facile vulnus, offendi omnia mollia, inflata, supra vertebrarum corpora, usque in alterum dextrum cavum thoracis patentia; sic enim elata inflatu, & repletionem, membrana hæc texturæ raræ valde, tenuis, & cellulosa, secesserat ab aliis partibus. Tum vero adstabam intentus, quid hoc esset rei? neque enim vestigium œsophagi in toto tangebam vulnere. Sed hoc illud erat monstri horrendi, quod hîc alebatur! quippe, dum reducti leniter digiti apicem per vulnus hoc placidissime sursum volvo, in vacuum ille devolvitur sponte locum; abrupti, sursum retracti, œsophagi partem assequitur, facillime totus pendulum cavum intrat, extrinsecus conspicitur in œsophago, jam eo ingressus, tumore suo manifeste. Vix mihi met credo exploranti, cunctos stupefactus advoco, monstro rem inauditam, nunquam expectatam. Postquam eduxi, nemo adfuit, quin exploraret ipse; tandem rursus immisso indice meo dextro per vulnus pari cum circumspectione, introitum inveni deorsum in ipsum ventriculi cavum.

Sed & ibidem abrupti œsophagi versus diaphragma retracta pars se aliquantum subduxerat, ut superiori accidisse jam descripsi. Quibus ita explorato cognitis, neque per lenissimam laxè admissi digiti perscrutationem ullâ noxiâ ulteriori partibus à morbo læsis illatâ; ad distantiam trium pollicum sursum à vulnere jam cognito inflexi acutissimo scalpello plagam sinistro œsophagi lateri, ita quidem, ut hæc in cavum ejus ductum, nec ultra, penetraret, eo quidem animo, ut constaret spectantibus, quò versus, immissus per hoc vulnus, digitus ipsa hac via duceretur deorsum quam lenissime actus; nec mora, exivit sic adacti apex per illam fissuram, quam morbus vi majore molitus erat.

En Tibi, care Lector, horrendi mali tristissimam historiam! hanc mœstissimo ipse fane, in ipsam tamen rei veritatem intentissimo, animo ita descripsi, quemadmodum fataliter contigit; ut tuto Tibi credere fas sit, nihil quidquam additum, præterquam quod ipsi fideles oculi liquido cernebant, omissum nihil, quod ad rem intelligendam apparebat necessarium. Ulterius alia hîc scrutari, corpusque lacerare frigentis, religio, reverentia, atque pietas, vetabant. Tu fane, proprio ex ingenio speculationi uberrimam materiem jam nactus, plurima elicies, quæ ad intellectum naturæ humanæ faciunt, alia, quæ calamitatem imbecillæ machinæ nostræ & fragilitatem, indicent novo quidem, horridique mali, exemplo. Meum puto pauca legere, quæ suos in usus discere hinc Medicæ artis Studiosi queant, atque, ne verborum inanium ventoso tumore odiosus Tibi sim, in simplicissima Corollaria contrahere. Certum itaque ex enarratis puto.

1. Nihil eorum, quæ ultimo prandio assumpta fuerant, causam præbuisse malo: quum nulla deprehensa fuerit materies, quæ mole sua potuerit incommoda esse; longe aberat, ut ita lædere potuisset. Apparebant quippe ingesta omnia jam perfectissime vi naturæ resoluta in liquorem fluidum, sive in ventriculum introspectaremus, sive expenderemus ea, quæ in thorace deprehendebantur utrimque. Inprimis vero cernere erat interiorem totius ventriculi membranam, in qua inflammari nihil,

nihil erosi, lacerative, videbatur; contra vero omnia integra, nisi quod inflatu distenta nimium turgent.

2. Nihil ullius veneni fuisse, quod erodendo dissolvisset partes, vel irritando spasmos lethales excitavisset: neque enim tale quid ingestum fuerat. Sedulo nimirum in primo statim examine, quum anomala præprimis, heteroclita, & inopinatò orta, symptomata nos urgerent, exactissimis minimum distantes quam exquisitissima omnia indagine perquirere, nihil invenimus quidpiam suspecti. Et quidem tanto acrius hæc excussimus, atque diligentius, quo Nos ipsi, in tam insueto morbo omnia magis suspecta haberemus. Verum, neque in ventriculi aperti membrana interiore, ut jam distincte memoratum est, apparebat ullum dubium, aut obscurum, signum vel minimæ inflammationis, corruptionis, erosionis, aut siderationis. Imo vero ne ulla quidem materies heteroclita, aut corrupta, quæ saltem notam ullam daret talis mali. Quum nullus saniosus adesset ichor, tabefacti humoris nihil, neque usquam conspiceretur insoliti coaguli quidquam, aut ullus alius effectus veneni.

3. Quin etiam jure asseruero, haudquaquam deberi atrocis morbi ortum ulceri jampridem genito in ea stomachi parte, quæ deprehensa fuit dilacerata, quodque lenta tabe membranas peredisset tam ipsius œsophagi, quam pleuram & cellulosam. Haud dubito, fore plerosque, rerum inprimis peritos medicarum, ita qui sentiant. Neque diffiteri fas est, vel nos ipsos talia potius suspicari voluisse primo, quam credere longe minus possibilia, dum poneremus, valentem suæ tenacitatis robore fistulam hanc subito, absque prægressa labe, ruptam fuisse: maxime quidem, quum nulla appareat vicina, aut contigua, pars, quæ vi sua agere possit in hunc tubum tanta cum distractione, ut discerneretur ille hætenus integer. Plausibilem præterea hanc opinionem Medico reddit morborum in cadaveribus inspectis descriptorum historia fidelis. Crebra ibi ulcerum in ventriculo atque & in intestinis quoque deprehenforum, recteque firmata descriptio habetur. Quin & harum partium membranz, ulcerosa tandem teredine tabefactæ, penitusque peresæ, mortis præsentis causæ habitæ fuerunt. Tandem & hoc videbatur inducere Nos, ita ut opinaremur, dum recordabamur scilicet, sæpenu-mero queri solitum Nobilissimum Virum de malo quodam, quod ponderis cujusdam ingrati sensum faceret ori ventriculi, quamque præcipuam Ille causam habebat, cur toties vomitu conaretur arte excitato levare se hoc premente onere. Ut omnia hæc tribuamus, non ideo dedimus cætera. Intelligis interim pulchre, & tua sponte, quisquis hæc revolvit, haudquaquam perfunctorie Nos potuisse rem tantam agere, neque negligenter. Sed quò lustraremus acutiori, magisque clara, acie, & plagam ipsam, & vicina illi loca, eò evidentius omnia dissuadebant huic subscribere sententiæ. Quando enim undique conspiciebamus omnia, atque pertractabamus digitis, nullus cernebatur tumor ulcerosus uspiam latere; neque verò oculo, manuive, apparebat ulceris ulla species, nulla elatior, simulque fungosa, moles, labia nulla turgida, humida, spongiosa, purulenta, cava nulla sinuosa, nullæ flexuosæ fistulæ, nihil ex partibus usquam deperditum, nihil in tabum purulentum mol-

liter liquefcens. Contra vero , omnia , undique , vividam referebant speciem recenti divulfione difruptarum partium , in quibus fuppurati , tabefacti , exefi , gangræna corrupti , peccaret omnino nihil. Neque Te morari patiaris tumorem mollem inflatæ , turgentifque , in plaga , membranæ cellulofæ , quem prius depinxi , quem adfuiffe jam dedi : Quum exploranti fedulo , atque diligenter , conftiterit , hunc modò ortum habuiffe ab impulfo humore , qui , rupto jam ftomacho , ibidem actus , fub pleura adhuc integra fefe infinuaverat in dilatabiles facile loculos tenues hujus partis : preffus quippe locus eructabat eundem prorfus , qui in ventriculo , & in thorace , fluctuaverat , humorem. Forte autem mentem fubit cogitatio , nigrum tamen apparuiffe partis læfæ colorem , certiffimâ quidem gangrænæ notâ. Ita & ipfe putabam à principio , fimul ac intuenti fe offerebat primo vulnus. Verum tamen ocys mutavi fententiam , quoties videbam nihil hîc gangrænofi , vel exefi , adefle , nec cadaverofi fœtoris ullum fignum ; ipfum denique liquorem fuiiffe nigrum , qui à Carduo , Cerevifia Dantifcana , potu ipfo affumto , hærebat in loco , & intenderat partes. Sed & nunquam olim , imo vero neque in ultimo quidem prandio , ulla unquam querela audita fuit de ullo incommodo , quod expeditæ , atque facili deglutitioni obftitiffet. Quod tamen omnino neceffarium videbatur , fi ex antiquo ibidem latefcente , aucto , atque tandem omnia depafcente , abfcelfu recens hoc , atque fatale fubito , ortum duxiffet. Et fane ponderis in fummo ventriculo fensus adeo frequens , & familiaris , eft quam plurimis , ut magni momenti hac in re vix habendus fit. Eo magis quidem , quo nunquam de urgente acerbitate ejus conqueftus fuerit , levem modò à compreffu moleftiam incufaverit.

4. Nihil adeo reftat , nifi ut cogitemus , recenti dilacerationi partis adfcribendam morbi rationem , & caufam. Credibile videtur , quum feptem vafa infufi ex Carduo Benedicto hauiffet , indeque evomiffet parum , diftentum fatis fuiiffe ventriculum hoc tempore , neque deorfum constricto pyloro demiffiffe quidquam. Solet enim tanto difficilius fe exonerare ille , quo magis impletus turgit. Quia vero infarctu turgidus , femper deorfum , atque antrorfum , agitur , utroque fane modo fortiffi ne omnem nixum impendit diaphragmati , cui concrevit , atque ftomacho , cui producto connafcitur. Protinus ergo anxio , atque oppreffo , à tanta aquæ copia fummi fuerunt tentati , & adhibiti , at frustra diu , vomendi conatus. Sed in hoc quidem fortiffimo nifu , qui fit convulfo violente verfus inferiora fepto , tensus jam à tumente prius ventriculo , atque à gula intrufo faucibus digito furfum tracta fimulque irritata , ftomachus dilaceratus extemplo videtur. Hoc enim conaminis articulo clamorem horrendum fuftulit , ruptumque quid interius nimis vere exclamavit , ftatim ante nihil omnino hîc mali paffus. Haudquaquam verifimile , totum hoc momento temporis tubulum hunc abruptum fuiiffe , fed continuata impleti ventriculi tensione , diaphragmatis motu ; irritatione geminata gulæ , ipfarum denique fibrarum contractione , primo impetu natum vulnus affiduo magis , magifque , lacerando dilatatum , tandemque difcerptum penitus. Interea folus , abfque Me-

dici consilio, haustu quatuor unciarum olei Olivarum, atque gulæ nova digito sollicitatione, intolerabiles inter dolores, aliquid olei assumti, & liquoris Cardui Benedicti infusi, magna cum vi rejecit, summos inter nifus. Rursum ejus quidpiam forbens, atque absque ulla dein sequuta ulteriore nausea retinens. Hauſta dein iterum Cerevisia Gedanensi calida ad unc. v, Jure vitulino postea copiose ingesto, cæteris usurpatis, liquoribus, atque retentis sine reddito fere lotio, absque nausea, sine vomitu, videtur ventriculus per os superius egisse liquores, cæteraque sua contenta, latâ jam vulneris viâ in membranam cellulosa, tum ipsam (horresco referens) u trimque pleuram dilacerasse, sicque quâ datâ portâ, ruisse hæc omnia in utrumque thoracis cavum, unâ cum aëre tam hîc semper præſente, quam & eo, quem assidua deglutitio huc deduxit atque affudit. Vera hæc esse, evincit paucitas lotii, vomitus nullus, inanitas ventriculi solo aëre distenti, copia assumtorum, horum omnium tota quantitas reperta in thorace, cum eo odore, atque colore, ut ingesta fuerant, ante dilacerationem œsophagi, rectâ in cavum ventriculi. Liquet hinc, in robusto hoc corpore quinquagenario majori, sic dilaceratas membranas, totas nervosas, atque acutissimi sensus, dolores peperisse omnium exquisitissimos, nunquam remittentes, semper acerbiores. Intelligitur admissum huc, calefactum, rareſcentem, pressumque aërem in cellulosa membranæ laxas, subtilissimasque ambages, usque ad subcutanea loca prius descripta pervenisse, eaque in verum emphysema inflasse; redituque sanguinis arteriis advecti per venas compressas impedito, ubique lividas vibices atque sugillatas exhibuisse maculas per latera utrimque dispersas. Denique certum inde habetur, cuncta hæc non valuisse mortem asserre prius, quam aër tantâ copiâ ex ventriculo, & gula, per vulnus in utramque fuerit delatus pulmonum apothecam, ut hi amplius explicari haud potuerint, tum enim respiratio impedita fecit malorum finem.

5. Tandem puto verissime adseverare mihi fas esse, malo huic jam nato, atque certissima per indicia præſenti cognito deinceps, nihil quidquam ab arte præsidii, nihil omnino spei, affulgere. Etenim deglutitio ipsa assiduo necessaria est ad humectandas fauces, illisque suppositas partes; quum tamen omnis ille, qui deglutietur, humor non in ventriculum ire queat, sed per patens in œsophago vulnus intra thoracem deflectat. Sed fac, nihil talis liquidi huc transmitti, ipse nihilominus aër deorsum latus ingreditur patenti hoc aditu in cavum pectus, cito illud replebit, atque suffocabit certo: si quid vero in alimenta, vel potulenta, aut & pro remediis, laboranti offertur ægro, omne illud pariter liberam in thoracem affectabit viam, ibidemque deponatur aggestum, necesse est. Fateor equidem, capienti horum omnium nihil longior trahetur, tanto tamen miserabilior, spiratio. Si vero exquisitissima fuerit, qua æger ille ab omni omnino re deglutienda sibi temperat, abstinentia, quamdiu igitur hac ipsa afflictum sustinebit spiritum? tristi licet fame se enecet, ignea ut siti aridum corpus depascatur mortalium miserrimus. Mille certe intolerabilibus cruciatuum inevitabilium tormentis consumtus in dies durabit quam paucissimos, ut in novas

semper, dirasque, crudelitates usque sufficiat, millies interim maturam pro solatio mortem implorans. Hæ tamen omnes solæ haudquaquam lethalis languoris habendæ sunt causæ: quum & pertinacissima quoque austerissimi de abstinence perfecta decreti observatio prohibere impar sit, ne abundans perpetuo in vacua ventriculi spatia undequaque depositorum humorum colluvies eò ruat. Quin imo nequidquam tentabit quis, quacunque demum arte utens, impedire aëris ad ventriculum accessum. Ille quippe semper vel præsens intestinis inest, aut ex materie, quæ semper ibidem affatim suppetit, flatulenta generatur, uterque ad inanem facile adigetur ventris specum. Quam expeditò verum omnibus his per directum œsophagum, vel ructuum specie, iter est! Erit itaque omnis interclusa hîc ad salutem via: quoniam ipsa illa, quæ non declinabili necessitate ad vitæ sustentaculum actiosa requiruntur, cogunt lethum suos corripere gressus.

Non hîc mihi objiciat infani auctor quis consilii, pertundenda esse dexterâ Chirurgi loca intercostalia! Neque jactet, educi sic posse humores, qui in cavitatem thoracis defluerant! Dicet, scio, naturam hæc exoneravisse sæpenumero infestam saburram, instantisque elusisse mortis minas, quando in hydrope pectoris frequentius, sæpe in empyemate, quoties autem effusus in thoracem cruor nocebat creberrime, paracentesis beneficio levata fuerat. Ostentat sane ex inepta, & ridiculosa, assimilatione fatalem inscitiam, quisquis exitiale adeo moliri suadet opus! Ponderet ex vero, protinus videbit, quam sit dispar ratio, quamque periculosa plenum opus alex, quod intentatum nitet. Admissus scilicet per vulnus lateri inflictum aër confestim in cavum irruet thoracis, atque suspensi hoc in latere pulmonis fibras comprimet, ut usui spirandi mox sit ineptissimus; quum vero & in parte altera urgeat eadem necessitas, perforatione ergo & ibi peractâ, ingressus per plagæ ora aër hoc etiam in latere pulmonem statim comprimet; adeoque, ut vel in elementis est Medicis, uno momento temporis hic æger suffocabitur. Vetat igitur sapientia Medica, tale quid incipere, dedocetque præcipientes dare nobis vitio, quod lethale hoc consilium negleximus. Neque sane verbis ultra opus est. Unum forte, quod mecum facere jure arbitror, si apposuerò in eos, qui carpere, & fingere, audaces, indociles vero faniora amplecti, ni aperta in luce se convictos videant. His ego si dederim, quod nemo largietur, valuisse ope paracentesios tuto evacuari illos de pectore liquores, ne sic tamen, vel remotis his, profuturus erit ægrotanti Medicus, nisi ille pariter suprahumanâ industriâ reperisset modum, quo protraheret incolumem homini vitam, absque ulla necessitate, absque ullo usu, novæ deglutitionis. Quod vere esset Promethei instar, pro arbitrio ingenii, partes apponere, rursusque corpora hominum de integro refingere!


Quare tandem omni hac disputatione effectum prudens colligo; *morbum descriptum, quum occurrebat, à nobis certas per notas cognosci non potuisse, si autem fuerat perspectus, optima tamen auxilia fuisse aspernaturum. Posthac autem, indicio hujus historiae, detegi quidem posse, ubi recurreret, nentiquam ullo professionis salutaris officio sanari.*

F I N I S.



A T R O C I S , R A R I S S I M I Q U E
M O R B I H I S T O R I A
A L T E R A .

C O N S C R I P T A A B
H E R M A N N O B O E R H A A V E .



V I R O D O C T I S S I M O , P E R I T I S S I M O M E D I C O

J A C O B O K A A U ,

A F F I N I S U O C A R I S S I M O ,

H . B O E R H A A V E .

A N N I jam ultra triginta elapsi sunt , à quo Medicinam unà excoluimus , communi consilio , instituto communi , hanc non perfunctorie tractantes . Et sæpenumero interim , accidisse meministi , ut colloqueremur de ambiguis notis morborum ; quæ , licet ipsæ quidem manifestas se nobis offerant , tamen vel sic anceps relinquunt , quamnam illarum causam physicam in corpore latentem debeamus pro vera agnoscere , cuique radicitus exstirpanda impendenda sit rationalis Medicinæ potestas , Semper enim , dum incerta hæc Medico signa occurrunt , occurrunt autem nimis crebro , maximam nasci difficultatem proposito disciplinæ nostræ , experti dolebamus . Sive autem illud inde evenit , quod una causa eventus in corpore producit varios ; sive quod effectus , qui nobis iidem prorsus apparent , interim à diversis omnino causis excitantur ; sive denique quod utrumque hoc fiat simul . Sane castigata ad severas scientiæ leges Medicina fateri cogitur , illam sapientiæ suæ partem , quæ in dignoscendis , atque interstinguendis , accuratissime morbis versatur , exigere , ut observatione exactâ enumerentur omnes , quæ hic unquam sensibus explorari queunt varietates casuum signa inter & morbos hisce signis indicatos . Ita scilicet , neque alia ulla ratione , habebitur pulchrior artis perfectio , quam Boni omnes optamus , cui promovendæ omnem damus operam .

Videturque adeo hoc Græcis creditum Medicis ; ut hinc signorum doctrinam tanti fecerint , ut Hippocraticorum operum vix decima pars agat de aliis omnibus Medicinæ partibus simul , dum cætera omnes in sola signorum historia occupantur. Ipse exemplum dedi jam prius , dum mestissimus acerbissimum Nobilissimi , atque Illustris , Heroïs , JOANNIS DE WASSENAER fatum tremulo descripsi calamo. Nunc historiam terribilis morbi , cujus insuperabilis violentia acerbo funere merfit Illustrem Marchionem DE SANCTO ALBANO , pari tristitia compono. Ex utroque memorato malo constare puto , datâ accuratissimâ descriptione omnium apparitionum sensibus oblatarum in decursu morbi , tamen de causa nihil sciri , nisi inciso cadavere. Ubi vero semel causa sic reperta subnexa fuit , deinde similem forte exortum felicius intelligi posse. Ut necessitas , utilitasque , vere constet Anatomes in medica praxi. Mortuorum enim incidere corpora , non discentibus modò , ut Celsus statuit , sed & peritissimo artûs magistro , necessarium. Hoc Hippocratem gnaviter fecisse commentarii ejus super morbis docent , hoc Ipsos Ægyptiorum Reges diligenter exercuisse , antiquitas testatur. Tibi vero , Conjunctissime mi Affinis , opusculum inscribo , quoniam novi animum Tuum harum rerum & peritissimum esse , & hujusmodi rebus vere delectari. Sed & esto simul hoc publicum documentum amoris , quo Te complector , atque æstimationis , quam de eruditione Tua , atque virtute , habeo. Vale ! & feliciter diu age ! Lugd. Bat. 17¹⁴/₁₁27.



ATROCIS,



ATROCIS, RARISSIMIQUE MORBI HISTORIA ALTERA.



EOMETRÆ quotiescunque solvendum obicitur problema, quod ex ipsa rei objectæ indole expediri nullo modo potest, suo hîc se functum officio arbitrabitur, ubi certa demum demonstratione evicerit, impossibile omnino esse illud, quod quæritur, efficere. Sed neque magis suos laudat ipsa mathesis artifices, qui extricant quod fieri per rerum naturam potest, quam illum, qui certa ratione probat, impossibilitatem rei propositæ. Ipsum hinc etiam Hippocratem, qui Mathematicarum disciplinarum ubique laudatur studiosissimus, sua quoque in arte similia professum legimus. Ille enim, dum sapienter super officio medici commentatur, haud minus inclarescere peritiam medicantis asserit, quando impossibilem prorsus curatu morbum fuisse re demonstrat ipsa, quam ubi, curatione in sanationem producta, malum arte superabile sustulit. Modum enimvero habet, certosque agnoscit fines, quibus definitur sua cuique arti potestas, quos ultra nihil valet.

Utinam ergo firma lege constitutæ essent notæ, quibus medicus sanari nescios dignoscere queat morbos, atque ab iis, qui artis opem tra ctabiles admittunt, caute distinguere! Nonne felicius longe disciplina hæc posset exerceri? vel eâ utique gratiâ inprimis, quod contrariis sæpe remediis haud exasperaretur, quod corrigi nefas! Utinam in ordinatas ergo classes idigestos cerneremus morbos sanabiles, atque insuperabiles penitus! ne negligenter illi, ne temere hi, quotidie tractarentur, ab his, qui præterquam quas res ipsa habet molestias, majora sæpe incommoda arte inani aggravant. Animum ideo induxi, infortunatissimum describere morbum, cujus forte aliud exemplum apud rei medicæ Scriptores temere vix inveneris, qui inevitabili forte extinxit in ipso ætatis flore, in ipso virium vigore, Illustrem Virium atque prænobili ortum stirpe, Guidonem Papam, Marchionem de Saint Auban. Operam dabo, vivis ut depingatur coloribus facies horrendi mali ita, ut, si quis alius forte casus deinde inciderit ejusdem plane ingenii, cognosci hinc queat, aut saltem ambigenti super natura tectæ ægritudinis nascatur oportunitas cogitandi de re, quæ nisi exemplo prius innotuisset, nunquam potuisset in hominis cogitationem illabi.

Corpus quidem huic natura formaverat firmum valde, mireque agile, in omne motuum genus prorsus aptum natum, pulchraque membrorum symmetria concinnum; in quo sane ut nec proceritatem culpares nimiam, ita neque obesi pondus inutile, rursus tamen macilentiam non horresceres, sed tale prorsus, quod actionibus quibusque exercitandis cum facilitate appositissimum haberetur. Quoties illud ego à triennio spectavi medicus, nullo unquam signo vel laxi nimis vel stricti vitio laborare deprehendebam. Vasa certe sanguifera repleta quidem magis solito monstrabant sanguificas vires aliquantulum in corpore valere ultra modum; unde & insignes sæpe cruoris jacturas per hæmorrhoidas fuerat passus. Aliter de conspectu vix deprehendisses vera signa, ex quibus colligere liceret, cuinam imprimis humori ex quatuor, quos medici recensent, addiceres, tam iusta temperatione ex omnibus permistis sanitas Viri pendere videbatur. Unde ut agilitas corpori cereo mirabilis, ita & animi affectus facile incitati quidem, at leni flexilitate obsequiosi iterum, facileque secundum rationem moderandi, regendique. Laudabilem hanc à natura corporis indolem ipse firmaverat cultu sobrietatis per omnem vitæ decursum severo; vini vix unquam appetens, neque illud nisi pluri aqua dilutum potans; quem solum potum quotidianum usurpabat; cæterum omni alimentorum genere promiscue, absque delectu utebatur; pinguia tamen opima carniū, atque butyrum recens, præ reliquis eximie amabat, horumque usui paulo forte minus temperato unice semper indulgere fuerat assuetus. Exercitatione corpus durare, equitatione, venatu, saltatione, ultra modum fatigare illud solebat; eo sane magis, quo alacrius cuncta hæc ferre præ aliis poterat, ab immodicis exercitiis vix lassus unquam, nunquam debilis. Quibus rebus evenit, ut, teneriore hacce corporis fabrica usus, facile in morbos ex flexili ejus mutabilitate vergeret, sed interim instituto vitæ enarrato, futuros averteret quam felicissime. Levissima quidem lenissimæ rachitidis signa altero à natu anno brevi difflavit. Quumque quintum ageret ætatis annum tumidulo abdomine, atque duriore aliquamdiu laboravit, ita tamen ut levidense hoc malum morbo majori originem non debuerit, neque detrimenti quidquam attulerit, quin imo brevi absque ulteriore noxa evanuerit integre. Cæterum graviora nunquam passus, decimo dein & sexto fere vitæ anno ex acuta febre æger, per plures ægrotabat satis vehementer dies, interea vero convaluit rursus inde brevi, neque porro aliquid inde mali passus fuerat.

Immunis ergo, atque fortis, hæreditario tantum malo plures per annos discruciatum se sensit. Hæmorrhoidum scilicet tumidissimarum singulari valde enato malo. Quod in incredibilem quidem magnitudinem excrescens incommodissimum diu toleravit, quum & enormiter emineret, atque maximam simul sanguinis sinceri, purissimique, copiam quotidie salientem effunderet, tum ex suffocato etiam humorum circumductu in malignum tandem ingenium degenerasset, ita, ut minax admodum remedium efflagitaret quam maxime: quum neque atrocitatem doloris exquisitissimi ferre posset ulterius, & neque gangræna à prætumidis inflammatis partibus videretur abesse. Consultuit itaque tunc tem-

poris me super hoc malo , quod victu leni , pacantibus remediis externis , internisque , perfecte ablatum , corpus dein reliquit vegetum , perfectissime sanum , neque vel minime culpandum , integri sesquianni spatio. Quum ergo magno hoc malo liberatus esset , absque ulla sectione , ustione , vel vasorum luxuriantium constrictu , sedulo inprimis quotidie animadvertebatur , an forte mali quidquam appareret , quod succederet post sanatas hæmorrhoidas ? ut ei ocyus , si vel minimum forte deprehenderetur , iretur obviam. Neque id modo , quia post præeuntem divum Hippocratem omnes deinceps Medici admonuere , à curatis his multa sæpe , & mira , mala succedere , quæ longe funestiora ipsis forent hæmorrhoidibus ; sed vel eâ inprimis gratiâ , quod Illustris Pater defuncti , olim hæmorrhoidibus tumidissimis laborans , hinc muneri suo militari equestrique prorsus impar , extirpandas has urendo & secando postquam curaverat , anni deinde à peracta curatione spatio satis bene valuit , dein per duos menses difficultate spirandi laborans , in vomitus enormes sanguinis incidit , qui decem dierum decursum hinc protracti , vitam abstulere. Sed pervigil in eventum intentissima cura nihil quidquam observare valuit tanto spatio temporis , unde ullam omnino actionem corporis vel impeditam colligere daretur.

Et quidem animadversione dignissimum inprimis hoc habetur , quod integro sesquianni spatii decursu nihil quidquam in voce mutatum fuerit. Quum enim naturæ beneficio vere masculam barytonam hanc haberet , eandemque ad modulos musicos sedulo , diuque , ad perfectionem usque excoluisset , hinc cantandi suavissimus esset peritissimusque artifex , absque ullo impedimento , sine incommodi sensu lente , parceque , sustentatum spiritum , ultra quod credibile producere valebat , atque in longam plane moram extendere. Remansitque inculpata hæc , & plane singularis , facultas per omne hoc tempus , donec ipsum lethale malum primo se manifestare inciperet.

Quin etiam in deambulatione , cursu , atque saltatione , non modo post hanc curationem membra flexilia , molliaque expertus est brachia , sed & animam adeo constantem , fortemque , ut nec fatigationis appareret quidquam , nec thoracis , pulmonisque , ullum vitium ; imo vero vix erat videre alium , qui de facilitate respirandi , pectorisque vi , cum eo certare potuisset.

En , mi Lector , talis erat Illustrissimus Marchio ab ineunte ætate , talis erat sesqui anno postquam ab terribili hæmorrhoidum malo liberatus usus fuerat sanitate integra , illibata. Hæc ego Tibi sermone plano , & sane vero , ob oculos ponere conatus fui : ut , priusquam cætera perlegas , hæc omnino explorato cognoscere velis , tecumque serio inprimis considerare , quidnam mali in tali corpore nasciturum prævideres ex scientia medica , quidnam præ cæteris futurum metueres ? Crediderim enim in omni historia morbi anatomice conscribenda , & perlegenda , in usus medicos , omnino opus esse , naturalem corporis habitum , morbos prægressos , vitæ genus , curationes adhibitas , examissim primo addiscere , antea quam de morbo agi incipiat , quo æger occubuit. Ægre hinc haud feres , nec importunam habebis , primam hanc historiæ partem ,

licet minus peritis rerum medicarum forte ut supervacanea explodi posset. Hos vero sæpe expertus minus idoneos censores, moratus nunquam, accingo me ipsi funesti, & mirabilis omnino, morbi historię contendæ.

Incepit igitur Illustris Marchio persentiscere imminui primò integritatem optimæ valetudinis decem mensium & dimidiati spatio, antequam violentiâ morbi interiret. Etenim exquisitissimus plane, & perpetuus dolor occupabat primò illam corporis plagam, quæ ab ægro sub læva indicabatur scapula versus thoracis interiora; hinc vero per sinistram pectoris partem deinde se diffundens pari sævitie crescebat. Quum vero acerbitas horum cruciatuum quotidie intenderetur acrius, simul tota lateris hujus regio in sede sua interna inprimis torquebatur. Quodque augebat magis doloris vehementiam, tussis accedebat molesta non modo assiduo irritatu, quieti adversa, sed distentu laterum quassatorum intolerabilem in illo loco dilacerationis sensum perpetuo incutiens. Consulti super malo medici sapientes rheumaticos vocabant dolores, atque iis quidem aggrediebantur remediis, quæ ipsa ars ad hanc mali speciem quam fidissima dictitat. At frustra penitus! quum tantum abesset ut mitererent ad data hæc subsidia, ut contra insurgeret malum curando, semperque quo magis augebatur, eo simul sub dimidiata thoracis sinistra parte inprimis se figebat immobile plane, nec arte ulla loco movendum occupato, nec leniendum unquam. Ergo nec levare misso aliquoties sanguine, nec datis ex aperientium classe remediis lectissimis, quin & olea eludere, ipsa soporiferorum sopimenta spernere. Ubi aliquamdiu, & omni quidem hora gravius, luctatus fuerat cum hisce doloribus, infestior longe, atque crudelissima tortura sævior interna pectoris sub mammilla sinistra, exercuit; ejus sane violentiam adeo abnormen esse, atque intolerabilem omnino, testabatur, ut ferendo se haud esse, palam clamaret. Ita Nobilissimus æger noctes, dieique, extortus, gemitu & ejulatu se, præsentisque fatigans, vix poterat ullam dare corpori lassato requiem; ullam fere positionem tolerabilem; quare neque somnum ullum oculis videre valebat, neque refici blanda quiete. Tandemque eò pervenit tristissima morbi facies, ut in lecto federe cogeretur, corpore quidem utcunque erecto, sed antrorsum tamen trochi instar incurvato, cubitisque ita pulvinari femoribus imposito innixus, ut miserrimam omnino speciem exprimeret. Attamen naturæ omnino adversus hicce corporis positus id subin concedebat solatii, ut paucissimo tempore requiescens doloris excessus spatium daret parocissimo semno; quum interea paulo post dira cum anxietate turbatus excitaretur in eandem prorsus misérias relapsus.

Talis erat imago morbi, quum Illustris Comes de Wassenæ, Tvvikelæ Dynasta, qui sapientia & virtute ad exemplum ornatus eximium natalium splendorem morum nobilitate superat, me quam humanissime rogaret in consilium ocyus habendum cum Medico domestico; verebatur quippe, ne urgens malum opprimeret quam citissime ægrum.

Ventum ergo ubi ad deliberandum fuerat, exposuit Vir Eruditissimus, Jacobus de Bye, Medicus expertissimus, quam accuratissime

omnem memoratam modo historiam mali; aperte simul enarrans diversissima remedia, atque varias plane vias, quæ tentata fuerant in solamen, curationemque, morbi terribilis, deplorando pariter infaustum penitus successum, contrà invalescente quotidie vi mali: quæ omnia postquam diu admodum perpenderamus, neutri constitit de natura ipsius morbi, neque vel de sede affecta. Doctissimus quidem Medicus de Bye, quum vidisset magnam sæpe spissioris pituitæ excreationem summis anxietatibus successisse, eò inprimis inclinabat, ut crederet Vomicam ad latera pulmonemque latere; atque sane omnis veri species ab hac sententia non aberat. Neque tamen credere quivi id mali urgere Nobilissimum Ægrum: quoniam cætera fere illibata perstarent, solis anomalis hisce Symptomatibus urgentibus afflictum corpus. Rogatus vero ipse de indole mirifici morbi opinionem propriam, meditatus diu, omniaque animo versans mecum, respondi, nescire quidem me, quid ex vero statuerem de interna conditione rarissimi, nec unquam prius oblatis mihi, morbi; cæterum censere, quod universa, & singula, symptomata docerent, quod instrumenta dilatando pectori propria haud ferrent eam contractionem, qua partes musculorum vere agunt, partes vero thoracis dilatandæ in inspiratione reniterentur expansioni suæ, hinc utrisque immanis dolor, hinc & summa spirandi molestia, atque suffocationis metus. Atque ea quidem prolata in diagnosin ubi satis placere videbantur, suasi, ut decocta emollientissimorum pannis laneis excepta undique externe applicarentur illis pectoris plagis, quæ intra inspirandum præcipue moventur, ad costas inprimis, harum cartilagine, & sternum; ut dein noctes diesque appositu corporum calidorum sustentato tepore, foveretur perpetuo thorax, in balneo veluti positus. Præterea consului simul & similia interne hausta assiduo eadem præstarent interno corpori, & copia satis liberali, & repetita sæpissime. Victus autem de lacte, jure carniū, oleribus mollissimis, paucâ copiâ simul, at geminatâ sæpe, etiam commendabatur. Tum & inhalatio vaporis tepidi per vias aëris in pulmonem continenter suadebatur instituenda. En, mi Lector, hæc erant sola, quæ intentissimi animi cogitatio excogitare valebat in alicujus spem solatii. Atque ea quidem omnia quam exquisitissima cum cura ita peracta fuere; tantumque ex his sollicitissime applicatis levamen ortum, ut omnes in fallacem erigeret spem successus exoptatus rei; mirificabatur quam maxime doloris acerbitas, adeo prius intolerabilis, neque etiam postea usque ad mortem rediit unquam illa, qua prius sævitie; imo vero blanda interpolabatur requies, suavissime ægrum refocillans. Sed vanas hominum spes, & cæca gaudia! Tussis molestissima succedebat, noctes, diesque, conquassans ægrum, nihil tamen, nisi magna vi expressum tandem gluten, in ipsa aqua tenacissime cohærens, excreans; neque hæc vel demulcebatur oleis, nec expectorantibus levabatur, Opio quidem sopiri visa pro tempore, assurgebat ilico violentior. Quin & exoriebatur sæpe instantis suffocationis funestissimus sensus, quo jamjam quasi enectus ubi erat, nec animam ducere compos, tandem summo inspirandi molimine reflexo capite, retracta cervice, thorace elevato, aërem vi trahebat in pulmones cum sono tremendo, atque rauci gutturis clangore, haud aliter,

quam si sonitum intensissimum audivisses; ardea stellaris, quem Butorium vocant, quo sane nihil aliud ingratius, magisque terribile quid percipere potuisses; tum momento postea longe liberior iterum aderat spirandi facultas. Ita tamen, ut, quo tempore deinceps usque ad mortem, intervalla lenissima haberet, nunquam vel exiguo spatio temporis posset decumbere vel in dorsum, vel in alterum latus, neque & jacere pronus: quoniam ad minimum corporis inflexum ilico præsentissima urgebat suffocatio, adstantes intentata morte territans; cogeatur ergo continenter sedere, noctes diesque, corpore erecto, extenso collo levato capite, cujus dormiturgentis vel levis mutatio tandem evadebat prorsus intolerabilis. Interea lassum corpus si fessus de sedili levare conaretur, mox ad levissimum hunc conatum luridæ faciei subnigrescens color, venarum per vultum tumentem elatio, protuberantes oculi, anhelitus ad ima ilia, morientem pingebant hominem. Nec nisi sedenti per raucum sonitum reddebatur aliqua requies. Quando vero animosior paulo impetu capto passus binos, ternos, progredi nitebatur, tum vero omnia descripta prius mala longe violentius insurgere: Denique dolumus videndo, quod paucularum vocularum pronunciatio similis evaderet tragædiæ causa. Quod stupendum inter hæc nobis videbatur, per omnia hæc calamitosissima, quæ distorquebant corpus, arteriarum pulsus fortis erat, constans, neque celeritate præceps, neque deficiens, sed sufficiens, qui universum corpus æquabili perfunderet calore, atque satis idoneo nutrimento, reficeret, sustentaret. Paucis modo ante obitum diebus vacillare subin deprehensa fuit hæc cordis actio, atque pulsus deficere, vel intermittere. Usque ad Julii nonam miserrimam traxit vitam, cum diris quotidie & funestis colluctatus symptomatibus, itaque integro fere mensis spatio enectus, absque ullo interpolato levamine, nisi quandoque unicâ interdiu horulâ. Quotidie interim crebriores atque violentiores simul insultus suffocantes, qui in vigore vultum jam semper reddebant, qualem supra descriptum dedimus horrendum. Clyisma simplex brevis solatii speciem adferebat. Quin etiam summæ præcordiorum angustiae jam dudum effecerant, ut crederet ille, flatus esse, qui hypochondria obsiderent, distenderentque, urgebatque inprimis Medicos, ut cogitarent serio de remediis, quæ dissipandis illis propria noscuntur: ita se curari posse, si origo, unde assiduo, absque fine, repullularent, auferretur. Magis quidem id credebat, quoniam fame ingenti, & assidua, agitabatur ad capienda alimenta, quæ nactus avidissime ingerebat, & nisi præsentis omni modo cohibere conati fuissent, ingenti devorasset copia: quamvis ab ingestis quam dirissime angeretur postea. Octiduum agebatur ante fatalem horam, quando incredibili cum gaudio experiebatur hæmorrhoidum fluxum sanguineum: hinc enim sanationem mali expectabat; voluerat semper, ut medici has arte excitarent, qui & id fomentis appositis jam tentaverant prius; accusabat tamen semper negligentiam Medicos, quod ab initio mali incepti non omni ope vasa hæc in plenum fluxum solvissent. Septimo Julii magnam satis cruoris copiam alvo demisit, qui coactus in magna frustra apparuit. Sequenti die rursus multum sanguinis eadem evacuabat viâ; solito se ala-

criorem sensit, ut sustentatus per cubiculum aliquot progressus fuerit passus, quod sane diu ante haud potuerat fecisse. Sed fames simul illâ die infatiabilis adeo, ut aliquoties comederet de variis esculentis, deglutiens jam absque suffocationis metu, atque angustiae ad praecordia sensu; ita & large cœnabat, hilaris satis, quum experiretur jam facere sibi fas esse, quod à pluribus septimanis vetitum fuerat: quum nec unciam juris carniū potuisset deglutire, absque imminentis mortis à strangulatu metu. Die tandem nono Julii, Vir Doctissimus Samuel Du Ry, Medicinæ Doctor, atque expertissimus Practicus, qui felici consilio dudum Illustrissimo Viro adfuerat, invenit ægrum, post crudelissimæ noctis labores fere enectum. Nunquam suffocans magis oppressio corpus exagitaverat. Reperit decimâ matutinâ erectum sedentem in lecto, fere strangulatum: facies & collum prætumida, atque inflata, oculi turgidi, & trusi extra orbitas, color funestus luridus. Mente bona, voce forti, noctis labores Medico narrat, omnique momento imminentis mortis pericula. Tum rogat Medicum, ut solvat venam; neganti regerit, ergone permittes, moriar? Medicus contra ait, licetne mihi mortem Tibi properare? Ipsoque hoc temporis articulo increfcebat immaniter suffocatio; mandat tamen famulo, jus recens ocys præparet; intendebatur acutissima strangulatio incredibili augmento se intendens, vultus nigrescebat de momento in momentum magis, intendebat omnes conatus possibiles ad respirandum, præ immanitate suffocationis totus vultus jam nigredine suffusus sanguine perfecte Æthiopem referebat; rogans tum uxorem, ut funderet ad Deum preces pro ipso, frustra que novissimos adhibens conatus ad inspirandum aërem, defecit, pronoque in pectus capite expirat, in lecto sedens manet à morte donec componeretur corpus.

A morte ocys triste obitus nuncium detulit ad me Eruditissimus Du Ry, modumque mortis narravit, ut quotidie de morbo conferre mecum assuetus fuerat, quo ex communi cuncta consilio agerentur. Rogavimus facultatem incidendi cadaveris; ut disceremus oculis causam anomali adeo morbi; atque ab Illustrissima hanc familia impetravimus sequenti die instituendam. Ego interim, qui omnem historiam satis intellexeram, collegi memet, atque severe examinavi, an perspicere possem veram tantorum malorum causam, tentavique omnia versans vel jam prædicere, quidnam aperto corpore reperturus forem insoliti, quamnam inprimis affectam partem. Sed, ô Medici, palam profiteor, nihil quidquam certi statuere super hisce potui. Tu, mi Lector, si tanti hæcce putes, priusquam sequens evolvis, excute, quæso, præmissa, & vide, an prævidere ex illis perpensis queas, quænam defuncti corpus conspicienda dabit.

Postridie utique Doctissimus Du Ry, expertissimus Chirurgus Porcher, & ego, lustrando cadaveri nos accinximus, præsentem simul Viro Nobilissimo, Armand Hardy de Vique, defuncti avunculo. Mox, uti in his soleo, universum corpus primo extrinsecus, unde quaque, intentis dum perlustro oculis, in toto nusquam vel menda apparuit, nihil sane, quod ægrum culparet, sed omnia illibata sanitatis notas præse-

ferentia ; neque ullam in corpore plagam animadverti , ubi assurgens tumor , alienus color , aut durities insolita , latere quid maligni subitus portenderet ; quod sane palps undique digitis miratus sum penitus , quum omnino putassem aliquid insuei inventum iri circa hypochondria. Monebam interim præsentes , ut mecum viderent , quam bene to-rosum , atque sanum cerneretur , post longam adeo inediam , post tot sustentata mala , corpus , quod ne emaciatum quidem appareret. Sed simul rogavi , ut notarent , quod abdomen æquabili , magna satis , mole , molliore tamen , prominere , atque tenderetur.

Ita quidem , ut elatus hic tumor perfecte referret eum , qui in abdomine sani hominis observatur , quoties largiore pastu refectus fuerit. Prædixi simul , reperiendam fore causam absconditam hujus tumoris , quum in ingesta prius referri hæc neutiquam posset.

Quibus prius animadversis , lenem , suspensa manu , sectionem molitus sum à costa dextra prima per solam cutim , quam direxi supra loca , quibus ossæ costarum extremitas segmentis earundem cartilagineis committitur. Quod mirum rursus , pingue stratum commune cuti suppositum opimum satis , ut in bene se habente corpore , apparuit. Percisa tunica pingui , carneque , dein commissuris ossium & cartilaginum costarum solutis , qua potui prudentia transciidi membranam hoc in loco , quæ thoracem succingit. Quo vix exigua plagâ in uno loco perfecto , obstupui statim , quum viderem ex elata hac supini corporis parte sursum exilire cum impetu , pressam quasi lympham tenuem , flavam , inodoram , copiosam. Meditabar paululum , quid hoc rei foret , anque forte suffocans pectoris hydrops origo fuisset malorum ? Postquam prosiliens primo latex spongiis absorptus non turbabat amplius visum , perrexi membranam pectoris juxta decursum modo descriptum perficere , vidi-que continenter effluere , sed sine impetu jam , aquam : quum jam proprio tantum pondere dilaberetur , prius compressu ambientium partium acta urgeretur. Quantum dein per angusti vulneris hujus inflictæ rimam introspecti poterat , ante partium à se invicem divulsionem , apparebat pectus aqua velut plenum. Verum immisso dein digito per vulnus , sentiebatur pulmo dexter in suo loco , ad superiorem thoracis membranam circa costas superiores , harumque cartilagineas quam firmissime accretus , atque affixus immobiliter. Verum nolui ulterius hoc latus pectoris destruere , priusquam alterum pari modo fuisset aggressus. Itaque sinistro in latere omnia eadem simplici sectione perficiens , quæ prius huc usque in dextro , non offendo aquam ; sed in loco antea descripto in hac læva parte sub synchodrosi costarum nunc inveni pulmonem sinistram membranæ succingenti continuata accretione affixum , à suprema nempe thoracis parte , usque ad ipsum diaphragma , quin etiam ad septum medium ipsum ; ut à jugulo , juxta costas , ad convexum diaphragmatis pulmo undique à digito inserto exploraretur affixus.

Quæ posteaquam præsentibus examinanda præbueram atque diligenter notanda , cogitavi , nihil convenire magis ad interiora fidelibus subijcienda oculis , quam ut sine ulla partium à naturali situ mutatione pectus jam aperirem. Ergo conabar sternum , cum accretis utrimque & re-

lictis

lietis cartilagineis segmentis, à costarum ossibus sectione direntis, inferne separare, atque prudenter dividere leniter elevatum à membranoso corpore, quod à membrana succingente utroque de latere pectoris sub sterno concurrente factum nascitur, sterno accrescit intercedente mire fabricata ex cellulis subtilissimis membrana, atque pericardio dein & mediastino originem præbet; putabam quippe, dein etiam infra à diaphragmate sterni finem, arcusque cartilagineos, disseccare ita, ut illæsis cæterum in thorace partibus, elevato sterno, in pectus libere posset introspecti.

Hæc igitur hac arte aggressus mirabar statim, quod ad membranam succingentem, qua parte cartilagineis costarum segmentis subjacet, inveniretur moles ingens, firmiter accreta; quæ quum à natura pulmonum penitus aliena appareret, qui hîc loci liberi semper fluctuant, primum fecit, ut præsentem admonerem mirabilis quid, & insueti plane, se prodere, conjicere necdum posse, quid foret. Immissio digito per inflictum prius vulnus, lente divello membranam; cujus ope quidquid illud foret corporis accreverat cartilaginum involucris & sterni. Atque ubi hanc separationem ab utroque latere, hac ratione, peregeram quousque potui, tunc sterni infima sectione à diaphragmate divello, do illud prudenter parte infima elevandum sursum, interim membranam ipse cellulosa sterno succretam discindo, atque ita tandem totum sterni os, unà cum cartilagineis costarum segmentis sursum retrorsum in faciem obvelatam reclino. Patebat tum adspectus in thoracem, atque aperti pectoris apparens facies à jugulo ad septum medium plena omnino erat corpore, coloris albi, satisque sani; nisi quod in medio hujus superficiei vomica exigua, quæ sub medio hæserat sterno, se offerret, in qua materies liquida, lactei coloris, atque etiam fere tenacitatis, utique purulenta non erat. Ostendi mirum hoc portentum adstantibus, nec erat, qui divinare posset, quidnam esset rei? Igitur digitis undique superficiem attrecto, dumque palpo undequaque, reperio massam consistentem satis duram, fere ubique sibi similem. Oriebatur quidem ex supremo omnino cavi thoracis fastigio, ubi ex ipsa membrana ibidem pectus cavum succingente adeo lato sane principio originem ducebat, ut supra jugulo, antè sterno, retro ope mediastini totius vertebris thoracis, accreta, totum illum spatium oppleret, ad latera vero utrimque versus costarum media in quatuor quidem uncias Pedis Rhæno-landici, & ultra, se extenderet. Decurrebat corpus hoc pari forma, sed versus inferiora sensim dilatatum, cæterum toto suo decursu vertebris manens accretum sternoque, usque ad ipsum diaphragma, cui dein lato expansu massæ suæ antè se affixerat ita, ut primo apparet totum septum occupare; sed in postremo examine constitit, pericardium cum corde, suisque vasis majoribus retro deorsum pulsam, ibidem septi partem reliquisse liberam. Quo percussus terrore monstrum hoc informe, ingens, hîc loci, in cippo naturali nobilium viscerum conspexerimus, contrectaverimus omnes, Tu mi Lector cogita! Resecti paululum ulterius idem, propiusque explorare aggressi invenimus, quod in sinistro thoracis cavo, longe major moles hujus tumoris, quam in

dextro, erat. Namque in lævam hanc pectoris cameram adeo se diffuderat, ut hanc totam fere solus impleret; unde & pulmonis lobos huic cubiculo naturaliter inclusos ita arctaverat, compresseratque contra membranam succingentem, ut eosdem & aëri reddiderit, & sanguini penitus impervios; quinimo eodem appressu effecerat, ut horum compressorum loborum membrana penitus, nec separabiliter, concreverit cum ipsa superficie hujus tumoris, cum tota membrana costas succingente ubi lobos hos contingere poterat pulmonum, atque inferius cum diaphragmate, qua parte & hoc potuerat attingere depressus pulmo. Apparuit sic satis, primam sedem mali, unde se deinde extenderat, in læva parte pectoris sub scapula alta fuisse, unde expansu suo acerrimi sensus membranas distorserat, dolores enormes pepererat.

In dextro pectoris thalamo valde se quidem diffuderat tumor, ita tamen, ut ibidem multum sane compressos pulmonis hoc in latere lobos utcunque pauco aëri apertos reliquerit, quin & eò trusa majora vasa corde egressa, eò cor cum pericardio ipsum adegerit. Tumor autem quum superius, ubi angustior Viris thorax, magis impediret comprimendo lobos pulmonis dexteris, quam inferius, ubi latior sensim laxatur, hinc respiratio videtur exercitata tantum fuisse in hac parte thoracis dextra inferiore, aërque tum ducendus fuisse per bronchiorum superiora angustius compressa, hinc violento adeo molimine opus fuisse, ut per has angustias aërem in infima loborum dexterorum, ubi sola respiratio, ergo & circuitus sanguinis, poterat exerceri, ducere posset. Hinc illisu rapti celeriter aëris ad cartilaginea compressa bronchia raucum illum dedisse in summa spirandi difficultate sonum. Porro lobi pulmonum dexteri cum membrana succingente non nisi in superiore parte accreverant: sed cum latere molis descriptæ expanso in hoc cavum in medio concreverant penitus, ut & hic pulmo suo in officio, vel hac quoque de causa impediretur. Conati sumus dein totam hancce massam separare quam cautissime à partibus, quibuscum concreverat, quod circa pericardium, pulmones, & imprimis circa magna vasa sanguinea, fere impossibile fuit proficere: quum ibidem vasa immersa & intricata facile laderentur, effuso cruore festinantibus moras assiduo injicerent. Utique massa ruditer separata, moxque bilanci appensa, pendit libras sex vulgares, cum dodrante, eratque interim compagis levissimæ, unde magnitudo molis ingens facile perspicitur. Totum hoc corpus coloris erat candidi instar purissimi sevi. Si transcendere-
tur, liquor lacteus, paucâ copiâ, hinc inde exstillabat. Cæterum unum consolidatum corpus erat, in quo nullum omnino vas conspici liceret, nisi magna illa, circa quæ circumcreverat. Neque etiam ulla membrana, præter externam ambientem, in ipsa interiore parte massæ cernere erat; ut neque in cellulas ullas, vel loculos, diducta appareret. Verum attrita inter digitos pinguis instar olei liquefscens diffinuebat. Quare igitur verum Steatoma fuit. Hoc vero naturalis pinguitudinis abnormem copiam intra unius extensilis valde involucri membranosi cancellos aggestam esse, Clarissimus Ruyschius dudum vero experimento comprobavit, enarravitque immensas moles, in quas adaucta quandoque

deprehenſa fuiſſet. Utcunque vero ingentes Steatomatum maſſæ fuerint, ſi tamen in ſartagine leni igni lente committuntur, liqueſcunt penitus, atque in pingue diſfluens totæ quantæ deliqueſcunt, incredibiliter parvâ membranulâ non ſolutâ relictâ.

Nihil interim conſpectu fuit mirabilius, quam mutata ab habitu naturali viſcerum in thorace poſitorum facies: quum enim moles fere ſeptem libras pendens coërcitum oſſibus pectus impleret, totum diaphragma deorſum preſſum fuit intra abdominis cavum, unde hoc tenſum prominulum effecerat, & prætumidum, quem admirati fueramus primo, ventrem. Pericardium, diaphragmati innexum, hoc ſequutum erat, unde illud cum contento corde ad infima preſſum, loco à naturali longe alieno ſitum, deprehendebatur. Namque pars ſepti medii, cui pericardium circumnaſcitur, detrufa deorſum hærebat infra umbilici altitudinem cum corde contento, proindeque & mediæſtinum adeo quoque diſtractum, diſtentum, atque elongatum, fuerat. Imo & ipſa ſanguifera vaſa, quæ pericardio egrediuntur, in eandem longitudinem extenſa apparebant. Pulmonibus autem quid contigerit, jam antea accuratiſſime deſcribere conatus ſum.

Nos vero, poſteaquam ſtupenda hæc in pectore, repereramus, putavimus, manifeſtas ſatis cauſas detexiſſe in cadavere, à quibus liquidò intelligi poſſet hiſtoria omnium illorum ſymptomatum, quæ in decurſu terribilis morbi fuerant obſervata, ne ullo quidem excepto; quin imo & mortis ipſius inevitabilis neceſſitas inde ſequens. Quare opus non duximus corpus ultra diſcindere.

Vides novum exemplum humanæ calamitatis! Ubi inſons, blandus, pinguis, humor, ſolâ copiâ abundans in loco arctationis impatiente, tam diros, tam mirabiles, tam inſanabiles, morbos, mortemque tandem ipſam, produxit. Intelligis, quoties ſymptomata anomala penitus, nulli cognito aptanda morbo, in ægrotante apparent; toties cogitandum eſſe de cauſa inſolita latente, quæ evolventi caſus anatomicos forte tum occurreret, vel conjecturæ probabili oportunitatem præbebit.

Utinam valeret Medici exercitati ingenium perſpicere tale malum primo in ortu, quando formari modo incipit! Utinam & tunc impedire noſſet ſemel incepti luxuriantis pinguis ulteriorem diſfuſionem! Tum demum ſpes foret, mala hæc cognosci, caverique poſſe. Semel enim formata nulla dein arte diſſolvi, digeri, diſſipari, queunt; niſi forte idoneus ſitus manui peritæ exſtirpandi facultatem offerat. Neque vero novî hætenus repertam artem, qua pinguitudo ſemel incipiens dilatare ſua vaſcula, atque formare tumorem obefum præter naturalem, coërceri queat, ne quotidiano incremento in moles excreſcat immenſas. Quum enim, in externis ſub cute enata Steatomata, manui, pertractationi, potentibus remediis chirurgicis, expoſita, non poſſint prohiberi ne augeantur; quid de interioribus putes? Sane quoties jactatorum turbam talia ſe poſſe gloriantem audio, toties vellem, ſcirrhos, cancos, carcinomata, meliceridas, atheromata, ſteatomata, in exterioribus patentia, fidis auxiliis auferendo exemplum efficaciſſimæ ſcientiæ! ſapientes enim talia extra poteſtatem artis eſſe candidi agnoſcunt, tristes dolent.

Sed heus, mi Lector, uno te velim, priusquam te absolvo. An sanata hæmorrhoides causam dedere primam tristi malo? Quum enim abundantem humorum, purique sanguinis, colluviem quotidie evacuari suam interceperit, in corpore retinuerit, huc forte deposuerit, credi posset, originem hinc tumori primò datum, incremento assiduum præberi potuisse alimentum. Maxime suspicio augetur concepta semel, quod nihil unquam talis mali in corpore prius observatum fuerit. Verum his tamen omnibus occurri posse videtur observando, vix ab hæmorrhoidibus suppressis, sanatisve, nasci steatomata. Neque vero uestu, sectu, adstrictu, vel erosione, vel ligatione, hinc sanatas easdem fuisse, sed blandis, emollientibus, depurantibus, remediis. Quin & signa nulla plethoræ usquam apparuere, postquam minus stillabant. Tamen de hisce quisque libere iudicato & sincere; mihi suffecerit, ita, ut vere contigit, descripsisse casum.

F I N I S.






TRACTATUS MEDICUS

DE

LUE APHRODISIACA;

QUEM,

PRÆFATIONIS LOCÔ, EDITIONI LUGDUNO - BATAVÆ
APHRODISIACI PRÆFIXIT HERMANNUS
BOERHAAVE.



MEDICINÆ CULTORIBUS

HERMANNUS BOERHAAVE.



OST QUAM artem incepti exercere medicam, fecit quotidiana rerum tractandarum varietas, ut sapius optarem illos tandem Auctores nosse, qui fida morbis examussim descriptis remedia exhiberent. Quum enim quam plurima quotidie nova medicinam facientibus occurrant in uno tamen, eodemque morbo; quin & consueta quoque morborum effecta sæpenumero mirifice aliena à se ipsis appareant; fieri haud potest, quin Medicus, cui sanare commissum sibi ægrum cura est, anceps crebro hæreat & anxius. Maxime vero, si neglecta parum tempestive sanandi occasio irreparabile damnum adfert, vel quoties tractata male ægritudo, ægro pessima, & obscœna, monumenta relinquit, ipsi Medico turpia opprobria & ignominiosa. Quæ quidem omnia in nullo morbo crebrius occurrere, quam in eo, quem Gallicum vulgo vocant, periti omnes Medici uno ore asserent. Enimvero in tractando hoc malorum fœdissimo talia quandoque accidere notantur, qualia annosa pridem observatio aliàs non viderat; prorsus ut vel exercitatissimus quisque veteranus artifex, novitius quandoque in hac disciplina tiro evadat, faterique cogatur invirus, ignorari sibi modum morbi, nesciri bona ad hunc præsidia. Neque minus frequens est hac in ægritudine cernere leve quoddam, atque animadversione fere vix dignum habitum, incidens, ex quo tamen brevi postea horrendum, late serpendo, monstrum

dd iij.

nascitur, & indomitum. Vah quoties in faucium, linguæ, palati, narium, ulcusculis vilissimis, vel prudentissimi cæterum Medici errores suos doluere! Fateor, ultra triginta jam & sex annos versor in hoc morbo curando, neque toto hoc tempore mihi defuit occasio, neque sane omisi eâ oblatâ sedulo uti, ut discerem penitus indolem heteroclitici hujus mali. Vidi tamen ultimis hisce annis quædam prius haud conspecta mihi. Quare etiam solitus fui semper, urgente necessitate, recurrere ad Auctores, qui de variis eventibus Aphrodisiacorum commentati olim fuerant, maxime tamen Eos semper sectatus, qui minus remoti ab origine nascentis mali scripserunt. Occurrebant circumspicienti olim Auctores hi antiqui, qui Venetiis quondam simul evulgati fuere. Gaudebam impense: reperiēbam enim, dum singuli suo more eundem morbum describunt, universos simul perfectissimam mali historiam dare, atque radicalem curationem tam morbi principis, quam variorum symptomatum, quæ eundem concomitantur. Pulchrè memini, quanto perfusus gaudio *Hattenii* libellum his insertum quondam perlegerim, quum ea forte tempestate curationi meæ se dederet nobilis æger, qui incassum Optimorum Medicorum consilia sequutus, atque frustra hydrargyri vim expertus, pro desperato relictus fuerat, tamen recte dein hac methodo convaluit. Quin etiam ad varia sæpe, & singularia penitus, mala, appositissima hîc remedia reperi. Utique vere dixero, quidquid recentiores sparsim jactaverunt arcani, sive in via curandi, sive in medicamento ipso, id vero omne hoc in libro inveniri jam olim descriptum, commendatumque. Quum itaque ante plures abhinc annos publicas lectiones Medicinæ Studiosis traderem de utilissimis Auctoribus, quos sibi comparare omnino deberent Auditores, scriptores hos de Lue Venerea imprimis proposui necessarios propter causas modo relatas; indicavi simul modum utendi hoc opere lautissimo cum fructu. Evenit inde, ut neglectum pridie opus, atque flocci habitum, quæreretur avide, caro valde vāniret pretio, brevique desideraretur ubique. Itaque vasti operis novam editionem molirentur Typographi Nostri, auctor fui. Neque dubito, quin Editores, operisque evulgati emptores, utrique satis contenti futuri sint: quum enim editiones Italicæ tot mendis ubique fœdarentur, ut sæpenumero quis & impediretur inde vel sensum Auctoris eruere, atque in allegandis citatorum Auctorum locis summâ oscitantia esset actum, data jam fuit sedulo opera, ut & impressionum vitia emendarentur, atque ex ipsis allegatis scriptoribus loca restituerentur propria. Remedia quoque, horum præscriptæ formulæ, quæque eò faciunt, alio excusa charactere Lectorem juvabunt. Denique locupletissimum, & usu vere pulchrum Indicem ingenti operi subnexus laudabis: ex eo quippe continuo reperire dabitur, quidquid investigare juvat de quacunque demum re hoc multiforme malum spectante. Ita scilicet inde protinus discēs absque ullo tædiosæ inquisitionis fastidio oblata experimenta, atque alieno partam labore scientiam facile in Te derivabis. Absolverem Vos, Lectores Optimi, nisi oportunum ducerem hac occasione publicare pauca, quæ protracta per tot annos intenta observando mens mea hoc de malo didicit: forte haud displicebunt illis in arte

nostra Judicibus, qui solis, semperque iisdem compertis, experimentis, niti volunt omnes opiniones, juxta quas de genio mali cujusque & curatione consilia capiuntur.

Est igitur illa humorum nostrorum, vel dum athletice valemus, indoles, ut à minimis, iisque paucissimis sæpe, corpusculis in venas infusis, adeo mirifice mutetur tota natura nostra, ut & omnes corporis actiones prorsus aliæ evadant, atque ipsum singulare ingenium cujusque humoris penitus à pristina sua natura alienum fiat. Adeo semper varium & mutabile homo! Nonne aspis morsu blandum per lethargum necat? dipsas siti exurit? quum seps gangræna putrescenti inducta adipi tabefactum depascatur corpus priusquam necet? Quam stupendum est, levem Phrygetetis ictum inflare omnem toto sparsam corpore membranam, quam hodie cellulofam appellamus, tantoque emphysemate distendere, ut intra propriam molem assurgentem compressus, sepultusque, suffocetur homo! At vipera ictero fœdissimo totum corpus deturpans occidit. Effuso per arterias cruore in omni corporis plaga hæmorrhoidis trucidat. Rabies canis sparso per vulnusculum vel minimum veneno, heu, quam horrenda patrat! Hellebori albi, Tabaci, Phthoræ, succus, copiâ vel minimâ immistus sanguini, vix quidquam non mutatum relinquens in corpore mortem certo, cito, infert. Infinita sunt, quæ vitali immista liquido, singula alios primo morbos, universa dein mortem, creant. Taceam cætera, unum dicam. Robustissimi Agricolaë sanissimo sanguini pus de papula variolæ particula vix conspicua apice aciculæ infigatur, quis mortalium credat? En febrim omnino singularem, sui semper genii tenacem, suo definitam tempore, propriis stipatam symptomatibus; mox erumpentes admiraris papulas certæ formæ, naturæque, intra determinatum tempus in abscessus purulentos, qui degenerant, quorum tanta sæpe glomeratur frequentia undique, ut omnis fere sanguis efficacia mali in malignum pus conversus sit, totumque aliquando corpus pessumdet, atque minima rursus particula virus idem gerat, sanumque corpus valeat inficere simillimo contagio. En obnoxium corpus! Neque tamen necessarium, ut vulneris viâ in venas eat contagiosum virus. Imo vero solo halitu, attractu solo, tabus lethalis sæpe se insinuat per invisibiles corporis meatus injectis manantibus corpusculis. Ne alia memorem, nonne vides putres, qui de corpore variolis laborante effunduntur, halitus per aëra se ferre, atque occurrentes forte hominum sanissimos inficere, ut omnia omnino eadem accidant his, quæ evenire videmus hominibus, queis insititia hodiernorum ars venenum inseverat? Usque adeo, ut experimento hoc sciamus certissime, vapore tenui contagia publica idem prorsus prodere, quod de industria institutum humanum efficit ipso pure sanguini immisto. Unde & addiscimus, non crassam puris intrusi massam, sed halituosum tenue, quod illi inhæret, morbum efficere. Pariterque novimus iisdem exemplis, subtile virulentum, in venas nostras venire posse æque facili viâ, si cum aëre inspirando in pulmonem ducitur, aut cum saliva deglutitur, aut & applicatum corpori, imprimis calore, motu, sudore, magis patulum postquam redditum fuit. Unico tandem experimento confici-

tur; idem sæpenumero venenum, deglutitum, exhalans, applicatum, infusum venis, eisdem mirabiles, terribiles, atque infinitorum symptomatum productrices, mutationes parere. Argentum vivum deglutitum crudum in catapotiiis Barbarossæ; idem affricatum cum pinguibus in unguento Carpi ad luem, cuti externæ; applicatum in emplastro Vigonis de Ranis ad ipsas pedum plantas; multo usu tractatum manibus calidis; in vapores solutum ad ignem in inauratione, destillatione, suffitu; nonne perfecte idem præstat in corpore sano, juvenili, robusto? Licet itaque de dictis liquidò colligere, corpus humanum sanum deglutitum, inspiratum, applicatum, infusum, plurimos, maximeque mirabiles, sæpe diuturnos, morbos suscipere posse. Animadvertendum vero est, quò acutiores febres, vel alia violenta, & præcipiti cursu velocia mala materies suscepta excitat, eo citius agrum mori, vel naturæ incitatur virtute maturius liberari. Contra rursus reperiri alia, quæ corpore accepta, nulla quidem insueta valde, aut violenta, creant effecta, sed lenta quadam mutatione humores corrumpant, atque serpendo semper latius vicinos iterum simili inficiant labe, quodque in his maxime admirabile pariter & formidolosum, quidquid semel hoc tabo fœdatum est, ilico vim adquisivit sincera iterum eodem imbuendi veneno. Scabiem spectata vulgarem! Pruriens hac tentigine calida sua manu sani calentem comprehendit dexteram, integer mox totus scabiosus redditur primo ea parte, quæ contacta fuit, mox diffuso per universum corpus contagio contabescit, omnesque, quos attingit sinceros, pari malo infectat. Chirothecæ, lodicum, vestium, lecti, imo, quod experiundo didici, nummi calefacti, ope contagiosa lues hæcce se propagat. De fera pfora, de lepra Græcorum, Arabumve, quid memorem? Utique & hanc humani corporis proprietatem discimus, dolemus, quod solo ad cutim tactu ingredi queant particulæ, nullo sensu comprehendendæ præ tenuitate sua, unde tamen liquida corporis mutantur in naturam peregrinam, atque sanitati, inde & sæpe vitæ nostræ, inimicissimam, lento gradu infestam, vi contagiosâ proliferâ semper omnia corrumpentem, dum quælibet particula infecta novæ infectionis causa evadit.

Ad hanc ultimam morborum classem veneream luem reducendam arbitror. Hæc enim solo externo tactu frequentissime primo gignitur. Inficit autem tabo suo illam corporis partem in principio, quam contigit. Sive hæc cute tegitur, sive hac carens solâ obvolvitur cuticulâ. Hinc basis, linctu, suctu, labia & papillas ulcusculis deturpat; linguæ impuræ, infectæve salivæ, commercio gingivas, linguam, palatum, uvulam; tonsillas; fauces, horrendis fœdat abscessibus. Verenda si attigerit, & ibi facit ulcera. Atque in prima hac infectione hanc unicam observamus differentiam, quod si loca primo læsa, cute obtecta sint, uti v. g. si in dorso membri virilis id acciderit, tum & natum ibi ulcus pessimi moris; difficillime sanabile, & plerumque corpori toti ab hoc contagio metuendum erit: quoniam videtur efficacissimæ malignitatis venenum, quod solidam cutim penetret, & exurat. At si loca dermate nuda, ut interiora muliebrium, glandem penis, interiora præputii, primo læserit, tunc non semper adeo formidolosa mala

mala sunt , si cætera habentur paria : quia sola tenuissima cuticula hîc penetrari debet. Ubiunque oculi acie sua observare potuerunt conditionem partis illius in corpore , quam contagium primo obsedit , ibi semper maculam rubellam viderunt , quæ variolæ nascituræ , aut morbilli , stigma , vel morsum pulicis , ferme refert. In hac æger pruritus levem , calorem molestum , vix dolorem , sentit. Elevatur papula hæc , squamulamque cuticulæ attollens bullulam elevat , quæ si latice tenui , pellucido , distenditur , rupta dein facile sanari , absque ulteriori malo , solet. Hoc enim casu , quod omnino notari quam maxime meretur , contagiosa particula , aquosæ lymphæ immista , ruptâ pelliculâ , protinus eluitur , nec vestigium sæpe mali relinquit. Unde patet , cur bullulæ hæc , crystallina Chirurgorum vulgus appellat , felici adeo successu ad integram sanationem perducantur , neque remedia , neque molimina magna , efflagitent. Si quid enim datur colligere ex cognita hodie corporis fabrica , contagium bibulis venulis minimis haustum per venam purè lymphaticam deductum creditur in cavum cryptæ minimæ subcutaneæ , ibidemque lympham infecisse , tuberculum fecisse , rupisse , iterum expulisse susceptum , absque hærescente contagii tenacitate.

Quoties vero macula modo descripta in tuberculum assurgit repletum materie subalbida flavescente ; spissa instar cremoris lactis recentis ; vix cohærente , sed instar ejusdem cremoris defluente quasi , quando intercepta digitis horum à se invicem abductione lenta remittitur ; quæ exsiccata ex viridi flavescens indurescit cum linteis , quibus inhæret ; tunc semper sinistri magis ominis erit malum , suspectum prudenti medico , neque adeo prompte sanabile. Cancrum suo idiotismo Chirurgi jam vocare solent. Hoc mali genus semper inveni sedere in illo humore pingui corporis humani , qui naturaliter in bene sanis replet eam partem , quam adiposum panniculum Veteres , hodierni & cellulofam membranam , vocant. Hujus compages vasculosa subtilissima habetur , fabrica cellulis minimis , at numerosissimis , omnibus per communes vias in se invicem patentibus , atque exigua distendente vi mirifice dilatandis ; hæ cellulæ in tabe , & marasmo exinaniuntur , ut ne vestigium sui relinquant , in emphysemate aëre inflatæ monstrose turgent , in Leucophlegmatia aqua repletæ tumescunt. Hæc cellulosa membrana omnes investit partes mobiles ; quare toti cuti ubique supponitur , cunctis incumbit musculis ; unde interposita cutis interiora inter & exteriora musculorum , facit , ut cutis nobis supra quiescentes musculos mobilis sit. Atque ea lege hîc nascitur ; ut , ubi musculi maxime , plurimumque agentes reperiuntur , ibi naturaliter crassissima hæc membrana , & opima magis pinguitudine infarcta sit , ut hinc ad pectus , abdomen , dorsum , lumbos , nates , femora , crura , humeros , brachia , tempora , cervicem videre est. In illis autem locis , ubi musculi minimi , minusque agentes , membrana hæc adeo paucis pingui instruitur , ut ibi adiposam negent fere omnes , cellulofam tantum admittat Ruyschius. Ita in capite , palpebris , facie , scroto , aiunt abesse ; sed falso : adest quippe , at tanto parcior ibi quam ad nates , quantum elevator palpebræ superioris , vel corrugator frontis , minor est glutæis. Sed ut interposito suo

membrana hæc lubricam mobilitatem cuti & musculis substratis conciliat, ita eadem hæc propagines suas superficiei musculorum undique circumapplicat, musculos omnes omnino universi corporis majores, minores, invisibiles, minimos, investit, seque musculis interponens facit, ne ullus usquam alium contingere queat, verum, ut superficies cujusque musculi sic investita, æqua lubricitate maneat mobilis supra alterius sic pariter investiti musculi superficiem. Hinc eandem ob causam à musculo musculus ope panniculi adiposi tam sollicitè distinguitur, quam cutis à subjectis musculis. Nec musculos modo ita sed tendines horum ambiens vaginas illas lubricas, mobiles, circumdat, intra quas trahi, retrahi facillime absque remora, moveri queant. Inde & tendinum ope & capitum musculorum ad periostei exteriora deductus adiposus idem ille, qui subcutaneus fuerat, panniculus, supra periostei exteriora & ad ossa, & ad juncturas supra ligamenta se expandit, omnia involvit, ipsa tandem & viscera sub meningibus, membrana thoracis succingente, peritonæi expansu, se insinuat. Denique propago illa hujus, quæ datur uni musculo, rursus insinuat se inter distinctas illas minores musculares partes, ex quibus major componitur, in quas arte resolvitur: ut iterum & singulæ hæ quoque partes commodissima facilitate, distincto tamen motu, inter se moveri queant. Quod idem tandem & in harum partium partibus, usque ad ultimum singularem villum musculosum obtinet. Ut ita pateat incredibilis expansio hujus membranæ, spectetur usus diffusissimus, cognoscatur commercium nunquam intellectum hujus effectui inter omnes corporis, vel remotissimas à se invicem, partes. Quum nimirum & ad periostea usque iter ejus à cute demonstratum sit, medullæ vero materies à periostei vasis advecta, intra cava ossis confecta, per periostei vascula partim reecta, ad hæc vasa perveniat, & hinc facile commercium hoc quoque intelligitur. Hæc ego hîc præmittere coactus sum, ut explicem meam de venereo malo sententiam. Hæc ego invictis à mera experientia depromptis argumentis demonstrare possum. Hæc non modo in hoc malo, sed in inflammatione, suppuratione, gangræna, scirrho, cancro, carcinomate, atheromate, steatomate, meliceri, sphacelo, hydrope, omnibus denique morbis fere, recte intelligendis, curandisque, adeo cognitu necessaria æstimo, ut quod quam maxime. Unum patiamini dicam. Si subcutanea suppuratio, panniculum adiposum perfecte consumserit in aliqua corporis plaga; cutis vero, id enim fieri visum est, supra exitum cavum viva supersit, musculi autem subjacentis regumentum adiposum pariter consumptum fuerit, carne ejus integra, tum cutis carni brevi accrescit, sed ea lege, ut postea cutis moveri libere nequeat supra musculum hunc, nec musculus sub hac accreta cute, sed an bo moveantur, ingenti cum impedimento, simul. Videre memini plagam, ubi vagina mucilaginosa, vel cellulosa, tendinum suppurando tota perierat, tendinem nudatum relinquens, qui contiguis partibus accretus deinde penitus immobilis hæsit totâ vitâ. Neque dicas, quorsum hæc? Statim enim apertum erit mirabilia inprimis tabis aphrodisiacæ effecta, ex paucis his intelligi.

Si ergo contagiosa labes per poros epidermidis ingressa , trans cutis vascula usque ad cellulas membranæ adiposæ pervenerit , ibidemque occurrenti pingui permiscuerit se , tunc oleum hoc tenax virulentia sua inquinat , rursusque lentore illius oleosi retinetur , fovetur , atque calore , motu , mora , assiduo magis magisque incenditur , cutim & cuticulam superpositas rodit , corrumpit , interimque sub his circumfusas per ambitum cellulas oleosas contaminat ; unde semper latior plaga in panniculo adiposo corrupta reperitur , quam supra in cute superposita perdita & exesa est. Sensim elatum magis , tentum , jamque dolens , tuberculum hoc , in apice eminente rumpitur ; materiem fundit , qualem supra descripsi ; hæc deterfa assiduo manat iterum , nec sistitur , nec separationem à sanis suppurando facit ; contra vero vicina trahens , eandemque virulentiam propagans in his , novam semper suppeditat materiem , unde hocce eodem modo lata sensim ulcera , quæ semper in adiposa membrana hærent , integumenta superiora tarde corrumpunt , musculos suppositos , denudatos , integros , & colore ruberrimo nitentes , ostendunt. Labia horum ulcerum in locis hisce , cute tectis , nunquam elata , vel retorrida , sed contracta , plana , quasi polita , sunt , & pallida , materies exiens adeo diversa ab ea , quæ in aliis abscessuum generibus occurrit , ut morbi peritus extemplo distinguat ab ichore , sanie , pure , lymphâ carcinomatum : nam in lue hac materia genita splendet instar sevi fusi , lentore vix cohæret , colore est singulari albo sublutefcente viridescente ; vix acris sentitur , ardore , dolore , morfu , sed rubro tabo solam membranam hanc putrefaciens , absque ingentis doloris sensu. Si contigerit , ulcus tale sanari ; tunc semper , fœdo spectaculo , cutis ibidem suppositis musculis accrescit ; cavitas manet ; immobilitas musculorum , partis hinc rigiditas , superest ; color lividus in rubellum vergens semper locum fœdat ; tegumenta enata valde tenta , arida , vix perspirantia , sed præ forti tensione quasi splendentia utcunque apparent. Post sanationem hanc falso putatam , continenter alia in plaga vicina simile priori malum oritur , eandem semitam decurrens , similia iterum relinquens. Quandoque multis locis corporis simul teterrima ulcerosa mala infelix corpus urgent , tandem & depascuntur. Vidi in nobili , pulchro , juvene , totum , qua late patet , dorsum , latis palmum manus ulceribus hujusmodi excoriatum , zonis cutaneis hinc inde inter oras ulcerum relictis intactis : unde , sanatione perfecta , mira deturpati corporis apparebat facies. Atque sedulo tamen animadverti hoc in casu , musculos nudatos quam vividissimos , pulcherrimosque , apparuisse ; neque in profundum se penetrasse ulcera , sed tantum solam pinguem tunicam depasta fuisse , quin imo nec cuti nocuisse , nisi quatenus consumtis vasis cuti suppositis , subducto pabulo , hæc ipsa quoque tandem peribat. Ego hoc ex casu didici singulare hujus morbi ingenium ; vidi ex eo luem , ut in principio sui exortus in Europa se manifestaverat , atque à primis Auctoribus hoc in libro describitur ; conspexi rationem , qua variolas vocaverant Hispanicas primo oriundum in Europa morbum ; sed simul intellexi , quam ingens sit discrimen inter malum hoc , quod tum apparebat , & illud , quod nunc pervulgatum Europæos affligit. Si hujusmodi

ulcus remediis tentas exploratissimæ ad alia efficaciam, nihil fere proficis, nisi uno quasi impetu omne pingue infectum sustuleris simul per ferrum, ignem, erodentia. Ubi vero acribus ulceris os in crustam exussisti, sub eschara dura retentum virus furit, serpit latius, propinqua afficit maligna sua virulentia, & sæpe luem pessimam creat. Unde calamitosissimus hodie usus damnandus serio, dum Medici ulcuscula hæc lapide infernali, aqua divina Fernelii, Vitrioli aqua, Mercurio præcipitato, vel quibuscunque demum talibus, cuique lucri petenti Agyrtæ jactatis, superficie tenuis tangunt, crustamque imponunt; unde creberri-me natam postea luem vidi. Sed rectius ulcera hæc mollioribus, saponaceis, aquosis, foveantur: ut diu aperta retenta & emollita, exhalent, extrorsumque allectam, mobilemque redditam materiem, per patulas vias de corpore expurgent. Profecto, si ulla, hæc tuta est, hæc efficax, methodus ad sanandas pessimas hæc exulcerationes. Hanc salubrem expertus sæpe fui, quando alia infauisto successu adhibita fuerant aliquoties. Hanc methodum gonorrhœæ virulentæ, diuturnum sc. largumque stillicidium, remediis ipsis longo tempore continuatum, summum à lue præservans auxilium hæcenus cognitum, docet; ubi contra intempestive cohibita materiæ hujus effluxio certissima sit brevi tabis venereæ origo. Credo me exposuisse liquidò mali hujus, quando simplex habetur, indolem, modumque curandi: qui in eo solo est, ut virus pingui susceptum radicitus extirpetur, quod si infectio recens uno loco, facile fit, sed ubi inveteravit, lateque se dispersit, inque locis corporis interioribus, atque remotis ab applicandis fomentis, difficillime peragitur.

Considerari debent porro ulcera hæc, quoties occupaverint loca cute carentia, quæ multiplicia plane sunt; adeoque meum haud facio omnia hæc perfecte excutere: magnum implerem, si huic darem operam, volumen. Ponamus itaque glandem penis ulcusculo tali affici. Hujus admirabilis fabrica, tenta æstu venereo, papillis nervosis tentiginem conciliat voluptatis summæ causam. Constat hæc producto spongioso urethræ corpore usque ad finem hujus emissarii, ubi supra fines binorum corporum spongiosorum penis retroflexum ad coronam glandis terminatum hujus eminentem limbum facit. Componitur ergo propria hæc glandis compages primo eadem structura, qua corpus urethræ; unde sanguine arterioso affuso, perque venas reverti impedito ope musculorum libidinosorum, bulbo urethræ sub collo vesicæ applicatorum, impleri, tendi, ad crepaturam usque distendi potest; quod in actu venereo jamjam ad effectum spectante, tantum contingit: hinc eo tempore valide inflammatur. Semine autem emissio prima flaccescit, hocque momento temporis valde bibula, facile in suas cellulas jam inanitas rapit, quod penetrabile applicatur ferventi illius superficiei. Inde primo capitur, cur adeo frequens hac parte contagium fiat? Cur tam crebro fungosa glandis pars plena turgeat materie, quam supra descripsi; ut pressa glans hanc sudet? Cur ulcera hinc nata in spongiosa hac fabrica, depasta omnem hanc compagem, & in tabum venereum convertentia, glandem totam siderari, decidere, à reliquo veretro sæpe cæterum intacto separari, faciant? Denique & palam est, à capite penis, ope corporis

spongiosi urethræ continuatum commercium habere usque sub collo vesicæ : quum totum hocce unum sit idemque continuatum cellulosum corpus : quum superficies cellularum harum inungatur semper unctuofo pingui humore , ut lubrica simul & expansilis facile sit , vel inde iterum liquet , quare concepta hîc semel contagio tanta semet luxurie alat , sustineatque ? Altera pars , quæ ad glandem constituendam cum corpore spongioso urethræ concurrit , est numerosa series papillarum nervosarum sentientium , quæ à corona glandis , usque ad urethræ orificium , ordinatis stratis superficiei fabricæ spongiosæ incumbit , atque exteriorem ita glandis ambitum facit , ut extremi hîc nervi , voluptatis & doloris instrumenta propria , sub tenerrima glandis membrana extrema coërciti , sibi mutuo incumbentes , jaceant : hinc penis glans , si deglubitur hoc extremo involucro , liberis , solutis , assurgentibus his papillis hirta tota , & villosa , apparet. Omnes rursus & hæ papillæ tenui membranula cellulosa distinctæ sunt à se mutuo. Quid si ergo tenuissimam transgressum membranam externam glandis virus venereum hanc ipsam exederit , en nudatas papillas has. Sed vah quantus tum dolor ! Utique intolerabilis : neque inter symptomata venerea , vix aliud atrocius excrucians. Si tum cellulosa tenuis fabrica absumitur tabo venereo , solutæ papillæ excrescunt , faciuntque verrucas venereas , horrendum symptoma , inprimis horrescens circa coronam glandis : quia plurimæ ibidem papillæ. Spectavi , & exhorruï , terribile hoc malum , quod , echini instar glandem deformans , præputii motum fere omnem impediabat. Si autem imprudens rerum chirurgus , nudatam tenui sua membranula superficiem vivam papillosam glandis acribus irritaverit , contigit sæpe , ut totum penis corpus dirissimum in modum inflammaretur , turgeret , priapismo exquisitissimos dolores pariente laboraret. Unde & ad hoc mali genus emollientia , humectantia , laxantia , anodyna , extrorsum allicientia , securissima præsidia sunt ; quæ vel fero applicare cogeris , ubi turbas per rodentia excitatas compescere debebis. Lactæ & Altheæ præstiti hîc , quæ argentum vivum nequiverat. Unguento Altheæ , aut nutrito perfeci , quod Ægyptiaco , & mercurialibus negabatur. Denique ultima pars , quæ ad glandem constituendam venit , est memorata jam aliquoties membranula tenuissima , quæ glandem operit : hæc propago interioris cuticulæ præputii supra coronam glandis , hinc omnem illius superficiem , expansa , atque supra cutim præputii , hinc totius penis derma , epidermidis vice fungens , commercium facit inter epidermidem & superficiem glandis. Inde visum fuit , mala ulcera penis ad glandem pervenisse , glandisque damna ad penis externum corpus communicasse labem. En exemplum unum , quo docemur mirabile , & rarum , naturæ institutum in generandis tot diversis malis ex eodem veneno pinguitudini corporis misto , sed agente in distincta loca corporis. Putarem ergo ideam totius hujus morbi me dedisse , imo & curationis , nisi requireretur , ultra paucis considerare , quod , si contagium pinguis medullæ intra ossa occupat , hîc omne oleum corrumpat brevi , inque rancidissimum putre , totum virulentum , convertat : quum vero exitus acri veneno haud detur hîc loci , vascula tenerrima hîc sint , omnes humores

mere oleosi, facile patet, brevi omnia ossibus contenta in mortuum putridum resolvi, & propter tardissimum hîc humorum circuitum, fere stagnare. Quare nulli medicamento etiam vis idonea, ut inceptam putredinem cohibeat, aut factam expellat, separetque. Vasa jam, quæ à periosteo per os in cava solebant afferre vitalia liquida, exesa impediuntur adducere, renovare, separare humores; quæ vero ex medulla pingue oleum inter laminas ossium affundere solebant, aut periostei vasculis reddere, consumpta quum sint, per meatus relictos osseos nihil nisi foetidissimum, cuncta brevi corrumpens, atque inficiens, rancidum emittitur, hinc ossis in cariem corruptela, ejusdem lamellis à se mutuo elevatis & secedentibus, periostei ad ossa naturaliter arctissime applicati distentio, exesio, dolor acutissimus, maxime vesperi ad mediam usque noctem, in gummi, topho, exostosi; hinc omnium partium, ossi infecto circumpositarum similis corruptio, imprimis ope membranæ adiposæ, cujus tunc cellulæ omnes usque ad cutim inflantur, tument, fungosæ redduntur, degenerascunt, ulcera fistulosa, foetida, ichorosa, insanabilia, faciunt. Hoc mali genus omni medicamento, omni methodo, inexpugnabile, ubi eousque invaluit. Sed quando una forte ossis cujusdam singularis pars, inter lamellas quasdam medullosum pingue affectum habens, ibidem corruptelam patitur, tum semper & ibidem lamellæ à se invicem discedentes osseum tumorem faciunt sensim incrementem, hinc & periosteum vasa ex hac affecta ossis parte accipiens infestant, inflammant, tendunt, excruciant; hinc & rursus paniculi adiposi continuatum corpus corrumpendo abscessus format. Hi arte ad os usque aperti ubi fuere, ut os nudatum sit, tum quandoque vasa adhuc vegeta sub lamellâ infectâ hærentia corruptum ossis depellunt, separantque, tumque novum ibidem texunt periosteum, locusque perfecte sanatur. Aut ars scalpro, igne, vel corrode, abradit corruptum ad sincerum usque, facitque ita similem sanationem. Non est nota usque ulla alia ars ad sanandum hoc malum. Unde evidenter liquet, quando, & quomodo, contagio hæc ossa ipsa obsidens tolli queat? quando & cur incurabilis aliàs sit? Miramini forte, rem hanc, intricatam adeo habitam, ad simplicitatem hanc reduci: sed id fit, quia intentissima cum cura toties felices, atque infortunatos, horum malorum exitus vidi. Aio ergo, omnem spem sanandi ossis affecti in eo positam, ut sub lamella inquinata bona medulla, & vasa arteriosa viva, vegeta, vim habeant corruptum sursum depellendi folii, vel frusti, separati formâ, dum interim os nudatum sit in parte superiore. Ars autem aliud non promittit, nisi os nudando, vires vasorum adhuc sanorum augendo, separationem naturalem promovere, aut partem ossis perditam manu separare à sanis. Hinc rursus summi momenti observationem apponere fas est. Quotiescunque tabo venereo corrumpitur periosteum ossis medulla carentis, tenuis, lamellati, per quod pauca, & debilia valde, vasa decurrunt, ita ut membrana hæc exedatur; toties neque arte, neque natura, hoc os servari poterit, sed caries illud occupans procedet usque ad futuras, quibus ossiculum hoc vicinis committitur, totumque corruptum simul, aut minutatim corruptas per par-

res, excidet: quum scilicet officula hæc à periosteis suis omnem vitam accipiant, omnia vasa, atque in propria sua fabrica vix circulum liquorum admittant, manifestum erit, periosteo destructo officula hæc mori, pingua in cellulis horum rancescere, putrescere, carie tabescere. Talia sunt ossa palati, nasi, vomeris, ethmoides, spongiosa nasi, unguis os, planum, cætera orbitæ ossa, laminæ ossis maxillæ superioris cavi, apophyses tenues ossis sphenoidis, hujus cellæ sub ephippio, inferior lamina sinus cavi in osse frontis. Infandum scribenti renovat dolorem sæva commemoratio atrocissimorum incidentium, quæ in hisce dolui contingere, etiam in iis, qui priusquam meæ se curæ committerent negantis sanare posse, jam summorum in arte nostra, & variis quidem in regionibus, magistrorum sapientia, & fide, usi fuerant. Novi sane, atque ipsemet haud perfunctorie colui, jactata ad hos ossium morbos remedia; ptyalismum; sudoris expressiones; Mercurii, cinnabarisve suffitus; errhina mercurialia. At incassum omnia. Ubi enim inveterati tibi lues Schneiderianam oris, nasi, laryngis cartilaginei membranam profunde occupavit, atque, ubi officula hæc subtilissima investit, exedit, in rei natura superest nihil quidquam boni quid promittens, nisi forte si officulum involucro suo privatum excidere queat, reliquis intactis. Sed ut simul tota reliqua membrana sana servetur omni molimine. Quod in lenta, mucosa, pingui, in mille plicas, rugas, sinus, convoluta membrana, nudo aëri semper exposita, efficere non levis est laboris. Qui ergo præter id, quod artis potestas habet, promittere non vult, cavebit inania jactare, quando fœdum, putrem, rancidum, ichorem, naribus emungi copiosè videt, aut ulcera lardo similia faucium posteriora, velum pendulum palati, tonsillas, membranam crassam palati anteriorem, depasce cernit. Sed omnia bona sedulo applicans, negligens nihil, varia tentans, semper interim de exitu sollicitus, in prognosi prudens, stentores securus ridebit, dum interim miserescit ægri. Quæ hæctenus candidus enarravi, verus vobis dixi & simplex, forte & sufficiunt, ut capiat, quid de malo proposito sentiam. Superest ut de sanatione aperte dicam quidquid novi.

Si recens contagium nascitur applicatum parti cute tectæ, hæc vino, melle, & sale, calidis abluatur forriter, diu. Dein fomentum ex his paratum, linamentis exceptum obvolvatur parti, semper in calore æquali sustentatum. Si diutius adhæsit, priusquam advocatur medicus; Ablutæ iisdem valde calidis parti, protinus vesicans de cantharidibus applicetur, fomento eodem supraposito tamen; exulcerato loco molle unguentum aureum, vel tetrapharmacum, applica, cum pauxillulo mercurii præcipitati rubri, ut apertus maneat locus, atque idem fomentum superponatur; ficque duodecim, aut ultra diebus tractetur: jubebo securum esse ægrum, qui interim pingua, calida, cavit. Si recens lues partem affecit cute nudam, intima præputii, glandem, labia, os, aut similia loca; Ilico peni, reducto præputio, balneum suadeo, ex iisdem, vel similibus, quæ nimis emollientia sumi non possunt; summum enim hîc remedium est, ut laxentur pori, ficque extrorsum pel-latur inquinans materies: semper itaque tepentes, humidæ, emollitæ,

fotæ, teneantur partes. Hisce ipsis utendum etiam si jam locus infectus apertus sit: tunc enim materies libere extrorsum ducatur, vix introrsum ibit, adeoque præsens sanatur, præcavetur futurum. Conducunt simul ad hæc purgantia hydragoga interim crebro adhibita. Balsamus autem ex Terebinthina, vitello ovi, & Mercurio crudo, linamentis exceptus, ipsi ulcusculo applicatus, penitus emolliens, valde prodest. Ita quidem, ut hac methodo plena fere sanatio hujus mali promittatur, unde tamen, si negligitur, teterrima lues creberrime exoritur. Neque miretur quis, simplici hac methodo, atque absque mercurio quidem, utendum me statuere: quum omnes fere artifices statuunt solum argentum vivum hîc valere, solum necessario requiri ad hanc curationem. Sciat modo, me hîc tantum hucusque agere de uno, externo, loco affecto, recenti, & ubi labes inquinandi unice hæret in tali ulcusculo. Tum scilicet promitto sanationem perfectam ex præscripta curationis via, certusque sum illam sufficere. Quid autem argentum vivum præstet ad sanandum, id vero modo conabor experimentis definire: ideoque nunquam probabo temerarios ausus eorum, qui consulenti super hoc malo juventuri, ilico suadent usum argenti vivi, quod semper corpori nocet, nec necessarium sæpe habetur. At quoniam mulieres inficiuntur plerunque hujusmodi ulcusculis ad cryptas mucilaginosas intra pudenda natis; hinc & illis eodem morbi gradu nihil magis prodest, quam fots, ablutiones, balnea, ex emollientibus, laxantibus, detergentibus, putredini resistentibus. Acetum, vinum, mel, sal, ad duo postrema refero, omnes emollientes herbas eligo ad priora. In multis sæpe casibus brevi sanatas gaudebam, quæ recens infectæ nondum alia mala habebant. Forte roget quis, quam ratione certus sit, ea conditione malum esse, ut audeat confidere laudato consilio, sine metu neglecti fortioris requisiti remedii. Sed tempus applicati contagii, locus apparens affectus, absentia omnium aliorum symptomatum post rigidissimum examen prius institutum, certum Te facient. Id unum moneam, si plaga primo affecta in palato, uvula, tonsillis, faucibus visa sit, nunquam audere me credere ulli auxilio, nisi fortissimo pytalismo ocyssime excitando. Est enim adeo fallax & insidiosa horum locorum affectio, est tam enorme, quod ex minima hîc causa enascitur malum, est adeo difficilis tibi inquinatis expurgatio, est impossibilis quoque externorum remediorum applicatio, ut hîc extremo statim remedio utendum omnino sit, aut dolendum sero. Atque hinc fas esto veram quoque gonorrhœæ sanationem trahere. Est hæc contaminans materies, sorpta meatibus in superficie glandis inflatæ æstro venereo dilatatis, primo uomento, quo flaccescere incipit. Locat se labes tibi in cellulis corporis spongiosi glandis, continuati intra duas membranas usque ad collum vesicæ. Et facit continuatæ fabricæ commercium, ut facile propagetur toto hoc tractu minimum adspersi mali contagium. Ubi vero admissum ad tenerrimam hîc pinguitudinis membranulam, extemplo creat ulcusculum, quale descripsi prius, & in eo materiem & ibidem recitatam. Ulcerosa hæc nata fœditas, in loco structuræ tenuissimæ, subpingui, scrobiculum capacem format semper, in qua illa fit, accumulatur, retinetur, lente inde exit,

aut

aut ubertim exprimitur. Si cavum exesum in fungosa glandis fabrica sistitur, atque per superficiem ejus dilatata sibi emissaria paravit, tum spurcissimus tabus hac parte transsudat, glandem & præputium corrumpit, tabefacit quandoque & siderat. Hæc mihi prima est gonorrhœæ Veneræ, virulentæ, species. Cognoscitur fædo madore, minus crassio quam in cæteris hujus nominis morbis, assiduo, genito intra glandem & præputium, tum materiâ hâc per glandem pressam extrinsecus transfudante, cæterum post ablatum contagium facili sanatione. Curaturus præscribo sæpe iteratam interdium abluitionem harum partium, atque imprimis accuratissimam deterfionem vel minimi madoris, sub præputii latebris absconditi; abluitioni mel, sal, vinum, aqua serviant; myrrhæ in vino igne eliquato solutæ liquor; acetum aquâ dilutum multâ cum pauca aloë; plurimaque alia similia. Depuratione sollicitissima rite perfunctus, reducto præputio, nudatam glandem obvolvatur circumposito cataplasmate emolliente, laxante, alliciente, anodyno, semper simul paululum antiseptico. Gnaro haud deërit abundantis materiæ varietas. Farina rad. Althææ, Lini ana unc. j. flor. Althææ, Sambuc. ana unc. ss. fol. marrub. alb. scordii ana m. $\frac{1}{4}$ salis ammoniac. scrup. j. F. S. A. pulticula crassior, cui circa finem parum olei lini admisce, hoc linamentis appositum sufficit. Fit enim, ut, per dilatatos meatus, materies vitæ vi extrorsum eat, separetur, impediatur retrorsum fugere. Huic frigus, & exsiccatio caventur omnium maxime, ne pori contracti fluentem materiem repellant. Toto tempore, quo curatio hæc peragitur abstinendum præcipue ab omni omnino pingui. Quæ prudentissima cautela hîc. Dein vitanda, quæ acri mobilitate in venerem incitant, aromata, bulbi, carnes, ova, pisces, vina. Constat enim, nihil esse, magis quod obstat felicitati citæ curationis gonorrhœæ, quam inflatus membri virilis: quum tunc dilatata ad rupturam fere usque cellulæ, arterioso fervente sanguine distentæ, læsam fabricam plus rumpant; contagium excitent, acuant, moveant, misceant sanguini; & collapsio dein pene retrorsum adigant. Vidi hinc sæpe vanos fuisse hoc in malo vel probatissimos sanandi modos, si quacunque demum de causa, quæ hercle multiplex hîc nimis, homo arrigit; imo sanatas jamjam gonorrhœas, unico incitæ libidinis impetu actutum recruidisse, novamque denuo sanationem de integro exegisse. Quidquid ergo prurientem imaginationem titillat, in cibo, condimento, potu, medicamento, vel per conversationem cum amabili sexu, tabularum adspectum, sermones, lectionem, cane pejus & angue fugiendum. Aquæ potus, vel feri lactis, Cerealia, horæi fructus, condacunt. Verum, si usquam, hîc purgantia hydragoga præstant; Jalappa, Hermodactyli, Scammonea, Sena, imprimis: hæc crebro usurpata potestatem habent dissolvendi sanguinem in aquam, hanc depellendi deorsum, & evacuandi per intestina; hæc agunt valide semper & in urinæ vasa, vesicam, urethram. Hinc & laudatissimus horum usus in locis huic malo nativis, Africa, America; quin & probatissimus quoque apud optimos fere nostrorum in arte Magistrorum. Neque crediderim temere excultam usque methodum palmam huic propositæ præripuisse: novi quippe alias plerasque, tentavi, cum hac com-

paravi. Fateor, incommoda est aulicis, in celebritate versantibus, vel munera publica gerentibus. Sed tuta sæpe ardua sunt & molesta. Novi promissa Agyrtarum, se curaturos vel in regali natantes luxu, equitantes, voluptatum omnia genera exercentes. Sed mihi, & hæc conanti, haud licuit esse tam beato. Quin & dolui sæpe, dum sic tractatos illustres Viros vidi per annos vitam agere reliquiis veteris mali obnoxiam. Interim fomenta, cataplasmatum loco substituta, minus incommodant. Imò vero, urgente necessitate, & mollissima quandoque emplastra vicem suscipiant priorum. Quale illud de mucilaginis, de meliloto, & similia. Primæ tamen debentur cataplasmati & balneo. Altera mihi censetur gonorrhœæ species, quando virus venereum, per poros glandis se insinuans, penetrat usque in fabricam cellulosem superiori parti urethræ circumnatam, ulcusculum ibidem format, quod meatus in urethræ ductum hiantes exedit, hinc ulcerosam materiem hæc viâ effundit, assiduo quidem destillantem hoc exitu, sed inprimis ubi veretrum hac parte premitur, pressu ab inferioribus partibus sursum versus adacto. Qua in re memorabile id inprimis, quod si presseris mane, post somnum, lotio nondum reddito, ad uncia distantiam ab apice penis retro, antrorsum, notabilis copia fœdæ materiæ exprimitur; quæ modo prodeundi, & pressionis, spectato, docet, eam non hæsisse in urethra, sed pressu in eam derivatam fuisse ex fungoso urethræ corpore. Et manifesto videbis in hac gonorrhœæ specie, nil talis materiæ ultra ex toto pene à collo vesicæ pressio ad glandem usque proditurum. Quare infectus locus solus hic est. Eoque dirigenda omnis curatio. Hæc est frequentissima in initio gonorrhœa, quotidie occurrens; ingentem plerumque copiam tibi venerei gignens; diu satis durans præcipue in laxis hominibus; atque, si modo materies libere excernitur, licet diu, raro luem generans; imo fere ab ea præservans. Verum id præcipue incommodi habet, quod in sinuosis istis cellulose membranæ ambagibus diu hærens, diuturna stillicidia, vix ulla arte sananda, pariat. Curo hoc malum ut primam gonorrhœam. Sel balneum peni, scrotoque, applicandum semihorii spatium, ter quaterve interdium suadeo. Materies huic balneo eadem, quam in fomentis commendavi. Quæ siphone injiciuntur, raro in cellulas istas pervenire queunt: hinc vix juvant, nisi in primo statim initio; vel ubi fungosa illa fabrica intus vix exesa est. Quoties vero usque ad glandulas Covyperianas urethræ virus intravit, has obsedit, per emissaria harum in cavum meatus urinarii se exonerat materies, tertiam gonorrhœæ speciem appellito. Hæc ingentes ibidem erodit sinus cavos, fistulosos, plurimo hoc pure assidue manantes, difficillimæ deterfionis, hinc & sanationis. Si genitus hic ichor quâcunque causâ impeditur exire, ulcera quandoque pessima generat ad latera urethræ, ubi partes hæc à nobili Inventore harum glandium descriptæ. Unde ulcera pertinacissima, molestissima curanti & patienti, in annos sæpe excurrentia. Difficultas insuperabilis ad sanationem ducendi hoc malum in eo est, quod ubi ad interiora harum glandularum immisit se contagiosa materies, inde vix extricari queat, sed hærens, ipsaque morâ pejor assidue facta, vicina inquinet, inde quandoque &

subcutanea penis posterioris pinguia vel cellulosa occupet : unde quædamna oriri queant , & visa sint , norunt periti. Modus , quo hoc genus mali tractari debet , idem plane est , qui in gonorrhœis prioribus commendatus ; sed omnia hîc impigre applicanda ; atque partes continenter mollissimis fovendæ , materies confestim elicienda : omnis quippe felicitas curæ pendeat inde , ut conceptum inquinans effluat totum cum pure facto. Aliter nimirum metuenda lues est. Quare etiam subinde hîc recurrendum erit ad gravissima remedia ptyalismî. Quamvis enim gonorrhœæ priores eo nunquam curentur ; tamen posterior hæc species in parte solidiore glandulosa nidulans , in qua vasa arteriosa & cordis impetus magis actiuosa deprehenduntur , mercurii vim longe promptius excipit. Sed & quartam recenseo gonorrhœæ formam , postquam virulentus tabus viis jam memoratis usque ad prostatas perductus , has tabefacit , inque abundantissimum pus virulentum resolvit. Id mali aliàs ex durantibus diu , aut inprimis repetitis sæpe , gonorrhœis oritur. Cognoscitur vero tumoribus in perinæo ; interceptionibus sæpe pessimis urinæ ; rejectu copioso purulentæ , subputridæ , materiæ ; insanabili fere suppuratione ad partes ; sæpenumero ulcere maligno , nec sanabili , in perinæo , nato ; aliquando vero ulceribus pessimis circumquaque ad loca prostaticorum prodeuntibus , & vicina depascentibus , spectaculo fœdissimo ; sed inprimis hoc in casu miseri hi subito , absque manifesta ulla causa , sentiunt sæpe lotium intercipi , unde dirissimi , at inanes , ad exonerandam vesicam tenesmi , neque catheteri inducendo via datur , donec ita excruciatu diu subito purulenti quid urethrâ dimittitur , nec ita diu postea urina satis libere redditur , donec simile denuo malum infestat. Cernis quidem , quam sit difficile malum hoc , quod aliquoties vidi , percurare ; atque & hîc salivatio locum obtinet unâ cum sedula adhibitione eorum omnium simul , quæ in sanandis primis gonorrhœis prius suadebam. Denique postremam , illamque profecto abominatissimam , gonorrhœam habeo , quæ infectu prostaticorum emissaria vasculorum feminalium inter exeuntes meatus prostaticorum hiantia , à Clarissimo Morgagni descripta , erodit , hincque venenum suum per hos ductus usque in vesiculas seminis communicat , illarumque liquidum & vasa spurce contaminans , profluvium fœdissimum creat & largissimum , loca interim sinuosa , atque Labyrinthi instar intorta exulcerat : huiusmodi quanta inde mala ! Vidi totum illum apparatus cellulosum , qui has vesiculas spermaticas , vesicam urinariam , intestinum rectum , perinæum , ambit , atque interjacet , exulceratum , putrefactum , exesum , in hiatus fistulosos ad scrotum , perinæum , anum , desisse , ut per cuniculos simul & fistulas , omnes hæ partes consumerentur. Nec balneis , fomentis , injectis medicaminibus , emplastris , unguentis , cataplasmatibus , incisionibus , dilatationibus , aliquid profectum ; quin tandem & urina ipsa , de his ipsis ulceribus demittebatur. Imo & cura abstinentiæ , decoctorum , sudoris per spiritus vini accensos expressionis , ptyalismî accuratissimi , juvaminis nihil miserrimis adferre potuerunt. En , mi Lector , hæc ego mala vidi , tractavi. Neque finis mehercle esset , si omnia prosequeretur , hæc dixisse mihi , legisse Tibi , sufficiat , ut singulare ingenium huius


veneni, miros inde pendentes eventus, atque proprium ejus stabulum pingue humani corporis, recte intelligas. Unum hoc tandem superest, dicam, quomodo sanari queat malum hoc, quoties cognoscimus illud hæere sparsum per pingua corporis, atque intricatum ibidem turpi fœturâ maligne se propagare. Id vero scimus fieri; quando post commercia suspecta; geminatas sæpe gonorrhœas; omnium maxime post ulcera externa neglecta verendorum; præcipue, si hæc cito exsiccantibus, escharoticisve subitanæ inductâ crustâ, abire visa sint; si unquam omnibus his, vel quibusdam præmissis, apparent maculæ variorum instar in cute; ulcuscula ad labia, gingivas, linguam, palatum, velum palatinum, uvulam, tonsillas, linguæ radicem, laryngem, pharyngem, intra nares; certissimò constat, veram luem Veneream corpus ægrum obsidere, ocyssimamque efflagitari curationem. Quando autem in ossibus cranii mediis, vel in media parte crassissima ossium majorum, quibus artus fiunt, oriuntur dolores, enormes, quasi compages tabulata horum finderetur, vel dissilitura esset, atque hi, post occasum solis inchoati, sensim lento gradu procedunt, donec media nocte intolerabiles evaserint, coëgerintque extortum ægrum lectum deferere, versus auroram sponte quiescentes; tum certi sumus malum in pinguitudine ossium ipsa jam hæere. Tumores dein ad eadem media ossium loca orti, molles, lenti, tenaces, tophoïdes, ossei, id ipsum quam maxime confirmant. Præcipue dum & superappositæ molles partes jam in maligna ulcera corruptæ palam clamant ossium meditullia perdi. Aut & ubi passim toto corpore laceræ, ulcerosæ, jam primo descriptæ plagæ fœdo adspectu terrent, suamque indolem denunciant Medico. De medullis occupatis jam prius dixi; notetur modo diploëm ossium cranii medullæ officio fungi, morbis iisdem obnoxiam esse. Age igitur consideremus in quonam puncto stat vera sanatio mali in gradus modo descriptos provecti? Si quid ego hîc videre queo, in eo solo certe, ut omne illud virus, quod oleo pingui corporis hæret inde extra corpus ducatur, usque ad minimam particulam, sine ullo omnino residuo: quia si quid supermanet, utcunque parvum id fuerit, recidivæ urget recens, idemque metus. Atqui tenacitate lenta olei inviscatum virulentum temere haud dimittitur; hinc una difficultas; neque vero olea suis de cellulis excutere, per vasa movere, de corpore subducere, facile est: unde & altera nascitur haud minus ardua difficultas. Aïo tamen, nisi olea corporis solveris penitus, soluta vero unâ cum concreto diu veneno, expurgaveris prorsus, nunquam radicitus extirpabis, ubi inveteratus est, hunc morbum; sed sanasse visus, recrudescentem vel decies dolebis. Igitur reperienda erit methodus tam efficax, ut resolvat omne adiposum, medullosum, aliudve tenax cui tabida adhæsit affectio, in meram, penetrabilem, perque minima vascula de corpore facile educendam, aquam. Undenam ergo instrumentum tale inveniemus? Argentum vivum præsto est: id enim quâcunque viâ immistum sanguini vitali, quum sit sanguine ipso decies & ter ponderosius, agitur vi cordis & arteriarum contractione tanto majore impetu in compagem sanguinis, ut eam penitus destruat, globos rubros resolvat, se-

rosas flavas sphærulas imminuat , reliquasque etiam partes ejusdem in minutissimas frangat , & ita in laticem subtilem , putridum , vasis exeuntem , convertat. Sed & novisti , elementa argenti vivi incredibiliter exigua cognosci , utique globis serosis sanguinis longe tenuiora ; sane dum poros cutis intacta virtute ingreditur , cognoscitur , quod elementis majoribus sanguinis longe sit penetrabilius. Dum vero in meatus densissimi corporum auri tam facile se insinuat , ipsâ forte aquâ magis divisis in tenuitatem particulis constare colligitur ; licet attractione ingenta suarum partium ad certum gradum tenacitatis se colligat. Tandem & maxime immutabile hoc ipsum fossile videmus , omniumque forte cognitorum corporum omnium minime rodens vel acre. Quibus sane cunctis rite expensis apparet vera vis qua ad expugnandum hoc malum solus efficax , sufficiens solus Mercurius habetur. Vera ratio , quia omnes corporis humores in subtilitatem aquæ convertit , olei tenacitatem dividit , facit hinc , ut evadant omnes adeo dissoluti , ut specie salivæ , feri diarrhoici , urinæ citæ , vel sudoris , sponte de corpore eliminentur , veteres ita universi expellantur ; unde nisi nova liquida commodò substituuntur in locum perditorum , brevi moriuntur sic tractati , exhausto omni fere liquido. Nec sane actioni Mercurii confidere in tractanda hac inveterata ægritudine fas esto ; nisi prius , ne guttâ quidem intactâ , universos corporis humores , qui ullo modo pingues sunt , in aquam redegeris , expuleris de corpore , sicque simul immistum his tabum Venereum ablueris quam perfectissime de corpore affecto. Aliter , si quid restitit , statim ac novi ex alimentis succi , qui semper tum renascuntur magis quam olim pingues , perfecte vasa repleverint , ilico novus recrudescit morbus. Unde deducitur , rite non curari malum , nisi pallescat instar mortui æger , nisi emacietur prorsus , nisi alimentis inter curandum quam minime pinguibus nutriatur , nisi tamdiu protrahatur ipsa curatio donec antiqui humores omnino de corpore migraverint. Neque ideo uniuscujusque est , fortunatò dirigere argentum vivum in felicem exitum : nisi enim monita hæc fideliter observaveris , atque in magno satis , & perpetuo calore , ægrotantem continueris , postremo nisi & curatum jam hominem per mensem unum , alterumve , à pinguibus arcueris pabulis , atque à putrescentibus facile cohibueris , dolebis frustra Te discruciasse miserum crudeli durissimi remedii torturâ : quum fere semper postea aliquid hæreat unde sepultus resurgat morbus , novasque vires capiat. Plurima pertinent porro ad lucem affundendam liquidam dictis. At meum hoc jam non est. Unum nimis edoctus addam. Argentum vivum sola vi vitæ actum hoc malum sanat , motu expellit. Ideo & ejus medicata potestas haud valet corrigere venereum tabum , quando ille figitur in locis , ad quæ actio cordis , & arteriarum , vix pertingit. Hinc cariam diploës cranii non sanat ; sed in cellulas ejus osseas consumto pingui vacuas , iners , effusus , stagnat. Inde & ossium medullam inquinatam hoc malo vix repurgat. Gonorrhœas in sola cellulosa penis fabrica hærentes , per quas vix ullus circumeuntium humorum imperus , nunquam sanat ; licet luem simul dominantem perfecte eo tempore tollat. Officula tenerrima , solis tenuibus tecta membranis , ut jam supra mo-

nui, fervare nequit, ne excidant. Omnia hæc calamitosa mala præsens vidi. Sed mala Venerea, quæ latitant in locis, per quæ arteriæ rubræ, flavæ, ferosæ, pellucidæ, cæteræque, per quas liquida cum idonea velocitate ruunt, argentumque vivum admittere in se possunt, atque illud fortiter urgere vitali potestate, perfecte sanari queunt Mercurii virtute. Quæ profecto observata proderunt medico, ne diffidat in his, ne vanus sit in illis. An igitur in malis Venereis, ubi æger conditione loci ab argento vivo juvari nequit, desperatus relinquendus? Nequaquam! quid ergo juvare poterit, ubi deficit Mercurius? Dicam. Lege *Huttenii* insertum hîc tractatum, sed relege cum cura, videbis ablui posse acri lixivio Guajaci intricatissimum contagium. Consistit artificium in eo, ut rursus omnia pingua resolvantur, corpusque ita emacietur, nihil ut olei retineat; unde hanc exsiccationis curationem vocant. Hic sc. æger loco calidissimo includendus, ut fere sponte ibidem ad sudandum pronus sit. Abstinere toto debet tempore ab omni potu, ciboque, in quo vel minimum pinguis. Unico macilento biscocto pane, uvisque passis, nulla alia re, alendus. Nullo omnino reficiendus potu, nisi sincero, at paulo leviori, Guajaci decocto. Quater interim interdiu potet decocti meracissimi ejusdem tantum, quantum potest; utique in singulas vices ut minimum uncias sorbeat octo, si plures, tanto rectius. Postquam ergo continuato aliquot dierum decursu impletus hoc liquore fere quasi hydropicus evadere incipit; jam cogitandum, corpus hoc plenum liquore ligni, cujus penetrabilis acrimonia, & acuta balsamica virtus, talis est, ut omnem fere pituitam solvat, pingue diluat, tenax attenuet, putridum à fracedine ulteriore condiendo præservet, cohibeat. Tum medicatus ille liquor fovit, maceravit, malos humores; restat dein, ut velocissime motus, perque omnia vasa trajectus celeriter, intima quæque abluat, detergat, repurget, atque ita pingua corporis infecta de corpore quam accuratissime eliminat, sicque continuata hac expurgatione sanet. Igitur vacuo jejuno ventriculo mane impleat se, quâ potest, maximâ copiâ æger, ut turgeat; dein in cistella erectus sedens lignea, vel in lecto sub craticula, ad incensorum spirituum vini flammam ardentem sudet nudatum ægri corpus adeo diu, tamque fortiter, quam ferre poterit. Spatium dimidiatæ horæ summa fere mensura est; tum in lecto, remotâ flammâ, continuet sudorem ultra per horulam. Dein uncia octo vel decem juris macilentæ vitulinæ cum pauca oryza cocti calide exhibeantur. Corpus accurate pannis calidis, siccis, ex lana contextis, detergeatur. Surgat æger. Qui sic quatuordecim tractatus diebus, & mane & vesperi ita sudet, ita à singulis sudationibus reficiatur, detergeatur, repleatur decocto. Tum denique quatuordecim diebus iterum sudet mane. Interea vero dum hâc arte in sudores resolvitur corpus, si quæ pars ossis malo infecta venereo, hæc eo tempore obvolvenda pannis calidissimis, fortissimo Guajaci lixivio madentibus, quin & præcipua ardentium spirituum flamma inter sudandum eam versus partem dirigitur. Hac arte intima ossium, & reconditissimarum partium abdita purgantur penitus, etiam quò mercurii virtus cum efficacia haud pertingebat. Etenim videre memini juvenem

penitissime ad ossa usque infectum, hac tractatum methodo tanto impetu ejecisse sudores, ut in vigore operationis, subviridis à Guajaco sudor elevaret, separaretque, ulcerum escharas vacillantes jam, & inferne labefactatas. Reminiscor lætus, quod juvenem sanaverim, jam sanissimum virum, & patremfamilias, cui diversis corporis locis ossa tabefacta adeo, ut in digito manus articulus unus exciderit, in crure plurima loca cariosa spectarentur. Hâc methodo rite excultâ, atque observatâ, officula narium, fragmenta palati, separata, cætera sincera reliquerunt. Quum vero ad summa hæcce mala, ut plurimum ptyalismus, & hæc decoctorum methodus, solent adhiberi, semper observanti constitit, ptyalismo, feliciter sudoris expulsionem succedere; sed quoties liquore Guajaci humores corporis penitissime prius dissoluti fuerant, ut ad hanc curationem desideratur, tum salivatio postea mercurio excitanda præscripta, vix boni quid præstitit, quin imo vel maximâ datus copiâ, aut per frictiones corpori applicatus, nihil quidquam salivationis excitavit. Credidi inde postquam idem illud aliquoties videram, argentum vivum in attenuatos penitus humores nihil fere agere, sed sine offensa dilabi, atque iterum exire vix turbato sanguine. Ut enim supra dixi, in argento vivo nihil acris. Atque hæcce quidem ea sunt, quæ inprimis commentari super hoc malo, hac occasione volui: ut aperirem publico, quid singularis tristi in maloprehenderim. Neque rectius mihi videbar locare posse tempus, quod resurgenti à fatali fere morbo domi fallendum erat, dum languor virium vetabat in publicum prodire. Fastidiosæ certe ægrimonix sensum levabat tristem læta cogitatio, quod hæc humano generi, cui propitia quæque flagrantissime cupio, forte quandoque prodesse. Vale! Lugd. Batav. 17 $\frac{1}{12}$ 27.

FINIS OPUSCULORUM.



P R I V I L E G E D U R O Y.

L OUIS, PAR LA GRACE DE DIEU, ROY DE FRANCE ET DE NAVARRE : A nos amez & feaux Conseillers, les gens tenans nos Cours de Parlement, Maîtres des Requêtes ordinaires de notre Hôtel, Grand Conseil, Prevôt de Paris, Baillifs, Senéchaux, leurs Lieutenans Civils & autres nos Justiciers qu'il appartiendra : Salut. Notre bien amé GUILLAUME CAVELIER, Libraire à Paris, Nous ayant fait remonter qu'il lui auroit été mis en main un Manuscrit qui a pour titre : *Hermanni Boerhaave Opera omnia Medica*, qu'il souhaiteroit faire imprimer & donner au Public, s'il Nous plaisoit lui accorder nos Lettres de Privilege sur ce nécessaires ; offrant pour cet effet de le faire imprimer en bon papier & beaux caractères, suivant la feuille imprimée & attachée pour modele sous le contre-scel des presentes. A CES CAUSES, voulant traiter favorablement ledit Exposant ; Nous lui avons permis & permettons par ces Presentes de faire imprimer ledit Livre ci-dessus spécifié, en un ou plusieurs volumes conjointement ou séparément, & autant de fois que bon lui semblera, sur papier & caractères conformes à ladite feuille imprimée & attachée sous notredit contrescel ; & de le vendre, faire vendre & débiter par tout notre Royaume pendant le temps de six années consecutives, à compter du jour de la date desdites Presentes. Faisons défenses à toutes personnes, de quelque qualité & condition qu'elles soient, d'en introduire d'impression étrangere dans aucun lieu de notre obéissance ; comme aussi à tous Libraires, Imprimeurs, & autres, d'imprimer, vendre, faire vendre, débiter, ni contrefaire ledit Livre en tout ni en partie, ni d'en faire aucuns extraits, sous quelque prétexte que ce soit, d'augmentation, correction, changement de titre ou autrement, sans la permission expresse & par écrit dudit Exposant, ou de ceux qui auront droit de lui, à peine de confiscation des Exemplaires contrefaits, de quinze cens livres d'amende contre chacun des contrevenans, dont un tiers à Nous, un tiers à l'Hôtel Dieu de Paris, l'autre tiers audit Exposant, & de tous dépens, dommages, & intérêts : A la charge que ces presentes seront enregistrées tout au long sur le Registre de la Communauté des Libraires & Imprimeurs de Paris, dans trois mois de la date d'icelles ; que l'impression de ce Livre sera faite dans notre Royaume & non ailleurs ; & que l'Impetrant se conformera en tout aux Reglemens de la Librairie, & notamment à celui du dixième Avril 1725. & qu'avant que de l'exposer en vente, le manuscrit ou imprimé qui aura servi de copie à l'impression dudit Livre, sera remis dans le même état où l'Approbation y aura été donnée, ès mains de notre très-cher & féal Chevalier Garde des Sceaux de France, le Sieur Chauvelin, & qu'il en sera ensuitemis deux Exemplaires dans notre Bibliotheque publique, un dans celle de notre Château du Louvre, & un dans celle de notredit très-cher & féal Chevalier Garde des Sceaux de France, le Sieur Chauvelin ; le tout à peine de nullité des Presentes ; du contenu desquelles vous mandons & enjoignons de faire jouir l'Exposant ou ses ayans cause, pleinement & paisiblement, sans souffrir qu'il leur soit fait aucun trouble ou empêchement. Voulons qu'à la copie desdites Presentes, qui sera imprimée tout au long au commencement ou à la fin dudit Livre, foi soit tenuë pour dûement signifiée, & qu'aux copies collationnées par l'un de nos amez & feaux Conseillers & Secretaires foy soit ajoutée comme à l'Original. Commandons au premier notre Huissier ou Sergent, de faire pour l'exécution d'icelles tous Actes requis & nécessaires, sans demander autre permission, & nonobstant clameur de Haro, Charte Normande & Lettres à ce contraires ; Car tel est notre plaisir. DONNE à Paris le quatrième jour du mois de Février l'an de grace mil sept cent vingt-neuf, & de notre Regne le quatorzième. Par le Roi en son Conseil,

CAR P O T.

Registré sur le Registre VI. de la Chambre Royale des Libraires & Imprimeurs de Paris, N. 309. fol. 260. conformément aux anciens Reglemens, confirmé par celui du 28. Février 1723. A Paris, le 8. Février 1729. Signé, COIGNARD, Syndic.



CATALOGUE DE LIVRES

DE MEDECINE, CHIRURGIE, &c.

Qui se trouvent à Paris , chez C A V E L I E R , Libraire ,
ruë S. Jacques , au Lys d'Or.

A B R E G E' de toute la Médecine Pratique , ou Sentimens des plus habiles Medecins sur la nature des maladies, de leurs causes , & des remedes qui leur conviennent. 5. vol. in-12. sous presse.

Anatomie du Corps de l'Homme en abrégé , ou Description exacte de ses Parties , par Noguez , seconde Edition , augmentée de 20 Planches en tailles-douces , in-12. fig. Paris , 1726.

Boerhaave (Herm.) Aphorismi de cognoscendis & curandis Morbis in usum doctrinæ domesticæ digesti. in-12. Parisiis , 1728.

— Ejusd. de Materie Medica & Remediorum Formulæ , quæ serviunt Aphorismis de cognoscendis & curandis Morbis. in-12. Parisiis , 1720.

— Ejusd. Institutiones Medicæ in usum Annuæ exercitationis domesticos. in-12. Parisiis , 1722.

— Ejusd. Elementa Chemiæ , quæ anniverfario labore docuit in publicis privatique Scholis, Editio altera, aucta Opusculis Auctoris. 2. vol. in-4. fig. Parisiis , 1733.

— Ejusd. Tractatus de viribus Medicamentorum , Editio nova , priori longe auctior. in-12. Paris. 1727.

— Ejusd. de comparando certo in Physicis , Sermo Academicus annô 1715. in-4. Lugd. Bat.

Codex Medicamentarius , seu Pharmacopœa Parisiensis , ex mandato Facultatis Medicinæ Parisiensis in lucem edita. in-4. Parisiis , 1732.

Davach de la Riviere , Miroir des Urines , où l'on voit les differens temperamens & les causes des Maladies d'un chacun. in-12. Paris , 1722.

Deventer , sur les Accouchemens , avec de nouvelles Observations, traduit du Latin en François. in-4. avec fig. sous presse.

Douglas , Nouvelle maniere de faire l'Operation de la Taille ; l'on y a joint

Rouffet & Cheselden , sur l'Operation de la Taille par le haut Appareil , traduit de l'Anglois par Noguez. in-12. fig. Paris , 1724.

Le François , Reflexions Critiques sur la Medecine , où l'on examine ce qu'il y a de vrai ou de faux dans les jugemens qu'on porte au sujet de cet Art. 2. vol. in-12. Paris , 1723.

— Du même , Projet de Reformation de la Medecine. in-12. Paris , 1723.

— Du même , Dissertation contre l'usage de soutenir des Theses en Medecine ; avec un Memoire pour la reformation de la Medecine dans la Ville de Paris. in-12. Paris , 1720.

Freind , Emmenologia , in qua fluxus muliebris menstrui Phænomena , Periodi , Vicia , cum medendi Methodo : accedunt ejusdem Autoris Prælectiones Chymicæ. in-12. Parisiis , 1727.

Garengeot , Traité des Opérations de Chirurgie , fondé sur la Mecanique des Organes de l'homme , & sur la Theorie & la Pratique la plus autorisée. 3. vol. in-12. fig. Paris , 1731.

— Du même , Nouveau Traité des Instrumens de Chirurgie les plus utiles , & de plusieurs nouvelles machines , propres pour les Maladies des Os , seconde Edition , augmentée. 2. vol. in-12. fig. Paris , 1727.

Hecquet , de purganda Medicina à curarum sordibus , ubi detecto Evacuantium furo , Purgationum Fraudes & Imposituræ revelantur , purgandi leges & tempora restituuntur. in-12. Parisiis , 1714.

— Novus Medicinæ Conspectus , ubi ex sanguinis circuitus anomalis Secretionum errata , miscellanea succorum , & humorum adulteria deducuntur. 2. vol. in-12. Parisiis , 1722.

— Hippocratis Aphorismi , ad mentem ipsius , artis usum & corporis mechanis-

- in rationem expositi. gr. lat. 2. vol. in-12. Paris, 1724.*
- Hecquet**, La Médecine Théologique, sortie des mains de Dieu, & regie par ses loix. Ouvrage où s'explique l'Hygiène, par les principes du Mechanisme; l'on y découvre les causes des maladies, & leurs vrais Remedes. On y a joint les Thèses de Medecine de l'Auteur. 2. vol. in-12. Paris, 1733.
- Traité de la Peste, les moyens de s'en preserver & d'en guerir, le danger & l'abus des Barraques & des Infirmeries forcées. in-12. Paris, 1722.
- Observations sur la saignée du pied & sur la Purgation au commencement de la petite Verole, des Fievres malignes, &c. Preuves de decadence dans la Pratique de la Medecine, & raisons de doute contre l'inoculation. in-12. Paris, 1724.
- Lettre en forme de Dissertation pour servir de Reponse aux difficultez sur le Livre de la Saignée. in-12. Paris, 1725.
- Reflexions sur l'usage de l'Opium, des Calmans, & des Narcotiques pour la guerison des Maladies. in-12. Paris, 1726.
- Remarques sur l'Abus des Purgatifs & des Amers, au commencement & à la fin des Maladies, & sur l'utilité de la saignée dans les Maladies des yeux, dans celles des vieillards, des femmes & des enfans. in-12. Paris, 1729.
- De la Digestion, & des maladies de l'Estomac, suivant le systéme de la Trituration. Nouvelle Edition augmentée, avec les Reponses à Mrs. Astruc, Silva, &c. 2. vol. in-12. Paris, 1730.
- La Motte** (Guil. Mauquest) Traité complet de Chirurgie, contenant des Observations & des Reflexions sur toutes les Maladies Chirurgicales, & sur la maniere de les traiter, seconde Edition, revûe, corrigée, & augmentée. 4. vol. in-12. Paris, 1732.
- Morand**, Traité de la Taille au haut appareil, où l'on a rassemblé tout ce qu'on a écrit de plus interessant sur cette opération; avec la Lettre de M. Winflow sur cette matiere. in-12. Paris, 1728.
- Palfin** (Jean) Nouvelle Osteologie ou Description exacte des Os du Corps Humain; accompagnée de Remarques Chirurgicales sur le traitement de leurs Maladies. in-12. fig. Paris, 1731.
- Anatomie du Corps Humain, avec des Remarques utiles aux Chirurgiens dans la pratique de leurs Operations; nouvelle Edition, revûe, corrigée & augmentée, où l'on a joint à la fin les Observations Anatomiques de Ruysch. in-8. 2. vol. sous presse.
- Petit** (J. Louis) Traité des Maladies des Os, avec les Machines & Appareils qui servent à leur guerison; nouvelle Edition, corrigée & augmentée. 2. vol. in-12. sous presse.
- Procope** (Mich.) Analyse du Systéme de la Trituration, tel qu'il est écrit par M. Hecquet, dans son Traité de la Digestion. in-12. Paris, 1727.
- Vertus Medicinales de l'Eau commune**, ou Recueil des meilleurs Pieces qui ont été écrites sur cette matiere; auxquelles on a joint la Dissertation de M. de Mairan sur la Glace, & celle de M. Hoffman sur l'excellence des Remedes domestiques. 2. vol. in-12. Paris, 1730.
- Viridet**, Dissertation sur les Vapeurs qui nous arrivent, in-8. Iverdon, 1726.

Outre les Livres ci-dessus, on trouve chez le même Libraire un grand nombre de Livres sur toutes sortes de sciences, tant imprimés en France, que dans les Pays Etrangers, où il a grand commerce.









